



VII
H
52



Libri Francisci de ...
Ex MS. Bibliothecae Collegij Fuxensis Tolosae.
Capitulum ...
INNOCENTII

TERTII *Veronae*

PONTIFICIS MAXIMI

EPISTOLARVM

LIBRI QVATVOR,

Regestorum XIII. XIV. XV. XVI.

Ex MS. Bibliothecae Collegij Fuxensis Tolosae.

Nunc primum edunt **SODALES** *eiusdem Collegij, & Notis illustrat*

FRANCISCVS BOSQVETVS *Narbonensis IC^{tus}.*

*Cum duplici Indice, priore Epistolarum cum earum argumentis; posteriore
Rerum, & Verborum alphabetico, qui ad calcem
Notarum consultio reiectus est.*




TOLOSAE TECTOSAGVM,

Apud Societatem Tolosanam, M. DC. XXXV.

CVM PRIVILEGIO.

Handwritten text at the top edge, partially obscured and illegible.

Handwritten text





HEROI ARMANDO
DE RICHELIEV,
CARDINALI, DVCI,
PARIQVE FRANCIAE.



MINENTISSIME CARDINALIS. Anteuertit quidem vnus olim ex nobis, hunc Librum satís sui Autoris nomine commendabilé, tue Celsitudini dedicare. Sed anteuertit factó, nō animo : Iamdiu enim hoc omnes destinaueramus, & compuni decreto statueramus, nulli alij offerri iustius posse, tam eximiū Opus Romanorum omnium Pontificum longè pijsissimi ac doctissimi, quàm tibi vni, qui vt ceteris virtutibus, ità doctrinâ & pietate Principum Ecclesiæ Romanæ nemini vnquam cessisti : sed eminētiores quosque adeò superāsti, vt etiam magnæ eorum gloriæ tuâ maiori officere videri posses, nisi vt à Sole minora sydera, sic ipsi à tuo splendore lumen acciperent, in to-

tius purpurati ordinis decus & ornamentum; cuius splendidissimæ purpuræ nouum tua virtus, sicut gemma auro applicita, fulgorem confert. Vt interim taceamus de tua constāti & indefessa solitudine, quā totius Ecclesiæ statum non tueri modò, ac conseruare, sed etiam augere & amplificare pro tua immensa potestate & autoritate, quā apud Regem Christianissimum, bono publico polles vigésque, tam feliciter, quàm prudenter satagis. Fruere diutissimè, **CARDINALIS EMINENTISSIME**, hāc tuā tantā dignitate regiæ simillimā, ac propè æquali, quæ in te quidem immanem negotiorum molem quotidie congerit, cui sufferendæ sola tua præcellens virtus par esse possit, sed quæ tamen toti Christiano orbi fulciendo, Ecclesiæ Gallicanæ præcipuè, tã verè sit necessaria, quàm olim Atlantis humeri, sustinendo cælo fabulosè fuisse perhibentur. Nec verò veremur, ne quis per adulationem, emerendique tui fauoris gratiā hæc à nobis dicta interpretetur: **Tanta siquidem est gloria tuorum meritorū, tanta nominis tui claritas apud omnes, vt maior eius, quàm dici possit, vbique terrarum fama præcesserit, adeò vt in te laudando non iam fidem dicentibus, sed orationem deficere**

neceſſe ſit; nã quidquid dixerint, minus erit.
Ceterũ vt è domo noſtra hoc tam inſigne
Opus exire, & ad te demum feliciter perueni-
re potuerit, poſt tantam temporis diuturnita-
tem, & penè ſepultam ac intermortuam ip-
ſius memoriam, quod publicè dolèdum erat:
id totum acceptum ferimus, Illuſtriſſimi olim
Cardinalis de Fuxo Autoris noſtræ originis,
eximiæ, & nunquam tacendæ liberalitati;
quã vndique conquiſitis ſummâ impenſâ do-
ctiorum hominum libris, ad religionem præ-
cipuè ſpectantibus, Bibliothecam noſtram,
aut potius ſuã, imò nunc Regiam (Nobiliſſi-
mâ Fuxenſium familiã regalem in ſtirpem fe-
lici fato trãſlatã) ornare ſtudiuit, qui libri apud
nos ſolos uſque adhuc diligenter aſſeruati, in-
tegrĩ manent & illibati, cùm alibi aut perierint
in totum, aut magnã ſui parte mutili, corrup-
tiq; temporis iniuriæ ceſſerint. Conueniẽtiſſi-
mum ergo fuit, à tãto olim Cardinali munus
acceptum, tibi nunc eiufdem ordinis viro, me-
ritorum prærogatiuã verè primario, offerri,
conſecrariq;: per quem, ſi tuæ prudentiæ ſi-
mul & humanitati videbitur, ipſi quoque Re-
gi, cuius contubernalis es, & conſiliorum in-
timus comes, inſinuari mereatur, & in aulam
eius induci: vt è qua domo primũ exierit,

ad eam tandem post multa ſecula feliciter re-
uertatur, & quidem ornatius multò, Eminen-
tiæ tuæ fulgore illustratum ex æquo, pro ſui
Autoris merito ac dignitate, quæ tanta eſt,
vt ſperare liceat, eam, ſiquid gratiæ offeren-
tibus deeſt, de ſuo facilè ſuffecturam. Quam-
quam fortäſſe, quæ tua benignitas eſt, nec no-
ſtrum per ſe animum in te colendo veneran-
dòque aſpernaberis: quem tibi dum exponere,
notúmque facere ſtudioſiùs meditamur,
vacuis manibus, vt olim Perſæ ad ſuos Re-
ges, accedere erubuimus. Placuit ergo hoc
potiſſimum ſummæ dignationis munus eli-
gere, quod ſi tibi gratum, acceptúmque fuerit,
vt meretur, culpam audaciæ, ſi quæ eſt in te
adeundo, iplius pretio videbimur redemiſſe.
Vale, EMINENTISSIME MORTALIVM,
nòſque tibi addictiſſimos ac deuotiſſimos æ-
ternò fauore proſequere,

SODALES COLLEGII FVXENSIS,

IOA. DE LOGRAS. Re-	LYD. PATHE'S.	BERN. DELHOM.
QOZEM, Cantabrigiæ.	CAR. DE LOBIT.	SIM. BRUXELLES.
ARN. BOVRDIVS.	IAC. PEGOT.	BERN. ROSSEL.
GERAL. FLYRTALS.	IOA. IAC. DVHAY.	CYEL. MAYRAN.
P. DAMANS.	FRANC. PEREZ.	ANT. LYCAL.
ARN. GIBAL.	CAR. DE PINSYN.	ANT. TEYSSIER.
ELI. DESRRVET.	ANT. ARGELES.	PASC. DE LOYART.
IOA. RAIM. TAILLASSON.	IOA. DE BROſſE.	P. LAMIG.
GVIL. DVLAYR.	IAC. BVIQVET.	

A P P R O B A T I O .



ATHOLICAR vbiq̃ue Clarissimi Viri FRANCISCI BOSQUETI Narbonensis Iuriconsulti Notæ, in Libros quatuor Epistolarum, Regestorum XIII. XIV. XV. XVI. Innocentij III. Pontificis verè Maximi, celeberrimæ Academiæ Parisiensis germani olim alumni, adeoque absolutissima, non modo sacrorum Canonum, quin etiam diuinæ Theologiæ cognitione eminentissimi, tantam obscurioribus eorundem Epistolarum locis lucem asserunt, vt meritiò illas approbaret Innocentius ipse, & illarum Auctori gratias haud dubiè referret, si mortalem in terris vitam ageret. Communis itaque totius Orbis Christiani boni interest, iuberi quàm primum, vt in publicum prodeant illæ Notæ, vnâ cum reconditis huc vsque eiusdem Innocentij oraculis, quæ in dictis quatuor Libris Epistolarum continentur, in quibus vt primæ ac supremæ Ecclesiæ Antistitem, imò vniuersalem pastorem, ac legitimum Diui Petri Apostolorum principis successorem, ita controuersiarum de rebus fidei & morum infallibilem Iudicem fideles omnes agnoscent. Sic censuimus post accuratum supradictarum Notarum examen, & in huius rei fidem subscripsimus, quinto Idus Martij, Anno Domini millesimo sexcentesimo trigésimo quinto.

GABRIEL DE PRELISIER Regius facultatis Theologiæ
Tolosanæ Professor, & Decanus.

FR. P. DE CAPDEVILLE Regius Professor,
Ord. B. M. de Mercede.

P E R M I S S I O .



Vm Theologia Professores, qui Libros quatuor Epistolarum Innocentij III. Pontificis Maximi cum Notis Francisci Bosqueti Iuriconsulti legerunt, eos utiles fore censuerint, si publici iuris fiant, vt edantur facultatem concedimus. Tolosa in Palatio nostro Archiepiscopali, prid. Id. Martij, anno Domini millesimo sexcentesimo trigésimo quinto.

CAROLVS Archiepiscopus Tolosanus.

De mandato Illustrissimi, & Reuerendissimi
Domini Archiepiscopi,

DVPONT Secretarius.

PRIVILEGE DV ROY.



LOVIS PAR LA GRACE DE DIEV ROY DE FRANCE ET DE NAVARRE. A nos amez & feux Conſeillers les gentshommes nos Cours de Parlement, Prevoſt de Paris, Bailly de Rouen, ſeſmeſchaux de Lyon, Tolouſe, Bordeaux, & Poitlou, & leurs Lieutenans, & a tous nos autres Juſticiers & Officiers qu'il apparciendra. Salut. A n. v. C o i o m i xz noſtre Imprimeur en noſtre Ville & Vniverſité de Tolouſe. Nous a ſauſt remonſtrer qu'il a tecouuré la copie d'un liure inſtitué, *Inſtitut III. Principis Maximi Epithelorum, Libri quatuor, cum Notis Francis Beſqueti Narbonenſis Juſticiarii.* Lequel Liure il deſireroit volomiers imprimer & mettre en lumiere; mais d'autant qu'il luy couſte à de grands fraiz, & conſidera encores, tant pour la copie, que pour l'impreſſion dudit liure. Il doute & craint apres l'auoir expoſé & mis en uenue, que autres Imprimeurs & Libraires de Paris, Lyon, Rouen, ou autres villes de ceſtuy noſtre Royaume, le vouluſſent ſemblablement imprimer, ou ſuſcitalient ſecretement les Imprimeurs de Geneue ou autres eſtrangers à ce faire, & par ce moyen fruſtrier ledit expoſant de ſes fraiz & miſes, & rendre ſes peines, diligence & travail inutiles, & luy faire receuoir perte & domage. Pour aqouy remedier, Nous a tres-humblement requis luy permettre faire imprimer ledit Liure, & interdire à tous Libraires & Imprimeurs d'imprimer ou faire imprimer tant dehors que dedans ceſtuy noſtre Royaume. ny ſuſciter ſemblablement aucuns Eſtrangers à ce faire. N o v s à ces cauſes ne voulant permettre que ledit Suppliant ſoit fruſtre de ſes fraiz, peines & travail. V o v s mandons & enjoignons par ces preſentes, que vous ayez à permettre, comme nous permettrons audit Colomiez, qu'il puiſſe luy ſeul imprimer, ou faire imprimer, vendre & diſtribuer ledit Liure: Faſſant tres-expreſſes inhibitions & deſſenſes à tous Imprimeurs, Libraires, & autres perſonnes de quelque eſtat & condition qu'ils ſoyent, de l'imprimer, vendre ny debiter, contreſaure ny alterer, ſoit par extraits ou abrégé, ſans le conſent & expreſs conſentement dudit Colomiez, durant le temps & terme de neuf ans, à compter de jour que ladite Impreſſion ſera acheuée d'imprimer, ſur peine de cinq cens eſcus d'amende, de laquelle moitié nous appartendra, & l'autre moitié audit Suppliant, & ſur peine au ſi de conſiſcation au profit dudit Suppliant des exemplaires qui ſeront ſans ou imprimer par autres, & ſans le conſentement dudit Colomiez: & meſmes ſi aucuns Imprimeurs ou Libraires de noſtre Royaume ou Eſtrangers traſquant en iceuluy, ou aultre perſonne de quelque eſtat qu'il ſoit, eſt trouué faiſt d'aucun exemplaire dudit Liure autre que de ceux qui ſeront imprimez par ledit expoſant: Voulons & nous plaiſt qu'il ſoit procédé contre luy particulièrement, & qu'il ſoit condamné en pareille amende que s'il l'auoit imprimé ou fait imprimer. De ce faire Vous donnons pouuoir, autorité, commiſſion & mandement ſpecial, & de procéder al'encontre de ceux qui contreuendront par routes voyes deus & accouſtumes, & par les peines ſuſdites, nonobſtant oppoſitions & appellations quelconques: pour leſquelles & ſans preiudice d'iceux ne voulons eſtre diſſeré: à la charge que ledit Colomiez mettra deux Exemplaires dudit Liure en noſtre Bibliothèque, & vn Exemplaire pour Monsieur le Garde des Sceaux, apres l'acheuement de l'impreſſion, ſur peine d'eſtre decheu dudit Priuilege. Et pour ce que de ces preſentes Lettres expoſant pourroit auoir aſſiſſe en diuers endroits: Nous voulons qu'au vidimus d'icelles, ſuſſent ſeulement ſeulement, ou par l'un de nos amez & feux Conſeillers, Notaires & ſecrétaires, ſoy loit adjoinct comme au preſent original. Et ſi voulons & mandons, que mettant par breſle le contenu du preſent Priuilege au commencement, ou à la fin de chacun deſdits Liures, que cela ait forme de ſignification, tout ainſi que ſi l'original eſtoit particulièrement ſigné à chacun, & que cela ſoit de tel eſſect & vertu, comme ſi leſdites lettres leur auoient expreſſement & particulièrement eſté monſtrées & ſignifiées: Car tel eſt noſtre plaiſir. Donné à Paris le vintg-cinquième iour de Novembre l'an de grace mil ſix cens trente quatre, & de noſtre regne le vintg-cinquième, & ſeſſé du grand ſecl de cire jaune.

Et ſigné.

PAR LE ROY EN SON CONSEIL,

VICTON.

Acheué d'imprimer pour la premiere fois le dernier iour de Mars, mil ſix cens trente cinq.

Ledit Arnaud Colomiez a cédé la moitié dudit priuilege cy deſſus à Pierre Beſe Libraire luré de ladite ville de Tolouſe, pour en iouyr durant ledit temps. Faict à Tolouſe le 20. Mars 1635.

INDEX



INNOCENTII III.
PONTIFICIS MAXIMI
EPISTOLARVM.
LIBRI QVATVOR.

LIBER PRIMVS REGESTI XIII.

Anni Pontificatus XIII.

EPISTOLA PRIMA.

*Scribitur Episcopo Silvanectensi, & quibusdam alijs, ut amotionem
Abbatis Monasterij Corbiensis, & prouisionem factam de alio
Abbate ad dictum Monasterium faciant obseruari.*

SILVANECTENSI EPISCOPO, ET... ABBATI LATINIACENSI PARISIENSIS
DIOECESIS, ET... DECANO SILVANECTENSI.



Ad petitionem Vvalteri quondam Monasterij
Corbeiensis Abbatis, dilecto filio ... Magistro
Scholarum, & Magistris R. de Cotzon, P. Canonici
Nouiomenfis, eiusdem loci à nobis dudum
correctione commissa. Ipsi bis ad idem Monasterium
accedentes, quibusdam correctis ibidem,
nonnulla quæ statuenda fuerant statuerunt, in-
quisitionis instantiam quorundam impediende
malitia retardando. Ad quorum contumaciam
teprimendam, seculare intendebant brachium
inuocare. Verum dilectus filius noster G. Sanctæ Mariæ in Porticu Diaconus
Cardinalis tunc Apostolicæ Sedis Legatus, interim ad idem veniens Monasterium,
supradicto Vualtero præsentem nec reclamantem, super statu Monasterij me-
morati cepit inquirere diligenter, & cum inquisitione finita prædictum Vv.
Parisiensem euocasset propositurum contra inquisitionem eandem, si quid rationa-
biliter duceret proponendum. Idem Vv. præsentiam eius adiens allegauit;
quod in Monasterij correctione procedere non valebat, quæ prædictis iudi-

cibus prius fuerat auctoritate nostra commissa, & Cardinalem ipsum ex iustis causis se asserens habere suspectum, vocem ad nos appellationis emisit. Porro Cardinalis inspectis his quæ probata fuerant contra eum, de consilio peritorum ipsum amouit à regimine Abbatiz, dando fratribus eiusdem loci liberam facultatem alium eligendi. Qui dilectum filium Ioannem Abbatē Corbeiensem, tunc Priorem de Argentolio, virum prouidum, & honestum, elegerunt concorditer in Abbatem. Cùm autem dictus Vv. postmodum ad sedem Apostolicam accessisset, asserens se per Cardinalem ipsum quorundam falsis suggestionibus circumuentum, ab Abbatia sine rationabili causa remotum. Nos eiusdem cœnobij tranquillitati paterna sollicitudine providere volentes, venerabilibus fratribus nostris Archiepiscopo Remensi, & .. Attrebatensi Episcopo dedimus in mandatis. Vt ad compositionem inter eundem Vv. & substitutum ei, darent studium & operam efficacem. Alioquin tam per iam dictum Legatum, quàm per alios inquirerent diligentius veritatem, & eam nobis vsque ad Festum S. Remigij proximò tunc venturum, fideliter intimarent: vt per eorum relationem certiores effecti, procederemus in eodem negotio prout procedendum vtilius videremus. Qui cùm super reformatione pacis proficere nequiuissent, sicut ex litteris eorum accepimus, processerunt ad inquirendum super præmissis omnibus veritatem, testibus ab vtraque parte receptis; & ea quæ tam per se, quàm per Cardinalis inquisitionem inuenerant, nobis sub sigillis proprijs transmisserunt. Nuper autem prefatis, Vv. atque .I. in nostra propter hoc præsentia constitutis; idem Vv. quod à Legato, post appellationem ad nos interpositam, factum fuerat, petijt reuocari: allegans quòd cùm correctio Monasterij fuerit iudicibus memoratis iniuncta, & ipsi quibusdam correctis, & nonnullis statutis, ibidem, aliorum correctionem ex causa duxerint rationabili differendam, Cardinalis interim de iure non potuit procedere ad eandem, cùm generale mandatum non derogeret speciali. Ad quod fuit ex aduerso responsum quòd cùm Vv. præsentem nec reclamante, ad inquisitionem processerit Cardinalis, idem, Vv. videtur in hoc tacite consensisse, vt inquisitione facta corrigeret Cardin. quæ corrigenda videret. Contra quod idem Vv. taliter proponebat; quòd licet statim vt cœpit inquirere Cardinalis, non duxerit reclamandum, credens eum nolle procedere contra ipsum, sed absque sui grauamine aliquid in ecclesia vtiliter ordinare; postquàm tamen euocatus ab ipso, cognouit quòd aduersus eum procedere intendebat, eius declinauit examen ad nostram audientiam appellando. Proposuit insuper pars aduersa: quòd cùm prædicti iudices omisissent in Monasterij correctione procedere, ac periculum traheret ad se mora. Cardinalis ipse, ad quem expectabat ex iniuncto sibi legationis officio cura eius, ad reformationem ipsius loci interponere potuit partes suas. Cùm enim secundum iuris ciuilibus auctoritatem, in illis etiam casibus in quibus solemnis ordo iudiciarius obseruatur, in criminali causa vltra biennium à contestatione litis non sit eius instantia protrahenda: & nos quoque consulti, quandiu delegatus à nobis qui sententiam tulerat, iurisdictionem suam interponere valeat vt sententiæ pareatur, respondisse noscamur; quòd vsque ad annum integrum iurisdictionem sibi commissam ad exequendum sententiam valeat exercere. Dictis iudicibus differrentibus in correctione procedere, cùm iam decem & septem essent menses

elapsi, ex quo noscuntur mandatum Apostolicum recepisse, ac de criminibus licet non criminaliter ageretur, correctioni non immerito Cardin. insistere potuit memoratæ. Sed ad hoc altera pars respondit: quod hoc colore excusationis haberet, si prædicti iudices à Legato commoniti ad correctionem procedere neglexissent. In quo casu eorum fortè defectus per diligentiam potuisset Legati suppleri: sicut de Metropolitano in canonibus legitur, quod tunc demum ea potest facere quæ ad suffraganeos pertinent, cum illa suffraganei negligunt adimplere. His igitur & alijs quæ utraque pars proponere curauit auditis, & inquisitione utraque, Cardinalis videlicet, & Archiepiscopi, & Episcopi prædictorum diligenter inspecta, intelleximus ex depositionibus iuratorum: quod cum tempore promotionis ipsius Vv. octo millium librarum debitum Monasterium grauaretur, & non multo tempore post, idem debitum vsque ad duo millia librarum fuerit diminutum, nunc tamen vsque ad sex millium librarum summam excreuit: cum sicut prius contigerat de prouentibus Monasterij debitum potius diminui debuerit quam augeri, nisi rectoris incuria obstitisset. Et quamuis ad excusationem suam proposuerit idem Vv. quod propter expensas factas in causa quam contra Cluniacense Monasterium habuit, in qua quendam Prioratum euicir, idem fuerat debitum augmentatum: fuit tamen ei ex aduerso responsum, quod propter expensas illas debitum interim augmentari non debuit, cum propter hoc possessiones quasdam eiusdem obligauerit Prioratus, maximè cum in eiusdem persecutione negotij vix expensæ fuerint mille libræ. Adiecit etiam dictus Vv. quod occasione cuiusdam domus quam in villa Corbeix de nouo construxerat, debitum prædictum excreuit. Ad quod pars aduersa respondit: quod ex prouentibus Monasterij, expensas huiusmodi facere potuit, absque onere debitorum; præsertim cum propter hoc non modicum auxilium à Burgensibus fuerit eidem impensum. Præterea cum ex confessione ipsius, constiterit quod in Capitulo præstiterat iuramentum, ne debitum de nouo contraheret: ac postea contraxerit debitum, contra iuramentum proprium veniendo, sicut testes deponunt, argui de periurio videbatur. Ad quod idem Vv. hoc modo respondit: quod etsi primò huiusmodi præstiterit iuramentum, postea tamen quoddam factum fuit in Capitulo constitutum, per quod iuramentum ipsum extitit relaxatum. Sed contra hoc pars altera replicauit, quia cum non constiterit quod per tale statutum reuocatum fuerit iuramentum, & apparet eundem, Vv. non solummodo iuramentum de debito non contrahendo præstasse, sed venisse postea contra illud: manifestè liquebat, ipsum reatum periurij incurrisse. Sed & ipsius insufficiencia & negligencia dissoluta, videbantur manifestè probari. Et quamquam aliqui testium eum quantum in se dixerunt esse bonum, nulli tamen deposuerunt expresse quod utilis esset eius prouiso Monasterio sapedito. Cum ergo nobis de talibus fuerit sufficiens in tali negotio facta fides, propter quæ præfatus Vv. erat meritò amouendus, etsi restituendus foret propter iudicarium ordinem non seruatum, ob causas tamen prædictas ipsum prouidimus manere priuatum regimine Abbatis. Ioannem nihilominus prædictum, quem pro eo quod præfatus Vv. propter iuris ordinem non seruatum quodammodo inordinate remoto, intelleximus ob eandem causam per consequentiam minus legitime substitutum, per sententiam amouentes: quem quia

non propter personæ vitium, vel defectum, sed propter iuris solemnitatem, sicut præmissum est, prætermisam amouimus, ipsum postmodum restituimus in abbatem; & memorato, Vv. in loco qui dicitur Guidoc cum pertinentijs suis in imperio constitutis, iussimus prouideri. Ita videlicet, quòd ibi cum vno Corbeienfi monacho commoretur, & censum quinque marcarum ad pondus Coloniense, in festo Purificationis beate Virginis, Abbati & successoribus suis annuatim persoluat, & personatibus ac Ecclesijs eiusdem baliuæ iam dicti Abbatis, & successorum suorum donationi libere reservatis, eisdem fidelitates, & homagia liberorum hominum eorumdem locorum debeant exhiberi. Ac in iuramento fidelitatis quod eisdem fuerit præstatum exprimeretur, quod iidem homines supradictum Vv. super suæ prouisionis prouentibus nullatenus damnificare præsumant; ita videlicet quod & ipse Vv. supra indemnitate prædictæ baliuæ ne ipsam dilapidet corporale præbeat iuramentum. Siquid autem post sententiam nostram super vtriusque amotione prolata, circa electionem Abbatis quam in prolacione ipsius sententiæ nostræ duximus prouidentie reservandam, à Corbeiensibus Monachis vel quolibet alio in eiusdem Abbatis præiudicium fuerit attentatum, id decernimus non valere. Quocirca discretioni vestræ per Apostolica scripta mandamus: quatenus quod à nobis est pro ipsius Monasterij utilitate prouisum faciatis appellatione remota inuiolabiliter obseruari: corrigentes circa Priorem & Monachos, & Prioratus Monasterij memorati cum consilio Abbatis ipsius, quæ secundum Deum & B. Benedicti regulam fuerint corrigenda, & statuantes ibidem quod regulare fuerit, & honestum. Contradiçtores siqui fuerint vel rebelles per censuram Ecclesiasticam appellatione postposita compescendo. Quod si non omnes, &c. duo vestrum ea nihilominus exequantur. Datum Lateran. vij. Kal. Martij Pontificatus nostri, anno tertio decimo.

EPISTOLA II.

Abbati Monasterij Latiniacensis, & quibusdam alijs quòd prouideant circa lesionem Monasterij Corbien.

SANCTI PETRI LATINIACENSIS, ET CAROLI LOCI ABBATIBVS PARISIENSIS ET SILVANECTEN. DIOCESVM, ET DECANO SILVANECTEN.



VM sicut dilectus filius ... Abbas Corbeien. nostris auribus intima-
uit, Monasterium sibi commissum in spiritualibus, & temporalibus non modicam incurrerit lesionem. Discretioni vestræ per Apostolica scripta mandamus: quatinus ad ipsum personaliter accedentes, ad leuamen ipsius Monasterij ac Prioratum, eius Monachos quos & quò transfere-
ndos videritis, potestate seculari ad hoc si opus fuerit inuocata, donec Monasterium respirare valeat inter angustias imminentes, in alijs Monasterijs ordinis consimilis collocetis. Duos aut tres Religiosos Monachos, quos de alienis Monasterijs duxeritis euocandos, ad reformationem ordinis inducentes ibidem, & Abbatis nihilominus, ad quorum Ecclesias ipsos duxeritis transmittendos, ad receptionem eorum, si necesse fuerit censura Canonica sublato appellationis obstaculo compellentes. Quod si non omnes, &c. duo vestrum, &c.
Datum Lateran. quinto Kalend. Martij. Anno xiiij.

EPISTOLA III.

Episcopo Silvanectensi, & alijs quod reuocent in statum debitum alienata seu attentata contra Mon. Corb. ex quo Abbas iter arripuit ad sedem Apostolicam.

EPISCOPO; ET DECANO ... ET R. DE SANCTO MEDARDO
CANONICO SILVANECTEN.

CVM dilectus filius ... Abbas Corbeien ad nostram presentiam, vt Ecclesie sue procuraret negotia duxerit accedendum. Pati aliquatenus non debemus, vt siquid postquam iter arripuit ad nostram presentiam veniendi, à quoquam est in ipsius Ecclesie grauamen & sui praiudiciu artemptatum obtineat firmitate. Ideoque discretioni vestre per Apostolica scripta mandamus; quatenus, siquid postquam idem Abbas iter ad nos veniendi arripuit, attentatum inueneritis in sui praiudiciu, & Corbeien Ecclesie detrimentu, illud in irritu sublato appellacionis obstaculo reuocetis; contradictores per censuram Ecclesiasticam appellacione postposita compescentes. Quod si non omnes, &c. Tu frater Episcope cum eorum altero ea, &c. Datum Lateran. vij. Kal. Martij Pontificatus nostri. Anno retriodecimo.

EPISTOLA IV.

Mandatur quod circa curam & regimen Monasterij sibi commissi sit sollicitus & attentus.

R. ABBATI S. MARTINI LAVDVNEN. PRÆMONSTRATENSIS ORDINIS

INTELLEXIMVS, quod cum antequam esses assumptus ad regimen Abbatie, in Monasterio tuo fueris laudabiliter conuersatus, ad Monasterium S. Vincentij Laudunen. nigri ordinis accessisti. Vbi cum aliquandiu in ipsius habitu permanisses, demum ad cor reuersus de Metropolitani & aliorum Religiosorum consilio, ad primam domum curauisti redire. In qua tandem in regularis obseruantie disciplina taliter Deo & hominibus placuisti, quod pro tuorum exigentia meritorum, fratres tui te sibi prefecerunt vnanimiter in Pastorem. Quia igitur in suscepto regimine laudabiliter diceris profecisse, ne occasione moræ quam in prædicto Monasterio protraxisti, quasi de ipsa teneram conscientiam retinendo, in susceptæ administrationis executione tepescas. Attendentes quod in Canone cautum est, ne quis Canonicus regularis, nisi quod absit publicè lapsus fuerit, efficiatur Monachus, & si factus fuerit ad ordinem Canonicum reuertatur, vltimus in choro manendo, cucullam in memoriam delaturus. Discretionem tuam monemus attentius & hortamur, per Apostolica tibi scripta mandantes. Quatinus circa curam gregis tibi commissi, sollicitudinem gerere studeas indefessam, & raliter sequentia bona continuare prioribus, quod dignum exinde possis à Deo meritu expectare. Datum Lateran. vij. Kal. Marrij. Pontificatus nostri. Anno tertriodecimo.

*Confirmantur Primatus Ecclesia Toletana, & cetera privilegia
à Pontificibus ei concessa.*

RODERICO TOLETANO ARCHIEPISCOPO HISPANIARVM PRIMATI, EIVSQVE
SVCCESSORIBVS CANONICE SVBSTITVENDIS IN PERPETVVM.

SACROSANCTA Romana Ecclesia, in B. Petro Apostolorum principe ab ipso Salvatore omniũ Domino Iesu Christo, caput est Ecclesiarũ omnium constituta: vnde membra non decet à capite dissidere, sed eminenti rationi & supernæ prouisioni capitis obedire. Moderatrix autem discretio capitis, singulorum membrorum officiosas actiones considerans, vniculque ius & ordinem à natura constitutum conseruat, & quibuscumque nobilibus venustatis tũ dignitatem sine inuidia sociali caritate custodit. Hac igitur ratione prudenter inducti. Iura nobilis & famosæ Toletan. Ecclesiæ Apostolicæ Sedis propriæ ac specialis filix conseruare volentes; tuis venerabilis Frater Roderice, quem vera in Christo charitate diligimus, rationabilibus postulationibus paternæ pietatis affectu duximus annuendum. Ideoque per præsentem priuilegij paginam, ad exemplar sæclis recordationis, Vrbani, Gelasij, Calixti, Honorij, Eugenij, Adriani, Alexandri primi, Alexandri secundi, Alexandri tertij, Vrbani, & Cælestini prædecessorum nostrorum, Primatus dignitatem per Hispaniarum Regna, tibi & Ecclesiæ Toletanæ auctoritate Apostolica confirmamus. Teque Primatem Præfules Hispaniarum respicient, & ad te referent siquid inter eos dignum exortu fuerit questione. Salua tamen in omnibus Apostolicæ Sedis auctoritate. Verum personam tuam in manu nostra propensiori gratia retinentes, censemus, vt solius Romani Pontificis iudicio eius causa si qua fuerit decidatur. Sanè Toletanam Ecclesiam præsentis priuilegij stabilitate munimus. Complutensem Parrochiam & Concham ei tanquam Metropoli subditas esse decernimus, cum terminis suis; Necnon & Ecclesias omnes quas iure proprio ab antiquo possedisse cognoscitur confirmantes. Episcopales præterea sedes quas in præsentiarum iustè & Canonicè possides. Scilicet Palentiam, Segobiam, Oxoniam, Seguntiam. Reliquas verò quæ ab antiquis ei temporibus subiacebant, cum Dominus omnipotens Christianorum restituerit potestati suæ dignatione misericordix, ad caput proprium referendas decreti huius auctoritate sancimus. Porro illarum Dioecesis ciuitatum quæ Sarracenis inuadentibus Metropolitanos proprios auiserunt, eo tenore vestræ subijcimus ditioni, vt quandiu sine proprijs Metropolitanis extiterint, tibi vt proprio debeant subiacere. Ita quidem, vt in sedibus Episcopalibus liberam auctoritate nostra habeas potestatem Episcopos, in Castellis vero, & villis Presbiteros instituere: & prout tibi Dominus administrauerit ordinare, tam in his Episcopatibus qui de antiquis Ecclesiæ tux terminis esse noscuntur, quàm in illis qui proprium non habuerint Metropolitanum. Si quæ autem Metropoles in statum fuerint proprium restitutz, suo quæque Dioecesis Metropolitanò restituatur, vt sub proprij regimine pastoris super diuini collatione beneficij gloriatur. Præ-

terea quascumque possessiones, quæcumque bona; prædicta Ecclesia Toletana impræsentiarum iuste & Canonice possidet, aut in futurum concessione Pontificum, largitione Regum, vel Principum, oblatione fidelium, seu alijs iustis modis præstante Domino poterit adipisci, firma tibi iisque successoribus & illibata permaneant. In quibus hæc proprijs duximus exprimenda vocabulis. Ecclesiam Sanctorum Iusti & Pastoris. Abbatiam Sanctæ Leocadiæ. Ecclesiam Sanctæ Mariæ de Tocha. Ecclesiam Sanctæ Mariæ de Batres. Ecclesiam Sancti Vincentij de monte. Ecclesiam Sanctæ Mariæ de Valle Ecclesiarum. Ecclesiam Sanctæ Mariæ de Valadelmech. Ecclesiam de Calatraua. Castrum quoque Alcala. Castrum de Brioga. Castrum de Canales. Castrum Alfamin cum pertinentijs eorum. Domum Reginæ in Toletum cum hæreditate sibi pertinente. Domum Sanctæ sororis illustris memoriæ Regis Aldefonsi cum hereditate patris sui Raymundi Comitis, quam ipsa consensu fratris sui Ecclesiæ tuæ donauit, & scripto confirmauit. Castrum quoque Bencarentiæ, & Aldeam, quæ vocatur Azucuch cum pertinentijs suis, & Aleobrogam. Decimas quoque omnium regalium reddituum de Sancta Eulalia, de Maqueda, de Ascalona. Statuimus etiam ut vniuersi Parrochiæ tuæ fines qui iam Deo auctore à Christicolis habitantur, vel qui in futurum à Sartacenorum potestate auxiliante Domino eripientur, omnino integri tam tibi, quàm tuis successoribus in perpetuum conferentur. Nomina vero oppidorum quæ in tua Diocesi à Dei fidelibus incoluntur, in præfenti pagina duximus annotanda. Talauera Alfamin, Makeda, Sancta Eulalia, Hulmus, Canales, Maieritum, Alcola, Vvadalaiara, Fita, Pennafora, Belegna, Vzeda, Talamanca, Butracum, Calatalifa, Ascalona, Zurita, Calatraua, Almoguera, & Alcolea. Decernimus ergo, ut nulli omnino hominum liceat præfatam Ecclesiam temerè perturbare, aut eius possessiones auferre, ablatas retinere, minuere, seu quibuscumque vexationibus fatigare; sed omnia integra conferentur, eorum pro quorum gubernatione ac sustentatione concessa sunt vsibus omnimodis profutura: salua sedis apostolicæ auctoritate. Si quæ igitur in futurum Ecclesiastica secularisue persona, hanc nostræ constitutionis paginam sciens, contra eam temerè venire tempeauerit, secundò, tertioque commonita, nisi reatum suum digna satisfactione correxerit, potestatis honorisque sui careat dignitate, reamque se diuino iudicio existere de perpetrata iniquitate cognoscat, & à sacratissimo corpore, ac sanguine Dei, & Domini Redemptoris nostri Iesu Christi aliena fiat, atque in extremo examine districtæ subiaceat ultioni. Cunctis autem eidem loco sua iura seruantibus; sit pax Domini nostri Iesu Christi; Quatenus & hic fructum bonæ actionis percipiant, & apud districtum iudicem præmia æternæ pacis inueniant. Amen. Datum Lateran. per manum Ioannis Sanctæ Mariæ in Cosmidin Diaconi Card. Sanctæ Romanæ Ecclesiæ Cancellarij iij. nonas Martij. Indictione xlij. Incarnationis Dominicæ. Anno millesimo ducentesimo viij. Pontificatus verò Domini Innocentij Papæ tertij. Anno xij.

EPISTOLA VI.

Mandatur quod si Civitas Corinthien. redierit ad unitatem Ecclesie recipiatur iuramentum ab Archiepiscopo si fuerit, vel alius substituiatur.

ARCHIEPISCOPO ATHENIEN. ET THERMOPILEN .. ET
SIDONIEN. EPISCOPIS.

QUAM & alias oves quas habet Dominus, nos oporteat in ovili nobis commisso suis ouibus aggregare; de cura Corinthiorum sollicitudinem decet nos gerere pastorem. Ut cum eorum civitas ad dominium Latinorum credatur in proximo perventura, vel iam forsitan pervenisse; oves Domini quæ sunt ibi post greges sodalium non vagentur, sed ad unum redeuntes pastorem, & cognoscant eum secundum Evangelicam veritatem, & cognoscantur ab ipso. Quocirca fraternitati vestræ per Apostolica scripta præcipientes mandamus: quatenus, si civitatem ipsam, velut ex relatis rumoribus spem concepimus, dilecto filio nobili viro G. Romanæ Senescalco reddere se contingat; aut iam reddidit semetipsam, & aliquis Archiepiscopus est in ea, prudenter & efficaciter inducat eundem, ut ad obedientiam & reuerentiam Apostolicæ sedis, ac nostram, humiliter conuertatur; iuramentum exhibens super hoc quod exhiberi a talibus consuevit. Qui si forsitan id perficere recusaverit, vos eo ab administratione pontificali prorsus amoto; cum pro rei novitate non possit ex more aliarum Ecclesiarum ad visitatum electionis modum procedi; dilectum filium H. Decanum Cathalaunensem, virum utique vita, fama, & scientia commendabilem, Ecclesiæ civitatis eiusdem auctoritate nostra sublato cuiuslibet contradictionis & appellationis obstaculo, in Archiepiscopum assignetis. Id ipsum facturi, si forsitan, ut accepimus, eandem Ecclesiam inueneritis defuncto Archiepiscopo destitutam, monendo clericos siqui fuerint, ut ei reuerentiam & obedientiam debitam ac deuotam impendant. Alioquin eidem Decano potestatem auctoritate Apostolica conferatis, amotis illis instituendi tales in locis ipsorum, qui sibi studeant sicut membra capiti per deuotam obedientiam coherere. Contradiçtores siqui fuerint vel rebelles per censuram Ecclesiasticam appellatione postposita compescendo. Quod si non omnes, &c. Duo vestrum ea, &c. Datum Lateran. iij. nonas Martij, Pontificatus nostri. Anno tertiodecimo.

EPISTOLA VII.

Statuit Ecclesias Parrochiales Monasterij Roton. non esse exemptas licet ipsum Mon. sit in Capite liberum.

EPISCOPO VENETEN.

CUM monisses olim aduersus Rotonense Monasterium quæstionem, asserens Monasterium ipsum ac Parrochiales Ecclesias eius ad te de communi iure spectare, ut pote in tua Diocesi constituta, in eisdem iura tibi Episcopalia

vendicando. Et ex parte Monasterij diceretur, idem Monasterium cum Parrochialibus Ecclesijs suis Romanorum Pontificum priuilegijs, ab antiquo libertate donatum. Super eadem causa frequenter fuerunt litteræ Apostolicæ impetratæ. Denique autem vtrique pars in venerabiles fratres nostros ... Nanneten. & ... Briocen. Episcopos, sub certa pœna & iuramento interposito compromisit, qui rationibus vtriusque partis auditis, & Monasterij priuilegijs diligenter inspectis, de Consilio peritorum illud in Capite liberum sententialiter decreuerunt. Verum quia Ecclesiæ Parrochiales ipsius exemptæ nullatenus probabantur, pronuntiauerunt easdem ad iurisdictionem tuam sicut alias tuæ Diocesis Ecclesias pertinere nihilominus statuentes, vt quatuor procuraciones dumtaxat, tibi à sex Ecclesijs Monasterij prestarentur; quarum vnā perciperes in Parrochiali Ecclesia de Ronon; aliam in Ecclesia de Sancto Godalo; aliam in Ecclesia de Bani; ac aliam in Ecclesia de Langon. Ita videlicet, quod Abbas & Priores Ecclesiarum ipsarum, tres partes, & Capellani quartam partem in procuracionibus ipsis ponant, & à duabus Ecclesijs scilicet de Prim. & Sancti Petri de Ronon, quatuor solidos pro singulis procuracionibus ad subleuationem suam recipiant Capellani. Porro cum Monasterium ipsum super iniquitate arbitrij, ad audientiam dilecti filij nostri G. Sanctæ Mariæ in porticu Diaconi Cardinalis tunc Apostolicæ sedis Legati derulisset postea questionem, asserens illud in Romanæ Ecclesiæ præiudicium, ad quam dictum Monasterium nullo medio pertinet, iniquè prolatum. Dictus Cardinalis illud vtrique parte præsentem cassauit, fratribus Monasterij memorati præcipiens, vt iureiurando super obseruatione ipsius hinc inde præstito non obstant, illud nullatenus obseruarent. Cum autem propter hoc, nuper dilectus filius Magister Rollandus tuus, & P. Monachus prædicti Monasterij procuratores, ad sedem Apostolicam accessissent, & super præmissis litigassent aliquandiu coram nobis, demum in priuilegio Monasterij nobis exhibito perspeximus contineri, Monasterium sæpessatum quod Beati Petri iuris existit sedis Apostolicæ priuilegio communitum; in quo subsequenter adiungitur, vt in Parrochialibus Ecclesijs Monasterij, liceat Abbati, & Monachis eiusdem loci, cum eas vacare contigerit, idoneos eligere Sacerdotes & Diocesano Episcopo præsentare, qui ei de spiritualibus, illis verò de temporalibus debeant respondere. Ex quibus verbis arguitur, quod et si dictum Monasterium sit exemptum in capite, ipsius tamen Parrochiales Ecclesiæ nullatenus sunt exemptæ. His igitur & alijs, quæ vtrique pars proposuit, intellectis: de consilio fratrum nostrorum pronuntiauimus, Monasterium sæpessatum in capite liberum, & à tua iurisdictione prorsus exemptum; decernentes Parrochiales Ecclesias eius, quæ minimè probantur exemptæ, tibi Diocesana lege subiectas, Ven fratri nostro Archiepiscopo Turonensi, & dilecto filio Abbati Salmuriensi Andegauensis Diocesis, & Magistro scolæ Andegauen. nostris dantes litteris in mandatis: vt quod à nobis est sententialiter diffinitum faciant appellatione remota firmiter obseruari, contradictores per censuram Ecclesiasticam comescendo. Quia verò ipsæ Parrochiales Ecclesiæ in procuracione ab ante dictis Episcopis prætaxata, nimis sicut asseritur aggravantur; ipsis inuinximus vt si constaret eisdem procuracionem ipsam prædictis Ecclesijs existere onerosam, nisi tu ab ipsis commonitus ad æquum volueris con-

descendere moderamen, ipsi pensatis facultatibus earundem procurent eam sublato appellationis obstaculo moderari. Nulli ergo omnino hominum liceat hanc paginam nostræ diffinitionis infringere, vel ei ausu temerario contraire. Siquis autem hoc, &c. usque incursum. Datum Lateran. iij. nonas Martij. Pontificatus nostri. Anno tertio decimo.

EPISTOLA VIII.

Super eodem.

ABBATI ET MONACHIS ROTONEN.

✠ VM venerabilis frater noster Veneten. Episcopus mouisset olim aduersus Rotonense Monasterium questionem, asserens Monasterium ipsum, ac Parrochiales Ecclesias eius ad se de communi iure spectare, utpote in sua Diocesi constituta, in eisdem iura sibi Episcopalia vendicando. Et ex parte vestra proponeretur idem Monasterium, &c. ut in alia, usque, pronunciauerunt easdem ad iurisdictionem Episcopi, sicut alias suæ Diocesis Ecclesias pertinere: nihilominus statuantes, ut à sex Parrochialibus Ecclesijs Monasterij, quatuor procuraciones dumtaxat eidem Episcopo præstarentur, quarum vnam perciperet, &c. usque, recipiant Capellani. Porro cum vos super, &c. usque, Apostolicæ sedis legati derulissetis postea questionem, asserentes illud in Romanæ Ecclesiæ præiudicium ad quam idem Monasterium, &c. usque, non obstante illud nullatenus feruaretur. Cum autem propter hoc nuper dilectus filius magister Rollandus eiusdem Episcopi, & P. Monachus Monasterij vestri procuratores, &c. ut in alia, usque, pronuntiauimus Monasterium vestrum in capite liberum, & ab Episcopi iurisdictione prorsus exemptum, &c. usque, antedicto Episcopo Diocesana lege subiectas, Vg. fratri nostro Turonensi Archiepiscopo, & dilecto filio Abbati Salmurien, &c. ut in alia, usque, onerosam. Nisi præfatus Episcopus Venetenus ab ipsis communitus ad æquum voluerit condescendere moderamen, &c. ut in alia, usque in finem. Datum ut in alia. Scriptum est ipsis, super hoc in eundem fere modum usque moderari. Nullis litteris obstantibus siquæ apparuerint à sede Apostolica propter assensum partium impetratæ. Quod si non omnes, &c. duo vestrum ea nihilominus exequantur. Datum. ut in alia.

EPISTOLA IX.°

Scribis ut mittant sui Subdiaconi procuratorem in possessionem Canonicatus concessi ab Archiepiscopo & alijs, non obstante iuramento ab ipsis præstito.

• CAPITVLO TOLETANO: •



XAMINATA fides & probata deuotio, qua se nobis dilectus filius Andreas de Gabiniano Subdiaconus & Capellanus noster charum exhibuit habitenus, & iugiter exhibere non desinit, nos inducit, ut ad sua commoda promouenda, tanto sibi specialius assistamus, quanto manifestius hoc exigere

suam erita dinoscuntur. Hinc est, quòd cùm placuerit dudum Ven. fratri N. R. Archiepiscopo, dilecto filio Hispan. Decano, & Concanonicis vestris, qui cum ipso erant apud sedē apostolicā cōstituti, ipsum ad preces nostras in fratrem & Canonicum recipere coram nobis. Nos id tantò gratū habuimus, & habemus, quantò Subdiaconus ipse pro sua merito bonitatis nobis, & fratribus nostris charus & acceptus existit. Cùm igitur ex hoc non minus Ecclesia in persona, quàm personæ in Ecclesia credamus esse prouisum, vniuersitatem vestram rogamus attentius & monemus, per apost. vobis scripta præcipiendo mandantes: quatinus quod per ipsos liberaliter factū est hilari prosequentes fauore, dictum Subdiaconum per procuratorem suum in corporalem possessionem cōcessi sibi Canonicatus inducere procuretis. Et cùm ad locum residentium sit receptus, vestiariū & alia quæ percipiunt residentes, per eundem procuratorem sibi cum integritate debita conferatis; iuramento quod fecisse dicimini non obstante, cùm illud mandato nostro nec debeat, nec possit ob stare. Taliter autem preces & præceptum nostrum super hoc studeatis implere, quòd & idem Subdiaconus, qui vobis & Ecclesiæ vestræ in multis esse poterit fructuosus, ad dilectionem nostram feruentius possit astringi, & nos deuotionem vestram exinde valeamus non immeritò commendare. Datum Lateran. Kal. Martij. Pontificatus nostri. Anno xiiij.

EPISTOLA X.

Super eodem.

HISPANO ECCLESIAE TOLETANÆ DECANO.

ILAC VIT venerabili F. nostro R. Archiepiscopo, ac tibi fili Decanē, & Canonicis Toletanis, qui cum ipso erant apud sedem apostolicam cōstituti, dilectum filium Andreā de Gabiniano Subdiaconum & Capellanum nostrum, ad preces nostras in fratrem & Canonicum recipere coram nobis. Quod nos tanto gratum, &c. vt in alia, vsque, prouisum. Dilectos filios Toletan. Capitulum per scripta nostra rogauimus attentius & monuimus, nihilominus eis præcipiendo mandantes, vt quod per dictos Archiepiscopum & Canonicos liberaliter, &c. vsque, sibi Canonicatus inducant, &c. vsque, debita conferre procurent iuramento quod fecisse dicuntur nequaquam ob stare, &c. vsque ob stare. Cùm igitur Subdiaconus antedictus de tua sinceritate confidens, vices suas super his tibi duxerit committendas, deuotionem tuam rogamus attentius & monemus quatenus ea taliter studeas procurare, quòd & sibi vtile, & nobis esse possit acceptum. Datum vt in alia per totum.

*Confirmat ordinem, & militiam B. Iacobi, & privilegia
ab Alexandro Papa concessa.*

FERNANDO GONDISALVI MAGISTRO MILITIE BEATI IACOBI, EIVSQUE
FRATRIBVS CLERICIS ET LAICIS, TAM PRÆSENTIBVS QVAM
FVTVRIS, COMMVNEM VITAM PROFESSIS IN PERPETVVM.

BENEDICTVS Deus in donis suis, & Sanctus in omnibus operibus suis, qui Ecclesiam suam noua semper prole fœcundat, & sic pro patribus filios in ea facit exurgere, sic à generatione in generatione notitiam nominis sui, & lucem fidei Christianæ diffundit, vt sicut ante ortum solis stellæ sese ad occasum in firmamento sequuntur, ita in Ecclesiasticis gradibus generationes iustorum, antequam veniat dies Domini magnus & horribilis, & tenebras nostras veri solis splendor illuminet, per tempora sibi succedant. Et sicut multi sæpe per caudam Draconis deiiciuntur in terram, ita & per adoptionem spiritus, quotidiana fiat reparatio perditorum, & de profundo inferni ad quærenda multi cœlestia erigantur, & ita corpore teneantur in terra, vt tanquam ciues Sanctorum & domestici Dei cognatione ac desiderio conuersentur in cœlis. Hoc sanè temporibus fœlicis recordationis Alexandri Papæ prædecessoris nostri in partibus Hispaniarum de diuino factum munere gratulamur. Vbi nobiles quidam viri peccatorum vinculis irretiti, ex miseratione illius qui vocat ea quæ non sunt tanquam ea quæ sunt, superna gratia sunt afflati & tacti super multis transgressionibus suis dolore cordis intrinsecus, & præteritorum agentes pœnitentiam peccatorum, non solum possessiones terrenas, sed & corpora sua in extrema quæque dare pericula pro Domino decreuerunt. Et ad exemplum Domini nostri Iesu Christi qui ait non veni facere voluntatem meam, sed eius qui misit me patris, in habitu & conuersatione religionis sub vnius magistri statuerunt obedientia commorari, eo vtiq; moderamine propositum suum & ordinem temperantes, vt quia vniuersa turba fidelium in coniugatos continentésque distinguitur, & Dominus Iesus Christus non solum pro viris, sed & pro fœminis quoque de fœmina nasci voluit, & cum hominibus conuersari: habeantur in ipso ordine qui cœlibem si voluerint ducant vitam, & consilium Beati Pauli sequantur qui dicit. De virginibus autem præceptum Domini non habeo, consilium autem do. Sint etiam qui iuxta institutionem Dominicam ad procreandam sobolem, & incontinentiæ præcipitium euitandum coniugibus suis vtantur, & vnâ cum eis ad incolatum supernæ patriæ de conualle lacrimarum, & terrena transire peregrinatione nitantur, & lacrimis diluant, & operibus pietatis: si eos supra fundamentum suum, quod Christus est, pro cura carnis, & affectibus liberorum, ligna, fenum, stipulam ædificare contingat; cum alij expeditiores & continentes ædificent, aurum argentum, & lapides pretiosos; & isti tamen, & illi militent vni Regi, & supremum fundamentum, cœlestem vnâ ædificent mansionem, promissione Psalmistæ in Domino roborati: qui minora quoque membra Ecclesiæ confortat & dicit. Imperfectum meum viderunt oculi tui, & in libro tuo omnes scribentur. In horum autem fidelium

Christi

Christi collegio, cum bonæ memoriæ P. Fernandi per voluntatem Dei Magisterium super alios & providentiam suscepisset; cum quibusdam fratribus suis ad præsentiam eiusdem nostri prædecessoris accedens, cum humilitate qua debuit à sede Apostolica requisivit. Ut eos tanquam peculiarios filios, in defensionem suam; & locum in quo caput ordinis factum fuerit, in ius & proprietatem Sacrosanctæ Romanæ Ecclesiæ recipere dignaretur. Cum igitur ipse deuotionem suam, & bonum attendens in Domino desiderium, de communi fratrum suorum consilio pax petitioni eorum duxerit annuendum. Nos humilibus vestris precibus inclinati ad exemplar præfati prædecessoris nostri, in speciales ac proprios Sacrosanctæ Romanæ Ecclesiæ filios vos recipimus; & ordinem vestrum auctoritate Apostolica confirmantes, præfatis scripti priuilegio communimus. Statuentes, ut quascumque possessiones, quæcumque bona, impræsentiarum iuste & legitime possidetis, aut in futurum concessione Pontificum, largitione Regum, vel Principum, oblatione fidelium, seu alijs iustis modis præstante Domino poteritis adipisci, firma vobis vestrisque successoribus, & illibata permaneant. In quibus hæc proprijs duximus exprimenda vocabulis. Lodium & Monasterium cum cauto & pertinentijs suis. Burgum de Ponte Minij contra Lodium cum suis pertinentijs. Crescente, cum cauto & pertinentijs suis. Quintanella de Petro Heres, cum cauto & pertinentijs suis. Baria cum cauto & pertinentijs suis. Lentanio cum suis pertinentijs. Sanctum Saluatorem de Listriana, cum cauto & pertinentijs suis. Mosor, cum cauto & suis pertinentijs. Penagofen, cum pertinentijs suis. Sanctam Mariam de Pinel cum suis pertinentijs. Vcles cum suis pertinentijs. Alfarella cum suis pertinentijs. Orella cum suis pertinentijs. Mora cum suis pertinentijs. Morauega C. S. P. Decima de Valera & de Portatgo C. S. P. Alcazar C. S. P. Almada C. S. P. Laruda C. S. P. Lazarza C. S. P. Sancimus præterea, ne occasione antiquæ detentionis siue scripturæ quisquam vobis possit auferre, quæ ultra memoriam hominum sub Sarracenorum detenta sunt potestate, & de munificentiâ principum, seu vestro studio & labore, aut iam obtenta sunt, aut in futurum auxiliante Domino poteritis obtinere. Cum enim vnica sit vobis intentio, & singularis cura semper immineat, pro defensione Christiani hominis decertare, nec solum res sed & personas ipsas pro tuitione fratrum incunctatè exponere: plurimum posset hoc pium opus & laudabile studium impediri, si labores, & stipendia vestra, quæ in comune proficiunt, præriperentur ab alijs: & otiosi ac desidiosi, atque in laboribus suis non quæ Iesu Christi, sed quæ sua sunt requirentes, emolumenta illa perciperent, quæ pro tantis laboribus vobis & pauperum Christiuisibus sunt prouisa, dicente Apostolo. Qui non laborat non manducet. Inter ea sanè, quod in professionis vestræ ordine statutum est obseruari, primum est, ut sub vnius Magistri obedientia, in omni humilitate atque concordia sine proprio viuere debeatis, illorum fidelium exemplum habentes, qui ad fidem Christianam Apostolorum prædicatione conuersi, vendebant omnia, & ponebant pretium ad pedes illorum, diuidebaturque singulis prout cuique opus erat, nec aliquis eorum quæ possederat quicquam suum esse dicebat, sed erant eis omnia communia. Ad suscipiendam quoque prolem quæ in timore Domini nutriatur, & infirmitatis humanæ remedium, iuxta institutionem Domini, & indulgentiam Apo-

stoli, qui ait: Bonum est homini mulierem non tangere, propter fornicationem autem vnusquisque vxorē suā habeat, & similiter: virum mulier suum, qui continere nequiuert coniugiam fortiat, & seruet inuiolatam fidem vxori, & vxor viro, neq; thori coniugalī continentia violetur. Si autem viri prēmortui fuerint, & relicta ipsorum quæ ordinem susceperunt nubere voluerint, denuntietur hoc Magistro siue Commendatori, vt cum illius conscientia cui mulier ipsa vult nubat, secundum verbum Apostoli Pauli dicentis; mortuo viro soluta est mulier à lege viri, cui vult nubat tantum in Domino; quod etiam de viris intelligitur obseruandum. Vna etenim vtrique lege tenentur. Statuimus quoque, vt nullus fratrum, siue sororum post susceptionem ordinis vestri, & promissam obedientiam, vel redire ad sæculum, vel ad alium ordinem sine Magistri licentia audeat se transferre: cum sint in ordine vestro loca statuta vbi quisque districte valeat conuersari. Discedentem vero nullus audeat retinere, sed ad ordinem suum per censuram Ecclesiasticam qui discesserit redire cogatur. Vt autem in ordine vestro cum maiori deliberatione tractentur. Statutum est inter vos, vt locus aliquis ordinetur, in quo per singulos annos in solemnitatem omnium Sanctorum Generale Capitulum teneatur; & sit ibi clericorum Conuentus & Prior, qui eorum, & aliorum clericorum qui de ordine vestro fuerint curam possit habere, ac fratrum cum necesse fuerit prouideat animabus. Sint autem & tredecim in ordine fratres, qui Magistro cum opus fuerit in consilio & dispositione domus assistant, & eligendi Magistri curam habeant competentem. Prior siquidem clericorum, cum Magister de hac luce migraverit, de domo & ordine sollicitudinem gerat, cui sicut Magistro omnes obediētes existant, donec per prouidentiam tredecim prædictorum fratrum Magistri electio celebretur. Is cum transitus Magistri fuerit auditus, & cognitus, tredecim illos fratres sine dilatione aliqua conuocabit: & si quisquam eorum infirmitate, vel alia ex causa infra quinquaginta dies adesse nequiuert, cum aliorum consilio qui præsentēs fuerint alium absentis loco constituet, vt Magistri electio ex aliquorum absentia minime differratur. Illi verò tredecim fratres, si Magister qui pro tempore fuerit perniciosus aut inutilis apparuerit, cum consilio Prioris clericorum & senioris partis Capituli maioris domus, corrigendi aut etiam admonendi eum habeant potestatem. Et si inter eum & Capitulum aliquid emerferit quæstionis, debitum ei finem imponant; ne per aliena iudicia vel dilabatur ordo, vel temporalis substantia dissipetur. In nullam autem ex hoc fratres illi superbiam eleuentur, sed Magistro suo deuoti & obediētes existant. Quod si quis eorum ex hac vita transierit, uel pro culpa seu alia quacūque fuerit occasione mutandus, Magister cum consilio reliquorum aut maioris partis alium eius substituat. In Capitulo autem, quod annis singulis diximus celebrandum, tredecim isti fratres, & Commendatores domorum, nisi euidens & magna eos necessitas detinuerit, ad statutum locum incunctanter occurrant, & communiter tractent, quæ ad perfectum ordinis, animarum salutem, & sustentationē corporum fuerint statuenda, vbi præcipue ad defensionem Christianorum intendere moneantur; & districte præcipiatur, vt in Sarracenos, non mundanæ laudis amore, non desiderio sanguinis effundendi, non terrenarum rerum cupiditate crassentur, sed id tantum in pugna sua intendant, vt vel Christianos ab eorum tueantur incurſu, vel

ipſos ad culturam poſſint Chriſtianæ fidei prouocare. Eligantur & tunc viſitatores idonei, qui domos fratrum per anni circulum fideliter viſitent, & quæ ibi digna correptione inuenerint, aut ipſi corrigant, aut ad generale Capitulum deſſerant corrigenda. Clerici præterea veſtri ordinis, per villas, & oppida ſimul maneant, & Priori qui ſuper eos fuerit ordinatus obediens exiſtant, & filios fratrum qui eis à Magiſtro commiſſi fuerint, inſtruant ſcientia litterarum, & fratribus tam in vita, quàm in morte ſpiritualia ſubminiſtrent. Induuntur autem ſuperpellicijs, & Conuentum & Clauſtrum ſub Priore ſuo tenebunt, & humiliter facient quod ab ipſo illis ſecundùm Deum fuerit imperatum. Vbi fratres quoque de quibus Magiſtro viſum fuerit conuerſentur, & non ſint otioſi, ſed vacent orationi, & alijs operibus pietatis. Clericis verò, de laboribus & alijs bonis à Deo præſtitis decimæ reddantur à fratribus, vnde libros, & congrua Eccleſiarum faciant ornamenta, & in neceſſitatibus corporis conuenienter ſibi prouideant; & ſi aliquid ſuperfuerit ſecundum prouidentiam Magiſtri in vſus pauperum erogetur. Vt autem concordia inrer vos charitâſque ſeruetur, & à peccato detractio, & murmuris cuncti debeant abſtinere; qui Commendat in quolibet loco fuerit inſtitutus, pro facultate domus in ſanitate & ægritudine, quod cuique opus fuerit cum ea ſollicitudine ac beneuolentia ſubminiſtret, vt neque in ſubſtantia parcitatem, nec in verbo amaritudinem gerere videatur. Sit vobis præcipua cura hoſpirum & indigentium, & neceſſaria illis pro facultate domus liberaliter conferantur. Exhibeatur Prælatiſ Eccleſiarũ honor, & reuerentia; ſubminiſtratur cunctis Chriſti fidelibus, Canonicis, Monachis Templarijs, Hoſpitalarijs, aliſque in Sancta religionis obſeruantia poſitis conſilium, & auxilium, quorũlibet etiam indigentia, ſi facultas fuerit, ſubleuetur, vt & Deus in veſtris glorificetur operibus, & alij qui viderine, humilitatis & charitatis veſtræ prouocentur odore. Ad hæc adiſcendum decreuimus, vt ſi locus aliquis in quo Epiſcopus eſſe debeat in veſtram venerit poteſtatem, ſit ibi Epiſcopus qui cum Eccleſijs, & clero ſuo designatos ſibi redditus, & poſſeſſiones, & Epiſcopalia iura percipiat; reliqua vero cedant in vſus veſtros, & in veſtra diſpoſitione ſine cuiuſquam contradictione perſiſtant. Profectò in Parrochialibus Eccleſijs quas habetis, nolumus Epiſcopos ſuo iure fraudari. Si autem in locis deſertis, aut ipſis terris Saracenorum, de nouo Eccleſias conſtruxeritis, Eccleſiæ illæ plenâ gaudeant libertate, nec aliqua per Epiſcopos decimarum, aut alterius rei exactione grauentur. Liceâtque vobis, per Clericos veſtros idoneos eaſdem Eccleſias cum ſuis plebibus gubernare; nec interdicto per Epiſcopos, vel excommunicationi ſubdantur, ſed ſas ſit vobis, tam in maiori Eccleſia quæ caput fuerit ordinis, quàm in illis etiam, excommunicatis & interdictis excluſis, diuina ſemper officia celebrare. Præterea ne humanis vexationibus & calumnijs à deſenſione Chriſtianorum retrahi valeatis; Apoſtolica auctoritate decernimus. Ne perſonas veſtras, præter Legatum Apoſtolicæ ſedis à latere Romani Pontificis deſtinatum, interdiceret quiſquam, aut excommunicare præſumat, quod etiam de familijs & ſeruientibus veſtris ſtatuiſmus, qui ſtipendia veſtra percipiunt donec iuſticiam parati fuerint exhibere; niſi fortè talis fuerit culpa, ex qua ipſo facto Eccleſiaſticam cenſuram incurrant. Chriſma verò, oleum ſanctum, conſecrationes Altarium, ſeu Baſilicarum, ordinationes clericorum ve-

strorum qui ad sacros ordines fuerint promouendi, à Diocesano suscipietis Episcopo; siquidem Catholicus fuerit, & gratiam atque communionem Apostolicæ sedis habuerit, & ea gratis, & absque vlla prauitate vobis voluerit exhibere. Alioquin liceat vobis quemcumque malueritis adire antistitem, qui nostra fultus auctoritate quod postulatur indulgeat. Liceat præterea vobis, in locis vestris vbi quatuor vel plures fratres fuerint, oratoria construere, in quibus fratres & familiæ vestræ tantum, & diuinum audire officium, & sepulturam Christianam possint habere. Ita enim volumus necessitati vestræ consulere, vt non debeant ex hoc adiacentes Ecclesiæ iniuriam sustinere. Cùm autem Generale interdictum terræ fuerit, liceat vobis clausis ianuis, exclusis, excommunicatis, & interdictis, non pulsatis campanis, suppressa voce diuina officia celebrare. Præsentī nihilominus decreto sancimus; vt si quis in aliquem vestrum fratrum videlicet vel sororum violentas manus iniecerit excommunicationis sententia sit astrictus, & illud idem pro tutela vestra tam in sententia, quàm in pœna seruetur quod sub felicis memoriæ Papa Innocentio prædecessore nostro, de ruitione clericorum generali Cōcilio nōscitur institutum. Decernimus ergo vt nulli omnino hominum liceat iura vel possessiones vestras temerè perturbare, aut vestra bona auferre, vel ablata retinere, minuere seu quibuslibet vexationibus fatigare, sed illibata omnia & integra conferuentur, eorum, pro quorum gubernatione, ac sustentatione concessa sunt, vsibus omnimodis profutura. Salua sedis Apostolicæ auctoritate. Ad indicium autem huius à sede Apostolica perceptæ libertatis, decem Malachinos nobis nostrisque successoribus annis singulis persoluetis. Si qua igitur in futurum Ecclesiastica secularisue persona, hanc nostræ constitutionis paginam sciens contra eam temerè venire tentauerit, secundò, tertioque commonita, nisi præsumptionem suam digna satisfactione correxerit, potestatis honorisque sui dignitate careat, reamque se diuino iudicio existere de perpetrata iniquitate cognoscat, & à sacratissimo corpore ac sanguine Dei & Domini Redemptoris nostri Iesu Christi aliena fiat, atque in extremo examine districtæ ultioni subiaceat. Cunctis autem vobis vestra iura seruantibus, sit pax Domini nostri Iesu Christi. Quatenus, & hic fructum bonæ actionis percipiant, & apud districtum iudicem præmia æternæ pacis inueniant. Amen. Datum Lateran. per manum Ioannis Sanctæ Mariæ in Cosmidin Diaconi Cardinalis Sanctæ Romanæ Ecclesiæ Cancellarij. viij. Idus Martij: indictione xiiij. Incarnationis Dominicæ, anno millesimo ducentesimo nono. Pontificatus verò Domini Innocentij Papæ tertij. Anno tertiodecimo.

EPISTOLA XII.

Mandat ne molestetur Episcopus Quinqueeclesiensis præsumens eum ab inuidis vexari.

CENADIENSI EPISCOPO. ET ABBATI DE CILIEDOR
QUINQUECCLESIENSIS DIOCESIS.

CVM in iuuentute sua venerabilis frater noster C. Quinqueeclesiensis Episcopus, adeo se marurum, honestum, & prouidum exhibuerit, vt propter suauem suæ probitatis odorem, ab Ecclesia Romana meruerit ornamento palli

decorari. Non est de leui credendum, quòd postquam ad senilem peruenit ætatem, &c. Require supra in regesto noui anni eiusdem Domini Innocentij tertij Papæ. Datum Ferentini nonis Iulij. In eundem modum per totum, vsque, non duximus iterandum. Cùm & Karissimus in Christo filius noster A. Rex Vngarorum illustriis, eum per suas litteras valde nobis reddiderit commendatum asserens, &c. vsque, præcipiendo mādamus: quatenus cùm per Episcopū ipsum non steterit, quò minus purgauerit semetipsum, quando purgationē curauit offerre, non vt ratum haberet quod à nuntio suo fuerat procuratum, sed ne mandatum Apostolicum contemnere videretur; non sinatis ipsum vlterius occasione prædicti mandati ab aliquo molestari. Sed si videritis contra eum studia concinnari maligna, non permittatis ipsum iniquis machinationibus conculcari. Quia vehementer præsumimus ex verisimilibus coniecturis, quòd aliqui contra eum inuidia torqueantur, deiectionem ipsius exaltationem propriam æstimantes; significaturi nobis cùm expedire videritis, de singulis circumstantijs veritatem. Datum Lateran. vij. Idus Martij. Pontificatus nostri, Anno tertiodécimo.

EPISTOLA XIII.

Committit inquisitionem super postulatione Verisensis Archiepiscopi in Thessalonicensem Archiepiscopum.

ARCHIEPISCOPO NEOPATRENSI ET CERMOPILENSI EPISCOPO
ET ELECTO AVELELENSI.

QUOD dilecti filij Canonici Sanctæ Sophiæ Thessalonicen. suas nobis litteras direxerunt, per quas vnà cum dilecta in Christo filia nobili muliere, relicta Marchionis Montisferrati, necnon & dilectis filijs nobilibus viris Comite de Blandraco Baiulo, & alijs Thessalonicensis Regni Baronibus, qui super hoc ipso sua nobis scripta misere, nostro humiliter Apostolatui supplicarunt. Vt postulationem quam iidem Canonici prædictorum accedente fauore, de venerabili fratre nostro ... Verisensi Archiepiscopo se fecisse dicebant, admittere dignaremur. Cùm per ipsius circumspectam prudentiam, & circumpectionem prudentem singulariter quasi sperarent, non solum Ecclesiæ sed & Regni posse necessitatibus prouideri. Vnde nos Ven. fratribus nostris Larissen. ... & Theban. Archiepiscopis, dedimus in præceptis, vt inquisita diligenter & cognita veritate, si postulationem ipsam ab his qui eam celebrare potuerant & debuerāt, inuenirent canonicè celebratam; & præfatum Archiepiscopum sicut à quibusdam nobis fuerat intimatum, administrationi Thessalonicensis Ecclesiæ se minime ingessisse, propter multam necessitatem admitterent vice nostra postulationem eandem. Nuper autem idem Archiepiscopus ad præsentiam nostram accedens, litteras nobis non solum charissimi in Christo filij nostri Constantinopolitani Imperatoris illustris, & præfati Thebani Archiepiscopi, verum etiam aliorum multorum præfulum & magnatum, causam eius multipliciter commendantium præsentauit. Inter quos specialiter memoratus Thebanus Archiepiscopus se scire veraciter fatebatur, quod ab illis quos communis clerus &

populus habebant in Ecclesia Thessalonicen. Canonicos vnanimiter fuerat postulatus, assensiente præfata nobili, & prædicto Comite tunc Baiulo cum alijs regni Baronibus, hoc ipsum propter necessitatis instatiam experente. Qui tandem licet ab eodem Imperatore compulsus ad ciuitatis custodiam remansisset, non tamen in Archiepiscopalibus domibus, sed in quadam turri eiusdem ciuitatis se cum suis militibus & familia recollegit, in qua laudabiliter opus iniunctæ sibi custodiæ procurauit implere. Quæ omnia quanquam idem Thebanus plenè nouisset, nostro tamen mandato recepto vnâ cum collega suo Larissenfi Archiepiscopo, ad prædictam ciuitatem accessit: vbi familiares prædicti Comitis contra postulatum instructi; Albertus videlicet Thessalonicensis canonicus qui eum canonicare postulauerat, prout idem Thebanus se à pluribus asserit didicisse, ac etiam Imperator illum hoc in sua præsentia recognouisse testatur, & H. qui dicti Comitis exciterat Cæcellarius, eorum se conspectui præsentarunt, quos vitare minime potuerunt quin attestations eorum apud conscientiam ipsius Thebani Archiepiscopi, prout quidem asserit, minùs veras tanquam inquisitores negotij diligenter audirent. Easque nostro examini reseruantes, eidem postulato administrationem temporalium committere, considerantes desolationem Ecclesiæ, Regni anxietatem, & fauorem Imperatoris, ac etiam omnium Latinorū. Idem autem Verisensis Archiepiscopus in nostra præsentia recognouit, quòd statim post postulationem suam requisitus à Comite, vt sibi vnâ & euidam nobili laico aliam daret præbendam; respondit quòd ad se minime pertinebat; & subiungente Comite, quòd ratione sedis vacantis ipsemet sibi & illi nobili huiusmodi præbendas conferret, adiecit quòd hoc ipse nec concedebat, nec etiam denegabat, cum ad se talis concessio, vel negatio non spectaret. Recognouit insuper, quòd in ingressu Thessalonicen. Ecclesiæ Canonici & Clerici Ciuitatis, Te Deum laudamus, ipso dicente non mihi sed vobis cantatis, motu proprio cecinerunt, & illis eum inthronizare volentibus, non est passus. Temporalia quoque ipsius Ecclesiæ de præfate nobilis & Baiuli voluntate, Clericis Ecclesiæ præsentibus, & non contradicentibus, ad sustentandum se ac suos, pro ciuitatis defensione percepit, exigens & recipiens adiutorium nihilominus à Græcis tam Clericis, quàm laicis propter sustentationem eandem. Et propter necessitatem terræ ad nimiam commorantium ibidem instantiam, ad titulum Verisien. Ecclesiæ sicut viator duos Presbyteros, & totidem Diaconos, ac Subdiaconos, vnūque Accoliturum ordinauit; necnon prænominatæ nobili, non vtique pro regalibus, sed pro suspitione tollenda solummodo tutum & honestum quandiu esset cum ipsa promissit. Quia igitur Archiepiscopo ipso apud sedem Apostolicam expectante, non comparuit pars aduersa; nec prelibatæ attestations nobis præsentatæ fuerunt, nolentes ex tali dilatione Thessalonicensem Ecclesiam sustinere iacturam. Discretionis vef. per. Apost. scripta. mandamus, atque percipimus, quatenus cum memorata nobilis nuper etiam per speciales nobis litteras intimauerit, quòd & sibi placeat, quidquid nobis de negotio ipso placet, attestations ipsas, vel earum originalia quæ apud inquisitores credimus remansisse, si forsan interim nobis fuerint destinatæ, faciatis vobis absque dilatione qualibet exhiberi. Et facientes interim eundem Archiepiscopum administratione gaudere quæ sibi commissæ fuit, sicut superius est expressum, attesta-

tionibus ipsis diligenter inspectis; nisi aliquod graue sufficienter inuenieritis esse probatum, quod postulationem merito impedire debuerit, vice nostra sublato cuiuslibet contradictionis & appellationis obstaculo, admittatis eandem. Et absoluentes eum à vinculo quo Verisien. Ecclesie tenebatur, præfigatis ei terminum competentem, infra quem, palleum quod sub nomine ipsius Ecclesie Verisien. accepit, nobis remittere non postponat, aliud dante Domino prout conuenit ad nomen Thessalonien. Ecclesie recepturus: facientes eidem à subditis obedientiam, & reuerentiam debitam exhiberi. Si autem casu aliquo attestaciones prædictas, vel earum habere originalia nequieritis, nihilominus ad finem negotij per inquisitionem debitam procedere non tardetis. Quòd si forsàn graue aliquid inuenieritis esse probatum, propter quod eadem postulatio sit merito respicienda, cassata ipsa, illos ad quos pertinet electio Thessalonien. Ecclesie moneatis: vt personam idoneam, siquidem in partibus illis reperta fuerit, absque mora per electionem seu postulationem canonicam concorditer sibi præficiant in pastorem. Si verò propter personarum defectum quo non solum ipsam Ecclesiam, sed & totam Prouinciam credimus laborare, personam idoneam non potuerint ad eius regimen inuenire; vos id nobis per vestras litteras intimetis. Qui si Canonici memorati cum fauore nobilis sepedictæ, per litteras quas à vobis ad hoc diligenter commonita nobis duxerit destinandas, expresso poposcerint, eis auctore Domino dignum Pontificem de nostris manibus consecratum, & decoratum palleo insigni videlicet plenitudinis Pontificalis officij, curabimus destinare: qui & sciet, & poterit cum sapientiæ diuinæ potentia commissam sibi Ecclesiam spiritaliter & temporaliter gubernare. Quòd si non omnes, &c. duo vestrum. Datum Lateran. v. idus Martij. Pontificatus nostri. Anno tertio decimo.

EPISTOLA XIV. •

R. ET A. ATHENIEN. ET MAGISTRO G. DIMICEN. CANONICIS.

*Confirmat medietatem reddituum datam Canonicis ab Archiepiscopo
Thebano pro congrua portione.*

VM olim ad petitionem dilectorum filiorum Canonice Ecclesie
Thebanæ, dilecto filio. Nazorocen electo & suis coniudicibus dedissemus nostris litteris in mandatis, vt venerabilè fratrem nostrum... Theban Archiepiscopum admonerent, eisdem Canonicis portionem de rebus Ecclesie sue congruam assignare. Idem Archiepiscopus, prout nostris auribus est relatum, monitionibus illorum inductus, consideratis redditibus eiusdem Ecclesie, ac facultatibus vniuersis, medietatem earum Canonicis contulit memoratis liberaliter. Qui tandem humiliter postularunt à nobis, vt concessionem huiusmodi dignaremur auctoritate Apostolica roborare. Quocirca discretioni vestre per Apostolica scripta mandamus: quatenus concessionem ipsam, sicut prouidè facta est, faciatis firmiter obseruari. Contradictotes per censuram Ecclesiasticam appellatione postposita compescendo. Quòd si non omnes, &c. duo vestrum, &c. Datum Lateran. vij. idus Martij. Anno decimotertio.

EPISTOLA XV.

THEBANO ARCHIEPISCOPO.

*Mandat ne contra iuris ordinem Canonicos vexet excommunicationibus
sed de iniurijs satisfaciatur.*



DILECTI filij Thebani Canonici nobis grauiter sunt conuesti, quòd tu pro qualibet leui causa iuris ordine prætermisso, sententiam excommunicationis in ipsos sæpius iaculari præsumis. Cùmque propter varia maris & terræ pericula, pro beneficio absolutionis habendo ad nos accedere nequeant, Ecclesia sua sepissime hac de causa vltèriùs quàm deeret, debito seruitio defraudatur. Ne igitur nimium deferendo prælatis, subiectos opprimere videamur, fraternitati tuæ per Apostolica scripta mandamus, quatenus in canonicos ipsos præcipitare sententiam, contra iuris ordinem non præsumas: sed ita satisfacias de iniurijs super hoc irrogatis eisdem, quòd iustam de te materiam non habeant conquerendi. Alioquin pro certo cognoscas, quòd si nobis super hoc fuerit iterata querela, officij nostri debitum conquerentibus redderemus. Datum vt in alia per totum.

EPISTOLA XVI.

ATHENIENSI ARCHIEPISCOPO ET SVFFRAGANEIS EIVS.

Scribis vt Latinis det proprios Sacerdotes.

DILECTVS filius nobilis Vir O. de Roca, Dominus Athenien. per litteras nostras vestram petijt prouidentiam admoneri, vt in castris suis & villis, in quibus duodecim Latini abundantes certas habuerint mansiones, proprios Sacerdotes, quibus integrè à Latinis laicis decimæ perfoluantur; instituere curaretis: præsertim cùm iidem laici sint parati, huiusmodi presbyteris quibus decimæ non sufficerent, prouidere. Quocirca fratern. vestræ per Apostolica scripta præcipiendo mandamus; quatenus petitioni eiusdem nobilis super hoc prout videritis expedire, beneuolum præbeat assensum. Alioquin dilecto filio Magistro R. Decano Daualien. & B. Cantori, & Terrico Canonico Theban. dedimus in mandatis, vt veritate super hoc diligentius inquisita, illam nobis studeant fideliter intimare. Datum Lateran. &c. vt in alia per totum.

Scriptum est ipsis super hoc in eundem fere modum vsque in finem. Quod si non omnes, &c. Datum vt in alia per totum.

EPISTOLA XVII.

PRÆCEPTORI ET FRATRIBVS HOSPITALIS SANCTI
SAMSONIS CONSTANTINOPOLITAN.*Confirmat dona facta ab Imperatore.*

ANNVERE consuevit sedes Apostolica pijs votis, & honestis petentium precibus fauorem beniuolum impertiri. Ea propter dilecti in Domino filij, vestris iustis postulationibus grato concurrentes assensu. Castellum quod Garelis vulgariter appellatū, vobis cum pertinentijs suis charissimus in Christo filius noster Henricus Constantinopolitanus Imperator pia liberalitate donauit, domos quoque, casalia, terras, vineas, & possessiones alias, sicut & omnia iuste ac pacifice possidetis, vobis & per vos domui vestræ, auctoritate Apostolica confirmamus, & presentis scripti patrocinio communimus. Nulli ergo omnino hominum liceat hanc paginam nostræ confirmationis &c. vsque incursum. Datum Lateran. xviij. Kal. Aprilis Pontificatus nostri. Anno teritiodecimo.

EPISTOLA XVIII.

PATRIARCHÆ CONSTANTINOPOLITANO.

Mandat vt equè Francis & alijs quam Venetis merita potius quam personas inspicitur, beneficia conferat.

SI tua fraternitas consideraret attentè, quòd ab vno patre descendimus vniuersi, & quòd non sit personarum acceptio apud Deum, sed ei de omni gente qui timet Deum, & operatur iustitiam est acceptus: In dispensando talenta tibi credita, non personas sed merita potius atrenderet personarum. Verùm quia sicut charissimus in Christo filius noster Imperator Constantinopolitanus illustris, sua nobis insinuatione monstrauit, hoc minùs attentè considerans quàm deceret, prout caro & sanguis reuelauit tibi, solos Venetos vel subiacentes eisderu in Ecclesia tua promoues, Francos & alios probos viros alterius nationis quàm tuæ, promouere cõtemnens. Volentes vt ab huiusmodi reuoceris abusu, per quem diuinam & nostrā incutere posses offensam. Fraternitatem tuam monemus attentius & hortamur, per Apostoli scripta mandantes, quatenus de personis idoneis & honestis vnde cunq; acceptis, Ecclesiam tuam taliter ordinare procures, quòd in ordinatione ipsarū, magis merita quàm personas attendere videaris. Specialiter autem ipsius precibus Imperatoris inducī, pro dilectis filijs H. Presbytero, Iacobo Subdiacono, & Petro de Christo, Apostolicas preces tibi duximus destinandas. Monentes attentius & hortantes, quatenus eis ob reuerentiam Apostolicæ sedis & nostram, in Ecclesia tua conferas beneficium præbendale, preces nostras taliter impleturus quod deuotionem tuam inde possimus merito commendare. Datum Lateran. Idus Martij, Pontificatus nostri. Anno teritiodecimo.

EPISTOLA XIX.

DECANO DE BLAKERNA ET MAGISTRIS P. DE MONTINIACO CANTORI,
ET G. CANONICO S. PAVLI CONSTANTINOPOLITANIS.

Super eodem.

SI venerabilis frater noster Constantinopolitanus Patriarcha considera-
ret attentè, quòd ab vno patre descenderimus vniuersi, & quòd non sit
personarum acceptio apud Deum, sed ei, &c. in eundem fere modum vt in
alia, vsque, in Ecclesia sua conferat beneficium prabendale. Ideòque discretionì
vestræ per Apostolica scripta mandamus, quatenus eum ad id monere diligen-
tius & efficaciter inducere procuretis. Quòd si non omnes &c. duo vestrum, &c.
Datum vt in alia per totum.

EPISTOLA XX.

I. TURONENSI ARCHIEPISCOPO.

Confirmat compositionem factam inter Episcopum & Abbatem.

MOTA iam pridem quæstione inter bonæ memoriæ prædecessorem
tuum & Canonicos beati Martini Turonensis, & Rogerium Abba-
tem Cormariacensem, super subiectione ac obedientia quam idem
prædecessor tuus, à prædicto Abbate sibi conquirebatur iniuste sub-
tractam; partes ad felicis memoriæ Alexandri Papæ prædecessoris nostri præ-
sentiam accesserunt. Qui cum non posset causæ debitum finem imponere, eam
bonæ memoriæ ... Trecenti ... & ... Claromontensi Episcopis terminandam
commisit. Cum autem coram Claromonten. de assensu Trecenti Episcopi partes
propter hoc constitutæ fuissent, eodem Claromonten. & viris alijs honestis &
discretis qui sibi assidebant mediantibus, inter prædictum prædecessorem tuum
& Sulpicium successorē prædicti Abbatis, & Decanum, & Canonicos Sancti Mar-
tini, de libero & spontaneo assensu partium amicabilis facta est compositio, &
in authentico scripto redacta, sicut ex eodem scripto manifestè comparet. Nos
autem quæstionem sopitam nolentes indebitè suscitari, qui tenemur litibus fi-
nem imponere, ad exemplar prædicti prædecessoris nostri compositionem ip-
sam, sicut de assensu partium in præsentia prædicti Claromonten. prouidè facta
est, & hinc inde sponte recepta, & hæcenus obseruata; & in scripto authentico
ipsius Episcopi continetur, ratam habemus & firmam, eamque auctoritate Apo-
stolica confirmantes præsentis scripti patrocinio communimus, statuentes quòd
nulli omnino hominum liceat hanc paginam nostræ confirmationis infringere,
vel ei, &c. vsque incursum. Datum Lateran. iij. Kal. Martij Pontificatus no-
stri. Anno tertiodecimo.

EPISTOLA XXI.

ABBATI DE SICHEM HALBELSTATEN. DIOCESIS ET
MAIORI DECANO HALBESTATEN.

*Committit inquisitionem veritatis & utilitatis precū March. Brandeburgen.
super constructione Ecclesie in terra acquisita de Paganis &
Apostolica sedi subiicienda.*



X parte dilecti filij nobilis Viri. ... Marchionis BrandeBurgensis nostris est auribus intimatum, quòd cùm non modica terræ pars ad Marchiam suam pertinens, per suos, & ... fratris ac ... Patris ..

Atque sui labores de manibus eruta paganorum sterilis iaceat & inculta, ipsam ad cultum redigere ac de colonis fidelibus disposuit stabilire. Vnde nobis humiliter supplicauit, vt cùm pro ampliacione diuini cultus Conuentualem Ecclesiam desideret in terra ipsa construere, licentiam super hoc ei concedere dignemur, & ipsam ab omni onere Pontificalis iurisdictionis exemptam, in ius & proprietatem sedis Apostolicæ retinere. Ita profecto, quòd dux partes decimarum eiusdem terræ ad Marchionem ipsum, & hæredes ipsius pro Ecclesiæ fabrica, quam ipsi debent proprijs sumptibus reparare; necnon etiam pro stipendijs militum deuoluantur, sine quibus terra memorata non posset contra Scelauorum impetum gubernari fidem Catholicā impugnantium, vel Ecclesiasticam vnitatem, aut terram ipsam occupare volentium; pro eo quod patres eorum cùm essent pagani per eundem Marchionem vel progenitores ipsius, ab ea fuerunt potenter eiekti. Tertia verò pars integra persoluatur Ecclesiæ construendæ, quam idem Marchio competenter dotabit; vt in ea duodecim Canonici commodè possint cum suo Præposito deferuire, qui pro tempore canonicè debeat præsentari per eum ac successores ipsius, & per solum Romanum Pontificem, aut eius mandato per alium confirmari, ac denique confirmatus gerat administrationem temporalium, quæ poterunt administrari per ipsum in Ecclesijs construendis in terra prædicta. Alia vero spiritualia quæ officium Episcopale requirunt, idem Præpositus exigat & obtineat à quocumque maluerit Episcopo Apostolicæ sedis gratiam obtinente. In recompensatione autem decimarum illarum quæ, sicut superius est expressum, ad præfatum Marchionem & hæredes ipsius pro Ecclesiæ fabrica, & stipendijs militibus deuoluentur, de singulis quinquaginta mansis vnâ Marcâ puri argenti nobis & successoribus nostris facient idem Marchio & successores eius annuatim exolui. Licet igitur petitionem suam prouiderimus admittendam; volentes tamen absque graui alieno præiudicio pium eius propositum promouere, cùm & hoc dilectus filius .. Procurator Ven. fratris nostri .. Brandeburgen. Episcopi acceptauerit in nostra præsentia constitutus. Discretionem vestræ per Apostolica scripta præcipientes mandamus, quatinus inquisita diligenter & cognita veritate, si terram illam esse constiterit solitariam aut desertam, maxime quod non sit in memoria hominū illam fuisse per Christicolâs habitatam, sed paganos habitatores inde fuisse depulsos in memoria hominum teneatur, recipiatis appellatione remota

fundum in ius & proprietatem Romanæ Ecclesiæ vice nostra. In quo huiusmodi Ecclesia construatut; ac super solemnî eius concessione publico instrumento confecto, & ad opus eius dotibus competentibus assignatis, tribuatis auctoritate nostra suffulti, libertam facultatem præfatam Ecclesiam cõstruendi ab omni prorsus onere iurisdictionis Episcopalis exemptam, & in ius & proprietatem Apostolicę sedis perpetuo permanuram. Ita quod in recompensationem duarum partium decimarum, quæ causa præscriptæ necessitatis dimittentur Marchioni iam dicto, prælibatî census concessionem recipere procuretis, vt de ipso per nostram providentiam disponatur, sicut fuerit disponendum. Quod si non ambo his exequendis volueritis vel valueritis interesse, alter vestrum ea nihilominus exequatur. Datum Lateran. vij. Kal. Aprilis, Anno tertio decimo.

EPISTOLA XXII.

MISISINO FVNDATORI ET FRATRIBVS LEPROSORVM DE MISSINO.

Recipit sub protectionem sedis Apostolica domum & bona Leprosorum remisso annuo censu sex denariorum.

SO LET annuere sedes Apostolica pijs votis, & honestis petentium precibus fauorem beneuolum impertiri. Ea propter dilecti in Domino filij, vestris iustis precibus inclinati, domum hospitalis de Missino, ad exemplar felicis recordationis Celestini Papæ prædecessoris nostri, in ius & proprietatem B. Petri cum omnibus bonis quæ impræsentiarum rationabiliter possidet, aut in futurum iustis modis præstante Domino poterit adipisci, sub B. Petri & nostra protectione suscipimus. Specialiter autem, terras, domos, siluas, & quidquid in Fauentino, Foroliuieni, & Imolensi Episcopatibus, idem hospitale habere dignoscitur; sicut ea omnia iuste ac pacifice possidet, vobis & per vos eidem hospitali auctoritate Apostolica confirmamus, & præsentis scripti patrocinio communimus. Ad indicium autem huius perceptæ à sede Apostolica libertatis sex denarios obtulisti, tu fili Missine, præfato prædecessori nostro eiusque successoribus annualiter perfoluendos, quos pietatis intuitu nos misericorditer relaxamus. Decernimus ergo: vt nulli omnino hominum liceat hanc paginam nostræ protectionis & confirmationis infringere. Vel ei, &c. vsque incursum. Datum vt in alia per totum.

EPISTOLA XXIII.

ELEETO ET CAPITVLO CORONEN.

Confirmat remissionem Crustica factam à principe Achaia.

VSTIS petentium desiderijs dignum est nos facilem præbere consensum, & vota quæ à rationis tramite non discordant effectu prosequere complere. Ea propter dilecti in Domino filij, vestris precibus inclinati, remissionem Crusticæ à nobili viro G. de Villa Arduini Principe Achaie pietate prouida vobis factam, auctoritate Apostolica confirmamus, & præsentis scripti

ſcripti patrocinio communimus. Nulli ergo omnino hominum liceat hanc paginam noſtrę confirmationis, &c. vſque incurſurum. Datum Lateran. xj. Kalen. Aprilis, Anno tertidecimo.

EPISTOLA XXIV.

PATRACENSI ARCHIEPISCOPO ET EPISCOPO MOTONENSI...
ET CORONENSI ELECTO.

Mandat vt moneant quosdam ne deinceps exactionibus illicitis Latinos vexent, & Grecis adhereant.

AD audientiam noſtram nobili viro G. de Villa-Arduini Principe Achaïę ſignificante peruenit, quòd quidã Clerici, milites, & alij ad partes Achaïę accedentes, receptis in feudum tetrīs ab ipſo & alijs, homines ſuos ad redemptionem indebitam cogere non formidant: ſicque maxima pecunię quantitate collecta recedunt, deleſcentes terram penitus deſolatam. Pręterea quidam ex Latinis ibidem morantibus, & alios Latinos impugnent, Grecis temerè adharere præſumunt. Quocirca, diſcretionĩ veſtrę per Apoſtolica ſcripta mandamus, quòd præſumptores huiuſmodi, vt à ſua præſumptione deſiſtant, monere ac inducere procuretis: eos ad hoc ſi neceſſe fuerit per cenſuram Eccleſiaſticam, ſicut iuſtum fuerit, appellatione remota cogentes. Quòd ſi non omnes, &c. Duo veſtrum, &c. Datum vt in alia per totum.

EPISTOLA XXV.

THESAURARIO THEBANO ET R. ATHENIENSI, ET
T. THEBANO CANONICIS.

Scribit vt cuiquam conferant Archidiaconatum Andreuillensem.

RECES dilecti filij nobilis viri G. Principis Achaïę recipimus ſupplicantis, vt Archidiaconatum vacantem in Andreuilleni Eccleſia, dilecto filio Magiſtro Ioanni Capellano ſuo, viro ſcientia & moribus commendabili, & in eius obſequio pericula multa paſſo, concedere dignaremur. Maximè cum ipſe illum concedere dubitauerit, quanquam prædeceſſor ſuus eum contuliſſe dicatur: & dilectus filius noſter B. Titulo Sanctę Suſannę Presbyter Cardinalis legationis officio fungens ibi, collationem eius poſtmodum approbaſſet. Quocirca diſcretionĩ veſtrę per Apoſtolica ſcripta mādamus, quòd ſi prædictum Archidiaconatum vacare conſtiterit, amoto ab eo quolibet illicito detentore, ſublato cuiuſlibet appellationis obſtaculo, præſato Magiſtro cum integritate debita conſeratis eundem, & faciatis eum ipſius pacifica poſſeſſione gaudere: contradictores ſiqui fuerint per cenſuram Eccleſiaſticam appellatione poſtpoſita compeſcentes. Teſtes autem qui fuerint nominati, &c. Quòd ſi non omnes, &c. Duo veſtrum, &c. Datum Lateran. viij. Kalen. Aprilis, &c. vt in alia.

EPISTOLA XXVI.

VNIVERSIS LATINIS EPISCOPIS IN ACHAIA CONSTITVTIS.

Monet ne antiquos Episcopatum terminos vti à Græcis seruati sunt immutent, Et ad unionem hortatur.



VANTO nouella Plantatio Latinorum quam ad partes Achaiz transtulit manus Dei, minùs firmas habere videtur ex recenti muratione radices. Tantò nobis est magis sollicitè præcauendum : ne inter vos dissentionis scrupulus oriatur, per quem plantationis huiusmodi nouus status valeat impediri. Nolentes igitur quòd exorta super Episcopatum vestrorum finibus, sicut accepimus, quæstiones vestrum valeant impedire profectum. Præsentium vobis auctoritate mandamus, quòd in Episcopatibus vestris illis contenti terminis existatis, quos Græcos prædecessores vestros constituent habuisse. Datum Lateran. viij. Kalen. Aprilis, Anno xij.

EPISTOLA XXVII.

PRÆLATIS ECCLESIARVM IN ACHAIA CONSTITVTIS.

Mandat ne precipitent excommunicationis in Clericos precipuè non subditos sententiam.



RAVEM nobis dilecti filij Clerici Achaiz querimoniam destinarunt. Quòd quidam vestrum pro qualibet leui causa iuris ordine prætermisso, sententiam excommunicationis in ipsos sæpius iaculari præsumunt. Er quidam etiam nullam in eis iurisdictionem habentes, de facto, cum de iure non possint, grauare ipsos modo simili non verentur. Ne igitur nimium deferendo Prælati, subiectos opprimere videamur. Discretionem vestram per Apostolica scripta mandamus : quatenus in Clericos ipsos de cætero nullus vestrum, absque manifesta & rationabili causa sententiam præcipitare præsumat. Qui verò in eos iurisdictionem non habent, ab huiusmodi corum iniuria omnino desistant : ita quòd eos iustam nobis vlteriùs querimoniam non oporteat replicare. Alioquin pro certo sciatis, quòd si nobis super hoc fuerit iterata querela, officij nostri debitum conquerentibus redderemus. Datum Lateran. x. Kalendas Aprilis, Anno xij.

EPISTOLA XXVIII.

... THESAURARIO, ET TERRICO, ET VV. DE MIRABELLO
CANONICIS THEBANIS.

Mandat ut inquisita veritate consument institutionem personatum in Ecclesia Motonen.

DILECTI filij Canonici Motonien. nobis humiliter supplicarunt, vt ordinationem quam prouide super institutione personatum pro Ecclesiæ suæ utilitate fecerunt, Apostolico dignaremur munimine roborare. Quocirca dis-

tertioni vestra per Apostolica scripta mandamus: quatinus inquisita & cognita veritate ordinationem ipsam, sicut providè ad utilitatem eiusdem Ecclesie facta fuerit, auctoritate Apostolica faciatis firmitatem debitam obtinere. Contradictores appellatione remota censura Ecclesiastica compescentes. Quòd si non omnes, &c. Duo vestrum, &c. Datum Lateran. viij. Kalen. Aprilis, Anno xiiij.

EPISTOLA XXIX.

ODDONI PATRACEN. ET TERRICO. ET VV. DB MIRABELLO
CANONICIS THEBANIS.

Committit inquisitionem super consecratione Amiclenfis Episcopi.

DILECTI filij Canonici Amiclenfes grauem nobis exposuere querelam: quòd venerabilis frater noster Archiepiscopus Patracen. G. quondam Abbatem de Flauiniaco, propter suos enormes excessus apud sedem Apostolicam condemnatum, in Episcopum Amiclen. Imberto eiusdem loci electo viuente, post inhibitionem Canonicorum ipsorum, illicitè consecrare præsumpsit. Quocirca discretioni vestra per Apostolica scripta mandamus: quatinus inquisita & cognita super hoc diligentius veritate, quòd Canonicum fuerit appellatione postposita statuatis, facientes quòd decreueritis auctoritate nostra firmiter obseruari. Quòd si non omnes, &c. Duo vestrum, &c. Datum Lateran. &c. vt in alia.

EPISTOLA XXX.

EISDEM.

Super eodem.

DILECTI filij Canonici Amiclen. grauem nobis exposuere querelam; quòd G. quondam Abbas de Flauiniaco, qui apud sedem Apostolicam propter suos enormes excessus sententialiter condemnari meruit & deponi, post inhibitionem ipsorum in Episcopum Amiclen. Imberto eiusdem loci electo viuente se fecit per venerabilem fratrem nostrum Patracen Archiepiscopum minùs canonice consecrari. Quia igitur nobis non constitit de præmissis, discretioni vestra per Apostolica scripta mandamus: quatinus partibus conuocatis & auditis hinc inde propositis, quòd canonicum fuerit appell. postpo. statuatis, facientes quòd decreueritis per censuram Ecclesiasticam firmiter obseruari. Quòd si non omnes, &c. Duo vestrum, &c. Datum Lateran. viij. Kalen. Aprilis, Pontificatus nostri, Anno xiiij.

*Confirmat compositionem factam inter Antipolitanum Episcopum
& Abbatem Lirinensem, super Ecclesia Sancti
Honorati de Crassa.*



Is nos convenit robur Apostolicum specialiùs impertiri, quæ aliquandò in contentionem deducta, nostra interueniente auctoritate amicabile concordia sopiuntur. Sanè cum inter te, ac dilectum filium Abbatem Lirinensem, super Ecclesia Sancti Honorati de Crassa, & quibusdam alijs fuisset apud sedem Apostolicam aliquandiu litigatum. Demum de tui & ipsius Abbatis assensu, nobis mediantibus huiusmodi compositio interuenit. Vt Abbati & Monachis Lirinensibus in Ecclesia memorata celebrare diuina, & exercere cætera Ecclesiastica sacramenta; ita videlicet vt circuitiones cum aqua benedicta, processiones & etiam letanias non faciant, absque Antipolitani Episcopi licentia vel assensu. Nec in desponsatione virginum, vel purificatione parientium missas cantent, vel orationes seu benedictiones exoluant, nec aliquem etiam, nisi forsàn in casu necessitatis, recipiant ad baptismum, campanas quoque ad diuina officia celebranda, non priùs pulsent, quàm in Ecclesia Parochiali pulsetur: dummodo clerici eiusdem Ecclesiæ, horas Dei laudibus deputatas non negligant, vel excedant. Eisdem Abbati & Monachis pulsandi ad Matutinas & Completorium, omnimoda libertate seruata. Præterea dicta Sancti Honorati Ecclesia, liberam habeat sepulturam; sed eorum quæ in aliquorum vltima voluntate obtentù sepulturæ ipsi obuenerint, præter quàm de lectis ligneis, tertiam partem Ecclesiæ illa percipiat, à qua mortuorum corpora sunt assumpta. Sed si aliquid Ecclesiæ Parochialis legetur ab eo, qui apud memoratam Ecclesiam Sancti Honorati elegerit sepulturam, & id excelsit tertiam eorum quæ ipsi Ecclesiæ in vltima voluntate legantur, Ecclesia Parochialis integraliter id obtineat, quod ei dignoscitur esse relictum. Si verò minùs tertiam legerit eidem, quoddam defuerit tertie per Abbatem & Monachos fideliter suppleatur. In præcipuis etiam solemnitatibus, videlicet Natiuitate Domini, Festo Sancti Stephani, Epiphania, Purificatione, Parasceue, Resurrectione Domini, & die Lunæ sequenti, Ascensione, Pentecoste, Assumptione Beatæ Mariæ Virginis, Omnium Sanctorum Festo, & die sequenti; tertia oblationum pars ad Antipolitanum Episcopum deuoluatur. Capellanus verò eorundem Abbatis & Monachorum, obedientiam Antipolitano Episcopo faciet, ac excommunicatos & interdictos ab eo non recipiet ad diuina; sed cum generale illius terræ fuerit interdictum, liceat ei, voce suppressa exclusis excommunicatis & interdictis, diuina officia celebrare. Vt igitur in perpetuum compositio superscripta, de vtriusque partis assensu nobis mediantibus facta, inuiolabiliter obseruetur. Nos eandem auctoritate Apostolica cõfirmamus, & præsentis scripti patrocinio cõmunimus. Statuentes vt nulli omnino hominum liceat hanc paginam nostræ confirmationis infringere, vel ei, &c. vsque, incursum. Datum Lateran. Kal. Aprilis, Pontificatus nostri, Anno xij.

EPISTOLA XXXII.

ABBATI ET MONACHIS LIRINEN.

Super eodem.

Is nos conuenit. Vt in alia, vsque, sopiuntur. Sanè cùm inter te fili Abbas, & venerabilem fratrem nostrum Antipolitan. Episcopum, super Ecclesia Sancti Honorati de Crassa, &c. vsque, litigatam. Demum de tui & Episcopi ipsius assensu nobis mediantibus huiusmodi compositio interuenit. Vt vobis liceat in Ecclesia memorata, &c. vsque, processiones, & etiam letanias non faciatis, absque Antipolitan. Episcopi, &c. vsque Missas cantare vel orationes seu benedictiones exoluere attentetis, nec etiam, &c. vt in alia, vsque, celebranda, non priùs pulsetis quàm in Ecclesia memorata, &c. vsque, excedant, vobis pulsandi ad Marutinas, &c. vsque, quòd defuerit tertix per vos fideliter suppleatur. In præcipuis etià, &c. vsque, deuoluatur. Capellanus vetò vester obedientiam Antipolitano Episcopo faciet, &c. vsque in finem. Datum Lateran. &c. vt in alia per totum.

EPISTOLA XXXIII.

M. QVONDAM CONSTANTINOPOLITANÆ IMPERATRICI ILLVSTRÆ.

Confirmat donationem propter nuptias factam à Marchione Montisferrati, &c.

I VSTIS petentium desiderijs dignum est nos facilem præbere consensum, & vota quæ à rationis tramite non discordant, effectu prosequente complere. Ea propter charissima in Christo filia, tuis iustis postulationibus grato concurrentes assensu, donationes propter nuptias à clara memoriæ B. Marchione Montisferrati in Romanæ Imperio tibi legitime factas, auctoritate apostolica confirmamus, & præsentis scripti patrocinio communimus. Decernimus ergo, vt nulli omnino hominum liceat hanc paginam nostræ confirmationis infringere, vel ei, &c. vsque, incursum. Datum Lateran. iij. Kalen. Aprilis, Pontificatus nostri, Anno xiiij.

EPISTOLA XXXIV.

E I D E M.

Confirmat donationem factam ab Imperatore.

I VSTIS petentium desiderijs, &c. vt in alia per totum. vsque, concurrentes assensu. Vissenam, Dimitriatam, Arcontocoru, Duo Almurus, tibi, & filiis tuis à Charissimo in Christo filio H. Cōstantinopolitan. Imperatore illustri, prout in eius authentico cōtinetur cōcessas, sicut eas iuste possides & quietè, auctoritate tibi Apostolica, confirmamus, & præsentis scripti, pa-

patrocínio communimus. Decernimus ergo, &c. hanc paginam nostræ confirmationis, &c. vsque, incursum. Datum Lateran. &c. vt in alia per totum.

EPISTOLA XXXV.

HEMANVELI INTERPRETI M. QUONDAM CONSTANTINOPOLITANI
IMPERATORIS ILLVSTRIS.

Confirmat donationem domuum factam ab Imperatore.

SOLET annuere sedes Apostolica pijs votis, & honestis petentium precibus fauorem beniuolum impertiri. Ea propter dilecte in Domino fili, tuis iustis postulationibus, grato concurrentes assensus domos apud Stagonicariam, trium barcarum, & domus propriæ libertatem, quas tibi charissimus in Christo filius noster H. Imperator Constantinopolitanus illustris, Imperiali liberalitate concessit: sicut eas iuste possides & quiete, auctoritate tibi Apostolica confirmamus, & præsentis scripti patrocínio cõmunimus. Nulli ergo &c. hanc paginam nostræ confirmationis, &c. vsque, incursum. Datum Lateran. ij. Kal. Aprilis, Anno tertidecimo.

EPISTOLA XXXVI.

ABBATI ET CONVENTVI MONASTERII ACAPNÆ

*Suscipit sub protectione sedis Apostolica Monasterium cum
possessionibus sub annuo censu.*

QUAMVM à nobis petitur quod iustum est & honestum, tam vigor æquitatis, quàm ordo exigit rationis; vt & id per sollicitudinem officij nostri, ad debitum perducatur effectum. Ea propter Dilecti in Domino filij, charissimæ in Christo filiz M. quondam Constantinopolitanæ Imperatricis illustris, nunc Dominæ Thessalonicen. precibus inclinati; personas vestras & Monasterium ipsum, in quo diuino estis obsequio mancipati, cum his quæ impræsentiarum rationabiliter possidetis, aut in futurum iustis modis præstante Domino poteritis adipisci, sub Beati Petri, & nostra protectione suscipimus, & præsentis scripti patrocínio communimus. Ad indicium autem huius à sede Apostolica protectionis perceptæ, decem Yperpera gratis oblata, nobis nostrisque successoribus annis singulis persoluetis. Nulli ergo omnino hominum, &c. hanc paginam nostræ protectionis infringere, vel ei, &c. vsque, incursum. Datum Lateran. iij. Kal. Aprilis, Anno xiiij.

EPISTOLA XXXVII.

HERACLIENSI ARCHIEPISCOPO ET .. CARDICEN. ET
FERMOPILEN. EPISCOPIIS.

*Recipit M. quondam Imperatricem in protectionem Beati Petri,
& eius negotia committit his Episcopis.*

CVM ex iniuncto nobis Apostolatus officio generaliter omnibus, & specialiter viduis & pupillis simus in iustitia debitores. Charissimam in Christo filiam M. Quondam Constantinopolitanam Imperatricem illustrem Regni Thessalonicen. procuratricem, ac filios suos vnà cum regno præfato sub B. Petri & nostra protectione suscepimus. Quibus volentes, quantum ad officium nostrum pertinet, paterna sollicitudine providere: ne dictam Imperatricem oporteat pro querelis singulis ad sedem Apostolicam laborare. Fraternitati vestræ per Apostolica scripta præcipientes mandamus: quatenus cum ab ea fueritis requisiti, super his quæ Canonicam censuram exposcunt, malefactores ipsius ac filiorum eius, vt eis ablata restituant, & de damnis & iniurijs irrogatis satisfaciant competenter, vel in aliquos compromittant, qui appellatione remota iustitia mediante procedant, per censuram Ecclesiasticam sublato appellationis diffugio compellatis. Nullis litteris veritati & iustitiæ præiudicantibus, à sede Apostolica impetratis. Quòd si non omnes, &c. Duo vestrum, &c. Datum vt in alia per totum.

EPISTOLA XXXVIII.

EISDEM.

*Mandat vt permutatione cuiusdam casalis facta ab omni grauamine
liberent M. quondam Imperatricem.*

CVM sicut charissima in Christo filia M. quondam Constantinopolitanæ Imperatrix illustris, nostris fecit auribus intimari; per casale Agetriade quod ad Thessalonicen. spectat Ecclesiam, terra ipsius grauem sustineat læsionem. Fraternitati vestræ per Apostolica scripta mandamus: quatenus cum præfate Ecclesiæ prouisum fuerit in pastore, ipsum moneatis prudenter, & efficaciter inducatis, vt illud cum ea, sine dispendio iuris sui, satagat permutare. Quòd si nequiverit ad permutationem induci, vos negotij circumstantias nobis fideliter intimetis; vt per relationem vestram instructi, plenius & securius in ipso procedere valeamus. Quòd si non omnes, &c. duo vestrum, &c. Datum Lateran. ij. Kalen. Aprilis.

Mandat ut conferuent libertatem Monasterijs Regijs.

CVM libera Monasteria, quæ Imperialia nuncupantur, Græcorum quoque dominio nulli essent Archiepiscoporum, vel Episcoporum subiecta. Præsentium vobis auctoritate mandamus; quatinus inquisita & cognita veritate, in Monasterijs illis Regalibus Regni Thessalonicens. quæ Græcorum tempore Archiepiscopis vel Episcopis subiecta non erant, non permittatis Archiepiscopos vel Episcopos iuris aliquid indebitè usurpare. Faciètes ab eis charissimæ in Christo filiæ M. quondam Constantinopolitanæ Imperatrici illustri, procuratrici Regni prædicti, honorificentiam debitam exhiberi. Contradictores, appellatione remota, censura Ecclesiastica compescentes. Siquis autem Archiepiscoporum, vel Episcoporum, aliquid iuris in eis sibi vindicare contenderit, suam per nos poterit iustitiam obtinere. Quòd si non omnes, &c. duo vestrum, &c. Datum Lateran. iij. Kalen. Aprilis, &c.

EPISTOLA XL.

EISDEM.

Scribit ut amoveant à custodia Monasteriorum montis sancti Sebastiensem Episcopum, & aliū in eius locum substituunt.

CVM dilectus filius B. Titulo Sanctæ Sufannæ Presbyter Cardinalis, nunc Apostolicæ sedis Legatus, Sebastienfi Episcopo saluo mandato nostro custodiam Monasteriorum montis Sancti, quæ ad sedem Apostolicā immediate pertinere dicuntur, duxerit committendam: & ipse illa multipliciter aggravavit, easque committat enormitates, quæ non sunt dignæ relatu. Fraternalitati vestræ per Apostolica scripta præcipientes mandamus: quatenus ipsum à custodia Monasteriorum ipsorum penitus amoventes, ipsa Monasteria cum consilio charissimæ in Christo filiæ nostræ M. quondam Constantinopolitanæ Imperatricis illustri, quæ Thessalonicens. Regni ratione filij curam gerit, alicui personæ discretæ auctoritate nostra, usque ad adventum Legati nostri, quem in Imperium Romanicæ auctore Domino destinare proponimus, committatis. Quod si non omnes, &c. duo vestrum, &c. Datum Lateran. iij. Kalen. Aprilis, anno xij.

EPISTOLA XLI.

THERMOPILENSI ET SARDICENSI EPISCOPIS.

Mandat ut Clericos qui ad sedem Romanam redierunt faciant gaudere libertate, qua tempore Græcorum fruebantur.

CLERVS Græcorum Thessalonicens. Diocesis, qui ad obedientiam Sacrosanctæ Romanæ Ecclesiæ est reuersus, nobis humiliter supplicauit: quatinus ipsum ea libertate, quam tempore Græcorum habuerant, quamque dilectus filius B. Titulo Sanctæ Sufannæ Presbyter Cardinalis tunc Apostolicæ sedis Legatus ipsis concessit, faceremus gaudere, ac ab Ecclesijs sustentationem congruam ministrari. Quocirca fraternitati vestræ, per Apostolica scripta præcipientes mandamus: quatenus eos qui ad obedientiam sedis Apostolicæ redierunt, super huiusmodi libertate non permittatis à quoquam indebitè molestari; & molestatores siqui fuerint, per censuram Ecclesiasticam sublato appellationis obstaculo compescentes, faciatis eisdem in vitæ necessarijs, ab Ecclesijs iuxta facultates ipsarum, congruè prouideri. Datum Lateran. iij. Kal. Aprilis.

EPISTOLA XLII.

EISDEM.

Scribit quòd moneant Archiepiscopum Larissen. ut ab indebitis exactionibus desistat.

Audientiam nostram noueritis peruenisse, quòd venerabilis frater noster Archiepiscopus Larissenus. Vessin. ac Damitriado Episcopis, & Monasterijs Kellix indebitas exactiones imponens, ipsis in alijs iniurijs plurimum & molestus existit. Quocirca fraternitati vestræ per Apostolica scripta mandamus; quòd Archiepiscopum memoratum; ut debito & consueto iure contentus ne vltra id in præfatis Episcopatibus, vel Monasterijs vsurpare præsumat, ab eorum iniurijs, & molestatione indebita pœnitens conquiescens, monitione præmissa per censuram Ecclesiasticam sublato appellationis obstaculo, sicut iustum fuerit, compescatis. Datum Lateran. ij. Kalen. Aprilis, Anno xij.

EPISTOLA XLIII.

ABBATI SANCTI AMBROSII ET ARCHIDIACONO MEDIOLANENSI.

Vt accedant ad Pergamensem Ciuitatem, & recepta satisfactione idonea interdictum relaxent.

PER litteras venerabilis fratris nostri ... Episcopi, & dilectorum filiorum Capituli Pergamen. ad aures nostras peruenit. Quòd cùm Ciuitas Pergamen. pro eo quòd Pergamen. Ciues Ecclesias, & Ecclesiasticos viros indebi-

tis exactionibus aggrauantes, iugum indebitæ seruitutis ipsis imponere ntebantur, in derogationem Ecclesiasticæ libertatis, diu supposita fuerit Ecclesiastico interdicto. Propter diuinorum subtractionem quidam in deuotiores effecti, ampliùs duruerunt: & sectatores hæreticæ prauitatis, falsa sui erroris dogmata liberiori frôte proponūt. Cùm igitur nuper nobilis vir Lambertinus Potestas Ciuitatis eiusdem, satisfactionem super præmissis obtulerit, misericordiam postulando; & supradicti Episcopus & Capitulum satisfactionem huiusmodi recipere noluerint, absque nostra licentia speciali. Præsentium vobis auctoritate mandamus: quatenus ad Ciuitatem ipsam personaliter accedentes, & eosdem ciues sollicitis exhortationibus inducentes ad concordiam vnitatem; à supradicta Potestate, ac ipsis ciuibz recipiatis supra prædictis satisfactionem idoneam, prout videritis expedire, relaxantes postmodum sententiam interdicti, & propter hoc excommunicatis, absolutionis beneficium impendentes. Datum Lateran. nonis Aprilis, Pontificatus nostri, Anno tertio decimo.

EPISTOLA XLIV.

EPISCOPO GALIPOLENSI, ET SANCTÆ SOPHIÆ AC .I. DE BLAKERNA
DECANIS CONSTANTINOPOLITANIS.

*Vi cogant Episcopum Constantinopolitanum ex precepto Papa iam illi
dato Canonici suis fructus exhibere.*

SVAM nobis dilecti filij Constantinopolitan. Clerus querimoniam destinarent: quod cum decimæ, ac quintædecimæ, quæ inter ipsos diuidi de iure debent, triennio iam elapso in graue ipsorum incommodum posita fuerint in sequestro, medietatem earum venerabili fratre nostro ... Patriarcha Constantinopolitano. sibi vindicare volente; contra statutum dilecti filij nostri P. Tituli Sancti Marcelli Presbyteri Cardinalis, qui tunc in partibus illis legationis fungens officio, quartam partem ipsarum cum his quæ in Castro Danij ad dictum Patriarcham pariter & ad Clerum spectabant, eidem soluendam decreuit, hæcenus diuidi, prout decuit, nequiuert. Propter quod ex earum defectu, magnam se ipsi queruntur necessariorum penuriam sustinere. Quamquam dilectus filius Magister B. Procurator Patriarchæ prædicti negauerit, aliud quod factum fuisse per eundem Legatum supra diuisione huiusmodi constitutum. Maxime cum quintadecima nondum esset Ecclesijs deputata, nec ipse Legationis officio fungeretur, quando ad preces Clericorum obtinuit, vt intuitu paupertatis eorum, idem Patriarcha maneret quarta decimarum parte contentus. Vnde ipsi dedimus in mandatis, vt si preces Cleri veritate nituntur, statuta decimarum & quarundecimarum huiusmodi parte contentus, non impediatur, nec faciat impediri, quominus idem Clerus assignatas à memorato Legato, ex eisdem percipiant cum integritate debita portiones. Quocirca discretioni vestræ per apostolica scripta mandamus: quatinus, si ipse quod mandauimus neglexerit adimplere, vos eum id idem sublato appellationis obstaculo qua conuenit distictione cogatis. Quod si non omnes, &c. Tu ea frater Episcopo cum eorum, &c. Datum Lateran. viij. Idus Aprilis, Anno xij.

EPISTOLA XLV.

MORELLO TULLENSI CANONICO.

*Confirmat sententiam super possessione prebende in eius fauorem
latam à Cardinali auditore concessio.*

CVM olim de Præbenda Tullenſi Canonice inueſtitus, ſtallum in Choro, & vocem in Capitulo non haberes, ad iudices quosdam litteras ſuper hoc Apoſtolicas impetraſti. Coram quibus Capitulum Tullen. citatum, per Clericum quendam ad noſtram fecit audientiam appellari. Quorum appellationem iudices ipſi friuolam reputantes, in corporalem poſſeſſionem ipſius Præbendæ te inducere curauerunt, contradictores excommunicationis ſententia percellentes. Poſt hæc autem tibi & F. Archidiacono Tullen. procuratori præfati Capitulī, propter hoc in noſtra præſentia conſtitutis, Ven. frat. noſtrum H. Hoſtien. Epiſcopum conceſſimus auditorem: coram quo ſententiam quam prædicti iudices pro te tulerunt, poſtulaſti humiliter confirmari. Aduerſa parte in contrarium proponente, quod minimè confirmari debebat eo quod idem Capitulum appellationem, quam interponi fecerat, perſequendo, ad venerabilem fratrem noſtrum .. Epiſcopum & ... Primicerium Virdunen. litteras obtinuiſſet à nobis, quarum auctoritate tu ſententialiter condemnatus remotus fueras à Præbenda; quod ſe loco & tempore competenti adeo conſtanter propoſuit probaturum, vt etiā ſoluere promiſſiſſet expenſas, niſi per ipſum exceptio huiuſmodi probaretur. Quapropter venerabili fratri noſtro Catalaunenſi Epiſcopo, & coniudicibus ſuis noſtris dedimus litteris in mandatis: vt in quaſita ſuper præmiſſis plenius veritate, ſi prædictus procurator in probatione illius exceptionis deficeret, quam obiecit, ipſi eum iuxta promiſſionem ſuam, in expenſis factis poſt exceptionem oppoſitam condemnarent. Cùmque demum elapſo triennio, infra quod procurator prædictus peremptoriè citatus multoties à iudicibus memoratis, ſuam noluit exceptionem probare; tu & præfatus F. iterum in noſtra fuiſſet præſentia conſtituti, ac coram dilecto filio Iacinto Subdiacono & Capellano noſtro, quem vobis auditorem conceſſimus, hæc & alia retuliſſes. Dictus procurator propoſuit ex aduerſo: quod quia procurator eſſe deſierat in hac cauſa, & ad perſequendam ipſam alius de voluntate Capitulī ei fuerat ſubſtitutus, non tenebatur ſuper hoc ulterius reſpondere; maximè, cùm non eſſet à iudicibus vltimis ad noſtram audientiam appellatum, qui licèt nondum in negotio proceſſiſſent, adhuc tamen eorum expectabatur proceſſus. Adiecit inſuper, quod cùm multos habuerit terminos, nullus ei fuit peremptorius assignatus; ex abundanti permittens, vt in ipſo procederent negotio, prout eſſet procedendum de iure, ſi tu probares peremptorium ſibi diem fuiſſe præfixum. Cùm igitur teſtibus tuis coram eodem auditore productis, non ſolùm ſufficienter probaſſes per illos, procuratorem ipſum peremptoriè fuiſſe citatum, ita quod ſex vel ſeptem hebdomadas, ſiue duos meſes terminus peremptorius continuiſſet ad minus. Quinimo iudices ipſos in eorum præſentia fuiſſe conſeſſos, quod terminus ille continuit duos meſes, ac procuratori ſæpefacto dixiſſe,

quòd ei multos terminos, & tres peremptorios assignarant ad probandam exceptionem prædictam, vnde nisi eam probaret termino prælibato, nullatenus super hoc ulterius audiretur. Idem procurator ex aduerso respondit, quòd veniendi ad eos iter arripuerant testes sui, allegans insuper quod etsi peremptoria sibi dies fuerit assignata, non tamen iudices per totam diem in loco quem sibi præfixerant, expectarunt: quod tu probasti penitus esse falsum. Nihilominus allegando, quod illi procuratori, qui si remansisset in illis partibus post transactum peremptorium, & triennium iam elapsum, nulla facultas exceptionem ipsam probandi de iure remansit, non debuit alius substitui procurator. Adiecasti etiam quod cum iudices nec sententiam ferre vellent, nec remittere ad Apostolicam sedem de processu causa rescriptum, demum tibi taliter responderunt: vt ad præsentiam nostram accederes, quia causa debitum finem sortiri non poterat per eosdem. Quos licet procurator prædictus confessus fuerit sic dixisse; subiecit tamen quod id demum idem iudices reuocarant, sed reuocationem huiusmodi, quam factam esse negabas, probare postmodum non curauit. Cum igitur hæc & alia coram Subdiacono ipso proposita hinc inde fuissent: ipse tadem rationibus vtriusque partis diligenter auditis, & perspicaciter intellectis, facta taxatione, ac iuramento recepto super prælibatis expensis; de consilio dilectorum filiorum nostrorum G. Sanctæ Mariæ in Porticu. & P. Sanctæ Lucie ad septa solis Diaconorum Cardinalium, prænominatum F. tibi pro ipsis in triginta libris denariorum Trecentium sententialiter condemnauit, & confirmauit sententiam pro te super præbenda prædicta prolatam. A cuius sententia licet pars aduersa nostram audientiam appellauerit, nos tamen appellationem huiusmodi malitiosam & friuolam reputantes, sententiam approbamus prædictam, & auctoritate Apostolica confirmamus. Nulli ergo omnino hominum liceat hanc paginam nostræ confirmationis infringere, vel ei ausu temerario contraire. Siquis autem hoc, &c. vsque incursum. Datum Lateran. viij. Idus Aprilis, Anno xij.

EPISTOLA XLVI.

CAPITULO TULLEN.

Delegat executores prædictæ sententiæ.

LIT dilectus filius Morellus Clericus de Præbenda Tullen. Canonicè inuestitus, &c. vt in alia. vsque, Coram quibus vos citati per quendam Clericum ad nostram fecistis audientiam appellari, cuius appellationem, &c. vsque, ipsius præbendæ dictum M. Clericum induxerunt, contradictores, &c. vsque, post hæc autem eidem Clerico, & F. Archidiacono Ecclesiæ vestræ procuratori vestro, & cætera. In eundem fere modum vt in alia. Vsque, friuolam reputantes, sententiam eiusdem Subdiaconi auctoritate Apostolica duximus approbandam. Vnde dilecto filio Christianitatis &... Capellæ Ducis Decanis, & Magistro G. Canonico Diuionen. nostris dedimus litteris in mandatis, quatinus dictum F. ad solutionem pecuniæ prætaxatæ per censuram Ecclesiasticam appellatione remota cōpellant, & expeditum Morellum inducant in corporalem possessionem præfatæ Præbendæ, ac tueri procurent

procurent inductū Stallum in Choro, & locum in Capitulo assignantes eidem. Contradiētores si qui fuerint vel rebelles, pereandem censuram sub. cuiuslibet contradictionis & appellationis obstaculo compescendo. Quocirca discretioni vestre per Apostolica scripta mandamus; quatinus dictis executoribus super hoc nullatenus opponatis, sed mandatum eorum recipiatis humiliter & seruetis, permittenes eundem Morellum pacifica ipsius prębendę possessione gaudere. Datum Lateran. &c. vt in alia per totum.

Scriptum est ipsis executoribus super hoc ferē in eundem modum, vt in alia, vsque compescendo. Quod si non omnes, &c. Duo vestrum ea, &c. Datum Lateran. &c. vt in alia per totum.

EPISTOLA XLVII.

NEOPATREN. ARCHIEPISCOPO ET .. EPISCOPO CITHONIEN.
ET AVELEN. ELECTO.

Confirmat sententiam à iudicibus delegatis latam.



ENERABILIS frater noster .. Cermopolitanus Episcopus nobis humiliter supplicauit, vt diffinitiuam sententiam quam pro ipso iudices delegati à nobis, aduersus Abbatem & Monachos Monasterij de Chamenun, super fundo eiusdem Monasterij quem idem Episcopus ad suā proponebat Ecclesiam pertinere, rationabiliter protulerunt, Apostolico dignaremur munimine roborare. Quocirca discretioni vestre per Apostolica scripta mandamus; quatinus sententiam ipsam, sicut est iusta, faciatis per censurā Ecclesiasticā appellatione remota firmiter obseruari. Quod si non omnes, &c. duo vestrum ea, &c. Datum Lateran. vj. Idus Aprilis, Anno teriodecimo.

EPISTOLA XLVIII.

DONATO CASSELLIENSI ARCHIEPISCOPO EIVSQVE SVCCESSORIBVS
CANONICE SVBSTITVENDIS IN PERPETVVM.

Recipit sub protectionem sedis Apostolica Ecclesiam Cassellensem cum possessionibus & palleum mittit Archiepiscopo.



EX commissio nobis à Deo Apostolatus officio fratribus nostris Episcopis, tam vicinis, quàm longē positis, paterna nos conuenit prouisione consulere, & Ecclesijs in quibus Domino militare noscuntur, suam iustitiam conseruare: vt quemadmodum disponente Domino patres vocamur in nomine, ita nihilominus comprobemur in opere. Huius rei gratia, venerabilis in Christo frater Donate Cassellensis Archiepiscopo, tuis iustis postulationibus clementer annuimus, & Ecclesiam Cassellensem tibi commissam sub B. Petri, & nostra protectione suscipimus, & pręsentis scripti priuilegio communimus. Statuentes, vt quascumque possessiones quęcumque Bona Ecclesia eadem impręsentiarum iustē, & Canonice possidet, aut in futurum concessione Pontificum, largitione Regum, vel Principum, oblatione fidelium, seu alijs

iustis modis præstante Domino poterit adipisci, firma tibi tuisque successoribus & illibata permaneant. In quibus hæc proprijs duximus exprimenda vocabulis. Cassellum cum omni iure, terris, possessionibus, & alijs pertinentijs suis. Ceallmumenoch, cum omnibus pertinentijs suis. Ceallmitchini, cum omnibus pertinentijs suis. Gleannean, cum omnibus pertinentijs suis. Geallbecam, cum pertinentijs suis. Cealloscathan, cum omn. pert. suis. Cluam Argum, cum pert. suis. Caalltulach, cum omn. pert. suis. Ceallehurriigi Superior, cum omn. pert. suis. Ceallehurriigi, cum pert. suis, & omnes alias possessiones cum pertinentijs suis. Vsq̃ue: Cathedrales verò Ecclesias quæ Metropolitico sunt tibi iure subiectæ, sicut hæcenus fuisse noscuntur, tibi tuisque successoribus auctoritate Apostolica nihilominus confirmamus, & præsentis scripti priuilegio communimus. Videlicet Ecclesiam Lumnicensem Laonien. Finnabaren. Vvaterforden. Ardmoren. Lefmoren. Cluanen. Corcaien. Rossen. Ardfercen. & Imblicen. Palleum etiam, plenitudinem videlicet Pontificalis officij, fraternitati tuæ Apostolicæ sedis liberalitate largimur: quo intra Ecclesiam tuam, ad missarum solemnia celebranda uti memineris, eis diebus, quibus predecessores tuos vsos fuisse cognoscis. Videlicet in Natiuitate Domini. Festiuitate Protomartyris Stephani. Circumcisione Domini, Epiphania, Ypopauti, Dominica de Gaudete, Dominica Lætare Ierusalem, Dominica in Ramis Palmarum, Cæna Domini, Sabbatho Sancto, Pascha, secunda Feria post Pascha, Ascensione, Pentecoste, tribus festiuitatibus B. Dei Genitricis & virginis Mariæ, Natalitio B. Ioannis Baptistæ, Commemoratione omnium Sanctorum, Solemnitatibus omnium Apostolorum, Dedicationibus Ecclesiarum, Consecrationibus Episcoporum, Ordinationibus Clericorum, Ecclesiæ tuæ principalibus festiuitatibus, & anniuersario tuæ Consecrationis die. Conuenit ergo te diligentius providere, quomodo sit huiusmodi indumenti honor modesta actuum viuacitate seruandus, & ut ei morum tuorum ornamenta conueniant, & tu esse valeas utrobique Deo auctore conspicuus, & quem pastoralis curæ constringit officium, dilectionem probetur fratribus exhibere. Et ipsi etiam aduersarij, propter mandatum Dominicum, tuo circa te copulentur affectu. Pacem sequaris cum omnibus, pijs vaces operibus, virtutibus polleas, fulgeat in pectore tuo rationale iudicij cum super humeralis actione coniunctum. Ita procedas in conspectu Dei, & in oculis hominum, quatinus gregi tibi commisso virtutis præstes exemplum, ut & ipsi videntes opera tua bona glorificent patrem nostrum qui est in cælis. Sit in lingua tua ædificationis sermo, sit zeli seruator in animo. Et præter hæc, cuncta quæ officio tuo conueniunt, cum ea temperantia agas, ut quæ pallei dignitas expetit videaris feruenter amplecti, & gloriam sempiternam acquirere tibi possis in cælis. Adjicimus quoque ut cum te, vel aliquem suffraganeorum tuorum mori contigerit, baculus pastoralis & annulus in Ecclesia remaneant propria, sub fidei custodia constituti, ad successoris usum cum Deo fauente consecrationem acceperit conseruandi. Cæmeteria quoque Ecclesiarum, ac Ecclesiastica beneficia, nullus hæreditario iure possideat. Quod si quis hoc facere contenderit censura Canonica compescatur. Obeunte verò te nunc eiusdem loci Archiepiscopo, vel tuorum quolibet successorum, nullus ad eandem Ecclesiam in Archiepiscopum eligatur, nisi quem suffraganei Episcopi, & Canonici eiusdem Ecclesie

vel maior pars consilij sanioris, sicut est hactenus obseruatum, secundum Deum prouiderint eligendum. Decernimus ergo, vt nulli omnino hominum liceat pręfatam Ecclesiam temerę perturbare, aut eius possessiones auferre, vel ablatas retinere, minuere, seu quibuscumque vexationibus fatigare: sed omnia integra conseruentur tuis, ac tuorum successorum vřbus omnimodis profutura. Salua sedis Apostolicę auctoritate. Si qua igitur in futurum Ecclesiastica secularisue persona, &c. vsque districtę vřtioni subiaceat: cunctis autem eidem loco, &c. vsque inueniant: Amen, Amen, Amen. Datum Lateran. per manum Ioannis Sanctę Marię in Cosmidin Diaconi. Cardinalis Sactę Romanę Ecclesię Cancellarij viij. Idus Aprilis. Indictione xij. Incarnationis Dominicę, Anno millesimo ducentesimo decimo. Pontificatus verō Domini Innocentij Papę tertij, Anno tertiodecimo.

EPISTOLA XLIX.

MAGISTRO NICOLAO MISNEN. ET BVRCARDO VVRGINENSI CANONICIS.

Mandat vt super lite in Curia Romana pendente testes recipiant.

CVM dilecti filij Otto Subdiaconus noster, & Gualterius, qui se gerit pro Magdeburgensi Pręposito, coram nobis de sententia litigarent, quam super Prępositura Magdeburgen. venerabilis frater noster ... Maguntinus Archiepiscopus, & condelegati sui pro ipso Subdiacono promulgant: petente illam altero infirmari, reliquo verō ipsam multipliciter deffendente. Nos tandem volentes de principali negotio, & contingentibus illud fieri certiores; cū ex litteris Apostolicis, in quibus videbatur processus negotij exaratus, perpendi nō posset, an super eo lis fuerit cōtestata: nec coram Archiepiscopo & condelegatis suis fuerit contestatio litis facta; sed à iam dicto Galterio ad declinandum eorum iudicium appellatum. Decreuimus, vt eadem sententia non obstante: pręfatus O. facultatem haberet proponendi de nouo contra electionem & personam Galterij siqua vellet: & ipse se ad singula deffendendi. Proposuit igitur dictus O. quod electione sua quę facta fuerat pluribus Canonicis pręsentibus, & nequaquā contradicentibus non cassata: cui tamen idē non pro ipsa promouenda, sed pro alia infirmanda tantū insisteret. Electio memorati B. dum excommunicationis vinculo teneretur, pręsumpta fuit. Non solum post diuersas appellationes ab ipso rationabiliter interpositas, & iter arreptum ab eo pariter & Lodulpho, ac Lodoico atque Crafcone concanonici suis ad sedem Apostolicam accedendi, verū etiam legitimis eorundem concanoniorum suorum appellationibus vilipensis, vltra semestre quoque tempus, & circa terminū à Ven. F. nostro Magdeburgensi Archiepiscopo assignatum, infra quem idem O. & socij sui poterant ad Ecclesiam pro facienda electione redire. Super quibus testes suos recipi postulauit. Ad hæc dilectus filius ... Custos Magdeburgen. contra eandem electionem obiecit, quod post appellationem ab eo legitimē interpositā fuerat attentata. Et super hoc quosdam testes coram dilecto filio nostro. Pelagio Sanctę Lucię ad septa solis Diacono. Cardin. eis à nobis auditore concesso produxit, & adhuc alios intendit producere coram

nobis. Præfatus verò Galterius ex aduerso respondens, & negans quæ propofita fuerant contra eum, quædam fuper facto electionis fux, quædam etiam contra excommunicationis exceptionem fibi obiectam propofuit replicando, & ea fe obftulit oportuno tempore probaturum; petens interim quofdam testes quos præfentes habebat recipi fuper illis. Videlicet, quòd fapdictus O. appellatio- ni quam fecerat, fuper eo quod non respondebatur litteris noftris pro ipfo di- rectis, renunciauit exprefse. Quòd Archiepifcopus cùm oporteret ipfum. Lega- tis noftris occurrere, appellauit: ne Capitulum ante reditum fuum ad electio- nem procederet, cui de more interefse debebat. Quòd maior & fanior pars Ca- pituli confenfuit inducijs, quas idem Archiepifcopus postulauit: vt fcilicet electio vfque ad eius reditum differretur. Et Conradus & Crafcio focij eiusdem Ottonis ipsis inducijs confenserunt. Et quòd demum à maiori & faniori parte Capituli, in Præpofitum fit electus. Adiciens quòd memoratus O. admittendus non effet ad exceptionem quam de ipsis excommunicatione proponit: tum quia fimoni- am in fux nominationis facto ipfum commiffiffe dicebat; tum etiam propter alias caufas quas afferebat confiftere circa factum: cùm illum communicaffe fibi tam ante caufam afluueret, quam in caufa. Sed ad hæc idem Otto respondit; quòd licet omnino nullam commiferit simoniam, quin potiùs ipfe Galterius simoniacam commiferit prauitatem, per replicationem tamen præmiffam de iure non poffet excommunicationis probatio impediri, cùm exceptionem hu- iufmodi talis replicatio non contingat. Et fi etiam verum effet, quòd tam ante caufam, quam in caufa præfato communicaffet Galterio, ipfe tamen non de- buiffet eum in manifesto vitare; tum quia denuntiatus non fuerat, & tam à Prælatis, quam alijs communicabatur eidem; tum quia et fi crederet eum in canonem lætæ fententiæ incidiffe, ficut ei fuerat intimatum, non tamen hoc vi- derat per fe ipsum, fed confidebat per alios id poffe probare. Quia igitur replicaciones huiufmodi non folum inualidæ funt, fed & friuolæ reputandæ. Nos eis nequaquam obftantibus, quofdam testes fuper aliquibus præmifforum recipi fecimus vtrinq; productos, & depofitiones eorum fub eiusdem Cardinalis figillo apud fedem Apoftolicam referuari. Difcretionì veftræ per Apoftolica fcripta mandantes, quòd recipiatis alios testes, tam fuper his fupra quibus iam funt testes producti, quam etiam fuper alijs in narrationibus partium compre- henfis, & eos infuper quos ad replicationem testium partis aduerfæ vtralibet pars duxerit producendos, & depofitiones eorum examinetis prudenter, ac fi- deliter fcribentibus, easque fub figillis veftris inclufas ad fedem Apoftolicam deftinetis, præfigentes partibus terminum competentem, quo fe noftro con- fpectui repræfentent, iuftam auctore Deo fententiam recepturæ. Testes autem qui fuerint nominati, fi fe gratia, odio, vel timore fubtraxerint, per cenfuram Ec- clefiasticam appellatione ceffante cogatis veritati testimonium perhibere. Quòd fi quicquam humanitus alterutri veftrum cõtingeret, vt his fideliter exequendis, ficut iuramento præfinito vterque teneretur, vfque ad Kalen. Octobris proximò futuras interefse non poffet; ex tunc dilectus filius Florentius Abbas de Sichem, omni cõtadictione, ac appellatione ceffantibus, præmiffa cum reliquo auctori- tate præfentium exequatur. Nullis litteris obftantibus, præter affenfum partium à fede Apoftolica impetratis. Datum Lateran. v. Idus Aprilis, Pontificatus noftri, anno tertio decimo.

EPISTOLA L.

NOBILI MULIERI A. SORORI NOBILIS VIRI .: MARCHIONIS MISNEN.

Super diuortio Regis Boemorum & sororis Marchionis Misnen. ac super inductione sororis Regis Vngaria partium propositionibus & exceptionibus utrinque expositis, dilationem & terminum peremptorium eis concedit, ad litem sine debito terminandam.

D V D V M ad aures nostras ex parte tua quæstione perlata: quòd cùm charissimus in Christo filius noster ... Rex Boemorum illustris te duxisset legitimè in vxorem, ac decem & octo annis & ampliùs velut coniugem legitimam pertractasset, filijs & filiabus ex te susceptis. Ac venerabilis frater noster Pragen. Episcopus ad petitionē & mandatum eiusdem Regis, te volente ad causam accedere, vt tuas coram eo proponeres rationes, sed à satellitibus memorati Regis prohibita; post appellationem ad nos interpositā diuortij sententiam promulgasset, à qua fecisti per Capellanium tuum intra decendium appellari. Eodem Rege supraducente postmodum charissimam in Christo filiam C.. sororem charissimi in Christo filij nostri ... Regis Vngarorum illustris, post diuersas litteras super eodem negotio impetratas, demum ven. fra. nost. Halbestaten. & .. Hambembergen. Episcopis, & dilecto filio ... Abbati de Porca dedimus in mādatis, vt vocatis ad suā præsentiam quos noscerent euocandos, inquirerent diligentius veritatem, & quod inuenirent, per suas nobis litteras intimarent: vt ex eorum relatione sufficienter instructi procedere liberius in negotio valeremus. Ipsi verò testes postea receperunt ex tua parte productos, qui iurauerunt pro vtraque parte dicere veritatem; & depositiones eorum proprijs sigillis inclusas ad nostram præsentiam trāsmissērunt. Verùm cùm procurator tuus, & nuntius eiusdem Regis, propter hoc apud sedem apostolicam constituti, coram dilecto filio nostro P. Titulo Sancti Marcelli Presbytero Card. quem ipsis dedimus auditorem, aliquandiu litigassent; & procurator ipse attestaciones easdem approbandas assereret, & nuntius ex aduerso eas vt pote lite non contestata, & post appellationem ad nos legitimè interpositam inordinate receptas, peteret reprobari. Nos intellectis per Card. ipsum vtrinque propositis, attestaciones præfatas, nec approbandas duximus, nec etiam reprobandas, sed eas tempori discussionis decreuimus referuari, vt tunc contra illas allegaretur à partibus, & pro illis. Ven. fratri nostro Salsburgen. Archiepiscopo & eius coniudicibus iniungentes, vt partibus ad locum idoneum conuocatis, omni excusatione, ac occasione cessantibus, reciperent testes quos pars tua, vel Regis cùm nondum didicissetis testificata super processu Pragen. Episcopi vel prædictorum iudicium, duceret producendos. Ita quòd tu testes quos prius induxeras, vel alios si velles inducere minimè verareris, cùm non renuntiasses testibus producendis: & gesta omnia redacta in scriptis ad sedem apostolicam destinarent, præfigentes partibus terminum competentem, quo nostro se conspectui præsentarent sententiam recepturæ. Qui quoniam propter impedimēta varia procedere nequiverunt: venerabilis frater noster H. Hostien.

Episcopus, & dilectus filius L. Tituli Sanctæ Crucis Presbyter Cardinalis, qui tunc legationis officio in Teutonia fungebantur, auctoritate, tam nostra, quam sua, Auelbergen. Episcopo tunc electo .. & Sancti Georgij & de Siche Abbatis, iuxta præscriptam formam idem negotium commiserunt. Qui post multos causæ circuius, sicut ex litteris prædictorum Episcopi, & Abbatis de Siche nobis innouit, memorato Regi, qui propter contumaciam manifestam fuerat excommunicatus ab eis, absolutionis beneficium impenderunt, ab eodem recepta iuratoria cautione, quod pareret iustitiæ coram ipsis. Cui cum diem & locum ad persequendum negotium peremptoriè assignassent, propter contumaciam suam demum in priorem eum sententiam reducerunt, recipientes testes ex tua parte productos. Cum autem postmodum iteratos clamores nostris auribus inculcasses, & nos deliberauerimus cum fratribus nostris, quid ad expediendum negotium totiens impeditum agere deberemus: hoc tandem occurrit, ut sub examine nostro causa eadem ventilata, finem debitum fortiretur. Vnde venerabili fratri nostro .. Maguntin. Archiepiscopo dedimus in præceptis: ut ex parte nostra partibus pro termino peremptorio Kalendas Octobris proximò præteritas assignaret, infra quas per se aut responsales idoneos, cum omnibus quæ ad causam necessaria noscerent, nostro se conspectui præsentarent, sententiam recepturæ. Supradictæ quoque C. Sorori Regis Vngariæ, quam sibi Rex Boemiæ copularat, citationis tenorem iussimus intimari: ut si vellet, ad defensionem suam idoneos dirigeret responsales. Porro cum nuper dilecti filij tuus & ... ac tam ipsius Regis quam C. Sororis Regis Vngariæ procuratores, propter hoc ad sedem Apostolicam accessissent: procurator tuus depositiones testium coram primis, & secundis iudicibus productorum petijt publicari, & tibi beneficium restitutionis impendi sententiâ prædicti Pragen. Episcopi reprobata, ad assertionem propriam roborandam, multis iuris Canonici, & civilis argumentis inductis. Procuratores verò partis aduersæ attestaciones ipsas aperiri non esse dicebant, neque secundum eas in negotio procedendum; quoniam iudices lite non contestata, & iuris ordine prætermisso, ac postposita appellatione ad nos legitimè interposita, pro eo quod locum suspectum assignauerant ipsi Regi, in negotio processerant memorato. Et quia præfata Soror Regis Vngariæ ad causam euocata non fuerat, ad quam eiusdem negotij defensio pertinebat. Cum enim ipsa, postquam super sententiâ diuortij inter te ac prædictum Regem, à præfato Episcopo promulgata extitit, coram multis Prælati Vngariæ facta fides eidem, Regi fuerit in conspectu Ecclesiæ copulata; ea indefensa & non citata, quæ in quasi possessione ipsius Regis, cuius restitutio petebatur, tunc temporis existeret, non debuit in negotio supradictò procedi. Maxime cum expressum fuerit in litteris transmissis eidem, ut vocarent quos noscerent euocandos; vnde non solum Rex, sed & ipsa quoque C. debuit euocari. Cum taliter fuisset nostra intentio videretur, ex eo quod vltimæ citationis tenorem non solum Regi, sed etiam dictæ nobili mandauimus intimari; ut si vellet præfixo termino ad defensionem suam idoneos dirigeret responsales. Prædicta verò probare, procuratores ipsi multis rationibus nitebatur. Attestaciones quoque secundo loco receptas, eadem pars proposuit respuendas; cum iudices qui testes receperant, postquam ab eis, ut pote manifestè suspectis, ad nos fuerat

appellatum, eiusdem Regis nuntio propter hoc specialiter ad sedem Apostolicam destinato, duxerunt in negotio procedendum. Ex eadem insuper fuit parte propositum, quòd tu nequaquam eras restitutionem postulans audienda; cùm spoliata fueris auctoritate iudicis, qui præsumentur legitime processisse, nec absque ipsius C. poteras praeiudicio, & iactura restitui, quæ in præfati Regis quasi possessione Ecclesiæ auctoritate tunc erat: cùm is qui auctore prætoris possidet iuste possidere regulariter videatur. Eadem quoque pars proponebat, te non debere contra sententiam prædicti Episcopi Pragen. audiri, quam tua sponte olim duxeras approbandam, maxime cùm ex parte prædictæ Sororis Regis, super consanguinitatis linea inter te ac præfatum Regem in còtinenti probationes legitimæ offerrentur. Cùm etsi ferretur forsitan sententia contra Regem, nihilominus eius esset executio differenda, ne antedictæ C. circa possessionem Regis posset præiudicium generari: sicut in quodam alio casu non multum huic ablimili dicimur diffinisse. Cæterum ad hoc quòd præmissum est, lite nõ contestata priores iudices processisse; fuit ex tua parte responsum: quòd hoc pars altera non poterat allegare. Cum enim confiteretur litem coram Pragen. Episcopo contestatam, qui diuortij sententiam promulgauit, in appellationis causa quæ intelligitur eadem cum priori, litem nõ oportuit denuo còtestari. Sed etsi litem non fuisse coram Episcopo contestatam pars eadem fateretur, cùm tamen testes fuerint ab ipsa producti contra te, non poterat allegare: quòd lite non contestata testes minus legitime produxisses, cùm frustra legis auxilium inuocet qui committit in legem. Sed nec dicta Soror Regis Vngariæ imò Rex solummodo debuit à iudicibus memoratis citari, quæ causa principaliter contingebat. Cùm principali questione decisa, causa ipsius C. quæ accessoria videbatur, per consequentiam sopiretur, maxime cùm ad defensionem causæ quæ publice agebatur, si sibi præiudicari timebat, se potuerit obtulisse. Sed nec omnes quos questio mota contingit, ad examinationem euocantur ipsius: sicut in multis casibus est videri ciuilibus legibus comprehensis. Quanquam ad cautelam, & ex gratia speciali mandauerimus Archiepiscopo Maguntin. vt citationis tenorem supradictæ nobili nuntiaret. Proposuit etiam procurator tuus: non posse partem alteram allegare; quòd attestationses vltimæ post appellationem ad nos interpositam à iudicibus fuerint inordinate receptæ; cùm postmodum eorundem iudicio se promiserit iuramento interposito parituram, propter quod renuntiassè appellationis beneficio videbatur. Contra quòd pars aduersa dicebat: quòd sub conditione fuerat præstitum huiusmodi iuramentum, nisi videlicet Regis nuntius propter hoc specialiter ad nostram præsentiam destinatus, mandatum ex parte nostra contrarium reportaret. Restitutionem quoque à te petitam, à dicta Sorore Regis impediri non posse dicebat; eo. prætextu videlicet quòd auctore prætoris ceperat possidere. Nam ex facto Episcopi qui post appellationem ad nos legitime interpositam inordinate processerat, huiusmodi fuerat auctoritas usurpata. Sed nec consanguinitatis obiectu, per eam poterat restitutio impediri; cùm & Rex ipse hoc idem allegans minime audiretur. Illud nihilominus friuolum esse dicebat, quòd tu approbasse sententiam dicebaris: cùm per approbationem tuam sententiæ nequiuertis robur sumere; quæ irrita fuerat ipso iure. Cùm igitur super his, & alijs utrimque propositis nobis nequi-

uerit fieri plena fides super processu Pragen. Episcopi coram nobis lite legitime contestata, & quibusdam testibus super ipso, pro parte Regis receptis, vniuersis exceptionibus saluis de procuratorum vniuersae partis assensu, tam tibi quam parti aduersae, dilationem, usque ad Festum Sancti Martini primo venturum duximus concedendam. Praesentium tibi auctoritate mandantes, quod nisi forsitan interim inter vos honesta poterit concordia prouenire, in eodem termino quem tibi peremptorium assignamus, per responsales idoneos & sufficienter instructos, super omnibus quae spectant ad causam compareas coram nobis, ut per nos causa ipsa diligenter examinata finem debitum sortiatur. Datum Lateran. Idus Aprilis, Pontificatus nostri, anno tertio decimo ..

Scriptum est in eundem fere modum. Illustri Regi Boemorum. Datum Lateran. &c. ut in alia.

In eundem fere modum scriptum est nobili mulieri C. Sorori Regis Vngariae. Usque, duximus concedendam. Vnde memoratis Regi & nobili dedimus in mandatis, quatinus nisi forsitan interim inter vos, &c. ut in alia in eundem fere modum. Usque, finem debitum sortiatur. Tibi quoque mandamus, ut si volueris procuratorem ad eundem terminum pro te dirigas sufficienter instructum; Datum, ut in alia.

EPISTOLA LI.

RANVLPHO PRIORI ET CONVENTUI HOSPITALIS SANCTI THOMAE
MARTYRIS, ET BEATI ANTONII ABBATIS DE PORTA MILETI
DE CADOMO, TAM PRESENTIBUS QUAM FUTURIS
REGULAREM VITAM PROFESSIS IN PERPETVVM.

Confirmat Hospitale Sancti Thomae cum possessionibus.



ELIGIOSAM vitam eligentibus Apostolicum conuenit adesse praedictum; ne forte cuiuslibet temeritatis incursum, aut eos a proposito reuocet, aut robur, quod absit, sacrae religionis infringat. Eapropter, dilecti in Domino filij, vestris postulationibus clementer annuimus, & praefatum hospitale, in quo diuino estis obsequio mancipati, sub Beati Petri, & nostra protectione suscipimus, & praesentis scripti priuilegio communimus. In primis siquidem statuantes: ut ordo Canonicus, qui secundum Deum, & Beati Augustini regulam in eodem loco institutus esse dignoscitur, perpetuis ibidem temporibus inuiolabiliter obseruetur. Praeterea quascumque possessiones, quaecumque bona idem hospitale impraesentiarum iuste ac Canonice possidet, aut in futurum concessione Pontificum, largitione Regum vel Principum, oblatione fidelium, seu alijs iustis modis praestante Domino poterit adipisci; firma vobis vestrisque successoribus & illibata permaneant. In quibus haec propriis duximus exprimenda vocabulis. Locum ipsum, in quo praefatum hospitale situm est, cum omnibus pertinentiis suis, de Dono Vvilli, Comitis de Magnauilla, dimidium modium frumenti, & dimidium ordei in suo molendino de Molineaus. De dono Roberti de Harecort vnum sextarium frumenti, apud Posteinie. De dono Thomae Malfillaste, nemus suum de Roella, & dimidium modium auenae apud Cussie. De dono venerabilis fratris nostri R. Baiocen.

Episcopi, pratum quod fuit Radulphi Leueel; & redditum quem inde percipiebat, videlicet quatuor sextarios frumenti. De dono Martini Fobert, & Ricardi fratris sui, de assensu, & voluntate Petronillæ & Nicolæ vxorum suarum, tres acras terræ & dimidiâ. De dono Regerij de Ammundeuilla, octo acras & dimidiam, & vnam virgam terræ, in territorio de Borgesbu. Ex dono Vvilelmi de Oilie Archidiaconi Andegauen. vnum sextarium frumenti, & duos sextarios ordeï, in molendino suo de Oilie. Ex dono Lohulidi de Flamanuill sex solidos Turonensium, in feudo Vvilelmi filij Rohais apud Aumarfnil. Ex dono Ricardi filij Ricardi Henrici decem libratas redditus, in villa Cadomi acquisitione Vvilelmi de Sancto Martino. Ex dono Rogerij filij Roberti Tioudi, dimidium modium ordeï apud Soliers, & sex solidos Turonen. & duos capones, duas gallinas, & viginti oua. Ex dono Simonis de Locheles, terras apud Broie ad dimidium modium frumenti. Ex dono Radulphi de Clinchamp, & Hugonis fratris eius, terras apud Rosel ad tredecim sextarios frumenti. Ex dono Ricardi militis, apud Colomp. sex sextarios frumenti, & vnam gallinam. Ex dono Ricardi de Berner. quinque sextarios ordeï apud Columbell. Ex dono Vvilelmi Motin, quinque acras terræ; & dimidiam apud Eschai. Ex dono Iuonis de Alemannia, sex sextarios frumenti, duas gallinas, & viginti oua, & quartam partem cuiusdam molendini apud Maletot. Ex dono Reginaldi, & Gaufridi Lesblaiers, quinquaginta tres solidos, & quatuor denarios in vico Oxomen. Ex dono Thomæ Grauerenc, viginti solidos apud Vuauceles. Ex dono Roberti Gouz, tres sextarios frumenti in molendino suo apud Vvadum de Cödrei. Ex dono Vvilelmi de Merlai, vnam acram terræ, & dimidiam, apud Audrei. Ex dono Vualteri de Aignealil, tres minas frumenti, & tres minas ordeï, in territorio Cadomen. Ex dono Simonis de Buefuill. vñ sextarium frumenti, in molendinis de Buefuill. Ex dono Maneri Sellonis, duodecim acras terræ apud Feugeroloes. Ex dono Roberti Iugan, decem & octo acras terræ, apud Capellam Engeuger. Ex dono Reginaldi de Barneres, duodecim solidos, duos capones, & triginta oua, apud Bouealuill. Ex dono Ricardi de Audrie, tertiam partem terræ suæ, apud Fontenei. Ex dono Hurtaudi, vñ acram terræ apud Maletot. Ex dono Vvilelmi Bacun de Formignie, vnam acram terræ apud Arthence. Terras, & redditus quos Alanus Lebrer, Radulphus Pucras, vt Vvilelmus Lauielle, & fratres ipsius, domui vestræ pietatis intuitu concesserunt. Sanè noualium vestrorum quæ proprijs manibus aut sumptibus colitis, siue de vestrorum animalium nutrimentis, nullus à vobis decimas exigere, vel extorquere præsumat: liceat quoque vobis, clericos, vel laicos liberos & absolutos è fœculo fugientes, ad conuersionem recipere; & eos absque contradictione aliqua retinere. Prohibemus in super, vt nulli fratrum vestrorum post factam in hospitali prædicto professionem, fas sit sine Prioris sui licentia, de eodem loco discedere: discedentem verò, absque communium litterarum vestrarum cautione, nullus audeat retinere. Scituimus in super, vt nulli liceat nouas & indebitas consuetudines, aut exactiones vobis, aut capellis vestris imponere, aut in vos, vel Domum, siue Capellas prædictas, sine manifesta, & rationabili causa excommunicationis, vel interdicti sententias promulgare. Cum autem generale interdictum terræ fuerit, liceat vobis

clausis ianuis, exclusis excommunicatis & interdictis, non pulsatis campanis suppressa voce, diuina officia celebrare. Obeunte verò te nunc eiusdem loci Priore, vel tuorum quolibet successorum; nullus ibi, qualibet surreptionis astutia, seu violentia, præponatur, nisi quem fratres communi consensu, vel fratrum maior pars consilij sanioris, secundum Deum, & Beati Augustini regulam prouiderint eligendum. Sepulturam quoque ipsius loci liberam esse decernimus; ut eorum deuotioni & extremæ voluntati, qui se illic sepeliri deliberauerint, nisi fortè excommunicati vel interdicti sint, nullus obstat. Salua tamen iustitia illarum Ecclesiarum, à quibus mortuorum corpora assumuntur. Decernimus ergo, ut nulli omnino hominum liceat præfatam domum temerè perturbare, aut eius possessiones auferre, vel ablatas retinere, minuere, seu quibuslibet vexationibus fatigare. Sed omnia integra conseruentur, eorum, pro quorum gubernatione ac sustentatione concessa sunt, vsibus omnimodis profutura Salua sedis Apostolicæ auctoritate, & Diocesani Episcopi Canonica iustitia. Si qua igitur in futurum Ecclesiastica seculariue persona, hanc nostræ constitutionis paginam sciens, &c. vsque, districtæ subiaceat ultioni. Cunctis autem eidem loco sua iura seruantibus, &c. vsque, præmia æternæ pacis inueniant. Amen, Amen, Amen. Datum Lateran. per manuum Ioannis Sanctæ Mariæ in Cosmidin Diaconi. Card. Sanctæ Romanæ Ecclesiæ Cancellarij. viij. Idus Aprilis. Indictione decimatercia. Incarnationis Dominicæ, anno millesimo ducentesimo decimo. Pontificatus verò Domini Innocentij Papæ tertij. Anno xiiij.

EPISTOLA LII.

R. DE· SOVREBI CLERICO.

Confirmat Præbendam ab Archiepiscopo assignatam.

CVM Ecclesia Suvvellen. in prouentibus, & in Clericorum numero penuriam pateretur. venerabilis frater noster G. Eboracensis Archiepiscopus ad supplendum defectum huiusmodi, & cultum diuini nominis ampliandum, cum consensu Capituli eiusdem Ecclesiæ, de quadam magna præbenda in eadem Ecclesia tunc vacante, duas præbendas instituit, duobus Clericis in perpetuum conferendas. Quarum vnā, scilicet Ecclesiam de Muskeham, cum pertinentijs suis idem Archiepiscopus dudum Magistro T. De Disce Clerico suo contulit: eoque illam postmodum resignante ipsam tibi liberaliter assignauit, quam postulasti tibi per sedem Apostolicam confirmari. Nos igitur tuis iustis postulationibus grato concurrentes assensu, dictam præbendam cum communia pertinente ad ipsam, sicut eam iustè possides & quietè, auctoritate tibi Apostolica confirmamus, & præsentis scripti patrocinio communimus. Nulli ergo, &c. hanc paginam nostræ confirmationis infringere, vel ei, &c. vsque, incursum. Datum Lateran. v. Idus Aprilis, Pontificatus nostri, anno tertio-decimo.

EPISTOLA LIIL.

ALBERTO FERENTINATI EPISCOPO.

*Locum quandam locum ad construendum Molendinum,
sub annua pensione.*



VIA te, sicut venerabilem fratrem, vinculo sinceræ charitatis amplectimur, in his quæ secundum Deum possumus, prompta tibi volumus benignitate deferre. Quocirca, venerabilis in Christo frater, tuis precibus inclinatus: locum qui dicitur Molendinum de Papa, cum omni iure nostro, ad consttuendum ibidem Molendinum, tibi & duobus successoribus tuis, titulo locationis sub annua pensione vnius libræ cere concedimus. Ita videlicet, quod post decessum eorundem successorum tuorum, locus ipse cum omni melioratione sua, liberè ad Romanam Ecclesiam reuertatur. Decernimus ergo, vt nulli omnino hominum liceat hanc paginam nostræ locationis infringere, vel ei ausu temerario contraire. Siquis autem hoc attentare præsumpserit, indignationem omnipotentis Dei, & beatorum Petri & Pauli Apostolorum eius, se nouerit incursurum. Datum Lateran. vij. Kalen. Maij, Pontificatus nostri, Anno tertio decimo.

EPISTOLA LIV.

NICIENSI EPISCOPO ET LIRINENSI CLAVSTRALI, ET DE MOGENIS
PRIORIBVS ANTIPOLITAN. DIOCESES.

Mandat vt mulierem quandam ad maritum suum redire cogant.



ACCEDENS olim ad Apostolicam sedem R. de Fonte Laicus, sua nobis conquestione monstrauit; quod cum Rixendam filiam Benedicti de Grassa Antipolitan. Diocesis duxisset legitimè in vxorem, & inter eos fuisset carnalis copula subsecuta: dictus B. in contrarium voluntate mutata, ipsum coram venerabili fratre nostro Antipolitan. Episcopo traxit in causam, dictam filiam suam asserens sibi coactam nupsisse. Cuius dictus Episcopus fauere cupiens voluntati, probationes eiusdem R. admittere recusauit; cum imperu proferens, quod antedictæ mulieri nubendi alij licentiam concedebat: à quo grauamine idem vir ad sedem Apostolicam appellauit, præfatæ inhibens mulieri, ne alij viro se præsumeret copulare. Sed dictus pater eandem filiam suam clam, non in facie Ecclesiæ, nihilominus cuidam Bertrando nomine minus licitè copulauit. Quare venerabili fratri nostro Vigintimilien. Episcopo, & dilecto filio Abbati Sancti Honorati, & Magistro R. Rectori Ecclesiæ Sancti Michaelis Antipolitan. Diocesis dedimus in mandatis, vt inquisita super præmissis diligentius veritate, quod Canonicum esset statuere procurarent, facientes quod statuerunt per censuram Ecclesiasticam firmiter obseruari. Ad quorum ire præsentiam, sicut eorum transmissæ nobis litteræ continebant, pars mulieris sæpius citata contempsit. Accedens tandem post multum temporis inter;

uallum, & asserens mandatum Apostolicum per suppressionem veritatis obtentum, proposuit mulierem eandem dicto R. cui coacta nupserat, minùs legitime copulatam, nec interuenisse carnalem copulam inter eos inficians: & improbare contendens, quòd dictus Antipolitanus probationes ipsius R. admittere recufarit, & quòd precipitarit sententiam contra eum. Præfatus igitur R. probationes super omnibus quæ ad obtinendum mandatum nostrum dixerat offerente, ipsi testes receperunt hinc inde. Et quoniam ad multas dilationes quas dederant ad probandum, & ad vnum peremptorium pars non venerat mulieris; cum vellent dicta testium publicare, procurator mulieris ipsius qui venerat ad aliud peremptorium quod assignauerat, appellauit litteras arguens falsitatis, & bullam volens astruere, quia punctus deerat, esse falsam. Cùmque dicti iudices appellationi ab eo interpositæ detulissent, eandem causam cum attestationibus receptis, ad nos sufficienter remiserunt instructam, Festum Beati Lucæ proximò præteritum vtrique parti terminum præfigentes, quo cum ipsis nostro se conspectui præsentarent. Nos igitur auditis attestacionibus ipsis & plenius intellectis, quia nobis constitit per easdem, mulierem ipsam in dictū virum suum præstitisse consensum. Discretionem vestræ per Apostolica scripta præcipientes mandamus: quatinus eandem, vt ad virum suum redeat, & affectui ei adhæreat coniugali; patrem quoque, ac matrem, ne consilium & auxilium ei præstent quo minus reuertatur ad ipsum monitione præmissa per censuram Ecclesiasticam appellatione remota cogatis. Nullis litteris veritati & iustitiæ præiudicantibus à sede Apostolica impetratis. Quòd si non omnes, &c. Tu frater Episcopo eum eorum altero, &c. Datum Lateran. vij. Kal. Maij. Pontificatus nostri, Anno tertio decimo.

EPISTOLA LV.

MONACHIS SANCTI IULIANI ET .. PERSONÆ ECCLESIE
SANCTI DIONISII DE AMBASIA.

*Confirmat compositionem factam inter Monachos Sancti Iuliani &
Canonicos Sancti Florentini, super iure Parrochiali
eiusdem Castri.*

CVM inter vos ex parte vna, & Canonicos Sancti Florentini Diocesis Turonen. ex altera, super iure Parrochiali eiusdem Castri, per vtriusque partis procuratores in nostra præsentia quæstio verteretur. Ad hanc tandem concordiam spontanei deuenerunt: vt videlicet Dominus Castri prædicti cum familia sua quam exhibet, milites verò cum familijs illis quæ percipiunt victum & vestitum ab eis quotidianum, necnon omnes Clerici eiusdem Castri cum familijs suis quas exhibent, præter illos dumtaxat, siue Clericos, siue Laicos, qui de familia Sancti Thomæ, ac Sancti Dionisij, & Sancti Saluatoris esse noscuntur, Canonicis memoratis, & eorum Ecclesiæ de cætero Parrochiali sint iure subiecti. Ipsi quoque Canonici, in quindecim Balijs inferiùs aunoratis, habeant decem & octo Baliuos, cum familijs eorum victum & vestitum quotidianū percipientibus ab eisdem. Ita quod id, nec minui valeat, nec augeri. Nomina verò

verò Baliuorum, & Balarum sunt ista. Præpositura Caſtri, Pedagiaria, Pontonaria, Annonaria, Præpositura Varannæ, Præpositura Ioannis de Ambasia, Præpositura Peronellæ de Vindocin. Villicus Domini de Nœreio. Præpositura Bertranni militis. Carpentaria Domini Ambasæ, Calderaria Domini, Bucheria Domini, Exclufaria, Tabernaria, & Forestaria. Verùm in tribus vltimò nominatis sex habere debebunt, & vnum in qualibet præmiſſarũ. Sanè corpora Parrochianorum suorum in cœmeterio Ecclesiæ Sancti Dionisij, quòd tam vobis, quàm præfatis Canoniciſ est commune, de cætero tumulabuntur à Canoniciſ memoratis, niſi aliàs decedentes elegerint ſepulturam. Et eadem corpora priùs per eos in præfatam Sancti Dionisij Eccleſiam inferentur, & miſſarum officijs, ſiquidem tempus fuerit celebrandi, à Monachis, vel Presbytero celebratis, oblatio ad Monachos & Presbyterum deuoluetur: quòd ſi tempus non fuerit celebrandi, huiusmodi corpora deſſeri ad ſepulturam ab Eccleſia memorata debebunt. Reliquum autem officiũ ad ſepulturam pertinens, pro ſui dignitate Conuentus celebrabit Canoniciſ antediſti; quòd non ſolummodo de Parrochianis eorũ ſtatutũ eſt eſſe ſeruandum, ſed etiam de omnibus alijs, ad quorum exequias in Eccleſia Sancti Dionisij celebrandas fuerint euocati. Chriſma verò & oleum Sanctum ab Eccleſia ipſa recipient ſimul & ſemel in anno. De feudatarijs in ſuper eſt ſtatutum: vt quicumque ipſorum habuerit plura feuda, vel vnum, etſi plura integra feuda ad plures perſonas deuenerint, quicumque habuerit integrum cum omni familia ſua quam exhibet; ſi verò integrum feudum in plures fuerit partes diuiſum, iſ qui partem tenuerit principalem, Eccleſiæ Sancti Florētini Parrochianus exiſtet. Reliquos autem omnes Eccleſia Sancti Dionisij obtinebit. Nos igitur concordiam approbantes eandem, ipſam auctoritate Apoſtolica confirmamus, & præſentis ſcripti patrocinio comunimũs. Nulli ergo omnino hominum liceat hanc paginam noſtræ confirmationis infringere, vel ei auſu temerario contraire. Si quis autem, &c. vſque, incurſurum. Datum Lateran. decimo. Kal. Maij. Pontificatus noſtri, Anno xũj.

EPISTOLA LVI.

CANONICIS SANCTI FLORENTINI.

Super eodem.

CVM inter vos ex parte vna; & Monachos Sancti Iuliani ac .. Perſonam Eccleſiæ Sancti Dionysij de Ambasia Diœceſis Turonen ex altera, &c. vt in alia, vſque, eſſe noſcuntur. Vobis & Eccleſiæ veſtræ de cætero Parrochiali ſint iure ſubieſti. Præterea vos in quindecim Balijs inferiũs annotatis, habeatis decem & octo Baliuos, &c. vt in alia, vſque, vltimò nominatis. Sex habere debebitis, & vnum in qualibet præmiſſarum. Sanè corpora Parrochianorum veſtrorum in cœmeterio Eccleſiæ Sancti Dionysij, quòd tam vobis quàm Capellano & Monachis eſt cõmune de cætero tumulabuntur à vobis, niſi aliàs decedentes elegerint ſepulturam, & eadem corpora priùs per vos in præfatam Sancti Dionisij Eccleſiam inferentur, &c. vſque, pertinens pro veſtri dignitate, Conuentus celebrabit. Quòd non ſolummodo de Parrochianis

vestris statutum est, &c. ut in alia, usque, celebrandas fueritis euocati. Christma verò & oleum sanctum ab eadem recipietis Ecclesia simul & semel in anno. De feudatarijs insuper est statutum, &c. ut in alia, usque in finem per totum. Datum similiter, ut in alia per totum.

EPISTOLA LVII.

EPISCOPO ET MAGISTRO ... FLO. ARCHIDIACONO ZAMOREN. ET
ABBATI DE MOREROLA DIOCESIS ZAMOREN.

*Committit inquisitionem super excessibus Canonicorum
Portugallensium.*



RAVE gerimus & indignum, quòd cùm venerabilis frater noster Portugalen. Episcopus, post diutinas persecutionis angustias, quas à charissimo in Christo filio nostro illustri Rege Portugalen, & eius noscitur sustinuisse ministris, euasis demum fugæ præsidio custodijs violentis, bonisque suis non solum Ecclesiasticis, verùm etiam patrimonialibus derelictis, compulsus sit pariter cum ... Decano suo, & alijs, licet paucis, tribulationis propriæ participibus, pro commissæ sibi Ecclesiæ libertate, ad sedem Apostolicam confugere quasi nudus. Canonici Portugalen. Ecclesiæ, quos eius, utpote boni Patris, oppressiõibus compati decuisset; non solum filialis compassiõis dicuntur ei subtraxisse solatium, quinimo tantò nocentiores alijs, quantò peius familiaris solet lædere inimicus, sæuendi aduersus ipsum temeritate sua præbuisse videntur extraneis incentiuum. Dum tam ipsi quàm Ecclesiæ memoratæ Portionarij excommunicationi subiecti, diuina non erubuerunt officia celebrare, contempto temerè interdicto, primò vel secundò per eundem Episcopum promulgato, super quo non relaxando ad sedem fuerat Apostolicam appellatum, & periurio nihilominus vilipenso, quod iidem Canonici dignoscuntur circa præfens negotium incurrisse. Nolentes igitur tantam præsumptionis audaciam relinquere incorrectam: discretionis vestræ per Apostolica scripta mandamus, & districtè præcipimus; quòd inquisita & cognita veritate, si rem inueneritis ita esse, Canonicos & Portionarios memoratos subl. to cuiuslibet contradictionis & appellationis ob. beneficijs Ecclesiasticis & officijs spoliatis. Nisi forsan ad interuentum & consilium præfati Episcopi, temperandum duxeritis huius Canonicæ disciplinæ rigorem. Volumus insuper & præcipimus, ut circa omnia quæ præmissa sunt, tam supra principali quàm supra incidenti appell. postposita procedatis. Quòd si non omnes, &c. Tuae frater Episcopo cum eorum altero, &c. Datum Lateran. iij. Idus Maij, Anno tertio-decimo.

EPISTOLA LVIII.

BURGENSI EPISCOPO.

*Terminat litem ortam super libertate Monasterij Oniensis
cum Episcopo Burgenfi.*



RTA inter te & Monasterium Onien. super statu ipsius Monasterij quaestione, cum venerabilis frater noster .. Segobien. Episcopus, & dilectus filius ... Palentinus electus, eam de nostro examinassent mandato; ipsamque sufficienter instructam ad nostrum remisissent examen. Nos tandem instrumentis, attestationibus, confessionibus, & allegationibus diligenter auditis, & perspicaciter intellectis, de communi fratrum nostrorum consilio, te ac L. Monacho procuratore praedicti Monasterij consensum praebentibus, ita duximus providendum, ut Burgen. Episcopus singulis annis semel ad idem Monasterium causa visitationis accedat, ubi deuote receptus, & per diem vnum honeste de bonis ipsius Monasterij procuratus, Capitulum intret, & habito ad Abbatem & Fratres exhortationis sermone, de statu eiusdem diligenter inquirat. Ac super his quae in eo reformanda, vel ordinanda cognouerit, Abbas Episcopi salubre consilium studeat adimplere. Si vero infra octo dies illud exequi non curauerit, totius negotij veritatem, idem Episcopus Romano Pontifici per litteras suas studeat fideliter intimare. Ipse tamen, nec in Abbatem, nec in Conuentum excommunicationis, vel suspensionis, aut interdicti sententiam, hac vel alia occasione, inconsulto Romano Pontifice ferre praesumat: sed mandatum ipsius Romani Pontificis expectetur, ut in eodem negotio iuxta quod ipse mandauerit procedatur. Et si Abbas fuerit inuentus culpabilis, super eo quod Episcopi consilium non admisit, satisfaciat ei de moderatis expensis, quas propter hoc eum fecisse constiterit, nuntium ad sedem Apostolicam destinando. Cum autem post consecrationem suam prima vice Burgenfis Episcopus ad Monasterium ipsum accesserit, recipiatur ab Abbate ac Monachis cum processione solemni, & si voluerit celebret ibi Missam. Quotiens etiam inuitatus accesserit pro exhibendis Ecclesiasticis sacramentis, procuretur ab eis; ita quod nunquam numerum personarum & euectionum excedat in Lateranensi Concilio diffinitum. Omnia siquidem Ecclesiastica Sacramenta quotiens indiguerint, ab eodem & non ab alio Episcopo exigant, & recipiant; dummodo gratiam Apostolicæ sedis habuerit, & ea gratis voluerit exhibere. Alioquin liceat illis quemcumque maluerint Catholicum adire Pontificem, qui ea sibi Apostolica fretus auctoritate concedat. Oniensis autem electus à Burgenfi Episcopo benedictionem reuerenter exposcat, quam ipse illi gratanter impendat, difficultatem aut moram nullatenus ingerendo, nisi forsitan ex publica fama, vel manifesta causa seu denuntiatione Canonica, rationabile quid obstat. Et tunc etiam Romanus Pontifex consulatur, & ipsius beneplacitum expectetur. Ita quod si constiterit Episcopum fuisse culpabilem, super eo quod benedictionem impendere noluisse electo, iustas ei refundat expensas, quas fecisse probabitur sedem Apostolicam consulendo. Cum autem ab eo

fuerit benedictus, reuerentiam ei super his tantummodo quæ præscripta sunt repromittat, professione huiusmodi super altare in scriptis oblata. In cæteris autem præfatum Monasterium plena gaudeat libertate. Ne igitur quod à nobis pro parte tam Burgenſis Eccleſiæ, quam Monasterij Onienſis ſalubriter eſt prouiſum, occaſione qualibet imposterum poſſit infringi: præſentium aucto-ritate ſtatui-mus, vt contra præſcriptam formam, nulla ſum-morum Pontificum pri- uilegia, vel ſecularium Principum ſcripta, nulla denique munimenta, vel argu-menta valeant præualere. Nulli ergo omnino hominum liceat hanc paginam noſtræ prouiſionis, & conſtitutionis infringere, vel ei auſu temerario contraire. Siquis autem hoc attentare præſumpſerit, indignationem omnipotentis Dei & Beatorum Petri & Pauli Apoſtolorum eius ſe nouerit incurſurum. Datum Lateran. . x. Kal. Maij, Pont. noſtri, Anno tertidecimo.

EPISTOLA LIX.

ZAMOREN. . ET LEGIONENSI EPISCOPIS.

*Committit executionem ſententiæ contra quam reſtitutio
in integrum obtenta eſt.*



SCITATA ſuper diuerſis articulis inter ven. fratrem noſtrū Burgenſ. Episcopum, & Onienſe Monasterium quaſtione. Cùm ven. frater noſter . . Segobien. Episcopuſ, & dilectus filius T. Palentinuſ ele-ctuſ, quibus aucto-ritate noſtra dicta fuit cauſa commiſſa, eam ſuffi-cienter inſtructam ad noſtram præſentiam remiſiſſent. Noſ eidem Episcopo & L. Monacho Monasterij Procuratori, qui propter hoc ad ſedem Apoſtolicam venerāt, audientiam cōceſſimus liberam & benignam. Qui cùm cœpiſſent prin-cipaliter litigare ſuper ſtatu Monasterij memorati, quod ad ſe de iure comuni ſpectare dictuſ Episcopuſ proponebat, vt pote in ſua Diocēſi conſtitutum, cuiuſ iuriſ uſum Burgenſem Eccleſiam longis retroactis temporibus habuiſſe firmabat. Et ex parte Monasterij diceretur, illud per Principes ſeculares, & Ro-manos Pontificeſ, ab antiquo libertate donatum, & ipſum longiſſimo tem-pore uſum fuiſſe plenaria libertate. Noſ auditiſ utrimque propoſitiſ, de voluntate partuſ demum ex prouidentia inter eaſ duximꝯ componendum, prout in alijs noſtriſ litteriſ ſuper hoc conſectiſ pleniuſ continetur. Poſtmodum verò partibuſ ſuper ſubiectiōe ac libertate membroruſ eiꝯdem loci, Mona-ſterioruſ uidelicet Capellaruſ, Cellaruſ, & Prioratuꝯ perſequentibuſ quaſ-tionem, quatuor ſibi dictuſ Episcopuſ in præſatiſ lociſ, ad ſe de iure comuni ſpectantibuſ, vt dicebat, cuiuſ iuriſ uſum habuerat ab antiquo, ſpecialiter ven-dicabat. Eorundem locoruſ Clericoſ aſſerendo teneri ad Episcoporuſ, Archi-diaconoruſ, & Archipreſbyteroruſ Burgen. accedere Synodoſ, excommu-nicationiſ, vel interdicti ſeruare ſententiāſ promulgataſ ab eiſ, procurationeſ annuaſ exhibere, ac ſinguloſ aureoſ ſoluere Burgenſi Episcopo nouiter ſubſti-tuto. Ad intentionem propriam roborandam ſuper primis tribuſ articuliſ, iuſ commune ſecunduꝯ quod dictoſ Clericoſ ſicut & alioſ ſuæ Diocēſiſ ad prædi-cta teneri, dicebat, ac iuriſ ipſiuſ uſum liberum ab antiquo; & ſuper quarto, antiquam & approbatam conſuetudinem allegando. De quibuſ omnibuſ per

depositiones testium fidem factam esse dicebat. Verum pars altera proposuit ex aduerso, supradicti Monasterij membra, sicut & ipsum cœnobium, ab antiquo fuisse secularium Principum, & Romanorum Pontificum, Urbani secundi, Paschalis secundi, Eugenij tertij, & Alexandri tertij priuilegijs libertate donata; & longis retroactis temporibus huiusmodi fuisse libertate gaudia, sicut per ipsa priuilegia exhibita coram nobis, ac instrumentum Victoris quondam Burgenfis Episcopi, & suorum depositiones testium manifestè constare dicebat. Nos igitur auditis & intellectis quæ utraque pars proposuit coram nobis, super quatuor præmissis capitulis Monasterium Onienſe de consilio fratrum nostrorum iustitia condemnauimus exigente. Sententia verò lata procurator præfatus ad probandam præscriptionem, tam super quatuor articulis prænotatis, quàm etiam supra quibusdam decimis post transactionem acquisitis à Monasterio, Ecclesijs & colonis ipsius ex Episcopi parte petitis, quarum controuersiam volebamus sententiæ calculo terminare, & in qua fuerat coram iudicibus supradictis conclusum, restitutionem in integrum nomine Monasterij postulauit. Et cum super hoc coram nobis fuisset aliquandiu litigatum; nos deliberatione præhabita, restitutionem in integrum ad præscriptionem probandam, tam super quatuor articulis prænotatis, quàm etiam supra controuersia decimarum, eidem procuratori nomine Monasterij duximus indulgendam. Tibi frater Zamoren. & dilectis filijs Magistris Mauricio Archidiacono Toletan. & Michaeli Canonico Segobien. dantes nostris litteris in mandatis, ut recipiatis testes quos pars Monasterij ad probandam præscriptionem legitimam super quatuor articulis sæpeditis, & super capitulo decimarum, vel etiam Episcopus ad interruptionem probandam duxerit producendos. Et si de partium voluntate processerit, causam ipsam appellatione remota sine debito terminetis. Alioquin remittatis eandem ad nos sufficienter instructam, præfigentes partibus terminum competentem, quo nostro se conspectui repræsentent, sententiam dante Domino recepturæ. Ne verò per excogitatam malitiam, sicut ex quibusdam præsumptionibus pluribus videbatur, effectum sententiæ in damnum Episcopi contingeret impediri; neue Monasterium per executionem sententiæ propter ipsas suspensiones incurreret detrimentum. Nos æquitare pensata ita duximus prouidendum, ut ante omnia supradicta sententia à nobis prolata per vos executioni mandetur. Quocirca fraternitati vestræ per Apostolica scripta mandamus: quatinus sententiam ipsam sublato appellationis obstaculo executioni mandantes, faciatis eandem inuiolabiliter obseruari. Contradictores per censuram Ecclesiasticam compescentes. Quod si non ambo his exequendis potueritis interesse, alter vestrum ea nihilominus exequatur. Datum Lateran. viij. Kal. Maij, Pontificatus nostri, anno tertio decimo.

EPISTOLA LX.

ZAMOREN. EPISCOPO, ET MAGISTRIS MAVRICIO ARCHIDIACONO
TOLETAN. ET MICHAELI CANONICO SEGEBIEN.

*Mandat ut testes recipiant super causa prædicta, ut &
cautionem ab Episcopo Burgenſi.*

SUSCITATA super diuersis articulis, &c. In eundem modum, vt in alia, per totum vsque, duximus indulgendam. Quocirca præsentium vobis auctoritate mandamus: quatinus recipiatis testes quos pars Monasterij ad probandam præscriptionem legitimam, &c. vt in alia. Vsque, à nobis prolata sublato appellationis obstaculo executioni mandetur, cuius executionem tibi frater Zamoren. & venerabili fratri nostro .. Legionen Episcopo duximus committendam. Volumus nihilominus, & mandamus, vt ab Episcopo recipiatis idoneam cautionem, quòd si Monasterium in causa ipsa per sententiam præualuerit, vniuersa quæ medio tempore ipsius sententiæ occasione perceperit, Monasterio restituat memorato. Quòd si non omnes, &c. Duo vestrum in ea, &c. Datum, vt in alia per totum.

EPISTOLA LXI.

EISDEM.

*Committit causam de consensu partium qua inter Burgen. Ecclesiam &
Clericos Sanctæ Mariæ de Castro Soris vertebatur, ab ipsis si
partes consenserint debito fine terminandam, vel instructam
ad sedem Apostolicam remittendam.*

CVM in causa quæ inter Burgenſem Ecclesiam, & Clericos Sanctæ Mariæ de Castro Soris, super quibusdam Ecclesijs, & rebus alijs vertitur, ad dilectum filium Abbatem de Retorta, & .. Priorum de Corrubijſ fuerint à sede Apostolica literæ impetratæ. Ipsi reputantes venerabilem fratrem nostrum .. Burgenſem Episcopum contumacem, in rerum petitarum possessionem causa rei ſetuandæ partem induxerunt aduerſam. Verùm cum super eorundem processu, quem memoratus Episcopus, vtpote post appellationem ad nos legitimè interpositam attentatum, reuocari petebat; inter ipsum & ... partis aduerſæ procuratorem fuiſſet in noſtra præſentia diutius litigatum, taliter fuit demum à nobis de ipſorum voluntate prouiſum. Vt tam super dictarum rerum omnium possessione, quàm etiam fructibus quos nunc poſſunt dicti Clerici reſtituere, præſato Episcopo reſtitutis, de reſtituendis alijs, quàm citò ſe facultas obtulerit, idoneam exponant dicti Clerici cautionem; ad quod eos ſi neceſſe fuerit per vos volumus & mandamus appellatione remota Eccleſiaſtica cenſura compelli. Poſtmodum autem Episcopus petijt coram nobis, vt Clericos euſdem Eccleſiæ qui poſt interdicti ab eodem Episcopo, & excommunicationis ſententias, à ... Palentin. electo & ſuis coniudicibus delegatis à nobis, propter

eorum contumaciam rationabiliter promulgatas, diuina præsumplerant officia celebrare præfatis sententijs vilipensis, pœna dignaremur Canonica castigare, ac quorundam eorum corpora faceremus de cœmiterio Ecclesiastico exhumari quæ interim fuerant tumulata. Procurator verò prædictus tam super libertate liberè sibi eligendi prælarum, quàm etiam supra retrijs ipsius Ecclesiæ medietate domorum, molendinorum, vinearum, terrarum, & hortorum, ad ipsam Ecclesiam in eodem castro spectantium, & Ecclesiarum ac terrarum eiusdem castri & circumadiacentium heremitarum: item S. Nicolai, S. Dominici, Sanctæ Cecilie, S. Iacobi, S. Stephani, S. Ioannis, S. Michaelis, & Sanctæ Eulalie Ecclesiarum, & Heremitarum circumadiacentium eis. Rursùm S. Michaelis de Tana-nera, S. Stephani de Castriello, Sanctæ Marie de Villafilos, S. Martini, & S. Andreæ Ecclesiarum, cum adiacentibus eis heremitorijs vniuersis. Terrarum quoque ac vinearum & molendinorum medietatis & de Arnelas, & de Palatios, & de Fitero Ecclesiarum. Necnon & de Ponte fitero, & de Feneiofa, & Villæ viridis. Et de Alcobella, & Sancti Cypriani Ecclesiarum, ac Heremitarum omnium circumadiacentium eis. Procuracionum quoque, & obedientiarum, & interdictorum de Valbonella, de Fonte Lefina, & de Valuinchera, & de Valuas Ecclesiarum, & medietatis de solaribus, hortis, terris, vineis, molendinis Ecclesiarum de villa Serigo, & circumadiacentium Heremitarum, de Villimara, & de Villaquiran Ecclesiarum, terrarum & vinearum Ecclesiæ de Valdemoro cum adiacentibus eis Heremitorijs vniuersis. De Quintanella quoque, & de Fontan. De Castellanos, & de Villa Aios Ecclesiarum, medietatis insuper de solaribus, terris, hortis, vineis, & molendinis, Ecclesiæ de Fanos, & de Fenestrosa, cum Heremitorio, & De Pedrosa cum circumadiacentibus Heremitorijs. S. Eugenie, & S. Ioannis de Pisuerga Ecclesiarum, ac instituendi Prælatos & Archipresbyteros in eisdem, & hæreditaris cuiusdam apud Ormazza restitutionem humiliter postulauit. Petijt quoque, vt quasdam res mobiles, scilicet turribulum, & scipum argentea, mulam, & mulum, centum oues, & tria iuga bouum, cum apparatibus suis, duodecim porcos, & sex modios panis, dolium vini, galinarum quoque & anserum, ac valentiam annonarum, quæ prædictus Burgen. Episcopus per tres menses in quindecim equitaturis expendit. Tapeta duo, linthea, miniatia, & totidem puluina, mantas tres, culcitram vnâ, mantilia quatuor, logam carralem de corio, ferrum caldararum, acerrum, tres aczados, totidem aczadas, quatuor cistas scutellis plenas, quatuor fulchra & auricularia tria, coopertorium vnum; necnon & lectum de corio, cuppam de Villa Aios ad Villam de Silos tunc temporis deportatâ, duas cuppas alias de ciuitate Burgen. ablatas, & aliam venditam in Leuis, scamna tria, carrum ferratum, quibus omnibus pars sua spoliata fuerat, ei restitui mādaremus. Adiecit insuper quòd dictus Burgen. Episcopus, clauēs Sacriste abstulit violenter, codicemque priuilegiorum ablatum non reddidit, donec ea quæ contra ipsum & suam Ecclesiam in eo continebantur abrafit: quædam nihilominus detinens, quæ delegati à nobis iudices sub excommunicationis pœna restitui præceperunt. Quæ omnia sibi procurator prædictus, cum fructibus perceptis ex eis restitui postulabat; & supra his satisfacionem sibi congruam exhiberi. Lite igitur coram nobis super præmissis legitimè contestata, quia super vtriusque propositis nobis non potuit fieri plena

fides, causam ipsam de ipsorum Episcopi & procuratoris assensu vobis duximus committendam; per Apostolica scripta mandantes, quatinus absolutis clericis eiusdem Ecclesie ad cautelam, audiat causam, & eandem, si de partium voluntate processerit, appell. remota sine debito terminetis, facientes quod decreueritis per censuram Ecclesiasticam firmiter obseruari. Alioquin ipsam sufficienter instructam ad nostram presentiam remittatis, præfigentes partibus terminum competentem quo se nostro conspectui representent, iustam auctore Domino sententiam recepturæ. Testes autem qui ab utraque parte fuerint nominati, si se gratia, odio, vel timore subtraxerint, per censuram eandem appell. remota cogatis veritati testimonium perhibere. Nullis litteris obstantibus, præter assensum partium à sede Apostolica impetratis. Quòd si non omnes his exequendis, &c. Duo vestrum ea nihilominus exequantur. Datum Romæ apud Sanctum Petrum quarto, Kal. Maij, Anno tertio decimo.

EPISTOLA LXII.

EISDEM.

Confirmat sententiam laicam à delegatis, & executionem mandat, & super quibusdam articulis testium receptionem.

BURGENSI Capitulo dudum ad nos suam querimoniam destinante; quòd Monasterium S. Ioannis de Ortega ad Burgensem Ecclesiam pertinebat, cui G. Martini Sacerdos, & quidam alij, debitam recusabant obedientiam exhibere, violenter ipsum Monasterium detinentes. Nos bonæ memoriæ .. Episcopo, & dilecto filio ... Archidiacon. & Thesaurario Palentinis commisimus causam ipsam. Coram quibus P. Ioannis Burgen. Ecclesie procurator, contra Petrum Bartholomæi, Petrum Ioannis, Dominicum Martini, Ioannem & Gundisaluum, singulariter videlicet contra quemlibet suam exeruit quæstionem: & possessorium iudicium intentando, proposuit ab eisdem violentiam Burgen. Ecclesie fuisse illatam, restitutionem portionis vnus Canonici petens à quolibet prædictorum; postulans nihilominus, vt expellerentur à Monasterio memorato, vt pote violenter intrusi, & propter inobedientiæ vitium poena Canonica punirentur. E contra prædicti Canonici prorsus inficiantes se aliquam Burgen. Ecclesie violentiam intulisse; aut extitisse inobedientes eidem aliquatenus, vel rebelles, dixerunt; quòd cum essent Canonici regulares nihil penitus possidere poterant, vel agere, seu etiam respondere, absque sui prioris licentia, & mandato. Adiecerunt insuper, quòd cum diuixit non essent in præfata S. Ioannis Ecclesia portiones, ipsi cum nihil certum penitus possiderent, etiam si essent Clerici seculares, ad restituendam aliquam portionem, non poterant condemnari, nec à præfata Ecclesia supradicta occasione depelli. Iudices verò vtriusque partis attestationibus, & allegationibus diligenter inspectis, in tribus primis Capitulis supra quibus fuerat possessorium intentatum, antea factos quinque Canonicos absoluerunt, condemnantes eosdem ad Canonicam obedientiam Burgen. Episcopo exhibendam. A qua sententiâ cum Burgen. Episcopus appellasset, nos venerabili fratri nostro Oscensi Episcopo, &

dilecto filio Tirafonen. Decano, & Præposito Iaccen. dedimus in mandatis; vt in appellationis causa legitimè procedentes, eandem sententiam sicut iustum esset confirmare vel infirmare curarent. Qui vtriusque partis confessionibus & rationibus intellectis, & aduertentes supradictas petitiones, ex parte Burgen. Ecclesiæ contra præfatos Clericos, nimis ineptè ac irrationabiliter fuisse conceptas, antedictam sententiam confirmarunt, verba in eadem expressa tenori suæ sententiæ annectentes: qui sententia in scriptis redacta, & in eiusdem serie annis Incarnationis Dominicæ annotatis, huiusmodi clausulam subiecerunt. Præterea de illata Burgen. Ecclesiæ violentia, & interdicto à prædictis quinque Clericis non seruato, ac expensis à procuratore Clericorum de Ortega petitis, referuamus nobis licentiam cognoscendi. Cùm autem nuper venerabilis frater noster. Burgen. Episcopus, & supradictorum Clericorum procurator, in nostra præsentia super præmissis aliquandiu litigassent, nos vtrimque propositis intellectis, sententiam vltimorum iudicum in eo duximus sententialiter confirmandam, in quo supradictorum iudicum dignoscuntur sententiam confirmasse. In eo verò, quòd iam lata sententia sibi licentiam cognoscendi supra quibusdam articulis referuarunt, dictum eorum decreuimus irritum & inane. Quocirca discretioni vestræ per Apostolica scripta mandamus: quatinus supradictam sententiam auctoritate Apostolica confirmatam, faciatis per censuram Ecclesiasticam appellatione remota inuiolabiliter obseruari. Quia verò super libera administratione Monasterij memorati, & rebus eiusdem, quibus Burgen. Ecclesiam dicebat Episcopus spoliata; & super fructibus, & rebus alijs quas Canonici ab eodem Episcopo repetebant, his coram nobis fuit solemniter contestata; Discretioni vestræ per Apostolica scripta mandamus: quatinus recipiatis testes quos vtraque pars duxerit producendos, & causam ipsam, si de partium voluntate processerit, sublato appellationis obstaculo sine debito terminetis, facientes quod decreueritis per censuram Ecclesiasticam firmiter obseruari. Alioquin eandem ad nos remittatis sufficienter instructam, præfigentes partibus terminum competentem, quo nostro se conspectui repræsentent, sententiam dante Domino recepturæ. Testes autem qui fuerint nominati, si se gratia, odio, vel timore subtraxerint, per censuram eadem appellatione cessante cogatis veritati testimonium perhibere. Nullis litteris obstantibus præter assensum partium à sede Apostolica impetratis. Quòd si non omnes his exequendis potueritis interesse, duo vestrum, &c. Datum Romæ apud Sanctum Petrum iij. Kal. Maij. Pontificatus nostri, Anno tertiodecimo.

EPISTOLA LXIII.

ARCHIEPISCOPO ET SYFFRAGANEIS ECCLESIE NARBONEN.

Scribis pro quibusdam Vvaldensibus ad Ecclesia unitatem reuersis.

CVM talis esse debeat ars eorum quibus regendæ animæ committuntur, vt non solùm à Dominico grege subductas sollicitudine pastoralis reducere, verùm etiam reductas ad ipsum, patema in eo studeat mansuetudine confouere. Proculdubio nobis & vobis est sollicitè prouidendum, vt di-

lecti filij Durandus de Osca, & Guillelmus de Sancto Antonino, cum socijs suis reconciliatis Ecclesiasticæ vnitati taliter foueantur in ipso: quòd cùm ipsi se lætabantur ibidem inuenire fauorem speratæ dulcedinis, alij eorum inducantur exemplo errorem suæ deferere cæcitat. Quapropter fraternitatem vestram nonemus attentius, & hortamur, per Apostolica vobis scripta præcipimus mandantes: quatinus ipsos præcedentes secundum Dominum charitatiuè tractetis, ne permittatis eos, aut illos, qui suum ipsis intuitu charitatis impenderunt beneficium, in vestris Diocesibus cõstitutos, huius occasionis prætextu à quoquam temerè molestari. Contradictores Ecclesiastica censura appellatione postposita compescendo. Quòd si non omnes, &c. Singuli vestrum in Diocesi sua ea nihilo minus exequantur. Datum Lateran. iij. Idus Maij, Pontificatus nostri, Anno tertio decimo.

In eundem modum scriptum est Archiepiscopo & suffraganeis Ecclesiæ Tarracon. Datum. vt in alia per totum.

In eundem modum scriptum est Archiepiscopo Mediolanen. & suffraganeis eius. Datum. vt in alia per totum.

EPISTOLA LXIV.

PRIORI ET CAPITULO B. MARLE DE SALIS BITVRICEN.

Confirmat Statuta Ecclesia de Salis.

SO LET annuere sedes Apostolica pijs votis, & honestis petentium precibus fauorem beniuolum impertiri. Sanè sicut ex tenore vestrarum litterarum accepimus, vos ad dissensionis materiam amputandam, quæ pro donationibus præbendarum Ecclesiæ vestræ sæpius emergebat, de assensu venerabilis frat. nost. G. Bituricen. Archiepiscopi communiter statuistis. Quòd postquam Ecclesiæ vestræ præbendæ ad duodenarium deuenerint numerum, qui per ipsum Archiepiscopum, & vos etiam in vestra est Ecclesia institutus, præbendas quæ vacauerint Bituricen. Archiepiscopus qui pro tempore fuerit, personis quibus voluerit secundum Deum conferat, & assignet. Ita quod is qui ab eodem fuerit institutus, Priori obedientiam faciat, & circa eum Prior correctionem habeat, quemadmodum circa tales habere hæcenus consueuit. In hominibus verò, terris Ecclesiæ, ac omnibus alijs, Prior & Capitulum debitam iurisdictionem obtineant, & hæcenus consuetam. Vacante verò Bituricen. Ecclesia, siquam in Ecclesia vestra præbendam vacare contigerit, illam absque contradictione cuiusquam conferat solus Prior. Cedente verò, vel decedente Priore, ipsius Ecclesiæ, Canonici eiusdem loci liberam eligendi Priorem habeant facultatem: & illa in hoc articulo gaudeant libertate, qua Ecclesiæ alix in Bituria positæ gaudere noscuntur. Hoc etiam constitutum, sacrosanctis tactis Euangelijs seruaturos vos in perpetuum promissistis. Nos igitur vestris precibus inclinati, statutum ipsum sicut piè, ac prouidè factum est, auctoritate Apostolica cõfirmamus, & præsentis scripti patrocinio communimus. Saluo in omnibus Apostolicæ sedis mandato. Nulli ergo, &c. hanc paginam nostræ confirmationis infringere, vel ei, &c. vsque incursum. Datum Lateran. vij. Idus Aprilis, Anno tertio decimo.

EPISTOLA LXV.

ILLVSTRI REGI DANORVM.

Recipit sub protectionem suam Danorum Regem cruce signatum.

VOD orthodoxæ fidei zelo succensus ad laudem diuini nominis, & Christianæ religionis honorem, signo Crucis assumpto, ad reprimendam feritatem incredulæ nationis, regalis exerere decreuisti gladium potestatis. Pium deuotionis tuæ propositum in Domino commendamus, illudquæ fauoris Apostolici gratia prosequentes, personam & regnum tuum cum omnibus bonis tuis, sub B. Petri & nostræ protectione suscipimus. Statuentes, vt quamdiu vacaueris operi huiusmodi pietatis, integra maneant, & à cuiuslibet temeritatis incursum quieta consistant. Verum tuam regalem prudentiam commonemus, vt ita prouide tibi & tuis caueas vndecumque, ne, quod absit, sub nostræ protectionis prætextu, quamlibet te contingat sustinere iacturam. Datum Lateran. nonis Maij. Pontificatus nostri, anno teritiodecimo.

EPISTOLA LXVI.

ILLVSTRI REGINÆ FRANCORVM.

Consolatur Reginam à Rege post repudium admissam, at neglectam.

VPER amaritudine in qua es, paterno tibi compatientes affectu, serenitatem tuam consolando monemus, vt quæ alios cum Rege confortat tuo per matrimonialem ipsius copulam accessisti reclusa, veneranda Regina tui, te regas in imminenti pugna molestia, per quam Deus tuam voluit examinare virtutem: sic in omnibus quæ aduersa videntur & dura, te formans; vt plus ex formidine mentis ea, quàm ex necessitatis instantia perferendo, non tam pareas, quàm super his assentias voluntati diuinæ. Nec vnquam tristis excipiens quod acciderit contra votum, tributum tuum hilaris, non inuita persoluas. Attendens, quod vniuersa quæ in miseræ huius mundo à quocunque penduntur, quasi quædam necessaria sunt humanæ vitæ tributa, quorum immunitatem nemo poterit cum effectu, vel petere, vel sperare. Quapropter, charissima in Christo filia, de tua te consolare fortuna, & animum induendo virilem, ab ipsius constantia non recedas; vt quasi de proprio fato conquesta, illud tibi gemas accidere, quod multis indignioribus non videtis euenire. Cum enim finè aduersario virtus marceat, quæ quanta sit, aut quid valeat, tunc apparet, cum illam patientia manifestat: in exagitationem doloris, nequaquam est peruertendum, quod verius potest ad consolationis materiam imputari. Pater quippe cælestis carnalium more parentum, non educantium filios in delicijs; quos intendunt ad virtutem componere; te per hæc voluit expetiri, & sibi, non tanquam delicatam, sed sicut electam filiam præparare. Qua de re periculosius reputans, quod in reprobis alitur audacia per licentiam, quàm quod virtus per disciplinam proficit in electis; patientiam tuam feras humiliter exerceri. Et

quia patientibus patienter passio non est pati; sic æquanimitèr sustineas vniuersa, quòd ille in cuius manu cor Regis est, & quocúmque voluerit vertet illud, humilitaris rux merito prouocatus non solùm aduersitatis cause submota conciliando tibi animum viri tui tuam remuneret patientiam, verùm etiam gratia sui, qui verus sponsus est fidelium animarum, expectationis tuæ angustiam recompenser. Secura de nobis quòd in quibus oportuerit & decuerit, nequaquam tibi suffragium fauoris Apostolici subtrahemus. Datum vt in alia per totum.

EPISTOLA LXVII.

EBORACENSI ARCHIEPISCOPO.

Vi moneatur Rex Anglia ad satisfactionem Ecclesie Eboracen.

DOMVS Domini concedit nos tunc zelus, & igne illo succendimur vehèmenter, quem filius hominis mittens in terris voluit vt arderet cum hi contra Ecclesiasticam libertatem insurgunt, qui si se recoleant, vt deberent, à Domino suscepisse ad malefactorum vindictam gladij potestatem, illam deberent pro viribus deffensare, vt passeris spirituales videlicet nidificarent in eos velut in cedros Libani plantatos à Domino, & turtur nidum vbi suos pullos reponeret inueniret. Sanè grauis ex parte tua, nobis est oblata querela. Quòd cum Ioannes Rex Angliæ ab Ecclesijs & domibus Elemosinarijs Eboracensis Prouinciæ tertiam decimam disposuisset recipere, tu id præsentiens pro Ecclesiastica libertate tuenda sedem Apostolicam appellasti, te ac tuæ & vniuersos eiusdem Prouinciæ Clericos nostræ protectioni supponens. Verùm Rex ipse à proposito quod præconceperat non recedens, non solùm de demanio tuo, & à te tenentibus, sed etiam à Religiosis, & plerisque Clericis Eboracen. Prouinciæ, tertiam decimam prouentuum eorundem extorsit, contra Ecclesiasticam libertatem. Cùmque tu hæc ferre non praxualens, recessisses de partibus Anglicanis, ad nostram præsentiam accessurus. Idem Rex, te ac tuos, temporabilibus, mobilibus, & immobilibus spolians, iurisdictionem tuam circa spiritualia multipliciter iuxta suæ voluntatis arbitrium impediuit, & possessiones, & nemora tua in graue præiudicium Eboracen. Ecclesiæ distrahi faciens, in plurimis alijs tibi, & tuis iniurius extitit admodum, & molestus. Cùm igitur tantam Dei & Ecclesiæ suæ iniuriam, non tantùm propter dispendium temporalium, quantùm propter periculum animarum nequeamus conuiuentibus oculis pertransire; qui si necessitas id exposceret, pro tuenda Ecclesiastica libertate non dubitaremus exponere nosmetipsos. Licet super hoc venerabilibus fratribus nostris Helien. . Vuigornien. & .. Heroforden. & postmodum Londonien. & .. Rossen. Episcopis, & dilecto filio .. Decano Lincolnien. litteras nostras duxerimus destinandas. Nihilominus tamen fraternitati tuæ per Apostolica scripta mandamus: quatinus Regem eundem moneri facias efficaciter, & prudenter induci, vt suæ saluti consulens & honori, tam tibi quàm Ecclesijs & alijs ad te spectantibus ablata restituat vniuersa, & de damnis & iniurijs irrogatis satisfaciatur competenter. Alioquin prædictis litteris non obstantibus, per quas nondum extitit plene in negotio ipso processum, tu propter

propter hoc officij tui debitum in Eboracen. Prouincia exequaris. Quod per appellationis obiectum nolumus impediri. Datum Lateran. 2. nonas Maij, Anno tertio decimo.

EPISTOLA. LXVIII.

EPISCOPO ET ABBATI SANCTI IOANNIS IN VINEIS, ET
DECANO SVSSIONEN.

*Vt reuocent litteras per ſubreptionem impetratas ſuper
præbenda Caſletenſi.*

DELECTVS filius Bartho. Canonicus Caſleten. in noſtra propoſuit præſentia conſtitutus: quòd eùm Præpoſitus Caſleten. Morinen. Diœceſis, qui filijs, nepotibus, & cognatis Eccleſiæ ſuæ conferre præbendas quaſi iure hæreditario conſuevit: præbendam ... filij ſui deſſuncti à ſua nolens cognatione diſiungi, eam ... nato ... filix ſux tunc lactenti dediſſet. Nos venerabili fratri noſtro ... Siluaneſtenſi Epifcopo, & coniu dicibus ſuis dedimus in mandatis, vt præbendam eandem, vtpote de iure vacantem, Apoſtolica ſibi auctoritate conferrent. Ad quorum impediendum proceſſum, dictus Præpoſitus, & quidam de Canonicis ipſi animo & parentela coniuncti, fruſtratorie noſtram audientiam appellantes, appellationem emiſſam perſequi non curarunt. Excepto quòd vnus eorum R. videlicet pueri dicti pater, tandem ad præſentiam noſtram accedens, coram bonæ memoriæ Mathæo S. Theodori Diacono Cardinali, à nobis ſibi auditore conſeſſo, ad hoc ſe aſſeruit non veniſſe. Quare dicto Præpoſito & Capitulo Caſleten. per ſcripta noſtra mandauimus; vt eidem præſcriptam præbendam ſine difficultate cõferrent; dilectos filios ... Abbatem S. Auberti Cameracen. & Collegas ipſius executores ſibi nihilominus concedentes. In quorum præſentia pars aduerſa comparens, litteras quaſdam exhibuit continentes, quòd præbendam Præpoſito confirmaueramus eandem, ſicut ipſam iuſtè ac pacificè poſſidebat: per quas ipſum ab intentione ſua excludere nitebatur. Verùm iudices attendentes confirmationem huiusmodi non valere, eùm præbendam illam Præpoſitus poſſidere non poſſet, & procedentes in noſtri executione mandati, in corporalem poſſeſſionem præbendæ ipſum inducere curaerunt: propter quod pars aduerſa vocem ad nos appellationis iteratò emiſit, quam ſicut & primam perſequi non curauit. Cùmque occasione illius, poſſeſſionem ipſius Canonici per annum, & ampliùs multipliciter perturbaret, idem ad ... Abbatem S. Nicaſij Remen. & coniu dices ſuos noſtras litteras impetrauit. Qui ex Capitu li relatione comperto, quòd ſibi periculolum exiſteret in Eccleſia reſidere, ipſi fecerunt ſecuritatem præſtari firmatam præſtito iuramento. Qua recepta eùm crederet ſe ſecurum, Præpoſitus & complices eius in ... fratrem ipſius in Eccleſia coram altari aſtantem in die cœnæ Domini manus ſacrilegas iniecerunt, & tumultu exorto auxilio Canonicorum & Presbyterorum aſtantium, vix manus ipſorum effugere potuerunt. Cæterùm eùm coram dicto Abbate S. Nicaſij ſuiſque Collegis ſuper hoc perſequeretur ius ſuum, idem Præpoſitus ad ... Abbatem de Bergis & coniu dices ſuos, nulla de ipſo

vel negotio memorato habita mentione, nostras litteras impetrauit. Quos idem Canonicus habens certa ratione suspectos, utpote quorum vnus Præpositus erat affinis, & alter in eadem causa ipsius extiterat aduocatus, eumque ad loca suspecta vocantes frequenter, præcipitabant sententiam excommunicationis in eum per contumaciam non absentem, & prædictum Præpositum à præfatis iudicibus excommunicatum, pro eo iustitia exigente absoluerent; licet standi mandatis eorum cautionem iuratoriam præstitisset, & nolebant super sedere negotio ad mandatum ipsorum, cum super hoc nullam iurisdictionem habebant, ad nostram duxit audientiam appellandum. Quocirca discretioni vestræ per Apostolica scripta præcipiendo mandamus: quatinus, si est ita, reuocato in irritum quidquid occasione litterarum illarum, quæ per veritatem tacitâ fuerant impetratæ, ab eisdem iudicibus in eius præiudicium inueneritis attentatum, memoratum Canonicum faciatis eiusdem præbendæ, auctoritate nostra, pacifica possessione gaudere: ac de damnis & iniurijs irrogatis eisdem, satisfactionem debitam exhiberi. Tam præfatum Præpositum, quam contradictores quoslibet, per censuram Ecclesiasticam sublato appellationis obstaculo compescentes. Non obstantibus aliquibus litteris quæ de his omnibus non faciant mentionem, & in quibus non contineatur incertum quod de nostra certa scientia emanarint. Testes autem, &c. Quod si non omnes, &c. Tu frater Episcopo, &c. Datum Lateran. viij. Kal. Maij, Anno tertio decimo.

EPISTOLA LXIX.

FRATRIBVS MONASTERII ONIENSIS.

Confirmat compositionem factam de tertijs decimarum inter Monasterium Oniense, & Episcopum Burgensem.



Is nos conuenit robur Apostolicum impertiri, quæ semel in contentionem deducta, iudicio sunt, vel concordia terminata; ne sopitæ quæstimonix reuiuiscant, & relabantur iterum in recidiuæ scrupulum quæstionis. Sanè cum olim inter Ecclesiam vestram, & bonæ memoriæ Victorem Burgen. Episcopum super tertijs decimarum quæstio suborta fuisset, tandem inter eos huiusmodi compositio intercessit. Quod videlicet memoratus Episcopus de suorum Canonicorum assensu concessit, & confirmauit Ioanni tunc Onien. Abbati eiusque Catholicis successoribus in perpetuum, tertijs decimarum in omnibus Ecclesijs suis, quas idem Abbas eo tempore possidebat. Necnon decimas quas vsque tunc in villis de Arenis Sant. Tamaio. Terminon. Ventretea. Solas. & Pelluegas, recipere consueuerat Episcopus memoratus. Præfatus verò Abbas cum Capituli sui consensu, prænominato Episcopo & successoribus eius, villam Ribillam cum omnibus pertinentijs suis concessit perpetuò possidendam. Cum autem nuper venerabilis frater noster Gar. Burgen. Episcopus, & Lupus Procurator vester, inter alias quæstiones vtrinque propositas coram nobis, cepisset supra præfatis decimarum tertijs litigare, tandem compositionem præfata memoratus Episcopus recognouit, eandem se velle seruare proponens. Nos igitur vestris precibus inclinati, compositionem

iam dictam sicut piè ac prouidè facta est, & ab vtraque parte sponte recepta, ad exemplar bonæ memoriæ Alexādi Papæ prædecessoris nostri, auctoritate Apostolica confirmamus, & præsentis scripti patrocínio communimus. Nulli ergo omnino hominum liceat hanc paginam nostræ confirmationis, &c. Siquis autem, &c. vsque, incutitum. Datum Lateran. nonis Maij, Pontificatus nostri, Anno xijj.

EPISTOLA LXX.

EPISCOPO ZAMOREN. ET MAVRICIO ARCHIDIAcono TOLETANO, ET
MAGISTRO MICHAELI CANONICO SEGOBIEN.

*Quod recipiant testes super præscriptione à Monasterio
Oniensi allegata.*

CVM L. Procurator Monasterij Onien. proposuisset inter alia coram nobis; ad illud in suis Ecclesijs, tatione cuiusdam transactionis inter ipsum, & bonæ memoriæ Victorem Burgen. Episcopum olim initæ, Parrochiale ius integrè pertinere: ac venerabilis frater noster .. Burgen. Episcopus successor ipsius, in eisdem quædam sibi iura Parrochialia vendicaret. Nos eandem causam sententiæ curauimus calculo terminare; prout in alijs litteris ad vos directis plenius continetur. Sed cum lata sententia procurator ipse ad probandum præscriptionem supra quibusdam articulis, fuisset à nobis per beneficium in integrum restitutionis admissus; cœpit nobis humiliter supplicare, vt per in integrum restitutionis auxilium, cum ad probandum admittere dignaremur: quod Burgen. Ecclesia ratum habuit & consensit, vt Onien. Monasterium in omnibus Ecclesijs quas tunc temporis possidebat, ius Parrochiale in integrum obtineret, sicut per quandam transactionem asserbat, sibi fuisse concessum. Quocirca discretioni vestræ per Apostolica scripta mandamus: quatinus recipiatis testes, quos vtrilibet pars supra prædicto rati habitionis consensu duxerit producendos; & depositiones eorum supra iam dicto recipientes articulo, quas per vos nulli penitus volumus reuelari, penes vos referuetis fideliter consignatas. Donec negotio super cæteris ventilato, de ipsius processu per vos rediti fuerimus certiores, & per nostræ responsionis oraculum, qualiter in ipso procedendum sit, declatetur. Cum non hoc ipso, quod testes super dicto capitulo taliter recipi volumus ad cautelam; intendamus adhuc in integrum restitutionis auxilium Monasterio indulgere. Volumus etiam, & mandamus, quod si causam eandem ad nostrum remiseritis examen instructam, attestaciones huiusmodi simul ad nos cum alijs remittatis. Quod si non omnes, &c. Duo vestrum &c. Datum Lateran. nonis Maij, Pontificatus nostri, Anno tertio decimo.

EPISTOLA LXXI.

AVRELIANEN. EPISCOPO ET ... ELEMOSIN. CISTERCIEN. ET
BONÆ VALLIS ABBATIBVS.

*Vt amota Sancti Auiti Abbatisſa, eius Monaſterij Sorores
aliam ſibi eligant.*

CVM poſt alia circa quæ ſuper correptione Monaſterij Sancti Auiti de mandato noſtro prouidè proceſſiſtis, Abbatiſſam eiſdem loci, prout erat exigente iuſtitia faciendum, ab adminiſtratione ſuſpenſam excommunicationis quoque vinculo curaueritis innodare; ad depolitionem ipſius, quamuis expedire plurimum videretis, propter appellationem quæ ab ipſa dicitur interpoſita, ſine conniuentia noſtra, ſicut accepimus, procedere dubitaſtis. Quia igitur intelleximus Abbatiſſam prædictam à Monaſterio ipſo meritò amouendam, eaque ibi præſidente, vel reſidente, ſtatum præſati Monaſterij commodè reformari non poſſe. Diſcretionem veſtræ per Apoſtolica ſcripta mandamus: quatinus eidem ab ipſo proſus amotæ, iuxta quod ordini & ſtatui ſuo congruit, auctoritate noſtra ſublato appellationis obſtaculo prouideri alibi facientes, iniungatis Sororibus Monaſterij ſupradicti, vt per regularem electionem ſibi præſciant perſonam idoneam in reſtricem. Quod ſi non omnes, &c. Tu frater Epiſcope, &c. Datum Lateran v. nonis Maij, Pontificatus noſtri, Anno tertio decimo.

EPISTOLA LXXII.

HERVEO TRECENSI EPISCOPO.

*Quæſtio agitata de vna præbenda Trecenſi duobus à legato aſſignata doctè
deciditur, & Cellarius, cui ubi reſignaffet denuo collata
fuerat, cauſa cadit.*

DILECTO filio noſtro P. Titulo S. Pudentianæ Preſbytero Card. dilectis filijs R. de Aualon. Cellario Senonen. & R. de Noa Clerico procuratori tuo auditore conceſſo, idem Cellarius propoſuit coram eo. Quod cum bonæ memoriæ G. Remen. Archiepiſcopus, tunc Apoſtolice ſedis Legatus, ad Trecen. acceſſiſſet Eccleſiam, in qua G. nepoti ſuo præbendâ concedere intendebat; cum nulla penitus vacaret ibidem, dictus Cellarius, non tam ei, quàm nobis etiam cupiens in hac parte placere, præbendam quam in ipſa obtinebat Eccleſia, in eius manibus reſignauit. Qui liberalitati eius volens poſtmodum grata viciffitudine reſpondere; de Capituli Trecon. aſſenſu, præſente quoque ven. fratre noſtro Senonen. Archiepiſcopo, tam præſatum nepotem ſuum, quàm etiam Cellarium in Canonicum Trecen. inſtituit: & ambobus idem Capitulum ſtallum in choro, & locum in Capitulo aſſignauit. Quibus idem Remen Archiepiſcopus, fructus ſupradictæ præbendæ tam diu diuidendos communiter aſſignauit; donec præſatus G. integrum eſſet præbendale ſtipen-

dium affectus, in eos qui contra venire præsumerent excommunicationis sententia promulgata. Quorum receptionem generalis procurator bonæ memoriæ prædecessoris tui in Constantinopolitanis partibus tunc agentis, postmodum approbavit. Vnde dictus Cellarius in eadem Ecclesia lectiones, & Evangelium in hebdomada sua postea legisse dignoscitur, & tam Decani quàm Episcopi electioni, & aliorum negotiorum tractatibus sicut Canonicus Trecent. interfuit, & domum quandam per Capitulum memoratum obtinuit quæ non nisi Canonico consueverat asseruari. Tu quoque cum ad eandem accessisti Ecclesiam consecratus, dictum Cellarium cum Canonicis alijs ad osculum recepisti, cum tamen tunc temporis non nisi Canonici ad osculum admittantur: & eidem supra prædictis non movisti per biennium questionem. Vnde petijt, vt te ab ipsis super hoc molestatione indebita compescere dignemur. Verum dictus R. procurator tuus, proposuit ex aduerso: quod cum idem Cellarius præbendam suam in præfati Remen. Archiepiscopi manibus resignasset, ipse de medietate illius nepotem suum, & de medietate alia dictum Cellarium inuestiuit, quam adhuc detinere præsumit, in tuum præiudicium & grauamen, non permitteas te liberè de ipsa disponere, prout ad te dignoscitur pertinere. Et licet ad dilectos filios .. Decan. & Magistros G. Cornutum Parisien. & S. Remen. Canonicos super hoc nostræ fuerint litteræ impetratæ; Cellarius demum ad nos frustratoriè appellauit, vt te posset grauare laboribus, & expensis. Idem quoque proposuit procurator: quod cum in Trecent. Ecclesia institutus olim fuerit certus Canonicorum numerus, & Capituli iuramento firmatus; supradictus Archiepiscopus, qui etsi Legatus fuisset in Teutonia, in Senonen. tamen Prouincia eidem non fuit officium legationis iniunctum, institutionem huiusmodi facere non potuit vt Legatus: quinimo etsi Legatus in eadem Prouincia existisset, ad vnicum tamen spirituale ius quod vacabat ibidem, duos insimul Canonicos instituere sibi non licuit contra Canonicas sanctiones. Nam si duo vnicam præbendam haberent, id esset contra Turonen. Concilium, quod præbendarum inhibet sectionem: si verò duobus in Canonicis & fratres receptis, vni tantummodo præbenda daretur sub expectatione, alius contra Lateran. Concilium remaneret. Præterea, licet in Ecclesia, in qua non est certus numerus præbendarum, nulla etiam præbenda vacante, in Canonicum quis possit assumi: cum intelligatur ad quoddam ius eligi, quod ex electorum assensu de nouo creatur, & cum electo in Canonicum nascitur, & desinit cum defuncto. In Ecclesia tamen quæ determinatum habet numerum præbendarum, vno dumtaxat indiuiduo iure vacante, duo insimul eligi non possunt ad illud: cum huiusmodi spirituale ius, diuidi, seu communicari nequeat inter eos. Quamquam interdum hi ad quos spectat electio, de cõmuni consensu augmentare valeant numerum præbendarum, quoddam ius spirituale de nouo creando; nisi fortè statutum aliquod obuiaret, quod esset iuramento firmatum, vel cui sedis Apostolicæ confirmatio accessisset, huiusmodi clausula prohibitionis adiecta, vt si quidquam contra id fieret non valeret. Propter quod institutionem præfatam nullam fuisse, dictus asseruit procurator: cum in Trecent. Ecclesia, sicut præmissum est, certus sit præbendarum numerus, quem Capitulum vel Legatus augmentare minimè intendebat, vel ius aliquod de nouo creare, quod ex eo

argui proponebat; quia non fuit vnus ad vacantem præbendam, & alius simpliciter institutus, sed ad præbendam vnicam supradictæ modo vacantem, extiterunt ambo recepti. Sed nec Trecent. Capitulum, ad quod præbendarum collatio nullatenus pertinebat, vel dictus procurator prædecessoris tui, receptionem huiusmodi approbare potuit, vt propter contra Canones attentatam. Tibi quoque nequaquam obfuisse dicebat; quod Cellarium præfatum ad osculum inter Canonicos Trecent. admiseras, vel quod aliquanto tempore super hoc negotio siluisti; cum tunc temporis Ecclesiæ tuæ consuetudines, & quæ in ea minus legitime facta fuerant, ignorares. Ad hæc autem Cellarius sic respondit: quod cum idem Archiepiscopus in Trecent. Capitulo suæ Legationis litteras legi fecerit, & Legatus eo tempore ab omnibus haberetur, an Legatus in illa prouincia fuerit, non debebat vterius in dubium reuocari; maxime cum tu in prædictis litteris quas obtinueras contra eum, memoratū Archiepiscopum Legatum duxeris nominandum. Adiecit insuper: quod licet quis ad spiritualem fraternitatem eligi potest, in Canonicum, & in fratrem, nulla etiam præbenda vacante; argumentum ad hoc cuiusdam Epistolæ decretalis inducens, in qua legitur quod cum T. Clericus, nulla in Lingonen. Ecclesia præbenda vacante, ab Episcopo & Canonicis Lingonen. supradicti Archiepiscopi iudices delegati à nobis interueniente auctoritate, in Canonicum receptus fuisset & fratrem, ita quod nullius præbendæ fructus perciperet nisi loco proximo vacaturæ. Nos attendentes, quod dictum T. in Canonicum & fratrem recipi, non occurrebat Canonicis institutis; & vacaturam expectare præbendam Lateran. Concilio non esset dubium obuiare: illicito reprobato, quod licitum erat, duximus approbandum. Vnde cum videretur indignum, vt is qui receptus erat, in Canonicum, & in fratrem, præbendæ beneficio fraudaretur: Episcopo & Canonicis Lingonen. dedimus in mandatis, vt si res taliter se haberet, eidem T. præbendam, cum se facultas offerret, assignare curarent. Allegauit insuper; quod ab Apostolica sede frequenter huiusmodi litteræ impetrantur, vt in Ecclesia, in qua certus est numerus præbendarum, nulla præbenda vacante recipiatur quis in Canonicum, & in fratrem, & eidem præbenda, cum se facultas obtulerit, conferatur. Item licet Turonen. Concilium sectionem inhibeat præbendarum, nihilominus tamen Romana Ecclesia receptionem eorum qui ad dimidias præbendas assumpti sunt in Canonicos approbando, nonnunquam sectas præbendas eis præcipit integrari. Sed ad hoc fuit ex aduerso responsum: quod et si Romanus Pontifex dimidiatam quoad temporales prouentus præbendam contra Concilium Turonen. illi quandoque præcipiat integrari, cui ius spirituale vacans fuerat cum debita integritate collatum; pro eo tamen, quod ad huiusmodi ius dimidium de facto, cum de iure non valeat esse receptus, id mandare minime consuevit, & ex plenitudine potestatis, ad vnicum ius spirituale non vacans aliquem recipi vtilitate vel necessitate pensata, valeat indulgere. Sicut de Augustino in Canone inuenitur, qui nouo modo prouectus, & consecratus Episcopus, incolumi Valerio Episcopo Ecclesiæ Ypponen. accessit in cathedra, non successit. Et sicut de non vacante præbenda, concessa tamen, & confirmata per Romanum Pontificem, cuidam Clerico in Ecclesia Lingonen. & per executorem ipsius ad eandem etiam non vacantem recepto, in præalle-

gata legitur decretali. Præfatus tamen Archiepiscopus, qui etsi Legatus fuisset in prædicta prouincia, absque nostra saltem licentia speciali contra Iuris scripti tenorem, ad vnicum ius spirituale, quod vacabat in Ecclesia supradicta, in qua certus erat numerus præbendarum, instituere non potuit nepotem & Cellarium supradictos: cum hoc non solummodo Turonen. sed etiam Lateranen. Concilio obuiaret. Maximè cum nec nouum ius creare intenderet, nec præbendarum numerum augmentare: quòd inde colligitur, quia resignatione Cellararij procurata, eisdem instituit ad vnicam præbendam vacantem. Vnde nos his & alijs intellectis Cellariatum antedictum, què præfatam præbendam constitit priùs liberè resignasse, ad restitutionem eorum quæ ratione supradictæ inuestituræ tenebat, de consilio fratrum nostrorum sententialiter duximus condemnandum: ei super præbenda ipsa vel eius parte silentium imponentes. Ita quod per hoc supradicto G. nullum præiudicium generetur, maxime cum res inter alios acta, non noceat regulariter alijs, iuxta Canonicas & legitimas sanctiones. Nulli ergo omnino hominum liceat hanc paginam nostræ diffinitionis infringere, vel ei ausu temerario contraire. Si quis autem hoc attentare præsumpserit, &c. vsque incursum. Datum Romæ apud Sanctum Petrum. Kal. Maij, Pontificatus nostri, Anno xij.

EPISTOLA LXXIII.

EPISCOPO ET L. ARCHIDIACONO, ET MAGISTRO N. DE DVACO
CANONICO CATALAVNEN.

Delegat executionem prælata sententia.

DILECTO filio nostro Titulo S. Pudentianæ Presbytero Cardinali, dilectis filijs R. de Aualon Cellarario Senonen. & R. de Noa Clerico procuratori ven. Frat. nost. Trecen. Episcopi auditore concesso, &c. vt in alia, vsque bonæ memoriæ prædecessoris supradicti Episcopi Trecen. Constantinopolitanis partibus, &c. vt in alia, vsque, assignari. Episcopus quoque cum ad eandem accessit Ecclesiam cōsecratus dictum Cellarium cum Canonici alijs ad osculum dignoscitur recepisse: cum tamen, &c. vt in alia, vsque, supradictis non mouit per biennium quæstionem. Vnde petijt, vt Episcopum ipsum ab ipsius super hoc, &c. vsque, dignaremur verum dictus R. procurator eiusdem Episcopi proposuit ex aduerso: quod cum, &c. vt in alia, vsque, præsumit in memorati Episcopi præiudicium & grauamen, non permittens eum liberè de ipsa disponere, prout ad se dignoscitur pertinere. Et licet, &c. vsque frustratoricè appellauit, vt Episcopum ipsum posse, &c. vsque, vel dictus procurator prædecessoris ipsius Episcopi receptionem huiusmodi, &c. vt in alia, vsque, attentatam. Ipsi quoque Episcopo nequaquam obfuisse dicebat, &c. In eum fere modum, vt in alia, vsque, duxerit nominandum. Adiecit insuper, &c. vt in alia per totum, vsque, sanctiones. Quocirca discretioni vestræ per Apostolica scripta mandamus: quatinus quod est à nobis sententialiter definitum faciatis appellatione remota inuiolabiliter obseruari: cōtradiçtores per censuram Ecclesiasticam compescentes. Quòd si non omnes, &c. tu frater Episcope cum eorum altero ea, &c. Datum vt in alia per totum.

EPISTOLA LXXIV.

ROFFENSI ET SARESBËRIEN. EPISCOPIS.

*Ut contra contumaciam Ioannis Angliæ Regis interdictum publicetur,
quod Richardi Regis vidua de dotalicio, & alijs
non satisfecerit.*

VINAM Ioannes Angliæ nostris acquiescens monitis & consilijs, sic regeret semetipsum, ut nos, qui de corde puro, conscientia bona, & fide non ficta, eius salutem diligimus, & honorem, in ipsum non cogeret Ecclesiasticam exercere censuram, nec contra se diuinam iracundiam prouocaret, illis iniurias inferendo, quibus unpertiri deberet gratiam & fauorem. Compellimur etenim vel inuiti scribere contra eum, qui toties nostra monita præterijt aure surda, ut querela charissimæ in Christo filix B. quondam Anglorum Reginx illustris indicat, sæpe sapius nostris auribus inculcata. Actius clamore, nec possumus, nec debemus auertere aures nostras, qui sumus omnibus in iustitia debitores; illius vicem licet immeriti getentes in terris, qui hominis personam non accipit, sed cum tranquillitate iudicans, facit misericordiam & iudicium omnibus iniuriam patientibus, & reddit retributionem superbis. Sæpe namque ipsum recolimus monuisse, ut suæ saluti consulens, & honori, eidem Reginx super dotalicio suo, medietate mobilium inclitæ recor. Regis Richardi fratris sui, & quibusdam alijs quæ ipsa sibi competere asserit, satisfaceret competenter. Sed quia nec id curauit efficere, nec eor. iam iudicibus illis, quibus negotium ipsum pluries dignoscimur commississe, ipsi iustitiam exhibuit super eis: nos tandem ipsi dedimus in mandatis, ut vsque ad festum Natiuitatis B. Mariæ proximò tunc venturum, per procuratorē idoneum nostro se conspectui præsentaret, exhibiturus præfatæ Reginx, vel procuratori eiusdem, super præmissis, & alijs si qua forè aduersus eum duceret proponenda, quod ordo posceret rationis. Ipse verò, licet dilectus filius... Prior Vvigornien. de mandato ven. fratris nostri Vvigornien. Episcopi exhibitis ei litteris nostris, præfatum terminum ex parte nostra sibi peremptorium assignarit, sicut ven. frat. nost. Elien... & præfatus Vvigornien. Episcopi, quibus super hoc direximus scripta nostra, per suas nobis litteras intimarunt; id tamē facere contempsit omnino, procuratore ipsius reginx ad prædictum terminum ad sedem Apostolicam accedente, ac per quatuor menses & ampliùs expectante. Nos igitur in nostræ salutis dispendium nolentes vterius deferre homini cōtra Deum, ipsum per litteras nostras monuimus & exhortati sumus attentius, in virtute Spiritus sancti eidem firmiter iniungentes: ut vsque ad sex menses post susceptionem litterarumstrarum, aut præfatæ Reginx satisfaceret congruè de prædictis, aut componeret, si fieri posset, amicabiliter cum eadem; vel per sufficientem & idoneum responsalem Apostolicæ se conspectui præsentaret, exhibiturus eidem, vel eius procuratori, super his & alijs quæ aduersus eum duceret proponenda iustitiæ complementum. Alioquin ex tunc, Ciuitates, Villas, Castra, & Maneria quæ ad dotalicium præfatæ Reginx spectare noscuntur, in ipsi litteris

suis nominibus annotata, licet ex alia causa supposita sint sententiæ interdicti, propter hoc tamen pari sententia specialiter decreuimus alligata; ut in omnibus illis nequaquam interdicti sententia relaxetur, donec super hoc idem Rex satisfecerit competenter. Dâtes vobis districtè nihilominus in præceptis, ut humana gratia, & mundano timore postpositis, eandem publicaretis sententiam, & faceretis sublato cuiuslibet contradictionis & appellationis obst. auctoritate nostra firmiter obseruari. Vos autem licet pridie Idus Iulij proximò præteritum, sicut ex litteris vestris accepimus, nostras curaueritis eidem litteras præsentare, & ipsarum continentiam sibi exposueritis diligenter, & idem nec præfatæ Reginæ satisfecerit, nec amicabiliter composuerit cum eadem: nondum tamen ad publicationem ipsius sententiæ processistis, pro eo quod vobis non constitit Regem præfatum infra sex menses non direxisse, iuxta nostri mandati tenorem, ad nostram præsentiam responsalem. Cùm igitur à tempore quo sibi nostras litteras præsentastis, nouem mensium spatium & amplius sit elapsum; nec Rex idem ad præsentiam nostram propter hoc aliquem direxerit responsalem, procuratore Reginæ diutius expectante: ac eadem per decennium, & amplius post nos clamauerit incessanter. Fraternitati vestræ per iterata scripta mandamus & districtè præcipimus: quatenus humano fauore ac timore postpositis, ad publicationem eiusdem sententiæ, ac obseruationem ipsius, iuxta priorum continentiam litterarum, sublato cuiuslibet contradictionis & appellationis obstac. procedatis: præceptum nostrum taliter impleturi, quod plus Deo, quàm homini deferre probemini, & vestra possit inde obedientia meritò commendari. Qualliter autem in executione præcepti Apostolici processeritis, tam nobis quàm sæpefatæ Reginæ curetis litteris vestris fideliter intimare. Quod si non ambo, &c. alter vestrum, ea nihilominus exequatur. Datum Lateran. ij. Idus Maij, Anno tertiodecimo.

EPISTOLA LXXV.

EPISCOPO ET MAGISTRO FLORENTIO ARCHIDIACONO ZAMOREN. ET
ABBATI DE MOREROLA ZAMOREN. DIOECESIS.

*Vt super damno illato Episcopo Portugallensi à Rege, & eius Ministris
satisfactionem faciant exhiberi.*



GRAUES oppressiones, & enormes iniurias à charissimo in Christo filio nostro... Illustri Rege Portugall. ven. frat. nos. Portugall. Episcopo irrogatas; nec ipse propter hoc ad sedem Apostolicā coactus cōfugere quasi nudus, præ ipsarū multitudine facilè nobis potuit viua voce sub cōpendio breuitatis exponere; neque nos vobis præfenti pagina recēlere. Cùm enim supervarijs grauaminibus quæ præfatus Rex exercuerat in eundem, dum compositio inter eos mediantibus delegatis nostris celebrata fuisset, quam idem Rex, sicut patet ex authentico suo scripto, promisit se fideliter seruaturum. Ipse demum super articulis contentis in ea veniens contra ipsam, aduersus memoratum Episcopum grauiiores innouauit calumnias, & sæuiiores angustias instaurauit. Indignatus siquidem ei, pro eo quod illicitis nati sui nuptijs

interesse, ac eidem transeunti per ciuitatem processionem facere denegauit: post appellationem ad nos interpositam, domos quorundam Canonorum ipsi Episcopo assistentium fecit dirui, ac eis præbendas & equitaturas auferri, seras portarum Ecclesiæ violari, excommunicatos in Ecclesiam intromitti, defunctorum in interdicto corpora sepeliri; & eundem Episcopum, ac ... Decanum aliisque tribulationis suæ confocios in Episcopali domo quinque penè mensibus, per Portarium suum & Burgen. Portugallen. sic atrociter obsideri, vt non solum facultatem exeundi de ipsa, verum etiam superueniente infirmitate ad confitendum, & adorandum, sacerdotis & crucis copiam nequiuert obtinere. Donec multis de honestatis opprobrijs, & magnis periculis circumseptus, inter hæc omnia Canonici & Portuarij Portugallen. Ecclesiæ post interdictum in appellationis nostræ contemptum ad cumulum doloris sui diuina solemniter celebrantibus, compulsus est nuntijs Regis dicere, quod se illius exponeret voluntati. Qui sic demum à custodia liberatus, intelligens quod Rex eum ad compositionem iniquam, & appellationum renuntiationem intenderet coartare, nocturnæ fugæ præsidio recursurus ad nos, Regni sibi præclusos exitus vix enasit. Præfatus autem Portarius bona Episcopatus inuadens, & in suos ac Regios vsus expendens hominem, quem dictus Episcopus ad necessaria sibi deferenda transmiserat, carcerauit. Cum igitur hæc & alia, quæ contra factum Episcopum, & Ecclesiam, immo Deum, per eundem Regem enormiter attentata dicuntur, ex iniuncto nobis Apostolatus officio corrigere teneamur. Discretionem vestræ per Apostolica scripta mādamus, & districtè præcipimus: quatinus ipsum ad restitutionem ablatorum, & satisfactionem iniuriarum super his & alijs, tam debitam, quàm plenariam Episcopo, Decano & alijs eius socijs impendendam, necnon etiam obseruandam compositionem prædictam, monere prudenter, & efficaciter inducere procuretis. Qui si forsàn infra tempus quod ei duxeritis præfigendum, id non curauerit adimplere, ex tunc eidem ingressum Ecclesiæ ac vniuersa interdictis Ecclesiastica Sacramenta, prohibentes in locis ad quæ ipse deuenerit, eo præsentē diuina officia celebrari. Et si nec sic duritia sua poterit emolliri, per litteras vestras hoc nobis intimare curetis: vt si morbum, quod absit, contigerit aggrauari, ad curationem ipsius grauiori medicina quemadmodum expedierit insistamus. Dictum autem Portarium, & M. Martinī, ac G. seruientes ipsius, necnon I. Album P. Feudum. Tirou. & omnes alios, quos constiterit præfatum Episcopum ac Decanum, & eius socios inclusos in domo sua temerè tenuisse; cum & idem Portarius quemdam eiusdem Episcopi Subdiaconum vinctum catena ferrea tenuisse dicatur, tamdiu denuntietis excommunicationi subiectos, & ab omnibus faciatis tanquam excommunicatos arctius euitari: donec passis iniuriam satisfecerint competenter; & cum vestra testimonio litterarum, ad sedem accesserint Apostolicam absoluedi. Sententiam ipsam singulis diebus Dominicis, ac festiuis, pulsatis campanis, & candelis accensis, per totam Portugallen. Diocesim facientes solemniter innouari. Sollicitè prouidendo, vt præceptum Apostolicum taliter impleatis, quod Deum videamini potius quàm hominem reuereri. Ne si aliter ageretis, negligentiam vestram cum exactissima pœna requirere cogeremur. Volumus insuper & præcipimus; vt circa omnia quæ præmissa sunt, tam super principalibus,

quàm super incidentibus appellatione postposita procedatis. Quòd si non omnes, &c. ru frater Episcopo cum eorum altero, &c. Datum Lateran. iij. Idus Maij, anno xij.

EPISTOLA LXXVI.

PORTUGAL LENSIS EPISCOPO.

*Confirmat compositionem factam inter Sanctium Regem, & Episcopum
Portugallenses, cuius tenor inseritur.*

I VSTIS petentium desiderijs dignum est nos facilem præbere assensum, & vora quæ à rationis tramite non discordant, effectu persequente complere. Ea propter, venerabilis frater, tuis iustis postulationibus grato concurrens assensu, compositionem inter te ac charissimum in Christo filium nostrum illustrem Regem Portugallen. super articulis comprehensis in ipsa mediantibus ven. fratri nostro ... Zamoren. Episcopo, & collegis ipsius delegatis à nobis, providè celebratam, & ab utraque parte sponte receptam, sicut in athenrico scripto plenius continetur auctoritate Apostolica confirmamus, & præsentis scripti patrocinio communimus. Cuius tenor est talis. S. Dei gratia Portugallen. Rex, M. eadem Zamoren Episcopo, & Magistro P. Legionen ... & I. Zamoren Decanis, salutem & sinceram dilectionem. A memoria vestra non credimus excidisse, quòd super negotio quod inter me & Portugalen. Episcopum vertitur, in hunc modum mihi liceras destinastis. Illustissimo ac venerabili Domino S. Dei gratia Portugallen. Regi, M. eadem Zamoren. Episcopo, & Magistro P. Legionen. & I. Zamor. v. Decani. Salutem & promptum deuotionis famulatum. Notum facimus excellentiæ vestræ, quòd nos, mediantibus procuratoribus vestris, Portugalen. Episcopum ad talem induximus compositionis modum, in scripto prius diligenter summi Pontificis rescripto, ut vos prius ipsum Episcopum, & suos, in plenitudinem gratiæ vestræ bonâ fide recipiatis, super quo ei tam apertas litteras, quàm alias similes iudicibus transmittatis, & Episcopatum suum cum debita integritate eidem, & patrimonium suum cum inde ablatis restituatis. De causis Religiosorum, & quorumcunque Clericorum Episcopatus sui vos non intromittetis, per vos, vel per homines vestros, nisi requisitus ab eo, & ab omni ipsorum grauamine deinceps desissetis: & si causam vel querimoniam aduersus aliquem de prædictis habueritis, non per vos, sed per eum iustitiam consequemini. Si autem aduersus Episcopum, vel aduersus suos, per Archiepiscopum, vel per summum Pontificem tantum, si ad eum appellatum fueris, vobis, nisi cum eo aliter conueneritis, satisfaciet: & vobis non recipientibus in protectione vestra contra eum aliquem de suis subditis, nec in aliquo amodo eum grauantibus, neque impediuntibus omnia quæ ad eum, & ad officium eius, & ad ius Ecclesiæ suæ pertinent, habeat, libere exerceat, & quicquid Statuimus præterea cum præfato Episcopo, ut vos ei quam ad excellentiam vestram destinaueris, equitaturas suas, & suppellectilia, & alia quæ in Ciuitate Portugallen. & eius patrimonio inuenta fuerint, ad ipsum, & ad suos pertinentia restitui, & P. Roderici militem absolui facietis. De his verò quæ ad præsentem inueniri non poterunt, quæ ad ipsum, vel ad suos spectare noscuntur, sic disponimus: ut à die qua vos videris, vel vobis innotueris per nuntium eius, ipsum Portugallen. Ciuitatem intrasse, quando & ipse debet pro se, & pro iudicibus Episcopatum ab interdicto absolvere, usque ad duos menses ipsi Episcopo, & suis plenariam restitutionem, nam iura sic postulanti, facietis. De

satisfactione verò sibi exhibenda celsitudinis vestre discretioni cōmittere, si circa restitutionē sibi faciendā, & alia quę diximus vos promptū inueneris & benignū; ut vestra honestate ac sua pensata, & Dei timore prę oculis habito, quomodo satisfaciendū videritis satisfactionē exhibere curetis. Et si supradicta, quę pro bono pacis & honestate regia tractauimus, maiestati vestre placuerint per litteras vestras apertas nobis, & per alias Domino Portugallen. voluntatem vestram intimare omnino non postponatis. Si autem placuerint, & aliquod de pręmissis per vos, quod non credimus, ommissum fuerit; Apostolici rescripti coertio circa ea quę defectum patientur, in suo statu apud nos interim perdurabit: ita ut medio tempore, nec vobis, nec ipsi liceat super causa quę inter vos, & ipsum vertitur, ad appellationis diffugium conuolare. Ad didimus etiam pręterea, ut fabricam ipsius Ecclesie cum omnibus pertinentijs suis, Ecclesie liberē relinquatis: ipsa enim Ecclesia debet de ipsa fabrica disponere, prout viderit expedire. Vestram igitur discretionem indubitanter certifico, quod omnes prædictos articulos compositionis inter me & Portugallen. Episcopum facili admitto grātanter, & approbo, & promitto firmiter me in omnibus, & per omnia sōnē dubio fideliter seruaturum. Si verò, quod Deus auertat, à die qua ipse intrauerit super his quę innenta non fuerint in Episcopatu, contentio aliqua de restitutione faciendā emergerit; concedo ei securitatem bona fide, & hominibus, atque rebus eius eundi & redeundi ad vos quotiens voluerit, pro sua iustitia super restitutione illorum quę defuerit consequenda. Nulli ergo omnino hominum liceat hanc paginam nostrę confirmationis infringere, vel ei ausu temerario contraire. Si quis autem hoc attentare præsumperit, indignationem omnipotentis Dei, & Beatorum Petri & Pauli Apostolorum eius se nouerit incursum. Datum Lateran. iij. Idus Maij, Pontificatus nostri, Anno tertidecimo.

EPISTOLA LXXXVII.

DYRANDO DE OSCA, ET VVILHELMO DE S. ANTONINO EORVMQUE
FRATRIBVS IN FIDE CATHOLICA PERMANENTIBVS.

Quibusdam fratribus pauperibus Catholicis concedit, nequis nisi ab ipsis de consilio Episcopi electus, in prapositum prapponatur.

QUAMVM à nobis petitur quod iustum est, & honestum, tam vigor equitatis quàm ordo exigit rationis, ut id per sollicitudinem officij nostri ad debitum perducatur effectum. Ea propter, dilecti in Domino filij, vestris iustis postulationibus grato concurrentes assensu, auctoritate præsentium inhibemus: ut nullus vobis qualibet violentia, vel surreptionis astutia, in Prapositum præferatur, nisi quem vos cum consilio Diocesani Episcopi, virum quidem idoneum, in fide recta, sana doctrina, & honesta conuersatione probatum, duxeritis eligendum. Nulli ergo omnino hominum liceat hanc paginam nostrę inhibitionis infringere, vel ei, &c. vsque, incursum. Datum Lateran. ij. Idus Maij. Pontificatus nostri, Anno xij.

EPISTOLA LXXVIII.

ARCHIEPISCOPO ET SVFFRAGANEIS TERRACONENSIS ECCLESIE

Reffert confessionem fidei Vvaldensium ad fidem reuerſorum, & eorum propositum, seu vitæ regulam confirmat.

CVM inestimabile precium sanguinis Iesu Christi teneamur in animabus redemptis ex iniuncto nobis Apostolatus officio custodire; non solum veraciter pœnitentibus clementer impendere veniam nos oportet, verum etiam pertinaciter delinquentes instantèr ad pœnitentiam prouocare: ne si vel his paternam consuetudinem, vel illis sollicitudinem subtraxerimus pastorem; tot videamur eiusdem pretij redemptionem subtrahere, quor in saluatione ipsius, nostra potuissimus vigilantia conseruare. Quapropter venientes dudum ad Apostolicâ sedem dilectos filios Durandum de Osca, & Guilielmum de S. Antonino, & Ioannem de Narbona, & Ermengaudum, & Bernardum Biterren. & Raymundum de S. Paulo, & Ebrinum, ac socios eorû, paterna benignitate suscepimus, & ea quæ nobis tam pro se, quàm pro fratribus suis exponere curauerunt, pleno concepimus intellectu. Ex his ergo quæ nobis de articulis fidei, & sacramentis Ecclesiæ diligenter examinati dixerunt, cognouimus eos fidem sapere orthodoxam, & Catholicam astruere veritatem. Ad maiorem tamen expressionem, appositis Euangelij, & scripto confessionis eorum imposito super illa, recepimus ab eis huiusmodi iuramentû. Ego, inquit, Durandus de Osca inter manus tuas consecratus, summe Pontifex Domine Innocenti, Deum inuoco testem in animâ meâ, quod ita simpliciter & veraciter credo, sicut in hoc scripto, per omnia continetur, & contrariû nunquâ credâ, sed contrariû creditibus pro posse resistam. Tibi verò tanquam B. Petri Apostoli successori, & Archiepiscopis, & Episcopis alijsque Prælati, in quorû Diocesisbus vel Parrochijs cômorabor, obedientiam & reuerentiâ exhibebo, tam debitam, quàm deuotam. Scriptum autem confessionis eorum est tale. Pateat omnibus fidelibus, quod ego Durandus de Osca, & Guillelmus de S. Antonino, & omnes fratres nostri, corde credimus, fide intelligimus, ore confitemur, & simplicibus verbis affirmamus. Patrem & Filium, & Spiritum sanctum, tres personas esse, unum Deum, totamque Trinitatem coessentialem, & consubstantialem, & coeternalem, & coomnipotentem, & singulas quasque in Trinitate personas plenum Deum; sicut in credo in Dominum, & in credo in unum Deum, & in quicunque vult, continetur. Patrem quoque, & Filium, & Spiritum Sanctum, unum Deum, de quo nobis sermo, esse creatorem, factorem, gubernatorem, & disposatorem omnium corporalium, & spiritualium, visibilium, & inuisibilium, corde credimus, & ore confitemur. Noui & veteris testamenti unum eundemque auctorem esse Dominum credimus, qui in Trinitate, ut dictum est, permanens, de nihilo cuncta creauit. Ioannemque Baptistam ab eo missum, esse Sanctum, & iustum, & in vtero Matris sue Spiritu Sancto repletum. Incarnationem diuinitatis, non in Patre, neque in Spiritu Sancto factam, sed in Filio tantum, corde credimus, & ore confitemur. Vt qui erat in Diuinitate, Dei Patris, Filius Deus verus ex Patre, esset in humanitate, hominis Filius homo verus ex Matre, veram carnem habens ex visceribus Matris, & animam humanam rationabilem simul vtriusque natura, id est, Deus & homo una persona, vnus Filius, vnus Christus, vnus Deus cum Patre & Spiritu Sancto omnium auctor, &

reſtor, natus ex Virgine Maria vera carnis natiuitate; manducauit, & bibit, dormiuit & ſatigatus ex itinere quieuit, paſſus vera carnis ſua paſſione, mortuus vera corporis ſui morte, & reſurrexit vera carnis ſue reſurrectione, & vera anima ad corpus reſumptione: in qua poſtquam manducauit & bibit, aſcendit in celum, ſedet ad dexteram Patris, & in eadem venturus eſt iudicare viuos & mortuos. Corde credimus & ore conſitemur, vnam Eccleſiam, non hereticorum, ſed ſanctam Romanam, Catholicam & Apoſtolicam, extra quam neminem ſaluari credimus. Sacramenta quoque qua in ea celebrantur inaeſtimabili atque inuiſibili virtute ſpiritus Sancti cooperante, licet à peccatore ſacerdote miniſtrentur, dum Eccleſia eum recipit, in nullo reprobamus, nec Eccleſiaſticiſ officijs, vel benedictionibus ab eo celebratis detrahimus, ſed beneuolo animo ſanguam à iuſtiſſimo amplectimur: quia non nocet malitia Episcoporum, vel preſbyteri, neque ad baptiſmum infantis, neque ad Eucharistiā conſecrandam, nec ad cetera Eccleſiaſtica officia ſubditis celebrata. Approbamus ergo Baptiſmum infantium, qui ſi diſſuncti fuerint poſt Baptiſmum antequam peccata committant, ſatemur eos ſaluari, & credimus; & in baptiſmate omnia peccata, tam illud originale peccatum contraſtum, quam illa que voluntariè commiſſa ſunt dimitti credimus. Confirmationem ab Episcopo factam, id eſt, impoſitionem manuum ſanctam, & venerandè eſſe accipiendam conſitemur. In ſacrificio Eucharistiæ, quæ ante conſecrationem erant panis & vinum, poſt conſecrationem eſſe verum corpus, & verum Sanguinem Domini noſtri Ieſu Chriſti, firmiter & indubitanter corde puro credimus, & ſimpliciter verbis fidelibus affirmamus. In quo nihil à bono maius, nec à malo minus perfici credimus ſacerdote; quia non in merito conſecrans, ſed in verbo efficitur Creatoris, & in virtute ſpiritus Sancti. Vnde firmiter credimus & conſitemur, quòd quantumcūque quilibet honeſtus religioſus, ſanctus, & prudens ſit, non poteſt, nec debet Eucharistiā conſecrare, nec altaris ſacrificium conſecrare, niſi ſit Preſbyter, à viſibili & tangibili Episcopo regulariter ordinatus. Ad quod officium tria ſunt, ut credimus, neceſſaria: Scilicet certa perſona, ad eſt, Preſbyter ab Episcopo, ut prædiximus, ad illud propriè officium conſtituitur, & illa ſolemnia verba quæ à ſanctis patribus in canone ſunt expreſſa, & fidelis intentio proſtiteris. Ideo firmiter credimus & ſatemur, quòd quicūque ſine præcedentis ordinatione Episcopali, ut prædiximus, credit & contendit ſe poſſe ſacrificium Eucharistiæ facere, hereticus eſt, & perditionis chore, & ſuorum complicum eſt particeps atque conſors, & ab omni ſancta Romana Eccleſia ſegregandus. Peccatoribus verò penitentibus veniam concedi à Deo credimus, & eis libentiſſimè communicamus. Vnctionem infirmorum cum oleo conſecrato veneramus. Coniugia carnalia eſſe contrahenda ſecundum Apoſtolum non negamus, ordinariè verò contraſta diſiungere omnino prohibemus. Hominem quoque cum ſua coniuge ſaluari credimus & ſatemur; nec etiam ſecunda vel vltiora matrimonia condemnamus. Carnium perceptionē minimè culpamus. Non condemnamus iuramentum, immo credimus puro corde, quòd cum veritate, & iudicio, & iuſtiſſimè licitum ſit iurare. De poteſtate ſeculari aſſerimus, quòd ſine peccato mortali poteſt iudicium ſanguinis exercere, dummodo ad inferendam vindictam, non odio, ſed iudicio, non incautè, ſed conſulè procedat. Prædicationem neceſſariam valde & laudabilem eſſe credimus, tamen ex auctoritate, vel licentia ſummi Pontificis, vel Prælatorum permiſſione, illam credimus excecandam. In omnibus verò locis ubi manifeſtè heretici manent, & Deum & fidem S. Romanæ Eccleſiæ abdicant & blaſphemant; credimus quòd diſputando, & exhortando modis omnibus ſecundum Deum debemus illos confundere, & eis verbo Dominico, veluti Chriſti Eccleſiæ aduerſarijs, fronte uſque ad mortem libera contrare. Ordines verò Eccleſiaſticos, & omne quod in ſancta Romana Eccleſia ſanctum legiitur, aut canitur humiliter collaudamus, & ſileſiter veneramus. Diabolum non per conditionem, ſed per arbitrium malum eſſe factum

credimus. Corde credimus & ore confitemur, huius carnis quam gestamus, & non alterius resurrectionem. Iudicium quoque per Iesum Christum esse futurum, & singulos pro his quæ in hac carne gesserunt recepturos, vel pœnas, vel præmia, firmiter credimus & affirmamus: Eleemosinas sacrificium, ceteraque beneficia, fidelibus posse prodesse defunctis credimus. Remanentes in sæculo, & sua possidentes, Eleemosinas, & cetera beneficia ex rebus suis agentes, præcepta Domini seruantes, saluari fatemur & credimus. Decimas, primitias, & oblationes ex præcepto Domini credimus clericis persoluendas. Quia verò non solum fides recta sed bona etiam operatio exigitur ad salutem, quoniam sicut sine fide impossibile est placere Deo, ita fides sine operibus mortua est. Propositum quoque conuersationis eorum præsentis paginæ duximus annotandum: cuius tenor est talis.

Ad honorem Dei, & eius Ecclesiæ Catholicæ, & ad salutem animarum nostrarum, fidem Catholicam per omnia, & in omnibus integram & inuiolatam corde credere, & ore proposuimus confiteri, sub Magisterio & regimine Romani Pontificis permanendo. Sæculo abrenuntiauimus, & quæ habebamus, velut à Domino consultum est, pauperibus erogauimus, & pauperes esse decreuimus: ita quod de crastino solliciti esse non curamus, nec aurum, nec argentum, vel aliquid tale propter vestimentum & victum quotidianum, à quoquam accepturi sumus. Consilia Euangelica, velut præcepta seruare proposuimus. Orationi iuxta horas Canonicas septies insistentes, dicendo quindecies Pater noster; insuper Credo in Deum, & Miserere mei Deus, & Orationes alias. Cum autem ex magna parte Clerici simus, & pœne omnes literari; lectioni, & exhortationi, doctrinæ, & disputationi contra omnes errorum sectas decreuimus desudare. Disputationes tamen à Doctoribus fratribus in fide Catholica comprobatis, & instructis in lege Domini dispensentur: ut aduersarij Catholicæ & Apostolicæ fidei confundantur. Per honestiores autem, & instructiores in lege Domini, & in Sanctorum Patrum sententijs, verbum Domini censuimus proponendum fratribus & amicis, cum Prælatorum conscientia & assensu; ita quod ab eis propter hoc nec Ecclesiarum frequentatio, nec Clericorum prædicatio postponatur. Virginitatem vel castimoniam continuam inuiolabiliter seruando. Duas Quadagesimas, & ieiunia secundum Ecclesiasticam regulam instituta, annis singulis facere proposuimus. Religiosum & modestum habitum ferre decreuimus, qualem consueuimus deportare; calceamentis desuper aperitis, ita speciali signo compositis & variatis, ut apertè & lucidè cognoscatur nos esse sicut corde, sic & corpore à Lugdunensibus, & nunc & in perpetuum segregatos, nisi reconcilientur Catholicæ vnitati. Ecclesiastica sacramenta suscipiemus ab Episcopis & Sacerdotibus, in quorum Diœcesibus vel Parrochijs commorabimur, & eis obedientiam & reuerentiam debitam impendemus. Siqui verò secularium in nostro voluerit consilio permanere: consulimus ut exceptis idoneis ad exhortandum, & contra hæreticos disputandum, ceteri in domibus religiosè & ordinatè viuendo permaneant, res suas in iustitia & misericordia dispensando, manibus laborando, decimas, primitias, & oblationes Ecclesiæ debitas persoluendo.

Nos igitur habitu fratrum nostrorum consilio, per Apostolica vobis scripta mandauimus: ut recepto à cæteris fratribus simili iuramento, reconciliaretis eos Ecclesiasticæ vnitati, & denuntiaretis eos verè Catholicos ac rectè fideles:

in præscriptis, & alijs ipsos secundum Deum ab omni scandalo & infamia servantes immunes, & in litteris testimonialibus, & alijs adminiculis ipsos propter Deum misericorditer iuvaretis. Quia verò sicut accepimus occasionis prætextu, quod mandatum huiusmodi communiter suscepistis, ad reconciliationem illorum quæ sub præscripta forma reconciliari Ecclesiæ poposcerunt, nondum à vobis fuit processum vna se per alium excusante: qua de causa multi qui humiliter petierunt intrare, hætenus remansisse foras Ecclesiam asseruntur. Nolentes, sicut etiam nec velle debemus, ut qui trahi gratia divina creduntur, per duritiam vestram ab infinita Dei misericordia repellantur: fraternitati vestræ per iterata scripta mandamus, & districte præcipimus; quatinus si non omnes his exequendis potueritis interesse, tu frater Archiepiscopo cum quolibet aliorum, constitutos in Terraconen. Provincia huiusmodi pœnitentes, iuxta præscriptam formam appellatione remota recôciliare procures. Circa præfatum Durandum de Osca, & Vvillelm. de S. Antonino, ac eorum socios, secundum præmissum mandatum nihilominus procedendo. Eis autem in fide recta, & sana doctrina manentibus, exhortandi licentiam tribuentes competentibus horis & locis. Datum Lateran. iiii. Idus Maij, Anno miiij.

In eundem modum scriptum est ... Archiepiscopo & Suffraganeis Ecclesiæ Narbonen. Datum, ut in alia per totum.

EPISTOLA LXXX.

PRIORI ET CANONICIS SANCTÆ CATHARINÆ VVATERFORDEN.

Recipit sub protectionem sedis Apostolica Canonicos S. Catharinæ Vvaterfordia cum possessionibus.

CVM à nobis petitur quod iustum est & honestum, tam vigor æquitatis quam ordo exigit rationis, ut id per sollicitudinem officij nostri ad debitum perducatur effectum. Ea propter, dilecti in Domino fili, vestris iustis postulationibus grato concurrentes assensu, Ecclesiam S. Catharinæ Vvaterforden. & personas ibidem Domino famulantes, cum omnibus bonis quæ impresentiarum rationabiliter possidet, aut in futurum iustis modis præstante Domino poterit adipisci, sub B. Petri, & nostra protectione suscipimus. In primis siquidem statuentes, ut ordo Canonicus qui secundum Deum, & B. Augustini regulam, atque institutionem fratrum domus S. Victoris Parisien, in eodem loco institutus esse dignoscitur, perpetuis ibidem temporibus inuiolabiliter obferuetur. Specialiter autem, insulam extra muros Vvaterfordiæ, in qua sita est Ecclesia ipsa cum omnibus pertinentijs suis, Ecclesiam de Kiloteran cum omnibus pertinentijs suis. Ecclesiam de Inesbrie cum Killolonan, & vna carrucata terræ, ac alijs pertinentijs suis. Ecclesiam de Kilcronete cum omnibus pertinentijs suis. Mullochpissi cum omnibus pertinentijs suis. Ecclesiam de Balichierechan cum omnibus pertinentijs suis. Ecclesiam de Fidum cum omnibus pertinentijs suis. Ecclesiam de Kilmelimoc cum omnibus pertinentijs suis, & omnia Ecclesiastica beneficia de Odagatha Omilim cum omnibus pertinentijs suis; & vnam piscariam in Odagatha Omilin. & duas piscarias apud Fidum, & vnum

mesuagium cum horto suo, & quandam terram apud Inesbrie ad grangiam construendam, quam nobilis vir Helias filius Normanni pia vobis liberalitate cōcessit, sicut in ipsius authentico plenius continetur. Et Capellam de Radlathgenam cum pertinentijs suis, & vnum mesuagium cum sex acris terræ, & duo curtillagia inter insulam, & muros Vuaterfordiæ. Sicut ea omnia iustè ac pacificè possidetis, nobis, & per vos Ecclesiæ vestræ auctoritate Apostolica confirmamus, & præsentis scripti patrocinio communimus. Nulli ergo omnino hominum liceat hanc paginam nostræ protectionis, constitutionis, & confirmationis infringere, vel ei ausu temerario contraire. Si quis autem hoc attentare præsumperit, indignationem omnipotentis Dei, & B. Apostolorum Petri & Pauli eius se noverit incursum. Datum Lateran. ij. Idus Maij, Anno xij.

EPISTOLA LXXX.

HVGONI RAYMVNDI CANONICO EBREDVNEN.

Absoluit Clericum ab impetitione mulieris de matrimonio, eiusdem mulieris continentia & votum ratum habens.

CVM . . . M. mulier Bononien. quæ te in præsentia dilecti filij nostri G. S. Mariæ in Porticu Diaconi. Card. quem ipsi & tibi concessimus auditorem petebat in virum. Tandem post altercationes multiplices, coram ven. fratri nostro . . . Tusculan. Episcopo libera & spontanea voluntate continentia votum emisit; & tu militaturus Domino in Clericali propofueris ordine permanere, à nobis humiliter postulasti, vt tibi super hoc paterna dignaremur in posterum sollicitudine providere. Volentes igitur quieti & honestati tuæ de consueta sedis Apostolicæ providentiâ præcauere, tam votum mulieris prædictæ, quam propositum tuum gratum habentes & ratum; & cum pro matrimonio quod te secum contraxisse dicebat, nihil coram auditore probaret, te ab impetitione absoluentes ipsius, ne occasione huiusmodi matrimonij molestis ulterius ab eadem auctoritate Apostolica inhibemus. Nulli ergo omnino hominum liceat hanc paginam nostræ inhibitionis infringere, vel ei ausu temerario contraire. Si quis autem hoc &c. vsque, incursum. Datum Lateran. iiij. nonas Iunij, Anno xij.

EPISTOLA LXXXI.

ROBERTO ABBATI MONASTERII S. MARTINI TROARNEN. EIVSQVE FRATRIBVS, TAM PRÆSENTIBVS QVAM FVTVRIS REGVLAREM VITAM PROFESSIS IN PERPETVVM.

Recipit Monasterium Troarnense cum possessionibus sub protectionem sedis Apostolicæ.

QVOTIENS à nobis petitur quod religioni & honestati conuenire dignoscitur, animo nos decet libenti concedere, & petentium desiderijs congruum suffragium impertiri. Ea propter, dilecti in Domino filij, vestris iustis

postulationibus clementer annuimus, & præfatum Monasterium S. Martini de Troarn. in quo diuino estis obsequio mancipati, sub B. Petri & nostra protectione suscipimus, & præsentis scripti priuilegio communimus. In primis siquidem statuentes, vt ordo Monasticus qui secundum Deum, & B. Benedicti regulam in eodem Monasterio institutus esse dignoscitur, perpetuis ibidem temporibus inuiolabiliter obseruetur. Præterea quascumque possessiones, quæcumque bona idem Monasterium impræsentiarum iuste ac Canonicè possidet, aut in futurum concessione Pontificum, largitione Regum vel Principum, oblatione fidelium, seu alijs iustis modis præstante Domino poterit adipisci, firma vobis vestrisque successoribus & illibata permaneant. In quibus hæc proprijs duximus vocabulis exprimenda. Locum ipsum in quo præfatum Monasterium situm est cum omnibus pertinentijs suis. Burgum Troarnen. cum honore ac omnibus appenditijs suis. Ioanuill. Sanctus Patern. cum Ramat. Toffreuill. Salneruill, Lirrosa, Bures, cum mariscis, boscis, terrarijs, piscarijs, pasuagijs, vineis, pascuis, pratis, guarandis, mercatis, teloneis, nundinis, molendinis, & alijs libertatibus, immunitatibus, consuetudinibus, & pertinentijs suis. Ecclesias & Sancta Cruce de S. Egidio Troarnen. de Ioanuill. de S. Paterno, de Toffreuill, de Salneruill, de Lirrosa, de Buris, & de Sancto Siluino, & Capellas de Reinerij Manill, & de Folletot, ab Episcopali iurisdictione per amicabilem compositionem exemptas. Ecclesias de Fontenet, de Varauill, & de Castrovir, & quidquid ex concessione ven. fratrum nostrorum S. Sagienn... &... prædecessoris ipsius, ac bonæ memoriæ... Baiocen. Episcoporum habetis in eis. Ecclesiam, decimam, & Burgum Sancti Sanfonis, Prioratum de Deferto, Maneria de Tallevill, de Diua, de Olnebach, de Cantapia, de Cleuill, de Caigneo, de Raimbhom, cum tota insula, de Goletto, & de Regisvill. Et in Anglia, Maneria de Horseleia, & de Rongeton, Cellas, Capellas, redditus, & prouentus, ac alia quæ scilicet prædictorum maneriorum ratione ad vestrum Monasterium spectare noscuntur, cum omnibus libertatibus & immunitatibus suis. Ecclesiam de Airam, Ecclesiā de Lengronia, Ecclesiam de Trumo, Ecclesiam de Croccio, Ecclesiam de Piru, Ecclesiam de Granteuill, Ecclesiam de Gisneruill, Ecclesiam de Dumouill, Ecclesiam de Han, Ecclesiam de Calidoloco, Ecclesiam de Agerneio cum duabus garbis decimæ ipsius villæ, Ecclesiam de Milleio, Ecclesiam de Campegnol, Ecclesiam de Beneio, Ecclesiam de Retuleio, Ecclesiam de Praerijs, Ecclesiam de Muscampis, Ecclesiam S. Hipoliti, Ecclesiam de Burceio, & Ecclesiam de Carauill cum decimis, Capellis obuentionibus, & alijs quæ habetis in ipsis, Capellam S. Margaritæ de Ponceio, Capellam de Roca, Capellam S. Thomæ, Capellam S. Michaelis de Bosco, & Capellam S. Blasij de Vlmo, cum adiacenti grangia, & alijs pertinentijs earundem. Ecclesiam de Caigneo, cum quibusdam terris & decimis. In Anglia Ecclesiam de Vueneloch, Ecclesiam de Malpedra, & Ecclesiam S. Andreæ de Vuitteherst, cum decimis, & alijs pertinentijs suis, Grangiam de Malni, Grangiam de Casteller. & Grangiam de Cleuill, Capellam de Deferto, cum decimis, & alijs pertinentijs suis. Sanè noualium vestrorum quæ proprijs manibus, vel sumptibus colitis, siue de vestrorum animalium nutrimentis, nullus à vobis decimas exigere, vel extorquere præsumat. Liceat quoque vobis Clericos, vel Laicos liberos & ab-

solutos, è sæculo fugientes ad conuersionem recipere; & eos absque contradictione aliqua retinere. Prohibemus insuper, vt nulli fratrum vestrorum post factam in Monasterio vestro professionē, fas sit, nisi arctioris religionis obtentu, de claustro vestro discedere. Discedentem verò, absque communium litterarum cautione nullus audeat retinere. Cùm autem generale interdictum terræ fuerit; liceat vobis clauis ianuis, exclusis excommunicatis, & interdictis, non pulsatis campanis, suppressa voce diuina officia celebrare. Auctoritate quoque Apostolica prohibemus, ne vllus in vos, vel Monasterium vestrum excommunicationis, vel interdicti sententias, sine manifesta & rationabili causa proferre, seu nouis & indebitis exactionibus vos aggrauare præsumat. Chrisma verò, oleum sanctum consecrationes altarium, seu basilicarum, ordinationes Clericorum qui ad sacros ordines fuerint promouendi, à Diocesano suscipietis Episcopo, siquidem Catholicus fuerit, & communionem, & gratiam Sacrosanctæ Romanæ sedis habuerit, & ea voluerit vobis sine prauitate aliqua exhibere. Alioquin liceat vobis quemcūque malueritis Catholicum adire antistitem, communionem & gratiam Apostolicæ sedis habentem, qui nostra freris auctoritate, vobis quod postulatur impendat. Prohibemus insuper, vt infra fines Parrochiæ vestræ nullus sine assensu Episcopi Diocesani & vestro, Capellam seu Oratorium de nouo construere audeat: Saluis priuilegijs Pontificum Romanorum. In Parrochialibus verò Ecclesijs quas habetis, liceat vobis sacerdotes eligere, & Diocesano Episcopo præsentare, quibus si idonei fuerint Episcopus curam animarum committat, vt ei de spiritualibus, vobis verò de temporalibus, debeant respondere. Sepulturam quoque ipsius loci liberam esse decernimus, vt eorum deuotioni, & extremæ voluntati, qui se illic sepeliri deliberauerint, nisi fortè excommunicati vel interdicti sint, nullus obstat. Salua tamen iustitia illarum Ecclesiarum, à quibus mortuorū corpora assumuntur. Obeunte verò te nunc eiusdem loci Abbate, vel tuorum quolibet successorum, nullus ibi qualibet subreptionis astutia, seu violentia præponatur; nisi quem fratres communi consensu, vel fratrum pars maior consilij sanioris, secundum Deum, & B. Benedicti regulam prouiderint eligendum. Paci quoque & tranquillitati vestræ paterna imposterum sollicitudine prouidere volentes; auctoritate Apostolica inhiibemus, vt infra clausuras locorum, seu grangiarum vestrarum, nullus rapinam, seu furtum facere, ignem apponere, sanguinem fundere, hominem temerè capere, vel interficere, seu violentiam audeat exercere. Libertates quoque, & immunitates antiquas, & rationabiles consuetudines Monasterio vestro concessas, & hæcenus obseruatas, ratas habemus: & eas perpetuis temporibus illibatas permanere sancimus. Decernimus ergo, vt nulli omnino hominum liceat præfatum Monasterium temerè perturbare; aut eius possessiones auferre, vel ablatas retinere, minuire, seu quibuscumque vexationibus fatigare; sed omnia integra conferuentur, eorum pro quorum gubernatione ac sustentatione concessa sunt, vsibus omnimodis profutura. Salua sedis Apostolicæ auctoritate, & Diocesani Episcopi Canonica iustitia. Si qua igitur in futurum Ecclesiastica, secularisue persona, hanc nostræ constitutionis paginam, sciens contra eam temerè venire tentauerit, secundò tertioque communita, nisi reatum suum congrua satisfactione correxerit: potestatis honorisque sui careat dignitate, ream-

que se diuino iudicio existere, de perpetrata iniquitate cognoscat, & à sacratissimo corpore ac sanguine Dei, & Domini Redemptoris nostri Iesu Christi aliena fiat, atque in extremo examine districtæ subiaceat ultioni. Cunctis autem eidem loco sua iura seruauit, sit pax Domini nostri Iesu Christi; Quatinus & hic fructum bonæ actionis percipiant, & apud districtum iudicem præmia æternæ pacis inueniant, Amen. Datum Lateran. per manum Ioannis S. Mariæ in Cosmidin Diaconi Card. S. Romanæ Ecclesiæ Cancellarij, Kal. Iunij, Indictione xij. Incarnationis Dominicæ, Anno millesimo ducentesimo decimo, Pontificatus vero Domini Innocentij Papæ iij, Anno xij.

EPISTOLA LXXXII.

GNESNEN. ARCHIEPISCOPO ET VNIVERSIS SYFFRAGANEIS EIVS.

Ut Statutum à Duce Polonia factum, quòd maior natu Cracouiam cum Principatu obtineat, faciant obseruari.

SIGNIFICAVIT nobis dilectus filius nobilis vir ... Dux Zlesæ, quòd cum quondam ... Dux Poloniæ certam dederit singulis filiorum suorum in Polonia portionem, principalem ciuitatem Cracouiæ maiori natu referuans instituit, ut semper qui esset de ipsius genere prior natu, ciuitatem teneret eandem: ita quòd si maior decederet, vel cederet iuri suo, qui post eum de toto genere maior esset ipsius ciuitatis possessionem intraret. Hoc autem perpetuis temporibus obseruari præcipiens, per sedem Apostolicam obtinuit approbati; omnes illos faciens excommunicatione percelli, qui statutum huiusmodi auctoritate Apostolica roboratum præsumerent violare. Vnde nobis humiliter supplicauit, ut nostris vobis daremus litteris in mandatis, quòd nec vos ipsi statutu violaretis huiusmodi, nec permitteretis ab alijs violari, illos qui contrauenire præsumerent anathematis sententia ferientes. Quocirca fraternitati vestræ per Apostolica scripta mandamus: quatenus institutionem de maiortatis præminetia, sicut ad vtilitatem & pacem totius prouinciæ dignoscitur esse facta, faciatis per censuram Ecclesiasticam, sublato appellationis obstaculo firmiter obseruari. Contradictores censura simili compescentes. Datum Lateran. v. Idus Iunij, Pontificatus nostri, Anno xij.

EPISTOLA LXXXIII.

FREDERICO ILLUSTRI REGI SCICILIÆ.

Ut recipiat in gratiam Catanensem Episcopum Sciciliæ Cancellarium quem amouerat.

CVM iam annos pueriles euaseris, decet te, fili charissime, actus deferere pueriles. Et quantum tibi, & Regno tuo maiora pericula imminet, tanto studiosius debes intendere ad illa fortiter euitanda. Consilia quoque discretorum, & te diligentium debes diligenter amplecti, & inter ingratos, ac bene notos discernere te oportet, ne minus diligentes plus diligas, & qui te

feruentius diligunt, illos remissioris charitatis brachijs amplexeris. Cum enim ven. frater noster ... Cathanien. Episcopus Regni Sciciliz Cancellarius, te custodierit hactenus, & nutrierit; ac pro defensione tua, & regni tui labores, & angores, anxietates, & necessitates multiplices sustinuerit. Nunc, si verum est quod asseritur, tot beneficiorum oblitus, à tua ipsum familiaritate recedere permisisti, in scandalum, & odium pariter plurimorum: propter quod alij Regni nobiles dum eundem multis meritis præditum, debita intellexerint remuneratione fraudatum, in tua fidelitate lentescunt, & nonnulli se à tuis obsequijs subtrahent, qui ad ea ex ipsius poterant retributionibus prouocari. Ex his enim quæ post eius sunt sequuta recessum, satis apparet, vtrum eius præsentia tibi fuerit opportuna: & nisi quanto tuis reuocetur, sequutura dispendia te plenius edocebunt: vbi namque sunt illi, qui tibi mendaciter suggerebant, quod illo repulso multi conuerterentur ad te, qui propter familiarem eius præsentiam à tuis se obsequijs subtrahebant? Vnde nisi hæc, & alia quæ de te non absque dolore frequenter audimus, celeriter reformare studueris, te ipsum ad vberioris frugis exercitium erigendo, non solum tu grauia detrimenta percipies, sed & nos, licet inuitos, oporteret super hoc aliud cogitare, ne ob tuam negligentiam, vel defectum, Romana, quod absit, Ecclesia grauitè læderetur, quæ pro te non solum alijs, sed etiam Imperatori se potenter opponit. Quocirca serenitatem tuam rogamus attentius, & monemus, sub obtentu gratiæ nostræ firmiter iniungentes: quatinus Cancellarium memoratum ad familiaritatem tuam nullatenus differas reuocare, omnimoda sibi, quem sub B. Petri, & nostra protectione suscepimus, securitate prouisa, eiusque consilijs deuotus intendas, vt & ipse tot, & tanta pro te sustinuisse se gaudeat, & alij ad similia prouocentur prouisurus attentius, ne quid à quolibet contra salutem & honorem ipsius valeat attentari. Quia cum nos ei districtè præcipiendo mandemus, vt ad tuæ familiaritatis obsequium reuertatur, si quid contra eum fieret à quocumque, nobis reputaremus inferri. Datum Lateran. vij. Kal. Iulij, Pontificatus nostri, Anno xij.

EPISTOLA LXXXIV.

CONSTANTIÆ ILLVSTRI REGINÆ SCICILIÆ.

*Confirmat donationem propter nuptias ei factam à marito
Friderico Scicilia Rege.*

SACROSANCTA Romana Ecclesia deuotos & humiles filios, ex assuetæ pietatis officio propensius diligere consuevit, & ne prauorum hominum molestijs agitentur, eos tanquam pia mater suæ protectionis munimine conseruare. Sanè cum charissimus in Christo filius noster F. Sciciliæ Rex illustris, sicut in ipsius authentico super hoc confecto plenius contineri perspeximus, in dodarium, seu donationem propter nuptias, in Scicilia Carinum, quod in partibus Panormitanis existit, cum omnibus casalibus, tenementis, & pertinentijs suis. In valle Demen. Caroniam ... Sanctum Filadellum, & S. Maraim cum omnibus casalibus, pertinentijs, & tenementis eorum. Necnon & omnia

Casalia in eadem Valle Demen. consistentia, quæ ad suum demanium pertinere noscuntur. Insuper Oliuerium, & Montem Albanum, cum omnibus Casalibus, & tenimentis eorum. In seruitio verò, Sanctum Petrum de Ficara, & Castrum Ficarie, Galatum, & Militellum. Item Tauromen. cum omnibus tenimentis, & pertinentijs suis, tam demanij, quàm seruitij. In partibus verò Apuliæ, totum honorem Comitatus Montis S. Angeli, cum omni honore, iure, tenimentis, & pertinentijs suis, tam demanij, quàm seruitij. Videlicet, quod in demanio, in demanium, & quod in seruitio, in seruitium. In demanio siquidem Montis Sancti Angeli, Siponti, & Veste Ciuitates, atque Casale nouum. In seruitio autem omnia Castra, villas, terras, Casalia, & totum aliud, quod ad honorem ipsius Montis dignoscitur pertinere, liberaliter tibi duxerit concedenda: nos tuis præcibus inclinati, ad supplicationem eiusdem Regis concessionem ipsam, sicut prouidè facta est, auctoritate Apostolica confirmamus, & præsentis scripti patrocinio communimus. Decernimus ergo, vt nulli omnino hominum liceat hanc paginam nostræ confirmationis infringere, vel ei ausu temerario contraire. Si quis autem hoc attentare præsumperit, indignationem omnipotentis Dei, & Beatorum Petri & Pauli Apostolorum eius, se nouerit incursum. Datum Lateran. xv. Kal. Iulij, Pontificatus nostri, Anno xij.

EPISTOLA LXXXV.

TYRONEN. ET BYRDEGALEN. ARCHIEPISCOPIS, ET
EPISCOPO PICTAVEN.

Restituit in pristinum statum penitentem Presbyterum, & in beneficia quæ ante sententiam obtinebat, si collata non essent.

Ivs exemplo, qui cum iratus est non obliuiscitur misereri, nec suas continet miserationes in ira, sed postquam infuderit vinum superinfundit & oleum vulneribus sauciatis; & post virgam correctionis adhibet manus dulcedinis, quæ cum tabulis legis diuinæ in arca fœderis referuntur. Nos qui dilectum filium Robertum de Sepulchro Presbyterum ex seueritate percussimus, volentes ex benignitate sanare. Cum longo iam tempore impositâ sibi pœnam, in multa cordis, & corporis humilitate portauerit, non sine magnis laboribus & angustiis, graui pressus onere paupertatis, apud sedem Apostolicam misericordiam expectando. Hanc cum eo duximus misericordiam faciendam, vt ad executionem restitueretur officij; & si beneficia quæ prius habuerat non sunt alijs ritè collata, reddantur eidem. Nec ex lata in ipsum impediatur sententia, quo minus ad obtinenda Ecclesiastica beneficia possit assumi, & tam in ciuitate, ac Diocesi Nînneten. quàm in alijs liberè conuersari. Quocirca fraternitati vestræ per Apostolica scripta præciendo mandamus: quatinus circa eum sublati cuiuslibet contradictionis, & appellationis obstaculo, quæ præscripta sunt, exequi procuretis. Contradictores, si qui fuerint, per censuram Ecclesiasticam compefendo, non obstante quod in his litteris totius negotij series non narratur; cum hac ad cautelam vtamur, ex certa scientia breuitate. Quod si non omnes, &c. Duo vestrum ea, &c. Datum Lateran. x. Kal. Iulij, Anno xij.

EPISTOLA LXXXVI.

NOBILI VIRO S. DE MONTEFORTI, COMITI LEICESTRIE,
VICECOMITI, BITERRENSI ET CARCASSONEN.

Confirmat ei Ciuitatem Albiensem.



ABVISSE Baiulos Dominici verbi fidem ad sinapis Euangelicæ quantitatem, felix tuz translatio promotionis ostendit. Dum nominationis tuz non solum, sed & denominationis vocabula bonis interpretatus operibus, in auditu auris obedisti secundum nomē tuum in locum peregrinationis exire, ac sicut mons infirmas partes Ecclesiæ muniturus, ad verbum prædicatorum fidelium es translatus, &c. in eundem modum, vt in alia littera quæ scripta est in vltimo quaterno Regesti, duodecimi anni, vsque, cum in manibus tuis quem zelus Domini contra fidei subuerfores armauit, idem Dominus Ciuitatem tradiderit Albiens. Nos super hoc in Domino gratulantes, ciuitatem ipsam cum omnibus pertinentijs suis, sicut tibi est ad diuinæ maiestatis honorem pro tutela pacis, & fidei defensione concessa, tibi & hæredibus tuis in fide Catholica, & deuotione sedis Apostolicæ permanentibus auctoritate Apostolica confirmamus, &c. vt in eadem per totum, vsque. Ad indicium autem quod terram ipsam in deuotione Apostolicæ sedis, &c. vsque in finem. Datum Lateran. iij. Kal. Iulij, anno xij.

EPISTOLA LXXXV.

REGENSI EPISCOPO, ET ABBATI CISTERCIEN. APOSTOLICÆ
SEDIS LEGATIS.

Committit vices suas in causa fidei intra prouincias hic memoratas.



THI qui orthodoxæ fidei zelo succensi ad expugnandam hæreticam prauitatem viuificæ Crucis characterem assumpserunt, eò feruentius publicam causam gerant, quo se viderint proximorum subsidijs efficacius adiuuari. A vobis, & à nonnullis alijs nobis fuit sæpè suggestum, &c. Sicut continetur in penultimo quaterno regesti duodecimi anni. De data Viterbij. Per totum, in eundem modum vsque, ad explendum obsequium Iesu Christi. In Burdegalen. Bisuntin. & Viennen. prouincijs, necnon Pampilonen. Lemouicen. Claromonten. Anicien. Mimaten. Caturcen. & Ruthenen. Episcopatibus, super hoc committendas vobis duximus vices nostras, &c. vt in eadem per totum, vsque in finem. In alijs verò prouincijs, monitis, & precibus insistatis, vt ad tantum fidei Christianæ negotium consummandum, de bonis sibi à Deo collatis subsidia conferant opportuna. Datum Lateran. v. Kal. Iulij, Pontificatus nostri, anno xij.

EPISTOLA LXXXVIII.

EISDEM.

*Vt inquirant de vita & moribus Archiepiscoporum
Narbon. & Aufcensis.*

IN tantum clamor qui dudum ascendit contra Narbonen. & Auxitan. Archiepiscopos inualefcit, quòd dissimulare ipsum vltius sinè periculo non valemus. Ne igitur ex nequitia sua possint commodum aliquod reportare, cum non solùm negligentes sint, vt asseritur, sed etiam pestilentes. Discretionis vestræ per Apostolica scripta mandamus: quatinus inquisita super omnibus quæ proponuntur contra eos diligentius veritate; ac habentes præ oculis solum Deum, quod super hoc Canonice fuerit statuendum; sublato appellationis obstaculo statuatis, facientes quod statueritis per censuram Ecclesiasticam firmiter obseruari. Datum Lateran. iiii. Kal. Iulij, Anno xiiij.

EPISTOLA LXXXIX.

ARCHIEPISCOPO STRIGONIEN.

*Vt super Ecclesia à Comite de Similione fundanda, & sedi Rom. subijcienda;
ex gratia Diæcesanus Episcopus de suis iuribus componat.*

VENIENS ad Apostolicam sedem dilectus filius nobilis vir Herde Comes de Similione, quendam fundum suum B. Petro Apostolo, & Romanæ Ecclesiæ obtulit, humiliter & deuote; in quo, ad honorem eiusdem Apostoli Ecclesiam ædificare disponit, & eidem nonnullas de suis possessionibus assignare. Nos igitur pium eius propositum in Domino commendantes, præsentium tibi auctoritate mandamus; quatenus ven. fratrem nostrum Cenedien. Episcopum loci Diæcesanum monere prudenter, & efficaciter inducere non postponas, vt pro suis iustitijs, quas de ipsis esset possessionibus percepturus, ab eodem Comite moderatam recompensationem recipiat, & superabundantem gratiam recognoscat, quam ei facimus in hac parte; cùm in huiusmodi fundo absque omni recompensatione libera posset Ecclesia fabricari, sicut Hospitalarijs, & Templarijs, alijsque nonnullis per priuilegia est concessum. Quòd si monitis tuis memoratus Episcopus acquiescere fortè nollit, tu id auctoritate nostrâ sublato cuiuslibet contradictionis & appellationis ob. exe qui non omittas. Recipiens in vtroque casu præfatum fundum in ius & proprietatem Apostolicæ sedis per publicum instrumentum, & concedens eidem edificandi Ecclesiam in eodem, liberam facultatem. Præterea cùm idem Comes decimas quas præfato Episcopo persolvere consuevit, eidem Ecclesiæ cupiat assignari, compensatione propter hoc ipsi exhibita competenti, volumus & mandamus, vt eundem Episcopum monere ad hoc prudenter, & efficaciter inducere non retardes. Datum Lateran. 2. Kal. Iulij, Anno xiiij.

EPISTOLA

EPISTOLA XC.

ABBATI ET CONVENTUI S. GERMANI DE PRATIS PARIISIEN.

Vt occasione murorum Parisijs constructorum, ius Parrochiale non amittant.

CVM per medium vinearum vestrarum infra Parrochiam S. Sulpicii positarum, quæ ad vestrum Monasterium pertinet pleno iure, ad munitionem Ciuitatis Parisien. construantur de nouo muri, sicut ex vestra insinuatione didiscimus, prouideri super hoc vobis auctoritate Apostolica petijstis. Ne igitur huiusmodi occasione murorum, Parrochiale ius in Monasterij vestri dispendium immutetur, præsentium vobis auctoritate concedimus, vt idem ius in ædificijs eiusdem Parrochiæ construendis, & ipsorum habitatoribus habeatis, quod in ipsius veteribus ædificijs, & habitatoribus eorundem dignoscimini hæcenus habuisse. Nulli ergo, &c. hanc paginam nostræ concessionis infringere, vel ei, &c. vsque, incursum. Datum Lateran. iij. Kal. Iulij, Pontificatus nostri, anno tertiodecimo.

EPISTOLA XCI.

EISDEM.

Ne illi qui à Monasterio possessiones tenent, sinè eius assensu ad maiorem censum dare possint, &c.

VANTO specialius Monasterium vestrum B. Petri iuris existit, & maiorem deuotionem Apostolicæ sedi sæpius exhibetis: tantò celerius vbi cum Deo possumus petitiones vestras admittimus, & indemnitati Monasterij vestri volumus attentius prouidere. Ea propter ad exemplar, fœlicis recordat. Lucij Papæ prædecessoris nostri auctoritate Apostolica prohibemus: ne illi qui terras, vineas, aut domos cæsuales nomine vestro tenent, alijs ad maiorem censum sinè assensu vestro concedant. Neque alienis personis, vel Ecclesijs in eis sinè vestra licentia pensionem aliquam annuatim soluendam assignent, per quæ Monasterio vestro dispendium valeat peruenire. Nulli ergo, &c. hanc paginam nostræ prohibitionis infringere, vel ei, &c. vsque, incursum. Datum Lateran. v. Kal. Iulij, &c.

EPISTOLA XCII.

S. MARLE DOLEN. ET S. IOANNIS ANGELIACEN. ABBATIBVS BITVRIGEN. ET XANCTONEN. DIOECESVM, ET ARCHIDIACONO BITVRIGEN.

Scribit contra Episcopum Pictauensem, qui vocatus à Metropolitano Burdegalsi ad Petragoricensiu consecrationem, venire renuit.

EX parte venerabilis fratris nostri Burdegalen. Archiepiscopi per dilectum filium G. Procuratorem eiusdem fuit propositum coram nobis, quod cum

H

ven frater noster ... Turonen, Archiepiscopus de mandato nostro insisteret, & tam grauamen Petragoricen. Ecclesie Metropolitico sibi iure subiecte, quæ magnis dispendijs, & laboribus diutius fuerat fatigata, quàm consueta quorundam malitia consecrationem Petragoricen. Episcopi volentium impedire, accelerandam ipsius consecrationem Episcopi perurgerent; & non nisi tres tantum Episcopi essent in Burdegalen. provincia tunc præsentis, ven. fratri nostro ... Pictauen. Episcopo qui ex quo promotus fuit in Episcopum, nunquam Metropolitanam Ecclesiam postmodum visitauit, licet pluries vocatus fuerit ad eandem, in virtute obedientie ac sub debito iuramenti quo Ecclesie Burdegalen. tenetur, pœna suspensionis adiecta, præcepit vt ad consecrationem ipsius Episcopi properaret. Et vt omnis occasionis materia tolleretur, licet nullum periculum immineret, cum generales treugæ inter Francorum & Angliæ Reges initæ seruaretur, tam per litteras Senescalci Regis Angliæ qui regaliū negotiorum procuracionem habebat, in eisdem partibus generalem, quàm per ven. fratrem nostrum H. Episcopum Xanctonen. qui eum securum ducere ac reducere promittebat, securum conductum præparauit eidem; sed idem & venire postposuit, & suspensionis sententiam non seruauit. Cùmque postmodum idem Archiepiscopus ad locum quem de nuntiorum ipsius Episcopi voluntate, in Pictauen. Diocesi assignarat, vt tunc saltem præcedentem inobedientiam per obedientiam redimeret subsequentem, præfixo termino cum alijs Episcopis conuenisset, idem Pictauen. venire contempsit. Vt autem idem Archiepiscopus omnem ipsius contumaciam superaret, diem & locum alium in Pictauen. Diocesi assignauit; vbi cum ceteri suffraganei eidem Pictauen. Metropolitanam sui exponerent questionem, ipse quod venire non omiserat propter contemptum, vel odium Ecclesie, vel personæ, sed propter metum Regis Angliæ se obtulit iuraturum. Sed cum hoc memoratus Archiepiscopus sibi ab eisdem suffraganeis expositum acceptaret, idem Pictauen. se obtulisse iuramentum huiusmodi contraxit; propter quod & latam in eum per ipsum suspensionis sententiam confirmari, & debitam sibi pœnam infligi pro tanta contumacia postulabat. Procurator verò eiusdem Episcopi proposuit ex aduerso, quod licet olim dicto Archiepiscopo dederimus in mandatis, vt ad loca suspecta eundem Episcopum non vocaret, ipse tamen mandato nostro contempto ad ea loca pro consecratione ipsius Petragoricen. vocabat eundem, ad quæ, propter Brabantionum & capitalium inimicorum suorum insidias, sine proprii corporis periculo accedere non audebat. Vnde tam propter hæc, quàm propter alia quæ, inferebat grauamina, nostram audientiam appellauit: tam per litteras suas, quàm per Vv. Archidiaconum suum, & alios Clericos suos legitime se excusans. Cùm autem apud Chesium, vbi de venerabilium fratrum nostrorum Xanctonen. & Engolismen. Episcoporum consilio Archiepiscopus, & ipse conuenerant, excusationes suas esse iustas per testes omni exceptione maiores fuerit probare paratus; & idem Archiepiscopus hoc recipere noluisse, super hoc ab eo exigens iuramentum, ipse appellationem primo interpositam innouauit, sed Archiepiscopus appellatione cōtempta suspensionis sententiam protulit in eundem. Vnde tam dictam sententiam, quàm quidquid post appellationem in eius est præiudicium attentatum petijt irritari. Cùm autem nobis non constiterit de præmissis, contentio-

nem huiusmodi de procuratorum consensu tali prouidimus moderamine fop-
piendam; vt præfatus Episcopus coram vobis exhibeat iuramentum, quòd nec
in contemptum Archiepiscopi memorati, nec vt ipsius se iurisdictioni subduce-
ret, sed propter metum hostilem, ad consecrationem Petragoricen. Episcopi
accedere detrectauit. Quo præstato coram vobis, latam in ipsum suspensionis
sententiam reuocari faciatis per præfatum Archiepiscopum ad cautelam, nec ei
deputetur ad pœnam, quòd post suspensionem huiusmodi diuina officia cele-
brauit. Alioquin, vsque ad satisfactionem idoneam, dicta suspensionis senten-
tia inuiolabiliter obseruetur. Quocirca discretionem vestræ per apostolica scripta
mandamus: quatinus quod à nobis taliter est prouisum, faciatis per censuram
Ecclesiasticam appellatione remota executioni mandari, nullis litteris obsta-
tibus si quæ apparuerint à sede Apostolica præter assensum partium impetratæ.
Quòd si non omnes, &c. Duo vestrum ea, &c. Datum Lateran. vj. Kal. Iulij,
Pontificatus nostri, Anno xij.

EPISTOLA XCIII.

DOLEN. ET S. IOANNIS ANGELIACEN. ABBATIBVS BITVRICEN. ET
XANTONEN. DIOECESVM, ET ARCHIDIACONO
BITVRICEN.

*Vt audiant dissensionum causas inter Pictauiensem &
Burdegalensem Episcopos.*

SIGNIFICANTE ven. fratre nostro Burdegalen. Archiepiscopo nos ac-
cepisse noscatis: quòd cum ven. fratri nostro Pictauien. Episcopo
Suffraganeo suo, ad querelam subditorum ipsius pœna suspensionis adie-
cta, inhibere curasset: ne pecuniarias procuraciones ab Ecclesijs quas non visi-
tabat exigeret, vel collectas maiores quàm prædecessores sui facere consueue-
rant, in subditis sibi Ecclesijs exerceret. Idem eius inhibitione contempta; &
pecuniam pro procuracionibus, & collectas solito maiores exegit, suspensionis
sententiam, in quam propter hoc incidit, non obseruans. Ad expellendum quo-
que Ruptarios & Bramantiones de Burdegalen. prouincia sibi auxilium, prout
præstita fide promiserat, non impendit. Inhibens & impediens ne ipse Pictauien.
Diocesim ex officio suo visitans procuracionibus consueris, & debitis honore-
tur. Clericos quoque quos dictus Archiepiscopus ad præsentationem Vicarij
sui, eodem Episcopo non existente in Diocesi, ordinarat, ab ordinum suscepto-
rum ab eo executione suspendit, nec voluit ad mandatum ipsius eandem sus-
pensionis sententiam relaxare. Sententias excommunicationis ab eodem Epif-
copo in subditos suos latas, quas idem Archiepiscopus auctoritate Metropoli-
tana iustitia exigente confirmat; eò inconsulto, nullaque supra hoc obtenta po-
testate relaxans. Quendam insuper pecuniæ quantitatem ab Helia prædecesso-
re suo mutuatam Episcopo Pictauien. & in vltima eius voluntate ad fabricam
Burdegalen. Ecclesiæ deputatam, sibi restituere contradicit in his & multis alijs,
contra iuramentum Burdegalen. Ecclesiæ, ac prædecessori suo præstitum teme-
rè veniendo. Ex parte verò ipsius Episcopi fuit propositum ex aduerso, quòd

intransidem Archiepiscopus annis singulis pluries Diocesim Pictaue. non vocatus ab eo, vel à terræ Principe inuitatus, nullaque necessaria causa tractus à suis subditis frequentius debito de longa serè in leugam dietas faciens, exigit procurari: correctiones tanquam ordinarius faciens per totam Diocesim Pictaue. in qua ipse præter ordinariam, delegatam à nobis super correctionibus obtinet potestatem. Sententias quoque in raptores, & alios qui iniuriuntur Ecclesijs, vel personis Ecclesiasticis, siue illis qui sub Ecclesiæ protectione consistunt, ab eo exigente iustitia promulgas, iuris ordine prætermisso relaxans, tractat causas in eadem Diocesi, & committit, licet ad eum non fuerit appellatum. Qui, eo quondam apud sedem Apostolicam existente, ad Ecclesiam Pictaue. accedens, & in eius, & subditorum suorum grauamen procuraciones ibidem recipiens, quosdam Diocesis suæ Clericos licet super hoc ab eo mandatum non habuerit, ordinauit. Et licet componentibus inter eos ven. fratre nostro ... Nanneten. Episcopo, & ... Decano Pictaue. aliisque pluribus, idem Archiepiscopus promississet, quòd nihil vnquam contra eum, vel honorem suum machinari de cætero attentaret; nisi forsan ipsi primitus requisiti terminare non possent, si quid aduersus eum proponeret quæstionis. Multa tamen contra compositionem eandem, & promissionem suam temperè veniens, in eius, & honoris sui dispendium attentauit; super his & alijs iniuriolos existens eidem plurimum, & molestus. Quia verò nobis non constitit de præmissis, discretionì vestræ, de procuratorum vtriusque partis assensu, per Apostolica scripta mandamus: quatinus competenti loco partibus conuocatis, & rationibus hinc inde plenius auditis, & cognitis, si de partium processerit voluntate, causam ipsam appellatione remota, sine canonico decidatis, & faciatis quòd decreueritis per censuram Ecclesiasticam firmiter obseruari. Alioquin eandem sufficienter instructam, ad nostram præsentiam remittentes, præfigatis partibus terminum competentem, quo nostro se conspectui repræsentent, recepturæ iudicium æquitatis. Testes autem qui fuerint nominati, si se gratia, odio, vel timore subtraxerint, per censuram eandem, appellatione remota cogatis veritati testimonium perhibere. Nullis litteris obstantibus, si quæ apparuerint à sede Apostolica præter assensum partium impetratæ. Quòd si non omnes, &c. Duo vestrum ea, &c. Datum Lateran. xiiij. Kal. Iulij, Pontificatus nostri, Anno tertiodecimo.

EPISTOLA XCIV.

VNIERSIS ARCHIEPISCOPIS, ET EPISCOPIS AD QUOS LITTERÆ
ISTÆ PERVENERINT.

*Confirmat propositum Bernardi primi Magistri
Vvaldensium conuersorum.*

CVM inestimabile pretium sanguinis Iesu Christi, & cætera; require su-
pta in littera scripta eodem quaterno per totum vsque. Quapropter
venientes ad Apostolicam sedem dilectos filios, Bernardum primum, &
Vvillelmum Arnaldi, & quosdam alios paterna benignitate suscepimus, ac ea

quæ nobis, &c. ut in eadem usque intellectu. Eosque diligenter examinatos atque correptos, hoc modo reconciliauimus Ecclesiasticæ unitati. Ego, inquit, Bernardus primus, appositis Euangelij, & scripto confessionis imposito super illa; hoc præsto inter manus tuas summe Pontifex iuramentum, Deum inuocando testem in animam meam, quod ita, &c. Sicut in ipsa, usque, pro posse resistam. Hoc autem profiteor non esse iuramentum quale Christus legitur prohibuisse in Euangelio, sed quale à sanctis doctoribus Augustino, & alijs perhibetur esse præstandum causa necessitatis, cum veritate, & iustitia, & iudicio. Scriptum autem confessionis est tale. Pateat omnibus fidelibus, quod, ego Bernardus primus, & omnes fratres mei propositis nobis sacrosanctis euangelij corde credimus, fide intelligimus, ore confitemur, & simplicibus verbis, id est, sine duplicitate, fideliter affirmamus, Patrem & Filium, & Spiritum Sanctum, tres personas esse, unum Deum, & sicut in Credo in Deum, & in Credo in unum Deum, & in Quicumque vult continetur confitemur esse per omnia sentiendum. Item corde credimus, & ore confitemur, Patrem, & Filium, & Spiritum Sanctum, unum Deum, de quo nobis est sermo, esse creatorem, & gubernatorem, ac dispositorem omnium rerum visibilibus, & inuisibilibus, corporalium, & spiritualium. Item, corde credimus, & ore confitemur, Patrem, & Filium, & Spiritum Sanctum, unum Deum, legem Moysi dedisse, & ipsum in Prophetis locutum fuisse, & Ioannem Baptistam ab ipso missum esse, Sanctum, & iustum, & in utero Matris sue Spiritu Sancto repletum. Item, corde credimus, & ore confitemur, incarnationem Domini nostri Iesu Christi, ut qui erat Filius Dei in Diuinitate, Patri aequalis, fieret homo in utero S. Mariæ matris sue veram carnem assumens, ex visceribus matris, qui natus est vera carnis natiuitate, & manducauit, & bibit, &c. Dormiuit, & fatigatus ex itinere quieuit; & passus est vera carnis sue passione, & mortuus est vera carnis sue morte: & resurrexit vera carnis sue resurrectione in qua postquam veraciter manducauit, & bibit, ascendit in calum, & sedet ad dexteram Dei Patris omnipotentis, inde venturus est iudicare vivos, & mortuos. Item, corde credimus, & ore confitemur, unam esse Ecclesiam Catholicam, & Apostolicam, sanctam & immaculatam, extra quam neminem saluari fatemur. Sacramenta verò quæ in ea celebrantur, inastimabili, atque inuisibili virtute Spiritus Sancti, licet à peccatore sacerdote ministrantur, dum Ecclesia eum recipit, in nullo reprobamus, neque Ecclesiasticis officijs, vel benedictionibus ab eo celebratis detrahimus, sed beniuolo animo, tanquam à iustissimo amplectimur. Approbamus quoque baptismum infantium, & si defuncti fuerint post baptismum, antequam peccata committant, fatemur eos saluari. Confirmationem quoque ab Episcopo factam, id est impositionem manuum, sanctam & venerandè accipiendam esse censemus. In sacrificio Eucharistie, quæ fuerant panis, & vinum ante consecrationem, post consecrationem esse corpus & sanguinem Iesu Christi, simpliciter affirmamus, & credimus: in quo nihil à bono maius, nec à malo minus pericitur sacerdote. Peccatores veraciter penitentes veniam à Deo consequi concedimus, & eis libentissimè communicamus. Vñtionem infirmorum cum oleo consecrato veneramus. Coniugia carnalia esse contrahenda secundum Apostolum Paulum non negamus, legitimè verò contracta disuungere, omnino prohibemus. Ordines Ecclesiasticos, id est Episcopatum, & Presbyterium, ac ceteros, & omne quod in Ecclesia ordinabiliter sanctum legitur, aut canitur, humiliter collaudamus, & fideliter veneramus. Item, corde credimus, & ore confitemur, resurrectionem huius carnis quam gestamus, & non alterius; & vitam æternam, & unumquemque hominem secundum opera sua esse recepturum. Eleemosinas, & sacrificium, cateraque beneficia fidelibus defunctis prodesse, non dubitamus. Et quia fides sine operibus mortua est, ut

dicit Apostolus Iacobus, seculo abrenuntiauius, & quæ habebamus velut à Domino consul-
 tum est, pauperibus erogauimus, & pauperes esse decreuimus. Ita quòd solliciti esse de crastino
 non curamus, nec aurum, vel argentum, vel aliquid tale præter vestimentum, & victum quo-
 tidianum à quoquam accepturi sumus. Consilia quoque Euangelica, velut præcepta seruare
 proposuimus. Remanentes autem in seculo, & sua possidentes, & hanc fidem supradictam
 firmiter & integrè credentes, præceptaque Domini seruantes, saluari facemur. Ad hæc in nomine
 Patris, & Filij, & Spiritus Sancti; & Beatissima Virginis Mariæ, ad ædificationem uni-
 uersalis Sanctæ Dei Ecclesiæ, & ad salutem animarum omnium, ad quoniam aures peruenit,
 sicut fideliter credimus corde, fidem prædictam, ore firmiter confiteri, & nuntiare proposuimus,
 & usque ad animam, & sanguinem aduersus omnes sectas hæresium defendere viriliter.
 Consistentes sub magisterio, & regimine vnus, & veri Magistri Domini nostri Iesu Christi, ac
 pijsimi Vicarij eius Papæ Innocentij, & successorum eius semper permanentes, tam corpore,
 quàm spiritu, in communionem Sanctæ Romanæ, ac vniuersalis Ecclesiæ, quam sanctam, &
 Catholicam, & Apostolicam supra diximus. Quam credimus esse, omnes baptizatos in nomine
 Patris, & Filij, & Spiritus Sancti, nisi à supradicta fide recesserunt, ubi boni cum malis con-
 ueniunt, permixta quippe est diuersitate filiorum, cui Ecclesiæ præfatum Dominum Innocentium
 Papam credimus præesse Pastorem, & ipsum, & omnes Episcopos, & Sacerdotes, & cete-
 ros ordinatos, fidem supradictam tenentes, in ipsa Ecclesia ministros esse facemur, & credimus.
 Idcirco ab ipsis, & non ab alijs, petimus, & cupimus suscipere Ecclesiastica sacramenta. Specia-
 liter autem de fractione panis, super qua infamati sumus, diximus, & dicimus sanctam nun-
 quam factum fuit causa presumptionis, nec causa contemptus sacrificij sacerdotis, sed causa ar-
 doris fidei, & charitatis, & causa deliberationis, ne indurarentur simplices fideles inter hære-
 ticos permanentes, & Sacramentum Eucharistiæ non accipientes, sed nunc & in perpetuum
 abdicamus, & abijcimus, & abdicabimus à nobis, & ab omnibus nobis credentibus, secun-
 dum nostrum posse ab opere, & à credulitate, corde credentes, & ore consistentes sacramen-
 tum corporis & sanguinis Christi, nec esse conficiendum, nec posse confici, nisi à Sacerdote per
 impositionem manus visibilis Episcopis secundum morem Ecclesiæ visibiliter ordinato. Habemus
 autem mandatum orare, ut Deus mittat operarios in messum suam, id est predicatorum in po-
 pulum suum, qui debent benignè & humiliter impetrare sibi dari, ex licentia summi Pontificis
 & Prelatorum Ecclesiæ, ut possint admonere, & exhortari in doctrina sana; & aduersus
 omnes hæreticos gratia Dei adiuuante, cum omni virtute animi, & studio, ut eos ad fidem
 Catholicam conuertant, desudare, & credentes eorum priuatis, & publicis admonitionibus,
 sicut decet, ab eorum crudelitate, & hæresi separare, & Ecclesiæ supradictæ incorporare, &
 ab omnibus vitijs, & peccatis compescere, tam se ipsos, quàm suos auditores; à superbia sci-
 licet, & inani gloria, inuidia, ira, cupiditate, & auaritia, gulositate, luxuria, mendacio,
 detractione, blasphemia, odio, fraude, periurio, & homicidio. Et quamuis ista nos prædica-
 mus, tamen potestatem secularem secundum leges officium suum in malefactores peragensem,
 non iudicamus, neque ob hoc dammandum esse dicimus, vel credimus. Veruntamen sicut filij
 Ecclesiæ reos sanguinis descendimus pijs interuentionibus, quia scriptum est, reos sanguinis
 descendat Ecclesiæ. Quamuis autem propter vitandum periurium, non sit appetendum iura-
 mentum, iurantes tamen ex deliberatione causa necessitatis cum veritate, & iudicio, & iusti-
 tia non culpamus, neque propter hoc credimus condemnandos. In omnibus verò Episcopati-
 bus, Diocesium vel Parrochijs, in quibus sumus, vel fuerimus, disposuimus ieiunare secun-
 dum morem, & consuetudinem Prelatorum, & Catholicorum viro-
 rum Orthodoxorum illarum
 prouinciarum, tam in vigilijs, quàm in ieiunijs quatuor temporum, & quadragesimæ. Denique

licet dicat Christus, oportet semper orare, & non deficere, & Apostolus sine intermissione orare; tamen quidam nostrorum per viginti quatuor vices, inter diem ac noctem; alij quindecies, alij duodecies, qui autem minus septies pro omnibus hominibus secundum eorum gradus orant. Et quamquam officium nostrum su præcipue, ut omnes discant, & omnes qui sunt idonei exhortentur; tamen cum tempus inveniit, proprijs manibus laboramus, ita dumtaxat ne pretium ar-
cipiamus conuentum. Qui autem nobis credunt, à quibuscumque aliquid per aliquam fraudem habuerint, necesse est si potuerint, & nobis acquiescere voluerint, ut ipsi & non alij restituant. Decimas siquidem, & primitias, & oblationes, & cetera secundum usum locorum servitia, Prælati, & alij Clerici, sub quorum Diœcesibus visitauerint, fideliter persoluant: quod omnibus fidelibus Christianis efficaciter suademus, Licet autem in subscriptis soli Deo esse obediendum, & si homini, soli iusto, qui Deum habet in se; ac licere laico, ac litterato sine licentia cuiuslibet hominis prædicare, bonumque laicum conficiendi Eucharistiam potestatem habere, malum autem sacerdotem nequaquam, & eius orationes, aut missas viuis vel mortuis non proficere. Ac Romanam Ecclesiam, nequaquam Ecclesiam Dei esse, nec non etiam iuramentum in quolibet articulo sub Ecclesiæ forma factum, peccatum esse mortale, dogmatizasse dicuntur. Ipsi tamen ex præscripta concessione, in qua ranguntur articuli prænotati, super his suam innoçeriam excusarunt, illud inficiantes omnino, quod videlicet mulieribus Euangelium in Ecclesia licitum esse docere, ac indulgentias quæ sunt à summo Pontifice, vel alijs Episcopis non proficere, iustumque laicum confiteres sibi absolvere posse, quidam eos referunt astruxisse. Cæterum super eo quod nonnullos Clericorum scandalizasse dicuntur, eis in plurimis detrahendo, ipsos asperè redarguimus, in virtute obedientiæ quam præstiterunt nobis, districtius iniungentes eisdem, quod & ipsi sub eadem servare obedientia promiserunt; ut Clericos in omni qua conuenit habentes reuerentia, & honore, ab eorum omnino infamatione, seu detractione desistant. Præcipientes eisdem, ne passim sibi præsumant prædicationis officium arrogare; sed præterquam Ecclesiarum rectores in fide recta, & sana doctrina noverint esse probatos, licentiam eis tribuant exhortandi competentibus horis, & locis. Cumque continentiam repromiserint, suspectum mulierum consortium prorsus eurent; qui super his, & alijs promiserunt deuotam, & debiram nobis obedientiam exhibere. Nos igitur, habito fratrum nostrorum consilio, per Apostolica nobis scripta mandamus: quatinus recepto à cæteris fratribus simili iuramento, Ecclesiasticæ vnitati reconciliatis eosdem, & denunietis ipsos verè Catholicos, ac rectè fideles; in præscriptis, & alijs eos secundum Deum ab omni scandalo, & infamia seruantes immunes, & in litteris testimonialibus, & alijs adminiculis ipsos propter Deum misericorditer adiuuetis. Datum Lateran. xviij. Kal. Iulij, Pontificatus nostri, Anno xiiij.

Recipit eos cum bonis sub protectionem sedis Apostolica.

SACROSANCTA Romana Ecclesia humiles & deuotos filios, ex assuetæ pietatis officio propensius diligere consuevit, & ne prauorum hominum molestijs agentur, eos tanquam pia mater suæ protectionis munimine confouere. Ea propter, dilecti in Domino filij, deuotionem quam erga B. Petrum, & nos ipsos habere dignoscimini attendentes, personas vestras, & vniuersa bona quæ impræsentiarum rationabiliter possidetis, aut in futurum iustis modis dante Domino poteritis adipisci, sub B. Petri, & nostra protectione suscipimus. Specialiter autem, locum in quo Ecclesia vestra sita est, cum pertinentijs suis. Ecclesiam de Kilros, Ecclesiam de Kilmelassi, Ecclesiam de Cluoneda, Ecclesiam de Tibrada, Ecclesiam de Kilmelach, Ecclesiam de Kilmaclug. cum omnibus pertinentijs suis. Decimas piscium in Vvaterford. beneficia terrarum Ricc. Scadan. & Terri, villam de Corbali, villam de Balikassin, villam de Tachethen. Terram de Kaldebech. Terram Roberti le Franceis, iuxta Kilmeillog. cum omnibus pertinentijs suis: & omnia bona communitati, & sustentationi vestræ nihilominus assignata, sicut ea iustè, ac pacificè possidetis, vobis, & per vos Ecclesiæ vestræ auctoritate Apostolica confirmamus, & præsentis scripti patrocinio communimus. Nulli ergo, &c. hanc paginam nostræ protectionis, & confirmationis infringere, vel ei, &c. vsque incursum. Datum Lateran. vj. Kal. Iulij, Pontificatus nostri, anno xij.

EPISTOLA CXV.

ABBATI S. MARIE ROTVNDÆ.

Decidit litem inter Monachos & commune Rauenna.



LITÆ causam, quæ inter te, ac commune Rauennæ super pineta, & quibusdam alijs vertebatur: ven. fratri nostro ... Cefenarum Episcopo, duximus committendam. Qui licet cum dilecto filio Pompositan. Abbate, quem sibi postmodum in causæ cognitione adiunximus, vsque ad receptionem testium, & publicationem attestatorum processerit in eadem. Quia tamen ad sententiam per triennium procedere distulit, ven. fratri nostro Populien. Episcopo, & dilecto filio ... Abbati S. Laurentij Cefenati mandauimus, vt in ea iuxta formam priorum procederent litterarum. Verum quoniam ad Rauennarum instantiam eis tandem dedimus in mandatis, vt ad nos instructam remitterent causam ipsam; iidem gesta omnia sub sigillis suis, cum procuratoribus partium ad nos remittere curauerunt per: quæ cognouimus manifestè, quod inter partes de Pineta Palazol. Vargobadaren. possessione in qua fit forum, & sale Monasterij, quem commune mutuo acceperat, fuit actum. Nam super Vargobadaren. comune petebat; ne quid nomine pedagij,

tuum Monasterium à Rauennatibus extorqueret: sed illud ad se pertinere pars eiusdem Monasterij respondebat, & se ibi hæcenus pedagiū accepisse. Ceterum possessionem in qua forum fiebat, dictum Monasterium asserens suam esse, ne in ea, præter eius assensum, forum de cætero fieret, & quod Cômune exinde perceperat, sibi restitutum cum instantia postulabat. Sed Cômune dicebat, quòd nec ad Monasterium tota illa possessio pertinebat, nec si pertineret, etiam quòd minus in ea forum fieret, Cômune debebat, aut poterat prohiberi: cum huiusmodi tam in Ecclesiarum, quàm priuatorum possessionibus, exercere soleant in partibus illis Communia Ciuitatum. Verùm cum Cômune certam summam salis, quam centum & sexaginta libris emerat, à te mutuo recepisset, ad restitutionem ipsius se obligans iuramento, quia pro eo non nisi centum reddiderat, perebas reliquum tibi reddi. Sed ad hoc pars altera respondebat, quòd facta ratione salis ad pretium quod valebat quando solutio pecuniæ facta fuit, triginta vel quadraginta solidos eidem Ecclesiæ soluerat, ultra id quod sal tunc temporis vendebatur. Licet autem vtrique partium, possessionem Pinetæ multipliciter nisa fuerit comprobare: asserente parte Communis, & ostendente per testes, quòd pro facto suo de arboribus eius quotiens fuerat opus acceperant, & donarant; quòd bannierant etiam siluam ipsam, & fecerant custodiri: & Rauennates ad enucleandas pinos in hebdomada Natalis, & portandos truncos arborum, quos ipsi Zoccos, vel Capitones appellant, accedere consueuerat annuatim: & quòd seruientes custodum, quos nominant Partiates, pinetam pro cômuni custodire iurabant. Pars tua per testes similiter sufficienter ostendit, quòd pro necessitatibus Monasterij liberè acceperat, dederat, & venderat de lignis Pinetæ: quòd Partiates per Monasterium certum numerum trabium in feudum percipiebant de silua, & iuramento fidelitatis eidem propterea tenebantur; & quòd seruientes eorum iurabant pro Monasterio siluæ custodiam in Abbatis præsentia, & amoueantur ad eius arbitrium, qui circa custodiam delinquebant: & quòd, ad Abbatis & parciatuum instantiam, eam bannierant Rauennates, & qui venabantur in ipsa, reddebant eidem annis singulis spallam porci; & cultores agtorum, decimas, & gregum pastores, certos redditus exolvebant. Addebat etiam pars Communis, quòd cum partes intentionem suam sufficienter vtriusque fundassent, vtramque poteramus, immo debebamus in sua de iure possessione tueri; cum tantam rem diuersi possent quo ad diuersos vsus, & varios possidere. Nos igitur attestationibus diligenter inspectis, intelleximus quòd ad Monasterium per testes plures numero, & aptiora negotio, & vero proximiora in suis depositionibus exprimentes, possessionem Pinetæ respectu præteriti temporis, & præsentis, euidentius, & generalius ostendebat. Et cum per priuilegia, tam Archiepiscoporum Rauennatis Ecclesiæ, quàm Pontificum Romanorum ipsam ad se pertinere monstraret, illud iuste possedisse constabat. Et Cômune, quòd nullam suæ possessionis ostendebat titulum, aliqua in eadem contra iustitiam, per impressionem, vel potentiam vsurpasse; cum eandem rem non possint diuersæ eodem modo, in solidum possidere. Vnde cum probationes Monasterij existerent potiores, & sic per consequentiam ipsum esse in Interdicto superius, Oeconomum Communis Rauennæ Oeconomum Monasterij super eadem Pineta, quantum ad possessorium decreuimus condemnandum, & im-

ponendum perpetuum silentium Oeconomo Rauennati, & prohibendum eidem, ne Monasterium sibi predictum, super ea presumat ulterius molestare. Iterum cum Vargum Bardareni ad Monasterium pertinere testes vtriusque partis ostendant, supra eo Oeconomum Monasterij, ab impetitione Oeconomi Rauenn. statuimus absolendum: & cum per testes sit sufficienter ostensum, quod super sale sufficienter satisfactum fuit Monasterio, quoad pretium quo solutionis tempore vendebatur, nec viros religiosos deceat inhiare lucris secularibus, & cum alterius iactura dari, Oeconomo Monasterij super hoc silentium decreuimus imponendum. Nulli ergo, &c. hanc paginam nostrae diffinitionis infringere, vel ei, &c. Si quis autem hoc attentare presumpserit, &c. usque, incursum. Datum Lateran. nonis Iulij, Pontificatus nostri, anno tertio decimo.

EPISTOLA XC VII.

EPISCOPO SARDICEN.

Recipit sub suam protectionem.

IUSTIS petentium desiderijs dignum est nos facilem praebere consensum, & vota quae à rationis tramite non discordant, effectu persequente complere, ea propter, venerabilis frater in Christo, tuis iustis precibus grato concurrentes assensu, personam & Ecclesiam tuam cum omnibus bonis, quae impraesentiarum rationabiliter possidet, aut in futurum iustis modis praestante Domino poterit adipisci, sub B. Petri, & nostra protectione suscipimus, & praesentis scripti patrocinio communimus. Nulli ergo, &c. hanc paginam nostrae protectionis infringere, vel ei, &c. usque, incursum. Datum Lateran. iij. nonas Iulij, anno xij.

EPISTOLA XC VIII.

ILLUSTRI CONSTANTINOPOLITANO IMPERATORI.

*Ut relaxet edictum ab eo latum de non relinquendo
possessions Ecclesijs.*

GRAVEM venerabilium fratrum nostrorum Archiepiscoporum, & Episcoporum, & dilectorum filiorum aliorum Praelatorum Imperij tui recepimus questionem: quod tu, & Barones tui in eorum inhibuisti grauissimum detrimentum; ne quis de possessionibus suis in vita sua conferat, vel in extremo articulo condat Ecclesijs testamentum. Cum igitur, ex inhibitione huiusmodi, & Ecclesiarum dispendium, & inhibentium interitus procuraretur, excellentiam tuam monemus attentius, & hortamur: quatinus huiusmodi prauam inhibitionem, & tu ipse relaxes, & à tuis Baronibus facias potestate tibi tradita relaxari. Datum Lateran. vj. Idus Iulij, anno tertio decimo.

EPISTOLA XCIX.

EIDEM.

Vt cogat nobiles ablata Ecclesijs restituere iuxta eorum promissionem.

SIGNIFICANTIBVS venerabilibus fratribus nostris Archiepiscopis, & Episcopis, ac Prælaris alijs Cōstantinopolitani Imperij, nos accepisse cognoscas. Quod cū Barones, Milites, & alij Nobiles Romanix, Monasteria, possessiones, homines, decimas tam Græcorum, quàm Latinorum, & alia bona Ecclesiarum suarum, contra iustitiam detinerent; eos per venerabiles fratres nostros ... Larissen. Archiepiscopum, & ... Daulien. Episcopum, ad restitutionem integram detentorum censura mandauimus Ecclesiastica coercendos. Qui licet propter expeditionem ad quam properabant proponerent, quod tunc non poterant quod iniungebant implere, quidam tamen in iudicium, & Prælatorum manibus resignarunt; promittentes firmiter quod residua in integrum post reditum restituerent; & ab eis ad quos pertinent pacificè possideri permetterent restituta; quod non obseruarunt postmodum redeuntes, immo detinentes prædicta omnia, sicut prius, ea restituere contradicunt: vnde nos ven. fratribus nostris Theban. & ... Neopatren. dedimus nostris litteris in mandatis, vt detentores eosdem ad restitutionem integram detentorum cum satisfactione perceptorum fructuum competèri monitione præmissa per censuram Ecclesiasticam, sicut iustum fuerit, appellatione remota compellant. Quocirca excellentiam tuam monemus atreñtius, & hortamur: quatinus detentores prædictos ad hoc tradita tibi potestate compellas. Datum vt in alia per rotum.

In eundem ferè modum scriptum est ipsis supra hoc; vsque, restituere contradicunt. Ideoque discretioni vestræ per Apostolica scripta mandamus: quatinus detentores eosdem, ad restitutionem integram detentorum, cum satisfactione perceptorum fructuum competenti monitione præmissa per censuram Ecclesiasticam appellatione remota, sicut iustum fuerit, compellatis. Testes autem, &c. vsque, prohibere. Nullis litteris veritari & iustitiæ præiudicantibus, &c. Quod si non omnes, &c. Duo vestrum ea, &c. Datum Lateran. vj. Idus Iulij, Anno xijj.

EPISTOLA C.

EIDEM.

Vt restituat bona Ecclesiastica ab ipso detenta in Provincia Larissena.

AD Ecclesiastica bona manus extendere non deberes, cū Ecclesiæ sponfus Christus ampliauerit tibi manus, nec grauare debes Ecclesias, quarum credis ministrorum precibus flecti Christum, vt te ab hostium grauaminibus tueatur. Inde est quod Imperialem celsitudinem rogandam duximus, & monendam: quatinus restituens Ecclesiæ Larissen. à qua de ipsius bonis detines minùs iustè, permittas ven. fratrem nostrum ...

Larissen. Archiepiscopum, & Suffraganeos eius, Ecclesias, Abbantias, Clericos, & possessiones, decimas, & alia iura, quæ ad Ecclesias pertinent eorundem, pacificè possidere. Datum Lateran. nonis Iulij, Anno xiiij.

EPISTOLA CI.

ARCHIEPISCOPO NEOPATREN. ET PRIORI S. DEMETRII THESSALONICEN.
ET PROCURATORI EPISCOPATVS DIMICEN.

*Vt mandent executioni sententiam pro Sardicensi Episcopo latam contra
fratres sancti Ioannis Ierosolym.*

VA



ACHRIMABILEM ven. fratris nostri Cardicen. Episcopi recepimus questionem: quòd cùm obtentas à nobis litteras rediens post labores, captiones, & angustias plurimas quas sustinuit Romaniam, præsentari fecerit fratribus Hospitalis S. Ioannis Ierosolimitani, qui Episcopatum ipsius cùm Cardicen. castro, & res alias detinentes, nec restituere volut ei, nec de perceptis à promotionis suæ tempore prouentibus, quos in vsus proprios conuerterunt in aliquo subuenire. Ipsi earum latore grauissimè verberato, turpiter ipsas litteras proiecerunt, & comminantes ipsum interficere, asseuerant, quòd pro nullis litteris, vel mandato Episcopatum prædictum ei resignabunt aliquatenus, vel dimittent. Qui præter hæc quondam in Armiro cum suis pertinentijs, in qua propriam mansionem faciunt, detinent Abbatiæ, quam nos ei duximus concedendam, propter quod idem Episcopus factus pauper, & ad extremam deductus inopiam, exul ab Episcopatu suo compellitur mendicare. Verùm quia ven. fratres nostri Athenien. & ... Theban. Archiepiscopi ... & Episcopus Fermopilen. quibus Episcopus ipse causam super hoc obtinuit delegari, pro eo sententiam protulerunt; fratres ipsos super restitutione Castri prædicti, & pertinentiarum ipsius, ac Casalium omnium, & possessionum omnium pertinentium ad Ecclesiam Cardicen. prædicto Episcopo condemnatos, quia contumaciter resistebant, excommunicationis vinculo innodantes, nobis humiliter idem Episcopus supplicauit, vt tam diffinitiuam, quàm excommunicationis sententiam, ritè latas auctoritate dignaremur Apostolica roborare. Ideoque discretioni vestræ per Apostolica scripta mandamus: quatinus diffinitiuam, sicut est iusta, per censuram Ecclesiasticam, excommunicationis verò sententiam, sicut rationabiliter est prolata; vsque ad satisfactionem idoneam auctoritate nostra factatis appellatione remota inuiolabiliter obseruari. Attentiùs prouisorij, vt fructus Ecclesiæ suæ, quos iidem fratres percepisse dicuntur, & Castrum prædictum quod detinetur ab ipsis, eidem, sublato appellationis obstaculo restitui cum integritate debita faciatis. Contradictores censura Ecclesiastica compescendo. Quod si non omnes, &c. Duo vestrum ea, &c. Datum Lateran. v. Idus Iulij, Anno xiiij.

CAT

EPISTOLA CII.

ARCHIEPISCOPO NEOPATREN. ET EPISCOPO DAVALIEN.
ET AVALONEN. ELËCTO.

*Vt cogant ad restitutionem rerum Ecclesiasticarum quosdam
Nobiles Romania.*

CONQUESTI sunt nobis ven. fratres nostri Larissen. Archiepiscopus, & Suffraganei eius quòd ... Abbas de Plaerio, nobilis vir... Comestabulus Romanie, Vv. de Larissa Dominus de Armiro ... Balius charissimj in Christo filij nostri Constantinopolitan. Imperatoris illustis ... Dominus de Valestin. & quidam alij Larissen. Dicecesis, Monasteria, Abbantias, Ecclesias, & possessiones alias, ad eos de iure spectantes, contra iustitiam detinent occupatas, se habere ius patronatus in Monasterijs, Abbatijs, & Ecclesijs asserentes. Qui etiam quosdam Laicos, Latinos, & Græcos suæ Dicecesis nolentes debitas sibi decimas exhibere, super hac nequitia consouent, & tuentur. Contra quos licet pluries obtinuerint scripta nostra, non potuerunt iustitiam obtinere; cum illi, quibus super hoc scripsimus, postponentes humano timori diuinum, plus hominibus, quàm deo duxerunt deffendum, processum super iniuncto sibi negotio non habentes. Ne igitur iura Ecclesiastica pereant per insolentiam Laicorum, discretioni vestræ per Apostolica scripta mandamus: quatinus Abbatem, & nobiles memoratos, & alios, vt detenta cum integritate restituant, & ab huiusmodi præsumptione desistant monitione præmissa per censuram Ecclesiasticam appellatione remota, sicut iustum fuerit, compellatis. Quod si non omnes, &c. Duo vestrum ea, &c. Datum Lateran. nonis Iulij, anno xiiij.

EPISTOLA CIII.

ARCHIEPISCOPO NEOPATREN. ET NAZORESCEN. ET ...
CITREN. ELËCTIS.

*Vt compellant Episcopos, & omnes Clericos ad obedientiam Larissen
Episcopi, cui & restitui faciant detenta à vidua
Marchionis Montisferrati.*

IAM semel, secundo, & tertio, dilectæ in Christo filix nobili mulieri ... teliæ bonæ memoriæ ... Marchionis Montisferrati, nostras dicimus litteras destinasse, vt Episcopatus, Abbantias, & alia iura Ecclesiastica, quæ ad ven. fratrem nostrum Larissen. Archiepiscopum pertinentia, detinet occupata, restitueret Ecclesiæ Larissen. Sed ipsa, nec ad monitiones venerabilium fratrum nostrorum ... Athenien. & ... Theban. Archiepiscoporum, per quos eam ad hoc mandauimus præmissa monitione compelli, voluit restituere supradicta. Quintimo non solum ea detinet, verum etiam quosdam Episcopos Græcos, Suffraganeos eius, & alios Abbates, & Clericos nolentes sibi exhibere te-

uerentiam, manuteneret, fauorem eis super tanta eorum nequitia exhibens contra ipsum. Nolentes igitur sustinere, quod per eandem nobilem defraudetur idem Archiepiscopus iure suo; discretionem vestram per Apostolica scripta mandamus: quatinus ipsam, ut & detenta restituat, ut ab huiusmodi presumptione desistat, moneatis attentius, & efficaciter inducatis ipsam, ad hoc, si necesse fuerit, censura Ecclesiastica sublato appellationis obstaculo, sicut iustum fuerit, compellentes, ac cogentes censura simili, Episcopos, Abbates, & Clericos supradictos ad debitam obedientiam eidem Archiepiscopo exhibendam. Quod si non omnes, &c. Duo vestrum ea, &c. Datum Lateran. vj. nonas Iulij, anno xij.

EPISTOLA CIV.

SYDONIEN. ET CARDICEN. EPISCOPIS, ET ELECTO NAZORESCEN.

*Dimicensis Episcopus qui per triennium abest à sua Ecclesia
ad eam reuertere cogatur.*

SIGNIFICARUNT nobis ven. frater noster Larissen. Archiepiscopus, & dilecti filij ... Procurator, & Canonici Dimicen. Ecclesie: quod ven. frater noster ... Episcopus Dimicen post tertium consecrationis sue diem, ab Ecclesia Dimicen. recedens, bona eius quæ ad ipsum spectant reliquit in manibus nobilis viri ... Comestabuli Romanie, ad quam redire, cum iam trium annorum spatium præterierit, hætenus non curauit. Propter cuius defectum, ad tantam deuenit eadem Ecclesia paupertatem, quod vix possunt in ea tres Clerici sustentari. Ideoque discretionem vestram per Apostolica scripta mandamus; quatinus; si est ita, Episcopum ipsum, ut ad suam Ecclesiam reuertatur monitione præmissa, per censuram Ecclesiasticam appellatione postposita compellatis. Quod si non omnes, &c. Duo vestrum ea, &c. Datum Lateran. iij. nonas Iulij, anno xij.

EPISTOLA CV.

NOBILIBVS VIRIS COMESTABVLO ROMANIE VV. DE LARISSA DOMINO DE ARMIRO, ET DOMINO DE VALESTIN., ET ALIIS BARONIBVS AC MILITIBVS PROVINCIÆ LARISSENÆ.

Vt restituant Ecclesia Larissena detenta ab ipsis.

QUOD Ecclesiastica bona manus extendere minimè deberetis, cum Ecclesie sponsus Christus adimplauerit vobis manus, nec grauare debetis Ecclesie, quarum creditis ministrorum precibus flecti Christum, ut vos ab hostium grauaminibus tueatur. Inde est quod nobilitatem vestram rogandam duximus, & monendam: quatinus restituentes Ecclesie Larissen. si qua de bonis ipsius minùs licite detinetis, permittatis ven. fratrem nostrum Archiepiscopum Larissen. & Suffraganeos suos, Ecclesias, Abbatias, Clericos, possessiones, decimas, & alia iura quæ ad Ecclesias pertinent eorundem, pacifice possidere. Datum Lateran. nonis Iulij, anno xij.

EPISTOLA CVI.

ARCHIEPISCOPO LARIſſen.

Vt ſuccurras paupertati Sardicenſis Epiſcopi.

CVM venerabilis frater noſter Cardicen. Epiſcopus multa labore inopia, multaque paupertate prematur, cum ex Eccleſiæ ſuæ redditibus, vix poſſet ſimplex Clericus ſuſtentari. Fraternitatem tuam rogamus attentius, & monemus, per Apoſtolica tibi ſcripta mandantes: quatinus ipſius paupertati compatiens, eiſque indigentiam miſeratus, ei procures in aliquo prouidere, vt mendicare in Clericalis ordinis vituperium non cogatur. Datum Lateran. iij. nonas Iulij, Anno xij.

EPISTOLA CVII.

COMESTABVLO ROMANÆ, DOMINO DE ARMIRO A^o DE PLAERIO;
ET ALIIS BARONIBVS, ET POPVLIS LATINIS, ET GRÆCIS
IN CARDICEN. DIOECESI CONSTITVTIS.

Quòd Sardicenſi Eccleſia reſtituant ſingula qua detinent.

SANCTAM Dei Eccleſiam ſponſam Chriſti, honorare vos conuenit, non grauare; ne forſan Chriſtus Dominus ſponſus eius, ipſius grauamine prouocatus, vos aggrauet, & dum auferre ſibi modicum quod habet intenditis, plura perdere vos contingat. Cum igitur ven. frater noſter Epiſcopus Cardicen. quædam Eccleſiæ ſuæ iura vos aſſerat minùs licitè detinere: vniuerſitatem veſtram monemus, atque exhortamur in Domino: quatinus detenta omnia diuinæ conſiderationis obtentu, & pro ſedis Apoſtolice reuerentia, eidem Eccleſiæ reſtituere cum integritate debita procurantes, non impediatis quo minus idem Epiſcopus Abbatias, Eccleſias, poſſeſſiones, decimas, tam Græcorum, quàm Latinorum, & alia Eccleſiæ ſuæ iura valeat pacificè poſſidere. Datum Lateran. ij. nonas Iulij, Anno xij.

EPISTOLA CVIII.

ILLVSTRI CONSTANTINOPOLITAN. IMPERATORI.

Vt cogat quosdam milites ſuos electo Citrenſi detenta reſtituere.

CONQUESTIONEM dilecti filij ... Citren. electi nobis accepimus præſentatam; quòd nobilis vir. V. Alemannus, & quidam alij milites & homines tui, Eccleſias Citren. & Platamon. Caſtellum etiam de Citro, decimas, tam Latinorum, quàm Græcorum, ac poſſeſſiones alias ad ipſum, & Eccleſias memoratas rationabiliter pertinentes, per violentiam inuaſerunt, & detinent contra iuſtitiam occupatas. Ideoque Imperialem excellentiam monemus, & exhortamur in Domino: quatinus eos, vt Eccleſias & poſſeſſiones eaſdem,

ac decimas electo testituant memorato, & de perceptis satisfacionem exhibeant competentem, tradita tibi à Deo potestate compellas. Datum Lateran. vj. Idus Iulij, Anno xij.

EPISTOLA CIX.

EPISCOPO SIDONIEN ... ET ELECTO NAZORESCEN, ET
PROCVRATORI DIMICEN.

Vt res Ecclesia Sardicensis à Laicis posseſſe reddantur.

CONQUESTVS est nobis ven. F. N. ... Episcopus Cardicen. quòd nobilis vir ... Comes tabulus Romaniz ... Dominus de Armiro, A. Placido, Dominus de Valestin. ... Balius charissimi in Christo filij nostri Constantinopolitani Imperatoris illustris, & quidam alij Cardicen. Diocesis Monasteria, Abbatis, Ecclesias, decimas, tam Latinorum quàm Græcorum, & possessiones aliàs ad ipsam de iure spectantes, contra iusticiam detinent occupatas, se habere ius patronatus in Monasterijs, Abbatijs, & Ecclesijs asserentes. Qui etiam quosdam Laicos, Latinos, & Græcos ipsius Diocesis, nolentes decimas sibi debitas exhibere, super hac nequitia confouent & tueñtur. Contra quos, licet pluries obtinuerit scripta nostra, non potuit iusticiam obtinere. Cùm illi, quibus super hoc scripsimus, postponentes humano timori, diuinum, plus hominibus quam Deo duxerint deferendum, processum super iniuncto sibi negotio non habentes. Ne igitur iura Ecclesiastica pereant per insolentiam Laicorum; discretionij vestræ per Apostolica scripta mandamus: quatinus nobiles prædictos, & alios, vt & integrè detenta restituant, & ab huiusmodi præsumptione desistant, monitione præmissa censura Ecclesiastica appellatione remota, sicut iustum fuerit compellatis. Quòd si non omnes, &c. Duo vestrum ea, &c. Datum, vt in alia.

EPISTOLA CX.

ARCHIEPISCOPO THEBAN. ET DAVALIEN. ET SYDONIEN. EPISCOPIIS.

Vt inhibitiò à Laicis facta, de Ecclesia testamento, vel donationibus honoranda relaxetur.

VENERABILIVM fratrum nostrorum Archiepiscoporum, & Episcoporum, ac dilectorum filiorum aliorum Prælatorum Constantinopolitani Imperij, grauem nuper accepimus questionem, quòd nobilis vir. Otto de Roca Dominus Athenarum, & alij Barones, & Milites ipsius Imperij, communiter inhibuerunt in eorum grauissimum detrimētum; ne quis de possessionibus suis in vita sua confetaret, vel in extremo articulo condaret Ecclesijs testamentum. Cùm igitur ex inhibitione huiusmodi, & Ecclesiarum dispendium, & inhibentium interitus procuraret; fraternitati vestræ per Apostolica scripta mandamus: quatinus illos, vt eandem inhibitionem relaxent, moneatis attentius, & efficaciter inducatis, ipsos ad id, si necesse fuerit,

per censuram Ecclesiasticam, appellatione remota, sicut iustum fuerit, compellentes. Quòd si non omnes, &c. Duo vestrum ea, &c. Datum, vt in alia.

EPISTOLA CXI.

SYDONIEN. ET CARDICEN. EPISCOPIS, ET ELECTO NAZOESCEN.

Vt Ecclesia & decima Citrensi Ecclesia restituantur.

CONQUESTIONEM dilecti filij Citren. Electi nobis accepimus presentatam: quòd nobiles viri V. Alemannus, & quidam alij Citren. Diocesis, Ecclesias Citren. & Plagamon. Castellum etiam de Citro, decimas tam Græcorum, quàm Latinorum, ac possessiones alias ad ipsum, & Ecclesias memoratas rationabiliter pertinentes, per violentiam inuaserunt, & detinent contra iustitiam occupatas. Quocirca discretioni vestræ per Apostolica scripta mandamus: quatinus illos, vt Ecclesias, decimas, & possessiones easdem electo memorato restituant, & de perceptis satisfactionem exhibeant competentem, monitione præmissa per censuram Ecclesiasticam appellatione remota, sicut iustum fuerit, compellatis. Testes autem qui fuerint nominati, si se gratia, odio, vel timore subtraxerint, per censuram eandem appellatione remota cogatis perhibere testimonium veritati. Quòd si non omnes, &c. Duo vestrum ea, &c. Datum, vt in alia.

EPISTOLA CXII.

ARCHIEPISCOPO NEOPATREN. ET EPISCOPO DAVALIEN.
ET ELECTO CYTREN.

Vt Larissenis Episcopis decima soluantur.

CONQUESTI sunt nobis ven. fratres nostri Larissen. Archiepiscopus, & Suffraganei eius; quòd nobilis mulier ... relicta bonæ memoriæ ... Marchionis Montisferrati, decimas ipsi debitas, nec ipsa persoluit, nec ab hominibus suis Græcis videlicet, & Latinis permittit exolui. Cum igitur decimarum, quæ tributa sunt egentium animarum, à Laicis sine salutis periculo detineri non possint: discretioni vestræ per Apostolica scripta mandamus: quatinus eandem nobilem, vt debitas decimas, & ipsa persoluat eisdem, & ab alijs persolui permittat, monitione præmissa per censuram Ecclesiasticam appellatione postposita compellatis. Quòd si non omnes, &c. Duo vestrum ea, &c. Datum, vt in alia, &c.

EPISTOLA CXIII.

HIC describitur Epistola (Lacrimabilem) supra relata numero C I. at hæc in eò ab illa differt, quòd sit, Data Lateran. non. Iulij, Pontificat. nostri, Anno tertiodécimo. Ad oram verò libri scriptum est, vacat. Vt & ad duas sequentes Epistolas, in margine legitur. Ista litteræ fuerunt rescriptæ & sic correptæ, postquam fuerunt ambæ bullatæ.

EPISTOLA CXIV.

CARDIGEN. SYDONIEN. ET FERMOPILEN. EPISCOPIS.

Quod Monasterium de Sciroy præstet obedientiam fratribus Dominici Sepulchri, quibus à Legato concessum est.



ILECTI filij ... Prior & Capitulum Dominici Sepulchri, suam nobis obtulere querelam: quòd cum dilectus filius noster B. Titulo Sanctæ Susannæ Presbyter Card. qui tunc in partibus Romanæ Legationis officioungebatur, Monasterium S. Lucæ de Sciroy cum pertinentijs suis, ipsis, & eorum Ecclesiæ pia deuotione duxerit concedendum. Abbas, & Monachi eiusdem Monasterij Græci Daualien. Diœcesis, dicti Card. concessioni temerè obuiantes, fulti quorundam auctoritate potentum, debitam eisdem obedientiam, & reuerentiam contumaciter denegant exhibere; & tam ipsi, quàm prædicti potentes, ipsis super eodem Monasterio graues molestias inferre præsumunt. Nolentes igitur prædictos Priorem & fratres, in sua pati iustitia læsionem: fraternitati vestræ per Apostolica scripta mandamus; quatinus Abbatem, & Monachos memoratos, vt ipsis Priori, & Capitulo debitam exhibeant obedientiam, & honorem, & Laicos, vt ab eorum molestationibus indebitis pœnitens conquiescant, monitione præmissa per censuram Ecclesiasticam appellanti postposita compellatis. Nullis litteris veritati, & iustitiæ præiudicantibus à sede Apostolica impetratis. Quòd si non omnes, &c. Duo vestrum ea, &c. Datum Lateran. Idus Iulij, Pontificatus nostri, anno xiiij.

EPISTOLA CXV.

ILLVSTRI CONSTANTINOPOLITANO IMPERATORI.

Vt fauorem super præmissa causa fratribus Sepulchri impetiat.



I te seruum recognoscis illius, per quem datur potentialiter omnis honor, & conceditur principatus: honorare te concedet Sanctam Dei Ecclesiam, sponsam Christi, & eius Ministros sceptro tuæ potentie ab hostium incursumibus deffensare; vt dum commoditatibus summi Regis pie intendis ministrorum, in temporali regno te ipsius dextera tueatur. Sanè, sicut à dilectis filiis ... Priore ac Capitulo Dominici Sepulchri nobis extitit referatum, cum eisdem Monasterium Sancti Lucæ de Sciroy cum pertinentijs suis, auctoritate sedis Apostolicæ sit concessum; Imperialis excellentia, supra eodem Monasterio ipsis non exhibet, prout conuenit, se benignam, sed potius permittit eos, ab alijs indebitè molestari. Propter quod, nobis humilliter supplicarunt, vt pro eis tibi scribere dignaremur. Nos igitur ipsorum supplicationibus inclinati, serenitatem tuam monemus attentius, & exhortamur in Domino; quatinus diuinæ considerationis obtentu, & pro sedis Apostolicæ reuerentia, & te ipsis exhibeas supra eodem Monasterio fauorabilem, & benignum, ac eorum molestatores ab ipsorum vexationibus desistere compellas tibi tradita pote-

state; non impediens aliquatenus quo minus iisdem dictum Monasterium valeant pacificè possidere. Datum Lateran. Idus Iulij, Pontificatus nostri, anno tertio decimo.

EPISTOLA CXVI.

ARCHIEPISCOPO NEOPATREN. ET EPISCOPO SYDONIEN.
ET ELECTO NAZORESCEN.

Ne contra tenorem protectionis Apostolica Sardicensis molestetur.

CVM venerabilem fratrem nostrum B. Cardicen. Episcopum, & Ecclesiam sibi commissam, sub protectione sedis Apostolicæ receperimus: nolumus, sicut nec velle debemus, ut à quoquam temerè molestetur. Ideoque discretioni vestræ per Apostolica scripta mandamus; quatinus non permittatis eum contra tenorem protectionis nostræ, ab aliquo indebitè molestari. Quòd si non omnes, &c. Duo vestrum ea, &c. Datum Lateran. vj. Idus Iulij, Pontificatus nostri, anno xij.

EPISTOLA XCVII.

ILLVSTRI CONSTANTINOPOLITAN. IMPERATORI.

Ut Sardicensem super restitutis tueatur.

QVERELAM ven. fratris nostri Cardicen. Episcopi recepimus continentem; quòd dilecti filij fratres hospitalis Ierosolimitani sub tua iurisdictione morantes, ei supra Castro Cardicu. Ecclesijs, possessionibus, & rebus alijs violentiam inferunt, & grauamen: quamuis prædicta sint ipsi Episcopo, per iudices à sede Apostolica delegatos sententialiter restituta. Ideoque Imperialem excellentiam monemus & hortamur in Domino; quatinus prædictum Episcopum, ne ab aliquibus super his, quæ ipsi sunt ratione præuia restituta, indebitè molestetur, potestate tibi tradita tuearis. Datum Lateran. &c. ut in alia.

EPISTOLA CXVIII.

SALZEBVRGEN. ET MAIGDEBVRGEN. ARCHIEPISCOPIs, ET ... ABBATI DE
PIGAVIA MERSEBVRGEN. DIOECESIS.

*Us super consanguinitate filij Ducis Austria, & Marchionis
Misnen. filia inquirent.*

DILECTVS filius nobilis vir ... Dux Austria, per suas nobis litteras intimaui, quòd cum insignitus sit charactere crucifixi, cum multitudine armorum proficisci disponens in subsidium terræ sanctæ; ac filium in ætate tenera constitutum, & terram suam nulli commodius quàm nobili viro ... Marchioni Misnen. valeat commendare; per suos, & eiusdem Marchionis

amicos, habitus est tractatus de matrimonio, inter filium suum, & eiusdem Marchionis filiam contrahendo, vt hoc facto securius ei committeret terram suam. Verum nonnullis firmiter asserentibus, quod in quinto, & quarto consanguinitatis gradu se dicti pueri contingebant, non fuit vltius in eodem facto processum. Vnde tam supradicti nobiles, quam multi Magnates alij, per suas nobis litteras humiliter applicarunt, vt multiplici vtilitate pensata, quæ speratur ex huiusmodi copula prouentura, dispensare cum prædictis personis, ex benignitate Apostolica dignemur, quatinus eisdem matrimonialiter copulari ex nostra permissione liceret. Quocirca præsentium vobis auctoritate mandamus: quatinus de gradibus consanguinitatû vtrîque, ac vniuersâ genealogiæ serie, à stipite scilicet vsque ad personas illas de quarum coniunctione tractatur, & an scâdalum ex hoc facto valeat suboriri, & de necessitate vrgente, ac euidenti vtilitate, quæ dispensationis gratiam solent in huiusmodi suadere, inquiratis diligentissimè veritatem, & quod inueneritis per vestras litteras fideliter intimeris: vt per vos certiores effecti, prout expedire viderimus, in eodem negotio procedamus. Quod si non omnes, &c. Duo vestrum ea, &c. Datum Lateran. ij. Kal. Augusti, Pontificatus nostri, Anno xij.

EPISTOLA CXIX.

MAGISTRO, ET FRATRIBVS IEROSOLIMITANI HOSPITALIS.

Confirmat Donationem à Leone Armenia Rege factum.

IX litteris charissimi in Christo filij nostri L. Armeniæ Regis illustris accepimus, quod ipse ob reuerentiam Apostolicæ sedis, & nostram, & quia necessarium ei contulisset aduersus Barbarorum multitudinem regnum eius volentium intrare, succursum, Ciuitatem Saleph, Castellum nouum, & Camard. cum omnibus ipsorum pertinentijs, & diuisionibus assignatis, & cum omni iure ad ea terra & mari spectante, sicut in priuilegio confecto suo exinde continetur, domui contulit hospitalis. Ea propter, dilecti in Domino frater, vestri iustis precibus inclinati, prædicta omnia, sicut iuste, ac pacifice possidetis, vobis, & per vos domui vestræ auctoritate Apostolica confirmamus, & prælenris scripti patrocinio communimus. Ad maiorem autem domus vestræ cautelam. eiusdem Regis litteras, de verbo, ad verbum, præsentibus duximus litteris inserendas. Quarum tenor est talis. *Reuerendissimo in Christo Patri, & Domino, Innocentio I. Dei gratia Sanctæ, & vniuersalis Ecclesiæ summo Pontifici L. per eandem, & Romani Imperij gratiam, Rex Armenia, sanctitatis suæ seruus Sanctæque Romanæ Ecclesiæ nouus, deuota, & obediens planta, cum omnimoda reuerentia gratia seruitutis, & prædum oscula. Reuerende, ac recolenda dominationi vestræ cupimus innotescat, venerabiles Magistrum, & Conuentum Sanctæ Domus Hospitalis præterita æstate, mense videlicet Augusto, sanctæ sedis Apostolicæ amore, atque reuerentia, non solum nobis, verum etiam vniuersæ Christianitati magnum, & necessarium contulisse succursum, contra infinitam Paganorum barbariem, super nos, & regnum nostrum aggregatam, quam Deus disperdat. Pro quo à Beatitudine vestra, tanquam viri strenui vicem Machabeorum gerentes, promeruerunt dignius commendari. Ea propter, Reuerende Pater, & Domine Celeberrime, pro tam fortunato, ac necessario succursu,*

nobis, & Christianitati ab eisdem collato, Deo à quo bona cuncta procedunt, Sanctæ Romanæ Ecclesiæ, & vobis ipsius vices dignè gerenti, copiosas exoluimus gratiarum actiones, & à Beatitudine vestra illos petimus inde regnari. Unde quia dignus est operarius mercede, ex Regalis largitatis nostræ munificentia, pro salute animæ nostræ, nostrorumque omnium progenitorum, habentes præ oculis cordis, quia sicut aqua extinguit ignem, ita elemosina extinguit peccatum. Donamus & concedimus Sanctæ Domui Hospitalis, à modo in perpetuum respectu, & reuerentia Sanctæ sedis Apostolicæ, atque bonorum meritorum suorum exigentia, Ciuitatem Salceph, Castellam nouam, & Camard. cum omnibus pertinentijs ipsorum, & diuisionibus signatis, & cum omni iure, per terram, per mare sibi pertinente, secundum continentiam scripti inde priuilegij sigillo nostro regali muniti, & corroborati. Insuper de sanctitate, & religione eorum plenam habentes spem, & fiduciam: venerabilibus fratribus Garin. de Monte Acuto Magistro, & Conuentui Sanctæ Domus Hospitalis, specialiter personam nostram, & personam dilecti nepotis nostri Raymundi Rupini, legitimi heredis nostri, & totam terram nostram, quam modo habemus, & quam Deo dante acquisituri sumus, post Deum & Dominam nostrum in vita nostra, & post decessum nostrum attentius recommendamus. Cuius donationis & concessionis nostræ beneficium, & recommendationem factam venerabilibus prædictis fratribus, à circumspicienda dominatione vestra, flagitamus per Apostolicam priuilegia confirmari & corroborari, ut ne quis deinceps cognito huius nostræ donationis, concessionis, & recommendationis tenore auctoritate Apostolica confirmato, in aliquo ausu temerario, contraite presumat. Datum Tharsy, Sicilia, medio mense Aprilis. Nulli ergo omnino hominum liceat hanc paginam nostræ confirmationis infringere, vel ei, &c. vsque, incursum. Datum Lateran. iij. Nonas Augusti, Pontificatus nostri, anno testidecimo.

EPISTOLA CXX.

ARCHIEPISCOPO NEOPATREN. ET ... PRIORI S. DEMETRII THESSALONICEN.
ET PROCURATORI EPISCOPATVS DIMICEN.

*Committit causam inter Fratres Hospitalis, & Episcopum
Sardicensem.*



ACHRIMABLEM ven. fratris nostri Cardicen. Episcopi recepimus questionem: quod cum obtentas à nobis litteras rediens post labores, captiones, & angustias plurimas quas sustinuit Romaniam, præsentari fecerit fratribus Hospitalis S. Ioannis Ierosolimitani, quod Episcopatum ipsius cum Cardicen. castro, & res alias detinentes, nec restituere volunt ei, nec de perceptis à promotionis suæ tempore prouentibus, quos in vsu proprios conuerterunt in aliquo subuenire. Ipsi earum latore grauissimè verberato, turpiter ipsas litteras proiecerunt, & comminantes ipsum inerrficere, asseuerant, quod pro nullis litteris, vel mandato Episcopatum prædictum ei resignabunt aliquatenus, vel dimittent. Qui præter hæc quandam in Armiro cum suis pertinentijs, in qua propriam mansionem faciunt, detinent Abbatiam, quam nos ei duximus concedendam, propter quod idem Episcopus factus pauper, & ad extremam deductus inopiam, exil ab Episcopatu suo compellitur mendicare. Verum quia ven. fratres nostri Athenien. & ... Theban. Archie-

piscopi ... & Episcopus Fermopilen. quibus Episcopus ipse causam super hoc obtinuit delegari, eum in possessionem Castri prædicti, & pertinentiarum ipsius, ac Casalium omnium, & possessionum pertinentium ad Ecclesiam Cardicen. causa rei seruandæ miserunt; fratres ipsos, quia contumaciter resistebant, excommunicationis vinculo innodantes. Nobis humiliter idem Episcopus supplicauit, ut eandem excommunicationis sententiam auctoritate dignaremur apostolica robotare, ac ratum habere processum iudicum prædictorum. Cæterum quidam de fratribus dicti Hospitalis, coram dilecto filio B. Titulo S. Sufanæ Presbyter Card. quem eis dedimus auditorem, mandatum ab eorum Magistro Procuratorium exhibentes, proposuerunt eos contra; quod idem Episcopus supra præmissis composuerat cum eisdem, nobis humiliter supplicantes, ut compositionem ipsam auctoritate curaremus apostolica confirmare. Præfatus verò Episcopus humiliter supplicauit, ut quia eadem compositio redundat in enorme damnum Ecclesiæ Cardicen. & sine consensu Capituli facta fuit; pro qua etiam compositione irritanda nuntius, & Procurator Capituli ad hoc specialiter destinatus, nobis humiliter supplicauit, illam irritare auctoritate apostolica dignaremur. Ideoque discretioni vestræ per Apostolica scripta mādamus: quatinus dictam excommunicationis sententiam, sicut rationabiliter est prolata; usque ad satisfactionem idoneam auctoritate nostra facientes appellatione remota inuiolabiliter obseruari, causam conuocatis partibus audiat, & quod Canonicum fuerit, appellatione postposita decessentes, faciat quod statutis per censuram Ecclesiasticam firmiter obseruari; attentius prouiduri, ut fructus Ecclesiæ suæ, quos iidem fratres percepisse dicuntur, & Castrum prædictum quod detinetur ab ipsis, eidem, sublato appellationis obstaculo restitui cum integritate debita faciat. Contradictores per censuram Ecclesiasticam compescendo. Quod si non omnes, &c. Tu frater Archiepiscopo cum eorum altero ea, &c. Datum Lateran. xviij. Kal. Septembris, Pontificatus nostri, anno a xij.

EPISTOLA CXXI.

MABILÆ MULIERI IANVEN.

Confirmatur sententia Diac. Card. ut fructus pignoris in sortem computentur.

CVM à nobis petitur quod iustum est, & honestum, tam vigor æquitatis, quam ordo exigit rationis, ut id per sollicitudinem officij nostri, ad debitum perducatur effectum. Ea propter, dilecta in Christo filia, tuis iustis postulationibus grato concurrentes assensu, sententiam quam dilectus filius noster P. Sanctæ Lucie ad septa solis Diaconus Card. pro causa quæ vertebatur inter te, ac dilectum filium Henticum Mallon. supra medietate Domus & Turris de Moneta, Terra de Sauri, & quadam summa pecuniæ, de mandato nostro rationabiliter promulgauit, sicut est iusta, & in ipsius Card. autentico continetur, auctoritate apostolica confirmamus, & præsentis scripti patrocinio communimus. Cuius tenor est talis. *Pelagius Dei gratia S. Lucie ad septa solis Diaconus Cardinalis, dilectæ in Christo Mabilæ mulieri Ianuen. Salutem in omnium salvatore. Cum*

olim ab Orton. Iudice sexaginta libras mutuo accepisses, Henrico Mallon. fratre tuo, & duobus alijs prater obligationem aliam fideiussoribus sibi datis, licet sub pœna dupli eos indenimes promiseris conservare, adueniente solutionis termino non soluisti: propter quod præfatus Henricus frater tuus, creditore sibi suam contra te actionem cedente, tu sexaginta libris satisfecisti eidem. Cùmque post annum, quo in mora fuisti soluendi, dictus Henricus te coram Consulibus Lanuen. conuenisset, centum viginti libras à te nomine sortis & pœna seu damni petens; tu sexaginta libras te sibi debere, quas idem pro te creditori soluerat, recognoscens, alias sexaginta negasti, asserens nullum cum ex hoc damnum aliquatenus incurrisse. Denum Cardinali Marito tuo, quem Procuratorem institueras, nec pignus banni dare Consulibus, nec respondere volente, iidem Consules laudauerunt, quòd idem Henricus valens centum viginti libras in tuis bonis haberet, per Ciuitatem præconari nihilominus facientes, quòd quicquid medietatem Domus & Turris de Moneta, & terram de Sauto ad te pertinentem, vellet emere, cum prædicto Henrico de pretio conueniret. Interim autem die, ac Marito tuo, pro centum viginti libris possessionibus quibusdam distractis, memorati Consules auferentes vobis sexaginta de illis, memorato Henrico soluerunt, pignoribus eidem pro sexaginta libris tantummodo remanentibus obligatis. Ceterum post biennium elapsum à sententia Consulum prædictorum, idem H. pignora quæ ducentas quinquaginta libras communis extimatorum estimatione valebant, duobus consanguineis suis pro libris sexaginta distraxit, pro eadem summa recomparans postea eadem ab eisdem. Qui cùm processu temporis, à sæpedito Cardinali marito tuo supra restituendis prædictis possessionibus, & usuris fuisset coram ven. fratre nostro ... Archiepiscopo lanuen. conuentus, ad sedem Apostolicam appellauit. Vbi cùm de communi assensu partium, ad eundem Archiepiscopum litteræ fuissent obtentæ: Idem Archiepiscopus auditis hinc inde propositis, Consulum sententiam confirmauit, actione de fraude venditionis eidem Card. seruata, qui ab eodem Archiepiscopo reputans se grauatum, ad sedem Apostolicam appellauit. Eodem itaque Cardinali, ac B. aduersæ partis procuratore in nostra præsentia ex delegatione Apostolica constitutis, idem B. ab obseruatione iudicij memorati petij se absolui, cum causa ipsa, sicut idem conabatur asserere, ciuile esset, & inter personas laicas agitata, & ipsius cognitio ad Ecclesiam nullatenus pertineret: maximè cùm iam dudum pro H. fuerit sententia lata, quæ in auctoritatem rei transijt iudicata. Ex tua verò fuit parte propositum: quòd cùm causa eadem, de vtriusque partis procuratoris assensu, fuerit Archiepiscopo memorato commissa, & ab eodem pro Henrico sententia lata quam etiam idem H. sub eo litigans approbanis, viginti sex libras sex solidis minus, quæ sortis sibi debite minus licitè accesserunt, percipiens ultra sortem adiudicatam eidem, iure ad iudicium Ecclesiasticum pertinebat. Nos igitur vtriusque partis allegationibus, instrumentis, concessionibus, & rationibus alijs diligenter inspectis, & cognitis: quod à sæpedito Henrici procuratore de Ecclesiastica iurisdictione proponitur, omnino friuolum reputantes, cum idem H. in iudicium Ecclesiæ consenseris sua sponte, de prudentium virorum consilio, sententiam Consulum confirmamus. Verùm cùm post solutionem sexaginta librarum, quas Consules eidem H. fecerunt persolui, non nisi pro residuis sexaginta memorata pignora remanserint obligata; nec Consulum intentio fuerit, quòd res ducentas quinquaginta libras valentes, eidem H. pro sexaginta cederent in solutum, sed satisfactio sibi de ipsis, idem eas restituerit debitori. Et eidem H. viginti sex libras sex solidis minus, ante distractionem rerum ex fructibus perceptis earundem, quas in sorte debui computare, cùm fructus à creditore seu fideiussore percepti, secundum iura ciuilia extenuens debiti quantitatem, te ad supplementum sexaginta librarum, viginti sex libris sex solidis minus perceptis ex fructibus computatis. In cis Henr. & eundem Henr. tibi ad restitutionem supradictæ medietatis Domus, & Turris de Moneta; cum

terra de Sauro, sententialiter condemnamus. Nulli ergo omnino hominum liceat hanc paginam nostræ confirmationis infringere, vel ei ausu temerario contraire. Si quis autem hoc attentare præsumpserit, &c. usque, incursum. Datum Lateran. xv. Kal. Septembris, Pontificatus nostri, Anno xij.

EPISTOLA CXXII.

CATHOLICO ARCHIEPISCOPIS ET EPISCOPIS PER
ARMENIAM CONSTITUTIS.

*Ne quis nisi potestatem vel ordinariam, vel delegatam habens,
ferat in eos sententiam.*

CVM iuxta Canonicas, & legitimas sanctiones sententia, quæ à non suo iudice fertur, in quenquam, nec nomen sententiæ mereatur habere; præsentium auctoritate statuimus. Ut nullus omnino, qui ordinariam, vel delegatam, iurisdictionem in vos, vel vestros subditos non habuerit, sententiam ferre præsumat, quæ si forsitan lata fuerit, ipsam decernimus irritam, & inanem. Firmiter etiam inhibemus, ne quis iurisdictionem in vos, vel subditos vestros habens, vos aut ipsos iniuste molestat. Nulli ergo omnino hominum liceat hanc paginam nostræ constitutionis, & inhibitionis infringere, vel ei ausu temerario contraire. Si quis autem hoc attentare præsumpserit, &c. usque, incursum. Datum Lateran. xij. Kal. Septembris, Pontificatus nostri, Anno tertio decimo.

EPISTOLA CXXIII.

EPISCOPO CREMONEN.

*Delegat causam Rupini nepotis Regis Armenia, & Comitis Tripolitani,
pro Principatu Antiocheno.*

CCAUSE discordiæ quæ inter charissimum in Christo filium nostrum L. Illustræ Regem Armeniæ, nomine R. nepotis sui ex parte una; & dilectum filium, Nobilem virum ... Comitem Tripolitani. ex altera, supra Principatu Antiocheno agitari dignoscitur, gravia personarum, & rerum hæcenus pericula perueniunt: & nisi fuerit iudicio, vel concordia terminata, graviora timentur procul dubio proventura. Vnde nos, qui iuxta verbum apostoli facti sumus sapientibus, & insipientibus debitores, & de regno Dei tollere scandala ex debito tenemur officij Pastoralis, diuersis personis sæpe supra ipso negotio direxisse meminimus scripta nostra. Sed humani generis inimico, qui paci fidelium invidet faciente, idem non potuit negotium terminari, sed necdum auspicia iudicialis conditionis accepit. Nuper autem præfatus Rex, dilectis filiis ... Abbate S. Mariæ trium arcuum, & Arcimardo milite, & Bouone Latino Cancellario suo, ad sedem apostolicam destinatis, per eosdem nobis humiliter supplicauit, ut cum eius desiderij votum existeret, ut contra Christianos nullatenus arma sumat, sed acies suas dirigat contra inimicos

inimicos fidei Christianæ, supradictò pupillo nepoti suo supra Principatu iamdicto iustitiæ faceremus plenitudinem exhiberi. Cùm igitur plenam geramus de tua discretione fiduciam, & eiusdem negotij merita ex magna tibi parte sine nota, de fratre nostro consilio, causam ipsam sub hac forma tibi duximus committendam, per apostolica scripta mandantes: quatinus cùm ad partes illas Deo duce perueniris, ad concordiam vtramque partem moueas efficaciter, & inducas. Quæ si forte nequiuierit prouenire, tu associatis tibi duobus viris prouidis, & honestis, in quos partes conuenerint, audias causam ipsam, & eandem cum ipsis, vel eorum altero, si ambo nequiuierint, interesse sublat. cuiusl. contrad. vel appel. ob. sine debito terminare procures. Illud idem neutro eorum interesse valente facturus nihilominus per te ipsum. Quòd si partes in huiusmodi viros nequiuierint conuenire. Ven. fratrem nostrum Ierosolymitan. apostolicæ sedis Legatum, & ... Antiochenum Patriarchas, in collegas assumas, cum quibus, vel eorum altero, secundum præscriptam formam, eandem causam appellatione remota decidas; faciens quod decreueris per censuram Ecclesiasticam firmiter obseruari. Si verò alterutra partium duxerit resistendum, tam per indigenas terræ, quàm etiam peregrinos, rebellionem eius facies edomari. Prouiso prudenter, vt interim nulla penitus, inter dictos Regem, & Comitem, guerra fiat, sed treugæ adinuicem obseruentur, ad quas vtramque partem volumus, & mandamus, si fuerit necesse, compelli, cùm simul non sit, & armis, & legibus contendendum. Cæterum, si quicquam humanitus tibi contigerit, propter quod mandatum non possis apostolicum adimplere, illud ipsi duo pariter Patriarchæ freti auctoritate præsentium exequantur. Datum Lateran. &c. per totum, vt in alia.

EPISTOLA CXXIV.

VNIVERSIS ABBATIBVS NIGRI ORDINIS PER ROTHOMAGEN.
PROVINCIAM CONSTITVTIS.

Quod semel in anno Capitulum celebrare eis liceat.



RDINEM Religionis plantare, ac fouere plantatum, ex officij nostri debito prouocamur, & sic religiosorum petitionibus apostolicum nos conuenit præbere patrocinium, & fauorem, quòd sub regimine, ac gubernatione nostra, valeant assiduis proficere incrementis. Sanè gaudemus in Domino, à quo est omne datum optimum, & omne donum perfectum, quòd diuinitus inspirati ad corrigendos excessus, quialiquando in vestris Monasterijs, suadente inimico humani generis, committuntur, studium efficax adhibetis, vt inquinamenti malitiæ, ac dissolutionis vitijs abdicatis, efficacius possitis vos diuinæ subdere seruituti, & per opera pietatis gratiorem præstare altissimo famulatum. Vt autem per fauorem apostolicum regularia suscipiant instituta vigorem, neque possint per alicuius insolentiam eneruari, vt liceret vobis de nostra permissione petitis, semel in anno sub aliquo abbate religioso, & humili, eiusdem Prouinciæ Capitulum celebrare: vbi per consultationem omnium, tam abbatum excessus, quàm dissolutiones Monachorum, saluo per omnia

iure Prælatotum comprouincialium compescantur. Volentes de quarto, in quattum annum, per vos, vel nuntios vestros, ad apostolorum limina visitanda teneri: recepturi à nobis salubria monita, & præcepta, quibus vigor religionis monasticæ toueatur. Nos verò vestris postulationibus annuentes, charitati vestræ concedimus: vt hoc salutare propositum incipiat exequi diligenter, & quid ex ipso proueniat, nobis fideliter intimetis; vt si viderimus, quòd per executionem ipsius, religionis honestas suscipiat incrementum, quod ad robur perpetuæ firmitatis super eo fuerit statuendum, securius, & cautiùs statuamus. Datum Lateran. xiiij. Kal. Septembris, Anno xiiij.

EPISTOLA CXXV.

MAGISTRO ET FRATRIBVS HOSPITALIS TEVTONICORVM ACCONEN.

Nec alba pallia, quæ Templarijs propria sunt, deferant.

SVAM nobis dilecti filij fratres Militiæ Templi querimoniam obtulerunt, quòd cùm in primordio institutionis ordinis sui, eis fuerit ab Apostolica sede concessum, ut in religionis signum, Milites Militiæ Templi albis pallijs vterentur ad differentiam aliorum, vos, in confusionem ordinis supradicti, nuper alba pallia portare cepistis. Nolentes igitur, vt ex hoc inter vos, & ipsos emulationis, seu discordiæ materia suscitetur: præsentium vobis auctoritate præcipiendo mandamus, quatinus vestro contenti habitu existentes, huiusmodi alba pallia, quæ sicut præmissum est, in signum religionis cõcessa fuerunt Templarijs antedictis, nullatenus deferatis. Alioquin ven. fratri nostro . . . Patriarchæ Ierosolymitan. apostolicæ sedis Legato, nostris damus litteris in mandatis, vt inquisita plenius, & cognita veritate, id appellatione remota super hoc statuatur, quod religioni pariter, & saluti viderit expedire. Datum Lateran. vj. Kal. Septembris, Pontificatus nostri, Anno xiiij.

EPISTOLA CXXVI.

PATRIARCHÆ IEROSOLYMITAN. APOSTOLICÆ SEDIS LEGATO.

Super eodem, delegat cognitionem.

SVAM nobis dilecti filij, &c. in eundem modum, vt in alia, vsque, ad differentiam aliorum dilecti filij . . . Magister, & Fratres Hospitalis Teutonorum Acconen. in confusionem ordinis supradicti, nuper alba pallia portare ceperunt. Nolentes igitur, vt ex hoc inter prædictos fratres, æmulationis, seu discordiæ materia suscitetur, eisdem Magistro & Hospitalis Fratribus dedimus in præceptis, vt suo contenti habitu existentes, huiusmodi alba pallia nullatenus deferant: quæ, sicut præmissum est, in religionis signum concessa fuerunt Templarijs antedictis. Quocirca fraternitati tuæ per apostolica scripta mandamus; quatinus inquisita plenius, & cognita veritate, id super hoc statuas appellatione remota, quod religioni pariter, & saluti videris expedire, faciens quod statueris per censuram Ecclesiasticam firmiter obseruari. Datum, vt in alia per totum, &c.

*Super varijs iuris articulis consultus, respondet, de tonsura data ab Abbate,
de contestatione inter delegatos, & clausula si ita est,
rescriptis apposita.*

CVM contingat interdum quòd laici ad Monasteria conuolantes, à suis Abbatibus tonsorentur, apostolicæ sedis oraculum requisisti, an Clericalis ordo in tonsura huiusmodi conferatur. Super quo fraternitati tuæ taliter respondemus: quòd cum in septima Synodo sit statutum, Lectoris manus impositionem licentia sit vnicuique Abbati, in proprio Monasterio solummodo faciendi, dummodo ipsi ab Episcopo secundum morem præficiendorum Abbatum manus impositio facta noscatur, & constet eum existere Sacerdotem: per primam tonsuram à talibus Abbatibus iuxta Ecclesiæ formam datam, Clericalis ordo confertur. Præterea cum quidam super aliquo litigantes, ad diuersos iudices litteras impetrant, quorum quidam obtenti à parte altera tibi mandant, vt partem aduersam denunties excommunicationis sententiæ subiacere; alijs iudicibus tibi postmodum iniungentibus, vt eandem denunties absolutam. Queris à nobis, an vtrisque vel neutris, vel alterutris saltem, obedire debeas in hac parte. Super quo tuæ prudentiæ respondentes, credimus distinguendum: an cum primum mādaturū recepisse dignosceris, tibi forsā innotuit inter illos, & alios super iurisdictione discordiam suscitātā; an super hoc nihil omnino sciisti. Et quidem si super contentione huiusmodi, nihil tibi penitus innotescit, cum primum mādaturū recipere te contingit, illud debes humiliter executioni mandare. Sed si postea contrarium tibi ab alijs demandetur, tunc litterarum ad utrosque à sede apostolica obtentarum copia postulata, quas auctoritate præsentium districtè præcipimus exhiberi; si ex ipsarum tenore deprehenderis euidenter, ita quòd non sit aliquatenus hæsitandum, quòd litteræ, quæ ad illos à quibus secundum mādaturū receperas impetratæ noscuntur, expressè reuocent litteras aliorum, tu illud intrepidus exequaris, quòd secundo tibi loco mādatur. Si verò ex litterarum inspectione manifestè tibi constet, quòd litteræ obtentæ ad illos qui primum dedere mādaturū, per alias minimè reuocantur, secundum mādaturū nullatenus exequaris. Quòd si super hoc tibi fuerit meritò dubitandum, ad exequendum secundum mādaturū te procedere non oportet, donec, iuxta cuiusdam nostræ constitutionis tenorem, inter eos huiusmodi contentio sopiatur; & id ipsum facere debes, si primo mādato recepto, & nondum executioni mādato, tibi forsitan innouerit, quòd inter se, super iurisdictione videlicet demandata, ceperint disceptare. Cæterum in his omnibus puram & prouidam te conuenit intentionem habere, ne vel ad declinandum mādaturū dubitare te dicas, vbi dubitandum non est, vel ad mādaturū etiam exequendum te asseras esse certum, vbi certus esse non debes. Licet autem ex his certa tibi detur doctrina, qualiter in huiusmodi debeas te habere: nulla tamen attribuitur potestas, vt inter delegatos, aut partes, de iurisdictione

debeas iudicare. Insuper requisisti, cum quis conqueritur in se à suo Episcopo post appellationem ad nos legitimè interpositam, vel aliàs iniuste excommunicationis sententiam promulgatam; & nos iudicibus damus nostris litteris in mandatis, ut, si ita est, vel, iuxta formam Ecclesiæ, illis beneficium absolutionis impendant, vel, eandem sententiam denuntient nullam esse, ac Episcopus paratus sit probare, se in illum antequam vocem appellationis emitteret, vel aliàs iuste huiusmodi sententiam protulisse; an probationibus non admissis, iudicibus liceat excommunicatum absoluerè, vel denunciare sententiam nullam esse. Ad quod, tibi taliter respondemus: quòd supra iamdicto casu non consuevimus, si bene meminimus, sub præscripta forma iudicibus scribere, sed sub ista. Ut videlicet, si excommunicationis sententiam post appellationem ad nos legitimè interposità inuenerint esse latam, ipsam denuntiantes penitus nullam esse, audiant si quid fuerit quæstionis, alioquin recepta iuxta formam Ecclesiæ cautione impendant absolutionis beneficium cōquerenti; & iniuncto sibi quod de iure fuerit iniungendum, audiant causam, & eandem sine debito terminare procurent. Sed si forsàn appareat, nos in iamdicto casu, sub prænotata quandoque forma scripsisse, & in altero vtique casuum prædictorum, cum videlicet quis conqueritur se, post appellationem ad nos legitimè interpositam, excommunicatione fuisse notatum, semper vtriuslibet partis probationes sunt admittendæ, antequam ad decernendum super hoc aliquid procedatur: per quas denique apparebit, an absolutione indigeat conquerens, vel denunciandus, sit potius non ligatus. In reliquo verò casu, cum videlicet excommunicatum quis se asseuerat iniuste, vix vnquam eius est, antequam absolutus fuerit, probatio admittenda: nisi tunc tantum, cum asserit in excommunicationis sententia intolerabilem errorem fuisse patenter expressum, ad quod probandum admittitur, antequam absolutionis gratiam consequatur. Verum si proponat, se simpliciter excommunicatum iniuste, ac Episcopus ad probandum quod iuste ipsum excommunicauerit, suas postulet probationes admitti; non est ante absolutionem illius, aliquatenus audiendus, cum et si pro certo constaret in illum rationabiliter excommunicationis sententiam promulgatam, nihilominus ei esset absolutio secundum formam Ecclesiæ impendenda humiliter postulanti. Et ideo in hoc casu illum credimus iuxta formam Ecclesiæ protinus absoluedum, ut sic demum probationibus vtriusque partis admissis, vtrum iuste, an iniuste ligatus fuerit decernatur. Datum Lateran. Kal. Septembris, Anno xliij.

EPISTOLA CXXVIII.

GNESENSEI ARCHIEPISCOPO.

Vt Bruscis de nouo conuersis impendat curam pastoralem.

CELESTIS Agricola Iesus Christus, semetipsum vitem veram, & fertilem in vinea sua electa plantauit, ex qua multitudo palmitum prodians, non solum illam amœnam viroribus, verum etiam fructibus redderet gratiosam. Ex ista nimirum vite, tot quotidie palmites pullulant, quod in Ecclesiasticæ vnitatis radice fundati ad sanctæ conuersationis studium exten-

dentes se per opera pietatis, non solum internæ gratiæ virore turgescunt, sed etiam laudabili exercitatione fructificant in profectibus proximorum. In hac siquidem laborare vinea, dilecti filij Christianus Ph. & quidam alij Monachi pio desiderio cupientes, illius dudum amore succensi, qui neminem vult perire, ad partes Prusciæ de nostrâ licentia in humilitate spiritus acceperunt, ut ibidem semen verbi Dominici seminando in vmbra infidelitatis, & tenebris ignorantie positos, ad semitam reducerent veritatis. Quod cum in terram bonam, & fertilem cecidisset, fructum protulit opportunum: Et eius gratia præunare, qui vocat ea quæ non sunt, tanquam ea quæ sunt, & ex lapidibus suscitavit filios Abraham, quidam magnates, & alij regionis illius, sacramentum baptismatis receperunt, & de die in diem proficere dignoscuntur in doctrina fidei Orthodoxæ, sicut iidem Monachi nuper ad sedem Apostolicam venientes, nostro Apostolatu referarunt. Cum igitur huiusmodi novella plantatio, beneficio irrigationis indigeat, fraternitati tuæ præsentium auctoritate mandamus: quatinus eisdem Monachis, & fratribus suis, nec non & alijs ad fidem de novo conuersis, in Ecclesiasticis sacramentis, & alijs quæ ad ampliandum Christianæ religionis cultum spectare noscuntur, tamdiu curam officij pastoralis impendas, donec diuina faciente clementia adeo ibidem numerus fidelium augeatur, ut proprium possint Episcopum obtinere. Episcopos etiam, & alios Ecclesiasticos Prælatos, ac terræ Magnates moneas sollicitius, & inducas, ut pro Deo, & propter Deum, eis propitij ac fauorabiles existentes, ubi dignum fuerit gratiam, solatium, & humanitatem impendant. Datum Lateran. 2. Nonas Septembris, Anno xiiij.

EPISTOLA CXXIX.

IOANNI EPISCOPO ALBANENSI.

Confirmat sententiam latam à Cardinali auditore, de institutione Presbyteri, in Parrochia Monachorum.



Is quæ iudicio sunt, vel concordia terminata, decet nos robur Apostolicum impartiri, ne sopitæ querimonie reuiuiscant, & relabatur iterum in recidiuæ serupulum quæstionis. Cum igitur dilectus filius B. Titulo Sanctæ Susannæ Presbyter Cardinalis, causam quæ inter te ex parte una; & Monasterium Criptæ Ferratæ ex altera vertebatur, super institutione, ac destitutione Presbyteri Ecclesiæ S. Nicolai de Neptun. sententiæ calculo duxerit terminandam. Nos tuis iustis precibus inclinati, eandem sententiam exigente iustitia promulgatam, auctoritate Apostolica confirmamus, & præsentis scripti patrocinio communimus. Cuius tenorem, de verbo, ad verbum præsentibus fecimus adnotari. In nomine Patris, & Filij, & Spiritus Sancti, Amen... Cum causam quæ super Ecclesiâ Sancti Nicolai de Neptun. Inter Dominum I. Albanen. Episcopum ex una parte, & Abbatem de Cripta Ferrata ex altera vertebatur, nobis B. Titulo S. Susannæ Presbytero Cardinali, Dominus Papa mandauerit audiendam, Procurator Episcopi pro parte sua contra Abbatem coram nobis proposuit, quod Abbas, & Monachi de Cripta Ferrata priuauerant administratione Presbyterum Ecclesiæ prænominatæ, quem ad representationem Abbatis, & Monachorum iam dictus Episcopus inuestierat, &

instituerat pro persona in iamdicta Ecclesia, & idem Presbyter eidem, ut suo Episcopo, fidelitatis, more solito, prestiterat iuramentum. Vnde cum prædicta Ecclesia de Neptun. su. præfuso Episcopo Diocesana lege subiecta, petebat restitui Sacerdotem ad administrationem, & personatum: & ut eidem Episcopo de spiritualibus, Monachis verò de temporalibus responderet. Tconomus verò Monasterij è contra respondebat: administrationem tam in temporalibus, quam in spiritualibus, & Ecclesiam sæpeditam, ad Monasterium tantummodo pertinere, nec in aliquo Episcopo teneri. Cum sit ipsum Monasterium, Romana Ecclesia speciale, ac exemptum, iam in capite quam in membris, quod probare per sua privilegia intendebat. Quæ post multas indutias, & terminos peremptoriæ sibi datos, ad probandam suam intencionem coram nobis exhibere in iudicio non cutauit. Dicebat tandem, de longa consuetudine Abbatem, & Monachos habere potestatem in Ecclesijs suis, administratorem temporalium libere ordinare. Quod cum probare nolisset, idem Tconomus postmodum confessus fuit in nostra præsentia, quod Episcopus præfatum Sacerdotem in supradicta Ecclesia ad representationem Abbatis, & Monachorum instituit, & confirmauit. Nos verò, visis, & auditis allegationibus hinc inde propoitis, & confessionibus utriusque partis: dicimus Presbyterum sæpeditum restituendum ad administrationem, & personatum Ecclesie memoratæ. Nulli ergo omnino hominum liceat hanc paginam nostræ confirmationis infringere, vel ei, &c. vsque, incursum. Datum Lateran. ij. Kal. Septembris, Anno xiiij.

EPISTOLA CXXX.

EPISCOPO PARISIENSI.

Vi consanguineo Papa reservata præbenda conferatur.

AD signandum deuotionis effectum, quam erga nos te non ignoramus habere, præbendam in Ecclesia Parisiensi vacantem, in manu propria referuasti, cuiuscumque vellemus, sicut per tuas nobis intimaisti litteras, conferendam; habiturus gratissimum, si alicui de sanguine nostro conferri dignaremur eandem, quem ob nostram reuerentiam, & amorem honoraturum te asseris, & sincerissime dilecturum. Super quo liberalitatem tuam in Domino commendantes, de tantæ deuotionis indicio gratiarum tibi referimus actiones. Dignum itaque reputantes, ut de tuo munere, tuo satisfiat affectui, præbendam ipsam dilecto filio Benedicto consanguineo nostro, adolescenti siquidem bonæ indolis, quem non minus signa virtutum, quæ in tenera videntur ætate præludere, quam sanguis, aut caro nobis reddunt acceptum, duximus concedendam. Spectantes, quod tunc maxime prælibatam præbendam ordinatam esse gaudebis ad votum, cum per ipsum, & ex ipso, Domino concedente videbis tibi, & Ecclesiæ tuæ gratum provenire profectum. Quocirca fraternitatem tuam monemus, per Apostolica tibi scripta mandantes: quatinus dilectum filium Magistrum Peregrinum Capellanum nostrum vice ac nomine præfati Benedicti, ad eandem præbendam recipi facias, in Canonicum, & in fratrem stalli Chori, ac loco Capituli sibi assignato, de more ipsum in corporalem eiusdem præbendæ possessionem inducas, & inductum facias eam pacifice possidere. Nos enim eundem Benedictum, ad te opportunitate recepta, dante Domino transmittemus. Datum Lateran. Idus Septembris, Pontificatus nostri, Anno xiiij.

EPISTOLA CXXXI.

MAGISTRO PEREGRINO CAPELLANO NOSTRO.

In cauſa ſupradicta conſtituit eum conſanguinei procuratorem.

AD ſignandum deuotionis affectum, quam venerabilem fratrem noſtrum Pariſien. Epiſcopum erga nos non ignoramus habere, &c. In eundem fere modum, vt in alia, vſque, proſectum. Vnde ipſi per ſcripta noſtra mandamus, vt te vice, ac nomine præſati Benediſti ad eandem præbendam recipi faciat in Canonicum, & in fratrem, & ſtallo Chori ac loco Capituli tibi assignato, de more te in corporalem eiufdem præbendæ poſſeſſionem, inducat, & inductum faciat pacificè poſſidere. Nos enim eundem Benediſtum ad ipſum opportunitate reperta, dante Domino tranſmitteremus. Quocirca diſcretionis tuæ per Apoſtolica tibi ſcripta mandamus: quatinus ſuper hoc quod ad te pertinet exequaris. Datum, &c. vt in alia per totum.

EPISTOLA CXXXII.

TYRONENSI ARCHIEPISCOPO, ET EPISCOPO ENGOLISMEN. ET
ABBATI GRATIE DEI CISTERCIEN. ORDINIS.

Vt Canonicos Cellenſes Abbatibus ſui cadis conſcios, degradatos, in Monasterijs recludant, vel curia ſeculari relinquant, & Monasterio, Canonicos S. Viſtoris præſtiant.

DEſtabile facinus, & piaculare flagitium, quod à quibuſdam filiis Belial nonnullis Canonicis Cellen. Eccleſiæ inſtigantibus, ſicut nobis ven. frater noſter ... Piſtauen. Epiſcopus intimauit, nuper extitit in Cellen. Eccleſia perpetratum, maximam non immeritò menti noſtræ amaritudinis cauſam ingeſſit, dum viperea ſoboles, in proprii parentis necem exarſit, & perditionis filij ſui patris interitum in officioſo non ſunt veriti mali- gnitatis ſtudio machinari. Quem ſiquidem tam crudelis horrore, & horribiliſ crudelitas audita non moueat, dum paſtori ab ouibus, Magiſtro à diſcipulis, & patri à filiis mortis diſpendia procurantur? In hac nimirum parricidij horrendi atrocitate, naturalis affectionis iuri detrahitur, vituperatur miniſterium Clericali, ac regularis reuerentiæ puritas diſſipatur. Sicut enim tenor litterarum eiufdem Epiſcopi nos edocuit, ſibi & Capitulo Piſtauen. multis Abbatibus, & alijs viris peritis præſentibus eſt relatum. Quòd Ioanne Capellano. A. Eleemoſinario, Guillelmo de Lobeæ, & Guillelmo de Sancto Leodegario Canonicis Cellen. Procuratoribus, à quatuor Sicarijs, qui ab illis ob hoc ſexaginta libras acceperant ... Abbas Cellen. vir prouidus, & honeſtus, dum ad matutinas accederet, nequiter extitit interfectus, quadraginta plagis, & amplius inſiſtis eidem. Cùm autem hæc vera eſſe non ſolùm, per bonos viros, & ſacerdotes, verùm etiam per eoſdem ſicarios, qui dum in carcere Principis tenerentur, coram nuntijs ſuis, & multis alijs ea publicè conſeſſi fuerant, præſatus Epiſcopus didiciſſet,

& deliberasset cum viris prudentibus, & discretis qualiter esset in hoc negotio procedendum, diuersa reperit consilia diuersorum: nonnullis asserentibus huiusmodi peruerlitatis auctores, non per seculare brachium, sed per Ecclesiasticum iudicium puniendos: alijs affirmantibus, ipsos propter enormitatem criminis relinquendos curiæ seculari, ut ultore materiali gladio, poenam exciperent sibi dignam. Alios quoque Canonicos illius malignitatis ignaros, asseuerabant aliqui, in detestationem criminis de ipsa Ecclesia depellendos; ut secundum Euangelicam veritatem, malis malè perditis, vinea Domini Sabbathoth, bonis agricolis lociretur, maxime cum paucis quandoque peccantibus, ira Dei desuuisse legatur in multos. Quidam verò dicebant, quod culpa suos tenere debbat auctores, ne ultra progrediretur poena, quam inueniretur delictum: cum nullius crimen maculet nescientem. Licet autem in tanta varietate consilij, coeperit iam dictus Episcopus fluctuare, attendens tamen exemplo perniciosum existere, si ommitteretur tantum facinus impunitum; & quod Canonici supradicti longè ante incorrigibiles fuerant, & rebelles, & commonitionis suæ iteratè sæpius cōtemptores. Quamquam essent fornicatores, adulteri, negotiatores, & vsuarij manifesti; tandem consilium hoc prouidit, ut vniuersis Canonicis ab Ecclesia memorata depulsis, loco eorum Sancti Victoris Parisien. Canonici subrogentur, hoc ipsum in suspenso tenendo, donec super eo nostræ reciperet beneplacitum voluntatis. Volentes igitur, ut in tanti criminis poena, discant alij à consimili culpa cessare, communicato fratrum nostrorum consilio, præsentium vobis auctoritate præcipiendo mandamus: quatinus illos, quos vobis constituerit huius fuisse iniquitatis auctores, ab omni ordine Clericali sublato cuiuslibet appellationis obstaculo, degradetis; eosdem si graue scandalum non timetur, apud aliqua Monasteria singillatim in arctis carceribus concludentes, in quibus pane tribulationis, & aqua doloris ad agendam perpetuam poenitentiam sustententur. Si verò graue scandalum formidetur, quod minime conquiescat, postquam etiam reos sanguinis vestris curaueritis intercessionibus deffensare, vos eosdem publicè degradatos, ad poenitentiam studiosè commonitos relinquatis Curie seculati iuxta constitutiones legitimas puniendos. Quòd si alij Canonici huius criminis in seipj, incorrigibiles hæcenus extiterunt, & prælibatis sunt criminibus irretiti, de quibus in suis fecit memoratus Episcopus mentionem: volumus, & mandamus, ut per ordinem Sancti Victoris, Cellen. Ecclesia reformetur, quem si aliqui ex prædictis Canonicis recipere voluerint humiliter, & seruare, vos eosdem ibidem remanere sinatis. Alioquin ad arctiora Monasteria transmittatis eosdem. Contradictores si quos inueneritis, vel rebelles, per censuram Ecclesiasticam appellatione postposita, compescendo. Quòd si non omnes, &c. Duo vestrum ea, &c. Datum Lateran. xij. Kal. Octobris, Pontificatus nostri, Anno tertio decimo. •

EPISTOLA CXXXIII.

PETRO NIGRO CANONICO S. VRSINI BITURICEN.

Recipit sub protectione, & confirmat præbendam Bituricensem.

SACROSANCTA Romana Ecclesia deuotos & humiles filios, ex assuetæ pietatis officio propensius diligere consuevit, & ne prauorum hominum molestijs agitentur, eos tanquam pia mater suæ protectionis munimine confouere. Ea propter, dilecte in Domino fili, tuis iustis postulationibus gratum impertientes assensum, personam tuam cum omnibus bonis quæ impræsentiarum rationabiliter possides, aut in futurum præstante Domino iustis modis poteris adipisci, sub B. Petri, & nostræ protectione suscipimus: Specialiter autem præbendam S. Vrsini Bituricen. sicut eam iuste possides, & quierè, tibi auctoritate Apostolica confirmamus, & præsentis scripti patrocinio communimus. Nulli ergo omnino hominum liceat hanc paginam nostræ protectionis, & confirmationis infringere, vel ei ausu temerario contraire. Si quis autem hoc attentare præsumpserit indignationem omnipotentis Dei, & Beatorum Petri & Pauli Apostolorum eius, se noverit incursurum. Datum Lateran. x. Kal. Octobris, Anno tertiodecimo.

EPISTOLA CXXXIV.

NOVARIENSI ELECTO.

Vt inquisita veritate Albiganensem Episcopum à ministerio altaris eiectum restituant.

EX litteris ven. fratris nostri Patriarchæ Antiocheni tunc Yporien. Episcopi, & tui tunc de Tilleto Abbatis, meminimus recepisse, quòd cum dudum ad Albingen. Ecclesiam, vnà cum ven. fratri nostro ... Pisano Archiepiscopo, tunc Episcopo Vercellen. accessissetis, visitationis officium impleretur ... Albiganen. Episcopus inter cætera quæ proposita fuerant contra ipsum, hoc vobis ore proprio est confessus: quòd cum quidam in villa quadam ad ipsius iurisdictionem spectante, infamaretur de furto, & idem illud inficiaretur omnino, offerens quod candentis ferri iudicio se purgaret, adijciendo, vt suspendio puniretur si deficeret in eodem; dictus Episcopus à iudice requisit, quid super hoc videretur eidem, & cum Iudex respondisset, vt fieret prout fur ipse petierat; ferrum candens in ipsius Episcopi præsentia est allatum, quod cum arripuisset fur ille combustus est. Vnde iudex expauescens, quid sibi super hoc videretur, Episcopum consuluit memoratum, qui respondit quòd si fur sic euaderet, malum esset; quanquam per litteras, quas nobis tunc idem direxit Episcopus, affirmarit, se talibus verbis usum fuisse, auditis quantus est clamor populi, omnes dicunt malum est si euaserit impunitus, & sic Episcopus, & iudex eandem villam cum multitudine populi sunt egressi. In quorum præsentia fur prædictus, ipsius fuit Episcopi auctoritate suspensus; propter quòd eundem

cum vestris litteris, ad nostram presentiam destinastis, sed ipse nihil unquam super his proposuit coram nobis. Quinimo statim, ut dictus Archiepiscopus ad Apostolicam sedem accessit, qui nobis rei seriem plenarie indicavit, idem Episcopus à nostra discessit presentia, & perquisitus non potuit inueniri. Unde nos cum fratribus nostris deliberatione habita diligenti, quia suspectum Episcopum non solum in candentis ferti iudicio, verum etiam in furis suspensio grauius intelleximus deliquisse, cum his nos tantum auctoritatem prastiterit, sed etiam presentiam exhibuerit corporalem, ipsum reputauimus ministerio altaris indignum. Et quia Pontificale officium, absque altaris ministerio non poterat adimplere, supradicto Patriarchæ, ac tibi tunc dedimus in mandatis, ut ad cessionem eundem Episcopum moneretis: alioquin auctoritate nostra, ipsum ab Albiganen. Ecclesia sublato appellationis obstaculo amouentes, faceretis eidem de persona idonea per electionem Canonicam prouideri. Dictus verò Episcopus postmodum ad sedem Apostolicam rediens, apud quam moram fecisse dignoscitur diuturnam, & se multipliciter satagens excusare, inter cetera proposuit coram nobis, quod aliter rei veritas se habuerat, quam in litteris fuerit supradictis expressum, quod se proposuit opportuno tempore probaturum. Quocirca deuotioni tuæ presentium auctoritate mandamus; quatinus auditis quæ super præmissis idem Episcopus duxerit proponenda; & probationibus eius admissis: si de his tibi per probationes legitimas sufficiens fuerit facta fides, per quæ constet veritatem rei se aliter habuisse, quam in litteris fuerit supradictis expressum, & super præmissis innocentem Episcopum extitisse, cum per sententiam ad falsam suggestionem latam eidem præiudicari non debeat, tu cum super præmissis absoluens, officium suum exequi liberè permittas eundem: Alioquin quod à nobis dudum super hoc extitit diffinitum, facias appellatione remota executioni mandari. Contradictores siqui fuerint, vel rebelles censura Ecclesiastica appellatione postposita compescendo. Datum Lateran. Kal. Octobris, anno xiiij.

EPISTOLA CXXXV.

ARCHIEPISCOPO ET CAPITULO MAIGDEBURGEN.

*Compositionem inter Odonem PP. Subdiaconum, & Nobilem super
captione dicti Odonis, mandat seruari. & socios
Nobilis absolui.*

CVM dilectus filius Nobilis vir Albertus de Harnesten. ad sedem Apostolicam accessisset litteris tuis, & aliorum, frater Archiepiscopo, qui simul intercessere pro ipso, nobis humiliter presentatis, absolutionis munus suppliciter postulauit, & clementer obtinuit iuxta formam Ecclesiæ; super eo quod ex violenta detentione dilecti filij Præpositi Odonis Subdiaconi nostri, Ecclesiasticam se dolebat incurrisse censuram. Licet autem se multipliciter excusaret, quod videlicet nec ex malitia præconcepta, nec ex præcogitato consilio; sed ex subita moti pectoris leuitate, ac repentino cordis ad prolationem quorundam verborum inflammati calore, id fuerit perpetratum, demum tamen ad

compositionem huiusmodi, pro satisfactione Subdiacono ipsi præstanda, spontanei deuenierint. Ut videlicet idem nobilis honorificentiam illi, & sibi verecundiam faciendo, cum ducentis militibus à loco in quo præfatum Subdiaconum captiuauit, vsque ad Ciuitatem Maigdeburgen. & per omnes Conuentuales Ecclesias porter opprobrium, quod Harmiscare vulgariter appellatur: detque sibi centum milites in uassallos, qui nunquam à sua fidelitate recedant. Ac turris in qua fuerat carceratus funditus destruatur, & quinque libras vsualis monetæ, cui, vel quibus Ecclesijs voluerit Subdiaconus antedictus, assignet annualiter in perpetuum exoluendas; petatque ab ipso veniam cum viginti nobilibus, reuerentiam corporalem exhibendo de more: cum quibus etiam ipse iuret, se nequaquam præconcepisse in persona, vel rebus eidem Subdiacono læsionem inferre, sed ex quadam vehementia, & calore animi, quod factum fuerat euenisse. Quæ omnia infra sex hebdomadas, postquam fuerit à prædicto commonitus Subdiacono, nisi forsan ipse maius spatium ei duxerit indulgendum, procurabit implere. Cum igitur idem Subdiaconus ad preces, & præceptum nostrum, hæc ei de præscripta forma duxerit remittenda, ut nec turris in qua detentus extitit, diruatur, nec memoratus nobilis reuerentiam corporalem, quam sibi apud sedem exhibuit Apostolicam, per se cogatur iterum exhibere, ipsum, & locios suos qui cum eo ad sedem Apostolicam accesserunt, ad vos cum gratia, & benedictione nostra duximus remittendos, iniuncto sibi sub debito præstiti iuramenti, ut præscriptam compositionem obseruet, quam spontaneus noscitur iniisse, hanc etiam sibi gratiam ad preces eiusdem Subdiaconi facientes, quod cæteri eius socij, qui propter hoc fuerint absoluedi, pro absolutionis munere obtinendo, laborare ad sedem Apostolicam non cogantur. Quocirca discretionem vestram per Apostolica scripta mandamus; quatinus dictum nobilem de cætero propter hoc, nec vos in aliquo molestetis, nec permittatis ab alio molestari, & tu frater Archiepiscopo absoluedos ipsius socios secundum Ecclesiæ formam absoluedens, iniungas eisdem, quod ex tenore compositionis prædictæ videris iniungendum. Datum Lateran. v. Nonas Octobris, Pontificatus nostri, Anno xij.

EPISTOLA CXXXVI.

ATHENIEN ET NEOPATREN. ARCHIEPISCOPIS, ET
EPISCOPO DAVALIEN.

*Quod Imperatorem Cpanum moneant, ne detentoribus rerum Fratrum
Templariorum, fauorem suum impertiat.*



RAVEM dilectorum filiorum fratrum Militiæ Templi recepimus quæstione. 1. Quod cum Nobilis vir G. Marchio Pelauicinus, & Mebossa Comeftabulus quondam Marchionis Montisferrati, quendam locum, qui Sydonius dicitur, pertinentem ad ipsos iam dictis fratribus concefferint intuitu pietatis; & ipsi quoddam Castrum ibidem ad defensionem terræ construxerint, non absque grauibz laboribus, & expensis. Charissimus in Christo filius noster ... Imperator Cōstātinopolitanus Illustris,

Castrium ipsum cum pertinentijs suis, & quædam alia eis pro sua abstulit arbitrio voluntatis, quæ quidam Nobilis R. de Trabalia Citren. Diocesis, eius nomine, in ipsorum fratrum detinet præiudicium, & grauamē. Qui licet sæpius super hoc obtinuerint scripta nostra, suam tamen, ob ipsius Imperatoris fauorem, & potentiam, supradicti R. nequiuerunt hæcenus consequi rationem. Cum igitur dictos fratres, qui pro seruitio Iesu Christi multis laboribus se exponunt, nolimus ab aliquibus indebitè prægrauari, per Apostolica vobis scripta mandamus: quatinus detentorem eiusdem Castri, & aliarum rerum monere prudenter, & efficaciter inducere procuretis, ac, si necesse fuerit, per excommunicationis in ipsum, & in iam dictum Castrum interdicti sententias, sublato appellationis obstaculo compellatis ea omnia, sicut iustum fuerit, fratribus restituere memoratis. Supradicto Imperatori ex parte nostra nihilominus intimantes, vt detentori prædicto, vel alijs, in eorundem fratrum iniuriam, vel grauamen nullum impendat auxilium, vel fauorem: cum ex hoc grauiter oculos diuinæ maiestatis offendar. Alioquin quantumcūque sibi, vt pote charissimo in Christo filio, deferre velimus; cum eorundem fratrum tantam dissimulare iniuriam nequeamus, in ipsum etiam officij nostri debitum exequi cogemur. Quòd si non omnes, &c. Duo vestrum ea, &c. Datum Lateran. decimoquinto Kal. Octobris, anno xij.

EPISTOLA CXXXVII.

EISDEM.

Vt Rauennica Templarijs restitatur.

LECTORVM filiorum fratrum Militiæ Templi exposita nobis querimonia patefecit, quòd cum claræ memoriæ B. Marchio Montisferrati, eis Rauennicam cum omnibus pertinentijs, honoribus, & iuribus suis pia deuotione contulerit ad subsidium Terræ sanctæ, prout in eius autentico super hoc confecto plenius continetur, & eandem terram vita Marchionis ipsius pacificè possiderint & quietè. Postmodum charissimus in Christo filius noster Imperator Constantinopolitanus Illustris, ad partes illas accedens, supradictam terram eisdem abstulit violenter, quam quidam Nobilis R. de Tribalia. Citren. Diocesis, eius nomine detinere præsumit in eorum præiudicium, & grauamen. Et licet propter hoc sæpius, miserimus scripta nostra, dicti tamen fratres suam nequiuerunt hæcenus consequi rationem. Cum igitur dictos fratres, qui pro seruitio Iesu Christi multis laboribus se exponunt, nolimus ab aliquibus indebitè prægrauari: per Apostolica vobis scripta mandamus; quatinus detentorem eiusdem Castri, & aliorum rerum, &c. per totum, vt in alia vsque in finem. Quòd si non omnes, &c. Duo vestrum ea, &c. Datum, vt in alia per totum.

EPISTOLA

EPISTOLA CXXXVIII.

CAPITVLO THEBAN.

Postulationem in Thebanum à tribus solum factam non admittit, & electionem à sedecim celebratam confirmat.

THEBANA dudum Ecclesia viduata pastore A. Archidiaconus vestet cum Gerardo de Besentū. & I. cognato suo, propria vota ditexit in venerabilem fratrem nostrum Daualien. Episcopum pro vestro Pontifice postulandum, appellationem ad sedem Apostolicam interponens, ne ceteri Canonici procederent ad electionem aliam faciendam. Qui tandem conuenientes in vnum, appellatione huiusmodi pro inutili reputata, dilectum filium A. Capellandum charissimi in Christo filij nostri Constantinopolitani Imperatoris illustris, concorditer in Archiepiscopum elegerunt. Postmodum autem electione ipsius, venerabili fratri nostro Constantinopolitano Patriarchæ præsentata de more, cum sibi demum per testes ab Archidiacono, & eius socijs introductos, de appellatione interposita constitisset, negotium ipsum ad nostram præsentiam destinauit. Constitutis itaque partibus coram nobis, & quæ fuerunt hinc inde proposita, plenius intellectis; postulationem de memorato Episcopo tantummodo factam à tribus, quanquam persona commendabilis haberetur, non duximus admittendam; electionem verò de Capellano præfato à sedecim regulariter celebratam, quia studijs & meritis potioribus iuuabatur, iustitia confirmauimus exigente. Quocirca discretionem vestræ per Apostolica scripta præcipientes mandamus; quatinus eidem electo tam in spiritualibus, quam temporalibus reuerentiam, & obedientiam debitam impendatis. Datum Lateran. quarto Nonas Octobris, Anno xiiij.

EPISTOLA CXXXIX.

CASTORIENSI ET ZARATORIEN. EPISCOPIS ECCLESIE
THEBANÆ SVFFRAGANEIS.

Vt electo Thebano obedientiam præsent.

THEBANA dudum Ecclesia viduata Pastore A. ipsius Ecclesiæ Archidiaconus cum Gerardo de Besentū. & I. cognato suo, propria vota direxit in venerabilem fratrem nostrum Daualien. Episcopum, pro Thebano Pontifice postulandum, appellationem, &c. vt in alia per totum, vsque, exigente. Quocirca fraternitati vestræ per Apostolica scripta mandamus: quatinus eidem electo reuerentiam, & obedientiam debitam impendatis. Datum, vt in alia per totum.

PRIORI S. IOANNIS IN MONTE BONONIENSI, ET ARCHIPRESBYTERO DE
CAMPO GALLANO MUTINENSIS DIOECESIS, ET G. DOCTORI
DECRETORVM BONONIE COMMORANTI.

*Ut Abbatem S. Bartholomæi Abbatiam cui resignarat ambientem amoueant,
Præbendam, & Capellam, quam in resignatione solatij
loco obtinuerat, priuatum.*

IX litteris piæ memoriæ Huguitionis Episcopi, & dilectorum filiorum Archipresbyteri, & Præpositi Ferrariensium intelleximus; quòd cùm olim inter B. tunc Abbatem, & Monachos Sancti Bartholomæi de Ferrara, graui dissentione suborta, ipsi omnes communicato consilio in eundem Episcopum compromiserint, iurantes in omnibus eius obseruare mandata, quæcumque faceret pro statu ipsius Ecclesiæ reformando. Proponentibus demum Monachis, & conuersis, quòd sub eiusdem Abbatis cura nunquam proficere posset Ecclesia memorata; idem Abbas in manu ipsius Episcopi administrationi, & Abbatie spontaneus resignauit, assentiens quòd alius eligeretur ad ipsam. Eius itaque cessione recepta, dictus Episcopus annuam sibi præbendam cum consensu constituit Monachorum; quandam nihilominus ei Capellam assignans, & curam sibi conferens animarum. Cùmque postmodum Capitulum vota sua in duos fratres, & præfatum Episcopum contulisset; ipsi S. Spiritus gratiâ inuocatâ, dilectum filium I. tunc Priorem S. Danielis, virum idoneum elegerunt concorditer in Abbatem. Sub cuius tandem regimine, cùm Ecclesia proficere incepsisset, memoratus B. diabolica suggestione compulsus, ad Abbatiam cui sic renuntiaret aspirans, litteras Apostolicas ad Archipresbyterum de Greziano subripuit, facti præmissi tacita veritate. Qui rationabiles substituti Abbatis exceptiones recusans admittere, per Procuratorem suum probare volentis, litteras ipsas fuisse per mendacium impetratas, post appellationem ab eodem Procuratore ad nostram audientiam interpositam, lite non contestata pro sæpedito B. temerariam sententiam promulgauit; præcipiens eam per Abbatem Nonantulanum, & quosdam alios, executioni mandari. Et licet idem Abbas appellationem suam postmodum prosecutus, ad Abbatem S. Michaelis Apostolicas litteras obtinuerit; super ea nihilominus tamen præfatus B. ipsum non desijt per quasdam litteras molestare: quas super confirmatione prælibate sententiæ, se à nobis obtinuisse dicebat. Quapropter ad præsentiam nostram memoratus Ioannes Abbas accedens, non tam sibi, quàm cõmissæ sibi Ecclesiæ petijt prouideri, quæ huius occasionis prætextu grauitè læsa est, & grauius lædenda timeatur. Volentes igitur indemnitati, & paci eius, sicut tenemur, adesse; discretionis vestræ per Apostolica scripta præcipientes mandamus: quatinus inquisita, & cognita veritate, si dictum B. taliter Abbatie ipsi renuntiassè consterit, reuocantes in irritum quidquid per litteras per ipsum, vel pro ipso subreptas in ueneritis attentatum, silentium super hoc ei perpetuum imponatis. Et pro eo quòd abusus gratia sibi facta repetendo improbè prælaturam cui sponta-

neq; resignarat, Ecclesiam suam enormiter asseritur offendisse: compellatis eundem præbenda, & Capella memorata dimissa, vacare arctius regularibus disciplinis, ad prædictum Abbatem administrationis, & loci sui faciatis pacifica possessione gaudere. Contradictores siqui fuerint, vel rebelles, per censuram Ecclesiasticam appellatione postposita compescentes. Quòd si non omnes, &c. Duo vestrum ea, &c. Datum Lateran. iij. Idus Octobris, Anno xij.

EPISTOLA CXXI.

AL. RIGENSI EPISCOPO.

Compositionem inter Milites Christi Liouonia, & Rigensem Episcopum factam confirmat.

CVM inter te ac fratres Militiæ Christi, super sorte terrarum quæ per gratiam S. Spiritus, nuper sunt ad cultum fidei Christianæ conuerse, sub examine nostro controuersia verteretur; mediantribus demum nobis ad hanc concordiam deuenistis. Vt videlicet, ipsi fratres tertiam partem earundem terrarum, Lectiæ scilicet, ac Liouoniæ teneant à Rigenſi Episcopo, nullum sibi ex ea temporale seruitium præstituri: nisi quod ad deffensionem Ecclesiæ, ac Prouinciæ, perpetuo contra Paganos intendent. Verùm Magister eorum, qui pro tempore fuerit obedientiam semper Rigenſi Episcopo repromittet; sed Fratres aut Clerici, qui eis spiritalia ministrabunt, nec decimas, nec primitias, nec oblationes, nec cathedraticum ei soluent. Coloni verò prædictæ sortis, de parte prouentuum ad ipsos spectante, decimas Ecclesijs suis reddent: de quibus quarta pars eidem Episcopo persoluetur, nisi hoc idem Episcopus inspecta necessaria, & rationabili causa, sponte duxerit remittendum. Ipsi autem fratres, & successores eorum, ius habebunt, ad præfatas Ecclesias cum vacauerint, Rigenſi Episcopo personas idoneas præsentandi; quas ipse de cura inuestire non differet animarum. Cæterùm cum tu, ac tuorum quilibet successorum ipsos duxeritis visitandos, in domo sua cum viginti euectionibus semel vos procurabunt in anno; in plebatibus autem suis, bis in anno vos exhibere curabunt. De terris verò quas ammodo extra Liouoniam, seu Lectiam cum auxilio Dei dicti fratres acquirerint, Rigenſi Episcopo minimè respondebunt, nec ipse de illis eos aliquatenus molestabit. Sed cum Episcopis creandis ibidem, quoquo rationabili modo componet, vel obseruabunt, quod Apostolica sedes super hoc prouiderit statuendum. Regulam quoque fratrum Militiæ Templi seruantes, aliud in habitu signum præferent, ut ostendant se illis nequaquam esse subiectos. Sepulturam quoque ad opus fratrum, & familiæ suæ, necnon etiam & eorum qui apud ipsos elegerint sepeliri, liberam prædicti fratres habebunt; salua Canonica portione ipsarum Ecclesiarum, à quibus assumuntur corpora mortuorum. Nos igitur compositionem approbantes eandem, ipsam auctoritate Apostolica confirmamus, & præsentis scripti patrocinio communimus. Nulli ergo omnino hominum, liceat hanc paginam nostræ confirmationis infringere, vel ei, &c. vsque incursum. Datum Lateran. xij. Kal. Nouembris, Pontificatus nostri, Anno xij.

EPISTOLA CXLII.

VVOLCVINO MAGISTRO, ET FRATRIBVS MILITIE CHRISTI
IN LIVONIA CONSTITVTIS.

Super eodem.

CVM super sorte terrarum, &c. vt in alia. Vsq̃ue conuersa, inter vos & venerabilem Fratrem nostrum ... Rigen. Episcopum sub examine nostro controuersia verteretur, mediantibus demum nobis, ad hanc concordiam deuenistis, vt videlicet, vos tertiam partem earundem terrarum Lectiæ scilicet ac Liunionæ ab eodem Episcopo teneatis: nullum sibi, &c. vt in alia, vsque Prouinciæ contra Paganos perpetuo intendetis. Verum magister vester qui pro tempore fuerit, &c. vt in alia per totum, vsque, duxerit remittendum. Vos autem, & successores vestri ius habebitis, ad Ecclesias ipsas vacantes Rigen. Episcopo personas idoneas præsentandi, quas ipse de cura inuestire non differet animarum. Cæterum cum ipse vos duxerit visitandos, in domo vestra cum viginti euectionibus semel in anno eundem curabitis procurare: in plebatibus autem vestris, cum exhibebitis bis in anno. De terris verò quas amodo extra Liunioniam, seu Lectiam cum Dei auxilio acquiretis Rigen. Episcopo minimè respondebitis, &c. In eundem ferè modum, vt in alia, vsque in finem. Datum, vt in alia per totum.

EPISTOLA CXLIII.

MAGISTRO ET FRATRIBVS MILITIE TEMPLI.

Confirmat Ecclesiam S. Lucie Theban. à Legato ipsis datam.

CVM à nobis petitur quod iustum est, & honestum, tam vigor æquitatis, quàm ordo exigit rationis, vt id per sollicitudinem officij nostri, ad debitum perducatur effectum. Ea propter, dilecti in Domino filij, vestris iustis petitionibus annuentes, Ecclesiam Sanctæ Lucie quæ Fotæ Græco vocabulo nuncupatur, extra Thebarum positam Ciuitatem, cum pertinentijs suis, quam dilectus filius noster B. Titulo Sanctæ Susannæ Presbyter Card. tunc Apostolicæ sedis Legatus in partibus Romanæ, vobis ad Terræ Sanctæ subuentionem liberaliter assignauit, sicut eam iuste ac pacificè possidetis, vobis & per vos domui vestræ auctoritate Apostolica confirmamus, & præsentis scripti patrocinio communimus. Nulli ergo, &c. hanc paginam nostræ confirmationis, &c. vsque incursum. Datum Lateran. xv. Kal. Octobris, Pontificatus nostri, Anno xiiij.

EPISTOLA CXLIV.

EISDEM.

Confirmat diuerſas poſſeſſiones.

IUSTIS petentium deſiderijs dignū eſt nos facilem præbere conſenſum, & vota quæ à rationis tramite non diſcordant, effectu proſequentem complere. Ea propter dilecti in Domino filij, veſtris iuſtis poſtulationibus inclinati, conſeſſionem terræ de Rupo, & Ioannis filij Nicolai de Vianet cum fratribus, & ſororibus ſuis, ac poſſeſſionibus, & rebus alijs eorundem, à nobilibus viris Rolandino de Canuſa, & Albertino germano eius, necnon à bonæ memoriæ Hugone de Colongi, vobis factam intuitu pietatis, ſicut piè, ac prouidè facta eſt, auctoritate Apoſtolica confirmamus, & præſentis ſcripti patrocinio communimus. Nulli ergo, &c. hanc paginam noſtræ confirmationis, &c. uſque, incurſurum. Datum, vt in alia per totum.

EPISTOLA CXLV.

EISDEM.

Confirmat donationem domus Philocali.

INNVERE conſuevit ſedes Apoſtolica pijs votis, & honeſtis petentium precibus fauorem beniuolum impertiri. Ea propter, dilecti in Domino filij, veſtris iuſtis poſtulationibus grato concurrentis aſſenſu, domum Philocali apud Theſſalonicam cum pertinentijs ſuis, quam dilectus filius noſter B. Titulo S. Sufannæ Preſbyter Card. tunc Apoſtolice ſedis Legatus in partibus Romaniz, vobis ad Terræ Sanctæ ſubuentiōem liberaliter assignauit, ſicut eam iuſtè ac pacificè poſſidetis, vobis, & per vos domui veſtræ auctoritate Apoſtolica confirmamus, & præſentis ſcripti patrocinio communimus. Nulli ergo omnino hominum, liceat hanc paginam noſtræ confirmationis, &c. uſque, incurſurum. Datum, vt in alia per totum.

EPISTOLA CXLVI.

EISDEM.

Confirmat bona qua habent in inſula Nigripontis.

SOLET annuere ſedes Apoſtolica pijs votis, & honeſtis petentium precibus fauorem beniuolum impertiri. Ea propter, dilecti in Domino filij, veſtris iuſtis poſtulationibus annuentes, domum Nigri Pontis cum his quæ habet in Nigro Ponte, & Domum de Lageran. & Caſale de Oizparis cum eorum pertinentijs, ac alia quæ tenetis in inſula Nigri Pontis, vobis à Nobili viro Rauano, & bonæ memoriæ Iacobo de Auenn. & Guberto pia vobis deuotione conceſſa, ſicut ea omnia iuſtè, ac pacificè poſſidetis, vobis, & per vos

domui vestræ auctoritate Apostolica confirmamus, & præsentis scripti patrocinio communimus. Nulli ergo omnino, &c. hanc paginam nostræ confirmationis, &c. vsque, incursum. Datum, vt in alia per totum.

EPISTOLA CXLVII.

FRATRIBVS MILITIÆ TEMPLI IN ROMANIA.

Confirmat Viridarij donationem.

I VSTIS petentium desiderijs dignum est nos facilem præbere consensum; & vota quæ à rationis tramite non discordant, effectu prosequente complere. Ea propter dilecti in Domino filij, vestris iustis precibus inclinatis, Viridarium, quod est à bonæ memoriæ ... Theban. Archiepiscopo, tunc electo, pia vobis deuotione concessum, sicut illud iustè, ac pacificè possidetis; vobis, & per vos domui vestræ auctoritate Apostolica confirmamus, & præsentis scripti patrocinio communimus. Nulli ergo, &c. hanc paginam nostræ confirmationis, &c. vsque, incursum. Datum, &c. vt in alia per totum.

EPISTOLA CXLVIII.

EISDEM.

Confirmat Casalis Pasalan donum.

I VSTIS petentium desiderijs dignum, &c. vt in alia, vsque, vestris iustis precibus inclinatis, Casale, quod dicitur Pasalan, cum suis pertinentijs à nobili viro Guillelmo de Resi vobis pia deuotione concessum, & à Goffrido de Villa-Arduini postea confirmatum, sicut illud iustè, ac pacificè possidetis; vobis, & per vos domui vestræ auctoritate Apostolica confirmamus, & præsentis scripti patrocinio communimus. Nulli ergo omnino hominum liceat hanc paginam nostræ confirmationis infringere, vel ei, &c. vsque, incursum. Datum Lateran. xiiij. Kal. Octobris, Anno xiiij.

EPISTOLA CXLIX.

EISDEM.

Confirmat Paliopolin.

I VSTIS petentium desiderijs dignum est nos facilem præbere consensum; & vota quæ à rationis tramite non discordant, effectu prosequente complere. Ea propter dilecti in Domino filij, vestris iustis postulationibus inclinatis, Casale, quod Paliopolin dicitur, cum suis pertinentijs, à Nobili viro Hugone de Bezenon. vobis pia deuotione concessum, & à Goffrido de Villa-Arduini postmodum scripto authentico confirmatum, sicut illud iustè, ac pacificè possidetis; vobis, & per vos domui vestræ auctoritate Apostolica

confirmamus, & præsentis scripti patrocinio communimus. Nulli ergo omnino hominum, &c. vsque, incursum. Datum, vt in alia per totum.

EPISTOLA CL.

EISDEM.

Confirmat Casale Laffustan.

C VSTRIS petentium desiderijs dignum, &c. vt in alia. Vsque, vestris iustis precibus inclinati; Casale, quod dicitur Laffustan. cum pertinentijs suis a bonæ memoriæ Guillelmo Campanien. pia vobis deuotione concessum, sicut illud iustè, ac pacificè possidetis; vobis, & per vos domui vestræ auctoritate Apostolica confirmamus. Nulli ergo, &c. vsque, incursum. Datum Latetan. xiiij. Kal. Octobris, Pontificatus nostri, Anno xij.

EPISTOLA CLI.

FERMOPILEN EPISCOPO ET ELECTO CITREN. ET PRIORI
S. DEMETRII THESSALONICEN.

Delegat causam inter Templarios, & Episcopum Citonien. qui Capellanum eorum, cuidam fratri Viaticum deferrentem carceri manciparat.

E LECTORVM filiorum fratrum Militiæ Templi in Romania recepimus quæstionem; quòd Episcopus Citonien. in quendam Capellanum eorum, pro eo quòd ad porrigendum Viaticum cuidam confratri eorum accesserat, manus iniiciens, calicem cum Eucharistia ei abstulit violenter, & ipsum turpiter, ac inhonestè tractatum, in fouea quadam reclusit, in Clericalis opprobrium honestatis: præterea cuidam eorum famulo posito in extremis, in ipsorum iniuriam denegati fecerit Ecclesiastica Sacramenta: vnde absque pœnitentia, & Viatico diem clausit extremum. Quocirca discretionis vestræ per Apostolica scripta mandamus; quatenus partibus conuocatis, & inquisita super præmissis, & cognita plenius veritate; quod Canonicum fuerit, appellatione postposita statuatis: facientes quod statueticis per censuram Ecclesiasticam firmiter obseruati. Nullis litteris veritati, & iustitiæ præiudicantibus à sede Apostolica impetretis. Quòd si non omnes, &c. tu frater Episcopo eorum, &c. Datum, vt in alia.

EPISTOLA CLII.

LARISSEN. ET NEOPATREN. ARCHIEPISCOPI, ET ELECTO CITREN.

I NTER ceteros Religiosos viros, quos quemlibet conuenit diuinæ retributionis intuitu honorare; dilecti filij fratres Militiæ Templi, tantò debent speciali gratia consoueri, quantò maioribus laboribus se exponunt, pro seruitio Iesu Christi, ac fauore Apostolicum meruisse plenius dignoscuntur. Verùm

dilecta in Christo filia Nobilis mulier relicta claræ memoriæ Marchionis ... Montisferrati, sicut ex ipsorum graui conuestione didicimus, eos super possessionibus, & rebus alijs à claræ memoriæ ... viro suo, de ipsius conuiuentia, & consensu ipsis pia deuotione concessis, multipliciter aggrauat, & molestat. Vnde nos eidem nobili per scripta nostra mandamus; vt ob reuerentiam Apostolicæ sedis, & nostram, ab eorundem fratrum super præmissis indebita molestatione desistat. Quocirca discretionis vestræ per Apostolica scripta mandamus: quatenus dictam Nobilem ad id monitione præmissa districtione qua conuenit, appellatione remota cogatis. Quòd si non omnes, &c. Duo vestrum ea, &c. Datum, vt in alijs per totum.

Scriptum est eidem Nobili Mulieri super hoc.

EPISTOLA CLIII.

DAVALIEN. ET ZARATORIEN. EPISCOPIS, ET ELECTO NAZORESCEN.

*Vt ad restitutionem bonorum Templariorum Dominum
Nigripontis compellant.*

S VAM ad nos dilecti filij Fratres Militiæ Templi querimoniam transmissere: quòd Nobilis vir Ra. Dominus Insulæ Nigri Pontis quasdam possessiones à Iac quondam Domino de Auen. pietatis intuitu concessas eidem, in animæ suæ dispendium, detinere præsumit. Quocirca discretionis vestræ, per Apostolica scripta mandamus: quatenus dictum nobilem, vt easdem possessiones sine qualibet difficultate fratribus memoratis assignet, monere prudenter, & efficaciter inducere procuretis; ipsum ad hoc si necesse fuerit per censuram Canonicam, sicut iustum fuerit, sublato appellationis obstaculo compellentes. Quòd si non omnes, &c. Duo vestrum ea, &c. Datum Lateran. iij. Nonas Octobris, Anno xij.

EPISTOLA CLIV.

ARCHIEPISCOPO NEOPATREN. ET EPISCOPO DAVALIEN.
ET NAZORESCEN. ELECTO.

Contra quandam Nobilem detinentem bona Templariorum.

PROPOSITA nobis dilectorum filiorum Fratrum Militiæ Templi petitio continebat: quòd Nobilis vir. Ni. de Sancto Amero Diocesis Thebanæ super quibusdam terris, à Rolandino, & Albertino fratre ipsius, in eleemosinam concessis eidem, ipsos contra iustitiam aggrauat, & molestat. Idcirco discretionis vestræ per Apostolica scripta mandamus: quatenus dictum nobilem vt ab ipsorum fratrum super eisdem terris indebita molestatione desistat, monitione præmissa per censuram Ecclesiasticam appellatione remota cogatis, et ille autem, qui nominati fuerint, si se gratia, odio, vel timore subtraxerint, per censuram eandem, appellatione cessante, cogatis veritati testimonium perhibere. Quòd si non omnes, &c. Duo vestrum ea, &c. Datum Lateran. xij. Kal. Octobris, Anno xij.

EPISTOLA CLV.

CARDICEN. ET DAVALIEN. EPISCOPIS, ET ELECTO ZARATORIEN.

Fratres Templarij, Archiepiscopo contumace, in possessionem rei seruanda à delegatis missi, non auduunt à PP. Archiep. cautionem dante.

Sed super spoliatione Geracomita causa audienda demandatur.

CVM olim causam quæ inter dilectos filios fratres Militiæ Templi, ac ven. fratrem nostrum Patracen. Archiepiscopum vertebatur, supra domo de Geracomita, & rebus mobilibus ad valentiam duorum millium, & sexcentorum decem octo yperperorum, quibus dicti fratres per eundem se querebantur Archiepiscopum contra iustitiam spoliatos: ven. fratribus nostris Archiepiscopo Athenien. & ... Fermopilen. Episcopo duxerimus committendam, iidem reputantes Archiepiscopum contumacem, memoratos fratres in ipsius domus possessionem causa rei seruandæ inducendos sententialiter decreuerunt. Licet autem prædicti fratres, nuper in nostra præsentia super præmissis cum eodem Archiepiscopo litigantes; & proponentes, se ipso mandato iudicum renittente corporalem ipsius domus possessionem apprehendere nequiuisset, petierint auctoritate nostra in eandem induci. Quia tamen idem Archiepiscopus standi iuri sufficientem exposuit cautionem, petitionem fratrum in hoc nullatenus admittentes; de ipsius Archiepiscopi, & alterius partis procuratoris assensu, per apostolica vobis scripta mandamus: quatenus si dicti Fratres Domo, & rebus alijs supradictis se probauerint contra iustitiam spoliatos, vos eisdem sicut iustum fuerit restitutis, audiat si quid fuerit questionis; & illud appellatione remota, sine debito decidatis: facientes quod statueritis, per censuram Ecclesiasticam firmiter obseruari. Testes autem qui fuerint nominati, si se gratia, odio, vel timore subtraxerint, per censuram eandem, appellatione remota cogatis veritati testimonium perhibere. Nullis litteris obstantibus, præter assensum partium à sede apostolica impetratis. Quòd si non omnes, &c. Duo vestrum ea, &c. Datum Lateran. vij. Kal. Nouembris, Pontificatus nostri, Anno xiiij.

EPISTOLA CLVI.

EISDEM.

Vt probationes Templariorum in causa Abbatia de Prouata recipiant.

CVM inter ven. fratrem nostrum Archiepiscopum Patracen. & dilectos filios Fratres Militiæ Templi, super Abbatia quæ Prouata vocatur; de qua per dilectum filium ... Electum Montanen. & ... Archidiaconum Andreuillæ delegatos à nobis, iam quædam fuerat contra ipsos Templarios sententia promulgata; sub examine nostro controuersia verteretur, auditis & intellectis quæ propofita hinc inde fuerant, sententialiter duximus decernendum.

Vt idem Archiepiscopus possessionem ipsius obtineat Abbatiæ, reſeruata prædictis fratribus facultate probandi; ſicut dicebant, eam ſibi à Domino terræ accedente poſtmodum conſenſu Archiepiſcopi conceſſam fuiſſe. Quocirca diſcretioni veſtræ per Apoſtolica ſcripta mandamus, præcipiendo; quatinus dictam Abbatiam facientes ab Archiepiſcopo ipſo pacifice poſſideri, probationes fratrum admittere procuretis. Quod ſi legitime præſcripta probauerint, eundem Archiepiſcopum diſtinctione qua conuenit appellatione remota, cogatis Abbatiam ipſam cum fructibus medio tempore perceptis ex ea, fratribus reſtituere memoratis, in pace perpetuò poſſidendam. Quod ſi præſatus Archiepiſcopus infra menſem poſt ſuſceptionem præſentium, per ſe, vel reſponſalem idoneum propter hoc coram vobis non curauerit comparere, vos nihilominus ſublato cuiuſlibet contradictionis, & appellationis obſtaculo procedatis; cum liſ iam fuerit conteſtata: Contradictores per cenſuram Eccleſiaſticam appellatione poſtpoſita compeſcendo. Quod ſi non omnes, &c. Duo veſtrum ea, &c. Datum, vt in alia per totum.

EPISTOLA CLVII.

EPISCOPO, ET CANTORI ZAMOREN. ET ABBATI DE MOREROLA
DIOECESIS ZAMOREN.

*Confirmat Electionem Cantoris celebratam ab Episcopo ad quem poſt
ſex meſes ius deuolutum erat negligentia
Episcopi & Capituli.*

ILECTO filio noſtro P. Titulo S. Marcelli Presbytero Card. bonæ memoria: A. Theſaurario Salamatin ... Paſchaſij, & Dominico Garſiæ Clericorum Procuratoribus apud ſedem Apoſtolicam conſtitutis, auditore conceſſo: idem Theſaurarius propoſuit coram eo: quòd cum in Salamantin. Eccleſia, in qua Cantoris electio ad Episcopum, & Capirulum communiter pertinet, Cantoria vacante dictum Capirulum ſæpius Episcopum monuiſſet, vt ad celebrandam Cantoris electionem, cum eo pariter conueniret. Eodem Episcopo infra ſemestre tempus id facere negligente, Capirulum vt cupiens iure ſuo, in Eccleſiæ memoratæ Capirulo, ſicut eſt moris, ſupradictum Paſchaſium eiufdem loci Canonicum in Cantorem elegit: ne quid in eiufdem electionis præiudicium fieret, appellando; quam ſupradictus Theſaurarius auctoritate petijt Apoſtolica confirmari: ac electionem quam vene. frater noſter Compoſtellanus Archiepiſcopus poſt appellationem huiufmodi, de G. Clerico multis criminibus irretito, ac tunc temporis vinculo excommunicationis aſtricto, minus Canonicè celebratam caſſari. Dictus verò Dominicus propoſuit ex aduerſo, quòd emenſo ſex menſium ſpatio, infra quod ad Episcopum & Capirulum Cantoris electio pertinebat, Decanus, & quidam Canonici Salamatin. Episcopo, Archidiacono, & nonnullis Canoniciſ qui præſentes in Ciuitate aderant inconſultis, non conſueta hora, vel in Capirulo iuxta morem, ſed in Eccleſia, porius quibuſdam laicis aduocatis ſtantes, & inordinatè nimis eligere præſumpſerunt. Et cum iam dicti Archiepiſcopi, qui eoſdem propter hoc

euocauerat adire præsentiam noluissent, ipse intelligens eligendi auctoritatem ad se iuxta Lateranen. statutum Concilij deuolutam, supradictum G. in Cantorem elegit, & eundem fecit de Cantoria corporaliter inuestiri. Postmodum autem Decanus, & sui complices, nobis de his mentione non habita, suggerendo quòd Episcopus, qui monitus sæpius infra sex menses eligere noluerat, in Ecclesiæ detrimentum, Cantore, qui ab eodem Decano cum maiori parte Capituli, institutus fuerat, spoliato, alium instituerat in Cantorem ad... Decanum, Archidiaconum, & Archipresbyterum Abulen. nostras litteras impetrauit. Quarum auctoritate, cum supradictus G. ab eisdem fuisset iudicibus euocatus, eisdem inhibuit, ne per dictas litteras procederent contra eum, cum in eis de sua electione facta per Archiepiscopum nulla mentio haberetur. Et tum propter hoc, tum etiam quia prima citatione ad loca remota peremptoriè citatus extiterat; tum etiam quia iudices, quosdam ex electoribus dicti Pa. consanguinitatis linea contingebant, ad sedem apostolicam appellauit. Sed iudices nihilominus ad Salamantinam accedentes Ecclesiam, sæpeditum P. in Cantorix possessionem causa rei seruandæ contra iustitiam induxerunt. Cum igitur supra his, & alijs coram eodem Card. Procuratores ipsi aliquandiu litigassent, & ipse nobis fideliter retulisset, quæ proposita fuerant coram eo; quia nobis constitit à supradicto Decano, & eius sequacibus, post elapsum sex mensium spatium infra quod Episcopo & Capitulo memoratis, prout communiter spectabat ad eos, procedere ad Cantoris electionem neglexerant, electionem supradicti P. minus Canonicè celebratam, eandem decreuimus irritam, & inanem, & appellationem ab eodem Decano, & suis fautoribus interpositam, factum Archiepiscopi, ad quem iam erat eligendi auctoritas deuoluta, nequiuisset aliquatenus impedire. Quia verò contra personam ipsius G. quædam obiecta fuerunt, de quibus nobis non potuit fieri plena fides: discretionis vestræ per apostolica scripta mandamus, quatenus nisi iam dicto G. aliquid Canonicum obuier, electionem de ipso factam, sublato appellationis obstaculo confirmetis: facientes ipsum eiusdem Cantorix pacifica possessione gaudere. Contradiçtores per censuram Ecclesiasticam compescentes. Quòd si non omnes, &c. Tu ea frater Episcopo eum eorum altero, &c. Datum Lateran. v. Kal. Nouembris, Anno tertiodécimo.

EPISTOLA CLVIII.

MINDEN. ELECTO, ET ABBATI LESBYRNEN. MONASTERIEN. DIOECESIS,
ET CVSTODI MONASTERIEN.

*Vt inquisita veritate Osnaburgensem Episcopum in Bremensem Ecclesiam
auctoritate Apostolica transferant.*

VENERABILES fratres nostri Lubicen. & Liuonen. Episcopi, & dilectus filius Maior Decanus cum cæteris Canonicis Bremen. Ecclesiæ suis nobis litteris intimarunt. Quòd cum olim Vvaldemarum quondā Sleuicen. Episcopum à nobis in Archiepiscopum postulassent, quia id non potuit effectui mancipari: quidam ex eis electionis suæ vota in dilectum filium B. eiusdem Ec-

clēsīæ Maiorem Præpositum contulerunt: Verūm quia ipsius non existit electio confirmata; ipsi quantum in eis extitit de alia persona tractantes, Ecclesiæ suæ consulere curauerunt. Propter quod non tantum rerum, verum etiam personarum, à laicis adhuc adhaerentibus propter diuersas causas Vvald. prædicto, graues iam dudum persecutiones sunt, & impedimenta perpeſsi, & adhuc etiam patiuntur. At quoniam mora præteriti temporis, Ecclesiæ viduatæ ac ad nihilum ferè redactæ, fuit quam plurimum huc vsque damnosa, & futuri protractio pernicioſa poterat magis eſſe: iidem in manus hominum incidere potius eligentes, quàm pro domo Dei murum non opponere se, ac ſua, rei quam inceperant inſiſtere fortiter neceſſarium decreuerunt. Vnde tam ipsi, quàm dictus Præpositus per ſuas litteras ſpeciales à nobis humiliter poſtularunt, vt ven. Fratrem noſtrum Oſnaburgen. Epiſcopum eiſdem vicinum, & per omnia cognitum, ipſis in Archiepiſcopum concedere dignaremur: per quem cum ſit vir nobilis, & ſcientia præditus, ac generis nobilitate præclarus, & Eccleſiam ſibi commiſſam hæcenus viriliter deſenſarit, præſata Eccleſia poterit in ſtatum priſtinum reſormari, & compeſci nihilominus inſolentia laicorum. Nos igitur conſuli volentes Eccleſiæ diutius deſolatæ; diſcretioni veſtræ per Apoſtolica ſcripta mandamus, quatenus inquiſita ſuper his, & cognita veritate, ſi reſ ita ſe habet, auctoritate noſtra eidem Epiſcopo iniungatis, vt ad præſatam Eccleſiam Bremen. accedat, eiſdem regimē in nomine Domini recepturus. Cum quo, propter neceſſitatem temporis, hanc gratiam duximus faciendam; vt vsque ad ſuſcepcionem pallei Oſnaburgen. Eccleſiam, ſicut proprius paſtor retineat, & gubernet. Iniungētes nihilominus Clero. Miniſterialibus, & populo Eccleſiæ memoratæ, quòd eidem, vsque ad ſuſcepcionem pallei tanquam paſtori proprio intendant, vt hæcenus, & exhibeant obedientiam debitam & honorem. Contradiçtores per cenſuram Eccleſiaſticam appellatione poſtpoſita compeſcendo. Nos enim venerabilibus fratribus noſtris ſuffraganeis, & dilectis filiis Capitulo, ac miniſterialibus Bremen. Eccleſiæ noſtris damus litteris in mandatis, vt poſtquam idem de mandato noſtro per vos ſibi factò ad ſæpe dictam Eccleſiam acceſſerit gubernandam, tanquam paſtori ſuo ipſi obedientiam, & reuerentiam debitam exhibentes, eidem intendant humiliter, & deuotè. Ad hoc volumus, & mandamus, vt contradiçtores ſi qui fuerint, vel rei rebelles cenſura ſimili appellatione poſtpoſita compeſcatis. Quòd ſi non omnes, &c. tu ea fili electe cum eorum altero, nihilominus exequaris, etiam ſi iam fueris in Epiſcopum conſecratus. Datum Lateran. iij. Kal. Nouēbris, Pontificatus noſtri, Anno xiiij.

Scriptum eſt ipſis ſuffraganeis, & alijs ſupradictis hoc modo.

EX litteris veſtris, Fratres Lubicen. & Liuonen. Epiſcopi, & filij Decane, ac Capitulum, noſtro eſt Apoſtolatui reſeratum: quòd cum olim Vvalde-
marum quondam Sleuicē. Epiſcopum in Archiepiſcopum poſtulante
tis à nobis, quidam veſtrum electionis ſuæ vota in dilectum filium B. Eccleſiæ
veſtræ maiorem Præpositum elegerunt. Verūm quia ipſius non extitit electio
confirmata, vos quantum in vobis extitit de alia perſona tractantes, eidem Ec-
cleſiæ conſulere curauisti, propter quod, &c. In eundem ferè modum, vt in
alii.

alia. Vsq̃ue, diutius desolata. Dilectis filiis Minden. Electo, & . . . Abbati Lesbernen. Monasterien. Diœcesis, & . . . Custodi Monasterien. nostris dedimus litteris in mandatis, vt inquisita super his, & cognita veritate, si rem inuenerint ita esse, dicto Episcopo auctoritate nostra iniungant, vt ad præfatam Ecclesiam Bremen. accedat, eiusdem regimen in nomine Domini recepturus, &c. vt in alia, vsque, gubernet. Iniungentes nihilominus Clero ministerialibus & populo Osnaburgen. Ecclesiæ, quod eidem Episcopo, &c. In eiusdem ferè modum, vt in alia. Vsq̃ue, honorem. Contradiçtores per censuram Ecclesiasticam, appellatione postposita compescendo. Quocirca vniuersitari vestræ per Apostolica scripta mandamus: quatenus postquam idem de mandato nostro sibi facto, per executores eosdem ad sæpeditam Bremen. Ecclesiam accesserit gubernandam, &c. vt in alia, vsque, eidem intendatis humiliter & deuotè. Alioquin dictis executoribus nostris damus litteris in mandatis, vt contradiçtores si qui fuerint, vel rebelles, per censuram Ecclesiasticam appellatione remota compescant. Datum, vt in alia per totum.

Scriptum est Episcopo Osnaburgen. super hoc in eundem ferè modum, vt in prima, vsque recepturus. Quocirca fraternitati vestræ per Apostolica scripta mandamus: quatenus cùm à præfatis executoribus tibi fuerit iniunctum, accedas ad Ecclesiam memoratam, & in Christi nomine regimen eius suscipias, ac fideliter exequaris. Nos enim tecum propter necessitatem temporis specialem gratiam, &c. vt in alia, vsque, gubernes. Dantes supradictis executoribus in mandatis, vt iniungant Clero, &c. vsque, compescendo. Præterea suffraganeis, & Decano, & Capitulo, & nobilibus viris ministerialibus Bremen. Ecclesiæ nostris duximus litteris iniungendum, vt postquam, &c. In eundem ferè modum, vt in alia, vsque in finem. Datum, vt in alia.

EPISTOLA CLIX;

ARCHIEPISCOPO. PATRACEN.

Concedit, vt in locum secularium Clericorum, Regulares S. Ruffi in Patracensi Ecclesia substituatur.

CVM Ecclesia Cathedralis extra Ciuitatem posita Patracensem; occasione secularium Clericorum, qui iam in ea pluries ordinati, motu demùm propriæ voluntatis dereliquerunt eandem, debito seruitio fraudaretur. Nobis humiliter supplicasti, vt licentiam instituendi Conuentum regularium Canonicorum in ipsa de Collegio S. Ruffi tibi concedere dignaremur: quibus ita es pollicitus providere. In primis siquidem, terras eis, & vineas assignabis de quibus frumentum, & annona sufficiens quinquaginta, & vinum sufficiens sexaginta personis percipiant, sinè suis laboribus, aut expensis in eorum Cellarium deferenda. Præterea statues, vt eis pisces, & sal ad sufficientiam sinè pretio ministrentur, daturus ipsis nihilominus oliuetum, de quo percipiant oleum, quod ad opus Ecclesiæ, necnon etiam ad victum sexaginta sufficiat personarum. Conferens eis quoque villanos, trecentas gallinas, ducentas oues, triginta porcos, & centum libras ceræ ipsis annualiter tributuros. Impræsentiarum ipsis du-

M

centos porcos, & oues largiens septingentas, pro vestibis autem assignabis eis in certis locis ducentos perperos annualiter persoluentes. Caterum pro recipiendis pauperibus, & hospitibus, dabis eis quinquaginta carrugatas bonæ terræ, quadraginta boues, & toridem vaccas, bubulôque triginta, & tantum vineæ, de quauinum pro decem personis proueniat annuatim. Assignans nihilominus eis, rusticos, qui sine mercede, vel expensis eorum, in domo sua labores exerceant vniuersos, omnium prouentuum Archiepiscopus in decimis, mortuarijs, & eleemosinis eisdem medietate concessa. Quod si hæc omnia non dixerint acceptanda, dimidiabis cum eis cunctas possessiones Ecclesiæ Patracen. Sic tamen, quod ipsi persoluant crosticam annuatim, quam Principi terræ ipsa Ecclesia persolvere consuevit. Nos igitur pijs tuis precibus inclinati, considerato quod non solum Ecclesia memorata poterit in religione sic in se plantanda proficere, verum etiâ ad alias, quæ nuper sunt ad ritum Latinitatis adductæ, propagationis suæ palmites dilatare. De consilio fratrum nostrorum hoc tibi duximus concedendum: ita nimirum, ut si quid de Canonicis secularibus, qui sunt ad præsens in ipsa, voluerint ordinem suscipere regularem, hoc eis liberè concedatur illis autem, qui ordinem ipsum suscipere recusauerint, dummodo per continuam residentiam Ecclesiæ ipsi curauerint deseruire, provideatur de prouentibus eius in congrua portione. Ad hæc præsentium auctoritate statuimus; ut fratres ipsi tantum priorem sibi regulariter eligentes, ipsum tibi, vel tuis repræsentent successoribus confirmandum, iure apud ipsos in perpetuum residente, Patracen. Archiepiscopum secundum statuta Canonum eligendi. Nulli ergo omnino hominum liceat hanc paginam nostræ concessiois, & constitutionis infringere, vel ei ausu temerario contraire. Si quis autem hoc attentare præsumpserit, &c. vsque, incursum. Datum Lateran. iij. Kal. Nouembris, Pontificatus nostri, anno xiiij.

EPISTOLA CLX.

ABBATI ET CONVENTUI S. RVFFI.

Super eodem.

CVM Ecclesia Cathedralis, &c. ut in alia, vsque fraudaretur. Venerabilis frater noster Patracen. Archiepiscopus nobis humiliter supplicauit, ut licentiam, &c. ut in alia, vsque, de Collegio Ecclesiæ vestræ sibi concedere dignaremur, quibus ita est pollicitus providere: In primis siquidem terras eis, & vineas assignabit, de quibus, &c. vsque, deferenda. Præterea statuet, ut eis pisces, &c. vsque, pro vestibis autem assignabit eis in certis locis, &c. vsque, pauperibus, & hospitibus dabit eis quinquaginta carrugatas, &c. ut in alia per totum. Vsque, acceptanda dimidiabit cum eis cunctas possessiones, &c. vsque, consuevit. Nos igitur pijs eius precibus inclinati, &c. vsque, de consilio fratrum nostrorum hoc tibi duximus concedendum; ita nimirum, &c. vsque, regulariter eligentes ipsum tibi, vel suis repræsentent successoribus confirmandum, &c. vsque eligendi. Quocirca deuotionem vestram rogamus attentius, & moneamus, per Apostolica vobis scripta mandantes: quatenus huiusmodi propositum

pietatis prompto prosequendo fauore, Conuentum de fratribus vestris eidem Archiepiscopo in suis deducendum expensis propter hoc assignare curetis. Datum, vt in alia per totum.

EPISTOLA CLXI.


ARCHIEPISCOPO LARISSEN. ET EPISCOPO CITHONIEN.

*Contra Nobiles Achaia detinentes bona Ecclesiastica, & ad iudicium
seculare Clericos pulsantes.*

EXPOSUIT nobis ven. frater noster Archiepiscopus Patracen. quòd Nobilis vir ... Dominus Achaiae, & quidam alij Latini, habentes in illa terra dominium corporale, possessiones quas Ecclesiae sub annua certa pensione consueuerant Graecorum temporibus retinere, per violentiam auferentes, secundum Curiae suae iudicium ipsas ordinant, & disponunt, cogentes Ecclesiarum Praelatos de litigiosis possessionibus in foro contendere seculari, & consuetudinibus, ac institutionibus quas illic ipsi nouiter creauere subesse, nullam inter Laicos, & Clericos, aut Ecclesias differentiam faciendo. Negotia verò Ecclesiastica quae vel Apostolicae commissionis auctoritate, vel iurisdictionis ordinariae ratione, à viris Ecclesiasticis sunt tractanda sine licentia sua terminari non sinunt, quae si forsan propter voluntatem eorum decisa fuerint, quod statuitur, non seruat. Qui etiam proprijs Episcopis inconsultis, Abbatias, Ecclesias, ac Praebendas, necnon etiam quaelibet Ecclesiastica beneficia Laicis, & Clericis indifferenter tribuunt, sicut volunt, & vacantes Ecclesias per proprium ordinari Praelatum minimè permittentes, Canonicos quoque in nonnullis Ecclesijs intrudere non verentur: excommunicatos tam Clericos, quàm & Laicos in sua pertinacia consouendo. Cùmque dudum ad bellum contra Michalicium processuri, recipientes corpus, & sanguinem Iesu Christi omnes pariter promississent, quinimo per votum obligauerint se solemne, quòd de ipso praelio redituri, decimas Ecclesijs suis soluerent, & subditos suos tam Latinos, quàm Graecos cogerent ad soluendum, id postmodum efficere non curarunt. Quocirca fraternitati vestrae per Apostolica scripta mandamus: quatenus Latinos huiusmodi, vt decimas Ecclesijs suis soluant, sicut ex communi iure, ac speciali quoque voto tenentur, necnon etiam super vniuersis praenotatis abusibus, à sua praesumptione desistant, monere prudenter, & efficaciter inducere procuretis: ipsos ad hoc, si opus fuerit, per censuram Ecclesiasticam appellatione remota, sicut iustum fuerit compellentes. Si quid autem recurrerit, quod Apostolica indigere providentia videatur, illud ad nostram audientiam referatis. Datum Lateran. ij. Kal. Nouembris, Anno xij.

EISDEM.


*Committit causam inter Archiepiscopum Patracensem, &
detentores bonorum Ecclesia.*

NERABILIS frater noster Archiepiscopus Patracen. in nostra proposuit presentia constitutis, quod cum ... quondam Constantinopolitanus Imperator, Abbatiam Pantocraton in vrbe Constantinopolitana fecisset; redditum viginti quinque librarum perperorum, quem antiquitus Patracen. Ecclesia, pro quibusdam possessionibus Imperiali Cameræ persoluebat, eidem contulit Abbatie. Sed cum tempore procedente, difficile foret Ecclesiæ memoratæ pro possessionibus ipsius quantitatem exoluere prætaxatam, ad hanc demum compositionem cum eadē Abbatia deuenit. Vt pro possessionibus prædictis quinque tantummodo libras Perperorum sibi redderet annuatim, & sic possessiones easdem recuperauit, & habuit, vsquequo in Achaia intrauere Latini, per quos illis fuit contra iustitiam destituta. Vnde nobis idem Archiepiscopus supplicauit, vt detentores prædictarum possessionum, restituere cogeremus eadem Ecclesiæ Patracen. sub præscripto quinque librarum redditu retinendas. Quia igitur nobis non constitit de præmissis, fraternitati vestræ per Apostolica scripta mandamus: quatenus vocatis quos propter hoc noueritis esse vocandos, audiatis causam, & appellatione remota sine debito terminetis; facientes quod decreueritis, per censuram Ecclesiasticam firmiter obseruari. Testes autem qui fuerint nominati, si se gratia, odio, vel timore subtraxerint, censura simili appellatione remota cogatis veritati testimonium perhibere. Nullis litteris veritati, & iustitiæ præiudicantibus à sede Apostolica impetratis. Datum Lateran. iij. Kal. Nouembris, Pontificatus nostri, Anno xij.

EPISTOLA CLXIII.

EISDEM.

*Vi Principem Achaia ad restituendum feudum Ecclesia
Patrac. compellant.*

VERELAM venerabilis fratris nostri ... Archiepiscopi Patracen. recepimus continentem; quod cum Nobilis viri Guiardus, & Guillelmus, quid iuris habebant in feudo quod in Constantinopolitanæ Urbis acquisierant captione, vni eorum octingentis ob hoc perperis ab eodem Archiepiscopo persolutis Patracen. Ecclesiæ contulissent. Nobilis vir Gaufridus de Villa-Arduini Achaia Dominus, feudum ipsum auferens Ecclesiæ memoratæ, illud cuidam militi pro sua voluntate concessit. Ideoque fraternitati vestræ per apostolica scripta mandamus: quatenus tam eundem Gaufridum, quam præfactum Militem ad restituendum idem feudum, sicut iustum est, cum fructibus inde perceptis, Ecclesiæ supradictæ, monere prudenter, & efficaciter inducere

procuretis ; ipsos ad hoc si opus fuerit per censuram Ecclesiasticam appellatione remota cogentes. Testes autem , &c. Datum, vt in alia per totum.

EPISTOLA CLXIV.

EISDEM.

Vt Patracensi Archiepiscopo sedes restituatur , & Canonicum spatium circa Ecclesiam relinquatur.

EXPOSUIT nobis venerabilis Frater noster Archiepiscopus Patracen. quòd cum à prima institutione Patracen. Ecclesiæ, in Ecclesia B. Theodori Archiepiscopalis consueuerit sedes esse, in qua noui Pontifices primò in-chronisari solebant , ac certam ibi mansionem , necnon etiam sepulturam habere : ædificato Castro circa ipsam, non solùm ossa tumulorum ibi Pontificum sunt effossa; verùm etiam sedes eadem ipsi Archiepiscopo est ablata. Vnde nobis humiliter supplicauit, vt detentores predictæ sedis, ad eius restitutionem compelli, & Ecclesiæ ipsi competens spatium in circuitu dimitti liberè mandaremus. Volentes igitur Archiepiscopo memorato in Ecclesiæ suæ iure, sicut tenemur, adesse : fraternitati vestræ per Apostolica scripta mandamus ; quatenus detentores prædictos ad restitutionem præfatæ sedis, prout iustum fuerit, sublato cuiuslibet contradictionis, & appellationis obstaculo, compellentes faciatis in Canonico circa ipsam spatio prouideri. Datum, vt in alijs.

EPISTOLA CLXV.

ARCHIEPISCOPO PATRACEN.

Confirmat donationem Ecclesia Patracensi factam.

VSTRIS petentium desiderijs dignum est nos facilem præbere consensum, & vota quæ à rationis tramite non discordant, effectu prosequente complere. Ea propter, venerabilis in Christo frater, tuis iustis precibus inclinati concessionem Dimostarij Patracen. & totius Atumpnæ, ac omnium Casalium de Exafilina, quæ Nobiles viri Guiardus, & Guillelmus, in captione Constantinopolis acquisisse noscuntur, Ecclesiæ Patracen. liberaliter factam ab ipsis, sicut piè, ac prouidè facta est, tibi, ac per te ipsi Ecclesiæ auctoritate Apostolica confirmamus, & præsentis scripti patrocinio communimus. Nulli ergo omnino hominum liceat hanc paginam nostræ confirmationis infringere, vel ei, &c. vsque, incursum. Datum Lateran. iij. Kal. Nouembris, Pontificatus nostri, anno xij.

EPISTOLA CLXVI.

• DECANO. ARCHIDIACONO DE LOSEIO, ET MAGISTRO HYGONI
CANONICO CABILONENSI.

*Quod Laici possint ingredi ordinem Cisterciens. non obstante iure Parrachia,
cuius prætexit Rectores, nec testamentum, nec aliud exigere
possunt, ut absoluant eos qui liberi sunt.*

DILECTI filij Abbas, & Conuentus Cisterciens. transmissa nobis petitione monstrarunt: quòd quidam Rectores Ecclesiarum Prouincie Lugdunensis, ab eis, qui viuunt, & incolunt, ad eorum ordinem transeunt, sibi fieri exigunt testamentum: & in eos quos iidem relinquunt in seculo, propter hoc Ecclesiasticam exercent censuram. Ac capitulum illud quo eis à sede apostolica indulgetur, ut licetè liberos, & absolutos à seculo fugientes recipiant; interpretantes sinistrè, asserunt, eos licetè aliàs absoluti existant, & liberi sine ipsorum licentia non posse ad religionem transire, pro eo quòd iure Parrochiali eisdem obligati tenentur. Quocirca discretioni vestræ per apostolica scripta præcipientes mandamus: quatenus præsumptores prædictos à præsumptione huiusmodi monitione præmissa, per censuram Ecclesiasticam, sublato appellationis obstaculo compescatis. Quòd si non omnes, &c. Duo vestrum ea, &c. Datum Lateran. Nono Kal. Nouembris, Pontificatus nostri, anno xiiij.

EPISTOLA CLXVII.

PATRACEN. ARCHIEPISCOPO.

Quod possit Balino suo de redditu Ecclesia ad sustentationem assignare.

CVM S. Balino quondam tuo qui pro eo quòd iura Ecclesiarum fideliter defendebat, non solum naso est mutilatus, verum etiam graues alias iacturas incurrit, de bonis Ecclesiarum disponas liberaliter providere, sicut ex tua insinuatione didicimus. Nos in hac parte pium tuum propositum in Domino commendantes; fraternitati tuæ præsentium auctoritate mandamus, quatenus de bonis Ecclesiarum tuarum, sibi ad sustentationem suam decenter provide re procures. Datum Lateran. Nonas Nouembris, anno xliij.

EPISTOLA CLXVIII.

ABBATI ET CONVENTUI ALTÆCVMBÆ.

*Vi Patracensi Archiepiscopo des fratres qui in Achaia Conuentum adifici-
cent, à G. de Villa-Arduini dotandum.*

CVM nobilis vir G. de Villa-Arduini Dominus Achaiz ad suggestionem venerabilis fratris nostri Patracen. Archiepiscopi, sicut ipse proposuit coram nobis, multas possessiones, & alia bona vobis duxerit concedenda, de quibus

bus Conuentus valeat sustentari. Deuotioni vestræ per Apostolica scripta mandamus; quatenus huiusmodi proposuimus prompto prosequendo fauore, Conuentum de fratribus vestris eidem Archiepiscopo in suis deducendum expensis, propter hoc assignate curetis. Datum, vt in alia.

EPISTOLA CLXIX.

NOBILI VIRO G. PRINCIPI ACHAIAE.

*Ne impediat Archiepiscop. Patraccensem, adificijs suam
Ciuitatem munientem.*



D tutionem Ecclesiarum tantò te intendere conuenit, quantò ex hoc Regi Regum dignosceris complacere. Cùm igitur Ecclesia Patraccen. in maris littore constituta incurfibus pateat Piratarum, & venerabilis frater noster ... Patraccen. Archiepiscopus eam intendat adificijs necessarijs communire; vt Clerici & seruirores ipsius tutè ibidem valeant commorari. Nobilitatem tuam rogamus attentius, & monemus, per Apostolica tibi scripra mandantes: quatenus super hoc Archiepiscopum non impedias memoratum. Alioquin ven. fratribus nostris Larissen. Archiepiscopo, & ... Episcopo Cithonien. damus nostris litteris in mandatis, vt te ad hoc monitione prmissa per censuram Ecclesiasticam, appellatione remota, iustitia mediante compellant. Darum, vt in alia.

Scriptum est ipsis super hoc.

EPISTOLA CLXX.

LARISSEN. ARCHIEPISCOPO, ET EPISCOPO CITHONIEN.

*Vt Patraccensis pacificè fruatur terra de Larfa à Procuratore
Principis Achaia data.*



X insinuatione ven. fratris nostri ... Archiepiscopi Patraccen. accepimus, quòd cùm bonæ memoriæ Vv. Campanien dudum in Apuliam transiturus, Nobilem virum Hug. de Cham. suum Balium, & Procuratorem fecerit generalem, promittens firmiter, vt quidquid disponderet, vel donaret, ratum haberet, & firmum, sigillum sibi proprium committendo. Idem Hugo positus in extremis, terram de Larfa Ecclesiæ Patraccen. reliquit, & licèt id postmodum Nobilis vir G. Princeps Achaia approbasset, spontanea voluntate dictum Archiepiscopum de terra illa inuestiens coram multis. Cùm tamen idem Archiepiscopus ad percipiendos fructus illius terræ, suum destinasset Balium; Nobilis vir P. de Becciniaco, asserens se terram ipsam auctoritate Principis possidere, Balium ipsum fructus percipere non permisit, eosdem occupans pro suæ arbitrio voluntatis. Quocirca fraternitati vestræ per apostolica scripta mandamus, quatenus Principem & Nobilem memoratos, vt ab eiusdem Archiepiscopi super hoc indebita molestatione desistat, permitrentes eandem terram ipsam pacifice possidere, ac eidem de fructibus perceptis ex ea satisfactionē idoneam

exhibentes, monere prudenrer, & efficaciter inducere procuretis: ipsos ad hoc, si necesse fuerit, per censuram Ecclesiasticam appellatione remota, sicut iustum fuerit, compellentes. Testes autem qui fuerint nominati, &c. Datum Lateran. Nonis Nouembris, Pontificatus nostri, anno xiiij.

EPISTOLA CLXXI.

EISDEM.

Vt miles quidam super damnis & iniurijs satisfactionem exhibeat Patrac. Archiep.

CONQUESTIONEM ven. fratris nostri Patracen. Archiepiscopi recepimus continentem: quòd C. Miles, & quidam socij sui Patracen. Diocesis in domum suam nequiter irruentes, manus in ipsum temerarias iniecerunt, ac Balium suum quem inter brachia contra eorum sœuitiam tuebatur, per violentiam capientes, pro eo quòd iura Ecclesiz fideliter defensionabat, nasum ei crudeliter amputarunt. Per ipsius quoque militis seruientes, idem Archiepiscopus caprus fuit, & per quinque dies in carcere diro retentus, multis alijs eidem ab eodem milite, ac suis complicibus damnis, & iniurijs irrogatis. Quocirca fraternitati vestræ per Apostolica scripta mandamus: quatenus dictum militem, & alios, vt eidem Archiepiscopo super datis damnis, & irrogatis iniurijs satisfactionem exhibeant competentem monitione præmissa per censuram Ecclesiasticam appellatione remota cogatis. Testes autem, &c. Datum, vt in alia.

EPISTOLA CLXXII.

EISDEM.

Ne Nobiles impediant quo minus Graci Monachi Prælatis Latinis obediant.

VENERABILIS frater noster Patracen. Archiepiscopus proposuit coram nobis: quòd Domini terræ illius, pro eo quòd Sacetdotes, & Monachos Græcos angariare nituntur, eosdem non permittunt sibi, & alijs Latinis. Prælatis debitam obedientiam, & reuerentiam exhibere in animarum suatum dispendium, & gtauamen. Quocirca fraternitati vestræ per Apostolica scripta mandamus: quatenus dictos diuinos, vt ab huiusmodi præsumptione desistant monitione præmissa per censuram Ecclesiasticam appellatione remota, sicut iustum fuerit, compellatis. Testes autem, &c. Datum Lateran. viij. Idus Nouembris, Anno tertidecimo.

EPISTOLA CLXXIII.

EI DEM.

Vt restituantur possessiones Ecclesia Patracensi.

CVM nonnullæ possessiones, ac iura, & pertinentiæ, quas Græcorum temporibus habuit Ecclesia Patracen. quarum etiam possessione in ingressu Latinorum in Achaiam gaudebat, eidem per Latinos asserantur esse subtracta. Fraternitati vestræ per apostolica scripta mandamus: quatenus detentores earum, vt ipsas restituant ven. fratri nostro Archiepiscopo Patracen. monere prudenter, & efficaciter inducere procuretis: ipsos ad hoc, si opus fuerit, per censuram Ecclesiasticam appellatione postposita, compellentes. Datum vt in alia.

EPISTOLA CLXXIV.

MOTHONEN. ET AMICLIEN. EPISCOPIS.

Ne nobiles detineant legata Ecclesia in vltima voluntate.

VENERABILIS frater noster ... Patracen. Archiepiscopus nobis exposuit conquerendo, quòd Domini terræ illius Ecclesijs suæ Diocesis, ea quæ à Christi fidelibus in vltima voluntate legantur, eisdem contra iustitiam auferre præsumunt in suum, & Ecclesiæ præiudicium, & iacturam. Quocitca fraternitati vestræ per apostolica scripta mandamus: quatinus dictos Dominos, vt ab huiusmodi præsumptione desistant, monere prudenter, & efficaciter inducere procuretis: ipsos de hoc, si opus fuerit, per censuram Ecclesiasticam, sicut iustum fuerit appellatione postposita compellentes. Testes autem, &c. Datum Lateran. Nonis Nouembris, Pontificatus nostri, Anno xiiij.

EPISTOLA CLXXV.

DE CLAROMARISCO, ET DE LONGOVILLARI ABBATIBVS CISTERCIEN. ORDINIS, ET DECANO MONASTERII MORINEN. ET AMBIANEN. DIOCESVM.

Committit reformationem Monasterij S. Iudoci supra mare.

SICVT per vestras nobis, filij Abbates, litteras intimaſtis, cùm vobis dederimus in mandatis, vt ad Monasterium S. Iudoci supra mare personaliter accedentes corrigeretis in capite, ac in membris quæ limam correctionis exposcerent. Vos filij Abbates, te fili Decane tuam absentiam excusante, accedentes ad locum vestris obtemperantes mandatis, tam Abbatem quàm vniuersum Capitulum inuenistis; duobus dumtaxat exceptis, Ingelranno, & Clalbordo Monachis. Qui cùm essent suis exigentibus culpis, per Abbatem, & Conuentum ipsius loci excommunicationis vinculo innodati,

duos alios seducentes, quos viros perniciosos, rebelles, & contumaces attestacione plurium didicistis reiecto habitu Monachali contumaciter recesserunt, correctione domus nullatenus expectata. Vos autem Capitulo conuocato, cum Abbas iuxta mandatum vestrum, vniuersis, & singulis fratribus, in virtute obedientie, ac animarum suarum periculo iniunxisset, ut super conuersatione ipsius, & statu Ecclesie dicerent veritatem. Vos singulariter examinantes eosdem, super his quae personam contingebant Abbatis, laudabile omnium testimonium inuenistis; sed laudabilius iuxta nonnullorum assertionem inuenissetis, si se circa quosdam peruersos, & contumaces seuerius habuisset. Inuenistis praeterea; sub eiusdem Abbatis regimine qui oppressiones multiplices, & peruersus, imminutum Ecclesie debitum, & redditum augmentatum, & tam in aedificijs, quam alijs necessarijs domus expensas factas, sicut oculata fide perpenditur; quousque ad mille librarum Parisiensium summam excrescunt. Conuentui quoque qui maior est solio, ac hospitibus, & pauperibus abundantius, & honestius, quam consueuerit prouideretur. Licet autem omnibus inquisitis quaedam prout expedire vidistis, ibidem curaueritis ordinare: quia tamen ineuitabilis necessitas vos trahebat accedendi ad Capitulum generale, de nonnullis disponere in vestro reditu statuistis. Cum autem Abbas, & Monachi supradicti, propter hoc ad sedem apostolicam accessissent, & idem Monachi humiliter petissent, absolui peruen. fratrem nostrum N. Tusculan. Episcopum, recepto prius ab eis corporaliter iuramento, iuxta formam Ecclesie, ipsis fecimus beneficium absolutionis impendi. Quia vero in multis eisdem culpabiles deprehendimus, nec speratur quod ipsis praesentibus idem locus debita possit pace gaudere: & consilio fratrum nostrorum, eos ad vos remittendos duximus, in districtioribus Monasterijs singulariter collocandos: in quibus in humilitate spiritus, sua possint peccata desistere. Quocirca deuotioni vestrae, per apostolica scripta mandauimus: utatenus eisdem ad vos redeuntibus iniungatis, sub debito praestiri iuramenti, & eos, si opus fuerit, per censuram Ecclesiasticam appellatione postposita compellatis, ut ad loca quae singulis deputaueritis transeant, victuri regulariter in eisdem Abbates quoque, ac Monachos eorundem locorum, ad suscipiendum eos censura simili, si necesse fuerit, appellatione remota cogatis. Volumus nihilominus, & mandamus, ut ad supradictum Monasterium accedentes, corrigatis diligentissime, quidquid adhuc inueneritis corrigendum, & ea Deum habentes praeculis ordinetis, ut locus ipse debita de cetero valeat tranquillitate letari. Nullis litteris veritati, & iustitiae prauiudicantibus, &c. Quod si non omnes, &c. Duo vestrum ea, &c. Datum Lateran. vi. Idus Nouembris, Pontificatus nostri, anno xiiij.

EPISTOLA CLXXVI.

ABBATI ET CONVENTUI MONASTERII S. MARIE DE CARRAZETO
CISTERCIEN. ORDINIS.

Confirmat concessionem Regis Legionis.

CHARISSIMVS In Christo filius noster A. Rex Legionen. Illustris suis nobis litteris intimauit; quod cum Castrum de Ventosa, ex parte in possessione;

bus Monaſterij veſtri ſitum, quod deſertum fuerat ab antiquo reedificare, ac in eodem populum congregare cepiſſet. Idem attendens quòd Caſtro populato prædicto, tam vos, quàm alia loca religioſa vicina, & villa: nihilominus adiacentes, ex eo paterentur non modicam læſionem: pœnitentiã ductus, deſtitit ab incepto. Vobis, & alijs locis religioſis, ac adiacentibus villis concedens, ne vnquam in poſterum, ibidem populus collocetur, ſuper hoc vobis, & alijs fieri faciens publicum inſtrumentum. Qui etiam nobis humiliter ſupplicauit, vt ad ſtabilitatem perpetuam, conceſſionem ipſius Apoſtolico dignaremur munimine roborare. Nos igitur paci & quieti Monaſterij veſtri prouidere volentes, ac deuotionem Regiam commendantes; conceſſionem eandem, ad perpetui roboris firmitatem, auctoritate Apoſtolica confirmamus, & præſentis ſcripti patrocinio communimus. Nulli ergo omnino hominum liceat hanc paginam noſtrę confirmationis infringere, vel ei, &c. uſque, incurſurum. Datum Lateran. vj. Kal. Nouembris, anno xij.

EPISTOLA CLXXVII.

ADVLPHO QVONDAM COLONIEN. ARCHIEPISCOPO.

Pœnitentia peracta indulget, vt cùm tantùm ab officio Pontificali fueris remotus, liceat Pontificalia, palleo excepto, exercere, & dignitates Eccleſiaſticas obtinere, non Epiſcopalem ſine Rom. Pontif. venia.

QUOD hoc exemplaria cœleſtis imaginis in diuinis voluminibus ſunt deſcripta, vt ea non ſolùm venerari curemus, ſed etiam imitari, non tam auditores verborum, quàm rerum factores effecti: quia non auditores legis, ſed factores, iuſti ſunt apud Deum. Sacra quippe ſcriptura docente diſcimus, quòd in arca fœderis Domini cum tabulis legis virga continebatur, & manna; quoniam in pectore ſummi Pontificis, quod per arcam fœderis deſignatur, cum ſcientia legis diuinę debet virga correctionis, & manna dulcedinis contineri: vt ſciat vulneribus ſauciati, oleum infundere ſuper vinum, & quem nouit ex rigore percutere, ſciat etiam ex benignitate ſanare, humiliando ſuperbos, & humiles erigendo. Hinc eſt igitur, quòd licet in eo non parùm deliqueris, quòd ſine noſtra licentia ſpeciali, quin etiam contra noſtram prohibitionem expreſſam, Ottone dimiſſo adhæſiſti Philippo: quia tamen impoſitam tibi propter hanc culpam à ſede Apoſtolica diſciplinam, patienter haſtenus, & humiliter ſupportaſti, dignam pro meritis pœnitentiam peragendo. Ac per hoc quòd idem Otto contra nos indignè ſe gerit, qui eum toto conamine ſtuduiſſimus promouere, validiſſimè præſumatur, quòd etiam contra te indignè ſe geſſit, qui promotionis ipſius inter homines fueras prima cauſa; poſt rigorem iuſtitiz, tibi rorem miſericordię inſtillare volentes. Fraternitati tuę auctoritate præſentum indulgemus: vt cùm de mandato noſtro non fueris à Pontificali ordine degradatus, ſed ab officio tantùm Pontificali remotus; liceat tibi cum Pontificalibus celebrare, palleo dumtaxat excepto, & ex permiſſione Pontificis, vel Abbatis, in cuius Diœceſi vel cœnobio fueris conſtitutus, Clericos, vel Monachos

tibi canonicè præsentatos, ad minores ordines promouere, benedicere vestes, & vasa sacrare. In quibus omnibus, illam te custodire volumus honestatem, & modestiam adhibere, vt scandalum euitando sic interdum prodesse possis aliquibus, vt nullis omninò velis obesse. Ad hæc etiam tibi concedimus, vt si circa curam Pontificalis officij euocatus fueris, ad aliquam Ecclesiasticam dignitatem licenter illam assumas, sed si ad præsulatum fueris postulatus, illum suscipere non præsumas, nisi de alia Romani Pontificis indulgentia speciali, qui super hoc suo discreto consilio prouidebit quod viderit expedire. Tu ergo talem te studeas in omnibus exhibere, vt gratiæ tibi factæ, aut etiam faciendæ, non reddaris ingratus, sed ad hæc, & alia fortè maiora dignus, & idoneus comproberis. Nulli ergo omnino hominum liceat hanc paginam nostræ concessionis infringere, vel ei ausu temerario contraire. Si quis autem, &c. vsque, incursum. Datum Lateran. 2. Idus Nouembris, Anno xij.

EPISTOLA CLXXVIII.

MAGISTRIS PALMARIO ... ET RICARDO CANONICIS LUCANIS.

Ne Presbyter audiat, contra sententiam latam tergiversam.

INTER dilectos filios ... Plebanum, & Clericos de Villa Basilica ex vna parte, ac forenses Presbyterum Lucan. Diocesis ex altera, super Ecclesia S. Genesij de Boellio, dudum questione suborta. Cum dilecti filij ... Prior, & Magister Zenobius Subdiaconus noster Canonicus Sancti Fridiani Lucan. de nostro eam examinassent mandato; tandem de meritis ipsius sufficienter instructi, electionem rectoris ipsius Ecclesie, cum alijs quæ in eorum sententia continentur plebi prædictæ villæ adiudicare curarunt, dictum Presbyterum ab eadem sententialiter remouentes. Qui cum ab eorum sententia nostram audientiam appellasset, ei demum in nostra præsentia constituto, dilectum filium Angelum Subdiaconum, & Capellanium nostrum, concessimus auditorem. Et quia quædam quæ contra prælibatam sententiam opponebat, asseruit se coram eo probare non posse: idem Subdiaconus probationes suas recipiendas, præten. Præposito suoque Collegæ commisit, nihilque coram ipsis probato, partes denuo ad ipsius Subdiaconi præsentiam redierunt. Et prædictorum Plebani, & Clericorum procuratore petente, præfatam sententiam confirmari, eo quod idem Presbyter in probationem defecerat obiectorum; ipso autem Presbytero in contrarium asserente, quod probationes suas producere coram eodem Præposito, & Collega ipsius, ex causa rationabili recusarat, eo quod contra mandatum suum, procurator eius conuenerat in iudicem, in quem non debuit conuenire. Subdiaconus ipse, ad conuincendam eius astutiam, alias ei duxit indutias concedendas, infra quas probaret si vellet coram alijs iudicibus, ea quæ coram prioribus non probarat. Super quo, dictus Presbyter apud Subdiaconum memoratum, proprio procuratore dimisso, recessit. Sed huiusmodi procurator, licet vellet in iudices conuenire, litteras tamen accipere denegauit. Interim autem sæpèfatus Presbytero in vrbe callidè latitante, procurator supradictæ plebis apud Subdiaconum sæpèdictum diu fatigatus, instabat, vt procederet contra

ret contra illum; sed respondente ipso, quod iam esset officio suo functus, dilectus filius Almerinus Subdiaconus, & Capellanus noster, denuo sibi concessus auditor a nobis, citari iussit Presbyterum memoratum: eoque coram ipso minime comparente, cum nec procurator eius sepius requisitus litteras vellet accipere deferendas ad iudices, coram quibus obiecta contra sententiam probarentur, præmissa nobis ex ordine recitauit. Nos autem ... Priori S. Reparatz, ac M. Canonico Lucanis, iniunximus, vt eandem sententiam, quemadmodum erat iusta, executioni maderent. Sed idem Presbyter ex illa clausula, quemadmodum erat iusta, diffugij occasionem assumens, ad sedem apostolicam appellauit: propter quod sententia ipsa non extitit executioni mandata. Cum autem postea coram dilecto filio G. Subdiacono, & Capellano nostro, ad impugnandam supradictam sententiam, quasdam exhibuisset litteras venerabilis fratris nostri ... Episcopi Florentini, ex quibus colligi videbatur, quod prædictus Magister Z. tempore lata sententiæ fuerat excommunicationis sententia innodatus: litteris tamen ipsis circa tenorem atque sigillum appensum habitis manifestè suspectis, pronuntiauit Subdiaconus antedictus de consilio sapientum se predictum Presbyterum, qui diutius super ipso negotio litigando huiusmodi litteras nunquam duxerat exhibendas, contra supradictam sententiam nullatenus ulterius audiendum, perpetuum super hoc ei silentium imponendo. Et licet eidem Presbytero ab ipsa sententia prouocanti, dilectus filius S. Subdiaconus, & Capellanus noster fuerit post hæc concessus auditor, nunquam tamen per se, aut Procuratorem idoneum expectatus diutius, comparuit coram eo. Nuper etiam licet quidam laicus cui pro presbytero memorato clamanti dilectum filium Rinaldum Acolitum, & Capellanium nostrum concessimus auditorem, quoddam coram eo exhibuerit instrumentum, in quo in verbo veritatis idem Presbyter fatebatur se illa corporis infirmitate grauatum, quod sedem non poterat Apostolicam visitare, ad defensionem tamen illius nihil aliud allegauit. Volentes igitur finem imponi huiusmodi controuersie totiens suscitata, ne se predictus Presbyter luctum de tanta tergiversatione reportet: discretioni vestre per Apostolica scripta mandamus, quatinus eundem Presbyterum contra dictam sententiam nullatenus audientes, sententiam ipsam appellatione remota, executioni mandetis. Contradictores per censuram Ecclesiasticam compescentes. Datum Lateran. xvj. Kal. Decembris, Anno tertio decimo.

EPISTOLA CLXXIX.

COMPOSTELLANO ARCHIEPISCOPO.

Vi restituantur Monachi eiecti in Monaster. Lorbano, & illis iterum exclusis, Moniales primum à Regina Tarasia inductæ, reducantur.

CAVSAM quæ vertebatur inter ... Abbatem, & Monachos de Lorbano, ac Illustrem Reginam Tarasiam, post multas commissiones tibi duximus delegandam; qui diligenter in illa procedens, eam nobis remisisti sufficienter instructam. Nos igitur utriusque partis attestationibus, & allegationibus intellectis, ita duximus sententialiter prouidendum: vt quia constitit no-

bis præfatos Abbatem, & Monachos, per vim & metum fuisse coactos, Monasterium de Lorbanio deferere disponendum prædictæ Reginx. Quæ sicut conata fuerat ab initio, sic demum quasdam in illud Monachas introduxit, quas tanquam propriam familiam ibi continet, & gubernat, illis honestè remotis ab ipso, idem Abbas, & Monachi reducantur in illud, & restituantur ad plenum. Ita quod eius bona dilapidare non possint, debitis tamen ab ipsa Regina solutis, quæ propter iustas & moderatas expensas necessariò contraxerunt. Cum autem plenam fuerint restitutionem adepti, quia probatum est euidenter, prædictum Monasterium per eisdem Abbatem, & Monachos, multis, & magnis criminibus irretitos, in spiritualibus, & temporalibus esse collapsum: ipsi de illo protinus excludantur, & per Monasteria quæ bene sint ordinata, singuli collocentur, ut & locus inquinatus ab ipsis, ab eorum spurcitijs emundetur, & ipsi in locis alijs dignam agant penitentiam pro peccatis, quatinus hac adhibita prouidentia, nec libertas Ecclesiastica per sæcularem insolentiam ancilletur, nec enormes excessus remaneant incorrecti. Monasterio denique sic vacante; si prædicta Regina seruiore religionis accensa; voluerit illud à debitis liberando, tam in officiis, quam alijs necessarijs taliter præparare, quod conuentus quadraginta Monialium possit in eo secundum statuta Cisterciensis ordinis congruè sustentari: Moniales prædictæ de nostra licentia reducantur in illud, & secundum institutiones prædicti ordinis disponantur. Alioquin per honestos Monachos nigri ordinis, de diuersis Monasterijs assumendos, idem Monasterium reformetur. Volentes igitur, ut hæc quæ prouidè sunt statuta; per sollicitudinem tuam fideliter impleantur; fraternitati tuæ de qua plenam fiduciam obtinemus, per apostolica scripta præcipiendo mandamus: quatinus ea, sublatò cuiuslibet contradictionis & appellationis obstaculo facias adimpleri. Contradictores si forsitan apparuerint, siue mulieres fuerint, siue viri, per censuram Ecclesiasticam compescendo. Quod si prædicti Abbas, & Monachi secundum præscriptam formam redire noluerint, tu in cæteris mandatum apostolicum prosequaris. Datum Lateran. xvij. Kal. Decembris, anno xij.

EPISTOLA CLXXX.

NOBILI MULIERI B. COMITISSÆ CAMPANIÆ.

Compositionem inter eam, & Philipp. Franciæ Regem confirmat.

QUANTIS petentium desiderijs dignum est nos facilem præbere consensum, & vota quæ à rationis tramite non discordant, effectu prosequente complere. Ea propter, dilecta in Christo filia, tuis iustis postulationibus grato concurrentes assensu, compositionem inter te accharissimum in Christo filium nostrum Philippum Regem Francorum Illustrem, super custodia nati tui, & ab ipso nato eidem Regi hominio faciendo, & quibusdam alijs articulis initam, sicut prouidè facta est, & ab utraque parte sponte recepta, & iuramento firmata, & in authenticis exinde confectis plenius continetur, auctoritate apostolica confirmamus, & præsentis scripti patrocinio communimus. Nulli ergo omnino hominum liceat hanc paginam nostræ confirmationis infringere, vel ei ausu

temerario contraire. Si quis autem hoc attentare præsumpserit indignationem omnipotentis Dei, & Beatorum Petri & Pauli Apostolorum eius se noverit incursurum. Datum Lateran. x. Kal. Decembris, Anno xiiij.

EPISTOLA CLXXXI.

EPISCOPO TIBURTINO.

Respondet eius consultationi, quòd prima mulieris voci standum est, licet postea filium ex alio se concepisse iuret.

PER tuas nobis litteras intimasti, quòd cùm T. Tiburtinus Cuius, quandam per septennium habuerit concubinam, nec prolem interim suscepit ex eadem: ac ipsa postmodum diuertens ab eo, ad ipsum post non multum temporis rediisset, filium quem seuerfa in domum ipsius peperit, ex eo se asseruit suscepisse. Qui licet à principio dixerit illum nequaquam filium suum esse, cum mulier illa per septennium eidem cohabitans, ex eo minimè concepisset; mulieris tandem, & aliorum deuictus instantia, eum suum filium recognouit Rainaldum eum nomine appellando. Cùm autem idem R. ad virilem peruenisset ætatem, ac domum Saturnellæ sororis ipsius T. frequentaret, quæ ipsum nepotem suum publicè nominabat, & Sophiam ipsius Saturnellæ filiam, cum qua quotidianam conuersationem habuerat, in vineam inuenisset; arauit, & carnaliter cognouit eandem. Quod cùm peruenisset ad notitiam Saturnellæ, acriter increpauit vtrumque, & apud se filiam retinens, supradictum R. remouit à domo. Cùm autem mater ipsius R. accepisset, quòd pater eiusdem Sophiæ dicto R. grauiter minabatur, in Ciuitatis platea iurauit publicè coram multis, quòd Rainaldus supradictam Sophiam propinquitatis linea minimè contingeret, affirmans sub virtute præstiti iuramenti; se de alio, quàm de supradicto T. antefatum suscepisse Rainaldum. Cùm ergo nos duxeris consulendos, an mulieris assertioni standum sit in hac parte, & an memoratus R. supradictam Sophiam habere valeat in vxorem. Insinuatione tibi præsentium respondemus, quòd cùm idem R. quem dicta mulier filium dicti T. primitus cõstanter asseruit, & ille ipsius præcipuè deuictus instantia ipsum suum filium publicè recognouit: filius dicti T. nominatus communiter fuerit, & habitus ab ambobus; eiusdem mulieris iurationi postmodum in contrarium præstitæ non est standum: cùm nimis indignum sit iuxta legitimas sanctiones, vt quod sua quisque voce dilucidè protestatus est, id in eundem casum proprio valeat testimonio infirmare. Vnde apparet per consequentiam, quòd prædictus R. memoratam S. cuius prima facie præsumitur consobrinus, habere non potest aliquatenus in vxorem. Datum Lateran. v. Kal. Decembris, Pontificatus nostri, Anno xiiij.

EPISTOLA CLXXXII.

ABBATI S. VICTORIS CANCELLARIO ... ET DECANO S.
MARCELLI PARISIEN.

*Contra Archipresbyterum S. Iacobi, qui sententia lata, de reddenda
medietate prouentuum Ecclesie S. Iacobi Monachis S.
Martini de Campis, non obtemperans
excommunicatus erat.*

CVM causam quæ inter Monasterium Sancti Martini de Campis, & Archipresbyterum Ecclesie Sancti Iacobi Parisien. cuius ius patronatus ad ipsum Monasterium pertinet, super medietate prouentuum eiusdem Ecclesie, quam in ea sibi Monasterium vendicabat dilecto filio Abbati S. Iohannis de Vallera ... Archidiacono, & ... Cantori Carnoren. olim duxerimus committendam. Ipsi demum de meritis cause redditi certiores, habito prudentum consilio, supradictum Archipresbyterum ad credendum annuatim Monasterio antefato medietatem omnium prouentuum Ecclesie S. Iacobi condemnarunt. Super qua sententia cum tam coram iudicibus delegatis à nobis, quam coram nobis diutius fuerit litigatum: nos demum ijs quæ utraque pars proposuit intellectis, de fratrum nostrorum consilio, sententiam prædictorum iudicum approbantes, Archipresbyterum antedictum super medietate omnium prouentuum Ecclesie sue annuatim Monasterio S. Martini reddenda, sententialiter meminimus condemnasse. Dilecto filio ... Abbati, & ... Priori S. Germani de Pratis, & Magistro R. de Corzon. Canonico Parisien. nostris dantes litteris in mandatis; vt quod fuit à nobis sententialiter diffinitum, facerent appellatione remota inuiolabiliter obseruari: contradictores per censuram Ecclesiasticam compescendo. Cum autem Archipresbyter, sicut executores ipsi, per suas nobis litteras intimarunt, sæpè dictam prouentuum medietatem Monasterio integraliter soluere detractaret, & ad querimoniam Monasterij eius sæpius iteratam, ipsi Archipresbyterum pluries monuissent, vt Apostolico mandato parendo, à Monasterij super hoc inquietatione cessaret, ac eidem satisfaceret de subtractis, & id postea sub excommunicationis pœna ei sæpe mandassent. Quia tamen Archipresbyter eorundem monitis vilipensis nostræ præsumebat sententiae obuiare, Parrochianos suos contra Monachos S. Martini ad Ecclesiam S. Iacobi pro suis accedentes iustitijs nequiter incitando, eum excommunicationis vinculo innodarunt, facientes per dilectum filium Archidiaconum Parisien. in vniuersis Parisiensibus Ecclesijs excommunicatum publicè nuntiari. Vnde cum nuper idem Archipresbyter ad nostram præsentiam accessisset, recepto ab ipso corporaliter iuramento, iuxta formam Ecclesie ipsi fecimus beneficium absolutionis impendendi; firmiter iniungentes eidem, sub debito præstiti iuramenti, vt medietatem omnium prouentuum Ecclesie S. Iacobi nulla prorsus vel pro expensis, vel pro alia causa deductione facta, reddat integraliter annuatim Monasterio memorato. Quocirca discretioni vestræ per apostolica scripta mandamus: quatenus faciatis idem sublato appellationis obstaculo adimpleri. Contradictores si qui

fuerint, vel rebelles per censuram Ecclesiasticam compescerent. Ita videlicet quod si dictus Archipresbyter mandato nostro præsumpserit ulterius obuiare, tam pro periurio, quam pro præsumptione huiusmodi ipsum appellatione remota poena canonica castigetis. Quod si non omnes, &c. Duo vestrum ea, &c. Datum Lateran. ij. Kal. Decembris, anno xij.

EPISTOLA CLXXXIII.

ARCHIEPISCOPI ET EPISCOPI PER HISPANIAM CONSTITVTIS.

Vi ad subsidium Regis Castella contra Sarracenos Christianos Principes, & subditos exhortentur.

SIGNIFICAVIT nobis dilectus filius F. Primogenitus charissimi in Christo filij nostri A. Illustris Regis Castellæ: quod ipse militiæ suæ primitiis omnipotenti Deo desiderans dedicare, ad exterminandum inimicos nominis Christiani, de finibus hereditatis ipsius, quam impiè occuparunt, intentionis studium totò conamine satagit impetiri, suppliciter postulans, & deuotè requirens, vt ei ad hoc opus fideliter cõsummandum, & nos ipsi apostolicum impendamus suffragium, & ab alijs faciamus opportunum subsidium exhiberi. Nos igitur pium eius propositum in Domino commendantes fraternitati vestræ per apostolica scripta mandamus: quatenus Reges, & Principes vestros, qui non sunt cum illis ad treugas obseruandas astricti, ad opus simile peragendum sedulis exhortationibus inducat, monentes ex parte Dei, & nostra, subditos vestros, & in remissionem eis omnium peccaminum iniungentes, quatenus tam præfato primogenito Regis Castellæ, quam alijs Regibus, & Principibus vestris ad hoc opus salubriter intendentibus necessarium impendant auxilium in rebus pariter & personis: vt per hæc, & alia bona quæ fuerint cœlestis Regni gloriam consequi mereantur. Pari quoque remissione gaudere concedimus peregrinos, qui propria deuotione vnde cumque processerint ad idem opus fideliter exequendum. Taliter autem studeatis exequi quod mandamus, vt sollicitudo vestra clareat in effectu; nosque deuotionem vestram valeamus meritò commendare. Datum Lateran. iij. Idus Decembris, anno xij.

EPISTOLA CLXXXIV.

CONSTANTINOPOLITANO PATRIARCHÆ.

Vi Latinos moneat ne Græcis præsertim Micalicio, & alijs adhæreant quorum hic multa nefaria narrantur.

EX litteris charissimi in Christo fili nostri .: H. Constantinopolitani Imperatoris Illustris nostro est Apostolatui referatum, quod Micalicius fidelitate quam eidem præstiterat Imperatori contempta, hominibus eius minimè diffidatis, & spreto nihilominus iuramento quod eidem Imperatori, & E. . fratri eius, cui idem M. filiam suam primogenitam tradiderat in

uxorem, præstiterat A. Imperij Comestabulum cum Militibus, & alijs vsque centum in dolo capiens quosdam flagellauit ex eis, quosdam retrusit in carcerem; & quibusdam nequiter interfectis, Comestabulum ipsum cum tribus alijs, & Capellano suo, quod est horribile dictu, suspendit in Cruce. His autem ad nequitiam postmodum animatus, Latinorum fretus potentia, qui cupiditate cæcati, ad ipsum Michaliciu cõfugerunt, castra eiusdem Imperatoris obsedit, villas combussit, & omnes Latinos Presbyteros quos capere potuit, & quendam electum in Præfulem, & etiam confirmatum fecit capitibus detruncari. Præterea Lascharus, qui pro Imperatore se gerit stipatus viribus Latinorum, qui postpositis Dei timore, ac hominis reuerentia, spretis etiam stipendijs quæ idem Imperator ipsis poterat exhibere, ab inimicis eius recipere maiora, quàm ipse illis valeat erogare: quendam de principibus eius cepit, & vt dicitur excoriati fecit eundem. Quia verò si Græci recuperarent Imperium Romanæ, terræ sanctæ succursus penè pænitus impedirent, ne occasione succursus ipsius iterum perderent locum, & gentem; cum & antequam idem Imperium à Græcis translatum fuerit, ad Latinos ipsi à nobis sæpe moniti, & rogati nunquam terræ sanctæ voluerint subuenire: quin etiam Isachius Imperator ob gratiam Saladini fieri fecerit in vrbe Constantinopolitana Meskitam. Et quia si possent exterminare Latinos, in Apostasie suæ vitio fortius perdurarent, in odium Latinorum, quos etiam nunc canes appellant, sicque nouissimus error fieret peior priore; cum submurmurare non cessent, quòd per apostolicæ sedis ingenium, exercitus Latinorum in Constantinopolim declinauerit captiuandam. Fraternitati tuæ per apostolica scripta mandamus: quatenus Latinos diligenter moneas, inducas, & eis sub pœna excommunicationis iniungas; ne Græcis eo præsertim præfato Michalicio, qui faciendo necari Presbyteros laqueum excommunicationis incurrit, contra Imperatorem prædictum, vel fideles ipsius auxilium præbeant, vel fauorem commonens, nihilominus Imperatorem eundem, vt ipsis congrua stipendia subministret, ne se ad Græcos transferre præinopia compellantur, Illos autem qui tua monitione contempta, Græcis contra eundem Imperatorem, & fideles ipsius præsumperint adhærere, per censuram Ecclesiasticam appellatione remota compescere non postponas, ita quod sententias quas propter hoc tuleris in eisdem, nullus relaxare præsumat, nisi de mandato sedis apostolicæ speciali. Datum Lateran. vij. Idus Decembris, Pontificatus nostri, anno tertio decimo.

In eandem modum scriptum est, Archiepiscopis, Episcopis, & dilectis filijs vniuersis Prælati Romanæ, per totum vsque captiuanduni, discretioni vestræ per apostolica scripta mandamus; quateus, &c. In eundem fere modum, vt in alia, vsque compescatis. Ita vt siquid propter hoc laqueum excommunicationis incurrerunt, & postmodum redierint ad cor, offerentes se mandatis Ecclesiæ parituros, auctoritate præsentium, iuxta formam Ecclesiæ ipsis absolutionis beneficium impendatis. Datum Lateran. vij. Idus Decembris, Anno tertio decimo.

EPISTOLA CLXXXV.

SALIMBRIEN. EPISCOPO, ET S. MARIE DE BLAHERNA, ET S. GEORGII
DE MANGONIA DECANIS CONSTANTINOPOLITANIS.

*Vi Verisensis Archiepiscopo Mendensem Ecclesiam vacantem committant,
si de eius Prouincia, & eam vacare constiterit.*

CVM Ecclesia Verisensis, quæ Metropolitica est prædita dignitate, in
reditibus sit exilis, ne præ nimia paupertate in ea nomen Episcopale
vilescat, nobis fuit humiliter supplicatum, vt Meden. Ecclesiam, in eius
Prouincia constitutam, eidem adiungere dignaremur, cum nondum quisquam
eius regimini sit præfectus. Quocirca discretioni vestræ per Apostolica scripta
mandamus: quatenus si eam vacare, ac de ipsius Prouincia esse constiterit, cu-
ram eiusdem dilecto filio ... Varisien. electo auctoritate apostolica committa-
tis; vt eam teneat commendatam, donec de illa nos vel successores nostri aliter
duxerimus disponendum. Ita quod distrahendi, vel alienandi quoquo modo
possessiones ipsius, nullam habeat pœnitens potestatem. Contradictores per cen-
suram Ecclesiasticam appellatione postposita compescendo. Quod si non
omnes, &c. Tu ea frater Episcopo cum eorum altero, &c. Datum, vt in alia
per totum.

EPISTOLA CLXXXVI.

SALIMBRIENSI EPISCOPO

*Vt super decimis, & quintis decimis inter panos Patriarcham, & Clerum
diuidendis, arbitretur cum alijs duobus à parribus electis.*

CVM Clerici præ nimia paupertate non valeant, sicut dicitur, apud Con-
stantinopolim remanere; nobis fuit humiliter supplicatum, quatenus de-
cimas, & quintas decimas inter ven. fratrem nostrum Constantinopoli-
tan. Patriarcham, & ipsos Clericos diuidi congruè faceremus; vt de ipsis valeant
sustentari. Quocirca præsentium tibi auctoritate mandamus, quatenus duobus
tecum assumptis, quorum vnus ab eodem Patriarcha, & alter ab ipsis Clericis
eligatur, componas vnâ cum illis, super his, si fieri poterit infra mensem ami-
cabiliter inter eos, alioquin ex tunc, tu, & illi vsque ad aduentum Legati, quem
ad partes illas in breui proponimus destinare, super eis auctoritate nostra subla-
to appellationis obstaculo, de plano sine strepitu litis, prouidè arbitremini,
quod vtrique parti videritis expedire. Ita quod si non omnes potueritis concor-
dare, quod duo vestrum statuerint robur obtineat firmitatis. Contradictores
per censuram Ecclesiasticam, appellatione postposita compescendo. Quod si
alterutra partium noluerit eligere arbitrium, tu nihilominus cum eo qui fuerit
electus à reliqua præscripto modo procedas. Datum Lateran. vij. Idus Decem-
bris, Pontificatus nostri, Anno xij.

EPISTOLA CLXXXVII.

PALENTIN ET BURGEN. EPISCOPIS, ET ABBATI DE MORIMYNDO
CISTERCIEN. ORDINIS.

Ne Abbatissa moniales benedicant, & publicè prædicent.

NOVA quædam nuper, de quibus miramur non modicum, nostris sunt auribus intimata, quod Abbatissæ videlicet in Burgen. & Palentin. Diocesisbus constitutæ Moniales proprias benedicunt, ipsarumque confessiones criminalium audiunt, & legentes Euangelium præsumunt publicè prædicare. Cùm igitur id absonum sit pariter, & absurdum, nec a nobis aliquatenus sustinendum: discretioni vestræ per Apostolica scripta mandamus; quatenus ne id de cætero fiat, auctoritate curetis Apostolica firmiter inhibere. Quia licet Beatissima Virgo Maria, dignior, & excellentior fuerit Apostolis vniuersis, non tamen illi, sed istis. Dominus clauis regni cælorum commisit. Datum Lateran. iij. Idus Decembris, Anno xij.

EPISTOLA CLXXXVIII.

NOBILI VIRO COMITI TOLOSAN.

Vt iuxta promissionem Hæreticos de suis terris ejiciat.

NON decet tanti nominis virum, supra iustis promissionibus suis desistere, vel tepere, quin eas sic studiosus adimpleat, prout factas sibi desiderat promissiones impleri. Cùm igitur de terris tuis hæreticos promiseris amouere, miramur non modicum, & dolemus, quod ipsi adhuc in terris eisdem, sicut accepimus tua faciente negligentia, ne te permittente dixerimus, commorantur. Quia verò præter animæ tuæ periculum, quod ex hoc posses incurrere, graue famæ tuæ dispendium patereris: nobilitatem tuam rogamus, monemus attentius, & hortamur, per Apostolica tibi scripta mandantes; quatenus exterminate à tetris eisdem hæreticos, prout te coram nobis promisisse recolimus, non postponas. Alioquin exterminatoribus eorundem, terras ipsorum noueris esse concessas diuino iudicio possidendas. Datum Lateran. xvj. Kal. Ianuarij, Anno xij.

EPISTOLA CLXXXIX.

NOBILI VIRO S. COMITI LEICESTRIÆ DOMINO MONTISFORTIS.

Vt censum Apostolicum de terris hæreticorum exigat.

VT tuæ nobilitatis deuotio, quam expertam habemus in multis, nobis sit semper obnoxior: ea tibi duximus cōmittenda per quæ nobis, & Apostolicæ sedi possis, & debeas ampliùs complacere. Idcoque nobilitati tuæ, de qua plenè confidimus, per Apostolica scripta mandamus, quatenus cum fide-

liorem te non possumus in ipsis partibus inuenire, istud onus pro nobis assumas, vt censum trium denariorum quos de vnaquaque domo, de terra contra hæreticos acquisita, sedes apostolica debet recipere annuatim, fideliter colligas, & reserues: ipsum nobis per fidelem nuntium transmissurus, vel assignaturus eis, quibus per nostras litteras tibi duxerimus iniungendum. Datum Lateran. xv. Kal. Januarij, Anno xiiij.

EPISTOLA CLXXXX.

PHILIPPO ILLUSTRI REGI FRANCORVM.

Vi Episcopus Aurelian. & Antisiodoren. restituat Regalia Saissita.

CVM alij Reges, & principes rationes, & libertates Ecclesiasticas persequuntur, nos, fili christianiissime, te illis obijcimus in exemplum; quod eas in regno tuo custodis illæsas, propter quod & Dominus iustus iudex, te, ac regnum tuum hæcenus custodiuit illæsum, quin etiam magnificè augmentauit, nec augmentare, ac custodire desistet, quandiu tu, & hæredes tui fideliter curaueritis in hoc laudabili proposito permanere; quod & apud Deum est meritorium, & apud homines gloriosum. Nam si ad Regna vicina pariter, & remota oculis tuæ considerationis extendas, manifestè videbis quàm grauius Deus illa contriuerit, quorum rationes, & libertates Ecclesiasticas infringere præsumpserunt. Nuper autem, quod dolentes referimus, nostris est auribus intimatum, quod tua Regalis sublimitas contra ven. fratres nostros Antisiodoren. & ... Aurelianen. Episcopos indignata; rem agi præcepit non vtrique sui moris, sed nec etiam sui iuris, dum eorum saissiri fecisti regalia, immo etiam quædam alia, præter illa; cùm nec dum de aliquo forisfacto confessi fuerint, vel conuicti, nec etiam ad satisfaciendum commoniti, vel inducti: leui occasione prætexta, quod quidam eorum milites in tuo exercitu constituti ad locum quem eos adire præceperas, ire cum alijs noluerunt, absentibus eisdem Episcopis per licentiam à te liberaliter impetratam. Et cùm tam per seipsos, quàm etiam per venerabiles fratres nostros Senonen. Archiepiscopum, & Coepiscopos suos tibi humiliter supplicauerint, vt faceres eis reddi regalia sic subtrahæta, paratis postmodum curæ tuæ subire iudicium, sicut in talibus fieri consueuit. Tū supplicationes eorum admittere noluisti, sed cogis eos miserabiliter exulare; propter quod ipsi de prudentum virorum consilio, terram tuam in eorum Diocesibus constitutam supposuerunt Ecclesiastico interdicto, sed nec sic potuerunt à te satisfactionem aliquam obtinere, inde coacti sunt Apostolicum patrocinium implorare. Quocirca serenitatem tuam rogandam duximus, & monendam in remissionem tibi peccaminum iniungentes; quatenus pro diuini nominis gloria, & apostolicæ sedis honore facias præfatis Episcopis subtrahæta restitui vniuersa, & eos secundum consuetudinem approbatam iustè ac modestè tractari. Donando nobis intercedentibus pro Deo, & propter Deum si quam præfati Pontifices aduersum te cômiserunt offensam; ne hac occasione contingat inter regnum, & Sacerdotium scandalum exoriri, quia nos in maioribus tibi curabimus grata fauente Domino vicissitudine respondere. Datum Lateran. xvij. Kal. Januarij, Pontificatus nostri, Anno xiiij.

EPISTOLA CLXXXXI.

ARCHIEPISCOPO, ET SVFFRAGANEIS ECCLESIAE SENONEN.

Super eodem.

SCRIBIMVS charissimo in Christo filio nostro Ph. Illustri Regi Franco-
rum, quòd cùm alij Reges, & Principes rationes, & libertates Ecclesia-
sticas persequuntur: Nos eundem Regem illis obijcimus in exemplum,
quòd eas in regno suo custodit illas; propter quod, & Dominus iustus iudex
ipsum, &c. ... in eundem ferè modum, vt in alia vsque in finem. Quocirca fra-
ternitati vestræ per Apostolica scripta præcipiendo mandamus; quatenus præ-
fatum Regem ad hoc moneatis prudenter, & efficaciter inducatis, quod super
his Deo & Ecclesiæ satisfaciatur vt tenetur impendentes, auctoritate nostra sufful-
ti prædictis Episcopis in iure suo consilium & auxilium oportunit, ne vigor
Ecclesiasticæ libertatis per nouæ præsumptionis insolentiam violetur. Datum,
vt in alia per totum.

EPISTOLA CLXXXXII.

ATHENIEN. NEOPATREN. ET LARISSEN. ARCHIEPISCOPI, ET DAVALIEN.
FERMOPILEN. AVALONEN. SYDONIEN. CASTORIEN. ET
ZARATORIEN. EPISCOPI, ET THEBAN. CITREN.
NAZORESCEN. ET VALACEN. ELECTIS.

*Confirmantur resignationes Ecclesiarum facta per nobiles
terra Thessalonicensis,*

CVM à nobis petitur quòd iustum est, & honestum, tam vigor æquitatis,
quàm ordo exigit rationis, vt id per sollicitudinem officij nostri ad debi-
tum perducatur effectum. Ea propter venerabiles fratres Archiepiscopi,
& Episcopi, & dilecti in Domino filij Electi vestris iustis precibus inclinati, re-
signationem Ecclesiarum, Monasteriorum, possessionum cum pertinentijs suis,
necnon etiam presbyterorum, & Ecclesiasticarum personarum cum omni iurè
suo; quam Nobiles viri Principes & Barones commorantes à confinio Thessa-
lonicen Regni vsque Corinthum in manus ven. fratris nostri ... Constantino-
politani Patriarchæ, cõsentiente, ac approbante charissimo in Christo filio no-
stro H. Constantinopolitan. Imperatore Illustri (saluo tamen terrarum Censu,
qui Crustica Græco vocabulo nuncupatur, & dudum soluebatur à Græcis) vna-
nimi voluntate fecerunt: sicut prouidè facta est, & vos eam iustè ac pacificè ob-
tinetis, vobis, & per vos Ecclesijs vestris auctoritate Apostolica confirmamus, &
præsentis scripti patrocinio communimus. Nulli ergo omnino hominum liceat
hanc paginam nostræ confirmationis infringere, vel ei ausu temerario con-
traire. Si quis autem hoc attentare præsumperit, indignationem omnipoten-
tis Dei, &c. vsque incursum. Datum Lateran. xij. Kal. Ianuarij, Anno xijj.

EPISTOLA CLXXXIII.

S. G. POTESTATI, CONSILIARIIS, ET VNIVERSO POPVLO PISANIS.

*Quod non dent fauorem O. Imperatori excommunicato in
acquirendo regno Sicilia.*

PER vestras nobis litteras intimastis, quod cum Sacrosanctæ Romanæ Ecclesiæ in omnibus, & per omnia fidelissimi extiteritis hætenus, & illæsa modis omnibus seruaueritis iura eius, credere non debuimus quod Apostolicæ sedis iura velletis, sicut nec conuenit, vsurpare; ad cuius honorem, atque profectus tantò vos decet intendere, quantò Ciuitas vestra per eam maiora dignoscitur commoda recepisse. Adjicientes quod mirari non debuimus, vel moueri, si nobilem virum .. Marchionem Calaritan. quem ad iurisdictionem diximus Apostolicam pertinere, super quæstionibus quæ pro parte communitalis, vel specialium personarum contra ipsum plerumque mouentur, ad examen nostrorum permisistis iudicum euocari. Nam idem Marchio, cum vester ciuis existat, & de vestra sit Ciuitate, in qua domicilium obtinet, oriundus, & pater ac auus eius vestri conciues extiterint; super quibusdam conventionibus, quas cum plerisque vestris Ciuibus Pisis fecit, fori præscriptione nequaquam opposita, nec aliquo priuilegio allegato, coram vestræ Ciuitatis iudicibus, voluntariè suscepit iudicium, sicut Ciuis: & lite postea contestata spontè subiuit calumniæ iuramentum, ita quod mutuis interrogationibus, & responsionibus interpositis, aliquatenus habuit dicta causa processum. Vnde cum de iurisdictione Sardinie, nulla fuerit quæstio ab ipsius Marchionis parte tractata, & non suum iudicem quisque suum faciat eius sponte iudicium subeundo, non est verisimile quod coactus extiterit sub vestrorum examine iudicum super aliquibus quæstionibus respondere: propter quod iuxta quod scripsimus, non creditis nos scripsisse, si quæ præmissa sunt ad nostram noticiam peruenissent. Cum itaque de nostra misericordia, sicut filij, & famuli fidelissimi super his omnibus confidere vos dicatis, nobis humiliter supplicastis, vt aures nostras vestris precibus inclinantes super his quæ ven. fratri nostro Florentino Episcopo super facto dicti Marchionis iniunximus, vobis & Ciuitati vestræ dignaremur taliter providere: quod in excommunicationis sententiam incidere non possetis, & promptissimos vos semper inueniremus ad nostra mandata, & beneplacita exequenda. Ex his itaque, quod gaudentes referimus, si dictis facta respondeant, intelleximus euidenter, quod beneficiorum Apostolicæ sedis esse non vultis ingrati; nec iurisdictionem vobis in Sardiniam vendicare, seu etiam excommunicationis sententia innodari. Verum si proposito illi duxeritis insistendum, vt contra nos, & Romanam Ecclesiam O. dicto Imperatori excommunicato & maledicto, qui qualem post factum benefactoribus suis vicem rependat opera manifestant, impenderitis auxilium ad Regnum Siciliæ occupandum, nec ingratitudinis vitium, neque pœnam, ob hoc contra vos, & Ciuitatem vestram statutam, nec etiam excommunicationis sententiam possetis proculdubio euitare. Quocirca deuotionem vestram rogamus attentius, & monemus per Apo-

stolica vobis scripta mādantes; quatenus tam saluti vestræ, quàm famæ, necnon etiam vtilitatibus vestris providere consulentes, taliter in deuotione Romanæ Ecclesiæ persistere studeatis, ab eiusdem excommunicationi vos auxilio subtrahendo, à cuius fidelitate, iam estis per censuram Canonicam, & denuntiationem Apostolicam absoluti, vt nec notam ingratitudinis, nec excommunicationis sententiam seu pœnam aliam incurrat. Nos enim non mutamus, sed roboramus sententiam, quam per alias vobis litteras fecimus intimari. Super eo verò, pro quo nobis humiliter supplicastis, vt providere vobis super mandato, quod dicto Episcopo fecimus dignaremur. Ita duximus providendum, quòd eidem Episcopo nostris damus litteris in mandatis, vt audiat super excusationibus vestris, & his quæ proposita fuerint ex aduerso, quæ vtraque pars duxerit proponenda, & illa nobis, dummodò interim vos contra mandatum nostrum minime procedatis, fideliter intimare procuret: vt vtriusque partis rationibus intellectis, quod statuendum fuerit, statuamus. Illud autem pro certo noueritis, quia sicut iurisdictionem nostram nobis subtrahi nolumus, ita rationem vestram vobis volumus conferuari. Ne fortè quod absit inde nascantur iniuriæ, vnde iura nascuntur. Datum Lateran. xj. Kal. Ianuarij, Anno xiiij.

Scriptum est super hoc Episcopo Florentin. in eundem ferè modum, vt in alia, vsque in finem, verbis competenter mutatis. Alioquin in negotio ipso procedas, iuxta quod per alias tibi litteras est iniunctum.

EPISTOLA CLXXXIII.

GIMVNDI MILITI ALATRINO.

Probato Clerici patrimonio, ab Ecclesia pulsatione eius heredes absoluit.

CVM inter Ycononum S. Stephani de Alatro, ac te, nomine bonæ memorie Heleazari Canonici S. Pauli Alatrin. super acquisitionibus præfati Heleazari coram ven. fratre nostro Verulan. Episcopo ex delegatione nostra, quæstio verteretur. Idem auditis hinc inde propositis, receptis testibus, & eorum depositionibus publicatis, causam ipsam ad nostrum remisit examen sufficienter instructam. Tibi ergo & procuratori præfati Yconomi in nostra præsentia cõstitutis, dilectum filium nostrum A. Subdiaconum, & Capellanium nostrum concessimus auditorem. Coram quo proposuit procurator Yconomi antedicti, sicut & propositum fuerat coram Episcopo memorato; quòd cum Heleazarus memoratus administrationem, & prælaturam habuerit in præfata Ecclesia Sancti Stephani, de bonis eius disponens pro suæ arbitrio voluntatis, & antequam in ipsa Ecclesia fuerit institutus, pauper extiterit, & postmodum acquisierit plurima, diues factus, præsumi non immerito poterat, quòd de bonis ipsius Ecclesiæ illa fuerat acquisita: quod tam per depositiones testium qui duxerint dictum Heleazarum defraudasse plura de bonis Ecclesiæ supradictæ, ac ea in suis acquisitionibus erogasse, quam etiam per famam publicam astruere nitebatur. Vnde dicebat ea quæ dictus Heleazarus acquisierat, ad eandem Ecclesiam pertinere, postulans illa, terras videlicet de Pedemotis in Acolis de Torreta, & ante sanctum Quintianum à flumine, ac domum quam tenet

Grimaldus,

Grimaldus, adiudicari eidem. Quia etsi expressè illa in initio causæ petita non fuerint, quia tamen ea constat sèpèdictum Heleazarum habuisse: cùm ipsius acquisita petita extiterint, & hæc acquisisse de bonis Ecclesiæ præsumatur, ea merito intelliguntur fuisse petita. Nec obstare dicebat, quòd dictus E. fuerat ad Ecclesiam Sancti Pauli translatus, cùm simplex tantum Canonicus ibidem existens, in tantum tenues redditus recepit ab ipsa, quòd ex ipsis vix sibi poterat in necessarijs providere; ne dum quod exinde potuerit, tot & tantas possessiones emisse. Adjiciens etiam privatz personæ prodesse nò posse, si de bonis secundæ Ecclesiæ fuerunt aliqua acquisita. Porro ex parte tua fuit propositum ex aduerso; quòd super petitione incerta certa sententia non poterat promulgari, sed potius debebas absolui, cùm contra te probatum non extiterit quicquam certum. Nam quod vel quàtum de bonis Ecclesiæ S. Stephani præfatus Heleazarus in suis acquisitionibus erogarit, nec per testes, nec modo aliquo est ostensum. Præterea cum sèpèdictus Heleazarus à supradicta Ecclesia S. Stephani fuerit ad Ecclesiam S. Pauli translatus, & quoddam feodum obtinuerit ab eadem, in qua per triginta s. r. annos permansit, & in quibusdam bonis successerit patri suo, ex quorum prouentibus possessiones aliquas comparauit, sicut testes tui deposuerant euidenter: elisa erat præsumptio quam opposuit pars aduersa, cùm constet eundem Heleazarum aliundè bona quæ habuit acquisisse, præsertim cùm eum habuisse, vel acquisisse aliquid non probetur, dum in prima Ecclesia resideret, sed eo potius tempore quo in secunda permansit. Vnde si pro aliqua illarum Ecclesiarum præsumi deberet, præsumendum esset potius pro secunda: propter quod ab ipsis impetitione postulabas absolui. Nos igitur his & alijs quæ fuerant proposita coram auditore prædicto per relationem ipsius plenius intellectis: Te ab impetitione Yconomi memorati, & ipsius Ecclesiæ S. Stephani super acquisitionibus memoratis sententialiter absoluentes, perpetuum illis silentium imponimus super eis. Nulli ergo omnino hominum liceat hanc paginam nostræ definitionis infringere, vel ei ausu temerario contraire. Si quis autem, &c. vlsque, incursum. Datum Lateran. xij. Kal. Ianuarij, Anno tertio decimo.

EPISTOLA CLXXXXIV.

LAONIEN. ET ... FINDBAREN. EPISCOPIS, ET ABBATI DE MAGIO
LIMIRICEN. DIOECESIS.

*Monet quod faciant obseruari ordinationem saltam de Vv. Ymilicen
Electo, quòd indebitè sit ad ordines promotus, &
illicitè electus.*



ILECTVS filius Vv. Ymilicen. Canonicus nostro dudum Apostolatu referauit: quod Ymilicen Ecclesia suo viduata pastore, Concanonici sui de substituendi pastoris electione tractantes, ipsum vnanimiter elegerunt. Qui cùm esset citra sacros ordines constitutus, ven. frater noster Cassellen. Archiepiscopus Metropolitani eorum, Episcopo Rossen mandauit, vt eum vno eodemque die ad tres sacros ordines promoueret; quòd

cum ille non ausu proprio, sed de mandato ipsius Archiepiscopi perfecisset, demum idem Archiepiscopus requisitus, consecrationis ei munus, huiusmodi ordinationis occasione prætenſa impendere recusauit. Vnde fuit nobis humiliter supplicatum, vt super hoc circa præfatum. Vv. dignaremur de benignitate sedis Apostolicæ dispensare. Maxime cum ad ordines ita suscipiendos, non ex voluntatis propriæ diceretur festinantia properasse, sed tam de magna necessitate, quàm de vtili prouidentia penè omnium ibi persentium se permiserit taliter ordinari: pro eo quod Ecclesiæ Ymilicen. multiplex periculum imminebat, si eiusdem Vv. citra Presbyteratus officium ordinatio differetur. Licet autem contra normam Ecclesiasticam in facto ipso enormiter fuisset excessum, de misericordia tamen quæ super exaltat iudicio ven. fratri nostro Armachano Archiepiscopo, & ... Episcopo Miden. & dilecto filio archidiacono Armachan. dedisse recolimus in mandatis. Vt inquisita super præmissis diligentius veritate, si rem inuenirent taliter se habere, ac eundem Vv. aliàs idoneum, & vtilem Ecclesiæ Ymilicen. dispensatiuè ipsi tribuerent licentiam consecrandi: & quidquid in hoc per eundem inuenirent archiepiscopum attentatum, per suas nobis litteras intimarent; vt per eorum relationem certiores effecti, prouidere in eo, sicut esset expediens, curaremus. Ipsi verò vocatis, quos nouerant euocandos, & inuestigata plenius veritate, depositiones testium productorum vtrimque ad nostram præsentiam transmiserunt. Quibus inspectis intelleximus euidenter: quòd celebrata de prædicto Vv. electione, cum die sequenti fuisset idem Vv. à supradicto Roffen. Episcopo ad ordinem Subdiaconatus promotus; idem Episcopus archidiacono, & Canonici Ymilicen. seorsum vocatis dicens, quòd propter turbationē terræ ac multos maliuolos, qui eidem Vv. insidias præparabant, nolebat ipsum citra ordinem Presbyteratus relinquere. Iuramento firmauit id supradictum archiepiscopum, tam metu mortis ipsius Vv. quàm propter imminens periculum Ymilicen. Ecclesiæ præcepisse; & quòd Officialis eiusdem archiepiscopi, ex parte ipsius, Episcopo memorato inhiuit, ne iam dictum Vv. iam in Subdiaconum ordinatum, tunc ad vltiores ordines promoueret. Cui eodem Episcopo respondente, quòd plus Archiepiscopo, quòd hoc ei ore suo mandauerat, quàm illi crederet in hac parte; extensa super altare manu per Sacrosancta iurauit, quòd id mandauerat archiepiscopus sæpeditus, & sic in Diaconem, & presbyterum Vv. sæpeditum promouit. Probatum insuper sufficienter inuenimus: quòd dictus Archiepiscopus Ioanni Decano de Hely, iniunxit, vt præfato Episcopo inhiberet, ne dictum Vv. eo die quo ad tres ordines promotus extitit, nisi ad Subdiaconatus ordinem promoueret, eidem Vv. nihilominus inhiibendo, ne se promoueri vltèriùs pateretur. Verùm cum idem Decanus ad Ymilicen. Ecclesiam accessisset, tam sæpedito Episcopo, qui iam Subdiaconos ordinarat, vocatis his qui erant in Diaconos promouendi, & silentio cunctis indicto; ex parte Dei, ac archiepiscopi Cassellen. inhiuit, ne iam dictum Vv. ad vltiores ordines promoueret, quàm præfato Vv. ne se promoueri vltèriùs sustineret. Constitit quoque nobis ex litteris Iudicum prædictorum; quòd sæpeditus Episcopus interrogatus in iure respondit: quòd archiepiscopus non mandarat eidem, vt Vv. eodem die ad tres ordines promoueret, sed ex verbis archiepiscopi eum credidit illud velle: hoc idem etiam dictus Episcopus

copus per suas nobis litteras inrimauit. Præterea ex ipsorum Iudicum litteris intelleximus: quòd idem Episcopus vltro iurauit in iure, quòd vniuersa quæ continebantur in eiusdem Vv. attestacionibus vera erant. Ex litteris quoque tam supradicti Archiepiscopi, quàm Capituli Ecclesiæ Ymilicen. accepimus, quòd cum tam super electione ac ordinatione supradicti Vv. quàm etiam super quibusdam eius excessibus in Concilio apud Kelmoelloco celebrato coram præfato Archiepiscopo, inter dictum Vv. & Canonicos questio suborta fuisset, & demum ab vtraque parte ad nostram audientiam appellatum. Idem Vv. non expectaro termino, quem appellationi suæ duxerat præfigendum, supradictas à nobis litteras veritate tacita impetrauit. Cum igitur ex præmissis nobis constiterit, supradictum Roffen. Episcopum in pluribus deliquisse; tum quia sine mandato Archiepiscopi, sicut ipse confessus extitit, ad huiusmodi ordinationem inordinatè processit; tum quia, etsi de Archiepiscopi mandato constaret, cum illi huiusmodi dispensatio à Canone minimè sit permissa, quam ad solum Romanum Pontificem non est dubium pertinere; ipsi obtemperare non debuit in hac parte. Tum etiam quia cum reatu periurij sæpius variauit, iurando prius quòd Archiepiscopus id præceperat, & postea quòd illud non mandauerat in iudicio consistendo: Ipsum de fratrum nostrorum consilio tamdiu ab ordinandi suspendimus potestate, donec nostram meruerit gratiam obtinere. Supradictum quoque Vv. per falsitatis suggestionem, & suppressionem etiam veritatis, litteras supradictas à nobis intelleximus exorsisse. Suggestit siquidem nobis supradictum Archiepiscopum Episcopo memorato mandasse, vt ipsum vno die ad tres ordines promoueret, de quo nobis non extitit facta fides; quinimo contrarium, quòd videlicet Archiepiscopus id prohibuerit, fuit manifestè probatum. Nonnulla quoque vera suppressit; quòd videlicet tam Episcopo memorato, quàm sibi fuerit ex Archiepiscopi parte prohibendum, ne promoueretur nisi ad Subdiaconatus ordinem illo die; quòdque coram Archiepiscopo super electione, ac ordinatione ipsius questio mota fuisset, & tam à se ad cætrum terminum, quàm ab Ymilicen. Canonicis appellatum. Sed nec, sicut asseruit, quòd vrgens necessitas Ymilicen. Ecclesiæ id exposceret, demonstrauit. Cum igitur illa expresserit, & suppresserit, quæ si fuissent tacita, vel expressa tales litteras minimè dedissemus; per quod apparet ipsum extitisse indignum gratia, quam duxeramus ei ex benignitate apostolica faciendam, & eundem constet nimis præsumptuosè ad supradictos ordines irrepsisse; ab executione Diaconatus, & Presbyteratus ordinum, donec à nobis misericordiam obtinuerit, decreuimus manere suspensum: super electione de ipso ad Ymilicen. Ecclesiam illicitè celebrata; perperum illi silentium imponentes. Quia verò præfatum Archiepiscopum circa hæc non inuenimus deliquisse, ipsius innocentiam commendamus. Quocirca discretionis vestræ per apostolica scripta mandamus: quatenus quod à nobis est sententialiter diffinitum, faciaris appellatione remora inuiolabiliter obseruari. Quòd si non omnes, &c. Duo vestrum ea, &c. Darum Laceran. Nonis Ianuarij, Pontificatus nostri, Anno xiiij.

EPISTOLA CXCVI.

EPISCOPO, ET GERVASIO ARCHIDIACONO SVESSIONEN, ET ABBATI
VALLIS CLARÆ CISTERCIEN. ORDINIS
LAYDVNEN. DIOECESIS.

*Vt confirment, vel infirmant Iudicium delegatorum processum,
& probationes admittant.*

DE ILECTVS filius Iacobus electus S. Petri ad montes ad Apostolicam se-
dem accedens, grauem querelam contra dilectos filios ... Molismen.
Abbatem, & I. Archidiaconum Cathalaunen. exposuit, asserens eos
aduersus ipsum in causa sua, quæ fuerat illis commissæ, perperam processisse.
Cumque dilectus filius T. Clericus Cathalaunen. Diocesis cum litteris eorum-
dem continentibus causæ processum ad nostram præsentiam accessisset, & idem
Iacobus nireretur processum ipsum multipliciter improbare, relationem eorum
in quibusdam asserens esse falsam. Nos quia præfatus Clericus non habebat nisi
ad contradicendum, vel imperrandum mandatum, ad maiorem cautelam pro-
cessum ipsum, nec confirmandum decreuimus, nec cassandum: per apostolica
scripta mandantes; quatenus partibus conuocatis, & auditis hinc inde propo-
sitis, si præfatos iudices inueniretis rationabiliter processisse, ipsorum confir-
meris processum, & faciatis illum per censuram Ecclesiasticam sublaro appella-
tionis obstaculo firmiter obseruari. Alioquin eo, sicut iustum fuerit, irritato
iuxta formam priorum litterarum, in causa procedaris eadem, facientes quod
decreueritis firmitatem debitam obtinere. Si quos autem ex Monachis propter
hoc inuenitis excommunicacionis vinculo innodatos, secundum formam
Ecclesiæ absoluaui; iniungentes eisdem, quod de iure fuerit iniungendum.
Quia verò sæpe contingit, quod contra falsam assertionem iniqui iudicis inno-
cens litigator veram non potest negationem probare, cum negantis factum per
rerum naturam nulla sit directa probatio. Ne falsitas veritati præiudicet, aut
iniquitas præualeat æquitati, necessarium videtur, & æquum; vt cum quis legi-
timam exceptionem opponit illam probare paratus, vel ad declinandum iudi-
cium, vel ad intentionem alterius elidendam, si forsan verbo, vel facto ab illa
recesserit, vel eam non probauerit infra terminum competentem, à iudice præ-
figendum, modestus iudex non anre procedat, quàm super hoc instrumento-
rum, vel testium cautelam adhibeat opportunam, per quam, si necesse fuerit,
possit de veritate constare. Vt si contra relationem, seu processum ipsius fuerit
suborta contentio, huiusmodi probationibus ipsius iudicis possit assertio robo-
rari: quatenus hoc adhibito moderamine, sic honestis, & discretis differatur
iudiciis, quod per improvidos, & iniquos innocentum iustitia non lædatur,
neve iudicialis vilescat auctoritas, cum de litigatoris improbitate constiterit ad-
uersus assertionem iudicis remere præsumptis, iuxta superioris arbitrium
digna poterit animaduersione puniri. Testes autem qui fuerint nominati si se
gratia odio, vel timore subtraxerint per censuram eandem appellatione cessan-
te cogatis vetitati testimonium perhibere. Quod si non omnes his exequendis

potueritis interesse: tu frater Episcopo cum eorum alteto ea, &c. Datum Lateran. Nonis Ianuarij, Anno teritiodecimo.

EPISTOLA CXC VII.

PRIORI ET FRATRIBVS SANCTORVM QVATVOR CORONATORVM.

Eos & Conuentum Lateran. super iure, & vsu Parrochia concordas.

CVM super vsu, & iure Parrochia inter vos & ... Priorem, ac Conuentum Lateranen. controuersia verteretur, dilectum filium nostrum C. Titulo Sanctorum Ioannis & Pauli Presbyterum Card. dedimus partibus auditorem. Qui petitiones audiuit, & testes vtrimque recepit, ac demum attestationibus publicatis, & exhibitis instrumentis, nos ad talem concordiam, vos, & ipsos induximus. Vt videlicet vos non extendatis ius, & vsum Parrochia, citra Ecclesiam Sancti Nicolai de formis ex parte illa, nec citra arcum Ioannis Basilij ex parte altera intra formam: & ipsi similiter, vltra eosdem terminos versùs vos, ius, & vsum Parrochia non extendant. Hanc ergo concordiam à nobis pro bono pacis prouisam, & à vobis, & illis sponte receptam, auctoritate apostolica confirmamus, & præsents scripti patrocinio communimus: ita vt per eam non derogetur in alijs limitationi Parrochia, quam felicis memoriæ Calixtus Papa suo priuilegio designauit. Statuentes, vt nulli omnino hominum liceat hanc paginam nostræ prouisionis, & confirmationis infringere, vel ei ausu temerario contraire. Si quis autem, &c. vsque, incursum. Datum Lateran. ij. Idus Decembris, Pontificatus nostri, Anno xij.

EPISTOLA CXC VIII.

MAGISTRO ET FRATRIBVS MILITIÆ TEMPLI IN
VNGARIA CONSTITVTIS.

*Confirmat commutationem super decimis factam ab eis cum
Episcopo Zagabriensi.*

VSTRIS petentium desiderijs dignum est nos facilem præbere consensum, & vota quæ à rationis tramite non discordant, effectu prosequente complere. Ea propter, dilecti in Domino filij, vestris iustis petitionibus inclinati, commutationem inter vos, & ven. fratrem nostrum Zagabriensem Episcopum, super quibusdam decimis, & alijs rebus initam, sicut piè, ac prouidè facta est, & in autentico super hoc confecto plenius continetur, auctoritate Apostolica confirmamus, & præsents scripti patrocinio communimus. Nulli ergo omnino hominum liceat hanc paginam nostræ confirmationis &c. vsque, incursum. Datum Lateran. xj. Kal. Februarij, Pontificatus nostri, Anno teritiodecimo.

EPISTOLA CXCIX.

EISDEM.

Confirmat donationes eis factas à Rege Vngaria.

SOLET annuere sedes Apostolica pijs votis, & honestis petentium precibus fauorem beniuolum impertiri. Ea propter, dilecti in Domino filij, vestris iustis petitionibus inclinati, locum S. Martini cum appenditijs suis, villas, possessiones, & alia vobis à charissimo in Christo filio nostro Illustri Rege Vngariæ pia deuotione collata, sicut ea iuste ac pacifice possidetis, & in ipsius authentico super hoc confecto plenius continetur, vobis, & per vos domui vestræ, auctoritate Apostolica confirmamus, & præsentis scripti patrocinio communimus. Nulli ergo, &c. hanc paginam, &c. vsque, incursum. Datum, vt in alia.

EPISTOLA CC.

ABBATI ET CONVENTUI SIMIGIEN.

Recipit eos, & Monasterium sub protectionem B. Petri sub annuo censu vnius Fertonis.

CVM à nobis petitur quod iustum est, & honestum, tam vigor æquitatis, quam ordo exigit rationis, vt id per sollicitudinem officij nostri ad debitum perducatur effectum. Ea propter, dilecti in Domino filij, vestris iustis postulationibus grato concurrentes assensu, personas vestras, & Simigien. Monasterium, in quo diuino estis obsequio mancipati, sub B. Petri, & nostra protectione suscipimus, & præsentis scripti patrocinio communimus. Libertates, & immunitates à Regibus, & Principibus Monasterio vestro concessas: dignitates quoque, ac antiquas, & rationabiles consuetudines obtentas, & hæcenus obseruatas, auctoritate vobis Apostolica confirmantes. Ad indicium autem huius nostræ protectionis, & confirmationis perceptæ; Fertonem Auri gratis oblatum, nobis, & successoribus nostris annis singulis persoluetis. Nulli ergo omnino hominum liceat hanc paginam nostræ protectionis, & confirmationis infringere, vel ei ausu temerario contraire. Si quis autem, &c. vsque, incursurum. Datum Lateran. vij. Kal. Februarij, Pontificatus nostri, anno xij.

EPISTOLA CCI.

MAGISTRO PETRO BOIOL CANONICO LEMOVICEN.

Confirmatur inuestitura de Prabendis Lemonicensib. à Cardinali Legato facta.

PROPOSVISTI dudù coram dilecto filio P. Sanctæ Lucie ad septa solis Diacono Card. quem tibi, & ... Pœnitentiario Lemouicen. concessimus audi.

tozem. Quòd cùm dilecto filio nostro G. Sanctæ Mariæ in Porticu Diacono Card. tunc in partibus illis Apostolicæ sedis Legato, quidam de Lemouicen. Canonicis supplicassent, vt in eorum Ecclesia, quæ debito fraudabatur seruitio, Clericos ordinaret; pro te, ac Magistro A. scriptore nostro preces specialiter porrigentes. Ipse Lemouicen. Ciuitatem ingressus, Canonicos interpositis precibus monuit, vt vos reciperent in socios, & in fratres, maxime cùm quinque Prebendæ, vel quatuor, ab vltima ipsius Ecclesiæ ordinatione vacassent. Qui monitione ipsius deuotè suscepta, delibetatorias inducias petierunt: post quas primò, & secundò concessas, eis non curantibus respondete, de Præbendis Lemouicen. vos inuestiuit Card. prædictus, stallum in choro, & locum in Capitulo vobis præcipiens assignari; quod quorundam impediende malitia, non extitit executioni mandatum. Vnde cum instantia postulasti, vt quod à Legato factum fuerat, faceremus firmitatem debitam obtinere. Verùm Pœnitentiarius proposuit ex aduerso; quòd antequam Legatus Præbendas contulisset easdem, Lemouicen. Capitulum ab eius grauamine appellauit, tam Episcopi, quàm multorum Canonicoꝝ Lemouicen. qui erant in exercitu contra hæreticos absentiam allegando. Asseruit insuper facultates Ecclesiæ diminutas, & vos sufficienter in alijs Ecclesijs Præbendatos: proponens te fore Simoniacum, & ingratum Lemouicen. Ecclesiæ, ac eo tempore quo fueras de Præbenda Lemouicen. Ecclesiæ inuestitus, excommunicatum ab eodem Episcopo extitisse. His autem, & alijs per Cardinalis relationem auditis, cùm conuenissemus postmodum eundem Pœnitentiarium pet nos ipsos, per responsiones ipsius cætera esse friuola, præter id quod de lenrentia excommunicationis contra te proposuerat, intelleximus euidenter. Vnde ven fratri nostro ... Archiepiscopo, & dilectis filijs Magistro M. Canonico Bituricen. & H. Cellarario S. Frontonis Petragoricen. dedimus in mandatis, vt nisi Pœnitentiarius infra mensem post commonitionem eorum, te legitime à sepefacto Episcopo tempore inuestituræ tuæ excommunicatum fuisse, probaret, quod per dictum Legatum de te factum extiterat, sublato appellationis obstaculo confirmarent. Si verò probaret te excommunicatum tunc temporis extitisse, non postponerent quod de te factum fuerat reuocare. Qui mandatum Apostolicum exequentes, vtriusque partis receptis testibus, & confessionibus, ac allegationibus intellectis: eandem causam sufficienter instructam, ad nostrum remiserunt examen. Cùm autem propter hoc nuper tam tu, quàm dilectus filius G. Lemouicen. Capiruli procurator, in nostra fuisset præsentia constituti, & acta ipsa inspici fecerimus diligenter. Per Pœnitentiarij testes intelleximus factam fidem, quòd Lemouicen. Episcopus pluribus annis antequam tu de præbenda iamdicta fueris inuestitus, Clericos, & Burgenes Castri Lemouicen. & te nominatim, quem eorum debebat consiliarium, & fautorem, vinculo excommunicationis astrinxit. Per testes verò tuos extitit manifestè probatum; quòd etsi dictus Episcopus in Burgenes, & eorum fautores excommunicationis sententiam tulerit, & tu apud fidem Apostolicam adiutor extiteris eorundem. Idem tamen Episcopus generaliter vniuersos Burgenes, & eorum fautores, tam Clericos, quàm Laicos ante tres annos absoluit, quibusdam Presbyteris vsque ad cerrum tempus retentis, qui contra interdicti sententiam præsumpserant celebrare; quòdque idem Episcopus

tibi communicauit postea, in Ecclesia, & in mensa. His igitur & alijs, quæ fuerunt hinc inde proposita, intellectis, quia iuxta mandati nostri tenorem te inuestitura tuæ tempore, à præfato excommunicatum Episcopo extitisse dictus Pœnitentiarius, sicut obrulerat, non probauit. Cùm ex aduerso de absolutione, ac communione dicti Episcopi fuerit facta fides: Quod per dictum Legatum de te factum est, de fratrum nostrorum consilio, per diffinitiuam sententiam duximus approbandum. Nulli ergo omnino hominum liceat hanc paginam nostræ diffinitionis infringere, vel ei ausu temerario contraire. Si quis autem, &c. vsque incursum. Datum Lateran. viij. Kal. Februarij, Pontificatus nostri, anno tertiodecimo.

*Scriptum est super hoc in eundem fere modum Decan. & ... Subdecan.
Pictauen. & Magistro Americo de Longouado
Canonico Petragoricens.*

PROPOSUIT olim dilectus filius Magister Petrus Boiol Clericus, ven. fratris nostri Episcopi Tusculan. coram dilecto filio P. S. Lucæ ad septa solis Diacon. Card. quem sibi & ... Pœnitentiaro Lemouicen. &c. In eundem fere modum, vt in alia, vsque approbandum. Quocirca discretioni vestræ per Apostolica scripta mandamus, quatinus quod à nobis est sententia-liter diffinitum faciatis appellatione remota inuiolabiliter obseruari. Eidem Magistro P. stallum in Choro, & locum in Capitulo assignantes. Contradictores per censuram Ecclesiasticam appellatione postposita compescendo. Quod si non omnis, &c. Duo vestrum ea, &c. Datum Lateran. vj. Kal. Februarij, anno tertiodecimo.

EPISTOLA CCII.

MAGISTRO ANDRÆ SCRIPTORI NOSTRO CANONICO LEMOVICEN.

Super eodem.

PROPOSUIT dudum dilectus filius Magister P. Clericus ven. fratris nostri Episcopi Tusculanen, &c. vt in prima vsque ordinaret, pro te, ac eodẽ Magistro preces specialiter porrigentes, &c. In eundem fere modum, vt in alia, vsque, intelleximus euidenter. Cùm ergo dilectus filius G. Lemouicen. Capituli procurator, propter hoc nuper apud sedem Apostolicam constitutus, contra te nihil prorsus obiecerit, nos quod per dictum Legatum de te factum esse dignoscitur, de fratrum nostrorum consilio duximus per diffinitiuam sententiam approbandum. Nulli ergo, &c. hanc paginam nostræ diffinitionis infringere, vel ei, &c. vsque incursum. Datum Lateran. x. Kal. Februarij, Pontificatus nostri, anno xiiij.

*Scriptum est super hoc maiori Archidiacono, Cantori, & Magistro
Manfredo Canonico Bituricen.*

PROPOSUIT olim dilectus filius Magister P. Clericus, &c. ut in alia in eundem ferè modum, usque euidenter. Cùm ergo dilectus filius G. Lemoicens. Capituli procurator, propter hoc nuper ad sedem Apostolicam constitutus, contra prædictum Magistrum Andream, nihil prorsus obiecerit; nos, &c. ut in alia, usque approbandum. Ideòque discretionis vestræ, per Apostolica scripta mandamus: quatinus quod à nobis, &c. ut in alia, usque observari. Eidem Magistro Andreæ stallum in Choro, &c. ut in alia, usque compescendo. Quòd si non omnes, &c. Duo vestrum ea, &c. Datum, ut in prima præcedenti per totum.

EPISTOLA CCIII.

ABBATI ET CONVENTUI S. STEPHANI DIVIONEN. LINGONEN. DIOECESIS.

*Eos absoluit ab omni pulsatione Heruei Monachi ad Monasterium
Sanctæ Genouesæ relegatum.*

CUM Herueus, & R. Canonici Ecclesiæ vestræ pro se, ac dilectus filius Magister Hugo Procurator vester pro vobis, in nostra essent præsentia constituti. Nos intellecto inquisitionis processu, quæ contra ipsum Her. adven. fratrem nostrum... Lingonen. Episcopum, & dilectum filium Virziliacem. Abbatem emanarat à nobis; ab ipso Her. pro eo quod erat vinculo excommunicationis astrictus, quòd nostris mandatis pareret recipi fecimus corporaliter iuramentum. Et eidem iniunximus viva voce, ut ad Monasterium S. Genouesæ Parisien. accederet, quatinus in eo dignos pœnitentiæ fructus perageret, & etiam regularia quæ nondum plenè novit disceret instituta, emendando in Melius vitam suam. Quod licet idem primitiùs acceptarit, spiritu tamen postmodum suo ductus, à nobis illicitianus recessit, ad præfatum S. Genouesæ Monasterium, à nobis super receptione sua litteris non obtentis. Nos igitur quieti Monasterij vestri paterna volentes sollicitudine præcauere, ipsum Her. à præfato Monasterio, Prioratibus, & eius Obedientiis remouentes: vos & Monasterium ipsum, Obedientias, ac Prioratus pertinentes ad illud, ab impetitione dicti R. tam super receptione sua, quàm expensis, & alijs super quibus vos hactenus fatigavit, decernimus absolutos. Nulli ergo, &c. hanc paginam nostræ diffinitionis infringere, vel ei, &c. usque incursumum. Datum Lateran. vij. Kal. Februarij, Anno xij.

EPISTOLA CCIV.

ABBATI ET CONVENTUI S. BERTINI.

Ne Abbas pro benedictione consuetudinem illam persoluat.

IUSTIS petentium desiderijs dignum est nos facilem præbere consensum, & vota quæ à rationis tramite non discordant, effectu prosequente complere. Ea

propter, dilecti in Domino filij, vestris iustis postulationibus grato concurrentes assensu, auctoritate vobis presentium indulgemus. Ne vel Episcopo, aut Archidiacono, seu Capitulo Motinen. pro consequenda benedictione Abbatis Monasterij vestri, qui benedicendus pro tempore fuerit, Capam sericam, palefridum, pastum, & his similia, seu aliam consuetudinem persoluat. Distinctius inhibentes, ne ipsi à vobis ea exigere, vel extorquere præsumant, sed munus benedictionis Abbati, ab eodem Episcopo gratis, & sine prauitate qualibet impèdatur. Alioquin liceat vobis quencumque malueritis Catholicum adire antistitem, gratiam, & communionem Apostolicæ sedis habentem; qui nostra fretus auctoritate, ipsi electo munus benedictionis impendat. Ita tamen quòd per hoc, nullum Morinen. Ecclesiæ imposterum præiudicium generetur. Nulli ergo, &c. hanc paginam nostræ concessionis, & inhibitionis infringere, vel ei, &c. vsque incursum. Datum Lateran. ij. Kal. Februarij, Anno xij.

EPISTOLA CCV.

EISDEM.

*Irritat collationem beneficiorum non vacantium, &
eisdem indictas pensiones.*

QUAM ex iniuncto nobis Apostolatus officio Ecclesiarum omnium sollicitudinem gerere teneamur; ea corrigere nos oportet, quæ interdum in grauamen ipsarum temerè, seu etiam improvidè attentantur. Sanè ad audientiam nostram vobis referentibus est delatum; quòd ad importunam instantiam nobilium, & potentium, & etiam Prælatorum, quibusdam beneficia non vacantia promissistis, annuam pensionem eisdem ipsorum nomine concedentes, in vestri Monasterij læsionem. Quia igitur id contra statuta Lateranen. Concilij noscitur attentatum, promissiones huiusmodi decernentes irritas, & inanes, & pensiones concessas beneficiorum non vacantium nomine non soluendas. Auctoritate presentium distinctius inhibemus, ne contra præfatum Concilium beneficia promittere non vacantia, vel pensionem cuiquam taliter assignare de cætero præsumatis. Nulli ergo, &c. hanc paginam nostræ constitutionis, & inhibitionis infringere, vel ei, &c. vsque incursum. Datum Lateran. &c. vt in alia per totum.

EPISTOLA CCVI.

EISDEM.

Confirmat quasdam possessiones.

SOLET annuere sedes Apostolica pijs votis, & honestis petentium precibus fauorem beniuolum impertiri. Ea propter, dilecti in Domino filij, vestris iustis postulationibus grato concurrentes assensu, terragium, & decimam de Felchinel, quæ vobis R. de Alneto Miles pia liberalitate donauit: tertiam quoque quam à G. Bacon laico acquisistis, terram etiam, & mansuras

Monasterio vestro in elemosinam, à Gi. de Clusa collatas, sicut ea omnia iuste, ac pacifice possidetis, vobis, & per vos eidem Monasterio auctoritate Apostolica confirmamus, & presentis scripti patrocinio communimus. Nulli ergo omnino hominum liceat hanc paginam nostræ confirmationis infringere, vel ei ausu temerario contraire. Si quis autem, &c. vsque incursum. Datum, vt in alia per totum.

EPISTOLA CCVII.

VNIVERSIS MONACHIS OBEDIENTIARVM MONASTERII SAXIUI.

Vt transferat se aliò Abbas Monasterij reformandi ab eius habitantibus impeditus.



VANTVM & quamdiu laborauerimus pro reformando statu Monasterij Saxiuii, vestra deuotio non ignorat. Licet etiam ad id dilectus filius ... Abbas vester operam adhibuerit diligentem, & non parum profecerit super eo; quorundam tamen habitantium in eodem impediende nequitia, qui ei nõ solum inobedientes, & rebelles existere præsumserunt, contra ipsum multa nequiter machinando: verum etiam mortis periculum detestandis conspirationibus intentarunt; non potest perficere quod incepit. Vnde non absque dolore dicere possumus cum Propheta, curauimus Babilonem, & non est sanata, quia impij cum venerint in profundum peccatorum contemnunt, vt qui in sordibus sunt sordescant adhuc. Cum igitur dictus Abbas in præfato Monasterio Saxiuii proficere nequeat, illorum tanquam olla succensa subbuliente malitia: Qui cum sint origine fuliginates consili de potentia propinquorum non verentur contra stimulum calcitrare, excutientes à ceruicibus iugum obedientie insolenter. De fratrum nostrorum consilio ita duximus prouidendum, vt ad aliquam eiusdem Monasterij obedientiam ad hoc aptam, cum deliberatione seniotum & saniorum, eiusdem Cænobij Monachorum se transferre procuret; illis secum in Dei seruitio aggregatis, qui sub iugo Monasticæ regulæ dignum Deo cupiunt impendere famularum: cui omnes eiusdem professionis, & ordinis fratres, tanquam Abbati suo intendant humiliter, & deuotè, in loco huiusmodi de nostra licentia commoranti. Aliquos verò de grauioribus fratribus dimittat apud Ecclesiam Saxiuii, per quos locus ipse regatur. Supradictæ verò peruersitatis actores tamdiu tanquam anathematizatos, & maledictos ab omnibus volumus & mandamus arctius euitari, & à Monasterio supradicto manere deiectos: donec illam eidem Abbati satisfactionem obtulerint, quam de grauiorum ipsius fratrum consilio meritò valeat acceptare. Ita videlicet quòd postquam eadem fuerit prout decet exhibita, ipsos in loco quem elegerit secum, vel etiam in Ecclesia Saxiuii commorari nullatenus patiatur; sed eosdem in alijs locis collocet, in quibus sua possint peccata deslere. Quocirca vniuersitati vestræ, per Apostolica scripta præcipientes mādamus, quatenus quod à nobis est prouida deliberatione prouisum, vos prompta deuotione seruetis: & præfato Abbati vestro, in loco quem elegerit ad exhibendū dignum Domino famulatum, obedientiam, & reuerentiam impendatis, tam debitam, quam deuotam. Datum Lateran. xij. Kal. Martij, Pontificatus nostri, anno xij.

Innocentij III. Epistol.

EPISTOLA CCVIII.

ABBATI DE RIEVALL. CISTERCIEN. ORDINIS EBORACEN. DIOECESIS,
ET DECAN. ET THESAURARIO EBORACEN.

Vt Hospitalitatis vsibus quandam Ecclesiam deputent.

CVM dilecti filij ... Prior & Canonici Giseburnen. qui, sicut ex multorum testimonio litterarum accepimus, omni petenti se tribuunt, & bona sua Hospitalitatis vsibus applicat incessanter; ita quod nullus recedit vacuus ab eisdem: vt Hospitalitatis vberius exequantur officium, nobis humiliter supplicarunt. Vt Ecclesiam de Hesel, quam de mandato nostro bonæ memoriæ Magistro Britio Subdiacono, & Notario nostro liberaliter contulerunt, deputare Hospitalitatis vsibus dignaremur. Nos eorum precibus inclinati, discretioni vestræ per Apostolica scripta mandamus; quatenus cum per vicinitatem loci veritatem possitis super hoc plenius indagare, dictam Ecclesiam, si sine scandalo fieri poterit, auctoritate nostra Hospitalitatis vsibus, sublato appellationis obstaculo applicetis, Ministro eiusdem congrua sustentatione de ipsius prouentibus referuata. Contradictores autem siqui fuerint, per censuram Ecclesiasticam appellatione postposita compescatis. Quod si non omnes, &c. Duo vestrum ea, &c. Datum Lateran. Idus Decembris, Anno xiiij.

EPISTOLA VLTIMA.

MORINEN. EPISCOPO ET MORINEN. ET SANCTI AVDOMARI
MORINEN. DIOECESIS DECANIS.

Vt quarundam Ecclesiarum S. Bertini Monasterij Capellanis congruam portionem assignent, reliquis redditibus Monasterio relictis.

EX parte dilecti filij Abbatis & Conuentus S. Bertini fuit nobis humiliter supplicatum, vt cum quædā Parrochiales Ecclesie ipsis fuerint in elemosinam assignatæ, vt in vsus suos & pauperum prouentus cederent earundem; & ipsæ ante paucos annos ita pauperes fuerint, quod ipsorum Monasterium in eisdem seruientibus necessaria ministraret, & nunc, diuina disponente clementia, frequentatione, ac multiplicatione hominum valde sint in temporalibus augmentatæ, ipsos faceremus diuitiarum esse participes, qui fuerunt socij pauperum. Cum igitur satis congruat rationi, vt sint emolumentum participes, qui oneris fue-
re consortes: discretioni vestræ per Apostolica scripta mandamus; quatenus earundem Ecclesiarum facultatibus diligenter inspectis, secundum eas ipsarum seruitoribus assignetis ad sustentationem eorum honestam & congruam, sublato appellationis obstaculo; portionem, vt reliquum ad vsum prædictorum fratrum cedat, & pauperum; iuxta desiderium & voluntatem illorum, qui eis præfatas Ecclesias contulerunt. Contradictores per censuram Ecclesiasticam appellatione postposita compescantes. Quod si non omnes, &c. tu frater Episcopo cum eorum altero, ea nihilominus exequaris. Datum Lateran. xij. Kal. Martij, Pontificatus nostri, Anno xiiij.

Explicit liber primus.



INNOCENTII III.
PONTIFICIS MAXIMI.
EPISTOLARVM
LIBER II.

REGESTI XIV.

Anni Pontificatus 14.

EPISTOLA PRIMA.

EPISCOPO BASILIEN. ET ... DE LVZILA, ET ... DE TANNIBACH
ABBATIBVS CISTERCIEN. ORDINIS CONSTANTIEN. ET
BASILIEN. DIOECESVM.

*Confirmat electionem Prapositi Constantiensis à maiori
parte Capituli factam.*

DILECTVS filius Vvalterus Constantien. Prapositus nuper proposuit coram nobis; quòd Constantien. Prapositura vacante, cum eiusdem Canonici ad celebrandam electionem Prapositi conuenissent, vota diuidi contigit eorundem. Et tredecim ex præsentibus Canonici, quorum erant quinque Presbyteri, ac tres Diaconi, & quinque Subdiaconi, eundem Vvalter. concorder eligentibus; sex alij, quorum vnus erat Decanus & Presbyter, & quatuor Subdiaconi, ac vnus Acolitus, vota sua in A. Prapositum de Sindoluingen. & Ecclesie supradictæ Canonicum contulerunt. Et subsequenter prædictus A. vocem ad nos appellationis emisit, ne ven. frater noster Constantien. Episcopus ad examinandum, seu confirmandum electionem ipsius Vv. procederet inhibendo. Sed Episcopus electionem ipsam, vt pote à maiori parte Capituli celebratam, nihilominus confirmauit. Cum autem dictus Vv. nuper electionem ipsam auctoritate peteret apostolica confirmari: præfatus A. quasdam causas proposuit, propter quas eandem asseruit reprobendam. Quia videlicet electores ipsius Vv. non fuerant, iuxta Ecclesie consuetudinem, in virtute obedientie requisiti; & quia idem Vvalterus erat vltimus in Capitulo, & nondum integrum

stipendium obtinebat, nec etiam ad dispensationem Præposituræ videbatur idoneus, cum nondum domui suæ bene præpositus extitisset, & quoniam ad carnales preces Episcopi fuerat nominatus. Item quia post appellationem ad nos interpositam eius fuerat electio confirmata, & ipse ante confirmationem obtentam, stallum sibi Præpositi usurpauit. Ad hæc autem ex ipsius Vv. fuit parte responsum, quod etsi Canonici non fuerint adiurati, ex eo tamen eius non debebat electio vitari, quæ aliàs fuerat Canonice celebrata. Sed nec id ei nocere debebat, quod fuerat vltimus in Capitulo, cum & inferiores loco, dummodo aliàs reputentur idonei, ad dignitates eligi non sit in sacris Canonibus interdictum, maxime cum dictus Vv. illius ætatis existat, quæ in eo sufficeret, si fuisset ad Episcopatum electus. Qui curam quoque rei familiaris prouide habuisse dignoscitur, dum seolasticis studijs laudabiliter insudauit. Nec preces ab Episcopo memorato interpositæ, carnales sunt reputandæ, quas pro digno dignoscitur porrexisse. Propter appellationem etiam interpositam, minime videbatur confirmatio Episcopi reuocanda, cum id ei licere prima facie videretur, ex eo quod à maiori, & saniori parte Capituli eadem videbatur electio celebrata: cum in Lateranen. Concilio inueniatur expressum, ut nisi à paucioribus, & inferioribus aliquid rationabiliter obiectum fuerit, & ostensum, semper appellatione remota praualeat, & suum consequatur effectum, quod à maiori, & saniori parte Capituli fuerit constitutum. Quinimo etsi Episcopus minus prouide processisset, id eidem Vv. officere non debebat. Præterea etsi processus Episcopi foret per appellationem huiusmodi retractandus, eadem tamen electio, utpote à maiori, & saniori parte Capituli celebrata, à nobis confirmari debebat. His igitur, & alijs intellectis, quæ utraq; pars proposuit coram nobis: De fratrum nostrorum consilio, electionem de ipso Vv. celebratam, duximus confirmandam; memorato A. super hoc silentium imponentes. Quocirca discretioni vestræ per Apostolica scripta mandamus: quatenus quod à nobis est sententialiter diffinitum, faciatis per censuram Ecclesiasticam firmiter obseruari. Contradictores per censuram Ecclesiasticam appellatione postposita compescentes. Quod si non omnes, &c. Tu ea frater Episcope cum eorum altero, &c. Datum Lateran. viij. Kal. Martij, Pontificatus nostri, Anno quattodecimo.

EPISTOLA II.

VVALTERO PRÆPOSITO CONSTANTIEN.

Super eodem.

N nostra nuper proposuisti presentia constitutus, quod Constantien. Præposituræ vacante, cum eiusdem Canonici ad celebrandam electionem Præpositi conuenissent, vota diuidi contigit eorundem: Et tredecim ex presentibus Canonici, quorum erant quinque Presbyteri, actres Diaconi, & quinque Subdiaconi, te concorditer eligentibus, &c. In eundem ferè modum, ut in alia. Visque, silentium imponentes. Nulli ergo omnino hominum liceat hæc paginam nostræ diffinitionis, & confirmationis infringere, vel ei, &c. vsque incursum. Datum, ut in alia.

EPISTOLA III.

ARCHIEPISCOPO TOLETAN. ET TIRASONEN. COLIMBRIEN.
ET ZAMOREN. EPISCOPIS.

*Ad precem Fernandi primogeniti Regis Castella mandat, ut subditos ad
bellum contra Sarracenos moneant & hortentur, sub
peccatorum remissione.*



IGNIFICAVIT nobis dilectus filius F. primogenitus charissimi in Christo filij nostri A. Illustris Regis Castellæ: quòd ipse militiæ suæ primitias omnipotenti Deo desiderans dedicare, ad exterminandum inimicos Christi de finibus hæreditatis ipsius, quam impiè occuparunt, intentionis studium toto conamine satagit impartiri. Suppliciter postulans, & deuotè requirens, vt ei, ad hoc opus feliciter consummandum, & nos ipsi apostolicum impendamus suffragium, & ab alijs faciamus opportunum subsidium exhiberi. Nos igitur, pium eius propositum in Domino commendantes, fraternitati vestræ per apostolica scripta mandamus; quatenus Reges, & Principes Hispaniæ, qui non sunt cum illis ad treugas obseruandas astricti, ad opus simile peragendum sedulis exhortationibus inducere minimè postponatis. Monentes ex parte Dei, & nostræ, subditos vestros in remissionem eius omnium peccaminum iniungendo; vt tam præfato primogenito Regis Castellæ, quàm Regibus, & Principibus alijs ad hoc opus salubriter intendentibus, necessarium impendant auxilium, in rebus pariter & personis, vt per hæc & alia bona quæ fecerint, cælestis Regni gloriam consequi mereantur. Pari quoquæ remissione gaudere concedimus peregrinos, qui propria deuotione vndecumque processerint, ad idem opus fideliter exequendum. Cæterùm ne ipsius F. laudabile propositum ab aliquo possit temerè impediri: præsentium vobis auctoritate præciendo mandamus, quatenus si fortè aliquis Regum Hispaniæ, cum quo prædictus Rex Castellæ, treugam, vel pacem firmavit, tempore quo idem Rex, vel filius eius Sarracenos impugnant, ipsum præsumpserit violare: vos cum per censuram Ecclesiasticam, sublato appellationis obstaculo compefcatis. Datum Lateran. viij. Kal. Martij, Pontificatus nostri, Anno quartodecimo.

In hunc etiam ferè modum scriptum est, pro charissimo in Christo filio Petro Illustri Rege aragonum quibusdam Prælati Hispaniæ.

EPISTOLA IV.

A. ILLUSTRIS REGI CASTELLÆ.

De eo quod Epistola Superiori, & Legato in Hispaniam mittendo.



VM personam tuam inter Christianissimos Reges, & Catholicos Principes, specialis dilectionis prærogatiua in Domino amplexemur; preces ac petitiones tuas, in quibus possumus libenti animo exaudimus, & ad ea gratanter intendimus, quæ serenitati Regi nouimus complacere. Sanè venien-

tem ad apostolicam sedem dilectū filium ... Palentin. electum nuntium tuum; virum utique prouidum, & honestum, benignè recepimus, & petitiones quas nobis ex parte tua porrexist, libenti animo curauimus promouere. Super eo autem, quod ex parte tua Legatum requisuit à nobis ad partes Hispaniæ destinandum, ad præsens propter tempora impacata nequiuimus Regiæ satisfacere voluntari: sed opportunitate accepta, petitioni Regiæ dante Domino satisfiet. Nos verò ne laudabile tuum, & F. filij tui propositum valeat ab aliquibus aliquatenus impediri, ven. fratri nostro. Archiepiscopo Toletan. & ... Zamoren. Tirasonen. & ... Colimbrien. Episcopis, nostris damus litteris in mandatis; ut si quis Regum Hispaniæ cum quo treugam vel pacem firmasti, tempore quo tu, vel filius tuus Saracenos impugnatis, ipsam præsumpserit violare; ipsi eum per censuram Ecclesiasticam, sublato appellationis impedimento compescant. Monemus igitur serenitatem Regiam attentius, & hortamur, quatenus in deuotione nostra, & sacrosanctæ Romanæ Ecclesiæ matris tuæ firmiter perseuere, quia nos in his quæ à nobis secundum Deum duxeris postulanda, Regiæ serenitati assensum apostolicum libenti animo impendemus. Datum Lateran. viij. Kal. Martij, Pontificatus nostri, Anno xiiij.

EPISTOLA V.

F. PRIMOGENITO CHARISSIMI IN CHRISTO FILII NOSTRI A,
ILLVSTRIS REGIS CASTELLÆ,

Super eodem.

QUAM personam tuam inter Christianissimos Principes speciali prærogatiua in Domino amplexemur: preces ac petitiones tuas, in quibus possumus libenti animo exaudimus; & ad ea gratanter intendimus, quæ deuotioni tuæ nouimus complacere. Sanè venientem ad apostolicam sedem, &c. ut in alia usque promouere. Nos verò ne laudabile tuum, & patris tui propositum valeat ab aliquibus aliquatenus, impediri, &c. usque Hispaniæ, cum quo idem pater tuus treugam, vel pacem firmauit, tempore quo ipse, vel tu Saracenos impugnatis, &c. usque compescant. Monemus igitur discretionem tuam, &c. ut in alia, usque postulanda, tibi assensum apostolicum libenti animo impendamus, Datum Laterani viij. Kal. Martij, Pontificatus nostri, Anno xiiij.

EPISTOLA VI.

ABBATI ECCLESIE SANCTÆ CRVCIS SITÆ SVPER FLVVIVM ENGLIÆ IVITA
OPPIDVM EIVSDEM NOMINIS, EIVSQUE FRATRIBVS TAM
PRÆSENTIBVS, QVAM FVTVRIS REGVLAREM VITAM
PROFESSIS IN PERPETVVM.

Confirmat Monasterium cum possessionibus.

QUOTIENS à nobis petitur quod religioni, & honestati conuenire dignoscitur, animo nos decet libenti concedere, & petentium desiderijs congruum

suffragium impartiri. Ea propter dilecti in Domino filij, vestris iustis postulationibus clementer annuimus, & sanctissimæ Crucis Ecclesiæ, à bonæ memoriæ Issemberto quondam Pictauien. Episcopo, & matre eius Theberga; eiusque fratribus Senebaldo, & Manasse constructam, ad exemplar piæ Recor. Urbani Papæ secundi, prædecessoris nostri cuius priuilegium inseximus licet in parte corrosum, sub Beati Petri, & nostræ protectione suscipimus, & præsentis scripti priuilegio communimus. In primis siquidem statuentes, vt ordo Canonicus, qui secundum Deum, & B. Augustini regulam in eodem loco institutus esse dignoscitur, perpetuis idem temporibus inuiolabiliter obseruetur. Præterea quacumque possessiones, quacumque bona eadem Ecclesiæ impræsentiarum iuste ac Canonicè possidet, aut in futurum concessione pontificum, largitione Regum, vel Principum, oblatione fidelium, seu alijs iustis modis præstante Domino poterit adipisci, firma vobis vestrisque successoribus, & illibata permaneant. In quibus hæc proprijs duximus exprimenda vocabulis. Locum ipsum in quo Ecclesiæ ipsa sita est, cum omnibus pertinentijs suis. S. Martini. B. Mariz, & Sancti Petri Ecclesias in Englia, cum omnibus pertinentijs suis. Sancti Mauricij, & S. Leodegarij Ecclesias de Vico, cum suis pertinentijs. Ecclesiam Sancti Petri de Buxeria sitam super fluuium Gartimpæ, cum pertinentijs suis. Sancti Aniani de Rampeio. S. Martini de Tornum, & de Izorio Ecclesias sitas super fluuium Crofæ, cum omnibus pertinentijs suis. S. Petri de Capella Rubea, & S. Petri de Longo Prato Ecclesias, cum omnibus pertinentijs suis. De Ecclesiâ S. Nicolai de Letone, septem solidos censuales Pictauien. Monetæ. In Ecclesiâ Sanctæ Mariz Magdalenz de Ruffiaco, decem solidos Andegauen. Monetæ. In Ecclesiâ S. Vincentij de Noum, quinque solidos Andegauen. Monetæ. Decimas de Campania. Fontisterlandi de Tornum. De Izorio, & de Vico. Decimas de Exodun. De Podio Ergnos. De Salerijs. De Lestap. De Closo Petri. De Cenius, & de Closo Samuelis de Thæco. Molendina. De Tornum, & de Beraut. Grangias de Môte alto. De Berault. De Villena. De Bilereria. De Fontanis. De Rocha, & de Perereio, cum omnibus pertinentijs suis. Præpositum autem, seu abbatem, vel cuiuslibet dispensationis Ecclesiasticæ Ministrum, nisi quem suæ professionis communis electio fratrum, vel pars consilij sanioris secundum Deum, & Beati Augustini regulam elegerit, vobis præferri auctoritate apostolica prohibemus. Decernimus ergo, vt nulli omnino hominum liceat hanc præfatam Ecclesiam temerè perturbare, aut eius possessiones auferre, vel ablatas retinere, minuire, seu quibuslibet vexationibus fatigare, sed omnia integra conseruentur, eorum pro quorum gubernatione, ac sustentatione concessa sunt vsibus omnimodis profutura: salua sedis apostolicæ auctoritate, & Diocesani Episcopi Canonica iustitia. Si qua igitur in futurum Ecclesiastica secularisue persona, hanc nostræ constitutionis paginam sciens, contra eam temerè venire tentauerit; secundò, tertioque commonita, nisi reatum suum congrua satisfactione correxerit, potestatis honorisque sui careat dignitate, reamque se diuino iudicio existere de perpetrata iniquitate cognoscat, & à sacratissimo corpore ac sanguine Dei, & Domini Redemptoris nostri Iesu Christi aliena fiat, atque in extremo examine districta subiaceat ultioni. Cunctis autem eidem loco sua iura seruantibus, sit pax Domini nostri Iesu Christi, quatinus & hic fructum bonæ actio-

nis percipiant, & apud districtum iudicem præmia æternæ pacis inueniant. Amen. Datum Lateran. per manum Ioannis sanctæ Mariæ in Cosmidin. Diaconi Card. Sanctæ Romanæ Ecclesiæ Cancellarij v. Kal. Martij. Indictione xiiij. Incarnationis Dominicæ, Anno millesimo ducentesimo decimo. Pontificatus verò Domini Innocentij Papæ tertij, Anno xiiij.

EPISTOLA VII.

RAYNALDO BRANCALEONI SITINO.

Recipit sub protect. Sancti Petri.

CUM à nobis petitur quod iustum est & honestum, tam vigor æquitatis, quam ordo exigit rationis, vt id per sollicitudinem officij nostri, ad debitum perducatur effectum. Ea propter, dilecte in Domino fili, tuis iustis precibus inclinati, personam tuam cum omnibus bonis, quæ impræsentiarum rationabiliter possides, aut in futurum iustis modis præstante Domino poteris adipisci, sub B. Petri, & nostræ protectione suscipimus. Specialiter autem possessiones tuas, sicut eas iuste possides, & quietè auctoritate tibi apostolica confirmamus, & præsentis scripti patrocinio communimus. Nulli ergo omnino hominum, liceat hanc paginam nostræ protectionis, & confirmationis infringere, vel ei ausu temerario contraire. Si quis autem hoc attentare præsumperit, indignationem, &c. Vsq̃ue incursum. Datum Lateran. v. Kal. Martij, Pontificatus nostri, Anno xiiij.

EPISTOLA VIII.

ILLVSTRI REGI PORTVGALEN.

Super diuersis excessibus monet, & maximiè vt libertati, & suis bonis Episcopum Colimbriensem, & Ecclesiam restituat.

SI diligenter attenderes, vt deberes, quòd cum eius sponsam offendis, qui te ad Regni solium sublimauit, sponsi etiam indignationem incurris; Ecclesias, quorum sponsus est Christus, vel ministros earum nullatenus aggrauares, ne dum eas ancillare niteris, & redigere sub tributo, ob ingratitude vitium, Dominus in seruitutem redigat Regnum tuum, & in potestatem antiqui te tribuat exactoris: quòd non oppressor esse debes, sed defensor potius earundem, utpote qui ad malefactorum vindictam laudem verò bonorum suscepisti gladium baiulandum. Verum, sicut ex litteris ven. fratris nostri ... Episcopi Colimbrien. accepimus, tu hæc prout conuenit non attendens, nec salutis tue consulens, & honori, ommissa reuerentia redemptoris, te de rebus Ecclesiasticis plus debito intromittens, Ecclesias, & Ecclesiastica beneficia confers quibus vis personis, & aufers, destituendo illos, qui sunt Canonicè per dictum Episcopum in Ecclesijs suæ Diocesis instituti; ac per proprios homines prouentus earum faciens occupari, balistarios, canes, aues, & equos tuos, in illis, quarum nulli, vel pauci sunt redditus, introducis, vt ipsis prouideatur de

prouentibus earundem. Præterea Clericos capi faciens, & publicæ custodiæ inancipari, eos coram te, & tuis iudicibus secularibus litigare compellis, atque ipsos in exercitum tecum trahis, eisdem iniurias & opprobria multa inferens, & grauamen. Et quod sine dolore non dicimus, pro diro reputans nonnunquam augurio, cum tibi vides religiosum aliquem, vel Clericum occurrentem. Cæterum in animæ tuæ periculum derinens phironissam, excommunicaros deffendis, & vsurarios, atque Ecclesiæ inimicos. Continenres viduas, inuitas hominibus tuis tradens, & liberos nihilominus deputans perpetuæ seruituti: Personas insuper Ecclesiasticas, à Regno exire prohibes, & intrare: & si fortè illarum aliqua licentiam obtinet exeundi, ne ad Apostolicam sedem accedat prius præstat corporaliter iuramentum; & si secus attentet agere, capitur, spoliatur, & publicæ custodiæ mancipatur. Quæ omnia dictus Episcopus personaliter est experrus. Cum enim super his non immerito fueris redargutus ab eo, & monitus diligenter, vt dimitteres Phironissam quam quotidie consulebas; ita quod licet vocatus ob hoc ad te accedere noluisse, ru querens malignandi occasionem in eum, dari tibi in quadam villula Ecclesiæ suæ ab eo procuracionem indebitam petijsti: quam cum præstare renuerit, sicuti nec debebar, tam suam, quàm Canonicorum eiusdem loci domus dirui faciens, atque equitaturas eis proprias auferens, Ecclesiam quam iam pro magna parte spoliaueras, eis quæ remanserant fecisti bonis omnibus spoliari. Quare idem suam Diœcesim sententiæ supposuit interdicti: & ne Bracaren. electus ipsam præsumeret relaxare, vocem ad nos appellationis emisit. Quod cum ad tuam noticiam peruenisset, more solito quoslibet huiusmodi sententiam obseruantes, & nolentes etiam celebrare, mandasti rebus omnibus spoliari; illos tuos reputans inimicos, & etiam proditores, qui quemlibet illorum recipere attentarent. Postmodum verò præfactus electus ipsum, missis ei suis, & tuis litteris, de conductu apud Bracaram euocauit, promittens quod ibidem ipsi, & Ecclesiæ satisfaceres competenter. Qui cum ad eius præsentiam accessisset, & dictus quæsiuisset electus ab eo, quare protulisset sententiam supradictam, idem innouans appellationem emissam, ei causas prædictas pro quibus hoc fecerat explicauit. Die vero sequenti electus à te cautione recepta, mandauit eidem, vt dictam sententiam relaxaret, quod idem efficeret noluit, præsertim cum nulla esset satisfactio, de tot, & tantis iniurijs subsecuta, nec tu etiam ab inceptis quiesceres: licet ipsam postmodum, pro eo quod clericos ad mandatum electi, qui eam relaxare volebat, celebrare nolentes coram proprijs parentibus, & amicis, vt asserebatur eidem, exoculari mandaueras, & crudelitates alias exerceri, ne punirentur insonres, ad tantum euitandum periculum relaxarit. In his & alijs damna plurima sustinens, & grauamen; & vt adderes afflictionem afflictio, eundem pro grauaminibus ipsis volentem ad sedem apostolicam properare, fecisti sub publica custodia detineri. Hæc autem de tua Regali magnificentia non facile crederemus, nisi nuper quasdam nobis litteras indiscretione plenas, & præsumptione non vacuas direxisses. Quibus inter cætera quæ non sunt digna relatu, hæc nobis scribere præsumpsisti, quod cuilibet de te sinistra suggerenti aurem libenter apponere consueuimus, & coram omnibus contra te non erubescimus in verba prorumpere inhonestæ: quod nostram non illustrat prouidentiam, sed obfuscatur, quia Sancti

successores Petri non consueverunt inferre conuitia, sed ea exemplo Christi cum patientia sustinere. Sanè nullus principum quantumlibet magnus, nisi forsan hæreticus, aut Tyrannus, tam irreuerenter & arroganter nobis, aut prædecessoribus nostris scribere attentauit, propter eius reuerentiam, & honorem, cuius representamus in apostolatu personam. Sed & illud quod in eisdem litteris subscripsisti non sapit Catholicam puritatem, sed hæreticam videtur perfidiam exhalare; quòd uidelicet nullatenus in eis qui Religionem simulant, & maximè in Prælatiis, & Clericis, meliùs potest frangi vel comminui simulachrum luxus, atque superbiz; quàm si eis nimia superabundantia temporalium, quàm à te habent, & patre tuo, in regni tui, ac successorum tuorum maximum præiudicium subtrahantur; & filijs tuis, ac Regni deffensoribus in multis patientibus indigentiam assignetur. Nobis autem pro minimo est, ut à te, vel ab humano die, sicut dicit apostolus, iudicemur: quoniam qui nos iudicat Dominus est, nec agere desistemus quod idem apostolus ait. Argue, increpa, obsecra, in omni patientia, & doctrina. Quare arguentes, & increpantes more pij patris, qui filium quem diligit corripit, obsecramus te, fili charissime, per misericordiam Iesu Christi, quatinus illa mensura contentus quam Deus tibi donauit, ad Ecclesiastica iura non extendas aliquatenus manus tuas, sicut nec nos ad regalia iura manus nostras extendimus; relinquens nobis iudicium Clericorum, sicut & nos Laicorum iudicium tibi relinquimus. Quia secundum apostolum, seruus suo Domino stat, aut cadit; ne si alienum tibi officium usurpaueris, exemplo Oziz Regis diuinam sentias ultionem. Quoniam igitur excessus huiusmodi, multipliciter apud homines obnubilant famam tuam, & conscientiam maculant apud Deum; serenitatem tuam rogamus attentius, & monemus, salubriter consulentes; quatenus habens respectum ad illud, cui nuda sunt quælibet & apertas; qui etiam nec falli potest, nec corrumpi, prædictum Episcopum propriæ restituens libertati, ablata eidem restituas vniuersa; & de damnis, iniurijs, & grauaminibus, sibi & Ecclesiæ irrogatis satisfaciens competenter, ab eisdem, & similibus sic desistas, ut maiestatem diuinam, quam propter hoc grauiter offendis, valeas complacare, ac cum defeceris, in tabernacula recipiaris æterna. Alioquin quantumcumque te in Domino diligamus, & honori tuo defferre velimus, quia magis est Regi Deo, quàm Regi homini defferendum, noueris quod in iure suo non deerimus Episcopo memorato, qui sumus omnibus in iustitia debitores. Datum Lateran. vij. Kal. Martij, anno xiiij.

EPISTOLA IX.

COMPOSTELLANO ARCHIEPISCOPO.

Super eodem.

QUANTO EHEMENTER nos comedit zelus domus Dei, ad cuius sumus, licet immeriti, custodiam deputati, cum ab illis affligitur, qui eam deberent potius consouere, ac grauatur ab eis, per quos deberet ab alijs deffensari: quibus paterno compatiens affectu, non minùs vimur pro eisdem, quàm pro domo Domini quam affligunt. Sanè sicut ex litteris ven. fratris nostri Episcopi

copi Colimbrien. accepimus, chariſſimus in Chriſto filius noſter ... Rex Portugalen. illuſtri, hoc prout conuenit non atrendens, nec ſaluti ſuæ conſulens, & honori, obmiſſa reuerentia redemptoris, ſe de rebus Eccleſiaſticis plus debito intromittens, Eccleſias, & Eccleſiaſtica beneficia conſert quibus vult perſonis, & aufert, deſtituendo illos qui ſunt Canonicè per dictum Episcopum in Eccleſijs ſuæ Diœceſis inſtituti, &c. In eundem ferè modum, vt in alia, vſque detineri. Quapropter dilectum filium M. Cappellatum ſuum, qui cum ipſo in huiusmodi tribulationibus ſpecialiùs permanebat, de nocte larenter mutato habitu, quaſi nudum ad ſedem apoſtolicam deſtinauit. Cùm autem dictus Episcopopus appellationem interpoſitam, per procuratorem idoneum memoratum Capellatum ſuum fuerit proſecutus; memoratus dictus Rex non curauit idoneum mittere reſponſalem, licèt quidam ſimplex nuntius ipſius P. dictus Abbas, nobis ex parte ſua litteras minùs prouidas præſentari. Quia verò quantò prædictum Regem ampliori charitate diligimus, tantò maiori dolore turbamur, quotiens nobis ea de ipſius actibus referuntur, quæ famam eius obnubilant apud homines, & conſcientiam maculant apud Deum. Fraternitati tuæ per apoſtolica ſcripta mandamus, atque præcipimus: quatenus eundem Regem moneas attentius, & efficaciter inducere non poſtponas, vt memoratum Episcopum propriæ reſtituat libertati, ablata eidem reſtituens vniuerſa, & de damnis, iniurijs, & grauaminibus ſupradictis ſibi, & Eccleſiæ irrogatis ſatisfaciens compententer, ab eiſdem & ſimilibus de cætero ſic deſiſtar, quod offenſam diuinæ maiestatis euitet, quam propter hoc creditur incurriſſe, & apud homines eius opinio quæ per prædicta maculata fuerat releuetur. Alioquin quantumcùmque ipſius velimus honori deſſere, quia tamen homini contra deum deſſere nolumus aliqua ratione, omni gratia, timore, ac amore poſtpoſitis ipſum ad hoc per illam quam magis videris expedire cenſuram, & per pœnam in compromiſſo ſtatutam, qua ſe ſicut ex litteris Bracaren. electi nuper accepimus, voluntariè obligauit, ſublato cuiuſlibet contradictionis, & appellationis obſtaculo compellere non poſtponas. Datum, vt in alia per totum.

EPISTOLA X.

EIDEM.

*Ex certa ſcientia, licèt reſuſari poſſit, ei cauſam ſuperioris Epistolæ committit,
& mandat vt littera Apoſtolica Regi Portugalliaſ legantur.*

ELCET ven. frater noſter Colimbrien. Episcopopus, pro eo quod inter ipſum & ... Egitanien. Episcopum Suffraganeum ruum, ſuper limitatione Episcopatum ſuorum, & quibuſdam alijs quæſtio ventilatur, re in cauſa ſua poſſit Iudicem reſuſare. Nos tamen de diſcretionem tuam, ac prudentiam plenè conſili, cauſam ſuam, quam habet contra chariſſimum in Chriſto filium noſtrum Regem Portugalen. Illuſtrem, tibi de certa ſcientia duximus committeſſendam. Quocirca fraternitati tuæ per apoſtolica ſcripta mandamus, quatenus habens præ oculis ſolum Deum, taliter in negotio ipſo procedas, quod & idem Episcopopus ſuam, & Eccleſiæ ſuæ iuſtitiam proſequatur; & nos deuotionem tuam

possimus exinde merito commendare. Cæterùm quia, sicut accepimus, Cancellarius eiusdem Regis litteras nostras vel delegatorum nostrorum, quæ mittuntur eidem, ob fauorem ipsius, aut interpretatur aliter quàm se habeant, aut omnino subicit quòd noscit Regis auribus displicere. Volumus, & mādāmus, quatinus litteras, quas super eodem negotio ipsi Regi dirigimus, per tuum Clericum ei præsentari facias, & legi etiam continentiam earundem; Ipsum Cancellarium monens auctoritate nostra, pariter & inducens, vt sicut diuinam non vult, & nostram indignationem incurrere, ab opere tam iniquo de cætero conquiescat. Datum, vt in alia.

EPISTOLA XI.

ARCHIEPISCOPO ET SVFFRAGANEIS ECCLESIAE SENONENSIS.

Vt purgatos de simonia & falsitate in ordinis exercitium recipiant, taliter ordinatis de cætero eo ipso suspensis.

ADVERSUS quosdam Clericos vestrarum Dioccesum, qui dudum ad sedem apostolicam accedentes à vicinis Episcopis. Castell. videlicet, & Ortan. Sutri. & ... Nepesin. temerè se fecerunt ad sacros ordines promoueri, graui fuimus indignatione commoti: pro eo maximè, quòd quosdam eorum per falsas litteras, & simoniacam prauitatem accepimus fuisse promotos. Vnde ordinatores à potestate suspendimus ordinandi, & ordinatis executionem interdiximus ordinum taliter susceptorum, super hoc vobis litteras apostolicas destinantes. Nuper autem multi de ipsis ad nostram præsentiam reuerentes, cum multo fletu, & ciularu, quotidie non cessabant ad nos opportune, importune clamare, suppliciter obsecrantes, vt cum eis misericorditer agere dignaremur. Quibus diu nos difficiles exhibuimus, & seueros in tātum quod eis sub pœna excommunicationis iniunximus, vt redirent; ne nos super hoc diutius molestarent. Sed ne sic quidam eorum ab obsecrationis instantia desistere voluerunt, quò magis repellabantur à nobis, eò magis apud nos vt misereremur instantes. Eius denique nos exemplo, qui cum iratus fuerit non obliuiscitur misereri, rigorem mansuetudine prouidimus temperandum: Cùm & ipsi exemplo Iacob luctantis cum Angelo nullatenus nos dimitterent, nisi eis benedicere curaremus. Quocirca fraternitati vestræ per Apostolica scripta mandamus: quatenus his qui de prædictis duobus criminibus Canonice se purgauerint, falsitate videlicet litterarum, & Simoniaca prauitate, suspensionis sententiam, quam in eos tulimus, relaxetis; vt si aliàs digni sint, & idonei, & vos eis concedere volueritis, in vestris possint Dioccesibus ministrare. Ad hæc per Dioceses vestras ex parte tam nostra, quàm vestra, publicè, ac districte vetetis, nequis vltiùs se faciat taliter ordinari. Et ne facultas venientium tribuat delinquendi, quicumque de cætero fuerit taliter ordinatus, eo ipso se nouerit ab ordinis executione suspensum. Datum Lateran. ij. Kal. Martij Pontificatus nostri Anno quarto decimo.

EPISTOLA XII.

ABBATISSÆ ET MONIALIBVS AVRIGNIACEN.

*Ne beneficia non vacantia promittantur
vel pensiones assignentur.*

CVM ex iniuncto nobis Apostolatus officio Ecclesiarum omnium sollicitudinem gerere teneamur: ea corrigere nos oportet, quæ interdum in grauamen ipsorum temerè, seu etiam improvidè attentantur. Sanè, te filia Abbatissa referente, ad nostram audientiam est delatum, quòd Abbatissa, quæ te præcessit, & vos ad multorum instantiam importunam, quibusdam non vacantia beneficia promissistis, pensionem eisdem ipsorum nomine concedentes, in vestri Monasterij læsionem. Quia igitur id contra statuta Lateran. Concilij noscitur attentatum: promissiones huiusmodi decernentes irritas, & inanes, & pensiones concessas beneficiorum non vacantium nomine, non soluendas; auctoritate præsentium districtius inhibemus, ne contra præfatum Concilium beneficia promittere non vacantia, vel pensionem cuiquam taliter assignare, de cætero præsumatis. Nulli ergo omnino hominum liceat hanc paginam nostræ constitutionis &c. Si quis autem & vsque incursum. Datum Laterani vj. Nonas Martij, anno xliij.

EPISTOLA XIII.

HENRICO ELLECTO S. STEPHANI HERBIPOLEN.

Narrato utrimque processu electionem eius confirmat.

OLIM in dilecti filij nostri B. titulo Sanctæ Sufanæ Presbyteri Card. quem tibi, & O. procuratori ven. F. N. Vvirzeburgen. Episcopi auditorem concessimus, præsentia constitutus, proponere curauisti. Quòd cum in Abbatem Monasterij S. Stephani fuisses electus, & electionem tuam prædictus noluisset Episcopus confirmare, ad ven. F. N. Heistetenj. Episcopum & dilectum filium... Abbatem Halsbrunen. commissionis litteras impetrasti. Cùmque coram ipsis inter te, ac quosdam Monachos aduersarios tuos lis fuisset legitime contestata, quoniam pars aduersa non solum comparere noluit in terminis peremptorio etiam assignatis, sed quendam aliqui in prædictum Monasterium intrusere. Iudices receptis ex parte tua quibusdam testibus, te in processione causa rei seruandæ mittentes, cum quæm aduersarij tui duxerant in Monasterio intrudendum, cum omnibus fautoribus suis excommunicationis sententiæ subiecerunt. Ad hæc autem respondebat Episcopi Procurator: quòd & tu per falsi suggestionem prædictas litteras impetraueras, & inordinate possederant iudices memoratis; Quia cum inter te, ac Episcopum fuisset causa commissa, ipsi, Episcopo non citato, contra prædictos Monachos, de quibus in commissione mentio non fiebat, post appellationem ad nos interpositam præsumperant iudicium exercere. Nos igitur his & alijs quæ coram eodem Card.

proposita fuerant plenius intellectis, tam id quod de illo extiterat attentatum, qui lire pendente per aduersarios tuos intrusus fuerat in Abbatem, quàm illud quòd te in possessionem causa rei seruandæ Iudices induxerant memorati, decreuimus irritum, & inane. Ac de consensu partium, ven. F. N. Episcopo, & dilectis filiis maioris Ecclesiæ &... Sanctæ Crucis Præpositis Augusten. dedimus in mandatis: vt vocatis ad præsentiam suam quoscúmque noscerent euocandos, te, ac socijs tuis ad stipendia restitutis, & absolutis secundùm formam Ecclesiæ absoluendis, audirent causam: & tam recipiendis attestacionibus, quàm receptis legitimè publicis, eam sine canonico, sublato appellationis obstaculo, terminarent. Ipsi verò receptis per quosdam viros discretos testibus, & per se tandem attestacionibus publicatis, post multas excepciones, & alia vtrimque proposita: quia quidam testes eis contrarij videbantur, causam ad nos remiserunt instructam, vigiliam B. Andreæ partibus terminum præfigentes, quo nostro se conspectui præsentarent sententiam recepturæ. Quamuis autem tu propter hoc ad sedem Apostolicam accessisses, pro parte tamen altera nullus comparuit responsalis, quare te oportuit diutius expectare. Tandem verò ne pars altera lucrum de contumacia reportaret, sed eius absentia Dei præsentia suppleretur, aperiri gesta fecimus, & examinari omnia diligenter. Contra te igitur videbatur propositum, & probatum: quòd cùm iuri eligendi renuntiatum in Episcopi manu fuisset, ipse monachis sub hac forma licentiam tribuerat eligendi, si possent in personam idoneam de gremio ipsius Ecclesiæ conuenire: alioquin ne sine ipso, vel nuntio suo procedere attentarent, districtiùs curauerat inhibere. Ipsi ergo supra electione tractantibus, in quatuor arbitros fuit ab omnibus compromissum; sic videlicet, vt si vnus etiam ab alijs discordaret, quod tres facerent non valeret. Qui cùm in quadam camera conuenissent, nec potuissent adinuicem concordare, sed recessissent de loco ipso discordes. Ioannes cum socijs suis accedens ad eos, ex Episcopi parte prohibuit, ne vltius ad arbitrum confederent; quia ipsi de cætero eorum arbitrium non seruarent. Cæterum tres eorum prohibitioni factæ minime deferentes, contradicente quarto, absentia Ioannis, & Cononis captata; te sibi eligere præsumperant in Abbatem. Quare quod ab eis factum fuerat, videbatur penitus non valete. Quia cùm in manu Episcopi renuntiatum iuri eligendi fuisset, & sub hac forma dumtaxat, electionis restituta facultas, si possent vnanimiter conuenire, ipsi non fecerant electionem concordem; sed contra formam præscriptam conuenerunt in arbitros, quorum tres contra compromissi tenorem contradicente quarto, & arbitrando licentia reuocata, contemptis absentibus, re qui bona Cellarij, cuius administrationem priùs habueras, assererebaris enormiter dissipasse, in Abbatem præsumperant nominare. Verùm ad hoc fuit ex tua parte responsum: quod non fuerat sufficienter ostensum, vos iuri eligendi renuntiasse in manu Episcopi, quod ipsis secundùm Canones competebar: præsertim cùm nullus restitum, quod tu cum parte tua renuntiaueris, ausus fuerit affirmare, licet aliquis dixerit se ab Episcopo sic audisse. Præterea; si fuisset renuntiarum ab omnibus, Episcopus tamen facultatem restituerat eligendi, si possent concorditer conuenire. Ipsi quoque quatuor arbitros concorditer assumpserunt, qui etiam intelligendi sunt concorditer processisse; cùm etsi quartus dixerit, quod te, obstante iuramento quod

quod Abbati pramortuo de te non eligendo prastiterat, eligere non valebat personam tamen tuam multipliciter commendari, & sibi dixerit complacere. Praterea concorditer illud intelligitur esse factum, a quo non poterant obstante iuramento ab omnibus vnanimiter prastito resilire: Cum fuisset iuratum ab omnibus, quod eum in quem quatuor, vel tres arbitri conuenirent, etiam si quartus contradiceret, reciperent in abbatem. Eadem quoque ratione dicebas, quod arbitrandi, seu eligendi facultas reuocata non fuerat, nec potuerat reuocari: prastertim cum etsi arbitri nondum publicassent arbitrium, iam tamen in te pariter conuenissent. Nec nocet in aliquo, quod quibusdam absentibus, arbitri processerunt; cum Ioanes, qui abfuisse dicitur, staret prae foribus, & Cono scienter se duxerit absentandum, illaque hora instaret, qua electionem publicare debebant, & qua elapsa eligendi arbitrium expirasset. Supra dilapidatione vero, etsi nihil contra te fuerit sufficienter ostensum, per testes tamen tuos erat appertè probatum, quod officium tuum melioratum reliqueras, & de omnibus sufficientem reddideras rationem. Nos igitur his & alijs diligentius, & plenius intellectis, electionem de te factam auctoritate Apostolica confirmamus, & presentis scripti patrocinio comunimus. Nulli ergo omnino hominum liceat hanc paginam nostrae confirmationis infringere, vel ei &c. Vsq. incursum. Datum Lateran. vj. Idus Martij, Pontificatus nostri, Anno quartodecimo.

EPISTOLA XIV.

RATISPONEN. EPISCOPO, ET ... DE SANCTO EMMERANNO RATISPONEN.
ET ... PRVVENINGEN. RATISPONEN. DIOECESIS ABBATIBVS.

Vt pralatam sententiam executioni mandent.

O LIM dilectus filius H. Electus Monasterij S. Stephani Herbipolen. in dilecti filij nostri B. titulo S. Susannae Presbyteri Card. quem sibi, & O. Procuratori ven. F.N. ... Vvirseburgen. Episcopi, auditorem concessimus, praesentia constitutus, proponere procurauit. Quod cum in abbatem eiusdem Monasterij fuisset electus, & electionem suam praedictus noluisse Episcopus confirmare, &c. In eundem ferè modum, vt in alia, vsque examinari omnia diligenter. Itaque contra eundem electum videbatur propositum, & probatum, &c. Vsq. manu fuisset. Ipse Monachis dicti Monasterij sub hac forma, &c. Vsq. capitata; eum sibi eligere presumpserant in abbatem. Quare &c. In eundem ferè modum vt in alia. Vsq. contemptis absentibus, ipsum qui bona Cellarij, cuius administrationem prius habuerat, assererebatur enormiter dissipasse, in abbatem praesumpserant nominare. Verum ad haec fuit ex sua parte responsum, quod, &c. in eundem ferè modum, vt in alia, vsque plenius intellectis. Electionem de dicto electo factam auctoritate Apostolica per diffinitiuam duximus sententiam confirmandam. Ideoque discretioni vestrae per Apostolica scripta mandamus; quatenus sententiam ipsam executioni mandantes, eundem Henr. in corporalem abbatiae possessionem inducere procuretis, & ab vniuersis Monachis ei faciatis obedientiam exhiberi. Contradictores per censuram Eccle-

siasticam, appellatione postposita compescentes. Quòd si non omnes &c. Duo vestrum ea &c. Datum vt in alia per totum.

EPISTOLA XV.

ARCHIEPISCOPO SENONEN. ET ... NIVERNEN. EPISCOPO, ET MAGISTRO
R. DE CORZON. CANONICO PARISIEN.

*Committit causam Presbyteri de Musiaci de hæresi infamato, & per
contumaciam ab Episcopo Lingonenfi condemnato.*

REVERENDISSIME frater noster .. Lingonen. Episcopus quædam nobis
contra G. Canonicum Lingonen. Presbyterum de Musiaci per suas
litteras intimavit, quæ sapere præsumuntur hæreticam prauitatem;
quarum tenorem de verbo ad verbum, vobis sub bulla nostra remittimus in-
terclusum. Vnde cum dictus Episcopus, eundem G. suspectum de hæresi ha-
buisset, coegit eundem cautionem, tam iuratoriam, quàm fideiussoriam exhi-
bere, quòd terminis, quos sibi præfigeret, eius se conspectui præsentaret, prout
deceret super his omnibus responsurus. Sed cum dictus Episcopus, apud Bar-
rum super Secanam, die quo terminum assignarat sibi, cum multis viris reli-
giosis, & prudentibus, quos ad hoc conuocauerat, conuenisset. Idem G. iura-
menti religione contempta; nec comparuit, nec suam absentiam excusauit.
Quare suspectus Episcopus, pensatis omnibus, quæ tam prima die, quàm se-
cunda seruato iuris ordine, ac præ oculis habito Dei timore, acta fuerant coram
eo, & toto processu diligenti deliberatione pensato de consilio, & cōsensu, tam
religiosorum, quàm iurisperitorum omnium qui assistebant eidem, expeditum
G. super his de quibus fuerat accusatus, pro conuicto decreuit habendum, ip-
sum sententia diffinitiva pronuntians tanquam hæreticum condemnandum, &
sententiam in scriptis redigi faciens, & multorum sigillis, Episcoporum videlicet,
abbatum, & archidiaconorum referuari munitam. Dictus autem G. in nostra
præsentia constitutus proposuit, quòd præfatus Episcopus eum post appellatio-
nem ad nos interpositam, ceperat, & præfatam præstare compulerat cautionem,
nitens se multipliciter excusare. Nos igitur attendentes, quòd ea quæ circa ip-
sum fuerint inquirenda, vos plenius poteritis indagare, illum ad vos duximus
remittendum. Per Apostolica scripta præcipiendo mandantes; quatinus nisi
vsque ad festum Pentecostes comparuerit coram vobis, super his quæ sapiunt
hæreticam prauitatem, suam sufficienter, si poterit, innocentiam ostensurus: vos
sublato cuiuslibet contradictionis, & appellationis obstaculo, exerceatis in ip-
sum rigorem Ecclesiasticæ disciplinæ. Quòd si se ostenderit inculpabilem, eius
innocentiam opprimi non sinatis; cum sincera & diligentia, diligenti sinceri-
tate, in negotio fidei processuri. Quòd si non omnes &c. Duo vestrum ea &c.
Datum Lateran. xvj Kal. Aprilis Anno xiiij.

EPISTOLA XVI.

MAGISTRO GILIBERTO CANONICO SANCTORVM APOSTOLORVM
CONSTANTINOPOLITAN.

Confirmat ei præbendam Cpana Ecclesia.

IUSTIS petentium desiderijs dignum est nos facilem prebere consensum, & vota quæ à rationis tramite non discordant, effectu prosequente complere. Ea propter, dilecte in Domino fili, tuis iustis postulationibus grato concurrentes assensu; præbendam, quam in Ecclesia Sanctorum Apostolorum Constantinopolitan. es Canonicè asscutus, sicut eam iustè possides, & quietè, auctoritate tibi Apostolica confirmamus, & præsentis scripti patrocínio communimus. Nulli ergo omnino hominum &c. Vsq̃ue incursum. Datum Lateran. xj. Kal. Aprilis anno xiiij.

EPISTOLA XVII.

A. CANONICO SANCTÆ SOPHIÆ CONSTANTINOPOLITAN. ^{iv.}

Præbendam ei confirmat.

SOLET annuere sedes Apostolica pijs votis, & honestis petentium præcibus favorem bentuolum impartiri. Ea propter, dilecte in Domino fili, tuis iustis precibus inclinati, præbendam, quam in Constantinopolitan. Ecclesia obtines, sicut eam iustè possides, & quietè, auctoritate tibi Apostolica confirmamus, & præsentis scripti patrocínio communimus. Nulli ergo omnino hominum liceat hanc paginam nostræ confirmationis &c. Vsq̃ue incursum. Datum vt in alia per totum.

EPISTOLA XVIII.

HVGONI ABBATI MONASTERII SANCTI SALVATORIS KARROFFEN.

EIVSQVE FRATRIBVS, TAM PRÆSENTIBVS, QUAM FUTVRIS,

REGVLAREM VITAM PROFESSIS IN PERPETVVM.

VENERABILIVM locorum cura nos admonet, de eorum perpetua securitate tractare, & quæ pro ipsorum quiete rectè statuta sunt cooperante Domino stabilite. Ea propter, dilecti in Domino filij, vestris iustis postulationibus clementer annuimus, & præfatum Monasterium sancti Salvatoris, in quo diuino ellis obsequio mancipari, ad exemplar. fe. recor. Alexandri secundi. Urbani secundi. Calixti. Lucij secundi. Anastasij & Alexandri tertij, prædecessorum nostrorum, Romanorum Pontificum, sub beati Petri, & nostra protectione suscipimus, & præsentis scripti priuilegio communimus. In primis siquidem statuentes, vt ordo Monasticus, qui secundum Deum, & B. Benedicti regulam, in eodem Monasterio institutus esse dinoscitur,

perpetuis ibidē temporibus inuiolabiliter obseruetur. Præterea quascūq; possessiones, quæcūq; bona, idem Monasteriū impræsentiarū iuste, & Canonice possidet, aut in futurū concessione Pontificum, largitione Regū, vel Principum, oblatione fidelium, seu alijs iustis modis præstante Domino poterit adipisci, firma vobis vestrisq; successoribus, & illibata permaneant. In quibus hæc proprijs duximus vocabulis exprimenda. Locum ipsum in quo præfatum Monasterium situm est, cum omnibus pertinentijs suis. Burgum videlicet ipsi Cænobio adiacentem, cum Ecclesijs, & Parrochijs suis. Ecclesiam de Ancis, de Pleuilia. De Genuliaco. De Suiriaco. De Lubiliaco. S. Martini Atsi. De Enertiaco. Cum terra de Podio Caluo. Ecclesias de Meleu. De Maslerant. De Marceliaco. De Bello monte. De Argentunio. De Clareia. De Parisiaco. De Goia. De Chel. De Exactijs. De Malo presbytero. De Castro Garnerij. De Solmeria, cum Brenaco. De Siurim. De Benajas. De Loz. De Clatonte. De Belloloco. De Camboira. Et de Adaco. Ecclesias Sancti Fermerij. S. Maxentij. S. Mariz, & S. Sophiz de Niorro, cum Parrochia sua. Sancti Leodegarij. S. Cirici. Sanctæ Mariz de Cornu, cum Ecclesijs suis, & Parrochia. Sancti Nicolai de Monte Maurilij. S. Martini de Heremo. de Tursarco. & de Basiano. In Lemouicensi Episcopatu: Monasterium Castri de Rupe Canatdi, cum Cimiterio, & Pertinentijs suis. Monasterium Sancti angeli, cum Castro, & Ecclesijs sibi pertinentibus. Ecclesias de Colongia. De Magnaco. de Monasterio. Et de Cella. Ecclesiam sanctæ Mariz de Tellicio, cum appenditijs suis. De Oratorio. Et de Asnerijs. Ecclesias sanctæ Eulaliz. Et S. Vincentij. De Sancto Germano, cum Cappella de Insula: Castrum de Nuntronio, & Monasterium cum Ecclesijs suis. Oratorium. S. Laurentij de Tilia, cum villis de Arbergijs. De Pollac. De Gaschonholas. De Brillac & de Campellis, cum terris, vineis, decimis, redditibus, nemoribus, & alijs pertinentijs suis. Oratorium Sancti Nicolai de Aubis, cum vineis, terris, pratis, molendinis, & alijs pertinentijs suis. In Xantonensi Diœcesi Ecclesiam de Iarnaco, cum villa, & alijs pertinentijs suis. Ecclesias de Maruiaco. De Claun. De Cadenaco. De Fornes. De Solunianes. De Cressiaco. De Colunes. Et de auia, cum pertinentijs suis. Ecclesias Sanctæ Columbæ, & Sanctæ Leuerinæ, cum decimis, redditibus, & alijs pertinentijs suis. Ecclesias de Macouilla, de Ribaniaco, cum terris, & alijs pertinentijs suis. Ecclesias Sancti Florentij & S. Bibiani, cum omnibus pertinentijs suis. In Episcopatu Petragoricensi. Monasterium S. Petri de Sorziaco, cum villa, terris, vineis, decimis, molendinis, & alijs pertinentijs suis. Ecclesiam Sanctæ Mariz de Moscidanio, cum decimis, & alijs pertinentijs suis. Ecclesiam Sancti Medardi, cum villa, & alijs pertinentijs suis. Ecclesiam S. Columbæ, cum pertinentijs suis. Ecclesiam nouam de Fractoioco. Ecclesiam S. Mariz de Capella Fulcherij, cum pertinentijs suis. Ecclesias de Ladas, & Sancti Preiecti de Faugas, & de Paracollo, cum villa, & alijs pertinentijs suis. Ecclesiā de Cosa, cum altaribus, & alijs pertinentijs suis. In Diœcesi Caturcen. Monasterium de Monte-Pesato, cum decimis, & alijs pertinentijs suis. Ecclesias de Bonoloco, & de Misericordia Dei, cum pertinentijs suis. In Episcopatu Agennensi. Ecclesiam de Vitrac, cum appenditijs suis. Ecclesias de Artaldo. De Margarola, & de Bertinio, cum pertinentijs suis. In Engolismen. Diœcesi Ecclesiam de Voerta, cum villis, decimis, & alijs pertinentijs suis.

Ecclesias de Fonranilij, de Canumet, de Sargucoco. De Donazaço. De Suriaço Monasterio, & de Calcias, cum pertinētijs suis. In Burdegalen. Diœcesis. Ecclesiâ de Tella, & de Ribaniaco, cum pertinentijs suis. In Andegauen. Diœcesis. Ecclesiâ Sancti Saturnini, cum appenditijs suis. In Beluacē. Diœcesis. Ecclesiâ de Fraxinet, cum villa, terris, decimis, redditibus, & alari suo, de Oddonis Curte, & alijs pertinentijs suis. Domum de Aude Curia, cū villa, vineis, & alijs pertinentijs suis. In Remen. Diœcesis. Ecclesiam de villa Dominica, cum altari, & alijs pertinentijs suis. In Morinen. Diœcesis. Abbatiam, quæ dicitur Ham. Statuentes vt abbas, qui in eodem loco successerit, electio, in Karroffensis abbas prouisione consistat: quia ab ipso pene fundationis exordio, Hamensis Ecclesia Karroffen. Monasterio oblata, Karroffensium fratrum studio, & expensis exercuisse cognoscitur. Abbatiam de Andria. Ecclesiam de Beuteria, cum terris, pratis, & alijs pertinentijs suis. Ecclesiam de Aloannia, cum villa, terris, & alijs pertinentijs suis. In Anglia. In Episcopatu Lincolnensi, Monasterium de Dardunaco, cum pertinentijs suis. Ecclesias de Tantunaco, de Cantunaco, de Cauffo, & de Canturbeio. In Bituricen. Diœcesis. Ecclesiam. S. Vincentij de Monz, cum villa, terris, molendinis, & omnibus pertinentijs suis. Ecclesiam de Monsterolo, cum villa, pratis, molendinis, & omnibus pertinentijs suis. In Claromonrensi Diœcesis, Castellum Sancti Iuonij. Abbatiam Vvodorensē. Ecclesias de Cadilogio. De Morengia. De Nobiliaco. De Grossogilo. De Perusia. De Gadiniaço. Et de Pleuis, cum omnibus pertinentijs suis. Ecclesiam Sancti Dionisij de Lascesas. Ecclesiam. S. Petri de Noallac. Ecclesias de Ambernac: vnam Beatæ Mariæ, alteram B. Petri, Ecclesiam S. Martini de Ambazac super fluuium Dronæ. Ecclesiam de Macouilla, & Ecclesiam de Cella, cum omnibus pertinentijs suis. In Rothomagen. Diœcesis, Ecclesiam Sanctæ Mariæ de Alneto, cum decimis, & alijs pertinentijs suis. In Ambianen. Diœcesis, Ecclesiam de Boareslia, cum villa, terris, decimis, nemoribus. Et Ecclesia Sanctæ Mariæ de Formarijs cum terria parte decimarum totius Parrochiæ. Ad hæc supradictorū patrum veltigij insistentes interdicimus: ne Diœcesis ipsius Episcopus, nisi ab Abbate inuitatus fuerit, in eodem Monasterio missas publicas, aut consecrationes, vel ordinationes qualibet agat, neque sanctiones indicat, neque paratas, vel mansionarios exinde requirat. Salua hospitalitatis gratia competenti. Liceat quoq; vobis clericis, vel laicos liberos, & absoluros è seculo fugientes ad conuersionem recipere, & eos in vestro Monasterio absq; cōtradictione aliqua retinere. Prohibemus insuper, vt nulli fratrum vestrorum post factam in loco vestro professionem, fas sit absq; licentia. Abbaris sui, nisi obiectu arctioris religionis discedere: discendētem verò absq; cōmuniū litterarū vestrarū cautione, nullus audeat retinere. In Parrochialibus verò Ecclesijs, quas tenetis, liceat vobis Sacerdotes eligere, & Episcopis presentare: quibus, si idonei fuerint, Episcopi curā animarum cōmittant: ita vt de plebis quidē cura ipsi, vobis verò pro réporalibus debeant respondere. Interdicimus etiā, ne in altare Ecclesiæ vestræ, quod prædicti antecessoris nostri Urbani manibus cōsecratū est, secundū cōstitutionē eius, quisquā præter apostolicę sedis Pontificē vel eius Legatos, ex cōmunicationis, vel interdictionis audeat proferre sententiā. Obeunte verò re nūc eiusdē loci Abbate, vel tuorū quolibet successorū, nullus ibi qualibet surreptionis astutia, seu violentia præponatur: nisi quē fratres

communi consensu, vel fratrum pars consilij sanioris, secundum Deum, & B. Benedicti regulam providerint eligendum. Qui à Diocesano Episcopo benedicitur, siquidem gratiam, & communionem apostolicæ sedis habuerit, et si benedictionem gratis, ac sine prauitate aliqua voluerit exhibere: alioquin liceat vobis pro benedictione eadem, Catholicum quem malueritis adire Antistitem. Decernimus ergo, vt nulli omnino hominum liceat præfatum Monasterium temerè perturbare; aut eius possessiones auferre, vel ablatas retinere, minuire, seu quibuscumque vexationibus fatigare: sed omnia integra conseruentur, eorum, pro quorum gubernatione, ac sustentatione concessa sunt, vsibus omnimodis profutura; salua sedis apostolicæ auctoritate. Si qua igitur in futurum Ecclesiastica, secularisve persona; hanc nostræ constitutionis paginam, sciens contra eam temerè venire tentauerit, secundò, tertioque communica, nisi reatum suum congrua satisfactione contorserit, potestatis honorisque sui careat dignitate, reamque, se diuino Iudicio existere de perpetrata iniquitate cognoscat, & à factatisimo corpore, ac sanguine Dei & Domini Redemptoris nostri Iesu Christi aliena fiat, atque in extremo examine districtè subiaceat vltioni. Cunctis autem eidem loco sua iura seruantibus, sit pax Domini nostri Iesu Christi. quatenus & hic fructum bonæ actionis percipiant, & apud districtum Iudicem præmia æternæ pacis inueniant Amen. Datum Lateran. per manum Ioannis Sanctæ Mariæ in Cosmidin Diaconi Catd. Sanctæ Romanæ Ecclesiæ Cancellarij xij. Kal. aprilis. Indictione xiiij. Incarnationis Dominicæ Anno millesimo ducentesimo decimo. Pontificatus verò Domini Innocentij Papæ tertij. Anno xiiij.

EPISTOLA XIX.

HYGONI ABBATI ET CONVENTUI KARROFEN.

Confirmat compositionem inter Karroffense & Andrense Monaster. tam super electione Abbatis Andrensis, quam alijs iuribus.

QUANTER Ecclesiam vestram, & andren. Cœnobium super eligendi Abbatis Andren. dudum questione suborta: postquam super ea fuit in nostra præsentia diutius disceptatum, dil. fil. .. Decan. Satesberien. & Archid. & Magistro. P. Puluerel. Canonico Parisien. dedimus in mandatis, vt auditis hinc inde propositis, si ex parte vestralis foret consuetudo probata, qui iuri communi præiudicaret; meritò in hac parte ipsi secundum consuetudinem eandem decernerent electionem Andren. Abbatis vltèrius faciendam. Quòd si talis consuetudo per quam in hoc casu præiudicaretur iuri communi minime probaretur, ipsi Andren. Monachis ius eligendi Abbatem, sublato appellationis obstaculo, adiudicare curarent. Vt sic postmodum obtinerent libertatem facultatem, vel de Ecclesiæ suæ gremio, vel etiam aliunde, per electionem Canonice eligendi personam idoneam in Abbatem, præsentandam Capitulo Karroffen. vt si esset Canonica confirmaretur ab ipsis. Quod si forsitan partes mallent, vt nobis sententia seruaretur: ipsi causam instructà ad nostrum examen remittere procurarent, præfigentes partibus tertinam competentem, quo in

nostra comparerent presentia, recepturæ iudicium æquitatis. Quod si omnes his exequendis interesse non possent, duo eorum ea nihilominus exequi procurarent. Qui postmodum testibus utriusque partis receptis, & tam instrumentis, & rationibus, quàm confessionibus, & allegationibus etiam diligenter inspectis; cum Iudices super sententia proferenda tractarent, & unus eorum, videlicet Decanus, alrueret, sibi de causæ meritis non liquere, quàm ad nostrum cupiebat examen remitti. Reliqui duo Iudices, sicut ex litteris intelleximus eorundem, cupientes negotium expedire, prout partes pluries instantè petierant; postquam in causa renuntiatum fuerat, & conclusum, auditis specialiter postea quæ fuerunt à partibus proposita coram eis, cum iam sententiàm, quàm de consilio peritorum conscripserat, intenderent promulgare: Andren. Monasterij procurator quædam suspensionis causas proposuit contra eos, de quibus ante nullam fecerat mentionem, & ad cognoscendum de ipsis, arbitris non petitis recessit ab eis. Sed dicti Iudices nihilominus sententialiter decreuerunt, cum in Andren. Cœnobio immineret abbatis electio faciendâ, Andren. Monachi ab Abbate & Capitulo Karroffen. eligendi abbatem licentiam peterent, & eligerent postmodum personam idoneam de gremio, & professis Ecclesiæ Karroffen. ita quod in Capitulo Karroffen. eligere minimè tenerentur. Cum autem nuper dil. fil. G. Daubis Monachus vester, & VV. Andren. Ecclesiæ procuratores, propter hoc ad sedem apostolicam accessissent, & super ante dicta sententiâ litigassent aliquandiu corâ nobis Nos qui ex officij nostri debito his quæ pacis sunt tenemur insistere, compositionem amicabilem, & utriq; Monasterio vtilem fecimus inter eos, quàm ipsi demum pariter acceperunt. Ut videlicet Andren. Monachi qui nunc sunt, & qui pro tēpore fuerint, Karroffen. Abbati professionē faciant, apud Andren. Cœnobium, promittendo eidem obedientiâ, & reuerentiam regularem. Cum autem in Andren. Ecclesia occurrerit electio faciendâ. Andren. Monachi de professis Monasterij Karroffen. siue de suo, siue de Monasterij Karroffen. collegio personam idoneam liberè sibi eligant in abbatem. Electus verò Karroffen. presentetur Abbati, qui electionem de illo factam confirmare, vel infirmare procurat, sicut de iure fuerit faciendum. Confirmatus autem à Diocesano benedicatur Episcopo, & singulis triennijs Monasterium visitet Karroffen. ac census nomine viginti solidos Sterlingorum annuatim persoluat eidem. Præterea Karroffen. Abbas annis singulis, si voluerit, per se ipsum, vel per duos ex suis Monachis Andren. Monasterium visitet; cui Andren. Abbas in choro, Capitulo, Refectorio, & alijs locis, ut pote Patri Abbati cedat. Qui cum consilio Andren. Abbatis corrigat, si quid in membris Andren. Cœnobij fuerit corrigendum. Quod si quidquam corrigendum fuerit in Abbate, id cum seniorum, & saniorum fratrum ipsius loci consilio, Abbas corrigat Karroffen. Nos igitur compositionem eandem à præfatis procuratoribus approbatam, de comuni fratrum nostrorum consilio auctoritate apostolica confirmamus, & præsentis scripti patrocinio communimus. Statuentes eandem perpetuis temporibus inuiolabiliter obseruandam. Nulli ergo &c. Hanc paginam nostræ confirmationis, & constitutionis infringere, vel ei ausu temerario contraire. Siquis autem. Visque, incursum. Datum Lateran. x. Kal. Aprilis Pontificatus nostri Anno quartodecimo.

EPISTOLA XX.

FRATRIBVS MILITIE TEMPLI SANCTI PHILIPPI DE
PLANO AUXIMAN. DIOCESES.*Componit inter Episcopum, & Milites Auximan. super
Episcopalibus, & alijs iuribus.*

I NTER vos, ac ven. F. N. Auximan. Episcopum, super quibusdam Mor-
tuarijs, decimis, Synodalibus, & alijs Episcopalibus iuribus, ac super eo
quod excommunicatos, & interdictos recipiebatis, vt idem Episcopus
asserbat, ad diuina officia, & Ecclesiasticam sepulturam. ve. F. N. ... E. sin. ...
Anconitan. & ... Fanen. Episcopis dedisse reuolimus in mandatis. Vt au dictis
vtriusque propositis, causam ipsam ad nos remitterent sufficienter instru-
ctam, præhigentes partibus terminum competentem, quo nostro se conspectui
præsentarent, sententiam recepturæ. Cùm autem partes comparuissent post-
modum coram eis, prædictus Episcopus per procuratorem suum, in Sancti Phi-
lippi, Sanctæ Mariæ, ac Sanctæ Marinæ Ecclesijs, Episcopale sibi ius vendican-
do, tam sextam partem Ecclesiæ Sancti Philippi, quam ex donatione Ecclesiæ
Sancti Cotonari asserbat ad se de iure spectare; quàm tertiam mortuorum,
quæ vobis obueniunt in Dicecesi Auximan. necnon fructuum quarundam ter-
rarum decimam, quas vos obtinetis ab ipso, ratione tetragij sibi debitum postu-
lauit. Et vt tam decimas Sanctæ Mariæ, ac Sanctæ, Marinæ Ecclesiarum sibi huc
vs subtractas, quàm etiam Cathedralicis, quod integrè sibi hæcenus solum
non fuerat, vos restituere cogere mini, & compelli ad prestandum de cætero in-
tegraliter supradicta. Institutionem præterea, & destitutionem etiam Clerico-
rum, in præfata Sancti Philippi Ecclesia vendicauit; petens vobis nihilominus
inhiberi, vt excommunicatos, & interdictos ab eo, non reciperetis, ad diuina offi-
cia, vel Ecclesiasticâ sepulturâ. Quadrigentos quoque perperos pœnæ nomine
petijt, quam ex eo dicebat esse commissam, quod vos contra conuentionem in-
ter vos, & ipsum initam venientes, circa culturam agrorum, quos in emphy-
teosi ab Ecclesia tenetis ipsius, non impenderatis operam diligentem. Et Ca-
stellanos, atque Villanos suos in suum receperatis præiudicium, & grauamen,
postulans vos ad illos dimittendum compelli, ac compesci, ne illos absque ipsius
reciperetis de cætero voluntate. Verùm vos tam decimas, à riuo Montis Marij
vsque in flumen, & pontem Consæ, ac vsque ad Planum, quàm etiam quasdam
terras, ac pascua, quæ vobis concessisse dinoscitur, necnon etiam pratum de
Vualuadrone, & campos Rigibertæ, & Aternani, propter quatuor araturas,
quibus per ipsum spoliatos vos contra iustitiam querebamini, vobis restitui po-
stulasti. Iudices verò receptis super his testibus ab vtriusque parte productis, ean-
dem causam ad nos remiserunt sufficienter instructam. Cùm autem propter
hoc nuper vester, & alterius partis procuratores in nostra præsentia consti-
tuti, super præmissis aliquandiu litigassent; nos vtriusque partis inspectis
attestationibus diligenter, & rationibus intellectis, de communi fratrum no-
strorum consilio, vos super sexta parte Ecclesiæ Sancti Philippi duximus ab-
soluendas. Quia et si per testes ipsius Episcopi fuerit facta fides, quod Ec-

eleſia ſancti Coronati eandem ſibi ſextam partem donauerit : ex aliorum tamen teſtium depoſitionibus conſtitit, quod anteriori tempore vobis donauerat partem illam. Decreuiſimus etiam, vt quarta mortuorum quæ in ipſius Dioceſi vobis obueniunt, debeat manere contentus, armis, & equis ex eadem quarta deductis, quæ, iuxta Indulgentias Romanorum Pontificum vobis indultas, retineri debent in ſubſidium terræ Sanctæ. Et vt vos pro ſingulis Eccleſijs ſupradictis, vnum quartum grani, & vnum annonæ pro decimationis quarta, & duos ſolidos vſualis monetæ annis ſingulis eidem Epifcopo pro Cathedralico perſoluatis. Inhibentes vobis, vt excommunicatos, & interdictos ad diuina non recipiatis officia, vel Eccleſiaſticam ſepulturam. Salus Indulgentijs ſuper hoc vobis ab Apoſtolica ſede conceſſis. Super inſtitutione verò, & deſtitutione Clericorum in Eccleſijs ſupradictis, vos ab impetitione abſoluiſimus Epifcopi memorati: cùm in Romanorum Pontificum priuilegijs vobis indultis, id occurreret manifeſtè. Ad reſtitutionem quoque prati, & camporum. Supradictorum, quibus vos probaſtis contra iuſtitiam ſpoliatos, ſepediſtum Epifcopum ſententialiter condemnantes, ſuper proprietate ſibi deſſenſione legitima reſeruata. Quia verò procurator ipſius Epifcopi requiſitus à nobis prætaxatam pœnam vobis ſponte remiſit, dummodo vos, Caſtellanos, & Villanos ſuos ſine difficultate dimittere curaretis, & illos abſque ſua non receperetis de cætero voluntate: ac procurator veſter, à petitione ſubtractarum vobis hætenus decimarum deſtiterit, dummodo ipſas de cætero idem Epifcopus percipere vos permittat pacificè. Nos in hac parte ipſorum deſiderijs concurrentes, & vos ab impetitione ipſius Epifcopi ſuper prædicta pœna, & eundem Epifcopum ſuper decimis vobis ſubtractis, duximus abſoluendos. Firmiter iniungentes, vt & vos Caſtellanos, & Villanos illius, abſque ipſius recipiatis minimo voluntate: ac ipſe vobis prædictorum locorum ſpirituales percipere decimas ſine difficultate permittat, ſaluo prædicto decimo, quod ipſi Epifcopo terragij ratione debetur. Nulli ergo omnino hominum liceat hanc paginam noſtræ diſſinitionis, conſtitutionis, & inhibitionis infringere, vel ei auſu temerario contraire. Si quis autem. &c. Vſque, incurſurum. Datum Lateran. x. Kal. Aprilis. Pontificatus noſtri Anno quartodecimo.

EPISTOLA XXI.

CANTORI MAGISTRO. E. DE HENNIN. ET HER. PEDIARGENTI
CANONICIS ATTREBATEN.

Relatis multis iuris articulis, de cauſis praiudicialibus, earumque tenore, iuramento calumnia, inſtrumentorum editione, & alijs elucidiſ, cognitionem de prabenda Arieniſi delegat.

ILLE CTVS filius Magiſter Vvibertus preſbyter coram diſ. fil. n. Ioanne Sanctæ Mariz in Via lata Diac. Card. quem ſibi & I. nuntio ... Decani, & Capituli Eccleſiæ Arien. Morinen. Dioceſis auditorem conceſſimus, proponere procurauit. Quòd cùm ei Sacerdotalis Præbenda, in eadem Eccleſiâ dudum Canonicè collata fuiſſet; ac Decanus, & Capitulum memorati;

nollent ei postmodum fructus reddere præbendales. Ad conquestionem ipsius dil. fil. ... Magistro Scholarum, & Vvaltero, & Ioanni de Albengi Canonicis Morinen. commissimus causam ipsam. Qui Decano, & Capitulo arien. postquam citati sæpius, & demum edicto peremptorio euocati, comparere noluerant coram eis, in hñbere curarunt, ne quid in apostolici mandati elusionem, vel supradicti Magistri grauamen, quæstione pendente super eisdem fructibus innouarent. Verum in præsentia eorūdem Iudicum postea partibus constitutis; cum præfatus Magister suam edidisset super eisdē fructibus actionē, Vvilelmus de Duaco Capituli procurator, respondit; quòd quæstio super fructibus, coram eisdem iudicibus procedere non debebat, donec causa super concessione sex Sacerdotalium præbendarum, de quarum numero erat præbenda, illa, quæ præfatio dinoscebatur Magistro collata, quæ. ve. F. N. Episcopo Attrebatē. & con iudicibus suis auctoritate nostra fuerat aut commissa, ut pote præiudicialis, finem debitum sortiretur. Cū autem iudices de partium voluntate quorundam peritorum consilium, an illa quæstio præiudicialis existeret, requirere studuissent: nouum ab eisdem recepto responso, Præpositus, arien. B. Clerico primam tantummodo consutam habenti, præbendam supradictam concessit; cuius fructus Magister petierat memoratus, eiusdem præbendæ fructibus post inhibitionem Iudicum assignatis eidem, contra Ecclesiæ priuilegia temerè veniendo. Post hæc verò Iudices memorati, causam Attrebatē. iudicibus delegatum, quæstionis sibi commissæ nequaquam præiudicalem existere, prout in consilio receperant à peritis, per interlocutoriam sententiam declararunt. A qua non fuit pro parte Capituli prouocatum, sed lite super quæstione fructuum contestata, utraq; pars prestauit calumnix iuramentum. Cūque priuilegiolorum transcripta, Magister obtulerit supradictus, per quæ fidem facere intendebat, quòd præbendam illam Canonice fuerat assecutus: procurator Capituli ea esse vera priuilegiolorum transcripta coram iudicibus recognouit. Quibus procuratori inandantibus, ut authentica priuilegia exhiberet, ipse certum ad hoc diem sibi petijt assignari, quem obtinuit, & recessit. Et licet procurator ipse postea sæpessato Magistro præscriptionem obiecerit decennalem, & ad illam probandam dies sibi fuerit assignatus: illam tamen, seu aliam exceptionem legitimam, ille, vel alius Procurator Capituli non probauit. Quinimo Magister Ingebertus vltimus Capituli procurator, constanter affirmans illa vera transcripta priuilegiolorum existere, ac ea rata grataque haberi à Capitulo arien. ut secundum ea procederent Iudices ad sententiam postulauit. Vnde ipsi habito consilio sapientum, sæpedito Magistro per diffinitiuam sententiam fructus adiudicauere prædictos, quam idem Magister petijt auctoritate apostolica confirmari, relationem Iudicum exhibendo, supradicta, & alia plenius continentem. Ad hoc nuntius proposuit memoratus, quòd processus illorum debebat non immeritò retractari, tum quia in litteris obtentis ad eos, de prioribus litteris ad Attrebatenses Iudices impetratis super sex præbendarum collatione, de quarum numero fuerat dicta præbenda cuius fructus idem Magister petijt, mentio non fiebat: tum quia illa quæstio, videlicet de præbendarum concessione, utpote præiudicialis a rebus, fuerat primitus dirimenda. Cū & causa fructuum quæstionis super præbenda sit accessoria, & causarum continentia non sit, iuxta sanctiones

legitimas, diuidentur: tum etiam, quia idem Magister nunquam ad eandem fuerat præbendam admissus. Verum ad hoc pars altera respondebat, allegationes huiusmodi ex eo esse supervacuas iudicandas, quia iudicum prædictorum examen partes spontaneè subierunt. Proposuit insuper idem nuntius, dictos Iudices minùs ritè ob causas alias processisse; quia videlicet, in causa spiritali præstari fecerant calumniæ iuramentum, & Capitulo memorato mandauerant sua coram eis priuilegia exhibere, in Decanum ob hoc excommunicationis, & in Capitulum suspensionis sententias proferendo; cum nemo ad fundandam aduersæ partis intentionem, suas teneatur edere rationes. Item, quia nullo pro Capitulo parte præsentè, post appellationem ad nos interpositam, non in procuratorem, sed in Capitulum sententiam protulerunt. Adiciens quòd nequaquam relationi Iudicum standum erat, quæ cum in publicam non sit redacta scripturam, non in prima persona, sed tertia dinoscitur esse concepta; præsertim cum asserant Iudices se priuilegiolorum tenore cognito processisse, quæ minime inspexerunt. Cæterum ad prædicta pars aduersa respondit; quòd in præfata questione fructuum, ut pote temporali, non incompetenter præstari potuit calumniæ iuramentum: Sed & mandari à iudicibus potuit priuilegia exhiberi, quorum transcripta per Magistrum memoratum oblata, vera esse procurator Capitulì fatabatur; cum & ultimus procurator ipsius, petierit secundum ea negotium terminari. His igitur, & alijs quæ coram eodem. Card. vtriusque proposita fuerant, per eiusdem relationem plenius intellectis, cætera hinc inde proposita friuola reputantes. Per Apostolica vobis scripta mandamus, quatinus supradictò Clerico conuocato, seu alijs qui fuerint euocandi, inquisita plenius, & cognita veritate; si vobis constiterit, quòd præfato B. lite pendente præbenda concessa fuerit memorata; vel quòd præbenda ipsa quæ Sacerdotibus dumtaxat concessuerat assignari, eidem collata fuerit in sacris nondum ordinibus constituto: vel aliud Canonicum obuier, propter quod præbendam ipsam nequeat obtinere. Vos supradictam sententiam pro eodem Magistro super fructibus latam à iudicibus supradictis faciatis, appellatione remota; firmiter obseruari. Contradictores per censuram Ecclesiasticam appellatione postposita compescendo. Quod si non omnes &c. duo vestrum. &c. Datum Lateran. iij. Kal. Aprilis Pontificatus nostri anno xiiij.

EPISTOLA XXII.

ABBATI ET CONVENTUI FOSSÆ NOVÆ.

Confirmat compositionem factam, eos inter, & populum Pipernensem.

QUOD VESTIS petentium desiderijs dignum est nos facilem prebere consensum, & vota quæ à rationis tramite non discordant, effectû prosequente complere. Ea propter &c. Usque assensu. Compositionem, seu transactionem inter vos ex parte vna, & Consules, ac Populum Pipernen. ex altera; super possessionibus constitutis in loco, qui Laurentij vulgariter appellatur, amicabiliter initam: sicut prouidè facta est, & ab vtraque parte sponte recepta, & in instrumento publico exinde confecto plenius continetur, auctoritate Apostolica

confirmamus, & presentis scripti patrocinio communimus. Ad maiorem autem euidenciam, renorem ipsius instrumenti, de verbo, ad verbum, huic nostre pagine duximus, inserendum. *In nomine Domini. Amen. Anno eius millesimo centesimo nonagesimo tertio. Anno tertio Domini Celestini Papæ III. Indictione undecima. Mense Augusto. Die tertia.* Quoniam ea quæ refutationibus, siue transactionibus, vel alijs conuentionibus, inter homines fiunt, plerumque memoriz commendari non possunt. Idcirco ego Guido Sanctæ Romanæ Ecclesiæ Seriniarius transactionem, siue refutationem, vel etiam conuentionem, inter fratres Fossæ Nouæ, & Populam Pipernensem habitam, rogatus in hoc publicum scriptum reduco: ut si de ea dubitatum fuerit, per hoc scriptum veritas rei ostendatur. Conuentio itaque siue transactio, vel refutatio, talis est. Fratres Fossæ Nouæ dant Pipernensibus centum tres libras bonorum Prouesinorum, pro molendinis communibus recolligendis, quæ pignori tenebantur. Et Consules Piperni, scilicet, Petrus Domini Leonis, Belbellus, transmundus Dõnz Nuux, Philippus, Domini Gregorij Milites, Roscemannus, Stal-do, Iordanus, Rossfridus, Guastapane, Massarij nomine Vniuersitatis refutant Monachis omnem litem, & querimoniam, & omnem actionem, quam habebant, vel habere possent in Laurentijs, scilicet, inter hos fines: sicut vadit in directum, à Gorga Palumbi in Mazoclam, & inde pergit per Mazoclam, usque ad aquam quæ descendit de Fontana de sicu, sine omni conditione, & inde ascendit usque in lacu. Concedit etiam Populus, quicquid iuris habet. Commune inter fontanæ de sicu, & Lirecaduti, saluo vnicuique iure proprietatis, si quis ibi aliquid habet. Concedunt etiam à Gorga Palumbi inferius, ut Sandalariam faciant sine contradictione aliqua, usque flumen maius, sicut melius viderint expedire: quæ tamen Sandalaria communis erit, & fratribus, & ciuibus. Silua quæ est à fontana Gricilli usque ad Recaduti, est Monachorum absolutè, sicut hactenus fuit: præter consuetudinem quam habet in ea Populus, in venando, pascendo, ligna cædendo, & salua consuetudine tabulandi. Silua quæ est à Fontana de sicu, usque ad Recaduti, non incidunt Monachi ad cæsas faciendas studiosè, sed ramanebit ad communes vsus & ciuium, & Monachorum, ad ligna cædenda, & ad venandum, & pascendum. Si tamen aliquo modo peruenerit, quod sit apta ad agriculturam, Monachorum erit. Piscaria lacus libera est Monachorum, sicut hactenus fuit. Per Sandalariam totam, liberum erit omnibus Pipernensibus sine apparatus aliqua piscari: non in illis locis ubi, & Monachi, & certæ personæ ciuitatis habent suas proprietates. Et quidem non licebit alicui, nisi Monachis, aliquid ædificium facere ad piscandum, à Gorga Palumbi, usque ad lacum: pœna trecentarum librarum Prouesinorum, ab vtraque parte promissa, si aliqua pars contra hanc conuentionem, vel refutationem, seu etiam transactionem amicabili pace firmatam, venire voluerit, vel etiam obseruare noluerit: & pœna soluta, hæc charta conuentionis, siue transactionis, in sua stabilitate perpetuò perseueret. *Vnde Rogati sunt testes. Gregorius Paganus, Rainone Sancti Laurentij, loci de Sitio, Bertraymus Laudini. Berardus Romanus. Guido de Arnaria. Ego Guido Sanctæ Romanæ Ecclesiæ, & Piperni Seriniarius, interfui, & subscripsi.* Nulli ergo omnino hominũ liceat hanc paginã nostre confirmationis, infringere &c. usque incursum. Datum Lateran. iij. Kal. Aprilis Anno xiiij.

EPISTOLA XXIII.

PRIORI ET CONVENTUI ANDREN.

Ne quis eorum Monachus per alio fideiubeat, pecuniâ mutuo accipiat, ultra constitutam à Capitulo summam.

CVM à nobis petitur quod iustum est, & honestum, tam vigor æquitatis, quam ordo exigit rationis, ut id per sollicitudinem officij nostri, ad debitum perducatur effectum. Ea propter, dilecti in Domino filij, vestris iustis postulationibus grato concurrentes assensu, auctoritate apostolica prohibemus, ne aliquis Monachus, siue Conuersus, sub professione vestræ domus astrictus, sine consensu, & licentia Abbatis, & maioris partis vestri Capituli, pro aliquo fideiubeat vel ab aliquo pecuniam mutuo accipiat, ultra pretium Capituli vestri prouidentia constitutum; nisi propter manifestam domus vestræ utilitatem. Quod si facere forte præsumperit, non teneatur conuentus, pro his aliquatenus respondere. Nulli ergo. &c. nostræ prohibitionis infringere. &c. vsque, incursum. Datum Lateran. ij. Kal. Aprilis Pont. nostri Anno decimoquarto.

EPISTOLA XXIV.

EISDEM.

Vt supposita terra interdicto, possint clausis ianuis suppressa voce &c. celebrare.

SOLET annuere sedes apostolica pijs votis, & honestis petentium precibus, fauorem beniuolum impartiri. Ea propter &c. ut in alia, vsque, assensu. Ut quotiescumque terram nobilis viri Comitis Gisen. Parroni Monasterij vestri, pro suis excessibus debitis, aut aliquibus causis alijs subijci contigerit Ecclesiastico interdicto, iuxta quod vobis est à felici Recor. Alexandro Papa prædecessore nostro indultum, exclusis excommunicatis, & interdictis, non pulsatis Campanis, suppressa voce, diuina vobis liceat officia celebrare, deuotioni vestræ auctoritate præsentium indulgemus. Decernimus ergo, ut nulli omnino hominum liceat hanc paginam nostræ concessionis infringere. &c. vsque, incursum. Datum ut in alia.

EPISTOLA XXV.

ABBATI ET CONVENTUI S. AUBERTI CAMERACEN.

Confirmat eorum possessiones.

CVM à nobis petitur &c. ut in alia, vsque assensu, altare S. Bonæ vobis à Bonæ memoriæ Vu. Rotomagen. Archiepiscopo, de assensu Capituli sui collatum, altaria de Vildebroc, & de Vrimede, quæ bonæ memoriæ R. Cameracen. Episcopus, & altare de Herentoth quod ve. F. N. I.

successor ipsius, in Eleemosinam consentiente Cameracen Capitulo, vestro Monasterio Canonice contulerunt. Decimas de Ciseueuer, Baraltro, & de Hapelaincort, ad ipsum Monasterium de manu laica rationabiliter consensu ipsius Cameracen Episcopi reuocatas; & partem decimar de Kion, & omnia alia bona vestra, sicut ea omnia iuste, ac pacifice possidetis, vobis & per vos eidem Monasterio vestro auctoritate apostolica confirmamus, & presentis scripti patrocinio communimus. Nulli ergo omnino hominum liceat hanc paginam nostrę confirmationis infringere; &c. vsque, incursum. Datum Laterani. Kal. Aprilis Pontificatus n. Anno xiiij.

EPISTOLA XXVI.

ABBATI ET CONVENTUI S. QVINTINI BELVACEN.

Irritas promissiones, Et pensiones beneficiorum assignatas.

CVM ex iniuncto nobis apostolatus officio, Ecclesiarum omnium curam, & sollicitudinem gerere teneamur; ea in ipsis corrigere nos oportet, quę in grauamen earum noscantur plurimum redundare. Sanę ad nostram audientiam vobis referentibus est delatum; quod tam vos, quā vestri predecessores ad multorum instantiam importunam, quibusdam promissiones de non vacantibus Ecclesijs facientes, pensiones eisdem quasdam interim contulistis. Quia igitur id contra statuta. Lateranen. Concilij noscitur attentatum, promissiones huiusmodi decernentes irritas, & inanes, & pensiones concessas beneficiorum non vacantium nomine, non soluendas; auctoritate vobis apostolica districtius inhibemus, ne contra prefatum Concilium beneficia promittere non vacantia, vel pensionem cuiquam taliter assignare, de cetero presumatis. Nulli ergo omnino hominum, liceat hanc paginam nostrę inhibitionis infringere, vel ei &c. vsque, incursum. Datum Lateran. ij. Idus Aprilis. Pont. n. Anno. xiiij.

EPISTOLA XXVIII.

ABBATI ET CONVENTUI S. ELIGII NOVIOMEN.

Super eodem.

CVM ex concessa nobis à Domino potestate, ad omniū Ecclesiarum curam aciem nostrę considerationis extendere teneamur, ea corrigere nos oportet, quę interdum in ipsarum grauamen temerē attentantur. Sanę ad nostram audientiam vobis referentibus est delatum, quod &c. vt in alia per totum vsque in finem. Datum &c.

EPISTOLA XXVIII.

P. ILLVSTRI REGI ARAGONVM.

*Reuocat donationes ab eo factas in minori etate, cum clauſula, vt
Iudex Eccleſiaſticus pias reuocet.*

SVM donationes nonnullas infra etatis tue legitimæ tempora, te-
ciſſe proponas, in enorme tui diſpendium redundantes, maiorem par-
tem tuorum reddituum ſic donando: nec expediret te nimis egere,
quem oportet graues, & grandes expenſas ſubire, in expugnando Chriſtia-
ni nominis inimicos. Præſentium tibi auctoritate concedimus: vt omnes do-
nationes prædictis temporibus, illicitè à te factas, legitimè valeas reuocare.
Hoc expreſſo ſpecialiter ad cautelam, vt donationes factæ Eccleſijs, vel alijs pijs
locis, ſi quæ fuerint reuocandæ, per Eccleſiaſticum Iudicem reuocentur.
Datum Lateran. ij. Idus Aprilis Anno xiiij.

EPISTOLA XXIX.

EPISCOPO LINGONEN. ET NOBILI VIRO ... DVCI BVRGVNDIÆ,

*Conſirmat compromiſſum in eos factum, à Monachis S. Benigni
Diuiſionen. ad reſformationem Monafterij.*

SICVT ex litteris dil. fil. Abbatis & Conuentus S. Benigni Diuiſionen.
Diœceſis Lingonen. accepimus: cùm tu, frater Epifcope, in tue
promotionis initio, ad Monafterium eorundem, de cuius miſerabili
lapſu multa didiceras, acceſſiſſes gratia viſitandi; memoratus Con-
uentus in te ac eundem Abbatem, & Priorem eiſdem loci, necnon & duos
alios Clericos, ſuper reſformatione domus, tam in capite, quàm in membris
compromittere curauerunt, promittentes interpoſito iuramento, ſe ordina-
tioni veſtræ humiliter parituros. Vos autem compromiſſioni huiusmodi à
feſto S. Remigij tunc proximò aſſuturo, vſque ad annum, terminum præſi-
gentes, communiter ſtatuisti: vt quod ſuper debitorum ſolutione à vobis or-
dinaretur, interim ſeruaretur; & Capitulo inter cetera iniungentes, vt ordo Mo-
naſticus qui relaxatus ibidem aliquatenus fuerat, diſtictius ſeruaretur: Duo
millia librarum, & eo amplius, infra annum pro debitis Monafterij perſoluisti.
Appropinquante verò termino compromiſſioni præfixo, cùm fuiſſet à vobis
primitus conſtitutum, vt omnes obedientiarum proventus in ſimul adunati,
ad ſolutionem cederent debitorum; quòdque obedientiarij, ne ſtatutum huius-
modi præpedirent, ad ſuas obedientias mitterentur, earundem proventus fi-
deliter ſeruaturi: ipſi proventus illius anni in vſus proprios, vel potiùs in abu-
ſus nequiter conuerterunt. Vnde cum adhuc multa debita ſuperſeſſent, pro
quibus nondum fuerat ſatisfactum, quæ non niſi cùm multarum poſſeſſionum
diſtractione, ac maximo Eccleſiæ detrimento poterant expediri, & malitia
creditorum non niſi per te, fili Dux, cuius iuriſdictionis exiſtunt, poſſet

vltcriùs refranari: vobis pariter extitit ab eisdem Abbate, ac fratribus cum instantia supplicatum, vt alio vobis testio viro, prouido, & potente, in manu vestra tandiu possessiones Ecclesie teneretis, donec absque rerum Ecclesie venditione, seu obligatione aliqua, ipsius debita soluerentur: & quinquaginta Morachis faceretis honestè in eadem Ecclesia, iuxta loci consuetudinem, prouideri. Ipsique ad prædicta seruanda, se iuramento præstito astrinxerunt, tibi frater Episcopo, patentes super hoc litteras concedentes: quod vos demum eorum deuicti precibus acceptastis. Cum igitur idem Abbas, & fratres, deuotè nobis duxerint supplicandum, vt quod præmissum est auctoritate dignemur apostolica confirmare, cum ad præsens alio modo nequeat Monasterio consilio memorato. Nos qui super eiusdem loci sumus reformatione solliciti, prouisionem huiusmodi ratam habentes, & gratam, cum credamus eandem ad ipsius Monasterij commodum redundare: Deuotionem vestram rogandam duximus, & monendam, per apostolica vobis scripta præcipiendo mandantes, quatenus superscripta taliter ad honorem Dei, & vtilitatem Monasterij supra dicti, ad debitum perducatis effectum, quæ ad reformationem loci statuta sunt, facientes in suo robore perdurare; vt diligentie vestre studium clareat in effectu, ac diuinam, & apostolicam gratiam propter hoc vobis vberius comparetis. Contradiçtores si qui fuerint, vel rebelles, tu, frater Episcopo, censura Ecclesiastica, & tu, fili Dux, si necesse fuerit, potestate tibi tradita, sublato appellationis obstaculo, compescatis. Datum Lateran. xvj. Kal. Maij anno xliij.

EPISTOLA. XXX.

LINGONEN. EPISCOPO.

*Ut è Monasterio S. Benigni seditiosos Monachos ad
alia Monasteria ableget.*

CVM sicut nostris est auribus intimatum, Vvilelmus de Bregnum. Monachus, qui seditiosus, & dilapidator existit, à multis retrò diebus cum quibusdam suis fautoribus, qui ab alijs Monasterijs ad sancti Benigni Cœnobium conuolarunt, irregulariter vixerit, contra iuramentum proprium, quod super seruanda prouisione ipsius Ecclesie præstiterat, veniendo. Nec eisdem presentibus pax possit in eodem Monasterio reformari. Fraternalitati tuæ per apostolica scripta præcipiendo mandamus, quatinus, si est ita, supradictum VV. & eius complices, ab eodem Monasterio, & membris eius, sublato appellationis obstaculo, penitus amouendo, ipsos in alijs Monasterijs eiusdem obseruantie, collarare procures. Contradiçtores, si qui fuerint, vel rebelles, per censuram Ecclesiasticam, appellatione remota compescens. Datum vt in alia per totum.

EPISTOLA XXXI.

MAGISTRO NICOLAO MISNEN. ET ARNALDO DE STENDAL.
HALBESTATEN DIOECESIS CANONICIS.

*Non suspectum subrogat in locum demortui delegati, & altero absente,
alterius electio partibus relinquitur, qua scripta
residuum solus indicabit.*

CAVSAM quæ inter dil. fil. Ottonem Subdiaconum nostrum, & Vvale. quæ pro Præposito Magdeburgen. se gerit, super Maigdeburgen. Præpositura dinoscitur agitari, tibi dudum, fili Magister. N. & Bonæ memoriæ Broccardo Vvrcinen. Canonico, de partium voluntate sub certa forma meminimus commisisse. Vobis inter cetera iniungentes, quod si quicquam humanitus alterutri vestrum contingeret, ut mandato nostro fideliter exequendo, sicut uterque vestrum iuramento præstito tenebatur, usque ad Kalendas Octobris proximò præteritas interesse non posset: Ex tunc dil. fil. F. Abbas de Sichern omni contradictione, vel appellatione cessante, quæ vobis iniuncta fuerant, cum reliquo vestrum earundem litterarum auctoritate exequi procuraret. Interim vetò prædicto. Bro. subtracto de medio, Subdiaconus memoratus nobis exposuit, se habere præfatum Abbatem certa ratione suspectum: nobis humiliter supplicans, ut loco præfati. B. subrogare alium dignaremur. Nos igitur attendentes nullum ex hoc præiudicium parti alteri generari, ut iudicium sine suspitione procedat; te, filij Magister, ar. obtentu prædicti O. loco præfati. B. duximus subrogandum. Per apostolica vobis scripta districtè præcipiendo mandantes; quatinus in ipso negotio iuxta priorum continentiam litterarum appellatione remota, ratione prævia procedatis. Quòd si aliterut vestrum his exequendis noluerit, vel nequiverit interesse, loco eius à parte sua infra triduum alius eligatur: & si pars illa noluerit eligere, vel electus ab ea procedere non curaverit, residuus nihilominus in causa procedat. Nisi veto tu, fili A. simile præstiteris iuramentum, tu fili Magister. N. à iuramento quod præstitisti te noueris absolutum. Datum Lateran. ij. Kal. Aprilis. Pontificatus nostri Anno xiiij.

EPISTOLA XXXII.

AVXITAN. ARCHIEPISCOPO.

Ut impar oneri Episcopali cedat.

SICUT is qui sufficiens est ad curam sollicitudinis pastoralis, si forsan Episcopatum affectet, desiderat bonum opus: sic is qui non sufficit ad huiusmodi oneris sarcinam supportandam, utiliter sibi consulit, si eandem prius cautè deponat, quàm sub ea in suum & aliorum dispendium comprimatur. Cum igitur ad Pontificalis curam regiminis cognoscere te debeas minùs aptum; fraternitatem tuam rogamus attentius, & monemus, per apostolica tibi scripta mandantes: quatenus salutem tuam, & aliorum, lucris temporalibus

anteponens, & compatiens nihilominus contritioni Ecclesie Auxitanæ, quæ sub tux provisionis umbra, in temporalibus, & spiritualibus grauitèr est collapsa, Pontificalem curam spontaneus resignare procures; vt ex hoc diuinam, & apostolicam gratiam tibi valeas comparare. Alioquin cum tam tux salutis, quàm Ecclesie memoratæ vtilitati, ex apostolicæ teneamur seruitutis officio provide-re, super hoc, prout expedire viderimus, disponemus. Datum Lateran. xvij. Kal. Maij Pont. n. Anno xiiij.

In eundem modum scriptum est .. Episcopo Valentin.

Scriptum est etiam in eundem ferè modum, Vener. F. .. Vticen. Episcopo & dil. fil. .. Abbati Cisterciën. apostolica sedis Legatis. Vt dictum Archiepiscopum ad id moueant efficaciter, & inducant. Datum vt in alia.

EPISTOLA XXXIII.

Super eodem Episcopo Ruthenen.

IN eundem modum scriptum est, sicut in prima Episcopo Ruthenen, vsque procures, cum iam dudum ad tuam instantiam cedendi tibi licentiam per nostras duxerimus litteras concedendam, alioquin ne videaris nobis forsitan illuisse, Ve. F.N. Vticen. Episcopo, & dil. fil. Abbati Cisterciën, apostolicæ sedis Legatis, litteris nostris iniungimus, vt te ad id per censuram Ecclesiasticam appellatione remota compellant. Datum vt in alia.

Scriptum est ipsis Legatis in eundem fere modum super hoc. Quod si non ambo, &c. alter. &c. Datum vt in alia.

EPISTOLA XXXIV.

VTICEN. EPISCOPO APOSTOLICA SEDIS LEGATO.

Vt cedente Carcassonneni Episcopo, alius eligatur à Capitulo.

CVM ven. F.N. Carcassongen. Episcopus supportare nequens sarcinam sollicitudinis pastoralis, multis incommodis, & defectibus præditus, officij sui curam resignare disponat, sicut per tuas litteras nobis intimasti. Fraternitati tux per apostolica scripta mandamus: quatenus cessionem ipsius recipiens vice nostra; ipsum à cura Ecclesie Carcassongen. absoluas, eiusdem Ecclesie Capitulo iniungendo; vt infra octo dies post commonitionem tuam, cum tuo consilio talem sibi personam eligant in pastorem, per quam hoc tempore maximè Carcassongen. Ecclesie vtiliter consulatur. Alioquin ex tunc personam idoneam appellatione remota præficias Ecclesie memoratæ. Contradiçtores si qui fuerint, vel rebelles, per censuram Ecclesiasticam appellatione postposita, compescendo. Datum vt in alia.

Scriptum est super hoc Carcassongen. Capitulo, in eundem ferè modum, vsque compescendo. Quocirca discretioni vestræ per apostolica scripta præcipiendo mandamus, quatinus talem vobis personam iuxta præscriptam formam eligatis Canonice in pastorem, quæ tanto congruat oneri, & honori. Datum vt in alia.

EPISTOLA XXXV.

VTICEN. EPISCOPO ET ABBATI CISTERCIEN. APOSTOLICÆ SEDIS LEGATIS.

Vi Comitatum Melgoriensem recipiant.

PRÆSENTIUM vobis auctoritate præcipiendo mandamus: quatinus Comitatum Melgorien. qui B. Petri iuris existit, in vestris recipiatis manibus, & tandiu faciatis fideliter custodiri, donec super eo nostræ rescripserimus beneplacitum voluntatis. Datum vt in alia.

EPISTOLA XXXVI.

ARELATEN. ARCHIEPISCOPO ET SVFFRAGANEIS EIVS.

*Vi publicetur per eorum Dioceses sententia contra Raymundum
Comitem Tolosanum lata.*

CVM expectauerimus hæcenus vt nobilis vir. R. Tolosanus Comes, tanquam arbor fructifera commonitionum nostrarum riuulis irrigata, fructus ederet opportunos; & tanquam princeps Catholicus honoraret sanctam Ecclesiam Iponſam Christi. Ipse prauo circumuentus consilio, non solum damna sterilitatis incurrit, ad honorem Dei, & vtilitatem Ecclesiæ expectatos fructus nullatenus producendo, verum etiam dispositionibus Ecclesiasticis nequiter se opponit, contra promissa, & iuramenta sua veniens impudenter. Vnde cum in ipsum à ven. F. N. Episcopo Vticensi, & dil. fil. Cisterciens. Abbati Apostolicæ sedis Legatis, de multorum Prælatorum consilio sententia promulgata fuerit, ob eiusdem contumaciam manifestam; per Apostolica vobis scripta mandamus, quatinus eandem sententiam rationabiliter promulgatam, publicari per vestras Dioceses faciatis, & appellatione remota per censuram Ecclesiasticam, vsque ad satisfactionem condignam, firmiter obseruari. Datum vt in alia.

EPISTOLA XXXVII.

EISDEM.

*Vi recuperent ea omnia qua Comes Tolosanus ab eorum
Ecclesijs tenet.*

CVM expectauerimus &c. vsque manifestam, & nos mandemus eandem sententiam vsque ad satisfactionem condignam appellatione remota firmiter obseruari. Fraternitati vestræ, per Apostolica scripta præcipiendo mandamus: quatinus ad recuperanda castra, & alias possessiones, & terras quæ ab Ecclesijs vestris tenet, insistatis viriliter & prudenter.

EPISTOLA XXXVIII.

VIVARIEN. EPISCOPO.

Super eodem.

CVM expectauerimus hactenus, vt nobilis vir. R. Tolofanus Comes, tanquam arbor fructifera &c. in eundem ferè modum vt in alia, vsque in finem. Datum vt in alia per totum.

EPISTOLA XXXIX.

VTICEN. EPISCOPO ET ABBATI CISTERCIEN. APOSTOLICÆ SEDIS LEGATIS.

*Vt sententiam contra quosdam indebitas exigentes pedagia
&c. latam obseruari faciant.*

CVM in nobiles viros Comitem Folcalcarien. G. Ademari Lambertum de Montilio, Dominos, & Dominas Castri noui, & Dozaz, Siluium de Crista. Alasiam de Roca. Præpositum Valentin. Arraldum de Rusfillon. fratrem ipsius, & quosdam alios, propter pedagia, exactiones indebitas, & alias iniquitates quas in stratis publicis, & fluminibus committere non verentur, à te, fili Abbas, de multorum Prælatorum consilio, sententia fuerit promulgata. Discretionis vestre per apostolica scripta mandamus; quatinus eandem sententiam rationabiliter latam, faciatis appellatione remota per censuram Ecclesiasticam vsque ad satisfactionem condignam firmiter obseruari. Datum vt in alia.

EPISTOLA XL.

EISDEM.

Vt seruetur sententia contra Roncelinum, & Massilienses lata.

CVM in Roncelinum apostatam, & peritum, & ciues Massilien, pro eo quodd ei obediunt, & fauent in suis abominationibus manifestè; à vobis, de multorum Prælatorum consilio. &c. vt in alia, vsque in finem. Datum Lateran. xvij. Kal. Maij. Pont. n. anno xiiij.

EPISTOLA XLI.

CAPITVLO ECCLESIE ROMANEN.

Confirmat Regalia, à Principibus secularibus eis concessa.

IVS TIS petentium desiderijs dignum est nos facilem prebere consensum, & vota quæ à rationis tramite non discordant, effectu prosequente complere. Ea propter. dil. in Domino filij, vestris iustis postulationibus inclinatis; regalia vobis ab Imperatoribus, & alijs Principibus secularibus in foro

videlicet, & in nundinis, necnon & transitu fluminis Iſaræ, pia vobis deuotione concessa, sicut ea iustè, ac pacificè possidetis, vobis, & per vos Ecclesiæ vestræ auctoritate apostolica confirmamus, & presentis scripti patrocinio communimus. Nulli ergo omnino hominum, liceat hanc paginam nostræ confirmationis infringere &c. vsque incursum. Datum Lateran. xiiij. Kal. Maij Pont. n. Anno xliij.

EPISTOLA XLII.

EISDEM.

Statuta, & consuetudines, Ecclesia Romanen. confirmat.

SOLET annuere sedes apostolica pijs votis, & honestis petentium precibus fauorem beniuolum impartiri. Ea propter, dilecti in Domino filij, vestris iustis precibus inclinati, laudabiles, & honestas consuetudines, ac statuta quæ ad Ecclesiæ vestræ vtilitatem prouidè facta esse noscuntur; sicut hæcenus pacificè sunt obtenta, & in authenticis super his confectis plenius continetur, auctoritate apostolica confirmamus, & presentis scripti patrocinio communimus. Nulli ergo &c. vsque incursum. Datum vt in alia, per totum.

EPISTOLA XLIII.

GNEZSENSI ARCHIEPISCOPO.

Confirmat priuilegium ipsi datum à Ducibus Polonia.

QUAM illius locum, licet immeriti, teneamus in terris, qui sanctam Ecclesiam sponſam suam absque macula, & ruga conseruat: his nos conuenit ex officij nostri debito, robur apostolicum impartiri, quæ ad statum ipsius pertinent, & quietem, & ad conseruationem Ecclesiasticæ libertatis. Cum igitur. dil. fil. nobiles viri, Lesco, Conradus, & Vvadislaus Oddonis, Duces Poloniz, tibi & suffraganeis Ecclesiæ tuæ, necnon & successoribus vestris, priuilegium super Ecclesiastica libertate pia deuotione ad statum debitum reuocando, concesserint. Nos tuis precibus inclinati, concessionem ipsorum sicut piè, ac prouidè facta est, ac in authenticis continetur, auctoritate apostolica confirmamus, & presentis scripti patrocinio communimus. Quia verò in eodem priuilegio est expressum, vt si aurum, vel argentum, siue pretiosas vestes aut palafidos decedentium Episcoporum supradicti Duces inuenerint, & Episcopus decesserit intestatus, in vsus suos omnia conuertantur; dum tamen hoc ipsum eis à nobis fuerit, vel à Legato nostro concessum. Dictis dacibus consulimus, & mandamus, nequaquam in vsus suos supradicta conuertant; cum id in suæ filius cederet detrimentum: sed Ecclesiæ cui defunctus Episcopus præfuit, illa faciant integraliter assignari. Nulli ergo omnino hominum liceat hanc paginam nostræ confirmationis, & iussionis infringere, vel ei ausu temerario contraire. Si quis autem &c. vsque incursum. Datum Lateran. ij. Kal. Maij Pont. n. Anno xliij.

EPISTOLA XLIV.

EPISCOPÒ QUONDAM HALBESTATENSÌ ET ABBATÌ DE SICHEM.

Committit causam inter Ducem Poloniae, & Gneznen. Episcopum.

IS qui paci Ecclesiasticæ invidet, & quieti quam in celis non poruit sua præpediente malitia retinere; non solum aduersarios manifestos sæpe concitat contra ipsam; verum etiam proprios filios ad molestationem ipsius nonnunquam instigat, à quibus defensionis præsidia expectabat: ut eo dispendiosior sit illius infestationis offensæ; quominus de ipsius molestia timebatur. Sanè sicut. Ve.F.N... Gneznen archiepiscopus graui nobis conuestione monstrauit, nobilis vir Vvadislaus Dux Poloniae qui diuturnis eum iniurijs & molestijs lacessuit, dudum rhefanum Gneznen Ecclesiaz occupauit, ex hoc damna ipsi graua inferendo. Quosdam insuper villas Ecclesiaz memoratae conturbauit, & quibusdam alijs nequiter deuastatis, multa Canonici, & hominibus Gneznen Ecclesiaz damna, & iniurias irrogare præsumpsit. Homines quoque de Gnezni ad eandem Ecclesiam pertinentes, bonis suis, per violentiam spoliati, postquam idem Archiepiscopus iter arripuit ad sedem apostolicam veniendi, cum igitur dissimulare tot eiusdem Ecclesiaz grauamina nequeamus, per apostolica vobis scripta præcipiendo mandamus: quarinus eisdem Archiepiscopum, atque Ducem personaliter, secundum quod in prioribus literis nostris vobis iniunximus, aducentes; dictum Ducem ut eidem Archiepiscopo, & suis hominibus super datis damnis, & iniurijs irrogatis satisfacias compenter, ablatis omnibus restitutis, monere prudenter, & inducere procuretis: ipsum ad hoc, si necesse fuerit, per censuram Ecclesiasticam appellatione postposita, ratione præuia compellentes. Testes autem, qui fuerint nominati, si se gratia, odio, vel timore subtraxerint, per censuram similem appellatione cessante rogatis veritati testimonium perhibere. Datum ut in alia per totum.

EPISTOLA XLV.

ABBATISSÆ AVREGNIACENSIS.

Ne in eius Monast. sine manifesta causa sententia feratur.

IX assuetæ benignitatis officio Sedes apostolica consuevit eas quæ montana Religionis ascendant, ut cum Maria secus pedes Domini sedent, confouere; ac illis, ne cuiusquam temeritatis incursum quies, vel profectus impediatur earum, apostolicum præsidium impartiri. Ea propter, dilecta in Christo filia, tuæ, ac Monasterij tibi commissi tranquillitati paternæ volentes sollicitudine præcauere; auctoritate presentium inhibemus. Ne Diccesanus Episcopus, vel Archidiaconus loci, seu quilibet alius ordinarius iudex, sine manifesta, & rationabili causa, in te, vel Monasterium tibi commissum, excommunicationis, vel interdicti sententiam promulgare præsumat. Statuentes, ut si te in aliquo grauari præferis, liberè tibi liceat sedem apostolicam

Nos vestris precibus inclinati, quod per eosdem Iudices super hoc est, cum Episcopi memorati assensu, deliberatione provida diffinitum, auctoritate apostolica confirmamus, & presentis scripti pagina communimus. Inhabentes ne quis contra diffinitionem huiusmodi, super Abbatis electione, vos audeat molestare. Nulli ergo &c. hanc paginam nostrae confirmationis, & inhibitionis infringere vel ei &c. vice ipsius. Datum Lateran. iiii. Kal. Maij. Pont. n. anno decimoquarto.

IV. IX. A. I. O. T. 2. 1. 7.
EPISTOLA XLVIII.

EPISCOPO BRIXINENSI, ET AQUILEGENSI DECANO, ET MAGISTRO
HVC. CANONICO RATIONIBUS.

Committis causam inter Salzberg. & Gurcen. Episcopos. Et respondet haberi pro absoluto eum cui ab excommunicante audiendi divina licentia data est.

DILIGENTER auditis & perspicaciter intellectis, quae à dil. fil. procuratore V. F. N. Salzburgen. Archiepiscopi ex parte vna, & procuratore Gurcen. Capituli ex parte altera, super excommunicationis sententia, quam idem Archiepiscopus in ipsum Capitulum promulgavit, fuere proposita coram vobis, sic diximus providendum. Vt cum à tribus ex maioribus ipsius Ecclesiae Canonicis fuerit requisitus, infra quindecim dies ipsum Capitulum absolvi faciat ad cautelam, mittens aliquem ad Gurcen. Ecclesiam, qui recepta secundum formam Ecclesiae, iuratoria cautione, quod nostro, vel vestro mandato parebit, eidem Capitulo beneficium absolutionis impendat. Exceptis Praeposito, & V. & F. Canonicis, qui de mandato nostro fuerint apud sedem apostolicam absoluti. Ac deinde coram vobis, quibus hoc negotium duximus committendum, tam de principali causa, quam de ipsa sententia, necnon & de Ecclesia S. Laurentij, qua post commissionem factam à nobis, & post appellationem ad nos interpositam, spoliati fuerunt per nuntios ipsius Archiepiscopi, cognoscatur; & si de partium voluntate processerit, sine Canonico terminetur. Alioquin negotium ipsum sufficienter instructum, ad nostrum remittatur examen. Praefixo partibus termino competenti, quo nostro se conspectui presentent, iustam auctore Deo sententiam recepturam. Quod si infra praescriptum tempus Archiepiscopus ipse non fecerit illos absolvi, per dil. fil. lunen Praepositum Aquilegen. Diocesis, eos absolvi iubemus. Ceterum interrogatus in iudicio coram nobis procurator Gurcen Episcopi, verum idem Episcopus pro excommunicato se haberet, respondit, quod re vera. Salzburgen. Archiepiscopus excommunicavit Episcopum, & Capitulum quarta feria, & post tertiam, vel quartam diem dedit ipsi licentiam audiendi divina, & ve divinis officiis interesset, quia ipse propter debilitatem manus celebrare non potest; & ex tunc divina sibi fecit officia celebrari, & exercuit ea quae consueverat exercere. Nos autem interloquendo respondimus, quod si res taliter se haberet, Episcopus idem pro absoluto esset habendus; nisi postea excommunicationis sententiam excepisset. Testes autem qui fuerint nominati, si se gratia, odio,

odio, vel timore subtraxerint, per censuram Ecclesiasticam, cessante appellatione, cogatis veritati testimonium perhibere, nullis litteris obstantibus præter assensum partium à sede Apostolica impetratis. Quòd si non omnes. &c. tu frater Episcopo cum eorū altero ea &c. Datum Lateran. 2. non. Maij Pont. n. Anno. xiiij.

EPISTOLA XLIX.

ABBATI ET CONVENTUI MONASTERII CAVRIENSIS.

Recipit eos & possessiones sub protect. B. Petri sub censu annuo.

CVM à nobis petitur, quod iustum est, & honestum, tam vigor æquitatis, quàm ordo exigit rationis, ut id per sollicitudinem officij nostri, ad debitum perducatur effectum. Ea propter, dilecti in Domino filij, vestris iustis postulationibus grato concurrentes assensu, Monasterium, & personas vestras cum omnibus bonis, tam Ecclesiasticis, quàm mundanis, quæ impræsentiarum rationabiliter possidetis, aut in futurum dante Domino iustis modis poteritis adipisci, sub B. Petri, & nostra protectione suscipimus. Specialiter autem, Villas Sancti Tursi. Sanctæ Mariæ de Villa Cibran. S. Saluatoris de Cinuio. S. Michaelis de Varzen. S. Saluatoris de Bergundio. S. Michaelis de Canneru. S. Antonini de Villa Noua. S. Mariæ de Miudes. Et S. Saluatoris de Mari Mortuo, cum omnibus pertinentijs earundem. Et vniuersas possessiones vestras sicut eas iustè, ac pacificè possidetis, vobis, & per vos Monasterio vestro auctoritate Apostolica confirmamus, & præsentis scripti patrocinio cõmunimus. Ad indicium autem huius à sede Apostolica protectionis, & confirmationis perceptæ, duos obolos aureos, gratis oblatos persoluetis nobis, nostrisq; successoribus annuatim. Decernimus ergo ut nulli omnino hominū liceat hanc paginam nostræ confirmationis, & protectionis infringere, vel ei ausu temerario contraire. Siquis autè &c. usq; incursum. Datū Lateran. Nonis Maij. Pont. n. Anno xiiij.

EPISTOLA L.

SORORIBVS DE MYRCEDO.

Confirmat statutum, eis ad viuendum datum, ab Electo Albanensi, ad hanc causam delegato.

QUOSTIS petentium desiderijs dignum est nos facilem prebere consensum, & vota quæ à rationis tramite non discordant, effectu prosequente complere. Cum igitur, dilectus filius Albanen. Electus ad locum vestrum, in quo relictis seculi vanitatibus Domino militatis, de mandato nostro dudum accedens, quoddam fecerit institutum, secundum quod viuere debeatis. Nos vestris supplicationibus inclinati, institutum ipsum, sicut piè, ac prouidè factum est approbantes; illud statuimus robur debitum obtinere: inhibentes, ne quis contra illud vos audeat molestare. Nulli ergo &c. hanc paginam nostræ constitutionis, & inhibitionis infringere, vel ei &c. usque incursum. Datum Lateran. vij. Idus Maij P. n. Anno xiiij.

EPISTOLA LI.

NOBILI VIRO VYADISLAV, NATO QVONDAM NOBILIS VIRI ODDONIS DVCIS POLONIE.

Recipit eum & bona sub protectione B. Petri, sub censu triennij.

CVM à nobis petitur quod iustum est, & honestum, tam vigor æquitatis, quàm ordo exigit rationis, ut id per sollicitudinē officij nostri ad debitum perducatur effectū. Ea propter, dil. in Domino fili, deuotionis tuæ sinceritatem,

quam circa libertatem Ecclesiasticā geris, & quam Ecclesijs, & personis Ecclesiasticis in tuo Ducatu recognouisse dinosceris, attendentes. Vt ab Ecclesia protectionis gratiam sentias, quā satagis honorare; personā tuam, cū vniuersis bonis, quæ impræsentiarum rationabiliter possides, aut futurū præstante Domino, iustis modis poteris adipisci, sub B. Petri, & nostra protectione suscipimus, & præsentis scripti patrocinio cōmunimus ad iudicium autem huius à sede Apostolica protectionis percepta, quatuor Matcas gratis oblatas, singulis tēnijs nobis, nostrisq; successoribus ad Poloniæ pondus persolues. Decernimus ergo, vt nulli omnino hominum liceat, hanc paginam nostræ protectionis infringere, vel ei &c. vique incursum. Datum Lateran. iij. Idus Maij Anno xiiij.

EPISTOLA LII.

ARCHIEPISCOPO. SENONEN ET SVFFRAGANEIS EIVS.

Narrata causa mandat, ut ad pacem cum Aurelian. Antisiodor. Episcop. Regē Fr. hortentur.

Cum sinceræ dilectionis affectus, qua carissimi in Christo filij nostri. Phil. Regis Francorum illustris zelamur salutem, nos vehementer inducit; vt si quando contra rationes, & libertates Ecclesiasticas, quas in regno suo illæsas hæcenus custodiuit, aliquid dicitur commississe, apud ipsum opportunè, importunè, monitis, & precibus insistamus. Quatinus illius intuitu in cuius oculis nuda sunt omnia, & aperta, qui propter progenitorum suorum deuotionem, & suam, Ecclesiæ suæ reuerenter exhibitam, Regnum suum custodiuit illarum; quin etiam magnificè augmentauit, contritis grauius regnis illis, quorū Reges rationes, & libertates Ecclesiasticas infringere præsumpturū illud corrigat, & emendet, vincens salubriter semetipsum pro Deo, & propter Deū; cū sic vinci, sibi non cedat ad dedecus, sed potius ad honorem, sintque nihilominus sibi apud homines magis quàm vincere gloriosum. Sanè cū dudum nostris fuisset auribus intimatum, quòd ipse contra Ve. F. N. Antisiodoren. & Aurelianen. Episcopos indignatus rem agi præceperit, non vtique sui moris, sed nec etiam sui iuris, eorum faciens falsari Regalia, necnon etiam quædam alia preter illa, licet nondum essent confessi de foris facto aliquo, vel conuicti, nec ad satis faciendum commoniti, vel inducti. Pro eo quòd quidam Milites eorundem in suo exercitu constituti, ad locum quem eos adire præceperat, cum alijs accedere recusarunt, absentibus ipsis Episcopis pet licentiam ab ipso liberaliter impetratam; ac lupt his ipsorum, & vestris supplicationibus minimè acquiescens, coegerit eos miserabiliter exulare. Nos Sermitatem suam rogando duximus, & monendam, & in remissionem sibi suorum iniunximus peccatorum, vt pro diuini nominis gloria, & Apostolicæ sedis honore, faceret præfatis Episcopis subtracta restitui vniuersa, & eos secundum consuetudinem approbatam iuste, ac modestè tractari, donando nobis intercedentibus, pro Deo, & propter Deum, si quam præfati Pontifices aduersus eum commississent offensam, ne hac occasione contingeret inter Regnum, & Sacerdotium scandalum suboriri; quia nos in maioribus curaremus grata eidem faciente Domino vicissitudine respondere. Ipse verò inter cætera per suas litteras se excusauit, quòd alia quàm regalia falsari non fecerat, nec ipsos coegerat exulare, cū libere possent, & in suis Diocæsisbus commorari, & si super his curiæ suæ vellent subire iudicium, quod quandoque acceptarent audire, ob reuerentiam nostram condonare paratus

erat emendam, si forsitan tenerentur sibi aliquam exhibere. Licet autem, ijdem Episcopi in regno suo liberè commorentur, ex eo tamen exules possunt dici, quod à proprijs domibus sunt eiekti, & rebus alijs spoliati. Alia etiam quàm Regalia saisisse videntur: cùm domos Episcopales quæ eadem immunitate, quæ Ecclesiæ gaudent, & eorum vtensilia, & mobilia vndecúmque deducta fecerit occupari. Iudicium autem spoliati subire non debent, cùm ex generali, sicut accepimus, consuetudine regni sui, fidelis à Domino sinè iudicio spoliatus, nec diem ab ipso super spoliatione sua, vel alio teneatur recipere, ne in ip-sius curia experiri, nec etiam vinculum fidelitatis seruare. Cùm igitur super prædictis se duxerit excusandum, & illud silendo transierit, quod eorum fecit saisiri regalia, cùm nec dum de aliquo forisfacto confessi fuerint, vel conuicti: nec etiam ad satisfaciendum commoniti, vel inducti, tacitè id concessisse videtur. Quod etiam ex tenore litterarum suarum, quas præfatis Episcopis direxit euidenter apparet, in quibus continetur expressè, quod militibus eorum præceperat vt irent cum Baronibus illis, quos ad quandam locum duxerat destinandos: & quia illi ad præceptum ipsius illuc accedere noluerunt, dixit ipsos Episcopos erga se de exercitu defecisse, & propterea illorum saisuit regalia, & illa quæ in eis pertinent ad iurisdictionem terrenam. Vnde præsumitur, quòd in causa, & modo minis ordinatè processerit contra eos, cùm pro aliena culpa, videlicet militum, siqua fuit, spoliasset eosdem non conuictos, nec monitos, vel citatos. Verùm quia suæ saluti magis expedit, & honori, vt intuitu pretiosi sanguinis Iesu Christi, quo sibi sponfam suam Ecclesiam videlicet desponsauit, eidem condonet, si ab ipsius Ministris in ipsum aliquid sit commissum; quàm illi molestiam inferat indebitam, vel grauamen. Apud eum iterata partium instantia duximus insistendum, excellentiam Regiam rogantes attentius, & monentes, hoc à sua magnificentia petentes in donum: vt pro reuerentia nostra iudicio super sedeat, saluo iure tam illorum, quàm suo, illosque restituat, donata nobis emenda, sicut per litteras suas promisit, si quàm sibi exhibere tenentur. Vt ex quo intendit facere nobis gratiam, faciat eam plenam, prout eum facere, ac nos recipere decet: ita quod propter hoc magnificentiæ suæ grata teneamur vicissitudine respondere. Credentes igitur prudentiam, & sollicitudinem vestram apud eundem Regem posse proficere in hac parte; fraternitati vestræ per iterata scripta præcipiendo mandamus: quatinus dictum Regem ad ea quæ pacis sunt sollicitè, ac prudenter rogantes, ipsum sedulis exhortationibus, & monitionibus inducat, vt nostris precibus acquiescere exequatur promissa liberaliter, ac libenter, vt ex hoc diuinâ consequatur gratiâ in præsentī, & gloriâ in futuro. Exhibentes auctoritate nostra suffulti prædictis Episcopis auxilium, & consilium necessarium, ad libertatem Ecclesiasticâ conseruandam. Ita vt non debeatis de timiditate, vel remissione redargui, sed de rigore, ac sollicitudine comendari. Datū Lateran. 2. Idus Maij Pont. n. Anno xiiij.

Scriptum est in eundem ferè modum super hoc Regi. Vsq̃ue grata teneamur vicissitudine respondere. In eundem ferè modum. Vt supra scriptum est. Carnoten. & Trecent. Episcopis, & dil. fil. Vv. Archidiacon. Parisien. vsque gloriam in futuro, & sollicitudo & diligentia vestra clareat in effectu, cumulusque vobis ex hoc æternæ retributionis accrescat, & nos deuotionem vestram possimus non immeritò commendare. Datum vt in alia.

Vt Soriano cedendi facultatem concedat, & ille ad claustrum suum redeat.

SVPPLICAVIT nobis venerabilis frater noster Sorrianus Episcopus, vt ei cedendi licentiā concedere dignaremur. Quocirca fraternitati tuæ per Apostolica scripta mandamus: quatinus si videtis expedire, cum etiā dil. fil. nobilis vir... Turritanus Iudex sæpius hoc per suas litteras nos rogarie, eidē auctoritate nostra licentiā cedēdi concedas. In iugense idē, vt ad claustrū suū redeat, & ibidē suū impendat Dño famulatū. Dat. Later. viij. Kal. Iunij Pont. n. Anno xiiij.

EPISTOLA LIV.

ABBATI ET CONVENTUI REOMEN.

Ne indebitis exactionibus ab Episcopis grauentur.

CVM à nobis petitur quod iustum est, & honestum, tam vigor æquitatis, quàm ordo exigit rationis, vt id per sollicitudinem officij nostri, ad debitū perducatur effectū. Ea propter dil. in Domino fil. vestris iustis postulationibus grato concurrentes assensu, præsentium auctoritate districtius inhihemus. Ne Ve. F. N. Lugdunen. Archiepiscopus, & Episcopus Lingonen. vel aliquis vester Prælati procuraciones aut exactiones indebitas, a vobis extorquere præsumat: sed his quæ iuxta Lateranen. statuta Concilij debentur, eidē contenti existant. Statuentes ne aliquis in vos, vel villas vestras sine manifesta, & rationabili causa excommunicationis, suspensionis, vel interdicti sententiā audeat promulgare. Decernimus ergo, vt nulli omnino hominū liceat, hanc paginā nostræ inhibitionis, & cōstitutionis infringere vel ei &c. vsq; incurfurū. D. Later. viij. Kal. Iunij an. xiiij.

EPISTOLA LV.

ABBATI THEOLOCI ET PRIORI CISTERCIEN.

Prohibet delegatos ad inquisitionem Monasterij Reomensis procedere, ex vi litterarum ad eos, habita nulla mentione prioris inquisitionis, impetratarum.

QVIENS per suggestionē falsitatis, & veritatis suppressionē circumuenerit nos fatigū, circumuenerit potius semetipsum: quia cognita veritate, quicquid taliter impetrant, nullius decernitur esse valoris, cum mendax precator carere debeat impetratis. Sanē cum olim ad nostram audientiam peruenisset, quod Reomen. Monasterium tam in spiritualibus, quam in temporalibus non modicū foret colapsū. Ve. F. N. Eduen. Episcopo, & dil. fil. Abbati de Buxeria dedimus in mandatis; vt ad idem Monasterium accedentes, quæ ibidem corrigenda essent, corrigerent, tam in capite, quàm in membris. Ipsi verò, sicut ex litteris eorum accepimus, mandatum Apostolicum exequentes, ad locum personali ter accesserunt, & inquisitione præhabita diligenti, præfatum Monasterium tam in spiritualibus, quam in temporalibus inuenerunt multò melius se habere, quàm se longè retroactis temporibus habuisset. Quosdam etiam de fratribus, qui cum dilecto filio eiusdem Cœnobij Abbate discordes erant, ad veram pacem, & firmā concordiam reuocarunt. Nuper autem, Nuntius Ve. F. N. Episcopi Lingonen. ad præsentiam nostram accedens, à nobis inquisitionem contra dictum Abbatem ad vos prædictorū mentione non habita, impetravit. Cum igitur, sicut ex multorum religiosorum virorum testimonio, nec non & Capituli Reomen. accepimus, idem Abbas Monasterium ipsum, sicut vir prouidus, & discretus, tam in spiritualibus, quàm in temporalibus, per Dei gratiam non modicū augmentari. Discretionem vestræ per Apostolica scripta præcipiendo mandamus; quatinus superfluentes negotio memorato, in faciendi inquisitione auctoritate litterarumstrarum nullatenus procedatis, Ne innocentia confundatur, aut veritas conculectur. Datum vt in alia per totum.

EPISTOLA LVI.

SANCTÆ COLYMBÆ SENONEN. ET SANCTI GERMANI ANTISIODOREN.
ABBATIBVS, ET DECANO ANTISIODOREN.

Committit executionem priuilegiy, supra Epistola 54. dati.

DVM dilectis filijs Abbati, & Monachis Reomen duxerimus indulgentium, ne Ve. F. N. Lugdunen. Archiepiscopus, & .. Episcopus Lingonen. vel aliquis eorum Prælatus procuraciones, aut exactiones indebitas ab ipsis extorquere præsumat; Et districtius inhibuerimus, auctoritate apostolica statuendo, ne aliquis in eos, vel villas ipsorum, sinè manifesta, & rationabili causa excommunicationis, suspensionis, & interdicti sententiam audeat promulgare. Discretionem vestræ per apostolica scripta mandamus: quatinus illos qui contra inhibitionem, & constitutionem nostram duxerint temerè veniendum, vt ab huiusmodi præsumptione desistant, censura Canonica sublato appellationis obstaculo compescatis. Quòd si non omnes &c. duo vestrum ea &c. Datum Lateran. xvj. Kal. Iunij Anno xiiij.

EPISTOLA LVII.

TOLETAN ARCHIEPISCOPO.

Excusat se quòd non possit de Primatia iudicare.

QUOD petitiones quas obtulisti nobis per M. Clericum tuum super negotio Primatiz, nondum admisimus, non ex duritia, sed ex prouidentia noueris processisse: cum & in his, & in alijs opportuno tempore te velimus, quantum cum Deo possumus, exaudire. Sed cum ex Sarracenorum incurfu graue nunc timeatur Hispaniæ dispendium imminere, non oportet occasione huiusmodi Primatiz, aliud in Hispania modo scandalum suscitari: præsertim cum tibi ius tuum minimè negligenti, prouidentiam ipsam nolimus esse damnosam. Eius igitur exemplo, qui ait, cum accepero tempus ego iustitiam iudicabo, cum opportunum tempus aduenerit, tibi iudicium, & iustitiam faciemus. Datum Lateran. Kal. Iunij. Pont. n. Anno xiiij.

EPISTOLA LVIII.

ILLVSTRI REGI PORTVGALIÆ.

Confirmat eius testamentum, ea excepta clausula qua sibi dispositionem Monasteriorum reservabat.

IS qui tangit montes, & fumigat, cor tuum tetigisse videtur, ad poenitentiam salutarem, dum corporali ægritudine te affligens, ad sanandas, spirituales ægritudines te induxit: quatinus recogitando annos tuos in amaritudine animæ tuæ pro excessibus tuis, quibus Creatorem tuum multipliciter offendisti,

offerret ei sacrificium vespertinum. Vnde licet infirmus corpore, & animo tamen sanus, legitimum condidisti, sicut accepimus, testamentum. In quo pro tuorum remedio peccatorum, pijs locis, & viris religiosi, necnon infirmis, & indigentibus multa legasti: de filiis, & filiabus, nepotibus, & neptibus tuis, necnon & alijs quibusdam personis, ac etiam ipso regno provida deliberatione disponens. Quæ omnia suppliciter postulasti per sedem Apostolicam confirmari, sicut in scriptis authenticis continentur expressa. Nos autem ipsius seriem testamenti coram nobis perlegi fecimus diligenter, & intelleximus omnia rite disposita: Illis dumtaxat exceptis, quæ de quibusdam Monasterijs disponere præsumpsisti, nisi forsân de iure intellexeris patronatus. Cùm iuxta Canonicas sanctiones, nulla sit laicis de rebus Ecclesiasticis attributa facultas disponendi. Quare tuis supplicationibus inclinati, testamentum ipsum in cæteris omnibus approbantes, illud iuxta finale tuæ dispositionis arbitrium statuimus, & præcipimus inviolabiliter observandum. Nulli ergo omnino hominum liceat, hanc paginam nostræ approbationis, constitutionis, & præceptionis infringere, vel ei ausu temerario contraire. Siquis autem &c. vsque incursum. Datum Lateran. vj. Kal. Iunii anno xiiij.

EPISTOLA LIX.

S. ILLUSTRI REGI PORTUGALEN.

Ratam habet absolutionem ipsi impensam à Bracarensi Electo, & hortatur ut quæ piè testamento suo constituit, dum vivit exequatur.

EX tenore litterarum tuarum accepimus evidenter, quòd cùm apostolica sedes inclitæ recordationis A. progenitorem tuum, nomine Regio, ac Regalibus insignijs decorarit, & ipsum ac successores suos adoptans in B. Petri filios speciales, eos & Regnum Portugalen. specialibus privilegijs, suæque protectione curaverit communire. Tu in regno Domino disponente succedens eidem, ad clementiam eius recurris sub confidentia speciali, non hæsitans vlllo modo te ab ipsa in iustis petitionibus exaudiri. Inde est quòd volens animæ tuæ salutis, & regni tibi commissi tranquillitati consulere; necnon in posterum tuo generi providere, ne intestatus decederes, de rebus tuis mobilibus, & immobilibus testamentum, Episcoporum, & Baronum terræ tuæ consilio, ac assensu etiam primogeniti filij tui, qui tibi debet in regno succedere, condidisti: postulans illud per sedem Apostolicam confirmari, ne ipsum cuiusquam temeritatis violare præsumat. Et quoniam ex humana fragilitate pro violenta Clericorum, & religiosorum virorum captione, in Canonem sæpius incidisti sententiæ promulgatæ, in gravi à Deo ægritudine constitutus, quòd de proprii corporis salute desperas, à venerabili fratre nostro. Bracaren. electo absolutionem humiliter postulasti, qui tibi eandem impendit, iuxta formam Ecclesiæ consuetam. Verùm quia nullatenus dubitas, quin quod in excessibus huiusmodi, & alijs quàm pluribus, quæ instigante humani generis inimico te commississe vehementissimè doles, diuinam gravissimè offenderis

maiestatem. Nobis humiliter supplicasti, ut pœnitentiam tibi à præfato Electo iniunctam, & absolutionem impensam ratam dignaremur habere, reque absolvere à debito quo teneris, pro excessibus memoratis apostolicam sedem adire. Nos igitur existimantes præfatum Electum, ut pote virum prouidum, & honestum, circa te in prædictis prouide processisse, ac maturitatem debitam obseruasse. Processum eius ratum habentes, serenitati tuæ duximus iniungendum, ut iniunctam tibi ab eo pœnitentiam salutarem humiliter exequaris. Et quoniam salutis tuæ credimus expedire, ut ea quæ pro tuorum peccatorum remedio in testamento legasti, te viuente facias erogari: excellentiæ tuæ consulimus bona fide, ut id adimpleri facias cum præsens vita vegetat tuos artus, non expectans ut post mortem tuam ea alij exequantur, quæ potes facere per te ipsum. Datum Lateran. vij. Kal. Iunij anno xiiij.

EPISTOLA LX.

COMPOSTELLAN. ARCHIEPISCOPO ET BRACAREN. ELECTO.
ET ZAMOREN. EPISCOPIS.

Ut testamentum supra Epistola 58. confirmatum faciant obseruari.

IS qui tangit montes, & fumigant, cor carissimi in Christo filij nostri... Illustri Regis Portugaliz tetigisse videtur ad pœnitentiam salutarem dum ipsum affligens ægitudine corporali, eundem ad sanandas ægitudines spirituales induxit. Quatinus &c. In eundem ferè modum ut in prima. Vsq; illis dumtaxat exceptis, quæ de quibusdam Monasterijs ordinare præsumpsit, nisi forsan de iure intellexerit patronatus. Cum iuxta Canonicas sanctiones, &c. in eundem ferè modum, ut in eadem, usque inuiolabiliter obseruandum. Quocirca fraternitati vestræ per apostolica scripta præcipiendo mandamus: quatinus testamentum ipsum faciatis auctoritate nostra firmiter obseruari. Contradiçtores si qui fuerint, per censuram Ecclesiasticam sublato appellationis obstaculo compescendo. Quòd si non omnes &c. singuli vestrum ea nihilominus exequantur. Datum Lateran. vj. Kal. Iunij Pont. n. Anno xiiij.

EPISTOLA LXI.

GVIDONI ABBATI MONASTERII SANCTI IOANNIS REOMEN. EIVSQVE
FRATRIBVS TAM PRESENTIBVS QVAM FUTVRIS REGVLAREM
VITAM PROFESSIS IN PERPETVVM.

*Sub protectionem B. Petri recipit Monasterium Reomense
cum bonis quæ enumerat.*

DESIDERIVM quoddam religionis propositum, & animarum salutem pertinere monstratur, actore Deo sine aliqua est dilatione complendum. Ea propter, dilecti in Domino filij, vestris iustis postulationibus clementer annuimus, & præfatum B. Ioannis Monasterium, in quo diuino mancipati estis obsequio, gloriosorum virorum Clodouei, & Karoli, & aliorum

Regum Francorum præceptis munitum, & fratrum nostrorum Segoardi, Brunonis, Ioceranni, Guilenci, & aliorum Lingonen. Episcoporum scriptis roboratum, ad exemplar patrum & prædecessorum nostrorum sanctæ recordationis Alexandri, Innocentij, & Eugenij Romanorum Pontificum, cum possessionibus, & bonis suis, sub B. Petri & nostra protectione suscipimus, & presentis scripti priuilegio communimus. Statuentes vt quascumque possessiones, quacumque bona idem Monasterium impresenciarum, iuste, & Canonice possideret, aut in futurum concessione Pontificum, largitione Regum, vel Principum, oblatione fidelium, seu alijs iustis modis præstante Domino poterit adipisci, firma vobis, vestrisque successoribus, & illibata permaneant. In quibus hæc proprijs duximus exprimenda vocabulis. Ecclesiam videlicet de villa quæ dicitur Corpus sancti. Ecclesiam Atteiensen. Ecclesiam S. Georgij de Simiriaco. Ecclesiam de Bitriaco. Ecclesiam de Vineis. Ecclesiam de Trultriaco. Ecclesiam de Asiaco. Ecclesiam de Niudis. Ecclesiam de Afinarijs. Ecclesiam de Cortemiacio. Capellam Montis Barri. Ecclesiam de Buciacio. Ecclesiam de Riciaco. Ecclesiam de Villiaco. Capellam S. Medardi. Ecclesiam de Scolis. Ecclesiam Estiuei. Ecclesiam Camedomen. Ecclesiam de Stez. Ecclesiam de Beleun, cum Capella de Reu. Ecclesiam de Barro, cum Capella de Torceio. Quidquid iuris haberis in villis S. Remigij, videlicet, Betfontis, Visane, Telesiaci. Quidquid etiam frater noster Godefridus Lingonen. Episcopus, vobis iuste concessit, & scripto suo firmavit. In Eduen Episcopatu Ecclesiam de Ionaio, Ecclesiam de Suinciaco. Ecclesiam de sancto Germano de Mondauit. Ecclesiam de Tisiaco. Ecclesiam Sanctæ Mannentiz, Capellam de Rouredo. Ecclesiam de Cadriaco, cum Capella eiusdem Villæ. Ecclesiam S. Medardi. Ecclesiam Sanctæ Mariz in villa Iouis. In Episcopatu Matiscenen. In Saturuiaco, Ecclesiam S. Andreæ, cum Capella S. Leodegarij. Ecclesiam S. Martini de Cereis, cum Capellis ad eam pertinentibus. Capellam de Bucherij, cum appenditijs suis. In Episcopatu Niuernen. Monasterium S. Petri de Glanno. In Tullen. Episcopatu Ecclesiam S. Stephani. Concordiam præterea inter vos, & sorores Ecclesiæ Sanctæ Mariz de Rubeo Monte, de Parrochia Asiaca à fratre nostro Gottefrido Lingonen. Episcopo, vtriusque partis assensu rationabili prouidentia factam, fauoris nostri munimine roboramus. Ex donatione Galteri quondam Lingonen. Episcopi, Ecclesiam de villa Morien. cum appenditijs suis. Ex donatione Manasserij quondam Lingonen. Episcopi, Ecclesiam de Matmaiaus. Ecclesiam de Santingne. Ecclesiam de Pise cum appenditijs suis, Capellam S. Thomæ apud Montem Barrum. Ecclesiam de Columble. Ex donatione Hilduini quondam Lingonen. Episcopi, Domum de Espessia. Ex donatione Hugonis quondam Ducis Burgundiz, Gestium quod habebat in villa Monasterij S. Ioannis, Et Domum Beati Thomæ iuxta Capellam apud Montem Barrum, Furnagium hominum ultra pontem manentium, ius quod nullus ibi furnum ædificet, præter vos; pressoria montis Barri, & prouentus ipsorum. Ex donatione Oddonis Ducis Burgundiz filij prædicti Hugonis, Gestia quæ habebat in villis, scilicet, Vineis, Barro, & Atheis, tam in hominibus vestris, quam in hominibus quorumlibet aliorum. Ex donatione Galteti quondam Lingonen. Episcopi, in Ecclesia de Espesse quatuor libras. In Ecclesia de Pise quatuor libras. In

Ecclesia de Columble, quadraginta solidos monetæ Diuionen. Compositionem quoque inter vos, & Canonicos de Espissia, super decem libris censualibus vsualis monetæ, per terram Nobilis viri... Ducis Burgandiæ, & alijs rebus, sicut in authentico Hilduini quondam Lingonem. Episcopi continetur, rationabili prouidentia factam: necnon & compositionem inter vos, & nobilem virum Guidonem de Capis, super Capella, quam idem nobilis construxit apud Iuleium sicut prouidè factæ sunt, & ab utraque parte sponte receptæ. Ad hoc etiam prohibemus; ne aliquis Monachus, vel Conuersus sub professione domus vestræ alstrictus, sine consensu, & licentia Abbatis, & maioris partis Capituli vestri, pro aliquo fideiubeat, vel ab aliquo pecuniam mutuò accipiat, ultra pretium Capituli vestri prouidentia constitutum, nisi propter manifestam domus vestræ utilitatem. Quod si facere fortè præsumpserit, non teneatur Conuentus pro his aliquatenus respondere. In Parochialibus verò Ecclesijs quas habetis, liceat vobis Sacerdotes eligere, & Diocesano Episcopo præsentare, quibus, si idonei fuerint, Episcopus curam animarum committat; vt ei de spiritualibus, vobis verò de temporalibus debeant respondere. Obeunte verò te nunc eiusdem loci abbate, vel tuorum quolibet successorum, nullus ibi qualibet subreptionis astutia, seu violentia præponatur, nisi quem fratres communi consensu, vel fratrum pars maioris, & sanioris consilij, secundum Deum & B. Benedicti regulam prouiderint eligendum. Decernimus ergo, vt nulli omnino hominum liceat præfatum Monasterium temerè perturbare, aut eius possessiones auferre, vel ablatas retinere, minuere, seu quibuslibet vexationibus fatigare; sed omnia integra conseruentur eorum, pro quorum gubernatione, ac sustentatione concessa sunt, vsibus omnimodis profutura: Salua sedis apostolicæ auctoritate; & Diocesanorum Episcoporum Canonica iustitia. Si qua in futurum igitur, Ecclesiastica, secularisve persona, hanc nostræ constitutionis paginam, sciens contra eam temerè venire tentauerit, secundò, tertioque commonita, nisi reatum suum congrua satisfactione correxerit, potestatis, honorisque sui dignitate careat, reamque se diuino iudicio existere de perpetrata iniquitate cognoscat; & à sacratissimo corpore, ac sanguine Dei, & Domini Redemptoris nostri Iesu Christi aliena fiat, atque in extremo examine districtæ ultioni subiaceat. Cunctis eidem loco sua iura seruantibus, sit pax Domini nostri Iesu Christi; Quatinus & hic fructum bonæ actionis percipiant, & apud districtum Iudicem præmia æternæ pacis inueniant. Amen. Datum Lateran. per manum Ioannis Sanctæ Mariæ in Cosmidin Diaconi Card. Sanctæ Romanæ Ecclesiæ Cancellarij. ij. Kal. Iunij, Indictione xiiij. Incarnationis Anno millesimo ducentesimo xi. Pont. verò Domini Innocentij Papæ tertij, Anno decimo-quarto.

GUIDONI ABBATI MONASTERII S. MICHAELIS DE TORNODORO, EIVSQUE
FRATRIBUS TAM PRÆSENTIBUS, QUAM FUTVRIS REGVLAREM
VITAM PROFESSIS IN PERPETVVM.

Recipit Monasterium cum bonis sub protectione B. Petri.

CVOTIENS à nobis petitur quod religioni & honestati conuenire dinoscitur, animo nos decet libenti concedere, & petentium desiderijs congruum suffragium impertiri. Ea propter &c. vsque clementer annuimus, & prædecessorum nostrorum, felicitis recor. Innocentij, Lucij, & Clementis Romanorum Pontificum vestigijs inhaerentes, præfatum Monasterium S. Michaelis de Tornodoro, in quo diuino mancipati estis obsequio, sub B. Petri & nostra protectione suscipimus, & præsentis scripti priuilegio communitus. Statuentes, vt quascúmque possessiones, quæcumque bona &c. vt in alio priuilegio, vsque illibata permaneant. In quibus hæc proprijs duximus exprimenda vocabulis. Locum ipsum in quo præfatum Monasterium situm est, cum terris, hominibus in eodem Burgo manentibus, & alijs omnibus suis pertinentijs. Quidquid Guillelmus filius Guidonis quondam Comititis, & Matildis Comitissæ Niuernens. in eodem Burgo liberè vobis concessit; scilicet totum territorium, quod infra metas continetur. Decem libras censuales, & ventas illius terræ, de qua census colligitur in villa Tornodori. Ecclesiam Sancti Ambrosij de Atheijs, cum terris decimis & pertinentijs suis. Ecclesiam de Laniaco, villa cum pertinentijs suis. Et tertiam partem decimæ de Laniaco Castro. Capellam, & villam de Scisciaco, cum pertinentijs suis. Capellam de Melleniaco, cum pertinentijs suis, Ecclesiam de Valle Pelletan. Cum terris, & molendino. Capellam de Floigniaco, & villam, & molendinum, cum iustitia, terris, & appenditijs suis. Villam quæ Carriacus dicitur, cum molendinis, tertis, & iustitia. Ecclesias, & villas de Caniaco, cum iustitia, & appenditijs suis. Ecclesiam de Spineolo cum duabus partibus decimæ, & decimam molendini Camelli. Ecclesiam Sanctæ Columbæ cum decimis, & appenditijs suis. Capellam S. Vvinemari, cum decimis, & redditibus suis. Ecclesiam de Anziaco seruili, cum tertia parte decimæ, & tertia parte molendinorum, & molendinum quod iuxta Castrum situm est, cum terris, & possessionibus suis. Ecclesiam de Pinella, & villam, cum iustitia, & omnibus appenditijs suis. Decimam Finagij de Passum, & tertiam partem eiusdem nemoris, cum terris, & iustitia. Ecclesiam de Crusiaco, cum decimis, & redditibus suis. Ecclesiam de Puteis, cum Domo. Ecclesiam, & villam de Curte Gradu, cum iustitia, & omnibus appenditijs suis. Ecclesiam de Ebrouillo, & medietatem decimæ, tertias, & redditus, cum pertinentijs suis. Ecclesiam de Turgeio, cum tertia parte decimæ, cum terris, pratis, & siluis. Ecclesiam S. Laurentij de Corz. & tertiam partem decimæ. Vsuarium siluarum de Vvanlai, & de Turceio & de Ebrouillo, ad omnes vsus & officinarum Ecclesiæ Sancti Michaelis, & molendinorum du Burgo Tornodori. Et ad omnes vsus domus, & furni

de Curte Gradu, & pastutam animalium eiusdem villæ, & pastuaticum sexaginta porcorum, duas partes decimæ de villa quæ dicitur Viros. Quidquid iuris habetis in Ecclesia de Lentagio, tam in redditibus, quàm in decimis. Ecclesiam de Prataleno cum tertia parte decimæ, terris, & possessionibus suis. Decimam finagij, quod Stet dicitur. Ecclesiam Sanctæ Trinitatis de Barro supra Secanam, cum terris, & molendinis ad eandem Ecclesiam pertinentibus, & nundinis festiuitatis Sanctæ Trinitatis, idest, Dominica; secunda, & tertia feria, & tertiam partem molendinorum de Villa Morini, cum terris, & pratis. Terras, & redditus de Valerijis, & de Chaale, & de Estoruiaco. Terras cum pratis, & redditibus de Sanctis Virtutibus. Capellam de Monasteriolo, cum terris, pratis, siluis, cum tertia parte iustitiæ. Capellam & medietatem villæ Campaniaci, cum iustitia, terris, aquis, siluis ad eandem villam pertinentibus. In Episcopatu Trecent. Ecclesiam S. Petri in villa, quæ dicitur Iassanz, cum decimis, terris, molendinis, pratis, & omnibus appenditijs suis. Et in eadem Parrochia in villa, quæ Trena dicitur, Capellam S. Michaelis. Molendina de Burgo Beraldi, & de Burgo Tornodori, & molendina Bernerij. Duas partes sedis molendini quod Chamelli dicitur. Capellam de Capa, & totum Finagrium, cum iustitia, & vineis. Et terram quæ dicitur Charum, & Campū Bamfredi, & tertiam partem communis iustitiæ Vallis Planæ. Sanè noualium vestrorum, quæ proprijs manibus, aut sumptibus colitis, siue de nutrimentis animalium vestrorum, nullus à vobis decimas exigere, ac extorquere præsumat. Liceat quoque vobis, clericos, vel laicos liberos, & absolutos è seculo fugientes, ad conuersionem recipere, & eos absque contradictione aliqua retinere. Prohibemus insuper, vt nulli fratrum vestrorum post factam in eodem loco professionem, fas sit absque Abbatis sui licentia, nisi arctioris religionis obtentu, de eodem loco discedere. Discedentem verò absque communium litterarum vestrarum cautione, nullus audeat retinere. Cùm autem generale interdictum terræ fuerit, liceat vobis clausis ianuis, exclusis excommunicatis, & interdictis, non pulsatis Campanis, suppressa voce diuina officia celebrare. In Parrochialibus verò Ecclesijs quas habetis, liceat vobis &c. vt in alio priuilegio, vsque debeant respondere. Statuimus præterea, vt quicumque in Castro Tornodori, & in Parrochia Sancti Aniani moriuntur, sicut antiquitus obtentum est, & hætenus pacificè obseruatum, non alibi, quàm ad vestrum Monasterium deferantur, nisi sui compotes alibi elegerunt sepulturam. Indulgemus etiam vobis vt in toto Castro Tornodori nulli liceat cæmeterium benedicere, seu Ecclesiam, vel oratorium de nouo construere: saluis tamen priuilegijs Romanorū Pontificum. Obeunte verò te nunc eiusdem loci Abbate, vel tuorum quolibet successorum; nullus ibi qualibet subreptionis astutia, seu violentia præponatur. Nisi quem fratres communi consensu, vel fratrum pars maior consilij sanioris, secundum Dei timorem, & B. Benedicti regulam prouiderint eligendum. Decernimus ergo, vt nulli omnino hominum sit præfatum Monasterium &c. vt in alio, vsque profutura. Salua sedis apostolicæ auctoritate, & Diocesani Episcopi Canonica iustitia. Siqua igitur in futurum &c. in eundem modum vt in alio, vsque, premia æternæ pacis inueniant. Amen. Datum Lateran. per manum Ioannis S. Mariæ in Cosmidin Diaconi. Card. Sanctæ Romanæ Ecclesiæ Cancellarij,

Kal. Iunij Indictione xiiij. Incarnationis Dominicæ anno millesimo duocentefimo xi. Pont. verò Domini Innocentij Papæ iij. Anno xiiij.

EPISTOLA LXIII.

ELECTO ET CLERO LAUDUNEN.

Nē sine causa in Laudunenses sententias ferant.



IC neruo Ecclesiasticæ disciplinæ coerceri debet insolentia peruersorum, vt eo non opprimantur infontes, cum censura Ecclesiastica non debeat esse innocentum oppressio, sed correctio delinquentum; vt seruus amputata sibi auricula dextera gladio quem Petrus per se ipsum exerit, fiat Malchus, se regens, & dirigens in Dei semitam mandatorum. Sanè dil. fil. ... Maiore, Iuratis Scabinis, & Vniuersitate Communie Laudunen conquerentibus nostro, est Apostolatui referatum, quòd vos, & alij viri Ecclesiastici, sæpe in eos, & in terras, ac familias eorum, excommunicationis, & interdicti sententias sine causa rationabili, ac prætermisso iuris ordine promulgatis; ipsos per huiusmodi sententias multipliciter contra iustitiam aggrauantes; licet super his de quibus impetuntur à quoquam, sint exhiberi parati quod postulat ordo iuris. Nolentes igitur eosdem Ecclesiastica districtione indebitè prægrauari, cum ex apostolicæ seruitutis officio subleuare teneamur iniuste depressos. Vobis, & alijs auctoritate præsentium districtius inhihemus, ne in ipsos, vel eorum quemlibet, seu terras, aut familias eorundem, sine manifesta, & rationabili causa, excommunicationis, vel interdicti sententias proferatis. Decernentes huiusmodi sententias, si quæ post appellationem ad nos propter hoc legitime interpositam fuerint promulgatz, penitus non tenere. Datum Lateran. iij. Kal. Iunij Pont. N. Anno xiiij.

EPISTOLA LXIV.

PATRIARCHÆ IEROSOLIMITAN. APOSTOLICÆ SEDIS LEGATO.

Ut in Regem Armeniæ excommunicationis ab ipso lata sententia à Regibus vicinis obseruetur.



VM inter .. Armeniæ Regem Illustrem, & dil. fil. Magistrum, & fratres Militiæ Templi, super Castro Gastonis, & rebus alijs quæstio verteretur; tibi nostris dedimus litteris in mandatis, vt questionem ipsam concordia, vel iudicio terminares, faciens quod statueres per censuram Ecclesiasticam firmiter obseruari. Cum igitur quidam ex fratribus ipsis ad hoc à Magistro, & alijs fratribus constituti fuissent, vt in eisdem causis agendo, contra ipsum Regem, ac eidem respondendo procederent & parati essent hæc omnia, prout eis iniunctum fuerat, adimplere. Idem Rex respondere noluit quibusdam petitionibus eorundem, & sic iudicio non recepto, ad quod se Templarij offerebant, bona ipsorum quæ habebant in portu Bonelli, & alijs Armeniæ locis, ex quibus pro maiori parte sustentabantur fratres

fratres qui deputati ad subsidium terræ sanctæ, per violentiam occupauit: Ponens in domibus eorum custodes, qui suis rebus illos uti more solito prohiberent. Cæterum quia neque precibus, neque monitis, idem Rex ab huiusmodi proposito potuit reuocari; eidem Regi ex parte nostra & auctoritate quaungebaris mandasti, ut custodibus à domibus, & Rebus templariorum amotis, eosdem circa dispositionem rerum suarum consuetæ restitueret libertati. Sed quia nec sic aliquatenus flecti potuit, aut induci, diem præfixisti eidem, infra quem desisteret ab huiusmodi male ceptis, & res suas dimitteret pacificè possidendas; quia paratuseras, si quid aduersus eos veller proponere questionis, exhibere ipsi quod postulat ordo iuris. Alioquin si duceret in sua iniustitia persistendum, se sciret excommunicationis sententiæ subiacere. Cùmque ipse in sua contumacia perduraret ac tu eundem excommunicationis vinculo innodasses: auctoritate Dei, & nostra omnibus indigenis, & peregrinis in Ierosolimitanis partibus commorantibus districtiùs inhibere curasti. Ne ipsi Regi ad faciendam aliquam iniuriam, vel violentiam Templarijs, vel rebus eorum impenderent auxilium, vel fauorem: alioquin postquam ad eorum notitiam perueniret, cum ipso Rege pariter se scirent excommunicationis vinculo innodatos. Propter quod contra Templarios magis ipsius Regis ira defecit: nam cunctis possessionibus, earumque, fructibus quas in regno habebant Armeniæ, sunt iidem fratres ipso auferente priuati, exceptis duabus illorum munitionibus, quas dictus Rex non potuit obtinere: Ut autem ipse illos amplius affligeret, & grauaret, cùm ad partes Antiochenas iamdicti Templarij accessissent, ad arces suas quas ad huc in illis partibus obtinent, victualibus necessarijs muniendas, idem Rex, sicut ex litteris tuis accepimus, destruxit penitus Casalia eorundem, quæ ad huc integra permanebant: licet ad ipsum omnes eorum redditus deuenirent, & sic cultonibus effugatis ipsorum, vsque hodie deserta, & absque habitatore perdurant. Alia quoque vice, cum iussent expediti Templarij, ut vnam de suis arcibus victualibus communirent; homines Regis aggressi sunt eos in quibusdam locorum angustijs constitutos, & Magistrum ac plures de fratribus, & suis socijs vulnerarunt, vnum ex eisdem fratribus crudeliter occiderunt: præter alia damna rerum, quæ tunc ipsis grauius irrogarunt. Nos igitur sustinere nolentes, ut expectati fratres suis possessionibus spoliarentur, quæ ad defensionem terræ Sanctæ sunt potissimum deputatæ: præsertim cùm ipsi semper parati fuerint eidem Regi iustitiam exhibere, ac ipse contempta iustitia possessiones easdem per violentiam occuparit. Venerabilibus fratribus nostris. Patriarchæ Antiocheno, & Archiepiscopo Tyren. & Sidonien. Tripolitan. Antetaden. Nimocien. & Famagustan. Episcopis, nostris damus litteris in præceptis; ut auctoritate nostra prædictam excommunicationis sententiam, tam apud peregrinos, quàm apud indigenas terræ solemniter publicantes, eandem faciant per censuram Ecclesiasticam vsque ad satisfactionem condignam, sublato appellationis obstaculo, inuolabiliter obseruari. Carissimum quoque in Christo. fili. n. I. Regem Ierosolimitan. Illustrum, per scripta nostra monendum duximus, & hortandum. Vniuersis etiam tam indigenis, quàm peregrinis in Ierosolimitanis partibus commorantibus, dedimus in mandatis; ut pro reuerentia Beati Petri, & nostra,

necnon & intuitu terræ Sanctæ, fratribus ipsis, quorum subsidium eidem terræ noscitur non modicum profuturum, iuxta quod tuo consilio discieto duxeris providendum, ad recuperandum iura sua præstent suum auxilium, & fauorem. Quocirca fraternitati tuæ præsentium auctoritate mandamus, quatinus tam prædictum Regem Ierosolimitan, quàm alios ad prædicta efficaciter adimplenda moneas diligentius, & inducas. Datum Lateran. xv. Kal. Iunij. Pont. n. Anno xliij.

EPISTOLA LXIII.

PATRIARCHÆ ANTIOCHENO.

Vt eandem sententiam publicet.

QUAM inter Armeniæ Regem Illustrem &c. vt in alia vsque, questio verteretur. Venerabili F. N. Ierosolimitan. Patriarchæ Apostolicæ sedis Legato, nostris dedimus litteris in mandatis, vt questionem ipsam concordia, vel iudicio terminaret, faciens quod statueret per censuram Ecclesiasticam firmiter obseruari. Cùm igitur &c. In eundem ferè modum, vt in alia, vsque, per violentiam occuparit. Fraternitati tuæ per Apostolica scripta præcipiendo mandamus; quatinus prædictam excommunicationis sententiam, tum apud peregrinos, quàm apud indigenas terræ solemniter publicans, eandem facias auctoritate nostra vsque ad satisfactionem condignam per censuram Ecclesiasticam, sublato appellationis obstaculo, inuiolabiliter obseruari. Datum vt in alia per totum.

In eundem ferè modum scriptum est Archiepiscopo Tyren. & Episcopo Sydonien.

In eundem modum scriptum est Tripolitan. Et Anteraden. Episcopis.

In eundem modum scriptum est Nimocien. & Famagustan. Episcopis.

EPISTOLA LXIV.

I. REGI IEROSOLIMITAN. ILLUSTRI.

Super eadem re vt præstet auxilium.

QUAM inter Armeniæ Regem Illustrem, &c. In eundem ferè modum vt in littera Patriarchæ Antiocheni, vsque occuparit, Ve. F. N. Archiepiscopo Tyren. & Sidonien. Episcopo, nostris damus litteris in præceptis, vt auctoritate nostra prædictam excommunicationis sententiam, tam apud peregrinos quàm apud indigenas terræ solemniter publicantes, eandem faciant per censuram Ecclesiasticam, vsque ad satisfactionem condignam, sublato appellationis obstaculo, inuiolabiliter obseruari. Quocirca serenitatem Regiam monemus attentius, & hortamur, quatinus reuerentia B. Petri, & nostra, necnon & intuitu terræ Sanctæ, fratribus ipsis, quorum subsidium eidem terræ noscitur non modicum profuturum, ad recuperandum iura sua, Regium prestes auxilium & fauorem, iuxta quod supradictus Patriarcha suo

discreto consilio duxerit prouidendum. Datum Lateran. xiiij. Kal. Iunij. anno xiiij.

In eundem ferè modum scriptum est, ipsis super hoc.

In eundem modum, vt in littera Regis Ierosolimitan. scriptum est, vniuersis, tam indigenis, quàm peregrinis in Ierosolimitanis partibus commorantibus, vsque, obseruari. Quocirca Vniuersitatem vestram rogamus attentius, & hortamur, per Apostolica vobis scripta mandantes: quatinus &c. vt in eadem Regis Ierosolimitani, vsque, iura sua, vestrum præstetis auxilium & fauorem, iuxta quod supradictus Patriarcha suo discreto consilio duxerit prouidendum. Datum vt in alia per totum.

EPISTOLA LXV.

DECAN. ET CONVENTVI CASINEN.

*Superfedit examinationi Electionis Abbatis Casinen. mandat verò
vt preposito Rectori obediant.*

CUM Electionis confirmatio postulatur, is qui præsidet examinare debet, & processum eligentium, & personam electi; vt si Canonicum processum inuenerit, & personam idoneam, electionem ritè celebratam confirmet: quandoquidem vnum sinè altero non sufficiat, sed necessarium sit vtrumque. Licet ergo dilectum filium Aduulphum Casertan. omnes pariter elegeritis in Abbatem, quia tamen in eius Electione præter formam quam vobis præfiximus processistis, & ipse, quamuis de industria plurimum commendetur, nobis tamen ad plenum cognitus non existit. Volentes & traditionem Canonicam, & consuetudinem apostolicam obseruare, tam processum eligentium, quàm personam Electi examinare disposuimus diligenter. Verùm cum temporis instantis necessitas hoc exposcat, vt ipse, qui de nostro consilio, & mandato Rector est vestri Monasterij constitutus, ad ipsius regimen diligenter intendat; ne absente pastore, vicinus lupo gregem inuadat. Volumus, & mandamus, vt urgente huius necessitatis articulo, se à prouisione Monasterij Casinen. personaliter non absenter, sed eò prudentius ad eius gubernationem intendat, quò propensius propter Electionem de ipso factam, ad eius obsequium obligatur. Nos enim cum viderimus opportunum ex causa quam vobis magis subintelligendam, quàm exprimendam relinquimus, tam ipsum, quàm quosdam è vobis ad nostram præsentiam curabimus euocare. Vt diligenti examinatione præmissa, in hoc negotio procedamus, sicut Domino inspirante nouerimus procedendum; id vobis ex speciali gratia intimantes, quò quantum cum Deo poterimus, vestris desiderijs concurremus. Quocirca deuotioni vestræ per apostolica scripta præcipiendo mandamus: quatinus in vestro laudabili proposito persistentes, & contra Electionem ipsam nihil penitus attentantes, taliter illi adesse curetis, reuerentiam & obedientiam ei debitam impendendo, quò ipse vestro suffultus auxilio, commissum sibi officium vtiliter exequatur, & nos interim prudentiam, & honestatem ipsius valeamus plenius expetiri. Datum Lateran. ij. non. Iunij. Pont. Anno xiiij.

EPISTOLA LXVIII.

ILLVSTRI REGI AVGVRIÆ.

Hortatur ad defensionem terre Sanctæ.

Rex noster potentissimus Iesus Christus ; qui dominatur à Mari vsque ad Mare, & à flumine vsque ad terminos orbis terræ, postquam pro redemptione humani generis semetipsum exinaniuit, formam serui accipiens, & mortis demum angustias spontanea voluntate subiuit, in cruce positus sacratissimi sui corporis brachia expansa tenuit, ad signandum, quod non solum postquam assumptus esset, omnia prout promiserat traheret ad seipsum, verum etiam suæ fidei sectatores, in hæreditatis suæ subsidium, in qua salutem fuerat operatus, assidua imitatione vocaret. Vt ad ipsius patrimonium defensionem, anxia deuotione concurrerent, pro quorum redemptione pretiosissimi sui sanguinis pretium, ineffabili pietate persoluit. Proptet quod vniuersos principes Christianos, qui sub ipsius tuitionis vmbraculo salubri dispositione proficiunt, tanto sollicitius ad terræ letosolimitanæ subsidium intendere conuenit, quanto ex eo quod inimici Christianæ fidei conculcantur, non tam apud homines tituli eis laudis accrescunt, quàm apud cælestem Dominum cui militant, æternæ retributionis præmia cumulantur. Cùm igitur progenitorum tuorum vestigijs inhærendo, ad patrimonium Iesu Christi contra pefidos detentores ipsius, tam deuotè, quàm potentet insistas, propter quod deuotionis tuæ propositum dignis in Domino laudibus commendamus. Celsitudinem tuam rogamus attentius, & monemus, in remissionem tibi, & tuis, peccaminum iniungentes; quatinus inspiratum tibi diuinitus tuæ salutis propositum per amplius, & perfectius prosequaris, ad Paganorum pefdiam comprimendam, vt per inquietudinem sollicitudinis temporalis, æternæ felicitatis quietem tibi valeas comparare, ac is pro cuius obsequio laboras in terris, in participium sui Regni te admittat in cælis. Datum Lateran. vij. Idus Iuntij. Anno xiiij.

EPISTOLA LXIX.

NOBILI VIRO SOLDANO DE ALAPIA, AD VERITATIS PERVENIRE
NOTITIAM, ET IN EA SALVBRI TER PERMANERE.*Ad salutem & fidem hortatur, & vt Ecclesia Antiochena saueat.*

ICVT veridica multorum relatione didicimus, etsi nondum Christianæ religionis suscepis Sacramenta; fidem tamen Catholicam veneraris, in multis Christi fidelibus deferendo. Vnde de illius immensa pietate confidimus, quod te suæ visitationis radijs illustrabit, vt gratia diuinæ cognitionis accepta, ad cultum æterni, & veri Dei, qui pro salute hominum factus est temporaliter verus homo, deuotus aspiret. Quapropter in nomine Iesu Christi, te attentius exhortamur,

exhortamur, quatinus iustitiam excolas, & diligas veritatem, quæ in salutis semitam dirigent gressus tuos, & Ve. F. N. Antiochenum Patriarcham, quem suæ probitatis intuitu, inter cæteros fratres & Coëpiscopos nostros sincera diligimus in Domino charitate, habens ob reuerentiam nostram propensius commendatum; ipsum, & Ecclesiam eius non permittas, quantum in te fuerit, ab aliquibus indebitè molestari. Quinimo eidem exhibeas auxilium, & consilium opportunum, ut per hoc diuinæ maiestatis gratiam, & apostolicæ sedis fauorem tibi valeas comparare. Datum Lateran. vij. Idus Iunij. Pont. n. Anno xiiij.

EPISTOLA LXX.

P. PATRIARCHÆ ANTIOCHENO.

Vt duas prabendas cum Capituli consensu creare possit in sua Ecclesia.

CVM præter decem & octo prebendas, quæ in Ecclesia tua esse noscuntur, duas de nouo de redditibus mensæ tuæ create disponas, & de tuorum Canonicoꝝ assensu statuere, ut vicesimo Canonicoꝝ numero eadem Ecclesia sit contenta. Fraternitati tuæ, de cuius discretionem plenam fiduciam obtinemus, per apostolica scripta mandamus, quatinus id supra his, sublato cuiuslibet appellationis, & contradictionis obstaculo, de tuorum Canonicoꝝ assensu constituas, quod animarum salutem, & eiusdem Ecclesiæ utilitati videris expedire. Datum ut in alia.

EPISTOLA LXXI.

EIDEM.

Vt possit deterioratas Ecclesiæ possessiones dare in Emphyteosin.

CVM quædam possessiones Ecclesiæ tuæ deterioratæ sint plurimum propter guerras, & concedendi easdem in emphyteosin, vel ad firmam a nobis licentiam duxeris postulandam. Fraternitati tuæ, de cuius discretionem plenam fiduciam obtinemus, per apostolica scripta mandamus, quatinus super his ad Ecclesiæ tuæ commodum, cum Capituli tui assensu facias quod videris expedire. Datum ut in alia per totum.

EPISTOLA LXXII.

EIDEM.

Consolatur & hortatur ad constantiam. Commendat Thesaurarium Antiochenum, & de muneribus agit gratias.

SI terra illa, in qua vera pax nostra Dominus Iesus Christus, qui fecit utraq; vnum, pro salute humani generis nasci dignatus est, illo perturbante qui nouit vniversa pene orbis terræ fundamenta commouit, prefuris diuersis exponitur, perturbationibus conquassatur, & impugnatum etiam ab inimicis nominis Christiani. Non sic tuus animus debet pro his deijci, &

interius commoueri, quin te taliter per spiritus fortitudinem, ad tentationes exponas, quòd idem circa tribulationes huiusmodi potiùs dilatur, in infirmitatibus gloriando, quia fidelis Deus qui non patitur seruos suos ultra posse tentari; te ac alios quorum fidem per instantem tentationem examinat, consolabitur citius quàm credatur, & insistentium se timoribus in abundantia vortuæ securitatis occurret. Vasa namque figuli probat fornax, & iusti opera tribulationibus enitescunt; & vnde iusticia interdum extingui creditur, roboratur. Monemus igitur fraternitatem tuam. & in Domino propensius exhortamur, per apostolica tibi scripta mandantes quatinus in illo spetans, qui setuos suos edocuit, cùm audient seditiones, & prælia non terri, & altissimum refugium tuum ponens in tribulationibus, quæ tibi cedent ad gloriam, non deficias, sed conforteris in eo; qui bella conterit, & cui nomen est Dominus, quisque multorum superbiam paucorum humilitate prostrauit, sicut vir strenuus, & robustus. Dans studium diligens, & operam adhibens, cum alijs fidelibus efficientem, ad eliminandam à terra Sancta diuina præeunte potentia spurciam Paganorum, de gratiæ nostræ fauore securus, quod apostolicum tam tibi, quàm illi terræ non deerit auxilium, in his quæ viderimus expedire, ac nobis diuina misericordia ministrabit. Quia verò dil. fil. S. Theaurarius Antiochenus se multis pressuris exposuit pro tuis negotijs, apud sedem apostolicam laborando, & ea tanquam vit prudens exequutus est diligenter, ipsum tibi apostolicis litteris duximus commendandum. Rogantes quatinus obteuerentiam B. Petri, & nostram, taliter habeas, commendatum eundem, quòd idem apostolicas preces apud te sibi sentiat profuisse, ac alij exemplo ipsius ad tua, & Ecclesiæ Antiochenæ obsequia fortius animentur. Ad hæc de cruce aurea, & diaspro nobis ex parte tua per eundem liberaliter presentatis, gratiarum tibi referimus actiones. Datum Lateran. viij. Idus Iunij. Pont. n. anno. xliij.

EPISTOLA LXXIII.

NIDROSIIEN ARCHIEPISCOPO ET SVFFRAGANEIS EIVS.

Committis inquisitionem super diffensione de Regno Norvuagia.



D nostram noueritis audientiam peruenisse, quod obeunte Sveto qui Norvuagiæ Regno præfederat, fautores eius qui Birkibani dicuntur, quendam ipsius nepotem Ingonem nomine sublimare nitebantur in Regem. Quorum conatibus viri prudentes, & nobiles, qui genus Regium Norvugiæ plenè nouerant, resistentes, iuuenem quendam Philippum nomine, à claræ memoriæ Magno, & Ingone antiquis, & Catholicis Norvugiæ Regibus trahentem originem, insignem genere, ac morum honestate præclarum, in Regem concorditer elegerant. Ipsi itaque pro Regno certantibus, & destruendis malè terram, tandem diuina ex alto prospiciente clementia, per tuam frater Archiepiscopo, ac Ve. F. N. Aloen Episcopi sollicitudinem, & operam diligentem, sic sunt inter eos pacis fœdera reformatæ: Vt utroque dignitatem, & nomen Regium retinente; si hoc

tamen ex dispensatione noster approbare assensus, Ingo, in quadam, Philip-
pus verò in altera Norvuegiæ parte regnet. His igitur ita dispositis cõrigit, quod
idem Phil. ad quem regnum, sicut accepimus, hereditario iure spectat, cum
aduersarijs suis colloquium habiturus accessit; quem ijdem aduersarij sui cum
innumera multitudine circundantes, licet prius fuerit datis obsidibus diffini-
tum cum quantis deberent vtrique copijs conuenire, asserebant firmiter se
cum ipso Phil. pacis fœdus nullatenus inituros, nisi à se nomen Regium ab-
dicaret. Qui constitutus in arcto, ne nobilitatem sui generis macularet infa-
mia, & fœdus pacis initæ violaret ad appellationis remedium conuolauit, com-
mittens causam suam nostro arbitrio tetminandam; vt videlicet, quem magis
idoneum iudicaremus, ille regio sublimaretur nomine, ac honore. Quod
principes Birkibanorum penitus renuentes, se nostro nunquam state velle iu-
dicio proponebant. Licet autem super his quorundam testimoniales litteræ
nobis fuerint destinatæ, quia tamen per eas non est facta nobis sub tali, & tanto
negotio plena fides; per apostolica vobis scripta præcipiendo mandamus, qua-
tinus Deum habentes præ oculis, inquiretis super his plenissimè veritatem,
& eam nobis per litteras vestras fideliter intimetis, vt, per vestram relationem
instructi securius in ipso negotio procedere valeamus. Datum Lateran. vij.
Idus Iunij. Pont. n. Anno xiiij.

EPISTOLA LXXIV.

NEAPOLITAN. ARCHIEPISCOPO.

*Respondet excommunicatos Neapolitanos, intelligi interdictos, nec
Patrimorum interdictum, baptismo, Sacramento
necessitatis, obviare.*

EX parte tua fuit nobis humiliter supplicatum, vt cum ciuitatem Nea-
politam supposueris interdicto, & credatur à pluribus, quòd secundum
tenorem litterarum nostrarum, quæ continent excommunicationem
O. dicti Imperatoris, & eius sequacium, Ciuitas ipsa non debuerit interdicti:
tibi exponere dignaremur vtrum illud debeat obseruari. Ad quod tibi breuiter
respondemus. Quòd cum Neapolitani iurando, & præstando fauorem eidem,
sententiam excommunicationis incurrerint, & excommunicatis sint absque
dubio interdicta diuina officia, & Ecclesiastica Sacramenta: Illud est vsque
quaque ad satisfactionem idoneam obseruandum, nec morientes sunt ad pœ-
nitentiam admittendi, nisi iurent se mandatis Ecclesiæ parituros, & abiurent
dicto Imperatori præstita iuramenta. Nec etiam si iurauerint, tradi debent Ec-
clesiasticæ sepulturæ, si absque excommunicatorum, & interdictorum obsequio
nequeunt tumulari. Ad hoc autem vtrum pueri cum Patrimi excommunica-
tioni sint, & interdicto suppositi, debeant baptisari: fraternitati tuæ taliter du-
ximus respondendum; quòd cum baptismus Sacramentum necessitatis existat,
propter Patrimorum delictum illud non debet talibus denegari. Datum Later.
xvj. Kal. Iulij. Anno xiiij.

EPISTOLA LXXV.

CYRINO SRINIARIO VRBIS.

Ne grauetur ab aliquo, ob acta rupta iussu Papa.

SUPER commissa nobis Ecclesiarum cura, & earum specialiter quæ in vrbe consistunt, quarum debemus potissimum indemnitatibus præcauere, gerentes sollicitudinem, prout conuenit, diligentem tibi dedimus in præceptis. Vt dicta, quæ super locatione ab Abbatissa Monasterij S. Ciriaci de vrbe, de bonis ipsius Monasterij consanguineis tuis facta confecerat, destrueres, & deleres. Ne igitur tibi propter hoc, vel ab illis quibus locatio facta fuit, aut etiam à Senatu, siue à quolibet alio, aliquo tempore grauamen aliquod inferatur. Præsentium auctoritate statuimus, sub excommunicationis pœna districtiùs inhibentes, ne quis te super hoc præsumat aliquo tempore molestare. Nulli ergo omnino hominum liceat hanc paginam nostræ constitutionis infringere, vel ei &c. vsque, incursurum. Datum Lateran. iij. Idus Iulij. anno xiiij.

EPISTOLA LXXVI.

CREMONEN. EPISCOPO ET ALBANEN. ELECTO APOSTOLICÆ SEDIS
LEGATO, NECNON ET ABBATI DE COLUMBA.*Vt Ferrarienss Ecclesia idoneum Pastorem præsiciant.*

PER litteras quas nobis olim vos frater Cremonen. & fili Abbas transmittere procurastis, intelleximus euidenter, vos gratum, & acceptum pariter habuisse, quòd de eligendo in Ecclesia Ferarien. Pastore, nominando S. Ioannis priorem Archidiaconum Parmen. & Magistrum Iordanum Reginum Doctorem, abt quemlibet alium secundum quod vobis melius videretur, benigna vos instructione curauimus erudire. Nos autem cupientes mandatum nostrum executioni mandare, quia Priorem, & Archidiaconum præficere, nimis graue, propter consanguineos vni parti contrarios, videbatur, ad promouendam illorum aliquem cautiùs euitastis. Iordanum verò apud Rheginum Doctorem neminem inuenire valentes, fratrem Iordanum Paduanum, quem sciebatis opere, ac sermone potentem elegistis concorditer in Pastorem. Verum cum hoc idem penitus recusarit, &c. Esten Marchico capta Ferraria instanter peteret, dilationem huius Electionis, propter nouitatem euentus nostris auribus intimandam. Cumque præterea quidam assererentur parati obijcere, vos vestro esse functos officio: quia vobis magis congruum videbatur, vt cautionem reciperetis de rebus Episcopij gubernandis. ac disponendis, eidem Electioni supersedere, curastis, & quid superesset agendum, nostræ reliquistis beneplacito voluntatis. Nolentes igitur, vt dicta Ferrarien. Ecclesia diutiùs pastoris solatio defraudetur: discretioni vestræ per apostolica scripra mandamus, quantinus ante omnia Deum præ

oculis statuentes, eidem Ecclesiæ provideatis personam idoneam in Pastorem, ut ex hoc apud Deum, & homines debeatis meritò commendari. Quòd si non omnes &c. tu fili Electe cum eorum altetoea &c. Datum Lateran. vij. Idus Iunij. Anno xiiij.

EPISTOLA LXXVII.

ARCHIEPISCOPO RAVENNATI.

Ut Castrum Argenta custodiat, vel Estensi Marchioni commendet.

RATERNITATI tuæ præsentium auctoritate mandamus; quatinus Castrum Argent. taliter custodite studeas, & munire, quòd ex eo non possis incurrere aliquod detrimentum. Si verò, id non poteris efficere per te ipsum, à dil. fil. Nobili viro .. Marchione Esten. sufficienti cautione recepta, quòd ipsum fideliter custodiat ad opus Ecclesiæ Rauennatis, illud eidem committere non postponas. Datum Lateran. ij. Non. Iunij. Anno decimoquarto.

EPISTOLA LXXVIII.

ALBANEN ELECTO APOSTOLICÆ SEDIS LEGATO.

Vt Episcopos in executione sententia contra Othonem lata coërceat.

VM O. dictus Imperator, maledictus, & excommunicatus, non cesset Romanam Ecclesiam impugnare. Venerabilibus fratribus nostris... Aquilegen. & Graden. Patriarchis... Rauennati &... Ianuen. Archiepiscopis, eorúmque ac Mediolanen. Ecclesiæ Suffraganeis, nostris damus litteris in mandatis, & in virtute obedientiæ districtè præcepimus. Ut excommunicationem in ipsum, & fautores eius prolatam, postposita omni occasione solemniter innouent, & à suis faciant subditis innouari. Quocirca discretionis tuæ, per apostolica scripta mandamus: quatinus si aliquis eorum, quod non credimus, mandati nostri extiterit negligens exequutor, tu eum, appellatione remota, Canonica pœna petcellas. Datum Lateran. vij. Idus Iunij. Anno xiiij.

In eundem ferè modum scriptum est ipsis super hoc.

EPISTOLA LXXIX.

POTESTATI ET POPULO BONONIEN. SPIRITVM CONSILII SANTORIS.

Hortat ur vt desistant à sedere Othonis, sub pena excommunicationis, & Scholarum translationis.

MIRARI cogimur, & moueri, quòd cum. O. dictus Imperator, excommunicatus, & maledictus, non cesset Romanam Ecclesiam impugnare, vos non tantùm ei, sed & fautoribus eius, qui sunt excommunicati cum ipso, vestrum impenditis auxilium, & fauorem. Quocirca

uniuersitatem vestram monemus attentius, & hortamur, per apostolica vobis scripta præcipiendo mandantes, quatinus ab huiusmodi propolito desistentes, nullum sibi, vel suis auxilium, aut consilium impendatis. Alioquin noveritis Nos. dil. fil. Albanen. Electo apostolicæ sedis Legato, nostris dedisse litteris in mandatis, vt personas excommunicationi, & terram subiciat interdicto. Quod si nec sic duxeritis resistendum, Scholas de ipsa faciat Ciuitate trāsferri. Datum vt in alia . . . Scriptum est ipsi super hoc in eundem fere modum.

EPISTOLA LXXVIII.

ALBANEN. ELECTO APOSTOLICÆ SEDIS LEGATO.

Vt super adificatione Castri Ferraria, provideat.

ELECTVS filius Nobilis vir . . . Marchio Esten. nobis humiliter supplicauit, vt in Ferrarien. Ciuitate construendi Castrum, per quod ipsam melius defendere valeat, & ad fidelitatem Romanæ Ecclesiæ conseruare, licentiam concedere dignemur. Nos igitur id tux prudentiæ committentes, discretionis tux, per apostolica scripta mandamus, quatinus super hoc statuas ad honorem, & profectum Ecclesiæ, quod videris expedire. Datum Lateran. vij. Idus Iunij.

EPISTOLA LXXIX.

EPISCOPO CAPD AQVEN. ET ABBATI CAVEN. SALERNITAN. DIOECESIS

Confirmat primam Electionem Policastrensis Episcopi, irrita dicta secunda, qua de Medico Friderici Regis Sicila ad eius preces facta fuerat.

POLICASTREN. Ecclesia dudum proprio viduata pastore, cū ipsius Capitulum, sicut pro eius parte fuit propositum coram nobis, obtenta licentia eligendi. dil. fil. Archiepresbyterum de Saponaria in Episcopum vnanimiter elegerunt, quosdam ex Canonicis in Siciliam transmiserunt, ad assensum Regium obtinendum. Vnde cū Rex nec super hoc, nec super quibusdam personis alijs postea, quod non licuit, nominatis, ad eorum potuisset desideria inclinari, & ex parte ipsius Regis suggestum fuisset eisdem comminationibus intentatis, vt Iacobum eius Medicum nominarent: ipsi Regis metuentes indignationem incurrere, dolentes pariter, & inuiti, dictum Iacobum elegerunt. Qui cum dil. fil. N. G. Sancti Theodori Diaco. Card. Apostolicæ sedis Legati, & Regis litteris ad Ve. F. N. Archiepiscopum Salernitanum accessit, pro confirmationis, & consecrationis gratia obtinenda. Sed Archiepiscopus prius quàm in negotio ipso procederet, nostræ responsionis oraculum requisit. Cui dedisse recolimus in mandatis, vt super Electionibus in Policastren. & Sarnen. Ecclesijs celebratis procedere retardaret; cū disponeremus ad Regis præsentiam nostros nuntios destinare, per quos super his, & quibusdam alijs nostram plenius intelligeret voluntatem. Vnde cū Archiepiscopus memorato Iacobo responsum

Apostolicum rescripisset, proprijs litteris nostrarum tenore litterarum insertos; idem commotus dicitur respondisse, reuertar ad Regis curiam, & ab his qui eligi me fecerunt, super consecratione mea fauorem, & auxilium obtinebo. Verum eodem postmodum apud Regis curiam multipliciter laborante pro consecrationis munere obtinendo, supradicti Capituli nuntij, Cardinali prefato mandatum nostrum ad Archiepiscopum memoratum directum exponere curauerunt; & supplicantes eidem, ne dicto Iacobo ad consecrationis gratiam obtinendam auxilium, vel fauorem impenderet, ad sedem apostolicam appellarunt. Cum autem Card. nostras ab eis litteras quæsiuisset, & ipsi earum penes se authenticum non haberent, ipse indutias eisdem indulsit, infra quas dictas ei litteras, vel earum tenorem sub sigillo supradicti Archiepiscopi præsentarent. Quorum recessu propter turbationem temporis retardato, ad Cardinalis præsentiam redeuntes, cum peterent indutias prorogari. Card. ipse respondit se nullum eis terminum assignare, sed ipsi bona fide quam citò possent ad ipsius præsentiam cum nostris litteris, vel earum transcripto redire curarent. Cumque maris turbatione pacata, se ad iter accingerent redeundi, in eiusdem Card. præsentia prouocationem primitus interpositam innouarunt. Dicitur verò I. apud Messanen. remanens ciuitatem, per Ve. F. nostros ... Tarentinum & Sanctæ Seuerinæ Archiepiscopos, & Episcopum Gerontium de mandato Card. ipsius obtinuit consecrari, & prædictis Canonicis reuersis ad propria, è vestigio subsecutus ad Policastren. Ecclesiam consecratus accessit: quam eum Policastren. Canonici tanquam Episcopum recipere renuissent. Porro cum iidem nobis postmodum supplicassent, ut quod de dicto I. tam perperam factum fuerat, auctoritate dignaremur Apostolica retractare Ve. F. N. Cusentino Archiepiscopo, & dil. fil. Abbati Floris, dedimus in mandatis, ut tam supradicto I. & Policastren. Capitulo, quam etiam Salernitano Archiepiscopo euocatis, ut comparerent per se, vel responsales idoneos, coram eis inquirerent super præmissis plenius veritatem; & quod inuenirent per suas nobis litteras fideliter intimarent, ut per ipsos certiores effecti, prout expediret, in eodem negotio procedere curaremus. Vnde Archiepiscopus coniudice non valente propter guerrarum pericula interesse; de ipsius tamen consensu; in negotio iam dicto procedens, admissis testibus super ipso productis, indagauit diligentius veritatem, quam sub suo sigillo ad nostram præsentiam destinauit. Cum autem propter hoc nuper procuratores partium ad sedem apostolicam accessissent, per dil. fil. N. B. Tit. Sanctæ Sufannæ Presbyterum Card. ipsis auditorem concessum, acta inspicere fecimus diligenter. Qui cum nobis quæ inuenerat explicasset, intelleximus per depositiones testium, & litteras Card. prædicti coram Archiepiscopo Cusentino exhibitas manifestè probatum. Quod Ecclesia Policastren. vacante, de prefato archipresbytero concors fuerat electio celebrata, & quod nuntij destinati ad assensum Regium obtinendum, illum cum instantia requisitum obtinere minimè potuerunt; quodque per Regis familiares ipsius cognita voluntate; quod predictum I. Iacobum eligi cupiebat, eum postmodum nominarunt. Item quod postquam innotuit dicto I. per apostolici rescripti tenorem, eidem ab Archiepiscopo Salernitano transmissum, quod Archiepiscopo memorato à nobis inhibisum

fugerat, ne super electionibus Policastren. & Sarnen. Ecclesiarum procederet: ipse ad Regis curiam rediit, pro consecrationis munere obtinendo. Rursum quòd postquam Card. prefato huiusmodi prohibitio extitit per Policastren. Ecclesie nuntios referata, & dilatio ad nostras super hoc litteras vel earum tenorem sub sigillo Salemitani Archiepiscopi exhibendas ab eodem nuntijs ipsis indulta; necnon post appellationem ad nos interpositam, dictus I. fuerat in Episcopum consecratus. Cum ergo nobis constiterit electionem ipsius I. non solum contra statuta Canonica, verum etiam contra constitutionis tenorem inter Romanam Ecclesiam, & Illustris memorie Imperatricem Constantiam, super Episcoporum electionibus inita, quæ procul dubio dicto innotuit. Card. Cum & nos illam sibi miserimus, & ipse in litteris quas Cusentin Archiepiscopo destinavit, de illa fecerit mentionem, minus Canonicè celebratam, alia non cassata, de consilio fratrum nostrorum, inquisitione super gravius quæ in personam ipsius I. publicè dicebantur omissa, cum factum in seipso existeret vitiosum, electionem ipsam irritam decreuimus, & inanem. Interdicientes eidem executionem Pont. officij non ritè suscepti. Policastren. Capitulo nostris litteris iniungendo, ut in electionis negotio, de prefato Archiepiscopo celebratæ concorditer procedentes, eandem Metropolitano suo præsentare procurent, cõfirmendam, vel infirmendam ab ipso, prout de iure fuerit faciendum. Quocirca discretionis vestræ per apostolica scripta mandamus: quatinus quod à nobis est sententialiter diffinitum, faciatis appellatione remota, firmiter obseruari. Contradictores per censuram Ecclesiasticam, appellatione postposita, compescendo. Datum Lateran. xv. Kal. Iulij. Anno xliij.

Scriptum est super hoc, in eundem fere modum. Policastren. capitulo. Ecclesia vestra dudum &c. usque de iure fuerit faciendum. Datum Lateran. &c.

In eundem fere modum Scriptum est super hoc Salernitan. Archiepiscopo. Datum Lateran. &c.

EPISTOLA LXXXI.

EPISCOPO VTICEN. APOSTOLICÆ SEDIS LEGATO, ET P. DE MONTE
LAVRO AQVEN ARCHIDIAcono, ET MAGISTRO TEDISIO
NUNTIO NOSTRO CANONICO IANVEN.

Committit inquisitionem & correctionem Monasterij Massiliensis.



VM super reformatione Monasterij Massilien. de cuius lapsu multa nobis fuerant intimata, Ve. F. N. Tolosan. Et Aurascen. Episcopis, & dil. fil. priori sancti Honorati Arelaten dudum direxerimus scripta nostra. Priusquàm fuisset illorum auctoritate in negotio memorato processum, D. Monachus Massilien. ad sedem Apostolicam veniens, pro se, ac magna parte Conuentus nobis denuntiando monstrauit. Quòd cum in eodem loco videret per abbaris incuriam enormia quam plura committi, ut pore, furta, periuria, simonias, & dissolutionem ordinis miserabilem; bonaque ipsius loci multiplici nihilominus dilapidatione vastari, & alia plurima fieri contra monasticam honestatem, & apud abbarem quem

quem super his charitatiuè monuerat, nullatenus profecisset, ad sedem apostolicam appellauit. Vnde venerabilibus. F.N. Regen. Massilien. & Aurasicen. Episcopis dedimus in mandatis, vt ad Monasterium ipsum personaliter accedentes, inquirerent super præmissis, & alijs plenius veritatem, & appellatione remota corrigerent tam in capite, quàm in membris quæ corrigenda viderent. Interim autem priores iudices ad Monasterium accedentes, cum multorum discretorum consilio, inter abbatem, & Monachos eiusdem loci amicabiliter, componere curauerunt, interposito à Monachis iuramento, vt contra compositionem huiusmodi non venirent, & si quas litteras dictus D. reportaret, qui ad sedem apostolicam venerat, essent cassæ. Cum autem postea iidem. Massilien. & Aurasicen. Episcopi, cum interesse tertius nequiuisset, litteris nostris acceptis, quas præfatus Monachus reportauit, procedere vellent super articulis in eisdem expressis, eiusdem loci Monachi ad nostram audientiam appellarunt. Abbas quoque post citationes multiplices in eorum comparens præsentia, vocem ad nos appellationis emisit, allegans quòd illæ litteræ nullius prorsus erant momenti, in quibus de prioribus, quarum auctoritate compositio inter abbatem, & Monachos facta fuerat, mentio non fiebat. Sed cum iudices exceptionem huiusmodi, ac quasdam alias friuolas reputantes, intenderent in inquisitione procedere, ac recipere à fratribus iuramenta . . . Maior Prior, & quidam alij responderunt, se super hoc nullum posse iuramentum præstare, vt pote qui se iuramento astrixerant compositionem interpositam obseruare, ac non vti litteris à præfato Monacho impetratis. Vnde iudices propter exceptiones propositas, & intricacionem negotij dubitantes procedere in eodem, nos super ipso consulere curauerunt. Nôsq; dilecto filio .. Arelaten. Præposito, qui ob hoc nostram præsentiam adiit, dicimur respondisse, quod propter causas huiusmodi iudices supersedere negotio non debebant. Qui amissis in via litteris, quas super hoc à nobis recipisse proponitur, tam viua voce, quàm suis litteris dictis iudicibus nuntiauit, vt nonobstantibus exceptionibus supradictis, in negotio procederent memorato. Vnde iudices in negotio procedentes receptis testibus, super articulis prænotatis, abbatem ipsum tandem ab abbatiz regimine remouerunt. Porro dilectis filiis P. Camerario Arcellæ, & S. Priore Murz eiusdem Abbatis, & B. Priore de Tritis ac D. Monacho partis aduersæ procuratoribus, propter hoc nuper in nostra præsentia constitutis: petierunt procuratores abbatis, processum iudicum prædictorum, qui contra eum sententiam tulerant, irritum iudicari; tum quia post appellationem ad nos interpositam, per antedictas litteras in quibus de prioribus mentio non fiebat. Tum quia consultatione ad nos directâ priusquam apostolicæ responsionis oraculum per nostras litteras recepissent, in eodem negotio processerunt, cum assertioni dicti Præpositi iudices minimè stare debuerint in hoc casu, super quo nostræ responsionis litteras expectabant: Tum etià quia conspiratores, excommunicatos, periuros, & capitales etià inimicos, in testimoniū aduersus abbatem admiserant memoratū. Sed ad hæc procuratores partis responderunt aduersæ, quia cum priores litteræ super lapsu Monasterij generales fuerint, & posteriores extiterint super certis excessibus speciales, in subsequendis non opportuit fieri de præcedentibus mentionem, cum speciale

sumens inde materiam iurgij, vnde deuotior erga ipsam Ecclesiam effici debuisset. Cæterum cum dictus Magister per litteras. Card. ipsius in hac parte nequiuisset consequi suæ voluntatis effectum, sub venerab. F. N. ... Episcopi & quorundam Canonicoꝝ Xantonen. nōmine, super Canonicatu præmisso litteras apostolicas, tacita de iuramento præstito veritate, ad Decanum Burdegalensem, & suos coniudices postmodū impetrauit. Quas procurator iamdictus assererebat ratione multiplici non valere. Tum quia in ipsis talis extiterat veritas occultata; quæ expressè obtentum rescriptum apostolicum non fuisset. Tum etiam, quia quorundam Canonicoꝝ litteræ, quas prænominatus Magister se nostro apostolarui exhibuisse asseruit, per falsi suggestionem, & circummentionem quandam obtentæ fuerant ab eodem, mendaciter asserente, quod ad ipsum Canonicandū dictoꝝ Canonicoꝝ vora conuenerant singulorum; sed falsum id esse procurator iamdictus se proposuit probaturum. Præterea prætaxatus Magister præmissis aliquatenus non contentus, infra decem dies à prioris impetratione rescripti, ad B. Canonicum Pictauen. & suos collegas super eodem Canonicatu apostolicas litteras obrinuit delegari, quæ nullam faciebant de prioribus mentionem. Propter quod assererebat ipsas procurator prædictus plurius de causis nullius esse valoris; quod ad antefatum Decanum ... Magistrum scholarum, & contradictores cæteros Xantonen Ecclesiæ compellendos: tum quia priorum iurisdicctio iudicum minimè fuerat per secundas litteras reuocata: tum etiam, quia per illam generale clausulam I. Canonicus, & quædam personæ maiores aliæ Xantonen. vocari ad iudicium non debebant, necnon & dictus Decanus ad sedem super hoc apostolicam prouocarat. Vnde ipsorum factum erat meritò irritandum, & sæpeditus Magister carere debebat vtriusque rescripti comodo; in quorum alio de alio menio non fiebat, postulans ob hæc, & alia Decanum ... Magistrum scholarum, & contradictores prædictos, ab ipsius Magistri super hoc impetitione prorsus absolui. Ad hæc præfatus Magister ex aduerso respondit; quod cum ad Xantonen Canonicos nostrarū precū, & mandati primitias de conferenda eidē prebenda integra reportasset, ipsi Canonici medietatē tantū ipsius, in elusionē mandati apostolici potius quā ex deuotione quā haberent ad illud, eidē Magistro, sicut rei effectus indicat, contrulerunt. Et licet idem nullum tunc beneficiū obtineret, præfati tamen Canonici eundem sic iurare fecerunt; quod nihil vterius ab ipsis absque communi totius voluntate Capituli postularer, quemadmodum nominatus Decanus ad mandatum Ve. F. N. Bituricen Archiepiscopi, & suorum à nobis delegatorum coniudicum, corā dil. fil. Cantore, ac Priore Sancti Viuiani Xantonen. firmauit proprio iuramento. Sanè quia ipsius prebendæ medietatem reliquam, ad interuentū prædicti Xantonen. Episcopi, post præstationē iuramenti iamdicti eidem Magistro prenominati Canonici vnanimiter contrulerunt, cum ipsi temporali spirituale beneficiū sit annexum, licet illud memoratus Magister se posse petere proponebat. Præsertim cum nec etiā postulet, sed petatur potius ab vniuersis fere Canonicis antedictis, sicut per viginti trium ipsorū, Episcopi, Archidiaconorū & Cantoris litteras, & relationibus prænotatorum iudicū euidentissimè ostendebat. Subiungens, quod cum plures vacent in Xantonen. Ecclesia Canoniz, ac nullus sit de tāto numero, qui posset in perceptione spiritualium, si

receptus fuerit prægrauari, nec alius appareat in huiusmodi contradictor, præ-nominatus Decanus, qui aliquando consenserat in eundem, prout coram iudicibus Pictauiens. confessione propria propalarat, solus in hac parte non debebat audi-ri. Maxime cum ad exceptiones probandas, si quas vellet contra ipsum pro-ponere, fuisset pluries euocatus; nec ex ipsis aliquas, sicut promiserat probauisset, nec etiam usus fuerit apostolicis litteris, quas super hoc impetrauerat contra eum. Verum cum idem Magister ad Canoniam ipsam vocetur per Capitulum sæpessatum, sicut ipsorum litterarum clarius manifestant, nullusque per nos Canonicaus fuerit in Ecclesia supradicta de nouen Clericis, pro quibus nostras litteras iam recepit, nisi Magister. C. Natalis, qui per Episcopum, & Archidiaconum specialiter obtinuit Canoniam. Et ad id obtinendum apud sedem apostolicam, per annorum quatuordecim spatium undecies accesserit personaliter laborandos nobis humiliter supplicabat, ut suis laboribus providere misericorditer dignaremur. Nos igitur intellectis per Card. prædictum quæ propofita fuerant coram eo. De consensu partium Discretionis vestræ per apostolica scripta præcipiendo mandamus: quatinus, si vobis infra tres menses post harum susceptionem legitime constiterit, ipsum Magistrum simpliciter, & absolute iurasse, quod nihil amplius peteret in Ecclesia Xantonen. eidem super petitione sua silentium imponatis. Alioquin cum maior, & sanior pars Capituli suum ipsi præstet assensum, nonobstante, contradictione paucorum, eundem recipi faciatis in Canonicum, & in fratrem, ipsi Stallum in Choro, & locum in Capitulo, sublato cuiuslibet contradictionis, & appellationis obstaculo, assignantes. Et Decanum in expensis factis pro negotio isto condemnatis eidem, ipsumque ut eas præfato Magistro restituat per censuram Ecclesiasticam appellatione postposita compellatis. Contradictores si quos inueneritis, vel rebelles rem appell. obst. censura simili compescendo, nullis litteris obstantibus à sede apostolica præter assensum partium impetratis. Quod si non omnes &c. duo vestrum ea &c. Datum Lateran. xij. Kal. Iulij anno xiiij.

EPISTOLA LXXXIII.

A. ILLUSTRI REGI VNGARIÆ.

Acquiescit ut compositioni Archiepiscoporum suorum super Ecclesiarum iuribus, cum Regni Prælati intendat.

RECEPTIS, & intellectis litteris Regijs, hoc tibi, fili charissime, duximus respondendum. Quod si forsan inter Strigonien. & Colocen. Ecclesias super dignitatibus suis aliqua pullulat dissensionis materia, gratum nobis exister, ut tu cum Prælati, ac Suffraganeis, & Capitulis earundem, ad amicabilem secundum Deum compositionem intendas, sine præiudicio utriusque. In qua si ex priuilegijs, quæ alterutri sunt Ecclesie ab apostolica sede concessa; quicquam difficultatis occurrerit, quia de ipsis nobis est solummodo iudicium reservatum, illud ad nostrum referatur examen. Nos enim qui pacem eorum, & tranquillitatem tuam, & Regni tui feruenti desiderio affectemus, ad eam quantum cum ratione poterimus, impendemus operam efficacem. Datum Lateran. Idus Iulij. anno xiiij.

EPISTOLA LXXXV.

VLTRASILVAN. EPISCOPO.

*Vt re inquisita confirmet electionem Prapostui Scibiniensis
S. E. R. immediatè subditi.*

SIGNIFICATVM est nobis, quod Scibiniensis Prapositura vacante, quæ ad Romanam Ecclesiam nullo pertinet mediante, dil. fil. Magister R. cui honesta merita suffragantur, ad eam Canonicè est electus. Vndè sup-
plicatum est nobis, vt electionem ipsius auctoritate dignaremur apostolica confirmare. Quocirca fraternitati tuæ per apostolica scripta mandamus. Quatinus veritate diligentius inquisita, si rem iuuenieris ita esse, ipsam auctoritate nostra confirmes, etque concedas vt in spiritualibus administret. Datum in alia.

EPISTOLA LXXXVI.

NOBILI VIRO PETRO ANIBALDI SENESCALCO NOSTRO.

*Concedis ei Dominium quod habet E. R. in Castro Corano, ad
arbitrium Romani Pontificis.*

CVM dilecti filij Consules Populusque Sorani per litteras suas, & nobiles viros Rainaldum Consulem, & Albericum militem instantissimè nos rogassent, vt pro ipsorum deffensione qua plurimum indigebant, te illis in Dominum, & Rectorem concedere dignaremur. Nos deuotionem, & fidem quam erga nos, & Romanam Ecclesiam habere dinosceris, attendentes, eique volentes nihilominus prouidere. De communi fratrum nostrorum consilio iustitias, & rationes quas habemus in Castro Corano, tibi pro illorum regimine duximus concedendas, quamdiu Romano Pontifici complacerebit. Tu igitur ita semper proficere studeas circa obsequium apostolicæ sedis, vt apud eam te non solum hoc, sed maiori beneficio dignum reddas. Nulli ergo omnino hominum liceat hanc paginam nostræ concessionis infringere, vel ei ausu temerario contraire. Siquis autem hoc &c. Vsq; incursum. Datum Lateran. xi. Kal. Augusti Pont. n. Anno. xiiij.

EPISTOLA LXXXVII.

HYGONI ABBATI ET CONVENTUI MAIORIS MONASTERII TYRONEN.

*Confirmat eis Monasterium Fontis Giardi, & à petitione Heremitarum
eiusdem loci absoluit.*

CVM causam quæ inter dilectos filios Heremitas Fontis Giardi ex parte vna, & vos, & luellum de Meduana patronū Fontis Giardi Cenomannen. Diocesis, super eodē loco, ex altera vertebatur: dil. fil. ... Abbati de Chalocheio. G. Archidia. & B. Magistro Scholarū Andegauen. olim duxerimus cōmittendam.

Partibus in ipsorum presentia constitutis, ipsius Fontis Giardi fratres eiusdem Diocesis, coram eis exponere procurarunt. Quod cum ab institutione ipsius domus, secundum B. Augustini regulam conuersantes vixissent ibidem, vita & habitu in ordine Regulari; Ve. F. N. H. Cenomanen Episcopus vos introduxit pro sua voluntatis arbitrio in eandem, quibusdam ex ipsis fratribus per violentiam consentire compulsis, alijs per simoniacas, & illicitas pactiones à vobis inductis, ut ordinem susciperent Monachalem, nonnullis de ipso collegio, reclamantibus, & inuitis: propter quod petebant se, ac domum suam in statum pristinum auctoritate apostolica reformari. Ad quæ à parte vestra fuit è conuerso responsum. Quod cum olim præmissa domus, tam in temporalibus, quàm in spiritualibus, ob viram, & conuersationem in eadem habitantium in honestam, ferè ad nihilum deuenisset; iamdictus Episcopus, eiusdem domus consentientibus fratribus, vos ibidem statuit in humilitatis spiritu Domino seruituros, domum ipsam assignans vobis, cum suis pertinentijs vniuersis. Sed his postmodum coram ipsis iudicibus propositis, seriatim de causa mutationis illius, & an fratres Fontis Giardi consensissent spontanei, vel iniuri, necnon & de alijs circumstantijs, ex parte ipsorum fratrum extiterunt producti testes, in presentia eorundem. Quorum tandem attestationibus publicatis, quia eisdem iudicibus arduum negotium, & ad expediendum per ipsos difficillimum quodammodo videbatur, sicut eorum transmissæ nobis litteræ continebant, causam ipsam cum attestationibus, actis, & instrumentis, ad nos dicti iudices transmiserunt. Cumque demum dilecti filij Gaufridus, & Galterus Monachi vestri, & I. fratrum de Linceio procuratores, propter hoc se nostro conspectui presentassent, dilectum filium L. Capellanum nostrum eis concessimus auditorem. Coram quo prædicti procuratores vestri, proponere procurarunt, quod is qui ex parte dictorum Heremitarum, vnà cum Priore de Linceio, se sibi contrarium opponebat, non erat idoneus procurator: cum esset à fratribus de Linceio tantum constitutus, in lite quæ à prædictis fratribus Fontis Giardi fuerat contestata, licet illorum nullum posset exhibere mandatum. Nam quanquam locus ille, Linceius videlicet, Fontis Giardi, tanquam capiti sit subiectus, & de ipso commissionis litteræ faciant mentionem; quia tamen actum extitit super capite, atque membris, procurator membri non poterat agere pro capite, ubi lis per caput extiterat contestata. Nihilominus hac saluà exceptione iidem procuratores adijcentes, nihil horum fuisse probatum, de his quæ fuerant in litteris commissionis expressa: quia cum super hoc essent litteræ impetratæ, quod præfati Patres Fontis Giardi fuerant, ut dicebant, violenter eiekti, lis extitit super alijs prorsus coram ipsis iudicibus, quàm super eiectione, ac violentia contestata; & testes etiam omnino de alijs deponerent. Procurator verò à vobis concessus ad causam coram sapientibus iudicibus peragendam, in his videbatur tantummodo institutus, quæ in litteris fuerant commissionis expressa: Vnde si super alijs lis extitit contestata; non potuit illorum iudicium iurisdictio prorogari: Et propter id firmiter asseriebant, iudices ipsos minus ordinatè in eodem negotio, ac perperam processisse. Quare vos ab ipsis iudicibus ad nostram audientiam postmodum appellastis, licet testes qui fuerant ab aduersa parte producti, tam super metu, quàm illicita pactione deponere videbantur,

essent in suo testimonio singulares. Proinde cùm nihil esset de alterius mentione probatum, & ex litteris bonæ memoriæ Vvilelmi Cenomannen Episcopi manifestè constaret, confirmationibus quoque felicis. recor. Eugenio, & Alexandri prædecessorum nostrorum, Pontificum Romanorum, postmodum subsequutis, sæpessatum locum cum pertinentijs suis de consensu fratrum habitantium in eodem, Monasterio vestro fuisse collatum, & præmissus R. Cenomannen. Episcopus modernis temporibus, pro eo quòd loci eiusdem Fratres vitæ, acconuersionis extiterant dissolutæ, duorum confirmationibus Metropolitanorum obtentis, eundem locum de consensu Fratrum vestro Monasterio concessisset. Prædicti procuratores vestri à nobis postulabant instanter, vt sæpessatis Fontis Giardi fratribus, perpetuum silentium imponere dignaremur. Ad hæc autem pars aduersa respondit, quòd prædictus procurator Fratrum de Linceio satis erat idoneus ad agendum, cùm rescriptum illud tam nomine ipsorum de Linceio, quàm Fontis Giardi fratrum fuisset communiter impetratum: præsertim cùm assererentur domus eadem, vnum corpus, & causa inter eos proponeretur communis. Allegans illud firmiter non obstare, quòd à parte vestra extitit tunc obiectum, procuratorem dictum à vobis videlicet constitutum non potuisse litem super alijs contestari, quæ non fuerant in litteris commissionis annexa; nec iudices etiam partes suas interponere potuisse, cùm ad ipsos nequiuisset iurisditio prorogari. Nam cùm lis per principales personas contestata fuisset, sicut in relatione iudicum conspicitur contineri, nec in litis contestatione, nec post publicationem testium id extitisset obiectum, nec quod per procuratorem eundem factum fuerat, à vobis protinus contradictum: huiusmodi obiectio debebat friuola reputari. Demum autem ex parte dictorum Fratrum Fontis Giardi in modum exceptionis extitit allegatum; quòd litteræ præmissi Vvilelmi Cenomannen. Episcopi erant falsæ, pro eo scilicet, quòd sigillum eius erat positum ex transuerso, petens ad id probandum iudices sibi dari, quam exceptionem, quia frustratoria videbatur nullatenus duximus admittendam. Nos igitur intellectis his, & alijs per prædictum Capellanum, quæ à partibus proposita fuerant coram eo, & habito cum Fratribus nostris diligenter tractato, vos, & Monasterium vestrum, ab impetitione præmissorum Fratrum Fontis Giardi prorsus absoluiimus, perpetuum ipsis super hoc silentium imponentes. Donationem verò bonæ memoriæ Guillelmi Cenomannen Episcopi, à felicis recordat. Eugenio, & Alexandro nostris prædecessoribus confirmatam, necnon & concessionem quam prædictus H. Cenomannen. Episcopus cum assensu Fratrum & I. Patroni Fontis Giardi fecit, confirmatam postmodum à G. quondam Turonen. Archiepiscopo, & I. successore ipsius, ratam habentes, auctoritate apostolica confirmamus, & præsentis scripti patrocinio communi-mus. Decernimus ergo vt nulli omnino hominum liceat, hanc paginam nostræ diffinitionis infringere, vel ei ausu temerario contraire. Siquis autem hoc attentare præsumpserit, indignationem &c. vsque incursum. Datum Later. x. Idus Iulij. Pont. n. Anno xliij.

EPISTOLA LXXXVIII.

EPISCOPO ET DECAN. ET. CANTORI ANDEGAVEN.

Delegat executionem supralata sententia.

QUAM causam quæ inter dilectos filios Heremitas Fontis Giardi ex parte
 vna, &.. Abbatem & Conuentum maioris Monasterij Turonen. &
 Iuhellum de Meduana Patronum Fontis Giardi Cenomannen. Dic-
 cesis super eodem loco ex altera; vertebatur. &c. in eundem ferè modum, vt in
 alia, vsque. Confirmamus. Volentes igitur vt quod à nobis est ratione præuia
 diffinitum, debitam obtimeat firmitatem. Discretionis vestræ per apostolica
 scripta mandamus, quatinus id faciatis auctoritate nostra firmiter obseruari.
 Contradictores per censuram Ecclesiasticam appellatione postposita compe-
 scentes. Quòd si non omnes &c. tu, frater Episcopo cum eorum altero ea &c.
 Datum vt in alia per totum.

EPISTOLA LXXXIX.

H. GNEZSEN. ARCHIEPISCOPO.

Confirmat electionem Magistri Pauli in Episcopum Poznaniensem.

CUM Posnanien. Canonici electionem, quam de dil. fil. Magistro
 Paulo celebrasse noscuntur, auctoritate peterent apostolica con-
 firmari, dilectus filius S. Cantor Posnanien. Ecclesie pro se, ac
 procuratorio nomine, pro G. eiusdem loci Præposito petitioni
 huiusmodi se opposuit: proponendo electionem ipsam fuisse
 post appellationem ad nos legitime interpositam celebratam. Cum enim
 ad nos fuerit appellatum, vt non nisi de Ecclesie gremio, & in loco tuto electio
 fieret; supradicti Canonici non solum de persona extranea, verum etiam in
 loco non tuto, electionem celebrarunt eandem: quia dum Dominus terræ
 persecutor, & impugnator Ecclesiasticæ libertatis, in ciuitate tunc temporis
 esset præfens, libera ibidem non poterat electio celebrari. Proposuit insuper
 idem Cantor, quod se ac Præposito memorato contemptis, in eadem fuerat
 electione processum; & Electores tunc temporis excommunicationis erant
 vinculo innodati. Cum enim tu... quondam Episcopo &.. Decan. Poznanien.
 necnon & suffraganeis plerisque præsentibus. V. Cancellarium Posnanien. in
 plena Synodo vinculo excommunicationis astrinxeris, iidem Canonici diutius
 communicauerunt eidem, quamquam ipsis non licuerit ignorare sententiam
 in Prouinciali Concilio solemniter promulgatam. Sed ad hæc fuit ex aduerso
 responsum; quòd contra prouocationem prædictam nihil fuerat attentatum.
 Cum & de Canonico ipsius Ecclesie, & in loco consueto, & tuto, videlicet in
 Ecclesia Cathedrati, electio celebrata fuisset. Licet enim Dux in Ciuitate
 præfens extiterit, nullam tamen vim, siue impressionem Canonici intulit,
 sed pro quibusdam tantum modo preces fudit. Vnde tanta in electione vsi

sunt Canonici libertate, quòd omisiss his pro quibus Dux preces porrexerat, supradictum Magistrum liberè elegerunt. Duo quoque Canonici qui electioni contradixere præfata, liberè recesserunt, sinè quibuscumque iniurijs, & iacturis. Dictus autem Cantor contemptus non fuerat, ut dicebat, cum sicut ipsemet proposuit coram nobis, tribus hebdomadibus ante electionem de Prouincia exiens, iter arripuisset ad sedem apostolicam veniendi: maxime cum iuxta confessionem suam, etiam si præfatus in Prouincia tunc fuisset, propter motum Principis, ad præfatum nullatenus accessisset Ecclesiam, etiam euocatus. Sed nec Præpositus dicendus erat fuisse contemptus, quem ad electionem Canonici vocauerunt. Sicut enim Lambertus & Matthias Polesnien. Canonici apud sedem apostolicam interposito iuramento dixerunt, Gerasorum Concanonicus per tres dies ante electionem extitit ad vocandum Præpositum destinatus, qui rediens in Capitulo constanter asseruit, quòd Præpositus venire nolebat, eò quod ibat in Calis, vbi Capellam & Fratrum regimen obtinet, sed consensum, & verba sua in ore Decani ponebat, & loco Præpositi postmodum Decanus elegit. Vnde cum Decanus vice ipsius elegerit, ipse per illum præfatus intelligitur eligisse. Insuper ad Canonicorum notitiam non pervenerat hætenus excommunicatio Cancellarij supradicti, de qua nuper iidem Lambertus, & Mathias mentionem apud sedem apostolicam audierunt; cum etiam præfatus Episcopus vsque ad mortem suam, & Decanus vsque nunc in ipsius Cancellarij communione permanferint, qui dicuntur in præfata Synodo fuisse præfates. Sed etsi dictos Canonicos excommunicato communicasse constaret, cum per hoc non nisi minori essent excommunicatione ligati, non ideo esset eis huiusmodi actus legitimus interdictus. In personam quoque prædicti Magistri obiectum extitit: quòd excommunicatus erat pariter, & petiurus, quia præfato Duci non solum in verbo, sed & in crimine communicauerat contra Ecclesiasticam libertatem, & quia cum excommunicatis se non communicaturum iurauerit, contra proprium veniens iuramentum, eidem Duci excommunicato communicare præsumpsit. Fuit insuper propositum contra eum, quòd ante confirmationem obtentam receperat annulum, & baculum pastorem. Pro eo verò fuit responsum ad primum: quòd præfato Duci nequaquam communicauerat, nisi tantum in his, quæ ad correctionem spectabant ipsius, ut videlicet ab Ecclesiæ persecutione desistens, ad tua mandata rediret. Sed etsi communicasset eidem in alijs, ex eo tamen esset non immerito excusandus: quòd idem Dux per omnes Ecclesias Cathedrales Poloniæ fecerat nuntiari, priusquam in eum excommunicationis sententia promulgata fuisset, se ad sedem apostolicam appellasse: Vnde meritò potest opinari, quòd non fuerit sententia supradicta ligatus, cum & adhuc super hoc controuersia ventiletur. Sed nec illud poterat Magistro sæpèdicto nocere, quòd ante confirmationem receperat annulum, & baculum pastorem; cum non hoc ex ambitione factum fuerit, sed cautela. Cum enim Dux Episcopatum consueuerit pro sua voluntate conferre, insignijs huiusmodi assignatis: ad huiusmodi consuetudinem, immo corruptelam potiùs, abolendam, super altare posita fuerunt insignia supradicta, ne ad illa Dux manus extendens, electionem ipsam quæ ibidem tunc primò celebrata regulariter fuerat, impediret: quæ postmodum Magister

exinde Decano porrigente recepit, ne Dux illa præcipiens secundum consuetum sibi tradere niteretur abusus. Proposuit insuper dictus Cantor, quod cum electionis decretum nobis minimè offeretur, petitioni huiusmodi annuere nulloatenus debemus. Ad quod altera pars respondit, ex eiusdem S. confessione constare quod decretum confectum fuerat, & oblatum tibi apud Bononiam constituto, à quo ad nostrum examen fuerat idem negotium per appellationem delatum. Supradicti quoque Lambertus, & Mathias iurati dixerunt; quod viginti vnus ex Canonicis Posnaniens. qui præsentibus electioni consenserant, subscripserant in decreto, vno tantum excepto, qui recedens proposuit se nolle propter tuam offensam in Capitulo remanere. Contra quod pars altera replicauit; quod decretum huiusmodi nullius momenti extitit, cum illo non fuerit sigillo munitum, quod Capitulum consuevit habere. Sed ad hoc pars aduersa respondit: quod etsi sigillo absque litteris ut consueuerit Capitulum memoratum, quod non Canonicorum sigillum, sed potius iumentorum couterium videbatur: habito tamen ab ipsis ante electionem de illo innouando tractatu, post electionem extitit innouatum, & sic electionis decretum nouo sigillo postea munierunt. His igitur, & alijs intellectis, quæ vtriusque fuisse proposita coram nobis, licet electio supradicta suspecta nobis quodammodo prima facie videretur, ex eo quod tuum ei fauorem impendere noluisti; præsertim cum eo amplius in his, & alijs disponamus fauorem tibi apostolicum exhibere, quò promptius propria quiete postposita, multis laboribus, & periculis te exponis, ob defensionem Ecclesiasticæ libertatis. Quia tamen cum Posnaniens. Ecclesia quæ in electione predicta noua cepit libertate gaudere, benignè agere nos oportet, postquam probationibus, & allegationibus fuit renuntiatum hincinde; admonitione multiplici, imo districta iussione præmissa, ut idem Electus, ad libertatem Ecclesiasticam conservandam, assistere tibi studeat fideliter, & deuotè: De Fratrum nostrorum consilio, electionem ipsam sententialiter duximus confirmandam. Quocirca fraternitati tuæ, per apostolica scripta mandamus, quatinus eundem electum deuotè tibi obsequi cupientem, habens ob nostram reuerentiam, commendatum, circa eum tempore opportuno quæ ad tuum officium pertinent exequaris. Nos enim tam Posnaniens. Capitulo, quam clero & populo Ciuitatis, & Diocesis Posnaniens. nostris damus litteris in mandatis, ut eidem tanquam electo suo reuerentiam, & obedientiam exhibentes, eius intendant salubribus monitis, & mandatis. Datum Lateran. xvi Kal Augusti Anno xiiij.

In eundem fere modum scriptum est super hoc Capitulo Poznaniens. Cum electionem quam de dil. fil. Magistro Paulo noscimini celebrasse, &c. usque nouo sigillo postea communistis. His igitur, & alijs &c. in eundem fere modum, usque, confirmandam. Quocirca deuotioni vestræ per apostolica scripta mandamus, quatinus eidem tanquam electo vestro reuerentiam, & obedientiam exhibentes, eius intendatis salubribus monitis, & mandatis. Nos enim præfato Archiepiscopo litteris nostris iniungimus, ut eundem electum deuotè sibi obsequi cupientem, habens, ob nostram reuerentiam, commendatum, circa eum tempore opportuno quæ ad suum officium pertinent, exequatur. Datum ut in alia per totum.

EPISTOLA LXXXIX.

CLERO ET POPULO CIVITATIS ET DIOECESIS POZNANIIEN.

Super eodem.

CCVM Poznanien. Canoniei electionem, &c. in eundem ferè modum, vt in prima, vsque confirmandam. Quocirca vniuersitati vestræ per apostolica scripta mandamus, quatinus eidem tanquam electo vestro, &c. sicut in secunda vsque in finem. Datum &c.

EPISTOLA XC.

EPISCOPO SALIMBRIEN. ET VARISIEN. ELECTO, ET THEODERICO
CANONICO CONSTANTINOPOLITAN.

*Vt confirment Nicomediensis electionem à Patriarcha
Cprano sinè causa recusatam.*

ITAM ex litteris dilectorum filiorum Capituli Nicomedien. Ecclesie, quàm charissimi in Christo filij nostri.... illustris Constantinopolitan. Imperatoris accepimus. Quòd... eiusdem loci electo viam vniuersæ carnis ingresso, iidem Capitulum conuenientes in vnum, dil. fil. S. eiusdem Ecclesie Thesaurarum, Sancti Spiritus gratia inuocata, elegerunt vnanimiter in pastorem. Sed cùm electionem ipsam à bonæ memoriæ... Patriarcha Constantinopolitan. petierint confirmari, ipse nihil obijciens, quare id fieri non deberet, eandem confirmare penitus recusauit. Vnde cùm tam à prædicto Imperatore, quàm alijs exoratus ipsam huiusmodi adiecta conditione voluerit postmodum confirmare, vt sibi partem possessionum eiusdem Ecclesie retineret, ipsi deliberatione præhabita id facere penitus recusantes, dictum S. ad sedem apostolicam destinarunt, electionem ipsam auctoritate postulantes apostolica confirmari. Quocirca discretionis vestræ per apostolica scripta mandamus, quatinus si electionem eandem de persona idonea reppereritis Canonicè celebratam, vos eam auctoritate nostra, sublato cuiuslibet contradictionis, & appellationis obstaculo, confirmetis. Quòd si non omnes &c. tu ea frater Episcopo cum eorum altero, &c. Datum Lateran. vij. Kal. Augusti. Pont. n. Anno. xiiij.

EPISTOLA XCI.

FRATRIBVS MILITIÆ TEMPLI DE AVENTINO.

Confirmat transactionem inter eos, & Monachos Criptæ Ferratæ factam.

EXAMINATA causa quæ inter vos ex vna parte, ac dilectos filios... Abbatem & Monachos Criptæ Ferratæ ex altera; super Ecclesia Sanctæ Mariæ de Sorresco, eum pertinentijs suis in nostra præsentia vergebatur, testibus, & instrumentis vtrîque præductis: tandem inter vos, & eos

compositio nobis mediantibus interuenit. Vt vos Ecclesiam memoratam cum omnibus ad ipsam spectantibus, perpetuò habeatis liberè, ac quietè, quibus Abbas, & Monachi supradicti omni liti & petitioni cedentes remiserunt quodlibet ius, quin etiam concesserunt, quod habere videbantur in eis. Ita quòd vos triginta solidos Prouenientium Senatus, census nomine annuatim eisdem in festo Assumptionis B. Mariæ persoluant in vrbe. Nos igitur compositionem ipsam ab utraque parte sponte receptam, auctoritate apostolica confirmantes, eandem decernimus inuiolabiliter obseruari. Nulli ergo &c. hanc paginam nostræ confirmationis, & diffinitionis infringere, vel ei &c. vsque incursum. Datum Lateran. iiii. non. Augusti. Pont. n. Anno xiiij.

EPISTOLA XCII.

ABBATI ET MONACHIS CRIPTÆ FERRATÆ.

Super eodem.

EXAMINATA causa quæ inter vos ex vna parte, ac dil. fil. fratres Militiz Templi de Auentino ex altera &c. per totum vt in alia, vsque, interuenit. Vt iidem fratres Ecclesiam memoratam cum omnibus ad ipsam spectantibus, perpetuò habeant liberè, ac quietè. Quibus vos omni liti, & petitioni cedentes remisistis quodlibet ius, quin etiam concessistis, quod habere videbamini in eisdem. Ita quòd dicti fratres triginta solidos Prouenientium Senatus, census nomine annuatim vobis in festo Assumptionis B. Mariæ persoluant in vrbe. Nos igitur &c. per totum vt in alia vsque in finem. Datum vt in alia per totum.

EPISTOLA XCIII.

PATRIARCHÆ GRADEN. ET EPISCOPO CASTELLAN.

*Sede Cpana vacante de electione Dyrrachiensis Archiepiscopi.
cognoscis, & delegat.*

IX litteris dil. fil. Capituli Durachien. accepimus, quòd bonæ memoriz. M. ipsorum Archiepiscopo viam vniuersæ carnis ingresso, lidem ne dicta Ecclesia, quæ iam dudum per tempora ex defectu pastoris lapsum grauem senserat, & ruinam, patris absentiam diutius deploraret, conuenientes in vnum, & Spiritus Sancti gratia inuocata dil. fil. A. Constantinopolitan. Præpositum Venerijs existètem sibi elegerunt concorditer in Pastorem. Nobis humiliter supplicantes, vt, quia Constantinopolitana Ecclesia noscitur nunc vacare, à qua fuerat confirmationis gratia expectanda; & ipsam electionem confirmare auctoritate apostolica dignaremur, & electo faceremus munus consecrationis impendi. Quocirca fraternitati vestræ per apostolica scripta mandamus, quatinus inquiratis de ipsa electione diligentius veritatè, & si eā inueneritis Canonice de persona idonea celebratam, ipsam auctoritate nostra sublato appellationis obstaculo, cōfirmetis, electo consecrationis munus postmodum inpendentes. Dat. Later. iiii. non. Aug. Anno xiiij.

EPISTO-

EPISTOLA XCIV.

ARCHIEPISCOPO HERACLIIEN. ET.. DECAN. SANCTORVM
 QUADRAGINTA CONSTANTINOPOLITAN.

Vt à bonis Eccleſia S. Sophia abſtineant quidam nobiles.

DILECTI filij Capitulum Sanctæ Sophiæ Eccleſiæ Conſtantinopoli-
 tan. noſtris auribus intimarunt. Quod nobilis vir Comes Bertoldus,
 ac nobilis mulier.. relicta Marchionis Montis Ferrati, & quidam alij
 Conſtantinopolitan. ac Theſſalonicen. Diœceſum, quaſdam poſſeſſiones Ec-
 cleſiæ ſux, de quibus ipſis debent neceſſaria miniſtrari, in ipſorum detinent
 præiudiciũ occupatas. Quocirca diſcretionĩ veſtræ per apoſtolica ſcripta
 mandamus, quatinus detentores prædictos ad reſtitutionem debitam deten-
 torum, monitione præmiſſa per cenſuram Eccleſiaſticam, appellatione remota
 cogatis. Teſtes autem qui fuerint nominati, ſi ſe gratia, odio, vel timore ſubtra-
 xerint cenſura ſimili appellatione remota cogatis veritati teſtimonium perhibe-
 re. Datum Lateran. ij. non. Auguſti. Anno xiiij.

EPISTOLA XCV.

EBREDVNEN. ARCHIEPISCOPO, ET VTICEN. APOSTOLICÆ
 SEDIS LEGATO ET.. REGEN. EPISCOPIS.

*Absoluit Roncelinum Vicecomitem Maſſilia, Monachica diſciplina deſerto-
 rem, eiſque Patrimonij ſui curam ex Abbatis venia permittit.*

CVM Roncelinus qui habitu Monachali reiecto, Maſſilienſis Ci-
 uitatis Dominium ſibi temerè uſurparat, propter apoſtaſiam, per-
 iurium, & inceſtum, necnon rapinas, & quædam alia dudum à
 nobis, & poſtmodum à te Frater Regen. & bonæ memoriæ Ma-
 giſtro Milone Notario noſtro, tunc apoſtolica ſedis Legatis ex-
 communicatus extiterit, tam Ciuitate Maſſilien. quàm vniuerſa terra ipſius Ec-
 cleſiaſtico ſuppoſita interdicto. Sano conſilio tandem ductus.. Nobili muliere
 dimiſſa, reiectum habitũ reſumpſerit humiliter, & deuotè, ac à te Frater Vticen.
 excommunicationis, & interdicti ſententias petierit relaxari. Tu ſufficienti ab ipſo
 cautione recepta, in Ciuitate Maſſilien relaxaſti ſententiam interdicti, eidem R.
 firmiter iniungendo, vt per ſeipſum, vel per fidelẽ nuntium, ſi forſan infirmitate,
 vel alia iuſta cauſa perſonaliter ad nos accedere non valeret noſtro ſe curaret
 conſpectui præſentare, apoſtolicæ benignitatis miſericordiã petiturus. Qui hu-
 militer tuis mandatis obtemperans, laborẽ ſubiit ad ſedem apoſtolicã veniendi.
 Sed tam propter viarũ pericula, quàm propter inualitudinẽ corporis præpeditus,
 procedere non potuit ultra Piſas; propter quod exinde, dil. fil. P. de Monte Lauro
 Aquen. Archidiaconũ, & Cellariũ Monafterij S. Viſtoris, & V. Canonicũ Maſſi-
 lien. procuratores ſuos ad noſtram præſentiã deſtinauit. Per quos fuit nobis hu-
 militer ſupplicatum, vt & abſolutionis beneficium dicto R. faceremus impendi,
 & patrimonij ſui curam habere permitteremus eundem, tam tuis frat. Vticen, &
 Metropolitani, ac abbatis ſui, quàm ve F. N. Episcopi, Capituli, ac Militum, &
 vniuerſi populi Maſſilien. necnon, & aliorum quamplurium prælatorum nobis

super hoc litteris presentatis. Qui nos ad id triplici præcipue ratione inducere satagebant. Cum enim nullus præter ipsum in domo sua masculus sit superstes, si terræ suæ hominibus, qui eundem sincerissimè diligunt, non præset, Ecclesijs, pijs locis, & alijs grauiā possent dispendia provenire. Cum etiam multas violentias cōmiserit, & rapinas, & magna subierit hæcenus onera debitorū, si prohiberetur eidem prouisio terræ suæ, vix quisquam inueniretur qui satisfaceret de prædictis, & multi multipliciter, non absque graui scandalo, suis iniurijs fraudarentur. Quoniam igitur sacrosancta Romana Ecclesia, nulli humiliter redeunti gremium suum claudit. Nos illius exemplo, qui non vult mortem peccatoris, sed potius vt conuertatur & viuat; cum maius gaudium sit Angelis Dei super vno peccatore penitentiam agente, quàm supra nonaginta no- uem iustos qui se credunt penitentia non egere. De iamdicti R. penitentia exultantes, qui diu fuerat in vanitatibus seculi euagatus; venerabili Fratri nostro ... Pisano Archiepiscopo dedimus in mandatis, vt ipsi iuxta formam Ecclesiæ beneficium absolutionis impendat, & iniungat eidem, vt mandatis vestris humiliter pareat, quæ super prædictis ipsi duxeritis faciendā. Porro super patrimonij sui cura ita duximus ex benignitate apostolica prouiden- dum, vt idem R. cum participibus suis, prius diuidat rotam terram infra Ciuitatem, & extra: & de portione, quæ ipsum de iure contingeret, cum abba- tis sui conuiuentia, & assensu, eidem Cœnobio aliqua congrua portio designetur. De residuo verò cum vestro, & eiusdem abbatis consilio, pro prædicto- rum omnium satisfactione disponat, prout melius videbitur expedire. Por- tionis verò Monasterio designandæ prouisio, propter necessitatem virginem, & euidentem utilitatem, eidem R. à suo committatur Abbate: ita quod ipse ob gratiam sibi factam, nouæ conuersationis studio se reddere studeat omnibus gratiosum, tam in habitu, quàm in alijs nihil prorsus attentans contra Mona- sticam honestatem. Quocirca Fraternitati vestræ per apostolica scripta manda- mus, quatinus iuxta formam præscriptam in ipso negotio, sublato appellatio- nis obstaculo, procedatis. Contradiçtores censura Ecclesiastica compescen- do. Datum Lateran. ij. Non. Augusti. Pont. n. anno xiii.

EPISTOLA XCVI.

PISAN. ARCHIEPISCOPO.

Super eodem.

¶ VM Roncelinus &c. vt in alia, vsque, à nobis, & postmodum à vene-
¶rabili Fratre nostro Regen. Episcopo, & bonæ memoriæ Magistro Milo-
¶ne Notario nostro, &c. vsque humiliter, & deuotè. Ac à venerabili Fratre nostro .. Vticen. Episcopo apostolicæ sedis Legato excommunicationis, & interdicti sententijs petierit relaxari, memoratus Legatus sufficenti ab ipso cautione recepta, in ciuitate Massilien. relaxauit sententiā interdicti, eidē R. firmiter in- iungendo, &c. vsque petiturus. Qui humiliter Legati mandatis obtemperās &c. per totum, vt in alia, vsque, permitteremus eundē tam supradicti Legati, & Metro- politani, ac Abbatis sui &c. per totum vt in alia, vsque, in vanitatibus seculi

euagatus, fraternitati tuæ per apostolica scripta mandamus, quatinus ipsi iuxta formam Ecclesię beneficium absolutionis impendas, & iniungas eidem, ut mandatis. Venerabil. fratribus nostris. . Ebreduen. Archiepiscopi, ac dictorum Viten. & Regen. Episcoporum, quibus super hoc dirigimus scripta nostra humiliter pateat, quæ super prædictis ei duxerint facienda. Datum ut in alia per totum.

EPISTOLA XCVII.

CAPITVLO SANCTÆ SOPHIÆ, AC VNIVERSIS PRÆLATIS CONVENTVALIVM
ECCLESIA RVM CONSTANTINOPOLITAN.

*Irrita dicta electione Decani à Capitulo facta, & postulatione à Prælati,
mandat, ut ad nouam Patriarchæ Cpani electionem procedant. .*



ER litteras nostras filij Prælati nostro nuper apostolatui referastis. Quod bonæ memoriæ. T. Patriarcha Constantinopolitano apud Thessalonicam extrema ægitudine laborante, vos, ne circa Patriarchę substituendi electione vobis præiudicium fieret, metuentes, in Ecclesia S. Sophiæ Decano, & Canonicis eiusdem præsentibus, nostræ constitutionis authenticum, quod super forma electionis, in Constantinopolitana Ecclesia celebrandæ, à nobis dudum obtentum fuerat, perlegistis. Sed cum propter quorundam Canonicorū absentiam, certum recipere nequiuertis tunc responsum, auctoritate studuistis apostolica prohibere, ne super electione in vestrum præiudicium, siue contra mandati nostri tenorem, aliquid fieret, ad sedem apostolicam appellantes. Cumque die tertia pro recipiendore sponso, prout conditum fuerat, venissetis, multitudinem Venetorum in eadem Ecclesia inuenistis, tam in stallis, quàm circa altare irreuerenter armatam, & eis qui electioni se Venetorum opponerent, membrorum truncationem, ac mortem, non absque multis clamoribus intentantem. Vobis autem expectantibus de foris, quædam Venetorum Canonicorum pars profiliens subito de conclauis, ubi fuerant obferati, nonnullis ex Canonicis alijs recedentibus à consilio eorundem, Decanum eiusdem Ecclesiæ nominauit. Quod vos extrinsecus positi sentientes, electioni huiusmodi studuistis contradicere iuxta posse, in crastino appellationem prius ad nos interpositam coram Constantinopolitani Cleri multitudine innoquando. Postmodum verò tres personas videlicet Ve. F. N. Cremonen Episcopum, & dilectos filios P. titulo Sancti Marcelli Presbyterū Card. & Magistrum R. de Corzon Canonicum Parisien. vnanimiter nominantes, eandem à sede apostolica postulastis, ut earum aliqua iuxta nostræ voluntatis arbitrium præficeretur Ecclesiæ memoratæ. Cum autem nuper vtriusque partis procuratoribus propter hoc ad sedem apostolicā constitutis, super electione, ac postulationibus memoratis inquisissemus plenius veritatē, licet ex parte vestra filij Capituli propositū fuerit, quod prius quā statutū apostolicū vobis ostensū, aut aliqua prohibitio facta fuerit, tractatus habitus fuerat super prædicti electione Decani, quæ nondū extiterat publicata. Quia nobiscōstitit euidenter, electionē ipsam à vobis, filij Capituli, post statutū apostolicū vobis ostensū, & appellationē ad nos legitimē interpositā, quibusdā exclusis, atq; contēptis, qui volebāt, & debebāt pariter

interesse, minùs Canonice celebratam : vt de cæteris quæ tam contra electionis processum , quàm contra personam electi fuere propoſita taceatur , & ad postulationes præfatis à vobis, filij Prælati, inconſultè processum, tã illam, quàm istas, de fratrum nostrorum consilio duximus reprobãdas. Deuotioni vestræ per apostolica scripta districtè præcipiendo mandantes, quatinus omni vitio simultatis expulso, tam loco, quàm voto conuenientes in vnum, & sancti Spiritus gratia inuocata, talem vobis personam eligatis Canonice in Pastorem, quæ scientia, vita, & fama præpollens, tãto cõgruat oneri, & honori, vt vestris parcatis laboribus, & expensis, & Apostolicũ vobis fauorem ex hoc valeatis plenius cõparare. Pro certo scientes, quia si vel persona nõ esset idonea, vel forma Canonica, nos de effectum vestrum auctoritate apostolica suppleremus. Dat. Læran. Non. Aug. Ann. xiiij.

EPISTOLA XCVIII.

EPISCOPO ZARATORIEN. ET DECAN. THEBAN. ET CANTORI DAVALIEN.

Delegat inquisitionem contra Episcopum Neopattensem.



DILECTI filij Decanus & Capitulum Neopattren. Ecclesiæ nobis denuntiando monstrarunt. Quòd Ve. F.N... eorum Archiepiscopus antequam ad dignitatis apicem ascendisset, licet in Sacerdotali officio constitutus comam tamen nutriens, contra Latinos in Græcorum auxiliũ cum Arguro quondã Corinthy Domino, tanquam laicus pariter arma sumpsit, & circa eundem in Militis officio per annum, & ampliùs seruiens nonnullos Latinos dicitur occidiſſe. Verũ cũ postmodum per electionem quorundam Canonicorum, qui eiusdem flagitia penitus, ignorabant, adeptus fuit regimẽ Ecclesiæ memoratæ, abiecta pene penitus modestia pastoralis, neglexit prorsus consulere famæ suæ: sed ipsã potiùs euacuans viuendo peruersè contemnit tanquam hæreticus celebrare, ac audire diuinã, nec vt tenetur per seipsum horas Canonicas Deo reddit, nec coram eo ipsas facit per ministros Ecclesiæ decantari, bona ipsius Ecclesiæ dilapidans enormiter pro suo voluntatis arbitrio, & deuastans. Præter hæc autem cũ in præsentia bonæ memoriæ T. Constantinopolitani Patriarchæ præstitisset astantibus pluribus corporaliter iuramentum, quòd tam possessionum, quàm ptouentuum ipsius Ecclesiæ portionem, per eundem Patriarcham sententialiter adiudicatã eisdem, ipsos permitteret pacificè possidere, nec super ea eosdem aliquatenus moleſtaret. Ipse suis peruersitatibus volens iniquitatum cumulum aggregare; dicto Patriarcha carnis debitum exolueret, præfatos Canonicos eadem portione auctoritate propria spoliavit, contra iuramentum proprium temerè veniendo. Insuper etiam idem Archiepiscopus quondã Monachũ in habitu Monachali, & quondã alium Sacerdotem quem ad Presbyteratus officiũ fecerat promoueri, & tres alios laicos homines Ecclesiæ supradictæ per quosdam seruientes suos suspendio iussit tradi, funem qua iisdem extiterunt suspensi, eisde seruientibus manu propria tribuendo, & ipsos cõpellendo ad hoc flagitiũ in salutis suę dispendiũ, & scandalum plurimorum. Vnde nobis dicti Canonici humiliter supplicarũt, vt ad excessus huiusmodi corrigendos, manus nostras apponere dignaremur. Nolentes igitur hæc, si vera sunt, conuiuentibus oculis pertransire, quine dum arbores extirpare

inutiles, verum etiam plantare fructiferas in Dominico agro tenemur. Discretionem vestram per apostolica scripta mandamus, quatinus inquiratis super premissis diligentissime veritatem, & quæ inueneritis fideliter redigentes in scriptis, ea nobis sub sigillis vestris transmittatis inclusa: ut per vestram relationem instructi, securius in his procedere valeamus. Quod si non omnes &c. tu frater Episcopo cum eorum altero ea &c. Datum apud Criptam Ferratam xij. Kal. Septemb. Pontificatus nostri Anno xiiij.

EPISTOLA XCIX.

ABBATI ET CONVENTUI DE FLORE.

*Confirmat eis Ecclesiam Calabromaria, contra pulsationem
Monasterij Curacensis.*



INTER vos & Monachos Curacen. super Ecclesia Calabromariz, quam ipsi cum suis pertinentijs ad suum Monasterium de iure spectare dicebant, & à vobis minus licite detineri, diu est questio agitata. Sed tandem Ve. F. N. Squillacen. & Marturan. Episcopis, & dil. fil. Abbati Sambucinz, de consensu partium à nobis sub hac forma commissa. Ut partibus conuocatis audirent hinc inde proposita, & vsque ad calculum diffinitiuæ sententiæ appellatione postposita procedentes, si de partium voluntate existeret, causam ipsam sine debito terminarent. Alioquin eandem sufficienter instructam, sub sigillis suis nobis transmittere procurarent, præficientes partibus terminum competentem, quo se nostro conspectui præsentarent, sententiam recepturæ. Partibus igitur in ipsorum præsentia constitutis, proposuerunt Curacen. Monachi coram ipsis: quod cum ipsi pro notitia mutua, & charitate fraterna, quam cum Abbate, ac Monachis Calabromariz habuerant, eisdem abbati, & Monachis penuria laborantibus opportuna frequenter subsidia ministrassent. Demum eodem abbate defuncto Oeconomus eiusdem, & Monachi, tum quia eorum Monasterium collapsum erat in rebus temporalibus, tum quia ob paucitatem eorum illud per ipsos regi non poterat opportunè, dictum Monasterium, quantum eisdem, licuit obtulerunt Cellario Curacen. recipientes ab ipsis postmodum per eorum Oeconomum tam indumenta, calciamenta, corrigas, quàm etiam alia necessaria præter victum qui suppetebat eisdem Monachis competenter. Sed quia id sibi absque Regis consensu, quem asseriebant patronū ipsius Ecclesiæ principalem, ad vendicandum prorsus ipsam Ecclesiam sufficere non credebant. Carissimi in Christo filij nostri. F. Siciliz Regis Illustris priuilegium, per manus Ve. F. N. G. de Palearia Regni Siciliz Cancellarij, supra eadem Ecclesia impetrarunt, confirmationem Capituli Sanctę Seuerinz, in cuius Diocesi dictum Monasterium est constructum, supra eodem per litteras post obventa. Insuper etiam adiecerunt ipsi Monachi Curacen. quod Metropolitanus eorū, videlicet Archiepiscopus Sanctę Seuerinz secūdo die post consecrationem suam, factum præfati Capituli, & dictam eisdem Ecclesiā confirmauit, ipsis exinde priuilegio assignato. Et cum hæc omnia per testes ab eis sint sufficienter probata, super proprietate Ecclesiæ memoratę proponebant suā his plenius intencionem esse fundatam. Præter hæc autē Curacen. ipsi aduersus

vos etiā intentarunt; quòd cū vobis in his omnibus suum cōsiliū propalarint, & vos supra narratis fraternū eisdem auxiliū & cōsiliū promiseritis impenſuros, vestra postmodum promissionis obliti, ad nobilem virum Petrum Guiscardi, qui erat illius terræ Dominus, accedentes, Monasterium illud ab eo concedi vobis cum instantia postulastis. Sed cū idem id vobis primitus denegasset, interuentu coniugis suæ tandem beniuolē annuit votis vestris. Eo itaque sic obtento, iamdictæ Sanctæ Seuerinæ Canonicos pro ipsa vobis Ecclesia conferenda, precibus propulſastis. Super quo licet emissæ preces, pro eo quòd electus eorum erat apud sedem apostolicam constitutus, à principio frustrarentur, comminationibus tamen eiusdem Nobil. de proprijs eis auferendis vxoribus, cū sint Græci, sibi acriter intentatis, ipsam vobis Ecclesiam ijdem postremū confirmauerunt inuiti. Post hæc verò prænominato electo à sede apostolica redeunti, extra sedem propriam occurristis, prædictam ab eo Ecclesiam petiuri. Sed cū repulsam pateretur vestra petitio in hac parte, pro eo quòd idem electus nondum sedem propriam visitarat, per impressionem eandem, & violentiam nobilis memorati, prædictam vobis, Ecclesiam compulsus est confirmare. Ad hæc autem vos in nostra præsentia respondistis è contra: quòd licet Ecclesia ipsa per Oeconomum, & Monachos supradictos concessa fuisset Monasterio Curacen. prout ipsius Monachi astruebant, concessionem talem his rationibus dicebatis penitus non tenere; tum quia per illos eadem facta fuerat, qui personæ non extiterant principales, Ecclesia tunc vacante; tum etiam quoniam longè ante per Kirolum quondam dicti loci Calabromariz Abbatem, de consensu, & voluntate suorum fratrum tempore bonæ memoriæ Ioachim primi Abbatis vestri, dicta Ecclesia vobis concessa fuerat, & post ipsius Kiroli obitum per eiusdem Monachos ipsius concessio extiterat pluries innouata processu temporis, primò quidem Capituli, & secundo Electi confirmationibus accedentibus non per impressionem, vel violentiam nobilis antedicti, sed potius mera eorum, & libera voluntate. Assignando nihilominus rationes, quòd priuilegium antedictum Curacensibus non suffragaretur in aliquo, quia prædicta concessio, quæ facta fuerat minus iustè, per illud non intelligitur rationabiliter confirmata; maximè cum notam expressæ contineat falsitatis, cū legatur in ipso quòd Panormi per manus iamdicti Cancellarij eo tempore datum fuerit, quo idem utique non Panormi, sed alibi longè à Panormo manebat, & Rex cuius auctoritate fieri videbatur, tunc temporis non custodiretur ab ipso, sed à Guillelmo Capparone temerè teneretur, qui etiam verum sigillum detinebat ipsius. Ad excusandum nempe priuilegium supradictum, præmissis pars Monachorum Curacensium replicando respondit: quòd cū dictus Cancellarius à Claræ memoriæ. C. Imperatrice ordinarius totius Regni, & Regis administrator extiterit constitutus, id potuit facere ipsius Regis auctoritate licenter, ut pore qui vices gerebat Regiæ in hac parte. Insuper etiam Curacen. Monachi addiderunt, quòd etsi dictum priuilegium per manus Cancellarij ob præmissa obtinere non posset robur debitæ firmitatis, censeri debebat validum, pro eo quòd dictus Rex illud ex cerra scientia postmodum confirmauit, cum rati habitio retrorahatur, & mandato comparetur iuxta legitimas sanctiones. Nihilominus proponentes, quòd etsi neutrum priuilegiarum deberet legitimum

iudicari, vltimum debebat eis sufficere; quòd idem Rex postquam vxorem raduxit, supra eadem Ecclesia concessit Monasterio Curacensi. Cæterum pars vestra ex aduerso respondit, quòd si confirmationem aliquam obtinuerunt de priuilegio supradictò Monachi Curacen. ipsa nullius erat roboris, vel vigoris, quia cum ipsum priuilegium à principio irritum extitisset, rata esse non poterat obtenta taliter confirmatio; super eo assignantes talem de priuilegio vltimo rationem, quòd de ipso non emolumentum, sed pœnam deberent ipsi Monachi potius reportare. Quia cum iam quæstio ipsius Ecclesiæ ad nostrum fuerit examen deducta; petierunt sibi rem litigiosam per potestatem secularem concedi, seu etiam confirmari. Contra confirmationem autem, seu concessionem archiepiscopi, allegastis quòd rem à vobis possessam, & ab eodem etiam confirmatam, ipse illis concedere, vel confirmare non debuit. Maxime postquam in litem deducta extitit, & ad censuram examinis nostri perlata: Vnde concessio, vel confirmatio huiusmodi nullius debebat censi valoris. Propter quæ super Ecclesia supradicta, silentium imponi Curacensibus Monachis, & ab ipsoꝝ impetitione absolui penitus petebatis. Cum verò dicti iudices, supra causæ meritis adinuicem discordarent, & partes causam ipsam nostro potius quàm eorum optarent iudicio terminari, tam ipsam causam, quàm partes cum rationibus quæ pertinebant ad eam, iuxta mandati nostri tenorem, ad nostram præsentiam remiserunt. Demum itaque dilectis filiis Nicolao Curacensi, & Hugone Priore Sancti Georgij, & Ioseph vestris Monachis nostro conspectui presentatis, & quæ acta fuerant coram iudicibus supradictis, & rationes alias nobis exponere procurantibus. Nos illis diligenter auditis & perspicaciter intellectis, vos ab impetitione Curacensium, super eadem Ecclesia, per diffinitiuam sententiam prorsus absoluimus, eisdem supra ipsa perpetuum silentium imponentes. Præsertim cum illis regulam, & institutionem Cisterciensis ordinis ab ipsa Monasterij fundatione professis, absque superioris dispensatione non extiterit ad obtinendum sic Ecclesiam laborare. Nulli ergo omnino hominum liceat hanc paginam nostræ diffinitionis infringere, vel ei ausu temerario contraire. Siquis autem hoc vsque incursum. Datum apud Criptam Ferratam ij. Kal. Septemb. Pont. n. Anno xiiij.

E P I S T O L A C.

ARCHIEPISCOPO ET DECAN. ET CANTORI CVSENTIN.

Delegat executionem supralata sententia.

INTER dilectos filios Abbatem & Conuentum de Flore, ac Monachos Curacenses, super Ecclesia Calabromariz quam ipsi cum suis pertinentijs &c. in eundem ferè modum, vt in alia, vsque laborare. Quocirca discretionis vestræ per apostolica scripta mandamus, quatinus quòd à nobis est sententialiter diffinitum, vos per censuram Ecclesiasticam sublato cuiuslibet contradictionis, & appellationis obstaculo, faciatis inuiolabiliter obseruari. Quod si non omnes &c. Tu ea frater archiepiscopo, cum eorum altero ea &c. Datum vt in alia per totum.

EPISTOLA CI.

NOBILI VIRO. C. IUDICI TURRITANO.

*Vt provideat ne imparatum Otho Imp. agrediaturs, neue cum
Pisanis contrahat.*



VM Pisanis contra prohibitionem, & excommunicationem nostram. O. dicto Imperatori, ad impugnandum Regnum Siciliæ, quòd Ecclesiæ patrimonium esse dinoscitur, naualem exercitum destinarint, & sit tibi, & alijs Sardinie Principibus sollicitè præcauendum. Ne si forsan contra vos, vel aliquem vestrum, paci quorum inuident, & quieti, vel lent aliquod machinari, vos inueniant imparatos. Nobilitatem tuam moneamus, & exhortamur atentius per Apostolica tibi scripta præcipiendo mandantes, quatinus si dicti Pisani Sardiniam ingredi attentarent, tu ipsis vna cum alijs Magnatibus Sardinie, totis viribus resistere non omittas. De terra verò Galuari quam tenes, nullum cum Pisanis, vel alijs, sinè nostro speciali mandato, contractum inire præsumas. Datum apud Criptam Ferratam liij. Non. Septembris. P. N. Anno xiii.

In eundem ferè modum scriptum est nobili viro Hugoni de Basso, vsque non omittas. Datum vt in alia per totum.

EPISTOLA CII.

TURRITAN. ET. ARBOREN. ARCHIEPISCOPI.

Vt Iudici Turritano consilium præstent.



RATERNITATI vestræ præsentium auctoritate mandamus, quatinus auditis his quæ dil. fil. nobilis vir Vv. Iudex Calaritanus, super negotio Arboren. vobis duxerit proponenda, & pensatis prudenter circumstantijs rerum, & personarum, temporum, & locorum, salutare sibi consilium auctoritate Apostolica tributatis. Datum vt in alia.

EPISTOLA CIII.

TURRITANO ARCHIEPISCOPO.

Vt de consanguinitate inter Iudicem Calaritanum, & uxorem cognoscat.



ILECTVS filius nobilis vir Vv. Calaritanus Iudex, petitorio nobis oblato suggestit; quòd inter ipsum, & nobilem mulierem G. filiam Comitis Guidonis, quam duxerat in uxorem, illa consistit linea parentelæ, quæ inter eos legitimum existere coniugium non permittit. Verùm nobis humiliter supplicauit, vt supra hoc Apostolico dignaremur ei suffragio providere. Quocirca fraternitati tuæ per Apostolica scripta mandamus: quatinus assumptis. Ve. F. N. Arboren Archiepiscopo, & alio viro prudente, quem dicta mulier duxerit eligendum, audias causam cum illis, vel eorum altero, si ambo nequiverint, vel noluerint interesse, & eam appellatione remota Canonico sine decidas; faciens quod decreueris per censuram Ecclesiasticam firmiter

obseruari. Quòd si præfata nobilis infra terminum quem duxeris præfigendum, tibi neglexerit coniudicem assignare, tu nihilominus secundum formam præscriptam in causa procedas, præsertim si carnalis comixtio sicut accepimus inter eos non fuerit subsequuta. Datum vt in alia.

E P I S T O L A C I V.

IEROSOLIMITAN PATRIARCHÆ APOSTOLICÆ SEDIS LEGATO.

Regem Cypri moneat vt suum Comestabulum in gratiam recipiat.



RAVI nobis dilectus filius nobilis vir. G. Montis Beliard Regni Ierosolimitani Comestabulus conquestione monstrauit; quòd cùm ipse charissimum in Christo filium nostrum Hug. Cypri regem illustrem, & Regnum eius sicut Baiulus fideliter custodierit. Idem Rex postquam ad legitimam peruenit ætatem, ipsi pro bonis mala retribuens, eundem, & suos, licet in ipsum defectum aliquem non inuenerit, sinè iudicio Curiz, à Regno eius eiecit, & sibi abstulit terram suam. Licet autem dictus nobilis viribus, sicut asserit, ius suum recuperare potens existat, ob reuerentiam tamen apostolicæ sedis, & terræ sanctæ necessitatem, cui ex hoc posset periculum imminere, viribus ad huc vt noluit contra eum, sed potius ratione. Quocirca. F. tux per A. scripta mandamus; quatinus dictum Regem efficaciter moneas, & prudenter inducas, vt pro reuerentia apostolicæ sedis, & nostræ; necnon terræ sanctæ subsidio, in quo idem nobilis strenuè proponitur laborare, ipsum in gratiam suam recipiens, sinè difficultate sibi restituat iura sua: iniungendo nihilominus nobili memorato, vt eidem Regi seruitium exhibeat, & honorem. Licet autem non intelligamus ad præsens, super hoc aliud expressius iniungendum: tibi tamen, de quo plenè confidimus, vices nostras duximus committemdas, vt præuia ratione procedas, sicut prouidentia dictauerit procedendum. Datum Lateran. viij. Kal. Octob.

E P I S T O L A C V.

PATRIARCHÆ ANTIOCHENO.

*Comittit causam super matrimonio Sororis Regi Cypri,
& O. de Dempera.*



VERELAM dil. fil. nobilis viri. O. de Dempera recepimus continentem, quòd licet ipse nobilem mulierem E. Sororem charissimi in Christo filij nostri Hug. Cypri Regis Illustris legitime duxerit in vxorem, & inter eos matrimonium consummatum extiterit comixtione carnali. Nobil. tamen vir. R. Nepos Illustris Regis Armeniæ sibi eandem illicite copulans, in animæ suæ periculum ipsam detinere præsumit. Quocirca fraternitati tuæ per apostolica scrip. mand. quatinus partibus conuocatis audias causam; & si de partium fuerit voluntate, ipsam Canonico sine decidas; alioquin inquisita super his plenius veritate, nobis eam fideliter nuntiare procures, vt de vultu nostro iudicium prodeat æquitatis. Datum Lateran. viij. Kal. Octob.

EPISTOLA CVL

PRIORI ET FRATRIBVS S. BARTHOLOMEI DE TRISVLTO CARTVSIEN.
ORDINIS, TAM PRESENTIBVS, QVAM FVTVRIS HEREMITICAM
VITAM PROFESSIS IN PERPETVVM.

Confirmat & recipit sub protectionem Monasterium cum possessionibus.



IN EA cultura celestis in qua manu diuina Cartusien. est ordo plantatus, ita iam palmites suos longè latèque diffudit, flores producentes, & fructus vberes, ac suauēs, vt eorum delectari fragrantia decreuerimus, iuxta nos ipsius desiderabile germen habere: non solum, vt eius intercessionibus apud Dominum efficacius adiuuemur, verum etiam ipse ordo ex apostolica sedis vicinitate familiarius sibi iungatur in visceribus charitatis. Vnde nos Ecclesiam S. Bartholomæi de Trisulto iam dudum ordini vestro concessimus, facientes ibidem construi Monasterium secundum ipsius ordinis instituta. Vestris igitur iustis precibus annuentes, præfatum S. Bartholomæi Monasterium, in quo diuino estis obsequio mancipati, sub B. Petri, & nostra protectione suscipimus, & præsentis scripti priuilegio communimus. In primis siquidem statuentes, vt Heremiticus ordo, qui secundum Deum, & institutionem Cartusien. Fratrum in eodem loco per nos institutus esse dinoscitur, perpetuis ibidem temporibus inuiolabiliter obseruetur. Præterea quascumque possessiones, quæcumque bona idem Monasterium impræsentiarum rationabiliter obtinet, aut in futurum &c. vsque consistent. Terminos autem qui domui vestræ prouidè sunt statuti, auctoritate apostolica confirmamus. Qui profecto sunt hi videlicet, Riuus veniens de Guarcino, vsque dum iungitur flumini Colopardi, apud sanctum Calixtum de Antonna. Inde teditur circumeundo per sanctum Gregorium de Obscurano, per Lauacellum, per sanctum Aegidium de Colle, per Collem de Arella. Inde descenditur, ad Riuum vallis, ex parte Casemarij, ad Ecclesiam sanctæ Mariæ de Macena. Ibi ex altera parte vallis, incipiunt quædam Montana vsque contra Petram malam peruenientia, per hæc loca: videlicet, sanctum Ioannem de Præclis; sanctum Angelum de Mortaria. Vallem Fraxinorum. A Petra mala itur circumeundo per montana, vsque dum venit ad Campum vanum, supra Guarcium; & inde descenditur per vallem citra Guarcinum, vsque ad Riuum eiusdem Castri in principio nominatum. Ad instar quoque Felicis memoriæ Celestini Papæ Prædecessoris nostri, qui capitula subsequebantur ordini vestro concessit, sicut in eius priuilegio nos ipsi perspeximus contineri, auctoritate apostolica interdiciamus, & sub interminatione anathematis prohibemus; ne quis infra prædictos terminos domus vestræ, hominem capere, furtum, seu rapinam committere, aut ignem apponere, vel homicidium perpetrare audeat, aut homines venientes ad domum vestram, vel redeuntes ab ea quomodolibet perturbare. Vt ob reuerentiam Dei, & domus vestræ infra præfatos terminos, non solum vos, & fratres vestri, sed etiam alij plena pace gaudeant, & quiete. Liceat quoque vobis Clericos, vel laicos liberos, & absolutos, è seculo fugientes, ad conuersionem vestram recipere, & eos absque

vllius contradictione in vestro Collegio retinere. Prohibemus insuper, vt nulli Fratrum vestrorum post factam in eodem loco professionem, absque licentia sui Prioris eas sit de Claustro vestro discedere. Discedentem verò absque litterarum communium cautione, nullus audeat retinere. Sanè laborum vestrorum, quos proprijs manibus, vel sumptibus colitis, siue de vestrorum animalium nutrimentis, nullus à vobis &c. vsque præsumat. Adjicientes quoque statuimus, vt infra dimidiam Leugam à terminis possessionum vestrarum, nulli religioso liceat quodlibet ædificium de nouo construere, vel possessiones acquirere, sinè vestro consensu, vel Romani Pontificis licentia speciali. Consecrationes verò altarium, seu basilicarum, ordinationes Clericorum vestrorum qui ad sacros ordines fuerint promouendi, à Diocesano suscipiatis Episcopo, communionem, & gratiam apostolicæ sedis habente; si ea vobis gratis, & absque prauitate aliqua voluerit exhibere. Alioquin liceat vobis quemcūque malueritis Catholicum adire antistitem, qui nimirum nostra fultus auctoritate, vobis quod fecerit postularum impendat. Insuper auctoritate apostolica inhihemus, ne Diæcesanus Episcopus, vel alia quæcūque persona vos ad Synodos, vel Conuentus ire forenses, seu iudicio seculari de vestra propria substantia, vel possessionibus vestris subiacere compellat, nec ad domum vestram non vocatus ratione ordinis celebrandi, causas tractandi, vel aliquos publicos conuocandi Conuentus venire præsumat; nec regularem electionem vestri Prioris impediatur, aut de instituendo, vel remouendo eo qui pro tempore fuerit, contra statuta Cartusien. ordinis se aliquatenus intromittat. Porro si Diæcesanus Episcopus, vel alij Ecclesiarum Rectores in Monasterium vestrum &c. vsque, decernimus irritandam. Nec litteræ illæ habeant firmitatem, quas tacito nomine Cartusien. ordinis contra tenorem apostolicorum priuilegiorum constiterit impetrari. Statuimus etiam, vt propter interdictum terræ commune, Monasterium vestrum excommunicatis, & interdictis exclusis, à diuinis non cogatur officijs abstinere. Obeunte verò te nunc eiusdem loci Priore, &c. vsque profutura. Salua sedis apostolicæ auctoritate. Si qua igitur in futurum &c. cunctis autem eidem loco &c. vsque in finem. Datum Lateran. per manum Ioannis Sanctæ Mariæ in Cosmidin Diaconi Card. Sanctæ Romanæ Ecclesiæ Cancellarij ij. Kal. Octob. indictione xv. Incarnationis Dominicæ. Anno millesimo ducentesimo vndecimo. Pont. verò Domini Innocentij Papæ iij. Anno xiiij.

EPISTOLA CVII.

PRIORI ET FRATRIBVS CARTUSIEN.

Presbyter causans abortum partus viuificati, abstinere debet ab altari.



ICVT ex vestrarum tenore perpendimus litterarum, cum quidam Presbyter vestri ordinis, qui prius fuerat Niger Monachus, quandam mulierem pregnantem cum qua contraxerat consuetudinem inhonestam, & quæ assererat se concepisse ab eo, per zonam arripuerit quasi ludens; ipsa postmodum, mulier sic ex eo se asserit fore læsam, quod occasione huiusmodi abortiuit. Propter quod idem Presbyter, proborum virorum vsus consilio, seipsum duxit ab altaris ministerio sequestrandum.

Quare nobis humiliter supplicastis, ut cū eo misericorditer agere dignaremur. Nos vero deuotioni vestræ insinuatione præsentium respondemus, quod si nõdum erat viuificatus conceptus poterit ministrare, alioquin ab altaris debet officio abstinere. Datum Lateran. iiii Non Octob. Pont. n. Anno xliij.

EPISTOLA CVIII.

VNIVERSIS ARCHIEPISCOPIS, ET EPISCOPIS AD QVOS
LITTERÆ ISTÆ PERVENERINT.

Vide plano causas Carthusiensium & Cisterciensium determinent.



VM inter omnes Religiosos nostri temporis viros, Cisterciens. & Carthusien. ordinum Fratres, magna per Dei gratiam polleant honestate. Si quam forsitan inter eos, humani generis inimico disseminante zizaniam, materia litis exoritur, per quam apud eos sanctæ quietis otium perturbetur. Nos qui puritatem religionis ipsorum feruenti charitate zelamus, non possumus non moueri. Scientes quod contentiones huiusmodi, à suo proposito alienæ, religionis maculant puritatem: cū secundum apostolum, seruum Dei non oporteat litigare. Vt igitur Diabolicae fraudis astutia, quæ ut in eis religionem commaculet, lites suscitât inter ipsos, per apostolicæ sollicitudinis studium celeriter elidatur. Vniuersitati vestræ per apostolica scripta mandamus, quatinus cū in Diocesis vestris aliqua fuerit inter eos materia litis exorta, vos sine mora partes vestras interponatis ad pacem, inter eos amicabiliter reformandam. Quod si forsan hoc modo prouenire non poterit, sine sumptu, & strepitu causam inter eos mediante iustitia terminetis. Facientes quod decreueritis per censuram Ecclesiasticam, sublato cuiuslibet contradictionis, & appellationis obstaculo firmiter obseruari. Datum Laterani iiii. non. Octob. Pont. nostri Anno. xliij.

EPISTOLA CIX.

KARISSIMO IN CHRISTO FILIO NOSTRO. H. ILLVSTRI
CONSTANTINOPOLITAN. IMPERATORI.

Vt Castrum de Situm restituat Templarijs.



RAVE gerimus & molestum, quod cū tu, & alij crucesignati ad hoc debueritis circa captionem, & detentionem Imperij Romanicæ intendere principaliter, ut per illud subueniretis commodius terræ sanctæ. Tu non solum eidem nullum curasti adhuc subsidium ministrare, verum etiam fratribus Militiæ Templi, qui pro ipsius terræ defensione totis viribus elaborant, infers molestias, & iacturas. Castrum de Situm super Rauenica cum pertinentijs suis ipsis auferens pro tua arbitrio voluntatis. Et licet iam sæpe pro restitutione ipsius tibi direxerimus scripta nostra, tu tamen preces nostras pertransisti hætenus aure surda: prout debueras non attendens, quàm benigne, ac efficaciter tuas preces curauerimus exaudire, quantumve nostrum auxilium tibi fuerit hætenus opportunum. Quod si tibi forsan, tua promerente duritia, duxerimus subtrahendum, experimento cognosces, quantum tibi vile, fuerit,

fuerit, quantumue subtractum auferat detrimentum. Quocirca Serenitatem tuam rogamus, atque & monemus, & exhortamur in Domino, quatinus Castrum prefatum cum pertinentijs eius, sine difficultate restituas fratribus antedictis; & nullam super eo de cetero ipsis molestiam inferas, vel grauamen. Alioquin cum eis ulterius nolumus, sicuti nec debemus, in suo iure deesse, qui sumus omnibus in iustitia debitores, pro certo cognoueris, quod supra hoc officij nostri debitum exequemur. Datum Lateran. iij. non. Octob. Pont. n. Anno decimoquarto.

EPISTOLA CX.

THEBAN. CAPITVLO.

Confirmat remissionem Crusticæ.

EX parte vestra fuit propositum coram nobis, quod cum vos nobilibus viris. Oddon. de Roca Domino Atheniensi, & G. Nepoti eius, trecenta viginti Yperpera, & amplius teneremini nomine Crusticæ reddere annuatim, dictus O. medietatem ipsius Crusticæ pertinentem ad ipsum, vobis pia liberalitate remisit. Pro remissione verò medietatis alterius, prefato G. quingenta Yperpera soluere certo termino promissistis. Verum cum nobilis vir G. Princeps Achæ, ad quem ratione feudi dicta Crustica pertinebat, remissionem huiusmodi liberaliter acceptarit; nobis humiliter supplicastis, ut remissionem eandem dignaremur vobis auctoritate apostolica confirmare. Nos igitur vestris precibus inclinati, remissionem Crusticæ memoratz, sicut pie, ac prouidè facta est, & in authenticis inde confectis plenius continetur, auctoritate apostolica confirmamus, & presentis scripti patrocinio communimus. Nulli ergo omnino hominum liceat, hanc paginam nostræ confirmationis infringere, vel ei ausu temerario contraire. Siquis autem hoc. &c. vsque incursum. Datum Lateran. Kal Octob. Pont. n. Anno. xiiij.

EPISTOLA CXI.

ARCHIEPISCOPO, ET DIL. FIL. DECAN. ET T. CANONICO THEBANIS

Vt mandent executioni sententiam latam super Domo de Ieracomita, inter Patracensem Archiepiscopum, & Fratres Militie Templi.

VENERABILES Fratres nostri. Daulien. & Cardicen. Episcopi per suas nobis litteras intimarunt, quod cum causam quæ super Domo de Iheracomite, ac rebus alijs valentibus duo millia sexcenta & decem & octo Yperpera, inter dilectos filios Fratres Militie Templi ex parte vna, &... venerabilem Fratrem nostrum.... Patracen. Archiepiscopum ex altera vertebatur, eis & dilecto filio. Nazarocen. electo duxerimus committendam. Ipsi cum idem Electus eis commiserit vices suas, & eisdem constiterit plenius prædictos Fratres rebus prefatis fuisse contra iustitiam spoliatos; possessionem earum, salua questione proprietatis, de prudentum virorum consilio sententialiter adiudicarunt eisdem. Et condemnantes prefatum Archiepiscopum in moderatis expensis, in eos qui præfumerent eorum

sententiæ contraire, excommunicationis sententiam promulgarent. Quocirca discretioni vestræ per apostolicam scripturam mandamus, quatinus prædictas sententias, definitivam videlicet, sicut est iusta, per censuram Ecclesiasticam, & excommunicationis, sicut rationabiliter est prolata, usque ad satisfactionem idoneam faciat auctoritate nostra, sublato appellationis obstaculo, firmiter observari. Quod si non omnes his exequendis potueritis interesse, tu Frater Archiepiscopo cum eorum altero, ea nihilominus exequaris. Datum Lateran. ij. Kal. Octob. Pont. N. Anno xiiij.

EPISTOLA CXII.

AVELONEN. EPISCOPO, ET DIL. FIL. THESAURARIO,
ET T. CANONICO THEBAN.

Confirmat compositionem factam inter Theban. Archiepiscopum, & Capitulum, de redditibus Ecclesiæ.

DILECTI filij Athenien. Capitulum nobis humiliter supplicarunt, ut compositionem inter eos ex parte una, & venerabilem Fratrem nostrum eorundem Archiepiscopum ex altera, super ipsius Ecclesiæ redditibus, ac facultatibus amicabiliter initam, auctoritate dignaremur Apostolica confirmare. Quocirca discretioni vestræ per Apostolica scripta mandamus, quatinus compositionem ipsam, sicut ad utilitatem Ecclesiæ sine prauitate prouidè facta est, & ab utraque parte sponte recepta, ac in authentico inde confecto plenius continetur, faciatis per censuram Ecclesiasticam appellatione remota firmiter observari. Quod si non omnes his exequendis potueritis interesse, tu ea Frater Episcopo, cum eorum altero, ea nihilominus exequaris. Datum Lateran. ij. Kal. Octob. Pont. n. Anno xiiij.

EPISTOLA CXIII.

ARCHIPRESBITERO S. LAVRENTII, ABBATI S. GEMINI, ET SANCTÆ MARIE
NOVÆ, ET S. ANGELI DE SPATA, S. STEPHANI
DE PLATEA FRAIANORVM.

Confirmat relaxationem procurationum ab Episcopo Viterbiensi eis datam.

QUOD Vobis à nobis petitur &c. usque effectum. Ea propter dilecti in Domino Filij vestris iustis postulationibus grato concurrentes assensu. Relaxationem procurationum, quam Vene. F. N. R. Viterbien. Episcopus, sponte, ac prouidè vobis indulxit, sicut piè, ac prouidè facta est, & in instrumentis publicis noscitur contineri, auctoritate Apostolica confirmamus, & præsentis scripti patrocinio communimus. Decernimus ergo &c. usque. nostræ confirmationis infringere &c. Siquis autem, usque incursum. Datum Later. viij. Idus Octob. Pont. Anno xiiij.

E P I S T O L A CXIV.

ABBATI S. STEPHANI BONONIEN, ET MAGISTRO. GRE. DECRETORYM
DOCTORI. BONONIAE COMMORANTI.


*Ut suspendat Alexandrinum Episcopum, ob Simoniacas passionis ab eo
factas, in lite, qua in curia Rom. pendebat.*

ILIVS testimonium inuocamus qui testis est in cælo fidelis, quod quantum ipse nobis donare dignatur, à quo est omne datum optimum, & omne donum perfectum, negotia quæ ad sedem apostolicam perferuntur, cum puritate, ac honestate tractare, ac expedire curamus, venalitatis vitium, quod ex cupiditate procedit, quæ radix est omnium vitiorum, omnimodis detestantes. Sicut etiam illi possunt perhibere testimonium veritati, qui pro diuersis negotijs exequendis ad Romanam Ecclesiam frequenter accedunt, quam per diuini muneris gratiam, ab huiusmodi labis contagio seruare satagimus expiatam; vt quod gratis accepimus, gratis demus, nullatenus sustinentes quod in causis Ecclesiasticis aliqua passio, vel conuentio, seu etiam promissio intercedat: quatinus si quid interdum post finem negotij fuerit exhibitum, non per necessitatem extortum, sed per deuotionem appareat esse collatum. Verùm mirari cogimur, & moueri, super eo quod ab Alexandrino Episcopo didicimus attentatum, ex iuramento quod ipsemet præstitit in causa, quæ inter ipsum, & quosdam mercatores Romanos eorum vobis ex delegatione nostra exitit ventilata. Qui cum ab eo quandam repeterent pecuniarum quantitatem, quam Romæ suis procuratoribus mutuauerant, litteras eius habentibus de mutuo contrahendo. Ipse suum recognoscens esse sigillum, quod litteris erat impressum, sed negans eas de sua conscientia processisse constanter asseruit, quod centum libras eis soluerat pro expensis, & potestatem illis concesserat, vt si possent forsitan obtinere, quod Ecclesiæ, quæ ad Alexandrinam Ecclesiam, sicut olim statutum fuerat, accedebant, ire ad eam minimè tenerentur, & quod idem Episcopus octo locorum Ecclesias pacificè possideret, vsque ad centum quinquaginta libras mutuum contrahere liceret eisdem. Si verò impetrare possent, vt omnes possessiones Ecclesiæ sancti Martini de Foris, ad Alexandrinam Ecclesiam pertinerent, vsque ad trecentarum librarum summam possent liberè à mercatoribus mutuare. Ex his quidem euidenter apparet, quid de nobis idem Episcopus senserit, quos ad bona Ecclesiastica concedenda, per interuentum pecuniarum indeci posse putabat, quidve dari mandauerit pro bonis Ecclesiasticis obtinendis, cum expressè taxauerit, quantam pro istis, & quantam pro illis possent pecuniam mutuare. Quia verò non solum à malo, sed ab omni specie mali præcipit apostolus abstinere; nos zelo Ecclesiasticæ honestatis accensis, tanre præsumptionis, ac turpitudinis malum corrigere cupientes. Per. A. vobis scripta præcipiendo mandamus, quatinus auctoritate nostra suffulti, præfatum Episcopum ab executione Pontificalis, & Sacerdotalis officij, sublato cuiuslibet contradictionis, & appellationis obstaculo, publicè suspendaris. Vt eius exemplo similia ceteri agere pertimescant, facientes sententiâ suspensionis huiusmodi per censuram Ecclesiasticam firmiter obseruari. Dat. Lateran. iiii. Idus. Octob. Pont. n. anno xiiij.

EPISTOLA CXV.

NOBILI MULIERI M. FILIÆ S. QVONDAM
REGIS PORTVGALEN.


Recipit sub protectionem B. Petri, cum bonis.

 LYM ad petitionem inclitæ memoriæ S. Patris tui Regis Porugalen. testamentum quod fecerat in mortis articulo constitutus, duximus confirmandum. Verùm quia dubitas, ne supra his quæ tibi eodem testamento legauit, ab aliquibus tibi molestia inferatur, nobis humiliter supplicasti, vt eadem tibi auctoritate dignaremur apostolica confirmare. Nos igitur tuis precibus inclinati, personam tuam cum omnibus bonis, quæ impresentiarum rationabiliter possides, aut in futurum iustis modis præstante Domino, poteris adipisci, sub B. Petri, & nostra protectione suscipimus. Et Baucias, Tuias, & Aoruca, cum pertinentijs suis, quæ tam dictus pater, & mater tua cum omnibus filijs, & filiabus suis tibi donauit; quàm hereditates, quas tibi nobilis mulier. V. Egee nomine, quæ te nutriuit, & adoptauit in filiam hereditario tibi iure concessit, sicut iustè, ac pacificè possides, deuotioni tuæ auctoritate apostolica confirmamus, & præsentis scripti patrocinio communimus. Nulli ergo omnino hominum liceat hanc paginam nostræ protectionis, & confirmationis infringere, &c. vsque contraire. Siquis autem, &c. vsque incursum. Datum Lateran. iij. Idus Octob. Pont. n. Anno xiiij.

EPISTOLA CXVI.

ARCHIEPISCOPO COMPOSTELLAN. ET. VLIXBONEN.
ET EGITANIEN EPISCOPIS.

Super eodem.

 D petitionem inclitæ memoriæ olim S. Regis Portugalen. testamentum quod fecerat in mortis articulo constitutus, duximus confirmandum. Verùm quia nobilis mulier. M. filia Regis ipsius dubitat, ne super his quæ sibi eodem testamento legauit, ab aliquibus ei molestia inferatur, nobis humiliter supplicauit, vt eadem sibi confirmare auctoritate apostolica dignaremur. Nos igitur ipsius precibus inclinati, personam suam cum omnibus bonis, &c. vt in confirmatione. In eundem ferè modum, vsque, sicut ea iustè ac pacificè possidet, eidem curauimus auctoritate apostolica confirmare. Quocirca fraternitati vestræ per apol. scrip. mandamus, quatinus siquis prædictam nobilem super bonis prædictis præsumpserit temerè molestare; vos illum à præsumptione sua, per censuram Ecclesiasticam sublato appellationis obstaculo ratione præuia compescatis. Quòd si non omnes his exequendis, &c. duo vestrum ea nihilominus exequantur. Datum Lateran. non. Octob. Pont. n. Anno. xiiij.

EPISTOLA CXVII.

NOBILIBVS MVLIERIBVS TARSIE REGINÆ, ET.. S. FILIABVS
S. QVONDAM REGIS PORTVGALEN.

Recipit sub protect. B. Petri.



LIM ad petitionem inclitæ memoriæ S. Patris vestri Regis Portugalen. testamentum quod fecerat in mortis articulo constitutus, duximus confirmandum. Verùm quia dubitatis ne super his quæ vobis eodem testamento legauit, ab aliquibus vobis molestia inferatur.

Nobis humiliter supplicastis, vt eadem vobis confirmare auctoritate apostolica dignaremur. Nos igitur vestris precibus inclinati, personas vestras. Cum omnibus bonis, quæ impræsentiatum rationabiliter possidetis, aut in futurum iustis modis præstante Domino, poteritis adipisci, sub B. Petri, & nostra protectione suscipimus. Et Castrum Montis maioris, & villam Hisguerra quod tibi Reginæ T. & Castrum de Alanquer, quod tibi S. cum pertinentijs eorundem, dictus pater cum omnibus filijs, & filiabus suis donauit, sicut ea iustè, ac pacificè possidetis, deuotioni vestræ auctoritate apostolica confirmamus, & præsentis scripti patrocinio communimus. Nulli ergo &c. nostræ protectionis, & confirmationis infringere, vel ei ausu temerario contraire. Siquis autem &c. vsque incursum. Datum Lateran. iij. Idus. Octob. Pont. n. Anno xiiij.

EPISTOLA CXVIII.

COMPOSTELLAN. ARCHIEPISCOPO ET ZAMOREN. ET..
ASTORICEN EPISCOPIS.

De eodem.



D petitionem olim inclitæ memoriæ S. Regis Portugalen. testamentum quod fecerat in mortis articulo constitutus, duximus confirmandum. Verùm quia nobiles mulieres Tarsia Regina & S. Filia Regis ipsius dubitant, ne supra his quæ sibi dictus Rex eodem testamento legauit, ab aliquibus eis molestia inferatur, nobis humiliter supplicarunt, vt eadem eis confirmare auctoritate apostolica dignaremur. Nos igitur ipsarum precibus inclinati, personas suas cum omnibus bonis &c. vt in confirmatione, in eundem ferè modum, vsque, sicut ea iustè, ac pacificè possident, ipsis curauimus auctoritate apostolica confirmare. Quocirca fraternitati vestræ per apostolica scripta mandamus, quatinus siquis predictas nobiles super bonis prædictis, præsumpserit temerè molestare, vos illum à præsumptione sua, per censuram Ecclesiasticam sublato appellationis obstaculo, ratione præuia compescatis. Quod si non omnes &c. nihilominus exequantur. Datum Lateran. non. Octob. Pont. n. Anno. xiiij.

EPISTOLA CXIX.

PRIORI ET CONVENTUI S. VINCENTII VLIXBONEN.

*Confirmat compositionem inter eos, & Episcopum
Vlixbonensem factam.*

CUM à nobis petitur quod iustum est, & honestum &c. vsque effectum. Ea propter dilecti in Domino filij &c. vsque assensu. Compositionem quam dilecti filij F. Prior & P. Cantor. Alcobatiz iudices à sede apostolica delegati, super libertate, exemptione, ac alijs rebus Monasterij vestri, inter vos, & venerabilem Fratrem nostrum ... Episcopum Vlixbonen. fecerunt, sicut sine prauitate prouidè facta est, & ab vtraque parte sponte recepta; & in eorum authentico continetur, auctoritate apostolica confirmamus, & presentis scripti patrocinio communimus. Nulli ergo omnino hominum, &c. nostræ confirmationis infringere, &c. vsque, contraire. Siquis autem &c. vsque, incursum. Datum Lateran. non. Octob. Pont. n. Anno xiiij.

EPISTOLA CXX.

ABBATI SUPPRIORI ET SACRISTÆ ALCOBATILÆ VLIXBONEN. DIOEC.

Vt dictam compositionem faciant obseruari.

DILECTI filij ... Prior & Conuentus Monasterij S. Vincentij Vlixbonen. à nobis humiliter postularunt, vt compositionem quam dilecti filij .. F. Prior & P. Cantor. Alcobatiz iudices à sede apostolica delegati, super libertate, exemptione, ac rebus alij eiusdem Monasterij inter ipsos, & venerabilem Fratrem nostrum Episcopum Vlixbonen. fecerunt, prout in eorum authentico continetur. Apostolico dignaremur munimine roborare. Ideoque discretionem vestræ per apol. scrip. mandamus, quatinus compositionem ipsam, sicut sine prauitate prouidè facta est, & ab vtraque parte sponte recepta, faciatis per censuram Ecclesiasticam sublaro appellationis obstaculo inuiolabiliter oblectuari. Quòd si non omnes &c. vsque, exequantur. Datum Lateran. non. Octob. Pont. n. Anno xiiij.

EPISTOLA CXXI.

LYNDEN. ARCHIEPISCOPO ET ... EPISCOPO RIPEN.

Vt inquirent de dispensatione per falsitatem obteuta super consanguinitate.

D nostram noueritis audientiam peruenisse, quod Strango ciuis Lunden. per suggestionem falsitatis, & veritatis suppressionem in quarto affinitatis gradu, quo suam contingit vxorem, à nobis dispensationis litteras impetrauit. Afferuit namque quòd ante contractum matrimonium gradum affinitatis eiusdem ignorarat omnino, ac sibi vitæ periculum imminere, nisi cohabitaret eidem; quod vtique à veritate, sicut accepimus, est penitus alienum. Quin potius si huiusmodi copula permittatur, quam-

plures exemplo ipsius ad contractus illicitos aspirabunt, nec ab eis poterunt cohiberi. Quocirca fraternitati vestræ per apol. scrip. mandamus, quatinus vocatis qui fuerint euocandi, si præmissis veritas suffragatur, cum intentionis nostræ non fuerit huiusmodi peccatori mendaci, dispendationis beneficium indulgere, litteris illis nequaquam obstantibus, quod Canonicum fuerit, sublato appellationis obstaculo statuatis. Facientes quod decreueritis, per censuram Ecclesiasticam firmiter obseruari. Datum Lateran. vij. Idus Nouemb. Pont. n. anno xiiij.

EPISTOLA CXXII.

CESARAVGVSTAN. ET TYRASONEN. EPISCOPIS, ET R. LAIN
ARCHIDIACONO IACCEN. OSCEN. DIOEC.

*Committit inquisitionem in Ecclesia Pampilonensi, & ut Episcopum
ibi eligi faciant, alio deposito.*

NE vinea Domini Sabbaóth redigatur in solitudinem ex neglectu, & vuas non valens producere, tribulos germinet, arque spinas: oportet nos in eam mittere operarios, cum ipsam personaliter excolere non valemus, qui extirpatis nociuis, & amputatis superfluis, ac pro paginibus subrogatis, ad fructus producendum operatos, habilem eam reddant. Sanè ex litteris Pampilonen. Conuentus nostris est auribus intimatum, quòd cum venerabil. Frater noster... Episcopus, & dilecti filij S. de Aoies. Archidiac. Oscen. & Decanus Tyrasonen. iudices delegati à nobis, I. quondam eorum Episcopum à Pampilonem Ecclesia remouissent, ac sub pœna excommunicationis iniunxissent eisdem, ut electionem de persona idonea celebrarent: Ipsique Karissimo in Christo filio.. Illustri Regi Nauarræ mandatum huiusmodi ostendissent, idem id non sustinens patienter ad sedem apostolicam appellauit, & inhibuit eis ne aliquatenus eligerent sine ipso, graues minas intentans, tam illis qui eligerent, quam ei qui electionem reciperet de se factam: propter quod ipsi ultra terminum ad eligendum sibi præfixum eligere differentes, excommunicationis sententiam incurrerunt. Postmodum verò redeuntes ad cor, & Deum homini præferentes, absolutionis beneficium impetrarunt, iuratoria iuxta formam Ecclesiæ præstita cautione, ex qua sumpta occasione Rex idem totum ferè conuentum, præter septem, qui fauebant eidem, & diuina officia celebrabant excommunicationis sententia pampipensa, à Regno suo prorsus eiecit. Personatus eorum, beneficia, ac quælibet bona Ecclesiæ, quæ ad dispositionem pertinebant illorum, pro suis occupans arbitrio voluntatis. Præterea idem Episcopus defuncto bonæ memoriæ P. Eximinij mensis ipsorum Archidiacono Archidiaconatum illius fretus Regis potentia eisdem contradicentibus occupauit, ipsum M. Petri post interpositam ad nos appellationem assignans: licet de antiqua, & approbata consuetudine Pampilonen. Ecclesiæ, assignatio Archidiaconatus eiusdem, simul ad Episcopum, & Capitulum pertineret. Propter quod non modicum scandalum est exortum, quia, sicut fama publica protestatur, dictus M. pro collatione Archidiaconatus illius, quatuor millia præfato Episcopo prestitit

obolorum : & Conuentus nihil de sua mensa recepit, à tempore, quo dictus Archidiaconatus fuit collatus eidem. Vnde non immeritò metuunt, quòd bona mensæ ad nihilum redigi debeant, si dictus M. non remoueat ab illo. Ipse namque Eleemosinæ, ac Infirmarie bona destruxit, dissolutè viuendo, & Archidiaconatum Sanctæ Gemmæ, cui tunc temporis præsidebat, ignorante Capitulo, pro magna pecuniæ quantitate pignori cuidam Militi obligauit, quem iam per octo annos detinuit, & adhuc detinet idem Miles. Idem quoque Episcopus ad alienationes illicitas, manus extendens, Castra de Huarach & Monteiardin, quæ inter bona Pampilonen. Ecclesiæ pretiosissima reputantur, irrequisito Capitulo prædicto Regi concessit, qui eâ detinet violenter in enorme ipsius Ecclesiæ detrimentum. In cuius præiudiciū præfatus Episcopus ante latam in eum remotionis sententiam, multa de bonis eius illicitè alienare præsumpsit, non solum Capituli, verum etiam illorum irrequisito assensu, quos ei coadiutores duximus deputandos. Porro præfatus M. quia idem Conuentus mandato prædictorum iudicum paruerunt, in eorum Ecclesia seculares Clericos introduxit, qui spreta sententia iudicum eorundem, in ipsa cum excommunicatis præfatis diuina non metuunt celebrare. Cùm igitur impedicta Ecclesia sit adeò, sicut asseritur, desolata, quòd nisi ei per nostræ sollicitudinis studium succurratur, vix adicere valeat vt resurgat, & excommunicatorum illorum malitia faciente quasi redacta insolitudinem, spinas, & tribulos iam cepit germinare. Discretionì vestræ per apostolica scripta mandamus, & districtè præcipimus, quatinus ad præfatam Ecclesiam personaliter accedentes, & habentes præ oculis solum Deum, ac super statu ipsius inquisita plenius, & cognita veritate, auctoritatè nostra, gratia, odio, & mundano timore postpositis, ex ea euellatis nociua, & plantetis vtilia; ac reuocatis eiectis, detis Capitulo eligendi sibi Pontificem liberam facultatem: iniungentes eisdem, vt vobis præsentibus electionem de persona idonea canonicè statuant celebrare. Ea verò quæ de bonis ipsius Ecclesiæ, tam ab ipso Episcopo, quàm ab alijs alienata inueneritis illicitè, vel distracta, ad ius, & proprietatem ipsius legitime reuocantes, & illa quæ sunt per violentiam occupata, cum fructibus perceptis ex eis, sicut iustum fuerit, Capitulo restitui facientes, super mensæ Archidiaconatu prædicto quod Canonicum fuerit statuatis. In his omnibus appellatione postposita processuri. Contradictores si qui fuerint, vel rebelles, per censuram Ecclesiasticam compescendo. Nullis litteris veritati, & iustitiæ præiudicantibus à sede apostolica impetratis. Quòd si non omnes &c. duo vestrum &c. Datum Lateran. non. Nouemb. Pont. n. anno xliij.

EPISTOLA CXXIII.

EPISCOPO ET DIL. FIL... ABBATI S. VICTORIS. ET...
CANCELLARIO PARIISIEN.

*Ne Comes Niuernensis immoderatis procurationibus Monasterium
Verzeliacense aggrauet.*

DILECTI filij... Abbas & Conuentus Virziliacen. sua nobis insinuatione monstrarunt, quòd cùm nobilis vir... Comes. Niuernen. ab eorum

Monasterio pro ipsius custodia duæ procuraciones, in Pascha videlicet, & festo Beatæ Mariæ Magdalenæ exigeret annuatim, & in receptione ipsarum ipsum Monasterium enormiter aggrauaret, maxima Militum, & seruentum multitudine constipatus. Idem mille quingentas Marcas argenti super procuracionibus illis, ei tali conditione mutuo concefferunt, vt in vnaquaque prædictarum solemnitate, si Virziliacum accederet, quinquaginta libris Altisiodoren. monetæ pro moderata esset procuracione contentus. Nec plus pro illa posset exigere, donec ipsi Monasterio redderet prætaxatam pecuniæ quantitatem. Verum nunc, sicut dicitur, vt dictum, possit Monasterium in præfatis procuracionibus aggrauare, terræ suæ questam indixit pro eadem pecunia persoluenda. Cum igitur ius suum in iniuriam conuertere non debeat idem Comes, discretioni vestræ per apostolica scripta mandamus, atque præcipimus, quatinus si forsitan sæpeditum Monasterium per immoderatam procuracionem grauari voluerit, vos ipsius immoderantiam gratia, odio, & timore postpositis, redigatis ad iustum, sublato appellationis obstaculo, moderamen. Contradiçtores per censuram Ecclesiasticam appellatione postposita compescendo. Quod si non omnes &c. tu Frater Episcopo, cum eorum altero &c. Datum Lateran. ij. Idus. Nouemb. Pont. n. anno xiiij.

EPISTOLA CXXIV.

EPISCOPO ET DIL. FIL. ABBATI S. LVPI ET DECAN. TREGEN.

*Ne consuetudinis prætextu à Duce Burgundia Monasterium
Verzeliacense grauetur.*

CVM sicut dilectis filiis.. Abbate & Conuentu Virziliacen intimantibus nostro est apostolatui referatum. Nobilis vir.. Dux Burgundia: grauius eis damna, & iniurias infertens, ter, vel quater in anno villas eorum faciat depraedari, occasione cuiusdam consuetudinis, quam in eisdem villis falsò asserit se habere; & nimis dispendiosum esset, & graue fratribus antedictis, pro singulis querelis totiens apostolicam sedem adire. Discretioni vestræ per. apol. scrip. præcipiendo mandamus: quatinus cum ab eis fueritis requisiti; dictum Ducem, vt eis de damnis, & iniurijs irrogatis coram vobis exhibeat iustitiæ complementum, monitione præmissa per censuram Ecclesiasticam appellatione postposita compellatis. Iurisdictione huiusmodi vsque ad biennij tempus vsuri. Quod si non omnes &c. tu Frater Episcopo, cum eorum altero, &c. Datum Later. ij. Idus Nouemb. Pont. n. anno. xiiij.

EPISTOLA CXXV.

GEBENNEN. EPISCOPO, ET DIL. FIL. ABBATI DE ABUNDANTIA, ET PRIORI DE CONDAMINA GEBENNEN. DIOEC.

Committit inquisitionem contra Archiepiscopum Bisuntinum.

DILECTIS filiis Humberto, Stephano, & Petro, Presbyteris Bisuntina: Diocesis denuntiantibus, nos accepisse noscatis. Quod vene. F.N. Bisuntinus Archiepiscopus, qui deberet esse in dignitate Pontificali ex susceptæ

administrationis officio suis subditis ad exemplum, ipsam non tantum negligens famam suam euacuat viuendo peruersè, verum etiam probrosis, & diuersis excessibus factus multarum laqueus animarum, turpiter, ac publicè sic coinquinare præsumat; quod de candelabro in quo sedet, fumum quibus præstet emittit, in salutis suæ dispendium, potius quam splendorem. Nam vsque adeò est deditus Simoniacæ prauitati, quod penes eum sine ipsa vix Ecclesiæ aliquæ consecrantur, vel alicui aliquid spirituale confertur. Compellens Clericos in in Apostolicæ sedis contemptum ad sacros ordines promouendos iurare, quod per litteras aliquas à sede Apostolica impetratas, aliquod ab eo beneficium petere non præsument. Et illos sustinens qui religionem exeunt, & alios in sacris ordinibus constitutos, ac etiam moniales contrahere matrimonium, & in seculo seculariter conuersari. Cuius Frater vxorem legitimam, eo sciente, relinquens, cum quadam Moniali contraxit, eam in domo publicè detinens vt vxorem; & vt patratum scelus ab alio Fratre suo difficilior reuocari valeret, relictam ab eo, licet inlitteratam, in cuiusdam consecrauit Monastij Abbatissam, ipso Fratre manente in seculo, & continentiam non seruante. Presbyteros, & Clericos suos exactionibus iugibus adeò defatigans, quod ipsi onere paupertatis depressi, tanquam rustici viliter in ignominiam honestatis Ecclesiasticæ incedere compelluntur. Præter hæc autem cuidam Presbytero conferens interueniente pecunia Decanatum: quendam Presbyterum qui manus in alium iniecerat violentas, & eum custodiz tradiderat carcerali, sustinet celebrare: scienter communicans & participans capientibus, & vendentibus Sacerdotes; & legalem matrimoniorum diuortium, si pecunia interueniat, celebrari permittens. Et cum quidam Bisuntini, ac fere omnes Presbyteri Ciuitatis, & Diocesis suæ, publicè detineant concubinas, ipse corrigere illorum aliqueum non attemptat, grauiori contagio maculatus. Quia cum abbatissa Romarici-Montis consanguinitatis eum linea contingente incestum perpetrat impudenter, sicut fama publica ipsum vexat, & prolem à quadam Moniali suscepit, cum cuiusdam Sacerdotis filia quasi publicè fornicando. Et cum in eius domo interfectus fuerit quidam Presbyter, nullam suscepit de ipsius intersectoribus, quos bene nouerat, ultionem. Et excommunicatos in mensa sua recipiens, ac possessiones laicorum titulo pignoris detinens obligatas, quas recepta sorte reddere contradicit. Incendiarios autem omnes, qui ei pecuniam pollicentur, absoluit, se de absoluendis illis potestatem asserens obtinere, ac nullam vel modicam residentiam faciens in Ecclesia Bisuntina, expissime in diebus solemnibus, quibus eandem Ecclesiam suam deberet honorare presentia, se absenteat; sic lubricæ vitæ parenter deseruiens & intendens carnis luxui manifestè, quod laici scandalizati ex eo fornicationem non esse peccatum astruunt criminale. Quia verò supra his clamor ad nos frequenter ascendit, volentes exemplo Domini descendere, ac videre: Discretionem vestræ per Apostolica scripta mandamus, quatinus vocatis, qui fuerint euocandi, & inquisita super his, & alijs diligentius veritate, quod Canonicum fuerit, appellatione postposita statuatis. Causam ipsam sufficienter instructam ad nostrum remittatis examen; præfigentes partibus terminum competentem, quo se nostro conspectui representent, æquitatis iudicium receperunt. Quod si non omnes &c. tu Frater Episcopo cum eorum

altero, &c. Datum Lateran. xvj. Kal. Decemb. Pontificatus nostri anno decimoquarto.

EPISTOLA CXXVI.

EPISCOPO, ET DIL. FIL. ABBATI S. VICTORIS, ET MAGISTRO
R. DE CORZON CANONICO PARISIENSIBVS.

Vt Comes Niuernensis Verzeliacensi Monasterio satisfaciat.

NON solum zelus Domus Domini qui nos comedit, quotiens ab illis opprimitur, per quos deberet ab opprimentibus extento brachio defensori, nos vehementer inducit: verum etiam ille sinceræ dilectionis affectus, quo dilecti filij nobilis viri... Comitum Niuernensium zelamur salutem, & honorem diligimus, exhortatur. Ut si quando nobis aliqua de ipsius actibus referuntur, quæ famam suam obnubilant apud homines, & conscientiam maculant apud Deum, contra libertatem Ecclesiasticam attentando: apud eum monitis, & exhortationibus insistamus. Quatinus prædecessorum suorum sequens vestigia, qui Ecclesiam Dei studuerunt honore congruo venerari, ea pro Deo, & propter Dominum, per seipsam corrigat, & emendet. Diligenti meditatione considerans, quod Dominus iustus iudex principes illos qui se in conspectu eius humiliant, & Ecclesiæ suæ exhibent deuotos, non solum glorificat in futuro, verum etiam magnificat in præsentem, & illorum posteritas est præcisâ de terra, qui libertatem Ecclesiasticam infregerunt. Ad nostram sanè audientiam dilecto filio G. Abbate Virziliacen. significante peruenit, quod cum Comes præfatus Monasterij Virziliacen. defensor esse deberet, & pro eodem se murum defensionis opponere ascendentibus ex aduerso: ipse non solum opprimentibus non obstitit, verum etiam de defensore factus est, quod non sine amaritudine cordis referimus, persecutor. Non minus compatiens eidem, quam Monasterio memorato; quia etsi Monasterio intulerit damna rerum, sibi tamen damnum innocentie, quod est grauius, irrogauit. A quadriennio namque quo ad regimen Monasterij assumptus extitit idem Abbas, eundem fauorabilem non potuit inuenire: quin potius ipsum Monasterium in rebus interioribus, & exterioribus grauiter molestaui; licet per partes de bonorum virorum consilio in quingentis libris Proueniensium & amplius seruiet sibi gratis, cum ad nullum seruitium ex debito teneretur, nec nouus Abbas, sicut Comes eidem obiecerat, aliquod sibi debet seruitium exhibere. His igitur non contentus, cuidam ciui Bituricen. nongentas libras, in quibus ei Monasterium minimè tenebatur, Abbatem eundem soluere compulsi idem Comes, asserens se fideiussorem illi fuisse de prædicta pecunie quantitate. Cuiusdam quoque Iudæi, qui baptismi suscipiens Sacramentum, præfato Monasterio dimiserat centum libras, reuerso ad Iudaismum, quasi canis ad vomitum, Abbatem ipsum coegit persolvere præfatam quantitatem pecunie pro sua libito voluntatis, & seruientes ipsius prædas, somarios, quadrigas, & res alias eiusdem Monasterij, & suorum hominum de terra Monasterij sæpenumero acceperunt. In quibus etsi per eum illa fuerint restituta, Monasterium tamen damnum

non modicum noscitur incurrisse. Idem etiam seruientes nemora Monasterij pro libito destruunt, & quadrigas eiusdem, pro Castrorum ipsius Comitum murionibus capientes, ipsas interdum per tres hebdomadas, & quandoque per mensem detinere præsumunt. Præterea eiusdem Monasterij malefactores sæpeditus Comes receptans, ipsius homines contra illud agenes manure nere, ac deffensare contendit; qui sæpediti Cœnobij iura deberet vbiq; illibata seruare. Et licet nec ad eiusdem Comitum, nec ad aliter curiam idem abbas, & Monachi super aliquibus trahi debeant seculari, sicut patet per priuilegia Pontificum Romanorum. Ipse tamen eosdem ad forum suum supra multis multotiens euocauit, moliens eiusdem infringere Monasterij libertatem. Pluries quôque vias, & semitas circa Virziliacum fecit arcè adeò custodiri, quòd nec ligna, nec aqua illuc affriri, neque alia necessaria potuerunt. Anno præterito locum eundem vindemiarum tempore sic constringens, quòd Monasterij homines, nec ad vindemiandum egredi poterant, nec somarij ad mustum, vel ad aliud deferendum, impediendo mercatum, & capiendo somarios, victualia, & quælibet alia necessaria deferentes. Et cum ad mandatum carissimi in Christo filij nostri P. Francorum Regis illustris, à molestatione huiusmodi destitisset, quamplures ipsi, & eorum hominibus multras, & enormes iniurias manifestè ac clanculò intulerunt. Quidam namq; prædones per terram eiusdem Comitum ingressum, & egressum habentes, qui comedetes in quadà villa ipsius, cum præda Monasterij sunt inuenti; Virziliacum per aliquantulum temporis sic valarunt, quòd nec Monachis, nec aliquibus hominum Monasterij tutus parebat egressus. Porro cum Jocelinus miles homo eiusdem Comitum, equitaruris, & rebus alijs quosdam de Monachis spoliari, eisdem opprobria inferendo, quendam Prioratum ad ipsum Monasterium pertinentem inuaserit violenter, & subr puerit bona eius. Idem ab eodem abbate, & ipsius fratribus humiliter requisitus, nec illius, nec aliorum malefactorum malitiam voluit refrænare, licet, id solo verbo facere potuisset. Quin potius afflictionem super addens afflictis Prioratum de Dornetiaco salsuit ad idem Monasterium pertinentem, & bona ipsius per dimidium annum detinens occupata, ipsos decimis eiusdem villæ, quas per annos plurimos possederant, spoliavit; & extendens ad hæcenus in audita postmodum manus suas, molendinorum eorundem ferros per seruientes suos fecit exinde asportari. Propter quod Cœnobij supradicti Conuentus adeò fuit arctatus, quòd nisi ad preces quorundam virorum bonorum restitisset eosdem, necessitate cogente Claustrum fuisset egressus. Cæterum Ioanni nato... quondam Præpositi Alconij, qui hæreditario iure in ipsius loci Præpositura succedere nititur, qui potius deberet obsistere se fauorabilem exhibens idem Comes abbatem, & conuentum prædictos compellere nititur, vt eidem in foro ciuili respondeant super illa, licet coram ciuili, vel Ecclesiastico iudice supra ipsa cuiquam respondere non debeant, nisi de mandato sedis Apostolicæ speciali. Verum cum ab eis ipse fuerit sæpius requisitus, vt supra his, & alijs iniurijs ipsis multipliciter irrogatis satisfieri faceret comperenter, ab ipsorum indebira molestatione quiescens, preces eorum sardis auribus pertransiuit: quin imo priorem Monasterij, & quasdam personas alias in stagnum suum est proiecere comminatus. Et licet ferè Conuentus medietas Niuernens. accedens, &

coram

coram eo humi prostrata, eidem super hoc humiliter supplicarit, eorum tamen precibus nequiuit aliquatenus inclinari. Demum eius Consiliarijs præfati Monachi supplicarunt, vt cum eo tractarent de pace inter se, & sæpeditum Monasterium reformanda; qui eis post multos tractatus habitos cum eodem taliter responderunt, quòd eius non possent beniuolentiam obtinere, nisi ab eis sibi à Burgen. Virzeliaci mille libræ Prouenientium soluerentur. Quod iidem exequi vtique nequiuissent, sinè graui, & enormi Monasterij detrimento: ex hoc siquidem prædicti Burgen. perterriti adeo extiterant, quòd nisi Abbas præfatus arripuisset propter hoc iter ad sedem Apostolicam veniendi, se deserto Virzeliaco in vrbibus, & Oppidis Regijs recepissent. Præsertim cum per Archiepiscopos, & Episcopos, Abbates, & alios viros religiosos, & pernobilem virum. Ducem Burgundiz, ac Barones alios, & tandem per Regem præfatum moneri cum fecerint, & rogari, vt ab ipforum molestatione desistens, & satisfaciens eis de damnis, & iniurijs irrogatis, Monasterium ipsum cum villa, & suis hominibus manu teneret, & defenderet, vt tenetur: Nec sic potuerit adhuc eius animus inclinari. His etiam non contentus, hoc anno, postquam idem Abbas iter arripuit ad sedem Apostolicam veniendi, per Ministros suos Comes ipse vindemias Virzeliaci fecit adeo impediri, quòd eiusdem loci Burgen. vindemiare tempore congruo nequiuerunt, ipsis Ministris mercenarios de vineis expellentibus, & vuas spargentibus per plareas, quàmpluribus de hominibus Monasterij vulneratis, captis somarijs, & ex eis pluribus interfectis. Verùm idem Monasterium damnum ad valentiam quingentarum librarum, & Burgen. trium Milium Marcarum & ampliùs incurrisse dicuntur. Illud autem quod Monasterium, & Burgen. de vindemijs habuerunt, Regis prædicti beneficio est obtentum, qui huiusmodi prohibuit malefactum. Præterea iidem Ministri molendinum Præpositi eiusdem Monasterij confringentes, molas, & ferrum ipsius per violentiam asportarunt: de quibus omnibus tantò grauius sumus moti, quantò magis sæpeditum Monasterium maiori amplectuntur in Domino charitate. Cùm igitur hæc noscantur in salutis eiusdem Comitis dispendium redundare, & eius honori non congruat hoc tempore tam nobile membrum sedis Apostolicæ, videlicet ipsum Monasterium persequi; quo iidem, & alij Catholici principes in persecutione quam Dei Ecclesia patitur à tyranno, ipsi viriliter adesse deberent, sicut deuoti filij piæ matris. Nobilitatem eius per nostras litteras rogamus attentius, & monemus, & exhortamur in Domino, in remissionem sibi peccaminum iniungentes: vt ob eius reuerentiam & honorè qui dat humilibus gratiam, & superbis resistit, se in conspectu eius humilians, præfatis Abbati, & Conuentui sic per seipsum satisfaciat de prædictis, ab ipforum, & Monasterij sui indebita molestatione quiescens, quòd eis de ipso nulla remaneat iustamateria conquerendi, & diuinam, quam in his offendit grauiter, maiestatem valeat complacere, ac per hoc Apostolicæ sedis mereatur propèsius gratiã, & fauorem. Ideò quædiscretionem vestræ per Apostolica scrip. mandamus, & distictè præcipimus: quatinus nisi Rex præfatus, cui super hoc dirigimus scripta nostra, infra duos menses pacificare, & terminare sinè firmatione duelli inter eundem Comitem, & Abbatem, & Monachos memoratos poterit quæstiones; vos ex tunc cognita veritate ipsum Comitem ad satisfaciendum eidem, de datis damnis,

& interrogatis iniurijs, & ab ipsorum molestatione indebita desistendum, per excommunicationis sententiam in personam, et si necesse fuerit interdicti in terram suam, sublato appellationis obstaculo compellere absque moræ dispendio non tardetis. Commensione ista, quociens opus fuerit, usque ad triennij tempus usuri, iurisdictionem vestram ad alia maleficia, si qua interim contra idem Monasterium commiserit, extendendo. Ita quod ea quæ sibi à sede apostolica sunt indulta, faciatis per districtiorem Ecclesiasticam firmiter obseruari. Non obstantibus litteris si quæ apparuerint harum tenore tacito, à sede apostolica impetratæ. Quod si non omnes &c. duo vestrum ea sublato cuiuslibet contradictionis, & appellationis obstaculo nihilominus exequantur. Datum Lateran. Idus. Nouemb. Pont. N. Anno xiiij.

Super hoc scriptum est nobili viro.. Comiti Niuernen.

Super hoc scriptum est, Regi Francorum Illustri.

EPISTOLA CXXVII.

SENONEN ARCHIEPISCOPO, ET SVFFRAGANEIS EIVS.

Vt obseruentur immunitates Monasterij Verzeliaci.



VM quieti Virziliacen. Monasterij, quod sedem apostolicam nullo respicit mediante, patetna volentes sollicitudine provide-
te: inter cetera, quæ nos predecessorum nostrorum equentes vestigia eidem Monasterio duximus indulgenda, auctoritate apostolica interdicere cutauerimus, sub excommunicationis vinculo inhibentes. Vt infra eiusdem Monasterij pertinentias crucibus terminatas, nullus hominem capere, inuadere, seu bona sua auferre, siue assultum facere, vel quâmlibet offensionem irrogare præsumat, & nonnulli filij Belial, Dei timore posthabito, tempore hoc quo superabundat iniquitas refrigercente charitate multorum, apostolica inhibitione contempta contrauenire præsumant, immunitatem huiusmodi sæpius infringendo, sicut dilectorum filiorum abbatum, & Conuentus eiusdem loci nobis conquestio patefecit. Fratemitati vestræ per apost. scrip. mandamus, atque præcipimus, quatinus cum ab eiusdem Monasterij. Abbate, ac Fratribus fueritis requisiti, quilibet vestrum Parrochianos suos, quos constiterit immunitatem prædictam temerè infringisse, tandiu faciat, nisi congruè satisfecerint, excommunicationis sententiæ subiacere, & tãquam excommunicatos ab omnibus artibus euitari, donec satisfactio-
ne de perpetratis excessibus exhibita competenti, per eum beneficium abso-
lutionis obtineant, vel si forte delicti quantitas id exegerit, ad sedem accesserint apostolicam absoluendi. Datum Lateran. xiiij. Kal. Decemb. Pont. N. Anno xiiij.

In eundem modum scriptum est, Lugdunen. Archiepiscopo, & Suffraganeis eius.

EPISTOLA CXXVIII.

ARCHIEPISCOPO SENONEN. ET EPISCOPO, ET DIL. FIL. DECAN. TRECEN.

Mandat ut si controuersia Aurelianensis Episcopi, & Camerarij Regis Francorum, ad secularem iudicem spectet, ut pote de feudo Regio, laxent sententiam interdicti.

ICVT dilectus filius nobilis vir Vrsiq Camerarius carissimi in Christo filij nostri Ph. Francorum Regis Illustris, transmissis nobis suis litteris indicauit. Cùm à venerabili Fratre nostro .. Aurelianen. Episcopo super duobus feodis, quæ dicebat ad se dictus Episcopus pertinere, coram dilecto filio .. Decan. Carnoten. & coniudicibus suis auctoritate nostra traheretur in causam. Memoratus Episcopus proposuit in ipsorum iudicum presentia contra ipsum: quòd domum quandam eorum feodorum alteri pertinentem, idem Camerarius deuastarat, deportans ibidem inuenta pro libito uolenter; & alterum feodum occupans minus iustè, licèt dictus Episcopus de suis hominibus numquam sibi debitam iustitiam denegasset. Propter quod, & Domum reedificari destructam, cum ablatorum restitutione, ac feodum taliter occupatum, sibi ab eodem restitui cum instantia postulabat. Sed ad hæc ex parte ipsius responsum fuit taliter ex aduerso: quòd non debebat super his coram ipsis iudicibus litigare, pro eo quod siquid in ipsis, vel de ipsis feodis fecerat, prætextu Castellaniæ de Mereuilla potuit fecisse licenter, & id tanto tempore obtinuerat, quòd non exstabat memorialiter esse factum. Præposuit insuper, quòd ipsam Castellaniã de feodo Regio possederat; & tale ius erat Castellaniæ ipsius, quòd si quis infra eiusdem metas homicidium perpetraret, Dominus Mereuillæ in homicidam exercens publicam ultionem, non tantum bona ipsius capere, verum etiam suas potest possessiones positas infra metas dictæ Castellaniæ diripere, siue in feodum, siue modo alio illas à quocumque teneat homicida; & id sibi etiam licet illi facere, vel inferre, qui dicto Domino Castri Mereuillæ debitam custodiam denegare. Propter quæ si domum vastauerat memoratam, sibi vendicatis bonis, in homicidam, cuius erat ipsa, vindictam publicam exequendo, & de feodo alio, pro eo quod ipsi debita dicti Castri custodia negabatur, se posuit in salinam, nullam ob hoc dicto Episcopo iniuriam irrogabat. Immo in his utebatur potius iure suo. Præsertim cùm in presentia dicti Regis de feodo ipso dicto Episcopo esset iustitiæ plenitudinem obtulerit se facturum: & ipsum Regem asseruerit inhibuisse sibi ratione dominij viua voce, ne de præmisso feodo spectante ad ipsum, non nisi coram eo alicui responderet: exhibens litteras eiusdem Regis monitorias iudicibus memoratis, ut præfato super sederent negotio, quia paratus erat eidem Episcopo super feodo iustitiam exhibere, sed causam ipsam ad eundem Regem remitterent audiendam. Sed ipsi iudices non contestata lite, ipsius Camerarij exceptiones huiusmodi minimè admittentes, terram suam sub interdicti sententia posuerunt, propter quod grauamen, idem Camerarius verebatur ne aduersus eum præsumerent grauiora. Quocirca discretioni

vestræ per apof. fcrip. mandamus, quatinus si vobis constiterit cognitionem, & decisionem ipsius negotij, non ad Ecclesiasticum, sed ad secularem iudicem pertinere, ipsūque Camerarium paratum fuisse hoc in delegatorum præsencia comprobare: vos interdicti sententiam prolatam ab eis in terram ipsius, faciatis sublato appellationis obstaculo non seruari. Nullis litteris veritati, & iustitiæ præiudicantibus, à sede apostolica impetratis. Quòd si non omnes his exequendis potueritis interesse, duo vestrum ea, &c. Datum Lateran. xvj. Kal. Decemb. Pont. N. Anno xiiij.

EPISTOLA CXXIX.

EPISCOPO ESCVLANO.

Ne Clerici in Sacris ordinibus constituti Tabellionatus officium exercent.



SCIT te accepimus referente, cum ve. F. N. Episcopus Hostien olim per tuam transiens ciuitatem, tibi dederit in mandatis, vt Presbyteros, Diaconos, & Subdiaconos, quos ibidem inuenit passim tabellionatus officium exercentes, excommunicationis vinculo innodares, & eos qui ab illis publica recipere instrumenta. Tu licet id feceris, ex mandato tamen Episcopi dicti dissimulasti postmodum de Subd. donec qualiter contra ipsos, & alios in sacris ordinibus constitutos deberes procedere, sedem duceres apostolicam consulendam. Quocirca Fraternitati tuæ per apof. fcrip. mandamus, quatinus Clericis in sacris ordinibus constitutis, tabellionatus officium per beneficiorum suorum subtractionem, appellatione postposita, interdicas. Datum Lateran. vj. Kal. Decemb. Pont. N. Anno xiiij.

EPISTOLA CXXX.

ALBANEN. ELECTO APOSTOLICÆ SEDIS LEGATO.

Vt possint cogi ad fortiorem gradum iuniores Clerici.



AUDIENTIAM nostram te significante peruenit, quòd licet quamplures Ecclesiæ Lombardiæ certum numerum habeant prebendarum, illarum tamen Canonici dictum numerum excedentes, plerumque ad vnā prebendam plures de suis eligunt consanguineis, & amicis. Qui cum sint iuuenes, & insufficientes ad obsequium earundem, & nolint, vel fortè non debeant ad superiores ordines promoueri; contigit ibidem propter eorum schismata, idonearum personarum interesse defectum, & maxime Sacerdotum: quare in spiritualibus, & temporalibus non modicū sustinent detrimentum. Vnde nobis humiliter supplicasti, vt certo numero non obstante, dictas Ecclesias de personis idoneis quæ velint, & possint onus huiusmodi sustinere, tibi liceat ordinare. Quocirca discretioni tuæ per apof. fcrip. mandamus, quatinus si quos inueneris in ipsis idoneos ad gradum Sacerdotij assumendum, tu illos vt se ad superiores ordines faciant promoueri, per subtractionem beneficiorum appellatione cessante compellas. Alioquin in præfatis

Ecclesijs personas idoneas per quas huiusmodi possint suppleri defectus, iuxta quod videris expedire, appellatione postposita ordines, remouendo prorsus ab illis eos, qui ad vnam eandemque prebendam contra statuta Canonica simul sunt assumpti, nonobstante contradictione insufficientium, vel eorum qui tales eligere, vel assumere præsumpserunt. Datum Later. iij. Non. Decemb. Pont. N. Anno decimoquarto.

EPISTOLA CXXXI.

ILLUSTRI REGI FRANCORVM.

Contra Regios iustitiariorum, qui mortuis crimen usurarum affingebant ut fisco eorum bona vendicarentur.



INCERA charitatis affectio quam erga personam tuam gerimus nos inducit, vt quantò propensius Regium zelamur honorem, tantò sollicitius tibi suadere curemus, ne quid vnquam per te, vel tuos, erga Sanctam Ecclesiam Christi sponsam, aut ipsius iura improuidè attentetur, per quod ei valeat derogari: præsertim cum illius intuitu, à quo ad ipsius defensionem Ecclesiæ gladium suscepisti, eandem tenearis potius defendere. Sanè ad nostram noueris audientiam, referente venerabili Fratre nostro. Rothomagen. Archiepiscopo, peruenisse: quòd iustitiarij tui per Normaniam constituti, & quidam alij Regis ditioni subiecti, postponentes penitus zelum Dei, præpendiunt laicos ægritudine laborantes, ne de terris, vel suis hereditatibus aliquid in elemosinam alicui largiantur, siue pro suarum animarum salute, secundum Ecclesiasticam sanctionem, vel condant testamentum exinde in vltima voluntate. Imponentes illis post obitum crimen, sicut asserit, usurarum, qui penitentes, iudicio Ecclesiæ satisfactione præmissa, sunt vnuerse carnis ingressi, vt pretextu criminis usurarum decedentium bona fisco Regio in detrimentum iuris Ecclesiastici, applicentur. Quia igitur te non decet huiusmodi sustinere, cum hoc vergat in derogationem Ecclesiasticæ libertatis; Serenitatem Regiam rogamus, & monemus, quatinus executores præfatos caliter ab huiusmodi temeritate, tradita tibi potestate compescas, quòd modamine Regio hæc detestanda extorsio extirpetur, & propter æternam gloriam, quam ex hoc promereberis in futuro, gratiam tibi Dominus augeat in præsentì. Datum Lateran. iij. Non. Decemb. Pontificatus nostri Anno decimoquarto.

Super hoc scriptum est dilectis filijs... Abbati S. Victoris, Vv. Archidiacon. & Cancellario Parisiensi. vt dictum Regem, ad hoc efficaciter moneant, & prudenter inducant.

ABBATI ET CONVENTUI S. GERMANI DE PRATIS PARIISIEN.



Vm olim ex parte vestra nobis fuisset querimonia presentata, quod
 nobil. mulier. H. de Nongento, & filij eius, ac quidam alij Sueffionen.
 Diocesis, homines Monasterij vestri sua potentia deprimentes, car-
 ceri manciparent, & eis imponentes exactiones indebitas, prata, vi-
 neas, & alias possessiones vestras inuaderent violenter. Venerabili Fratri nostro ..
 Episcopo, & dilectis filiis .. Decan. Sancti Frambaldi & Magistro I. Canonico
 Siluane. nostris dedimus litteris in mandatis. Ut prefatam nobilem, & alios
 monitione premissa, per censuram Ecclesiasticam, appellatione remota, com-
 pellerent ab huiusmodi presumptione desistere; & tenebantur restituere oc-
 cupata. Cum igitur iidem predictam nobilem legitime citauissent, & ipsa per
 Magistrum H. procuratorem suum ipsorum se conspectui presentasset, super
 diuersis capitulis, & querelis, quæ in eorundem Iudicum sententia continen-
 tur expressæ, hinc, inde propolitis, lis exitit contestata, & legitimis iudicijs
 assignatis, testes quos pars utraque produxit, iidem iudices receperunt. Quo-
 rum depositionibus postmodum de consensu partium publicatis, & competen-
 tibus terminis disputatione pluries habita super eis, tandem partibus inionxe-
 runt, ut suas redigerent allegationes in scriptis, & eas sibi termino, quem eis
 assignauerant presentarent. Verum procurator nobil. antedictæ statuto termi-
 no comparuit coram eis, & temporis prescriptionem allegans, ad probandum
 eandem indutias postulauit. Iudices verò quia iam erant depositiones testium
 publicatæ, interloquendo dixerunt quod super hoc testes non erant aliqui ad-
 mittendi, sed si haberet aliqua instrumenta, illa exhibere curaret. At procurator
 predictus ab inter locutoria ipsa vocem ad nos appellationis emittens, appella-
 tioni suæ certum terminum assignauit. Verum quia in nostris litteris remotus
 erat appellationis obiectus: dicti iudices habito super hoc iuris peritorum con-
 silio, appellationem ipsam friuolam reputantes, & ad profectendam sententiam
 certum terminum præfixentes, prefatam nobilem peremptoriè citauerunt, in
 quo vobis comparendis, ipsa nec per se, nec per aliquem responsalem, ipso-
 rum se conspectui presentauit. Propter quod iterato illam peremptoriè citaue-
 runt, sed quia tunc comparere contempsit, tertio peremptoriè euocarunt ean-
 dem ad sententiam audiendam. Cum ergo tunc etiam eorum contempsisset
 adire presentiam per se, vel idoneum responsalem: ipsi habito prudentum viro-
 rum consilio, visis, & auditis attestationibus, & vtriusque partis rationibus di-
 ligenter inspectis, diffinitiuam in scriptis sententiam protulerunt. Postmodum
 verò cum B. procurator Monasterij vestri à nobis postulasset, eandem senten-
 tiam confirmari, & H. eiusdem nobilis procurator se opposuisset eidem. Dile-
 ctum filium I. Subdiac. & Capellanum nostrum eis concessimus auditorem. In
 cuius presentia licet procurator prefatæ nobil. nihil rationabile obiecisset, sicut
 ab eodem didicimus auditore, occultè tamen, ut dicitur, super ipso negotio
 contrainhibitionem auditoris eiusdem litteras impetrauit & inlicitiarius ab-
 cessit. Nos igitur ne idem ex fraude sua videretur commodum reportasse.

Dilectis filiis . . . Abbati S. Dionisij & de . . . Strata, & S. Dionisij Prioribus Parſien. Dicitur. dedimus in mandatis, vt huiusmodi litteris non obſtantiſſimis inquirerent de prædicta ſententia diligentius veritatem, & ſi iuſtam reperirent eandem, ipſam auctoritate Apoſtolica confirmarent, & facerent per cenſuram Eccleſiaſticaſ appellacione poſt poſita firmiter obſervari. Paribus igitur in eorum præſentia conſtitutis, pars veſtra poſtulauit inſtanter, vt iuxta mandatum Apoſtolicum inquirerent de ſententia memorata; & confirmarent eandem, ſi iuſte, ac ritè cognoscereſſent promulgatam, ipſam ſententiam producens in medium ſigillis prædictorum Iudicum communitam. Cæterum procurator nobil. ſepè dictæ ſententiam ipſam ſibi petijt exhiberi, & terq̃uinoſ assignari infra quena pleniùs ſuper tranſcripto ipſius deliberare valeret; quibus ipſi conceſſis, cum tandem poſt alteraciones multiplices adinuicem habitas, pluribus terminis partibus assignatis, eandem eſſent in ipſorum præſentia conſtituta, ac pars veſtra in poſtulatione confirmationis ſententiæ perſeuerans, ſuper ea veritatem petijtſſet inquiri. Iudices ipſi à procuratore ipſius nobil. quaſierunt, verum aliquid ſententiæ vellet obicere, propter quod ad ipſius confirmationem procedere non deberent. Qui ſe nihil contra ſententiam eorum eis proponere velle reſpondens, nec aliquid agere in ipſorum præſentia, in voceſ appellacionis prorupit, & reſeſſit contumaciter ab eiſdem. Ipſi verò eandem nobilem peremptorie citauerunt, coram quibus procurator ipſius comparens, appellacione quam prius emiſerat innouauit, reſcedens ab eorum præſentia contumaciter iteratò. Porro Iudices ipſi attendentes quòd huiusmodi fruſtratorie appellacionis obſtentu, non eſſet negotium differendum, eum in noſtris litteris appellacionis eſſet diſſugiũ intercluſum, inquiſuerunt & de præſata ſententia, diligenter inſpicientes dicta teſtium coram prioribus Iudicibus productorum. Et cum nihil rationabile inueniſſent propter quod deberet ipſius confirmatio retardari, de prudētum conſilio, iuſte ac ritè prolatam pronuntiauerunt eandem, & auctoritate Apoſtolica confirmaruſſent, iuxta quod in eorum authentico pleniùs continetur. Poſtmodum autem voſ grauem in auditorio noſtro feciſtis querimoniam recitari, quòd eum ſuper præſatis querelis ad dictum Episcopum, & coniuſdices ſuos noſtras litteras impetraueritis, & ipſi teſtibus hinc inde receptis, ſicut ſuperius eſt expreſſum, & rationibus vtriuſque partis pleniùs intellectis, in quibuſdam pro dictis nobili, & in quibuſdam pro Monasterio veſtro ſententiam promulgariſſent; & præſatus Abbas S. Dionisij & Collegæ ipſius de mandato ſedis Apoſtolice ſententiam confirmariſſent eandem, præſata nobilis conſiſa potiùs de ſua potentia, quàm de iure, vtriſque ſententiæ ſe contumaciter oppoſuerat, nec Monasterium veſtrum ſuper rebus adiudicatis eidem, deſerat moleſtare. Propter quod ex parte veſtra fuit nobiſ humiliter ſupplicatum, vt ſinem litibus imponentes, quòd à prædictis Iudicibus noſtra fuerat auctoritate ſtatutum, Apoſtolico dignaremur munimine roborare. E. contra verò R. dictæ nobil. procurator tunc propoſuit coram nobiſ, quòd cum eadem nobil. à primis Iudicibus manifeſtè ſentienſe ſe grauari, noſtram audientiam appellaiſſet, ipſi appellacioni eiſ minime deſerentes, tam diſſinitiuam, quàm excommunicationis tulerunt ſententiam contra eam. Quam cum poſtmodum per Iudices poſteriores confirmaſſi peteretis inſtanter, ac ipſa coram eiſ legitimas exceptiones proponeret, quaſ

offerebat se coram arbitris continuò probaturam, quia ipsi iudices huiusmodi noluerunt exceptiones admittere, ab eis, tanquam sibi certa ratione suspectis, nostram iterum audientiam appellauit. Sed ipsi appellatione contempta nihilominus in negotio processerunt. Nos igitur finem litibus volentes imponi dilectis filiis .. Decano, & Magistris, Gualtero Cornuto, & R. de Corzon Canonicis Parisien. nostris dedimus litteris in mandatis; vt si constaret eisdem posteriores iudices perperam processisse, reuocato in statum debitum quicquid factum esset per eos, sententiam à prioribus iudicibus promulgatam, prout iustum foret, appellatione remota confirmare, vel infirmare curarent. Alioquin quod à posterioribus iudicibus auctoritate nostra prouidè factum esset, per censuram Ecclesiasticam facerent, sublato appellationis obstaculo, inuiolabiliter obseruari. Nullis litteris obstantibus, præter assensum partium à sede apostolica impetratis. Sanè duo illorum Decanus videlicet, & Magister G. tertio collega ipsorum se legitime excusante, partibus conuocatis, examinatis testibus, & publicatis attestationibus eorundem, ac allegationibus diligenter auditis, iurisque ordine in omnibus obseruato, de prudentum virorum consilio processum posteriorum iudicum per diffinitiuam sententiam confirmarunt, auctoritate qua fungebantur firmitus inhibentes, ne quisquam in præiudicium confirmationis ipsius temerè aliquid præsumeret attentare. Tunc verò dicta nobilis per suas est patentes litteras protestata, quòd præfatæ sententiæ parebat, atque paret. Demum nos sæpeditam sententiam à secundis, & tertijs iudicibus approbatam, auctoritate apostolica confirmantes; dilectis filijs .. Abbati Sanctæ Genouefæ ac .. Priori S. Martini de Campis, per scripta nostra mandauimus: vt eandem, sicut est iusta, auctoritate nostra, sublato appellationis obstaculo, facerent firmiter obseruari. Contradictores per censuram Ecclesiasticam, appellatione postposita, compescerent. Qui Vvilelmum militem filium eiusdem nobilis legitime citauerunt, & eo in ipsorum præsentia constituto, ex parte vestra propositum extitit contra eum; quòd ipse contra sæpeditam sententiam temerè veniens, non seruabat eandem, sed ipsam potiùs per violentiam infringebat: vnde pars vestra postulauit vt iuxta mandatum apostolicum ipsum compellerent, ad obseruationem eiusdem. At ipse contra sententiam rationabile nihil obiciens, qualdam opposuit exceptiones friuolas ad negotium differendum; asserens dictum Priorem S. Martini sibi esse suspectum, pro eo quòd tu, fili Abbas, in causa S. Martini executortunc eras, quòd tamen verum non fuerat, sicut ex parte vestra extiterat negatum omnino. Adiecit etiam, quòd cum Monachi Sancti Martini accedunt ad Monasterium vestrum, tanquam fratres recipiuntur in eo, & è conuerso Monasterij vestri Monachi recipiuntur ab illis, propter quod super his arbitros postulauit. Ad hoc autem vltimum pars vestra respondit; quòd non alio fraternitatis vinculo Monachis S. Martini, quàm aliorum Monasteriorum Monachis nigri ordinis eratis astricti. Prædicti verò iudices licet huiusmodi causæ friuolæ viderentur, & primam scirent penitus esse falsam; ad malitiam tamen ipsius militis conuincendam, quæsiuerunt ab eo, vtrum se vellet pœnæ alicui obligare, si forsan in probatione deficeret prædictorum, si probandi sibi hæc concederent facultatem, quòd idem facere recusauit omnino: Vnde iudices ipsius euidentis subterfugium attendentes, auctoritate sibi

apostolica præceperunt; vt sæpeditam diffinitiuam sententiam firmiter obseruaret, nec venire præsumeret contra eam: alioquin ipsum, & omnes contradictores excommunicationis vinculo innodabant. Sed idem non solum contra ipsam sententiam venire præsumpsit, verum etiam vobis, & hominibus vestris graues iniurias irrogauit: propter quod iidem iudices in ipsum, tanquam in rebellem, & contumacem excommunicationis sententiam proferentes, fecerunt eundem excommunicationum publicè nuntiarij id ipsum suis litteris nuntiantes. Ipse verò iniquitatem iniquitati, & contemptui contemptum apponent, Monachos vestros, qui apud Nongentum manebant, crudeliter pertractauit, & in domibus suis detinuit sic inclusos, quod ipsi nec exire poterant, nec ad eos aliqui introire; quos postmodum violenter ejiciens, rebus suis nequiter spoliauit, alias eis damna, & iniurias inferendo. Et vt Monasterium vestrum fatigaret laboribus, & expensis, quasdam à nobis veritate suppressa, & suggesta nihilominus falsitate, ad dil. fil. Sancti Lupi, & Sancti Martini Abbates, & R. de Sancto Quintino Canonicum Trecent. fecit litteras impetrari. In quibus continebatur, quod cum vos eum super quibusdam possessionibus, & rebus alijs coram præfatis abbate S. Genouexæ, ac Priore Sancti Martini de Campis, auctoritate nostra traxissetis in causam, iidem legitimas exceptiones ipsius admittere recusantes, in ipsum, & quosdam homines suos excommunicationis, & tertiam eius interdicti sententias, post appellationem ad nos legitimè interpositam, promulgarant. Propter quod nos præfatis abbatibus, & Canonico, nostris dedimus litteras in mandatis. Vt si sententias ipsas inuenirent post appellationem ad nos legitimè interpositam esse latas, denuntiantes eas auctoritate nostra penitus nullas esse, in causa ipsa procederent, iuxta priorum continentiam litterarum; alioquin, partes remitterent ad iudicium priorum examen. Cum igitur dicti posteriores iudices, vos ad suam præsentiam citauissent, procurator vestri Monasterij in ipsum præsentia constitutus, ne occasione huiusmodi litterarum procederent inhibuit appellando, eò quod falsa suggestionem, ac veritate suppressa fuerant impetratæ, cum de his omnibus quæ superius sint expresse nullam facerent mentionem. Quia igitur mendax precator carere debet penitus impetratis: dilectis filiis A. Archidia. Succentori, & Decan. S. Germani Antisiodorensis Parisiensis nostris dedimus litteras in præceptis: quatinus prædictis litteris, quas constat veritate tacita impetratas, nequaquam obstantibus, & reuocato in irritum si quid in occasione ipsarum inuenerint attentatum, latam in eum, & alios contradictores excommunicationis sententiam tamdiu faciant auctoritate nostra, sublato appellationis obstaculo, firmiter obseruari; donec de damnis, & iniurijs irrogatis Monasterio vestro satisfaciatur competenter, & sufficienter exhibeat cautionem, quo nec ipse, nec eius heredes, contra sæpeditam diffinitiuam sententiam veniant, sed eam de cætero firmiter obseruabunt. Ne igitur super sententia totiens confirmata, possitis vlterius molestari. Nos eandem sententiam veritate perspicaciter intellecta, inuiolabili confirmationis munimine roboramus perpetuum alteri parti silentium imponentes, ac decernentes irritum, & inanè, si quid de cætero apparuerit impetratum. Nulli ergo omnino hominum liceat hanc paginam nostræ confirmationis, & constitutionis infringere, vel ei &c. vsque contraire! Siquis autem &c. vsque, incursum. Dat. Later. Idus Decemb. Pont. N. Anno xiiij.

EPISTOLA CXXXIII.

MAGISTRO R. DE CORZON. CANONICO, PARISIENSI,
ET CONIUDICIJBVS SVIS.

Ob iustam causam dat dilationem exequendi voti Domino de Auesnis.

DILECTVS filius nobilis vir Vvalterus Dominus de Auesnis transmissa nobis petitione monstravit, quòd cùm affixo suis humeris signo crucis ad subsidium terrę sanctę vouerit proficisci, & se ad iter peregrinationis accinxerit exequẽdum. B. Subdiaconus frater suus, Cantor quondam Ecclesię Laudunen. qui deuastauerat, Dei timore postposito, & abiecto habitu clericali, hostiliter terram suam incendio multiplici, & rapinis, accinctus balteo militari, ab ipso Vv. monitus assecurare voluit vsque ad eius reditum dictam terram. Sed ab eo recedens animo indignandi, eidem Fratri, ac eius terrę grauitèr aduersatur. Vnde cùm ex discessu suo irreparabile damnum per ipsum B. sibi, ac eius terrę timeat prouenturum, nobis humiliter supplicauit, vt propter necessitatem huiusmodi, ad exequendum votum emissum, sibi, & familiz suę concedere dignaremur indutias competentes. Vnde nos venerabilibus Fratribus nostris. Sueffionen. & Melden. Episcopis, & dilecto filio .. Abbati Longi Pontis, Sueffionem Dioc. nostris dedimus litteris in mandatis, vt auctoritate nostra dilationem exequendi votum peregrinationis prædictę, quandiu eis constiterit durare huiusmodi, absq; dolo & fraude, necessitatis articulum, concedant eidem, ipsum & familiam suam non permittentes supra hoc ab aliquo molestari. Ita quod eo cessante ad nostrum consilium, & mandatum reddat Domino quod promisit, in terrę sanctę subsidium properando. Et interim ad subuentionem ipsius iuxta possibilitatem suam, quemadmodum eum Fratre Aimaro Thesaurario Domus Militię Templi Parisien., cui supra hoc scribimus, poterit convenire, competens mittat subsidium. Cùm sicut pro certo didicimus, eo plùs solito indigeat ipsa terra. Ne igitur occasione cautionis, quam recepistis ab ipso, cum relaxastis excommunicationis sententiam, quam pro eo quòd votum non exequabatur emissum, tulistis in eum, mandatum nostrum valeat impediri: præsentium vobis auctoritate mandamus, quatinus permittatis, vt iuxta præscriptam formam in ipso negotio procedatur. Datum Lateran. iij. Idus. Decemb. Pont. N. Anno xiiij.

EPISTOLA CXXXIV.

IEROSOLIMITAN. PATRIARCHÆ APOSTOLICÆ
SEDIS LEGATO.

Vt cognoscat de Nicosensis Archiepiscopi electione, cuius palleum ei mittit.

PRÆSENTATA nobis electione, quam dilecti filij Capitulum Nicosien Ecclesię, de dilecto filio Magistro Durando eiusdem Ecclesię Thesaurario, celebrarunt. Licet eiusdem Capituli, & Suffraganeorum, ac carissimi in Christo filij nostri Cypri Regis Illustris, & plurium aliorum litteras receperimus super ea. Quia tamen nõ nisi vnus de electoribus

se nostro conspectui præsentavit, electionem eandem sufficienter examinare nequimus, secundum apostolicæ sedis morem: unde nec ipsam valuimus confirmare. Cùm & nobilis vir Gualterus de Monte Beliaro, qui dicitur Parochianus ipsius, de personæ eiusdem Electi, per litteras suas quedam nobis suggererit, quæ idem electus asseruit esse malitiosè conficta, propter odium quod idem nobil. Regem persequitur memoratum. Verùm quia onerosum esset, & graue, propter maris, & viarum pericula ob hoc iteratò ad sedem apostolicam laborare; Palleum, insigne Pontificalis officij, ad te, tradendum eidem duximus destinandum. Fraternitati tuæ per apostolica scripta mandantes; quatinus si post denuntiationem super hoc à te factam, talis infra mensem apparuerit persona, quæ legitimè velit, & possit aliquod impedimentum aliquod Canonicum obicere contra ipsum, tu causam audias, & eam appellatione remota Canonico sine decidas. Et si vel impetitus non fuerit, vel extiterit absolutus, tu ipsum præcipias consecrari, ac deinde conferas ei Palleum, sub forma quam tibi transmittimus nostris litteris interclusum. Datum Lateran. iij. Kal. Ianuarij. Pont. N. Anno xiiij.

EPISTOLA CXXXV.

ABBATI, ET CONVENTUI S. VEDASTI ATREBATESIS.

Confirmat compositionem inter eos, & Aduocatos Bethunienses initam.



VM à nobis petitur quod iustum est, & honestum &c. vsque, effectum. Ea propter, dilecti in Domino filij, vestris iustis precibus &c. vsque, assensu. Compositionem quæ inter bonæ memoriæ M. Abbatem vestrum ex parte vna, & l. quondam, & eius heredes Bethuniensium Aduocatos ex altera, super quibusdam transactionibus talliarum, rogationum, violentarum exactionum, & aliarum rerum, in præsentia bonæ memoriæ Samsonis Remen. Archiepiscopi, de assensu partium amicabiliter interuenit, sicut sine prauitate prouidè facta est, & ab vtraque parte sponte recepta, necnon & in ipsius Archiepiscopi super hoc confecto authentico declaratur, auctoritate apostolica confirmamus, & præsentis scripti patrocinio communimus. Nulli ergo omnino hominum &c. vsque, incursum. Datum Lateran. viiij. Kal. Ianuarij. Pont. N. Anno xiiij.

EPISTOLA CXXXVI.

PRÆPOSITO ECCLESIAE S. EVASII DE CASALI, EIVSQUE FRATRIBVS, TAM PRÆSENTIBVS, QUAM FUTVRIS
REG. VITAM PROFES. IN PERPETVVM.

Recipit sub protectionem B. Petri, & eorum bona confirmat.

IPSA postulatio voluntatis effectum debet prosequente compleri, quatinus & deuotionis sinceritas laudabiliter enitescat, & vtilitas postulata vices, indubitanter assumat. Ea propter, dilecti in Domino filij, petitionibus vestris benignitate debita gratum impartientes assensum, præfatam Ecclesiam,

in qua diuino mancipati estis obsequio, sub B. Petri, & nostra protectione suscipimus, & ad exemplar prædecessorum nostrorum bonę memorię, Calixti, Palsalis, Innocentij, Lucij, & Urbani, Romanorū Pontificum, præsentis scripti priuilegio communimus. In primis siquidem statuentes, vt ordo Canonicus, qui secundum Deum & B. Augustini regulam in eadem Ecclesia institutus esse dinoscitur, perpetuis ibidem temporibus inuiolabiliter obseruetur. Præterea quascunque possessiones quęcunque bona eadem Ecclesia vestra impresentiarum iuste, & Canonicę possidet, aut in futurum concessione Pontificum, &c. vsque, illibata petmaneant. In quibus hæc proprijs duximus exprimenda vocabulis. In eodem loco Casalis. Ecclesiam S. Marię, & Ecclesiam S. Stephani, cum hospitali ibidem ædificato, & omnibus suis pertinentijs Omnes Ecclesias sitas in curia Casalis, cum omnibus suis pertinentijs. Ecclesiam S. Hilarij, & domum laboris Ecclesiastici, in Paciliano Ecclesiam S. Germani, Ecclesiam S. Michaelis de Casteneto. In loco S. Georgij, Ecclesiam S. Martini, Sanctę Marię, S. Hilarij, S. Vitalis, & S. Petri. In Cinaglo, Ecclesiam Sanctorum Cosmę, & Damiani, cum quatuor Mansis, & omni decima totius loci. In Rodolasco, Ecclesiam S. Michaelis, cum pertinentijs suis. In Torcello, Ecclesiam Sancti Clementis, & S. Nicolai. In loco Casalis, tres Mansos terrę, quos proprijs bubus excolitis, sex iugera vinearum ad proprios labores. Mansum Brisce, Mansum Gramine, Mansum Officiani, Mansum Ambrosij Tisinasci, Mansum Filiorum Gisi, Mansum Hilarij, Mansum Adę Duamani, Mansum Spatecaldarij, Mansum Henrici Fine, Mansum Setacha ij, Mansum Cauatorre, Mansum Oberri Prisliliani, Mansum Quirici Balde, Mansum Radulphi Keke; cum pertinentijs, & tertia parte decimarum totius loci Casalis. Et tota decima terrarum familię Sancti Euasij, & tota decima Braydarum Episcopi, & quicquid Ecclesia de Paciliano de iure, vel longa consuetudine vestrę Ecclesię facere contueuit. Villam Liuentini, cum decimis, & omnibus pertinentijs suis. In sancto Georgio, quatuordecim Mansos, Sextam decimam partem Torcelli, & tenimentū quondam Petri Crassi, cum omnibus pertinentijs suis. In Monteclo, tres Mansos. In Marabello quinque Mansos. In pertinentia Cellę, septem Mansos. In Sermacia, quinque Mansos. In Paciliano quatuor Mansos. In Vico Borroni, Mansum vnū. In Leco, Mansum vnum. In Ageldo, Mansum vnum. In Ozano, Mansum vnum. In Rubiano, Mansum vnum. In Otimiano, Mansum vnum. In Fraxeneto, Mansum vnum, & dimidium. Sanē noualium vestrorum, quę proprijs manibus, aut sumptibus colitis, sine de nutrimentis vestrorum animalium, nullus a vobis decimas præsumat auferre. Liceat quoque vobis &c. vsque, in Ecclesia vestra sinē contradictione qualibet retinere. Prohibemus insuper, &c. vsque, in loco vestro professionem fas sit absque Præposito sui licentia de Claustro vestro discedere. Discedentem verō sinē communi litterarum cautione, nullus audeat retinere. Chrisma verō oleum Sanctum, &c. vsque, gratiam, atque communionem apostolicę sedis habuerit & ea gratis absque prauitate aliqua vobis voluerit exhibere. Alioquin liceat vobis Catholicū quemcunque malueritis adire antistitem, qui nimirum nostra fultus auctoritate quod postulatur indulgeat. Obeunte verō tunc eiusdem loci Præposito vel tuorum &c. vsque prouiderint eligendum. Decernimus ergo vt nulli omnino hominum liceat

liceat præfaram Ecclesiam temerè perturbare, &c. vsque, integra, & illibata seruentur, eorum pro quorum gubernatione, &c. vsque, profutura. Salua sedis Apostolicæ auctoritate, & Diocæsani Episcopi Canonica iustitia. Siqua igitur in futurum &c. vsque, subiaceat. Cunctis autem eidem loco &c. vsque, ptemia æternæ pacis inueniant. amen. Datum Laterani per manum Ioannis Sanctæ Mariæ in Cosmidin. Diaconi Card. Sanctæ Romanæ Ecclesiæ Cancellarij. iij. Kal. Ianuarij. Indictione xv. Incarnationis Dominicæ, anno millesimo ducentesimo vndecimo. Pont. verò Domini Innoc. Papæ III. Anno xiiij.

EPISTOLA CXXXVII.

CAPITULO S. EVASII DE CASALI.

*Narrata longa causa serie, super subiectione Pacilianensis Ecclesiæ
latas sententias confirmat.*



VM dilecti filij V. Ecclesiæ vestræ, ac Guaz, & A. S. Germani, & Communis de Paciliano procuratores, ad sedem Apostolicam accessissent, nosque illis benignam audientiam dedissemus; prædictus procurator Ecclesiæ vestræ proposuit coram nobis. Quod cum olim inter Ecclesiam vestram ex parte vnâ & Ecclesiam S. Germani de Paciliano ex altera; coram venerabili Fratre nostro ... Patriarcha Ierosolimitano, tunc Episcopo Vercellen. super subiectione, quam vestra Ecclesia petebat ab illa, quæstio verteretur. Syndicus Ecclesiæ vestræ proposuit coram eo; quod eadem Ecclesia, Ecclesiæ vestræ in omnibus debebat esse subiecta, vtpote suæ plebi. Et tempore solemnisi baptismi, videlicet, vigilia Paschæ, ac Pentecostes, expensis Pacilianen. Ecclesiæ vestræ fontes debebant repleri, ac Presbyter Pacilianen. pro scrutinijs faciendis tempore constituto, & pueris baptisandis temporibus supradictis, ad Ecclesiam vestram accedere tenebatur, & indifferenter præsentatos sibi pueros baptisare, chrisma sibi suo scholari, vel Clerico ministrante. Clerici autem eiusdem Ecclesiæ, qui vellent ad ordines promoueri, ad eos debebant per vestram Ecclesiam præsentari, ac vobis omnem reuerentiam exhibere. Cum autem Casalen. Præpositus in synodo steterit, Clerici Pacilianen. Ecclesiæ cum eo surgere tenentur, & stare quandiu Casalen. Præpositus steterit in eadem. Præpositus verò Pacilianen. proposuit ex aduerso: quod Ecclesia sua nullo tempore fuit titulus Ecclesiæ Casalen. nec vnquam tanquam plebi subiecta; sed etsi aliquo tempore rei veritas se aliter habuit; huiusmodi tamen quæstio per bonæ memoriæ Gisulphum Vercellen. Episcopum concorditer extitit terminata. Qui statuit vt in tribus solummodo Ecclesia sua esset obnoxia Casalen. videlicet quod baptismi tempore vnus Sacerdos Pacilianen. Ecclesiæ, ad fontes intersit cum Clericis Casalen. Ecclesiæ, baptisaturus pueros tantummodo suæ villæ. Et qui ordinandi fuerint de Pacilian. Ecclesia, per Casalen. ad ordines præsententur; nisi forsan Præpositus, aut Canonici Casalen. à præsentatione callidè se subtraxerint eorundem. Ac in Synodo ubicumque sedeant, surgant surgente Præposito Casalen. adiciens, quod idem Præpositus chrisma debebat facere ministrari Pacilianen. Presbytero baptisanti. In his ergo tantum Ecclesia

sua Ecclesiæ vestræ , & non in alijs tenebatur. Syndicus verò prædictus huiusmodi ptorfus inficiens intetuenisse concordiam, instrumentum quod super hoc Ecclesia Pacilianen. exhibuit, suspectum asseruit falsitatis. Adiciens, quòd post tempus illud, Pacilianen. impleri fecerant fontes Ecclesiæ Pacilianen. Potro ex parte fuit Pacilianen. Ecclesiæ replicatum : quòd instrumentum prædictum fide dignum, & authenticum erat , ac etiam à Vercellen. Capitulo approbatum ; & transactionem , quæ continebatur in eo , bonæ memoriæ Lucius Papa predecessor noster auctoritate Apostolica confirmarat, sicut per ipsius authenticum apparebat. Quòd autem post tempus transactionis aliquando fuerint fontes impleti, ex ignorantia facti processit; cùm postmodum in Thesauria B. Eusebij instrumentum fuerit transactionis inuentum, cuius tenorem primitus ignorarant. Et quia istud specialiter in illa controuersia fuit antiqua petiturum, & omnia remissa fuerant à Casalen. præter tria prædicta, repletio fontium postmodum indebitè facta, non debebat Pacilianen. Ecclesiam ad id præstandum in posterum obligare. Cùm igitur coram Patriarcha prædicto, super his fuisset ab vtraque parte diutius litigatum; Idem visis, & auditis allegationibus, & instrumentis, ac depositionibus testium, quos pars vtraque produxit, habito Fratrum suorum, & aliorum iuris peritorum consilio, sic decreuit. Vt Pacilianen. Sacerdos tempore solemnisi baptismi cum baptisandis pueris terræ suæ ad Ecclesiam Casalen. accederet, & indifferenter quoscumque pueros baptisaret oblatos. Ordinandi verò de sæpedita Pacilianen. Ecclesia, per vestram præsententur ad ordines, nisi fortè Præpositus qui pto tempore fuerit, aut Capitulum à præsentatione ipsorum callidè se duxerint subtrahendos. Ita tamen quòd Clericus Pacilianen. qui esset ad ordines præsentandus, præsentatorem procurare minimè teneretur. Et si Clericus Casalen. sinè dilatione vellet accedere ad præsentandum eundem, præsentandus cum eo accederet sinè mora; quòd si præsentator ire differret, ordinandus accederet sinè ipso, & vsque ad tempus repræsentationis expectaret eundem. Statuit etiam vt Pacilianen. Clerici in synodo surgerent cùm Casalen. Præposito, starent cum eo quandiu ipse steterit, sicut Clerici Casalen. Chrisma quoque idem Præpositus Pacilianen. Presbytero baptisanti, sicut alijs Sacerdotibus, faceret ministrari, & celebrato baptismate chrisma, & oleum Sanctum Pacilianen. Clerici de manu Præpositi reciperent sæpediti. A repletione verò fontium, & alijs quæ à vestra Ecclesia fuerant postulara, Ecclesiam Pacilianen. ptorfus absoluit. Propter quod ab Ecclesia vestra fuit ad sedem Apostolicam appellatum, & eadem prosequente appellationem emissam, bonæ memoriæ Clemens prædecessor noster appellationis causam, Mortarien. Præposito, & Magistro Iacobo Papien. Canonico delegauit. In quorum præsentia partibus constitutis; Magister Garganus Syndicus Pacilianen. Ecclesiæ proposuit coram illis; quòd à præfata sententia ab Ecclesia vestra, nec prima die qualata fuit coram præfato Iudice viua voce, nec postmodum infra decem dies in scriptis in eius præsentia, extirrit appellatum, & appellationem ipsam Ecclesia vestra non fuerat infra tempus legitimum prosecuta. Vnde ab imperitione ipsius, Pacilianen. Ecclesia debebat absolui. Iudices verò prædicti visis, & intellectis rationibus vtriusque partis, &

depositionibus testium prædictorum diligenter inspectis, præfato Magistro præstante corporaliter iuramentum, quod à præfata sententia, nec prima die, nec infra decem, sicut superius est expressum, ab Ecclesia vestra fuerat prouocatum, eundem Magistrum nomine Pacilianen. Ecclesie ab imperitione Casalen. Ecclesie sententialiter absoluerunt, præfatam diffinitiuam sententiam confirmantes. Cum igitur sæpediti Pacilianen. per decennium, & amplius, præfatæ sententiæ paruissent, & postmodum ipsam seruare temeritate propria recusassent. Nos Ecclesie vestræ querela super hoc proposita coram nobis, venerabili Fratri nostro L. Pisân. Archiepiscopo, tunc Vercellen. Electo nostris dedimus litteris in mandatis: vt eos ad obseruationem ipsius sententiæ per censuram Ecclesiasticam, sicut iustum esset, compelleret, appellationis diffugio nonobstante. In cuius præsentia partibus constitutis, G. Syndicus Ecclesie vestræ petijt, vt ad præfatam sententiam à prædicto Episcopo promulgatam, & confirmatam per Iudices à sede Apostolica delegatos, sicut per instrumenta publica exinde confecta plenius apparebat, faceret executioni mandari. Sed pars altera proposuit ex aduerso, quod cum tam diffinitiuam sententiam, quam ea quæ lata extiterat pro confirmatione ipsius, sicut nisi est probare per testes, fuerit per appellationem suspensa, præfata diffinitiuam non erat executioni mandanda; sed potius de causa ex integro cognoscendum. Cæterum Ecclesie vestræ Syndicus obiectum appellationis inficiens, asseruit: quod si fuisset etiam prouocatum, nihilominus tamen ipsa sententia in rem transierat iudicatâ cum non solum biennium, sed decennium etiam fuerit à tempore prolationis elapsum. Nec illud debebat obstare, quod allegauerat pars aduersa; videlicet, quod lis quæ speratur in consistorio principis absque damno moræ manet intacta; eo quod id locum habet, si postquam ad Principis venit notitiam, causæ tractatum distulerit varijs occupationibus præpeditus. Præterea Syndicus asseruit memoratus, quod de prædictæ sententiæ viribus non erat amplius inquirendum, cum Clerici Pacilianen. Ecclesie proprio motu in omnibus Capitulis paruerint sententiæ memoratæ, quod nisi est testium asseritione probare. At Pacilianen. Præpositus id penitus negans, proposuit: quod hoc verisimile minimè videbatur, cum semper à longis retrò temporibus in Sabbatho vigilia Paschæ, ac Pentecostes, solemne baptismum Pacilianen. Ecclesia celebrarit, quod & voluit probare per testes. Adiciens quod & si omnia vera essent, quæ pro vestra Ecclesia fuerant allegata; parti suæ tamen non debebant obesse: cum Præpositus vester vobis assentientibus super his quæ præfata sententia, vel ratione alia, vestræ competeabant Ecclesie, transegerit cum eodem: & bonæ memoriæ Celestinus Papa prædecessor noster transactionem super his habitam confirmarit, quasdam litteras nomine ipsius prædecessoris nostri confectas producens in medium, ad suam intentionem fundandum. Ad hoc præfatus syndicus Ecclesie vestræ respondit, quod hoc nec verum erat, nec verisimile videbatur: cum tempore quo Patriarcha prædictus præfuerat Ecclesie Vercellen. plures de Clericis Pacilianen. Ecclesie suspensi fuerint, pro eo quod dictam sententiam non seruarent, & ab eis usque tunc id non extiterit allegatum; firmiter asseuerans instrumentum super transactione confectum, & præfatas confirmationis litteras esse falsas. Verum

præfatus Archiepiscopus de litterarum illarū dubitans falsitate, ipsas examinandas ad nostram præsentiam destinavit, cum suarum testimonio litterarum. Nos igitur litteris ipsis diligenter inspectis ipsi rescripsimus, quòd eas tam ex dictamine, quòd à stilo Cancellariæ nostræ discrepabant omnino, quàm ex bulla quæ fuerat extracta ex litteris alijs, & illis fraudulenter inserta, falsas esse comperimus manifestè. Porro Archiepiscopus memoratus visis, & intellectis his, & alijs quæ hinc inde fuere proposita coram eo, & habito prudentum virorum consilio, super præmissis pronuntiavit, quemadmodum dictus pronuntiauerat Patriarcha, Ecclesiæ vestræ syndicum sententialiter ab impetitione syndici Communis Pacilianen. absolvens; super eò quòd proposuerat, quòd vestra perturbaret Ecclesia quasi possessionem Pacilianen. Communis, super suorum baptismate paruulorum. Licet autem præfati Pacilianen. à prædicta sententia postmodum appellarint; iidem tamen appellationem emissam infra biennium persequi non curarunt, & eis non deferentibus pueros suos ad vestram Ecclesiam baptisandos, iuxta quòd à Patriarcha, & Archiepiscopo memoratis fuerat sententialiter diffinitum. Nos super hoc Ecclesiæ vestræ querela recepta; venerabili Fratri nostro . . Papien. Episcopo dedimus in mandatis, vt partibus conuocatis causam audiret, & appellatione remota sine causam terminaret. A quo libello sibi oblato Ecclesiæ vestræ syndicus postulauit, vt cum Commune Pacilianen. pueros suos ad Casalen. Ecclesiam baptisandos contemnerent destinare, ipsos Ecclesiastica censura compelleret, vt tempore solemnisi baptismi pueros suos ad eandem Ecclesiam baptisandos transmitterent, vt tenentur. Lite igitur coram eo solemniter contestata; & productis testibus, & exhibitis instrumentis, præfatus Episcopus visis, & intellectis rationibus vtriusque partis, & habito prudentum virorum consilio, non obstantibus litteris quas venerabiles Fratres nostri . . Terdonen. & Alexandrin. Episcopi miserunt eidem, quasque sibi præpositus Pacilianen. Ecclesiæ in die tertio præsentauit, cum post impetrationem ipsarum, pars Pacilianen. testium depositiones receperit à vestra Ecclesia productorum, & postulatis inducijs, & obtentis, ad faciendos extractus, & super depositionibus testium disputandum sibi sua tradiderit instrumenta, depositiones testium, & extractus, de præfatis litteris non faciens mentionem syndicum Pacilianen. Communis eorum nomine sententialiter condemnauit. Vt de cætero singulis annis tempore solemnisi baptismi, videlicet vigilia Paschæ, ac Pentecostes, paruulos suos ad Ecclesiam vestram mitterent baptisandos. Postmodum aurem Pacilianen. Præpositus suam nobis querimoniam destinavit; quòd Casalen. Præpositus iniuriabatur eidem super quadam pecuniæ quantitate. Verùm nos dilecto filio Raynerio Subdiacono nostro Asten. Canonico, nostris dedimus litteris in mandatis, vt causam audiret, & appellatione remota, vsuris cessantibus, sine debito terminaret. Quibus in eius præsentia constitutis. B. Syndicus Pacilianen. Ecclesiæ oblato libello proposuit coram eo, quòd cum transactionem habitam inter Magistrum Steph. Ecclesiæ vestræ nomine, & Magistrum Gar. tunc syndicum. Pacilianen. Ecclesiæ super baptismate paruulorum, & capitulis alijs minimè seruaretis, incideratis in pœnam trecentarum librarum Papien. monetæ,

quæ fuerat in compromiſſo expreſſa: vnde poſtulauit inſtanter, vt vos compelleret ad ſolutionem eiſdem, repetens nihilominus centum quinquaginta libras Papien. quas præfatus Magiſter G. nomine Pacilianen. Eccleſiæ dederat Eccleſiæ veſtræ, pro bono pacis, & expenſis quas fecerat, ſuper præfatis capitulis litigando, & quòd Eccleſia veſtra teneretur ad hæc, niſus eſt probare per teſtes, & per publicum inſtrumentum. Syndicus verò Eccleſiæ veſtræ propoſuit ex aduerſo: quòd inſtrumentum, quod idem exhibuerat, erat falſum, & contractus, qui continebatur in illo, nunquam habitus fuerat inter parres, & ſi habitus eſſet non debebat tenere de iure: eò quòd ſuper ſpiritualibus, quæ remitti non poterant, factus eſſet. Nec præfatus Magiſter ad pœnam Eccleſiam veſtram quiuerat obligare: nec etiam licitum fuerat ſuper re tranſigere iudicari. Iudex verò prædictus auditis hiſ, & alijs quæ fuerunt propoſita coram eo, & vtriuſque partis rationibus diligenter inſpectis, præfarum Eccleſiæ veſtræ Syndicum ipſius Eccleſiæ nomine, ab imperitione partis alterius ſuper prædictæ pecuniæ quantitate, per ſententiam diffinitiuam abſoluit. Verum procurator prædictus poſtulauit à nobis, vt præfatas ſententias auctoritate dignaremur apoſtolica confirmare: ac ſuper præmiſſis parti aduerſæ perperuum ſilentium imponentes ipſos nihilominus puniremus, pro eo quòd inſtrumentis, & litteris pluries in iudicio fuerant uſi falſis, eòſque vobis condemnaremus nihilominus in expenſis, reuocando in irritum, quod Per perracium, & Morandum occasione litterarum falſarum contra Eccleſiam veſtram extiterat attentatum. Ad hæc præfati procuratores Pacilianen. reſponderunt: quòd licet præfaræ ſententiæ laxæ fuerint contra eos, ipſi ramen appellarant ab illis, & eadem iniquitatem nihilominus contrinebant, & de dolo præſumi poterat manifeſtè, eò quòd contra tranſactionem extiterant promulgatæ. Vnde petebant eaſdem auctoritate apoſtolica irritari, cum inſtrumentum tranſactionis ipſius, vt falſum non fuerit in iudicio reprobatum. Nihilominus poſtulanter vt prædictis ſententijs nonobſtantibus tranſactionem eandem, quæ fuerat pœna pecuniaria, & Sacramenti religione firmata faceremus ſeruari per quam Pacilianen. & eorum Eccleſia ab Eccleſiæ veſtræ ſubiectione reddebantur immunes. Procurator verò veſter propoſuit ex aduerſo: quòd de iuribus ſententiarum illarum non erat de cætero inquirendum: cum in rem iam tranſierint iudicari. Et licet pars aduerſa, ſicut aſſerit, à ſententia Morarien. præpoſiti, & eius coniuſdicis appellati, nihilominus tamen per decennium & amplius ipſi Pacilianen. præfate ſententię paruenerunt: propter quod, & appellationi ſuæ, ac tranſactioni, ſi qua facta extitit, renunſiaſſe videntur. Præterea cum de inſtrumento tranſactionis Archiepiſcopus cognouerit memoratus, & eo nonobſtante pronuntiauerit contra ipſos, illud merito præſumitur reprobaffe: etſi ab ipſius, vt aſſerunt, ſententiæ prouocarunt, appellationem ramen infra biennium non fuerunt poſtmodum proſecuti. Sed ſententia præfati Papien. Episcoporum eis non licuit appellare. Quia cum iam ſecundò appellauerint, ſicut dicunt, in eadem cauſa ipſis prouocare tertio non licebat contra quos etiam Subdiaconus memoratus, ad quem ipſi noſtras litteras impetrarant, ſuper tranſactione prædicta ſententiam promulgauit, ab imperitione ipſorum veſtram Eccleſiam abſoluendo. Procuratores verò Pacilianen. replicarunt quòd appellationem quam emiſerant

à sententia quam præfatus Archiepiscopus tulerat contra eos infra tempus legitimum fuerant persecuti, sed eodē impediēte Archiepiscopo, qui tunc temporis apud sedem apostolicam morabatur, non potuerunt aliquid impetrare. Vnde quia lis inferri sperabatur in Consistorium Principis, sine damno moræ morabatur intacta, Præterea cū præsentiam Iudicis formidarent, pro falsitate in iudicio deprehensa, & timoralis existeret, qui cadere poterat in constantem, à prosecutione appellationis ipsius merito poterant excusari. Ad hæc autem procurator vester respondit, non esse verisimile, quòd infra biennium appellationem persequi nequiuissent: quia licet aliquando Princeps extiterit occupatus, non tamen consuevit instantibus iustitiam denegare; nec metum quem ob vitium falsitatis incurrebant allegare valebant, cū idem huiusmodi incusserant sibi metum, nec ex eo erant aliquatenus excusandi, vnde debebant potius condemnari. Nos igitur his & alijs, diligenter auditis, quæ partes coram nobis proponere voluerunt, de consilio Fratrum nostrorum prædictas sententias, quas inanifestè cognouimus esse iustas, decreuimus confirmandas. Nulli ergo omnino hominum &c. si quis autem, &c. vsque, incursum. Datum Laterani iij. Non. Ianuarij. Pont. N. Anno xiiij.

EPISTOLA CXXXVIII.

EPISCOPO ET.. CVSTODI ARGENTINEN.

Nec vulgaribus iudicijs purgetur Presbyter super hæresi.

ICET apud Iudices seculares vulgaria exerceantur iudicia, vt aquæ frigidæ, vel ferri candentis, siue duelli: huiusmodi tamen iudicia Ecclesia non admisit; cū scriptum sit in lege diuina, non tentabis Dominum Deum tuum. Hoc igitur obseruato circa purgationem Reimboldi latoris præsentium, qui super hæretica prauitate asseritur infamatus, taliter procedatis, quòd morbus iste, qui serpit vt cancer, per vestram sollicitudinem circumspectam perfectè curetur: ita quod eum nec iniquum grauet iudicium, nec misericordia dissoluta confundat. Datum Lateran. v. Idus Ianuarij. Pont. N. Anno decimoquarto.

EPISTOLA CXXXIX.

Recipit sub protectionem B. Petri.

P. PRÆPOSITO EBREDVNEN. SVBDIACONO NOSTRO.

QUÀ à nobis petitur quod iustum est, & honestum &c. vsque, effectum. Ea propter dilecti in Domino filij &c. vsque, inclinati. Personam tuam cum omnibus bonis tam Ecclesiasticis, quàm mundanis, quæ impresentiarum rationabiliter possides, aut in futurum iustis modis præstante Domino poteris adipisci, sub B. Petri, & nostra protectione suscipimus. Specialiter autem Præposituram, & Canonicam Ebredunen. Ecclesiæ cum pertinentijs suis, sicut eas iustè possides, & quietè, auctoritate tibi aposto-

lica confirmamus, & præsentis scripti patrocinio communimus. Nulli ergo &c. vsque nostræ protectionis & confirmationis infringere, vel ei &c. vsque, incursum. Datum Lateran. iij. Idus Ianuarij. Pont. N. Anno xiiij.

EPISTOLA CXL.

P. SVB DIACONO NOSTRO PRÆPOSITO, ET
CAPITVLO EBREDVNEN.

*Collationis ius commune Episcopo, Et Capitulo, propter negligentiam
desertur superiori.*

POSTVLASTIS per sedem apostolicam edoceri, vt cùm ad vos simul, & Archiepiscopum vestrum donatio Præbendarum Ecclesiæ vestræ pertineat: vtrum Prebendæ vacantis donatio penes Archiepiscopum ipsum remaneat, si eam infra semestrem tempus neglexeritis pariter ordinare. Ad quod vobis breuiter respondemus; quòd cùm vos, & idem Archiepiscopus in fratempus præscriptum negligentes existitis circa collationem vacantium Præbendarum, sicut nec ab illo ad vos, ita nec à vobis ad illum potestas deuoluitur conferendi. Sed secundum statuta Lateranen. Concilij ad superiorem transit donatio earundem: nisi fortè Archiepiscopus, non vt Prælatus, sed vt Canonicus vobiscum ius habeat conferendi: & in hoc casu si dolosè forsitan impederit dolus ei suffragari non debet. Datum Lateran. iij. Ianuarij Pont. N. Anno decimoquarto.

EPISTOLA CXLI.

ABBATI ET CONVENTV CORBEIEN.


*Confirmat sententiam inter eos, Et Aduocatos Betunia
latam à delegatis.*

VM à nobis petitur quòd iustum est, & honestum &c. vsque, perducat effectum. Ea propter, dilecti in Domino filij, vestris iustis postu. &c. vsque, assensu. Sententiam diffinitiuam, quam pro vobis contra nobilem virum Vv. Aduocatam Betuniz, super quibusdam tallijs, & exactionibus, quas dictus Aduocatus indebitè vestris hominibus imponebat, dilecti filij ... S. Martini de Gemellis, & S. Acheloi Abbates, & .. Præcentor Ambianen. à nobis Iudices delegati, exigente iustitia protulerunt, sicut est iusta, nec legitima prouocatione suspensa, auctoritate apostolica confirmamus, & præsentis scripti patrocinio communimus. Nulli ergo, vsque, contraire. Siquis autem hoc & vsque, incursum. Datum Lateran. ij. Kal. Ianuarij. Pont. N. Anno decimoquarto.

EPISTOLA CXLII.

VNIVERSIS EPISCOPIIS IN QVORVM EPISCOPATIBVS
MALEFACTORES CORBEIEN MONASTERII
COMMORANTVR.


Vt malefactores Monasterij Corbeiensis coerceant.

 VANTò ampliùs Corbeien. Monasterium ad ius, & proprietatem Sacrosanctæ Romanæ Ecclesiæ noscitur pertinere, & specialiùs ad eius curam respicit, & tutelam: tantò ad deffensionem, & conseruationem ipsius propensiori cura nos oportet intendere, & eius iura il-libata, & integra conseruare. Inde est, quòd vniuersitati vestræ per Apostolica scripta mandamus: quatinus illos Parrochianos vestros, qui possessiones, & bona præfati Monasterij auferre præsumperint, & ea temerariè molestare, cum omni studeatis diligentia cõuenire: vt & ablata restituant, & ab eorum molestia, & infestatione desistant. Quòd si iuxta commonitionem vestram facere fortè contempserint, eos vsque ad condignam satisfactionem censura Ecclesiastica arceatis. Datum Lateran. iij. non. Decemb. Pont. N. Anno. xiiij.

EPISTOLA CXLIII.

ABBATI ET CONVENTVI S. MAGLORII PARISIEN.


Ne Archidiaconus pro installatione eorum Abbatis quid exigit.

 VM ex iniuncto nobis apostolatus officio Ecclesiarum omnium sollicitudinem gerere teneamur: ea corrigere nos oportet, quæ interdum contra sacrorum Canonum sanctiones in eis per ipsarum ministris improuidè attentantur. Sanè audientiam nostram vobis refferentibus est delatum: quòd cùm Abbatem vestrum cõgigit de nouo in sede, prout moris, est collocari, Archidiaconus Parisien. pro installatione p̃sius ceterum solidos Parisien. monet: à vobis nititur extorquere: huiusmodi exactio-nem in ius annum conuertendo. Quia igitur talis exactio est rationi contra-ria, & sanctorum patrum institutionibus inimica: ne id de cætero attententur, auctoritate præsentium districtiùs inhibemus. Nulli ergo &c. vsque nostræ in-hibitionis infringere &c. Siquis autem &c. vsque, incursurum. Datura Lateran. iij. Non Octob. Pont. N. Anno xiiij.

EPISTOLA CXLIV.

PRIORI GRANDOMONTEN.

Explicationem quorundam Capitulorum super ipsorum statu confirmat.

 VM quædam Capitula in authentico nostro contenta, per litteras tuas quæ coram nobis recitatæ fuerunt, ad maiorem duxeritis euiden-tiam exponenda: nos attendentes te illa & intellexisse fideliter, & salu-briter explanasse. Deuotioni tuæ præsentium auctoritate, mandamus: quatinus

ipsa secundum expositionem huiusmodi facias obseruari. Ad maiorem verò cautelam expositiones illas de verbo ad verbum præsentis scripto iussimus annotari, quarum tenor est talis. Quia de pulsatione ad collationem prima fiebat quaestio, taliter videtur determinare priuilegium, quòd Procurator domus secundum tenorem mandati apostolici debet propria manu pulsare, cum in domo præsens fuerit hora statuta à Priore, nisi infirmitas corporis manifesta, vel necessitas ineuitabilis ipsum detinuerit, ne collationi valeat interesse; Si verò interesse nequiuert, alius Conuersus, quem Prior statuerit, pulset hora statuta: Ita siquidem vt de negligentia iure non valeant reprehendi. Prior autem Clericum instituet, qui Procuratori, vel alteri Conuerso hora statuta precipiat vt pulsetur, vel si Clericus negligens fuerit, hoc idem iniungat alius Clericus loco eius. Per quod manifestè datur intelligi, quòd Clericus auctoritatem habet iniungendi Conuerso, vt pulset hora statuta, vel si fortè hora transferit, & Conuersus tenetur pulsare ad denuntiationem Clerici sine dilatione qualibet, vel quaestione: et si quilibet horum negligens fuerit, vel contemptor de mandato Summi Pontificis tanquam transgressor puniatur. Visitatores computationes audiant de receptis pariter & expensis; eo modo quo prior computationes consuevit audire, quem modum, quamuis satis notus sit vniuersis, planè coram omnibus in Capitulo generali exposuimus; Si Clericis placuerit vt exeant ad laborem, cum Conuersis exeant, & cum eis pariter reuertantur: sed semper Hebdomarius in Cella remaneat, cuius nomine intelligimus, interiorum ambitum, vel clausuram, vel, si clausura non fuerit, loca adiacentia officinis. Si verò Clerici vel conuersi exceßerint exeundo, quod intelligimus, si nimis frequenter, & sine causa honesta, in Capitulo proclamantur à Clerico vel Conuerso, & per Hebdomarium regulariter & rationabiliter iudicentur. Cætera verò expositione aliqua indigere non videntur: cum mutationes Clericorum, de voluntate Prioris cum consilio Clericorum discretorum fieri debeant, & cum mutati fuerint, nihil prorsus secum ferre debeant, nisi pannos simplices, nec scripturam, nec quodlibet aliud: nec Conuersi pariter sine speciali permissione, vel mandato Prioris, cum, sicut apertè sonat priuilegium, nihil sibi proprium debeant vindicare. Quia verò computationis Capitulum, fili Prior, minimè fuit in tuis litteris explanatum, illud nos in alijs litteris nostris plenius duximus explanandum. Datum Lateran. iij. Idus Ianuarij. Pont. N. Anno xiiij.

E P I S T O L A CXLVI.

PRIORI ET CONVENTUI GRANDIMONTEN.

Super Reformatione ipsius Monasterij.

VENIENTES ad apostolicam sedem aliqui Clerici de quibusdam Cellis ordinis vestri, nobis proponere curauerunt: quòd in multis statuta vestri ordinis violantur, propter quod scandalum oritur inter Fratres, & rixæ, ac contentiones exinde oriuntur. Nos autem, quia ipsos tu fili Prior, sicut per tuas litteras intimasti, excommunicationis vinculo innodatas, vt super his quæ proponebant melius instrui valeremus: eisdè beneficium fecimus absolutionis impendi; mandâtes vt eos in locis suis recipi facias.

salua ordinis disciplina. Volentes igitur, vt siqua in Ecclesia vestra corrigenda sunt, in melius corrigantur: venerabili Fratri nostro Archiepiscopo Bituricen. & dilectis filijs. de Pratea & de Varenis Abbatibus Cisterciens. ordinis Bituricen. Dioc. dirigimus scripta nostra, vt ad vestram Ecclesiam accedentes, quæ ibidem inuenerint contra regulam defformata, nostra freti auctoritate subblato appellationis obstaculo studeant reformare. Contradictores Censura Ecclesiastica compescendo. Tales itaque vos in his exhibere curetis, quod zelari meritò videamini vestri ordinis honestatem, & huiusmodi contentiones, & rixę penitus sopiantur: quia seruos Dei non oportet secundum apostolum litigare. Illud autem quod in rescripto nostro de computatione annis singulis facienda, conditionaliter dicitur, intelligi volumus absolute. Nihilominus iniungentes, vt clericus siue laicus de ordine vestro quem constiterit in Canonem latę sententię incidisse, tanquam excommunicatus ab omnibus euitetur, donec per Hebdomadariū Sacerdotem, vel per te, fili Prior, fueit absolutus. Datum Later. viij. Kal. Ianuarij. Pont. N. Anno xiiij.

EPISTOLA CXLVI.

PATRIARCHÆ ALEXANDRIN.

*Consolatur captiuos Christianos, & concedit vt eorum aliquis
in Diaconum ordinetur.*



RATUM gerimus, & acceptum, & fraternitatem tuam dignis in Domino laudibus commendamus, quod, sicut ex litteris tuis nobis directis accepimus, circa illos, qui Alexandrię, ac Babilonię sunt captiui diligentiam adhibes pij patris, & ad liberationē ipsorum impendis operam diligentem. Et ne periculum negationis incurrant, nobis humiliter supplicasti, vt calamitates eorum, & angustias quas sustinent attendentes, pro liberatione ipsorum, Fratribus Militię Templi, & Hospital. necnon Regibus, & Principibus Orientalis Prouincię scribere dignaremur. Nos autem qui cum apostolo dicere possumus: Quis infirmatur, & ego non infirmor, quis scandalisatur, & ego non vrer; etsi in tribulationibus eorundem paterno compatiamur affectu, in eo tamen consolationem recipimus, qui secundum apostolum Pater misericordiarum, & totius consolationis est Deus, qui nos in omni tribulatione nostra misericorditer consolatur, illud in eis sperantes implendum, quod veritas, quæ mentiri non nouit, in Euangelio protestatur: Beati qui persecutionem patiuntur propter iustitiam, quoniam ipsorum est regnum cælorum. Beati qui lugent quoniam ipsi consolabuntur. Sanè habito super hoc cum Fratribus nostris diligenti tractatu, petitionem tam tuam, quam captiuorum ipsorum, fauore perpendimus apostolico prosequendam. ven. F. N. Patriarchę Ierosolimitan. apostolicę sedis Legato nostris dantes litteris in mandatis, quatinus ex parte tam nostra, quam sua, præscriptos Fratres, ac Reges, & Principes in nomine Domini exhortetur, consulendo fideliter, & efficaciter inducendo, vt ad redemptionem illorum per congruam commutationem intendant, & contra persecutores fidei Christianę, his pro fide Christi potentibus armis

vrantur, quibus utique Dominus vim suæ virtutis creditur facilius impensurus. Cùmque hoc acceptabile opus populus intellexerit Christianus, ad subuentionem eorum liberaliùs suas manus extendat; & nos, si deuotè fuerimus exaudiri, debeamus eos in petitionibus suis plenius exaudire. Quidquid autem super hoc actum fuerit idem Patriarcha nobis non differat intimare, vt per suam relationem instructi, iuxta quod nobis diuina suggererit inspiratio, procedamus. Cum igitur tanquam aurum in fornace Dominus suos prober electos, fraternitatem tuam rogandâ duximus, & monendâ, per apostolica scripta mandantes: quatinus captiuos ipsos efficaciter exhorteris, vt non deficiant in tribulationibus suis: quia non sunt condignæ passionibus huius temporis ad futuram gloriam, quam in nobis apostolus asserit reuelandam; & fidelis est Deus, qui eisdem supra id quod possunt tentari minimè patietur, sed faciet cum tentatione prouentum, vt valeant sustinere. Id enim quæ in præsentî sustinent, est utique momentaneû, sed in eis pondus æternæ gloriæ operatur. Si tamen vsque in finem viriliter in incepto cerramine duxerint persistendum, quia si legitime consumauerint bonum certamen quod hæctenus certauerunt, de reliquo ipsis corona iustitiæ reponetur. Quædam autem de ipsis audimus, quæ cum dolore referimus, & pudore: quia ipsi nonnulla, committunt impia, & nefanda, per quæ non solum diuinam maiestatem offendunt; verùm etiam apud incredulos Christianam religionem infamant: propter quod maximè circa liberationem ipsorû, supernæ miserationis reddatur effectus. A quibus tu eos salubribus monitis, & consilijs studeas reuocare, talè te ipsum in seruitute diuina satagens exhibere, vt ab his, qui sunt intus, & ab his, qui sunt foris, bonum habere testimonium mereris. Cæterum sicut nobis scripsisti, præfati captiui non habent nisi quendam vetulum Sacerdotem, qui eis possit ministrare diuina. Vnde fraternitatem tuam humiliter rogauerunt, vt vnum ex ipsis in Ecclesiasticis ministerijs eruditum in Diaconum promoueres, quod tu sine nostra licentia facere noluisti. Nos autem vt in hoc eorum adimpleas desiderium, suademus, ordinandi eum tibi liberam concedentes auctoritate apostolica facultatem. Datum Lateran. xv. Kal. Februarij Pont. N. anno xiiij.

EPISTOLA CXLVII.

PATRIARCHÆ HIEROSOLIMITAN APOSTOLICÆ SEDIS LEGATO.

Vt hortetur Principes Orientales, ad commutationem Captiuorum Christianorum cum Paganis.



ECCEPIMVS litteras doloribus plenas, & miserijs cumulatâs, quas Apostolatus nostro miserunt venerabil. Fr. N. Patriarcha alexandrinus, & qui Alexandriæ sunt captiui ærumnas, & pressuras, quas sustinent exponentes, & postulantes suppliciter cum gemitu, & merore, quatinus ad liberationem eorum misericorditer intendamus. Inducendo Fratres Templi, & Hospital. ac Reges, & Principes Oriental. Prouinciæ, vt per commutationem captiuorum ad liberandum illos, inclinent animos cum effectu. Ne propter acerbiteriam poenarum, quas longo tempore sunt propeffi, apostatare cogantur, cùm prompto sint Spiritu parati tantû illis exhibere seruitij, quantum

negationis euadant. Nos autem qui cum Apoſtolo dicere poſſumus. Quis infirmatur, &c. In eundem ferè modum, vt in ſuperiori, quæ mittitur Patriarchæ Alexandrino, vſque. Cùm igitur tanquam aurum in fornace Dominus ſuos probet electos, vniuerſitatem veſtram monendam duximus, & hortandam, quatinus non deficiatis in tribulationibus veſtris, &c. vſque, ſupernæ miſerationis retardatur effectus, à quibus vos ſub obteſtatione diuini iudicii obſecramus penitus abſtinere, ne per vos inter gentes ſanctum nomen Domini blaſphemetur. Alioquin fruſtra profeſſo vel à Deo miſericordiam, vel à nobis ſolacium expectatis. Datum Lateran. xiiij. Kal. Feb. Pont. N. Anno xiiij.

EPISTOLA CXLIX.

MAGISTRO ET FRATIBVS MILITIÆ CHRISTI IN RIGA.

Differt erectionem Episcopalis ſedis, in terris ad fidem reductis.

GRATIAS eximias bonorum omnium referimus largitori, quod conatus veſter contra barbaras nationes inutilis non exiſtit, ſed de die in diem in veſtris manibus proſperatur; ita vt greſſus veſtros Domino dirigentes, plures vobis ſubieceritis ex eiſdem, & ad vnum adduxeritis cultum Dei, tecepto baptiſmatis Sacramento. Verùm dilectus filius... confrater veſter lator præſentium à nobis cum instantia poſtulauit, vt in terris illis quas vobis nuper diuina præeunte clementia ſubiugaſtis, dignaremur Episcopum ordinare. Sed preces ipſius, cùm arduum ſit negotium, non duximus protinus admittendas: quin potiùs vſque ad tempus expectandum prouidimus opportunum. Vniuerſitatem veſtram monentes, & exhortantes attentius, quatinus in Domino confortemini, & in potentia virtutis ipſius, prælia Domini viriliter pugnaturi. Scientes quòd noſtrum vobis non deerit auxilium, in quibus cum Domino viderimus expedire. Datum Lateran. viij. Kal. Februarij. Pont. N. Anno decimoquarto.

EPISTOLA CL.

ABBATI S. VICTORIS PARIſIEN.

Privilegium ipſi datum, abſoluendi Scholaſticos Pariſienſes, de violenta manuum in Clericos iniectione, ad peractam alibi violentiam non extenditur.

SICUT ex litteris tuis nuper accepimus, cùm olim ex parte dilectorum filiorum Scholæ Pariſien. nobis fuerit humiliter ſupplicatum, vt cùm interdum eorum aliqui ex mutua iniectione manuum, in Canonem incidant ſententiæ promulgatæ, pro qua ſinè graui diſpendio, & præſertim ſinè ſcholaſtici ſtudij detrimento, non poſſent ad Apoſtolicâ ſedem accedere; ſuper hoc dignaremur eiſdem miſericorditer prouidere. Nos tibi dedimus in mandatis, vt cùm eſſes à talibus requiſitus, auctoritate noſtra ſuffultus, iuxta formâ Eccleſiæ abſolutionis eiſmunus impenderes, & iniungeres ipſis quod huiuſmodi conſuevit iniungi,

nisi forsan tam grauis esset, & enormis excessus, quòd meritò propter eum deberent ad sedem Apostolicà laborare. Tu verò quorundam consilio assentientium beneficia Principum latissimè fore interpretanda; scholaribus Parisien. qui inciderant in huiusmodi Canonem quocúmque loco, iniciendo temerè manùs in Clericos violentas, iuxta formam præscriptam absolutionis beneficium impendisti. Nos igitur his auditis de tua non potuimus prudentia non mirari, quòd ad sic intelligendum litteras nostras tuum animum inclinasti: cùm in eisdem litteris non dicatur, inciderint, sed, incidant in Canonem sententiæ promulgatæ: vt de illis solis intelligatur scholaribus, qui Parisius existentes huiusmodi comittunt excessum. Quocirca præsentium tibi auctoritate mandamus; quatinus scholares illos absoluere de cætero non præsumas, qui alibi quàm Parisius taliter deliquerunt, sciens quòd illi pro absolutis haberi non debent, quos alibi delinquentes quàm Parisius absoluisisti: cùm de talibus nullam acceperis potestatem. Datum Lateran. x. Kal. Feb. Pont. N. Anno xiiij.

EPISTOLA CLI.

DECAN. ET CAPITVLO B. ANIANI.

*Residere non censetur, qui per dimidium annum ad minus
Ecclesia non seruit.*



SCVT exhibita nobis ex parte vestra petitio declarauit, Ecclesia vestra, occasione cuiusdam consuetudinis peruersæ ibidem hætenus obseruatæ, debito Canonicorum seruitio læpius defraudantur. Cùm enim Ph. quondam Decanus, & Capitulum ipsius Ecclesiæ statuissent, vt illi tantum præbendarum suarum integrè perciperent redditus, qui assiduam impenderent eidem Ecclesiæ famulatum. Adiungentes insuper, quòd tantum ille diceretur, & esset assiduus, qui eidem soli Ecclesiæ, Canonici seruitium exhiberet, se seruaturos hæc omnia prestitio iuramento firmantes. Nonnulli vestrum exinde occasione fraudulenter assumpta, cùm extra ciuitatem Aurelianen. frequenter moram faciant longiorem, ita quòd per totum annum continuè, vel interpolatim dierum numero computato, nec etiam per tres menses Ecclesiæ seruiunt memoratæ, integrè fructus suarum percipiunt prebendarum, dicente se, iuxta statutum præfatum, assiduitatem seruitij Ecclesiæ impendisse. Verum postulastis à nobis vt nulli Canonicorum vestrorum, prebendæ suæ fructus nisi per dimidium annum ad minus, dierum numero interpolatim, vel continuè computato, residentiam in Ecclesia vestra fecerit, persoluatis. Cui etiam nisi matutinalibus horis, vel missarum solemnij, seu vespertinis laudibus personaliter interfuerit, dies inutiles computentur. Nolentes igitur Ecclesiæ vestræ tantum sustinere grauamen, discretionij vestræ per Apostolica scripta præcipiendo mandamus; quatinus, id de cætero inter vos firmiter obseruetur. Saluo in omnibus Apostolicæ sedis mandato. Datum Lateran. xij. Kal. Feb. Pont. N. Anno xiiij.

EPISTOLA CLII.

ABBATI S. SALVATORIS DE BREDÀ GERUNDEN. DIOECESIS,
ET MAGISTRIS VITALI. SVBIDIAC. NOSTRO, ET
ARNALDO CANONICIS ILLERDEN.

Delegat correctionem Monasterij S. Cucufati.



VM B. Monachus Monasterij S. Cucufatis, & procurator Abbatis, & Monachorum eiusdem Monasterij ad nostram præsentiam accessissent, eis dilectum filium nostrum P. titulo S. Cecilie Presbyterum Card. concessimus auditorem. Coram quo Monachus proposuit an-
dictus, quòd cum ad Venerabiles Fratres nostros.. Gerunden. &.. Vicen. Episcopos, & Sacristam. Gerunden. à nobis litteras impetrassent, ut ipsi ad dictum Monasterium personaliter accedentes ibidem corrigerent, quæ tam in capite, quàm in membris corrigenda viderent. Ipsi accedentes ad locum, & litteris nostris in Conuentus audientia communi perlectis, præstari sibi iuramenta de dicenda veritate, super statu Monasterij exegerunt. Abbas verò, & Monachi, tria obicerunt mendaciter contra ipsum; videlicet quòd excommunicationis vinculo tenebatur, nec super obiectis abbatem præmonuerat, & Conuentum; & quòd ante præscientiam litterarum suos contra ipsum Nuntios ad nostram præsentiam destinarent; & se ac Monasterium sub nostra protectione ponentes, ne contra ipsos procederent appellarunt. Quorum appellationi cum vnus eorum, videlicet Vicen. Episcopus detulisset, duo reliqui attendentes appellationem fuisse in litteris nostris inhibitam, in eos, quia iurare nolebant, excommunicationis sententiam protulerunt, ipsos excommunicatos per Venerabilem Fratrem nostrum.. Barchinonen. Episcopum Diocesani eorum facientes per Barchinon. Dioc. nuntiari. Deinde sex de Monachis excommunicationis sententiam metuentes, coram prædictis Episcopo, & Sacrista Gerunden. dicto Vicen. Episcopo appellationi interpositæ desessente, de dicenda veritate super statu Monasterij iurauerunt. Quorum aperti depositiones instanter idem Monachus, & puniri abbatem, & Monachos, quia excommunicati diuina celebrauerant, postulabat. Procurator verò Abbatis, & Conuentus proposuit ex aduerso; quòd idem Monachus non erat aliquatenus audiendus, cum propter excessus suos sententiam excommunicationis incurreret, prius etiam quàm inquisitionis litteras impetrasset, quòd ipsi abbas, & Conuentus tunc coram dictis inquisitoribus probauissent, nisi fuisset eis audientia denegata. Ostendebat insuper procurator prædictus, Karissimi in Christo Filij nostri. P. Aragonum Regis Illustris, & Venerabil. Fratris nostri.. Terraconen. Archiepiscopi, & aliorum Episcoporum litteras, qui Monasterium ipsum de hospitalitate, abbatem verò de honestate vitæ, ac multa prouidentia tam circa spiritualia, quàm temporalia plurimum commendabant. Idem quoque B. Monachus ab auditore interrogatus eodem, non negauit abbatem tulisse sententiam excommunicationis in ipsum, licet eam asseruerit post appellationem ad nos legitimè interpositam, esse latam propter quæ idem procurator postulabat instanter, ut quidquid

à prædictis duobus inquisitoribus, post appellationem ad nos interpositam legitime factum fuerat, cassaretur. E contra, idem B. Monachus excommunicationem à procuratore Abbatis sibi non posse obici replicabat, cum idem Abbas triplici esset excommunicationis vinculo innodatus. His igitur omnibus fideliter nobis ab eodem auditore relatis, perlectis quoque attestationibus, & inspectis, quia per eas nihil contra Abbatem efficaciter probabatur. Attendentes quod inquisitores præfati post appellationem ad nos legitime interpositam processissent, auctoritate litterarum, quas dictus excommunicatus tacite subripuerat vetite, processum cassauimus eorundem, memoratas attestationes destrui facientes. Verum ne curam prædicti Monasterij negligere videamur: discretioni vestræ per apostolica scripta mandamus, quatinus ad ipsum Monasterium personaliter accedentes, corrigatis appellatione remota, tam in capite, quam in membris, quæ secundum Deum, & instituta Canonica ibidem inueneritis corrigenda, & statuatis quod regulare fuerit, & honestum; facientes quod statueritis per censurâ Ecclesiasticam firmiter obseruari. Contradiçtores si qui fuerint, vel rebelles, per censuram eandem sublato appellationis obstaculo compescentes. Ad hæc præfatum Monachum, si absque scandalo fieri poterit faciatis recipi, salua ordinis disciplina in Monasterio antedicto. Alioquin ipsum in alio Monasterio eiusdem ordinis collocetis. Nullis litteris veri. & iustit. preiud. à sede Apostolica impetratis. Quod si non omnes &c. duo vestrum ea &c. vsque, exequantur. Datum Lateran. Kal. Feb. Pont. N. anno xiiij.

EPISTOLA CLIII.

ELECTO, ET PRÆPOSITO COLOCEN.

Confirmat à Rege Vngaria factam Electionem Præpositi Cibiniensis.



ICVT dilectus filius Magister R. nobis exponere procurauit, Karissimus in Christo filius noster Vngariæ Rex illustris, ipsum ad Præposituram Cibinien. duxit Canonicè præsentandum. Verum quia Præpositura eadem ad nos in spiritualibus nullo pertinet mediante; nobis humiliter supplicauit, vt sibi eam in his quæ ad nos pertinent conferremus. Nos autem quod Per dictum Regem factum Canonicè fuerat approbantes, per apostolica vobis scripta mandamus, quatinus dictum R. in eandem Præposituram instituere auctoritate apostolica procuretis. Datum Lateran. xv. Kal. Februarij. Pont. N. Anno xiiij.

EPISTOLA CLIV.

ILLVSTRI REGI CASTELLÆ.

Quod Indulgentiam tribuat Peregrinis ad bellum contra Sarracenos.



VM personam tuam inter Catholicos Reges speciali diligamus in Domino charitate, in his quæ secundum Deum requiris à nobis, fauorem tibi apostolicum libenti animo impartimur. De infortunis ergo quæ nuper serenitati Regiæ acciderunt, paterno tibi condolemus affectu. Et vt fauorē apostolicum excellentiæ regiæ sentias non deesse, iuxta petitionē tuā, & instantiam

dilecti filij. Segobien electi Nuntij tui, quicirca promotionē eiusdem negotij extitit sollicitus, & attentus, Archiepiscopis, & Episcopis per regnum Franciæ, ac Prouinciam constitutis, nostris damus litteris in mandatis. Vt subditos suos sedulis exhortationibus moneant, & inducant, in remissionem omnium peccatorum ex parte Dei, & nostra verē pœnitentibus iniungentes, vt cūm Sarracenis in octauis Pentecosten. proximo affuturis campestre bellum indixeris, in hoc tibi necessitatis articulo succurrentes, necessarium impendant auxilium in rebus pariter, & personis, vt per hæc, & alia quæ fecerint cœlestis regni gloriam consequantur. Pari quōque remissione gaudere concedimus, peregrinos qui propria deuotione vndecūque processerint ad idem opus fideliter exequendum. Monemus igitur serenitatem regiam, & hortamur, quatinus totam spem tuam ponens in Domino Deo tuo, te humiliter coram ipso, qui gratiam suam dat humilibus, & reddit retributionem superbis, quia potense est, vt te faciat de inimicis crucis Christi magnificē triumphare. Ceterum quia nunc ferē totus mundus turbatus est, & positus in maligno, consulimus, & monemus, vt si competentes treugas inueneris, ipsas recipias, donec opportunius tempus adueniat, quo ipsos valeas securius expugnare. Datum. Lat. ij. Non. Feb. Pont. N. Anno xiiij.

EPISTOLA CLV.

SENONEN. ARCHIEPISCOPO, ET SVFFRAGANEIS EIVS.

Vt hortetur fideles ad peregrinationem contra Sarracenos in Hispania.

RECIPIMVS litteras dolore plenas, & timore non vacuas, quibus Karissimus in Christo filius noster A. Rex Castellæ illustris significare curauit; quod Sarraceni hoc anno intrantes Hispaniam in multitudine graui, quoddam Castrum Cisterciens. ordinis Fratrum, quod Saluz, terra vocatur, hostiliter obsederunt: quod bellicis machinis infestantes ad vltimum occuparunt. Attendens ergo præfatus Rex, quod nisi eis campestri bello fortiter resistatur, ipsi tum propter innumerabilem multitudinem personarum; tum propter irruptionem machinarum durissimam, vniuersas munitiones suæ possent nefandæ subicere ditioni: campestre illis bellum indixit in octauis Pentecosten. proximo affuturis eligens, mori, potiùs quàm Christianæ gentis mala videre. Vnde nobis humiliter supplicauit: quatinus ei necessarium faceremus auxilium impartiri, per Catholicæ fidei professores. Nos igitur pium eius propositum in Domino commendantes, fraternitati vestræ per apostolica scripta mandamus: quatinus subditos vestros sedulis exhortationibus moneatis, in remissionem omnium peccatorum ex parte Dei, & nostra verē pœnitentibus iniungentes; vt ei præscripto termino in hoc necessitatis articulo succurrentes, necessarium impendant auxilium, in rebus pariter, & personis: Vt per hæc, & alia bona quæ fecerint, cœlestis regni gloriam consequi mereantur. Pari quoque remissione gaudere concedimus peregrinos, qui propria deuotione, vndecūque processerint ad idem opus fideliter exequendum. Taliter autem studeatis exequi, quod mandamus, vt sollicitudo vestra clareat in effectu, nosque deuotionem vestram valeamus meritò commendare. Datum Later. ij. Kal. Feb. Pont. N. Anno xiiij.

Cum Iacobus, & Marcus viduas Matres haberent; uterque Matrem alterius duxit legitime in uxorem, & prolem suscepit ex ipsa. Quæritur igitur utrum filius, & filia sic suscepti, possint adinuicem matrimonialiter copulari. Nos autem breuiter respondemus, quod cum inter eos consanguinitas primi, & secundi gradus existat, legitime coniungi non possunt.

EPISTOLA CLVI.

ILLVSTRI REGI VNGARIÆ.

Quod non potuerit transactionem ab eo inter Archiepiscopos regni sui ex privilegio sedis Apostolicæ factam, approbare: Et nouum Episcopatum in Cibiniensi Præpositura erigere.

ILLA te fili Karissime charitatis prerogatiua diligimus, cum inter alios mundi Principes, erga personam nostram, & Sacrosanctam Romanam Ecclesiam deuotissimum te sciamus; quod preces, & petitiones ex parte tua nobis oblatas intendimus libenter admittere, quantum cum nostra possumus honestate. Inde siquidem fuit, quod venerabilem Fratrem nostrum .. Vespumien. Episcopum ad sedem apostolicam accedentem paterna benignitate suscepimus, & quæ tam per eum, quàm per tuas nobis litteras intimasti, pleno concepimus intellectu. Qui denique inter cetera proposuit coram nobis, quod cum de pace perpetuò statuenda inter Strigonien. & Colocen. Ecclesias diu fuerit te mediante tractatum, tandem vene. F. N. Strigonien. Archiepiscopus de consensu, & voluntate Suffraganeorum Strigonien Ecclesiar, videlicet .. Agrien. Georien. & præfati Vespumien. Episcoporum ex parte vna: & dilectus filius ... Colocen. electus de voluntate Suffraganeorum Colocen. Ecclesiar Vvaradien., videlicet, Cenadien. Et Vltrafluani. Episcoporum ex altera in certam formam concordie deuenerint, quam per præfatos Georien. & Vespumien. Episcopos redigi mandauerunt in scriptis. Cum illam in scriptis redactam in medium produxissent, & super ea fuisset diutius disputatum: tandem ita correctæ extitit, & conscripta, quod eam pars approbauit utraque, & tam Strigonien. Archiepiscopus, quàm Colocen. Electus, cum Ecclesiarum suarum Suffraganeis, ad Sancta Dei Evangelia iurauerunt, quod formam pacis, quæ continebatur in illo scripto posito coram eis firmiter, obseruarent, & laborarent ad hoc nihilominus bona fide, ut nos compositionem confirmaremus eandem. P. quoque. Quinque Ecclesien. Præpositus ab Episcopo suo missus pro eo, & Benedictus Præpositus Sancti Thomæ, necnon & Iac. Scholasticus Strigonien. pro Capitulo eiusdem Ecclesiar, à quo sub debito iuramenti se asseruerint habere mandatum, & Hubaldus Polonien. Præpositus iurauerunt etiam illud idem: pro Colocen. verò Ecclesia Iac. Colocen. & Hofmundus Sancti Laurentij Præpositi præstiterunt consimile iuramentum. Vnde præfatus Episcopus ex parte tua nobis humiliter supplicauit: ut compositionem eandem, quam sigillorum prædictorum electi, & Garadien. Cenadien. Vltrafluani .. Agrien. & ipsius Vespumien. Episcoporum, necnon Capitulorum Colocen. & Bachien. nobis exhibuit munimine roboratum, auctoritate dignaremur apostolica confirmare. Cuius tenor talis est; *In nomine Patris, & filij Spiritus-sancti Amen. Hac est*

forma pacis inter Strigonien. & Colocen. Archiepiscopos. Prima coronatio Regnum Vngariæ specialiter spectat ad solam Strigonien Ecclesiam : verumtamen si Strigonien. Archiepiscopus non posset, vel malitiosè nollet Regem coronare, vel Strigonien. Ecclesia vacaret; coronet Regem Colocen. nullum ex tali coronatione ius sibi vendicando in prima coronatione. Secunda coronatio ei deinceps æqualiter pertineat ad vtramque. De prouentu monetæ decima pertineat ad Ecclesiam Strigonien. vbicumque in Regno Vngariæ cudatur, quod si cudi desierit generalis moneta totius Vngariæ, quicquid loco generalis monetæ successerit, decimam habeat Strigonien. Ecclesia. Strigonien. Archiepiscopus renuntiat omni iurisdictioni, & iuri spirituali, quod habebat vel habere videbatur in Prouincia Colocen. præter decimam monetæ si ibi contingeret fabricari. Iudicium officialium Domus Regiæ, quilibet Episcopus habeat in sua Parrochia. Exhibitio Sacramentorum Regibus, & Reginis, & eorum liberistam ad ipsos Archiepiscopos, quàm ad alios Episcopos in suis Parrochijs pertineat pro voluntate Regis. In omnibus alijs vtrique Ecclesiæ iura sua conferuntur illæsa, & consuetudines antiquæ. Siqua autem priuilegia, vel rescripta quandoque prolata fuerint, contra hanc formam, vires non habeant, salua in omnibus auctoritate apostolica; Quod si Papa non approbauerit, res sit in eo statu, in quo nunc est. Iurauerunt ambo Archiepiscopi, & eorum Suffraganei, qui præsentibus erant, necnon & Præpositus. Quinque Ecclesien., qui vice Domini sui Episcopi intererat, necnon & procuratores Capitulorum vtriusque Ecclesiæ, qui secundum formam præscriptam bona fide pacem præscriptam obseruabant, & sine fraude ad confirmationem laborabunt. Cùmque super his cum fratribus nostris deliberare vellemus. Dilecti filij Iac. Scholasticus, & Nicolaus Canonicus præfati Archiepiscopi Nuntij, & M. Thesaurarius & Io., Archidiaconus Strigonien. procuratores eiusdem loci Capituli petierunt à nobis audientiam sibi dari, qua ipsis de more concessa, Nuntij proposuere prædicti, quod inter præfatos Archiepiscopum, & Colocen. Electum, & eorum Suffraganeos, talis compositio interuenit. Vt prima Coronatio Regum Vngariæ vbicumque in ipso Regno eos primùm contingeret Coronari, solius Strigonien. Ecclesiæ iuris esset : & monetæ vbicumque cuderentur in Regno, vel illius, quod loco colligeretur monetæ, decima ad eadem Ecclesiam pertineret. Actu, & Karissima in Christo filia. Vngarorum Regina, per vestras à nobis litteras preteritis; quarinus primam sedem, primamque vocem cum iuribus supradictis, quæ tu, & dicta Regina, necnon & pars Colocen. publicè præfatæ Strigonien. recognouistis Ecclesiæ, ipsi perpetui dignaremur priuilegij munimine roborare. Super alijs verò, de quibus inter eos esse videbatur, contentio, propter bonum pacis sic extitit ordinatum. Vt nec Colocen. in Strigonien. Prouincia, nec Strigonien. in Colocen. præter prædicta sibi iuris aliquid vendicare auctoritate in omnibus apostolicæ sedis salua. Ita quod si hæc non approbarentur à nobis, res in eo statu, in quo tunc fuerat remaneret. Vnde quicquid sit scriptum, vel iuratum esse dicatur, hoc actum & intellectum esse à partibus asserabant, & illud ex parte Archiepiscopi confirmari à nobis suppliciter postulabant : asserentes, sic actum, & intellectum fuisse, idem Archiepiscopus, & præfati Ag. ien. & Geurië. Episcopi suis litteris declararant Procuratores verò Strigonien. Capituli

proposuere constanter; quòd tam illa compositio, quam redactam in scriptis præfatus Episcopus nobis exhibuit, quàm illa, in quam præfati Nuntij dixerunt Archiepiscopum consensisse, inita fuerat sine assensu Capituli, & in enorme dispendium Strigonien. Ecclesiæ redundabat: vnde contradicentes virique, nobis humiliter supplicatunt, vt auctoritate apostolica cassaremus vtramque. Nos igitur attendentes, quòd olim nobis multa precum instantia supplicaras, vt super iure coronandi Reges Vngariæ, Strigonien. Ecclesiæ priuilegium concedere dignaremur; nosque tuis precibus inclinati, ei super hoc priuilegium concesserimus, Fratrum nostrorum subscriptionibus roboratum. Considerantes etiã; quòd si potestas coronandi Regis Vngariæ penes diuersas Ecclesias resideret, toti Regno graue periculum, & hæredibus tuis grande posset dispendium generare. Cùm sicut plenius ipse nosti, frequenter inter Regum Vngariæ cohæredes, super obtinenda Regni corona scandalum sit exortum: quod vti- que posset facilius subortiri si eos diuersos coronatores contingeret inuenire. Propter contradictiones, & rationes præscriptas, compositionem huiusmodi non potuimus, sicut nec debuimus, confirmare. Super Episcopatu quoque de nouo creando apud Sibirien. Ecclesiam in Vltrasiluana Diocesi, quæ Metropoli Colocen. subdatur, petitionem Regiam nequimus exaudire; quoniam siue Apostolicæ sedi, sicut tu ipse firmiter protestaris; siue Strigonien. Metropoli, sicut procuratores ipsius foriiter asserebāt, Sibirien. Præpositura sit in spiritualibus immediatè subiecta; id absque dubio in alterutrius præiudicium redundaret; Sed & quidam, qui se nuntium venerabil. Fratris nostri. Vltrasiluan. Episcopi faciebat, contradicebat omnino, grauem, & enormem Vltrasiluan. Episcopatus diminutionem allegans. Serenitatem igitur regiam rogamus monemus, est exhortamur attentius: quatinus ad duritiam nobis non imputes, quod compositioni predictæ robur non attribuimus firmitatis; sed tam prouidentix, quàm iustitiæ id ascribas, quibus regni, & hæredum tuorum indemnitatibus duximus præcauendum, & iuris ordinem obseruandum; cùm omnibus facti sumus in iustitia debitores. Sciturus pro certo, quòd in nullo vmquam à nobis patieris repulsam, in quo quisquam Principum debeat exaudiri. Datum Lateran. ij. Idus Februarij. Pont. N. Anno xiiij.

Scriptum est Capitulo Strigonien. super hoc. In eundem ferè modum. Videlicet: venerabilis Frater noster Vespriumien. Episcopus in nostra proposuit præsentia constitutus; quòd cùm de pace perpetuò statuenda; &c. vsque, non potuimus sicut nec debuimus confirmare.

In eundem ferè modum scriptum est Strigonien. Archiepiscopo. Venerabil. F. N. Vespriumien. Episcopus in nostra proposuit præsentia constitutus, quòd cùm de pace &c. vsque, nec debuimus confirmare.

EPISTOLA CLVII.

SANCTÆ GENOVÆ PARISIEN., ET. BONI RADII
CISTERCIEN. ORDINIS, DIOEC. ANTISIODOREN.
ABBATIBVS, ET DECAN. AVRELIANEN.

*Quia restitutionis petitio generali mandato non comprehenditur, iterum
delegat cognitionem lëſionis, in distractione bonorum
Monasterij de Charitate.*



VENIENTES ad apostolicam sedem I. Syndicus, & quidam Monachi Cluniacen. Cœnobij nobis exponere curauerunt, quod G. prior, & quidam Monachi Monasterij de Charitate, Abbatis, & Conuentus Cluniacen, ad quod idem Monasterium nullo pertinet mediantē, interueniente consensu: absentibus tamen multis ex fratribus de Charitate, quorum intererat, nec vocatis, ac quibusdam contradicentibus, & ad sedem apostolicam appellantibus ex eisdem, quasdam possessiones, redditus, & alia bona Militiæ Templi Fratribus in grauem ipsius lëſionem Monasterij vendiderunt. Vnde nobis Syndicus, & Monachi memorati humiliter supplicarunt, vt vel reuocare contractum eundem in dicti Monasterij præiudicium temerè attentatum, vel restituere in integrum vice minoris idem Monasterium dignaremur. Præsertim cùm Cluniacen. Abbas, Templarijs ipsis restituere solutam ab eis prædictis bonis, & possessionibus pecuniam sit paratus. Dicti verò Fratres e contrario responderunt: quod petentibus ipsis olim contractum venditionis inter ipsos ex parte vna, & Monachos de Charitate ex altera legitimè ac solemniter celebratum auctoritate apostolica confirmari, tam Abbate, ac Conuentu Cluniacen. quorum ad hoc auctoritas interuenerat, & consensus, quàm Priore, ac Conuentu de Charitate per suas litteras postulantibus, illud idem, quia nobis ad plenum de ipsius contractus meritis, & circumstantijs non liquebat, Venerabili Fratri nostri Parisien. Episcopo, & suis coniudicibus hoc commisimus inquirendum. Facientes in inquisitionis litteris mentionem, de litteris ad Venerabilem Fratrem nostrum. Schonen. Archiepiscopum, & coniudices suos super lapsu ipsius Monasterij destinatis: quorum vtrique in executione mandati apostolici processerunt. Demum partibus in nostra præsentia constitutis, pars Templariorum contractum ipsum confirmari petebat, parte altera multipliciter impugnante contractum. Contra quod fuit ex aduerso responsum, quod communis iuris remedium super deceptione malitiôsè pars altera implorabat, cùm expresse per lationem iudicum, & depositiones testium probaretur, possessiones venditas, diu, & publicè fuisse vanales, nec vsque tunc temporis emptores occurrerant, qui tantum pro ipsis possessionibus largirentur. Ipsos quoque Fratres ad emptionem iamdictam sola misericordia, & Monachorum illorum preces, non cupiditas induxerunt. Probatum etiam esse asserebant legitimè dicti Fratres: quod venditionis tempore Monasterium de Charitate tanto debito premebatur: quod de omnibus mobilibus pars viceſma non potuisset exolui in debitorum solutionem conuersam illam totam pecuniam

asserentes; ex cuius accelerata solutione usque ad summam trium milium librarum, & ultra, Monachis de Charitate à creditoribus est remissum. Proponentes insuper, quòd venditionis rescissio non expediebat Ecclesie memorata, cum vix posset tanta pecunia sine maiori gravamine ipsius Ecclesie inveniri. Adiciebat præterea, quòd Monachi restitutionis beneficium ex eo implorare non poterant: cum super hoc mandatum non receperint speciale; quia secundum legitimas sanctiones, petitio restitutionis in integrum iure minoris, mandato non concluditur generali. Nos igitur intellectis, quæ partes voluerunt proponere coram nobis, quia de præmissis nobis non potuit fieri plena fides. Discretionem vestram per Apostolica scripta mandamus; quatinus diligenter auditis, quæ partes infra quatuor menses à primæ citationis edicto, coram vobis duxerint proponenda, si sufficienter ostensum, quòd ex ipsa venditione Monasterium de Charitate sit enormiter lesum, vos ipsum restituentes vice minoris, venditionis contractum legitime rescindatis. Ita quòd pretium absque Templariorum gravamine restituatur, eisdem secundum terminos, quibus ipsi pecuniam persoluerunt, & de melioratione, si qua forsan apparuerit, facta per illos eis congruè satisfiat, prouiso prudenter, ne pro inveniendâ pecunia eadem possessiones, vel alia distrahantur, ac recipiatur pecunia sub voragine usurarum, ne fortè residuum Locustæ comedit Brucus, & vnde crederetur adhiberi remedium, inde periculum incurratur. Alioquin præscriptum venditionis contractum ratum, & firmum faciatis haberi. Contradictores, si qui fuerint, per censuram Ecclesiasticam, sublato appellationis obstaculo, compescentes. Testes autem qui fuerint nominati tam Monachi, quam Templarij, & alij, si se gratia, odio, vel timore subtraxerint, per districtiorem eandem appellationem remota cogatis veritati testimonium perhibere. Nullis litteris obstantibus, si quæ apparuerint, præter assensum partium à sede Apostolica impetratæ. Quòd si non omnes his exequendis &c. duo vestrum &c. usque, exequantur. Datum Lateran. xv. Kal. Martij. Pont. N. Anno xiiij.

EPISTOLA CLVII.

AVRELIANEN. ET ANTISIODOREN. EPISCOPIS, ET MAGISTRO
VV. DE VIENNA CANONICO ANTISIODOREN.

Damnanda Beneficiorum superfluitas, at non semper pluralitas.

INTELLECTA ratione, quam nobis Venerabil. F. N. Remen. Archiepiscopus, & eius condelegati miserunt, super controuersia, quæ de prebenda Trecent. Ecclesie vertitur, inter. Ven. F. N. Trecent. Episcopum, & dilectum filium Cancellarium Senonen. non duximus eidem Episcopo aliud rescribendum. Nisi quòd idem Episcopus diligenter aduertat, quæ ratione sustinere possemus: ut ipse aliquod Ecclesiasticum beneficium cuiquam de cætero personæ concedat plura beneficia obtinenti; si propterea nolit ad mandatum nostrum præfato Cellario in Ecclesia sua cōferre prebendam, quia plura dinoscitur beneficia obtinere. Licet enim circa eandem personam beneficiorum sit semper superfluitas improbanda; nonnumquam tamen est tolleranda pluralitas statu personæ prouida consideratione pensato. Quare idem prudenter

attendat, vtrùm magis expediat, vt eidẽ Cellarario ex mandato nostro liberalitatem exhibeat conferendo prebendam, quàm ex suo iudicio necessitatem incurrat, vt vltra non possit alicui plura beneficia obtinenti Ecclesiasticum beneficium elargiri. Nisi fuerit sufficienter ostensum; quòd ipse superflua beneficia secundum suum statum possideat. Quòd ex eo forsàn non poterit ostendi de facili; quoniam etsi plures prebendas obtineat, ipse tamen penè nullam habere proponitur, cuius proventus liberè possit percipere, nisi residentiam in ea faciat personalem. Et ex hoc fortassis pendet iudicium, vtrùm & pro Trecen. prebenda condignè recompensatum extiterit in prebenda Remen. Quidquid ergo super his duxerit faciendum, nobis infra tres menses post susceptionem litterarum nostrarum absque dilatione rescribat. Ideoque discretioni vestræ per Apostolica scripta mandamus; quatinus dictum Episcopum ad hoc moneatis attentius, & efficaciter inducatis. Quòd si non omnes &c. duo vestrum &c. vsque, exequantur. Datum Lateran. xv. Kal. Martij. Pont. N. Anno xiiij.

EPISTOLA CLIX.

GEBINNEN. EPISCOPO.

Respondet diuersis iuris articulis super quibus consultus fuerat.



VA nos duxit fraternitas consulendos, vtrùm illorum sufficiat testimonium ad matrimonium dirimendum, qui consanguinitatis gradus ab Auunculo, & Nepote, videlicet, Fratrì filio, vel Sororis, cum de statibus, vel superioribus nihil nouerint, vel audierint, in ceperint computare. Nos igitur inquisitioni tuæ taliter respondemus: quòd cum coniugium multum fauoris obtineat, testes qui ad diuortium celebrandum producti consanguinitatis computant gradus, à stipite debent incipere; id est, à parentibus, vel germanis, & sic per ordinem distinguere gradus nominibus proprijs, vel æquipollentibus indicijs designando personas. Præsertim cum sæpius testimonium perhibeant de auditu, quod quia minùs est validum, non est in articulo huiusmodi nimium laxanda facultas: cum qua ratione computationem inciperent à secundo, eadem ab vterioribus possent gradibus inchoare. Consequenter autem quæstisti; vt cum quidam mulierem quandam aliter inducere nequiuisset, vt sibi comisceretur carnaliter, nisi desponsaret eandem, nulla solemnitate adhibita, vel alicuius præsentia, dixit illi; te Ioannes desponsat, cum ipse Ioannes minimè vocaretur, sed finxit se vocari Ioannem, non credens esse coniugium, eò quòd ipse non vocaretur hoc nomine, nec haberet propositum contrahendi, sed copulam tantum extorquendi carnalem. Vtrùm inter prædictos sit matrimonium celebratum, cum mulier consenserit, & consentiat in eundem, & ille dissenserit, & dissentiat; nec aliud quicquam egerit quàm quòd superius est expressum, nisi quòd cognouit eandem. Super quo fraternitati tuæ taliter respondemus; quòd cum præfatus vir dictam desponsauit mulierem, in propria quidem persona etsi sub nomine alieno, quo tamen vocari se finxit, & inter eos carnalis sit copula subsequuta, videretur fortè pro coniugio præsumendum; nisi tu nobis expressè scripisses, quòd ille

nec proposuit, nec consensit, illam ducere in vxorem: quod qualiter tibi constiterit non videmus. Nos tamen quid iuris sit rescribentes, hoc dicimus, quod si resita se habuerit, videlicet quod ille nec proposuit eam ducere in vxorem, nec vnquam consensit inter prædictas personas, non deberet ex illo facto coniugium iudicari: cum in eo nec substantia coniugalis contractus, nec etiam forma contrahendi coniugij valeat inueniri; quoniam ex altera parte dolus solummodo, affuit, & defuit omnino consensus, sine quo cætera nequeunt fœdus perficere coniugale. Tertiò quaesiuisti per sedem Apostolicam explicari, quid sit de quodam Monacho sentiendum, qui credens se posse mulierem quandam à gutturis tumore curare, vt Chirurgicus, cum ferro tumorem illum aperuit. Et cum tumor ille aliquantulum resedisset, Monachus ipse mulieri præcepit, ne se vento exponeret vllò modo, ne fortè ventus gutturis apertionem subintrans, sibi causam mortis inferret. Sed mulier eius mandato contempto, dum melle colligeret, vento exposuit se incautè, & sic per apertionem gutturis, sanguis multus effluxit, & mulier diem finiuit extremum: quæ tamen confessa est, quod quia vento exposuit semetipsam, ipsa sibi dederat causam mortis, vtrum videlicet, cum prædictus Monachus sit Sacerdos, liceat ei Sacerdotale officium exercere. Nos ergo tibi taliter respondemus: quod licet Monachus ipse deliquerit, alienum officium vsurpando quod sibi minimè congruebat, si tamen causa pietatis, & non cupiditatis id egit, & peritus erat in exercitio Chirurgiæ, omnemque studuit diligentiam, quam debuit adhibere; nec est ex eo quod per culpam mulieris contra consiliū eius accidit, adeò reprobandus, quin post satisfactionem condignam, cum eo misericorditer agi possit, vt diuina valeat celebrare: alioquin interdicens est ei Sacerdotalis ordinis executio de rigore. Ad vltimum ex parte tua fuit propositum coram nobis, quod quidam scholaris metuens, ne latrones in hospitio suo essent, paruo assumpto gladio vt ignem quæreret de stratu surrexit, & cum venisset ad ostium, ignarus reperit ibi furem, qui cum scholati incipiens colluctari, non solum ipsum scholarem prostrauit ad terram, verum etiam penè ad mortem vulnerauit eundem. Scholaris verò prouocatus ab illo, vim vi incontinenti repellens, extorto latroni gladio, eundem seruato iuris moderamine percussit, qui perterritus fugam quàm citò potuit maturauit. Mane itaque lucefcente conscholares latronem quæsierunt eundem, quem vulneratum inuentum potestati Vincentiæ tradiderunt: coram qua constanter negauit, quod præmissa minimè perpetrarat. Verum præfata potestas ad eundem scholarem suos nuntios destinauit, vt exponeret si qua sciret de fure prædicto, vel tradetet inter signia, qui cultellum quem ipsi latroni abstulerant, & sotula es ab eodem in ipsius domo dimissos, quos abstraxerat sibi ne pedum strepitus audiretur, nuntijs tradidit memoratis, super eodem facto se nihil ampliùs intromittens. Potestas itaque receptis talibus inter signijs, latronem apparitoribus suis tradidit puniendum, qui sibi amputarunt virilia, & oculos eruerunt. Latro se ad quoddam Cœnobium transtulit, & ibi per triduum ira & dolore commotus, nec potum sumpsit, nec cibum, & sic de medio est subtractus. Vnde per nostrum postulas oraculum edoceri, vtrum præfatus scholaris ad sacros ordines valeat promoueri. Nos igitur inquisitioni tuæ taliter respondemus, quod si præfatus scholaris dignis meritis adiuuatur, propter scriptum

scriptum euentum, à suscepiione sacrorum ordinum nullatenus est arcendus. Datum Lateran. Idus Feb. Pont. N. Anno xiiij.

Hic scripta erant duæ Epistole Lingonensi Capitulo scripta, quæ rectius libro sequenti suo loco reposita sunt.

EPISTOLA VLTIMA.

EPISCOPO, ET DIL. FIL. CANONICIS PARMEN.

Ut conferant Prabendam collationi P P. reseruatam.



RATVM gerimus, & acceptum, quòd sicut tu Frater Episcopo per tuas nobis litteras intimasti, bonæ memoriæ G. Albanen. Electus Apostolicæ sedis Legatus, auctoritate legationis qua fungebatur tam suæ, quàm nostræ donationi, collationem primæ Prabendæ in Parmen. Ecclesia vacaturæ, vobis filij Canonici consentientibus reseruauit. Iniungens vobis primitus viua voce, & mandans suis litteris subsequenter, quòd ipsam præbendam, cùm eam vacare contingeret G. Clerico nato. G. quondam Germani sui, cui mores laudabiles, ac scientia suffragantur, duceretis libere assignandam. Propter quod, tu Frater Episcopo, nobis supplicasti humiliter per easdem, vt Prabendam eandem dicto Clerico de benignitate sedis Apostolicæ concedere dignaremur. Nos igitur vestram diligentiam commendantes, & volentes etiam præfati electi super hoc statutum firmiter obseruari, vniuersitati vestræ præsentium auctoritate mandamus, quatinus primam Prabendam in vestra Ecclesia vacaturam, donationi nostræ reseruare curetis, personæ idoneæ conferendam. Datum Lateran. xvj. Kal. Martij. Pont. N. Anno xiiij.

Explicit liber secundus.



INNOCENTII III.
PONTIFICIS MAXIMI
EPISTOLARVM
LIBER III.

REGESTI DECIMVS QVINTVS
Anni Pontificatus XV.

EPISTOLA PRIMA.

CAPITVLO LINGONEN.

Alienata ab Episcopo Ecclesia possessiones vindicentur.



D hoc sumus disponente Domino in plenitudinem potestatis assumpti, vt si quam ab his qui sunt in partem sollicitudinis euocati, in Ecclesiarum suarum dispendium quicquam perperam fuerit attentatum, per sollicitudinis nostræ studium emendetur, & precaueatur indemnitate earundem. Cùm igitur, sicut vobis intimantibus nostro est apostolatu referatum, quædam possessiones Ecclesiæ vestræ, ab Episcopis qui pro tempore præfuerunt eidem, alienatæ sint vobis penitus inconsultis. Nos eidem Ecclesiæ paterna volentes sollicitudine prouidere, auctoritate vobis præsentium indulgemus: quatinus possessiones ipsius Ecclesiæ, quas sine assensu vestro alienare dicti Episcopi præsumperunt, ad ius & proprietatem illius legitimè reuocetis. Nulli ergo omnino hominum liceat hanc paginam nostræ concessionis infringere, vel ei ausu temerario contraire. Siquis autem hoc, vsque, incursum. Datum Lateran. vij. Kal. Martij. Pont. N. Anno quintodecimo.

EPISTOLA II.

CAPITVLO LINGONEN.

Irritam dicit electionem Decani.

VM causam quæ vertebatur inter dilectum filium H. Cantorem Eduen. & H. Baren. Archidiac. super Decanatu Ecclesiæ vestræ, ad quem fuerat electus vterque. Dilectis filiis Decan. & Magistris Vv. de Vienna, & Iac. de Tornodoro Canonicis Antisiodoren. commisimus sine debito terminandam. Ipsi cognitis causæ meritis, de iuris peritorum consilio, electionem vtrâque sententialiter cassauerunt. Verùm Cantor præfatus, qui ante prolationem sententiæ appellarat ad Apostolicam sedem accedens, à nobis audientiam petijt sibi dari; quam cum ei duxerimus concedendam. Dilectus filius Magister Hug. Canonicus vester in nostra præsentia constitutus, licet procurator non esset, quod tamen de parte altera fuerat, se opponens eidem, sententiam nobis exhibuit cum actis iudicij à præfatis iudicibus promulgatâ. Nos igitur auditis quæ dictus Cantor proposuit coram nobis, cassationem electionis ipsius, iustam esse cognouimus, & ideo ipsam auctoritate duximus apostolica confirmandam. Dat. Lateran. vij. Kal. Martij. Pont. N. Anno decimo quinto.

EPISTOLA III.

MAGDEBURGENSI ET MAGVNTINO ARCHIEPISCOPIS,
ET EORVM SVFFRAGANEIS.*Contra Vvaldemarum intrusum Bremensem.*

ICVT venerabil. F.N. Osnaburgen. Episcopus Bremen. electus nobis intimare curauit, Vvaldemarus cum in profundum iam deuenerit peccatorum, contemnit, & non solum non adicit vt resurgat; verùm etiam tanquam si ex adipe prodeat eius iniquitas, aduersus Romanam Ecclesiam supplantationes exampliat, & grauiores quàm hæcenus præsumptiones intentat, vt in die iræ accumulans iram sibi damnabili gladio perdatur illius, cuius misericordie fuerat studio à durissimi damnatione carceris liberatus. Ponens enim, inductus in Bremam per nobil. viri... Saxonie Ducis potentiam, tanquam ab Aquilone in Bremen Ecclesia sedem suam, ac sedens super eam, velut super plumbi talentum, sedet iniquitas; præter administrationem quam in eadem Ecclesia tam in spiritualibus, quàm temporalibus sibi damnabiliter vsurpauit, ad Ecclesias, & Clericos in reprobum sensum datus manus extendit, ipsorum bona præsumptuosius ausibus occupans, ac diuidens inter laicos, & dispergens; de quorum confidens violentia, facilis est ad scelera, nec quid faciat abhorrescit. Expulsis etenim quibusdâ Canonicis, & alijs Bremen

Clericis, ab eorum Ecclesijs, & prebendis, ipsas præbendas, & Ecclesias de facto, cum de iure non potuerit, quibusdam fautoribus suis contulit, vt eos habeant in malefactis participes, quos habet in errore fautores. Licet autem in Vvalde-
mar. eundem, per te Frater Magdeburgen. & Venerabiles Fratres nostros, tuos, & Bremen. Ecclesiæ Suffraganeos, necnon & per prædictum Osnaburgen. & Monasterien. Episcopos, anathematis vniculo innodatum, depositionis, & de-
gradationis sententia fuerit auctoritate Apostolica promulgata. Ipse tamen, qui sub tanta manus diuinæ potentia, humiliari debuerat, cornua elationis assumens in eadem pertinaciter persistit, sententia, & eam quam saltem timere debuerat vilipendit. Cuius exemplo ... Decanus, & quidam alij Sacerdotes Bremen. & Clerici latam in eos super beneficiorum perceptione suspensionis sententiam, communicabant eidem, improvidè contemnentes, ei communicate non desinunt, ipsumque fouere in sua nequitia non desistunt. Ne igitur idem Vv. & fautores ipsius plenè valeant de sua nequitia gloriari; fraternitati vestræ per Apostolica scripta præcipiendo mandamus: quatinus in eos latas sententias, singulis diebus Dominicis, & festiuis, per vestras Ecclesias innouetis, & faciatis per vestras Dioceses innouari. Datum Lateran. iij. Kal. Martij. Pont. N. Anno xv.

In eundem fetè modum, scriptum est Padeburnen. Minden. Verden. & Halbestaden. Episcopis, & dilectis filijs Corbien. & de Campo Sanctæ Mariæ Abbatibus Monasterien. & Padeburnen. Diocesum. Vsq;e, plenè valeant de sua nequitia gloriari: Discretionì vestræ per Apostolica scripta mādamus; quatinus infra duos menses post receptionem præsentium, ad Bremen. Ciuitatem personali-
ter accedentes, siue omnes simul, siue singuli, latas in dictum Vvalde-
marum, & fautores suos sententias publicè innouetis ibidem, & mandetis per totam Bremen. Prouinciā innouari. Datum Lateran. iij. Kal. Martij. Pont. N. Anno xv.

EPISTOLA IV.

EPISCOPO ET CAPITULO PICTAVEN.

Confirmat compositionem in curia Romanam facta, eos inter, & Monachos Monasterij noui, super ipsius subiectione.



CAVSAM quæ vertebatur inter vos ex parte vna, & dilectos filios Cluniacen. & Monasterij noui Pictauen. Abbates, & Conuentus ex altera; super exemptione Monasterij noui Pictauen. diuersis iudicibus nos recolimus commisisse. Super qua licet diuersis temporibus fuerit multipliciter laboratum, testes tamen ex mandato nostro ab vtrâque parte recepti fuerunt, & demum depositiones eorundem apud sedem Apostolicam publicatæ. Verum quia pars Monasterij noui priuilegia sua tunc præ manibus non habebat, partibus postmodum nostris dedimus litteris in mandatis: vt super eadem causa munite priuilegijs, & alijs rationibus, quæ ad ipsius decisionem spectabant, per se, vel sufficientes procuratores in Festo B. Martini proximè præterito nostro se conspectui præsentarent, tam super prædicta causa, quàm super alijs articulis æquitatis iudicium, dante Domino, recepturæ. Demum igitur dilectis filijs Magistro Ioanne, & Hugon. Canonico Sanctæ Radegundis Pictauen. vestris, & Petro Salatiæle, ac Io. Mona-

chis prædictorum Cluniacen. & Monasterij noui Abbatum, & Conuentuum procuratoribus in nostra præsentia constitutis, audiuius diligenter quæ uoluerunt proponere coram nobis. Et cum hinc inde super præmissis fuisset diutius disputatum, tandem idem negotium de consensu partium nobis mediantibus taliter est sopitum. Quod dicti Abbas, & Conuentus Monasterij noui, ut Pictauien. Episcopus fauorabilior sit eis, & efficacior ad iustitiam de suis malefactoribus faciendam; semel in anno per diem vnum cum moderato equitaturarum numero, prout in Lateranen. Concilio est statutum, eundem exhibeant, & procurent. In cæteris uero idem Monasterium abiens, iurisdictione sit liberum, & exemptum. Nisi quod christisma, oleum sanctum, consecrationes altarium, dedicationes Basilicarum, ordinationes Monachorum, seu Clericorum, qui ad sacros ordines fuerint promouendi: necnon & benedictionem Abbatis sine professione aliqua recipiant ab Episcopo memorato, siquidem Catholicus fuerit, & gratiam Apostolicæ sedis habuerit, ac ea ipsis gratis, & sine prauitate aliqua uoluerit exhibere. Alioquin liceat eis quemcumque maluerint Catholicum adire antistitem, gratiam, & communionem apostolicæ sedis habentem, qui nostra fretus auctoritate, ipsis quod postulat impendat, sicut in authenticis priuilegijs continetur, quæ nos ipsi perspeximus, & examinauimus diligenter. Cum autem Pictauien. Episcopus in Ciuitate Pictauien. generale posuerit interdictum, iidem illud seruabunt; ita quod illo durante non celebrabunt diuina, nisi clausis ianuis, non pulsatis Campanis, suppressa uoce, interdictis, & excommunicatis exclusis, quos cautè vitare curabunt. Ad Synodum quoque Pictauien. Episcopi, Abbas Monasterij noui secundum generalem consuetudinem regionis accedet, ratione Capellarum, vel Ecclesiarum suarum, quæ ipsi Episcopo sunt subiectæ. Sed si forsitan Capellani ea quæ statuta fuerint in Synodo, neglexerint, aut contempserint obseruare, non in Abbatem, vel Monasterium, sed in ipsos Capellanos Episcopus poterit Canonicam exercere censuram. Ne igitur quod nobis mediantibus est statutum, valeat ab aliquo temerè violari; illud auctoritate Apostolica confirmamus, & præsentis scripti patrocinio communimus. Nulli ergo omnino hominum liceat hanc paginam nostræ confirmationis infringere, vel ei ausu temerario contrariare. Siquis autem hoc, &c. vsque, incursum. Datum Lateran. vj. Kal. Martij Pont. N. Anno xv.

In eundem modum scriptum est Cluniacen. & Monasterij noui Pictauien. Abbatibus, & Conuentibus. Causam quæ vertebatur &c. vsque in finem.

In eundem modum scriptum est super hoc. . Abbati S. Sulpicii Decan. & Archidiacon. Bituricen. Causam quæ vertebatur &c. vsque, ab aliquo temerè violari. Dis. vel. per Apol. scrip. præci. mandamus: quatinus id obseruari, per censuram Ecclesiasticam appellatione postposita firmiter facias. Contradictores censura simili compescendo. Quod si non omnes &c. duo vestrum &c. vsque, exequantur. Datum Lateran. vj. Kal. Martij. Pont. N. Anno. xv.

EPISTOLA V.

ELECTO ET MONACHIS SANCTÆ MARIE DE PEROALLO.

Confirmat & recipit sub protect. B. Petri eorum Monasterium.

VM à nobis petitur &c. vsque, perducatur effectum. Ea propter, dilecti in Domino filij, vestris iustis postulationibus grato concurrentes assensu, personas, & Monasterium vestrum cum omnibus bonis, quæ impræsentiarum rationabiliter possidet, aut in futurum iustis modis, præstante Domino poterit adipisci, sub B. Petri, & nostra protectione suscipimus, & præsentis scripti patrocinio communimus. Libertates præterea, & immunitates, quas venerabil. F. N. Episcopus Terdonen. cum Capituli sui assensu, prouida vobis deliberatione concessit, ratas habemus, & eas illibatas decernimus permanere. Nulli ergo omnino hominum &c. vsque, hanc paginam nostræ protectionis, & constitutionis infringere, vel ei &c. Siquis autem hoc &c. vsque, incursum. Datum Lateran. v. Kal. Martij. Pont. N. Anno xv.

EPISTOLA VI.

G. DE VALLIBVS. MAGISTRO. G. ET P. DE FIMIIS, CANONICIS LAVDYNEN.

Clausula, si ita est, rescripto apposita, ad omnia rescripti refertur.

LIM ex litteris dilectorum filiorum .. Sancti Nicasij. Remen. Signian. & .. & Vallis Regiæ Abbatum, nostris fuit auribus intimatum: quòd cum ad eos semel, & iterum à nobis litteræ processissent super eo videlicet: quòd R. Clericus S. Remigij Remen. Parrochiam de Salice S. Remigij, quam R. de Crun. Clericus sibi per interpositam personam ab Abbate S. Remigij collatam fuisse proposuit, detinebat. Ipsi partes semel secundo, & tertio citauerunt, & dictum R. de Sancto Remigio, quia citatus pluries comparere noluit per se, vel responsalem aliquem coram eis, excommunicationis vinculo innodantes, fecerunt fructus ipsius Parrochiæ sequestrari. Cùmque postmodum idem R. accedens ad eos, se iuri promiserit pariturn, ac obtinuerit se absolui, ipsi absolutionis ei litteras concedentes, diem in eis assignarunt, & locum, quibus coram eis quod promiserat adimpleret. Qui diem & locum ex litteris illis radens, in loco rasuræ rescripsit, quòd ipsi ei sequestratos fructus exhiberi mandabant, quod demum coram duobus eorum, tertio sui absentiam excusante, per litteras est confessus. Nos igitur cùm tantæ temeritatis excessus falsitatis scrupulo non careret, vobis dedimus in mandatis: vt si res taliter se haberet, ipsi præsumptori super dicta Parrochia perpetuum silentium imponentes, prefato R. de Crun. Clerico assignaretis eandem, cum fructibus sequestratis. Verùm sicut vos filij S. & P. per vestras nobis litteras intimastis, cùm dictus R. de Crun. rasuram præfatam coram vobis per testes idoneos probauisset, & ob hoc postulasset sibi dictam Ecclesiam assignari. Vos utrùm clausula illa, si est ita, de omnibus superioribus, an de articulo tantum

rasuræ deberet intelligi dubitantes, in negotio ipso procedere ulterius distulisti. Eligentes secundum hoc potius Apostolicæ sedis oraculum implorare, quàm aliquid temerè diffinire. Nos ergo diligentiam vestram in Domino commendantes, taliter duximus respondendum: quòd clausula illa debet ad omnia superiora referri, ad hoc ut ipsi præfata Ecclesia conferatur. Quia licet vitium falsitatis ad imponendum illi perpetuum silentium super Ecclesia ipsa sufficiat, qui falsitatem huiusmodi perpetrarat; non tamen propter hoc eadem Ecclesia est aduersario assignanda; nisi super alijs facta fuerit plena fides. Datum Later. vj. Non. Martij. Pont. N. ANNO. XV.

EPISTOLA VII.

COLOCEN. ELECTO, ET SOKSARDIEN. ET DE SEKVDVOR.
CISTERCIEN. ORDINIS ABBATIBVS, QVINQVE
ECCLESIE. DIOECESIS.

Dirimit litem super varijs iuribus, inter Episcopum Vesprimiensem, & Abbatem S. Martini de Pannonia, & super alijs delegat.



VENIENTES ad presentiam nostram dilectus filius... Abbas S. Martini de Pannonia, sua nobis conquestione monstrauit, quòd Venerabil. Frat. N. Vesprimen. Episcopus conditionales homines, qui certa ei seruitia exhibent, eximit à præstatione integra decimarum, & eos, cum iurisdictionem in ipsos habeat, ad soluendas integrè sibi prædictas decimas, & ad satisfaciendum congruè de subtrahendis, Pontificali auctoritate non cogit; præstare sibi recusans consilium, & auxilium in expensis, & alijs; contra siluestres homines in extremis prædictæ Parrochiæ finibus commorantes, qui se à solutione subtrahunt decimarum. Quare humiliter postulabat, ut ne id de cætero idem Episcopus attentaret, iniungere sibi auctoritate Apostolica dignaremur. Petebat insuper, quòd idem Episcopus Sacerdotibus illius Parrochiæ inhiheret, ne quosdam homines, sibi prout tenentur decimas non soluentes, seruili conditione falsò ad suam exculationem obiecta, & nepulsatores, & exequiales in eodem articulo delinquentes; recipiant ad diuina, vel ab eis percipiant partem aliquam decimarum, ipsi de subtrahendis satisfactionem congruam impendentes. Humiliter supplicans, ut hoc per delegatos à nobis Iudices fieri mandaremus, si dictus Episcopus id efficere non curaret, compellentes eundem ad satisfactionem congruam prædictorum, si auctoritate sua dicti Capellani hoc præsumeret attentare. Postulabat præterea, quòd idem Episcopus Parrochianos Capellarum suarum in iure spirituali, & quarta decimarum recipi ad capellas alias non permittat; satisfaciens de subtrahendis eidem, si aliquid est in hoc hætenus ipsius auctoritate præsumptum. Alioquin à suis sibi faciat Capellanis super his satisfactionem congruam exhiberi: Et ne de Parrochianis dubitatio aliqua oriretur, sic petijt distinguendo. Ut Parrochianos de villis Fayz, & de Gurbei; à Capella Thapey, non subtrahat Episcopus memoratus. Parrochianos autem de prædio Dominici de Mogh. & de Vdvuornicis Regis, & de villa illorum, qui dant Regi Martium à Capella de Porcorum

custodia non subducatur. Inhibens Sacerdotibus ne recipiant Capetias aliquas, vel Cubulos vini, à Regis, vel Reginæ Conditionalibus, qui vulgo Regales serui vocantur, ab ipso ea recipi permittentes. Cogens insuper Regis Sagittarios, & Bissenos ad decimas integrè persoluendas. Petijt etiam postmodum, & humiliter postulauit, vt memoratus Episcopus non impediatur, vel faciat impediri, quò minus omnes qui in Simigien. Parrochia, vel Comitatu consistunt, de omnibus quæ possident, & decimas integras sibi soluant, sicut plenè in priuilegijs felicis memoriæ Paschalis Papæ, & S. Regis Stephani continetur. Præfatus verò Episcopus in nostra præsentia constitutus è contrario postulauit: vt decimas Simigien. Comitatus infra suæ Diocesis terminos consistentis, quas detinet idem Abbas, sibi restitui faceremus, nisi dictus Abbas aliquo speciali iure se ipsas iustè possidere monstraret: mandantes ipsum per eundem Abbatem, cum dictum Comitatum visitat, in suis Ecclesijs procurari Petebat insuper, deputatam quartam fabricæ sibi restitui ad Ecclesias reparandas. Capellas in villa Subulcorum, & S. Ladislai de Fizgoi destrui postulans, tanquam sine auctoritate, ac consensu Episcopi Diocesani constructas, & petens Ecclesiam de Keurishyg, in qua sibi dictus Abbas spiritualemente iurisdictionem vsurpat, Ecclesiam etiam de Thapey in cuius possessione ipsum fuisse idem Abbas confessus fuerat, repetebat. Reconciliationes etiam penitentium, & ordinationes clericorum ad se asserens pertinere, humiliter postulabat: vt chrisma, oleum sanctum, & alia Ecclesiastica Sacramenta, Capellani, & homines S. Martini in Vesprimien. Diocesi constituti, ab eo tanquam à suo Diocesano perciperent, sibi cognitiones causarum spiritualium relinquendo. Nos autem intellexis per Ven. F. N. Hug. Hostien. Episcopum, quem partibus concessimus auditorem, quæ propoſita fuerant coram eo, obiectiones propositas ab Episcopo contra priuilegia prædictorum Paschalis Papæ, ac S. Regis Stephani, quibus Abbas sufficienter respondit, inualidas esse decreuimus, vt eis non obstantibus priuilegia ipsa valida reputentur, si authenticum prædicti Regis tale repertum fuerit, quale nobis scriptum ipsius sub bulla charissimi in Christo Filij nostri . . Hungarorum Regis Illustris extitit præsentatum: quantum tamen ad fundandam intentionem Abbatis proficiat opportuno tempore decernemus. Interim autem nihil circa statum Monasterij, secundum perceptionem decimarum, quam idem Monasterium possidet, inmutetur. Chrisma verò, oleum sanctum, consecrationes altarium, seu basilicarum, ordinationes Clericorum qui ad sacros ordines fuerint promouendi, Clerici Ecclesiarum vel Capellarum ipsius Monasterij quæ sunt in Vesprimien. Diocesi constitutæ, à Vesprimien. Episcopo postulabunt, siquidem Catholicus fuerit, & gratiam, atque communionem Apostolicæ sedis habuerit, & ea gratis & sine prauitate aliquæ voluerit exhibere. Alioquin ab alio quem maluerint Catholico Præfule suscipiendi ea liberam habeant facultatem, sicut in priuilegijs prædicti Paschalis, & bonæ memoriæ Alexandri Papæ prædecessorum nostrorum perspeximus contineri. Non obstante priuilegio felicis memoriæ Clementis Papæ, qui mentionem non fecit de prædictis prædecessorum suorum priuilegijs, sed de priuilegio S. Stephani Regis; cui quantum ad hoc capitulum per sæpèfatos Romanos Pontifices extitit derogatum. Præsertim cum ipse Clemens priuilegium illud concesserit saluis institutionibus,

non solum Roman. Ecclesie, sed ipsius etiam Legatorum. Nec obstante prescriptione, quam idem Abbas in suum subsidium opponebat; quia si consummata erat prescriptio, quando Abbas S. Martini ab Alexandro Papa privilegium impetrauit, iuri prescriptionis renuntiasse videtur. Presertim cum coram nobis privilegium illo sit usus, quod sue intentioni quantum ad hunc articulum contradicit. Si vero nondum consummauerat prescriptionem, sed erat in prescribendo; propter impetratum huiusmodi privilegium bonam fidem non habuit, & ideo secundum Canones non prescripsit. Caterum interdictos, vel excommunicatos Vespriemien. Episcopi predicti, Clerici studeant euitare, ac Parrochianos Ecclesiarum ad eundem Episcopum pertinentes, contra voluntatem ipsius ad diuina officia non recipiant, nec illis impendant Ecclesiastica Sacramenta. Super ceteris autem, quia nobis non potuit fieri plena fides, per Apostolica vobis scripta mandamus, quatinus recipiat testes quos partes duxerint producendos, & tam attestaciones, quam alias prolationes earum fideliter redigatis in scriptis, easque nobis sub vestris sigillis dirigere procuretis. Presigentes eis terminum competentem, quo cum ipsis nostro se conspectui repræsentent, sententiam auctore Domino recepturæ. Testes autem qui ab utraque parte fuerint nominati, si se gratia, odio, vel timore subtraxerint, per censuram Ecclesiasticam cessante appellacione cogatis veritati testimonium perhibere. Nullis litteris obstantibus præter assensum partium à sede Apostolica impetratis. Quod si non omnes &c. duo vestrum ea nihilominus exequantur. Datum Lateran. v. Non. Martij. Pont. N. Anno xv.

EPISTOLA VIII.

PRIORI ET FRATIBVS DE BALNEOLIS.

Confirmat eorum bona.

I VSTIS pententium desiderijs dignum &c. vsque, effectu prosequente completere. Ea propter, dilecti in Domino filii, vestris iustis postulacionibus grato concurrentes assensu, domum, & redditus à nobili viro Herueo Comite Niuernen. pia vobis liberalitate collatos, sicut eos iuste, ac pacifice possidetis, & in litteris eiusdem Comitis, ac nobil. mulieris Marildis Comitissæ vxoris sue noscitur contineri, vobis, & per vos domui vestræ auctoritate Apostolica confirmamus, & præsentis scripti patrocinio communimus. Nulli ergo omnino hominum liceat hanc paginam nostræ confirmationis infringere; vel ei ausu temerario contraire. Siquis autem &c. vsque, se nouerit incursum. Datum Lateran. non. Martij. Pont. N. Anno xv.

EPISTOLA IX.

EPISCOPO MAGALONEN.

Vi de terris in Comitatu Melgorij cognoscat.

ICVT dilectus filius Ioannes Buccados nobis conquerendo monstravit: **S**iquidam potentes super prouentibus, & rebus alijs sitis in Comitatu Melgorij, quos legitime possidet, & quietè, ipsum sine causæ cognitione intendunt nequiter aggrauare. Cùm igitur iurisdicctio terræ illius ad nos nullo pertineat mediante, fraternitati tuæ per Apostolica scripta mandamus, quatinus vocatis, qui fuerint euocandi, & auditis hinc inde propositis, quod iustam fuerit appellatione remota decernas, faciens quod decreueritis per censuram Ecclesiasticam firmiter obseruari, nullis litteris veritati, & iustitiæ præiudicantibus, à sede Apostolica impetratis. Datum Lateran. vij. Idus Martij. Pont. N. Anno quintodecimo.

EPISTOLA X.

ABBATI, ET PRIORI S. VICTORIS, ET MAGISTRO G.
CORNUTO CANONICO PARISIEN.

*Ne Monachi S. Petri viui prædicent quæstus causa se corpus habere B.
Lupi, quod in Conuentu S. Columba requiescit.*

DILECTI filij.. Abbas, & Conuentus Sanctæ Columbæ Senonen. nobis conquerendo monstrarunt, quòd licet in Ecclesia sua totum corpus Beati Lupi Confessoris Archiepiscopi Senonen. vnà cum capite requiescat, sicut per authenticum bonæ memoriæ Hug. Senonen. Archiepiscopi, qui conuocatis quibusdam Episcopis, & Clero, & populo adunatis, ipsum corpus ac caput omnibus adstantibus demonstrauit, euidenter apparet. Abbas tamen, & Monachi S. Petri Viui Senonen. in ipsorum grauamen, per prædicatores suos, caput, & quædam membra Confessoris ipsius, esse apud quendam Prioratum suum, videlicet sanctum Lupum de No. per Episcopatus longè latèque diffusos faciunt publicè nuntiari: quod siquidem est à veritate penitus alienum. Quia igitur falsitas tolerari non debet sub velamine pietatis: discretioni vestræ per Apostolica scripta mandamus, quatenus memoratos Abbatem, & Monachos, vt ab huiusmodi præsumptione desistant, auctoritate nostra moneatis attentius, & efficaciter inducatis, ipsos ad hoc, si necesse fuerit, per censuram Ecclesiasticam, appellatione remota cognita veritate cogentes. Cùm nec salutem, nec famæ congruat eorundem, questum acquirere de prædicatione mendacij, nullis litteris veritati &c. à sede Apostolica impetratis. Quòd si non omnes &c. duo vestrum ea nihilominus exequantur. Datum Lateran. ij. Idus Martij. Pont. N. Anno xv.

EPISTOLA XI.

MORIMONTEN. ET S. STEPHANI DIVIONEN ABBATIBVS,
LINGONEN. DIOEC. ET MAIORI ARCHIDIAC. LINGONEN.

*Vt cognoscant de falsitate litterarum, & latas excommunicationis &
interdicti sententias faciant obseruari.*

VENERABILI Fratri nostro.. Bisuntin. Archiepiscopo, & dilecto filio.. procuratori nobil. viri Comitis Stephani benignam audientiam concedentes, intelleximus euidenter, per earum fuerunt coram nobis proposita, & ostensa. Quod litteræ illæ quæ dilectis filiis.. Sancti Sequan. &.. de Aceio Abbatibus, &.. Priori Cisterciën. super absolutione ipsius Comitis, sub nomine nostro fuerunt exhibitæ, sicut in eorum litteris citatorijs de verbo ad verbum erant insertæ, aut falsæ, aut falsatæ fuerunt. Et certè si veras litteras accepissent, quales nos eis recolimus destinasse; formam earum in suo processu minimè obseruassent. Quare nos eorum processum decernentes irritum, & inanem, per Apostolica vobis scripta mandamus; quatinus litteras illas faciatis vobis per censuram Ecclesiasticam sublato appellationis obstaculo exhiberi, & inquiratis diligentissimè veritatem, quis eas obtinuit, vel exhibuit, aut falsauit: tam litteras ipsas, quàm inquisitam super his veritatem nobis fideliter transmissuri, vt ad huiusmodi puniendum excessum, sicut procedendum viderimus, procedamus. Latam autem in prædictum Comitem excommunicationis sententiam ab Archiepiscopo memoraro, & interdictum positum in terram ipsius, mandetis inuiolabiliter obseruari: donec de damnis, & iniurijs præfato Archiepiscopo ab eodem Comite irrogatis, inquisita plenius, & cognita veritate faciatis satisfactionem congruam exhiberi. Et sic demum præfatas sententias, iuxta formam Ecclesiæ relaxantes, audiat si quid inter eos remanserit questionis, & appellatione remota mediante iustitia decidatis: facientes quod decreueritis per censuram Ecclesiasticam firmiter obseruari. Testes autem qui fuerint nominati &c. vsque, subtraxerint per eam eandem cens. appellatione cogatis veritati testimonium perhibere. Quod si non omnes &c. vsque, exequantur. Datum Lateran. xij. Kal. Aprilis. Pont. N. Anno decimo quinto.

EPISTOLA XII.

R. DE BELLO VIDERE CAMERARIO ET S. DE BEROV. ET S. DE
BVRGO GVARIN. CANONIC. CARNOTEN.

*An Ecclesia B. Aniani obseruare teneatur interdictum ab
Episcopo Aurelianensi latum*


CUM Venerabil. F. N. Aurelianen Episcopus Diocesim suam supposuerit Ecclesiastico interdicto, & Capitulum Sancti Aniani illud neglexerint obseruare: sed interdictos ab ipso receperint ad diuina, sublimi voce, pulsatis

campanis, & apertis ianuis celebrantes. Idem Episcopus contra eos ad venerabilem Fratrem nostrum . . . Trecent. Episcopum, & coniudices suos, nostras litteras impetrauit. Qui Ecclesiam S. Aniani interdicti sententiæ supponentes . . . Decanum, & eiusdem loci Capitulum ab officio suspenderunt, eisdem in expensis, quas Episcopus fecerat, condemnando. Vnde dilectus Filius R. de Noa. procurator ipsius Episcopi postulabat, vt præfatas sententias dignemur Apostolico munimine roborare. Verùm B. & R. procuratores eiusdem Capituli, ex aduerso proposuere in nostra præsentia constituti; quòd cum præfata Ecclesia sedi Apostolicæ sit immediate subiecta, sicut apparet per priuilegia Pontificum Romanorum, non tenebantur interdictum eiusdem Episcopi obseruare: propter quod ne super hoc possent ab Episcopo prægrauari, nostram audientiam appellarunt. Et licet non receperint scienter ab ipso interdictum aliquem ad diuina, nihilominus tamen Episcopus eorum homines, & Ecclesias supposuit interdicto, eis diuina penitus interdicens. Verùm cum præfate litteræ, quas Episcopus impetrauit ad iudices supradictos, falsitate suggesta, & veritate tacita fuerint impetratæ, & ab eisdem iudicibus, legitimis exceptiones admittere recusantibus, fuerit ad sedem Apostolicam rationabiliter prouocatum; sententias latas, propter appellationis obiectum, petebant penitus irritari. Nos autem vtrique parti providere volentes: discretionis vestræ per Apostolica scripta mandamus: quatinus cum procuratores prædictorum Decani, & Capituli promiserint coram nobis, sub pœna centum librarum, pro qua obligauerunt prebendas suas, quas habent in Ecclesia memorata, quòd dicti Decanus & Capitulum vestro parebunt mandato: Si hoc ipsi ratum habuerint, vos auctoritate nostra sublato appellationis obstaculo relaxetis omnes sententias in ipsos, & Ecclesias, & homines eorum hac occasione prolatas; ac deinde inquisita, & cognita veritate, si illos culpabiles inueneritis, faciatis ipsos sublato cuiuslibet contradictionis, & appellationis obstaculo præfato Episcopo satisfactionem debitam exhibere. Ita quòd interdicto durante, alta voce non celebrent, sed submissa, ianuis clausis, non pulsatis campanis, ac excommunicatis, & interdictis exclusis. Alioquin pœnam promissam à dictis procuratoribus exigatis, & sententias nihilominus vsque ad satisfactionem condignam faciatis appellatione remota per censuram Ecclesiasticam firmiter obseruari. Testes autem qui fuerint nominati &c. vsque, subtraxerint per censuram eandem cessante appell. cogatis veritati testimonium perhibere. Nullis litteris obstantibus præter assensum partium à sede Apostolica impetratis. Quòd si non omnes &c. duo vestrum ea nihilominus exequantur. Datum Lateran. xvj. Kal. Aprilis Pont. N. Anno xv.

EPISTOLA XIII.

POTESTATI ORTAN.

Contra quemdam nobilem detinentem castra Ecclesia.

 Vm bonæ memoriæ M. Socer. nobilium virorum Cazaguerre de Orta. B. de Canalio, I. Raynaldi, & P. Iaczonis, Castra Basanelli, Palatioli, Basani, & Aliani ab Ecclesia Romana in feudum tenuerit, & ex illis perceperit multa

multa bona, ipsi prædicta Castra post eius obitum, pro suæ voluntatis arbitrio detinentes, ad nostram præsentiam, ut nobis responderent de ipsis, accedete noluerunt, cum exinde fecerimus requiri eisdem. Quia verò id nolumus in patientia sustinere, ne ius Ecclesiæ Romanæ negligere videremur: eisdem nobilibus nostris dedimus litteris in mandatis, ut usque ad Cathedram Beati Petri proximò præteritam, quem eis terminum peremptorium assignauimus, responsuri nobis de Castris ipsis nostro se conspectui præsentarent. Dilecto filio Cinthio de Insula, nostris dantes litteris in mandatis, ut si prædicti Nobiles eodem termino ad nostram præsentiam non venirent; eadem Castra nostro nomine recipere non differret. Vniuersis insuper hominibus eorundem Castrorum iniunximus, ut eidem ex tunc de Castris ipsis ad nomen, & opus nostrum respondere curarent. Quocirca discretionis tue per apost. scrip. mand. quatinus eidem C. ad mandatum Apostolicum exequendum, tuum præstes auxilium, & fauorem. Datum Lateran. xij. Kal. April. Pont. N. Anno xv.

EPISTOLA XIV.

LYNDEN. ARCHIEPISCOPO APOSTOLICÆ SEDIS LEGATO.

Committis ad conuersionem Paganorum vices Apostolicas.

ILLAM de probitate, ac honestate tua fiduciam obtinemus, ut tibi vices nostras securè in arduis negotijs committamus: sperantes quòd ad diuini nominis gloriam, & Apostolicæ sedis honorem ea satages promouere. Cum igitur Christianæ fidei zelo successus, ad conuertendum circumsistentes paganos ab errore ad veritatem non modicum laboraueris, & adhuc laborare disponas, ut hoc plenius & efficacius exequaris: nos tibi vices nostras duximus committendas. Venerabilibus Fratribus nostris. Vbſalen. Archiepiscopo, & Suffraganeis eius Episcopis, ac alijs Ecclesiarum Prælatiſ, per Daciam, & Suethiam constitutis, per scripta nostra mandantes: ut tibi ad hoc opus fideliter laboranti tanquam Legato Apostolicæ sedis intendant, ut eorum adiutus auxilio, talentum tibi commissum cum multiplici nobis lucro resignes; cum te à prædicationis officio Deo duce contigerit remeare. Nos enim liberam tibi concedimus potestatem, ut iuxta verbum propheticum euellas, & destruas, & ædifices, & plantes, prout vtrumque secundum Dominum videris faciendum. Datum Lateran. ij. Non. Aprilis. Pont. N. Anno xv.

EPISTOLA XV.

TOLLETANO ET COMPOSTELLANO ARCHIEPISCOPIſ.

Vt imminente bello Sarracenorum, Reges Hispania ad treugam, & mutuum auxilium, præcipue Legionensem, hortentur: utque litibus superſedeant.

QVANTA nunc necessitas terræ Hispaniarum immineat, eò plenius prudentia vestra nouit, quòd ipsam viciniùs experitur. Ea proptet Fraternalitati

vestræ, per Apostolica scripta mandamus, & districtè precipimus: quatenus Reges Hispaniarum moneatis prudenter, & efficaciter inducat; ut pacem, aut treugam seruent adinuicem illibatam, præsertim hac imminente Sarraceno-
rum guerra durante, ad quod eos per censuram Ecclesiasticam, appellatione remota, si necesse fuerit, compelli volumus, & mandamus. Quin etiam mu-
tuum auxilium sibi præstent aduersus crucis Dominicæ inimicos, qui non so-
lùm ad destructionem Hispaniarum aspirant, verùm etiam in alijs fidelium
Christi terris comminantur suam sæuitiam exercere, ac nomen, quod absit,
si possint oprimerè Christianum. Auctoritate nostra tam ipsis regibus quàm
alijs Christianis omnibus sub pœna excommunicationis, & interdicti firmiter
inhibentes, ne se præsumant iungere Sarracenis, vel contra Christianos illis
consilium, vel auxilium impartiri. Quòd si fortè Rex Legionensis, de quo
specialiter dicitur, siue alius cum Sarracenis offendere præsumperit Christia-
nos: denuntietis, sublato appellationis obstaculo, personam ipsius excom-
municationis vinculo innodatam, & interdicto suppositam terram eius: ho-
minibus suis, ne in hoc sequantur eundem, sub interminatione anathema-
tis inhibentes. Denuntiaturi nihilominus Reges alios & quoslibet Christianos,
ac terras eorum eisdem sententijs subiacere, si forsitan ipsi præfatum Regem of-
fendere attentarunt: homines eorumdem ab ipsorum sequela prohibitione
consilij retrahendo. Præterea ex parte nostra iniungatis eisdem, ut si aliquas
habent adinuicem questiones, propter instantem necessitatem, illas ad rem-
pus persequi differant, & tempore oportuno cum potentes existant ad præsen-
tiam nostram, tam procuratores, quàm testes, & alia quæ ad causam fuerint
necessaria destinare, suam coram nobis iustitiam persequantur. Cum per alios
ortæ inter eos, quanquam multoties sit tentatum terminari, nequeant questio-
nes, & nos ipsis Deo auctore curabimus iustitiæ plenitudinem exhibere. Sic
autem præceptum Apostolicum circumspicere persequamini, ac districtè, ut
solicitude, & diligentia vestra clareant in effectu, & reprehendi meritò non
possitis de negligentia, vel contemptu; sed de studio, & obedientia potius com-
mendari. Datum Lateran. Non. April. Pont. N. Anno xv.

E P I S T O L A XVI.

PETRO ABBATI MONASTERII S. ANGELI QVOD SITVM EST
IN SVBYRBIO PISTORIEN., EIVSQVE FRATRIBVS TAM
PRÆSENTIBVS, QVAM FVTVRIS REGVLAREM
VITAM, PROFFESSIS IN PERPETVVM.

Recipit sub protectionem B. Petri Monasterium.

QVOTIENS à nobis petitur quod Religioni, & honestati conuenire
dinoscitur, animo nos decet libenti concedere, & petentium desiderijs
congruum suffragium impartiri. Ea propter, dilecti in Domino Filij, ve-
stris iustis postulationibus clementer annuimus, & præfatum Monasterium S.
Angeli, in quo diuino estis obsequio mancipati: ad exemplar felicitis recordationis
Clemētis Papæ prædecessoris nostri, sub B. Petri, & nostra protectione suscipimus,

& præsentis scripti priuilegio communimus. In primis siquidem statuentes; vt ordo Monasticus, qui secundum Deum, & B. Benedicti regulam, atque institutionem Fratrum Vallis vmbrosæ, in eodem loco institutus esse dinoscitur, perpetuis ibidem temporibus inuiolabiliter obseruetur. Præterea quascumque possessiones, quascumque bona, idem Monasterium &c. vsque, illibata permaneant. In quibus hæc &c. vsque, exprimenda vocabulis. Locum ipsum &c. vsque pertinentijs suis. Massariam de pecunijs, cum vinea, & nemore, ac hominibus ad districtum vestrum pertinentibus. Clausuras etiam, molendina, Causagium totum, Ecclesiam S. Marci prope Monasterium sitam, cum Parrochia, & sepultura omnium tam maiorum, quàm minorum ibidem commorantium, debitis honoribus, & omni iure suo, sicut ea hæctenus à quadraginta annis retrò iustè, ac pacificè possedistis. Terram de Moso cum clausura, & omnibus pertinentijs suis: redditus de Guliano, & omne ius quod habetis in eadem villa, sicut in instrumentis publicis continetur. Decimas etiam possessionum vestrarum, quas à quadraginta annis hæctenus pacificè tenuistis, vobis auctoritate Apostolica confirmamus. Sanè noualium vestrorum quæ proprijs manibus, aut sumptibus colitis, vel de nutrimentis &c. vsque, extorquere præsumat. Liceat quoque vobis &c. vsque, contradictione aliqua retinere. Prohibemus insuper, vt nulli Fratrum vestrorum &c. vsque sine Abbatis sui licentia, nisi arctioris religionis obtentu, & de eodè loco discedere: discedente verò, &c. vsque, nullus audeat retinere. Cùm autem generale interdictum &c. vsque, diuina officia celebrare. Sepulturam præterea illius loci &c. vsque, nullus obstitat. Salua tamen iustitia illarum Ecclesiarum à quibus mortuorum corpora assumuntur. Obeunte verò te nunc eiusdem loci Abbate, &c. vsque, secundum Dei timorem, & B. Benedicti regulam prouiderint eligendum. Præterea libertates, & immunitates antiquas, & rationabiles consuetudines Monasterio vestro collatas, sicut hæctenus obseruatæ sunt, ratas habemus, & eas perpetuis temporibus illibatas manere præsentis decreto sanximus. Auctoritate quoque Apostolica interdiciamus, ne quis infra fines Parrochiæ vestræ, præsertim à sancto Leonardo, vsque ad sanctam Christinam, vllatenus sine assensu Diocæsani Episcopi, & vestro, Capellam, seu oratorium de nouo ædificare præsumat: Saluis tamen priuilegijs Pontificum Romanorum. Prohibemus etiam, ne quis in vos, vel Monasterium vestrum excommunicationis, suspensionis, seu interdicti sententiam, sine manifesta, & rationabili causa promulgare præsumat, vel nouas, & indebitas exactiones vobis, vel hominibus vestris imponat. Decernimus ergo, vt nulli omnino hominum liceat præfatum Monasterium temerè perturbare, &c. vsque, vñbus omnimodis profutura. Salua sedis Apostolicæ auctoritate, & Vallis vmbrosæ Abbatis debita reuerentia. Si qua igitur in futurum, &c. vsque, districtæ subiaceat vltioni. Cunctis autem eidem loco, &c. vsque, premia æternæ pacis inueniat amen. Datum Lateran. per manum Ioannis S. Mariæ in Cosmidin. Diac. Card. S. Roman. Ecclesiæ Cancellarijs. iij. Kal. April. Indictione xv. Incarnationis Dominicæ. Anno millesimo ducentesimo xij. Pont. verò Domini Innocentij Papæ III. Anno xv.

EPISTOLA XVII.

EPISCOPO LINGONEN. ET ABBATI VILLANEN. METEN.
DIOEC. ET MAGISTRO N. CANONICO VIRDVVEN.

*Ut unam Prabendarum Metensium, Nepoti Albanensis
Episcopi assignent.*



UM per alias litteras collationem octo Prabendarum, quæ in Meten. Ecclesia tanto tempore vacauerunt, quòd iuxta Lateranen. statuta Concilij, ad nos est earum donatio deuoluta, sub certa forma vobis duxerimus committendam. Quia nos dilecto filio P. Clerico Nepoti bonæ memoriæ Hen. Albanen. Episcopi, qui multorum testimonio perhibetur idoneus, vnā contulimus earundem, sicut in eisdem litteris fecimus mentionem. Discretionis vestræ per Apostolica scripta mandamus: quatinus vnā de prædictis præbendis, ipsi, sublato cuiuslibet contradictionis, & appellationis obstaculo, assigneris, & faciatis eundem pacifica possessione gaudere, nonobstante quod Meten. Capitulum dicitur fructus ipsarum, vsque ad quadriennium obligasse. Contradictores per censuram Ecclesiasticam appellatione postposita compescentes. Quòd si non omnes &c. tu ea Frater Episcopo cum eorum altero nihilominus exequaris. Datum Lateran. ij. Kal. April. Pont. N. Anno xv.

EPISTOLA XVIII.

G. THESSALONICEN. ARCHIEPISCOPO RIVSQUE SUCCESSORI-
BVS CANONICE SVSTITVENDIS IN PERPETVVM.

*Primates, & Legatum sedis Apostolica constituit Thessalonicensem
Archiepiscopum.*



VANTÆ dignitatis Thessalonicen. antistes fuerit ab antiquo, per authentica scripta predecessorum nostrorum euidenter apparet, quod vt plenius declaretur, pauca de multis in medium duximus proponenda. Scribens enim Sanctæ memoriæ Leo Papa Anastasio antistiti Ecclesiæ Thessalonicen., sic ait. De persona consecrandi Episcopi, & de Cleri plebique consensu, Metropolitanus Episcopus ad fraternitatem tuam referat; quodque in Prouincia bene placuit scire te faciat, vt ordinationem ritè celebrandam tua quoque confirmet auctoritas, quæ rectis dispositionibus nihil moræ, aut difficultatis debet asferre, ne gregibus Domini diu desit cura pastorum. Metropolitanus verò defuncto, cum in loco eius fuerit alius subrogandus, Prouinciales Episcopi ad Ciuitatem Metropolim conuenire debebunt: vt omnium Clericorum, atque omnium ciuium voluntate discussa, ex Presbyteris eiusdem Ecclesiæ, vel ex Diaconibus optimus eligatur; de cuius nomine ad tuam notitiam Prouinciales referant Sacerdotes, impleturi vota poscentium, cum quid ipsis placuit, tibi placuisse cognouerint. Sicut enim iustas

electiones nullis dilationibus volumus fatigari; ita nihil permittimus te ignorante presumi. De Concilijs autem Episcopalibus non aliud inducimus, quam sancti Patres salubriter ordinarunt; vt scilicet bini Conuentus per annos singulos habeantur, in quibus de omnibus querelis, quæ in diuersos Ecclesiæ ordines nasci assolent, iudicetur. Ac si forè inter ipsos qui præfunt, de maioribus, quod absit, peccatis causa nascitur, quæ Provinciali nequeat examine diffiniri: fraternitatem tuam de totius negotij qualitate Metropolitanus curabit instruere; vt si coram positis partibus, nec tuo fuerit res sopita iudicio, ad nostram cognitionem quidquid illud est transferatur. Præterea in diffinitione quondam fidei Orthodoxæ Ioannes Thessalonicen. Antistes primus post Apostolicæ sedis Legatos, & quatuor Patriarchas, quorum aliqui perseipfos, & alij per suos Vicarios affuerunt, sic legitur scripsisse. Ioannes Dei misericordia Episcopus Thessalonicen. & Vicarius Apostolicæ sedis Romæ Legatus, diffiniens subscripsi. Licet autem præfatus antistes satis profectò fuerit ex Ecclesiæ suæ dignitate conspicuus, magis tamen vtique fuit ex Apostolicæ sedis familiaritate præclarus; Sicut etiam ex scriptis ostenditur Pontificum Romanorum, qui sæpissimè vices suas eidem antistiti commiserunt. Nicolaus etenim Papa inter cætera scribens Michaëli Imperatori Græcorum, sit ait. Oportet Imperiale vestrum decus, quod in omnibus Ecclesiasticis vilitatibus vigere audiuius, vt antiquum morem, quem nostra Ecclesia habuit, vestris temporibus restaurare dignemini. Quatinus vicem, quam nostra sedes per Episcopos vestris in partibus constitutos habuit: Videlicet Thessalonicen., qui Romanæ sedis vicem per Eperum veterem, Eperumque nouam, atq; Illicum, Macedoniæ, Thesaliæ, Achaiæ Daciæ Riperen. Daciæ, Mediterraneam, Misiam, Dardaniæ, & Preualim, Beato Petro Apostolorum Principi contradicere nullus presumat. Quæ antecessorum nostrorum temporibus: scilicet, Damasi, Siricii, Innocenti, Bonifacii, Celestini. Sixti, Leonis, Hilarii, Simplicii, Felicii, atq; Ormisæ, Sanctorum Pontificum sacris dispositionibus agebatur. Præfatus quoque Leo scripsit supradicto Anastasio in hæc verba. Quanta fraternitati tuæ à B. Petri Apostoli auctoritate commissæ sunt, & qualia etiam nostro tibi fauore sunt credita, si vera ratione perspiceres, & iusto examine ponderares multum possemus de iniunctæ tibi sollicitudinis deuotione gaudere. Quoniam sicut predecessores mei predecessoris tuis, ita etiam ego dilectioni tuæ priorum secutus exemplum, vices mei moderaminis delegaui. Vt curam, quam vniuersis Ecclesijs principaliter, & diuina institutione debemus, imitator nostræ mansuetudinis effectus adiuuares; & longinquis à nobis Prouincijs præsentiam quodammodo nostræ visitationis impenderes. Cæterum etsi præfata Thessalonicæ. Ecclesia à deuotione, ac familiaritate sedis Apostolicæ se subduxerit per schisma illud diutinum, quo Ecclesia Græcorum à via veritatis ad erroris inuium declinauit. Quia tamen hoc tempore, per Dei gratiam ad deuotionem pristinam est reuersa; & ipsam in eadem, te studiosius operante, credimus permanfuram. Cum familiaritatis gratia nobis specialiter tenearis affectus; vt pote in Diaconem, & Presbyterum per manuum nostrarum impositionem promotus; & in Episcopum nostræ humilitatis ministerio consecratus, necnò & Palæo Pontificalis videlicet officij plenitudine insignitus. Postulationem ab eadē Ecclesia de te factam, inquisitione super ea præhibita diligenti, ratam, &

gratam habentes, ipsam auctoritate curauimus Apostolica confirmare. Pallium quoque de corpore B. Petri sumptum in signe Pontificalis officij, fraternitati tuæ Apostolicæ sedis liberalitate concessimus, quo utique infra tuam Ecclesiam ad Missarum solemniam uti memineris illis diebus, quibus predecessores tuos usos fuisse cognoscis. Videlicet in Natiuitate Domini, Festiuitate Protomartyris Stephani, Circumcisione Domini, Epiphania, Ypopanti, Dominica in Ramis Palmarum, Cena Domini, Sabbato sancto, Pascha. Feria secunda post Pascha, Ascensione, Pentecoste, Tribus festiuitatibus Beatæ Mariæ, Natali B. Ioannis Baptistæ, Solemnitatibus omnium Apostolorum, Commemoratione omnium Sanctorum, Dedicationibus Ecclesiarum, Consecrationibus Episcoporum, Ordinationibus Clericorum, Ecclesiæ tuæ principalibus festiuitatibus, Solemnitate Beati Demetrii, & cōsecrationis anniuersario tuæ dic. Ad hæc ipsi Thessalonicen. Metropoli suam confirmamus Prouinciam; in qua subscriptos Episcopatus specialibus nominibus duximus exprimendos: videlicet Ciren. Berien. Campanien. Vardarien. Seruien. Petren. Platomonen. Langarden. Adramerien. Nerisien. & Cassandrien. Iura quoque, ac bona eius, dignitates, & libertates ipsius; necnon antiquas, & rationabiles consuetudines auctoritate Apostolica roboramus, & tam tibi, quam eidem Ecclesiæ, firma, & illibata manere sancimus. Cœmteria quoque earumq; beneficia nullus hereditario iure possideat, quod si quis hoc facere contenderit; censura Canonica compescatur. Prohibemus autem, ne Presbyteri Capellani Ecclesiarum ad ius Ecclesiæ tuæ pertinentium possessiones earum absque assensu tuo, saluis tamen Canonicis institutionibus, distrahere, vendere, vel obligare; seu alio quolibet modo alienare præsumant; Quod si factum fuerit irritum habeatur. Prohibemus insuper, ne interdictos, vel excommunicatos, tuos ad officium, vel Communionem Ecclesiasticam, sine conscientia & consensu tuo quisquam admittat, aut contra sententiam tuam Canonicè promulgatam aliquis venire præsumat; nisi forte periculum mortis imminet, aut dum presentiam tuam habere nequiverit, per alium secundum formam Ecclesiæ satisfactione promissa, oporteat ligatum absolui. Porro Dominicæ crucis vexillum per tuam Diocesim, & Episcopatus tibi subditos ante te deferendi, fraternitati tuæ licentiam impartimur. Decernimus ergo ut nulli omnino hominum liceat præfatam Thessalonicen. Ecclesiam temerè perturbare, &c. usque, visibus omnimodis profutura, salua sedis Apostolicæ auctoritate. Siqua igitur in futurum &c. usque districtæ vltioni subiaceat. Cunctis autem eidem loco, &c. usque premia æternæ pacis inueniant Amen. Datum Lateran. per manum Ioannis Sanctæ Mariæ in Cosmidin Diac. Card. Sanctæ Romanæ Ecclesiæ Cancellarij vij. Idus April. Indictione xv. Incarnationis Dominicæ Anno millesimo ducentesimo decimo secundo. Pont. verò Domini Innocentij Papæ III. Anno xv.

EPISTOLA XIX.

EPISCOPO HAVELBERGEN., ET DE SICHEM, ET DE LAPIDE
S. MICHAEL. CISTERCIEN. ORD. ABBATIBVS
ALBERSTATEN. DIOEC.

*Vi Imperatoria aula Protonotarium, si spoliatus iniuria fuerit,
sua Prabenda restituant.*

VENIENS ad præsentiam nostram dilectus filius Vv. Imperial. aulæ Protonotarius, sua nobis insinuatione monstravit: quòd cùm xmulisui, occasione accepta; ex eo quòd idem ex negligentia potiùs, quàm malitia, in Cerei benedictione commisit, multis suggestis nequiter contra eum, ad venerabilem Fratrem nostrum Brandenburg. Episcopum, & dilectos filios.. Præpositum de Mildens & H. Canonicum Sancti Petri Magdeburgen. nostras litteras impetrassent. Idem Sancti Nicolai Magdeburgen. ipsum destitueret præbenda; & per vnus momenti spatium ipsi rescritti Apostolici copiam denegantes. Postquam fuerunt officio suo functi, cuidam ipsam assignando præbendam, iterum aliquot diebus elapsis, eandem cuidam alij contulerunt in eius præiudicium, & grauamen. Quocirca discretionis vestræ per Apostolica scripta mandamus; quatinus si eum inueneritis præfata ptebenda preter formam mandati Apostolici destitutum, vel alias contra iustitiam spoliatum: ipsum sublato appellationis obstaculo restitui faciatis. Contradictores si qui fuerint, per censuram Ecclesiasticam compescentes, de prædicta negligentia, vel contemptu pœnam ei debitam infligendo. Nos enim ipsum fecimus ad cautelam à vinculo excommunicationis absolui, & ad vos remittimus absolutum; præsertim cùm, sicut idem asseruit. Præfati Iudices excommunicatum denuntiarent eundem postquam pet venerabilem Fratrem nostrum.. Magdeburgen. Archiepiscopum Apostolicæ sedis Legatum, fuit iuxta formam Ecclesiæ ab eodem vinculo absolutus. Testes autem qui fuerint nominati &c. vsque subtraxerint pet censuram eandem appellatione cessante cogatis veritati testimonium perhibere. Quod si non omnes, &c. tu ea Frater Episcopo cum eorum altero nihilominus exequaris. Datum Lateran. vj. Idus April. Pont. N. Anno xv.

EPISTOLA XX.

MAGYNTIN, ET MAGDEBURGEN. ARCHIEPISCOPIS
APOSTOLICÆ SEDIS LEGATIS.

Ne priuentur beneficijs, & officijs, ij qui ab Ottone recedunt.

VT inter deuotos, & indeuotos, obediens, & inobedientes discretio habeatur, oportet quòd agatur seuerè cum illis, & adhibeatur benignitas circa istos. Cùm igitur quidam in Imperiali aula officia, & beneficia obtinentes, ob reuerentiam Apostolicæ sedis iam recesserint ab Ottone tyranno: ne sibi communicando contagione maculentur ipsius, & quidam sint in proximo recessuri. Fratritati vestræ per Apostolica

scripta præcipiendo mandamus: quatinus ne iisdem iacturam incurrant, unde gratiam meruerunt, per totam Teutoniâ faciatis auctoritate nostra districtius inhiberi. Ne aliquis officia, & beneficia eorundem, præsumant à tyranno recipere memorato. Quòd si aliqui ea recipere attentarunt, ipsos sublatò cuiuslibet contradictionis, & appellationis obstaculo, beneficijs, & officijs Ecclesiasticis, si qua obtinent, spoliatis, & faciatis eisdem, tanquam excommunicatos, ab omnibus arctius cuitari. Contradiçtores per censuram Ecclesiasticam appellatione postposita compescendo. Quòd si non ambo &c. alter vestrum ea nihilo minus exequatur. Datum Lateran. ij. Non. April. Pont. N. Anno xv.

EPISTOLA XXI.

NOBILI VIRO G. DE VILLA ARDVINI PRINCIPI ACHAIÆ.

*Vt compescat rebelles secularium Canonicorum Patracen. in
Regulares, animos.*

EX parte dilectorum filiorum Canonicorum Regularium Patracen. Ecclesiæ nobis est oblata querela; quòd cùm de mandato nostro, &c. . . Abbatibus S. Ruffi cum Venerabili Fratre nostro. . . Archiepiscopo Patracen. ad partes accesserint Romanix Præfatus Archiepiscopus honestè locauit eosdem in Ecclesia Patracen. sed procurantibus Canonicis Secularibus loci eiusdem, & R. Presbytero de Supreno, ab eadem Ecclesia per Laicatem potentiam sunt eieçti. Et præfati Seculares, & quidam alij, quorum quidam fuere Monachi, in eadem post appellationem ad nos legitime interpositam. Sunt intrusi: qui statuentes oculos suos declinare in terram, spiritualibus non intendunt. Idèoque discretionis tue per apost. scrip. mand. quatinus si est ita, eosdem reduci facias in Ecclesia memorata, & non permittas ipsos à quoquam, quantum in te fuerit, indebitè molestari. Datum Lateran. vij. Idus April. Pont. N. Anno xv.

In eundem modum scriptum est. . . Episcopo Zaratouien. Ex parte dilectorum filiorum &c. vsque, spiritualibus non intendunt. Quocirca fraternitati tue per apostolica scrip. mand. quatinus, si est ita, reuocato in irritum quidquid post appellationem ad nos legitime interpositam inueneritis attentatum. memoratos Canonicos Regulares in præfatam Ecclesiâ sublato appellationis obstaculo reducere non postponas, & facias eosdem ibidem pacificè commorari. Contradiçtores, si qui fuerint, vel rebelles, per censuram Ecclesiasticam appellatione postposita compescendo.

EPISTOLA XXII.

EIDEM.

Vt Ecclesia Landreuillensis possessiones restituat.

AD nostram noueris audientiam peruenisse, quòd cùm Episcopatus de Landreuil. vnus sit de ditioribus, & nobilioribus Episcopatibus Romanix: tu, & quidam alij possessiones, & alia bona ipsius in animarum vestrarum periculum detinentes, ibidem Episcopum non permittis ordinari,

occasione sumpta, ex eo quòd dilectus filius noster B. titulo S. Sufannæ Presbyter Card. tunc Apostolicæ sedis Legatus, quatuor Canonicos instituit in Ecclesia Cathedrali : assentes præfatam Ecclesiam ordinari aliter non debere. Quocirca nobilitati tuæ per apost. scrip. mand. quatinus possessiones, & alia bona quæ ad præfatam Ecclesiam pertinere noscuntur, ei sine difficultate facias resignari. Nos enim Venerabili Fratri nostro Zaratouien. Episcopo nostris damus litteris in mandatis, ut supra statu prædictæ Ecclesiæ iniquitate plenius, & cognita veritate, quod Canonicum fuerit sublato appellationis obstaculo statuatur, & faciat quod statuerit per censuram Ecclesiasticam firmiter obleruari. Datum Lateran. v. Idus Aprilis Pont. N. anno xv.

In eundem modum scriptum est supra hoc Episcopo Zaratouien. ad nostram &c. vsque, ordinari aliter non debere. Vnde ipsi Principi nostri damus litteris in mandatis, ut possessiones, & alia bona quæ ad præfatam Ecclesiam pertinere noscuntur, ei sine difficultate faciat resignari. Quocirca fra. tuæ per apost. scrip. mand. quatinus supra statu, &c. vsque firmiter obleruari.

EPISTOLA XXII.

CAPITULO PIVEREN.

Vt conferant Præbendam ei, pro quo mandauit saepe Pontifex, qui gratum habebit, si à filio Regis Francorum oblatio aliam conferant.

DILECTVS Filius Vv. Clericus veniens ad Apostolicam sedem dilectorum filiorum . . Abbatis & Prioris Sanctæ Mariæ, ac . . Decan. S. Saluatoris Blesen. nobis litteras presentauit : per quas iisdem nostro Apostolatu referarunt. Quòd cum vos auctoritate nostra monuerint diligenter, ut præfato Vv. per quo vobis tertio scripseramus, Præbendam, si qua in vestra vacaret Ecclesia, iuxta mandatum Apostolicum liberaliter conferretis. Mandantes ut eis super hoc curaretis certo termino respondere : & in vestra Ecclesia quædam Præbenda interim vacauisset, inhibuerunt vobis, ne in elusionem mandati Apostolici, alij quàm dicto Vv. ipsam præsumeretis aliquatenus assignare, ac idem Vv. id idem vobis inhibuit ad sedem Apostolicam appellando. Porro Cantot. & . . Succentor, cum quibusdam alijs Canonicis Ecclesiæ vestræ, ob reuerentiam apostolicæ sedis, & nostram, humiliter consenserint, ut supradictus Vv. ad eandem Præbendam in vestra admitteretur Ecclesia in Canonicum, & in Fratrem. Alij verò ad preces dilecti Filij nobil. viri Ludouici nati Charissimi in Christo Filij nostri Phil. Regis Francorum Illustris, ad dictam Præbendam Henr. Clericum nominarunt, illud Magistro Stephano fratre suo eiusdem Ecclesiæ Canonico procurante. Cum ergo vota vestra diuisa essent in partes, P. de Nangeuill. Canonicus vestet ex parte nostra inhibuit appellando, nec quidquam de præfata præsumeretis ordinare Præbenda ; quò minus posset mandatum apostolicum adimpleri. Petrus quoque Senonen. præfati nobil. nobis porrexerat litteras continentes, quòd cum ipse præfato Henr. vobis precum suarum primitias porrexisset, antequam pro prædicto Vv. mandatum ad vos apostolicum emanasset, vos licet plures vacarent præbendæ in Ecclesia supradicta, nec

mandatum nostrum, nec preces ipsius effectui mancipastis. Demum cum quædam vacasset Præbenda, minor pars ut preces, sicut credit, euacuaret ipsius prætextu litterarum nostrarum in sæpeditum Vv. consensit: maiore, ac saniore parte tam mandatum nostrum, quam preces ipsius parata exequi existente. Sed cum pars aduersa, non potuisset induci, ut ambo ad Præbendam admitterentur vacantem: vos in sæpeditum Henr. vnanimiter consensistis. Verum nobis humiliter supplicabat: ut de præfata Præbenda sic disponere dignaremur, quod preces non euacuarentur ipsius, & mandatum Apostolicum nihilominus impleretur. Nos igitur attendentes, quod iam tertio pro præfato Vv. vobis diximus scripta nostra, & sagitta Ionathæ non debet redire retrorsum, sed dirigi potius in directum. Discretionem vestram per apostolicam scripturam præcipiendo mandamus, quatinus memoratam Præbendam conferentes eidem, ipsum ad illam in Fratrem, & Canonicum admittatis. Alioquin noueritis nos dilectis filiis. Decan. G. Archidiacon. & Magistro Henr. Canonic. Trecenti. nostris dedisse litteris in præceptis, ut prædicto Vv. memoratam Præbendam auctoritate nostra sublato appellationis obstaculo conferentes, faciant ipsum ad illam in Canonicum recipi, & in Fratrem. Contradiçtores censura Ecclesiastica appellatione postposita compescendo. Scituri nihilominus, quod nobis gratum erit pariter, & acceptum; si præfato Henr. ad preces memorati Nobilis in alia Præbenda duxeritis prouidendum. Datum Lateran. iij. Non. April. Pont. N. Anno xv.

Super hoc scriptum est in eundem ferè modum eisdem, usque, appellatione postposita compescendo. Denuntiaturi nihilominus Capitulo sæpedito, quod nobis gratum &c. usque, duxerint prouidendum. Quod si non omnes &c. duo vestrum &c.

EPISTOLA XXIV.

A. ILLUSTRI RIGI PORTUGALEN., ET HEREDIBVS
EIVS IN PERPETVVM.

*Recipit sub protectionem sedis Apostolica Regnum
Portugalia sub censu annuo.*

MANIFESTIS probatum est argumentis, quod inclitæ recordationis Alphonsus Auus tuus, per sudores bellicos, & certamina militaria inimicorum Christiani nominis intrepidus extirpator, & propagator diligens fidei Orthodoxæ; sicut deuotus filius, & Princeps Catholicus multimoda obsequia impendit sacrosanctæ Ecclesiæ matri suæ, dignum nomen, & exemplum imitabile posteris derelinquens. Equum est autem, ut quos ad Populi regimen, & salutem dispensatio celestis eligit, apostolica sedes sincero prosequatur affectu, & in iustis postulationibus studeat efficaciter exaudire. Proinde nos tuam attendentes personam ornatam, prudentia, iustitia præditam, atque ad Regni gubernationem idoneam: eam sub B. Petri, & nostræ protectione suscipimus, & Regnum Portugalen. cum integritate honoris Regni, & dignitate quæ ad Reges pertinet, necnon & omnia loca, quæ cum auxilio celestis gratiæ de Sarracenorum manibus eripueris, in quibus ius

sibi non possunt Christiani Principes circumpositi vindicare, ad exemplar felicitis memorie Alexandri Papæ prædecessoris nostri, qui hæc præfatio tuo per privilegij paginam concessisse dinoscitur, tuæ sublimitati concedimus, & auctoritate apostolica confirmamus. Vt autem ad deuotionem, & obsequium B. Petri Apostolorum Principis, & sacrosanctæ Roman. Ecclesiæ vehementius accendaris, hæc ipsa hæredibus tuis duximus concedenda; eosque super his, quæ concessa sunt, Deo propitio pro iniuncto nobis Apostolatus officio defendemus. Tua itaque intererit, fili charissime, ita circa honorem, & obsequium Matristuæ Sacrosanctæ Roman. Ecclesiæ humilem, & deuotum existere, & sic teipsum in eius oportunitatibus, & dilatandis Christianæ fidei finibus exercere, vt de tam deuoto & glorioso filio sedes Apostolica gratuletur, & in eius amore quiescat. Ad indicium autem quod præscriptum Regnum B. Petri iuris existat, pro amplioris reuerentiæ argumento, progenitorum tuorum vestigijs inhærendo, statuisti duas Marcas auri annis singulis nobis nostrisq; successoribus persoluendas: quem vtique censum ad vtilitatem nostram, & successorum nostrorum, Bracaren. Archiepiscopo, qui pro tempore fuerit, tu, & successores tui curabis assignare. Decernimus ergo vt nulli omnino hominum liceat personam tuam, aut hæredum tuorum, vel etiam præfatum Regnum temerè perturbare, aut eius possessiones auferre, vel ablatas retinere, minuere, aut aliquibus vexationibus fatigare. Si qua igitur &c. vsque, districtæ vltioni subiaceat. Cunctis autem eidem Regno, & Regi sua iura seruantibus, &c. vsque, premia æternæ pacis inueniant. Amen. Datum. Lateran. per manum Ioannis sanctæ Mariæ in Cosmidin Diac. Card. S. Roman. Ecclesiæ Cancellarij. xvj. Kal. Maij. Indic. xv. Incarnationis Dominicæ. Anno millesimo ducentesimo decimo secundo. Pont. vero Domini Innocentij Papæ iij anno xv.

E P I S T O L A XXV.

NOBILI VIRO GUIDON. DE POLENTA.

Recipit cum bonis sub suam protectionem sub annuo censu.

VM à nobis petitur &c. vsque, perducatur effectum. Ea propter &c. vsque, assensu. Personam tuam cum omnibus bonis quæ impræsentiarum rationabiliter possides, aut in futurum iustis modis præstante Domino poteris adipisci, sub B. Petri, & nostra protectione suscipimus. Specialiter autem fundum Burgudent. Frassenetum, Casacutulam & res alias in Liuien. Diocesi constitutas quas, felicitis memorie Greg. Papa prædecessor noster, tuis progenitoribus intuitu deuotionis quam ad Roman. habebant Ecclesiam dinoscitur concessisse, prout in ipsius privilegio continetur. Sicut prædicta omnia iustè, & pacificè possides, nos tibi sub annuo censu duodecim solidorum Lucen. auctoritate Apostolica confirmamus, & præsentis scripti patrocinio communimus. Nulli ergo omnino hominum &c. vsque, nostræ protectionis, & confirmationis infringere, vel ei &c. vsque, contraire. Siquis autem &c. vsque, se nouerit incursum. Datum Lateran. ij. Idus April. Pont. N. Anno xv.

EPISTOLA XXVI.

THEBAN. ARCHIEPISCOPO.

Ut pauperi Episcopo Zaratouiensi, de suo Archiepiscopatu provideat.

VENERABILIS Frater noster. . Zaratouien. Episcopus in nostra proposuit presentia constitutus; quòd Ecclesiz suæ adeo sunt tenues facultates, quòd ex eis vix posset honestè vnus Canonicus sustentari. Ne igitur propter inopiam temporalium, nomen Episcopale vilescat: discretioni vest. per. apof. script. mandamus, quatinus eidem provisionem honestam studeas assignare. Vt idem Curæ Populi sibi commissi commodiùs intendere valeat sollicitudine pastoralis: nec propter defectum temporalium compellatur se secularibus negotijs implicare. Datum Lateran. vj. Idus. April. Pont. N. Anno xv.

In eundem ferè modum scriptum est super hoc Archiepiscopo Thessalonien. & Episcopo, & Archidiacon. Daulien. vsque secularibus negotijs implicare. Quocirca discretioni vest. per. apof. scrip. mandamus, quatinus dictum Archiepiscopum ad hoc moneatis prudenter, & efficaciter inducatis. Quòd si non omnes &c. duo vestrum &c.

EPISTOLA XXVII.

NOBILI VIRO M. DOMINO DE GRAVIA.

Ut quosdam malefactores corrigat.

MAGISTER Hug. Archidiacon. Daulien. graui nobis conuestione monstrauit, quòd quidam Græci de Grauia in eum Dei timore postposito manus temerarias iniecerunt, & sibi graues iniurias introgarunt. Cùm igitur ijdem, sicut accepimus, excommunicationis sententiam vilipendant, & ijdem qui spiritualement non metuunt, temporali districtione debeant castigari. Nobilitati tuæ per apof. scrip. mandamus, quatinus malefactores prædictos, vt super his conquerenti satisficiant competenter, tradita tibi potestate compellas. Datum Lateran. vj. Idus April. Pont. N. Anno xv.

EPISTOLA XXVIII.

ARCHIEPISCOPO ET CAPITULO THEBAN.

Ne excommunicatos à Zaratouiensi Episcopo recipiant.

Audientiam nostram Venerabili Fratre nostro. . Zaratouien. Episcopo significante peruenit. Quòd cùm milites, & Latini Zaratouien. Dicce. mansionem habeant apud Thebas, si quando præfatus Episcopus, in eos propter suos excessus sententiam excommunicationis promulget, vos ipsos non facitis euitari. Propter quod idem Episcopus, & Ecclesia sibi commissi, ex eis suam non potest consequi rationem. Quia igitur non est malitijs hominum indulgendum: discretioni vestrz per apof. scripta mandamus,

mandamus, atq; præcipimus, quatinus Parrochianos ipsius Episcopi ab eo excommunicationis laqueo rationabiliter innodatos, nõ præsumatis de cætero recipere ad diuina, sed eos faciatis potius euitari. D. Lat. vij. Idus. Apr. Pont. N. An. xv.

EPISTOLA XXIX.

EPISCOPO DECAN. ET CANTORI DAVALIEN.

*Vt Archiepiscopus Thebanus, & Zaronienfis Episcopus sinibus
suarum Dioceseon contineantur.*

CUM sicut Venerabil. Frater noster.. Zaronien. Episcopus proposuit coram nobis Venerabil. Frater noster Archiepiscopus, & Canonici Theban. Zaronien Diœc. cum sit Theban. continuo occupare præsumant & eundem Episcopum multipliciter indebitè molestare. Nos volentes, vt vtrisque ius suum conseruetur illæsum, discretioni vestræ per Apol. scrip. mandamus, quatinus partibus conuocatis, inquisita plenius & cognita veritate, vtrumque faciatis sua Diœcesi manere contentum. Contradiçtores per censuram Ecclesiasticam appellatione postposita compescendo. Testes autem qui fuerint nominati, si se gratia odio vel timore subtraxerint, per distinctionem eandem appellatione cessante cogatis veritati testimonium perhibere. Quod si non omnes &c. tu Frater Episcope cum eorum altero &c. Datum Later. v. Idus April. Pont. N. ANNO xv.

EPISTOLA XXX.

ARCHIEPISCOPO THESSALONICEN. ET ELECTO DETNICIACEN.
ET THESAURARIO S. DEMETRII THESSALONICEN.

*Delegat cognitionem causa de iniectiõne manuum violenta in
Episcopum Zaroniensem.*

VENERABIL. F. N. Zaronien Episcopus nobis conquerendo monstrauit quod Decanus & Canonici Theban. eum multipliciter molestantes, ipsum præsumperint multipliciter infamare. Quod bladium comburi fecit eorum; ac manu armata terram intrantes ipsius & quendam suum hominem capientes, ipsum afflictū crudeliter tradiderunt Iudici seculari, qui diu eundem detinuit mancipatum custodiæ carcerali. Præterea dictus Decanus, & G. de Besens. & G. de Pictaui Canonici cum G. de sancta Cruce Castellani. Theban. & quibusdam alijs laicis Theban. Diœc. in domum ipsius Episcopi nequiter irruentes, & manus temerarias iniicientes in ipsum, quendam hominem suum, quem propter eorum scruitiam brachijs tenebat proprijs amplexatum, capere præsumperint, & arcis custodiæ mancipare. Cum igitur hæc si vera sint, non debeamus conuiuentibus oculis pertransire: discretioni vestræ per Apostolica scripta mandamus; quatinus vocatis qui fuerint euocandi, & inquisita plenius, & cognita veritate, quod Canonici fuerint appellatione postposita statutis. Facientes quod decreueritis per censuram Ecclesiasticam firmiter obseruari. Si vero vobis constiterit de iniectiõne manuum violenta dictos Sacrilegos tamdiu appellatione remota excommunicatos publicè nuntietis, & faciatis ab omnibus arctius euitari. Donec

passo iniuriam satisfacerent competenter : & cum vestrarum testimonio litterarum, ad sedem venerint Apostolicam absoluendi. Quòd si non omnes &c. duo vestrum &c. Datum Lateran. v. Idus. April. Pont. N. Anno xv.

EPISTOLA XXXI.

EPISCOPO TAVRINEN. ET PRÆPOSITO, S. GAYDENTII NOVARIEN.

Irritam dicit Ottonis Imp. sententiam in Cumanum Episcopum.



SCIT ea quæ à Catholicis, & deuotis Principibus rationabiliter ordinantur, firma debent, & illibata seruari. Sic ea quæ à perfidis tyrannis improbè statuuntur, illo maxime tempore, quo excommunicationis vinculo tenentur astricti, carere debent robore firmitatis: cum tales legitime nequeant iurisdictionis officium exercere ab unitate fidelium separati. Cum igitur Otto non iam nominandus Imperator, sed impius, persecutor, cum suis fautoribus anathematis sit vinculo innodatus, & à debito fidelitatis ipsius absoluti sint vniuersi. Nos omnia, quæ idem excommunicatus, vel aliquis eius Official. contra Clericos, vel Ecclesias statuit, aut statuerit: siue contra Principes, aut eorum fautores, qui memorato tyranno suum subtraxerint obsequium, vt libertatem, & iustitiam tam Ecclesie, quam Imperij tueantur, denuntiamus irrita, & inania: eaque de communi fratrum nostrorum consilio auctoritate Apostolica omnino cassamus. Specialiter autem sententiam, quam idem O. contra Venerabilem Fratrem nostrum .. Cuman. Episcopum, super causa, quæ vertitur inter ipsum, & Capitaneos de Arzago; Pro eo, quòd ad ipsius excommunicati præsentiam idem Episcopus non accessit, cum vocatus fuisset ab eo, nequiter promulgauit: decernimus nullam esse; nec per eam aliud quod Cuman. Ecclesie in posterum præiudicium generari. Quocirca discretionis vestre per apostolica scripta præcipiendo mandamus, quatinus Capitaneos ipsos, vt dictum Episcopum, vel eius Ecclesiam occasione ipsius sententie non agrauent, vel molestant, monitione præmissa per censuram Ecclesiasticam appellatione remota cogatis. Datum Lateran. Non. April. Pont. N. Anno xv.

EPISTOLA XXXII.

ABBATI MONASTERII S. SEVERINI, EIVSQVE FRATRIBVS
TAM PRÆSENTIBVS, QVAM FUTVRIS REGVLAREM
VITAM PROFESSIS IN PERPETVVM.

Recipit sub protectionem B. Petri.



POSTULATIO voluntatis, &c. vsq; indubitanter assumat. Ea propter dilecti in Domino Filij, vestris iustis postulationibus clementer annuimus, & præfatum Monasterium Sancti Seueri à bonæ memorie Vvillelmo Sancij quondam Vvasconie Comite fundatum, & Beato Petro ab eodem Comite perpetuo iure oblatum ad exemplar felicitis memorie Paschalis, & Alexandri Papæ prædecessorum nostrorum sub Beati Petri, & nostra protectione suscipimus, & præsentis scripti priuilegio communimus. In primis siquidem statuantes; vt ordo Monasticus, qui

secundum Deum, & B. Benedicti regulam in eodem Monasterio &c. usque, inuolabiliter obseruetur. Præterea quascumque possessiones, &c. usque, illibata permaneant, in quibus hæc proprijs &c. usque, vocabulis. In Episcopatu Aduren. S. Petri, S. Ioannis, S. Germani, & S. Ioannis, S. Laurentij, Sanctæ Mariæ, Sancti Eugenij, & Sanctæ Mariæ, Sancti Vincentij, Sancti Martini, & Sancti Vincentij, & Sancti Medardi, & aliam Sancti Medardi Ecclesias. In Episcopatu Aquen. Sancti Martini, Sancti Petri, & Sancti Martini, S. Ioannis, S. Leonis, & S. Vincentij Ecclesias. In Episcopatu Burdegalen., Sanctæ Mariæ; Sanctæ Eulaliæ, & Sanctæ Mariæ, & Sancti Michaëlis Ecclesias. In Episcopatu Basaten. Ecclesiam Sancti Laurentij. In Episcopatu Agennen. Sancti Felicis, Sanctæ Fidis, Sanctæ Quintillæ, Sancti Christophori, Sancti Petri, & Sancti Ioannis Ecclesias. Chrisma verò oleum sanctum, &c. usque, voluerit exhibere. Alioquin liceat vobis quemcumque, &c. usque, quod postulat impendat. Missas sanè publicas in eodem Monasterio per Episcopum fieri, vel stationes celebrari, præter Abbatis, ac Fratrum voluntatem omnimodis prohibemus, ne in seruorum Dei recessibus popularibus occasio præbeatur vlla Conuentibus. Ad hæc adicimus; vt alicui personæ magnæ, vel paræ facultas non sit milites, vel pedites de villis eidem Cœnobio pertinentibus, in hostem, vel expeditionem ducere, nec de saluis, pratis, landis piscationibus pinetis, & vineis censum quærere, vel Arcetum. In Parrochialibus verò Ecclesijs quas habetis &c. usque, temporalibus debeant respondere. Adicimus autem, vt nec Episcopo, vel Episcoporum ministris liceat consuetudines nouas præter Abbatis, ac Fratrum voluntatem, vel exactiones quaslibet in eodem Monasterio ponere. Hoc quoque subiungimus, vt idem Monasterium absque Romani Pontificis licentia minime interdicto, vel excommunicationi subdatur. Ad indicium autem huius à Romani. Ecclesia libertatis perceptæ: quinque solidos Pictauen. monetæ nobis, nostrisque successoribus annis singulis persoluetis. Obente verò te, &c. usque secundum Dei timorem, & B. Benedicti regulam prouiderint eligendum. Dецernimus ergo, vt nulli omnino hominum, &c. usque, omnimodis profutura. Salua sedis Apostolicæ auctoritate. Siqua igitur in futurum &c. usque; districtæ vltioni subiaceat. Cunctis autem eidem loco, &c. usque; præmia æternæ pacis inueniant. Amen. Datum Lateran. per manum Ioannis Sanctæ Mariæ in Cosmidin Diac. Card. Sanctæ Roman. Ecclesiæ Cancellarij xij. Kal. Maij. Indictione xv. Incarnationis Dominicæ. Anno millesimo ducentesimo decimo secundo. Pont. verò Domini Innocentij Papæ II. Anno xv.

EPISTOLA XXXIII.

SALIMBRIEN EPISCOPO.

Vt exhibeat Sacramenta Ecclesijs Buccæ Leonis, & Blakernarum.

CVM Buccæ Leonis, & de Blakerna Ecclesiæ, ad Romanam Ecclesiam nullo pertineant mediante. Fratritati tuæ per Apostolica scrip. mandamus, quatinus chrisma, oleum Sanctum, & alia Ecclesiastica Sacramenta, cum necesse fuerit, studeas ipsis liberaliter exhibere. Datum Lateran. xvij. Kal. Maij. Pont. N. Anno xv.

DECANO, ET CAPITULO S. MACVTI DE BARRO.

Recipit sub protectionem B. Petri.

VM à nobis petitur, quod iustum est, & honestum, &c. vsque, ad debitum perducatur effectum. Ea propter, &c. vsque, inclinati, personas vestras, & Ecclesiam B. Macuti, in qua diuino estis obsequio mancipati, cum his, quæ impresentiarum rationabiliter possidet, aut in futurum iustis modis præstante Domino &c. vsque, nostra protectione suscipimus. Specialiter autem possessiones, quas Claræ memoriæ Henricus Comes Trecen. Fundator ipsius Ecclesiæ pia liberalitate concessit eidem, sicut eas iustè, ac pacificè possideris, vobis, & eidem Ecclesiæ per vos auctoritate Apostolica confirmamus, &c. vsque, communimus. Libertates quoque, ac immunitates; necnon rationabiles consuetudines in eadem Ecclesiâ hæctenus obseruatas, firmas vobis, & illibatas manere sancimus. Nulli ergo omnino hominum &c. vsque, hanc paginam nostræ protectionis, & confirmationis infringere; vel ei ausu temerario contraire. Siquis autem hoc. Vsque, incursum. Datum Lateran. ij. Idus April. Pont. N. Anno xv.

EPISTOLA XXXV.

PRÆPOSITO CVSTODI ET SCHOLASTICO MONASTERIEN.

Vt cognoscant de Simonia in electione Bunnensis Præpositi.

LECTVS Filius F. Bunnan. Canonicus in nostra proposuit præsentia constitutus, quòd electione Vvillelmi quondam in Præpositum Ecclesiæ Bunnan. electi rationabiliter in præsentia nostra cassata, Capitulo eiusdem Ecclesiæ, vt ad electionem procederent dedimus in mandatis. Qui cum in diuersis contulerint vota sua, & ex hoc quæstio mota fuerit inter eos, causam ipsam I. Archidiacon. tunc Cantori Treueren. & coniudicibus suis duximus committendam. De quorum assensu, interueniente colludio inter partes, alter electorum duxerit alteri pecunia mediante cedendum, præstito tam ab electis, quàm ab electoribus, qui de pecunia illa portionem receperant, iuramento: quòd factum huiusmodi firmiter obseruarent. Licet dictus Canonicus postmodum contradixerit, & ad nostram audientiam appellaret, Præposituram ipsam cum præbendis, & obedientijs suis protectioni Apostolicæ supponendo. Verùm nobis idem Canonicus humiliter supplicauit; vt in irritum reuocato, quod per prauitatem Simoniacam est præsumptum, eligendi potestate Bunnan. Capitulum priuaremus, supradictum electum Canonicè punientes: paratus obligare seipsum ad pœnam arbitrio Iudicium moderandam, si non probauerit quod intendit. Quia verò nobis non constitit de præmissis discere, vel per Apol. scrip. mandamus: quatinus vocatis, qui fuerint euocandi, & inquisita super his plenius veritate, causam ipsam sufficenter instructam,

si partium processerit voluntate, ad nostrum remittatis examen. præsentes partibus terminum competentem, quo nostro se conspectui repræsentent, æquitatis iudicium receperunt. Alioquin eam, sublato appellationis obstaculo, sine Canonico terminetis. Testes autem &c. usque, subtraxerint per censuram eandem, appellatione remota, cogatis veritati testimonium perhibere. Nullis litteris veritati, & iustitiæ præiudicantibus, à sede Apostolica impetretis. Quòd si non omnes &c. duo vestrum ea nihilominus exequantur. Datum Lateran. xj. Kal. Maij. Pont. N. Anno xv.

EPISTOLA XXXVI.

ARCHIDIAC. PAPIEN.

Ne iudices ab Ottone Imperat. dati procedant.

HOMINES de Domo Oxole Ecclesie Nouarien. subiecti, graui nobis exposuere querela: quòd cum N. de Castello, Nouarien. Dioc. eisdem grauamina plurima, & iniurias irrogasset; tandem volens addere afflictionem afflictis, ab O. dicto Imperatore anathematizato, & maledicto, ad quosdam Iudices commissionem obtinuit contra ipsos. Quocirca disce. tunc per apol. scrip. mandamus: quatinus dictos Iudices, ne contra dictos homines, occasione ipsius commissionis procedant, monitione præmissa per censuram Ecclesiasticam sublato cuiuslibet contradictionis, & appellationis obstaculo, compellere non obmittas. Si verò ipsi Iudices, in contemptum mandati nostri aliter duxerint faciendum, quicquid per eosdem in hac parte fuerit ordinatum, decernas auctoritate nostra irritum, & inane. Datum Lateran. vij. Kal. Maij. Pont. N. Anno xv.

EPISTOLA XXXVII.

ABBATI DE NONANTVLA MVTINEN. DIOEC.

Confirmat reservationem vacatura Prabende, à Legato factam.

ELECTVS Filius G. Nobil. viri F. de Corrigia natus, sua nobis petitione suggessit. Quòd bonæ memoriæ G. Albanen. Electus Apostolicæ sedis Legatus, eidem carenti omni Ecclesiastico beneficio desiderans prouidere, collationem primæ præbendæ in Bononien. Ecclesia vacaturæ, tam suæ, quàm sedis Apostolicæ donationi, per suas litteras reservauit. Nos igitur volentes quod per eundem Legatum prouidè factum est, in hac parte obtinere debitam firmitatem: per apol. tibi scrip. mandamus, quatinus illud facias auctoritate nostra inuiolabiliter obseruari. Datum Lateran. x. Kal. Maij. Pont. N. Anno decimo quinto.

EPISTOLA XXXVIII.

EPISCOPO ET CAPITULO XANTONEN.

Quòd contulerit Præbendam Xantonensem, ex diutina vacatione ad sedem Apostolicam deuolutam, aliarum verò sic vacantium collationem delegarit.



V M de ordinanda Ecclesia vestra per dilectos filios .. Archidiacon. & A. Fulcherij Canonicos vestros ex parte vna; & Magistros A. vestrum, & P. Decani Ecclesie vestre procuratores ex altera, habitus fuisset in præsentia nostra tractatus. Ex vtriusque partis assertionem nobis consistit euidenter; decem in eadem Ecclesia vacare præbendas, quarum septem vacauere tamdiu, quòd earum ad nos secundum statuta Lateran. Concilij est donatio deuoluta. Nos ergo vnam ex illis dilecto filio Magistro Fulcher. Archipresbytero de Mastatio conferentes, & facientes ipsum à præfatis procuratoribus in præsentia vestra recipi ad eandem, sic duximus statuendum. Vt dilecti filij .. de Talemundo & .. de Batiaco Abbates Pictaui. & Xantonen. Diocesium, & Hel. de Græcia Canonicus Engolismen. quibus super hoc dirigimus scripta nostra; reuocato in irritum, siquid de ipsis, postquam ad nos deuoluta extitit donatio earundem, inuenerint attentatum; reliquas sex personis idoneis conferant, & assignent, & faciant appellatione remota; tamen præfatum Fulcher. quàm illos quibus ipsi præbendas easdem contulerint, pacifica ipsorum possessione gaudere. Quòd si tres alie per vos non fuerint ordinate, nec in ordinatione ipsarum poteritis concordare, ipsas personis idoneis sub lato appellationis obstaculo, assignare procurent. Contradictores per censuram Ecclesiasticam compescendo. Quocirca vniuersitati vestre per apol. scrip. mandamus, atque præcipimus; quatinus quod ab eis de dictis præbendis fuerit ordinatum ratum habentes, sine contradictione qualibet firmiter obseruetis. Datum Lateran. ij. Kal. Maij. Pont. N. Anno xv.

EPISTOLA XXXIX.

ARCHIEPISCOPO SENONEN.

Vt Regem Francorum moneat ad pacem Ecclesiasticam, & Episcoporum spoliatorum interdicti sententia seruetur.




X serie litterarum quas ad petitionem charissimi in Christo Filij nostri Ph. Regis Francorum Illustris tibi transmisiimus, pro relaxanda sententia interdicti, quam venerabiles Fratres nostri .. Aurelianen. & .. Antisiodoren. Episcopi tulerant in Dioceses suas, perpendere potuisti; & etiam ipse Rex ex litteris, quas ipsi direximus, cognoscere valuit manifestè. Quòd intentionis nostræ non fuit, vt sine causæ cognitione in negotio ipso procederes, sed potiùs vtriusque partis rationibus auditis, & cognitis, iuxta traditam tibi formam, negotio finem imponeres competenter.

Verum quia prætermissa forma iudicij, sicut ex parte ipsorum Episcoporum fuit propositum coram nobis, in eodem negotio procedebas: iidem ad sedem Apostolicam appellarunt. Quocirca Fraternitati tuæ per Apol. scrip. præcipiendo mandamus, quatinus in statum pristinum reuocato, siquid post appellationem ad nos legitime interpositam in eorundem Episcoporum præiudicium extitit attentatum; præfatam interdicti sententiam non permittas à quoquam temerè violari. Sed litteras quas eidem Regidirigimus, tu ipse sibi fideliter, & prudenter exponas: monens eum efficaciter, & inducens ut pro diuini nominis gloria, & Apostolicæ sedis honore, pacem in Regno suo conseruet Ecclesijs, quæ nunc in multis alijs mundi partibus peccatis exigentibus perturbatur. Datum Lateran. iij. Non. Maij. Pont. N. Anno xv.

EPISTOLA XL.

PHIL. ILLVSTRI REGI FRANCORVM.

Rogas ut à relaxata interdicti sententia, in curia Regia, de defectione Episcoporum Aurelian. & Antisiodoren. cognoscatur: ipsis primum restituis.

 O te credimus erga Dominum Deum tuum, & sanctam eius Ecclesiam feruore deuotionis accensum; sicque libertates Ecclesiasticas illibatas velle, ut virum Catholicum, custodire; quod si litteræ nostræ, quas pro venerabilibus Fratribus nostris... Aurelianen. &... Antisiodoren. Episcopis, Regiæ serenitati direximus, exposuisti tibi pleniter, ac fideliter extitissent, non utique necesse fuisset nos propter hoc tibi scribere iteratò. Cum firmam geramus fiduciam, quod si Episcopi memorati aduersum te commississent offensam, pro Deo, & propter Dominum nobis donasses eandem, in his, & maioribus etiam nobis gratiam faciendo, nec illud ad preces nostras corrigere distulisses, quod contra eos diceris inordinatè fecisse. Quod enim inordinatè processeris contra eos, ex modo spoliandi, & causa, & ex rebus etiam occupatis arguitur multis modis; sicut nobis est ex eorum parte suggestum. Ex modo siquidem; quia nec monitione, nec citatione præmissa, ipsos absentes, nec conuictos, nec confessos de aliquo forisfacto, regalibus spoliasti. Ex causa verò: quia eadem saisiri fecisti pro facto tantummodo alieno, super quod nec confessi fuerant, nec conuicti quòd factum fuerit per eosdem; quinimo illud nec constat, nec constitit extitisse delictum. Ex rebus etiam occupatis, quoniam quædam alia quàm regalia occupasti, quòd Episcopatibus non vacantibus tibi non licuit, etiam si Episcopi deliquissent. Quòd autem eos spoliaueris nondum confessos, nec conuictos, vel ad satisfaciendum commonitos, ex tenore litterarum tuarum, quas præfatis Episcopis direxisti manifestè perpereditur. In quibus continetur expressè, quòd Militibus eorum præceperas, ut irent cum Baronibus illis, quos ad quendam locum duxeras destinandos: & quia illi ad præceptum tuum illuc accedere noluerunt, dixisti dictos Episcopos erga te de exercitu defecisse, ac propterea illorum saisisti regalia, & illa quæ in eis pertinent ad iurisdictionem terrenam. Ex eo ergo quòd ipsorum militibus

præcepisti, ut cum alijs irent, constat; quòd Episcopi Milites suos in tuum exercitum destinarunt, nec ex illis, vel alijs verbis apparet, quòd idem suis Militibus prohibuerint aliquem tibi seruitium exhibere, quòd facere debuissent. Et ex hoc, quòd dixisti eos de tuo exercitu defecisse, quia illorum Milites ad præceptum tuum noluerunt accedere, quò mandaras, & propter hoc regalia, saisiisti. Considera diligenter; utrùm rectè decreueris aduersus absentes, & non monitos, vel citatos, quin etiam ignorantes, quòd eorum Milites deliquissent. Cùm & ipsi se tibi obtulerint iuratos, quòd iidem de illo exercitu secundum suas conscientias seruitium tibi fecerant, quòd debebant, & id idem Milites suos fecisse credebant. Ex eisdem quòque verbis apparet: quòd ex causa minùs iusta dictos Episcopos spoliasti, quia pro facto Militum, quòd nec constat, nec constitit fuisse delictum, vel quòd factum fuerit ex Episcoporum mandato. Super quo videris hætenus dubitasse; Sicut apparet ex responsione, quam in scriptis Venerabilibus Fratribus nostris. Carnoten. & Trecen. Episcopis tradidisti; nostro Apostolatu transmittendam; quàmque ipsi nobis fideliter destinarunt. Super quo etiam à Militibus præfati Auclienan. Episcopi certiorari petijsti: sed cùm ipsi dixissent quòd coram Domino suo super hoc dicerent veritatem, à curia tua recesserunt immunes, & sic processisti de delicto nescius ad vindictam. Super eo autem, quòd te niscus es excusare, quòd aliud non saiseris quàm Regalia; dicens quòd quàm citò Regalia ad manus tuas deueniunt, domos & omnia facis saisi: illud fortè cum sedem Episcopalem vacare contingit, fieri tantummodo consuevit, & tunc non solummodo domos, verùm etiam decimas, & oblationes, necnon & quæque alia, quæ iuuenis facis omnino saisi, & in quibusdam Ecclesijs confers præbendas vacantes, quæ quidem constat non debere Regalium nomine nuncupari: Ad quæ, etiam si constaret Episcopos deliquisse, sede nequaquam vacante manus non debueras extendisse. Cùm ergo domos, & domorum suppellectilem, ac alia plurima, quæ inter Regalia numerari non debent, saiseris; quòrum partem restituisse, ac partem adhuc retinere diceris occupatam: ex occupatione quidem rerum ipsarum minùs rationabiliter processisse videris. Præterea ex præfata responsione, quam memoratis Episcopis tradidisti, potest manifestè percipi, quòd eis nec monitis, nec citatis, nec conuictis, neque confessis de aliquo forisfacto, ipsorum saisiisti Regalia. Cùm dixeris quòd in te non remansit, immo stetit per eos; quia postquam Milites eorundem defecerunt de seruitio exercitus faciendo, emendationem ipsorum, vel satisfactionem per quadraginta dies expectare curasti. Ex quibus verbis manifestè præsumitur, ipsos citatos, vel conuictos nullatenus extitisse. Et quamquam per quadraginta dies emendationem, vel satisfactionem eorum te asseras expectasse: ipsi tamen ad exhibendum emendationem, vel satisfactionem se teneri nullatenus extimabant, eo quòd nec se, nec Milites suos crediderant deliquisse; super quo iuramentum celsitudini Regiæ obtulerunt. Nec etiam videtur, quòd per quadraginta dies expectaris eisdem; cùm ad Kalendas Augusti apud Medontam facta fuerit exercitus conuocatio, & eodem mense Regalia occuparis, sicut ex data litterarum tuarum, quas ipsis Episcopis pro saisiina Regalium destinasti, euidenter apparet. Cùm ergo taliter processeris contra eos, &

ijdem tam per seipſos, quàm per Secretarios tuos, necnon Venerabiles Frarres nostros .. Senonen. Archiepiſcopum, & Coepiſcopos ſuos te monuerint diligenter, humiliter ſupplicantes, vt faceres eis reddi Regalia ſic ſubtracta, paratis poſtmodum curiæ tuæ ſubire iudicium, ſicut in talibus fieri conſueuit. Tu ſupplicationes eorum noluiſſes admittere ad ſententiam interdicti, quam in terram tuam in eorum Diœceſibus conſtitutam tulerunt, videntur non immerito proceſſiſſe; cùm iura, & libertates Eccleſiarum ſuarum teneântur iuramento præſtito deſſenſare. Pro cuius relaxatione non ſatis videris offerre; cùm tantummodo iudicium in curia tua offeras iſtis remanentibus ſpoliatis, quod vtique ſpoliati non debent de iure ſubire: cùm etiam ex generali conſuetudine Regni, tui fidelis à Domino ſinè iudicio ſpoliatus, nec diem ab ipſo ſuper ſpoliatione ſua, vel alio teneatur recipere; nec in ipſius curia experi- ri. Nos ergo ſerenitatem tuam rogandam duximus, & monendam, pro magno dono petentes; quatinus pacem Eccleſiæ in tuo Regno conſerues hoc maxime tempore, quo ipſa in alijs multis Regnis nimium perturbatur. Ita quòd dictis Episcopis reſtitutis, & interdicti ſententia relaxata: niſi hoc nobis velis ex toto donare; in curia tua de ipſo negotio ſecundum approbatam conſuetudinem cognoscat. Cùmque alijs oporteat te intendere, quæ ad honorem, & commodum tuum magis reſpiciunt; expedit, te ab iſtis; quæ tibi modicum afferunt vtilitatis, & laudis. Ne propter tantam patientiæ noſtræ moram, ex qua propter fauorem tuum, dictorum Episcoporum grauamen, non ſolum diſſimulaſſe, verum etiam neglexiſſe videmur; Apoſtolicæ auctoritatis cogamur adhibere cenſuram. Quia quantacumque neceſſitas nobis imminet, & tibi forte non minor, nolumus eſſe, iuxta verbum Prophetę, canes muti non valentes latrare. Sciſcentes quòd beati ſunt, qui perſecutionem patiuntur propter iuſticiam, quoniam cùm probati fuerint, accipient coronam vitę, quam repromiſit Deus diligentibus ſe. Nec iniurioſum reputes, ſed potiùs glorioſum prudenter corrigere, quod improuidè ſtatuisti, quia non viuit homo ſub cœlo, qui aliquando non excedat. Vnde apud nos dicitur in prouerbio generali, quòd humanum eſt, peccare, ſed Diabolicum perdurare. Datum Lateran. iij. Non. Maij. Pont. N. Anno xv.

E P I S T O L A X L I.

ARCHIDIAC. SVCCENTORI ET MAGISTRO R. DE REMIS
CANONIC. PARIſIEN.

*De Iure Patronatus Eccleſiæ de Sanctis, inter Monachos de Columberijs,
& Episcopum Meldenſen.*

DILECTI Filij.. Abbas Sanctę Genouefx, Vv. Archidiaconus, & B. Canonicus Sancti Marcelli Pariſien. ſuis nobis litteris intimarunt. Quòd cùm Prior, & Monachi de Columberijs nobis conquerendo monſtraſſent, quòd Venerabil. F. N. Melden. Episcopos tunc electus, dilectum Filium B. Diacon. quem per bonę memorię prædeceſſorem eius fecerant ordinari ad Eccleſiam de Sanctis vacantem, in qua ipſi ius obtinent Patronatus,

ad Canonicam præsentationem ipsorum admittere recusarat : quin potius S. intrusum tuebatur in ipsa, in eorum præiudicium & grauamen. Nos eis dedimus in mandatis, vt vocatis, quos propter hoc cognoscerent euocandos, audirent causam, & eam appellatione remota sine Canonico terminarent. Cùm ergo partes propter hoc in eorum essent præsentia constitutæ, & pars Monachorum proposuisset ad se ius Patronatus ipsius Ecclesiæ pertinere, postulans præfatum Diaconum, quem iam dudum dicto Episcopo præsentarant, recipi ad eadem. Super his, & alijs quæ ad causam facere videbantur, & lite solemniter contestata, ipsi receptis testibus, & depositionibus eorum, ac istrumentis diligenter inspectis, auditis confessionibus, & vtriusque partis rationibus perspicaciter intellectis, de prudentum virorum consilio sententialiter decreuerunt. Ius Patronatus Ecclesiæ memoratæ, ad præfatos Priorē & Monachos, pertinere : ipsum Episcopum condemnantes, vt memoratum Diacon. præsentatum ab illis reciperet ad eandem: Sed quoniā iam dictus Episcopus sepius requisitus, eorum sententiæ parere contempsit : dicti Iudices eundem Diacon. qua fungebantur auctoritate, ad præfatam Ecclesiam receperunt ipsum Episcopum à collatione, ac institutione Ecclesiasticorum beneficiorum, considerata eius manifesta contumacia, suspendentes. Quocirca discretioni vestræ per apostolica scripta mandamus, quatinus vtramque sententiam, diffinitiuam videlicet sicut est iusta per censuram Ecclesiasticam; suspensionis verò sicut rationabiliter est prolata; vsque ad satisfactionem condignam auctoritate nostra faciatis sublatò appellationis obstaculo firmiter obsequari : Non permittentes eundem Diacon. super receptione sua per Iudices ipsos facta, temerè molestari. Quòd si non omnes &c. duo vestrum; ea nihilominus exequantur. Datum Lateran. iij. Maij. Pont. N. Anno xv.

EPISTOLA XLII.

THESSALONICEN. ARCHIEPISCOPO.

Dimitriacensem Episcopum, cum Episcopatum non posset pacificè possidere absoluit à vinculo sedis sue.



VENIENS ad præsentiam nostram, Dil. F. B. Thessalonicen. Archiepiscopus, nobis humiliter supplicauit, vt cùm in Dimitriacen Episcopum fuisset electus, & ipsius electio confirmata, nec Episcopatum ipsum posset pacificè obtinere, illum à vinculo, quo Dimitriacen. Ecclesiæ tenebatur, absolueret dignaremur. Cùm igitur ibidem proficete nequeat in officio pastoralis, quamquam in primis ipsius petitioni non duxerimus annuendum, quia tamen insitit vehementer, ipsum à vinculo absoluiumus supradicto. Datum Lateran. Non. Maij. Pont. N. Anno xv.

EPISTOLA XLIII.

CAPITVLO PANORMITAN.

Remouet electum, & iubet vt alius eligatur.

M Nuper Parisius Panormitanus electus, cum quibusdam ex fauoribus suis, in nostra esset presentia constitutus: & Gentilis de Pretorio concanonicus vester, contra factum electionis & personam ipsius postularet audiri. Nos eis dilectos filios P. titulo sancti Marcelli Presbyterum, & I. Sanctæ Mariæ in via lata Diacon. Card. deputauimus auditores. Coram quibus lite inter eos legitime contestata; dum vellemus in illa procedere, ipse potius abire præsumpsit, quam causæ insistere terminandæ: mandatum nostrum transgrediens, per quod ei districtè præcepimus, vt ad nostram rediret presentiam, pro expediendo negotio memorato. Consideratis igitur vniuersis, quæ circa factum electionis, & personam ipsius consideranda cognouimus: ipsum ab Ecclesiæ vestræ regimine decreuimus admonendum. Et ne ipsa Pastoris solatio diutius maneat viduata: discretioni vestræ per apostolica scripta præcipiendo mandamus; quatinus inuocata Spiritus Sancti gratia, personam idoneam, per electionem Canonicam præficiatis vobis, infra triginta dies post susceptionem presentium, in Pastorem. Alioquin dilecto filio nostro G. Sancti Theodori Diacon. Card. Apostolicæ sedis Legato, nostris damus litteris in mandatis, vt ipse vobis virum idoneum præficiat in Pastorem. Contradiçtores si qui fuerint per censuram Ecclesiasticam sublato appellationis obstaculo compescendo. Datum Lateran. vj. Idus. Maij. Pont. N. Anno xv.

Super hoc scriptum est eidem G. Sancti Theodori Diacon. Card., vt si prædictum Capitulum mandatum nostrum neglexerit adimplere: ipse eis virum idoneum præficiat in Pontificem. Contradiçtores, si qui fuerint per censuram Ecclesiasticam sublato appellationis obstaculo compescendo.

EPISTOLA XLIV.

ATHENIEN. ET THEBAN. ARCHIEPISCOPIS, ET
DECAN. DE THEBIS.*Vi Ecclesia Motoniensi, Peregrinante ad D. Iacobi eius Episcopo
restituatur ablata.*

VENERABIL. FR. N. Motonien. Episcopus nobis conquerendo monstrauit; quod T. Miles, & quidam alij Motonen. Coronen. Amiclen. Dioc. quædam de terris, & possessionibus Motonen. Ecclesiæ ipso de licentia nostra in itinere B. Iacobi constituto, in ipsius præiudicium occuparunt. Nolentes igitur ipsum Episcopum suo iure fraudari: discretioni vest. per apostolica scripta mandamus, quatinus inuafores prædictos ad restitutionem rerum occupatarum debitam eidem Episcopo faciendam, monitione promissa per censuram Ecclesiasticam, sublato appellationis obstaculo, compellatis. Testes autem, qui fuerint nominati, si se gratia, odio, vel timore subtraxerint

simili districtione cessante appellatione cogatis perhibere testimonium veritati. Quod si non omnes &c. duo vestrum &c. Datum Lateran. v. Idus. Maij. Pont. N. Anno xv.

EPISTOLA XLV.

BITVRICEN. ARCHIEPISCOPO.

Indicat de sententia lata aduersus Burdegalensem Episcopum, quod vocatus ad Synodum non venerit, eamque confirmat, at de primitiis causa non iudicat.

DILIGENTER auditis, & perspicaciter intellectis, quæ tu & dilectus Filius Magister Amaneus procurator Venerabilis Fratris nostri. Burdegalen. Archiepiscopi coram nobis proponere voluisti, super sententia, quam auctoritate Primatiz in eundem Archiepiscopum promulgasti, suspendendo ipsum ab officio Metropolitice dignitatis, pro eo quod ad tuum vocatus Concilium accedere non curauit, nec per se aliquem idoneum destinare. De communi Fratrum nostrorum consilio sententiam ipsam ratam habemus, & usque, ad satisfactionem idoneam præcipimus obseruari. Hoc ad cautelam expresso, quod lis coram nobis, non de primatia, sed de sententia exitit ventilata. Nulli ergo omnino hominum &c. usque, nostre diffinitionis infringere, vel ei ausu temerario contraire. Siquis autem hoc &c. usque incursum. Datum Lateran. xvj. Kal. Junij. Pont. N. Anno xv.

EPISTOLA XLVI.

EPISCOPO MOTHONEN.

Vt Episcopi resideant in Ecclesia Mothonensi.

PROPOSVISTI nobis in nostra præsentia constitutus, quod licet Canonici tui suarum percipiant redditus Præbendarum, ab Ecclesie obsequio se subducunt, debitam residentiam in eadem minimè facientes. Nolentes igitur ipsam Ecclesiam defraudari obsequio seruitorum. Fraternitati tue per apostolica scrip. mandamus, quatinus Canonicos supradictos ad debitam residentiam iamdictæ Ecclesie faciendam monitione præmissa per subtractionem beneficiorum appellatione remota compellas. Datum Lateran. v. Idus. Maij. Pont. N. Anno xv.

EPISTOLA XLVII.

ARCHIEPISCOPO PATRACEN. ET EPISCOPO AMIDEN.

Delegat cognitionem cause iniiectionis manuum facta à Decano Mothonensi.

VENERABIL. F. N. Motonen. Episcopus nobis denuntiando monstrauit, quod Decanus suus, qui reatu periurij, & adulterij, publice irretitur, in quosdam Monachos, & Presbyteros iniecit manus temerè violentas, committens præter hæc talia, quæ Canonicam correctionem expolseunt,

exposcunt, & licet super his dictus Decanus admonitus extiterit sæpius ab eodem; ex eo tamen excessus proprios aliquatenus non correxerit, sed extrema ipsius deteriora prioribus postmodum sunt effecta: Quia verò hæc, si vera sunt, non debemus clausis oculis pertransire, Fraternitati vestræ per Apost. scrip. mand. quatinus partibus conuocatis, & inquisita super promissis & cognita veritate, quod canonicum fuerit appellatione postposita statuatis; facientes quod decreueritis per censuras Ecclesiasticas firmiter obseruari. Datum Lateran. v. Idus Maij. Pont. N. Anno xv.

EPISTOLA XLVIII.

ARCHIEP. ET B. ARCHID. P. CANTORI THESSALONICEN.

Ut audiant causam super Ecclesia Calidonienſi.

EXPOSITA nobis venerabil. Fratris nostri :: Sidonien Episcopi querimonia patefecit; quòd cum venerabil. F.N. Archiepiscopus Larissen. Ecclesiam Calidonien. de mandato nostro cõcessisset eidem, Venerabil. F.N. Episcopus Dimicen. super hoc ad nostram audientiam appellauit, sed appellationem interpositam nec per se, nec per alium est legitime prosecutus. Ideòq; discretionis vestræ per Apostolica scrip. mandamus, quatinus partibus conuocatis audiat causam, & appellatione remota sine canonico decidatis, facientes, quod statueritis per censuras Ecclesiasticas firmiter obseruari. Nullis litteris veritati, & iustitiæ præiudicantibus à sede Apostolica impetratis. Quod si non omnes, &c. tu Frater Archiepiscopo cum eorum altero, &c. Datum Lateran. xv. Kal. Iunij. Pont. N. Anno xv.

EPISTOLA XLIX.

ARCHIEPISCOPO ARELATEN. ET SANCTI ÆGIDII, ET
SALMODII ABBATIBVS NEMAVSEN. DIOEC.

*Vt de plano cognoscant de electione Abbatis sancti Victoris
Masſiliensis.*

ELECTI Filij G. Abbas S. Pontij, & B. Monachus Procuratores Monasterij Sancti Victoris Masſilien. ad nostram præsentiam accedentes postulationem, ac electionem, quam per se, ac alios Confratres eorum de .. Abbate S. Stephani Bononien. canonicè celebratam, ac approbatam à delegatis nobis iudicibus assererebant, postulabant auctoritate Apostolica confirmari. Plurimas & diuersorum litteras deprecatorias exhibentes, quarum interuentu promouere petitionem propositam cum instantia nitentur, qui nobis demum eorum petitionem non admittentibus in hac parte, cum Fratres ipsos, & si super hoc zelum Dei, non tamen secundum scientiam nouerimus habuisse, porrexerunt alias litteras continentes, quòd dicti Monasterij Fratres duas electiones, seu nominationes eodem tempore successiuè, tamen canonicè, ac concorditer celebrant. Vnam videlicet de Abbate prædicto puram. Aliam

vero de . . Priore S. Honorati Arelaten. viro vtiq; honesto, bene litterato, & ad singula circumspēcto conditionem huiusmodi apponentes; Si videlicet Abbatem eundem non possent forsitan obtinere. Vnde supplicabant instanter, vt cum conditio iam extaret eorum à nobis postulationem, super dicto Abbate repulsa, electionē Prioris ipsius confirmare misericorditer dignaremur. Eis igitur, & B. de Nouis quondam Monacho, & maiori Priori dicti Monasterij, ac alijs duobus Monachis, qui se super hoc opponebant eisdem, electionem ipsam minus canonicam asserentes, tum quia de persona minus idonea, tum quia eis absentibus fuerat celebrata, dilectos Filios nostros G. tituli S. Martini, & P. tituli S. Cecilie Presbyteros Card. concessimus auditores. In quorum præsentia Procuratores prædicti processum electionis, sicut dictum est superius proponentes, confirmari promissam electionem cum instantia postulabant. Monachi verò præfati contra electionem eandem, quòd eis absentibus fuerat celebrata; contra personam verò Electi quædam honestati contraria proponentes, ex communicationis sententiam à dictis iudicibus in se latam ipso iure non tenere dicebant: tum quia post appellationem ad nos legitimè interpositam lata fuit, tum quia ex tribus iudicibus, quibus fuerat causa commissa, duo tantummodo processerunt, tertio quòd decisioni causæ interesse volebat per suas litteras protestante. Contra quos sic Procuratores excipiebant præfati, quòd non tenebantur, immo potius non debebant super his prædictis Monachis respondere, cùm & omnes ex communicationis vinculo tenerentur, & duo ex eis nihil haberent eum Monasterio ipso commune, à quo eos sententia iudicialis exclusit, sicut ex litteris eorumdem iudicum, & tenore sententiæ apparebat. Ex abundanti tamen ad prædicta taliter respondebant. Primò quia ex prædicta causa non poterat, nec debebat obesse, quòd electioni non interfuerant Monachi memorati, cōsequenter ea quæ in personā Electi obiecerant penitus falsa erant, super ipsius honestate ac idoneitate testimonia plurima fide digna, & valde idonea in nostra præsentia offerentes, & confitentes post appellationē iudices processisse; quos ea potuisse procederatione dicebār, quia interdicta fuerat appellatio in rescripto, & quia in appellationis libello nullū allegabant Monachi supradicti grauamen; sicut eius series ostendebat. Duos quoque processisse sinè tertio fatebantur, & ex eo ipsos potuisse procedere asseriebant: quia mandatū Apostolicum continebat in fine; quod si omnes interesse non possent, duo exequi negotium procurarent, nec sibi retinuisse poterat iudex tertius, vt decisioni negotij interesset in executionis mandati Apostolici præiudicium, & tam graue ipsius Monasterij detrimentum; cùm res videlicet talis esset, cuius dilatio ipsum Monasterium in confusionem maximam adducebat: quod iidem Procuratores ratione multiplici ostendere nitebantur, asserentes, quod & hoc ipsum fuerat præsente Capitulo à quibusdam Fratribus sanioris consilij coram dictis iudicibus propositum, & petitum, ne ab eis decisio causæ ac ordinatio Monasterij differretur: sed secundum quod eis erat iniunctum reformationi dicti Monasterij celerius prouiderent. Vnde ipsos asseriebant non tam voluntarios, quàm coactos ad supplicationem Capituli processisse. Nos igitur his & alijs quæ nobis fideliter relata fuerant ab eisdem Cardinalibus intellectis per Apost. vobis scrip. mandamus, quatinus cæteris Capitulis, quæ in sententia iudicum continentur in

suo robore duraturis summatim, & sine omni iudiciorum strepitu inquirentes, sed electione sollicitè veritatem, si eam inueneritis, canonicè de persona idonea celebratam non obstantibus his quæ sæpediti Monachi opponebant, ipsam sublato cuiuslibet contradictionis, & appellationis obstaculo confirmetis. Alioquin de alia persona idonea & honesta, eidem Monasterio facietis auctoritate Apostolica infra quadraginta dies per electionem canonicam prouideri. Mandatum Apostolicum taliter impleretur, quod in nouissimo districti examinis die dignam retributori omnium, super hoc possitis reddere rationem. Quod si non omnes, &c. Duo vestrum ea nihilominus exequantur, Datum Lateran. xij. Kal. Iunij. Pont. N. Anno xv,

EPISTOLA L.

PHILIPPEN. ARCHIEPISCOPO,

Vt reuocentur alienationes bonorum sue Ecclesie.

PROPOSUIT nobis in nostra presentia constitutus, quod nonnullæ possessiones, & alia bona Ecclesie tue per prædecessores tuos, & alios minùs legitime sunt distracta, in ipsius Ecclesie non modicum detrimentum. Volentes igitur Ecclesie Philippen. vtilitatibus prouidere, Fraternitati tue presentium auctoritate concedimus, quatinus ea quæ taliter alienata repereris valeas appellatione postposita legitime reuocare. Datum Lateran. xv. Kal. Iunij. Pont. N. Anno xv. In eundem modum scriptum est pro Archiepisc. Serren.

EPISTOLA LI.

BALDVIN. ARCHIDIAC. THESSALONICEN.

Confirmat Archidiaconatum.

QUAM à nobis petitur, &c. vsque. perducatur effectum. Ea propter dilecte in Domino fili, tuis iustis precibus inclinati, Archidiaconatum Thessalonicen. Ecclesie, sicut ipsum iuste possides, & quietè, deuotioni tue, auctoritate Apostolica confirmamus, & presentis scripti patrocinio communimus. Nulli ergo omnino hominum, &c. vsque. nostræ confirmationis infringere, vel ei, &c. vsque. contraite. Siquis autem, &c. vsque. incursum. Datum Lateran. xv. Kal. Iunij. Pont. N. Anno xv.

EPISTOLA LII.

RADVLPHO THESAVRARIO CITREN.

Confirmat Thesaurariam.

VSTIS petentium desiderijs, &c. vsque. effectu prosequente complere. Ea propter, dil. in Domino fili, tuis iustis postulationibus inclinati, Thesaurariam Citren. Ecclesie, sicut ipsam iuste possides, & quietè, deuotioni tue auctoritate Apostolica confirmamus, & presentis scripti patro-

cinio communimus. Nulli ergo omnino hominum, &c. vsque. nostræ confirmationis infringere, vel ei, &c. vlque. contraire. Siquis autem hoc, &c. vsque. se nouerit incursum. Datum Lateran. xv. Kal. Iunij. Pont. N. Anno xv.

EPISTOLA LIII.

ARCHIEPISCOPO THEBAN. ET DAVALIEN. EPISC.
ET DECAN. DAVALIEN.

*Ut cogant Abbates Græcos ad obedientiam Archiepiscopi
Corinthiensis.*

EX parte venerabil. F. N. Corinthien. Archiepiscopi fuit propositum coram nobis. Quod Abbates Græci Corinthien. Diæc. debitam sibi obedientiam, & reuerentiam superbix accensis spiritus, non inpendunt. Quocirca præsentium vobis auctoritate mandamus, quatinus Abbates iam dictos, vt ipsi Archiepiscopo reuerentiam, & obedientiam debitam impendere non postponant, monitione præmissa per censuram Ecclesiasticam sub lato appellationis obstaculo compellatis. Quod si non omnes, &c. Duo vestrum, &c. Datum Lateran. xij. Kal. Iunij. Pont. N. Anno xv.

EPISTOLA LIV.

CLERO ET POPULO NAZAROCEN.

*Vt obediant Sidoniensi Episcopo, cui eorum Ecclesiam
commendauit.*

CUM Episcopatus vester sit Pastoralis sollicitudine destitutus, eum venerabili Fratri nostro Sidonien. Episcopo duximus committendum, iniungentes eidem, vt ea quæ spectant ad curam officij Pastoralis vobis vigilanter studeat exhibere. Ideoque discretioni vestræ per Apost. scrip. præcipiendo mandamus, quatinus ei sicut Prælato vestro intendatis humiliter, & deuotè. Alioquin noueritis nos Venerabilibus Fratribus nostris .. Theban. Archiepiscopo, & .. Zaratoui. & ... Cardicen. Episcopis in mandatis dedisse; vt vos ad id monitione præmissa per censuram Ecclesiasticam appellatione remota compellant. Datum Lateran. xij. Kal. Iunij. Pont. N. Anno xv.

Super hoc scriptum est in eundem fere modum Sidonien. Episcopo. vsque duximus committendum. Fraternitati tuæ per Apost. scrip. mandantes, quatinus ea, quæ spectant ad curam officij Pastoralis, gregi tibi commisso vigilanter sic studeas exhibere: vt magis comproberis prodesse in omnibus, quàm præesse.

Super hoc scriptum est in eundem fere modum .. Theban. Archiepiscopo, & .. Zaratoui. & .. Cardicen. Episcopis. vsque. intendant humiliter, & deuotè. Quocirca Fraternitati vestræ per Apost. scrip. præcipiendo mandamus, quatinus si dicti Clerus, & populus quod mandauimus, neglexerint adimplere, exhibere ipsi Episcopo reuerentiam, & obedientiam contemnentes, vos eos ad id mōnere diligentius & inducere procuretis; & si opus fuerit per censuram Eccle-

siaticam appellatione remota cogatis. Quod si non omnis, duo vestrum, &c.

Scriptum est in eundem fere modum Larissen. Archiepiscopo. Cum Episcopus Nazarenus sit pastoralis, &c. usque. Studeat exhibere. Quocirca F. T. P. A. S. M. Q. ipsi Episcopus. fraterna charitate assistens, non permittas eundem super dicto Episcopatu ab aliquo molestari.

EPISTOLA LV.

I. EPISCOPO MOTHONEN. EIVSQUE SUCCESSORIBUS CANONICE SVBSTITVENDIS IN PERPETVVM.

Recipit sub protectionem B. Petri eius Sedem.

CVM à nobis petitur, &c. usque, Perducatur effectum. Ea propter venerabil. in Christo Frater Episcopo tuis iustis postulationibus elementer annuimus, & Mothonen. Ecclesiam, cui Deo auctore præesse dignosceris sub B. Petri, & nostra protectione suscipimus, & præsentis scripti priuilegio communimus. Statuentes, vt quascumque possessiones, quæcumque bona eadem Ecclesia, &c. usque, Illibata permaneant: in quibus hæc, &c. usque, Vocabulis. Locum ipsum in quo præfata Ecclesia sita est cum omnibus pertinentijs suis, Ecclesiam sancti Georgij cum pertinentijs suis, Ecclesiam sanctæ Annæ cum omnibus pertinentijs suis. Possessiones vallis Mothonen. & de Valetog. Possessiones de Corseual, cum pertinentijs suis. Casale quod vocatur Miquelis, Casale quod vocatur Murmura, cum omnibus pertinentijs suis. Possessiones de Asagora, de Aldesequi, de Niclines, de Leuoudist, de Escaminges, de Boucham, & de Lestaron, cum omnibus pertinentijs earundem. Decernimus ergo vt nulli omnino hominum fas sit præfata Ecclesia, &c. usque. Vñbus omnimodis profutura: salua sedis Apostolicæ auctoritate, & Patracen. Archiepiscopi Canonica iustitia. Siqua igitur in futurum, &c. usque. Districtæ vltioni subiaceat. Cunctis autem eidem loco, &c. usque. præmia æternæ pacis inueniant. Amen. Datum Lateran. per manum Ioannis sanctæ Mariz in Cosmidin Diac. Card. sanctæ Romanæ Ecclesiæ Cancellarij xij. Kal. Maij. Indictione xv. Incarnationis Dominicæ Anno millesimo cc. xij. Pont. verò Domini Innocentij Papæ III. Anno xv.

EPISTOLA LVI.

VILLELMO PHILIPPEN. ARCHIEPISCOPO, EIVSQUE SUCCESSORIBUS CANONICE SVBSTITVENDIS IN PERPETVVM.

Philippensem Ecclesiam recipit sub protectionem Sedis Apostolicæ.

SI humilitatis exemplum studueris imitari, sacrosanctæ Roman. Ecclesiæ Matri tuæ reuerentiam, & obedientiam impendendo, sicut Philippenses Apostolus exhortatur. Hoc inquit in vobis sentite quod & in Christo Iesu, qui cum in forma Dei esset non rapinam arbitratus esse se æqualem Deo. Exinaniuit se, formam serui accipiens; factus obediens usque ad mortem: mortem autem Crucis: absque dubio exaltaberis apud

eum, qui superbis resistit; humilibus autem dat gratiam, propter quod exalta-
uit illum Deus, & donauit illi nomen, quod est super omne nomen: ut in no-
mine Iesu omne genu flectatur, cœlestium, terrestrium & infernorum; quia Do-
minus Iesus est in Gloria Dei Patris. Hanc igitur formam doctrinæ quam Apo-
stolus tradidit Philippensibus tu eorum factus Antistes diligenter obserua: ne ab
obedienciæ bono quod nuper Philippen. Ecclesia est reuera decetero auertatur.
Memor semper illius gratiæ specialis, quam tibi dignanter impendimus, cum à
Nazaroten. Ecclesia te transtulimus ad Metropolim Philippensem, teque pro-
prijis manibus consecrauimus in Pontificem, & pallo insigniuimus Pontificalis
videlicet officij plenitudine, ut nihil tibi ex aliqua parte desit, quod ad Metropo-
liticam pertineat dignitatem. Quia verò venerabil. F.N. in Christo nos supplici-
ter exorasti, ut eandem Philipp. Ecclesiam cui Deo auctore præesse dinosceris
dignaremur Apostolici priuilegij munimine roborare. Nos tuis iustis postula-
tionibus annuentes. Eam sub B. Petri, & nostra protectione suscipimus, &
præsentis scripti priuilegio communimus. Statuentes ut quascumque possessiones,
quæcumque bona eadem Ecclesia, &c. Vsq; illibata permaneant. In qui-
bus, hæc, &c. Vsq; vocabulis. Locum ipsum, &c. Vsq; pertinentijs suis,
Casale quod dicitur Candaca cum omnibus pertinentijs suis, Abbatias, piscaru-
ras, terras, & vineas, quas habent apud Crisopolim, Casale quod dicitur Stra-
uo, Casale quod dicitur Praucaresta; Casale quod dicitur domus quæ dicitur
Platon, Casale quod dicitur Caresta. Cum omnibus pertinentijs suis. Ecclesias
quas habet in Castro Christopoli. Episcopatus quoque inferius annotandos Ec-
clesiæ tuæ Metropolitico iure subiectos tibi, tuisque successoribus nihilominus
confirmamus: videlicet Eleutropolim. Casiropolim, Polistrios. Vilikios. Mo-
renos. Palleo vero quod tibi ex Apostolicæ sedis benignitate contulimus infra
tuam Ecclesiam ad Missarum solemniam uti memineris his diebus. Videlicet Na-
tuitate Domini, festiuitate protomartyris Stephani, Circumcisione Domini,
Epiphania, Ypopanti, Dominica in Ramis Palmarum, Cœna Domini, Sab-
batho sancto, Pascha, feria 2. post Pascha, Ascensione, Pentecoste, tribus festi-
uitatibus B. Mariæ, Natali B. Ioannis Baptistæ Solemnitatibus omnium Apo-
stolorum, Cômémoratione omnium sanctorum, Dedicationibus Ecclesiarum.
Côsecrationibus Episcoporum. Ordinationibus clericorum. Ecclesiæ tuæ prin-
cipalibus festiuitatibus, & consecrationis anniuersario tuæ die. Iura quoque, ac
bona eius, dignitates, & libertates ipsius; necnon antiquas, & rationabiles
consuetudines auctoritate Apostolica confirmamus, & tam tibi quam eidem
Ecclesiæ firma, & illibata manere sancimus. Cimiteria quoque Ecclesiarum
earumque beneficia, &c. Vsq; censura canonica compescatur. Prohibemus
insuper ne Presbyteri; Capellani Ecclesiarum, &c. Vsq; irritum habeatur.
Prohibemus insuper ne interdictos, vel excommunicatos tuos, &c. Vsq; oporteat
ligatum absolui. Decernimus ergo, ut nulli omnino hominum, &c. Vsq;,
vibus omnimodis profutura; Salua sedis Apostolicæ auctoritate. Siqua igitur
in futurum, &c. Vsq; districtæ subiaceat vltioni. Cuncti autem eidem loco,
&c. Vsq; præmia æternæ pacis inueniant, Amen. Datum Lateran. per ma-
num Ioannis sanctæ Mariæ in Cosmidin. Diac. Card. sanctæ Roman. Ecclesiæ
Cancellarij xj. Kal. Iunij, Indiæ. xv. Incarnationis Dominicæ. Anno millesimo
cc. xij. Pont. vero Domini Innocentij Papæ iij. Anno xv.

EPISTOLA LVII.

ARNVLPHO SARREN. ARCHIEPISCOPO, EIVSQUE SVCCES-
SORIBVS CANONICE SVBSTITVENDIS IN PERPETVVM.

Recipit sub protectione Romana Ecclesia, Sarrensem Sedem.

QUANTO deuotius Sarren. Ecclesia in Apostolicæ sedis obediētia tunc persistat, ad quam nuper est Domino faciente reuerſa: tantò propensius eam cupimus honorare, vt affluentem in nobis paternæ benignitatis affectum se gaudeat inueniſſe. Quocirca venerabil. F. in Christo tuam volentes personam propensius honorare te ad Sarren. Metropolin ab Ecclesia tranſtulimus Thermop. lea. teq; apud sedem Apostolicam constitutum palleo insigniuimus, pontificalis videlicet officij plenitudine, vt nihil tibi ex parte aliqua desit quod ad Metropoliticā pertineat dignitatem. Quia verò nos suppliciter exorasti vt eandem Sarren. Ecclesiam cui deo auctore preesse dinosceris, dignaremur Apostolici priuilegij munimine roborare. Nos tuis iustis postulationibus annuentes eam sub. B. Petri & nostra, protectione suscipimus & presentis scripti priuilegio communimus. Statuentes vt quascumque possessiones, &c. vsque illibata permaneant. Palleo verò quod tibi ex apostolicæ sedis benignitate contulimus infra tuam Ecclesiam ad missarū solemnia vti memineris hujus diebus. Videlicet Natiuitate Domini Festiuitate protomartiris Stephani. Circūcisione Domini. Epiphania Ypopanti. Dominicæ in Ramis Palmarum Cena Domini, Sabbato sancto, Pascha, Feria 2. post Pascha, Ascensione, Pentecost. tribus festiuitatibus Beatæ Mariæ. Natali B. Ioannis Baptistæ. Solemnitatibus omnium Apostolorum. Commemoratione omnium Sanctorum. Dedicationibus omnium Ecclesiarū. Consecrationibus Episcoporum, Ordinationibus Clericorū, Ecclesiæ tuę principalibus festiuitatibus. Solemnitatibus Beatorum Theodori stratilatis, & Theodori Tyron Martyrū & consecrationis anniuersario tue diæ. Ad hæc ipsi Sarren. Metropoli suam Prouinciā confirmamus. Iura quoque ac bona eius dignitates & libertates ipsius, necnon antiquas & rationabiles consuetudines auctoritate Apostolica roboramus, & tam tibi quam eidem Ecclesiæ firma & illibata manere sancimus. Cimiteria quoque Ecclesiam earumque beneficia nullus hereditario iure possideat. Quod si quis hoc facere contenderit censura Canonica comp. scatur Prohibemus autem ne Presbyteri Capellani, &c. vsque irritum habeatur. Prohibemus insuper ne interdictos vel excommunicatos, &c. vsque, oporteat ligatum absolui. Decernimus ergo vt nulli omnino hominum, &c. vsque, vsibus omnimodis profutura. Salua sedis Apostolicę auctoritate. Si qua igitur in futurū, &c. vsque, districtæ subiaceat vltioni. Cunctis eidē loco, &c. vsque, premia æternæ pacis inueniant, Amen. Datum Laterani per manum Ioannis sanctæ Mariæ in Cosmid. Diacon. Card. S. Roman. Ecclesiæ Cancellarij. viij, Kal. Iunij Indictione xv. Incarnationis Dominicæ. Anno millesimo, cc. xij. Pont. vero Domini Innocentij Papæ iij. anno xv.

EPISTOLA LVIII.

GVALTERO CORINTHIEN. ARCHIEPISCOPO, EIVSQVE SV-
CESSORIBVS CANONICE SVBSTITVENDIS IN PERPETVVM.

Recipit sub protectione D. Petri Corinthiorum Ecclesiam.

QUANTO diligentius & vtilius vas electionis & Doctor gentium Corinthiorum instruxit Ecclesiam, sicut eius ad illos Epistolæ missæ declarant; tanto studiosius & cautius nos oportet insistere vt eam in ipsius forma doctrinæ sub Apostolicæ Sedis magisterio cõseruemus, qui nuper eadem ad ipsius obedientiam reuertentem affluenti benignitate suscepit. Quocirca Venerabil. F. in Christo propter spiritalem ipseus Corinthien. Ecclesiæ caritatem, tuam volentes personam propensius honorare proprijs manibus consecrauimus in Pontificæ, & palleo insigniuimus pontificali, videlicet officij plenitudine, & nihil tibi ex aliqua parte desit quod ad metropolitancam pertinet dignitatē. Quia verò nos suppliciter exorasti vs eandem Corinthiē. Ecclesiā, cui Deo auctore preesse dignosceris, dignaremur apostolici priuilegij munimine roborare. Nos tuis iustis postulationibus annuentes, eam sub B. Petri & nostræ protectione suscipimus, & presentis scripti priuilegio cõmunimus. Statuentes vt quascūque possessiones, &c. vsque. Illibata permaneant. In quibus hæc, &c. vsque. Vocabulis. Locum ipsum, &c. vsque. Pertinentijs suis, Casale quod dicitur Enoria. Casale quod dicitur Petricia. Casale quod dicitur Palagia. Casale quod dicitur Calesmata. Casale quod dicitur Cyrilla. Casale quod dicitur Succhyna. Casale quod dicitur Sorados. Casale quod dicitur Lanencia. Casale quod dicitur Clenna. Casale quod dicitur Sarmā. Casale quod dicitur Crata. Casale quod dicitur Quarrata, & Casale quod dicitur, Saudyca cū omnib⁹ pertinentijs eorū dē. Episcopatus quoq; inferioris annoiados Ecclesiæ tuę Metropolitico iure subiectos, tibi, tuisq; successoribus nihilominus cõfirmamus. Videlicet Cephalonen. Iachint. Damelāt. Malauesia, Argos. Gilas, & Gimenes. Palleo verò, quod tibi ex Apostolicę Sedis benignitate cõtulimus, infra tuam Ecclesiā ad Missarū solemnias vti memineris his diebus. Videlicet Natiuitate Domini. Festiuitate Protomartyris Stephani, Circūcisione Domini. Epiphania. Ypopāti. Dominica in Ramis palmarū. Cena Domini. Sabbato sancto. Pascha feria ij. post Pascha. Ascensione. Pētecoste. tribus festiuitatibus B. Mariz. Natali B. Ioānis Baptiste. Solēnitatibus omniū Apostolorum. Cōmemoratione omnium sanctorū. Dedicationibus omnium Ecclesiarū. Consecrationibus Episcoporum. Ordinationibus Clericorum. Ecclesię tuę principalibus, festiuitatibus solēnitatibus beatorum Theodori & Stratilatis Martyrum, & Cōsecrationis anniuersariorū die. Ad hæc ipsi Corinthiē Metropoli suā prouinciā cõfirmamus. Iura quoque ac bona eius, dignitates & libertates ipsius, necnō antiquas & rationabiles cōsuetudines auctoritate apostolica roboramus, & tam tibi, quā eidem Ecclesiæ firma & illibata manere sancimus. Cimiteria quoque Ecclesiarū, earūmq; beneficia, &c. vsque. Censura canonica cõpescatur. Prohibemus autē ne presbyteri Capellani, &c. vsque. Iuratum habeatur. Prohibemus insuper ne interdictos, vel excommunicatos, &c. vsque. Oporteat ligatum absolui. Decernimus ergo vt nulli omnino hominū, &c. vsque. Vsbis

ius omnimodis profutura. Salua sedis Apostolicæ auctoritate. Si qua igitur in futurum &c. vsque. districtæ subiaceat vltioni. Cunctis autem eidem loco &c. vsque. præmia æternæ pacis inueniant, Amen. Datum Lateran. per manum Ioannis S. Mariz in Cosmidin Diacon. Card. S. Romanæ Ecclesiæ Cancellarij, xj. Kal. Iunij Indictione xv. Incarnationis Dominicæ anno millesimo cci. xij. Pont. verò Domini Innocentij Papæ III. Anno xv.

EPISTOLA LIX.

IACOBO ARCHIDIACONO CORINTHIEN.

Confirmat ei Corinthiensem Archidiaconatum.

CUM à nobis petitur, &c. vsque. perducatur effectum. Ea propter dilecte in Domino Fili, tuis iustis postulationibus grato concurrentes assensu, Archidiaconatum Corinthien. quem per venerabilem Fratrem nostrum... Corinthien. Archiepiscopum es canonicè assecutus, sicut ipsum iuste possides & quietè, deuotioni tuæ auctoritate Apostolica confirmamus, & præsentis scripti patrocinio communimus. Nulli ergo omnino hominum, &c. vsque. nostræ confirmationis infringere, vel ei, &c. vsque. conträre. Siquis autem, &c. vsque. se nouerit incursum. Datum Lateran. x. Kal. Iunij, Pont. N. Anno xv.

EPISTOLA LX.

THEBAN. ARCHIEPISCOPO, ET ZARATOVIE. ET DAVALIEN. EPISCOPIS.

*Committit inquisitionem super quadam concessione decimarum
& Papatum ab Episcopo Corinthio extortam.*

VENERABIL. F. N. Corinthi Archiepiscopus proposuit coram nobis, quòd eo ad regimen Ecclesiæ Corinthien. assumpto. Decanus & Canonici eiusdem Ecclesiæ obtinuerunt ab eo callidè circumuenio, medietatem omnium decimarum Monasteriorum, & Papatum in quibus tres Monachi vel pauciores morantur, sibi, saluatamen sedis Apostolicæ auctoritate, concedi. Verum quia ex concessione huiusmodi dictus Archiepiscopus se sentit enormiter esse læsum. Nobis humiliter supplicauit, vt super hoc ei prouidere misericorditer dignaremur. Quocirca Frat. vestræ. per. Apost. scrip. mand. quatinus vocatis qui fuerint euocandi, & inquisita super his & cognita veritate quòd canonicum fuerit appellatione postposita statuatis, facientes quòd statueritis per censuras Ecclesiasticas firmiter obseruari. Quod si non omnes, &c. Duo vestrum, &c. Datum Lateran. xij. Kal. Iunij, Pont. N. Anno xv.

EPISTOLA LXI.

ARCHIEPISCOPO PATRACEN. ET AMICLEN. EPISCOPO.

Vt cogat suffraganeos Corinthij ad obedientiam.

CUM venerabilem Fratrem nostrum ... Corinthien. Archiepiscopum, ad propria cum gratia nostra plenitudine remittamus, venerabilibus Fratribus nostris suffraganeis eius, nostris dedimus litteris in preceptis, ut eidem tanquam Metropolitan. suo debitam obedientiam & reuerentiam impendere non omitant. Quocirca Fra. vest. per Apost. scrip. mand. quatinus si dicti suffraganei preceptum nostrum neglexerint adimplere, vos eos ad id monitione premissa per censuras Ecclesiasticas appellatione remota cogatis, Datum Lateran. xv. Kal. Iunij, Pont. N. Anno xv.

EPISTOLA LXII.

CAPITULO CORINTHIEN.

Vt obediant Episcopo.

CUM Venerabilem F. N. Corinthien. Archiepiscopum ad propria cum gratia nostra plenitudine remittamus, Vniuersitati vestre per Apost. scrip. precipiendo mandamus, quatinus eidem tanquam Archiepiscopo vestro debitam obedientiam, & reuerentiam impendere procuretis. Alioquin noueritis nos Venerabilibus Fratribus nostris ... Archiepiscopo Patracē. & ... Amiclen. Episcopo in mandatis dedisse, ut vos ad id monitione premissa per censuras Ecclesiasticas appellatione remota compellant. Datum Lateran. xv. Kal. Iunij. Pont. N. Anno xv.

Super hoc scriptum est eidem Archiepiscopo & Episcopo, ut si Capitulum ipsam, preceptum nostrum neglexerit adimplere, ipsi eum ad id monitione premissa per censuras Ecclesiasticas appellatione remota compellant.

EPISTOLA LXIII.

EPISCOPO DE IACINTHO.

Vt obediat Archiepiscopo Corinthiorum.

CUM venerabilem Fratrem nostrum ... Corinthien. Archiepiscopum ad propria cum gratia nostra plenitudine remittamus. Fraternitati tue per Apost. scrip. mand. quatinus eidem tanquam Metropolitan. tuo debitam obedientiam & reuerentiam impendere non omittas. Alioquin noueris nos Venerabili Fratri nostro ... Episcopo Cephaloniz & dilectis filiis ... Archidiac. & Magistro L. Canonico de Andreuill. in mandatis dedisse, ut te ad id monitione premissa per censuras Ecclesiasticas appellatione remota compellant. Datum Lateran. xv. Kal. Iunij. Pont. N. Anno xv.

Scriptum est super hoc eisdē, vt si dictus Episcopus de Iachinto quod mādatur ei neglexerit adimplere, ipsi eum ad id monitione prāmīssa per censuras Ecclesiasticas appellatione remota compellant. Quod si non omnes, &c. tu ea Frater Episcopo cum eorum altero, &c.

EPISTOLA LXIV.

EPISCOPO CEPHALONIÆ.

De Eodem.

CVM Venerabilem Fratrem nostrum.. Corinthien. Archiepiscopum, &c., vt supra in eundem modum. vsque. impendere non obmittas. Alioquin noueris nos... Archiepiscopo Patracē. &... Archidiacon. & Magistro L. Canonico de Andreuilla in mandatis dedisse, vt te ad id monitione prāmīssa per censuras Ecclesiasticas appellatione remota compellant. Datum Lateran. xv. kal. Iunij. Pont. N. anno xv.

In eundem modum scriptum est eisdem. Cum venerabilem, &c. vsque. non omittas. Quocirca discretioni vestræ per apost. scrip. mandamus, quatinus si dictus Episcopus præceptum nostrum neglexerit adimplere, vos eum ad id monitione prāmīssa per censuras Ecclesiasticas appellatione postposita compellatis. Quod si non omnes, &c. tu ea frater Archiepiscopo cum eorum altero, &c.

EPISTOLA LXV.

NOBILI VIRO G. DE VILLA ARDVINI.

Ut restituat bona Corinthiorum Ecclesiæ.

CVM quædam Casalia, possessiones, homines, Abbantias, Ecclesias, & alia bona Corinthien. Ecclesiæ dicaris non sinē tuæ periculo animæ ac ipsius præiudicio retinere, Nobilitatem tuam monendam duximus, & hortamur per apost. tibi scrip. mandantes, quatinus illius intuitu qui tibi manus suas magnificè ampliauit, ac pro reuerentia B. Petri & nostra, venerabili fratri nostro... Corinthien. Archiepiscopo restituens ipsa bona, & compellens ad restitutionem debitam alios potestate tibi tradita detentores, eundem Archiepiscopum & Ecclesiam suæ curæ commissam taliter contra impugnatorum malitiam protegas & defendas, quod ipsa Ecclesia sub tuo patrocinio ab incurribus hostium conquiescat, & tua exinde prudentia possit non immerito commendari. Alioquin venerabilib⁹ fratribus nostris Theban... Archiepiscopo, &... Episcopo & dilecto filio... Decan. Daualien. dedimus in mādatis, vt te ad id monitione prāmīssa per censuras Ecclesiasticas appellatione remota, iustitia mediante compellant. Datum Laterani, xv. kal. Iunij. Pont. n. anno xv.

In eundem modum scriptum est super hoc eisdem. vsque. non immerito commendari. Quocirca discretioni vestræ per apost. script. mādamus, quatinus si dictus Nobilis mandatum nostrum neglexerit adimplere, vos eum ad id monitione prāmīssa per censuras Ecclesiasticas appellatione remota, iustitia mediante cogatis. Quod si non omnes, &c. duo vestrum, &c.

EPISTOLA LXVI.

NOBILI VIRO O. DE ROCCA.

De Eodem.

CVM quædam Cafalia, possessiones, homines, &c. vt supra. vsque. non immerito commendari; alioquin venerabilibus fratribus nostris Theban. Archiepiscopo, &... Episcopo, & dilecto filio... Decan. daualien. dedimus in mandatis, vt te ad id monitione præmissa per censuras Ecclesiasticas appellatione remota, iustitia mediante, compellant. Datum Lateran. xv. kal. Iunij, Pont. N. anno xv.

In eundem modum scriptum est super hoc eisdem. vsque. Non immerito commendari. Quocirca discretioni vestræ per apost. scrip. mandamus quatinus si dictus nobilis, &c. vsque in finem, vt in præcedenti conclusione.

EPISTOLA LXVII.

SANCTÆ Mariæ IN REGVLÆ, ET SANCTI PAVLI
ABBATIBVS, ET PRÆPOSITO IMOLEN.*Cognitionem decimarum ad seculares Iudices non spectare decernis.*

DILECTVS filius .. Præpositus Nonantulanus transmissa nobis conquestione monstrauit, quod cum venerabilis F. N. Mutinen. Episcopus possessor & colonos terrarum de Seneida, quarum decimæ ad Nonantulan. plebem pertinere noscuntur, super solutione decimarum ipsarum coram iudicibus secularibus conueniisset, idem contra præfatum Episcopum super hoc ad dilectum filium... Abbatem sancti Stephani, & coniudicem suum nostras litteras impetrauit, qui præfatis iudicibus inhibere curarunt, ne in negotio ipso procederent, cum huiusmodi causa ad forum seculare minimè pertineret. Sed memorati iudices eorum inhibitione contempta homines supradictos in decimarum solutionem sententialiter condemnarunt. Quocirca discretioni vestræ per apost. scripta mandamus, quatinus, si est ita, sententias à secularibus iudicibus super re spiritali cōtra sanctiones canonicas promulgatas, auctoritate nostra sublato appellationis obstaculo decernatis irritas, & inanes. Inhibentes Episcopo memorato, & Clericis suis ne sententijs à secularibus iudicibus super decimis promulgatis vtantur. Quod si non omnes &c. duo vestrum, &c. Datum Lateran. x. kal. Iunij. Pont. N. Anno xv.

EPISTOLA LXVIII.

ABBATI ET FRATRIBVS S. Mariæ DE PARVO PONTE
BRVNDVSIN. PRÆMONSTRATEN. ORDINIS.*Confirmat donationem eis factam.*


CVM à nobis petitur, &c. vsque. perducatur effectum. Ea propter dilecti in Domino filij, &c. vsque. concurrentes assensu. Terras, vineas, homines, domum

domum, proleudinum, & alia bona quæ nobilis vir. N. de ſancto Audomaro apud Thebas, & Caſale quod dicitur Hermocaſtrum, pia vobis deuotione conceſſit, ſicutea iuſtè ac pacificè poſſidetis, vobis, & per vos Eccleſiæ veſtræ auctoritate Apoſtolica confirmamus, & præſentis ſcripti patrocinio communi-
mus. Nulli ergo omnino hominum &c. uſque, noſtræ confirmationis in-
fringere, velei auſu temerario contraire. Siquis autem &c. uſque, incurſurum.
Datum Lateran. x. Kal. Iunij Pont. noſtri Anno xv.

EPISTOLA LXIX.

THESSALONICEN. ET PHILIPPEN. ARCHIEPISCOPIſ, ET
EPISCOPO SITHONIEN.

*Vt Epiſcopum Sardicenſem cauſa rei ſeruanda inducant in poſſeſſionem
Eccleſia ſua, à fratribus Hoſpitalarijs detenta &c.*

 LIM venerabili Fratre noſtro ... Cardicen. Epiſcopo, cùm rediſſet poſt labores, captiones, & anguſtias plurimas Romaniam, Ieroſo-
limitan. Hoſpitalis fratribus faciente quaſdam obtentas à nobis litte-
ras præſentari: ſuper eo quod ipſi Epiſcopatum ſuum, cum Caſtro
Cardicen. & res alias detinentes, nec reſtituere volunt ei, nec de perceptis à
promotionis ſuæ tempore prouentibus quos in uſus proprios conuerterunt, in
aliquo ſubuenire. Ipſi earum latore grauiter vulnerato, turpiter ipſas litteras
proiecerunt, & comminantes ipſum interficere, aſſerebant: quòd pro nullis
litteris, vel mandato, Epiſcopatum prædictum ei aliquatenus reſignarent:
quandam inſuper præter hæc detinentes in Armiro cum ſuis pertinentijs Ab-
batiam, quam nos duximus eidem Epiſcopo concedendam. Propter quod
idem Epiſcopus factus pauper, & ad extremam deductus inopiam, exul ab
Epiſcopatu ſuo compellebatur, & adhuc compellitur mendicare. Verùm cùm
venerabilis. F. N. Athenien. Archiepiſcopus, & coniuſdices eiùs delegati à no-
bis, eundem Epiſcopum cauſa rei ſeruandæ in poſſeſſionem caſtri prædicti,
& pertinentiarum ipſius, ac Caſalium omnium, & poſſeſſionum ad Eccleſiam
Cardicen. pertinentium induxiſſent: fratres ipſos, quia contumaciter reſiſte-
bant, excommunicationis vinculo innodarunt. Cùm autem poſtmodum dictus
Epiſcopus, & quidam de fratribus Hoſpitalis coram dil. ſil. B. Titulo ſanctæ
Sufannæ Preſbytero. Card. quem eis in noſtra præſentia conſtitutiſus dedimus
auditorè, aliquandiu litigaſſent. Tandem venerabili fratri noſtro ... Neopaten.
Epiſcopo & coniuſdicibus ſuis cauſam ſuper his cõmiſimus terminandam. Qui,
ſicut præſentatæ nobis eorum litteræ continebant, legitimè in negotio proce-
dentes poſt trinam citationem partium, latam in fratres ipſos excommunica-
tionis ſententiam, qui nolebant poſſeſſiones Cardicen Eccleſiæ iniuſtè dete-
ntas, ipſi Epiſcopo, reſtituere, confirmarunt. Sed ipſi ad conſuetæ fraudis aſtutias
ſe vertentes, cum eodem Epiſcopo pariter venerabilis F. N. Epiſcopi, & dil.
ſil. Archidia. Daſalien. arbitrio ſe taliter, ſicut ex eorum litteris accepimus,
commiſerunt, quòd niſi videlicet infra feſtum Pentecoſtes proximo tunc futu-
rum, prolatatum ab eis arbitrium obſeruent, & ducentarum Marcarum

per iam quæ in compromisso statuta fuerat, soluerent, & excommunicationis predictæ vinculo tenerentur. Implorantibus demum ipsi fratribus à prefato Neoparten. & suis coniudicibus se absolui, ac promittentibus prestitio iuramento, quod usque ad festum Pentecostes quod tunc proximò sequebatur, possessiones Cardicen. Ecclesiæ restituerent vniuersas, alioquin datæ sententiæ subiacerent: ipsi absoluentes eosdem, eis antè iuramenti prestationem in expensis factis ab eodem Episcopo condemnatis, firmiter iniunxerunt, vt fructus ab ipsius Episcopi promotione perceptos, ei restituere integrè procurarent. Qui iuramenti religione contempta, non solum dictas possessiones restituere noluerunt, verum etiam excommunicationis sententiam in quam eos conditio præmissa reduxit, penitus contemnentes, à diuinorum celebrationibus hæcenus non cessarunt. Accedentes igitur ad locum personaliter ipsi arbitri, sicut nobis eorum litteræ referarunt, taliter sunt vtriusque partis intellectis rationibus arbitrari: quòd tertiam partem Castrì Cardicen. cum libero introitu, & exitu suo, prout in instrumento confecto exinde continetur, Episcopo adjudicarunt eidem. Ita quòd ipsi fratres totum Castrum perficere, munire, ac tueri amodo suis sumptibus tenerentur, vsum aquæ Cisternæ consistentis ibidem communem Episcopo, & fratribus decernentes. Ecclesiam verò Castrì eiusdem, cum territorio circa se certis finibus intercluso, eidem Episcopo per arbitrium concesserunt. Et cognito per testes idoneos quòd domus de Armamiro, quæ Valestino dicitur, fuerat Abbatia, ipsam sine crustica, adjudicauerunt eidem Episcopo perpetuò possidendam. Mandantes, vt ipsius Episcopi homines cum rebus ablatis eisdem, ei sine difficultate qualibet redderentur. Et iniungentes insuper quòd duo molendina cum perceptis ex eis medio tempore fructibus, & quingentas libras purgati bombasij restituerent ipsi Episcopo, cum quorundam fructuum quantitate. In fructibus quoque, quos de terra ipsius Episcopi à promotionis suæ tempore, per indigenas loci iuratos, fratres ipsos percepisse constabat; & in expensis quas eorum faciente malitia, idem Episcopus in eundo, & redeundo à sede Apostolica, fuerat subire coactus, fratres condemnantes eosdem, de medietate usque ad festum Pentecostes proximò tunc futurum, & de residuo usque ad subsequens festum Assumptionis Beate Virginis à fratribus ipsi Episcopo decreuerunt. Ex huius ergo prolatione Arbitrij, moti plurimum fratres ipsi, alterum Arbitrorum, Episcopum scilicet, interficere sunt minati: alteri vero ad partes eorum ad pronuntiandum Arbitrium accedenti, quia reprehendit eosdem, ex eo quòd sepefarto Cardicen. qui ad suam iustitiam persequendam in festo Pentecostes ad locum accesserat, mortis insidias prepararunt, grauibus præmissis contumelijs, sunt carceris angustiam comminati. Ceterum cum demum ipsi iudices ad Episcopi clamores ipsius, ad locum personaliter accedentes ipsum in possessionem quorundam Casalium, possessionum, hominum, & decimarum, quæ per depositiones plurium fide dignorum testium pertinere constabat ad Cardicen Ecclesiam induxissent: fratres predicti, non solum ea in quorum possessionem idem Episcopus, per eosdem delegatos inductus exitit, tenuerunt; verum etiam quibusdam alijs possessionibus, & rebus Ecclesiæ Cardicen, quarum ipse pacifica possessione gaudebat, per violentiam spoliarunt, insurgentes cum

armatorum multitudine in delegatos eosdem, & ad internecionem eorum, tam Latinorum, quàm Grecorum populum concitantes. Qui cùm postmodum elapso mense, & ampliùs, eundem Episcopum ad nostram audientiam appellassent, suæ appellationi terminum præfigentes, ipse Episcopus nostro se curavit conspectui præsentare: sed ipsi Hospitalarij nec venerunt, nec miserunt aliquem Responsalem. Propter quod idem Episcopus, præter alia, passus est damna plurima, & expensas. Cùm igitur sæpessatus Episcopus, qui pro Ecclesiæ suæ iure tuendo, captiones, spoliationes, alia quoque grauius pericula, terra & mari sæpiùs est perpeßus, iam non possit vltteriùs exhaustus rebus, & affectus angustijs laborare. Preßertim cùm quotiens nouos Preceptores ad partes illas contingit accedere, totiens ipsius angustiz innouentur; nobis humiliter supplicauit, vt eius laboribus, & periculis finem imponere dignemur. Quocirca fraternitati vestræ per Apof. scrip. præcipiendo mandamus, quatinus prædictum Episcopum in possessionem rerum petitarum causâ rei seruandæ, auctoritate Apostolica inducatis, & inductum tueri per districtiõnem Ecclesiasticam firmiter procuretis, & dictos fratres ad penam ducentarum marcarum in compromisso statutam, eidem Episcopo persoluendam per censuram Canonicam compellentes, eosdem sicut excommunicatos faciatis ab omnibus archiùs euitari, & ne illi qui talia præsumpserunt, defua valeant malitia gloriari, ipsos ad satisfaciendum nobis de contemptu, cum vestrarum testimonio litterarum ad nostram presentiam dirigatis. Contradiçtores, siqui fuerint, per excommunicationis sententiam compescendo. Sublato in omnibus supradictis omni subterfugio appellandi. Quòd si non omnes &c. duo vestrum ea nihominus exequantur. Datum Lateran. viij. Kal. Iunij. Pont. N. Anno. xv.

EPISTOLA LXX.

ABBATI ET FRATRIBVS DE LOCEDIO.

Restituitur eis possessio Monasterij de Curhiat in Romania.

DILECTVS filius nobil. vir. Vu. Marchio Montisferrati, sua nobis inßuatione monitauit quòd claræ memoriæ... pater eius, dum adhuc viueret, Monasterio vestro Cœnobium de Curhiat quod erat in Regno suo prope Theßalonicam constitutum, cum assensu bonæ memoriæ Soffrid. titulo Sanctæ Prædexis Presbyteri Card. tunc. Apostolicæ sedis Legati, quantum in eo fuit pro suorum concessit remedio peccatorù, quod etiam idem Card. prout potuit cõfirmavit. Postmodum autem, dilecto filio fratre Rog. Monacho vestro cum quibusdam alijs fratribus suis, illud vice Locedien. Monasterij possidente, carissimus in Christo filius noster... Constantinopolitanus Imperator illustis prædictos fratres de Monasterio ipso violenter eiecit. Quia vero dissolui nolumus, nec debemus quod in fauorem religionis factum est intuitu pietatis: venerabilibus Fr. nostris Philippen. & de Sera Archiepiscopis, nostris damus litteris in mandatis: quatinus Monasterium ipsum vobis restituere obstaculo appellationis sublato procurent. Contradiçtores censura Ecclesiastica compescendo. Nos enim volentes vt ordinis Cisterciën. religio quæ tanquam

vitis abundans palmites suos longè latèque diffudit, & velut lucerna non absconſa ſub modio perlucidè radios claritatis oſtendit, in Romanæ partibus propagetur, vt oues quæ de nouo ſunt in vnum reductæ, patrem qui eſt in cælis glorificent, cùm Latinos viderint ſanctioris vitæ propoſitum elegiſſe. Statuimus quòd per vos in dicto Monasterio de cetero ſeruentur Ciſterciën. ordinis inſtituta, vt temporibus noſtris melius in partibus illis religio Chriſtiana proficiat, & inſtituta regularia per nos de die in diem, & propagentur fortius & amplius conualeſcant. Decernimus ergo vt nulli omnino hominum, &c. vſque, noſtræ conſtitutionis infringere, vel ei &c. vſque, contrairè. Siquis autem &c. vſque, incurſurum. Datum Lateran. viij. Kal. Iunij. Pont. N. Anno. xv.

Scriptum eſt in eundem modum, Philippen. & Sarren. Archiepiſcopis. Dilectus Filius nobilis vir Vv. Marchio Montisferrati &c. vſque, intuitu pietatis. Fraternitati veſtræ per Apoſtolica ſcripta mandamus, quatinus Monasterium ipſum Fratribus de Locedio, ſublato cuiuſlibet appellationis obſtaculo reſtituere procuretis. Contradiſtores cenſura Eccleſiaſtica compeſcendo. Nos enim volentes &c. vſque, amplius conualeſcant.

Scriptum eſt ſuper hoc in eundem ſerè modum Imperatori Conſtantinopolitan. Illuſtri. Dilectus Filius Nobilis vir Vv. Marchio Montisferrati &c. vſque intuitu pietatis. Serenitatem tuam rogamus atq; monemus, per Apoſt. tibi ſcrip. mandantes quòd dictos Fratres ſuper dicto Monasterio non moleſtes, ſed eos habens propenſius commendatos, à malefactorum incurſibus protegas & defendas. Nos enim volentes & vſque amplius conualeſcant.

EPISTOLA LXXI.

NOBILI VIRO G. DE VILLA ARDVINI PRINCIPI ACHAIÆ.

*Sardicenſem Episcopum in poſſeſſione rerum reſtitutarum,
contra Hoſpitalarios tueatur.*



VM plerumque expediat, vt mandati Eccleſiaſtici contemptores, ad obſeruandum quòd Eccleſiaſtica cenſura decreuit, temporalis terrore gladij compellantur. Nobilitatem tuam Rogandam duximus, atque monendam: quòd cum nos Ven. F. N. Cardicen. Episcopum in poſſeſſionem rerum illarum, de quibus inter ipſum ex parte vna, & Fratres Hoſpital. Ieroſolimitan. ex altera, quæſtio vertebatur, mandamus induci: cum in eadem poſſeſſione manuteneas, & tuearis inductum; non permittens ipſum ſuper eadem poſſeſſione à dictis Fratribus vel alijs moleſtari. Datum Lateran. viij. Kal. Iunij. Pont. N. Anno. xv.

In eundem modum ſcriptum eſt Nobiliviro .. Comiti Bertoldo. Cum plerumque &c. vſque moleſtari.

In eundem modum ſcriptum eſt Illuſtri Conſtantinopolitan. Imperatori. Cum ad vindictam malefactorum, laudem verò bonorum gladium ſuſceperis bauiandum, & plerumque expediat vt mandati Eccleſiaſtici contemptores, &c. vſque, compellantur. Serenitatem tuam rogandam duximus atque monendam quatinus cum Nos. Ven. F. N. Card. Episcopum, &c. vſque moleſtari.

EPISTOLA LXX.

ARCHIEPISCOPO LARISSEN.

Confirmatur Sardic. Episcopo propter inopiam collata Dimitriac. Ecclesia.

VENERABIL. F. N. Cardicen. Episcopus proposuit coram nobis, quòd tu ad mandatum nostrum Dimitriacen. Ecclesiam cum suis pertinentijs eidem multam inopiam patienti liberaliter contulisti. Volentes igitur factum tuum per teipsum fortius stabiliri: Fraternitati tuæ, per Apostolica scrip. precipiendo mandamus, quatinus quòd per te auctoritate nostra providè noscitur esse factum, firmiter facias observari. Datum Lateran. viij. Kal. Iunij. Pont. N. anno xv.

EPISTOLA LXXI.

ARCHIEPISCOPO LARISSEN. ET EPISCOPO SITONEN.

ET ARCHIDIAC. CERMOPILEN.

Delegatur eis causa Sardicensis contra Patraccensem, de negotijs gestis.

VENERABIL. F. N. Cardicen. Episcopus proposuit coram nobis, quòd cum pro venerabili. F. N. Patracen. Archiepiscopo ad sedem Apostolicam laborando, graues labores subierit, & expensas, idem Archiepiscopus recompenfare sibi pro laboribus, & expensis quas subiit contradicit, contra iuramentum prestitum veniendo. Ideoque discretioni vestræ per Apostolica scrip. mandamus, quatinus partibus conuocatis, audiat causam, & appellatione postposita sine Canonico terminetis, facientes quod decreueritis per censuram Ecclesiasticam firmiter observari. Testes autem qui fuerint nominati, si se gratia, odio, vel timore subtraxerint, censura simili, appellatione cessante, cogatis veritati testimonium perhibere. Quòd si non omnes &c. duo vestrum, &c. Datum Lateran. viij. Kal. Iunij. Pont. N. Anno xv.

EPISTOLA LXXII.

ILLVSTRI CONSTANTINOPOLITAN. IMPERATORI.

Ne foueat excommunicatos.

IONORI tuæ celsitudinis non credimus expedire, vt qui suis excessibus prouocantiram Dei sustinentes excommunicationis sententiam in se ferri, sub Imperiali gratia foueantur: quia cum in eos quos Ecclesiastica censura non corrigit secularis sit gladius exercendus, si eos quos Ecclesia persequitur, confouere, institutionibus diuinis contrarius videreris. Cum igitur sicut accepimus in Constantinopolitan. Imperio nonnulli consistent, qui ex Ecclesiarum destructionibus ac alijs excessibus excommunicationis sententiam incurrerunt, quos mentis cœcitate correptos respicere contemnentes, debes tanquam princeps Catholicus à pertinaci proposito temporalis terrore gladij reuocare. Celsitudinem tuam rogandam duximus, & monendam; quatinus huiusmodi homines non foueas, vel sustineas, sed corrigas, & compescas, tanquam salutis propriæ contemporores, ipsos ad mandatū Ecclesiæ minis & terroribus monitione non proficiente reducens. Datum Later. x. Kal. Iunij. Pont. N. Anno xv.

ARCHIEPISCOPO THESSALONICEN. ET CARDICEN. ET
SITHONIEN. EPISCOPIS.

Vt Patroni Abbatiarum, eas restituant.

SICUT venerabiles F. N. Philippen. Sarren. Thessalonicen. Larissen. Athenien. Corinthien. & Patracen. Archiepiscopi, & eorum Suffraganei. ~~su~~ nobis relatione monstrarunt. Cum venerabilibus. F. N. Theban. & Neopatren. Archiepiscopis, & dil. fil. Nazarocen. Electro dedimus in mandatis, vt detentores Abbatiarum, Monasteriorum, Ecclesiarum decimarum, & aliarum possessionum pertinentium ad eosdem tam Latinos quàm Græcos, qui ius in eis habere se asserunt Patronatus, ad restitutionem dictarum rerum monitione præmissa per censuram Ecclesiasticam appellatione remota compellere procurarent; & facerent ipsos humano timore postposito ab huiusmodi presumptione cessare, Præfati Archiepiscopus, & Electus mandatum Apostolicum exequi non curarunt, in eorundem præiudicium & grauamen. Volentes igitur id per vestram sollicitudinem executioni mandari. discretionis vestræ. per. Apost. scrip. precipiendo mandamus: quatinus præmissa secundum formam prioris mandati nostri, taliter exequi procuretis, quòd iamdicti Archiepiscopi, & eorum Suffraganei, super his non cogantur amplius laborare, & vos de virtute obedientie possitis non immeritò commendari. Quòd si non omnes &c. duo vestrum ea &c. Datum Lateran. x. Kal. Iunij Pont. N. Anno xv.

EPISTOLA LXXIV.

CARDICEN. ET SITHONIEN. EPISCOPIS ET
ARCHIDIAC. DAVALIEN.

*Irritum reddit Henrici Cpani Imp. edictum, quo immobilium
donatio Ecclesiarum fauore, prohibetur.*

NOSTRAM noueritis audientiam peruenisse, quòd carissimus in Christo Filius Noster. Henr. Constantinopolitan. Imperator Illustris, constitutionem cum suis Baronibus edidit, quæ vergit in periculum animarum, & est contraria prorsus Ecclesiasticæ libertati, videlicet vt nullus possit de suis possessionibus, in vita, vel vltimo testamento aliquid Ecclesijs elargiri. Cum igitur constitutio huiusmodi tam diuinis, quàm humanis sit legibus inimica, discretionis vestræ per Apost. scrip. mandamus; quatinus ipsam auctoritate nostra decernatis friuolam, & inanem, & penitus non seruandam. Datum Lateran. x. Kal. Iunij. Pont. N. Anno xv.

EPISTOLA LXXV.

ARCHIEPISCOPO THEBAN. ET DAVALIEN. ET
ZARATOVIEŃ. EPISCOPIS.*Vt Theſaurus Eccleſie Corinthi à nobilibus reſtituatur.*

ENERABILIS F. N. Corinthien. Archiepiſcopus propoſuit coram nobis; quòd cùm Nobilis Vir. Theod. Græcus quondam Dominus Corinthi de proditione conuiſtus, Caſtrum de Argos nuper tradiderit, quod tenebat. Theſaurus Corinthien. Eccleſie quem illuc idem Græcus detulerat, eſt inuentus ibidem, quem Nobiles viri. G. Princeps Achaiz, O. de Rocca, & quidam alij Latini Theban. & Corinthien. dioc. in propriæ ſalutis diſpendium detinentes, eidem Eccleſie reſtituere contradicunt. Ideòque Fraternitati veſtræ per Apoſt. ſcrip. mandamus, quatinus Nobiles ſupradictos, & alios, vt Theſaurum ipſum Eccleſie reſtituant antedictæ, monitione præmiſſa per cenſuram Eccleſiaſticam, ſicut iuſtum fuerit, appellatione remota cogatis. Teſtes autem, qui fuerint nominari, ſi ſe gratia, odio, vel timore ſubtraxerint, per cenſuram eandem appellatione ceſſante cogatis veritati teſtimonium perhibere. Quòd ſi non omnes &c. duo veſtrum, &c. Datum Lateran. viij. Kal. Iunij. Pont. N. anno xv.

EPISTOLA LXXVI.

EPISCOPO DECANO. ET ARCHIDIAC. DAVALIEN.

Vt de pecunia Epifcopo credita cognoſcant, probationes, & teſtes recipiant.

LECTVS Filius N. Canonicus Dominici Sepulchri Ieroſolimitani, Prior S. Demetrii Theſſalonicen. ſua nobis expoſuit queſtione, quòd cùm bonæ memoriæ Theban. Archiepiſcopo quandam ſummam pecuniæ mutuò ceſſiſſet, ac per ipſum duo nobis Exameta cenſus nomine deſtinaſſet, credita ſibi quadam ſumma pecuniæ, pro ſuis agendis apud ſedem Apoſtolicam promouendis: quia dictus Archiepiſcopus interim ſubtractus eſt ab hac luce, ſibi de prædictis non extitit ſatiſfactum. Propter quod nobis fuit ſupplicatum humiliter ab eodem, vt Venerabilem. F. N. Succeſſorem ipſum ad horum redditionem mandaremus apoſtolicis litteris compellendum. Ideòque diſcretionì veſtræ per Apoſt. ſcrip. mandamus, quatinus vocatis ad præſentiam veſtram, quos propter hoc videritis euocandos, & inqueſita diligentius veritate, quod iuſtum fuerit appellatione remota vſuris ceſſantibus ſtatuatis. Facientes quòd decreueritis per cenſuram Eccleſiaſticam firmiter obſeruati. Teſtes aurem qui fuerint nominati, ſi ſe gratia, odio, vel timore ſubtraxerint, ſim li diſtinctione, ceſſante appellatione, cogatis perhibere teſtimonium veritati. Quòd ſi non omnes &c. Tu Frater Epifcope cum eorum altero, &c. Datum Lateran. viiij. Kal. Iunij. Pont. N. Anno xv.

EPISTOLA LXXVII.

AMATÆ ABBATISSÆ MONASTERII SANCTÆ MARIE, ET SANCTORVM
MATTHÆI APOSTOLI, ET ANTONII, IN LOCO QUI DICITVR FONS
DLYVM IN ESCVLAN. DIOE C. CONSTITVTI, EIVSQVE SORORIBVS
TAM PRÆSENTIBVS, QVAM FVTVRIS REGVLAREM VITAM
PROFESSIS IN PERPETVVM.

Confirmat bona Monasterij, & recipit sub protectione.



RVDENTIBVS Virginibus, &c. vsque, sacre Religionis eneruet.
Ea propter dil. in Christo Filiz vestris iustis postulationibus clem-
enter annuimus, & præfatum Monasterium Sanctæ Dei Genitri-
cis, & Virginis Mariæ, & sanctorum Matthæi Apostoli, & Antonij in
quo diuino estis obsequio, &c. vsque, communimus. In primis siquidem sta-
tuentes, vt ordo Monasticus, qui secundum Deum, & B. Benedicti regulam,
arque institutionem Cistercien. Fratrum, in eodem Monasterio, &c. vsque,
inviolabiliter obseruetur. Præterea quascumque possessiones, quæcumque
bona &c. vsque, illibata permaneant. In quibus hæc &c. vsque, vocabulis.
Locum ipsum in quo præfatum Monasterium situm est, cum omnibus perti-
nentijs suis. Vineam & hortum de fonte vlmi: Vineam de colle supra prata:
Beneficium & torum tenimentum quod fuit filiorum Petri Actonis Massonis:
In Toleniaco molendinum in loco qui dicitur Beblum: Vineam & terram
quæ fuit de Beneficio Benedicti Tiniosi: Medietatem totius tenimenti, quod
olim fuit Deutegardi Ardengi, cum domibus, & hominibus, & alijs perti-
nentijs suis. Campum de Panicale, cum vinea, & terra in prædicto loco To-
leniam. Terram quæ iacet in pertinentijs de Octauo. Campum de Murro.
Terram de Cantalupo: Vineam quæ fuit Raynaldi Leonis, in Colle de Vlmo.
In pertinentijs mercati, & infra ciuitatem Esculan. in Truao. Domum quæ
fuit eiusdem Raynaldi: Tertam quæ fuit Vinciguettæ aquæ viux: & terram de
Colle Tuccini. In valle Truncti duas Grangias, cum omnibus pertinentijs, &
appendis suis. Ecclesiam sancti Petri in Caprano, cum decimis, possessioni-
bus, tenimentis, & omnibus rationibus pertinentibus ad eandem, quam
idem Monasterium antequam Cistercien. ordinis instruta susciperet, posside-
bat, cum praris, vineis, terris, nemoribus, vsuagijs, & pascuis, in bosco, &
plano, in aquis, & molendinis, in vijs, & semitis, & omnibus alijs libertati-
bus, & immunitatibus suis. Sanè laborum vestrorum, quos proprijs manibus
&c. vsque, extorquere præsumat. Ad hæc personas liberas, & absoluras è
seculo fugientes, liceat vobis in Monasterio vestro ad conuersionem recipere,
& eas absque contradictione aliqua retinere. Prohibemus insuper, vt nulli so-
rorum vestrarum, &c. vsque, nullus audeat retinere. Illud districtius inhibentes,
ne terras, seu quodlibet beneficium &c. vsque, eas irritas esse censemus. Insuper
auctoritate Apostolica inhibemus, ne vllus Episcopus &c. vsque, se aliquatenus
inromittat. Si verò Episcopus in cuius Parrochia &c. vsque, vobis conferre
renuerit, hec cum sit vobis omnia ab alio Episcopo percipere, quæ à vestro
fuerint indebitè denegata. Pro consecrationibus verò altarium, &c. vsque,

proprijis Episcopis in posterum generetur. Quia verò interdum proprij Episcopi copiam non habetis, &c. vsque, recipere valeatis. Porro si Episcopi, vel alij Ecclesiarum Rectores, &c. vsque, indulta prolatam duximus irritandam; nec litteræ illæ firmitatem habeant, &c. vsque, constiterint impetrari. Præterea cum commune interdium terræ fuerit, &c. vsque, diuina officia celebrare. Paci quoque & tranquillitati, &c. vsque, audeat exercere. Præterea omnes libertates, &c. vsque, & præsentis scripti præiugio communimus. Decernimus ergo, vt nulli omnino hominum &c. vsque, vsibus omnimodis profutura. Salua sedis Apostolicæ auctoritate, & in prædicta Ecclesia sancti Petri in Caprano, Diocesani Episcopi Canonica iustitia. Siqua igitur, in futurum &c. vsque, districtæ subiaceat vltioni. Cunctis autem eidem loco &c. vsque, præmia æternæ pacis inueniant. Amen. Datum Lateran. Per manum Ioannis sanctæ Mariæ in Cosmidin. Diac. Card. sanctæ Roman. Ecclesiæ Cancellarij. vij. Kal. Iunij. Indictione xv. Incarnationis Dominicæ. Anno millesimo cc. xij. Pont. vero Domini Innocentij Papæ iij. Anno xv.

EPISTOLA LXXVIII.

THESSALONICEN. ET PHILIPPEN. ARCHIEPISCOFIS
ET EPISCOPO SITHONIEN.

Delegat causam Sardicensis Episcopi, & Hospitalariorum.

VENERABIL. F. N. Cardicen. Episcopus nobis humiliter supplicauit. Vt cum Fratres Hospital. Ierosolimitan. qui eum super causa, quæ inter ipsos, & eundem Episcopum vertebatur, ad nostram audientiam appellarunt, nec venerint, nec miserint aliquem ad appellationem interpositam prosequendam, ipsi, Episcopo apud nos diutius post præfixum terminum expectante, sibi de damnis, & expensis quas ex ipsius persecutione appellationis, incurrit, satisfieri faceremus. Ideoque Fraternalitati vestræ per apost. scrip. mandamus, quatinus vocatis, qui fuerint euocandi, & auditihinc inde propositis, quod iustum fuerit apellatione postposita, statuatis, facientes quod decreueritis, per censuram Ecclesiasticam firmiter obseruari. Quod si non omnes &c. duo vestrum, &c. Datum Lateran. vij. Kal. Iunij. Pont. N. Anno xv.

EPISTOLA LXXIX.

ABBATI SANCTI PAULI.

Diuisio quarundam Parrochiarum, non præiudicat alteri Parrochia, licet intra illarum terminos constituta.

CUM Lateranen. & Sanctorum quatuor Coronatorum Ecclesiarum Parrochias, certis duxerimus limitibus terminandas; & Ecclesia sancti Nicolai de Formis, quæ ad Monasterium tuum spectat, inter hos limites Parrochiam possidere dicatur. Auctoritate præsentium declaramus, quatinus

per limitationem huiusmodi, nullum eidem Ecclesie in sua Parochia volumus præiudicium generari. Quia res inter alios acta, præiudicare non debet alijs secundum legitimas sanctiones. Datum Lateran. viij. Kalend. Iunij. Pont. N. Anno xv.

EPISTOLA LXXX.

HELENEN. EPISCOPO.

Delegat examen & executionem propositi quorundam penitentium, qui sub ordine Pauperum Catholicorum, communem vitam agere, & opera misericordia exercere, optabant.

DILECTVS Filius Durandus de Osca in nostra præsentia constitutus, & D. de Naiaco & G. sancti Antonini, & alij Pauperes Catholici, suis nobis litteris intimarunt. Quòd ad exhortationem eorum nonnulli tuæ Dioc. de suis excessibus penitentiam agere cupientes, post confessionem peccatorum suorum, pro posse suo proposuerunt restituere, quidquid possident minus iuste, nec non malè quolibet acquisita, non habendo proprium sed omnia in communi, & nemini malum de cetero inferentes; castitatem, seu virginitatem obseruare promittunt, à mendacio, & iuramento illicito abstinendo; tunicis quoque albis, vel griseis uti proponunt, sub disciplina, & visitatione Catholicorum Pauperum permanfuri. In sulchris autem, nisi eos ad id infirmitas coegerit, non cubabunt; & à Festo Sanctorum omnium, vsque ad Natiuitatem Dominicam, ieiunantes, in qualibet sexta feria, nisi fortè Natalem Domini, aut Epiphaniam, seu aliud Festum habens vigiliam euenire contingat, à piscibus abstinebunt. Secunda verò, quarta feria, & Sabbato, nisi Natalis Domini interuenerit, carnibus non vescentur, nec in Quadragesima ante Pascha comedent pisces, Dominicis diebus exceptis. Octo diebus ante Pentecostem vacabunt ieiunijs, & alia ieiunia obseruabunt, à sancta Romana Ecclesia instituta. Singulis quoque diebus Dominicis exhortationis verbum conuenient audieturi, & septies orantes in die, quindecies Pater Noster & Credo in Deum, ac Miserere mei Deus, qui litterati fuerint decantabunt; & Clerici, prout eos conuenit, Canonicas horas Domino Deo soluent. Et quoniam sex opera pietatis proficiunt ad salutem: proposuerunt pro Domino pauperibus deseruire, quorum quidam in hereditate propria vult domum construere, in qua ex parte vna viris, & ex alia mulieribus religiosiis mansio competens habeatur, & iuxta illam sit nihilominus Xenodochium, in quo reficiantur fessi, & pauperes recteantur, iuuentur infirmi, & nutriantur infantes à matribus derelicti, & mulieres pauperes laborantes in partu, donec abire valeant, sustententur in eo, ac iuxta possibilitatem domus ipsius adueniente hieme præbeantur pauperibus indumenta: pannos quoque ad quinquaginta lectos de suis iustis rebus ministrabit ibidem, & Ecclesiam ubi fratres domus ipsius possint audire diuina, in honore Dei genitricis Mariæ iuxta Domum ipsam construui faciet, quæ in signum subiectionis Apostolicæ sedi, reddet vnum Bisantium annuatim. Vnde nobis humiliter supplicauit, ut exequendi prædicta licentiam eis concedere dignaremur. Nos

igitur attendentes, quòd hæc sunt omnia in se bona. Fraternitati tuæ per apost. scrip. mandamus, quatinus, cùm loci Diocesanus existas, cognita plenius veritate, si ea emanare cognoueris de fonte Catholicæ puritatis, ipsi assensum super his auctoritate nostra prebeas, & fauorem. Prouiso prudenter, vt quod de verbo exhortationis, singulis diebus Dominicis audiendo, prædicatur, taliter, & à talibus fiat, quòd derogari non possit fidei Orthodoxæ, seu Canonice disciplinæ. Adhibita nihilominus prudenti cautela inter viros, & mulieres, de quibus mentio est præmissa, vt vtrorûmque ad alteros accessus haberi nequeat illicitus, vel suspectus. Illudque diligenter obserua, quòd memorati viri dicuntur sub disciplina, & visitatione Catholicorum Pauperum permansuri, vt huiusmodi disciplina, & visitatio sanæ doctrinæ conueniant, & Ecclesiasticæ honestati. Datum Lateran. vij. Kal. Iunij. Pont. N. Anno xv.

EPISTOLA LXXXI.

EPISCOPO ET ABBATI SANCTI VICTORIS, ET CANCELLARIO PARISIEN.

Ne inquirant de consanguinitate, inter Comitem & Comitissam Niuernensem. si à Monasterij Verzeliaci molestatione cesset.

CVM Nuper vobis contra insolentiam nobil. viri... Comitis Niuernen. Virziliacen. Monasterium opprimentis, sub certa forma direxerimus scripta nostra. Dilectus filius Magister. I. Clericus, diligens, & fidelis procurator ipsius, formam ipsam intelligens, graui fuit dolore turbatus; humiliter nobis supplicans, cautionem quam poterat offerendo, vt quod mandabamus in illis, de inquisitione consanguinitatis inter eundem Comitem & Comitissam, auctoritate Apostolica facienda, de literis illis adimere dignaremur. Promittens quòd idem Comes voluntate nostra plenius intellecta; cessabit ab indebita molestatione Monasterij memorati. Quocirca discretionis vestræ per apost. scrip. mandamus, quatinus si nondum processistis ad inquisitionem huiusmodi faciendam, & ipse Comes satisfecerit competenter, sufficienter cauendo quod à procuracionis immoderantia, quam ad iustum reduci mandauimus moderamen, de cætero conquiescat, vos ad inquisitionem illam minimè procedatis. Alioquin mandatum Apostolicum exequi procuretis, prout videritis expedire. Quod si non omnes &c. Tu ea Frater Episcopo &c. Datum Later. iij. Kal. Iunij. Pont. N. Anno xv.

EPISTOLA LXXXII.

EPISCOPO ARIMINEN.

Ne quis contra Ecclesiam Rauennatem, utatur Othonis Imp. rescriptis.

CVM ea omnia, quæ Otho non iam nominandus Imperator, sed impius persecutor, contra Clericos vel Ecclesias statuit, aut statuerit, denuntiauerimus irrita, & inania. Fraternitati tuæ per apost. scrip. mandamus, quatinus si quis concessione, sententia, priuilegio vel mandato, eiusdem

O. uti voluerit, in praiudicium, vel damnum Ecclesiæ Rauennatis, tu ipsum ab huiusmodi præsumptione per censuram Ecclesiasticam, appellatione remota, compescas. Datum Lateran. viij. Kal. Iunij. Pont. N. Anno xv.

EPISTOLA LXXXIII.

E I D E M.

*Ne Comites & Commune de Castro Cario utantur privilegijs
ab Othone concessis.*



ENERABILIS F. N. Linien. Episcopus nobis significare curauit, quòd cum O. dictus Imperator propter latam in se à nobis excommunicationis sententiam, quasdam terras, & res alias Linien. Episcopatus, Comitibus, & communi de Castro Cario Linien. Diocesis concessisset, & secundum hoc privilegium suum dedisset eisdem: ipsi Comites, & Commune facientes Linien. Ecclesiam super his per iudices suos sententia- liter condemnari, res occupant easdem, & distribuerunt pro velle alijs possidendas, in enorme sui, & Linien. Ecclesiæ detrimentum. Quocirca Fraternitati tuæ per apost. scrip. mandamus, quatinus quidquid occasione priuilegi- giorum prædicti excommunicati noueris attentatum, in præiudicium Ecclesiæ Linien. auctoritate Apostolica, sublato appellationis obstaculo, non differas irritare. Et ne dicti Comites, & Commune privilegijs ipsis utantur, eis firmiter inhibere procures. Contradiçtores siqui fuerint, vel rebelles per censuram Ecclesiasticam appellatione postposita compescendo. Datum Lateran. x. Kal. Iunij Pont. N. Anno xv.

EPISTOLA LXXXIV.

PRIORI ET CAPITULO DOMINICI SEPVLCHRI IEROSOLIMITAN,

*Confirmat compositionem factam eos inter, & Archiepiscopum Thessalo-
nicensem, de prouentibus Ecclesiæ S. Demetrii Thessalonice.*



VM à nobis petitur, &c. vsque perducatur effectum. Ea propter, dil. in Domino Filij, vestris iustis precibus grato concurrentes assensu, compositionem inter vos ex vna parte, & venerabilem F. N. Thessalonicens. Archiepiscopum ex altera; super Ecclesiæ sancti Demetrii Thessalonicens. amicabiliter initam, sicut sine prauitate prouidè facta est, & ab vtraque parte sponte recepta, auctoritate Apostolica confirmamus, & præsentis scripti patrocinio communimus. Ad maiorem autem cautelam, litterarum tenorem quas idem Archiepiscopus nobis transmisit, de verbo ad verbum præsentì pagina duximus inferendum.

Sanctissimo Patri, &c. Domino Innocentio Dei gratia sacrosanctæ & universal. Ecclesiæ summo Pontifici, G. eiusdem patientia, & vestra, Thessalonicens. Ecclesiæ Ministri licet indigni, seipsum ad pedes cum obedientia filiali. Cum propter schismaticam inobedientiam, summi Regis vindicta terram Græcorum correctionis funiculo flagellasset, & ipsam de secreto atque inastimabili consilio suo, ad manus reduxisset Latinorum. Multi

Religiosi

Religiosi de diuersis partibus accedentes, diuersa beneficia, tam per Dominos Cardinales, quàm per Principes, & Barones, & alios fideles adepti sunt. Inter quos sacrosancti Sepulchri Canonici Ecclesiam sancti Demetrii Thessalonicens. quoquo modo gausi sunt adipisci: quam usque ad inibronizationem meam, cum multis laboribus, & ut verum fatear, illi terra multum necessarij possederunt. Sanè quauis prædicta Ecclesia sancti Demetrii ad iurisdictionem meam pertinere noscatur, tamen ob reuerentiam Dominici sepulchri, ubi Redemptio humani generis operata est, & ad cuius subuentionem crucisignatorum exercitus terram Romanæ dicitur acquisisse. Ne etiam dicti Canonici sua spe, & laboribus penitus fraudarentur; & ut omnis questio, & controuersia qualis inter me, & ipsos super hoc exorta, quæ de facili ordine iudiciario non poterat tempore instanti propter causæ perplexitatem diffiniri, per pacem, & equitatem facilius sopiatur. Prasertim cum sæpèdicta Ecclesia tanti Martyris corpore decorata, tam fauorabilis Ecclesie Canonici regulares honorificentius quàm seculares valeant deseruire. Prudentium virorum fretus consilio, videlicet. Ar. Cermopulen. Episcopi, Sarten. Postulati. Vv. Nazarocen. Elecli. Philippen. Postulati, & Magistri R. Citren. Elecli. Mihi, quantum in me est, visum est vtile pariter, & honestum. Vi memorati Canonici Dominici Sepulchri, de vniuersis possessionibus, prouentibus, fructibus, redditibus, legatis, & Eleemosinis, quocumque iusto modo ad dictam Ecclesiam sancti Demetrii pertinentibus, sicut per instrumenta, vel per testes idoneos, siue alio iusto modo probati legumè poterit. Insuper de omnibus illis, quæ aliquo tempore Archiepiscopis Thessalonicens. nomine Ecclesie prædicti sancti Demetrii collata fuerunt, vel in posterum conferentur, sicut, ut supradictum est, legitime probati poterit: talem pro seruitio sæpèdictæ Ecclesie percipient portionem, qualem Canonici sanctæ Sophie Thessalonicens. Metropolis de possessionibus eiusdem percipient, cum eam contigerit ordinari. Domos siquidem, quas Clerici sancti Demetrii tempore Græcorum intra Thessalonicam habebant, Canonici sancti Sepulchri extra partem possidebunt, oblationes quoque manuales, & quæcunque eis legata fuerint nominatim, siue nomine sancti Sepulchri, similiter extra partem recipient. Ea verò quæ supra tumbam sancti Demetrii offerentur, vel Ecclesie eiusdem nominatim legata fuerint, secundum supradictam diuisionem partientur. Adiuncto tantum, quod cum dicti Canonici in Ecclesia illa Capellanos, vel Clericos pro tempore instituent, sub eadem fidei Religione qua ipsi tenebuntur eis iniungent, quod nullatenus aliquibus in testamento, vel alijs persuadebunt, ut ipsi Canonici magis quàm Ecclesia in præiudicium & damnum Archiepiscopi debeant erogare. Expensis quantum ad sarta tella, vel luminare Ecclesie, & iusta tumbæ custodia de communi pro rata faciendis. Præterea Prior qui in Ecclesia sæpèdicta sancti Demetrii pro tempore à Patriarcha Ierosolimitan. & Capitulo suo fuerit delegatus, mihi & successoribus meis Canonice intransitus obedientiam, & reuerentiam tenebitur exhibere. Matræ insuper Ecclesie Thessalonicens. & mihi meisque successoribus in dicta Ecclesia omni iure, & libertate nostra, sicut & in alijs Ecclesijs eiusmodi plenarie reservatis. Salua Domini Patriarchæ Ierosolymitan. & Capituli sui in omnibus obedientia, in ipsum Priorem, & Canonicos, & alios religiosos ibidem commorantes. Igitur, cum ordinationes Ecclesiarum quæ per inferiores Prælatos fieri nequeunt, Ecclesie Romanæ, quæ disponente Domino omnium Ecclesiarum Mater est & Magistra, debeant reservari: dictam compositionem, siue dispositionem, quam per me facere, vel firmare non præsumpsi, sanctitati vestræ duxi transmittendam. Paternitatem vestram flexis genibus mentis exorans attentius, & obnixè: quatinus causa Dei, & ob Dominici Sepulchri reuerentiam, & precum mearum interuentu, si Sanctitati vestræ competens, & honestum videbitur, ipsam auctoritate facere vestra, vel incaptam perficere dignemini;

et ut maiorem habeat firmitatem, eandem auctoritate predicta roborantes. Nulli ergo omnino hominum, &c. usque, nostræ confirmationis infringere, vel ei &c. usque contraire. Siquis autem &c. usque, nonerit incursum. Datum Lateran. vij. Kal. Iunij Pont. N. Anno xv.

EPISTOLA LXXXV.

DECAN. THESAURARIO, ET MAGISTRO SCHOLARVM NIVERNEN.

Ut Plebani, Archiepiscopo Bituricensi visitanti provinciam, solvant procurationes, quas præscribere non potuerunt.



SIGNIFICAVIT nobis venetabil. F. N. Bituricen. Archiepiscopus, quod cum ex officij sui debito suam ducit provinciam visitandam: nonnullæ Ecclesiæ Metropolitico sibi iure subiectæ, procurationem debitam sibi denegant exhibere. Hoc ad suæ negationis defensionem tantummodò allegantes, quòd non recordantur se procurationem huiusmodi eius prædecessoribus exoluisse, sed nec ab eis aliquando fuisse petitam. Cum igitur contra procurationem quæ ratione visitationis debetur præscribi non valeat, quemadmodum nec contra visitationem ipsam potest aliquo modo præscribi, etsi alius contra eum præscribere posset utramque. Discretionem vel. per apost. scrip. mand. quatinus rectores Ecclesiarum ipsarum, ut eidem Archiepiscopo ipsas ex officio debito visitanti procurationes, quæ sibi visitationis ratione debentur, exhibeant, nisi aliud rationabile obiectum fuerit, & ostensum, monitione præmissa per censuram Ecclesiasticam, appellatione remota cogatis. Quòd si non omnes, &c. duo vestrum &c. Datum Lateran. vij. Kal. Iunij. Pont. N. Anno xv.

EPISTOLA LXXXVI.

BITURICEN. ARCHIEPISCOPO.

Ut de redditibus Ecclesia, congrua provisio Presbyteris, à Patronis assignetur.



AD nostram noueris audientiam peruenisse, quòd Patroni Parochialium Ecclesiarum tuæ dioc. tantum de proventibus sibi retinent earumdem, quòd sacerdotes ministrantes in eis non possunt de residuo sustentari. Propter quod nonnullæ remanent pastoribus destitutæ, eò quòd non sunt qui curam velint recipere earumdem. Quocirca Fraternitati tuæ per apost. scrip. mand. quatinus Patronos Ecclesiarum ipsarum, ut de illarum proventibus sacerdotibus in eisdem ministrantibus congruam provisionem assignent, moneas, & inducas: ipsos ad id si necesse fuerit per censuram Ecclesiasticam, appellatione remota compellens: cum non ad opus patronorum, sed ad opus potius seruientium in eisdem, fuerint Ecclesijs redditus deputati. Datum Lateran. xj. Kal. Iunij. Pont. N. Anno xv.

EPISTOLA LXXXVII.

ABBATI DE MACENEIRA VISIEN. DIOEC. CANTORI ET P.
RODERICI CANONICO COLIMBRIEN.

Executionem sententia delegatorum de remotione Abbatis, eis delegat.

DILIGENTER auditis & perspicaciter intellectis, quæ coram nobis proposita sunt à partibus, super intrusione Prioris sancti Petri Aurien. diœc. in Monasterio Cellæ Nouz, ac excommunicatione in ipsum à Venerabil. F. N. Episcopo Aurien. prolata, & delegatorum processu, qui eundem electum remouerunt, à Monasterio Cellæ Nouz, ac præscriptam excommunicationis sententiam confirmarunt. Pensatis nihilominus natura, & qualitate negotij, quibus potius duximus in hærendum, ipsorum delegatorum sententiam ratam habentes, per apost. vobis scrip. mandamus quatinus eam auctoritate nostra faciatis inuiolabiliter obseruari. Contradictores, si qui fuerint, per censuram Ecclesiasticam appellatione postposita compescendo. Quod si non omnes, &c. Tu Frater Episcopo cum eorum altero, &c. Datum Lateran. v. Kal. Iunij. Pont. N. Anno xv.

EPISTOLA LXXXVIII.

MASSILIEN. EPISCOPO.

Vt Vvaldenses ad fidem reuersi ab Episcopis adiuentur.

CUM dilectus Filius Durandus de Osca Acolitus, & socij sui à secta Vvaldensium per nos reconciliati sint Ecclesiasticæ vnitati. Fraternitati tuæ per apost. scrip. mandamus, quatinus ipsos infra Catholicum gregem admittens, & benigne pertractans, ob notam quam de pristina conuersatione contraxerant, non permittas eos à quoquam temerè molestari; sed ab omni eos infamia, & scandalo seruans immunes, tam ex litteris testimonialibus, quàm alijs adminiculis, ipsos misericorditer adiuues propter Dominum. Datum Lateran. iij. Kal. Iunij Pont. N. Anno. xv.

In eundem modum scriptum est ... Barchinonen Episcopo. Cum dilectus Filius Durandus de Osca, &c. vsque, propter Dominum.

In eundem modum scriptum est Oscan. Episcopo cum dilectus filius &c. vsque propter Deum.

EPISTOLA LXXXIX.

DVRANDO DE OSCA, ET DVRANDO DE NAIACO.

Vt fratres pauperes, auctoritate Diœcesani Episcopi corrigan.

CUM quidam de Fratribus vestris reconciliati Ecclesiasticæ vnitati, sicut nostris est auribus intimatum, interdum delinquant, & vacent operibus inhonestis. Discretionem vestram, de qua firmam fiduciam obtinemus, per apost. scrip. mandamus: quatinus cum ipsos contingit excedere, id loci Episcopo

nuntietis, & de consensu, & auctoritate ipsius delinquentium excessus salubriter, appellatione postposita corrigatis. Quod si non ambo &c. alter vestrum ea nihilominus exequetur. Datum Lateran. iiii. Kal. Iunij. Pont. N. Anno xv.

EPISTOLA XC.

ILLVSTRI REGI ARAGON.

Ut pauperes Catholicos foueat & defendat.

C illi complaceas in cuius miseratione regni gubernetacula suscepisti, te conuenit confouete humiles, & deuotos, & excessus corrigere delinquentium. Inde est quod serenitatem tuam rogamus, atque monemus: quatinus pauperes Catholicos, & hospites eorundem in Orthodoxa fide, ac pia operatione manentes, non permittas, à quoquam temerè opprimi, vel à Iustitiarijs tuis iniuste grauari. Datum Latetan. v. Kal. Iunij. Pont. nostri Anno xv.

EPISTOLA XCI.

NARBONEN. ARCHIEPISCOPO, ET EPISCOPO VTICEN.
APOSTOLICÆ SEDIS LEGATIS.

Super Eodem.

C VM Catholicici pauperes Durandus de Osca. D. de Naiaco G. sancti Antonini, & socij sui reconciliati Ecclesiasticæ vnitati, quasi noua planta sint benignè fouendi. Per apost. vobis scrip. mandamus, quatinus vos, eis in fide Catholica, & pia operatione manentibus, exhibeatis fauorabiles, & benignos, & non permittentes eosdem à quoquam indebitè molestari, in litteris testimonialibus, & alijs adminiculis, ipsos propter deum misericorditer adiuuetis. Datum Lateran. iiii. Kal. Iunij Pont. N. Anno xv.

EPISTOLA XCII.

IANVEN. ARCHIEPISCOPO ET SYFFRAGANEIS EIVS.

Pro eisdem pauperibus Catholicis.

C VM talis esse debeat ars eorum quibus tegendæ animæ committuntur, vt non solum à Dominico grege subductas, sollicitudine pastoralis reducere; verum etiam reductas ad ipsum, paterna in eo studeant mansuetudine confouere. Procul dubio nobis, & vobis est sollicitè prouidendum, vt dilecti Filij Durandus de Osca, & Guillelmus de sancto Antonino, cum socijs suis reconciliatis Ecclesiasticæ vnitati, taliter foueantur in ipso: quod cum ipsi se lætabuntur ibidem inuenire fauorem speratæ dulcedinis, alij eorum inducantur exemplo, errotem suæ deserere coecitatis. Quapropter fraternitatem vestram monemus attentius, & hortamur, per apost. vobis scrip. præcipiendo mandantes, quatinus ipsos præcedentes secundum Deum charitatiuè tractetis,

nec permittatis eos, aut illos, qui suum ipsis intuitu charitatis impenderint beneficium, in vestris Diocesisibus constitutos huius occasionis prætextu à quocumque temerè molestari. Contradictores censura Ecclesiastica appellatione postposita compescendo. Quòd si non omnes &c. singuli vestrum in Diocesi sua ea nihilominus exequantur. Datum Lateran. ij. Kal. Iunij. Pont. nostri Anno xv.

EPISTOLA XCIII.

SANCTI MARTINI CANONICEN. ET SANCTÆ Mariæ ELECTEN. ABBATIBVS, ET VV. DECAN. IN CONFLVENTI. NARBONEN. ET HELENEN. DIOEC.

Vt Hospitali construendo possit decimas miles conferre, si nolueris Ecclesijs restituere.



Ad nostram noueritis audientiam peruenisse, quòd B. miles decimas quasdam quas progenitores, ac ipse hæcenus ab ... Abbate sancti Genesij tenuerunt, Hospitali, quod ad sustentationem infirmorum pauperum ædificare proposuit, desiderat assignare, si nostræ sederit beneplacito voluntatis. Quocirca dis. ves. per apost. scrip. mandamus, quatinus dictum Militem, ut decimas ipsas Ecclesijs illis ad quas noscuntur pertinere resignet, moneatis prudenter, & efficaciter inducatis; quòd si ad id induci non poterit, & Abbatis prædicti, & Diocessani Episcopi super hoc assensum quiverit obtinere, ut eas conferat Hospitali præfato, auctoritate nostra concedatis eidem liberam facultatem. Quòd si non omnes, &c. duo vestrum, &c. Datum Lateran. iij. Kalend. Iunij. Pont. N. Anno xv.

EPISTOLA XCIV.

D. DE OSCA, ET D. DE NAIACO, G. SANCTI ANTONINI, IO. NARBONEN. ET B. BITTERREN. ET ALIIS PAUPERIBVS CATHOLICIS.

Recipit sub sua protectione.



Vm à nobis petitur &c. vsque, perducatur effectum. Ea propter, dilecti in Domino Filij, vestris iustis postulationibus, &c. vsque, assensu. Personas vestras, & specialium amicorum vestrorum in fide Catholica, & pia operatione manentes, ac res eorum sub B. Petri, & nostra protectione suscipimus, & præsentis scripti patrocinio communimus. Nulli ergo omnino hominum &c. vsque, nostræ protectionis infringere, vel ei &c. vsque, contraire. Siquis autem, &c. vsque, incursum. Datum Lateran. iij. Kal. Iunij. Pont. N. Anno. xv.

EPISTOLA XCV.

EPISCOPO ET CAPITULO PETRAGORICEN.

Vt Magistrum I. de Veteri Morolio in Canonicum recipiant.

SI circumspēctiūs cutaretis aduertere, quantum sit obedientiæ bonum, quantumve ipsius contrarium deiestandum, ut pote idolatriæ sceleti comparatum, mandatum nostrum forsitan citiūs studeretis effectui mancipare. Ut exuto veteri homine vos in illius transformaretis imaginem, qui vsque ad mortem factus est obediens Deo Patri; nec vos excusateis exceptionibus friuolis, in eiusdem elusione mandati. Sane cū pro dilecto Filio Magistro I. de Veteri Morolio, qui diu Cancellariæ nostræ seruitio laudabiliter insudauit, & laborauit multotiens pro Ecclesiæ vestræ negotijs promouendis, vobis ditexerimus scripta nostra; ut ob reuerentiam Apostolicæ Sedis, & nostram ipsum in Canonicum reciperetis & Fratrem, sibi stallum in choro, & locum in capitulo assignantes. Vos mandatum nostrum surdis auribus transeuntes, sicut dilecti Filij... Prior Grandimonten. & G. Archidiaconus, & S. Mauricij Canonicus Lemouicen. quos eidem concessimus monitores, per suas nobis litteras intimant, quamquam vos monuerint diligenter id efficere non curastis. Per vestras litteras allegantes, tenuitatem reddituum, & Canonicorum numerum competentem, & de mandato nostro quosdam alios suscepisse, ac prænominatum Magistrum in diocesi vestra reddito alios obtinere. Proponendo quòd ad recipiendum eundem, vos nullatenus cogeremus, si hæc ad nostram noticiam peruenissent; licet monitores præfati de plurium assertione didicerint, quòd in Ecclesia vestra Canonicorum numerus non excederat, quin potiùs alios proposueratis recipere in Canonicos, & in Fratres, & præfatus Magister redditus sufficientes non habeat, & ipsius obsequium Ecclesiæ vestræ possit existere fructuosum. Nolentes igitur exceptionibus friuolis mandatum nostrum eludi. Vniuersitati vestræ per Apost. scrip. mandamus, atque præcipimus, quatinus eundem Magistrum, iuxta mandati nostri tenorem, in Fratrem, & Canonicum Ecclesiæ vestræ liberaliter admittatis. Alioquin, cum sagitta Ionathæ non debeat redire retrorsum, sed dirigi potius in directione Venerabili F. N. Episcopo & dil. fil. Subdiacon. nostro Archidiacon. Xantonen. & Priori Sulbisi. Xantonen. dioc. damus nostris litteris in præceptis, ut vos ad id, nisi aliquod rationabile obiectum fuerit, & ostensum, quare fieri non debeat, vel non possit, per censuram Ecclesiasticam, appellatione remota compellant. Datum Lateran. vij. Kal. Iunij. Pont. N. Anno xv. In eundem ferè modum scriptum est super hoc eisdem.

EPISTOLA XCVI.

LONDON. COLLIS DE MEDIO ET G. FILIO EIVS.

*Profert sententiam eos inter Es^{us} Iord. de Insula, super quibusdam
senioratui communis iuribus.*



VM inter vos, & Nobiles viros Ph. & Iord. de Insula controuer-
sia vetteretur, super eo quòd tu, fili Lande, eis irrequisitis emeras
quasdam partes Castri quòd dicitur Prun. ab alijs eiusdem Castri
confortibus, contra bonam consuetudinem, vt dicebant, in illis
partibus approbatam, in eorum præiudicium, & gravamen. Et
habitatores ipsius Castri, qui priùs eis, & alijs confortibus tenebantur com-
muniter iuramento vobis tantum feceratis iurare: & prohibebatis ne ipsos
sequerentur in guerra, sicut priùs facere consueverant. Domum insuper eorum,
quam in Castro habent eodem, per vestros feceratis destrui seruientes, & in
loco turrim ædificare inceperatis, in cuius ædificatione, processeratis
quasdam partes factam vobis ex parte nostra: vos eandem & illi com-
promissit. Cionon super his state mandatis, sub pena ducentarum librarum
fideiussoribus. De datis. Et post altercationes multiplices, testes produxistis
vtrunque numero quadraginta, quos per dilectum Filium P. titulo sanctæ
Cecilie Presbyterum Card. examinari fecimus diligenter. Quorum attestatio-
nibus publicatis cognouimus absque contadictione probatum, quòd con-
sortes illius Castri liberè, & absolute cuicumque volebant consueuerant ven-
dere partes suas, & quòd habitatores ipsius Castri, eis & alijs confortibus tene-
bantur communiter iuramento. Quidam verò testes ex parte ipsorum pro-
ducti dixerunt, quòd omnes ipsius Castri habitatores tam ipsos, quàm alios
Dominos sequi debebant in guerra: sed per testes longè plures ex parte vestra
productos, determinatum est manifestè, quòd utique tam eos, quàm alios Do-
minos sequi debebant, nisi proprij eorum Domini contradicerent. Dictum est
autem à quibusdam testibus eorundem quòd vos ædificare cœperatis turrim
in loco communi, sed testes multò plures ex parte vestra dixerunt, quòd turrim
ædificate cœperatis in proprio vestro fundo, designantes personas à quibus
quasdam fundi emeratis partes ipsius, & quòd post prohibitionem factam vo-
bis ex parte nostra, ædificate cessaueratis omnino. Per quosdam etiam eorum
est testes probatum, quod quidam seruientes vestri, de domo eorum quasdam
scandulas, & quasdam alia ligna deiecerant, quamuis asseratur per vestros testes,
quòd fuerant deiecta per ventum. His igitur diligenter auditis, sententialiter
diffiniuimus sub præscripta pœna mandantes, quatinus faciatis homines
vestros illis iurare, secundum quod iurare consueuerant confortibus in com-
muni, & illi similiter homines suos vobis, & quod malitiosè non prohibeatis
hominibus vestris quo minus eos contra alios in eorum guerra sequantur,
quòd & ab hominibus eorum similiter fiat vobis, quòdque vestris expensis
domum reparari faciatis eorum, quatenus a vestris seruientibus læsa fuit. Ipsi
autem super emptione ipsius Castri vos de cetero non molestant: vosque ab
impetitione ipsorum super ædificatione turris reddimus absolutos. Vt igitur

hæc nostra diffinitio perpetuam obtineat firmitatem, ipsam auctoritate Apostolica confirmamus. Datum Lateran. iij. Kal. Iunij Pont. N. Anno xv.

EPISTOLA XCVII.

NOBILIBVS VIRIS R. ET A. DE CANOSA.

Ut restituant Priori Cruciferorum Bononia, Monasterium S. Angeli de Saga.



OB LATA nobis dilecti filij... Prioris sanctæ Mariæ Cruciferorum Bononien. conquestio declarauit, quod cum dilectus filius noster B. titulo sanctæ Susannæ presbiter Card. tunc Legationis officio fungens in partibus Romaniz, Monasterium sancti Angeli de Saga cum pertinentijs suis ord. ni suo concesserit perpetuo possidendum, nosque concessionem ipsam duxerimus confirmandam. Carissimus in Christo filius noster... Imperator Constantinopolitanus illustris, post mortem Claræ memoriz... Marchionis Montisferrati dictum Monasterium eidem abstulit pro suz libito voluntatis, illudque vobis assignare curauit: quod vos in ipsius pradiudicium detinentes, & iuxta vestre voluntatis arbitrium disponentes de ipso, consumitis nequiter bona sua. Cum igitur id non debeamus conniuentibus oculis pertransire, per apost. scrip. mand. quatinus dictum Monasterium cum pertinentijs suis, præfato Priori, & ordini suo prout tenemini restituere procuretis. Alioquin venerabilibus Fratribus nostris. Daulien. & Sidonien. Episcopis, & dil. fil. Archidiaconis. Daulien. nostris damus litteris in mandatis, ut vos ad id per censuram Ecclesiasticam, sicut iustum fuerit, sublato cuiuslibet contradic. ois, & appellationis obiectu compellant. Datum Lateran. xj. Kal. Iunij Pont. N. Anno xv.

In eundem ferè modum scriptum est super hoc eisdem. Oblata nobis, &c. usque, co. inueniuntur oculis pertransire. Præfatis nobilibus nostris dedimus litteris in mandatis, ut dictum Monasterium cum pertinentijs suis, præfato Priori, & ordini suo, prout tenentur, restituere non omittant. Quocirca discretioni vest. per apost. scrip. mand. quatinus, si dicti nobiles quod mandauimus super hoc neglexerint adimplere, vos eos ad id per censuram Ecclesiasticam, sicut iustum fuerit, sublato cuiuslibet contradic. & appellationis obstaculo, compellatis. Quod si non omnes, &c. duo vestrum, &c.

In eundem ferè modum scriptum est super hoc Imperatori Constantinopolitan. Illustri. Oblata nobis, &c. usque, restituere non omittant. Quocirca serenitatem tuam rogandam duximus attentius, & monendam, quatinus Monasterium ipsum cum pertinentijs suis eidem Priori, & ordini suo sine difficultate facias resignari.

EPISTOLA XCVIII.

ARCHIEPISCOPO ATHENIEN.

*Ne sine rationabili causa sententiam excommunicationis seras, in
Dominum Insula Nigripontis.*

Sic neruo Ecclesiasticæ disciplinæ coërceri debet insolentia peruersorum, vteo non opprimantur infontes; cū censura Ecclesiastica non debeat esse innocentum oppressio; sed correctio potiùs delinquentum. Inde est quod Fraternitati tuæ auctoritate præsentium inhihemus, ne in Nobilem virum R. Dominum Insula Nigri Pontis, vel terram ipsius sinè manifesta, & rationabili causa, excommunicationis, vel interdicti sententias proferre præsumas. Datum Lateran. x. Kal. Iunij. Pont. nostri Anno xv.

EPISTOLA XCIX.

EIDEM.

Dicto Nobili dat veniam, ut eam ducat, cum qua nupta rem habuerat.

SUPPLICAVIT nobis dilectus Filius nobilis vir. R. Dominus Nigri Pontis, vt cum pietatis intuitu quandam Nobilem, quam ipsius viro viuente cognouit, velit modo ducere in vxorem, dignaremur cum eo super hoc misericorditer dispensare. Quocirca Fraternitati tuæ per apostolica scrip. mand. quatinus præfato Nobili, nisi forsan eidem viuente viro suo fidem dederit, seu mulierem ipsam in nece viri constiterit Machinatam, vt cum ipsa legitimè contrahat, concedas auctoritate nostra liberam facultatem, dummodo aliud Canonicum non obsistat. Datum Lateran. viij. Kal. Iunij Pont. N. Anno xv.

EPISTOLA C.

R. VTICEN. EPISCOPO, ET NARBONEN. ELECTO
APOSTOLICÆ SEDIS LEGATIS.

*Se non posse adhuc, terram Comitum Tholosani, alteri concedere, cū de
heresi, & homicidio conuictus non sit.*

ICET R. Tholosanus Comes in multis contra Dominum, & Ecclesiam culpabiliter sit inuentus, & pro eo quod Legatis nostris inobediens extitit, & rebellis, sit excommunicatus ab ipsis, & exposita terra eius, si fortè vel sic ei vexatio tribueret intellectum, vnde iam ex parte non modica terram amisit. Quia tamen nondum est damnatus de heresi, vel de nece sanctæ memoriæ P. de Castro Nouo, etsi de illis sit valdè suspectus. Quare mandauimus, vt si contra eum infra certum tempus appareret legitimus accusator, indiceretur illi purgatio secundum formam in litteris nostris expressam, diffinitiva nobis sententia reseruata. Nec dum est ex

mandato illo processum, non intelligimus quâ ratione possemus adhuc alij concedere terram eius, quæ sibi, vel heredibus suis abiudicata non est: præsertim ne videremur in dolo Castrâ nobis exhibita, de suis manibus extorsisse, cum non solum à malo, sed ab omni specie mali præcipiat apostolus abstinere. Nam si super duobus articulis quos commisimus, aliqua contra eum, præter formam mandati nostri, sententia lata fuisset, illa proculdubio non valeret. Quocirca discretionis vestræ per apost. scrip. mandamus; quatinus cum nondum sit locus illi petitioni, quam de terra eius alij concedenda fecistis, modis quibus honestè poteritis, studeatis prudenter, & efficaciter laboretis, ut negotium benè inceptum dissolui non possit, sed in suo potius robore conualescat. Nos enim Ven. F. N. Regen. Episcopo & dilecto Filio Magistro The. Canonico Ianuen. nostris damus litteris in mandatis, ut secundum formam sibi datam in negotio isto procedant. Et si per Comitem steterit antedictum, quominus ipsum negotium possit habere processum, ei, & alijs publicè protestentur, quod nos auctore Domino procedemus, prout pacis, & fidei causa requireret, ipsique nobis non differant, meram, & plenam rescribere veritatem. Datum.

In eundem ferè modum scriptum est illis usque in finem sollicitè providentes ne in nostri executione mandati, sitis tepidi, & remissi, sicut hactenus dicimini extitisse.

EPISTOLA CI.

MILITIBVS ET POPVLO CASTRI MELGORII.

Hortatur ad continuam obedientiam, de qua iam hilariter præstita congratulatur.



AVDEMVS plurimum, deuotionem vestram, & fidelitatem in Domino commendantes, quod pari ac vnanimi, prout accepimus voluntate, congratulamini vos, & Comitatum vestrum ad ius, & proprietatem Ecclesiæ Romanæ, ac nostram specialiter pertinere; suppliciter exorantes ne vos iurisdictioni alterius supponamus. Nos igitur vicem gerentes illius, qui cum dilexisset suos in finem dilexit eos. Monemus vniuersitatem vestram, & exhortamur attentius & per apost. vobis scrip. mand. quatinus in fidelitate, ac deuotione sacrosanctæ Roman. Ecclesiæ ac nostra firmiter, ac vniunimiter persistentes, tales in omnibus, & per omnia vos exhibere curetis, quod de die, in diem gratiam & beniuolentiam Sedis Apostolicæ mereamini amplius. Scituri quod nos de pace, ac statu vestro, & terræ vestræ sollicitudinem cupimus gerere diligentem. Datum Lateran. Non. Iunij. Pont. N. Anno. xv.

EPISTOLA CII.

M. ILLVSTRI REGINÆ ARAGON. ET HOMINIBVS MONTIS-PESSVLANI.

Super iure Montis Pessulani disputaturos citat.



GRAVEM dilecti Filij nobilis viri Vv. de Monte Pessulano Fratris tui Filia Regina, recepimus quæstionem, quod possessionem Villæ Montis Pessulani, ac alterius terræ iure ad ipsum hereditatio pertinentis

quam ipse pridem pacificè noscitur habuisse, contra iustitiam detinetis & restituerè denegatis eidem. Cùm igitur terræ ipsius iurisdiclio ad nos spectare noscatur: volentes prædicto Vv. in suo iure adesse, qui sumus omnibus in iustitia debitores: dis. ves. per apost. scrip. mand. quatinus vel dictam possessionem restituatis eidem, vel vsque ad festiuitatem omnium sanctorum proximò venturam per responsales idoneos nostro vos conspectui presentetis, exhibituri, & recepturi iustitiæ complementum. Alioquin ex tunc in ipso negotio, quantum de iure poterimus, auctore Domino procedemus. Datum Later. viij. Idus Iunij Pont. N. Anno xv.

EPISTOLA CIII.

ARCHIEPISCOPO TARANTASIEN. ET EPISCOPO GEBENNEN.
ET ABBATI SANCTI MAVRITII DE CABLASIO
SEDVNEN. DIOECESIS.

*Confirmatur prouiso decreta P. à Monachis Montis Iouis exoculato,
quorum Monasterium interdici, & eorum in locum alios
Monachos substitui, mandat.*

DILECTVS Filius P. de sancto Albino in nostra proposuit præsentia constitutus, quòd domus montis Iouis quæ olim sanctæ Religionis effundebat odorem, facta mutatione dexteræ in sinistram, adeò miserabiliter in spiritualibus, & temporalibus, est collapsa; quòd iam penè penitus corruit, quæ multorum consueuerat releuare ruinam, facta nunc scandali, & dissensionis exemplum, quæ quietis & pacis extiterat documentum. Cùm igitur idem P. quem domus ipsius ruina grauabat, laborare dudum intenderet, vt status reformaretur eiusdem: Fratres existentes ibidem, qui regularis disciplinæ relaxatis habenis, correctionis onera non ferentes, per campum licentiæ vagabantur, suarum sequentes impetum voluntatum, dictum P. ab incepto minis, terroribus, & passionibus illicitis retrahere nitebantur, bonum, Malum, correctionem, vexationem, & iustitiam, iniuriam reputantes: & existentes ingrati cui tenebantur ad grates, ibi simulatis mendicabant indicia, vbi religiosi propositi plenam habere poterant coniecturam. Quem demum blandiciarum fallacis interceptum, promittentes eidem, videlicet quod expurgarent veteris corruptelæ fermentum, & ad frugem melioris vitæ redirent, ad dictam domum, secum pariter reducerunt, & vt parerent de concepto dolore nequitiam, duos perditionis filios ad interfectionem ipsius P. procurarunt induci. Qui licet idem P. mortis periculum metuens confugerit ad altare, credens quod saltem locum illum reuererentur iniqui, vbi hostia salutaris quotidie mactabatur, eum aggressum hostiliter, lethaliter vulnerarunt, semiuiuum, putantes eum mortuum, impij relinquentes. Fratres autem ad tam crudele conuenientes spectaculum, vulneratoribus, nullum retinentes humanitatis vestigium, assistebant, plagas impositas terribilibus oculis intuentes. Cùmque demum à quibusdam secum misericordiam facientibus delatus Augustam, ope conualuerit medicorum, ac demum Vercellas venerit. Memorati Fratres quorum crudelitas mitigari non poterat in eum actius struientes, ore ipsius dor-

mientis obstruere vocem redderet vel clamorem, cum ligatis manibus Ypo-
regiam deduxerunt, extra quam postmodum ipsum sub silentio noctis edu-
ctum, presumptione nimis damnabili, & omni humanitate postposita, fece-
runt oculis exorbari. Quod cum ad venerabil. F. N. Vercellen. Episcopi, &
dilecti Filij... Nouatien. Electi, qui ex delegatione nostra reformationi domus
intendebant eiusdem, notitiam peruenisset, doloribus compatiens: ipsius,
statuerunt ei per supradictam domum in quadraginta libris Papien. monetæ
annis singulis prouidendum, quam prouisionem idem P. sibi auctoritate petijt
Apostolica confirmari. Nos autem ipsius condolentes doloribus, & miseræ
miserantes: Discretionis vestræ per Apost. scrip. præcipiendo mand. quatinus
quod circa ipsum per delegatos eisdem misericorditer est prouisum, faciatis
inuiolabiliter obseruari: & apud Tarantasiens. Ecclesiam in qua ei prouidi man-
damus dictam pecuniæ quantitatem, ipsi sine labore personæ, ac expensarum
incommodo, annuatim absq; diminutione persolui. Ceterum quoniam ad nos
sanguis clamat ipsius, ne tam enormis excessus transiret impunitus, auctores
tanti sceleris, & fautores, excommunicationis vinculo innodamus: mandantes
vt tam ipsos, quam Boninum & alios, excommunicatos publicè nuntieris, &
faciatis ab omnibus arctius euitari. Præterea quia vix aliquis de Fratribus
Monris Iouis à culpa vel negligentia est immunis, quorum quidam principaliter
vulneratoribus astiterunt, quidam verò enormia quæ acciderant neglexe-
runt deferre ad nos, aut ad nostrorum audientiam Legatorum, eorum Eccle-
siam, si est ita, supponaris auctoritate Apostolica interdicto. Præcipientes in-
terdictum in ea tandiu firmiter obseruari, donec Fratres ipsi per excusatores,
vel potius per satisfactores idoneos nostro se conspectui representent. Inquir-
tis etiam nihilominus de statu ipsius Ecclesiæ veritatem, & reformatis tam in
capite, quam in membris, quæ inueneritis reformanda; & quæ statuenda vi-
deritis statuatis. Prepositum & alios quos in ea inueneritis pestilentes, omnino
remouentes ab illa, & alios inducentes in ipsam, vt perdis inde malis, vinea
Domini Sabbaoth bonis locerur agricolis, qui gratum proferant fructum
in tempore opportuno. Mandatum Apostolicum sublato cuiuslibet contradi-
ctionis, & appellationis obstaculo, fideliter, & efficaciter exequentes. Quod
si non omnes &c. duo vestrum, &c. Datum Later. iij. Kal. Iunij. Pont. nostri
Anno xv.

EPISTOLA CIV.

PHIL. ILLUSTR. REGI FRANCORVM.

*Excusat se Regi, quod eius precibus de dissoluendo coniugio annuere
nequeat, & hortatur ut Reginam habeat chariorem.*

DILIGENTER auditis, & perspicaciter intellectis, quæ nobis ex parte
regia dilecti Filij... Abbas de Trappa, & I. Clericus tuus propone-
re curauerunt, & habito cum Fratribus nostris studioso tractatu;
non occurrit nobis aliqua via, per quam in his quæ ipsi pro te postulauerunt
à nobis, tux secundum possemus concurrere voluntati. Sub obtestatione
Diuini iudicii protestantes, quòd libentissimè si possemus cum Deo, ab illo
te cura-

te curaremus vinculo expedire, à quo desideras vehementer absolui. Sed in carnali commercio inter te, ac Reginam coniugem tuam, adeò est processum; quòd si etiam illitantum confessioni vellemus insistere, quam nuper eadem Regina fecisse proponitur coram prædicto Abbate de Trapa, & dilecto filio Magistro Roberto de Corzon nunc titulo sancti Stephani in Celio Monte Presbytero Card. non auderemus super huiusmodi casu, de nostro sensu pro te aliquid diffinire. Propter illam sententiam Euangelicam, quam ipse Christus expressit, vt quod Deus coniunxit, homo non separet: Cùm absque dubio, nec Sanctorum exempla, nec Patrum decreta; intentioni tuæ in hoc articulo suffragentur. Verùm si super hoc absque generali deliberatione Concilij determinare aliquid tentaremus, præter diuinam offensam, & mundanam infamiam, quam ex eo possemus incurrere, forsan ordinis, & officij nobis periculum immineret: cùm contra præmissam veritatis sententiam, nostra non possit auctoritas dispensare. Quamvis & aliarum confessiones, sicut pro certo didicimus, ab eadem Regina sub iureiurando sint factæ, secundum quas coniugium declaratur carnali copula consummatum. Quocirca Serenitatem Regiam rogandam duximus, & monendam: quatinus ab eorum falsis insanijs auertas auditum, qui caput tuum oleo peccatoris impinguant, & volentes tibi placere secundum hominem, Deo te faciunt displicere: cùm aperire tibi non audeant veritatem, ne fortè mouearis grauiter contra eos. Nos autem, qui de te coram Deo reddituri sumus in nouissimo districti examinis die plenissimam rationem, falsis te nolumus circumueniri commentis, ne simul in vnum, & animam tuam perdamus, & nostram; scientes quòd iuxta sententiam veritatis, nihil prodest homini, si mundum vniuersum lucretur, animæ verò suæ detrimentum patiatur. Quare, prudentissimè Rex, ab eo quæsumus proposito conquiescas, quòd perpetuum animæ tuæ periculum generaret, & Dominus iustus iudex in eo te fortè puniret, in quo contra ipsum tali modo peccares; ipsamque Reginam, pro Deo, & propter Dominum habeas propensius commendatam, quæ pro seruanda lege coniugij, quam Deus ante peccatum in Paradiso constituit, longo est martyrio macerata. Nos quoque super hoc negotio grauius non molestes, ne propter instantem persecutionem quam patimur, ad extorquendum istud à nobis insistere videaris. Quia sicut nolumus tibi negare quòd sit meritò concedendum, ita nolumus tibi concedere quòd meritò sit negandum: presertim hoc tempore, Ne propter persecutionis instantiam declinare videamur, à tramite veritatis. Datū Later. v. Idus Iunij Pont. N. Anno xv.

EPISTOLA CV.

FRATRI GVARINO.

Eadem de re, & non posse Regem, de feminibus in carnali copula non cōmixtis iurare. Guarinum verò spe honoris prouocat ad salutē Regis promouendam.



LLIVS testimonium inuocamus, qui scrutator est cordium, & cognitor secretorum, quòd carissimum in Christo Filium nostrum Ph. Regem Francorum Illustrē, tam sincera diligimus charitate, vt nihil ei negare velimus, quòd esset alicui concedendum. Verùm cùm ea petit à

nobis, quæ in salutis suæ dispendium redundare noscuntur, quò sincerius illum diligimus, eò caditius ea negare debemus: ne videamus ipsum non diligere, sed odire. Cùm ergo per quosdam adulatores veritatis, & iustitiæ inimicos, in eum sit errorem inductus, vt credat se licitè posse iurare, quòd Reginam vxorem suam carnaliter non cognouit, pro eo fortè, quòd et si commixtio sexuum in eorum carnali commercio intercesserit, commixtio tamen seminum in vale muliebri non extitit subsecuta. Nos confessiones eiusdem Reginæ sub iureiurando factas, subtiliter attendentes, & salutem ipsius Regis paterno zelantes affectu, per nostras eum litteras exhortamur. Vt suum de cetero ab huiusmodi falsis insanijs auertat auditum & præfatam Reginam pro Deo, & propter Deum habeat commendatam, quæ pro seruata lege coniugij, quam Dominus in paradiso ante peccatum constituit, longo est martyrio macerata. Quam & tibi & recomandatam esse volumus, & mandamus: discretionem tuam mouentes, & obsecrantes in Domino, quatinus in consilium, & consensum iniquitatis, non veniat vltèrius anima tua: Nec permittas, quantum in te fuerit, ipsum Regem falsis circumueniri commentis, ei que contra ipsius salutem, & tuam, secundum hominem placere non queras, ne ipsum Deo facias displicere. Diligenter attendens, quòd iuxta sententiam veritatis nihil prodest homini si mundum vniuersum lucretur, & detrimentum animæ patiat. Eundem Regem quem sincerum, quantum in ipso est, animum habere credimus, & deuotum, placare studeas, & in bono fouere: ita quòd diuinam, & Apostolicam gratiam propter hoc vberius merearis. Pro certo cognoscens, quòd si te iuxta latus ipsius sano & salubri nouerimus consilio innitentem, ad honorem & profectum tuum efficaciter intendemus: cùm te, quasi vitum religiosum, non semper oporteat secularibus negotijs implicari. Datum Later. v. Idus. Iunij Pont. N. Anno xv.

EPISTOLA CVI.

PH. ILLVSTRI REGI FRANCORVM.

Non potuisse confirmari processum Senonensis Archiepiscopi; in causa Episcoporum Aurelian. & Antisiodoren. rescribit, & rogat vt pacem ipsis reddat, interdicto absoluto, & ipsis in Curia Regia se sistentibus.



E prudentia Senonen. Archiepiscopi non possumus non mirari, qui post appellationem ad nos legitime interpositam, & contra nostri formam mandati, perversè processit in causa quam ad petitionem tuam sibi duximus comittendam, super relaxanda sententia interdicti, quod in terram tuam venerabiles Fratres nostri Antisiodoren. & Aurelianen. Episcopi pertulerunt: si tu eis illud offerres, quod esset meritò acceptandum. Et licet ipsi iusserimus, vt si fieri posset postposito vtriusque iudicio, ad amicabilem compositionem intenderet: ipse tamen turbato negotio potiùs quàm sedatò, nec compositionem facere studuit, nec iudicium exercere. Vnde nisi tuæ voluissimus Serenitati deferre, taliter eum corripere curassemus, quòd eius

profecto non remansisset impunitus excessus. Quod igitur est ab eo inordinatè presumpsum, non potuimus confirmare, cum ipso iure sit irritum & inane. Sed sicut celsitudinem tuam sepe rogauimus, ita nunc quoque rogamus, pro magno dono petentes: quatinus pacem Ecclesie in tuo regno conserues, hoc maxime tempore, quo ipsa in alijs multis regnis nimium perturbatur. Ita quòd dictis Episcopis restitutis, & interdicti sententia relaxata, nisi hoc nobis velis ex toto donare, in Curia tua de ipso negotio secundum approbatam consuetudinem cognoscatur. Cumque alijs oporteat te intendere, quæ ad tuum magis respiciunt commodum, & honorem; expedias te ab istis, quæ modicum tibi afferunt utilitatis, & laudis, nec iniuriosum reputes, sed potius gloriosum, prudenter corrigere siquid improuidè statuisti: quia non uiuit homo sub cælo, qui aliquando non excedat. Datum Lateran. v. Idus Iunij Pont. N. Anno xv.

EPISTOLA CVII.

ANTISIODOREN. ET AVRELIANEN. EPISCOPIS.

In eodem negotio eos hortatur bona fide ad compositionem cum Rege, quem mansuetudine deuincire debent.

LICET processum Archiepiscopi Senonen. propter ordinem non seruatum duxerimus irritandum, Fraternitati tamen vestræ consulimus bona fide, quatinus cum carissimo in Christo Filio Nostro Ph. Rege Francorum Illustri, quantò melius poteritis componere studeatis, quoniam arcus qui semper est tensus, vires amittit, nisi aliquotiens extendatur. Et nonnumquam Reges, & Principes melius videntur mansuetudine, quam rigore. Nos enim mediatoris fungentes officio, sicut illum, sic & vos monitis, & exhortationibus ad amicabilem debemus concordiam inuitare, quam utrique parti credimus expedire. Datum Later. v. Idus Iunij Pont. N. Anno xv.

EPISTOLA CVIII.

BAIOGEN. ET CONSTANTIEN. EPISCOPIS ET ABBATI DE PERSENIA.

Vt Præsulem & Priorem Sagiensem causa cognita remoueant.

CONTRA Præsulem, & Priorem Ecclesie Sagiens. tot & tanta sunt auribus nostris enormia inculcata; ut ulterius non possimus dissimulare clamores, qui ad nos de suis peruersis actibus perueniunt: cum non solum inuiles, verum etiam perniciosi esse dicantur. Ne igitur sanguis eorum de nostris manibus requiratur, sic eos in suis duxerimus peruersitatibus tolerandos. Discretionem vestræ per apost. scrip. precipiendo mandamus, quatinus inquisita plenius, & cognita veritate, si tales eos esse noueritis, à suis eos remoueat officijs, & eis viros faciatis idoneos subrogari. Quòd si non omnes, &c. duo vestrum sublato cuiuslibet contradictionis, & appellationis obstaculo exequantur. Datum Lateran. v. Idus Iunij Pont. N. Anno xv.

EPISTOLA CIV.

B. ABBATI MONASTERII SANCTI PETRI PSALMODIEN.
EIVSQUE FRATRIBVS, TAM PRESENTIBVS, QVAM FUTVRIS
REGVLAREM VITAM PROFESSIS IN PERPETVVM.

Recipis cum bonis sub protectione Sancte Sedis.



VONIAM ex commissio nobis diuinitus Apostolatus officio, tam vicinis existimus, quamlongè positis debitoros. Viris quidem religiosius tantò specialius adesse nos conuenit, quantò ipsi maiori desiderant quiere potiri, & Apostolicæ Sedis presidio noscuntur plenius indigere. Ea propter, dil. in Domino fil. vestris iustis postulationibus clementer annuimus, & præfatum Monasterium sancti Petri Psalmodien in quo Diuino mancipati estis obsequio, ad exemplar felicitis recordationis Srephani, Ioannis, Vrban, Paschalis, Honorij, & Innocentij, predecessorum nostrorum Romanorum Pontificum, sub B. Perri, & nostra protectione suscipimus, & presentis scripti priuilegio communimus. In primis siquidem statuantes, vt Ordo Monasticus, qui secundum Deum, & B. Benedicti regulam &c. vsque, inuiolabiliter obseruetur. Præterea quascumque possessiones, &c. vsque, illibata permaneant, in quibus hæc, &c. vsque, vocabulis. Locum ipsum, &c. vsque, pertinentijs suis. In pago Nemausensi, in villa Cornelianica, Ecclesia sancti Iuliani, cum cellis suis, idest, sancti Saluatoris, & sancti Laurentij, sancti Felicis, sancti Clementis, sancti Vincentij de silua, cum ipsa silua, & Plaja maris, sicut eidem Cœnobio à regibus liberè concessum est. In villa Atascianica, Ecclesia sanctæ Mariæ. In Castro Salignano, Ecclesia sancti Iuliani, cum Capella de Monte rotundo. In Asperas, Ecclesia sancti Petri. In Andulenco, Ecclesia sancti Andreæ. In Aqua viua, Ecclesia Petri. In Margines, Ecclesia sancti Siricij. In Masas pelles, Ecclesia sancti Romani, cum suis appenditijs. In Telliano, Ecclesia sancti Siluestri. In Ripa Stagni, Ecclesia sancti Sebastiani. In Touena, Ecclesia sancti Thomæ. In Candiaco, Ecclesia sancti Petri. In Vitrico, Ecclesia sanctæ Mariæ. Item Ecclesia sancti Boniti, cum suis appenditijs. In Verunas, Ecclesia sancti Saluatoris. In Venranico, Ecclesia sancti Michaelis. In Valle, Ecclesia, sanctæ Mariæ. In Portu villa, Ecclesia sancti Petri. Item in alia Portu, Ecclesia sanctæ Mariæ. In villa Nouera, Ecclesia sancti Sisinnij. In villa Angulari, Ecclesia sancti Martini. In Codoniano, Ecclesia sancti Andreæ. In Noceto, Ecclesia sancti Ioannis. Inter vineas, Ecclesia sancti Andreæ. In Castro Albasio, Ecclesia sancti Petri, & Ecclesia sancti Nazarij de Marezanegues. In Castro Saluinianico, Ecclesia sancti Andreæ. In Pago Atelarensi, Prioratus sancti Romani cum cellis suis, idest, Ecclesia sancti Laurentij, & sancti Vincentij, & sancti Michael de Valle Iunceria, & sancti Srephani de Heremo, & Ecclesia sancti Xisti de Rocca. Et in Auinionen. Pago, Ecclesia sanctæ Mariæ de Urbana. Et in villa Termino, Ecclesia sancti Petri, cum appenditijs suis. Et iuxta Tarasconem, Ecclesia sancti Vincentij, & Ecclesia sancti Matcelli, & Ecclesia sancti Petri de Limalisa, & Ecclesia sanctæ Mariæ inter aquas, & sancti Romani de Bello monte, &

Sancti Leodegarii, quæ sunt in Aquensi pago, & Ecclesia sancti Salvatoris de Fossa, cum suis appenditijs, sita in pago Sisterico. In Sinanicis Ecclesia Sancti Petri. Pago Aninonensi, Ecclesia sancti Saturnini, apud Castrum Vellanis. In pago Aquen. valle amata. Cellula sancti Salvatoris, cum suis appenditijs & Ecclesia sancti Michaelis de Castro Cucurone, & Ecclesia de Vergerio. In Castro Ansis Ecclesia sancti Stephani, item Ecclesia sancti Lamberti, & Ecclesia sancti Petri de Pomairols. In pago Attenfi Ecclesia sancti Pauli, & Ecclesia sancti Andreæ de Reclus, & Ecclesia sancti Michaelis extra ciuitatem Atrensem. Apud Oppedam Ecclesia sancti Andreæ. In pago Sistenico Ecclesia sanctæ Mariæ de Haulis, cum suis Capellis, & appenditijs, id est, sanctæ Mariæ Magdalenæ, de Castro, & sancti Cannati, & sancti Saturnini. In Castro Delsino, Ecclesia sancti Iacobi cum ipsa Parrochia, & Ecclesia sanctæ Mariæ de Camarlais. In pago Sustentionensi, in villa Mutatione, Ecclesia sancti Afciseli. In Candelanicis, Ecclesia sancti Damiani, & sanctæ Mariæ. In Mizanichas, Ecclesia sanctæ Colûbæ, In Varrenicas, Ecclesia sanctæ Agarhæ. In Cereelles, Ecclesia sanctæ Mariæ, & sancti Matthæi. In Sofolcinas, Ecclesia sancti Stephani, Item Ecclesia sancti Erigij, cum suis perrinenrijs. In villa Cotni, Ecclesia sancti Ioannis. In Castro Lupiano, Ecclesia sanctæ Cecilie, cum suis Capellis, id est, sanctæ Mariæ, & sanctæ Margueritæ. In Marignano Bitterrensi pago, Ecclesia sancti Christophori, cum omnibus ad eam pertinentibus. Er in Peirorio Ecclesia sancti Ioannis de Cassiano, & Ecclesia sanctæ Eulalie, cum earum decimis, primitijs, & possessionibus. In pago Narbonensi Castro Anitiano, Ecclesia sancti Saturnini, & Ecclesia sanctæ Mariæ de Fulquiano. In pago Euletico, in val'e cumbatis, Ecclesia sancti Britij, Item Ecclesia sancti Petri de Taraus, cum omnibus ad eam pertinentibus. In territorio Gapinco, villa de Balma, Ecclesia sancti Marcelli. Porro prædictum Monasterium Psalmodiense, nullius alterius Ecclesiæ iuri ditionisque subiacet, quàm Romanæ. Obeunte verò te nunc eiusdem loci Abbate, &c. vsque, prouiderint eligendum. Cui nimirum à Diœcesano Episcopo omni professione, ac exactione seposita, benedictio impendatur. Sepulturam quoque ipsius loci, &c. vsque, à quibus mortuorum corpora assumuntur. Decernimus ergo, &c. vsque, vsibus omnimodis profutura. Salua Sedis Apostolicæ auctoritate. Siqua igitur in futurum, &c. vsque, districtæ subiaceat ultioni. Cunctis autem eidem loco, &c. vsque, premia æternæ pacis inueniant. Amen. Datum Lateran. per manum Ioannis sanctæ Mariæ in Cosmidin Diaconi Card. sanctæ Roman. Ecclesiæ Cancellarij. viij. Idus Iunij. Indictione decima quinta. Incarnationis Dominicæ Anno millesimo ducentesimo duodecimo. Pontificatus verò Domini Innocentij Papæ III. Anno quintodecimo.

EPISTOLA CX.

EPISCOPO ET ABBATI SANCTI IOANNIS, ET ARCHIDIAC. PARMEN.

*Delegatur inquisitio super Electione Mediolanensis Archiepiscopi; qui
& quo modo ius habeant in electione.*

ECCELESIA Mediolanen. vacante, vota providere volentium eidem Ecclesie in Pastore diuisa sunt in tres partes: quibusdam Ven. F. N. Vercellen. Episcopum postulantibus, alijs autem dilectum Filium... Mediolanen. Archidiacon. & nonnullis Mediolanen. Archipresbyterum eligentibus in pastorem. Pro quibus procuratores partium ad Sedem Apostolicam destinati, non solum diuersa, sed aduersa tam de consuetudine, quam de pluribus alijs proponere curauerunt, sicut ea omnia vobis sub bulla nostra mittimus annotata. De quibus, cum non possent facere nobis fidem, inquisitionem eorum nos opportuit delegare. Quocirca dis. ves. per Apost. scrip. mand. quatinus, vocatis qui fuerint euocandi, & inquisita super omnibus diligentissimè veritate, specialiter autem vtrum de antiqua, & approbata consuetudine omnes & singuli tam Abbates, quam Præpositi, ac etiam Capellani, parem cum ordinarijs in electione Mediolanen. Archiepiscopi vocem habeant. Et si nec omnes, nec parem, qui & quantam, vtrum videlicet non in singulis ordinum, sed in ordinibus singulorum, sit paritas attendenda, vel potius ius eligendi, penes ordinarios tantum resideat, & ceteri propter honestatem solummodo vocari consueuerunt ad cautelam. Vtrumque omnes vocati fuerint, an aliqui pretermissi: quod etiam potestatis, aut iuris Episcopi suffraganei habeant in negotio memorato; & quæ inueneritis per vestras nobis litteras fideliter intimetis, ut per relationem vestram instructi, commodius in ipso negotio procedamus, presigentes paribus terminum competentem, quo recepturæ sententiam nostro se conspectui representent. Quod si non omnes, &c. tu Frater Episcopo cum eorum altero, &c. Datum Lateran. vij. Iunii Pont. N. Anno xv.

EPISTOLA CXI.

ARCHIEPISCOPIIS ET EPISCOPIIS PER REGNUM FRANCIE CONSTITVTIS.

*Vt possint absolvere Concubinariorum transgressores statuti
lati à Legato à latere.*

RIGOREM mansuetudine temperantes, præsentium vobis auctoritate concedimus: ut transgressores statuti, quod dis. fil. G. titulo sancti Martini Presbyter Card. tunc Apostolicæ Sedis Legatus in Concubinariorum promulgauit, & à vinculo excommunicationis secundum formam Ecclesiæ absolvere valeatis, & cum eis misericorditer dispensare, si vrgens necessitas, aut euidentis utilitas postulauerint, qui hactenus præsumperunt, aut à modo præsumperint excommunicati celebrare diuina iniungendo eis penitentiam competentem, Attentissimè prouisuri, quatinus

in hoc articulo sic spectatis, ut non rumpatis neruum Ecclesiasticæ disciplinæ, ne facilitas veniæ peccandi tribuat incentiuum. Volumus igitur, & præcipimus ad cautelam, ut dispensationem eorum Sedi Apostolicæ referuetis, qui publicè delinquentes, non verentur in populoscandalum generare. Ne verò peccantes sua non audeant propter pecuniariam poenam confiteri peccata: Fraternitatem vestram monemus, & obsecramus in Domino, per Apost. vobis scrip. mandantes; quatinus gratiam indulgentiæ in questum auaritiæ nullatenus conuertatis: fines huius mandati fideliter obseruantes, quoniam si aliter ageretur, non solum diuinam, verum etiam Apostolicam incurreret offensam. Datum Lateran. vij. Idus Iunij. Pont. N. Anno xv.

EPISTOLA CXII.

NOBILI VIRO IACOBO CONSOBRINO, ET MARESCALLO NOSTRO.

Propter eius præclara in Sedem Apostolicam facinora, & victos Ecclesiæ hostes, concedit in feudum quoddam Castrum.



VM eius vices geramus in terris, qui vnicuique secundum sua merita legitur redditurus, his qui Apostolicæ sedis obsequio, & pro ea etiam periculis se exponunt, magnificè debemus, & volumus respondere, quatinus, sic labores eorum remuneremus in ipsis, ut alios ad nostrum seruitium inducamus. Olim siquidem cum Marcualdus Dei & Ecclesiæ inimicus, in deuotos Apostolicæ Sedis, & charissimi in Christo Filij Nostri F. Siciliæ Regis Illustris, fideles quasi defeciret impunè, ac Siciliam ex multa parte ferro flammæque vastaret, regnum sibi usurpare disposens. Ut eidem Regi quem inclitæ recordationis C. Imperatrix tutelæ nostræ commisit, & regno, cuius balium nobis testamento reliquit, necessarium & expectatum diuitiis subsidium præstaremus, militibus quos pecunia nostra conduximus, te duximus præferendum, & in Siciliam curauimus destituere. Tu ergo de mandato nostro Regnum ingressus, post multas anxietates, sollicitudines, & labores, de Frederico in Calabria, & Marcualdo in Sicilia faciente Domino mirabiliter triumphasti, memoriale comparans nomen tibi, & famam Apostolicæ Sedis extollens, quam prædictus iniquus nitebatur in illis partibus abolere. Cumque per viarum discrimina sub inclementia temporis, & æris intemperie, victor ad nostram præsentiam rediisses: eam gratiam in Fratrum nostrorum oculis inuenisti, ut diligentius attendentes quantum pro te Apostolicæ sedi accessisset honoris, laboribus tuis magnificè respondendum assererent, & non solum consulere, sed cum instantia plurima postularent, ut tibi curaremus magnificè respondere. Nos ergo tuis respondere laboribus, & vilitatibus providere volentes: Castrum Nimphæ, quod quondam inclitæ recordationis Centio Fraiapan. & O. & C. eius Nepotibus bonæ memoriæ Eugenius Papa predecessor noster, pro octingentis libris denariorum Lucen. obligarat, & nos ab eorum hæredibus iam pridem recollegimus, pecunia consignata, & apud Nobilem virum Bononem Boni Filij de mandato Senatus iudiciaria auctoritate deposita, pro qua fuerat obligatum,

cum omnibus pertinentijs, & vtilitatibus suis tibi pro summa mille librarum Prouenientium de Senatu, de Fratrum nostrorum consilio obligauimus. Tamen tam à te, quàm tuis heredibus detinendum, donec prædicta pecunia tibi, vel eis esset integrè persoluta; ex tunc ad Roman. Ecclesiam liberè reuersurum. Ne autem si fructus quos ex eodem Castro perciperes, computare cogereris in sortem, plus ad incommodum, quàm commodum tuum hæc obligatio redundaret, vel si aliud faceres, pro temporali lucro animæ dispendium patereris, cum sis obsequijs nostris in Marescalciæ officio deputatus. Prædictum Castellum in feudum tibi tanquam Marescalco nostro de solita sedis Apostolicæ liberalitate concessimus: ita tamen quòd hæc nostra concessio, nec nobis, nec successoribus nostris præiudicium generaret, quominus illud recolligere valeremus, feudo tamen tua vita durante. Cum igitur tibi persoluerimus pecuniam pretaxatam, & tu nobis legitimam refutationem feceris super ea; ne super feudo ipso propter hoc valeas molestari: illud tibi iuxta prædictæ concessionis tenorem, auctoritate Apostolica confirmamus, & præsentis scripti patrocinio communimus. Nulli ergo omnino hominum liceat hanc paginam nostræ concessionis, & confirmationis infringere, vel ei ausu temerario contraire. Siquis autem &c. vsque, incursum. Datum Lateran. vj. Idus Iunij. Pont. N. Anno. xv.

EPISTOLA CXIII.

EPISCOPO MYRANO.

Varijs narratis Episcopi Melfensis criminibus, eius suspensionem delegat.

CIRCA radices infructuosæ arboris stercora submisimus fodientes, & per tempora plurima sustinuimus, si forsàn fructum produceret exoptatum. Verùm quia non potest arbor mala bonos fructus facere, iuxta sententiam veritatis, arbor eadem sic fota stercorebus, & tamdiu expectata, non solum fructum bonum non pertulit, sed prorupit in spinas, quæ latis acriter pupugere eultorem. Hæc autem pro Episcopo Melfien. proponimus, de quo nobis sunt sæpius nefanda, & scelestæ suggesta. Et cum in ipsum, propter suorum exigentiam meritorum, manum nostram debuerimus meritò aggravare, tanta erga eum patientia vsi sumus, quòd porrectum nobis suorum seclerum codicillum, sibi duximus transcribendum, vt illud quasi suo admoventes aspectui, eum suis oculis monstraremus: ipseque videns in eo, quibus, & quantis sua foret facies obnubilata palloribus, de cuius hoc putredinis corruptela procederet, in latibulo conscientie scrutaretur. Acceperamus autem, & accepta rescripseramus eidem, qualiter habitus fuerat de bonæ memoriæ. Iac. Prædecessoris sui morte suspectus; quid & qualiter post obitum successoris eiusdem Iac. firmaverit iuramento, qualiter contra id venerat quod iurarat, & quomodo tandem in sua fuerat electione processum. Qualiter etiam vitula, in qua tunc arabat, & arat, adhuc ipsam publicè retinendo, sicut manifestum est suis ciuibz vniuersis, fuerit die sue consecrationis enixa; & quomodo qui post eum venerat, & descenderat ex eodem, ante ipsum fuerat factus presbyter, & ante patrem accesserat filius ad altare. Cum autem nobis annunciata, re-

nuntiataque sibi, eum corrigere debuissent, in tantum ipse nostros post sua proiecit terga sermones; quod postmodum, sicut fuit nostris auribus intimatum, deposita penè penitus modestia pastorali, virtutibus hostis, & vitijs amicus effectus; licet in Ecclesia sua plures personæ honorabiles haberentur, tam ætate, scientia, quàm moribus idoneæ; ad officium Cantoriz, dictum fecit Filium in Ecclesia Melfien. Cantorem: quo secum pariter in Choro sedente, mutua visione penditur, quàm camaliter alter ab altero diligitur. Præsertim cum idem Cantor nullam dicatur gravitatem morum, & disciplinæ modestiam in commissa sibi dignitate seruare, sed discurret potius leuitate propria, tamquam simplex clericus in contemptum Ecclesiæ, ac plurimorum scandalum iugiter per plateas. Insuper etiam Episcopus supradictus Nepotibus suis in cunabulis vagientibus, in grauamē eorum qui Ecclesiæ famulantur, maiores præbendas tribuit, & beneficia meliora. Et licet super his, à Capitulo suo conuentus, coram Iudicibus, & alijs probis viris pluribus ciuitatis, mensa, & rationibus alijs, quibus per eundem spoliati fuerant restituti, se promiserit præmissa emendaturum omnia sub fidei sponcione. Ipse tamen faciens ad peiora processum, mensam Canonicis subtraxit eandem, & tam ipsos, quàm Clericos Præbendis, & beneficijs spoliatis, iuris ordine prætermisso Præbendas Ecclesiæ diuidit contra Concilium Turonen. eas quibus vult conferens, sic diuisas, ipsis Canonicis Inconsultis, & subripiens eis Iudicia mortuorum; pœna pecunaria Clericos suos multat, contra sanctorum Pactum Canonicas sanctiones. Matrimonia insuper, tam licita, quàm illicita, passim prohibet, nisi pro quibus pecunia intercedit. Adulterorum quoque publica peccata dissimulat, quia non solum in talibus, verum etiam & in alijs promisso munere, vel oblato redimentes se in errore dimittit. Vtique adeo deditus Simoniacæ prauitati, quod penes eum sine ipsa nec in Ecclesijs immolatur, nec aliquod spirituale confertur. Appellationes etiam quantumcūque rationabiliter ad Sedem Apostolicam interpositas, vilipendit. Licet autem super tantis excessibus eum duxerimus hæcenus in patientia supportandum, nec exeruerimus ultorem gladium in eundem, expectantes, vt si forsitan pœniteret, sibi clementia nostra ignosceret ne periret. Ipse tamen patientia nostræ benignitatis abusus, vt nos acrius prouocaret, de reddenda ciuitate Melfiæ, quam in fidelitate Regia per innouata iuramenta primitus solidarat ab Ottone maledicto, & excommunicato, pulsari precibus non sustinuit, sed præuenit eundem. Et mouens in ipsa ciuitate discordiam, & prouocans bello ciues, eis de præstanda fidelitate ipsi O. ab eodem commonitis, & cur hoc faceret sciscitantibus, sic respondit: quodd. malebat honoris proprii, quàm rerum suarum incurtere detrimentum, & reddi sibi faciens ciuitatem, ad exhibendam ei fidelitatem, & hominum spontaneus, & sine inductione alicuius accessit, ad idem suos conciuces, quos reuocare debebat, inducens. Et nec excommunicationis sententiam, nec perituri notam metuens, quam ex hoc incurtere se sciebat, ei familiarius præceteris Apuliæ Prælati adhæsit, sibi manifestè in nostram inluriam, & Regium dispendium obsequendo. Nolentes igitur, vt dictus Episcopus, ex eo quidd. male se asseruit honoris proprii, quàm rerum suarum detrimentum incurso, mentiatur. Fraternitati tuæ per Apost. scrip. mand. & districtè præcipimus; quatinus eundem

omni appellatione cessante, ab officio Pontificali suspendas, ex parte nostra firmiter iniungens eadem, ut infra tres menses nostro se conspectui representet. Alioquin ipsum ex tunc vinculo excommunicationis innodans, mandes Capitulo Melfien. ut sibi provideant personam idoneam, per electionem Canonicam in pastorem. Datum Lateran. Non. Junij Pont. N. Anno xv.

In eundem ferè modum scriptum est super hoc Capitulo Melfien. usque, per electionem Canonicam in pastorem. Ideoque dis. ves. per apost. scrip. mand. & districtè præcipimus, quatinus mandatum Apostolicum per eundem Muran. Episcopum suscipiatis humiliter, & fideliter obserueris.

EPISTOLA CXIV.

LVGDVNEN. ARCHIEPISCOPO.

Non præiudicat Canonico Viennensi, ad beneficium obtinendum, inuitus eius Monachatus, à quo se ante annum decimū quintum abdicauerat.



TESTATIONES quas nobis super Monachatu dilecti Filij P. de Boton Vienneni. Canonici transmisisti, legi fecimus coram nobis, & vniuersa notauimus diligenter, & licet quidam de Monachis deponerent contra ipsum, quod eum ut Monachum in Monasterio de Insula, in triplici statu viderint, in scholis videlicet, forma, & choro, & quod annus sextumdecimus cum ab eodem recessit Monasterio compleuisset; plures tamen pro eo, quàm contra testibus faciebant. Probabatur etenim, quod profiteri noluerit, & à Monasterio aufugerit memorato, se nolle respondens in Monachum secundum consuetudinem Monasterij benedici, & facere professionem ibidem: ex parte requisitus Abbatis, quia ibi & positus fuerat, & morabatur inuitus, & quod Abbas etiam hoc audio, illum inuitum Monachum se dixerit non facturum. Adhæc mater eiusdem P. &... Frater... Soror, & alij consanguinei qui de ipsius ætate notitiam habere poterant pleniorē, quod in Monasterio inuitus positus fuerit, se scire firmiter asserentes, ipsum in mense Augusto proximò affuturo tricesimum tertium, vel ad plus tricesimum quartum annum suæ completurum fatebantur ætatis. Addentes iam annum viceimum effluxisse, quod à Monasterio idem P. habitu abiecto recesserat, ad illud vterius non reuersus. Ex quorum depositione patebat, eundem P. nondum annum quartumdecimus, cum recessit vltimò à memorato Monasterio, compleuisse. Nos insuper ad cautelam, super inuestiganda plenius veritate, ipsum conscientie propriæ committentes, ex eius responsione tenuimus, quod inuitus in Monasterio positus, nec in medio consenserat, nec in fine. Cum igitur cautum reperiatur in Canone, ut minoris ætatis filijs qui oblato Monasterio fuerint, suscipientes habitum, vel tonsuram, si à Prælati suis anno quintodecimo requisiti, se in assumptæ religionis proposito consenserint permansturos, poenitendi licentia precludatur: Alioquin eis non adimatur ad sæculum redeundi facultas, ne coacta præstare Deo seruitia videantur. Fraternalitati tuæ per apost. scrip. mand. quatinus sepedictum P. occasione Monachatus illius, à nemine molestari permittas, quem ob hoc nolumus

temerè impediri, quominus Ecclesiasticum valeat beneficium obtinere, si quis aliàs illud sibi duxerit Canonice conferendum. Datum Lateran. Idus Iunii Pont. N. Anno xv.

EPISTOLA CXV.

G. ABBATI MONASTERII SANCTI ANGELI DE PLANO
FIRMAN. DIOEC.

Confirmat sententiam Anconitani Episcopi, de intruso in Monasterium remouendo, & restituit hunc G. sua Abbatia, è qua Firmanus Episcopus deiecerat.



VM dilectus Filius B. Venerabilis Fratris Nostri. . . Firman. Episcopi procurator tecum ad Sedem Apostolicam accessisset & Dil. Fil. G. Subdiacon. Et Capellanum nostrum, vobis concessissemus pariter auditorem. Coram eo proponere procurasti: quòd cum idem Episcopus te amouerit absque causa rationabili, à regimine Abbatia, post appellationem ad nos legitime interpositam, te carceri mancipato T. Monachum eiusdem Ecclesie ibidem intrusit per simoniacam prauitatem. Verùm cum venerabilibus Fratribus nostris . . . Esculan. primò, & demum . . . Anconitan. Episcopis, causam ipsam terminandam commiserimus singillatim. Et idem Anconitanus cognitis causæ meritis, te auctoritate nostra sententialiter ad dictam restituendum decreuerit Abbatiam, dando H. Farsen. Monacho in mandatis, vt ad locum accedens personaliter, executioni mandaret sententiam promulgatam. Idem Monachus id non potuit adimplere, pro eo quòd Præfatus. T. manu sibi restitit violenta, quare dicti Episcopi Anconitan. sententiam petebas à nobis supplicationibus attentis confirmari. Ex parte verò altera responsum ad hæc extitit ex aduerso, quòd cum ab eadem sententia per ipsius Firman. procuratorem ad nostram fuerit audientiam prouocatum, & nos pro eo quòd nobis de ipsa non poterat fieri plena fides, Abbati Clareuallen. de Flastra, nostris dederimus litteris in præceptis: vt inquisita super hoc plenius veritate, quod inueniret nobis per suas litteras fideliter intimaret. Idem Abbas testibus super appellatione receptis, ipsorum depositiones nobis postmodum destinauit. Ex quibus probari videbatur aperte, quòd Philippus, qui probabatur procurator fuisse per publicum instrumentum Theobaldi præmissi, qui etiam inueniebatur per iamdictum Firman. Episcopum in ipsum Monasterium institutus, appellauerat à sententia memorata: quamvis tu tam contra ipsum Philippum, quam etiam contra productos testes obiecisses quàm plura, & dicta nitereris ipsorum testium multipliciter impugnare. Verumtamen an dictus Philippus fuerit Firmani Episcopi procurator, & ob quam causam ad nos extiterit appellatum, nec ex depositionibus illis, nec aliquo etiam modo alio monstrabatur. Subiungens ipsius Firman. Episcopi procurator in eiusdem præsentia Capellani, sententiam fuisse iniquam, præsertim cum coram antedicto Anconitan. Episcopo ex parte Firman Episcopi euidenter extitisset probatum, te tam appellationi obiectæ, quàm etiam

renuntiassè regimini Abbatiz, ac iurasse te suis omnino inslionibus pariturum, sicut ex depositionibus ab eodem Anconitan. Episcopo constare videbatur testium receptorum: propter quod supplicabat nobis humiliter, præfatam sententiam infirmari. Ad hoc verò replicando ex opposito respondisti: quod à iamdicto Episcopo extitisti carceri mancipatus, & ab ipsius seruiuentibus detentus tandiu, donec tam appellationi, quam ipsi etiam Abbatiz renuntiasti compulsus; & idem Episcopus Theobaldum premissum intrusit ibidem vitio simoniz, sicut hæc clarebant ex depositionibus ipsorum testium euidenter. Propter quod postulabas instanter intrusum iamdictum à memorata Ecclesia penitus amoueri, & executioni mandari sententiam nominatam. Presertim cum non inueniretur probatum, procuratorem Firman. Episcopi ab ipsa sententia prouocasse, quod sicut superius est expressum idem Episcopus coram Abbate Clareuallen. predicto probare debebat, & is qui appellauerat, videlicet Theobaldus, nunquam fuisset appellationem interpositam persecutus. Intellectis igitur his, & alijs, Capellanus premissus, quæ à partibus proposita fuerant coram eo, & nobis fideliter recitatis, de mandato nostro sepefacti Episcopi Anconitan. sententiam confirmauit. Decernens omnes illos auctoritate Apostolica compescendos, qui huiusmodi sententiz contradictores inuenti fuerint, vel rebelles, Theobaldo præfato prorsus amoto à Monasterio memorato. Volentes igitur quod per Capellanium prædictum auctoritate nostra diffinitum est in hac parte robur obtinerere debitz firmitatis, sententiam, ipsam auctoritate Apostolica confirmamus, & presentis scripti patrocinio communimus. Nulli ergo omnino hominum liceat hinc paginam nostræ confirmationis infringere, vel ei, &c. vsque, contraire. Siquis autem, &c. vsque incursum. Datum Lateran. v. Idus Iunij Pont. N. Anno xv.

In eundem ferè modum scriptum est super hoc. . Abbati Farsen. vsque robur obtinere debitz firmitatis, sententiam ipsam auctoritate duximus Apostolica confirmandam Discretionituz per Apost. scrip. mand. quatinus eandem facias per censuram Ecclesiasticam appellatione postposita firmiter obseruari. Contradictores, si qui fuerint, vel rebelles, censura simili sublato apellationis obstaculo compescendo.

EPISTOLA CXVI.

LINGONENSI EPISCOPO.

De Iudao Presbyteri percussore, Pseudo Episcopo consecrante, & excucullato ad ordines promecto consultus, respondet.

POSTULASTI per sedem Apostolicam edoceri, qualiter contra Iudeum procedere debeas, qui manus iniecit in quendam Presbyterum violentas. Ad quod fraternitati tuæ breuiter respondemus. Quod si dictus Iudeus, tuæ iurisdictionis existit, ipsum pœna pecuniaria punias, vel alia secundum quod conuenit temporali, faciens percusso satisfactionem congruam exhiberi. Alioquin Dominum eius moneas, & inducas, vt passo iniuriam, & Ecclesiz ab eo satisfieri faciat competenter. Quod si
Dominus

Dominus eius, id neglexerit adimplere, tu Christianis per censuram Ecclesiasticam interdicas, ne cum ipso Iudeo, antequam satisfaciat, presumant commercia exercere. Consequenter quesisti, quid debeas de quodam captiuo, qui se falso Episcopum asserens altaria consecrauit, & alia plura exercuit, quæ ad officium pertinent Præsulatus. Ad quod tibi taliter respondemus, vt illa quæ taliter egit irrita nunties, & ipsum perpetuo carceri facias mancipari, pane doloris, & aqua angustię sustentandum. Tertio quesisti, vtrum illi qui in annis minoribus constituti nouitiorum habitum susceperunt, & infra annum postmodum facta professione, ad sæculum sunt reuersi, & ab Episcopis suis hoc scientibus ad sacros ordines sunt promoti, sustineri debeant in illis Ecclesijs ministrare, in quibus fuerint ab eisdem Episcopis instituti. Nos ergo fraternitatis breuiter respondemus; quod propter hoc non sunt ab ipsis Ecclesijs amouendi, sed in eis possunt liberè ministrare; nisi fortè prudentia suppleuerit in illis ætatem, vt saltem transire debeant ad regulam laxiorem; cum ipsi absque protestatione religionis habitum assumendo, vitam presumantur proposuisse mutare. Datum Later. vij. Idus Iunij Pont. N. Anno xv.

EPISTOLA CXVII.

DECAN. ET MAGISTRO HENRICO CANONICO TRECEN.
ET THESAURARIO VILLÆ MAVRI TRECEN. DIOEC.

Ob petitam congruam portionem à Priore & Monachis de Sessiac, eius loci Presbytero male habito, post diuersas sententias, excommunicationis & interdicti, à sede Apostolica succurritur.



ONSTITVTVS in præsentia nostra dil. Fil. I. Presbyter Ecclesiæ sancti Christophori de Sessiac, lachrymabili nobis conqueſtione monſtrauit. Quòd, quia contra Priorem eiusdem loci Antisiodoren. Diœc. qui tantum percipiebat de prouentibus Ecclesiæ memoratæ, quod de residuo nullatenus poterat sustentari, nostras ad venerabilem Fratrem nostrum Aurelianen. Episcopum, & coniudices suos litteras impetrauit. Idem Prior sic ei fecit in ipsa villa commercia denegari, vt à domo quam conduxerat, cum propriam non haberet, fuerit exire compulſus, ac in ipsa Ecclesia diutiùs habitare, cunctis ei humanitatis officia ob metum Prioris, & Monachorum, timentibus exhibere. Denique cum in solemnitate omnium Sanctorum, pro necessitatibus suis, à præfata Ecclesia paululum disceſſiſſet, à D. & alijs familiaribus memorati Prioris ita fuit lapidibus impetitus, quod mortis, vt credit, non euasiſſet periculum, nisi in eandem Ecclesiam se subito recepiſſet. Porro cum præfati Episcopus, & coniudices ſui, mandatum nostrum volentes exequi Ratuſſent, vt de prouentibus ipsius Ecclesiæ æſtimationem decem librarum Parisien. monetæ omnibus computatis perciperet annuatim, & in terram Prioris, ac homines, quia facto se opponebant ipsorum, promulgassent ſententiã in interdicti I. Monachus. S. Cellerarius. Cle. & quidam alij ſeruientes Prioris, cum in ipſo Dominicæ Natiuitatis die, durissiimè verberatum demum adeo grauiter in capite vulnerarunt, vt præter dolores alios, & læſuras irremediabilem auditus

incurrerit lesionem. Qui ad eundem Priorem semiuivus adductus, ut vel sic posset euadere, iuramento firmavit quod sibi vel suis præterquam I. Monacho, & Constanti questionem super hijs de cætero non moueret. Propter cuius enormitatem excessus, ven. F. N. . . Antisiodoren. Episcopus, qui loci Dioceſanus exiſtit, Eccleſiam, & villam Seſſiacen. ſuppoſuit interdicto. Poſtmodum verò cum idem Presbyteriam conualuiſſet utcumque . . . Abbas ſancti Germani, ad quem Seſſiacen. pertinet Prioratus, auctoritate quarundam generalium litterarum obtentarum, antequam dictus Presbyter præſatam Eccleſiam habuiſſet, coram iudicibus Aurelianen. eundem traxit in cauſam: ſepediſto Priore occaſione aliarum litterarum ſimiliter generalium, ipſum nihilominus citari Bituricas faciente, ut ſic iugibus deficeret laboribus, & expenſis. Vnde conſumpto modico patrimonio quod habebat, neceſſaria eadem coactus eſt mendicare. Et licet conſtaret eum malicioſè vexatum, iudices tamen ei cum inſtantia poſtulant expenſas reſtitui non fecerunt. Cæterum Prior à iamdicto Aurelianen. Episcopo, & coniudicibus ſuis auctoritate noſtra excommunicationis ſententia innodatus, pro eo quod pertinaciter veniebat contra ordinationem eorum factam, ſuper prouiſione Presbyteri memorati, per nuntium ſuum nobis ſuggerere procurauit. Quòd iſdem iudices poſt appellationem ad nos legitime interpoſitam, ſuppoſuerant terram ſuam, & homines interdicto, & ſic de lata in eum excommunicationis ſententia, dioceſani etiam interdicto, ac ordinatione prouiſionis dicti Presbyteri non habita mentione, noſtras ad . . . Abbatem ſancti Benigni diuionen. & coniudices ſuos litteras impetrauit. Qui eidem Presbytero perſonaliter coram eis prefixo ſibi termino comparenti, petitas deliberandi indutias denegarunt & legitimæ exceptiones ipſius, quas tam ſuper excommunicatione Prioris, quàm ſuſpitione litterarum quarum ſilum ruptum certius videbatur, ac etiam interdicto dioceſani Episcopi opponebat, admittere recuſantes. Poſt appellationem ad nos hijs & alijs cauſis à predicto Presbytero interpoſitam, ſententiam interdicti quam Aurelianen. Episcopus, & coniudices eius in terram Prioris protulerant, in eius preiudicium reuocarunt. Quo pretextu iamdictus Prior, licet excommunicationis ſententia, quam idem Aurelianen. Episcopus & coniudices ſui pertulerant in eundem, remanſerit innodatus, & interdictum in Eccleſiam, & villam de Seſſiaco à dioceſano Episcopo, pro verberatione dicti Presbyteri promulgatum, relaxatum non fuerit, diuina tamen celebrare præſumit; & per ſe, ac Monachos ſuos Parochianos ſepesati Presbyteri Eccleſiaſtica ſacramenta miniſtrans, oblationes pertinentes ad ipſum in proprios uſus conuertere non veretur. Quia igitur, hæc ſi vera ſunt ſub diſſimulatione tranſire nec volumus, nec debemus: diſcretionis veſtræ per Apoſt. ſcrip. mand. quatinus ſi vobis conſtiterit de premiſſis, reuocato in ſtatutum debitum quidquid per dictos Abbatem ſancti Benigni, & coniudices eius, poſt appellationem ad nos legitime interpoſitam, in preiudicium præſati Presbyteri extitit attentatum, interdicti, & excommunicationis ſententias tam à ſepesato Episcopo Aurelianen. & coniudicibus ſuis, quàm à loci dioceſano in Villam, & homines de Seſſiaco promulgatas, faciatis uſque ad ſatiſfactionem condignam firmiter obſeruari. Illos verò quos in ſepesatum Presbyterum conſtiterit manus temerarias iniectiſſe, tamdiu excommunicatos publicè nuntietis,

& faciatis ab omnibus actiùs euitari, donec passo iniuriam satisfecerint competentèr, & cum vestrarum testimonio litterarum ad sedem venerint Apostolicam absoluedi. Non obstantibus litteris, quas à venerabili F. N... Episcopo Tusculanen. superabsolutione sua obtinuissè dicuntur tacita veritate. Priorem verò, si eum in hoc constititèr fuisse culpabilem, vel excommunicatum celebrasse diuina, ab officio beneficiòque suspensum, ad nostram præsentiàm cum vestris litteris veritatem plenius continētibus, transmittatis. Expensas autem quas eundem Presbyterum fecisse constitèr, per malitiosam vexationem Abbatis S. Germani, & antedicti Prioris, sicut iustum fuerit, restitui faciatiseidem. In premissis omnibus sublato appellationis obstaculo processuri. Testes autem, &c. vsque; subtraxerint, per censuram Ecclesiasticam appellatione cessante cogatis veritati testimonium pethibete. Quòd si non omnes, &c. Duo vestrum, &c. Datum Lateran. iv. Idus Iunij Pont. N. Anno xv.

EPISTOLA CXVIII.

ABBATI S. COSMÆ DE VICOVARIO, EIVSQVE FRATRIBVS;
TAM PRÆSENTIBVS, QVAM FVTVRIS REGVLAREM
VITAM PROFESSIS IN PERPETVVM.

Recipit sub protectione sedis Apostolica.



VOTIENS postulatur à nobis quod teligioni & honestati conuenire dignoscitur, animo nos decet libenti concedere, & iuxta petentium voluntatem consentaneum rationi congruum suffragium impattiri. Ea p. optet, dilecti in Domino Filij vestris iustis postulationibus clementer annuimus & Monasterium ipsum S. Cosmæ, quod ad ius & proprietatem B. Petri specialitet pertinet, ad exemplat felix memorie recordationis, Celestini Papæ predecessoris nostri, sub B. Petri, & nostra protectione suscipimus, & præsenti scripti priuilegio communimus. In primis siquidem statuentes: vt ordo Monasticus, &c. vsque illibata permaneant. In quibus hæc, &c. vsque vocabulis. Locum ipsum, in quo Præfatum Monasterium situm est, cum omnibus pertinentijs suis. Ecclesiam S. Viti de Vicouato cum omnibus pertinentijs suis. Sanctæ Mariz de Marcianello, Sancti Petri de Ferrata, sanctæ Mariz de Cantalupo, & sancti Felicis Ecclesias, cum omnibus pertinentijs suis. Ius quod habetis in Ecclesijs sancti Saluatoris, & sancti Nicolai de Cantalupo. Ecclesiam sancti Angeli de Rocca Iouete. Quatuor denarios Papien. pro pensione ab eadem Rocca. In Vicouato Ecclesiam sanctæ Luciz, cum pertinentijs suis. Ecclesiam sancti Ianuatij de Catiniano, cum pertinentijs suis. Ecclesiam sanctæ Eugeniz cum pertinentijs suis. Quinque denarios Papien. quos à Monasterio sancti Clementis Tiburtin. percipere debetis Casalem Cerri Plani. Et Casalem in Martianello, cum pertinentijs suis. Ad hæc statuimus, vt idem Monasterium vestrum nulli nisi Roman. Pontifici sit subiectum, nec ab eo quidquam ab alio aliquo Clerico, seu Laïco exigatur, excepto vno prandio, quod Tiburtin. Episcopo cum septem tantum personis, semel in anno si ipsum ad Monasterium vestrum fortè venire contigerit, persoluetis. Crisma

per Apost. scrip. mand. quatinus examinata electione pariter & electo, si eam inueneritis de persona idonea canonicè celebratam, ipsam sublato appellationis obstaculo, auctoritate Apostolica confirmetis, & sine vtriusque partis preiudicio alter vestrum, si ambo nequiuertis interessè, accersitis sibi duobus vicinis Episcopis, ipsum in Præfulem studeat consecrare, ac iuramentum fidelitatis nomine nostro recipiat ab eodem, sub forma quam vobis sub Bulla nostra mittimus interclusam. Datum Laterani Idus Iunij Pont. N. Anno quindodecimo.

EPISTOLA CXX.

POPULO MEDIOLANEN. SPIRITVM CONSILII SANIORIS.

Vt relicto Othone Imp. Ecclesia obedians.

MIRARI cogimur, & moueri, quod præteritorum immemores, & improvidi futurorum, conuersi estis in arcum peruersum, & in reprobum sensum dati, sacrosanctæ Romanæ Ecclesiæ Matri vestræ deuotionem, & obedientiam subtrahendo, quæ vos multis beneficiauit honoribus, & magnis beneficijs honorauit. Et ei pertinaciter adhaerendo, qui suis benefactoribus consuevit retribuere mala pro bonis, offensam pro gratia, & iniuriam pro honore, sicut ex hijs quæ contra nos egisse dignoscitur, potuistis perpendere manifestè. An forte putatis quòd alia vobis retribuet, quàm reddit ipse nobis? Nam si hoc fecit in viridi, quid in arido est factururus? Licet autem ex hijs quæ nunc agitis, gratia nostra vos reddatis indignos, quia tamen mater obliuisci non potest filiorum vteri sui: Vniuersitatem vestram monemus, & exhortamur in Domino per Apost. vobis scrip. mand. quatinus saniores videntes cõsilio reuertamini ad deuotionem, & obedientiam matri vestræ, super excessibus vestris, & specialiter super eo quòd dilectos Filios Ordinarios Mediolanen. Ecclesiæ, nuper ejicere presumpsistis, Deo & nobis taliter satisfacere satagentes, vt pœnam vitare possitis, & gratiam adipisci. Datum Lateran. Idus Iunij Pontificatus nostri Anno xv.

EPISTOLA CXXI.

TRECEN. EPISCOPO ET ABBATI CLAREVALLEN. CISTER-
CIEN. ORD. LINGON. DIOC. ET MAGISTRO HENRICO
CANONICO TRECEN.

*Vt processus Archiepiscopi Senonensis, de interdicto ab Episcopis Aurelian.
& Antisiod. lato irritus dicatur.*

DE prudentia .. Senonen. Archiepiscopi non possumus non mirari, qui post appellationem ad nos legitime interpositam, & contra nostri formam mandati peruersè processit in causâ, quam ad petitionem Karissimi in Christo Filij nostri Ph. Francorum Regis Illustris, sibi duximus commitendam. Super relaxanda sententia interdicti, quod in terram eius ve-

nerabiles Fratres nostri Aurelianen. & Antisiodoren. Episcopi pertulerunt, si predictus Rex eis illud offerret, quod esset merito acceptandum. Et licet ipsi iussimus, vt si fieri posset postposito vtriusque iudicio, ad amicabilem compositionem intenderet: ipse tamen turbato negotio potius, quam sedato, nec compositionem facere studuit, nec iudicium exercere. Verum nisi Regi voluissimus Serenitati deferre, taliter eum corripere curassemus, quod eius profectò non remansisset impunitus excessus. Cum igitur quod ab eo est inordinatè prescriptum, ipso iure sit irritum & inane: Dis. vest. per Apost. scrip. precipiendo mandamus; quatinus eius processum, & quidquid occasione ipsius inueneritis attentatum, sublatò cuiuslibet contradictionis, & appellationis obstaculo, irritum nuntietis. Contradictores siqui fuerint, vel rebelles per censuram Ecclesiasticam appellatione postposita compescendo. Quòd si non omnes, & c. tu ea Frater Episcopo, cum eorum altero ea, & c. Datum Lateran. Idus Iunij Pont. N. Anno xv.

EPISTOLA CXXII.

ATREBATEN. EPISCOPO.

*Ne Laudunensis vniuersitas sine manifesta causa, vel post
appellationem excommunicetur.*



V D V M dilectis Filijs .. Maiore, Iuratis, Scabinis, & Vniuersitate Communis Laudunen. conquerentibus, nostro est Apostolatui referatum. Quòd dilecti Filij. Electus, & Clerus Laudunen. alijque viri Ecclesiastici, sepe in eos, & in terras, ac familias eorum excommunicationis, & interdicti sententias sine causa rationabili, ac iuris ordine pretermisso promulgant, ipsos per huiusmodi sententias multipliciter contra iustitiam aggrauantes: licet super his de quibus impetuntur à quoquam, sint exhibere parati quod postulat ordo iuris. Nolentes igitur eisdem Ecclesiastica distictione indebitè pregruari: cum ex Apostolicæ seruitutis officio subleuare teneamur iniuste depresso, eis & alijs auctoritate Apostolica curauimus distictius inhibere. Nè in ipsos, vel eorum quemlibet, seu terras, aut familias eorumdem, sine manifesta, & rationabili causa, excommunicationis, vel interdicti sententias promulgarent. Decernentes huiusmodi sententias, si quæ post appellationem ad nos propter hoc legitimè interpositam fuerint promulgatæ, penitus non tenere. Quia verò eisdem conquerentibus intelleximus, quòd præfati Electus, & Clerus inhibitione nostra contempta, nituntur ei modis omnibus obuiare. Fraternitati tuæ per Apost. scrip. mandamus, quatinus si forsan illi, vel alij, contra formam inhibitionis premissæ, presumpserint eos indebitè molestare, tu sententias in eos temerè promulgatas, secundum formam Ecclesiæ auctoritate nostra relaxes. Ita quod conquerentibus satisfaciant competenter, quia dissolui nolumus neruum Ecclesiasticæ disciplinæ. Hanc autem iurisdictionem tibi concessam vsque ad triennium volumus prorogari, vt interim cognoscamus, vtrum illi temerè contra istos, an isti contra illos indebitè moueantur. Saluis semper sententijs ex delegatione Apostolica promulgatis. Datum Laterani ij. Idus Iunij Pont. N. Anno xv.

NOBILI VIRO. W. MILITI DE TIGNE.

Causa ordine narrato, ei adiudicat ius Patronatus Ecclesiæ de Tigne contra Capitulum Andegauense.

✠ ✠ ✠ ✠ ✠ Vm causam quæ inter te ex parte vna, & Andegauen. Capitulum
✠ ✠ ✠ ✠ ✠ **C** ex altera, super iure patronatus Ecclesiæ de Tigne vertebatur, felici
✠ ✠ ✠ ✠ ✠ memoriz. C. Papa predecessor noster, venerabili F. N. M. quodam
✠ ✠ ✠ ✠ ✠ Nannetē, nunc verò Episcopo Pictauen. & coniudicibus suis duxerit
committendam. Ipsi partem citantes vtramque, quia dictum Capitulum termino
cōstituto non comparuit coram eis, te causa rei seruandæ in possessionem
eiusdem Ecclesiæ induxerunt. Et licet idem Capitulum infra annum cautionem
expōserit standi iuri, non tamen possessionem eiusdem Ecclesiæ potuit
adipisci, te super hoc violentiam inferente. Verum cum vtriusque partis procuratores
demum ad nostram præsentiam accessissent: dilectum Filium nostrum B. Titulo sanctæ
Suffanæ Presbyterum Card. eis concessimus auditorem. Qui auditis, & intellectis
partis rationibus vtriusque, te de mandato nostro ad restituendam Ecclesiā Andegauen.
Capitulo condemnauit. Cuius executionem sententiæ, venerabili F. N. Episcopo
Nanneten. & coniudicibus suis commisimus, saluis rationibus tuis, si quas
coram ipsis duceres proponendas. Super quibus iisdem iudices te audite nullatenus
voluerunt, nisi prius fructus ipsius Ecclesiæ quos nec tu, nec alius nomine tuo
perceperat, sicut firmiter asserebas, dicto Capitulo refarcires, te nihilominus
ad restitutionem quinque milium solidorum post appellationem ad uos
legitimè interpositam, nomine fructuum condemnantes. Sed postmodum ad
Priorem sancti Hilarij de Cella, & Collegas suos, delegari nostras obtinuisti
litteras sub hac forma. Vt si constaret, te post appellationem ad nos legitimè
interpositam, ab Episcopo Nanneten. & coniudicibus suis condemnatum fuisse,
ipsorum reuocato processu, de negotio cognoscerent principali: alioquin partes
per eos ad priorum iudicum remitterentur examen. Coram quibus cum in tantum
fuerit litigatum, quod iam sola sententiadeberet proferri: placuit partibus
vt priorum processu iudicum remanente interim in suspenso, iisdem iudicibus
de principali cognoscerent, & tota demum causa fideliter ad nos remitteretur
instructa. Testibus igitur productis ab vtralibet partium coram eis, & de
consensu ipsorum postmodum publicatis, post disputationem diutinam, tam
eorum, quàm etiam priorum processum iudicum sub sigillis ad nos proprijs
iisdem iudicibus remisit. Post hæc verò tibi, ac procuratori dicti Capituli in
nostra præsentia constitutis, dilectum Filium nostrum P. Titulo sanctæ
Ceciliæ Presbyterum Card. concessimus auditorem. Coram quo interrogari
petisti procuratorem predictum, vtrum in villa tua sita esset Ecclesia
memorata, super cuius patronatu inter te, ac premissum Capitulum
questio vertebatur, quod vtrique dictus concessit procurator de plano. Et
secundò interrogatus, ac terciò, vtrum crederet progenitores tuos aliquid
iuris habuisse in Ecclesia memorata, vel ab eisdem fuisse fundatam, vtrumque
credere

se respondit. Protestante audiendum non esse, nec ad diffinitiuam sententiam procedendum, nisi prius restitueres Andegauen. Capitulo quinque millia solidorum, in quibus eidem per dictum Nanneten. Episcopum, & suos collegas fueras condemnatus. Presertim cum appellationem quam te ab eisdem interposuisse dicebat, legitimo tempore non fueris persecutus, quo suppresso Apostolicas litteras obtinuisti, ad .. Priorem sancti Hilarii de Cella, & suos coniu-dices delegari. Quorum processum nullum assererat omnino; pro eo quod fines Apostolici mandati transgressi, priusquam eis constaret de appellatione legitima, de proprietate cognoscere presumpserunt, cum aliter iurisdictioni ordinariæ non præssent, ratione cuius in eos posset à partibus consentiri. Nec factas confessiones coram auditore, Capitulo preiudicare dicebat, cum in eo processu, qui subsistere non poterat, constitutus fuerit procurator: & si etiam processus teneret, quod tamen instructa remissa fuerat causa ipsa, interrogationes ulterius fieri non debeant, sed essent potius ad diffinitiuam sententiam procedendum. Ad hæc autem per ordinem respondisti, non esse tibi aliquatenus imputandum, si infra annum appellationem non fuisti persecutus obiectam. Cum eo tempore captus fueris, sed quam citò fuisti redditus libertati, appellationem fuisti interpositam persecutus, sicut tuis probatur testibus euidenter. Ad restitutionem dictorum quinque millium solidorum te asserens non teneri; tum quia post appellationem ad nos legitime interpositam sententia lata fuit, tum quia fructus ipsius Ecclesiæ ad sæpefatam Capitulum minimè pertinebant: etsi etiam pertineret, non tamen probatum extitit, te, vel alium tuo nomine ipsius idem Capitulum spoliasse, vel fructus aliquos ex eadem Ecclesia perte, vel per alium percepisse. Ad id verò quod dictum est contra processum iudicum ultimum, videlicet quod formam Apostolici rescripti transgressi, prius de proprietate, quam de appellatione cognouerant, nec aliter idem iudices iurisdictioni prærerant ut in eos posset de consensu partium consentiri: si uoluum est omnino cum de partium voluntate priorum iudicum remanente processu, iurisdictionis fuerit prorogata. Quod sit quandoque, de tempore ad tempus, de quantitate ad quantitatem, de re ad rem, de persona ad personam, de contractu etiam ad contractum, sed alio modo prout tam in iure Canonico, quam Ciuili colligitur euidenter. Quorum aliquis etsi aliter iurisdictioni forsitan non præssent, constabat tamen eos ex nostra delegatione iurisdictionem habere. Nec obstat quod pars aduersa dicebat, interrogationes ulterius fieri non debere, postquam instructa remittitur ipsa causa, cum contrarium obtineat tam de consuetudine Romanæ Ecclesiæ, quæ usque ad diffinitiuam sententiam quotiens expedit partes interrogat, quam de iure. Nos igitur intellectis per auditorem predictum quæ propolita fuerant coram eo, quia nobis constitit ex confessionibus procuratoris Capituli sæpefati, intentionem tuam fuisse fundatam, & etiam vsum qualemcunque probasti, nec ex parte Capituli quidquam de proprietate, neque aliquid probatum fuit sufficienter de usu, ius patronatus tibi adiudicamus Ecclesiæ memoratæ, perpetuum super hoc silentium Andegauen. Capitulo imponentes. Ad hæc ab impetitione eiusdem Capituli, super quinque millibus solidorum te duximus absolueundum: cum non probauerit de fructibus eiusdem Ecclesiæ te aliquid percepisse. Nulli ergo, &c. usque hanc paginam nostre dis-

finitionis infringere, vel ei &c., vsque contraire. Siquis autem, &c. Datum Lateraniij. Idus Iunij. Pont. N. Anno xv.

In eundem ferè modum scriptum est super hoc, dilectis Filijs.. Aureæ Vallis.. sancti Launi Toharcen. &.. de Ferratia Abbatibus. Pictauien. Diœc. vsque, aliquid percepisse. Quocirca Dis. vest. per Apost. scrip. mandamus quatinus, quod à nobis est ratione preuia diffinitum, faciatis per censuram Ecclesiasticam appellatione remota obseruari. Quòd si non omnes, &c. duo vestrum, &c.

EPISTOLA CXXIV.

BITVRICEN. ARCHIEPISCOPO.

Prouisionaliter componit inter eum, & Monachos Dolenses de iurisdictione Ecclesiastica Burgi Dolensis.

CUM inter te ex parte vna, & dil. Fil... Abbatem & Conuentum Dolen. Monasterij ex altera, super Ecclesiastica iurisdictione, quam in Clericos, & Laicos Burgi Dolen. tam de iure communi, quam ex priuilegijs Bituricen. Ecclesiæ ab Apostolica sede concessis, tibi competere proponas; asserendo, quòd.. Abbas, & Conuentus predicti te super eadem presumpserant molestare. Parte Monasterij in contrarium proponente, iurisdictionem eandem ad se, per priuilegia multorum Romanorum Pontificum pertinere, & quod tu super ipsa idem Monasterium molestabas. Controuersia coram nobis, & etiam coram iudicibus delegatis, fuerit diutius agitata, & ab eisdem ad nos causa remissa sufficienter instructa. Nos tandem te, ac ipsius Monasterij procuratoribus componendi plenariam habentibus potestatem in nostra presentia constitutis, pro bono pacis, de consensu vestro, & Fratrum nostrorum consilio, sic duximus prouidendum. Vt videlicet cum in Burgodolen. tres sunt Parrochiales Ecclesiæ, vna illarum scilicet Ecclesia sancti Stephani cum Capellano inibi seruiente, ad Dolen. Monasterium pertineat pleno iure, ac omnes homines ipsius Monasterij manentes impresentiarum in Burgodolen. & etiam homines Monasterij qui aliunde ad Burgum ipsum accesserint habitandum, nec non & alij quilibet qui homines Monasterij fient, & inhabitauerint Burgum, cum omni posteritate sua ad eiusdem dominium pertinente, ac manente in Burgo. Clerici quoque, qui sunt, vel fuerunt, vel fuerint filij hominum Monasterij, manentes in Burgo erunt Parrochiani Ecclesiæ supradictæ: & Abbas Monasterij memorati in eos omnimodam iurisdictionem Ecclesiasticam in casu quolibet obtinebit. Ita quod tu ac Ministri tui in eadem Ecclesia Capellano & alijs hominibus, tam Clericis, quam Laicis, qui iuxta determinationem nostræ prouisionis existunt, vel erunt Parrochiani eiusdem, quamdiu in eodem Burgo manserint nullam habebitis iurisdictionem omnino, & eosdem vobis excommunicare, seu absolvere non licebit; super his Abbati à nobis plenaria potestate concessa. Quòd si Clerici Filij hominum Monasterij, extra Burgum manentium, ad ipsum inhabitandum accesserint, & in domibus Parrochianorum Monasterij manserint, vel ad manendum domos emerint, vel conduxerint ab eisdem, Parrochiani erunt Ecclesiæ supradictæ. Alioquin idem

erunt tuz iurisdictioni subiecti. In Reliquis verò duabus Ecclesijs, videlicet sancti Germani, & sancti Mariz Paruz, Abbas, & Monachi Monasterij sepedicti presentationem Capellanorum habebunt, tantummodo, & census, ac obventiones quas in eis hactenus habuerunt. In quibus & Capellanis earum Clericis, & omnibus alijs hominibus, tam Clericis quàm Laicis in ipso Burgo, vel extra manentibus, præter illos qui secundum determinationem præfatam pertineant ad Ecclesiasticam iurisdictionem Abbatis, omnimodam iurisdictionem Episcopalem, & cõsuetudines tam in denarijs Pentecostalibus, quàm in treuga, communia, & ipsa sequenda iurandis, ac in alijs, nec non procuracionibus tuis Archidiacon. & Archipresbyteri & omnimoda obedientia, sicut habes in aliqua Ecclesia, vel persona Bituriz, obtinebis. Quòd si homo Monasterij, alterius Domini fœminam, vel alterius Domini homo Monasterij fœminam duxerit in vxorem, quamdiu legi viri fuerit alligata, cum liberis susceptis ex eo forum sequetur, & Parrochiam viri sui: cum autem à lege viri soluta, ad iurisdictionem Ecclesiasticam, & Parrochiam ad quam pertinebat primitus reuertetur. Præterea si Monasterium alterius hominem in Burgo manentem quomodolibet acquisierit, vel homo Abbatis ad alterius dominium transferatur: homo ille sub illius iurisdictione Ecclesiastica, sub cuius in Burgo primitus fuerat remanebit; nec propter mutationem Domini temporalis Ecclesiasticam iurisdictionem mutabit. Si verò aliquis Monasterij, & alterius Domini homo communis existat, in vno anno tuus, & in alio sit Parrochianus Abbatis: nisi forsan per exequationem tuam, & Abbatis ipsius aliter statuatur. Cum autem Abbas Clericum ad suam iurisdictionem Ecclesiasticam pertinentem, tibi ad Ecclesiam aliquam præsentarit, ipse ad eandem admissus ex toto tuz iurisdictioni Ecclesiasticæ subiacebit, salvo iure Abbatis in rebus patrimonialibus, si quæ habet. In repræsentando verò quemlibet Clericum, ad vacantem Ecclesiam, dicet Abbas, Clericum istum ad Ecclesiam illam vacantem elegi, & eundem tibi præsentare. Homines verò Abbatis, vel alterius extra Burgum manentes, qui fuerant Parrochiani Ecclesiæ sancti Stephani supradictæ, Parrochiani alterius illarum Ecclesiarum quæ tibi subsunt existent. Sed Ecclesia sancti Germani, quia in ipsa maiorem quàm in Ecclesia Beatz Mariz Paruz Monasterium habet censum plures quàm illa Parrochianos habebit. Quòd si forte homo aliunde in Burgo veniens pro aliqua causa priusquam maneret in Burgo, à te, vel à tuis citatus fuerit, vel excommunicationis vinculo seu alia sententia innodatus, quantum ad iurisdictionem Ecclesiasticam coram te causa huiusmodi decidetur, & eadem forma de hominibus Monasterij manente in Burgo, si se transtulit alias, seruabitur pro Abbate. Cæterum homines Monasterij in illa parte Burgi manentes quæ Raschaz dicitur, etunt Parrochiani Ecclesiæ sancti Dionisij, sicut primus extiterunt, & tuz in omnibus iurisdictioni subiecti, sicut alij eiusdem Parrochiæ qui habitant extra Burgum. Et sic tota illa Parrochia sancti Dionisij cum omnibus hominibus habitantibus in eadem cuiuscumque dominij sint, siue Monasterij, siue alterius, tuz iurisdictioni Ecclesiasticæ in omnibus, sicut alia quælibet de Bituria de cætero subiacebit. Tu verò pro illis hominibus Monasterij, qui ad presens in eadem parte Burgi morantur, de hominibus militum, vel aliorum tuz iurisdictioni subiectis in Burgo manentibus totidem homines equipollen-

tes eisdem, iuxta bonorum virorum arbitrium recompensabis Monasterio memorato, qui cum omni posteritate sua tam Clericis, quàm Laïcis de cætero Ecclesiæ sancti Stephani Parrochiani existant, & in Ecclesiastica iurisdictione omnimodo sicut eius homines ipsi Monasterio sint subiecti, & super his eiusdem loci Abbati tuas litteras assignabis. Si verò in Capella de Petrina Monachus Sacerdos, vel Clericus, priùs ad iurisdictionem Abbatis pertinens ministravit, eiusdem Abbatis iurisdictioni Ecclesiasticæ subiacebit, alioquin tuæ iurisdictionis exister. In eadem quoque Capella in precipuis festiuitatibus, & B. Mariæ, ac Apostolorum, nec non diebus Dominicis, non admittetur quispiam ad diuina, nisi infirmi tantummodo ibidem manentes, & seruientes eorum. In priuatis verò diebus, si quis in ea diuina ex deuotione audire voluerit, non vetetur. Præterea si quando tu, vel officiales tui Ecclesiam sancti Germani supposueris interdicto: in eadem Capella celebrabitur voce submissa, clausis ianuis, non pulsatis campanis, & nullo admissio nisi pauperibus, & infirmis, & seruientibus eorundem. Cæterum si forsan terra Domini Castri Rad. interdicto supposita generali fuerit, in Ecclesia sancti Stephani submissa voce clausis ianuis, & non pulsatis campanis celebrabuntur diuina, dummodo interdictum illud in alijs duabus Ecclesijs, videlicet, sancti Germani, & sanctæ Mariæ parue facias obseruari. De questionibus verò ad inuicem motis super his quæ sunt extra Burgum taliter est prouisum, vt Capellani Ecclesiarum, quatum ad Monasterium ius pertinet patronatus, omnia mobilia, siue immobilia specialiter sibi legata integre sine percuntatione percipiant, & Priores faciant illud idem de his, quæ sibi specialiter legabuntur. Illud autem quod legatum fuerit Ecclesiæ, ac determinatum extiterit ad vsum aliquem, vt pote ad fabricam, luminare, vel huiusmodi, vsui illi cedit: si verò simpliciter Ecclesiæ legatum fuerit inter Priorem & Capellanum equaliter diuidetur. In ecclesia verò illa in qua Prior non residet, in vsum Capellanæ conuertetur totaliter, nisi fuerit specialiter Priori legatum. Bona quoque Capellanorum decedentium per Ecclesias acquisita, penes Capellanas siue condiderint testamentum, siue intestati decesserint, remanebunt. Determinari etiam debet quid ad Capellanum, & quid ad Priorem pertineat, ac super hoc scriptum authenticum fieri, quod tuo sigillo signabitur, & Abbatis. Et si forsan inter Priorem, & Capellanum super iure Capellanæ vel Ecclesiarum prouentibus temporalibus, questio aliqua oriatur: Prior coram Abbate, Capellanus verò in tua, vel officialium tuorum curia respondebit. Porro Capellæ B. Mariæ de Cuslenc maior Capellanus, qui est de Praa, à te totam Curam recipiet, & onus illius pariter sustinebit, ac officia bit eandem, vel officiarum faciet per idoneum Sacerdotem: ita quod cultus diuini nominis ibidem nullatenus minuetur, & illius Vicarius prestito iuramento promittet, se tua iura, & sententias seruaturum. Insuper domus de Chamin de Cloys, cum illa de Perer Crocet, ac illa de Cloys, & quolibet alio iure suo tibi liberè remanebit. Dòmum etiam de Oblinquo, quæ in cimiterio dicitur esse constructa, voluntari & prouisioni Abbatis, & eiusdem loci Prioris relinques, nec ipsum Priorem super eadem per te, vel aliquem ministrorum tuorum de cætero molestabis. Ad hæc autem est renunciatum hinc inde quibuslibet priuilegijs, & indulgentijs vtrunque super premissis omnibus à sede Apostolica impetratis, & nos ipsa quantum ad

premissa omnia viribus carere decernimus. Salua tamen temporali iurisdictione Abbatis in omnibus quæ infra cruces Burgi consistunt. Vt igitur hæc nostra prouiso robur perpetuæ obtineat firmitatis, ipsam auctoritate Apostolica confirmamus, & præsentis scripti patrocinio communimus. Decernimus ergo vt nulli omnino hominum liceat hanc paginam nostræ prouisionis infringere, vel ei, &c. vsque, contraire. Siquis autem hoc, &c. vsque incursum. Datum Laterani xvij. Kal. Iulij Pont. N. Anno xv.

EPISTOLA CXXV.

ARCHIEPISCOPO BITVRICEN. ET EPISCOPO LEMOVICEN.
ET ABBATI DALONEN. CISTERCIEN. ORD.
LEMOVICEN. DIOEC.

Delegat executionem sententie delegatorum, de Tullenfis Abbatis electione lata.

ILIGENTER auditis, & perspicaciter intellectis, quæ coram nobis proposita sunt à partibus super duabus electionibus in Tullen. Monasterio celebratis, & delegatorum processu, qui vnâ cassantes, aliam confirmarunt. Pensatis nihilominus natura, & qualitate negotij, quibus potius duximus inhzrendum, ipsorum delegatorum sententiam ratam habentes, per Apostolica vobis scrip. mand. quatinus eam auctoritate nostra faciatis inuiolabiliter obseruari. Contradiçtores siqui fuerint, vel rebelles, per censuram Ecclesiasticam appellatione postposita compescendo. Nullis litteris veritari & iustitiæ præiudicantibus, à sede Apostolica impetritis. Quod si non omnes, &c. duo vestrum Datum Lateran. Idus Iunij Pont. N. Anno xv.

EPISTOLA CXXVI.

ANGELO ABBATI ET CONVENTUI SANCTI ALEXII
DE VRBE.

Vineas Montis Auentini sententialiter illis confirmat.

CORAM dilecto Filio nostro Pe. titulo sanctæ Cecilie Presbytero Card. quem Scindico Ecclesiæ sanctæ Priscæ ac. Yconomo Monasterij vestri concessimus auditorem. Idem Scindicus nomine Ecclesiæ sanctæ Priscæ, omnes vineas in monte Auentino positas, quas idem Monasterium possidebat, ab Yconomo ipso petebat, quas pertinere ad Ecclesiæ sanctæ Priscæ per instrumenta donationum Philippi, & Epiphaniij ostendere nitebatur. Verum pars vestra respondens, dictas vineas iuris esse Monasterij sancti Alexij, prout per instrumentum donationis Eufimiani, cuius donatio prædictorum Philippi & Epiphaniij donationem tempore longo præcesserat, liquido apparebat. Possessionem insuper longissimam allegabat, quam per instrumenta locationum, & priuilegia Pontificum Romanorum, & testes plurimos manifestè probauit. His igitur nobis, per Card. eundem fideliter explicatis

catis, nos visis, & auditis instrumentis, ac confessionibus utriusque partis, & attestationibus, & allegationibus intellectis. De Fratrum nostrorum consilio Ycononum vestrum, nomine ipsius Monasterij ab impetitione Syndici sanctæ Priscæ superdictis vineis, sententialiter duximus absolendum. Nulli ergo, &c. vsque, hanc paginā nostræ diffinitionis infringere, vel ei &c. vsq; contraire. Siquis autem, &c. vsque, incursum. Datū Lateran. Idibus Iunij Pont. N. Anno xv.

EPISTOLA CXXVII.

MAGISTRO ET FRATRIBVS MILITIÆ TEMPLI.

Ut milites ab excommunicatione propter iniectas manus in Clericos, possint absolui a Magistro.

HA quæ pro defensione nominis Christiani sustinetis discrimina nos inducunt, ut vos, & ordinem vestrum favore continuo prosequentes, quieti vestræ propensius intendamus, & studeamus auferre vobis materiam grauaminis, & laboris. Hinc est, quod vobis auctoritate præsentium indulgemus, ut si qui de fratribus vestris in se inuicem, siue in alios religiosos quoslibet, seu etiam in Clericos seculares, manus iniecerint violentas, per Diocesanos Episcopos absolutionis beneficium assequantur. Etiam si eorum aliqui, prius quàm habitum vestrum susciperent, tale aliquid commiserint, propter quod ipso actu excommunicationis sententiam incurrissent. Nisi excessus ipsorum esset difficilis, & enormis, ut pote si esset ad mutilationem membri, vel sanguinis effusionem processum; aut violenta manus in Episcopum, vel Abbatem iniecta: cùm excessus tales & similes sine scandalo nequeant præteriri. Nulli ergo, &c. vsque, hanc paginam nostræ concessionis infringere, vel ei &c. vsque contraire. Siquis autem &c. vsque, incursum. Datum Signæ ix. Kal. Iulij Pont. N. Anno xv.

EPISTOLA CXXVIII.

BITVRIGEN. ARCHIEPISCOPO.

Confirmat suspensionis sententiam in Archiepiscopum Burdegalem latam, a Bituricensi, pro iure Primatiæ, de qua non indicat.

DILIGENTER auditis, & perspicaciter intellectis, quæ tu, & dilectus Filius Magister Amaneus Procurator venerabilis F. N. Burdegalen. Archiepiscopi coram nobis proponere voluistis, super sententia, quam auctoritate primatiæ in eundem Archiepiscopum promulgasti, suspendendo ipsum ab officio Metropoliticæ dignitatis: pro eo quod ad tuum vocatus consilium accedere non curauit, nec pro se aliquem idoneum destinare. De communi Fratrum nostrorum consilio sententiam ipsam ratam habuimus, & vsque ad satisfactionem idoneam præcepimus obseruari. Hoc ad cautelam expresso, quod lis coram nobis non de primatiæ, sed de sententia extitit ventilata. Credentes igitur ad satisfactionem sufficere competentem, pro prædicta sententia relaxanda ut memoratus Archiepiscopus per se, ipsum, aut aliū virum

idoneum ad tuam accedat præsentiam, relaxationem eiusdem sententiæ humiliter petiturus, & promissurus firmiter sub tuarum, si necesse fuerit, testimonio litterarum, quod ad tuum consilium vocatus accedet, facturus quod de iure fuerit faciendum. Fraternitati tuæ per Apost. scrip. mandamus quatinus cum ab eo fueris taliter requisitus, sententiam ipsam non differas relaxare; nullam ei pœnam infligens si forte ipsam sententiam non seruabit, antequam per nos fuerit declaratum an eadem esset sententia obseruanda; cum hoc Apostolicæ prouidentie duxerimus referuandum. Alioquin venerabili Fratri nostro Turonensi Archiepiscopo.. & dilectis Filijs.. Decan... & Subdec. Pictau. dedimus in mandatis, vt illam appellatione remota relaxent absque præiudicio iuris tui. Datum Signiz v. Idus Iulij, Pont. N. Anno xv.

Scriptum est super hoc eisdem in eundem fere modum, vsque, duxerimus referuandum. Quo circa dis. vestra per Apost. scrip. mandamus quatinus si dictus Archiepiscopus mandatum nostrum neglexerit adimplere, vos illam appellatione postposita relaxetis absque præiudicio iuris Archiepiscopi memorati. Quòd si non omnes, &c. tu ea Frater Archiepiscopo, cum eorum altero, &c.

EPISTOLA CXXIX.

FRATRIBVS IEROSOLIMITAN. HOSPITALIS, ET MILITIE
TEMPLI IN REMEN. DIOEC. CONSTITVTIS.

Ne interdictos, vel excommunicatos tradant sepultura.

RELIGIONIS intuitu, & etiam deuotionis obtentu, quam circa nos geritis, vos, & domos vestras sincera caritate diligimus. Sed quantumcumque vos diligamus, & prompta vobis velimus benignitate deferre, sustinere non possumus, nec debemus, vti quid interdum contra Dominum, & iustitiam attentatis, remaneat incorrectum. Audiui-
mus autem, & audientes non potuimus non moueri, quod Parochianos Corbeien. Ecclesiæ, quæ specialiter B. Petri iuris existit, sub prætextu confraternitatis, etiam si vinculo teneantur excommunicationis astricti, Ecclesiasticæ præsumitis tradere sepulturæ. Quoniam igitur tantò id grauius ferimus, quanto vobis ampliùs indecens reputamus, & vestra saluti contrarium, per Apost. vobis scrip. mand. & districte præcipimus, quatinus decetero Parochianos Corbeien. Ecclesiæ qui vinculo tenentur excommunicationis astricti, ad sepulturam recipere nullatenus præsumatis. Scituri quòd si ipsos vel alios excommunicatos sepulturæ tradere præsumseritis, honestati domus vestrae grauius derogabit, & tandem non sine indignatione nostra huius præsumptionis correctionem auctore Domino sentietis. Datum Signiz Kal. Iulij, Pont. N. Anno xv.

EPISTOLA CXXX.

RODOLPHO PRESBYTERO.

Non teneri voto Monaſtico, ſed melius acturum, ſi ſeculo remittiet.

DILIGENTER auditis, & perſpicaciter intellectis, quæ circa te ſuper voto, ac profeſſione Monaſtici ordinis per inqueſtioneſ delegatorum noſtrorum reperta fuerunt, te ad obſervantiam regulæ Monachaliſ decernimus non cogendum. Quamquam ſaluti tuæ magis expedire credamus, ut ad illud regnum feliciter obtinendum vim tibi facias, & bellum indicas, de quo legitur quòd à diebus Ioannis Baptiſtæ regnum cælorum vim patitur, & illud diripiunt violenti. Tu ergo ſiue licentia in ſeculo remanendi, ſiue providentia exeundi de ſeculo uſus fueris, diuinæ te ſubijcias ſervituti, & per mandatorum Dei ſemitas gradiaris, ne fortè ſi ſecus egeris te ipſum decepiſſe proberis. Datum Signiæ vj. Nonas Iulij Pontificatus noſtri Anno xv.

EPISTOLA CXXXI.

FRATRIBVS IEROSOLIMITAN. HOSPITALIS IN YBERNIA
CONSTITVTIS.*Confirmat eis bona Hoſpitalis.*

CVM à nobis petitur &c. uſque perducatur effectum. Ea propter dilecti in Domino Filij veſtris iuſtis precibus inclinati. De Killemainan de villa Turmot. de Yſoude. ſancti Michaëlis de Kreuach. ſancti Clementis Dublinen. de Tauerach. de Douenachpatie. de Kilteltan. de Legno. de Moylbochen. de Moyllach. de Terra. Ade Dullart. & Pagani Fratris fui, de Cluchihunche. de Knocduine. de Cluniſ. de Bernemeche. Ade de Lenz. de Dunler. de Ken. de Cloch. de Terra Amauri. de Feypo. iuxta Luueche. ſanctæ Mariæ in Arch. de terra quæ fuit. R. Filij W. ſancti Ioannis Arch. de Rathmulin. de Incheme Kargi. de Maniblos. de terra Vvalteri de Logan. de terra W. Foreſtarij in Magelin. ſancti Ioannis Euangeliftæ in Craſſerg de Bruach. de Glorie. de Batmolin. de Kilhiele. de Killuvarin. de Ratenanſ. de Tachſixan. de Rathſuln. de terra Philippi Vituli. de terra Thomæ Vituli. de terra Ioannis de Peinkoyt. de Adcor. de villa Auſrid. in Ardrie. ſancti Dauid de Naſ. de terra Ricc. Filij Aluered. de villa W. de Keldiſ. de Clane. de Iuthe. de Killebech. de terra W. Cirenceſtre. de Dunig. de Kernach. de Marachem. de villa Sirloc. de Tuly. de Killemelin. de Rathbrid. de Kilroſ. de terra quæ fuit Radulſi de Offali. de Dunheue. de Finouere. de Orengam. de terra Thomæ Filij Maur. de Killerg. de Struhan. de Dorric. de Foder. de villa Dauid. de Dumetham. de villa Dauid Boch. de terra Ricc. Pmcno. de Gillachneſcop. in Obuy. de Archimen. Trieſch. de tota terra Reug. Poherij in Lagen. de Archemang. de Cauelmuy. de terra Ricc. de Hemfort. ſancti Petri de Seleſcar. ſancti Michaëlis de Vveſefort.

sancti Ioannis. sancti Patricij. sanctæ Brigidæ. sanctæ Mariæ Magdalenz Vvesford. sancti Ioannis de Baliſchau. de Incheſcorch. sancti Ioannis de terra He-
lie. de Pondlg. de Dufer. sanctæ Mariæ de Slescultre. de terra Rog. Valen. de
terra Osberti God. de terra W. Bruselanc. de Senerah. de Kildium. sancti
Ioannis Vvateford. de Drukun. de Kesliuor. sanctæ Mariæ de Tibh. de Arſinan.
de Radron. de Magdeuvin. de Stangenach de terra W. Auguill. de terra Ad
Martel. de Obrid. de terra Alex. Carpenter. de Dumereth. de Typar. de Kar-
ketel. de Hules. de Caihan. de Kilguban. de terra Roberti Sivvim. de Lunc. de
Kilkallan. de Catcorchin. de terra Ricc. de Mora. de terra Thomæ Filij Rad. de
terra Henrici Pmen. de feudo decem miliium in honore Caihan. de Addar. de
terra Galf. de Exſe. de terra Tancardcor. sancti Marchach. Linurin. sanctæ
Brigid. Linurin. de terra Godeberti. de Rupe. de imo Gantar. Inker. de Lach-
mecher. de Holegr. de toto tuedo de Amerit. de toto tuedo de Tulachleys. de
toto tuedo de Horr. de toto tuedo de Maycr. sancti Ioannis de Corcæg. de Ros-
kelan. & de Senegart. Clencan. Ecclesias cum omnibus villis, decimis, Capellis
pertinentijs, & appenditijs suis, necnon & alia bona vestra, sicut ea iuste ac paci-
fice possidetis, vobis & per vos domui Hospital. auctoritate Apostolica confir-
mamus, & presentis scripti patrocinio communimus. Nulli ergo, &c. vsque
nostræ confirmationis infringere, vel ei, &c. vsque contraire. Siquis autem,
vsque incurſurum. Datum Signiæ xij Kal. Augusti Pont. N. Anno xv.

EPISTOLA CXXXII.

IOANNI REDESTONEN. EPISCOPO.

*Ei Graco Episcopo ad Ecclesia unitatem reuerso, parem cum Episcopis
Latinis potestatem largiur.*

CUM ad obedientiam Sacrosanctæ Romanæ Ecclesiæ redieris, sicut ex
parte tua fuit propositum coram nobis, auctoritate tibi presentium
indulgemus, vt in Apostolicæ sedis deuotione persistens, illa gaudeas
libertate, qua gaudent Latini Episcopi Romanæ, illamque iurisdictionem
in subditos tuos obtineas, quam & ipsi in Dicecesibus suis habent. Nulli ergo,
&c. vsque nostræ concessionis infringere, vel ei, &c. vsque contraire. Siquis
autem, &c. vsque incurſurum. Datum Signiæ ij. Idus Iulij Pontificatus no-
stri Anno xv.

EPISTOLA CXXXIII.

EIDEM.

Vt ad unitatem Ecclesia hortetur Gracos.

CUM ad obedientiam Apostolicæ sedis redieris, vt quod audisti alij di-
cas veni, & trahas quasi cortina cortinam. Fraternitati tuæ presentium
auctoritate mandamus, quatinus Coepiscopos tuos necnon Monachos,
& Clericos Gracos; vt ad obedientiam sedis Apostolicæ reuertantur, exhor-

tationibus sedulis efficaciter moneas, & prudenter inducas, ita quòd diligentia tua clareat in effectu, & gratiam nostram merearis plenius, & fauorem. Datum Signiz ij. Idus Iulij Pont. N. Anno xv.

EPISTOLA CXXXIV.

BOIANEN. EPISCOPO.

Vt Hospitalary exhibeant Episcopo Venefrano instrumentum compositionis inter eos, cum eius exemplar corrosum sit. Alioquin testium, qui actui fuere presentes, auditorum dicta, in scripturam publicam redigantur.

SIGNIFICANTE venerabili F. N. Episcopo Venefrano ad nostram noueris audientiam peruenisse, quòd Ecclesia sua ignis incendio deuastata, ipsius priuilegia coactus est aliàs deponere conseruanda: inter quæ, priuilegium quoddam, quod inter Ecclesiam Venefranam, & Hospitalarios ciuitatis eiusdem compositionis, & pacis federa continebat repertum est ex conseruatorum, in cautela corrosum. Vnde quia ex ipsius abolitione, magnum posset Ecclesie Venefran. dispendium prouenire, ac nonnulli qui dum idem conderetur priuilegium interfuerant, dictos Hospitalarios simile habere priuilegium asseuerent: nobis humiliter supplicauit, vt inducere dictos Hospitalarios ad exhibendum idem priuilegium dignaremur. Volentes igitur Ecclesie Venefran. dispendijs precauere. Fratritati tuæ per Apostolica scripta mandamus, quatinus Hospitalarios antedictos ad presatum priuilegium exhibendum, secundum quod Ecclesie antedictæ priuilegium reformetur, moneas efficaciter, & inducas. Alioquin depositiones predictorum testium audiens, efficias, & procures, vt eorum dicta, in scripturam publicam ad perpetuam memoriam redigantur. Datum Signiz xij. Kal. Augusti. Pontificatus nostri Anno xv.

EPISTOLA CXXXV.

BERNARDO PRIMO ET FRATRIBVS EIVS.

Eorum confessione allata, confirmat regulam religionis.

NE quis de cetero vestrum valeat calumniari propositum, sicut olim diligenter examinauimus fidem vestram, ita nunc conuersationem vestram prudenter inuestigare curauimus, & utramque litteris Apostolicis fecimus comprehendi, vllas in testimonium habeatis. Conuersationis ergo vestræ propositum tale est. In nomine Patris, & Filij, & Spiritus sancti, & Beatissimæ semper Virginis Mariæ, ad edificationem vniuersalis sanctæ Dei Ecclesie, & ad salutem animarum nostrarum, & omnium ad quorum aures peruenierit. Sicut fideliter credimus corde fidē Catholicam per omnia, & in omnibus integram, & inuiolatam, quemadmodum in litteris nostræ examinationis expressum, est ore firmiter confiteri, & nuntiare, & predicare proposuimus, & vlt

que ad animam & sanguinem aduersùs omnes sectas heresum defendere viriliter promissimus. Consistentes sub Magisterio & regimine vnus & veri Magistri Domini nostri Iesu Christi, ac pijsimi Vicarij eius Pape Innocentij, & successorum eius semper permanentes, tam corpore quàm spiritu in communione sanctæ Romanæ, ac vniuersalis Ecclesiæ, quam sanctam, & Catholicam, & Apostolicam semper & vbique cõsitemur, & predicamus: extra quam neminẽ saluari fatemur. Sed quia fides sinẽ operibus mortua est, seculo abrenuntiauimus, & quæ habebamus, velut à Domino consultum est, pauperibus erogauimus, & pauperes esse decreuimus; ita quod solliciti esse de castino non curamus; nec aurum vel argentum, vel aliquid tale, preter vestimentum & victum quotidianum à quoquam accepturi sumus. Consilia quoque Euangelica velut precepta seruare proposuimus: & quamquam officium nostrum sit precipuè, vt omnes discant scripturas sacras, & omnes idonei exhortentur; tamen dum tempus ingruit proprijs manibus laboramus, ita dñm taxat ne pretium accipiamus cõuentum. Nam cùm ex magna parte Clerici simus, & pene omnes litterati lectiõni, exhortationi, doctriñz, disputationi contra omnes errorum sectas decreuimus defudare. Disputationes tamen à Doctoribus Fratribus in fide Catholica comprobatis, & instructis in lege Domini dispensari, vt aduersarij. Catholicæ, & Apostolicæ fidei cognoscant veritatem, & respiciant à laqueis diabolici erroris, quibus tenentur capti. Cum Prelatorum veto licentia & veneratione debita per idoneos Fratres, & in sacra pagina instructos, qui potè res sint in sana doctrina arguere gentem errantem, & ad fidem modis omnibus trahere, & in gremio sacrosanctæ Romanæ Ecclesiæ studebimus reuocare. Denique licet dicat Christus, oportet semper orare, & non deficere, & Apostolus, sinẽ intermissione orate: Tamẽ quidam nostrorum per yiginti quatuor vices inter diem & noctem alij quindecies, alij duodecies, qui autem minus septies, pro omnibus hominibus secundum eorum gradus orant. Continentiam perpetuam & castimoniam, vel virginitatem inuiolabiliter conseruando. Suspectum mulierum consortium deuitando, vt nemo nostrum solus ad solam, nec etiam ad loquendum, nisi audientibus aut videntibus legitimis testibus, & certis personis accedat. Nunquam in vna domo fratres, & sorores presumant dormire, nunquam ad vnã mensam residere. Ecclesiastica sacramenta suscipiemus ab Episcopis & Sacerdotibus in quorum Dioccesibus & Parrochijs commorabimur & eis obedientiam debitam, & reuerentiã exhibebimus. Per honestiores autem, & instructiores in lege Domini, & in sanctorum patrum sententijs, verbũ Domini censuimus proponendum, de Prelatorum Ecclesiæ conscientia, & consensu fratrum, & amicis, Clericis, & Laicis, vt discant necessaria pro hereticis conuertendis. In omnibus vero Episcopatibus, Dioccesibus, vel Parrochijs in quibus sumus, vel fuerimus, disposuimus ieiunare secundum morem & consuetudinem Prelatorum & Catholicorum virorum orthodoxorum illarum Prouinciarum, tam in vigilijs, quàm in ieiunijs Quatuor Temporum & Quadragesimæ. Ad mensam quoque semper legendum in domo qua fuerimus conuersari, ex quo numerum excedimus octonarium. Silentium similiter data benedictione vsque ad pet agendas gratias obseruandum, nisi ob correctionem lectoris; aut ob explanationem lectionis. Qui verò secularium nobis credunt, à quibuscumque aliquid

per aliquam fraudem habuerint, necesse est si potuerint, & nobis acquiescere voluerint, vt ipsis & non alijs restituant. Decimas siquidem & primitias & oblationes & cetera, secundum usum locorum: seruitia Prelatis, & alijs Clericis, sub quorum Diocesibus vel Parrochijs victitauerint fideliter persoluant, quod omnibus fidelibus Christianis efficaciter suademus. Religiosum & modestum habitum ferre decreuimus, qualem ex voto consueuimus deportare; vtendo decetero calceamentis communibus, ad consilium, & mandatum summi Pontificis, pro tollendo scandalo quod contra nos mouebatur de calceamentis desuper apertis, quibus vti hactenus solebamus. Vos ergo prescriptum conuersationis propositum de corde puro, & conscientia bona, & fide non facta taliter obseruetis, vt Deo gratum obsequium, & hominibus vtile prebeatis exemplum. Datum Signiz x. Kal. Augusti. Pont. N. Anno xv.

EPISTOLA CXXXVI.

POPULO ALEXANDRIN. SPIRITVM CONSILII
SANIORIS.

Vt ab Ottone Imp. recedant.



APOSTOLICÆ sedis erga vos ab ipsis ciuitatis vestræ primordijs gratiam & fauorem, ipsius quoque ciuitatis vocabulum protestatur: quam felici memorix Alexander Papa predecessor noster, vtpote nouam plantationem Ecclesiæ, tanta caritatis prerogatiua dilexit, vt in perpetuam suæ gratiæ, ac vestræ deuotionis memoriam, eam suo curauit nomine insignire. Qualiter autem nos eius in vestra exaltatione vestigia non solum imitati fuerimus, verum etiam supergressi, licet operibus vos exhibeatis immemores, in vestris tamen cordibus memores, sicut credimus, permanentis, quippe cum talia sint quæ vobis contulimus, vt eorum nullo debueritis tempore obliuisci. Miramur igitur, nec satis admirantes sufficimus admirari, quod cōuersi in arcum peruersum, & in reprobum sensum dati, sic citò recessistis à fidelitate nostra, & sanctæ Romanæ Ecclesiæ matris vestræ, cui non solum debita minime prestistis, verum & in impiorum consilium abeuntes, facti estis inimici eius in capite impugnantes eam, vnà cum persecutoribus eius, & O. Tyranno, & excommunicato, & maledicto in nostram iniuriam, & animarum ac rerum vestrarum periculum adherentes. Quamquam igitur merita vestra non exigant vt vos patris mansuetudine reuocemus, sed potius seueritate iudicis puniamus, quia tamen pater filium diligit etiam offendentem, imitantes longanimitatem illius, cuius patientia quantum in ipsa est ad veniam peccatores adducit. Vniuersitatem vestram exhortamur attentius, per Apost. vobis scrip. mādantes, quatinus, à prefato Tyrāpo, qui, sicut per ea circa nos egit nisi esset cor vestrum insipiens obscuratum aduertere potuistis, benefactoribus suis mala pro bonis retribuit, atque ab eius complicitibus sano vtentes consilio recedatis, & redeatis humiliter ad sinum sanctæ Romanæ Ecclesiæ Matris vestræ offensam preteritis obsequijs subsequenter expiantes. Alioquin indubitanter noueritis, vos priuilegijs omnibus vobis ab eadem indnitis perpetuo

spoliandos, cum propter ingratitudinis vitium libertas in seruitutis compedem reuocetur. Datum Signis iij. Idus Iulij. Pontificatus nostri Anno decimoquinto.

EPISTOLA CXXXVII.

CREMONEN. EPISCOPO APOSTOLICÆ SEDIS LEGATO.

Confirmat depositionem Episcopi Vicentini à Legato decretam, licet sit causa sedis Apostolica reseruanda, quia Episcopi notissima erat indignitas.



ER tuas nobis litteras intinasti, quod cum contra Episcopum Vicentinum, tam per publicam famam, quam per Canonicos ipsius Ecclesie, multa tuis fuissent auribus inculcata. Licet notorium esset eundem Episcopum clamorem qui de ipso ascenderat opere compleuisset ad cautelam tamen eidem terminum prefixisti, quo se tuo conspectui presentaret, suam super obiectis si posset innocentiam ostensurus. Quo demum pluribus sibi terminis assignatis in tua comparere presentia non curante, in eum depositionis sententiam promulgasti, Capitulo Vicentin. alium eligendi liberam tribuens facultatem. Quamuis igitur ad id finem nostro speciali mandato procedere non debuisset, cum hoc sit vnum ex illis quod sibi sedes Apostolica specialiter reseruauit, quia tamen nota est eius enormis dilapidatio, & deformis insufficiencia non ignota, & antequam tuas litteras acceperimus, nos super ipsius depositione nostras feceramus litteras iam notari. Fraternalitati tuæ per Apost. scrip. mandamus, quatinus eundem facias ab Ecclesie Vicentin. regimine perpetuo remanere remotum. Monens idem Capitulum diligenter, vt in nullo de cetero eidem intendens, personam idoneam, & Ecclesie Romanæ deuotam, sibi per electionem canonicam infra mensem preficiant in pastorem. Alioquin tui auctoritate nostra sublato cuiuslibet contradictionis, & appellationis obstaculo exequaris. Nihilominus dictum Episcopum per censuram Ecclesiasticam districtissime cogens, vt pecuniam quam de alienatis Ecclesie possessionibus congregauit, reffundari eiusdem Ecclesie debita persoluenda. Datum Signis Non. Iulij. Pont. N. anno xv. Super hoc scriptum est Capitulo Vicentin.

EPISTOLA CXXXVIII.

EPISCOPO AVRASICEN.

Causam matrimonij mulieris bigama delegat.



XTUARUM perpendimus serie litterarum F. mulierem Aurasicen. coram te fuisse conquestram. Quod cum B. Garinus Parochianus tuus eam dixisset legitime in vxorem, eandem non curabat maritali affectione tractare. Cumque partes ad tuam presentiam conuocasses, dicta mulier iuramento firmavit: quod idem B. per verba de presenti contraxerat cum eadem,

testibus nihilominus ad hoc probandum productis, quorum depositiones eisdem duxisti litteris inferendas. E contra verò B. memoratus iuravit se numquam contraxisse cum muliere iamdicta, nec eandem annulo subarrasse, producos nihilominus testes ad reprobationem testium productorum ab ipsa, dicta quorum eisdem inserere litteris procurasti. Proposuit etiam B. prædictus, quod eadem mulier cuidam Stephano in Ecclesie facie fuerat matrimonialiter copulata, qui carnaliter eadem cognouerat, & eam tenebat in domo propria ut uxorem; quod in iure confessus fuit mulier sepe dicta, asserens tamen se cum B. sepe dicto primum contraxisse. Cumque postmodum mulier eadem ad testes interim producendos diem sibi peteret assignari: dictus B. asserens eandem audiuisse dicta testium productorum ab ipso, ac propter hoc non debere rursus ad testium productionem admitti, sedem Apostolicam appellauit, octauas sancti Martini proximò venturas terminum suæ appellationi præfigens: quem terminum artans ad festum Ascensionis proximò tunc futurum, nobis humiliter supplicasti, ut causam eandem sine terminata debito dignemur. Nos igitur hijs tam per litteras tuas, quàm per relationem dil. fil. G. Subdiacon. & Capellan. nostri, quem eidem B. cõcessimus auditorem, plenius intellectis, easdem litteras tuas sub Bulla nostra tibi remittentes inclusas; fraternitati tuæ per Apostolica scrip. mand. quatinus si de hoc principaliter coram te actum fuerit, quòd videlicet sæpe nominatus, B. memoratam. F. maritali non curabat affectione tractare, & vera sunt quæ in præfatis tuis litteris continentur, dictum B. ab impetitione prædictæ mulieris absoluas. Quia siue ipsa mulier primò cū Stephano, quàm cum B. sepe dicto contraxit, primum factum debet præiudicare secundo; siue constet eam primò cum B. postmodum cum Stephano contraxisse, nihilominus eius petitioni obuiat adulterium, de quo est manifestè confessus. Si verò de hoc principaliter fuit actum, utrum scilicet intet dictum B. ac mulierem præfatam legitimum fuerit matrimonium, cum super hoc causa non fuerit sufficienter instructa, eam plenius audias, & sine canonico appellatione remota decidas, faciens quod decideris, per censuram Ecclesiasticam firmiter obseruari. Datum Signæ ij. Idus Iulij, Pont. N. Anno. XV.

EPISTOLA CXXXIX.

NORVVINCENIN. HIBERNIA COMMORANTI. CLVANFERTEN.
ET ENACTVNEN. EPISCOPI S.

*Vi lata sententia contra Vvaterfordensem Episcopum executioni
mandentur.*



VM causam quæ inter venerabilem Fratrem nostrum Leshmoren. & D. quondam Vvateforden. Episcopos vertebatur. Venerabilibus Fratribus... Laonien. & Corcagien Episcopis, & dilecto Filio. Archidiac. Casselen. sub certa forma duxerimus commitendam. Ipsi mandatum nostrum tanquam obedientiæ Filij diligenter, sicut ex litteris eorum accepimus, exequi cupientes, ad instantiam ipsius Leshmoten. Episcopi, eundem Vvaterforden. Episcopum citauerunt, ut iuxta mandati Apostolici

formam in iure dicto Episcopo responderet. Sed eo postmodum in eorum presentia comparente, idem Vvaterforden. præfatum Lefmoren. Episcopum, ob quasdam adulterinas litteras nomine bonæ memoriæ. I. titulo sancti Stephani in Celio Monte Presbyteri Card. tunc in partibus Hiberniæ Apostolicæ sedis Legati confectas, quas idem Lefmoren. per collationem aliarum litterarum ipsius Card. veracium coram eisdem iudicibus aperte edarguit falsitatis, probare nitebatur, excommunicationis nexibus irretitum. Sed cum nec hanc, nec etiam alias exceptiones obiectas dictus Vvaterforden. probare aliquatenus potuisset, lite super principali presentibus partibus contestata; diem ipsis dicti iudices statuerunt, infra quam dictus Vvaterforden. à quibusdam Sathanæ satellitibus instigante Diabolo extitit immaniter trucidatus. Postmodum autem cum Robertus Clericus fuisset ad Ecclesiam Vvaterforden. Electus, & venerabilis F. N. Casselen. Archiepiscopus vellet imponere sibi manus. Quia dictus electus sequens sui predecessoris vestigia, occupatas possessiones inuaserat per potentiam laicalem: præfatus Lefmoren. Episcopus pro sui iuris tuitione, aduersum eundem reclamauit electum. Sed antefato Archiepiscopo respondente, quod ipsum tantum ad Vvaterforden. & non ad Lefmoren. Ecclesiam consecrabat, præfati iudices premissum. R. iam in Episcopum consecratum suis citatorij litteris ad eorum presentiam euocarunt; super possessionibus à predecessore suo nequiter occupatis eidem Episcopo responsum. Eo itaque coram ipsis ad prefixum sibi terminum comparente, citationem ipsam non fuisse Canonicam, hijs rationibus allegauit. Tum quia eadem non nisi viginti & septem dies à termino continebat, tum etiam quod tantum ab vno ipsorum iudicum, & quodam Abbate alio, cui prenominate Corragien. comiserat vices suas, extiterat euocatus. Verum cum dictis iudicibus constitisset, quod triginta & nouem dierum fuerat citatio prenotata, & quod etiam licet iudici delegato citationis officium cui libet committere, ac punire ratione preuia contemptorem, exceptionem illam esse friuolam decreuerunt. Quade re dictus Vvaterforden. accensus, sedem Apostolicam appellauit, & suæ appellationi terminum aliquatenus non prefigens, & nullam aliam rationabilem causam obiectæ appellationis allegans recessit contumaciter à presentia eorundem. Iudices autem apellationem huiusmodi, pro eo quod in litteris commissorijs fuerat remedium appellationis sublatum, frustratoriam attendentes; & aduertentes etiam quod per sui predecessoris procuratores, & per ipsum Episcopum demum in eorum presentia lis fuerat contestata. Testes ipsius Lefmoren. Episcopi, super duobus articulis eisdem ab Apostolica sede commissis, videlicet quod Ecclesia Lefmoren. à tempore cuius non extat memoria, fuerat Cathedralis, & super ipsius electione Canonica, receperunt: tertio articulo pretermisso, videlicet quod excommunicatus extiterat præfatus Vvaterforden. Episcopi predecessor, cum inhumanum sit persequi odio iam defunctum. Testes etiam super violenta iniectione ipsius Lefmoren. Episcopi de nouo presumpta, post factam illis commissionem recipere decreuerunt, cum ad eorum spectaret officium corrigere malè acta, circa negotium sibi ab Apostolica sede commissum. Testibus itaque sic receptis, & attestationibus publicatis, dicti iudices attestaciones ipsas Vvaterforden. Episcopo transmiserunt: diem prefigentes eidem,

quo in eorum præsentia compareret, in testes, si vellet aut dicta testium aliquid obiecturus. Eodem itaque Vvareforden. minimè comparente, nec mitrente aliquem idoneum responsolem, iidem iudices tam arrestationibus à nobis sibi transmissis, quàm etiam alijs quas ipsi receperant fideliter publicatis, cum per inspectionem earum, & literas venerabilium fratrum nostrorum ... Archiepiscopi Tuamen. & .. Episcopi Duacen. qui super eodem negotio à nobis iudices fuerant instituti, & restitutionem Lefmoren. Ecclesiæ adjudicarant eidem, & in possessionem induxerant corporalem, de intentione præfati Lefmoren. Episcopi plenissimè constitisset, communicato virorum prudentum & iuris peritorum consilio, possessionem Lefmoren. Ecclesiæ cum suis omnibus pertinentijs adjudicarunt autoritate nostra Episcopo memorato, sæpessatum Vvareforden. Episcopum ad solutionem centum & sexaginta Marcarum argenti taxatione ab ipsis ultra dimidiam partem quantitatis providè facta expensarum & ablatorum nomine condemnantes, & charitate fraterna, quæ cum scandalizatis vritur, & cum patientibus infirmatur, exilio diutino, & miserijs compatiens continuis Episcopi sæpessati, dictus Corcagien. Episcopus & dilectus Filius .. Laonien. Decanus loco alterius iudicis, in corporalem possessionem ipsius Lefmoren. Ecclesiæ ipsum Episcopum induxerunt. Ceterum cum paulo post idem Lefmoren. Episcopus in sabbatho quo Sitientes canatur celebraret solemniter Ordines in eadem, quidam familiares dicti Vvareforden. Episcopi vnà cum Rog. Christophori ipsi Episcopi Senescalco ab ipso specialiter destinato, dictum Episcopum aliquandiu in ipsa Ecclesia obsidentes, demum in eundem ab Ecclesia sacris indutum vestibus exeuntem, actu nefario irruerunt & Ecclesiam ipsam bonis, tam intrinsecis, quàm extrinsecis per violentiam spoliantes, & ab ipso Episcopo indumenta Pontificalia vilitè manu sacrilega extrahentes, cum duobus Presbyteris de loco ad locum per inuia, vsq; ad castrum de Dungaryan in quo erat Vvareforden. Episcopus, captiuum immaniter abduxerunt eundem. Cuius pedibus idem Vvareforden. deponens modestiam Pontificis, & induens nequiter camificis ferirarem compedes iradens ferreos manu sua, & iuuans fabrum clauos ipsis compedibus defigentem, sic ipsum carceris ergastulo mancipauit. Post hæc autem dicti iudices apud Castellum vnà cum dicto Cassellen. Archiepiscopo in maiori Ecclesia conuenientes in vnum, huius iniquitatis auctores, & etiam consentientes eidem, præsentè Vvareforden. Episcopo, & pariter assentiente accensis candelis excommunicationis vinculo solemniter innodarunt. Euadente itaque post septè hebdomadas Lefmoren. Episcopo Dei auxilio carcerem supradictum, in quo siti, fame, ac penuria multiplici acriter fuerat maceratus, iidem iudices præfatum Vvareforden. Episcopum vt eidem Lefmoren. Episcopo satisfaceret de iniurijs irrogatis, suis duxerunt citandum litteris iteratò. Quo in die statuto in ipsorum præsentia comparente, ac post comminationes quamplurimas ex parte Regis Angliæ intentatas remere in eosdem, cõtumaciter ab ipsorum auditorio recedente, ipsi iudices licèt huius facti enormitas esset notoria, & fere omnibus manifesta, quia tamen idem Vvareforden. patratum scelus de assensu ipsius factum fuisse negabat, testes contra ipsum vt pote lite super hoc articulo contestata cum solennitate debita receperunt, quorum depositionibus publicatis, & transmissis etiam

ad Vvateforden. Episcopum supradictum, diem sibi & locum denuò præfixerunt, vt si duceret in testes, aut eorum depositiones aliquid opponendum, ad ipsorum præsentiam accederet id acturus. Qui compars in statuto termino coram eis, minas comminationibus, & conuitia præmissis iniurijs aggregauit parans instinctu diaboli eidem Episcopo latenter insidias per Thomam suum Clericum in cimiterio Liniricen. cùmque Lefmoren. prædictus esset in ostio Limiricen. Ecclesiæ constitutus, dictus Thomas Dei timore postposito manus iniecit temerarias in eundem, & sibi litteris iam dictorum Archiepiscopi Tuamen. & Episcopi Duacen. à manibus ipsius violenter auulsis, euaginato gladio sic ipsum conatus est decollare quod ictus asperè ferientis, à quo diuina potentia ipsum Episcopum liberauit, in ostium defluens memoratum, ibidem perennis memoriæ vestigia dereliquit. Quem quod id præsumperat ipsis iudicibus astantibus, & cernentibus tantum scelus, denuntiarunt publicè anathemati subiacere, ipsi Vvateforden. Episcopo arctiùs inhibentes ne communicare in aliquo præsumeret Clerico memorato, sed idem Episcopus inhibitionem huiusmodi vilipendens, tam in corporali, quàm in spirituali mensa eadem die, ac deinceps ipsi Thomæ communicare non metuit, quemadmodum per testes didicerant iudices supradicti. Et licèt idem Episcopus in testes & eorum testificata eadem die obijcere noluisse, ac ab ipsorum conspectu contumax discessisset, ad ipsius tamen malitiam conuincendam non solum ei alterum, sed etiam tertium, & quartum diem ad vltimum eidem præemptorium indixerunt. Quo nullatenus comparsente nec sufficientem ad eos responsalem mittente, dum ipsis per attestaciones quas nobis sub sigillis suis dicti iudices destinarunt, de violentia ipsi Lefmoren. à Vvateforden. Episcopo irrogata & iniectiōe violentarum manuum constitisset, assidentibus eis viris prudentibus, & discretis, tam ipsum in canonem latæ sententiæ incidenter, quàm omnes fautores suos candelis accensis, & pulsatis campanis excommunicatos publicè nuntiarunt. Auctoritate nostra præmissa Archiepiscopo iniungenres, vt ipsum excommunicatum per suam faceret Prouinciā nuntiarī, & sibi rerum spiritualium curam donec in sententia perdurandum duceret interdicens, sꝑsefactum Lefmoren. Episcopum in corporalem possessionem auctoritate nostra induceret Ecclesiæ Lefmoren. adijcientes eidem, vt tam clero, quàm populo Vvateforden. sub interminatione anathematis, districtiùs inhiberet, ne ipsi Episcopo in executione pertinaciter existenti, præsumerent in aliquibus obedire, sed potiùs ipsi Metropolitan. reuerentiam omnimodā exhiberent. Sed ipsi Clerici facti salutis propriæ contemptores, dicto Episcopo participare ausu temerario præsumentes, eidem Archiepiscopo iniunctam ipsis reuerentiam impendere noluerunt. Propter quod idem Archiepiscopus in ipsos excommunicationis sententiam promulgauit, quam ipsi iudices duxerunt postmodum auctoritate Apostolica confirmandani. Quocirca fraternitati vestræ per Apost. scrip. præcipiendo mandamus, quatinus prædictas sententias, sicut rationabiliter sunt prolatae, faciatis vsque ad satisfactionem condignam per censuram Ecclesiasticā, appellatione remota inuiolabiliter obseruari. Contradiçtores siqui fuerint vel rebelles, per subtractionem beneficiorum, si necesse fuerit, sublato appellationis obstaculo compescendo. Vt autem dictus Vvate-

Vvateforden. Episcopus de sua non possit malitia gloriari, eundem cum litteris vestris ad nostram presentiam dirigatis. Quod si non omnes, &c. duo vestrum, &c. Datum Signiz vj. kal. Iulij. Pont. N. Anno xv.

EPISTOLA CXL.

VT BRIXIENSIS EPISCOPVS LINGVA IMPEDITVS, ET SENEX,
CVM IAM ID POSTVLAVERIT, ECCLESIAE SVÆ CEDAT.

Cremonen. & Vercellen. Episcopis Apostolica sedis leg. & Regin. electo.



ICET secundū Apostolū qui Episcopatum desiderat, bonum opus desiderat, si tamen Episcopus nominis non exequatur effectū, vnde dolere possit inuenit, quia de primatu quē in terris obtinet, consensionē expectat in cælis. Cū enim esse debeat vt oliua fructifera in domo Dñi, & tanquam lignum plantatū secūs decursus aquarum, reddere fructum tempore suo: si non fructificat non absurdē comparatur ficulnæ, quæ fructus non edit acceptos, & terram sterilem reddit sub vmbra nociua inutiliter occuparam. Talis Episcopus tantò grauius cadit interiūs apud Deum, quantò altius videtur exteriūs apud homines ascendisse; periculosus est talibus ad Episcopatum ascensus, sed tantò periculosior est Episcopatus retentio, cū quis solitudini non sufficit pastorali, quantò efficacius per experientiam suæ insufficientiæ didicit onera præsulatus, & retinentem acculat ambitio, quem recipientem coactio debuerat excusare: cū in talibus adesse debeat coacta voluntas, & voluntaria coactio non deesse, vt se cogi non renuat, & velle non audeat nec cogatur. Expedit ergo Prælato qui nequit in prælatione proficere, quod efficiatur vnus de paruulis, & descendat exteriūs, vt intus ascendat, & in minori proficiat, qui deficit in maiori: quia non in sublimitate graduum, sed in amplitudine charitatis acquiritur regnum Dei, apud quem non gradus elegantior, sed vitæ melioris actio comprobatur: vnde prudenter animæ suæ consulat, & honori ... Brixien. Episcopus, si Episcopatu corpore cedet, cui videtur utilitate cessasse. Cū enim, sicut ex litteris vestris accepimus, linguæ sit officio destitutus, & lingua Prælati esse non debeat alligata, exequi non poterit prædicatoris officium mutus, & annuntiare populo scelera sua; cuius sanguinem Deus de manu Prælati requiret. Cū etiam grandævus ætate, confectus sit senio, & præ longæ infirmitatis angustia, sit effectus inutilis Ecclesiæ Brixien. nequit ascendere vti die belli pro domo Domini semurum opponat ascendentibus ex adverso. Si sic est sponsi caret complexibus, licet habere sponsum videatur Ecclesia memorata; cū sponso carere tolerabilius sit, quàm sub inutili sponsi nomine incommoda viduæ sustinere: ne igitur sub vmbra matrimonij diu portet onera viduitatis Ecclesia supradicta, cū sit providendū notā Prælati in Ecclesiis, quā Ecclesijs in Prælati, discretionis vestræ per Apost. scrip. mādamus quatenus si præmissis veritas suffragatur, supradictū Episcopum ad resignationem Episcopatus moueat prudenter, & efficaciter inducat: Qui si prudenti meditatione prævidere voluerit quid expediat, voluntate præueniet cessionem, & cessio longæ monitionis instantiā nullatenus expectabit; vt non quæ sua sunt; sed quæ Iesu Christi

quzrere videatur, & voluntaria cessio notam ambitionis excludat. Sed si cedere sponte noluerit, cum frequenter petierit à cura, & sollicitudine per nos Ecclesie Brixien. absolui, & in manum bonæ memoriæ G. Albanen. electi, tunc Apostolicæ sedis Legati, ordinationem posuerit Ecclesiæ supradictæ. Nec libet ū sit lux voluntatis arbitrium in superioris iudicium iam translatum, quia frequenter nobis illuderetur à subditis, si deambulatoria esset subiectorum voluntas ad examen cognitionis nostræ delata, ab eodem Episcopo Ecclesiæ supradictæ soluta. facias eidem iuxta formam prioris mandati nostri de tali persona per electionem canonicam prouideri, per quam auferatur temporis iactura præteriti, & futuri commolitas conferatur; ipsaque nobis, & Ecclesiæ Roman. manifestè fidelis sit, & deuota; providentes nihilominus eidem Episcopo in certis redditibus, de quibus competenter valeat sustentari. Quod si non omnes, &c. Duo ventium, &c. Datum Signiz ij. Non. Augusti, Pont. N. Anno xv.

EPISTOLA CXLI.

RECIPIT CVM BONIS, IN IVS ET PROPRIETATEM ROM. ECCLESIE.

Abbati Monasterij S. Maria Dolen. eiusque fratribus tam presentibus quam futuris regularem vitam professis in perpetuum.



EFPECTVM iusta postulantis indulgere non solum vigor æquitatis verum etiam ordo exigit rationis, præsertim quando petentium voluntates & pietas adiuvant & veritas non relinquit. Quocirca dilecti in Domino filij vestris iustis petitionibus clementer annuimus, & ad exemplar prædecessorum nostrorum felicitis recordationis, Paschalis, Calixti, Anstasij, Adriani, Alexandri, Lucij, & Celestini Romanorum Pontificum præfatum Monasterium sanctæ Dei Genitricis semperq. Virginis Mariæ Dolen. quod ad ius & proprietatem B. Petri pertinere dignoscitur, in quo diuino micipati estis obsequio cum omnibus ad ipsum pertinentibus Apostolicæ sedis privilegio roboramus, statuente. ut quæcumque possessiones quæcumque bona idem monasterium, &c. usque, omnino consistant. In quibus hæc proprijs duximus vocabulis exprimenda, Ecclesiam videlicet sancti Martialis, Ecclesiam sancti Andreæ Apostoli, & sancti Martini suas apud Castrum Radulphi. Ecclesiam sancti Dionysij extra castrum prædictum cum sexaginta solidis censualibus ab altero Capellano ipsius Ecclesiæ reddendis. Ecclesiam sancti Stephani protomartyris, sancti Germani Confessoris & aliâ Ecclesiam Beatæ Mariæ in Burgo Dolen. In Episcopatu B. turicen. Vodolen. Monasterium cum pertinentijs suis, videlicet Ecclesiam parochialem Beati Petri de Bonnet, Ecclesiam de Ambraus, Ecclesiam de Chodac, Ecclesiam de Conde cum alijs suis appendentijs, Monasterium de Cella cum parochia sua, & Capellam sancti Petri de Brioria, Capellam sancti Germani cum pertinentijs, Ecclesiam de Meulent cum Capella sancti Romuli, Monasterium de Vriaco cum Ecclesijs & Capellis suis, sancti Marini de Castro, sancti Nicolai, sancti Christophori, sancti Martiniani, sancti Siluei, Ecclesiam de Olvas & nouam Ecclesiam, Ecclesiam de Curte, S. Victoris cum parochia sua, Ecclesiam de Sai giaco cum appenditijs suis, Ecclesiam de Mesppe, Ecclesiam de Ortenay, Ecclesiam de Arfolio, Ecclesiam de Parnay, Ecclesiam de Solbers,

Ecclesiam de Arconcio. Capellam sanctæ Mariæ & sancti Hilarij, Ecclesiam de Faruargines, Ecclesiam sancti Pauli extramuros Ciuitatis Bituricens. cum Parochia sua, Ecclesiam de Vorle, Ecclesiam de Prada cum Capellis de Cusiene, sanctæ Mariæ, sancti Vrsini & sancti Christophori cum Ecclesijs de Virdon. Ecclesiam sancti Stephani de Castro Melani cum Ecclesijs & Capellis suis & Capellam sanctæ Mariæ, sancti Syluani, sancti Petri, & sancti Martini, Ecclesiam sancti Ianuarij, Ecclesiam de Vtriaco, Ecclesiam de Vico cum Capella de Albeis, Ecclesiam sancti Petri de Bosco, Ecclesiam sancti Hilarij de Borneis cum Capellis suis sanctæ Mariæ de Castro Linerij, sancti Martini de Borneis. Capellam de Colnee, Ecclesiam de Reziaco cum Capella sancti Iuliani, Ecclesiam sancti Karterij, Ecclesiam de Noent, Ecclesiam de Vico, iuxta sanctum Karteriū: Ecclesiam sancti Aigulphij, Ecclesiam sancti Saluatoris de Masuilio cum appenditijs suis, Ecclesiā sancti Stephani de Cassagnolis, Eccl. de Maefnio cum Capellis suis & Parochia, Ecclesias de Ardentia, Eccl. de Cāpiliaco, Eccl. S. Symphoriani de Creissac, Eccl. de Nouo vico paludoso, Eccl. de Iaugeth, Eccl. de Duno, Eccl. S. Sericlerx, & Capellā de Cōps, Eccl. de Buffolio cū Capella de Azeis, Eccl. de Baudrā, Eccl. de Roua, Eccl. de Polignet, Eccl. de Britannia, Eccl. de Briona, Eccl. de monasterio Causina, Eccl. de Vilers, Eccl. de Diors, Eccl. de nuce, Eccl. de Floriaco, Ecclesias & Capellas omnes vtriusque Closis, Ecclesiā de Martoniaco. Necnon Ecclesiam de Grunay, Eccl. de Bessalgia, Ecclesias de Challac cum parochijs suis Ecclesiā de Vigo, Eccl. de Celon, Eccl. de Lulerich, Eccl. de Musnay cum Capella Iuernali, Ecclesiā de Nierñ. cum Capella de Sutoriñ, Ecclesiam de Chambona cum parochia sua, Ecclesiam de Claudioniac cum Capella de Cābono, Eccl. de Taufiliaco cum parochia sua, Eccl. sancti Sigirāni de Chambo, Eccl. S. Laurentij de Gargelossi, Eccl. de Cuzuin, Eccl. de Bairezia, Eccl. de Dāper Eccl. de Ortena, Eccl. sancti Pantaleonis cum Capellis suis de Fero & de Bona villa, Eccl. de romerio, Eccl. de Crofent cum Capellis suis: ecclesiam de Aguzun, Eccl. de Copdallia, Eccl. de Capellula. Capellam S. eligij cum appenditijs suis, Eccl. de Amuelero, Eccl. S. Austregisili de Castellonouo, Eccl. sancti Genitoris de Oblinquo: Capellam S. Mariæ, S. Petri, & S. Sigiranni. In eodem Castro, Ecclesiam de Tremfals, Eccl. de Artaim. Eccl. de Oratorio, Eccl. S. Seueri cum Eccl. & Capellis suis. Eccl. S. Martini, Capellā S. petri, S. Ioannis, Eccl. S. Mariæ de polinic. Eccl. S. Martini de polinic. Eccl. de Sazerech, Eccl. de piraiziaco, Eccl. S. proiecti, Eccl. Vigionen. Eccl. de Creuent. Monasteriū de Spino colero cum appēditijs suis pro quo singulis annis duodecim denarios Roman. Ecclesiæ persoluetis sicut est antiquitus constitutum. p̄x̄rera Virsionen. Monasterium vobis veltrisq̄ue successoribus perpetuò prouidendum & regendum cōmittimus, donum quoque & concessiones emenonis exoldunen. senioris quas fecit emenoni & alberto abbatibus Dolen. de Monasterio Beatz Mariæ apud Castrum exolduni sito, quemadmodum p̄dicti p̄decessoris nostri p̄z̄ recordationis Calixti papæ privilegio continetur vobis nihilominus confirmamus. Adjicientes insuper ecclesias de Briuis, Eccl. de Plancis, Eccl. de Maroñ. Eccl. S. Austregisili, de rure clerici, capellam S. Michaëlis, & Eccl. S. Desiderij eiusdem castri, Eccl. de Vigeuilla cum parochia sua, Monasterium de Pradellis cum parochia sua: capellam de Bortiac, Eccl. de Noent. Eccl. de Magniaco cum ap-

penditijs suis, Eccl. S. petri de Duno, Eccl. de Lata petra, ecclesiam de Nozelio, Eccl. de Moſterio, Eccl. de Moſterol, Eccl. de Geſſillat, Eccl. de Linars, Eccl. de Genoliat cum capellis ſuis, S. Martialis, S. Mariæ de Capellula: Monasterium de pontiaco, cum capella S. Mariæ; Eccl. S. Martini, S. Deſiderij, Eccl. de Nozerolis, Eccl. de Méanis, Eccl. de Oratorio S. Michaëlis: eccleſias de Salgiaco, Eccl. de Bonis; cum eccleſia parrochiali, eccleſiam de Portio cum eccleſijs & appeditijs ſuis, Eccl. de Artreio, eccleſiam de Roca cerucria, de Graula, de Lorge, de Veteri vinea, de Gatineria: eccleſiam de Malaualle, Eccl. de Coſdra, Eccl. de Brennaio, Eccl. de Ligolio, Eccl. S. Flodouei, Inſulam de Andria cum eccleſia, Capellam de caſtro Begonis. Eccl. de Boia, Eccl. de Muſterles cum Capella ſua, Eccl. S. Géronis, Aureliani Eccl. S. Vincentij, Eccl. S. Leonardi de inſula Bucardi, cum eccleſia de Lamere: Eccl. dedomo Faginea cum capellis S. petri, & S. Michaelis de Duno, cum terra, hominibus, Burgo, libertate & immunitate ipſius, & cum omnibus ad eandem eccleſiam pertinentibus. præterea Andezemmen. eccleſiam cum eccleſijs & capellis ſuis, quæ vtique B. petri iuris eſſe cognoscitur, ex Apoſtolice ſedis benignitate vobis & ſucceſſoribus veſtris regendam diſponendamque concedimus, quemadmodum à ſupradictis Romanis pontificibus, paſchali, Calixto, Adriano, Alexandro, Lucio, & celeſtino noſcitur inſtitutum, eorūque priuilegijs confirmatum, vt videlicet ex eadem eccleſia duos ſolidos, ex Dolen. verò Monasterio vnū Lateranen. palatio perſoluatis. Ad hæc feliciſ memorie eugenij, Adriani, Alexandri, Lucij, & celeſtini prædeceſſorum noſtrorum veſtigijs inhxrentes ſententiam, quam bonæ memorie Galfridus Burdegalenſis Archiepiſcopus. & Lambertus engoliſmen. epicoſopus ſuper Capella S. Nicolai de Rocella ſuper qua inter vos & Cluniacen. Monachos controuerſia vertebatur, ex mandato ipſius Eugenij Papæ rationabiliter protulerunt, & ſcripti ſui pagina roborarunt, auctoritate Apoſtolica confirmamus, & ſicut ab eis iudicatum eſt, Capellam ipſam à vobis & veſtris ſucceſſoribus incoſcuſe perpetuò decernimus poſſidendam. Capellam quoque S. Thomæ martyris Cantuarien. Archiepiſcopi, iuxta præſatam Capellam S. Nicolai de nouo conſtructam nihilominus vobis duximus confirmandam. Decernimus etiam vt quod idem Dolen. Monasterium ab initio foundationis ſuæ priuilegijs prædeceſſorum noſtrorum obtinuit, perpetuis futuris tēporibus inuiolabili obtineat firmitate, vt ſcilicet nullus Epicoſporum, nec etiam Bituricen. Archiepiſcopus, in cuius Parrochia idem Monasterium ſitum eſt, Abbatem, ſeu etiam Monachos ſuſpendere, vel excommunicare, vel ad Synodum vocare iudiciaria poteſtate, aut diuinum officium interdicare præſumat ibidem; ſed ſi neceſſe fuerit eidem præſuli totum Comitatum Bituricen. interdicto ſubijcere, omnes Monachi & familia eiufdem Monasterij immunes ab eodem interdicto ſemper exiſtant, liceatque illic Deo ſamulantibus Monachis diuina officia celebrare, & iamdictam familiam tumulare: ita tamen vt excommunicati vel interdicti ad ea nulloatenus admittantur. Chriſma verò, oleum Sanctum, conſecrationes altarium, baſilicarum dedicationes, benedictiones Abbatum, ordinationes quoque Monachorum & Clericorum veſtroꝝ Burgi Dolen. ceteraque Eccleſiaſtica Sacramenta, à quocumque malueritis Catholico ſuſcipietis Epicoſpo gratiam & communionem Apoſtolice ſedis habente, qui noſtra fietus auctoritate ſine

cuiuslibet contradictionis, vel appellationis obiectu, quod postulabitur non differat exhibere. Sicut à præfato Celestino Papa vobis dignoscitur esse concessum. Præterea compositionem quæ inter Monasterium vestrum, & bonæ memoriæ Stephanum Bituricen. Archiepiscopum super Ecclesijs & decimis, de quibus questio vertebatur facta est, & hinc inde recepta, & in scriptis authenticis prædicti Archiepiscopi, necnon Decani & Capituli S. Stephani Bituricen. continetur expressa, auctoritate Apostolica confirmamus. Prouisionem quoque inter vos, & venerabilem F. N. G. Bituricen. Archiepiscopum, nobis mediantibus factam super Ecclesijs, clericis, & alijs hominibus Burgi Dolen. necnon pluribus alijs sicut in nostro continetur authentico, per huius priuilegij paginam auctoritate Apostolica confirmamus, & in perpetuum ratam manere censuimus. In Parrochialibus verò Ecclesijs vestris vacantibus liceat vobis personas eligere, & Episcopo præsentare, quibus si idonei fuerint Episcopus animarum curam committat, vt de plebis quidem cura Episcopo: vobis autem de temporalibus debeant respondere, quibus nullo modo permittimus, sed sicut antiquis canonibus constat inhibuitum nihilominus inhibemus, vt bona per Ecclesias acquisita in alios transferre, nulla ratione præsumant, sed siue intestati decesserint, siue condiderint testamentum penès Capellanas suas debeant, modis omnibus remanere. Liceat autem vobis Clericos, vel Laicos è seculo fugientes liberos & absolutos ad conuersionem recipere, & eos absque contradictione alijs qua retinere. Sepulturam quoque illius loci, &c. vsque, à quibus mortuorum corpora assumuntur. Prohibemus insuper ne cui liceat infra Parrochias Ecclesiarum vestrarum, sine assensu Diocesani Episcopi, & vestro Ecclesias vel Oratoria de nouo construere, seu etiam cimiteria benedicere. Saluis tamen scriptis Apostolicę sedis. Decernimus ergo &c. vsque, vsibus omnimodis profutura. Salua sedis Apostolicę auctoritate, & in præscriptis Ecclesijs Diocesanorum Episcoporum Canonica iustitia. Si qua igitur, &c. vsque, diuinę vltioni subiaceat. Cunctis autem eidem loco, &c. vsque præmia, & temerè precis inueniant, Amen. Datum Signiz per manum Ioānis S. Mariz in Cosmidin Diac. Card. S. Roman. Ecclesię Cancellarij Indictione xv. Incarnationis Dominicę, Anno millesimo ducentesimo duodecimo, Pont. verò Domini Innocentij Papę III. Anno quintodecimo.

EPISTOLA CXLII.

EXCOMMUNICATIONIS ET PRIVATIONIS SENTENTIAM LATAM IN GAVERIDVM
PRIOREM MONASTERII DE CARITATE, OB EIUS IN ABBATEM
CLUNIAC. PROTERRIAM RATAM ESSE IVBET.

Trecen. & Melden. Episcopis, & Abbati Latiniacen. Parisien. Diocesis.

EX parte dilecti filij . . . Cluniacen. Abbatis fuit propositum coram nobis, Quòd cum ipse ad probandam coram dilectis filijs Abbate sanctę Genouefę Parisien. ac coniudicibus suis Monasterij de Caritate læsionem enormem, quam in alienatione possessionum suarum incurrerat, & inueniendam pecuniam Templarijs refundendam diligenter & sollicitè laboraret,

iamque magnam partem pecuniæ sine ipsius Monasterij grauamine inuenisset, ac ipem concepisset de inueniendo residuo meliorem. Gaufridus tunc Prior eiusdem Monasterij Antisiodoren. Dixit, ne ipsius Abbatis studium supra hoc sortiretur effectum nequiter studuit impedire. Nam cum Abbas præcepisset eidem, ut de his & alijs quæ ad Ordinem pertinent, tractaturus ad Capitulum generale accederet, quod instabat, ipse quemdam clericum alienigenam & ignotum post eundem Abbatem apud Sezanniam ad appellandum transmissit, sicut idem clericus assererat. Tunc Abbas prædictus per huiusmodi machinationes & studia videns super probatione lésionis enormis, & solutione Templarijs facienda; necnon & alijs utilibus procurandis impediti processum, disciplinamque Monasticam dissolui penitus & elidi, versus idem Monasterium, licet iam instaret dies celebrandi Capituli General. duxit eelerius festinandum, volens supra hoc cum eiusdem loci conuentu habere tractatum, ac de mandato nostro corrigenda corrigere, ac statuere statuenda: Præsertim cum de nouo nostris fuisset litteris redargutus quod se in cottigendis excessibus subditorum in Abbatijs & Prioratibus sibi subiectis exhiberet tepidum & remissum, ac nos mandassemus eidem, ut appellatione remota corrigeret & reformaret in illis quæ correctionis & reformationis officio eerneret indigere. Verum Gaufridus prædictus captao fauore seruientium Nobilis viri Comitis Niuernen. præuenit Abbatem, & Conuentum suis mendacijs circumuenit in Capitulo asserens, quod Abbas de Monasterio ipso omnes proponebat eicere, & de Cluniaco inducere alios numero pauciores. Cum ergo Abbas prædictus per seruientem quem præmiserat suum ipsis annuntiaffet aduentum, iidem seruientem ipsum cum iniuria expellentes villæ & claustrij portas firmiter obserarunt, & cum illic Abbas postmodum aduenisset, ipsis & alijs viris religiosis qui comitabantur eundem villæ impudentes & claustrij denegarunt ingressum. Verumtamen quidam de Monachis Monasterij antedicti zelo deuotionis accensus quandam portam villæ, postquam Abbas & socij ipsam & alios circummierantr euerenter reserauit eidem, quam idem ingressi primam partem claustrij, quam quidam Monachi eodem zelo ducti aperire curarunt, secundum consuetudinem ordinis intrauerunt. Hoc comperito Gaufridus, & Monachi, ac seruientes armati, quos idem G. ad hanc præparauerat victimam de campanilibus & eminentioribus locis in Abbatem & socios lapides grandes, & densos etudeliter proiecerunt. Verumtamen misericors Dominus miraculose Abbatem seruauit illæsum, licet in equum eiusdem plures magni ponderis proiecti lapides extitissent, adeo quod idem equus in quatuor locis apparuit vulneratus. Tunc Abbas tam atrocibus afflictus iniurijs cum illi projicere lapides non cessarent, censuit furori cedendum, & equo laxato fugam petij, & se recepit in villam, quem quidam Burgen. errantem inueniens, & quasi de mortis periculo erutum tremementem totis artubus, & pallentem misericordia motus duxit in domum suam, & eam eius egit filialiter & deuote. In illo autem conflictu quando Abbatem & socios lapidibus voluerunt obruere, quidam seruientes, & Monachi maiorem portam eum gladijs & fustibus excutes farcinulis oneratos retinere tres equos, vno de Abbatis seruientibus vulnerato. Sed & ijs Gaufridus & eius complices non contenti, quinimò malis adiicientes peiora, Baliauos Comitis memorati in graue præiudicium Monasterij,

atque villæ ad suorum defensionem facinorum, & iuris oppressionem, necnon Abbatis & Ordinis aduocarunt, quorum præsentia & fauore campanilia, & alia loca editiora armis, arcubus, balistis, & lapidibus munierunt de nocte, ita celebrantes excubias cornibus, cantilenis, fistulis, & clamore; ac si castrum obsesum ab hostibus custodirent, quamquam Abbas per violentiam irumpere claustrum, & si posset, nulatenus noluisset, sed nobis vindictam potius referuare. Attendens igitur idem Abbas, quod Gaufridus & sui nullam admonitionem admitterent semper claustrum, curiæ, ac maioris Ecclesiæ, necnon omnibus aditibus obseratis, per quos ad eos haberi posset accessus, habito vitorum religiosorum consilio ipsius G. & complicum eius culpis clarescentibus euidenter, ipsum tanquam inobedientem, rebellem, contumacem, & dilapidatorem sententialiter amouit à regimine Prioratus, & tam ipsum, quam omnes sibi taliter adhærentes vinculo excommunicationis innodans, Ecclesiam supposuit interdicto, donec redeuntes ad eam condignè satisfacerent de tam enormibus excessibus & offensis. Ipsi verò semper prouiores ad peius, sententias in eos sic latas rationabiliter non seruantes, pulsatis campanis diuina præsumunt solemniter celebrare. Ceterum cum equi Abbatis ducerentur ad aquam ab hominibus Comitis antedicti, quos introduxerunt in villam, contra ipsius & Monasterij libertatem, septem ex eis capti fuerunt, reliquis effugatis. Iidem etiam ceperunt seruientes Abbatis in villa, in qua Comes præfatus nullam habet iustitiam, licet in nullo præfati exceßerint seruientes; omnes præterea villæ portas & aditus, per quos intratur in eam, postmodum obstruxerunt, non patientes intrare quempiam peditem vel equitem ad Abbatem. Quod si quisquam portam ingrederetur ignotus, custodes perquirebant ipsarum, ne ferret literas vel mandatum. Abbas igitur taliter impeditus, & affectus tædio ac languore, quoniam Cluniaci Capitulum annuum non poterat celebrare, in quo de sæpediti Monasterij reformatione potissimum, & pecunia Templarij refundenda tractare, ac ordinare cum Abbatibus & Prioribus disposuerat; ne tunc Abbates & Priores inaniter laborassent, néve propositum eius circa releuationem eiusdem Monasterij suo priuaretur effectu; vocatis ad se Abbatibus, & Prioribus idem Capitulum apud Caritatem celebrare decreuit, credens auctoritate ac præsentia tantorum virorum posse præfatos rebelles à sua pertinacia reuocari. Venerabilis quoque F. N. Gebennen. Episcopus, & H. Remen. Archidiaconus. sicut suis nobis litteris intimarunt, accesserunt Cluniacum ad Capitulum Generale, sed cum Abbas se per suas litteras excusasset, quod illuc ire nequiuisset à Priore ac Monachis de Caritate, quos inobedientes & rebelles inuenerat, grauiter impeditus, & diffinitores Capituli ad Caritatem cum congregatis ibidem Prioribus euocasset, ut ibi tam de rebellionem Prioris, & Monachorum, quam de alijs agendis communiter tractaretur, iidem diffinitores cum Prioribus ad mandatum Abbatis, & Episcopus, & Archidiaconus ad preces ipsorum, cum ipsis usque ad Castrum, quod Marchia dicitur accesserunt. Ibidem diffinitoribus & Prioribus remanentibus, iidem Episcopus & Archidiaconus ad præfatum villam iuerunt, de pace cum sæpedito Abbate & Priore ac Monachis ipsius Monasterij locuturi, sed inuenerunt ianuas obseratas. Rogauerunt autem eos, quos viderant supra muros, ut ipsos permitterent introire, qui responderunt eisdem, quod

finè Prioris mādato nullatenus ipsis pateret ingressus. Cū ergo quidam seruientis Comit̃s memorati int̃rogasset, qui essent, & ipsis respondentibus didicisset, rogatus ab eis ad Priorem accessit, vt ipsis ingrediendi licentiam impetraret, quo morā diutius protrahente, idem Archidiaconus diuertit ad aliā villā portā, temptans si aliū ingressum possent habere; sed nihil omnino profecit. Ad vltimum verò post expectationem non modicā seruientis Comit̃s responsum huiusmodi reportauit, quòd non ingrederentur vllō modo, eò quòd ad Capitulum accesserant Generale. Sic ergo passi repulsam ad Marchiam redierunt. Die verò sequenti præfatus Episcopus Magistrum Philippum Officiale Niuernē. rogauit, vt Priorem adiret, & sibi, & Archidiacono impetraret ingressum, quia loqui de pace cum eo & suis fratribus affectabant. Ipse verò cum Priore locutus sic respondit eisdem, quòd Prior ipsos nullomodo intrare permitteret, nec ipse ad Episcopum iret, neque loqueretur cum eo. Tertia quoque die cum diffinitores & Priores ad sæpeditā villam simul proposuissent accedere, temptaturi si cum Priore ac Monachis possent loqui, & habere ad Abbate accessum, seruientes sæpediti Comit̃s aduenerunt: inhibentes eisdem ne ad villam accederent sæpeditā, in personis & equis eorum grauiā pericula intentando. Adiecerunt etiam, quòd si possent eosdem Episcopum & Archidiaconum introducerent, sed si cum diffinitoribus & Prioribus irent, nullomodo permitterentur int̃tare. Ipsi igitur illuc venientibus occurrit Thesaurarius Turonen. & ad quādam portā duxit eosdem, ad quā post expectationem non modicā cum difficultate maxima stipatus militibus, & seruientibus, equis armatis, & Monachis magnos ferentibus baculos, venit Prior, cui proposuerunt presentibus Thesaurario supradicto, Bituricen. Cātoze, Antisiodoren. Archidiacon. & alijs pluribus vetbum pacis, ostendentes damna, quæ poterant ex hac discordia prouenire, & quā grauis infamia occasione dissensionis ipsius non solum eis, sed & religiosis alijs imminēbat. Ad hæc obrulerunt eidem ex parte diffinitorum ipsorum, quòd parati erant corrigere, si qua essent tam circa ipsum Abbatem, quā eosdem Priorem & Monachos corrigenda; cū auctoritate Capituli Generalis per sedem Apostolicā approbat̃, potestatem haberent corrigendi excessus, tam in capite quā in membris. Ipse verò respondit, quòd de diffinitorum correctione, vel Generalis Capituli non curabat, cū non nisi coram nobis, ad quem appellauerat, vt dicebat, de spiritualibus responderet, & de temporalibus, non nisi coram Comite memorato, in cuius erat custodia constitutus. Nec aliquod verbum pacis aut compositionis alicuius admitteret, quādiu Abbas in eadem villa maneret. Asseruit enim quòd Monasteriū Cluniacē. aliquando grauarat eosdem, & ipsi Priori extiterat nuntiatum, quòd Abbas illuni à Prioratu proposuerat amouere, & Monachos in domibus alijs collocare, propter quod ipsum illic noluerunt recipere venientem. Ad hæc autem rogauerunt eundem, vt ipsos loqui permitteret cum Abbate, qui post multa consilia dixit eis, quòd ipsum Episcopum solum loqui cum eo presentibus suis & Comit̃s seruientibus pateretur, ita quòd quādoque ipsi vellent, exiret. Porro extra villam præfata Archidiacon. remanente, ad Abbatem Episcopus solus accessit, proponens eidem, quæ sibi videbantur in factō huiusmodi expedire. Abbas verò respondit, quòd Monachos eiusdem Monasterij tanquam bo-

nus patet in spiritu mansuetudinis paratus erat recipere, si tanquam boni filij venirent ad ipsum, & cum eis, quantum secundum Deum posset, cum religiosorum virorum consilio dispensaret, atroces iniurias quas eidem intulerant remissurus. Cum enim pro ipsorum utilitate ad eorum accesserit Monasterium, portas villæ sibi clausurunt, quibus per quosdam ex fratribus referatis, cum Monasterium sicut pastor Ecclesiæ, ac villæ Dominus ingredi voluisset, violenter à Monachis est repulsus, qui equos capientes ipsius, & à turribus Monasterij in eum ingentes lapides iacentes, equum suum grauiter vulnerarunt, ipsum diuina misericordia protegente, ac tres seruientes capti à seruientibus Comitis, villam cum Monachis obseruantibus extiterunt: vnde ad domum cuiusdā burgen. in qua manebat declinauerat necessitate compellus. Præterea asseruit plurimum se dolere, quòd executio mandati Apostolici de alienaris possessionibus reuocandis extiterat impedita, cum propter hoc ad deliberandum, & tractandum cum ipsis specialiter accessisset, proponens se iam magnam partem pecuniæ, nisi statet per eos sine difficultate ac damno Monasterij inuenisse. Audito igitur Abbatis responso ad Priorem & Monachos redijt in curia Monachorum, & verbum pacis illis proposuit diligenter, dicens quòd benignum respòsum receperat ab Abbate, ac ex parte Generalis Capituli dixit eis, quòd libenter corrigerent circa eundem Abbatem, vel ipsos si esset aliquid corrigendum. Monachi verò dixerunt, quòd de Abbate vel diffinitoribus, seu generali Capitulo non cutabāt, nec pacem ipsorum, vel per eos etiam requirebāt: Prior verò addidit sicut prius, quòd quādiu Abbas esset in villa, siue in Prioratus officio remaneret, siue remoueretur ab illo, nullum admitteret verbum pacis. Cum igitur aliud à Priore ac Monachis responsum habere dictus Episcopus nequiuisset, Priorem interrogauit eundem, si ab ipso & suis essent securi ad suum Abbatem Monachi venientes. Ipse verò respondit, quòd guerram nemini faciebat, & cum idem Episcopus institisset, vt sibi plenius responderet, sic ait; quòd securitatem alicui non præstabat: & statim Lethericus seruies Comitis antedicti, ipso Priore presente nec contradicente subiunxit, quòd si Cluniacen. Monachi de cetero tangerent villæ portas, & equos amitterent, & personis periculum immineret: prohibens nihilominus ne amplius apud Marchiam eiusdem Comitis castrum, in quo prius hospitati fuerant, remanerent. Egressus igitur villam Episcopus antedictus ad diffinitores & Priores redijt cum Archidiacono memorato, à quibus interrogati, si boni aliquid inuenissent aut profecissent in aliquo commonēdo, exposuerunt eisdem quòd fecerant diligenter. Ipsi verò iuxta muros villæ sedentes suum Capitulum ordinarunt, & habito diligenti tractatu suam sententiam formauerunt, quam diffinitores redactam in scriptis præfatis Episcopo & Archidiacono conuocatis & audientibus promulgarunt, Gaufridum Priorem eiusdem Monasterij, quia vocatus ad generale Capitulum venire contempsit, & Abbatem suum accedentem ad idem Monasterium non admisit, sed cum armis violenter reiecit, & eosdem illuc correctionis gratia properantes portis turpiter repulit obseratis, auctoritate Dei, & sua, necnon & generalis Capituli propter inobedientiam, rebellionem, & contumaciam manifestam, ac causas alias excommunicationis vinculo innodantes, & deponentes à regimine Prioratus: sigilla eiusdem G. pariter & conuentus eiusdem Monasterij condemnando, &

omnes complices suos pari excommunicationis sententia inuoluendo, nisi infra septem dies à præsumptione huiusmodi resipiscerent, & regulariter emendarent. Et ne ipsius Monasterij negotia deperirent dilectum filium *W.* Cluniacen. Priorem præfecerunt eidem, ipsius sibi administratione concessa. Ne igitur tantæ præsumptionis excessus remaneant incorrecti, discretioni. v. per Apost. scrip. præc. mand. quatenus ad locum ipsum personaliter accedentes, & inquisita super ijs plenius & cognita veritate, si eum inueneritis, ita esse prolatam, in scriptum G. depositionis sententiam, à tegimine Prioratus auctoritate Apostolica confirmantes, & approbantes nihilominus, quod de substitutione Prioris & sigillorum damnatione per præfatos diffiniores est factum, excommunicationis sententiam in præfatum G. ac eius complices promulgatam. faciatis appellatione postposita, vsque ad satisfactionem condignam firmiter obseruari, contradictores quoslibet aut rebelles, siue Monachi, vel Clerici fuerint, siue laici per censuram Ecclesiasticam, sublato cuiuslibet contradictionis & appellationis obstaculo, compescendo: & quoniam audiuius præfatum Gaufrid. multas sibi pecunias congregasse, volumus nihilominus & mandamus quatenus ad resignationem earum per distractionem Ecclesiasticam, appellatione remota compellatis eundem, facientes ipsas pecunias in solutionem debitorum conuerti, vel in aliam vtilitatem monasterij memorati. Eos verò quos excommunicatos constiterit temerè celebrasse diuina, pæna Canonica percellatis: testes autem qui fuerint nominati, &c. vsque, subtraxerint per censuram eandem appellatione cess. cogatis veritati testimonium perhibere, nullis literis veritari & iustitiæ præiudicantibus à sede Apostolica impetratis. Quòd si non omnes, &c. duo vestrum, &c. Datum Signix iiii. kal. Iulij. Pont. N. Anno xv.

EPISTOLA CXLIII.

VT PARTIBVS COMPETENTEM TERMINVM QVO SE AD APOST. SEDEM SISTANT, ASSIGNENT.

Astoricensi Episcopo & Palentin. electo.



QVM decise in nostra præsentia quæstiones pati non valeant reciduiam, quæ in interdum grauius litigantes affligit, dis. vest. per Apost. scrip. mād. quatinus. Ven. Fratri nostro... Legionen. Episcopo & dilecto filio Abbati S. Facundi Legionen. dicto quorū causam super Burgo & cauto Ecclesijs interdicto, & rebus alijs, venerabilibus Fratribus nostris... Oueten. & Burgen... Episcopis & coniudicibus eorum duximus cōmitendam, perēptoriū terminum præfigatis, quo per se vel procuratores idoneos nostro se conspectui representent, causam eandem in nostra præsentia tractaturi. Quòd si forsā iam contestata extitit coram ipsis, vos eisdem auctoritate nostra diligenter monere curetis, vt in causa iuxta primi mandati nostri tenorem vsque ad diffinitiuam sententiam ratione præuia procedentes, ipsam ad nos sufficienter instructam remittant, præfigentes partibus terminum quo compareant coram nobis, iustam auctore Domino sententiā recepturæ. Datum Signix ij. kal. Augusti Pont. N. Anno xv.

EPISTOLA CXLIII.

HÆRESIS VSPICIONE PURGATOS COMMENDAT.

Episcopo Cremonen.

SI cæci & claudi ac debiles ad nuptias filij summi patris intrare non solum inuitandi sunt, sed etiam compellendi: multò fortius ijqui ad illas properant per seipsos repellendi non sunt vllatenus à eisdem: hæc utique attendentes, cum olim dilectus filius Ber. rimus & locij eius, qui super herelis crimine fuerant infamati, ad magisterium factos sanctæ Roman. Ecclesiæ confugissent, proponentes se fore paratos nostræ correctionis disciplinam recipere humiliter ac deuotè, fidem eorum examinauimus diligenter, ac demum inuestigauimus perspicaciter propositum eorum, & sic ordinatis prudenter, quæ super ijs vidimus ordinanda, vtrumque fecimus: Apostolicis literis comprehendere, ut essent illis in testimonium, ne quis eos calumniaretur decrèto sine causa, sub protectione B. Petri & nostræ suscipientes eisdem, in fide Catholica & deuotione Apostolica persistentes. Cum iurur membra capiti, & partes debeant congruere suo toti, fraternitatem tuam donemus & exhortamur attentius, per Apost. tibi scrip. mandantes, quantum habens eos propensius commendatos, ipsis tanquam viris fidelibus & verè Catholicis impendas consilium, & auxilium, & fauorem, secundum præscriptam formam in domo Domini ambulantes cum cōsensu. Datum Signiæ k. Aug. Pont. N. Anno xv.

EPISTOLA CXLV.

VT SUI ORDINIS FRATRIBVS APPROBATIS LIBERVM PRÆDICATIONIS MINISTERIVM RELINQVANT.

Vniuersis Abbatibus in generali Cisterciën. Capitulo constitutis.

DILECTVS filius Christianus Ph. ac eorū socij vestri Ordinis fratres aduertētes eos appellari beatos, qui seminant super aquas, & eos qui frumentum abscondunt in proprijs maledici, faciente illo qui vbi vult spirat, & nemo scit vnde veniat, aut quò vadat, olim de nostra licentia in ceperunt seminare in parijs Prussiz, verbum Dei, ut eundo, & stendo mittentes semina sua, demum possent cum exultatione venire portantes manipulos suos, consili quòd ille qui venit saluum facere quod perierat, in inferiores partes terræ descendens, ut hominem ad regna cælestia reuocaret, qui omni creaturæ suam iussit Euangelium prædicari, sicut per Prophetam promiserat, in virtute multa euangelizantibus daret verbū, & ora in portis filiz Sion laudantium adimpleret. Benedictus autem Deus qui sperantes in sua misericordia non relinquens, speciosos fecit pedes euangelizantium pacem, euangelizantium bona, & expandens manus suas ad populum non credentem, non solum vsque in Idumæam, verum etiam vsque in Prussiam suum calceamentum extendit, dans gratiam fratribus memoratis, vt sint ministri Christi Iesu in gentibus sanctificantes Euangelium Dei, vt fiat

oblatio gentium accepta, & sanctificata in Spiritu sancto. Sicut enim comperimus veridica relatione multorum, Dominus eisdem factis aperuit ostium, ita ut per ministerium eorundem intelligentibus qui non audierant & videntibus quibus non fuerat nuntiatum, multi ad agnitionem pervenerint veritatis: licet autem eorum opera de ipsis perhibeant testimonium quia tamen vos eos, sicut accepimus, Acephalos reputatis, quidam vestri Ordinis fratres in illis partibus constituti, eisdem in hospitij & alijs debita humanitatis solatia non impendunt, quinimò adeò verbis exasperatis eosdem, ut propter increpationes vestras multiplices, nonnulli eorum debent dicantur ab illis partibus abcessisse. Volentes igitur iuxta Pastoralis officij debitum, eam in ijs adhibere cautellam, ut nec sub specie prædicantium valeant subintrare girouagi, aut fidei subversores, nec propter suspicionem huiusmodi euangelio Dei offendiculum præceatur, ven. F. N. Gnesnen. Archiepiscopo, de cuius discretione fiduciam gerimus pleniorum, nostris damus litteris in mandatis, ut non subito credens omni spiritui, sed probans spiritus si ex Deo sunt, eos quos nouerit esse idcirco ad prædicandum gentibus verbum Dei, & ad id studio veræ caritatis inducens, vobis & vestri Ordinis fratribus, aliisque fidelibus Christi constitutis per Pomeraniam & Poloniam recommedet, & suarum muniat testimonio litterarum Quocirca V. v. per Apol. scrip. mandamus quatenus eos, quos præfatus Archiepiscopus vobis per litteras suas duxerit commendandos, non impediatis ullatenus, sed ab alijs Ordinis vestri fratribus permittatis aliquid impediti, quo minus iuste uangelij prædicatione procedant, ut baiulantibus ipsis currat velociter sermo ius, qui emittit eloquium suum terræ. Datum Signi iij. Idus Augusti Pont. N. anno xv. In eundem fere modum scriptum est super hoc Monachis Cisterciens. Ordinis per Poloniam & Pomeraniam constitutis. Scriptum est super hoc Gnesnen. Archiepiscopo.

EPISTOLA CXLVI.

UT NEOPHYTOS EODEM CVM CETERIS IVRE HABEANT.

Nobilibus viris Ducibus Polonia & Pomerania.




LICET teste Apostolo impossibile sit Deo sine fide placere, ad placendum tamen ei fides sola non sufficit, sed caritas est præcipue necessaria, de qua idem testatur Apostolus, quod si quis linguis hominum & Angelorum loquatur, eisi habeat omnem fidem, ita ut montes transferat, & in cibos pauperum omnes suas distribuatur facultates, caritatem autem non habeat, ei penitus nihil profit. Cum autem hæc exercenda sit sollicitè circa omnes, utpote mandatum Domini latum nimis, quod etiam ad inimicos extenditur, circa eos tamen qui nuper relicto gentilitatis errore ad cognitionem veritatis quæ Christus est pervenerunt, eò debet propensius exerceri, quò facilius retrò aspicerent in humanè tractati. Hoc utique quidam vestrum sicut accepimus minime attendentes, & quærentes quæ sua sunt, non quæ Christi, quàm citò intelligunt aliquos è Gentilibus per Prussiam constitutis, novæ regenerationis gratiam suscepisse, statim oneribus eos servilibus aggravant, & venientes ad Christianæ fidei libertatem deterioris conditionis ef-

tionis efficiunt, quàm essent dum sub iugo seruitutis pristinæ permanferunt, per hoc multorum impediētes salutem, qui fuerant credituri, & temporale commodum Angelorum gaudij præferentes, qui super poenitentiam agentibus gloriatur. Idcoque vniuersitatem vestram monendo rogamus & exhortamur in Domino per Apost. vobis scrip. mandantes: quatenus intuitu eius qui venit saluum facere quod perierat, & dare animam suam redemptionem pro multis, huiusmodi nouellæ plantationis filios, non grauetis, sed agatis tantò clementius cum eisdem, quantò memoria pristinæ conuersationis infirmi faciliùs in antiquum relaberentur errorem, cum veteres vtres vix nouum vinum contineant iuxta Euangelicam veritatem. Nos enim Venerabili Fratri nostro H. Gnesnen. Archiepiscopo nostris damus litteris in mandatis, vt tales foueat propensius propter Deum, & defendat eosdem à molestijs indebitis & pressuris, oppressores eorum indebitos mon. præm. per censuram Ecclesiasticam sublato appellationis impedimento compescens. Datum Signiz, Idib. August. Pont. nostri Anno xv. Scriptum est super hoc Archiepiscopo Gneznen.

EPISTOLA CXLVII.

DE DECIMIS ECCLESIAE CONSTITVENDIS.


Camracen. Episcopo.

ignificauit nobis N miles, quòd ad sibi leuandam inopiam Capellaniarum de Gellen. & Bialluel Ecclesiarum, quæ multa paupertate grauantur, quosdam eis decimas conferre desiderat, si ad hoc fauor Apostolicæ benignitatis accedat. Vo'lentes itaque sic Ecclesijs prædictis adesse, quòd in suo iure alij deesse minimè videamur, fraternitati tuæ per Apost. script. mandamus, quatenus eundem militem, vt illi Ecclesiæ reddat decimas, cui debentur, diligenter inducas. Quòd si ad hoc induci non poterit, & tales decimæ sunt quæ iuxta consuetudinem regionis in feudum perpetuum à laicis detinentur, conferendi eas ipsi Capellanijs tribuas facultatem. Datum Signiz xiiij. kal. Septemb. Pont. N. Anno xv.

EPISTOLA CXLVIII.

IN SVPER HABITA APPELLATIONE CAVSÆ COGNITIONEM
REMITTIT.

Episcopo & Decan. & Cantori Atrebaten.

Vm causam quæ inter B. Viduam, & Lambertum laicum Morinen. Diocel. super dotalicio ipsius viduæ vertitur, dilectis filijs Ph. G. & G. Canonicis Morinen. olim duxerimus committendam, ac ipsi receptis testibus & attestationibus publicis, di'putationes hinc inde propositas audiuissem, tandem sic ex relatione comperimus iudicium eorundem, tam ab Episcopo Morinen. quàm à præfato L. ne ipsi ad sententiandum procederent exiit appellatum, eo quòd cum res quæ ducebatur in iudicium esset feudal. & ad iurisdictionem spectaret Episcopi, non Ecclesiastico iure, sed potius seculari, eius forum prædicta vidua

declinare non poterat, cū esset paratus eidem iustitiæ plenitudinem exhibere. Dicti quoque iudices appellationibus deferentes causam cū vtriusque partis attestationibus & allegationibus suis sigillis inclusis ad nostram præsentiam remiserunt. Verū quia per relationes iudicum, attestationes & allegationes partium, & alia per nuntium vidæ memoratæ coram dilecto filio nostro A. S. Adriani Diac. Card. sibi à nobis Auditore concessa proposita, quæ idē Card. in præsentia nostra fideliter reulit, nequiuimus plenē de causæ meritis instrui, cū causarum merita partium assertionē pandantur, & pro neutra parte comparuerit aliquis Procurator, multāq; fortassis in partibus ipsis sunt nota, quæ nobis sunt prorsus incognita, disc. vestræ per Apost. script. mand. quatenus partibus conuocatis non obstantibus appellationibus prænotatis, quia & si res de qua agitur dicatur esse feudalis, de ipsa tamen non tanquam feudali, sed dotali tractatur, attestationibus & allegationibus quas sub Bulla nostra transmittimus vobis inclusas, & alijs rationibus vtriusque partis inspectis, causam ipsam appellatione remota sine debito terminetis, facientes quod decreueritis per censuram Ecclesiasticam firmiter obseruari. Testes autem &c. subtraxerint per censuram eandem cessante appellatione cogatis &c. vsque, perhibere. Quod si non omnes &c. tu ea frater Episcopo cum eorum altero &c. Datum Signiz xvij. kal. Septēb. Pont. N. Anno xv.

EPISTOLA CXLIX.

EXCOMMUNICATIONIS SENTENTIAS EXECVTIONI MANDARI PRÆCIPIT.

*Præposito S. Laurentij Lauden. & J. & A. Canonicis de Cauennacho
Diac. Lauden.*

DILECTVS filius Magister Ambrosius de Canturio Diaconus plebis de Gallian. constitutus in præsentia dilecti filij nostri Angeli S. Adriani Diac. Card. quem sibi dedimus Auditorem, proposuit coram ipso, quod cū ad mandatum sedis Apostolicæ per Venerabilem fratrem nostrum ... Hierosolymitan. Patriarchā, tunc Episcopum Vercellen. de Canonicatu Ecclesiæ S. Vincentij de Gallian. Mediolanen. Diac. fuerit inuestitus, & idē Patriarcha ... Præposito, & fratribus eiusdē Ecclesiæ mandauerit, vt dicto A. quantum vni de residentibus ibidem, de communibus prouentibus assignarent, ac ipsi per eundem pro eo quod eius parere mandato contumaciter recusabant, fuissent ab officio, beneficiisque suspensi, & excommunicationis demum vinculo innodati; licet postmodum inuestituram eiusdem ratam asseruerint se habere, partem tamen ei debitam subtraxerint, quibus cū postmodum per venerabilem fratrem nostrum ... Lauden. Episcopum & coniudices suos delegatos à nobis sententialiter fuisset iniunctum, vt eidem tantum de prouentibus Ecclesiæ præfatæ conferrent, quantum perciperet vnus ex alijs in eadem, ipsi vt eum fatigaret laboribus & expensis ad sedem Apostolicam appellarunt, dicentes se nihil daturos eidem, nisi continuē in Ecclesia resideret, ex eo sub specie iustæ causæ materiam malignandi sementes, quod ibidem ei mora periculosa nimis existit, occasione banni cuiusdam, eui eum Mediolanen. Consules subiecerunt; propter quod idem ad sedem Aposto-

licam iterarò laborans, ad dilectos filios . . . Abbatem de Capire lacus, & Collegam suum nostras literas reportauit, qui secundum tenorem literarum ipsarum Præposito & Capitulo prænotatis sententialiter iniunxerunt, ut ipsi A. quarum vni ex residentibus assignarent de communibus prouentibus Ecclesiæ iæpescatæ vtrumque maneret, donec prædicta necessitate cessante, tutè residere valeret ibidem, & nihilominus de subtractis satisfacerent competenter: in quos, quia mandatum eorum surdis auribus pertransibant, Iudices excommunicationis sententiam promulgarunt, sicut per instrumenta coram Auditore memorato exhibita liquidò edocebat. Vnde idem A. nobis humiliter supplicauit, ut finem suis laboribus imponentes ipsas sententias dignaremur Apostolico minime roborare. Nos autem auditis ijs & alijs, quæ idem Card. fideliter retulit coram nobis, communicato fratrum nostrorum consilio prædictas sententias confirman-tes, dis. vel. per apost. scrip. præcipiendo mand. quatenus ipsas faciatis sublato appellationis obstaculo summiter obseruari. Quòd si Præpositus & Clerici supra- dicti contraire præsumpserint, ipsos auctoritate nostra per subtractionem be- neficiorum appellatione remota parere sententiæ compellaris. Nullis litteris harum expressa mentione non habita obliuientibus, siquæ apparuerint de sede Apostolica impetratæ. Quòd si non omnes, &c. duo vestrum, &c. Datum Si- gnæ xij. kal. Septemb. Pont. N. Anno xv.

EPISTOLA CL.

LATERANENSIS ECCLESIE FINES TVETVR.

Priori & Conuentui Lateranen.

ORAM dilecto filio P. tituli S. Cecilie Presbytero Card. quem vo- bis & Clericis Basilicæ S. Laurentij de Palatio dedimus Auditorem, Oeconomus eiusdè Basilicæ pet. i. vos arceri ab inquietatione quam dictis Clericis circa spiritualium administrationem in sua Parochia præsumebatis inferre, ab arcu videlicet S. Danielis vsque ad domum Ioannis Matij citra & extra formam ex vtraque parte viæ: & à Scala Episcopi Abanen. vsque ad domum Ioannis de Mutinas; & à domo Iordanis Petri Leonis, vsque ad hospitale S. Mariz in Spaczolaria tam ex vna, quam ex altera parte viæ, qui, vt de iure posset Basilicæ supradictæ docere, decem testes induxit, per quos ostendit Clericos S. Laurentij habitantibus infra prædictos terminos spiritualia ministrasse. Ad hæc Oeconomus vester respondit, quòd cum præfata Parochia turis esset Lateranen. Ecclesiæ prout per priuilegium felicitis memoriæ Calixti Papæ prædecessoris nostri continens fines Parochiæ vestræ probabat, & à longissimo tempore Lateranen. Ecclesiæ, eandem Parochiam possederit sinè lite, vos possessioni legitimæ incumbentes non videbamini aliquos indebitè molestare, cum non intelligatur iniuriam facere qui utitur iure suo, & ad probandum usum longissimum & præsentem testes induxit, per quos sufficienter edocuit Lateranen. Ecclesiā à quadraginta sex annis, vsque ad tempus mortis litis & post exercuisse iura spiritualia in Parochia prædicta. Dicebat etiam quòd si medio tempore infra fines prædictos pars altera præsumpsisset aliqua parochialia exercere, cum nihil de proprietate doceret, & ex parte vestra longissima & continua possessio

probaretur, & duo in solidum eandem rem simul & eodem modo possidere nō possint, conuincebantur aduersarij prædicta clanculò vtus, passe: Contra tenorem verò cuiusdam scripti sub nomine bonæ memoriæ, A. prædecessoris nostri coram eodem Cardinali à parte aduersa exhibita respondebat, quòd non erat autentikum, cum nec esset Bulla munitum, & haberetur meritò in stylo suspectū. Verū cū Ecclesia Lateranen. inueniretur in possessione Parochiæ supradictæ & actore non probante reus, etsi nihil præstiterit debeat obtinere, cum instantia postulabat parti aduersæ imponi silentium, & compesci ne super possessione præfate Parochiæ vestram Ecclesiam vterius molestaret. Præsertim cū nomine præfate Basilicæ, in qua solus Romanus Pontifex celebrat Missarum solennia, & intra suum palatium est constructa, Parochiam vindicare non possent, nec etiam nomine inferioris Ecclesiæ, quam ipsi de quadam crypta vel stabulo in oratorium à non longo tempore conuerterunt. Nos autem auditis ijs & alijs quæ idem Card. fideliter retulit coram nobis, & habito fratrum nostrorum consilio Oeconomum vestrum nomine Lateranen. Ecclesiæ ab impetitione prædicta, quam contravos Oeconomus præfate Basilicæ mouit, decreuimus absoluedum. Nulli ergo omnino hominum liceat hanc paginam nostræ diffinitionis infringere, vel ei ausu temerario contraire, &c. Siquis autem, &c. vsque, incursum. Datum Signiæ, Idib. Augusti, Pont. N. anno xv.

EPISTOLA CLI.

ABSOLVENDI EXCOMMUNICATOS POTESTATEM CONCEDIT.

Magistro Maximo Notario nostro.



ON nisi testimonio laudabilis famæ notis, vel experimento vitæ commendabilis approbatis consuevit sedes Apostolica committere vices suas, in ijs quæ sibi specialiter reueruauit. Cū igitur prudentiam tuam officij executione fidei, & longa conuersatione simus experti, volentes per te obuiare periculis, quæ incidentibus in Canonem sententiæ promulgatæ necessitas posset inferre, de gratia speciali auctoritate tibi præsentium indulgemus, vt illis quos pro iniectiōe manuum violenta inueneris vinculo excommunicationis astrictos in partibus Romanicæ, auctoritate sedis Apostolicæ iuxta formam Ecclesiæ beneficium absolutionis impendas. Nisi excessus eorum fuerint adeò difficiles & enormes, vt meritò sint ad sedem Apostolicam destinandi. Datum Signiæ xij. Kal. Septemb. Pontific. N. anno xv.

EPISTOLA CLII.

VT MAXIMO NOTARIO LEGATO APOSTOLICO PARZANT.

Vniuerso Clero Constantinopolitano.



T si dilectum filium Magistrum Maximum Notarium nostrum pro negotio Patriarchalis Ecclesiæ specialiter destinemus; volentes tamen vt in vobis fructum faciat generalem, qui nunc & Patriarcha pariter & Legato caretis, vices nostras ei duximus committendas, vt quamdiu apud vos

pro illo speciali negotio moram eum facere oportuerit, necessitatibus & utilitatibus vestris studeat providere. Quocirca vniuersitati vestræ per Apostolicum scriptum mand. quatenus super ijs ad ipsum recursum habentes, rectis ipsius dispositio- nibus obedire curetis, quas ratas haberi volumus & iubemus: vnde sententias quas rationabiliter iulerit in rebelles vsque ad satisfactionem condignam præcipimus inuiolabiliter obseruari. Datum Signiz, xj. Kal. Septembr. Pontif. N. anno xv.

EPISTOLA CLIII.

COMMENDAT MAXIMUM APOSTOLICVM LEGATVM.

Imperatori Constantinopolitano illustri.

ICET secundum Apostolum instantia nostra sit omnium Eccle-
siarum sollicitudo continua; ad illas tamen Ecclesias præcipue
debemus aciem nostræ provisionis extendere, quæ viciniores sūt
Apostolicæ sedi, etsi non loco, privilegio dignitatis. Sanè cum
Ecclesia Constantinopolitana secundum locum obineat post
Romanam, eius provisioni libenter incedimus, ut non sit à cura remotior cum
sit vicinior dignitate. Vnde ipsius negotiorum super electione, quam po-
stulatione celebrata de nouo, personæ non duximus committendi in igno-
ræ, sed à nobis mittimus hominem longa conuersatione notum, & officij sui feli-
ci executione probitum, Magistrum videlicet Maximum Notarium nostrum, no-
bis ac fratribus nostris merito suæ probitatis & fidei causam admodum & accep-
tissimam & honoris tuo prosequimus, & vilitati prouidimus Ecclesiæ immo-
ratæ, quam etiam quando cariorum habemus, tanto attentius tuæ magnificentiæ co-
mendamus, rogantes quatenus sic eum ob reuerentiam Apostolicæ sedi & no-
stram habeas commendatum, quod in ipso tuæ serenitatis affectum quem pro-
baris ad nos gerere sentiamus, adhibens ei si tem super ijs quæ à nobis accepit
tuæ Imperiali prouidentie proponenda. Datum Signiz xj. Kal. Septemb. Pont. N.
anno quinto decimo.

EPISTOLA CLIV.

COGNITIONEM SUPER CONTROVERSIÀ INTER ELECTVM ET POSTVLATVM
PATRIARCHAM CONSTANT. DELEGAT.*Magistro Maximo Notario nostro.*

SCRIPTVM est in Apocalypsi Iohannis, quod in medio sedis, &
in circuitu sedis erant quatuor animalia plena oculis ante & re-
tè: Primum animal simile Leonis; Secundum animal simile vi-
tulo; Tertium animal habēs faciem quasi hominis; & Quartum
animal simile aquilæ volanti: & quatuor animalia singula eorū
alas senas habebant. Sedes ista Romana Ecclesia intelligi-
tur, quæ vñtato voca-
bulo sedes Apostolica nuncupatur. Vtique sedes Agni, sedes viu-
entis in secula
seculorum. In medio coe-
lus quasi filius in gremio
resident, & in circuitu
stant
quasi famulæ in obsequio quatuor Patriarchales Ecclesiæ, Alexandria, Antio-

chena, Hierosolymitana, & Constantinopolitana, quæ per illa quatuor animalia designantur. Marcus enim Alexandrinam fundauit & rexit Ecclesiam, qui secundum visionem Ezechielis accipitur per Leonem, eò quòd Euangelium incepèrit à rugitu dicendo; *Vox clamantis in deserto*, & quia quemadmodum Leo catulum suum post diem tertium suo asseritur excitare rugitu; sic Deus pater filium suum qui Leo de tribu Iudæ esse describitur, de cuius resurrectione principaliter tractat Marcus, diuinitatis suæ potentia post triduum à mortuis suscitauit. Vnde in die Resurrectionis Dominicæ ipsius Euangelium antonomasticè in Ecclesia recitatur. Lucas autem fuit natione Antiochenus, qui propterea in vituli figura describitur, in quo sacerdotalis hostia designatur, quoniam à sacerdotio inchoans Euangelium de immolatione tractauit præcipuè summi sacerdotis & veri, qui est hostia salutaris, vitulus videlicet saginatus, quem pater iussit occidi pro filio prodigo redeunte. Vnde bene per ipsum Antiochena Ecclesia designatur, in qua primum Apostolorum princeps in summi sacerdotij Cathedrali à fidelibus exiit sublimatus. Mattheus quidem fuit natione Iudæus, & euangelium primum descripsit etiam Hebræicè in Iudæa; & ob hoc per hominis speciem designatur, quòd ab incarnatione Christi suum inchoans euangelium principaliter humanam eius natiuitatem ostendit, quam ipse Christus de Iudæis & in Iudæa pro nobis assumens, Hierosolymitanam Ecclesiam metropolim Iudæorum sua humana præsentia consecrauit, de qua dictum fuerat per Prophetam: *homo factus est in ea, & ipse fundauit eam Altissimus*. Ioannes verò Asianam fundauit Ecclesiam, & Apocalypsim septem Ecclesijs quæ sunt in Asia ipse descripsit, quibus & ceteris Græcorum Ecclesijs Constantinopolitana tandem præfieri meruit, & præponi per Aquilam meritò designata; quia sicut Aquila volatu omnes aues excellit, & oculorum eius intuitum solis radius non offendit; sic Ioannes tribus alijs animalibus in terra relictis supra cælos cælorum ascendens veram lucem oculis inreuerberatis aspexit, & à diuina Verbi natiuitate suum Euangelium inchoauit, qui licet inter vniuersos Euangelistas fuerit vltimus tempore; præcipuus tamen extitit dignitate: quoniam in cœna supra pectus Christi recumbens inuenta doctrinæ de ipso sacri Dominici pectoris fonte potauit. Sic Constantinopolitana Ecclesia licet posterior tempore, postmodum propter honorificentiam pijsissimi Constantini prælata est alijs dignitate, sicque facti sunt primi nouissimi, & nouissimi primi. Vt meritò ipsi dicatur; *Mulæ filia congregauerunt diuitias, sed tu sola supergressa es vniuersas*. Ad cuius Ecclesiæ regimen talis est Pontifex assumendus, qui ad similitudinem illorum quatuor animalium antè & retrò plenus sit oculis, vt pleno lumine veteris & noui Testamenti mysteria contempletur, per experientiam videns præterita, & futura præuidens per cautelam. Debet etiam habere sex alas, scilicet sex legum notitiam, naturalis, Mosaicæ, & Propheticæ, Euangelicæ, Apostolicæ, & Canonicæ, quibus perfectio libramine inrer cælum volans & terram, de terris ad cælestia, & temporalibus transuolet ad æterna. Sanè ad hanc Ecclesiam duo quedam animalia sunt vocata, vtrinà plena oculis & alashabèria, videlicet Venerabilis Frater noster . . . Heraclien. Archiepiscopus & dilectus filius . . . Plebanus S. Pauli de Venetijs, sicut per procuratores tam postulantium Archiepiscopum, quàm eligentium Plebanum fuit propositum coram nobis. Proposuerunt siquidem procuratores ele-

ctorum Plebani; quòd cùm Ecclesia Constantinopolitana vacante Canonici Ph. Decanum suum sibi elegerint in pastorem, & nos cassauerimus electionem eandem, quia quibuldam exclusis qui adesse debuerant exiit celebrata: ne diu gregi fidelium deesset cura pastoris, tam Canonici, quàm quidam alij qui se in electione Constantinopolitani Patriarche ius habere dicebant, vt de electione tractarent ad inuicem conuenerunt. Cùmque septem persone pro septem Præpositis se offerrent, & quidam alij pro ceteris Prælati se tractatui electionis ingererent, post multam concertationem tam illas septem personas, quàm duas alias ad vniuersitatis instantiam, quæ tamen duas tantum voces haberent, saluo in omnibus iure suo, tam in præsentì quàm in futuro, pro bono concordia receperunt. Sed factum est quòd humani generis inimico, qui unitatem Ecclesie scindere nititur, superfeminante zizania messis dominicæ, in duas partes sunt vota diuisa. Nouem de Canonici, & nouem alijs prænominatis personis postulantis Archiepiscopum memoratum, & quindecim Canonici, & Præposito Sanctorum Apostolorum Plebanum eligentibus supradictum, cuius electioni Cantor qui pro utilitate absens erat Ecclesie, & ante tractatum electionis per literas suas consensum expresserat de Plebano, si alijs complaceret; & octo alij Canonici qui electionis tempore non fuere præsentis suum præstitere consensum: & sic in Plebanum prædictum vota viginti quatuor Canonicorum, & vnius Præpositi conuenerunt. Dicebant ergo postulantium numerum esse minorem, cùm decem & octo tantum Archiepiscopum postulerent, de quibus quosdam eorum, quos cum præfata protestatione sui iuris adniserant, excludere nitebantur; duos videlicet de Blakerna & Buccaleone Præpositos, quia cùm per exemptionis priuilegium à sede Apostolica impetratum se subtraxerint oneri, tacite renuniasse videbantur honori, vt ad electionem non pertinerent illius, cui electo nullatenus subiacerent. Alij quatuor non erant Præpositi, sed aliarum Ecclesiarum clerici, qui se tractatui electionis suorum Præpositorum nomine ingerebant, quia eorum domini adeò erant absentes quòd ad tractatum electionis vocari commodè nec poterant, nec debebāt; quoniam si absentes possent per procuratores adesse, vix iura deuoluerentur absentium ad præsentis, cùm rarò contingeret quòd per se, vel per alios interesse non possent. Septimus autem qui præsentis extiterat iam electus & confirmatus in Archiepiscopum Verricem, & translatus ad suam Ecclesiam possessionem eiusdem adeptus fuerat corporalem. Et licet vniuersitas clericorum quatuor prius pro se postulari admitti, quia tamen pars Canonicorum tot nolebat admittere, ne numerus aliorum nimis excreseceret, ita tandem pro bono pacis extitit ordinatum, vt duo tantum admitterentur ex illis, cum protestatione prædicta, & idèò eligentes asserebant illos duas tantum voces & non cæterorum habere, maxime cùm triginta præposituræ fuerint ad septem redactæ, quæ tamen nondum fuerunt auctoritate sui iudicis approbatæ. Cõuentuales autem Ecclesias vltra quinque vel sex tunc temporis esse negabant, & si plures fuissent, tempore tamen electionis prædictæ Prælatos earum dicebant non fuisse præsentis. De malo denique zelo intendebant arguere postulantes, eò quòd vt proponebant illiteratum & impudicum ex certa scientia postularant, cuius incontinentiam dicebant per filium in Monachatu genitum paternæ libidinis testem posse probari.

Eundem etiam Archiepiscopum de ambitione notabant, eò quòd in vigilia Natiuitatis Dominicæ se suę subtraxit Ecclesiæ, vt esset in vi beregia, vbi tunc erat postulatio celebranda; & passus est cum hymno, *Te Deum laudamus*, se in sede locari, in qua profectis diebus residere consueuerat Patriarcha. Qui etiam auctoritate propria bona Patriarchatus post mortem Patriarchæ distribuens, eiusdem sigilo violenter arrepto de scrinio Camerarij literas quasdam, quibus illud impressit, misit Rauennam, & quandam pecunię summam ibi depositam auctoritate literarum illarum sibi fecit afferri, eandemque distribuit pro suæ voluntatis arbitrio in Ecclesię Constantinopolitanę præiudicium & grauamen. Quod rorū & alia in Capitulo fuere proposita, cum quidam de ipso postulando tractarent. Vnde petebant vt cum pars postulantium Archiepiscopum esset numero minor, inferior zelo, & à suo iure ceciderit postulando scienter indignum, electionem confirmare factam de dicto Plebano canonicè designatum. Maximè cum ipsi vñ fuerint iure communi personam eligibilem & iusto, quòd ordinarij iuris existit, & alij iuris còmunis còtèpto beneficio ad ex-ordinariũ auxilium transuolarint. Ad hæc procuratores partis alterius respondeunt, quòd vnuerſi Prælati conuentualium Ecclesiarum apud Constantinopolim existentium per nostrā constitutionē in electione Constantinopolitani Patriarchę ius habēt. Vnde vnuerſas Prælatorū, de qua in eadem constitutione caueretur expressè, restringi nō debet ad septē, cum ratione suæ dignitatis in hoc bene fuerit Ecclesiæ memoratæ pronisum: tum vi sanior haberetur super electione tractatus, cum integrum sit iudicium plurimorum sententijs confirmatum; tum etiam vt per numerum Prælatorum illis posset occurri, qui Dei sanctuarium iure volebant hereditario possidere. Addebant etiam quòd præfatæ constitutionis beneficiũ duo exempti Præpositi per exemptionis priuilegium nullatenus amiserūt: cum ea quę in fauorem alicuius introducta sunt, in eius lationem non debeant redundare, & per priuilegia Pontificum Romanorum a di, non subtrahi consueuerit illis quibus specialiter indulgentur: propter prædictam maxime rationem, vt illis obfisterent prudenter qui Domini sanctuarium moluntur in ius hereditarium vsurpare. Vnde iidem excludi non poterant nec debebant, ea etiā ratione quòd septem nomine septem Præpositurarū, & duo vice ac nomine viginti trium Prælatorum pro ipsa vniversitate fuerint à Canonicis ad tractatum electionis admissi, & sic cum in postulatum vota septem Præpositorum, & decē & octo Prælatorum præsentium & aliorum sex absentium, quorum procuratores erant in ciuitate præſentes, consensu mediante illorum duorum concocierint, pro parte sua vltra duplo maiorem numerum allegabant; cum in Plebanū quindecim tantum Canonici, & vnus Præpositus à principio conferſissent, nec aliquid ei iuris accreuerit in hoc casu per subsequenzem consensum nouem Canoniceorum, qui electionis tempore non fuere præſentes, nec vocari potuerint commodè, nec deberent. Præſertim cum octo ex illis tanto tempore fuissent absentes, quòd secundum constitutionem Patriarchæ ac Capituli Constantinopolitanorum pro Canonicis nullatenus haberentur. Auctoritatem etiam introducebant pro se, cum regulariter maioris auctoritatis Prælati, quàm simplex Canonicus habeatur. Bonum verò zelum ea ratione probabant, quòd Venetum pro vitando scandalo longa conuersatione notum, laudabili administratione

probatum, earum Clericis, & acceptum laicis postularant, in quem assensus Principis, Suffraganeorum vota, plebísque desiderium concurrebant, nec debebant aliquid finitrum de illo præsumere, quem & excellentia dignitatis & communis reddebat fama præclarum. Nec etiam erant aduersarij audiendi, qui promotionis eius tempore tacuerunt, nisi forte aliquid nouum proponerent, vel quod postmodum didicissent. Maxime cum obiectam notam incontinentiæ, siqua forsitan præcessisset in ipso, quod tamen inficiabatur omnino, subleques longæ conuersationis deleuisset honestas. Proposuerunt etiam, quod nisi pars altera se ab iniurijs temperaret, intendebant quædam proponere tam in personis eligentium quam electi. Ad excusationem verò eiusdem Archiepiscopi super obiectione ambitus proponebant, quod idem ex honesta & probabili causa Constantinopolim venerat, & habebat necesse frequenter accedere, tum propter negotia Patriarchalis Ecclesiæ, tum etiam propter executionem vltimæ voluntatis Patriarchæ defuncti, suæ discretioni commissæ, qui licet interfuerit Vesperis & Matutinis in Patriarchali Ecclesia ob solemnitatem dici, in loco tamen Decani resedit, nec aliquid de Patriarchalibus vsurpauit. Ipsum etiam literatum etsi non eminenter, competenter tantum esse dicebant, sufficientem intelligentiam, & eloquentiam de Scripturis, & in Scripturis habentem. Nihilominus allegantes, quod & si quædam Conuentuales Ecclesiæ tunc vacarent, aut forsitan propter pauperiem non haberent numerum Clericorum, ipsum Capitulum, aut etiam vnus qui vicem Capituli retineret, ad electionem pro Prælato deberet admitti, cum in talibus sæpe Capitulum vicem consueuerit supplere Prælati, & nomen acius vniuersitatis multotiens deuoluatur ad vnum, & retineatur in vno. De malo nihilominus zelo arguebantur electores Plebani, eò quod hominem elegerant, quem electionis tempore credebant in minoribus Ordinibus constitutum, asserentes quod in vigilia Natiuitatis Dominicæ altera pars apud Constantinopolim consenserat in Plebanum, qui se paulò ante apud Venetias fecerat in Subdiaconum promoueri. Ex quo inferebatur, quod si hoc actum fuerit ex condito, non poterat ambitione carere. Si verò præordinatum non extitit, cum propter locorum distantiam hoc ad eligentes tam breui tempore nequiverit peruenisse, sequitur quod secundum conscientias suas ineligibilem eligebant: vel si error ad excusationem accusatione non vacuam allegetur, in confessionem negligentia veniet, quæ super ijs non multum distat à culpa. Adijciebant etiam quod magis erat extraordinarium consentire in hominem non solum extra totum Patriarchatum, verum etiam extra totum imperium constitutum, quam in vicinum & familiarem, suffraganeum eiusdem Ecclesiæ, de cuius pastoris electione tractatur. Personam quoque Plebani de vehementi ambitione notabant, dicentes quod ipse per literas suas quosdam Constantinopolitanos Canonicos expressè rogauerat, vt eum in suum eligerent Patriarcham, quod pars aduersa negabat. Vnde petebant postulatorem Archiepiscopi expediti, vt cum esset pars altera zelo, auctoritate, ac numero minor, cassato quod factum fuerat de Plebano, postulationem ipsorum admittere dignemur. Verum quia de ijs quæ per assertiones partium in iudicium deducta fuerunt, nobis non potuit fieri plena fides, quamuis super ijs quæ de numero dicta sunt postulantium per quoddam publicum instrumentum & literas Constantinopolitanam

Vicarij, necnon confessionem procuratoris partis aduersæ, in iudicio quidem factam, sed postea reuocatam pars altera suam intentionem asserere esse fundatam, causam ipsam discretionem tuæ duximus commitrendam: per Apost. scrip. mandantes, quatenus super ijs & alijs inquiras, sublato cuiuslibet appellationis obstaculo diligentissimè veritatem de meritis electi & postulati apud Venetias, vbi nati fuerunt & diutius conuersati. De studijs autem eligentium, & postulantium, & omnibus generaliter quæ causam possint instruere apud Constantinopolim, vbi huiusmodi postulatio & electio celebrata fuerunt, etsi partes consenserint, procedas hoc modo, vt si constiterit de mutuo conuenisse consensu, quòd ad electionem Patriarchæ septem admitterentur Præpositi, siue per seipsos, siue per alios, & duo alij ex parte vniuersitatis pro cæteris Conuentualium Ecclesiarum Prælati, totque tunc temporis Conuentuales Ecclesias habuisse Prælatos, qui cum septem Præpositis & nouem Canonicis, quos quidem Canonicos constat in postulatione præfati Archiepiscopi conuenisse, duplo maiorem facerent numerum, quàm sedecim electores Plebani, tu v. c. nostra postulationem admittas, nisi probatum fuerit postulatio aliquid obuiare de Canonicis institutis, quod promotionem ipsius debeat impedire, ac Plebani electione cassata ipsum Archiepiscopum absoluas à vinculo quo Heraclius tenetur Ecclesiæ, concedendo ipsum Constantinopolitanæ Ecclesiæ in pastorem, & faciendo ipsi per censuræ ecclesiasticæ appellatione remota reuerentiam & obedientiam debitam exhiberi. Quod si ad faciendum duplo maiorem numerum simul omnes prædicti minimè suffecerunt, siue dignus siue indignus sit postulatus, tu postulatione repulsa; electionem Plebani auctoritate nostra confirmes, dummodo nihil obstat eidem, quod ipsum tanto Prælatu reddat indignum, ad impendendum sibi reuerentiam & obedientiam sibi debitam ac deuotam, quòslibet sibi subiectos, si necesse fuerit, sublato appellationis obstaculo Canonica districtione compellens. Si verò numerus postulantium inuentus fuerit duplo maior, quemadmodum est prædictum, & persona postulata indigna reperta fuerit, tu tam postulationem, quàm electionem non differas reprobare; nisi forsan omnes aut maior pars postulantium præsumptione damnabili postulauerint scienter indignum, vt hac vice meritò debeant eligendi, seu postulandi potestate priuari, & in hoc quoque casu electonem confirmes, si de persona idonea constiterit celebratam. Porro si tam electionem, quàm postulationem cassari contigerit, aut altera partium postulante causam ad nos instructam referri, tu ex parte nostra districtè præcipias Canonicis & Prælati, vt procuratores idoneos ad Apostolicam sedem studeant destinare, per quos aut vnum ex istis, si contigerit approbari, aut alium quem nos eis duxerimus præferendum, aut quem ipsi fortè postulauerint, vel elegerint, si eis de benignitate nostra fuerit postulandi vel eligendi concessa potestas, in Patriarcham recipiant; cum tantam Ecclesiam nolumus manere diutius pastoris solatio destitutam, & ad hæc & alia quæ ipsorum consensum desiderant, eis vices suas plenè committant. Tu ergo Deum solum habens præ oculis cum omni studio & cautela secundum præscriptam formam procedas in negotio memorato, nisi forsan Apostolicæ sedis Legatus præuenierit, per quem vnà tecum ipsum negotium expediri secundum præscriptam formam volumus & mandamus. Datum Signæ xv. Kal. Septemb. Pont. N. anno xv.

EPISTOLA CLV.

CONFIRMATVR VNIO MONASTERII SANCTI SOLUTORIS TAURINENSIS.

Abbari & Conuentui Monasterij Sancti Michaelis Clusin.

IS quæ ad Ecclesiarum vtilitatem & statum pertinet creduntur, tantò libentius Apostolicum fauorem impendimus requisiti, quanto earum sollicitudo continua nobis propensius noscitur imminere. Eapropter dilecti in Domino filij vestris iustis postulationibus grato concurrentes assensu, vniõnem Monasterij Sancti Solutoris Taurinen. & vestri, consentientibus venerabili fratre nostro ... Episcopo, & dil. fil. Capitulo Taurinen. factam, sicut sinè prauitate prouidè facta est, & per bonæ memoriæ G. electum Nouarieni, auctoritatè nostrâ extitit approbata, prout in ipsius literis plenius continetur, auctoritatè Apostolica confirmamus, & præsentis scripti patrocinio communimus. Ad maiorem autem euidentiã rei gestę literas prædicti electi de verbo ad verbum huic nostrę paginæ fecimus annotati. In nomine Domini Girardus diuina gratia Nouarieni. electus, omnibus ad quos literę istę peruenerint in veto Salutari salutem. Diuina prouidètia quæ nec fallit nec fallitur, humanę conditionis mobilitati compatiens post Apostolorum principem in Romanę sedis cathedra lucernam & speculum summum Pontificem ordinauit, per quem & lapsa reparari, & destituta restitui mereantur. Residentis itaque, Sanctissimi Patris Innocentij tertij super vniõne Abbatiz Sancti Solutoris Taurinen. ad Clusin. Monasterium mandatum accepimus in hac formã. Innocentius Episcopus seruus seruorum Dei Dil. fil. ... electo Nouarieni. Salutem & Apostolicam benedictionem. Ex tenore literarum Venerabilis fratris nostri ... Episcopi, & Dil. fil. Capituli Taurinen. accepimus, quòd cùm olim Venerabili fratri nostro ... Mediolanen. Archiepiscopo, & eidem Episcopo dedimus in mandatis, vt reparationi Monasterij Sancti Solutoris Taurinen. quod ita in temporalibus & spiritualibus collapsum fuerat & attritum, vt desolatum sinè leuaminis spe iacebat, intendere prout melius possunt & plenius procurarent, illud si eius aliter restaurationi providere non possent, translatum in Canonicam Ripalten. ipsi prudentum plurium requisito consilio cùm Canonicam supradictam minùs sufficientem ad hoc varijs impedimentis emergentibus inuenirent, modico tandè Monachorum grege, qui iam dicto Monasterio superetant cum lacrymis postulante, sub disciplina & regimine Clusin. Ecclesię, per quam plenari poterat respirare, dictum Monasterium in præfata Clusin. Ecclesiã iure Taurinen. Ecclesię ad quam pertinet nullo medio & exemptione Clusin. Monasterij per omnia illæsis manentibus, memoratus Episcopus & Taurinen. Capitulum transtulerunt. Cùm igitur in soluendis debitis quibus præfatum Sancti Solutoris Monasterium detinetur manum apponere Clusin. Ecclesiã contradicatur, nisi factum huiusmodi Apostolico munimine tobo-retur. Nos id tux discretionis prudentiæ committentes, per Apost. tibi script. mandamus, quatenus inquisita super ijs omnibus diligentius veritate, quod vtilitati Ecclesię vtriusque secundum Deum noueris expedire, nostrâ fretus auctoritatè, appellatione remota statuas, & facias quod statueris per censuram Ecclesiasticam firmiter obsecurati.

Datum Lateran. viij. Kal. Ianuarij, Pont. N. anno tertio decimo. Nos igitur mandatis Apostolicis in omnibus & per omnia sicut condeget parere volemus, præfate vnionis instrumento viso & diligenter inspecto, quod per Bartholomæum Imperialis Aulae Notarium confectum esse constabat, quæ in eo continentur canonica & legitimè facta approbantes, sicut inter contrahentes sancitum est, & statutum, præfati instrumenti tenorem auctoritate Apostolica, qua fungimur in hac parte, confirmamus. Adijcimus & statuimus, vt duodecim Fratres & Prior cum eis sub regula B. Benedicti, & sub disciplina & regimine Clusin. Monasterij ibidem Deo seruituri perpetuò mancant: ita quòd Abbas Clusin⁹ præfatum Priorem in ordinatione spiritualiũ, & obseruatione ordinis ibi instituat, & destituat, sicut per alias Ecclesias seu cellas Clusin. Monasterio subditas consuevit. Verũ quia refectionio quædam quam Taurinen. Capitulum à præfato Sancti Solutoris Monasterio in solemnitate Martyrum Solutoris, Aduentoris, & Octauij recipere consuevit in Ordinis præiudicium & iacturam regulæ nobis cedere videtur, ordinamus & statuimus, vt pro præfata refectione iamdictum Taurinen. Capitulum à memorato monasterio viginti soldos Segusien. veterum, si ad processionem venerit, die festo recipiat annuatim, & sic à refectione tacitum maneat, & contentum, & hæc de profectis diebus dicta intelligantur. Sit autẽ die Dominico festum prædictum venire contigerit, sicut à longis retrò temporibus inter Taurinen. Ecclesiam & iamdictum Monasterium constat esse statutum & consuevit, aut Canonici intersint processionem, aut non, censum vice refectionis recipiant supradictum. Ad ieiunium etiam & statuimus, quòd si Taurin. Episcopus Electo Clusin. post collatam sibi confirmationem Clusin. Monasterij secunda & tertiarequisitione per interualla decem & decem dierum præcedente, expeditam Abbatiam Sancti Solutoris quouis ingenio confirmare distulerit; non obstante tali dilatione electus Clusinus tam in spiritualibus quàm temporalibus, & tam in capite, quàm in membris sancti Solutoris generaliter administret. Nulli ergo omnino hominum liceat hanc nostræ confirmationis sue constitutionis paginam infringere, vel ei ausu temerario contraire. Quòd si quis attentare præsumpserit, indignationem omnipotentis Dei, & beatorum Petri & Pauli Apostolorum eius, & summi Pontificis se noceat incursurum. Contradictores verò, & à præfata forma resilientes, sicut in mandatis accepimus, appellatione cessante excommunicationis vinculo innodamus. Vnde actũ est hoc. Anno Incarnationis Dominicæ M. CC. xj. Indictione xiiij. die sexto, exeunte mense Ianuarij. Interfuerunt Dominus Albertus Brusatus Nouarien. Canonicus. Dominus Raynerius Abbas Fructuarien. Dominus Vvilelmus de Fibinis Monachus Tilieti, & Dominus Ioannes Monachus Casz. Nouar. & alij plures. Vnde plura instrumenta idem Dominus electus vno tenore; sicut necesse fuerit fieri præcepit. Ego Guala Muricula sacri palatii Notarius hanc chartulam de mandato prædicti Domini electi scripsi, & c. Nulli ergo omnino hominum liceat hanc paginam nostræ confirmationis infringere vel ei, &c. vñque, contraire, &c. Siquis autem, &c. vñque, incursum. Datum, Signis vj. Kal. Septemb. Pont. N. Anno xv.

EPISTOLA CLVI.

REMITTIT INFAMIAM DAMNATO INIURIARVM.

Rainerio militi de Vico.

CVM te à Bartholomæo iniuriarum actione conuentum eò quòd dixeris equum tuum non esse minoris pretij, quàm capillos ipsius, lac. de Guarin. & L. de Vico iudices, qui super hoc cognoscebant in decem solidos condemnassent, tu timens ne ipsorum sententia te notarè infamia, pro beneficio restitutionis ad samam Sedem Apostolicam implorasti. Nos autem considerantes quòd penè nulla, vel minima fuerit iniuria supradicta, volumus & concedimus te ob hoc nota infamiz non teneri. Datum Signiz vij. Idus Septemb. Pont. N. Anno xv.

EPISTOLA CLVII.

CAUSÆ NOTIONEM DEMANDAT, QVAM INSTRVCTAM AD
SED. APOST. REMITTI IVBET.*Episcopo & P. & A. Archidiacon. Auriens.*

CONQVARENTIBVS olim dil. fil. M. & I. Presbyteris G. P. & M. Diaconis P. I. & M. ac quibusdam alijs Clericis Capellæ monasterij Sanctæ Crucis Colimbrien. se à Priore ac Fratribus eiusdem Monasterij debita prouisione fraudari, Prior Sanctæ Mariæ Montis Maioris, & coniudices eius, qui super hoc receperant scripra nostra, eosdem ad quoddam beneficium quo fuerant spoliari restituendos sententialiter decreuerunt, eadem Capella nisi præfata sententiæ pareretur supposita interdictione. Priore autem & Conuentu dictas restitutionis & interdictionis sententias contemnentes; & procurantibus etiam vt iidem Clerici suam persequi iustitiam non auderent, Venerabili Fratri nostro... Episcopo & dil. fil. Decano & Cantori Zamoren. dedimus in mandatis, vt easdem facientes vsque ad satisfactionem condignam inuiolabiliter obseruari, super alijs causam audirent, & sine canonico terminarent. Qui rationibus partium plenius inrellectis, iamdictas sententias confirmarunt: Io. Saluati cum duodecim alijs Canonicis & Clericis Sanctæ Crucis ab officio & beneficio suspendentes, si post inrerdicti sententiam in præfata Capella diuina conuincerentur officia celebrasse; Priore nihilominus & Conuentu ad restitutionem iamdictæ Capellæ, centum & quinque modiorum frumenti, centum viginti quinque quinalum vini, quinque milium & octoginta quatuor solidorum, & quingentarum oblatarum, quinque almuldarum vini, sexcentarum oblatarum, trecentarum & sexaginta candelarum, quatuor marabutinatorum, cuiusdam domus, & duorum lectorum, quibus omnibus iidem Clerici fuerant spoliati, necnon quinquaginta marabutinatorum, quos suam iustitiam persequendo expenderant, condemnatis, & reprobatis quibusdam litteris quasi supradictorum iudicum nomine ad nos missis, in quibus iidem iudices proprium circa processum suum confitebantur errorem, & Priore ac Conuentum excusare propensius nitebantur. Porro cum Prior & Conuentus

iamdicti literas quasdam Colimbrien. Episcopi à duobus è Clericis memoratis P. Bartholomei, & I. Nimonis, videlicet coram iudicibus ipsis exhibitas allegarent numquam de conscientia Episcopi emanasse. In hoc tandem partes pariter conuenerunt, vt abrenuntiantes omnibus quæ gesta erant in causa, si Colimbrien. Episcopus tenorem recognosceret litterarum, ipsi iudices iuxta suæ voluntatis arbitrium Clericis pro quibus prædicta sententia lata erat, in Monasterio ipso fierent provideri, alioquin Priorem & Conuentum ab impetitionibus absoluerent eorundem. Cum ergo iidem iudices literas Colimbrien. Episcopi, per quem super hoc certiorari petierant recepissent, eisdem diligenter inspectis de peritorum consilio sententiando dixerunt sepeditum Episcopum literarum recognouisse tenorem, Priori & Fratribus iniungentes, vt prædictis duobus Clericis prouiderent iuxta formam in autentico earundem expressam, pro cæteris sententiam confirmationis quam tulerant super iamdicta restitutionis sententia, sed ad tempus se suspendisse fatebantur, eandem in statum pristinum reducendo, & præcipiendo eam inuiolabiliter obseruari. Quorum sententiam cum Magister I. Monasterij procurator postmodum apud Sedem Apostolicam constitutus, coram dilecto filio nostro, P. tituli Sanctæ Lucie ad septa solis Diaconi, nunc verò tituli Sanctæ Cecilie Presbytero Card. quem ipsi & prædicto Ioanni Nimonis Procuratori Clericorum ipsorum concessimus Auditorem, peteret reuocari, & coram eodem tam super quibusdam litteris Colimbrien. Episcopi, quas idem Procurator falsatas esse dicebat à Clericis memoratis, quam super alijs fuisset diutius litigatum. Nos ijs quæ coram eodem Card. fuere proposita plenius intellectis, de fratrum nostrorum consilio sententiam prædictorum iudicum Zamoren. approbantes, illam auctoritate Apostolica confirmauimus. Dantes Ven. Fratri nostro... Episcopo Salamantin. & eius coniudicibus in præceptis, vt eandem inuiolabiliter facerent obseruari. Qui cum ad locum proper impedimenta euidentia personaliter accedere non valerent, præfatis Priori & Conuentui sub anathematis pena, & suspensione officij, & beneficij dederant districtius in præceptis, vt eandem sententiam, sicut per nos fuerat confirmata, inuiolabiliter obseruarent, denuntiantes quoslibet qui à tempore quo eadem sententia lata fuit in Monasterio Sanctæ Crucis, vel eius Capella præsumperant, vel etiam tunc temporis præsumebant celebrare diuina, officio beneficijque priuatos, excommunicationis sententiæ subiacere, & præcipientes nihilominus exhumari corpora defunctorum, quæ in dictis Monasterio vel Capella fuerant tumulata. Concedentes insuper executores Clericis memoratis, per quos expensæ quas litigando fecerant restituerentur eisdem cum fructibus, qui à tempore latæ sententiæ ab eisdem percipi debuerunt, & denunciantes etiam omnes Ecclesias de Lairena, & terminis eius, ac omnes Ecclesias in Portugallia constitutas, pertinentes ad Monasterium sepeditum à festo Natiuitatis B. Mariæ proximè tunc futuro suppositas interdicto, si sepeditæ sententiæ obuiare in aliquo attentarent. Quibus demum iamdictam sententiam temerè contemnentibus, iidem iudices omnibus Episcopis & Prælati in Regno Portugallie constitutis, ea qua fungebantur auctoritate præcipiendo mandarunt, vt diebus Dominicis ac festiuis candelis accensis, & pulsatis campanis eosdem excommunicatos publicè nuntiarent, & ab omnibus facerent arctius cuitari, in omnes qui præsume-

rent impedite similem sententiam proferentes. Ad hæc cum sæpeditus I. Nimonis in procinctu esset pro se ac socijs suis ad Sedem Apostolicam veniendi, eo iuxta præfatum Monasterium transitum faciente, quidam iniquitatis filij crudeliter irruentes in eum, & ipsum funestis gladijs configentes, eodem seminuotorelieto ad Monasterium confugere præfatum, quos cum Officiarij civitatis vel-
lent iuxta tetræ consuetudinem trahere ad vinctam, Prior & Conuenius iamdicti eos corporaliter defendere præsumpserunt. Denique cum idem Ioannes grauibz afflictus vulneribus, camisiam suam infectam sanguine, & signatam ictibus cultellorum sub sigillis Episcopi & aliorum Prælatorum Colimbrien. cum testimonialibus litteris eorundem, per P. Bartholomei, & Ioannem Suerij Clericos, tam ad persequendam corporalem iniuriam eius, quam ad causam communem sibi & alijs promouendam, procuratores à se ac alijs constitutos oculis nostris transmiitteret inruendam, vno eorum Petro Bartholomei videlicet apud Sedem Apostolicam decedente, reliquus contra proprium veniens iuramentum, communi causâ penitus derelicta, camisiam & litteras antedictas suis aduersarijs triginta aureorum pretio vendere non expauit. Vnde idem I. pro se ac socijs supplicauit nobis humiliter & deuotè, vt finem eorum angustijs imponentes, prædictorum Prioris & Fratrum rebellionem & contumaciam poena castigare debita dignaremur, & præfato Ioanni pro fide violata poenam canonicam infligentes tam ea, quæ de camisia memorata recepit, quam illa quæ ad opus itineris & causæ prosecutionem ei ab ipsis assignata fuerunt, faceremus sibi restitui ab eodem. Quocirca dis. vest. per Apost. scrip. præcipiendo mandamus, quatenus, vocatis qui fuerint euocandi, & quæ super his & alijs vtrimque duxerint proponenda plenius intellectis, causam ad nos remittatis sufficienter instructam, præfigentes partibus terminum competentem, quo se nostro conspectui representent, iustam auctore Domino sententiam recepiunt. Quia verò prædicta cum nimis sint grauiâ relinquere nolumus indiscussa; volumus & mandamus, vt si etiam per colludium vel aliam fortè causam auctores desisterent, aut deficerent, vos nihilominus ad inquirendam diligenter super omnibus veritatem, sublato cuiuslibet contradictionis & appellationis obstaculo procedatis, eos qui se gratia, odio, vel timore subtraxerint per censuram Ecclesiasticam compellentes veritati testimonium perhibere; vt per relationem vestram certificati de ipsis, sinè personarum acceptione, quod iustum fuerit auctore Domino statuamus. Nullis litteris obstantibus hætenus à Sede Apostolica impetratis. Quod si non omnes &c. tu Frater Episcopo cum eorum altero, &c. Datum Signiz ij. Non. Septemb. Pont. N. Anno xv.

EPISTOLA CLVIII.

IANVENSIS ARCHIEP. A CLERICIS ALBINGANENSIBVS
REVERENTIAM EXHIBERI PRÆCIPIT.

Abbati De Tilieto.



VM dilectis filijs... Electo & Clericis Albinganen. nostris dederimus litteris in mandatis, vt Venerabili Fratri nostro ... Ianuen. Archiepiscopo tanquam suo Metropolitanò impendant obedientiam, & reue-

rentiam debitam ac deuotam, sicut à prædecessoribus nostris Romanis Pontificibus est statutum: deuotioni tuæ per Apost. script. mand. quatenus eos ad hoc diligenter moneas, & inducas, & si necesse fuerit, per censuram Ecclesiasticam sub lato appellationis obstaculo præuia ratione compellas. Datum Signæ viij. Idus Iulij, Pont. N. Anno xv.

EPISTOLA CLIX.

PRO MODO FACULTATVM CLERICOS ECCLESIE SVLBISIENSIS
ASSIGNARE, AC IN EIS W. DE S. ALBINO MANDAT.

Xantonen. Episcopo, & Priori Sulbifsen. Xantonen. Diæcesf.



ICVT tu fili Prior transmissio nobis petitorio intimasti, cùm Ecclesia Sulbifsen. ob guerrarum discrimina cum suis omnibus ædificijs olim fuerit deuastata, consumptis penitus bonis eius, sic ipsam de bonis tuis obtentu retributionis æternæ tam in ædificijs, quàm alijs necessarijs procurasti salubri studio postmodum reparare, quòd in ea requiri potest hodie non immeritò cultus Dei. Propter quòd à te nobis extitit humiliter supplicatum, vt ibidem f. ceremus personas idoneas ordinari, quæ in eadem præstarent Domino deuotum iugiter famulatum. Maxime cùm eidem Ecclesiæ vix octo Canonici seruiant, cui solebant dudum viginti & amplius personali residentia deseruire, ac quidam non residentes ibidem ipsius ordinationem nitantur nequiter impedire. Nos igitur fili Prior tuas preces humiles admittentes, & cultum etiam zelantes domus Dei, discretioni vestræ præsentium autoritate mandamus, quatenus tot in præfata Ecclesia Canonicos idoneos ordinare sagaci prouidentia studeatis, quos ipsius experient facultates, & qui possint ibidem per iugem residentiam impendere Domino tam gratum obsequium quàm deuotum. Contradiçtores si qui fuerint vel rebelles per censuram Ecclesiasticam appellatione postposita compescentes. Verùm cum dilectus filius W. de Sancto Albino Clericus peroptet in eadem Ecclesia ordinari, deuotionem vestram rogandam duximus & monendam per Apost. vobis script. mandantes, quatenus ob reuerentiam Apostolicæ Sedis & nostram ipsum cum alijs ordinandis, si fuerit idoneus, admittatis in Canonicum, & in fratrem ipsi Ecclesiæ seruiturum. Datum Signæ xiiij. Kal. Oct. Pont. N. Anno xv.

EPISTOLA CLX.

INTERDICTI TEMPORE CELEBRARE PERMITTIT.

Episcopo & Capitulo Tripolitan.



ET IISTIS per Sedem Apostolicam edoceri, vt cum propter Hospitalarios, vel Templarios Ciuitas vestra generali supponitur interdicto, eisdem non seruantibus, vos illud teneamini obseruare. Ad quod sic duximus respondendum, quòd illorum excessus vobis non præbet licentiam excedendi: sed si præfati Hospitalarij, vel Templarij priuilegijs suorum fines exceßerint, violando temerè interdictum, quod pro illis fuerit promulgatum, ne ipsi videantur de aliorum

fletu ridere, vos in pœnam præsumptionis eorum, quandiu ipsi violauerint interdictionem de nostralicenſia celebretis. Datum Signiz xiiij. Kal. Octob. Pont. N. Anno xv.

EPISTOLA CLXI.

DECRETVM SVPER MINVENDO CANONICORVM NVMERO CONFIRMAT.

Episcopo & Capitulo Tripolitan.



IGNIFICANTIBVS vobis ad audientiam Apostolatus nostri peruenit, quod cum olim in Ecclesia vestra duodecim Canonicorum numerus, & totidem præbendarum fuerit rationabiliter institutus, & vos quorundam inducti precibus, sex Canonicos receperitis vltra numerum constitutum in eiusdem Ecclesie non modicam læsionem, vt possetis huiusmodi releuare grauamen, & excludere materiam concedendi beneficia vacatura, antiquum numerum duodecim Canonicorum & præbendarum in eadem seruari Ecclesia de cetero statuistis: quod petiistis humiliter Apostolico munimine roborari. Nos igitur vestris precibus inclinati, statutum ipsum sicut absque præiudicio alieno vtiliter & prouidè factum est, præsentium auctoritate præcipimus inuiolabiliter obseruari; nisi ad eò excreuerint eiusdem Ecclesie facultates, quod pluribus possint sufficere competenter. Nulli ergo &c. vsque, hanc paginam nostre iussuonis infringere vel ei, &c. vsque, contraire. Si quis autem, &c. vsque, incursum. Datum Lateran. iij. Kal. Octob. Pont. N. Anno xv.

EPISTOLA CLXII.

ATTENTATA IN FRAVDEM APPELLATIONIS REVOCARI IVBET.

Sidonien. & Acconen. Episcopis & Thesaurario Acconen.



AD petitionem dñi. filij I. Thesaurarij, & W. Canonici Tripolitano- rum, quos venerabilis F. N. Episcopus & dñi. fil. Capitulum Tripolitan. ad Sedem Apostolicam transmiserunt, fraternitati vestre per Apost. script. mand. quatinus siquid contra statutum de seruando numero in Tripolitana Ecclesia duodecim Canonicorum, & totidem præbendarum vtiliter & prouidè factum ab Episcopo & Capitulo memoratis, post appellationem ad nos à Nuntijs prædictis legitimè interpositam, & à Capitulo in communi receptam, antequam iter arriperent ad Sedem Apostolicam veniendi, fuit temerè attentatum, cognita legitimè veritate, decernatis auctoritate nostra carere robore firmitatis. Quod si non omnes, &c. Datum Laterani iij. Kal. Octob. Pont. N. Anno quintodecimo.

Leonardo Presbytero de Sancto Elia, & fratribus eius.



CUM à nobis petitur, &c. usque, perducatur effectum. Ea propter dilecti in Domino filij, &c. usque assensu, libertatem & immunitatem, quas domus vestra obtinuit ab antiquo, & dñi. fil. A. Casinen. electus de consensu fratrum suorum vobis providè confirmavit, sicut in ipsius confirmationis autentico plenius continetur, auctoritate vobis Apostolica confirmamus, & presentis scripti patrocinio communitimus. Nulli ergo, &c. usque, nostræ confirmationis infringere, vel ei, &c. usque, contraire. Si quis autem, &c. usque, incursum. Datum Lateran. iij. Non. Octob. Pont. N. Anno xv.

EPISTOLA CLXIV.

OB INCENDIUM NON ESSE DENO CONSECRANDAM ECCLESIAM.

Archiepiscopo & Capitulo Bisuntin.



IGNEIS ædificijs Ecclesiæ vestræ casu quodam igne consumptis, parietibus tamen illæsis, ac mensa principalis altaris in sui extremitate modicam passâ fracturam, quaesivistis per Sedem Apostolicam doceri, si propter hoc ipsius altaris, vel etiam totius Ecclesiæ deberet consecratio innovari. Ad quod sic duximus respondendum; Quod cum parietes in sua integritate permanerint, & altaris tabula mota vel enormiter læsa non fuerit ob casum prædictum, nec Ecclesia, nec altare debet denuò consecrari. Datum Lateran. Non. Octob. Pont. N. Anno xv.

EPISTOLA CLXV.

VT P. MARCV M CANCELLARIÆ SVÆ PRÆFICIAT VLTRO CONCEDIT.

Nobili viro Simoni de Monteforti Comiti Leicestria & Vicecomiti Biterren.



CUM dilectum filium Magistrum Petrum Marcum Subdiac. notrum, Correctorem litterarum nostrarum pro colligendis Ecclesiæ Roman. censibus, aliisque negotijs destinemus, nobilitatem tuam de qua plenè confidimus, rogamus attentius, & monemus per Apost. tibi script. mandantes, quatenus ipsi ob reuerentiam Apostolicæ Sedis & nostram diligenter assistens, consilium ei efficax, & auxilium oportunum impendas, vt & ipse iniuncta sibi negotia ope tua suffultus valeat auctore Deo feliciter cōsummare, ac nos sollicitudini grata tuę debeamus exinde vicissitudine respondere. Verum quia dilectus filius Frater Constantinus Cōuersus Cartusien. Nos ex parte tua suppliciter exorauit, vt dictum Magistrum, quem pro eo quod in Cancellaria nostra laudabiliter conuersatus per diuinum exercitium in huiusmodi plenius est instructus, Cancellariæ tuæ præficere cupiebas, tibi concedere dignaremur: Nos deuotæ fidei tuæ ac deuotionis

fidelis sinceritatem perspicuam sicut conuenit attendētes, quæ personam tuam tanquam specialis Apostolicæ Sedis filij & fidelis nobis aduehit specialiter diligendam, & preces tuas persuadet quantum cum Deo possumus efficaciter exaudire, ipsum Magistrum, quamquam non solum plurimum uisus, uerum etiam valde necessarius nobis extiterit & existat, ut pote cuius fidei puritatem & discretionis prudentiam iamdiu in multis experti, negotia nostra parua & magna eidem committimus incunctanter, deuotioni tuæ duximus liberaliter concedendum, discretionem tuam rogantes affectuosius & monentes, quatenus ipsum quem propriæ probitatis merita recommendant habens propensius commendatum, taliter eum studeas honorare, quod & nos qui honorari reputamus in ipso, ad honorem & profectum tuum magis intendere debeamus, & idem culus obsequium tibi ac terræ tuæ quamplurimum credimus profuturum, ad deuotionem tuam fortius astringatur. Datum Signiæ iij. Idus Septemb. Pont. N. Anno xv.

EPISTOLA CLXVI.

EVMDEM P. MARCVM COMMENDAT.

Narbon. Archiepiscopo & Episcopo Viicen. Apostolica Sedis Legatis.

ET si minimè dubitemus quod Nuntios nostros quoslibet, & in quibus conuenit honoretis; quia tamen illos volumus propensius honorari, quos pro suorum exigentia meritorum habemus inter alios cariores, pro ijs affectuosius uos rogamus. Hinc est quod cum dilectum filium Magistrum Petrum Marcum Subdiaconum nostrum Correctorem litterarum nostrarum pro colligendis cēsis Ecclesiæ Romanæ, ac alijs negotijs destinemus, ipsum tantò uobis attentius duximus commendandum quantò & personam ipsius probitatis suæ merito carius amplexamur, & negotia ipsi committimus potiora. Ideoq; fraternitatem uestram rogamus attentius & monemus per Apost. uobis script. mandantes, quatenus eundem Magistrum ob reuerentiam Apostolicæ Sedis, & nostram tanquam specialem Nuntium nostrum habentes propensius commendatum, impendaris ipsi consilium efficax, & auxilium oportunum, ut ipse iniuncta sibi negotia ope uestra suffultus valeat auctore Domino feliciter consummare, ac nos deuotionē uestram meritò commendare possimus. Datum ut supra.

EPISTOLA CLXVII.

UT CENSUS DEBITOS ECCLESIAE ROM. SOLVERE NON GRAVENTVR.

Uniuerfis Pralatis Ecclesiarum Ecclesia Roman. Censualium per Narbonen.

Arelaten. Aquen. & Ebredunen. Prouincias & Albien. Ruten.

Caturcen. & Agennen. Dioceses constitutis.

CUM dilectum filium Magistrum Petrum Marcum Subdiaconum nostrum pro colligendis Ecclesiæ Romanæ censibus & alijs negotijs destinemus, uniuerſitati uestræ per Apostolica scripta præcipiendo mandamus, quatenus ipsum qui suæ merito probitatis nobis & fratribus

nostris caros & acceptus existit ob reuerentiam Apostolicæ Sedis, & nostram, tanquam specialem Nuntium nostrum recipientes benignè ac honorificè pertractantes census nobis debitos fideliter exsoluatis eidem, ita quòd gratiam vobis ex debito comparetis, & nos id meritò gerere debeamus acceptum. Datum vt supra.

EPISTOLA CLXVIII.

IDEM.

Narbonen. Archiepiscopo Apostolica Sedis Legato, & Suffraganeis eius.



IC ET summi Patris familias exemplo cuius vicem immeriti eodem gerimus disponente, quod vni ex minimis nostris sit, nobis factum rationabiliter reputemus, illos tamen volentes propensius honorari, quos propriæ merita probitatis nobis aduehant carius amplexandos, & honore constituunt digniores, pro ijs specialius deuotis nostris, cum expedit preces dirigimus & mandata. Cum igitur dilectum filium Magistrū P. Marcum &c. vt supra, vsque, destinemus, fraternitatē vestrā rogamus, auentius & monemus per Apostolica vobis scripta præcipiendo mandantes, quatenus ipsū qui suæ merito probitatis nobis & fratribus nostris, carus & acceptus existit ob reuerentiam Apostolicæ Sedis, & nostram, tanquam specialem Nuntium nostrum, recipiatis benignè ac honorificè pertractantes, de censibus nostris faciatis eidem in Diocæsis vestræ fideliter responderi: ita quòd solitudinis vestræ studium pareat in effectu; & nos deuotionem vestram debeamus exinde meritò commendare. Datum vt supra.

In eundem modum scriptum est. ... Archiepiscopo Arelaten. & Suffraganeis eius.

In eundem modum Aquen. Archiepiscopo & Suffraganeis eius.

In eundem modum Suffraganeis, & Capitulo Ebredunen. Ecclesie.

EPISTOLA CLXIX.

VT MILLE MARCAS ARGENTI EIDEM P. MARCÒ NVMERARI IVBEAT.

Nobili viro S. de Monteforti, Comiti Leicestria, Vicecomiti Biterren.



NOBILITATI tuæ gratiarum dignas referimus actiones, quòd sicut dilectus filius frater Constantinus Conuersus Cartusien. nobis exposuit, tu volens nobis in mille marcis argenti liberaliter subuenire, Raimundum & Eliam de Cartucio fecisti iuramento præstito corporaliter obligari, vt eas cui voluerimus nomine nomine nostro persoluant. Ideoque deuotionem tuam rogamus attentius & monemus per Apost. tibi script. mandantes, quatenus dilecto filio Magistro P. Marco Subdiac. nostro Correctori litterarum nostrarum, cui hoc duximus committendum, sine difficultate facias nostro nomine assignari. Datum vt supra, &c.

EPISTOLA CLXX.

VT IMPERATAM PECVNIAM AD THESAURARIVM TEMPLI
PARIS. MITTI CVRENT.

*Totius Prouincia & Montispeffulani, sancti Egidij, & Arelaten.
domorum Militia Templi Magistris.*

DEVOTIONEM vestram monemus attentè per Apost. vobis script. præcipiendo mandantes, quatenus cùm à dil. fil. Magistro P. Marco Subdiac. nostro Correctore litterarū nostrarum fueritis requisiti, pecuniam, quam vobis nostro nomine duxerit assignandam, dilecto filio fratri Aimaro Thesaurario domus Militiæ Tēpli Parisien. securè mittere procuretis; vestras super hoc eidem Magistro litteras in testimonium assignantes. Quòd si non omnes, &c. quilibet vestrū ea nihilominus exequatur. Datur vt supra.

EPISTOLA CLXXI.

VT CVM EODEM P. MARCO AGAT.

Magalonen. Episcopo.

DILECTVS filius frater Constantinus Conuersus Cartusien. nobis proposuit, quòd tu quingentas Marcas pro Comitatu Melgorien. tibi & Ecclesiæ tuæ à nobis sub annua pensione viginti marcarum locando, ei nostro nomine obtulisti. Cùm igitur dil. fil. Magistro P. Marco Subdiac. nostro, Correctori litterarum nostrarum super hoc mandatum dederimus speciale, volumus vt cum ipso tractatum super eo habeas diligentem; quidquid enim idem secundum mandatum nostrum prouidè tecum duxerit faciendum nos ratum habentes volumus firmiter obseruari. Datum vt supra.

EPISTOLA CLXXII.

VT EIDEM P. MARCO PROMISSAM PECVNIAM REPRESENTENT.

Raymundo, & Elia de Caturtio.

DILECTVS filius frater Constantinus Conuersus Cartusien. nobis exposuit, quòd vos de mandato dilecti filij Simonis Montisfortis, Comitis Leicestriz, iuramento corporaliter præstato mille marcas ad pondus Trecen. cui voluerimus nomine nostro soluere promissistis. Ideoque deuotionem vestram monemus attentius per Apost. vobis script. mandātes, quatenus eas dil. fil. Magistro P. Marco Subdiac. nostro Correct. litt. nost. latiori præsentium nomine nostro, sinè qualibet difficultate soluatis, ita quòd deuotionem vestram debeamus meritò commendare. Datum vt supra.

VT ACCEPTAM PECUNIAM MITTAT AD THESAURARIVM TEMPLI PARISI.

Magistro P. Marco Subdiac. nostro.



EVOTIONI tuæ præsentium auctoritate mandamus, quatenus à dilectis filiis Raymundo, & Helia de Caturtio mille marcas argenti, ad pondus Trecen. recipias, & receptas dil. filio Fratri Aymario Thesaurario domus militiæ Templi Parisien. securè transmittas, nostro nomine deponendas. Datum vt supra, &c.

EPISTOLA CLXXIV.

VT P. MARCO CENSVM PERSOLVANT.

Narbonen. Archiepiscopo & Episcopo Viçen. Apostolica Sedis Legatis.



RÆSENTIVM vobis auctoritate præcipiendo mandamus, quatenus omnia scripta super censu terræ dilecti filij, Nobilis viri S. de Monteforti Comitis Leicestriæ, & alia nobis à bonæ memoriæ Magistro Milone olim transmissa, quæ vobis meminimus postmodum remisisse, dilecto filio Magistro Petro Marco Subdiac. nostro Correctori litterarum nostrarum liberè assignetis. Datum Lateran. v. Idus Octob. Pont. N. Anno xv.

EPISTOLA CLXXV.

POSTVLATVM A GEBENN. AD EBREDVN. ECCLESIAM TRANSFERT,
ET PALLIO DONAT.

Episcopo Gebennen.



SCIENTIÆ donum tibi à Patrefamilias quasi talentum negotiatur commissum nequaquam in terra, cum seruo inuili fodiens in sollicitudinem pastorem assumptus, sic secundum Apostolum opus implens Pontificis tuum honorificare ministerium, & præesse in sollicitudine studuisti, vt sicut credimus verè possis dicere cum Propheta. Super speculam Domini ego sum stans iugiter per diem, & super custodiam meam ego sum stans totis noctibus, ita te fidelem exhibens super pauca, vt merearis constitui super multa. Quod dilecti filij Canonici Ebredunen. Ecclesiæ providè attendentes, cum bonæ memoriæ eorum Archiepiscopo ab hac luce subtracto de substitutione Pontificis tractatum diutinum habuissent, tandem operante illo qui facit vtræque vnum, Cleri, Populi, & Suffraganeorum desiderijs concurrentibus, te in suum Archiepiscopum & Pastorem vnanimi postulauere consensu; supplicantes nobis humiliter & instanter, vt cum Episcoporum translatio fieri non possit vel debeat absque Sedis Apostolicæ licentia speciali, te per cuius circumspeditionem sollicitam, & sollicitudinem circumspectam multa credunt Ecclesiæ suæ commoda prouentura, ipsis in pastorem concedere dignemur: licet autem

in litteris quas olim nobis super hoc tua fraternitas destinavit, expresseris aliquos à postulatione huiusmodi primitus dissensisse, quia tamē per litteras eorūdem ipsos in postulatione iamdicta nunc vnanimis esse cognouimus & concordēs, eandem ipsorum inclinari precibus duximus admittendam, tēque à regimine Gebennen. Ecclesie absoluentes, ipsis concessimus in Pastorem. Ideoque fraternitati tuę per Apost. script. mandamus atque pręcipimus, quatenus vocationem recipias de te factam, ne diuinę dispositioni resistere videaris, ad pręfata Ecclesiam Ebredunen. accedas, eidem itā sollicitē curam studens impendere Pastoralem, vt eiusdem status iuxta ipsius expectationem & nostram per tuę sollicitudinis providentiam temporaliter & spiritualiter augeatur, & tu sicut de gradu in gradum, ita de virtute in virtutem proficere videaris. Pallium quoque plenitudinem scilicet Pontificalis officij per dil. fil. Magistrum P. Marcum Subdiac. nostrum Correctorem litterarum nostrarum Ecclesie iamdictę Canonicū, virū vtique litteratū, prouidū & discretum tuę fraternitati transmittimus, sub ea formatibi tradentū ab ipso, quā eidem sub Bulla nostra dedimus interclusam.

In eundem fere modum scriptum est Capitulo Ebredunen. vsque, interclusam. Quocirca mandamus, quatenus ei sicut Archiepiscopo vestro humiliter intendentes, obediētiā & reuerentiā exhibeatis eidem tam debitam, quā deuoatam.

In eundem fere modum Clero, & Populo Ebredunen.

In eundem modum Suffraganeis Ebredunen. Ecclesie, tāquam Metropolitan. vestro.

EPISTOLA CLXXVI.

CONFIRMAT DVODENARIVM CANONICORVM NUMERVM
IN ECCLESIA EBREDVN.

Gebennen. Episcopo in Archiepiscopum Ebredunen. electo.

DILECTI filij. Capitulū Ebredunen. nobis humiliter supplicarunt, vt statutum de non excedendo duodenario Canonico-
rum numero in eorum Ecclesia dudum factum, & à bonę memorię Clemente Papa prędecessore nostro postmodū confirmatum, Apostolico dignemur munimine roborare. Volentes igitur vt ea quę rationabiliter statuūt robur obtineant firmitatis, mandamus quatenus statutum ipsum, saluo in omnibus Apostolicę Sedis mandato faciatis appellatione remota firmiter obseruari.

EPISTOLA CLXXVII.

VT EPISCOPO SVO DEBITAM EXHIBEANT REVERENTIAM.

Capitulo, Clero, & populo Troian.

ICET pręsentia venerabil. F. N. Philippi Episcopi vestri, tantō esset nobis acceptior, quantō ipsum ad obsequia nostra longa consuetudo aptiorem reddiderat, & suę deuotionis ac fidei puritas nobis & fratribus nostris effecerat cariorem: ex quo tamen vestra in eum desideria conuenerunt, ipsum vobis paterna benignitate duximus concedendum sperantes quod per eius sollicitudinem circum-

speciam grata sint vobis & Ecclesie vestre commoda prouentura. Vt autem ipsum in nostris esse oculis gratiosum exhibita sibi specialis gratia demonstraret, cum in Lateranen. Basilica manibus proprijs consecrauimus; vos quoque in hoc si diligenter attenditis honorantes. Quocirca Vniuersitatem vestram monemus & exhortamur attentius, & per Apost. vobis script. precipiendo mandamus, quatenus ei sicut Pastori & Episcopo animarum vestrarum humiliter intendentes, obedientiam & reuerentiam exhibeatis eidem, tam debitam quam deuotam, eius salubria monita & statuta suscipientes humiliter, & deuote seruantes. Nos enim eidem dedimus in mandatis, vt in contradictores siqui fuerint vel rebelles censuram curet Ecclesiasticam sublato appellationis obstaculo exercere. Datum Laterani iij. Idus Octob. Pont. N. Anno quintodecimo.

EPISTOLA CLXXVII.

VT DISCORDIE SVPER EPISCOPI ELECTIONE COMPONENDÆ
CAUSA, ROMAM PROCVRATORES DESTINENT.

Clero & populo Foietan.



E diffensione inter vos, & Clerum ac populum Troian. exorta, & illo dolemus debito generali, quo inter omnes Ecclesie filios considerare ac procurare tenemur vnitatem & pacem; & affectu etiam speciali, quo cupimus vt venerabil. F. N. Phil. Episcopus vester populum obsequentem habeat & concordem. Nuper igitur ... Archipresbytero, & quibusdam Clericis vestris ac Decan. & quibusdam Ecclesie Troian. Canonicis apud Sedem Apostolicam constitutis ad procurandam concordiam inter vos, & Clerum ac populum antedictos interponere volumus partes nostras, sed dictis Decan. & Canon. respondentibus se super hoc non habere mandatum, nec etiam propter hoc fuisse vocatos, finalem super ijs non potuimus habere processum. Volentes autem vt predicta dissensio per nostrae solitudinis studium sopiatur, vobis & ipsis proximum festum Epiphaniae terminu peremptoriu assignamus, per Apost. vobis scripta precipiendo mandantes, quatenus eodem termino procuratores vestros sufficienter instructos ad nostram curetis praesentiam destinare, vt huiusmodi questio per nos compositione amicabile vel iudiciali calculo terminetur. Interim autem eidem Episcopo vestro humiliter intendentes, obedientiam & reuerentiam exhibeatis tam debitam quam deuotam. Alioquin sententiam quam rationabiliter tulerit in rebelles, ratam & firmam habebimus, & eam auctore Domino faciemus firmiter obseruari. Datum Laterani iij. Idus Octob. Pont. N. Anno xv.

In eundem fere modum scriptum est Capitulo & populo Troian. vsque, terminetur. Eisdem autem Fogetan. nostris damus litteris in mandatis, vt ipsi Episcopo humiliter intendentes obedientiam & reuerentiam exhibeant tam debitam quam deuotam. Alioquin sententiam quam idem Episcopus rationabiliter tulerit in rebelles ratam & firmam habebimus, & eam auctore Domino faciemus firmiter obseruari.

EPISTOLA CLXXIX.

VT QVORVNDAM DE SE QVERELÆ MEDEATVR.

Patriarcha Antiocheno.

AM getimus de tua religione fiduciam, vt te nullum ex certa scientia grauare contra iustitiam arbitremur, nec credamus quòd propter incrementum quantūlibet temporalium, æternorum velis incur-
 rere dettumentum, cū Dominus in te dudum ignem accenderit caritatis, vt non quæras quæ tua sunt, sed quæ Christi, atque ad suscipiēdum Antiochenæ Ecclesiæ regimen non respectus temporalis commodi te induxerit, aut Patriarchalis ambitio dignitatis, sed caritatis & obedientiæ virtus, & zelus, ac deuotio nominis Christiani, cupientem prodesse potius quàm præesse; ac memorem quòd secundū testimonium veritatis nihil prodest homini, si cum detrimento animæ mundū lucratus fuerit vniuersum. Si ergo querela de te aliquando proponitur coram nobis, aut iniustam fore credimus querimoniā, aut innocentiam tuam per ignorantiam facti, seu modo alio circumuentam. Vnde nulli siuciāliū facta tua committimus discutienda, quā tibi, qui vt futurum secutus possis expectare iudicium, in præsentī, consilio vtens Apostoli, sollicitē iudicas temetipsum. Noueris autem dilectum filium Iterium Ecclesiæ tuæ Canoniciū nobis humiliter intimaſſe, quòd cū felicis memoriæ P. Auunculus eius prædecessor tuus, qui propter iustitiam non solum persecutionem passus est, sed & mortem, sibi & . . . fratri suo mille Bisantios Sarracenos dedisset in studijs scholasticis expendendos, tu ipsos à Magistro recipiens Hospitalis, penes quem cum rebus alijs depositi fuerant, eos dicto Canonico & eius fratri hæcenus restituere non curasti; eundem Iterium quadam quarta, quam Patriarcha prædictus in augmentum præbendæ suæ sibi de consensu Capituli Antiocheni contulerat, & quadam Gastina quæ Naria vulgariter appellatur, pro tuæ voluntatis arbitrio spoliando. Insuper cū idem Patriarcha redditus sui fratris, & suos quos ante captionem suam tempore longo perceperat, restitui præcepisset eisdem tu redditus ipsos de Castro Cutsarij, vbi repositi fuerant faciens asportari, tam illos quā proventus qui de beneficijs suis post captiuitatē & mortem eiusdem Patriarchæ biennio prouenerunt, ad mille aureorum valentiam, ac etiam coopertorium quoddam & alia quæ custodiæ bonæ memoriæ . . . Decan. Antiochen. deputata fuerant, in eiusdem & fratris sui detinens detrimentum, ea sibi restituere contradicis. Vnde nobis humiliter supplicauit, vt super hoc eorum grauaminibus succurrete dignatemur. Credentes igitur quòd eis iustitiam suam melius conseruare non possumus, quā si prædicta prouidentie tuæ iudicio committamus, fraternitatem tuam monendam maximè attentius, & rogandam per Apost. tibi scripta mandantes, quatenus super præmissis sollicitè studeas inquitte veritatem, & si querelam eorum inueneris esse iustam, cū super ijs decipi potueris tanquam homo, taliter eis satisfacias de prædictis, quòd ex hoc tua (quod absit) apud homines non lædatur opinio: nec apud Deum gloria tua, quæ est tuæ conscientie testimonium, minuat. Nos quoque quos suscepit seruitutis officium vniuersis constituit debitores, eisdem super ijs que-

rimoniam replicantibus alium non cogamur concedere cognitorem. Datum Lateran. vj Idus Octob. Pont. N. Anno xv.

In eundem fere modum scriptum est super hoc . . . Patriarcha Hierosolymitan. Apostolice sedis Legato, usque, cogamur concedere cognitorem, idēque fraternitati tuę per Apost. scripta mandamus, quatenus ipsum ad id diligenter moneas & inducas. Datum vt supra; &c.

Indicatur supplicatio generalis.

IN nomine Patris, & Filij, & Spiritus sancti, Amen. Quarta feria infra octauā Pentecostes, fiat generalis processio virorum ac mulierum pro pace vniuersalis Ecclesię, ac populi Christiani. Specialiter autem vt Deus propitijs sit illis in bello, quod inter ipsos & Saracenos dicitur in Hispania committendum, ne det hereditatem suam in opprobrium, vt dominantur eis nationes, & ad hanc processionem omnes omnino moneantur venire, nec ab ea se quisquam excuset præter illos, qui habent inimicitias capitales. Summo itaque manē conueniant mulieres apud Sanctam Mariam Maiorem; Clerici verò apud Basilicam duodecim Apostolorum, & laici apud Sanctam Anastasiam, & post Collectas, pulsatis simulistarum Ecclesiarum campanis, procedant omnes in campum Lateranen. hoc ordine: Mulieres omnes & solas præcedat Crux Dominica Sanctę Marię Maioris; & in prima parte processionis sint Sanctimoniales, in vltima verò reliquę mulieres, quę sinē auro & gemmis & sericis indumentis procedāt, orando cum deuotione, ac humilitate, in fletu, & gemitu, nudis pedibus omnes quę possunt, & per Merulam. & ante Sanctum Bartholomęum veniant in campum Lateranen. & collocent se ante Felloniam in silentio permanentes. Clericos autem Crux fraternitatis præcedat, & in prima processionis parte sint Monachi, & Canonici regulares; in vltima verò Rectores, & ceteri Clerici procedentes prædicto modo, & per viam Maiorem, & Arcum Basilij veniant ante palatium Episcopi Albanen. & ibi directē in medio campi se collocent. Laicos autem præcedat Crux Dominica Sancti Petri, & post illam sequantur primi Hospitalij, & post ceteri laici, sicut præscriptum est incedentes, & per Sanctos Ioannem & Paulum, & ante Sanctum Nicolaum de Formis in campū veniant, & collocent se ab altera parte. Interim verò Romanus Pontifex cum Episcopis, & Cardinalibus, & Capellanis ingrediatur Basilicam, quę dicitur Sancta Sanctorum, & inde reuerenter assumpto ligno viuificę Crucis processionaliter veniat ante palatium Episcopi Albanen. & sedens in scalis exhortatorium faciat sermonem ad populum vniuersum. Quo finito, mulieres sicut processionaliter venerant, itā procedant ad Basilicam Sanctę Crucis, & ibi præsto sit Presbyter Card. qui celebret eis Missam dicendo illam orationem. *Omnipotens sempiternus Deus, in cuius manu sunt omnium potestates, &c.* Et sic ipsę mulieres in pace ad propria reuertantur, Romanus autem Pontifex cum Episcopis, & Cardinalibus, & Capellanis per palatium descēdat in Lateranen. Basilicam. Clerici verò per porticum, & laici per Burgum ingrediantur in illam, & celebrata venerabiliter Missa ipse cum omnibus nudis pedibus procedat ad Sanctam Crucem, itā quod eum præcedant Clerici, & laici subsequantur, & facta oratione vnusquis-

que reuertatur ad sua. Ieiunetur autem ab omnibus, ita ut nemo præter infirmos comedat pisces, aut quodcumque pulmentum: sed qui possunt pane sint & aqua contenti: qui verò non possunt, bibant vinum bene lymphatum, & modicè sumptum, & vescantur herbis & fructibus, aut etiam leguminibus, omnesque aperiant manus, & viscera indigentibus, ut per orationem, ieiunium, & elemosynam misericordia Conditoris reddatur populo Christiano placata.

EPISTOLA CLXXX.

HISTORIAM CLADIS SARRACENICÆ CONTINET.

Epistola ad Dominum Papam.

SANC'TISSIMO Patri, ac Domino I. Dei gratia summo Pontifici, A. eadem Rex Castellæ, & Toleti, cum osculo manuum atque pedum, Salutem. A sanctitate vestra credimus non excidisse propositum impugnandi Sarracenæ gentis perfidiam, vobis per nostros nuntios deuotè & humiliter intimasse, in omnibus tanquam patris & domini vestrum subsidium expetentes, quod sicut à patre pio nos recognoscimus benignè & piè pariter impetrasse. Quocirca cum litteris vestris nuntios nostros, quos ad hoc exequendum idoneos reputauimus, ad partes Franciæ non distulimus destinare, addentes etiam ut omnibus militibus venientibus ad bellum, & omnibus seruientibus prout decebat expensas victui necessarias largiremur, quibus possent commodè sustentari. Vnde fuit quòd audita remissione peccatorum, quam vos venientibus indulxistis, venit magna multitudo militum de transmontanis partibus, necnon & Archiepiscopi Narbonen. & Burdegalen. & Episcopus Nanneten. fuerant qui venerunt vsque ad duo millia militum cum suis armeriis, & vsque ad decem millia seruientium in equis, & vsque ad quinquaginta millia seruientium sine equis, quibus omnibus nos oportuit in victualibus providere: venerunt etiam illustres amici nostri, & consanguinei Rex Aragonum, & Rex Nauarræ cum potentatu suo in fidei Catholicæ auxilium & iuuamen, quibus nobiscum aliquanto tempore apud Tolezum facientibus moram, expectabamus quippe homines nostros, qui venturi erant ad bellum; omnia necessaria, prout per nuntios nostros promisimus, non defecimus ministrare: licèt expensæ essent propter sui multitudinem nobis & Regno nostro fere importabiles & onerosæ. Non enim solum in ijs quæ promiseramus, verum etiam in pecunijs specialiter, & in dextrarijs quibus ferè omnes tam milites quàm seruientes pariter indigebant, nos oportuit providere: sed Dominus qui multiplicat incrementa frugum iustitiæ, ministravit nobis abundè secundum suæ gratiæ largitatem, & dedit omnia posse perficere perfectè pariter & abundè. Congregata itaque nostra & suorum multitudo, viam Domini cepimus proficisci, & venientes ad turrim quandam, quæ Magalon nuncupatur satis munitam, Ultramontani antequàm nos peruenerunt per vnum diem, & illam cum Dei auxilio impugnantes in continenti ceperunt. Licèt autem nos eis in omnibus necessarijs largissimè provideremus, ipsi tamen attendentes laborem terræ quæ deserta erat, & aliquantulum calida voluerunt à cæpto proposito retroire, & ad propria remeare. Tandem ad magnam instantiam nostram,

& Regis Aragonum processerunt vsque ad Calatravam, quæ non distabat à prædicto Castris nisi per duas leugas, eamque nos ex parte nostra, & Rex Aragonum ex sua, & ipsi ex sua in Dei nomine cepimus expugnare. Sarraceni autem qui intus erant, attendentes se Dei exercitui non posse resistere, disposuerunt Villam nobis tradere, ita quod personæ eorum salutem discederent, veruntamen sine rebus: cumque nos istud nulla ratione vellemus acceptare, Rex Aragonum & transmontani habentes super hoc consilium, viderunt Villam esse munitam muris, & antemuralibus, profundis fossatis, & excelsis turribus, & quod non posset capi nisi suffoderentur muri, & sic ruerent, quod cederet in graue damnum Fratribus Salueterre, quorum fuerat, & non posset si necessitas incumberet, rerineri. Vnde apud nos insisterunt firmissimè, vt Villa salua & integra, cum armis, & magna copia victualium quæ ibi erant, quibus satis indigebat exercitus, nobis redderetur, & personæ Sarracenorum vacuæ & inermes recedere permitterentur. Nos autem attendentes eorum in hoc firmam voluntatem, votis eorum annuimus, ita quod medietas omnium eorum, quæ intus habebantur cederet in partem Regis Aragonum, & alia medietas in partem Ultramontanorum, & nec nobis, nec nostris aliquid volumus retinere. Ipsi autem propositum repatriandi apud se retinentes, licet Dominus Deus nobis exhiberet gratiam & honorem, & nos vellemus omnibus eis sufficientissimè necessaria ministrare, desiderio patriæ coacti omnes pariter signo Crucis relicto cum Archiepiscopo Burdegalen. & Episcopo Nanneten. licet certitudinem de bello Sarracenorum haberemus, ad propria redierunt, exceptis admodum paucis, qui remanserunt cum Archiepiscopo Narbonen. & Tibaldo de Blezon. qui naturalis noster erat, cum suis & quibusdam alijs milibus, qui erant de Pictonia, & ij omnes qui remanserunt vix erant inter milites & seruientes centum quinquaginta; de peditibus autem eorum nullus remansit. Cumque Rex Aragonum apud Calatravam moram faceret expectando quosdam milites suos, & Regem Nauarræ, qui nondum ad nos peruenerat, nos cum nostris processimus, & peruuenimus ad quoddam Castrum eorum, quod Alarcos dicitur. Illud Castrum licet bene munitum esset cepimus, & alia tria Castra quorum vnum dicitur Caracouia, aliud Benauentum, & aliud Petrabona. Inde procedentes peruuenimus ad Saluamterram, ibique peruenerunt ad nos Rex Aragonum, qui de suis hominibus non duxit in exercitum, nisi ianuam milites generosos, & Rex Nauarræ, qui similiter vix fuit in exercitu de suis plusquam ducentis militibus comitatus; & quia Rex Sarracenorum in vicino erat nobis, Saluamterram nolimus expugnare; sed procedentes contra Sarracenorum multitudinem peruuenimus ad quædam montana, in quibus non erat transitus aliquis, nisi in certis locis. Cumque nos essemus ad pedem illius montis ex parte nostra, Sarraceni venientes ex parte alia obtinuerunt inmitatem montis, volentes nobis transitum impedire. Sed milites nostri ascendentes viriliter, quia adhuc pauci Sarraceni ad locum illum peruenerant, eos cum Dei auxilio viriliter expulerunt, & Castrum quoddam munitum, quod propter transitum impediendum Sarracenorum Rex construxerat, ceperunt, quod Ferrat dicitur; quo occupato exercitus Domini securè potuit ad cacmina montis ascendere, vbi multum laborauit propter defectum aquarum, & loci ariditatem. Sarrace-

ni autem videntes quòd transitum illum occupare non possent, alium tràsitum qui erat in descensu montis arctissimum & inuium occuparunt. Talis quippe erat, quòd mille homines possent defendere omnibus hominibus, qui sub cælo sunt, & iuxta tràsitum illum ex altera parte erat totus Sarracenorum exercitus, & sua tentoria iam fixa. Cumque nos ibi facere moram ob defectum aquæ non possemus, nec procedere propter tràsitus difficultatem, quidam ex nostris consuluerunt, quòd iterum ad pedem montis descenderemus, & alium transitum ad duas vel tres dietas quæreremus. Nos autem attendentes fidei periculum, & personæ nostræ dedecus, nolimus huic parere consilio, eligentes potius in difficultate transitus mori pro fide, quàm faciliorem transitum quærendo qualitercumque in fidei negotio retroire. Cùmque iam quidem propositum firmassetus ad iudicium cuiusdam Rustici, quem Deus nobis ex insperato misit, in eodem loco alium transitum satis facilem magnates nostri, qui primos ictus in bello haberi erant, inuenerunt, & in quodam loco exercitui eorum vicino, licet aridus esset & siccus, Sarracenis hunc transitum ignorantibus tentoria posuerunt; quod cùm Sarracenorum exercitus attendisset, processit ut mansionē illam impedit: nostri autem licet pauci essent se viriliter defenderunt. Nos autem, & Rex Aragonum, & Rex Nauarræ armati cum militibus nostris in loco primæ mansionis, quæ erat in summitate montis, expectauimus, donec totus exercitus Domini peruenit securè ad locum ubi anteriores nostri castrametati sunt; & ita, dante Domino factum est, quòd licet via esset inuia & inaquosa, lapidosa & nemorosa; nihil de nostris amisimus. Hoc autem factum est die Sabbathi xvij. Kal. mensis Augusti. Circa serotinam verò horam Sarraceni attendentes, quòd omnia tentoria nostra tutè fixeramus, dispositis aciebus suis venerunt ante loca castrorum, & ibidem quædam præludia belli in modum torneamenti cum nostris exercuerunt. Attendentes autem ipsi, quòd nos illa die nollemus habere bellum ad Castra sua reuersi sunt. Sequenti autem die Dominica summo manè venit Sarracenus cum infinita multitudine dispositis aciebus suis. Nos autem volentes considerare multitudinem gentis sæx, & dispositionem, & statum, & qualiter in omnibus se haberent; habito prudentum virorum consilio, & in ijs exercitatorum, expectauimus vsque ad sequentē diem Lunæ. Ipsi autem sic existentibus posuimus milites nostros cum peditibus, ut extremos agminis nostri non possent in aliquo molestare; quod quidem diuina operante gratia siceuenit. Sequenti die scilicet secunda feria, omnes in Dei nomine armati processimus, dispositis aciebus, cum eis pro fide Catholica pugnaturi, ipsi autem promontoria quædam obtinuerunt valde ardua, & ad ascendendum difficilia propter nemora; quæ inter nos, & ipsos erant, & propter alueos torrentium profundissimos, quæ omnia nobis erant magno impedimento, ipsis verò maximo expedito. Veruntamen ille à quo omnia, in quo omnia, per quem omnia fecit mirabiliter & direxit manus sui exercitus contra inimicos suos, & anteriores nostri, necnon & medij multas acies eorum, quæ in minoribus promontorijs existerant in virtute Crucis Dominiæ prostrauerunt. Cum autem peruenissent ad extremam aciem eorum infinitæ siquidem multitudinis in qua Rex Carthaginiserat, ibidem difficillimos confectus militum, peditum, & sagittariorum inuenerunt, quos sub maximo periculo & vix, immo etiam iam

non poterant tolerare: Nos autem attendentes bellum illud eis omnino inportabile, impetu equorum processimus signo Crucis Dominiæ præstante & vexillo nostro in quo erat imago B. Virginis, & filij sui in signis nostris superposita. Cùmque nos iam pro fide Christi mori constanter eligeremus, attendentes Crucis Christi, & imaginis suæ Matris ignominiam, quas lapidibus & sagittis irruere impetebant in arma furentes aciem illorum infinitæ multitudinis diuisimus, & licet ipsi essent constantes in bello, & firmi super domino suo, Dominus illorum infinitam multitudinem Crucis suæ gladio trucidauit; & sic Rex Sarracenorum cum paucis in fugam conuersus fuit. Sui autem impetus nostros interim sustinebant, sed statim post maximam stragem suorum, reliqui in fugam conuersi sunt. Nos autem insequentes eos vsque ad noctem, plures tamen insequendo interfecimus, quàm in bello: & sic bellum Domini à solo Domino, & per solum Dominum est feliciter consummatum. Deo autem honor & gloria, qui Cruci suæ dedit victoriam per Iesum Christum Dominum nostrum. Fuerunt autem milites Sarraceni, ut postea vera relatione didicimus à quibusdam domesticis Regis Sarracenorum, quos captiuos cepimus, c'xxxv. milia, peditum verò non erat numerus. Occubuerunt autem in bello ex parte sua centum milia armorum, & amplius, secundum æstimationem Sarracenorum, quos postea cepimus. De exercitu autem Domini, quod non sine grandi gratiarum actione recitandum est, & quod incredibile est, nisi quia miraculum est, vix xxv. Christiani, aut xxx. de toto nostro exercitu occubuerunt. O quanta læritia! o quod gratiarum actiones, nisi de hoc dolendum sit, quod tam pauci martyres de tanto exercitu ad Christum martyrio peruenerunt. Ut autem magna eorum multitudo credatur, cùm exercitus noster in castris eorum post bellum per biduum fecerit moram, ad omnia incendia quæ necessaria erant in coquendis cibis, & pane & alijs, non composuerunt aliqua ligna, nisi de sagittis & lanceis eorum, quæ remanserant, & vix potuerunt comburere medietatem. Cùmque dicti exercitus propter longam moram factam in locis heremis & ineultis, deficeret in victualibus & alijs, ibidem tantam inuenerunt tam ciborum quàm armorum, necnon etiam dextrariorum & aliorum iumentorum copiam, quod accipientes ad suam vnusquisque de ijs omnibus voluntatem, plus ibi dimiserunt ex magna abundantia quàm ceperunt. Tercio autem die procedentes venimus ad quendam Castra eorum scilicet Bilche, Bannos, Tolosa, quæ incontinenti cepimus. Tandem peruenimus ad duas Ciuitates, quarum altera dicitur Biacia, altera Vbeda; quibus non erant maiores citra mare, præter Cordubam, & Hispali, quarum alteram scilicet Biaciam destructam inuenimus: Ad alteram verò, scilicet Vbedam, quia situ loci, & artificio fortissima erat, confugerat multitudo hominū infinita ex omnibus Villis adiacentibus. Cū enim Villa illa nunquam ab Imperatore, vel ab aliquo Regum Hispaniæ expugnata sciretur vel subiugata, in eadem posse saluari sua corpora se credebant: sed & hanc in breui diuina gratia faciente cepimus, & funditus destruximus, quia non possemus habere tantam multitudinem gentium, quæ ad illas populandas sufficere possent, & bene percerunt ibi lx milia Sarracenorum, quorum quosdam interfecimus quosdam captiuos duximus ad seruitium Christianorum & Monasteriorum quæ sunt in Marchia reparanda. Hæc igitur, Sanctissime Pater, vobis scribemus.

decreuimus pro auxilio toti Chriſtianitati impenſo, gratias quas poſſumus exhibentes, & humiliter ſupplicantes, vt vos quem Dominus ad ſummi Sacerdotij gradum elegit, ei cum ſacrificio laudis pro ſalute populi immoletis vitulos laborum.

O R A T I O.

Omnipotens & miſericors Deus, qui ſuperbus reſiſtu, humilibus autem das gratiam, digni ſibi laudum præconia, & deuotas gratiarum referimus actiones, quòd antiqua innouando miracula, glorioſam tribuiſti victoriam de perſidũ gentibus populo Chriſtiano, te ſuppliciter exorantes, vt quòd mirabiliter incepſiſti, miſericordiè perſequare ad laudem & gloriã nominis tui ſancti, quòd ſuper nos famulos tuos fideliter inuocatur. Per Dominum noſtrum, &c.

EPISTOLA CLXXXI.

GRATVLATVR SARRACENORVM VICTORIAM.

Illustri Regi Caſtelle.



PROTECTOR in ſe ſperantium Deus ſinè quo nihil eſt validum, nihil firmum, multiplicans miſericordiam ſuam ſuper te, ac populum Chriſtianum, & effundens iram ſuam in gentes quæ Dominum non nouerunt, & in regna quæ non inuocauerunt ſanctiſſimum nomen eius, iuxta quòd dudum fuerat Spiritu ſancto prædictum, irriſit gentes quæ temerè fremuerant contra eum, & ſubſannauit populos inania meditatoſ, humiliando arrogantiam fortium, & infidelium ſuperbiam quieſcere faciendo, qui ſperantes in equis quia multi ſunt, & equitibus quia præualent nimis, ſuper ſanctũ Iſraël non fuere confiſi, & Dñm exquirere cõtẽpſerunt: quinimo Deo viuo & vero auli ſunt exprobrare, exaltantes contra eum tumidè vocè ſuam, & ſuorũ leuantes altitudinem oculorum. Benediçtus autem Deus, qui poſuit in eorũ naribus circulũ, & in labijs ſuis ſcrinum, dans eis ſecundũ opera eorumquẽ, & ipliſ retriбуens ſecundũ ſuorum nequitiam ſtudiorum, vt cognoscat Moab quoniã maior eſt eius indignatio & ſuperbia, quam fortitudo & virtus, & ſperant in Dño cũcti qui diligunt nomen eius, videntes quòd in ſua ſperantes miſericordiã non relinquit, ſed propè eſt omnibus ipſum in veritate vocantibus, dans lapſis fortitudinem, & robur multiplicans, vt iam non dubitent verum eſſe quòd legitur, quoniam qui ſperant in Domino habebunt fortitudinem, current, & non laborabunt, ambulabunt, & non deficient: quia Dominus virtutem populo ſuo dabit. Nos autem per tuæ ſcienitiatis litteras plenius intellecto, qualiter is qui docet manus ſuorũ ad prælium, & digito: eorum ad bellum, inſtauratis veteris Teſtamenti miraculis, in tanto & tam horribili prælio ſiluum fecit populum humilem, & humiliauit oculos ſuperborum, exultauimus Domino adiutori noſtro, & ei quantum ſua donauit gratia iubilantes gauſi fuimus gaudio magno valde. Cõuocantes ergo Urbis Clerum, & populum vniuerſum, ei qui facit mirabilia magna ſolus, & ſi non quantis debuimus, quantas tamen potuimus vnà cum illis gratiarum exſoluiſſimus actiones, ipſas tuæ Celſitudinis litteras legi corã vniuerſa multitudine facientes, & ore proprio exponentes eaſdem in quo poſt diuinæ virtutis

magnalia quantum Magnificentie tue preconia extulerimus, ab alijs potius quam à nobis regali excellentie volumus intimari. De cetero, fili Karissime, prudentiam tuam monemus, rogamus, & exhortamur in Domino, quatenus datam tibi & populo Christiano victoriam Domino exercituum reuerenter adscribas, ore simul, & corde humiliter confitendo, quod non manus tua excelsa, sed Dominus fecit hæc omnia, iuxta quod in lege diuina præcipitur: *Ne dicas in corde tuo fortitudo mea, & potentia manus mee fecit mihi virtutem hanc magnam.* Sed memoraberis Domini Dei tui, quia ipse tibi dat facere fortitudinem & virtutem. Ista enim victoria proculdubio non humani operis exitit, sed diuini, & gladius Dei, non hominis, inuictus Dei hominis inimicos Crucis Dominicæ deuorauit. Quis enim dedit eos in direptionem & prædam, ut vnus mille, & duo decem millia effugarent, nisi Deus qui subdidit illos, & tradidit suam super eos indignationem effundens, pro eo quod peccauerunt eidem, & in eius nohuerunt semitis ambulare. Non igitur tibi veniat pes superbiæ, quia ibi ceciderunt, qui operantur iniquitatem. Sed affer Domino gloriam & honorem, dicens humiliter cum Propheta: *Zelus Domini exercituum fecit istud, ut alijs exultantibus in curribus, & in equis, tu exultes, & glorieris in nomine Domini Dei tui, & considerans vindictam impiorum factam à Domino, laues manus tuas in sanguine peccatorum.* De nobis autem pro certo cognosceas, quod personam tuam semper de corde puro, & conscientia bona, & fide non ficta dileximus, & iugiter in tua crescimus caritate, in cunctis negotijs tuis tue Serenitati adesse quantum cum Deo & honestate poterimus proponentes. Tu ergo ea semper agere studeas, quæ Apostolicum promereantur fauorem, & per quæ gloriam temporalis regni transitoriam & caducam, in æterni Regni beatitudinem, quæ nunquam deficiet valeas commutare. Quod utinam ore prophetante dixerimus, & euentum rei tetigerimus immobili veritate. Datum Laterani vij. kal. Nouemb. Pont. N. Anno quintodecimo.

EPISTOLA CLXXXII.

CONSULENTI SUPER DECIMIS ET BANNIS AD QUÆSITA
RESPONDET.

Episcopo Beluacen.



CUM in tua Diocesi quædam Monasteria, & Conuentuales Ecclesie in multis parochijs maiores decimas percipiant, & minutas, & de quibusdam fructibus annuatim perceptis decimæ non fuerint persolutæ, quæ tamen modo soluuntur: quæsiuisti per Sedem Apostolicam edoceri, utrum decimæ fructuum prædictorum ad parochiales Ecclesias, quæ nec maiores percipiunt, nec minutas, an ad Monasteria & illas Ecclesias Conuentuales, quæ nec decimas alias percipiunt ab antiquo debeant pertinere. Ad quod sic duximus respondendum; quod si fructus prædicti de illis terris proueniunt, de quibus Monasteria, seu Conuentuales Ecclesie aliquos percipiebant ratione decimarum prouentus, eis proculdubio debentur decimæ fructuum eorundem, cum ipsis ab antiquo terra illa fuerit decimalis, & non debeat vna eademque substantia diuerso iure censi.

Alioquin parochialibus Ecclesijs exsoluantur, ad quas de iure communi spectat perceptio decimarum. Sanè quia contingit interdum, quòd aliquibus volentibus matrimonium contrahere, bannis vt tuis verbis vtamur, in Ecclesijs editis secundùm consuetudinem Ecclesiæ Gallicanæ, ac nullo contradicatore publicè comparenre, licèt fama priuatim impedimentum deferat parentelæ, cùm ex parte contrahentiũ iuramenta maiorũ de sua propinquitate, vt suspitionis tollatur materia, offerantur, quid tibi sit faciendum in casibus huiusmodi quæsiisti. Ad hæc taliter respondemus; Quòd si persona grauis, cui fides sit adhibenda, fraternitati tuæ denuntiet, quòd ij qui sunt matrimonio copulandi se propinquitate contingant, & de fama vel scandalo doceat, aut etiam per te ipsum possis certificari de plano, non solum debes iuramenta parentum sponte oblata recipere, verùm etiam eos qui contrahere sic nituntur, si monitis induci nequiuerint, compellere vt vel à tali contractu desistant, vel contra famam huiusmodi secundùm tuæ discretionis arbitrium iuramenta exhibeant propinquorum. Alioquin si persona denuntians non extiterit talis, vt duximus, & de fama vel scandalo non poterit edoceri, ad desistendum monere poteris, non compellere contrahentes. Si verò post contractum matrimonium aliquis appareat accusator, cùm non prodierit in publicum, quando banni secundùm prælatam consuetudinem in Ecclesijs edebantur, vtrum vox debeat suæ accusationis admitti merito quæri potest. Super quo sic duximus distinguendum, quòd si tempore denuntiationis præmissæ is qui iam coniunctos impetit extra Diocesim existeret, vel aliàs denuntiatio non potuit ad eius noticiam peruenire, vt putà, si nimis infirmitatis seruire laborans sanæ mentis patiebatur exilium, vel in animis erat tam tenetis constitutus, quòd ad comprehensionem talium eius ætas sufficere non valebat, seu alia causa legitima fuerat impeditus, eius accusatio debet audiri. Alioquin cùm rationabiliter præsumatur, quòd denuntiationem publicè factam idem existens in ipsa Diocesi minimè ignorarit, tanquam suspectus est proculdubio repellendus; nisi proprio firmauerit iuramento, quòd postea didicerit ea quæ obijcit, & ad hoc ex malicia non procedat, quia tunc etià si didicisset ab illis, qui denuntiationis tempore siluerunt, claudi non deberet eidem aditus accusandi; quoniã & si ab impetitione huiusmodi culpa de silentio tali contracta illos excluderet, iste tamen amoueri nequiret cùm culpabilis non existat. Vtrum autem si accusatore idoneo comparente, per tres vel quatuor testes inter iam coniunctos parentela probetur, per depositiones eorundem posteriorum testium derogetur fidei sex, vel duodecim propinquorum, qui antiquiores tempore, ac præstantiores meritis ante contractum matrimonium in contrarium iurauerunt, distinguendo personas & gradus, à quibus directè, ij de quorum agitur copula descenderunt, an primi posterioribus præferantur non immerito quæri posset, quamquã ad aliud, & ob aliud iurauerint illi, quàm isti. Si tamen in secundo iudicio priores personæ iuratae deponerent illa eadem quæ primò dixerunt, absque dubio eorum testimonia præualerent, nec eo possent pretextu repelli, quòd partes testificata didicerint, cùm talis exceptio locum non habeat in hoc casu. Datum Lateran. iv. Kal. Nouemb. Pont. N. Anno decimoquinto.

CONTROVERSIAM SVPER ANNVLII, VIRGÆ PASTORALIS,
ET MITRÆ VSV COMPOSIT.

Patriarcha Ierosolymitan. Apostolica Sedis Legato.



VM felicitis recordationis Alexander Papa prædecessor noster, Simoni quondam Priori sancti Georgij de Xisto quotidianum vsum Annuli, Virgæ quoque Pastoralis, & Mitræ intra Missarum solemniam concesserit, sicut accepimus, de indulgentia speciali: ac postmodum idem locus Ecclesiæ sancti Thomæ martyris Acconensis caperit esse subiectus, & quandoque cum illa vnum solum habere Priorem: Is qui nunc habet in eisdem Ecclesijs Prioratum, cum à nobis obrinuerit ipsam indulgentiam confirmari, etiam in Ecclesia supradicta sancti Thomæ vti nitebatur eadem, eo quod Priori sancti Thomæ martyris Acconensis & sancti Georgij de Xisto confirmationis nostræ pagina mittebatur: cui se opposuit obicem Venerabil. F. N. Episcopus Acconensis. proponens, quod ad hoc per confirmationem nostram extendi vsus memoratæ indulgentiæ non valebat; unde ad petitionem partium quæstionem ipsam ad examen Sedis Apostolicæ transtulisti. Nos igitur attendentes, quod præfatus prædecessor noster Priori sancti Georgij de Xisto Prioratum ipsum tantummodo exprimendo indulerit supradicta, ipsius vestigijs inherentes, habendorum quod factum extitit per eundem, prædictæ indulgentiæ de nouo nihil addidimus, sed quod competebat ex illa duximus confirmandum. Quocirca fraternitati tuæ, per Apost. script. mandamus quatenus supradictum Priorem aburi præfata indulgentia non permittas. Datum Lateran. viij. Kal. Nouemb. Pont. N. Anno decimoquinto.

EPISTOLA CLXXXIV.

AD EMENDATIONEM EXCESSVVM HORTATVR.

Episcopo Pictanen.



ON est Deus in conspectu tuo, nec vix res sunt coram eo, si clamoribus de te ad nostram audientiam ascendentes facta respondent, quæ præsentibus duximus annoranda, ipsa tuis oculis ad mouentes, ut te contra tuam faciem statuendo, qui te ipsum abiicisti post terga, famæ contempnere & consuetudine sicut dicitur delinquendi qualis sis, & vtrum ascensum pares subditis ad virtutes, an descensum ad vitia per exemplum accusationi operum conscientia respondente, tibi tuo iudicio demonstramus. Ecce audiuius, quod anno præterito antequam Ordines celebrares, per Magistrum I. Gabart Officiale tuum à ducentis fere clericis ordinandis, in elusionem constitutionis Apostolicæ, qua ordinatis sine titulo per Ordinatores vel repræsentatores aut successores eorum volumus provideri, fecisti exigi, & recipi iuramentum, quod nullam à re provisionem exigent ratione ordinationis illius. In quo cum non habueris iudicium nec iustitiam, sed iuri, & Sedi Apostolicæ iniuriam feceris manifestam,

transgressioni Canonum adaperiens aditum, & nitens claudere viam prouisioni pauperum clericorum, quam eis per Cōstitutionem nostram misericorditer curauimus aperire. Inspice ac despice temetipsum, eò quòd huiusmodi exegeris iuramenta, quæ sponte oblata recipere minimè debuisses: nisi fortè lauderetur exactio, ubi receptio condemnatur. Accepimus etiam quòd excommunicatis indifferenter communicans, G. pro iniectioe manuum in clericum violenta vinculo excommunicationis astrictum de facto absolvere auctoritate, imò potius temeritate propria præsumpsisti, & laicis in præiudicium clericorum tam fauorabilis effectus, quòd filios quorundam Burgerisium de Mirebellò subseruitute redigeres laicorum. Clericis verò tyrannus decimas eis debitas, laicis adiudicas contra iura, & ab Abbatibus, Prioribus, & alijs Ecclesiarum Prælatibus tuæ ditioni subiectis indebitas procuraciones extorquens, si quando tibi non visitanti parochiam pretium expensarum, quas in tua procuracione facerent, si eorum visitares Ecclesias, non exsoluunt, paratas ad omnem impetum tuum excommunicationis & interdicti sententias illicò fulminas in eisdem, vel cum tam onerosa multitudine non ut ædifices & plantes, sed ut si qua congregata sunt dissipet & disperdas, ad defectum, non ad profectum talis eis hospes accedis, quòd longi temporis victum hora breui consumens tuos mendicare cogis post exitum receptores; & ut manus tuas in Pictauiensi Diocesi nulla possit exactio præterire, Archidiaconis, Archipresbyteris & Decanis, quosdam de nouo præponis Vicarios, vsurpans officia singula, ut cōmoda sentias singulorū, & facilius te tuorū manibus ad turpia lucra & infames exactiones extēdas, aliarūque grauiū exactiōnū nouus inuētor sicut fertur, ad te & aliquos simplices tibi Collegas aduersus eos quos offēdere niteris, nostras facis litteras impetrari, quorūdam nomine, ipsi omnino irrequisite ac insciji, qui nullā habēt causam agendi: & cū nullus appareat actor vel accusator, seu denunciator contra eos, quorum nomina nostris litteris inferuntur; tu tamen in ipsos & alios, qui nominatim nō exprimuntur in litteris, occasione illius clausulæ, Quidam alij, quæ in litteris nostris sæpe solet apponi, Collegis tuis ad excogitatam malitiam præ simplicitate nimia inclinatis sententias iacularis, non qualis vigor exigit rationis, sed quales motus ingerit voluntatis. Cū autem aliqui ex delegatione nostra aliquam sententiam proferunt, quæ tibi displiceat, statim eos tanquam inimicos persequeris capitales, & infers eis per te, & tuos quascumque potes iniurias, & iacturas, inhibens subditis ne sententias delegatorum nostrorum obferuent. Illud inter alia non duximus obmittendum, quòd cū excommunicaueris quendam presbyteram & omnes qui fuere præsentēs, quando Helias de de Vernia miles cum filia R. de Cella contraxit, qui se proxima consanguinitatis linea contingebant, mutato iudicio receptione pecuniæ, tanquam impedimentum euauerit parentelæ, adueniente qui manum iudicantis impleuit, contractum quem debito iustitiæ reprobasti, non erubuisti per iniusticiam tibi contrarius approbare. In his quidem & alijs, quæ de tua conuersatione frequenter audiuius, nostram non videris patientiam agnouisse, quam in te de gratia multa & speciali habuimus, super aliquibus quæ tempore inquisitionis factæ aduersus personam tuam videbatur esse probata: sed expectauimus tunc,

& adhuc illius sequentes exemplum, qui misericors & miserator existens, peccatoris querit reditum, & neminem vult perire, misericorditer expectamus, si forte reuersus ad cor actus, tuos reformes in bonum. Tu igitur aperi oculos tuos, & vide quæ feceris, ac tuo commissus examini sic corrigas temeripsum, quod non oporteat te sentire dexteram Apostolicæ disciplinæ, quia tantò seueriùs tunc delinquentis corrigendus excessus, quantò benigniùs expectamus longiori tempore corrigendum. Dilectis filiis... Abbati Nucarien. Turonensis Diocesis, &... Subdecano, & Magistro Stephano de Castro Ayraldi Canonico Pictauen. nostris damus litteris in mandatis, vrte ad hoc diligenter ex parte nostra moneant, & inducant, & qualiter admonitiones nostras admiseris nobis rescribere non obmittant. Datum Lateran. xvi. Kal. Nouemb. Pont. N. Anno decimoquinro.

Illis scriptum est super hoc.

EPISTOLA CLXXXV.

VINDICANDÆ ECCLESIAE SVÆ AVCTORITATEM INDVLGET;
ET INTERIM A TREVERENSIS ARCHIEPISCOPI
IURISDICTIONE LIBERAT.

Corrado Metensi Episcopo, Imperialis Aula Cancellario.



ANTO in hoc tempestatis atticulo efficacius nos oportet fratribus, & Coepiscopis nostris adesse, quantò pro Sedis Apostolicæ reuerentia maioribus se pressuris & iacturis exponunt. Ea propter, Venerabilis F. in Christo, ruis cupientes necessitatibus prouidere, auctoritate presentium tibi personaliter indulgemus, vt tuz malefactores Ecclesie cuiuscumque Diocesis, vt ab ipso, & tam clericorum, quam laicorum ad ipsam spectantium in debita molestatione desistant, si Diocesani Episcopi eos compescere neglexerint requisiti, tu legitima monitione prmissa per censuram Ecclesiasticam valeas coercere, quam vsque ad satisfactionem condignam volumus & precipimus inuiolabiliter obseruari, prouiso prudenter, vr in hoc praua ratione procedas. Præterea prohibemus, ne Treuerensis Archiepiscopus inconsulto Romano Pontifice in te suspensionis, vel excommunicationis sententiam iaculetur: ita tamen, vt tu ei debitam reuerentiam exhibere procures. Nec cuiquam liceat Castra tua subicere interdito, quamdiu conquerentibus iustitiz plenitudinem feceris exhiberi. Hanc autem durare volumus indulgentiam, dum imminens imperij tempestas durauerit; quia cessante causa cessare debet effectus. Nulli ergo, &c. vsque hanc paginam nostræ concessionis infringere vel ei, &c. vsque, contraire. Siquis autem, &c. vsque, incursum. Datum Lateran. xv. Kal. Nouemb. Pont. N. Anno decimoquinro.

EPISTOLA CLXXXVI.

CASTRUM SCURIENSE AD B. PETRI IVS PERTINENS SEDIS
APOSTOLICÆ TVITIONE DIGNATVR.

Nobilibus viris Viniano Gaillardo, & alijs Dominis Scuriensis Castri.

MANIFESTVM est, Castrum, quod Scuria dicitur, temporibus Sanctæ memoriæ Sylvestri Papæ, sicut ex inspectione litterarum antecessoris nostri felicis recordationis Sergij Papæ cognouimus, regia liberalitate per manus eiusdem B. Petro quodam fuisse collatum, & à Vediano quondam eiusdem Castri Domino memorato prædecessori nostro Papæ Sergio per innouationem sub annuo censu decem solidorum Raymunden. monetæ fuisse recognitum, & oblatum. Idem etiam Castrum Humbertus, Raymundus, & Sicardus Domini ipsius loci prædecessori nostro B. memoriæ PP. Calixto, & per manum ipsius B. Petro, & S. Romanæ Ecclesiæ recognouerunt, & obtulerunt. Nos itaque eorundem Antecessorum nostrorum Sergij, Calixti, Innocentij, & etiam Adriani Romanorum Pont. sueum, qui Castrum ipsum ad ius, & proprietatem B. Petri pertinens, sub Apostolicæ Sedis protectione, ac munimine receperunt, vestigijs in hærentes: præfatum Castrum sub B. Petri, & nostra protectione suscipimus, & præsentis scripti patrocinio communimus: statuantes, vt neque Comiti, neque alicui personæ facultas sit Castrum ipsum auferre, minuerè, infestare, vel suis vsibus vendicare; sed quietum, & integrum, vobis in fide Catholica, & fidelitate Apostolica permanentibus, sicut à iamdictis prædecessoribus nostris, & à nobis concessum est, sub B. Petri iure, ac defensione consistat. Sanè si quis vestrum grauius aliquid, quod absit, fortè commiserit: pro eius culpa, sicut à præfato prædecessore nostro Alexandro Papa statutum est; nisi & alij eiusdem iniquitatis participes fuerint, ipsi & honores eorum minimè à diuinis interdiciantur officijs, quod & de subiectis militibus vestris præcipimus obseruari. Statuimus etiam, vt nulli nisi dominis, & hominibus eiusdem Castri liceat infra terminos tenimenti vestri Castrum ædificare, vel munitionem construere. Si qua verò Ecclesiastica, secularisve persona aduersus homines eiusdem Castri querimoniam deposuerit, apud Metropolitanum vestrum, vel Legatum à latere Romani Pontificis destinatum, quod iustum fuerit experiri procuret. Nos autem à dilecto filio Nobili viro Ademaro, vno dominorum eiusdem Castri ad nostram præsentiam accedente, pro ipso Castro fidelitatis recepimus iuramentum, & ab alijs per manum dil. fil. Magistri Petri Marci Subdiaconi nostri, olim Correctoris litterarum nostrarum, & Archidiacon. Foroiulien. recipi viuæ voce mandamus. Siquis igitur Clericus, siue laicus temerè, quod absit, aduersus ista venire tentauerit, secundò, tertiove commonitus, si non satisfactione congrua emendauerit, honoris, & officij sui patiatur periculum, aut excommunicationis ultione plectatur. Qui verò conseruatot extiterit, omnipotentis Dei, ac Beatorum Petri & Pauli Apostolorum eius gratiam consequatur. Datum Laterani, iij. Idus Nouemb. Pont. N. Anno xv.

VT ILLATAS PAPIENSIBVS INIURIAS SARCIANT SVB
GRAVI POENA COMMINATVR.

Consulibus, & populo Mediolanen. spiritum consilij sanioris.



VM illam recolimus exuberantiam caritatis, & gratiæ specialis, qua Sedes Apostolica Mediolanen. ab antiquo dilexit, & extulit ciuitatem, quæque nos specialiter eam fuimus hæcenus amplexati: cumque illum reuerentix, ac deuotionis feruorem, quem Ciuitas eadem ad Apostolicam Sedem, & personam nostram vsque adhæc habuit tempora cogitamus: meditantes quantum vtræque per reliquam in negotijs suis proficere consuevit, vehementer angimur, & turbamur, ita vt sit nobis tristitia magna, & dolor continuus cordi nostro, eò quòd dum huius vnitatis vinculum vestra rūpitur imprudentia, hæc prorsus in contrarium cernimus esse versa. In tantum vobis deuotionem pristinam subtrahentibus, immo erigentibus vos temerè ad iniuriam, non modò gratiam vobis subtrahere; verum etiam accingi compellamur ad pœnam, ad quam non sinè magno dolore, Deo teste, procedimus; cum præteritis vestris obsequijs, & præsentibus quibus lacessimur iniurijs, concertatione quadam in pectore nostro sibi adinuicem occurrentibus, hæc mentem nostram infringant interdum ad veniam; illæ verò è contra prouocent ad vindictam, quam alienam non esse ab Apostolicis viris manifestè demonstrat Apostolus, qui ad vlciscendam omnem inobedientiam, sicut ipso testante didicimus, promptus erat. Licet autem fateamur vos non parua nobis, & Apostolicæ Sedi obsequia præstitisse; beneficia tamen, quæ recepistis ab ea ipsis minora obsequijs non fuerunt. Quare si illa spiritalis deuotio, qua cuncti fideles Apostolicam Sedem reuerendè suspiciunt, non induceret, temporalis saltem prudentia, qua præcipuè pollere solebatis, inducere vos deberet, ne pro quodā reprobo, & ingrato, immò Deo, & hominibus odioso, qui numquam nisi mala pro bonis retribuit, quisque cum impij non dimidient dies suos cras fortè sicut puluis, quem proijcit ventus à facie terræ aliquo turbine auferetur è medio, eos qui pertinaciter ruituro adhæserint, tracturus secum pariter in ruinam, opponeretis vos Ecclesiæ Matri vestræ, aduersus quam præualero non poterunt portæ mortis; cum eam Dominus super se petra, stabili firmitate fundauerit, & vsque ad consummationem sæculi cum eadem promiserit se mansurum. Timeamus autem, & vtinam vos etiam timeretis, ne in vobis impletum sit, quòd legitur in Propheta: *Excæca cor populi huius, & aures eius aggraua, & oculos eius clauda, ne forè videat oculis suis, & auribus suis audiat, & corde suo intelligat, & conuertatur, & sanem eum.* Vobis enim videtur Dominus miscuisse calicem vertiginis, & soporis, vt erretis in cunctis vestris operibus cōtra Dñm consilia cogitantes, quæ proculdubio nequibitis stabilire: quia non est consilium, non est sapientia, non est prudentia contra Deum. Licet autem multipliciter contra vos diuinæ maiestatis oculos prouocetis, in tribus tamen præcipuè thesaurizatis vobis confusionē, & iram in die reuelationis iusti iudicij magni Dei, & in præsentī non solum nos, quibus Petri gladius est commissus, vt vindictam in nationibus, & increpationes

in populis faciamus, verum etiam cunctos Christianæ fidei zelatores ad vestrum, & vestræ ciuitatis excidium incitatis. Primò enim cum Scriptura præcipiat capi vulpeculas, quæ Dominicam volunt vineam demoliri, hæreticos scilicet qui ob dolositates multiplices vulpium nomine designantur, vos spiritibus attendentes erroris, facti estis hæreticæ prauitatis præcipui defensores. Nec solum vulpeculas memoratas non capitis, verum usque adeò foueris & defenditis easdem, ut apud vos mutatz sint de vulpibus in leones, & de locustis in equos ad prælium præparatos, dum vobis fauentibus doctrinæ suæ fermentum publicè prædicare non metuunt, & in messem Dominicam iam non occurrè zizania seminare præsumunt. Vnde cum de alijs mundi partibus à zelatoribus fidei expelluntur, ad Ciuitatem vestram quasi quandam erroris sentinam confugiunt, vbi pro religione suscipitur, quidquid discordare à fide Catholica demonstratur. Porro ijdem selle Draconis vobis in aureo Babylonis calice propinato inebriarunt adeò mentes vestras, vt Mediolanen. Ecclesiam matrem vestram, quæ diuina vobis exhibens Sacramenta genuerat vos in hereditatem æternam irreuerenter & impiè conculcantes, eam in seruitutis opprobrium deducere studeatis. Saneientes impiè contra eam pessima instituta, eamque duris angarijs affligentes, vt nunc apud vos longè peioris conditionis existat, quàm olim populus Israël sub Pharaone fuerat in Ægypto. Postremò à deuotione Apostolicæ Sedis cuius nomen reuerendum est etiam apud gentes, quæ Dominum non nouerunt, vos penitus subtraxistis. Imò sicut filij alieni manifestè vos opposuitis eidem, & eam vobis contrariam posuistis, facti graues utique vobis ipsis, dum per hoc cum vobis reddidistis offensum, qui eam super omnem terram principatum voluit obtinere. Ecce funiculus triplex, qui difficilè rumpitur, & vtinam vos illum vel cum difficultate rumpatis; vt aliquando possitis dicere cum Propheta: *Laqueus contritus est, & nos liberati sumus.* Verum vos de die in diem magis ac magis in eo pedes vestros irretire nitimini, qui quasi alix quas nobis intuleratis iniuriæ non sufficerent, nuper cum dilecti filij Ciues Papien. carissimum in Christo filium nostrum F. Scitiliz Regem illustrem de nostro mandato conducerent, immò iam conduxissent, & recessissent ab eo, vos offensam cumulantes offensæ, rupto vinculo fœderis atque pacis, quæ olim procurante Priore Camaldulæ à nobis propter hoc specialiter destinato inter vos, & eosdem celebrata extitit, & iuramento firmata, abiecta denique reuerentia nostra prorsus, qui per Legatum nostrum qui nostram in partibus illis representat personam, præsentem eramus, dictos ciues nequiter inuasistis, & quosdam eorum, vt pore qui bellum non suscipiantes in pace fuerant imparari, cepistis & detineris captiuos, ipsos indecenter vt dicitur, & inhumanè tractantes. In quo licet ipsi quidem grauamina sentiâr, nos tamen dissimulare non possumus iniuriam esse nostram. Nec vos excusare potestis, tanquam ad hoc inducti fueritis ex debito fidelitatis, quo præfato reprobo teneamini, cum ab eius fidelitate sitis per constitutionem Canonicam, & denuntiationem Apostolicam absoluti, quoniam ei qui Deo, & Ecclesiæ fidem non seruat, fidelitas seruanda non est à communionem fidelium separato. Quamquam ergo merita vestra non exigant, vt vos paterna reuocare dulcedine studeamus, cum sit vester furor adeò contumax, & indignatio vestra dura, vt non fouenda oleo, sed potius vrenda cauterio videatur: quia tamen pater pater-

num nequit affectum deponere, licet prouocatus à filiis & offensus, V.v. adhuc, etiam commonendam duximus, & obsecrandam in Domino, per Apost. vobis script. distictè præcipiendo mandantes, quatenus expulsis hæreticis manifestis, & reformatis quæ contra Mediolanam Ecclesiam attentastis, redeuntes ad sacrosanctam Romanam Ecclesiam Matrem vestram, & tot offensarum iniurias aliquo deuotionis iudicio redimentes, si qua remansit in vobis deuotionis scintilla in præsentis; si vllam habetis præteritorum memoriam; si denique apud nos spera aliquam vobis reservare cupitis in futurum, nobis ciues restituatis ià dictos, immò nos ipsos dimittatis in ipsis, vt per hoc animus noster efficiatur proclinator ad dandam vobis penitentibus super alijs indulgentiam, & vobis detur fiducia plenior ad petendam. Alioquin noueritis nos excommunicationis sententiam in vos Consules, & Consiliarios vestros, ac alios huius iniquitatis actores à Legato nostro, licet ex alia causa simili astricti sint vinculo, promulgatam auctoritate Apostolica roborare, ac dare vniuersis Episcopis Lombardie firmiter in præceptis, vt eam candelis accensis, & pulsatis campanis, singulis diebus Dominicis & festiuis faciant singuli per suas Dioceses publicari. Dantes nihilominus karissimo in Christo filio nostro Ph. Regi Fræcorum illustri, & alijs Galliarum ac Italie Principibus, & Baronibus; necnon vniuersis Lombardie ciuibz in mandatis, vt nullum vobiscum faciant colloquium, vel contractum. Nec præsumentes aliquè vestrum in Potestatem assumere, vel rectorem, res mercatorum vestrorum & vestras vbicumque fuerint inuentz detineant, & faciant detineri, & solui vobis debita non permittant. Cùm sit dignum & iustū, vt qui non finitis alios requiescere, apud eos non possitis requiem inuenire. Vt autè Metropolis vestra obedientiā, quā vos superiori vestro subtrahitis, in sibi subditis non inueniat, vniuersis Episcopis eidem subiectis Metropoli, nostris damus litteris in præceptis, vt in poenam vestram ipsi omnē obedientiam, & reuerentiam subtrahentes, eidem in aliquo non intendant. Denique cùm non solum honore Metropolitico, sed etiam Pontificali vos reddatis indignos; quoniam ad præsens generale Concilium commodè conuocare non possumus, per Ianuen. Graden. Remen. Senonen. Rotomagen. Turohen. Bituricen. & Burdegalen. prouincias dirigimus scripta nostra; vt habito super ijs Archiepiscoporum, & Episcoporum, quos propter hoc congregari mandamus, concilio, in tanto negotio cum maturitate debita procedamus. Ad vltimum pro certo noueritis, quòd clamor qui de vobis super facto hæreticæ prauitatis ascendit, a deo concussit aures & animos populorum, vt clamatum fuerit iam frequenter; quatenus sicut eos in Prouinciam misimus ad pestem huiusmodi extirpandam, sic eosdem Christi caractere insignitos ad exterminium terræ vestræ in suorum remissionem peccaminum transmittamus. Vnde vobis est meritò formidandum, ne is qui Ciuitati sanctæ Hierusalem eius prouocatus iniquitatibus non pepercit, super vestris disponat malitijs; visitare, cùm peccatorum vestrorum turris proculdubio ascenderit iam in Cælum. Nec vos decipiat magnificentia cordis vestri, vt nostra hæc verba, quæ non absque mentis dolore proferimus, deliramenta putetis, in virtute vestra & multitudine gloriantes. Sed potius cogitetis, quòd Domino exercituum nulla potest resistere multitudo; qui, vt exēpla Testamenti veteris tacemus, sicut in Prouincia nuper hæreticos, & in Hi-

spania fidelium exercitui tam mirabiliter, quàm misericorditer innumeros dignatus est subdere Agarenos, sic potens est vestram ad nihilum deducere ciuitatem. Inspiret ergo Dominus vobis consilium salutare, ne inducat is vos ipsos in illum necessitatis articulum, quòd mox frustra clamantes exaudire denique non possimus, & sit fera poenitentia post ruinam. Datum Lateran. xij. Kal. Nouemb. Pont. N. anno xv. *Scriptum est in eundem fere modum illi omnibus super hoc.*

In eundem fere modum . . . Archiepiscopo Remen. scriptum est, & Suffraganeis eius. vsque ciuitatem. Quocirca monemus atque precipimus, quatenus conuenientes in vnum, & habito super ijs diligenti tractatu, vestrum nobis consilium rescribatis.

In eundem fere modum scriptum est populo Alexandrino spiritum consilij sanioris. Cùm illam recolimus, &c. vsque conuertatur & sanem eum. Cùm enim nuper paterna vos curauerimus benignitate monere; vt à sequela Othonis, & eius sequacium penitus recedentes, ad deuotionem rediretis Ecclesie Matris vestre, alioquin priuilegijs vobis ab eadem concessis sciretis vos perpetuò spoliandos, cùm propter ingratitudinis vitium libertus in seruitutis compedem reuocetur, vos monitis nostris prorsus contraria facientes, offensam cumulastis offensæ, & iniuriam iniuriz addidistis, contra dilectos filios Ciues Papien. quibus Ecclesiasticæ vnitati, sicut lucis filij, adherentibus, adherere pro nostra reuerentia deberetis, insurgere præsumentes. Cùm igitur ex vtraque parte fuerint quidam capti, volentes sicut ad nostrum officium spectat, vt lux partì restituantur vtrique, Vniuersitatem vestram monemus attentius, & rogamus sub debito fidelitatis, quo nobis tenemini, vobis districtè precipiendo mandantes, quatenus si qua remansit in vobis deuotionis scintillula in præsentì; si vllam habetis præteritorum memoriam; si denique apud nos spem aliquam vobis reseruare cupitis in futurum, ad sinum Ecclesie matris vestre humiliter redeuntes, concius suos sine difficultate restituatis eisdem, vestros ab eis mutuò recepturi: ita vt plena fiat restitutio hinc & inde, mandatum nostrum taliter adimplentes, vt vobis offensas vestras hoc deuotionis indicio redimentibus, nobis fiat procliuior animus ad dandam super alijs veniam, & vobis detur fiducia plenior ad petendam. Alioquin si super præmissis decetero inobedientes nobis, & rebelles fueritis, noueritis nos Ven. P. N. . . Episcopo, & Archidiacon. Parmen. nostris dare literis in mandatis, vt vnionem Ecclesie Aquen. & vestre nostra fulti auctoritate dissoluant, vestramque terram Pontificali dignitate denuntient perpetuò esse priuatam. Quòd si nec sic vestra poterit rebellio edomari, manum apostolicam aliàs super vos taliter aggrauare curabimus, quòd eam abbreviatam non esse, vexatione intellectum dante auditui cognoscetis. Datum Lateran. iij. Kal. Nouemb. Pont. N. Anno xv.

EPISTOLA CLXXXVIII.

DISPENSAT SUPER COGNATIONE.

Episcopo Parmen.

I OANNES laico & G. muliere in tertio affinitatis gradu distantibus, idem I. volens filiam ipsius G. natam ex secundis nuptijs ducere in uxorem, ac timens ne huiusmodi copula alicui posset calumniz subiacere, nobis humiliter supplicauit, vt pro bono pacis, quam ex eorum matrimonio asserit prouenturam, eandem ducendi sibi licentiam concedere dignaremur. Quocirca mandamus, quatenus si aliud impedimentum canonicum non obstitit, ipsis licentiam tribuas contrahendi. Datum Laterani ij. kal. Nouemb. Pont. N. Anno quintodecimo.

EPISTOLA CLXXXIX.

SUPER DIVERSIS CAPITVLIS RESPONDET.

Episcopo Gebennen. & Viennen. Sacrista.

I NQUISITIONIS negotium, quam de Venerabili fratre nostro Episcopo, & Canonicis Valentin. vobis commisimus faciendam, sine conscientie scrupulo exequi cupientes, Apostolico petijtis oraculo edoceri: vtrum eorum publicanda sint dicta, & nomina quos interrogari contingit, prout de testibus in publicis causis fieri consuevit: An sola dicta eorundem publicari sufficiat, cum idem Episcopus, & Canonici manifeste sciant, qui fuerint inquisiti: & vtrum contra dicta eadem debeant exceptiones, seu replicationes admitti, cum contra personas dicentium admittantur. Ad quod breuiter respondemus, Non solum dicta, sed etiam ipsa nomina, vt quid à quo sit dictum appareat, publicanda, & exceptiones seu replicationes legitimas admittendas. Ne per suppressionem nominum infamandi per exceptionum verò exclusionem deponendi falsum audacia prebeatur. Secundò quæsitis, quid vobis sit statuendum, si contra quempiam per inquisitionem probatum fuerit tale crimen, quòd deponeret accusatum criminaliter & conuictum. In quo quidem duximus distinguendum: vtrum videlicet tale crimen contingat aduersus aliquem inueniri, quod ordinis, executionem suscepti, aut retentionem beneficij etiam post peractam penitentiam impediret, puta si homicidium commisisset, vel adeptus esset ordinem, aut beneficium vitæ simoniz, quo casu erit sicut in accusationis iudicio procedendum. Alioquin secundum personæ merita, & qualitatem excessus pœnam poterit iudicantis discretio moderari. Tertiz dubitationis articulus continebat, vtrum cum duo vel tres iurati affirmant alium crimen aliquod eisdem videntibus commississe, de quo tamen aliqua infamia non laborat, aliquam illi pœnam infligere debeatis: & vtrum ad petitionem quorundam quædam scedulas vobis occulte tradentium infamationem Episcopi continentes sit ad inquisitionem eorum, quæ in ipsis continentur scedulis procedendum: & an fides eorum dictis debeat adhiberi, qui post iuramentum interrogati secreto, vtrum sint eorum de

quibus inquitur inimici; respondent, quod non diligunt filios, vel dicunt inimicos seasserunt eorundem, aut etiam ante iuramentum id publice confitentur, nullas tamen inimicitiarum causas probabiles ostendentes. Ad hæc autem pariter respondemus, nullum esse pro crimine super quo aliquis non laborat infamia, seu clamorosa insinuatō non præcessit, propter dicta huiusmodi puniendum, quinimò super hoc depositiones contra eum recipi non debere, cum inquisitio fieri debeat solummodo super illis, de quibus clamores aliqui præcesserunt: nec ad petitionem eorum, qui libellum infamationis porrigunt in occulto procedendum esse ad inquisitionem super contentis ibidem criminibus faciendam, aut etiam aduersus eos contra quos fit inquisitio fidem dictis adhibendam illorum, qui post iuramentum, vel ante, tacite vel expresse inimicos seasserunt eorundem; nisi forsitan ante iuramentum in fraudem id facere presumantur. Quæsitis præterea, quid statui debeat, si nihil per certam scientiam, sed tantum per famam, & eorum qui fuerint inquisiti credulitatem iurata confingerit inueniri: vtrumne aliquis super eo crimine reputari debeat infamatus, de quo ipsum duo vel tres aut plures dixerint infamatum, licet de ipso nihil sinistrum in publico audiat. Ad quod est nostra responsio, quod propter famam & deponentium credulitatem, dumtaxat, non erit ad depositionis sententiam procedendum, sed infamato canonica poterit indici purgatio secundum arbitrium iudicantis, qui propter dicta paucorum eum infamatum reputare non debet, cuius apud bonos & graues lesa opinio non existit. Tu denique, frater Episcopo, super teipso, & credito tibi grege taliter vigilare procures, exurpando vitia, & plantando virtutes, vt in nouissimo districti examinis die coram tremendo iudice, qui reddet vnicuique iuxta opera sua, dignam possis reddere rationem. Datum Lateran. xij. Kal. Ian. Pont. N. Anno quinto decimo.

EPISTOLA CXC.

REIECTA APPELLATIONE CAUSAM DENYO DELEGAT.

*Episcopo, & Abbati S. Vedasti Atrebaten. & Magistro H. de Atrebato
Canonico Atrebaten.*



CCEDENS ad nostram præsentiam dilectus filius Magister A. Venerabilis fratris nostri . . . Nouiomen: Episcopi procurator, vir prouidus, & discretus proposuit coram nobis, Quod cum olim causam, quæ inter eundem Episcopum ex parte vna, & dil. fil. Capitulum Ecclesie sancti Quintini Nouiomen: Diocesis super subiectione ipsius Ecclesie, quam idem Episcopus asserit Diocesano sibi iure subesse, ac propter hoc ipsum Capitulum ad obediendum ei vt Episcopo proprio in sententijs interdicti, & alijs debere compelli, ex altera vertitur, lite prius in nostra præsentia contestata, vobis frater Episcopo, & dil. fil. Abbas S. Vedasti Atrebaten. ac Magistro Scholarum Tornacen. duxerimus committendam. Vos quia pars Capituli iurisdictionem vestram eludere, ac processum impedire iudicii friuolis exceptionibus super contestatione litis oppositis nitebatur, ipsum Capitulum pro sua contumacia interdicti sententia subiecitistis, quam

cum iidem temerè violant, petebat Episcopi procurator, vt faceremus eandem summiter obseruari, violatores ipsius pœna canonica percellentes, vt in eis pœna cresceret in quibus creuisse contumaciam assererat. Procurator autem eiusdem Capituli litem fuisse contestatam inficiens ex aduerso respondit, quòd cum tu frater Episcope, ac fili Abbas, se coniudice tertio excusante, exceptiones legitimas pro sua parte propositas nolletis admittere, tanquam ab euidenti grauamine ad Sedem fuit Apostolicam pro ipso Capitulo appellatum. Vnde prædictam dicebat sententiam penitus nullam esse, nec etiam sententiæ nomen habere mereri; cum præter rationabilem exceptionum & legitimæ appellationis obstaculum fuerit promulgata, propter quod humiliter supplicabat eandem irritam nuntiari. Auditis igitur & intellectis ijs, & alijs quæ facere proposita coram nobis, pronuntiauimus litem per procuratores partium alia vice propter idem negotium nostro conspectui præsentatos fuisse legitimè contestatam, & decernentes appellationem ad Sedem Apostolicam super hoc interpositam ex parte supradicti Capituli non tenere, præfatam interdicti sententiam duximus approbandam, ipsius violationem nostræ referuando censuræ, si forsam eam dictum Capitulum non seruauit: tēque fili Magister H. subrogato loco prænominati Magistri Scholarum, eandem causam vobis committimus terminandam; per Apost. scrip. mandantes, quatenus ex parte Capituli supradicti, quòd iuri pareat sufficienti cautione recepta, memoratam interdicti sententiam relaxetis, & in alijs iuxta formam prioris nostri mandati ratione peruenia procedentes, causam ipsam si de partium processerit voluntate, sine canonico terminetis. Alioquin eam sufficienter instructam ad nostram præsentiam remittatis, præfigentes partibus terminum competentem, quo nostro se conspectui repræsentent, iustam dante Domino sententiam recepturæ. Quòd si non omnes, &c. duo vestrum, &c. vos denique, frater Episcope, & fili Abbas, &c. Datum Lateran. xiv. Kal. Ianuarij, Pont. N. Anno quintodecimo.

EPISTOLA CXCI.

SENTENTIAM SUPER LITE INTER CLUNIACEN. ABBATEM,
ET MONACHOS DE CARITATE EXEQUENDAM
COMMITTIT.

*Pruliacen. Cisterciën. Ordinis, & S. Columba, & S. Satyri Abbatibus
Senonen. & Bituricen. Diœces.*



VM olim grandes, & graues, deformes, & enormes iniuriæ quas Gaufridus tunc Prior, & Conuentus Monasterij de Caritate, dil. fil. Cluniacen. Abbati dicebantur temerè irrogasse, seriatim fuissent exposite coram nobis, Nos eisdem in Apostolicis literis per ordinem comprehensis Venerabilibus fratribus nostris... Treacen. & Melden. Episcopis, ac dil. fil. Latiniacen. Abbati per ipsas dedimus literas in præceptis, vt ad locum ipsum personaliter accedentes, & inquirentes super ijs plenius veritatem, si rem inuenirent taliter se habere, latam propter hoc in dictum G. depositionis à regimine Prioratus sententiam auctoritate

Apostolica confirmantes, & approbantes, nihilominus substitutionem de
Vvillmo in ipsius loci Priorem, & damnationem sigillorum epturidem G. ac
Conuentus per Diffinitores Generalis Capitoli faciunt, excommunicationis
sententiam in iamdictum G. ac eius complices promulgatam ab ipsis facerent
vsque ad satisfactionem condignam firmiter obseruari, contradictores quosli-
bet, aut rebelles, siue Monachi, siue clerici, seu laici essent per censuram Ec-
clesiasticam appellatione postposita compescendo. Cum igitur idem iudices
ad prædictum Monasterium accessissent, mandatum apostolicum impleretur
Monachi loci eiusdem, sicut nuper Helias Monachus, & Magister Guido pro-
curatores Cluniacen. in nostro auditorio reuiderunt, ipsis tantum Monasterij
quemadmodum abbati Cluniacen. fecerant, obseruantes, eosdem ingredi nolu-
latenus permiserunt ipsi verò mandatum nostrum exequi cupientes, in Villa
ipsius loci curauerunt super propositis inquirere solite veritates, & cum
plenè constitisset eisdem, præfatos Monachos ex quæ de ipsis nobis insinuas
fuerant, & grauiora etiam commisisse, dictam depositionis sententiam, ac sub-
stitutionem Prioris, damnationem etiã sigillorum, appellatione cuiusdam, qui
se pro Conuentus procuratore gerebat, reputata frivola confirmarunt, ex-
communicationis sententiam in iamdictum G. ac eius complices promulgab-
tam præcipientes firmiter obseruari. Sed p'is diuina & hilominus officia cele-
brantibus, iidem iudices attendentes, quod per distractionem canonicam eor-
um emollire duritiam non valebant: karissimum in Christo filium nostrum
Ph. Regem Francorum illustrem per suas litteras rogauerunt, ut nobilem vi-
rum Comitem Niuernen. qui dictos Monachos in huiusmodi fouere malitia
videbatur, ab ipsorum iniusto fauore compescens regali potentia, insolentiam
comprimeret eorumdem. Cum ergo idem Rex præfato Comiti præcepisset, ut
substituto Priori temporalia faciends assignari, dictos Monachos in sua vltius
malitia non foueret, ac idem mandatum differret regum adimplere, Rex zelo
iustitiæ ac seruire nostræ deuotionis accensus, contra dictum Comitem, cuius
fulti potentia Monachi memorati latè auctoritate nostra sententijs temerè ob-
uiabant, præcepit exercitum congregari, cuius metu licet temporalia dicto
Priori per præfatum Comitem fuerint assignata, Monachi tamen in sua nihilo-
minus contumacia persistentes, tam ipsi Priori, quam Cluniacen. abbati de-
bitam exhibere obedientiam contradicunt. Vnde nobis humiliter supplicatum
ut ad rebellionem huiusmodi edomandam apostolicam manum apponerem
agnaremur. Pro Monachis verò de Karitate fuit à Ioanne & Nicolao Monachis
procuratoribus eorumdem ex aduerso responsum, quod iam dictis sententijs in
eorum Priorem & ipsos, post appellationem ad nos legitime interpositam pro-
mulgatis, Cluniacen. nuntij præuenientes terminum, qui fuerat ad perfequen-
dam appellationem præfixus, nostras ad præfatos iudices litteras impetrarunt,
multis expressis mendacijs, & suppresso quod ipsi Episcopi, nostro non expe-
ctato mandato, quod in litteris continebatur eisdem, iamdudum auctoritate
propria fuerant exequuti. Licet autem dicti Prior, & Monachi non solum sus-
pectos haberent iudices memoratos, verum etiam manifestos aduersarios repu-
tarent, pro reuerentia tamen apostolicæ Sedis ipsos in Monasterio cum mode-
rato numero sociorum benigne ac deuotè recipere voluerunt. Sed quia ipsis à

pluribus fuerat nuntiati, quod Abbas & Monachi Cluniacen. qui non parua multitudi-
 ne stipati aduenerant, Monasterium per violentiam decreuerant oc-
 cupare, iidem volentes huiusmodi obuiare periculo, prætatis iudicibus humi-
 liter supplicarunt, & obtinuerunt ab eis, vt in eorum Ecclesia sancti Petri sita
 intra idem Monasterium conuenerent. Partibus igitur ibidem in eorum præ-
 sentia constitutis, Monachorum proposuit procurator, quod dicti iudices lit-
 terarum nostrarum auctoritate procedere non debebant; quia si nobis refera-
 tum fuisset eisdem, quod mandabamus in ipsis auctoritate iam esse propria
 executor, causam nullatenus constituissemus eisdem. Vnde cum imperatores
 ipsarum ralem suppresserint veritatem, quæ expressa iam dictas litteras ad ipsos
 minime impetrassent, eis non erat auctoritate illarum vllatenus procedendum:
 præsertim cum eiusdem Monasterij auntij propter hoc dudam ad Sedem Apo-
 stolicam accessissent, opponens nihilominus alias exceptiones legitimas, &
 multiplices contra eos causas suspicionis allegans, ad quas probandas arbitros
 postulauit instantes, quibus contempto iure canonico pariter, & ciuili, sibi pe-
 nitus de negatis, nostram audientiam appellauit, personas & bona Monasterij
 sæpè dicti Apostolicæ protectioni supponens. Sed iidem nihilominus vno eo-
 demque die, ad receptionem, & publicationem testium, deliberationem con-
 silij, & decissionem negotij temerè properantes, quod per Abbatem, & diffini-
 tores prædictos factum extiterat pro suæ voluntatis libito confirmarunt. Ad hæc
 Apostolici mandati finibus non contenti cum Comitem supradictum ad op-
 pressionem Monasterij, vt pote qui processus inquirarem nouerat inculcatis
 precibus & præceptis inducere nequiuissent, ad Regem se conuertere prædi-
 ctum, & regiam puritatem circumuenire multipliciter præsumperunt, sugge-
 rentes eidem veritati contraria, & ipsum quasi ex parte nostra precibus one-
 rantes, qui credens eosdem accensos zelo iustitiæ sic instare, Comiti memora-
 to præcepit, vt substituto *W.* prædicta temporalia faceret assignari. Sed viris
 peritis, quorum consilium idem Comes accedens Parisius sollicitè requisitum,
 processum iudicum prædictorum extitisse iniquum concorditer respondentibus,
 eodemque Comite propter hoc mandatum regum exequi differente, Rex
 ipsorum iudicum, & Cluniacen. abbatis suggestionibus iterum circumuentus
 contra Comitem sæpè dictum præcepit exercitum congregari; & sic Comes vi,
 metuque compulsus ad Monasterium accessit cum Regio Marefcalco circa
 mandatum Regis, quam propriam voluntatem & conscientiam expleturus.
 Monachi vero subito visa multitudine armatorum conterriti se vestibus Eccle-
 siasticis induerunt, & sic induti occurrerunt ad Monasterij portas, opposcentes
 armatis imagines Crucifixi, & reuerendas sanctorum reliquias, ac ipsum Chri-
 sti Corpus sanctissimum obtendenres, ac ex parte Dei & nostra prohibentes
 eisdem, ne Monasterium Apostolicæ protectioni suppositum præsumerent vio-
 lare. Qui licet primò facinus exhorruerint, postea tamen per alium compe-
 tentiorem aditum calcata reuerentia irrumpentes, sacras Ecclesiæ valuas ausu
 nefario confregerunt, & insano tumultu singula perferunt, præfato *W.*
 assignauerunt granarium, cellarium, dormitorium, & officinas Monasterij
 vniuersas; fratres loci eiusdem vix in oratorio claustrum, quò stupefacti confu-
 gerant, relinquentes, ubi necessarii noua eis inhumanitate subtrahitis, & prohi-

bito ne quisquam ipsis audeat aliquid ministrare, in tantz sunt necessitatis articulo constituti, vt ad vitæ sustentamentum non habeant, nisi quod quidam boni viri eisdem misericordia moti furtim porrigunt per fenestras. Vnde nobis fuit ex parte ipsorum humiliter supplicatum, vt tam graui calamitati, & calamitoso grauamini secundum consuetam Apostolicæ Sedis clementiam succurrere dignemur. Nos igitur ijs, & alijs quæ à partibus fuere proposita plenius intellectis, quia manifestè cognouimus prædictos iudices perperam processisse; cum, vt exceptiones alias taceamus, causam nullatenus cõmississemus eisdem, si nobis reuelauit fuisset, quòd ea quæ per ipsos exequenda mādauimus auctoritate propria publicè denuntiauerant per Dioceses suas, & districtè mandauerant obseruari. Vnde occasione rescripti per talem subreptionem obtenti nequam procedere debuissent, quia etiam fines nostri excedentes mandati, brachij secularis auxilium inuocarunt, dum eorum ad nos appellacione pendente partes super ipsorum processu in nostro auditorio litigabant. Cum etiam grauiter posset impediri Ecclesiastica utilitas, & libertas, si quolibet Iudice imperito forsan, aut etiam malitioso temerè iaculante sententiam, Rex, seu quicumque alius princeps ad ecclesiastica bona manum extenderet, quasi eandem executioni sententiam mandaturus, ac etiam ex hoc graue posset inter sacerdotium atque regnum scandalum generari: quidquid ab eisdem iudicibus taliter factum est, vel ab alijs per studium eorundem, de fratrum nostrorum consilio irritum decreuimus, & inane. Verùm quia per expressam confessionem Monachorum de Caritate nobis constitit euidenter Cluniacen. Abbatem possessionem instituendi, ac destituendi pro suæ libito voluntatis in Monasterio de Caritate Priores, & corrigendi, ac ordinandi quæ corrigenda, vel ordinanda vidisset per viginti annos, licet ipsi Monachi de Caritate eandem vsurpatam asserant, habuisse, nos exigente iustitia sibi eiusdem possessionis commodum conseruantes, tam destitutionem dicti G. à regimine Prioratus, quàm substitutionem præfati W. & sigillorum damnationem iamdictam, excommunicationis quoque sententiam, quam in eundem G. & eius complices idem Abbas propter rebellionem huiusmodi promulgauit, auctoritate Apostolica duximus confirmandas. Ideoque monemus quatenus præmissas destitutionis, & institutionis, ac damnationis sigillorum sententias facientes per censuram ecclesiasticam, sublato appellacionis obstaculo firmiter obseruari, ac thesaurum, priuilegia, libros, chartas, & vniuersa ecclesiastica ornamenta à quibuscumque alienata fuerant, vel subtracta Monasterio restitui memorato, dicto Abbati ex parte nostra firmiter iniungatis, vt possessionibus, & alijs quibus Monachi memorati per dictos Comitem, & Marescalcum, seu quoscumque alios spoliati fuerunt, eorum Priori, ac ipsis plenariè restituis, eisdem beneficium absolutionis impendat, & paterna ipsos benignitate pertractet, ac possessiones alienatas in enormem eiusdem Monasterij lesionem ad ius, & proprietatem ipsius secundum formam in nostris litteris comprehensam, iuxta quod in nostra præsentia eius Monachi anno præterito promiserunt student reuocare. Ceterum si dicti Prior, & Monachi de Caritate omnes, vel maior, aut sanior pars eorum super libertate Monasterij sui de iure voluerint experiri: nos eos benignè cum requisiti fuerimus audiemus, sicut videbimus expedire. Taliter autem satagat ipse

Abbas pacificare, ac reformare statum Monasterij memorati conseruando rationes, & immunitates ipsius, ne nos propter eius negligentiam, aut insolentiam compellamur de ipso Monasterio aliud ordinare. Quod si non omnes, &c. duo vestrum, &c. vos denique filij Abbates, &c. Datum Lateran. xiv. Kal. Ianuarij Pont. N. Anno quintodecimo.

EPISTOLA CXCII.

IN ECCLESIA QVAM DOTAVERAT IVS PATRONATVS TRIBVIT
PRÆBENDARVM VERÒ COLLATIONEM DENEGAT.

Nobili Mulieri M. quondam uxori Ph. Comitis Flandren.

ET si precibus tuis fauorem præstare secundum Deum beneuolum intendamus, eas tamen quas repellit iustitia nos admittere non debemus, cum eius locum, qui iustus est, & iustitiam diligit, licet immeriti teneamus in terris. Oblata quidem nobis ex tua parte petitio continebat, quod cum in quodam loco tui dotalitij Nepa nomine, ad honorem Dei Ecclesiam fundare proponas, & de bonis tuis sic plena manu dotare, quod Canonicis qui Deo ibidem pro tempore seruiunt, necessaria vitæ non desint, ius patronatus, & Præbendarum collationem in ea tibi, ac successoribus tuis reseruari petebas. Quorum primum admittimus: secundum verò non duximus concedendum, cum tuæ non expediat salutis concedi. Quia cum ex deuotione te asseras assumpsisse propositum in loco prædicto Ecclesiam construendi, acquires eò plus animæ, quò minus in ea corpori reseruabis. Vnde deuotionem tuam exhortamur in Domino, quatenus illud perficere studeas, quod ad tuam salutem, & Ecclesiasticam pertinere dignoscitur honestatem. Datum Lateran. ij. Nonas Ianuarij Pont. N. Anno quintodecimo.

EPISTOLA CXCIIL.

ADMINISTRATIONEM TEMPORALIVM INTERDICTAM
INTERIM PERMITTIT.

Episcopo Teruifin.

ETCET Venerabilis F. N... Episcopus Cremon. Apostolicæ Sedis Legatus te ab administratione temporalium propter dilapidationis suspicionem duxerit suspendendum; quia tamen mandatum ipsius nondum ad te peruenisse proponitur, præsentium tibi auctoritate concedimus, vt donec super hoc mandatum recipias Episcopi memorati, dummodo non impedias quominus idem ad te possit peruenire mandatum, Ecclesiæ tuæ negotia fideliter administres. Fratritati tuæ nihilominus iniungentes, quatenus contra Guertium, & quoslibet alios possessionum eiusdem Ecclesiæ inuasores pro ipsarum defensione te opponas efficaciter, & prudenter. Tu denique frater Episcopo super teipso, &c. Datum Lateran. vj. Idus Ianuarij, Pont. N. Anno xv.

EPISTOLA CXCV.

SUPER ELECTIONE EPISCOPI VIRDVN. ET ARBITRORVM
SENTENTIA IVDICES CONSTITVIT.

Abbati S. Remigy, H. Archidiacon. & Magistro G. Canonico Remen.



ONSTITVTIS in nostra presentia dil. fil. Anselmo Abbate San-
ctæ Mariz de Stanno Præmonstratenſis Ordinis, procuratore Ve-
nerabilis fratris nostri ... Viridunen. Episcopi ex parte vna; &
Magistris H. & G. Canonicis Ecclesiæ Viridunen. ex altera: pro
parte fuit Episcopi propositum coram nobis, quòd cum causam
quæ inter eundem Episcopum super electione ipsius, & dictos Canonicos, ac
A. eorum consocium vertebatur, Venerabili fratri nostro ... Melden. Episco-
po, & suis coniudicibus sub certa forma duxerimus committendam, ac coram
eisdem iudicibus in negotio procederetur eodem: quibusdam viris religiosis
interponentibus partes suas, vt ad honorem Dei, & vtilitatem Ecclesiæ Virdu-
nen. inter eos posset concordia reformari bonorum virorum consilio habito;
salua in omnibus Apostolicæ sedis auctoritate, in Venerabiles fratres nostros ...
Cata'auen. Lingonen. & Treacen. Episcopos, ac dilectum filium ... Abbatem
Trium Fontium cõpromiserint, iuramento interposito sub hac forma; videli-
cer quòd ea quæ super illo negotio dicti Episcopi cum Abbate simul, & concor-
diter vsque ad festum Purificationis statuerent, ipsæ partes firmiter obseruarent;
ita tamen, si vsque ad festum Pentecostes, quòd illi decernerent impleretur;
alioquin liceret litigantibus ad causæ munimeta reuerti. Episcopi verò, & Abbas
iamdicti procedere noluerunt, quousque intellexerunt nostro speciali responso
nos in patientia sustinere, vt iuxta quod in eos fuerat à partibus compromif-
sum, dummodo nihil penitus attentaretur contra Deum, & canonicas sanctio-
nes in negotio procederent supradicto. Qui tandem concorditer decreuerunt,
vt in Episcopatu Viridunen. Episcopus remaneret, ac Magistrum I. de Vitreio
vsque ad festum Pentecostes in spiritualibus assumeret adiutorem; sed licet
illum diligentissimè requisitum Episcopus habere non possit, cum alium ido-
neum recipere sit paratus, petebat procurator eiusdem, vt quòd præfati Epi-
scopi cum Abbate decreuerant, dignaremur Apostolico munimine roborare.
Ad hæc verò dicti Canonici responderunt, præscriptum cõpromissum minimè
tenuisse, quia sicut de famoso delicto, vel ea re de qua publicum est iudiciũ con-
stitutum, non est eundem ad arbitriũ secundum legalia instituta: sic & in huius-
modi spiritualibus de iure non potuit in arbitros compromitti, qui minùs ido-
neum, nec per dispensationis gratiam tolerare, nec amovere per rigorem iu-
stitiæ potuissent, cum ista in talibus Sedes Apostolica sibi specialiter referuarit.
Allegabant præterea, quòd etiam si compromissio tenuisset, cum tamen arbi-
trium infra diem præfixum latum non fuerit, nec constituto tempore adim-
pletum, conditione non existente apposita, stare arbitrio minimè tenebantur;
præsertim cum fuerit, vt dicebant euidenter iniquum, eò quòd cum in talento
scientiæ specialiter debeat Domino negotiari Præfatus, ac nimium patiatur lit-
teraturæ defectum Episcopus supradictus, aliisque de causis electio eius carue-

rit robore firmitatis eum sub spe auxilij alieni, coadiutoris videlicet, in honore ac onere pastoralis officij tolerari, & Deo fuit contrarium, & honestati Ecclesiasticæ inimicum. Pro tertio quidē locio adiecerunt, ipsum nec in arbitros compromisisse prædictos, ne ratum ipsorum arbitrium habuisset cuius ad minus nomine procuratores existentes ipsius, dicta testium quæ memoratu Meldensis Episcopus, & sui coniudices ad Sedem Apostolicam destinarent, publicari petebant, ut idem posset negotium in nostra præsentia terminari. Pars autē aduersa respondit, quòd hæc causa, licet spiritualis existeret, sacris tamen canonicè potuit per dictorum ordinationem decidi, quos non ut arbitros, sed pacis prouisores viris religiosis mediantibus elegerunt, qui approbare poterant electionem, ac consecrationem Episcopi, cui nihil obuiabat de canonicis institutis, & etiam si fortè minus idoneum inuenissent, tacitè reprobare, mandantes eidem sub debito præstiti iuramenti, ut cedendi licentiam à Sede Apostolica postulet. Diem quoque prædictorum ordinationi præfixum dicebat fuisse de voluntate partium prorogatum, eo ipso quòd suspendi processum negotij voluerunt, donec super eo Sedem Apostolicam ordinatores consulere præfati, quod infra diem statutum fieri non valebat. Præsertim cùm vtrique pars etiam post terminum instanter petierit à prouisoribus antedictis, ut ordinationis suæ beneplacitum promulgarent. Ex eo autem, quòd ordinatum ab illis de coadiutore præfato non fuit impletum tempore quo debuit adimpleri, proponebat idem procurator, nullum Episcopo præiudicium generari, quòd nec fuit in mora, nec aliqua negligentia laborauit, dans operam iuxta posse, ut memoratum assumeret adiutorem. Vnde cùm verisimile minimè videatur, ut partes ad id quod suæ possibilitatis fines excederet se intellexerint obligare, nec imputari debeat voluntas alterius, ei cui propria voluntas non defuit, quoad ipsam pro impleto debebat haberi, ad instar eius qui ea conditione institutus est heres, si dederit decem, quo dare parato, si accipere nolit cui iussus est soluere, habetur conditio pro impleta: nec per hoc quòd ei prouisus est Coadiutor, insufficiens quoad scientiam esse probatur, sed cùm propter imminentis temporis rempestatem, oporteat eum mundanis necessitatibus occupari, ac per hoc minus sufficiat spiritualium sollicitudinem exercere, quod per seipsum non poterat, utile videbatur & erat, ut per alium expediret. Cùm & apostolus Coadiutorem suum asserat fuisse Clementem, qui tamen ob hoc non præsumitur insufficiente extitisse. Quare petebat Episcopi procurator imponi aduersæ parti silentium, ne per contentiones huiusmodi fatigaretur diutius Ecclesia Virginitatem. Ad cuius commodum, & quietem ut plenè dissensiones, & iurgia sedarentur, quæ tunc eidem Ecclesiæ imminebant, pars habuit vtrique respectum tempore compromissi, sicut ab ipsis accepimus in nostra præsentia constitutis. Auditis igitur ijs, & alijs quæ fuere proposita coram nobis, sic duximus prouidendum: ut vos, quibus in hac parte vices nostras committimus, inquiratis diligentissimè veritatem, & si vobis constiterit, quòd ex ea causa, & in eo casu prouisus fuit eidem Episcopo Coadiutor, ex qua, & in quo dari debuit secundum Deum, & canonicas sanctiones, utpote si fortè pro senectutis defectu, vel perturbatione temporis, ut dictum est, seu alio impedimento consimili præpeditus, sufficere non possit ad plenum laboribus officij pastoralis, & operam diligentem

infra tempus statutum impendit, vt prouisum sibi assumeret adiutorem, ac tertius prædictorum Canonicorum consocius compromisit in prouisores præfatos, seu ratum habuerit, vel adhuc ratum velit habere, quod ordinatum est ab eisdem, adhibito ipsi Episcopo prædicto, Magistro I. vel alio viro idoneo loco superscripti Magistri, ordinationem faciat prædictam auctoritate apostolica firmiter obseruari, contradictores per censuram Ecclesiasticam appellatione postposita compescendo. Quod si per eundem steterit Episcopum, quo minus coaccesserit ei deputatus adiutor, seu tertius prædictorum Canonicorum in prouisores non compromisit eosdem, nec ordinationem ipsorum ratam habuit, nec velit habere, cum eiusdem etiam nomine in eodem negotio sit processum, vos auditis, & examinatis depositionibus testium, quos in prædicti Meliden Episcopus, & sui coniudices receperunt, & intellectis hinc inde propositis, habentes præ oculis solum Deum, causam sine canonico appellatione postposita terminetis. Ceterum si non ex ea causa, & in eo casu de Coadiutore fuit Episcopo memorato prouisum, ex qua, & in quo secundum Deum, & instituta canonica debuit prouideri, vt si competentis litteraturæ defectum cuius sufficientia specialiter exigitur in Prælato, vel aliud impedimentum canonicum idem Episcopus patitur, in quibus casibus, vel similibus, etiam prædictis tacentibus, de nostro procederemus officio contra ipsum, vos cum animal cæcum, vel claudum præ oculis solum Deum non sit secundum legis testimonium offerendum, ipsum appellatione cessante ab eius sanctuario depellatis, facientes Ecclesiæ Viridunensi de persona idonea per electionem canonicam prouideri. Quod si non omnes, &c. duo vestrum, &c. Tu denique fili Abbas super teipso, & credito tibi grege valiter vigilare procures, extirpando vitia, & plantando virtutes, vt in nouissimo districti examinis die coram tremendo iudice, qui reddet vniuique secundum opera sua, dignam possis reddere rationem. Datum Lateran. xij. Kal. Ianuarij, Pont. N. Anno xv.

EPISTOLA CXCV.

INSUPER HABITO ALBANENSIS ELECTI PROCESSV CAUSAM
DE INTEGRO DELEGAT.

*Magistro Maximo Notario nostro, & Venturæ Thesaurario Veronen.
Subdiac. nostris, & Primicerio Graden.*



ENERABILIS F. N. Episcopus Cremonen. Apostolicæ Sedis Legatus olim Apostolatui nostro insinuare curauit, quibusdam publicis scriptis nobis ad suæ insinuationis assertionem transmissis, quod idem inquisitionem dudum à bonæ memoriæ G. Albanen. electo super dilapidatione, ac alijs, de quibus infamatus erat venerabilis Frater N. ... Episcopus Teruifinus ineptam iuxta commissæ sibi legationis officium profectus, per idoneos testes didicerat manifeste, quod cum idem Episcopus Teruifinus Ecclesiam octo millium & quadringentarum librarum oneratam debito inuenisset, idem debitum ipsum plusquam totidem librarum millibus ampliarat, quamquam ... tria millia librarum ex alienatis possessionibus & collecta quam fecit in Clericos habuisset; præter tria librarum millia, quæ de proventibus

Episcopatus pereperat annuatim, & octingentas libras quas de quodam receperat molendino alienato, in enormem ipsius Ecclesie lationem. Propter quod idem Legatus ipsum habens de dilapidatione suspectum, eundem à temporali administratione suspendit, quibusdam collationibus præbendarum, & institutionibus, quas in Teruifina Ecclesia de filiis excommunicatorum, & alijs personis minus idoneis eundem asserebat illicitè attentasse, penitus irritatis. Vnde nos eidem Legato nostris dedimus litteris in mandatis, ut ea quæ providè super suspensione ipsius Episcopi, & institutionum huiusmodi cassatione statuerat faciens firmiter obleruari, super alijs locum, & terminum assignaret eidem Episcopo competentem, in quonibuscumque sibi copia defendendi diligenter audiret, quæ coram ipso duceret proponenda, & quod canonicum esset nostra decerneret auctoritate suffultus. Si verò idem Episcopus ad nos forsitan duceret appellandum, ei terminum ad appellationem præfigeret prosequendam, totius negotij seriem, & processum nobis fideliter rescripturus. Quod si appellationem emissam idem Episcopus infra terminum sibi præfixum persequi forte negligere, idem Legatus in negotio ipso appellatione remota procederet, prævia ratione. Nuper autem idem Episcopus ad Apostolicam Sedem accedens in nostra proposuit præsentia constitutus, se ab eodem Legato fuisse multipliciter, & iniuste grauatum, quia cum super obiectis eidem plena fuisset inquisitio facta per dictum Albanen. electum, per quam ipse Legatus sufficienter instrui potuisset, idem inimicorum eius instantia plus debito acquiescent, ad inquisitionem de nouo contra eundem Episcopum faciendam post appellationem ad nos legitimè interpositam pro sua voluntate processit, personis ad eundem accusationem admittis, quibus super ijs de quibus coram ipso Legato infamari nitebantur eundem, impositum fuerat olim silentium per iudices à Sede Apostolica delegatos, & receptis nihilominus quibusdam ad testimonium contra eum merito suspectis eidem, & alijs iure à testimonio repellendis. Ipsa quoque inquisitio eodem absente in loco sibi suspecto, ut pote in quo erat inimicorum eius potentia, & frequentia facta fuit, inquisitoribus in partem alteram adeò declinantibus, ut dicta testium, quæ pro ipso facere videbantur, aut omnino non scriberent, aut scribentes mutatione aliqua deprauarent. Vnde nobis idem Episcopus humiliter supplicauit, ut ipsius Legati processum tanquam iniquum penitus reuocantes, negotium ipsum personis suspicionem carentibus, Guertio eius & Ecclesie suæ ut assente persecutore notissimo, aliisque personis merito suspectis eidem, tam à testimonio, quam accusatione, diffamatione, vel denuntiatione repulsis, committere dignaremur. Quoniam igitur ab ipsius Episcopi iactis querelis, & precibus audire nec possumus, nec debemus, quos suscepit seruitutis officium debitores constituit vniuersis, mandamus quatenus assignatis eidem Episcopo loco, & termino competenti, & vocatis qui propter hoc fuerint euocandi, plenam ipsi Episcopo defendendi copiam tribuatis, & facientes exhiberi vobis inquisitionem factam per præfatum Albanen. electum, tam ipsam, quam illam quam fieri fecit prædictus Episcopus Cremonen. examinatim perspicaciter, & prudenter, & quæ super præmissis, & alijs, eoram vobis propolita fuerint plenius intellectis ad canonicam sententiam proferendam, si de ipsius Episcopi voluntate fuerit, remoto appellationis obstaculo, procedatis.

Quòd si fortè idem Episcopus nostrum maluerit subire iudicium, sub sigillis vestris transmittatis nobis fideliter totius negotij seriem, & processum, vt de vultu nostro procedat iudicium & quitatis. Quia verò Legatus eundem Episcopum habens de dilapidatione suspectum, ipsum, vt dictum est, à temporalium administratione suspendit, nos Episcopatu pariter, & Episcopo paterna volentes solitudine providere, mandamus quatenus interim eandem administrationem aliquibus de Capitulo Ecclesiæ Teruifin. vtilibus & idoneis ad hoc auctoritate Apostolica committatis, qui prouentus Episcopales, & alia colligentes fideliter, & seruantes, necessarias, & moderatas expensas de ipsis prouentibus Episcopo sine difficultate ministrèt, omnem omnino alienationis speciem interdicentes eisdē, recepto ab eis super hoc corporaliter iuramento. Si verò dictus Guer. aut foror eius possessiones, seu alia bona Ecclesiæ Teruifin. temerè occupauit; vos ad restitutionem earum per censuram Ecclesiasticam appellatione remota; veritate cognita compellatis. Quod si non omnes, &c. duo vestrum, &c. Datum Lateran. iij. Nonas Ianuarij, Pont. N. Anno xv.

EPISTOLA CXCVI.

LAUDABILEM ECCLESIA PISANÆ CONSVETVDINEM
CONFIRMAT.

Pistorien. Episcopo.



ENERABIL. F. N. . . Pisanus Episcopus per suas nobis litteras intimauit, quòd in eius Ecclesia fuit ab antiquis temporibus obseruatum, vt nullus in Canonicum reciperetur eiusdem, nisi prius Ecclesijs, si quas haberet in Pisana Diocesi resignatis, vt per hoc subtrahta eis euagandi materia, quasi necessitate interposita residendi sedula ipsi Ecclesiæ obsequia exhiberent. Nunc autem Canonici eiusdem Ecclesiæ quærentes quæ sua sunt, non quæ Christi, per amicos suos ambitione proeurat, vt ad Ecclesias, quas in præfata Diocesi vacare contingit, contra dictam consuetudinem eligantur, propter quod Pisana Ecclesia debitis obsequijs fraudatur, & erga eam populi deuotio refrigescit. Vnde nobis humiliter supplicauit, vt V. Pisan. Canonico, qui nuper est in Plebanum Ecclesiæ Calcen. electus, super eadem silentium imponentes, præfaram consuetudinem obseruari firmiter faceremus: præsertim cum ex Ecclesiæ Pisan. prouentibus eiusdem Canonici valeant congruè sustentari. Quocirca mandamus quatenus sollicitè de consuetudine inquirens præfara, si eandem fuisse talem conlitterit, & Ecclesiæ memoratæ prouentus ad congruam prouisionem Canonicorum sufficiunt prædictorum, præcipiens eandem consuetudinem inuiolabiliter obseruari, iam dicto Canonico super plebe iam dicta perpetuum silentium, subla- to appellationis impedimento, imponas. Testes autem qui fuerint nominati, &c. Tu denique frater Episcopo, &c. Datum Lateran. ij. Non. Ian. Pont. N. Anno quintodecimo.

ADVERSUS DEBITOREM CRUCE ASSUMPTA DEBITORES
ELVDENTEM.

*Episcopo Melden. sancti Pharonis Melden. & de Latiniaco Parisien.
Diocesi. Abbatibus.*



N SINVANTE M. nobili muliere quondam vxore inclytæ recordationis Ph. Comitis Flandren. nos accepisse noscatis, quòd cum H. mercator in nundinis Insulæ à quibusdam suis creditoribus super debitis traheretur in causam, res suas de mandato iudicis eiusdem loci detentas petijt in pace dimitti, asserens in eodem foro se iuri per omnia parituum. Cùmque respondere cepisset sub examinatione Scabinorum, & vni satisfecerit creditori, vt instantiam eluderet alterius debitum non modicum exigentis, signum Crucis vesti, non menti latenter affixit, nitens ab hoc iudicio se subtrahere inchoato. Iustitiarius autem ne dolus illius legi loci eiusdem seruatz diutius, ac iuramento firmatz fraudem pareret in posterum, & ipse de sua malitia commodum reportaret in alterius detrimentum, ipsum modo detinuit consueto, suoque tradidit creditori vinculis astringendum, vt bene detentus redderet, quod fugitiuus nixus fuerat asportare. Cuius facti occasione Venerabil. F. N. Remen. Archiepiscopus memoratum locum supposuit interdicto, personam præfatæ Nobilis excommunicari, totamque terram illius interdicti præcipiens, nisi prænominatum H. de sui creditoris manibus eriperet violenter. Propter quod eadem Nobilis ad Apostolicæ Sedis recurrentis auxilium, à nobis in hoc suæ prouideri iustitiæ postulauit: maxime cùm nihil habeat, sicut dicitur, in Diocesi Archiepiscopi memorati. Nolentes autem quòd eadem Nobilis sui iuris dispendium patiat, discretioni vestrz per Apost. script. mandamus, quatenus cùm ipsa se asserat nihil habere in Remen. Diocesi, ratione cuius præfati Archiepiscopi debeat iurisdictioni subesse, nisi per appellationem fuerit ad eum causa delata, vel extiterit delegatus, cùm Legatus non fuerit, tam interdicti, quàm excommunicationis sententias supradictas cognita veritate, appellatione remota, denuntietis penitus esse nullas. Alioquin ab eadem Nobili, quòd iuri pareat, idonea cautione recepta, easdem sententias relaxetis, iniuncto Nobili memoratz, quod de iure videritis iniungendum. Super alijs verò vocatis qui fuerint euocandi, & auditis hinc inde propositis, quod iustum fuerit appellatione postposita statuentes, sic occurratis malitijs, quòd salua iustitia, nec lædatur immunitas Crucesignatis indulta, nec immunitatis beneficium ad iniquitatis defensionem trahatur ab aliquo in altioris læsionem. Nullis litteris veritati & iustitiæ præiudicantibus à Sede apostolica impetratis. Quòd si non omnes, &c. tu frater Episcopo, cum eorum altero, &c. vos denique frater Episcopo, & filij Abbates, &c. Datum Laterani Nonis Ianuarij Pont. N. Anno quintodecimo.

EPISTOLA CXCVIII.

VT IN PLEBANATV A LEGATO APOST. CONCESSO
INSTITVTVM TVEANTVR.

*Archidiacono Graden. & Archipresbytero Capitis Ageris Clugien.
Diacef.*

SVPPLICAVIT nobis dilectus filius Petrus Pino Subdiaconus noster Canonicus sancti Marci, vt cum Venerabilis F. N. ... Episcopus Cremonen. apostolicæ Sedis Legatus Plebanatum Ecclesiæ sancti Ioannis de Riuo alto, cuius donatio ad nos erat secundum statuta Lateranen. Concilij deuoluta, canonicè sibi duxerit concedendum, concessionem ipsam apostolico dignaremur munimine roborare. Ideoque discretioni vest. per apost. script. mandamus, quatenus Plebanatum ipsum ei, sicut iustum fuerit, confirmantes, faciatis ab eo pacificè possideri, contradictores siqui fuerint, vel rebelles per censuram ecclesiasticam sublato appellationis obstaculo, mediante iustitia, compescendo. Datum Laterani iv. Non. Ianuarij Pont. N. Anno quintodecimo.

EPISTOLA CXCIX.

ARCHIDIACONO COLLATVM PLEBANATVM CONFIRMAT.

*Abbati sancti Felicis, & Archipresbytero Capitis Ageris Torcellan. &
Clugien. Diacef.*

SIGNIFICAVIT nobis... Archidiac. Graden. quòd cum Plebanatus Ecclesiæ sancti Apollinaris de Venetijs tanto tempore vacauisset, quòd secundum Lateran. statuta Concilij ad nos eius erat donatio deuoluta, Venerabil. F. N. Episcopus Cremonen. apostolicæ Sedis Legatus, attendens reditus Archidiaconatus eiusdem penè penitus esse nullos, Plebanatum præfatum sibi legationis auctoritate concessit. Vnde nobis humiliter supplicauit, vt concessionem eandem apostolico dignaremur munimine roborare. Ideoque discretioni vestræ per apost. script. mandamus, quatenus vocatis qui fuerint euocandi, & inquisita plenius, & cognita veritate, si reditus Archidiaconatus eiusdem adeò esse inuenieritis tenuous, & exiles, quòd non possit de ipsis dictus Archidiaconus congruè sustentari, Plebanatum prædictum eidem, sicut iustum fuerit, confirmetis, & faciatis ipsum pacifica eiusdem possessione gaudere; contradictores siqui fuerint, per censuram ecclesiasticam appellatione postposita compescentes. Tu denique fili Abbas, &c. Datum Lateran. iv. Non. Ianuarij Pont. N. Anno quintodecimo.

EPISTOLA CC.

VT CLERICALI PRIVILEGIO IN SCELERVM IMPVNITATES
ABVTENTES COERCEAT.

Morinen. Episcopo.



ONTINGIT interdum quòd dum clericali charactere insigniti ad turpia lucta diuertunt, & secularibus negotijs se immiscent, clericale nomen abominabile redditur cordibus infirmorum. Sanè sicut accepimus insinuantibus nobili viro... Comite Flauden. ac nobili muliere, M. relicta quondam, Ph. Flaudren. Comitum, in Diocesi tua quidam existunt, qui nec modo tonsuræ, nec in vestium forma, nec in qualitate negotiorum de clerico quidquam ostendunt, ad pœnæ subterfugium se clericos exhibentes. Quia cum super excessibus, quos seculari luxu committunt ad publica iudicia pertrahuntur, circūcis crinibus, vt possint circumuolite vindictam, se pro clericis repræsentant, clericalis fori priuilegium labijs alligantes, qui factis paulò ante negauerant clericatum: dùmque repentina tonsura pœnas eludunt, quas intonsi pœueris actibus meruerunt, per impunitatis fiduciam nutritur in eis audacia delinquendi, & dum impune delinquant, quibusdam efficiunt in scandalum, & alijs in exemplum. Verùm quia priuilegium meretur amittere, qui permissa sibi abutitur potestate, ac frustra legis auxilium inuocat, qui committit in legem; Volumus & mandamus, vt tales si tertio à te commoniti, seipso contemplerint emendare, illius efficiatur immunis tutela, quæ pro clericorum tutela, & laicorum violentia coercenda noscitur instituta. Tu denique frater Episcopo, &c. Datum Laterani, v. Idus Ianuarij, Pont. N. Anno xv.

In eundem modum scriptum est Archiepiscopo.

In eundem modum scriptum est Tornacen. Episcopo.

EPISTOLA CCI.

VT DENUNTIATIONEM CONTRA CHARITATIS EVANGELICÆ
OFFICIUM FACTAM REICIANT.

*Abbati, & Priori Cisterciens. & Decano Capellæ Ducis Diuionens.
Cabilonen. & Lingonen. Diocesis.*



LECTVS filius L. Decanus Christianitatis Diuionens. in nostra proposuit præsencia constitutus, quòd cum olim L. I. & H. Canonicis Capellæ Ducis Diuionens. Lingonen. Dioc. non ad correctionem, sed potius ad infamationem ipsius nobis quædam denuntiantibus, contra ipsum Venerabil. F. N.... Matisconens. Episcopo, & suis coniudicibus dederimus in mandatis, vt vocatis qui essent propter hoc euocandi, quod inuenirent super obiectis per suas nobis litteras intimarè; partibus in ipsorum præsencia constitutis, & eodem inficiante Decano, quòd denuntiationem ipsam monitio charitatiua p̄cesserit, & firmiter asserente prædictos Canonicos factæ denuntiationis tempore inimicos eius, & æmulos exti-

tisse; tandem fuit ad Sedem Apostolicam appellatum, cuius appellationi memorati iudices detulerunt. Idem verò Decanus quorundam Religiosorum litteras representans, qui de vita & conuersatione ipsius laudabile testimonium perhibebant, nobis humiliter supplicauit, vt occurrere aduersariorum suorum malitiæ, ac laboribus eius finem imponere dignaremur. Nolentes autem ipsum indebitè fatigari, discretionis vestræ per Apostolica scripta mandamus quatenus, si denuntiatores præfati monitionem caritatiuâ præmisisse super obiectis probare nequiverint; aut Decanus ipse docuerit illos super extitisse denuntiationis tempore inimicos, eundem ab illorum denuntiatione, sublato appellationis obstaculo, absoluat. Alioquin in eodem negotio iuxta priorum continentiam litterarum appellatione remota ratione præuia procedatis. Quod si non omnes, &c. duo vestrum, &c. Tu denique fili Abbas super teipso, &c. Datum Laterani, Idibus Ianuarij, Pont. N. Anno xv.

EPISTOLA CCII.

VT LIBERTATEM ELIGENDI EPISCOPI CANONICIS RELINQUAT;

Illustri Regi Cypri.

IN litteris nobis ex parte tua per dilectum filium Archidiaconum Famagustanum exhibitis querebaris, Ven. R. N. Patriarcham Hierosolymitan. Apostolicæ Sedis Legatum electionem de Theodoro Nicosien. Ecclesiæ secundum antiquam consuetudinem celebratam, pro suæ voluntatis arbitrio irritasse. Sed si electionis ipsius merita, & dicti Patriarchæ iudicium non in commotione spiritus, sed quietè ad rationis detulisses examen, & sanæ conscientie testimonium produxisses, approbasses utique de iure processum eiusdem, quem per iniuriam niscus es reprobare; nec laborasses ad talem proflitre querelam; per quam aduersus te ipsum formasti tacitè quæstionem, vno, eodemque libello constitutus actor & reus: Quia dum non contentus ijs, quæ Cæsaris esse debent, ad ea quæ Dei sunt manus extendis, actionem contra libertatem Ecclesiæ intentando, de calumniis te reum exhibes apud Deum, super ingratitude nihilominus reconuentum, cò quòd Ecclesiam, quæ te per Sacramentum Baptismi solutis vineulis seruitutis, quibus morti peccati tenebaris astrictus, in libertatem salutis eripuit, & regenerauit ad vitam, in duram & asperam redigere niteris seruitutem; cum absurdum sit, & ingratum, vt matrem filius, & sponsam Regis cœlestis Rex terrenus ancillet, in terra præsertim, quæ funiculus Domini hereditatis existit. Ecce Nicosien. Ecclesiam tam dure conditionis subijcere iugo laboras, quòd ei non pateris per electionem canonicam de persona idonea prouideri, eiusdem Canonicis eligendi necessitatem indicens illum, quem de duobus tibi nominatis ab ipsis tu primò duxeris eligendum. Sed si ex male coniugium liberas exigit contrahentium voluntates, & personis secularibus ad contrahendum legitimis absoluti consensus non est interdicta libertas, ridiculosum est, & probrosum vt Ecclesia compellatur alterius contrahere voluntate, ac spirituale coniugium de arbitrio pendeat seculari. Porro si ut accepimus tanquam ad priuilegium, & auctoritatem istius excessus indactis usurpata à quibusdam tuis prædecessoribus

& obtentam hæc ænus corruptelam, quasi sicut, & iniura, sic & iniuriam succedere deberes eidem, si eam ipsi forsitan inferebant. In quo quia diuturnitas temporis non minuit peccatum, sed auget, peccati vetustas, non rationalis vltus antiquitas allegatur. Ceterum quia hæc nec pari volumus, nec dissimulare debemus, præsertim cum tux sit saluti contrarium, vt hæc tibi aduersus te in nouissimo districti examinis die coram tremendo iudice referuntur, Serenitatem tuam rogandam diximus, & monendam per apostolica tibi scripta mandantes quatenus Nicolsien. Canonicos personam idoneam in patrem, & Episcopum animarum suarum eligere canonicè, sine qualibet contradictione permittas. Nec credas excellentiæ regis aliquid deperire, si Regi Regum qui aufert spiritum principum, & in Regno Cypri te secularibus prætulit, sua iura conseruant, Ecclesiastica non vsurper quæ ipsi Domino specialiter ascribuntur. Datum Lateran. Idib. Ianuarij Pont. N. Anno quintodecimo.

EPISTOLA CCIII.

NE CLERICOS IN FORO SECVLARI CONVENIRI PERMITTANT.

Episcopo, & Priori S. Petri, & Archidiacono Matisconen.

Audientiam nostram dñ. fil. I. Decano Christianitatis Diocesis non significante peruenit: quod nonnulli Iudæi Educti. Lingon. & Cabilonen. Diocesium super quibusdam debitis, fidei iustificationibus, & rebus alijs, ipsum in seculari foro convenire nituntur, quancumque paratos exsistat. coram Ecclesiastico iudice stare iuri. Quocirca discretioni vestre per apost. scripta mandamus, quatenus, si est ita, dictum Decan. non permittatis super hoc ulterius molestari, quamdiu paratus fuerit in foro Ecclesiastico respondere. Quod si non omnes, &c. tu frater Episcopo cum eorum altero, &c. Tu denique frater Episcopo super te ipso, &c. Datum Lateran. xiiij. Kalend. Februarij. Pont. N. Anno quintodecimo.

EPISTOLA CCIV.

UT SINT LIBERA IN ELIGENDO PRÆSULE SVFRAGIA.

Capitulo Nicolsien.

Si carnale coniugium liberis exigit contrahentium voluntates, & personis ad contrahendum legitimis absoluti consensus non est interdicta libertas: durum nimis est, & absurdum, vt Ecclesia nō suo, sed alieni iudicio contrahat, & spiritalis contractus coniugij ex arbitrio pōdeat laicali. Sanè sicut accepimus ex litteris Ven. F. N. Patriarchæ Ierosolymitanæ apostolicæ Sedis Legati, cum tractaretis de præficiendo vobis aliquo in pastorem, in quibus vnanimiter convenistis, carissimè in Christo filio nostro illustræ Regi Cypri primitus nominandos: vt quem ipse prius de illis duobus eligeret, præficeretis vobis in præsulem electione solemni. Sed cum hoc canonicis obuiet institutis, & Ecclesiasticæ sit contrarium libertati, idem Patriarchæ electionem, quam sub taliforma de vestre Thesaurario Ecclesiæ celebrastis, non personæ, sed electionis vido auctoritate nostra

irritam nuntiavit. Ceterum etsi pœnam merueritis, cùm super hoc non sitis immunes à culpa, quos nequit huiusmodi corruptelæ non consuetudinis antiquitas excusare, nos tamen de benignitate Sedis Apostolicæ agentes vobiscum misericorditer in hac parte; Vniuersitati vestræ per apostolica scripta mandamus, quatenus conuenientes in vnum, & sancti Spiritus gratia, sicut moris est inuocata, in Patrem, & Episcopum animarum vestrarum vobis personam canonicè, ac concorditer eligatis, quæ prodesse valeat, & præesse, per cuius circumspectionem prouidam, & prouidentiam circumspectam Nicolisen. Ecclesia, præueniente diuina gratia, & sequente salubriter valeat in spiritualibus, & temporalibus gubernari; cuius electionem, si vestris volueritis parere laboribus, & expensis, memorato Patriarchæ, ac Venerabilibus fratribus nostris.... Cæsarien. Archiepiscopo, &... Episcopo acconen. quibus super hoc vires nostras committimus, præsentare curetis, vt ipsi remoto appellationis obstaculo confirmet, vel infirmet eandem, secundum quod de iure fuerit faciendum. Datum Lateran. xviij. Kal. Februarij, Pont. N. Anno xv.

In eundem modum scriptum est super hoc eisdem vsque, temporalibus gubernant. Ideoque fraternitati vestræ per apost. scripta mandamus, quatenus cùm prædictum Capitulum electionem prædictam vobis curauerint præsentare, vos auctoritate nostra sublato appellationis obstaculo confirmetis, vel infirmetis eandem, secundum quod de iure fuerit faciendum. Quod si non omnes, &c. duo vestrum, &c. Vos denique fratres Patriarcha, Archiepiscopo, & Episcopo, super vobis ipsi, &c. Datum vt supra.

EPISTOLA CCV.

NE PROCURATIO ELECTIONIS CAUSA EXIGATUR.

Patriarcha, & Capitulo Antiochen.



VANTO Antiochena Ecclesia maiori, Domino disponente, præminet dignitate, tanto vobis est sollicitius prouidendum, ne fieri contingat aliquid in eadem, quod alicuius prauitatis exemplo mentes possit corrumpere subditorum; qui ea quæ vident fieri à maioribus faciliè solent trahere in exemplum. Ad nostram siquidem audientiam noueritis peruenisse, quòd cùm aliquis eligitur in Abbatem Ecclesiæ sancti Pauli, vos occasione confirmationis, procuracionem extorquetis ab ea trecentorum Byzantium valentiam excedentem. Cùm igitur id canonicam non sapiat puritatem, Vniuersitati vestræ auctoritate præsentium districtius inhiemus, ne procuracionem huiusmodi, nisi vobis aliàs debeat, occasione huiusmodi exigere de cetero vllatenus præsumatis. Tu denique frater Patriarcha super te ipso, &c. Datum Lateran. xviij. Kal. Februarij Pont. N. Anno quintodecimo.

HORTATUR VT A CHRISTIANORVM OPPVGNATIONE
DESISTAT.

Illustri Regi Cypri.

QVANTVM expediat vt tibi, & carissimo in Christo filio nostro... Regi Hierosolymitan. illustri, alijs principibus, & Baronibus in vltimarinis partibus constitutis sit in Domino cor vnum & anima vna, ipsa docere te potest circumfrentis barbariz multitudo, & innumerorum etiam regum, ac populorum exempla, qui leguntur illis succubuisse diuisi, quibus poterant restitisse coniuncti. Licet in hac parte nequaquam exemplis egeas peregrinis, vtpote qui manifeste cognoscis, quod inter cetera peccata populi Christiani, quibus exigentibus gentes in hereditatem Domini venientes Templum Domini, quod non absque dolore recolimus, polluerunt, plurimum nocuit discordia, & contentio, quae super principes & magnates ibi consistentes effusa, eos fecit in inuio aberrare, dum proprias persequentes iniurias, iniuriarum obliti sunt Crucifixi, & per adinventionum suarum malicias diuinæ maiestatis oculos prouocantes, illo meruerunt spoliari thesauro, in quo solo Apostolus gloriatur, Cruce videlicet Domini Iesu Christi. Si enim mandata Domini attendentes in vnitatis vinculo perstitissent, facta fuisset eorum pax iuxta verbum propheticum sicut flumen. Sed dum vir non curat parcere fratri suo, dum vnusquisque carnem sui brachij deuorat, dum transgrediuntur leges scedere dissipato, terram maledicto deuorauit, & habitatoribus ipsius peccantibus homines pauci relictæ sunt in eadem, coram quibus regionem ipsorum deuorant alieni, meritoque timendum est, ne in ijs omnibus nondum sit Domini furor auersus; sed adhuc manus diuinæ ultionis extenta, cum populus ad percutientem se necdum plenè redierit, sed quasi hostis desit conuerterit in se manus, ibique Christianus Christianum captiuare non dubitet, vbi tot principes alijque fideles sua pro defensione nominis Christiani corpora tradiderunt. Immo etiam vbi ipse Christus pro nobis tradidit semetipsum, Ecce enim tu ipse, qui eo deuotius teneris Regi militæte celesti, quod idem tibi maiorem contulit potestatem, dilectum filium Nobilem virum O. consanguineum dicti Regis, & quosdam alios vassallos eiusdem, qui Sarracenis eos armatis, ac igne urgentibus, ad terram tuam quasi torum Christiani populis receptaculum confugerunt, carcerali custodiæ, sicut accepimus, mancipasti, & spreto nomine Christi, quod inuocatum est super eos, ipsos tractari facis adeo inhumanè, vt eis nil videatur prodesse, quod effugerint seruitiam Barbarorum. Quinimò ipsis ad cumulum doloris accedit, & eorum poenas hoc ipsum non modicum exacerbat, quod ibi reppererunt supplicium, vbi refugium debuerant inuenisse. Ad hæc regnum ipsius, homines suos, qui sibi rebelles existunt contra eum, vt dicitur, manutenendo perturbas, diuinæ legi obuiare non metuens, qua quisque id alij facere, quod ipse sibi noller fieri prohibetur. Quia igitur per hoc inter te, ac ipsum Regem graue posset non sine populi Christiani periculo, & iactura scandalum generari, Serenitatem tuam

monemus

monemus, rogamus, & exhortamur in Domino, tibiſque in remiſſionem in-
iungimus peccatorum, quatenus dictum O. & alios Regis memorati vaſſallos,
quos licet non generatio carnis, baptiſmi tamen regeneratio efficit tibi fratres,
ob reuerentiam beati Petri, & noſtram; immò potiùs ob ipſius Chriſti timorem
pariter, & amorem, à quo nomen tecum accipere meruerunt, liberos abire per-
mittens, ipſius Regis hominibus nullum contra eum impendas auxilium, vel
fauorem; quinimò potenter aſſiſtas eidem ad iura ſua contra perturbatores in-
debitos defendenda, vt idem ad tuam per hoc amicitiam prouocatus, non odijs
tecum teneatur contendere, ſed obſequijs, ex quibus vtrique fructus tempora-
les prouenire poterunt & æterni. Taliter autem Apoſtolicum audire cures, &
exaudire mandatum, vt te tanquam obedientie filium charitatis brachijs for-
tiùs amplexantes, preces tuas, ſiquas aliquando nobis duxeris potrigendas ad-
mittere meritò teneamur. Datum Lateran. vij. Idus Ianuarij, Pont. N. Anno
quintodecimo.

EPISTOLA CCVII

AD REGIS HIEROSOLYMITANI DEFENSIONEM EXHORTATVR.

Magiſtro & Fratribus Militia Templi.



QUANTVM expediat vt vobis, & kariffimo in Chriſto filio
noſtro... Regi Hieroſolymitan. illuſtri, aliſſque Principibus,
&c. uſque, alieni. Ne igitur vobis in vos ipſos diuiſis terra ea-
dem, quod abſit ampliùs deſoletur, Vniuerſitatem veſtram
monemus, rogamus, & exhortamur in Domino, & per Apoſt.
ſcript. præcipiendo mandamus, quatenus Regi prædicto cõtra
quoſlibet Regni ſui perturbatores indebitos fideliter & viriliter aſſiſtentes, ter-
ram eius & iura, ſicut veſtra propria defendatis, memores quòd veſtra res agi-
tur paries cùm proximus ardet: & dum præſatum nitimini regnum defende-
re, propriã ſecuritatem noſcimini procurare: Nos enim Ven. F. N. Patriarchæ
Hieroſolymitan. Apoſtolicæ Sedis Legato noſtris damus litteris in mandatis,
vt vos ad id efficaciter moneat, & inducat, & ſi viderit expedire per cenſuram
Eccleſiaſticam, ſublato appellationis impedimento compellat. Datum La-
teranij. Idus Ianuarij, Pont. N. Anno quintodecimo. *In eundem modum ſcriptum
eſt Magiſtro, & Fratribus Hieroſolymitani Hoſpitalis.*

In eundem modum ſcriptum eſt... Comiti Tripolitani.

*Super hoc ſcriptum eſt... Patriarcha Hieroſolymitan. Apoſtolica Sedis Legato, vt eos
ad id efficaciter moneat & inducat, & ſi viderit expedire per cenſuram Eccleſia-
ſticam ſublato appellationis impedimento compellat.*

EPISTOLA CCVIII.

VT POPVLOS IN REGIS FIDE CONFIRMET.

Patriarcha Hierosolymitan. Apostolica Sedis Legato, & suffraganeis eius.

QUANTO ex dissensionibus principum, & magnatum Hierosolymitan. Prouinciarum grauiora sepius discrimina euenisse conspicimus, tanto sollicitius quieti, ac paci eiusdem intendere affectamus. Ne igitur propter obitum claræ memoriz... Reginz vxoris carissimi in Christo filij nostri Hierosolymitan. Regis illustris, aut alia quacumque causa regnum eius, ad cuius regimen vobis postulantibus est assumptus, à quoquam temerè perturbetur, ac per hoc contingat scissuras, & scandala in eadem prouincia generari, Vniuersitati vestræ per Apost. scrip. mandamus, quatenus vniuersos regni fideles, vt in ipsius Regis, &... filiarum suarum fidelitate firmi, stabilesque persistant, sedulis exhortationibus inducentes, rebelles siqui fuerint, aut alios quoslibet ipsius Regis, aut regni molestatores indebitos, cum ab eo fueritis requisiti per censuram Ecclesiasticam sublato appellationis obstaculo compefcatis. Vos denique fratres Patriarcha, & Episcopi super vobis ipsis, &c. Datum Lateran. v. Idus Ianuarij Pont. N. Anno quintodecimo.

EPISTOLA CCIX.

AD TERRÆ SANCTÆ DEFENSIONEM ADHORTATVR.

Illustri Regi Hierosolymitan.

VENIENTEM ad Apostolicam Sedem Venetabil. F. N. ... Sidonien. Episcopum consueta benignitate recepimus, & super obitu claræ memoriz... Reginz vxoris tuæ nobis nuntiato per ipsum, paterno tibi condolentes affectu, ea quæ idem Episcopus super tuis ac regni tui negotijs sollicitè, ac prudenter sicut vir prouidus, & fidelis proposuit coram nobis, quantum decuit curauimus exaudire. Monemus autem Serenitatem tuam, rogamus, & exhortamur in Domino, quatenus sollicitè pensans discrimina, & iacturas quas Hierosolymitan. prouincia ex dissensione Regum ac Principum consistentium in eadem multotiens noscitur incurrisse, ad arma contra Christianos mouenda non quibuscumque pettaharis iniurijs, aut ampliandi Regni cupidine inciteris; sed in sapientia vincens malitiam & de regno cogitans sempiterno, ad ea pro quibus natalis soli dulcedinem reliquisti, defensionem videlicet terræ sanctæ tota mente diligenter intendas, nec cautelam in prospetis, nec constantiam deferens in aduersis; sed omni tempore Dominum benedicens, & petens ab eo, vt dirigat vias tuas, & omnia consilia tua stabiliat in seipso, qui tuos non solum à tribulationis angustia liberat, sed etiam in ipsa tribulatione dilatat: vt timentibus Deum omnia cooperentur in bonum, & eum se consumptos putauerint, vt Lucifer oriantur. Nos verò in

proposito gerimus, & habemus in votis honores tuos & iura, tam in cismari-
nis partibus, quam etiam transmarinis defendere, & ad subuentionem tuam
efficaciter, si desuper datum fuerit laborare. Datum Lateran. v. Idus Ianuarij
Pont. N. Anno quintodecimo.

EPISTOLA CCX.

SVPER TOLOSANI COMITIS RECONCILIATIONE ET ABSOLV-
TIONE IUDICE DELEGAT.

Archiepiscopo Narbonen. Apostolica Sedis Legato, & Episcopo Regen.
& Magistro T. Canonico Iansen.



Et si rescandæ sunt putridæ carnes ne ad partes sinceræ cor-
ruptionis contagium extendatur; sic tamen cautè debet, &
providè manus medentia apponi, vt abscindatur ea cautela cor-
rupta, quod sincera per improvidentiam non laedantur. Acce-
pimus sanè per litteras, & nuntios karissimi in Christo filij no-
stri P. illustri Regis Aragonum, quod postquam aduersus Provinciales hæreti-
cos mandatum Apostolicum emanauit, Crucesignatis terram ingredientibus
Vicecomitis Biterren, eidem ipsius Regis subsidium imploranti tanquam Do-
mini specialiter dexteram subtraxit auxilij, & omnis consilij remedium denega-
uit: & nā super hoc Ecclesiæ propositum impediret, elegit tunc quibusdam de
esse Catholicis, ne adesse commixtis hæreticis videretur. Vnde Vicecomes præ-
dictus terram perdidit auxilio destitutus, ad vltimum miserabiliter interfectus.
Tu autem frater Archiepiscopo, ac Nobilis vir S. de Monteforti Crucesignatos
in terram Tolosani Comitis inducentes, non solum loca in quibus habitabant
hæretici, occupastis; sed ad illas nihilominus terras, quæ super hæresi nulla
notabantur infamia, manus auidas extendistis: & cum ab hominibus terrarum
illarum fidelitatis exegeritis iuramentā, & terras sustineatis inhabitare prædictas,
hæreticos illos existere verisimile non videtur. Dicebāt præterea nuntij supradi-
cti, quod sic indifferenter aliena contra iustitiā minis providè vsurpastis, quod
vix remanserit Comiti memorato Castrum Montis Albani, & ciuitas Tolosana.
Interea verò, quæ idem Rex sic asseruit occupata, expressis vocabulis designa-
uit, terrā quam claræ memoriæ R. Angliæ indotem suæ sororis Comiti dede-
rat supradicto. Item terras Comitis Fuxensis, Comitis Conuenarum, & Gasto-
nis Bearnen. Deduxit etiam specialiter in querelam, quod tu frater Archiepisc-
opo, ac Nobil. memoratus, licet iamdicti tres Comites vassalli Regis eiusdem
existerent, ab hominibus terrarum quas iidem amiserant petebatis, vt iuramen-
tum fidelitatis ex ipsius terris alij exhiberent. Adiecit etiam quod eum de przlio
Sarracenorum obrenta victoria redeuntem Comes adiit supradictus, & expo-
sisit damnis ei per Crucesignatos illatis, imputabat suorum merito peccatorum;
quod satisfactionem eius non admittebat Ecclesia, cum paratus existeret facere
quæcumque sibi possibilia mandaremus; & ne solus tantæ confusionis ferret
opprobrium, terram, filium, & uxorem sororem Regis ipsius relinquebat ei-
dem, vt eos si vellet defenderet vel permitteret exulare. Sed quia ex hoc confu-

sio sibi non minima immineret, & pœna sustinere deberet aethores, nec ultra extendi vindicta, quam inueniatur in excedente delictum, humiliter supplicabat Tolosanum Comitatu filio memorati Comitis reservari, qui nec unquam venit, nec veniet, Deo dante, in hæreticæ pestis errorem. Promisit præterea quod tam filium Comitis, quam etiam Comitatum in sua tenebit, quamdiu nobis placuerit, potestate, ut circa fidem plenius instruit, & moribus faciat melius informari & Aragonem, totam terram iamdictam committeret, ut hæreticæ contagionis sordibus penitus expurgatam ad quicquid plenè reducat fidei orthodoxæ, securitate oblata super ijs omnibus observandis, quam Sedes apostolica decerneret exhibendam. De Comite quoque subiunxit, quod paratus est agere pœnitentiam de commissis, qualem de reuerimus in iungendam: siue quod partes adeat transmarinas, siue quod sit in Hispania circa frontatiam contra gentis perniciem Sarraçenæ. Ceterum quia negotium arduum est, & multa in eo fuit deliberatione processum, ac per Dei gratiam factus est prosperatum, ne de leui, quod absit, deparire valeret, quod multis laboribus est patratum, in ipso non debet sine gravi cautela, & maturitate procedi. Quocirca mandamus quatenus in loco securo & apud Archiepiscoporum, Episcoporum, abbatum, Comitum, Baronum, Consulum, & Rectorum, & aliorum virorum prudentum, quos ad hoc necessarios, & idoneos esse videritis, concilio convocato, & propositis coram eis quæ Rex proponit, & offert, odio, timore, gratia, & amore carnalibus omnino postpositis, quæ super præmissis protulsa, & deliberata fuerint, in cōmuni & in quò conuenerint omnes, vel pars concilij sanctoris nobis fides iter referibatis, ut intellecto vestro consilio statuamus quæ secundum Deum viderimus statuenda: cum videatur proculdubio expedire, ut hoc modo, vel alio dictæ terræ de Rectore idoneo consulatur. Quod si non omnes, &c. duo vestrum, &c. vos denique fratres Archiepiscopo, & Episcopo super vobis ipsis, &c. Datum Lateran. decimoquinto Kal. Februarij, Pontific. nostro quinto decimo.

EPISTOLA CCXI.

VT REGI ARAGONVM, EIVSQVE VASSALLIS ABLATA
RESTITVAT.

Nobili Viro S. Comiti Montisfortis.



LX parte karissimi in Christo filij nostri P. illustris Regis Aragonum per nuntios eius fuit propositum coram nobis. quòd tu conuertens in Catholicos manus tuas, quibus suffecisse debuerat in homines hæreticæ prauitatis extendi, per Crucesignatorum exercitum ad effusionem iusti sanguinis, & innocentium iniuriam prouocatum, terras vassallorum Regis ipsius, videlicet Comitis Fuxensis, Comitis Conuenarum, & Gastonis Bearnen. in eius graue præiudicium occupasti; licet in eis nec hæretici aliqui habitarent, nec habitatores earum super hæreticæ pestis errore infamia conspersissent. Asserebant præterea nuntij Regis præfati, quòd cum ab hominibus terrarum illarum fidelitatis exegeris iuramenta, &

terras patiaris inhabitare prædictas, eos eſſe Catholicos tacite conſiteris vt hæreticorum abneges te fautorem, vel hæreticos te fouere quodammodo reſpon-
des, ſi legitime occupaffe terram illorum alleges. Formabant nihilominus ex eo
querimoniam ſpecialem, quòd dum Rex ſeruitio Ieſu Chriſti contra Sarrace-
nos inſiſterer, & effuſioni ſuum, & ſuorum ſanguinem exponeret pro reueren-
tia fidei Chriſtianæ, tu bona vaſſallorum eiùſdem in propria uſurpabas, eoque
fortius ad depreſſionem inſtabas illorum, quò minus Rex poterat eis opem
ſux proteſtionis impendere, vires ſuas expendens contra Sarracenæ gentis per-
fidiam in auxilium populi Chriſtiani; & cum adhuc Rex idem partes ſuas con-
tra Sarracenos intendar armare, vt aduerſus eos Deo duce tanto efficaciùs poſſit
inſurgere, quanto maiori quoad alios quiete gaudebit, in pace ſibi reſtitui per
Sedem Apoſtolicam, quæ vaſſallorum eius extiterant poſtulabat. Nolenſ reſigi-
tur ipſum ſup iure fraudari, nec iam dictum eius propoſitum impediri, Nobili-
tari ruz per apoſt. ſcript. mandamus, quatenus eidem Regi, & vaſſallis eius ter-
ras reſtituas ſupradictas, ne ad tuum ſpecialem, non generalem Catholicæ fidei
laboraſſe proſectum per retentionem illicitam videaris. Datum Laterani, xvj.
Kal. Febr. Pont. N. Anno quintodecimo.

EPISTOLA CCXII.

VT REGI ARAGONVM LEGITIMA EXHIBEAT RATIONE
FEVDI OBSEQVIA.

Nobili Viro S. Comiti Montisfortis.

CVM ad mandatum Sedis apoſtolicæ kariffimus in Chriſto filius
noſter P. illuſtris Rex aragonum in feudum tibi conceſſerit Car-
caſſonam, quam ab eo Vicecomes tenuerat Biterren. poſtula-
bat, vt ea ſibi faceres, quæ dictus Vicecomes, ei ſuiſque prædeceſ-
ſoribus facere conſueuerat, & debebat. Quia verò intentionis
noſtræ non extitit, quòd ei de iure ſuo per talem feudatarium aliquid deperiret,
nec te ſubtrahere debes illius oneribus, in cuius quoad feudum ipſum ſucceſſi-
ſti commodum & honorem; cùm poſſeſſionum onera mutari de leui non con-
ſueuerint mutationibus poſſeſſorum, quia res cùm onere ſuo tranſit, per apoſt.
ribi ſcript. mandamus, quatenus ea dicto Regi facere non recuſes, ad quæ me-
moratus Vicecomes tenebatur eidem; quoniam quantumcumque te in Do-
mino diligamus, ſic tibi nec volumus, nec debemus adeſſe, vti ipſi Regi de-
eſſe in ſua iuſtitia videamur. Datum Lateran. xvij. Kal. Februarij Pont. N.
Anno quintodecimo.

VT CHRISTIANOS INVICEM CONSPIRANTES AD
SARRACENORVM CLADEM INVITET.

Archiepiscopo Narbonen. Apost. Sed. Leg.

QUAM iam capitis vulpeculis demolientibus vineam Domini Sabbaoth in Prouincia, quam virus infecerat hæreticæ prauitatis, & instantia bellicæ cladis fatis per Dei gratiam sit negotium fidei prosperatum: quia causa nunc magis vrgens occurrit, expedit vt ad illam manus Christiani populi conuertatur. Accepimus siquidem, quod Rex Sarracenorum partes suas armat ad prælium nitens eo fortiùs in fidei Christianæ cultores insurgere, quò lapsu grauiore succubuit sub populo Christiano; immo sub Christo causam suam propositio nobis iudicio iudicante. Terra etiam quæ funiculus est hereditatis Dominicæ cum auxilio multum indigeat, expetit, & expectat suffragia populi Christiani. Quia verò frequenter, & quidem frequentius vires collectæ proficiunt, in quibus sparsæ, de leui deficerent, vt Christicolarum generali, ac speciali negotio contra Sarracenæ gentis perfidiam tantò efficacius intendamus, quanto minùs erimus alijs occupati; fraternitati tuæ per Apost. scripta mandamus, quatenus habito cum karissimo in Christo filio nostro P. illustri Rege Aragonum, & tam Comitibus, quàm Baronibus, aliisque viris prudentibus, quos ad hoc noueris necessarios de pace ac treugis sollicito & diligenti tractatu, per pacis fœdera, vel treugarum firma securitate vallata, studeas diligenter toti Prouinciæ prouidere: sic quòd per indulgentias Sedis Apostolicæ, quæ aduersùs hæreticos emanarunt, Christianum populum non conuoces, aut fatiges, nisi fortè à Sede Apostolica super hoc mandatum susciperes speciale. Tu denique frater Archiepiscopo super teipso, &c. Datum Lateran. xvij. Kal. Febr. Bont. N. Anno xv.

EPISTOLA CCXIV.

PAROCHO DE REDITIBVS ECCLESIE COMPETENTER PROVIDENDVM.

*Magistris Lamberto, & Iacobo de Lauduno, & Iacobo de Maideires
Canoniciis Virdunen.*

AD audientiam nostram dilecto filio N. Presbytero significante peruenit, quòd cum animarum cura Parochianorum Ecclesiæ de Noeræ sit ei commissæ, patronis ipsius Ecclesiæ plena manu recipientibus prouentus spectantes ad ipsam, ei tam mediocriter est prouisum, quòd sustentari nequit de assignatis sibi redditibus competenter. Verùm cum sit æquitati contrarium, vt Ecclesiarum Patroni bonis Ecclesiasticis inebrientur, & ministri ieiunare cogantur, qui secundùm Apostolum suis non tenentur stipendijs militare; discretionis vestræ per Apost. scripta mandamus, quatenus dictos Patronos Ecclesiæ memoratæ, qui prouentus ipsius percipere dignoscuntur, ad supplendum eidem Presbytero quod ei deest in beneficio competenti, monitione perzua per censuram Ecclesiasticam

sublato appellationis obstaculo compellatis. Quod si non omnes, &c. duo vestrum, &c. Datum Lateran. xvj. Kal. Febr. Pont. N. Anno xv.

In eundem modum scriptum est eisdem iudicibus, ut supra, pro A. Presbytero Ecclesie de Mori usque commissi Przelato, ac Patronis eiusdem plena manu, &c. usque competententer. Verum cum sit equitati contrarium, ut Ecclesiarum Przelati ac patroni bonis Ecclesiasticis, &c. usque quatenus dictos Przelatum & patronos, &c. usque in finem.

EPISTOLA CCXV.

EIVSDEM ARGVMENTI.

Bertoldo Archidiacono. & Arnulfo. & Auberto Canonicis Meten.

EX parte dilecti filij I. Presbyteri Ecclesie de Possessa fuit propositum coram nobis, quod cum animarum cura Parochianorum eiusdem Ecclesie ipsi canonicè sit commissi, de ipsius prouentibus ei tam mediocriter est prouisum, patronis eiusdem retinentibus sibi decimas, aliosque prouentus ad ipsam Ecclesiam pertinentibus, quod nequit ibidem commodè sustentari. Verum quia Przelati & Ecclesiarum patroni bonis Ecclesiasticis inebriari non debent, & ieiunare ministri, qui secundum Apostolum militare suis stipendijs non tenentur, discretionem vestram per Apost. scripta mandamus, quatenus patronos Ecclesie memorate, &c. ut in alia, usque compellatis. Quod si non omnes, &c. duo vestrum, &c. Datum Lateran. xiiij. Kal. Febr. Pont. N. Anno xv.

In eundem modum scriptum est Decano. Archidiacono. & Cantori Treueren. pro I. Presbytero Ecclesie de Bausel, usque prouisum. Pastore ac patronis eiusdem, &c. usque quatenus Przelatum & patronos Ecclesie memorate, &c. ut in alia usque in finem.

EPISTOLA CCXVI.

VT SUSPENSO POST LEGITIMAM PURGATIONEM
VENIAM INDVLGEAT.

Episcopo Glasuen.

DIVERSI quosdam Clericos, qui dudum ad Sedem Apostolicam accedentes à vicinis Episcopis Castellano videlicet, & ... Ortano, ... Sutрино, & ... Nepesino temerè se fecerunt ad sacros Ordines promoueri, gravi fuimus indignatione commoti, pro eo maximè quod quosdam eorum per falsas litteras, & simulationem prauitatem accepimus fuisse promotos. Vnde ordinatores à potestate suspendimus ordinandi, & ordinatis executionem Interdicimus Ordinum taliter susceptorum. Nuper autem quidam ex ipsis Vvalterus lator presentium ad nostram reuertens presentiam, magno fletu quotidie non cessabat ad nos oportune, importune clamare suppliciter obsecrando, ut cum eo misericorditer agere dignaremur, cui diu nos difficile exhibuimus, & seueros in tantum, quod eidem iniunximus ut rediret, ne nos super hoc diutius molestaret. Sed nec sic ab obsecrationis instantia desistere voluit, quò magis repellebatur à nobis, eò

magis apud nos ut miseremur instabat. Eius denique nos exemplo, qui cum iratus fuerit non obliuiscitur misereri, rigorem mansuetudine providimus temperandum. Cum & ipse, exemplo Iacob luctantis, cum Angelo nullatenus nos dimitteret, nisi ei benedicere curaremus. Quocirca fraternitati tuæ per Apost. scrip. mandamus, quatenus si prefatus W. de predictis duobus criminibus canonice se purgauerit, falsitate. videlicet litterarum & simoniaca prauirare suspensionis sententiam quam in sic promotos prorulimus, circa ipsum debeas relaxare, ut si aliàs dignus sit & idoneus, & ei concedere volueris, in tua possit Diocesi celebrare. Ad hæc per Diocesim tuam publicè ac districtè prohibeas, ne quis ulterius se faciat raliter ordinari; & ne facilitas venæ incennium tribuat delinquendi, quicumque de cætero taliter fuerit ordinatus, eo ipso se nouerit ab ordinis executione suspensum. Tu denique frater Episcopo super te ipso, &c. Datum Lateran. x. Kal. Febr. Pont. N. Anno xv.

EPISTOLA CCXVII.

NE SE ABBATIS ELECTIONI INTERPONAT.

Nobili viro Comiti Tripolitani.

VM secundum Apostolum antiquis patribus omnia contrigerint in figura, & ad nostram eruditionem sunt scripta, per Oziam Regem qui sacerdotum volens officium usurpare suæ reuerentiæ poenam lepra percussus à Domino non euasit, manifestè confunditur quorundam præsumptio laicorum, qui dum negotijs ad personas Ecclesiasticas pertinentibus se temerè immiscere non meruunt, proculdubio lepram, id est grauis peccati maculam non euadunt. Peruenit autem ad audientiam nostram, quod cum in Ecclesia B. Pauli Anniochen. Abbatis electio celebratur, rites facis ab ipsius loci Monachis nominari, quorum vnum illum videlicet, quem potius acceptaueris confirmandum præsentas vnà cum monachis memoratis. Volentes igitur tam tuæ salutis, quam eiusdem Monasterii libertati iuxta officij nostri debitum providere, ne ipsorum electioni te de cætero immiscere præsumas, vel impediās, quominus eum quem sibi magis vilem reputauerint, liberè valeant eligere in Abbatem, præsentium auctoritate districtius inhibemus. Datum Lateran. v. Kal. Febr. Pont. N. Anno xv.

EPISTOLA CCXVIII.

ARBITRIUM A CARDINALE SANCTÆ ECCLESIE PROLATVM
AVCTORITATE PONTIFICIA CONFIRMAT.*N. Abbati & Conuentui Saxinui.*

VM à nobis petitur, &c. usque, perducatur effectum. Ea propter dilecti in Domino filij vestris iustis postulationibus grato concurrentes assensu, arbitrium quod dilectus filius noster P. ritul. Sanctus Ceciliz Presbyter Card. inter vos, & Ven. fratrem nostrum. Spoletan. Episcopum super quibusdam Ecclesijs, Episcopali iure, possessionibus, oblationibus, decimis, p. imitijs, mortuarijs, visitationibus, pro-

curacionibus, institutione Clericorum, & correctione ipsorum, ac rebus alijs rationabilior promulgavit; sicut in authenticis inde confecto, cuius tenorem de verbo ad verbum presentis iussimus paginæ annotari, plenius continetur, auctoritate apostolica confirmamus, & presentis scripti patrociniis committimus. Tenor autem arbitrij memorati est talis. Pelagius miseratōne diuina, etuli sanctæ Cæcilie Presbyter Cardinalis, omnibus presentem paginam inspectoris, ita vobis salutari salutem. Cū olim religioso viro N. Abbati Monasterij Saxiniui, I. Procuratori venerabilis Patris, Spoletani Episcopi nos Dominus Papa concesserit auditorem, idem I. Procurator Episcopi petijt coram nobis, vt sancti Anastasij de Colle, ac sancti Laurentij de Spoleto Ecclesias cum earum possessionibus, & fructibus perceptis ex ipsis, necnon etiam cuncta iura Episcopalia in omnibus Ecclesijs infrascriptis, videlicet sancti Nicolai Interamnesi, sancti Angeli de Monte publico, sanctæ Trinitatis, sancti Apollinaris, sancti Saluatoris de Ensinio, sancti Laurentij Heremite Cervariæ, sanctæ Petri de Flavimiani. sancti Clementis de Matilia, sancti Petri de Azan. sancti Nicolai de Nera, sancti Nicolai de Menchia, sancti Andreæ cum Capellis suis. Item sancti Fortunati cum Capellis suis, quæ sunt sanctus Euticius Vespiz, sancta Maria de primo casu, sanctus Agidius, Sancta Lucia de Ferro. Item sancti Martini de Narro cum medietate Capellæ sancti Saviniani de Alati. In ijs inquam Ecclesijs, aliisque rebus, & possessionibus quæ in Diocesi Spoletana tenentur ab Ecclesia Saxiniui faceremus eidem Episcopo restitui & persolui: ad hæc verò cum Abbas donationem Episcopi Spoletani, patronorum concessionem, apostolica priuilegia, & temporis longæuitatem allegans, petitionem procuratoris Episcopi multipliciter excludere niteretur, disiecto in Christo Fratri... Vrbevetan. Archidiacono & coniudicibus suis eadem fuit causa commissa, qui receptis testibus ab utraque parte productis, & confessionibus, ac rationibus intellectis, causam ipsam ad examen Summi Pontificis remiserunt sufficienter instructam. Igitur partibus iterum in nostra presentia constitutis, cū procurator Episcopi eumad prædicta restitui postulasset, quibus iuxta suam assertionem fuerat contra iustitiam spoliatus. Idem Abbas in præfatis Ecclesijs, ac earum Parochijs, & Capellis diuturno vsu, & præscriptione longæua omnem sibi rationem Episcopalem acquisitam allegans Procuratori Episcopi super prædictis Ecclesijs, atque rebus imponi silentium postulabat. Ad quod idem proposuit procurator, quod cū eius intentio communi esset iure fundata, præscriptio temporis opposita ex aduerso eam non potuit impedire, cū per suorum depositiones testium probaretur T. M. & B. Spoletan. Episcopos medio tempore in quibusdam prædictis Ecclesijs hospitium recepisse. Ijs igitur, & alijs quæ coram nobis fuere proposita, per nos fideliter Domino Papæ relatis, quod procurator ipse non probauit legitimè Spoletan. Episcopum super prædictis rebus, ad quæ restitui petijt spoliatum fuisse, de fratrum consilio super prædictis, quoad possessorium abbatem absoluit, reseruata sibi nihilominus declaratione in petitorio actum fuerit super omnibus super prædictis, nisi interim inter partes amicabilem posset compositio propinire. Post hæc verò cū partes iterum in nostra cōparuissent præsentis, & ita super depositionibus testium, quàm priuilegijs, ac instrumentis fuisset fere per biennium disputatum;

tandem partes volentes parcere laboribus, & expensis nostro se præcise commiserunt arbitrio, promittentes sub pœna centum librarum Perusinarum nostro parere arbitrio in quæstione prædicta. Nos autem vtriusque partis voluntate diligentius indagata, & intelligentes quo quilibet partium foret contenta, à voluntate partium in nullo fere, vel modico discordantes, tale duximus arbitrium promulgandum. Videlicet quòd Episcopus Spoletanus in S. Petri de Azano, Sancti Petri de Flaminian, sancti Clementis de Matilis, sancti Nicolai de Nera Ecclesijs, plenum ius Episcopale, & habeat, & possideat: nec vnquam sibi super hoc à Monasterio Saxiuiui quæstio referatur, iuris patronatu in eisdem Ecclesijs Monasterio reseruato. Item præcipimus, quòd Monasterium Saxiuiui restituat Episcopo Spoletan. centum libras Lucan. monetæ, in quibus idem Episcopus propter suam contumaciam Monasterio fuerat condemnatus. Omnes verò reliquas Ecclesias enumeratas superius cum possessionibus, & Capellis suis, oblationibus, decimis, primitijs, mortuarijs, visitationibus, procuracionibus, institutione Clericorū, & correctione ipsorum, & alijs pertinentijs suis adiudicamus Monasterio Saxiuiui, inhiabentes Episcopo Spoletan. ne de cetero in prædictis Ecclesijs, ac earum clericis, & alijs pertinentijs suis ratione Episcopalis iuris sibi audeat aliquid vendicare, vel petere: sed pleno iure ad prædictum pertineant Monasterium in futurum. Actum Lateran. in Palatio Domini Papæ præsentibus. Nucertino, & . . . Colimbrien. Episcopis & alijs quampluribus clericis, presentibus etiam Rainaldo Vicedomino Spoletan. Ecclesiæ, & Magistro P. Spoletan. Canonico, & consentientibus. Anno ab Incarnatione Domini mill. cc. xij. Pontificatus verò Domini Innocentij Papæ tertij, anno quintodecimo, septimodecimo Kal. Iannuarij. Hoc autem omnibus notum fieri volumus nos ab vtriusque Ecclesiæ Capitulo specialiter litteras recepisse se ratum habituros arbitrium, sique concordiam per nos factam. Nulli ergo omnino hominum liceat hanc paginam nostræ confirmationis infringere, vel ei ausu temerario contraire. Si quis autem, &c. usque, incursum. Datum Laterani x. Kal. Febr. Pont. N. Anno xv.

EPISTOLA CCXIX.

CONTRouERSIAM SVPER DIVORTIO COMPONERE, ET CONIVGES
IN GRATIAM REDVCERE NITITVR.

Maria illustri Regina Aragonum.



NOVIT ille qui est testis in cœlo fidelis, cui omne cor patet, & nulum latet secretum, quòd in causa matrimonij, quæ inter te, ac carissimum in Christo filium nostrum P. illustrem Regem Aragonum virum tuum diutius noscitur agitata, via regia semper incessimus; nec ad dexteram declinauimus, vel sinistram: quod teste conscientia in causis facimus vniuersis, quæ ad nostrum perferuntur examens, cum illius vices disponente ipso exerceamus in terris, qui iustus, & iustitiam diligens sine acceptione iudicat personarum. Nec ignoremus legis diuinæ mandatum, quo habere pondus & pondus, mensuram & mensuram, quorum utrumque apud Deum est abominabile, prohibemur, & æqua lance causas, & merita pensare præcipimur singulorum. Licet igitur inter alios mundi principes prædi-

atque Regem, sicut opera ipsa declarant amplexum specialis dilectionis affectu, & ad personam ipsius honorem, & commodum aspicimus: ubi tamen ad iudicii pervenitur examen, in quo nec respicere pauperem, nec potentis vultum honorare permittitur, nullam ei, vel alij gratiam facere possumus, aut debemus; & maxime ubi agitur de matrimonij Sacramento, quod ante peccatum in Paradiso à Domino institutum, prater propagationis humani generis fructum, illud ineffabile Sacramentum coniunctionis Christi videlicet ad sanctam Ecclesiam, Dei ad fidelem animam, & ipsius Verbi ad humanam naturam noscitur figurare, Apostolo attestante, qui de bono matrimonij agens inquit; *Ego autem dico, magnum in Christo, & Ecclesia Sacramentum.* Dudum igitur cum idem Rex matrimonium contractum inter te, ac ipsum proponeret se habere suspectum, pro eo quod tu ferebaris matrem alium habere superstitem, videlicet nobilem virum Comitum Conuenerum; ac idem Rex prius carnaliter mulierem quandam cognoverat te ipsam consanguinitatis, ut dicebatur, linea contingentem, & super hoc conscientiz, ac salutis sue consuli postulans, causam bonarum memoriarum Pampilonen. Episcopo, & P. de Castro Novo, & Fratri Radulpho Monachis Fontis Frigidi, qui duo tunc erant Apostolicæ Sedis Legati nos meminimus commississe. Coram quibus cum lis fuisset super duobus præfatis articulis per partium procuratores legitime contestata, Nobili viro Hugoni de Turre rubea consanguineo Regis tunc matrimonium, ut dicitur, accusante, Legatis eisdem interim ab hac luce subtractis, & Episcopo pro suis, & Ecclesiæ suæ negotijs apud Sedem Apostolicam occupato, causam ipsam Venetabilibus fratribus nostris... Narbonen. Archiepiscopo, tunc Cisterciens. Abbati, & Vricen. Apostolicæ Sedis Legatis, ac Regem. tunc officio legationis fungenti, Episcopis duximus committendam sub ea forma qua præfatus Pampilonen. & suis coniudicibus fuerat antè commissæ, nullo in posterioribus litteris addito, vel mutato; ut videlicet, si appareret legitimus accusator, causam convocatis partibus audientes eam, si de partium voluntate procederet, sine canonico terminarent; alioquin gesta omnia fideliter conscriberes, ea nobis sub suarum testimonio transmitterent litterarum, præfigentes partibus terminum competentem, quo per procuratores idoneos nostro se conspectui præsentarent, iustum, Deo auctore, iudicium recepturæ. Te igitur, ac eodem Rege, sicut ex actis intelleximus, personaliter in ipsorum iudicium præsentia constitutis, Rex proposuit memorarus, quod tu sibi de iure sociari non poteras fœdere maritali; tum quia carnaliter consanguineam tuam antè cognoverat, ex quo sequebatur te sibi fœde affinitate coniunctam; tum quia dicto Comiti Conuenerum adhuc superstiti fueras in Ecclesiæ facie matrimonialiter copulata; per quod constabat te cum ipso contrahere nequivisse, cum ab eodem Comite separata per iudicium Ecclesiæ non fuisses. Tu verò ibidem fuisti absolute confessæ, quod reuera patre tuo vivente, ac procurante contraxeras cum Comite memorato: sed adiecasti, quod huiusmodi matrimonium de facto contractum fuerat, non de iure, cum idem Comes tibi esset consanguinitate pariter, & affinitate coniunctus, & insuper duas haberet uxores tempore, quo tecum noscitur contraxisse, ad quæ probanda tibi dari terminum postulasti. Et licet fuerit ex Regis patre responsum, quod tunc super hoc exceptiones recipi non debebant, donec esses præfatus Comiti, cum quo te contraxisse confessæ fueras,

restituta, nec ipse exceptionibus tehebatur huiusmodi respondere. Ad vltimum tamen ita fuit de partium voluntate prouisum, vt scilicet salua Regi exceptione, seu replicatione predicta vtriufque partis probationes super præmissis articulis audirentur. Postmodum B. Aimerij quem Rex procuratorem in negotio constituerat memorato, de consensu Regis tria se obtulit probaturum, scilicet matrimonium prius fuisse contractum inter te ac Comitem Conuenarum, & matrimonium, siquod fuit inter eundem Comitem, & G. filium A. de Barra fuisse iudicio Ecclesie separatum, antequam te sibi Rex idem matrimonialiter copulasset, & filiam Comitis Bigoræ vxorem quondam Comitis antedicti, fuisse predicto Regi consanguinitate coniunctam. Et si terminus fuit partibus assignatus, facta promissione hinc inde, quod alias dilationes non peterent ad proponendum aliud vel probandum. Cumque partes termino constituto in duorum iudicum predictorum presentia, tertio litteratoriæ suam excusante absentiam cõuenissent: tu proponens te infirmitate grauata testes tuos medio tempore producere nequiuisset, dilationes alias postulasti, quas licet dictus procurator Regis assereret tibi non esse vllatenus concedendas, pactionem factam de non petendis dilationibus allegando, ac super hoc fuisset diutius disputatum; tandem de consensu partium concessa fuit sub præfata conditione, seu pactione dilatio, & terminus assignatus; ad quem cum venisset R. procurator tuus, ac rursus dilationes alias postularet, dicto procuratore Regis eas tibi non debere cõcedi omnimodis contendente, Iudices ad Montepessulanum vnâ cum ipsis procuratoribus accesserunt, vt ibi te præsentem negotium tractaretur; vbi cum super dandis, vel non dandis dilationibus fuisset à partibus diutius litigatum. Tandem dicto procuratore Regis adhibente consensum, iudices sub conditione præmissa dilationes alias concesserunt, locum, & terminum partibus assignantes. Porro partibus præfixo termino in iudicum presentia constitutis, te absente, tuo tamen procuratore præsentem, procurator Regis de nouo proposuit, quod dictus Conuenarum Comes ipsum Regem consanguinitatis linea contingebat, per hoc inter te, ac ipsum probare aliam affinitatem intendens, super quo, quanquam lis minimè contestata fuisset, & conuenisset, vt dictum est, inter partes, quod aliquid de nouo proponere non deberent, iudices tamen testes qui nequaquam iurauerant, nisi super illis dumtaxat articulis super quibus lis fuerat contestata, recipere præsumpserunt; super quo de ipsorum prudentia non possumus non mirari, & si procurator Regis cotam nobis multipliciter conatus fuerit demonstrare in hoc articulo legitimè fuisse processum. Demum cum probationibus & allegationibus fuisset renuntiatum hinc inde, licet tu quod non opponeres appellationis obstaculum, iuramento præstito promississes: quia tamen facultas à nobis sententiam audiendi, si malles, in nostris tibi fuerat litteris reservata, vt volens beneficio earundem humiliter postulasti, vt ad nos causa remitteretur instructa; præfixo partibus termino competenti. Cuius petitione, sicut ius exigebat admissa, dicti iudices acta omnia, prout à nobis in mandatis acceperant, ad nos sub sigillis suis fideliter transmiserunt. Cum ergo tu, & dilectus filius magister Colombus procurator Regis, vir veique litteratus, prouidus & fidelis, ac de sollicita diligentia, & diligenti sollicitudine in eodem negotio habita meritis cõmendandus, propter hoc ad nostram presentiam venissetis, causam in Consistorio publico

publico solemniter examinauimus, & attentè. His igitur, quæ à partibus prudenter, subtiliter, ac fideliter, tam super actis in præsentia iudicum prædictorum, quàm coram nobis fuere proposita, diligenter auditis, & subtili examinatione discussis, quia nobis constitit euidenter, quòd Comes Conuenarum prædictus te in distantia tertij, & quarti gradus consanguinitatis, & affinitatis contingit, & idem Comes prius in conspectu Ecclesiæ cum nobili muliere Beatrice contraxerat, à qua non est probatum ipsum Ecclesiæ fuisse iudicio separatum, cùm super proposito affinitatis articulo nihil contra te legitimè sit probatū, de comuni fructum nostrorum consilio, te ab impetitione Regis super ijs, quæ in iudicium fuere deducta sententialiter duximus absoluendam. Te ex eo nequaquam ream esse perurij decernentes, quòd causam instructam ad nostram remitti præsentiam postulasti; cùm id, sicut est expressum superius, in nostris fuisset tibi litteris reservatum. Nulli ergo omnino hominū liceat hanc paginam nostræ diffinitionis infringere, vel ei, &c. *vsque* contraite. Si quis autem, &c. *vsque* incursum. Datum Lateran. xiv. Kal. Februarij Pont. N. Anno xv.

In eundem ferè modum scriptum est carissimo in Christo filio nostro P. illustri Aragonum Regi. Nouit ille, qui est testis in Cælo fidelis, &c. *vsque* in nostris sibi fuisset litteris referuatum. Monemus igitur Serenitatem tuam, rogamus, & obsecramus in Domino, Celsitudini tuæ nihilominus ex animo consulentes, quatenus non molestè sustinens, nec admirans, quòd tibi non detulimus contra Deum: sed potiùs cogitans, quòd non tam tuæ curauimus voluntati consulere, quàm saluti. Ac ideo nostris acquiescens consilijs, quæ tibi semper utilia extiterunt, Reginam eandem in plenitudinem gratiæ regalis admissam benignè recipias, & maritali affectione pertractes; præsertim cùm filium susceperis ex eadem, & sit mulier Deum timens, multa prædita honestate: vnde pro certo speramus multa ex ipsius consortio, maxime si ad Deum respectum habens, ipsam sicut Reginam honorificè, ac decenter tractaueris, Serenitati tuæ commoda prouentura, cùm vir etiam infidelis per fidelem mulierem saluetur, Apostolo attestante. Alioquin nec tu videreris à principio motæ litis tuam, prout assebas, voluisse sanare conscientiam, sed potiùs sauciare: nec nos quantum cumque tuæ deferre sublimitati velimus, quod Deus coniunxit humana sustineremus præsumptione seiūgi. Denique noueris nos Vv. FF. NN. Carcass. ... Aumion. & Aurascen. Episcopis per nostras dedisse litteras in mandatis, vt si nostrū super hoc, quod non credimus, neglexeris adimplere mandatum, ipsi te ad id per celsuram Ecclesiasticā sublatò appellationis impedimento compellant. Datum vt supra.

In eundem ferè modum scriptum est super hoc eisdem. Nouit ille, &c. *vsque*, fuisset litteris referuatum. Vnde Serenitatem regiam rogandam duximus, & monendam per Apost. script. mandantes, Celsitudini eius nihilominus ex animo consulentes, quatenus non molestè sustinens, nec admirans, quòd ei non detulimus contra Deum, sed potiùs cogitans, quòd non tam eius curauimus voluntati consulere, quàm saluti: ac ideo nostris acquiescens consilijs, quæ tibi semper utilia extiterunt, Reginam eandem in plenitudinē gratiæ Regali admissam benignè recipiat, & maritali affectione pertractet; præsertim cùm filium susceperit ex eadem, & sit mulier Deum timens, multa prædita honestate, vnde pro certo speramus multa ex ipsius cōsortio, maxime si ad Deū respectū habēs ipsam sicut

Reginā honorificē, ac decetē tractauerit, Setenitati eius cōmoda pronētura: cū vit etiā infidelis per fidelem mulietē salueret Apostolo attestante. Alioquin nec ipse videretur à principio mortuū suam, prout asseretebat, voluisse sanare conscientiā, sed potius sauciare. Nec nos quantumcumque ei deferre velimus, quod Deus cōiūxit humana sustinetemus præsumptione sciungi. Ideoq; si aternitati vestræ per Ap. scrip. mandamus, quatenus si Rex ipse nōstrū super hoc, quod nō credimus, neglexerit adimplere mandatū, vos ipsum ad id per censurā Ecclesiasticā, sublato appellationis obstaculo cōpellatis. Quod si non omnes, &c. duo vestrū, &c. Vos denique fratres Episcopi super vobis ipsis, &c. Datum vt supra.

EPISTOLA CCXX.

VT SIBI DEBITA IN COMITATV TOLOSANO SVCOSSIONIS
LEGITIMÆ IVRA CONSERVET.

Littera ad Dominum Papam.

✠✠✠✠ ANCTISSIMO in Christo Patri, & Dño speculissimo suo I. Dei gratia
✠✠✠✠ summo Pontifici Petrus Bermuadi, filius Betnardi de Andusia, Dñs
✠✠✠✠ de Salue obediētissimus, & deuotissimus miles eius, salutē & omni-
modæ deuotionis affectū. Cū nos, & progenitores nostri homines
spiritalis simus Ecclesiæ S. Romanæ, tectāq; nostrā pro maiori partē tenea-
mus ab ipsa, certū censum debentes, & sēper fuerimus obediētes, & deuoti eidē:
si mitet credimus, & speram⁹ omni scrupulo dubitationis amoto, quod Sāctitas
vestra velit omnia iura nostra seruare illæsa. Nouerit igitur Paternitas vestra, Pa-
ter sanctissime, quod nos in vxorē habemus quādam filiam Comit̃s Tolosani,
præter quam idem Comes legitimā prolem non habet. Vnde terra dicti Co-
mitis ad nos meli⁹, quā heredem aliū de iure noscitur pertinere. Vestram
itaque Beatitudinem quanta possumus humilitate deposcimus, quatenus R. fi-
lium memorati Comit̃s Tolosani ad preces, vel potius ad fraudes alicuius sup-
plicantis, inimo supplicium Ecclesiæ postulantis pro ipso, nullatenus institua-
tis heredem, si placet: Nec eum, quod non sit, sicut legitimū habeatis. Nam
durante matrimonio legitimo inter matrem vxoris nostræ ac sꝑesatum Co-
mitem ex sꝑe induc̃ta sibi attingente in tertio gradu eum ipse Comes susce-
pit: scientes quod non tantummodò ius nōstrum periret in institutione illius,
verū etiam illa eadem nouella plantatio fidei orthodoxæ, quæ per Dei gra-
tiam, & vestram prouidam sollicitudinem, sollicitāque prouidentiam, nec-
non & deuotionem fidelium, qui ad vindicandā inuitiam Christi de diuersis
mundi climatibus atma sumplerunt in nostris partibus, videlicet prouincia
Narbonensi, pullulate incepit, suffocaretur penitus, & essent nouissima prio-
ribus longē peiora. Quidquid autē vestra Sanctitas super ijs duxerit statuēdum,
nos sumus sēper parati vestris, & Ecclesiæ per omnia, & in omnibus obtemperare,
mādati. Præterea benignitatē vestrā volumus non latere, quod Christianissimū
virū Dñm Simonem Comitē Montisfortis, cum obtentu gratiæ vestræ, cum suæ
intuitu probitatis, & longæ familiaritatis contractu cū ipso antequam ad partes
nostras veniret, curauimus, & curamus sincerē diligere, ac honorare in omnibus
& habere vt vetum & carum amicum. Datum Andusiæ in vigilia B. Thomæ.

EPISTOLA CCXXI.

VT EVM QUI FALSIS VVS ERAT LITTERIS, AB OBTENTO
BENEFICIO ARCEANT.

Vercellen. Episcopo Apostolica Sedis Legato, & Archidiacono Pergamen.

CORAM dilecto filio nostro Angelo S. Adriani Diacon. Card. quem Magistro B. procuratori Præpositi, & quorundam Canonicorum plebis de Bripio, & Sal. clerico concessimus Auditorem, idem proposuit procurator: quòd eum idem Sal. litteras quasdam sub nomine nostro confectas, tam ipsis, quàm quibusdam executoribus pro assequendo eiusdem Ecclesiæ beneficio præsentasset, idem Præpositus, & Canonici litteras ipsas habentes de falsitate suspectas, eas ad nos per proprium nuntium destinarunt: quarum falsitate comperta, dilectis filiis Archipresbytero de Nembro, & coniudici suo dedimus in mandatis, ut tam impetratorem, quàm eum qui fuerat vsus eis punirent, secundum constitutionis tenorem, quam edidimus ad falsariorum malitiam confutandam, qui mandatum nostrum fideliter exequentes, dictum S. ab officio, & beneficio perpetuò priuauerunt. Propter quod idem Apostolicam Sedem appellans, non expectato termino, qui fuerat ad prosequendam appellationem præfixus, ad ... Abbatem sancti Celsi, & eius coniudicem nostras litteras impetrauit, qui eiusdem Præpositi legitimis exceptionibus non admissis dictorum iudicum sententiam post appellationem ad nos legitimè interpositam infirmarunt. Postmodum verò Archipresbytero Pergamen. & eius coniudicibus dedimus in mandatis, ut non obstantibus litteris ad Abbatem sancti Celsi, & eius coniudicem per S. memoratum obtentis, præfatam Archipresbyteri de Nembro, & coniudicis sui sententiam confirmare, vel infirmare curarent, sicut de iure cognoscerent faciendum. Qui causæ meritis plenius intellectis eandem sententiam confirmarunt, à quorum processu idem S. vel non appellauit omnino, vel appellationem suam non fuit infra tempus legitimum prosecutus. Demum bonæ memoriæ ... Albanen. electus Apostolicæ Sedis Legatus, ad cuius præsentiam partes accesserant, terminum præfixit eisdem, quo cum causâ sufficienter instructa, nostro se conspectui præsentarent. Sed nuntio Præpositi ab Ecclesiæ hostibus itinere præpedito, dictus S. ad ... Cancellarium Mediolanen. & eius coniudices litteras reportauit, qui pro eo iniquam post appellationem ad nos legitimè interpositam sententiam prorulerunt. Vnde procurator idem humiliter supplicauit, ut eorum sententiam irritam decernerent, quod per præfatum Archipresbyterum de Nembro & eius coniudicem fuerat de clerico memorato statutum, faceremus firmiter observari. Dictus verò Clericus ex aduerso respondit, quòd cum olim in præfata Ecclesiâ, in qua idem à pueritia fuerat titulus, quasdam præbenda vacaret, idem ne alij conferretur ad audientiam nostram appellans, quendam qui se dicebat ad Sedem Apostolicam accessurum, rogauit ut super hoc sibi nostras litteras impetraret. Quo sibi litteras præceptorias, & executorias reportante, alteras Ecclesiæ memoratæ Capitulo, reliquas verò executoribus præsentauit, quibus ipsas habentibus de falsitate suspectas, idem Clericus

renuntiauit eisdem, nec earum occasione aliquid fuit actum. Elapso verò quinquennio Præpositus, & Capitulum eiusdem Ecclesiæ ipsam Bononiam commorantem liberaliter in Canonicum receperunt, ei partem beneficii assignantes. Sed quia postmodum ipsos traxit in causam super quadam pecunie summa, quam soluere tenebantur eidem, ipsi commoti grauiter contra eum præfatas litteras, quibus ipse renuntiauerat, ad nostram præsentiam destinant, quas ipsos falsas esse censentes, dicto Archipresbytero de Nembro, & coniudici suo dedimus in mandatis, vt impetratorem ipsarum, & eum qui fuerat vsus illis punirent secundum constitutionis memoratæ tenorē, qui eum officio, beneficioque priuarunt. Cūq; Abbas S. Celsi, & coniudex ipsius eorumdem sententiam decessissent irritam, & inanem, & Archipresbyter Pergamen. & coniudex suus eandem rursus sententiam confirmassent: tandem post litteras ad... Præpositum sancti Leonardi, & coniudicem eius obtehtas coram præfato Albanen. electo partes concorditer statuerunt, vt certo termino, nostro se conspectui præsentarent. Sed cū Præpositus nec veniret, nec mitteret responsalem, diutius expectatis: causam dictis Cancellario Mediolanen. & eius coniudicibus duximus committendam, qui dictum Clericum ab impetitione partis aduersæ sententialiter absoluerunt. Vnde Clericus idem humiliter supplicauit, vt Præpositum, & Canonicos antedictos ab ipsius super hoc molestatione compescere dignaremur. Nos igitur ijs, & alijs quæ coram Card. prædicto fuere proposita plenius intellectis, quia nobis constitit euidenter, quòd præfatos S. falsas litteras præsentarat, & ita præsentando fuerat vsus illis, quarum falsitas adeo erat euidentis, & aperta, quòd etiam cuiusque simplicis indagatione poterat deprehendi, eundem S. duximus in perpetuum beneficio Ecclesiæ memoratæ priuandum: Præpositum nihilominus, qui postquam iamdictas litteras credidit esse falsas, ipsum recepit in fratrem, à collatione beneficiorum eiusdem Ecclesiæ suspendentes. Ideoque discretionis vestræ per apost. scripte mandamus, quatenus quod à nobis sententialiter est statutum faciatis per censuram Ecclesiasticam appellatione remota firmiter obseruari. Tu denique frater Episcopo super teipso, &c. Datum Lateran. xv. Kal. Februarij, Pont. N. Anno xv.

EPISTOLA CCXII.

TERMINVM AD PROFECTIONEM HIEROSOLYMITANAM
INDVLGET.

Andrea illustri Regi Vngariæ.



OBLATIS nobis ex parte tua petitionibus quantum cum Deo possumus grato concurrentes assensu, ad exequendum votum, quo Domino promissisti te ad Terræ sanctæ subsidium profecturum, Serenitati tuæ triennium indulgemus, infra quod sic te studeas præparare, vt ad magni Regis obsequium, tu quasi Rex magnus magnificè proficiscens, dilationis incommodum subuentionis commoditate restaures, & sequenti doceas apparatu, te non ad voti dilationem ernissi, sed subuentionem plenariam inducias postulasse. De principibus verò tuis non præcessuris te in subsidium Terræ sanctæ nil ad præsens prouidimus.

statuendum; cum adhuc nihil certi de ipsorum proposito teneamus: sed cum opportuno tempore fuerimus requisiti necessarium consilium apponemus. Inter Venerabiles autem Fratres nostros ... Strigonien. & ... Colocen. Archiepiscopos concordia grata nobis existit, cum non solum inter eos, sed etiam quolibet alios sopiri velimus contentiones, & lites. Verum cum disponere Domino simus in sede iustitiae constituti, & omnibus in iustitia debitores; neutri eorum, si de iure suo voluerint experiri, negare debemus quod postulat ordo iuris. Datum Lateran. iij. Non. Febr. Pont. N. Anno xv.

EPISTOLA CCXXIII.

SE BENIGNE ACTVRVM CVM BAMBERGENSI EPISCOPO
POLLICETVR.

Eidem.

ICET Bambergensis Episcopus in multis offenderit, nos tamen interuentu precum tuarum rigorem iustitiae temperantes, Venerabili fratri nostro Maguntin. Archiepiscopo Apostolicæ Sedis Legato nostris damus litteris in mandatis, vt non procedat aduersus eundem; sed inquisita super facto ipsius, de quo ei mandauimus, plenarie veritate, quidquid inuenerit fideliter nobis scribere non postponat, vt circa ipsum secundum quod expederit, procedamus, in quo tunc non erimus deprecationis immemores, nisi forsitan ipse suis excessibus intercessoris affectum impediat, & effectum intercessionis excludat. Datum Lateran. iij. Non. Febr. Pont. N. Anno xv.

EPISTOLA CCXXIV.

CAUSÆ CUIVS DAM MAIORIS COGNITIONEM SIBI RESERVAT.

Maguntin. Archiepiscopo Apost. Sedis Legato.

ICET ad depositiones quorundam Episcoporum bono, sicut credimus, zelo processeris, quid tamen super ijs secundum iustitiae regulam sentiamus per alia scripta nostra tibi directa percipere potuisti. Nuper autem per dilectum filium Othon. Decanum de Onoltzbach virum prouidum & fidelem litteras tuas fraternitatis accepimus, & intelleximus inter alia, quod super negotio Herbipolen. Ecclesiae suggestisti: quæ autem à nobis idē audierit, ipsius poteris fideli relatione doceri. Ceterum cum disponente Domino simus in sede iustitiae constituti, & omnibus in iustitia debitores, negare non debemus alicui, quod postulat ordo iuris. Vnde si forsitan ille qui substitutus asseritur, & qui dicitur restitutus, de iure suo voluerint experiri, præfigas eis terminum competentem, quo per se vel responsales idoneos nostro se conspectui repræsentent, iustum dante Domino recepturi iudicium. Datum Lateran. iij. Non. Febr. Pont. N. Anno xv.

VT REGIAM, CAPELLAM TEMERE INTERDICTO SVBIECTAM
LIBERENT.

Episcopo & Decan. & Cantori Parisien.



X litteris carissimi in Christo filij nostri Ph. illustis Regis Francorū accepimus quòd Ven. F.N. Aurelianen. Episc. in Capellam regiam de Castro nouo supra Ligerim pro suz voluntatis arbitrio interdicti sententiam promulgauit; licet nec tempore inclytę recordationis L. patris eiusdem, nec etiam suo fuerit ab aliquo attentatum, vt si fortè Capellani Regalium Capellarum excederent, ipsę Capellę subijcerentur Ecclesiastico interdicto; cum Patochialia iura non habeat, & ministris ipsarum Rex ipse de proprio faciat necessaria ministrari. Vnde quod super hoc Episcopus fecerat memoratus, per Sedem Apostolicam irritari petebat, & ei ne pręsumat de ceterò talia inhiberi. Quocirca discretioni vestrę per Apost. script. mandamus, quatenus auctoritate nostra, sublato appellationis obstaculo, prędictam interdicti sententiam relaxetis; cū si forsā Capellanus memoratę Capellę deliquerit, vt suum pœna teneret auctorem, non locus in Regis pręiudicium, sed ille debuerit interdicti. Quod si non omnes, &c. Tu frater Episcope cum eorum altero, &c. Tu denique frater Episcope super teipso, &c. Datum Laterani iv. Kal. Febr. Pont. N. Anno quintodecimo.

EPISTOLA CCXXVI.

VARIA LITIS IMPLICITE CAPITA DECIDIT.

*Sancti Ioannis Angeliacen. & sancti Florentij Salmurien. Abbatibus
Xantonen. & Andegauen. Dioces. & Magistro Stephano,
Decano sancti Hilarij Pictauen.*



X litteris Venerabil. Fratris nostri... Pictauen. Episcopi nos accepisse noscatis, quòd cū ipse W. Canonicum Pictauen. ad personatum Ecclesię de Airaò tunc vācantis pręsentatum ab... Abbatissa sanctę Crucis de Pictaui, quę se in eadem ius patronatus habere dicebat, admittere noluisset: eò quòd idem W. existens Talamunden. Decanus, Canonicus Engolismen. & Pictauen. & sanctę Marię Maioris de Pictaui, & pensionibus beneficiatus quamplurimis, aliam habebat Ecclesiā in Diocesi Pictauen. & Abbatissa pręfata infra tempus in Lateranen. Concilio constitutum personam non curauerit idoneam pręsentare, ac pręsentando indignum, illa vice ius amiserit pręsentandi, de prudentum virorum consilio Ph. pauperi Clerico nullum aliud habenti Ecclesiasticum beneficium, quem bonę indolis esse suis litteris describebat, & per se, ac suos valedutilem Ecclesię memoratę ipsius Ecclesię contulit personatum. Walterus verò prędictus ad... sanctę Radegundis, &... sancti Hilarij de Cella Priores, & Magistrum Stephanum Gafcher Canonicum sanctę Marię Maioris de Pi-

ctavi nostras litteras super eadem Ecclesia impetrauit, quas procuratores Episcopi in modum exceptionis proposuerunt in eorum presentia non valere; pro eo quod impetratz fuerant tali falsitate suggesta, & tali veritate suppressa, qua tacita, vel expressa impetrari minimè potuissent. Asseruerat enim in sua narratione Vv. quod dictam Ecclesiam fuerat canonicè affecutus, cum non esset institutus per Episcopum, nec etiam presentatus propter causas prædictas, & quia non erat talis persona, cui deberet Parochialis cura Ecclesie committi, cum non posset ad Sacerdotium promoveri. Veritatem quoque dicebant eundem suppressisse Vv. eò quod suppresso nomine Decanatus, & de beneficijs, quibus abundat non habita mentione, super minori beneficio litteras impetrauit. Et quia si dixisset, quod eidem nequiret Ecclesie in persona propria deferuire, qui alij quam habet residentiam non exhibet corporalem, à Sede Apostolica tale non potuisset obtinere mandatum. Præterea in tenore litterarum illarum de illis indulgentijs mentio non fiebat, quibus Episcopo concessimus memorato, beneficijs compellere clericos personaliter in suis Ecclesijs deferuire, & non compelli ad curam animarum admittere aliquos, qui non possint in Ecclesijs continè residere. Contra iudices si quidem exceptiones ad declinandum eorum iudicium fuere propositz à procuratoribus Episcopi supradicti. Contra Priorem sanctæ Radegundis videlicet, quod inimicus Episcopi, & persecutor existens, eodem tempore aduersus eundem arduam causam super patrimonio suo, & feodis habebat: qui mortalem reputabat Episcopum inimicum, sicut in litteris ab eo ad dilectum filium Hug. Archidiaconum Bituricensem transmissis apparet: & ob hoc potissimè quod quidam de clericis suis ipsius auctoritate denuntiarent ipsum Priorem Prioratum, & præbendam obtinuisse per simoniacam prauitatem. Magistrum quoque St. Galchet præcuratores Episcopi recusabant, eò quod in causa quadam ardua, & famosa, in qua de furto, & periurio, & amissione feodis secundum terræ consuetudinem agebatur, B. Auunculo suo præstando patrocinium assisitebat contra ipsum Episcopum, & Ecclesiam Pictauiensem. quia, cum nondum esset exorcista in causis Episcopi, qui quasi columna est Ecclesie tam inferior non deberet pro iudice residere. Maxime cum indifferenter ad omne munus manus extendens, à laicis vili conductus salario, consueuerit opponere se contra iustitiam Ecclesijs, viduis, orphanis, & pupillis. Vnde timebat Episcopus, ne corruptus muneribus à semita iustitiae deuiaret: quia si Denm pro modico in miserabilibus personis offendit, pro multo non præteriret Episcopum inoffensum sui aduersarij Concanonicus, & amicus specialis existens: & quia suspecti, & inimici iudices esse non debent, cum procuratores prædicti ad hæc probanda non ponerint à prænominationis Iudicibus arbitros obtinere, quos cum instantia postulabant, tam pro Episcopo, quam pro dicto Philippo ad Sedem Apostolicam appellarunt, Episcopum, Clericos suos, dignitatem Episcopalem & totum Episcopatum, necnon, & præscriptam Ecclesiam de Airaon sub nostra protectione ponentes. Verum ipsi iudices post appellationem interpositam, & bis à procuratoribus Episcopi, cum citabatur ad iudicium, innouatam, & post mandatum... Prioris de Partiniaco veteri, & suorum coniudicum, delegatorum nostrorum mandantium primis iudicibus, ut eidem super se haberent negotio, quousque per collationem litterarum de iudicium priorum & posteriorum iurisdictione.

ne constaret, talem tulerunt sententiam in Episcopum memoratum; quod nec suspendere posset, nec excommunicare subiectos, nec procuraciones exigere ab eisdem, quam posteriores iudices propter causas prædictas multorum vli consilio decreuerunt irritam, & inanem: & primos iudices eò quod processum impediebant ipsorum, & ea quæ attentauerant reuocare nolebant, licet ipsi parati essent, quæ medio tempore fecerant retractare, excommunicationis sententiæ subiecerunt. Proponebatur etiam contra Priorem sanctæ Radegundis prædictum, quod ipse odij fomite, non zelo iustitiæ suos induxit Coniudices, ut in Episcopum ferrent sententiam supradictam, subditis ne imponerent Episcopo reuerentiam debitam inhibentes, ex quo grauis immineret iactura toti Diocesi Pictauien. quia tyranni, raptores, incendiarii, & alij pestilentes per Pictauiam debacchantes non possent coercionis debitæ fræno compesci, si restringerentur in tantum iurisdictionis Episcopalis habenz. Fuit etiam propositum coram nobis, quod cum nominatus Episcopus personaliter ad Sedem Apostolicam accessisset, nobis humiliter supplicauit, ut... sanctæ Radegundis, & sancti Hilarij de Cella Priores, &... Abbatem Novi Monasterij, qui nimia familiaritate coniuncti cum persequebantur iniuste, inhiberemus de cetero dari indices contra ipsum: quod tunc ad preces ipsius Episcopi, sicut eius nuntius proponebat, in Cancellaria nostra fecimus inhiberi. Vnde cum de hoc nulla fieret mentio, dicebat litteras non valere, nec aliquam iurisdictionem habere in ipso Priores superius prænotatos. Propter hæc igitur, & alia nuntius Episcopi supplicauit, ut ea quæ post appellationem ad nos legitime interpositam à primis iudicibus fuerant attentata, faceremus in irritum reuocari. Ex aduerso VV. litteras... Prioris sanctæ Radegundis, & Coniudicum suorum exhibuit, qui dicebant, quod dictus Episcopus citatus legitime ab eisdem, licet per procuratorem quasdam exceptiones fori declinatorias opponeret, quarum ratione præuia, idem iudices frivolas iudicarunt, laborans tamen contumacia euidenti, noluit propositis respondere; sed post multarum citationum edicta, præscriptam Ecclesiam Ph. de Calciata lite pendente conferre præsumpsit, & cum præfati Episcopus, & Ph. ad iudicium citarentur, ut tam super principali, quam translatione rei litigiosæ in alium fieret quod deberet, Episcopo per se, vel responsalem idoneum minime comparente, Ph. die sibi statuta comparuit, & intentione ipsius VV. proposita respondit in inre: quod per Episcopum Pictauien. au. & citrate Lateranensis Concilij fuerat eandem Ecclesiam assecutus, & ad eius instantiam indulto ei termino super collatione illius Ecclesiæ plenius respondendi, nec venit, nec curauit mittere responsalem. Verum iidem indices malitiam Episcopi attendentes, quæ ipsorum iurisdictioni nimis contumaciter illudebat, ut ad standum iuri aliqua pœna compellerent, quem monitis, & expectationibus plurimis, & multis edictis peremptorijs inducere non valebant talem in eum sententiam protulerunt. Ut interim nec procuraciones posset exigere à subiectis, nec suspendere, nec excommunicare subiectos. Subditis eiusdem nihilominus inhibentes, ne ipsi super ijs aliquatenus obedirent, donec ipse plenè satisfaceret de præmissis. In Ph. autem pro sua contumacia interdicti sententiam promulgarunt: pro quo cum ad... Abbatem de Abbia, & suos Collegas, commensales, & ministeriales Episcopi, sub forma sumpti quædam litteræ, à nobis super eadem Ecclesia emanassent,

primi iudices, quia in secundis litteris de prioribus, ac de processu negotij, & de Episcopo actoris, vel rei nomine mentio non fiebat, & quia per suggestionem falsi fuerant impetratæ, cum ipsarum data præcederet diem, quo ipse Ph. primò comparuit coram eis, Abbati, & Collegis suis inhibere prædictis, ne in eadem causa procederent, donec plena fieret collatio litterarum. Ipsi verò scriptum authenticum exhibere nolentes, in tantam insaniam proruperunt, quòd sententiam in Episcopum latam de facto, cum de iure non possent, irritam temerè nuntiantes, in primos iudices excommunicationis sententiam fulminarunt. Verùm cum propter impedimenta huiusmodi primi iudices mandatum nostrum exequi non valerent, generaliter omnes illos, qui eos super processu illius causæ impedire præsumerent, excommunicationis vinculo subiecerunt, ad generalem Synodum nihilominus accedentes, vi præmissis omnibus coram multis iurisperitis expositis, & innocentiam suam ostenderent, & tam Episcopi, quàm illorum, qui pro iudicibus se gerebant, malitiam, & sententiam quam in Episcopum tulerant publicarent. Verùm idem Episcopus, VV. de Sablolio præpositus, Hugo Leuini, Magistri I. Gabart, & Ar. de Mogon. & P. Acelini Canonici Pictaui. & quidam alij sui complices, in Synodo clamorem, & strepitum excitantes litteras nostras multotiens incipiente lectore, quotiens Innocentius Episcopum nihilominus vocem eius tantis clamoribus confundeant, quòd aliorum audientia perturbata, Mandatum Apostolicum poterat vix audiri. Garcionibus, & ministerialibus Episcopi, qui cum gladijs & fustibus ad Synodum venerant, insultantibus in eisdem, & paratis litteras Apostolicas de manibus ipsorum eripere, ac in eos manus injicere violentas: propter quæ iidem iudices Episcopum Pontificali officio suspendentes, VV. & acclamatores alios excommunicationis vinculo innodarunt. Sed Episcopus suspensione contempta Ordines solemniter celebrauit, & exequi sicut priùs officium Pontificale præsumit. At Ioannes Lauini Canonicus Pictaui. in litteris iudicum præsentatis Capitulo Pictaui. his expuit impudenter, ac Marcus Clericus de mandato Hugonis Leuini Magistrum Stephanum Gaschet vnum de iudicibus supradictis, cum non haberent ipsi iudices alium, qui auderet litteras præsentare, ab Ecclesia violentè eiiciens, postmodum de equo proiecit in terram. Ad hæc VV. supradictus adiecit, quòd tempore præsentationis ipsius, Episcopus ei, vel Abbatissæ nihil opposuit, nisi quòd in Ecclesia de Airaon medietas patronatus spectabat ad ipsum. Dixit etiam quòd prænominatus Ph. cui pendente lite fuit Ecclesia præscripta collata, insufficiens est ad curam animarum habendam, & parentes eiusdem ipsam Ecclesiam, & Monasterium sanctæ Crucis multis iniurijs, & damnis affligunt. Super alijs autè exceptionibus tam contra ipsum, quàm contra iudices ab Episcopo per litteras suas oppositas, sic respondit: Quòd licet seminimè iustificare præsumat, nihil tamen ei obuiat de Canonicis institutis, quin valeat ad Sacerdotiū promoueri: nec in cõcessione, vel administratione Decanatus, nec quando Diaconatus officio publicè fungebatur in Ecclesia Pictaui. aliquid obiecte eidem Episcopus supradictus. Sed nec indulgentias prælibatas ipsi opponere posset, quibus per abusum faciendū contrarium, tacitè renuntiasse videtur, multis Clericis pluribus beneficijs abundantibus in Parochialibus Ecclesijs curam animarum committens, licet non deseruiant in eisdem, nostris indulgentijs in

caris eius robur amittentibus firmitatis, & in illis rigorem seruauitibus, à quibus aliquid nititur extorquere. Contra Priorem quoque sanctæ Radegundis nullam causam habebat tempore, quo prædicta quæstio sub eius, & suorum coniudicium erat examine ventilanda: sed paratus fingere causas, ut eas eas subtraheret aduersus ipsum dixit habiturum se quæstionem: & Magistrum Stephanum Gafcher vilem esse personam, & inimicum ipsius, cuius patrocinio, & consilio contra suum Archiepiscopum vsus fuerat paulò antè, à quibus, & tertio coniudice procuratores Episcopi minime appellarunt, nec se promiserunt exceptiones propositas probaturos, & nullam fecerunt de eligendis arbitris mentionem. De suspensioe quidem ipsius... Episcopi dixit grauem non imminere iacturam, cum ipse non intendat compescere, sed confouere tyrannos, noxios reuelans, & operans innocentes. Addidit etiam quòd cum Episcopus fuerit ab officio Pontificali suspensus, per Parochiales Ecclesias Pictauen. vrbis sententia publicata, ipse diuina celebrare præsumit in animarum suarum dispendium, & Ecclesiasticarum disciplinarum contemptum. Vnde petebant, ut iure Abbatissæ præfata cum in nullo peccasse probetur, illæso seruato, prædictam sententiam faceremus vsque ad satisfactionem eandem firmiter obseruari: violatores ipsius, & indulgentiarum nostrarum, ac alios qui manus in iudicem temerarias iniecerunt, Abbatem quoque de Absia, & cõplices eius propter ea quæ in iudices præsumpserunt, tali pœna plectentes, quòd alij per impunitatis fiduciam talia de ceterò non attemptent. Auditis igitur, & intellectis ijs & alijs, quæ fuere proposita coram nobis prænominato W altero propter solam multitudinem beneficiorum, quæ noscitur obtinere super ipsa Ecclesia de Airaon silentium duximus imponendum: iure Monasterij sanctæ Crucis prædicti super representatione alterius, amoto Ph. qui lite pendente, sine præsentatione patroni obtinuit eandem Ecclesiam minùs iustè, illæso seruato: Episcopo verò, ut obseruet in alijs, quod in dicto Vv. voluit obseruare, interdiximus ne conferat Parochialem Ecclesiam alicui Ecclesiastico cum beneficium obtinenti, nisi illud voluerit resignare; & si vobis constiterit ipsum fuisse præfatis indulgentijs nostris abusum, ipsarum beneficio priuatis eundem. Abbatem quoque de Absia, Priorem de Partiniaco veteri, & Cantorem sancti Hilarij Pictauen. qui sic contra præfatos iudices temerè processerunt ab officio suspendentes, quousque per Sedem Apostolicam misericordiam valeant obtinere. Marcum Clericum si manus iniecit, ut dicitur, in vnum de iudicibus violentas, & H. Leuini si de mandato ipsius hoc extitit attentatum, excommunicatos publicè nuntietis, & faciatis ipsos ab omnibus arctius euitari: donec passo iniuriam satisfecerint cõpetenter, & cum vestrarum testimonio litteratum nostro se conspectui representent. Super strepitu verò, & clamore in Synodo factis, ut nostrarum litterarum lectio, & processus impediretur iudicum prædictorum, inquisita diligentius veritate, si ex hoc in Episcopo culpam agnoueritis, ipsum à collatione ordinum suspendatis: cum post sententiam iudicum prædictorum ob hoc in ipsum prolatam ordines præsumpserit celebrare, ut in quo deliquisse dignoscitur, puniatur. Testes autem qui fuerint nominati, &c. Quòd si non omnes, &c. duo vestrum, &c. Datum Laterani ij. Kal. Nouemb. Pont. N. Anno xv.

Liber III. Regest. XV.
EPISTOLA CCXXVII.

503

SVPER IMMVNITATE MONASTERII BELLIMONTIS
INTERIM PRONVNCIAT.

Capitulo B. Martini Turonen.

QUAM causam quæ inter vos ex parte vna, & Ven. F.N. Archiepiscopum Turonen. super iurisdictione in Monasterio Bellimontis, ex altera vertebatur, ad nos, ab examine dilectorum filiorum... Abbatissæ de Eleemosyna Carnoten. Diocesis... Aurelianen. Decani, & S. de Bero Canonici Carnoten. delegatorum nostrorum per appellationem delatam S. Cantori, & H. Maiori, & O. de Graciaco, Archidiaconis Bituricensibus sub certa forma duximus committendam. Interim autem... Abbatissæ de Bellomonte per suas nobis litteras intimare, quod cum Archiepiscopus supradictus sibi iurisdictionem indebitam in ipso Monasterio usurparet, ac ipsa propter hoc ad Sedem Apostolicam appellasset, & Archiepiscopus eius appellatione contempta, in eam & communicantes eidem excommunicationis sententiam protulisset, iam dictis posterioribus iudicibus nostris dedimus litteris in mandatis, ut ipsam Abbatissam ad cautelam iuxta formam Ecclesiæ absolventes, & iniungentes eidem, quod iniungendum de iure videretur, eam super quibusdam, in quibus asseruerat per dictum Archiepiscopum se gravatam, non paterentur per ipsum, vel per alios indebitè molestari: audituri postmodum, & sine canonico decursu si quis esset alius inter partes scrupulus questionis. Cuius auctoritate rescripti cum partes fuissent in eorum præsentia constitutæ, Abbatissæ iuxta mandatum Apostolicum absoluta, idem Archiepiscopus eam, & conuentum sui Monasterij super iurisdictione, quæ in eodem se proponebat habere per easdem litteras reconuenit. Tandem post altercationes plurimas & diuersas, Archiepiscopus, & Capitulum Turon. ex vna parte, Abbatissæ, & Conuentus Bellimontis ex altera, & vos, contra quos memoratus Archiepiscopus coram eisdem iudicibus proposuerat per alias litteras antedictas, quod iurisdictionem impediebatis, quam habebat in Monasterio prænotato, ut litium circuitus vitaretur adinuicem conuenistis; ut sine omni cauillatione litis contestatio fieret super libellis hinc inde circa dicti Monasterij iurisdictionem oblati. Lite quidè coram eis legitimè contestata, & testibus productis à partibus coram dilectis filiis... Magistro Scholarum Andegauen. & Magistro B. Concanonico vestro, eorundem auctoritate iudicum, ipsi iudices ad nos instructum negotium volentibus partibus remiserunt. Procuratoribus itaque partium in nostra præsentia constitutis, & attestationibus quas iudicum sigillis inclusas recepimus, publicatis, pro parte Archiepiscopi, & Capituli Turonen. fuit propositum coram nobis, quod cum Monasterium Bellimontis infra Turonen. Archiepiscopatus limites concludatur, tam in eo, quam in Abbatissæ iurisdictione Episcopalem habebat Archiepiscopus memoratus, & ea tam ipse usus fuerat, quam prædecessores ipsius. Vnde procuratores Archiepiscopi, & Capituli proponebant, quod cum esset sue partis iotentio de iure communi fundata, & per depositiones testium probaretur, quod electionem Math. Abbatissæ Monasterij Bellimontis Turonen. Ar-

chiepiscopus confirmasset, & munus benedictionis impendisset eidem, ipsamque obedientiam, reuerentiā, & subiectionem manu posita super altare Archiepiscopo impendisse, ac Archiepiscopum consecrasse altare, necnon publicè prædicasse in Ecclesia Bellimontis, & alia etiam esse probata, quæ ad iurisdictionem Episcopalem spectare noscuntur, petebāt in hoc iure, ac sua possessione Archiepiscopum conseruari, & ne per Abbatissam, vel Moniales Bellimontis, seu per vos turbetur ei hoc ius, & vsus iurisdictionis, sed vii liberè permittatur. Ad hæc ab Vv. & Matthæo Abbatissæ, ac Monialium Bellimontis, & Ecclesiæ vestræ procuratoribus fuit ex aduerso responsum: Quod Archiepiscopus, & Ecclesia Turonen. nihil prælationis, vel iurisdictionis in Monasterio habebant eodem; & si quando aliquibus idem Archiepiscopus fuit vsus quæ iurisdictionis existere videretur, eis abutendo vsus fuerat, & per iniuriam vsurpando. Propter quod querabimini, tam vos, quàm Abbatissa, & Moniales præfatæ cum ad Ecclesiam vestram Monasterium ipsum, sicut asseretis, pleno iure spectaret; proponentes per depositiones vestrorum testium docuisse, quod Moniales ipsius Monasterij obitum Abbatissæ vobis denuntiant, petentes licentiam eligendi, & Canonice auctoritate vestra præsentibus, Abbatissæ celebratur electio, quæ à vobis postmodum confirmatur, & Cantor incipiens, *Te Deum laudamus*, personam installat electam, cui de mandato nostro promittunt obedientiam Moniales, vobis præsentantes eandem, quæ in Capitulo iurat Ecclesiæ vestræ obedientiam, subiectionem, & reuerentiam Gallicis verbis, promittens de se conquerentibus exhibere iustitiam. coram vobis quotiens fuerit requisita, & à vobis curam recipit Abbatissæ ac baculum pastoralem, Chrysma, oleum, & ignem novum in Pascha, quorum interdictum Moniales obseruant, & correctionem admittunt. Vnde assentes de ijs, & alijs quæ ad iurisdictionem, & vsum iurisdictionis pertinent, plenè probasse, ab impetitione Archiepiscopi, & Ecclesiæ Turonen. absoluti petebant. Hoc etiam in petitionem procuratores vestri specialiter deduxerunt, ut cum Ecclesia vestra plena iurisdictione in eodem Monasterio vsa fuerit, & vtatur, Archiepiscopus, & Capitulum Turonen. possessionem eidem non turbent, sed ipsam ea pacificè vti permittant. Præsertim cum bonæ memoriæ Alexander Papa prædecessor noster eidem ius suum recognouerit in Monasterio Bellimontis: quædam, salua Sedis apostolicæ auctoritate, necnon Ecclesiæ vestræ canonica reuerentia, & Thesaurarij iustitia, ipsi Monasterio indulgendo. Nos igitur auditis ijs, & alijs quæ fuere proposita coram nobis, cum Archiepiscopus, & Capitulum Turonen. aduersus Abbatissam, & Monasterium Bellimontis de suo iure docuerint, quoad possessorem iudicium, quo tantum actum est inter partes abbatissam, & Conuentum Monasterij prænotati, de fratrum nostrorum consilio condemnantes inhibemus eisdem, ne impediant Archiepiscopum Turonen. in eodem Monasterio eis vti, quæ iurisdictionis Episcopalis existunt. Ceterum cum inter Archiepiscopum, & Capitulum Turonen. ex parte vna, & vos ex altera interdicto vti possidetis, vel ad instar potius illius interdicti actum sit in hac causa; quia plura capitula, & magis ad rem facientia plenius, & euidentius probauistis, vos in eo cognouimus potiores. Quapropter vos ab impetitionibus Archiepiscopi, & Capituli Turonen. absoluentes, Archiepiscopo, & Capitulo inhibemus, ne turbent vobis

vobis possessionem in Monasterio Bellimontis; sed ijs quæ ad iurisdictionem spectare noscuntur, vos in eodem liberè vti permittant. Quæstione proprietatis tam Archiepiscopo, & Ecclesiæ Turonen. contra Ecclesiam vestram, quàm Abbatis, ac Conuentui Bellimontis contra Archiepiscopum & Capitulum Turonen. Ecclesiæ referuata. Nulli ergo omnino hominum liceat hanc paginam nostræ definitionis, & inhibitionis infringere, vel ei ausu temerario contraire. Siquis autem, &c. *usque*, incursum. Datum Lateran. ij. Idus Feb. Pont. N. Anno quintodecimo. *In eundem fere modum scriptum est super hoc Archiepiscopo, & Capitulo Turonen. verbis competenter mutatis.*

In eundem fere modum scriptum est super hoc... Episcopo Aurelianen. &... Abbati de Curia Dei Aurelianen. Diocesi. &... Decan. sancti Aniani Aurelianen. verbis competenter mutatis, usque, referuata. Quocirca discretionis vestræ per Apost. script. mandamus, quatenus quod à nobis est sententialiter diffinitum faciatis per censuram Ecclesiasticam, sublato appellationis obstaculo inuiolabiliter obseruari. Quod si non omnes, &c. duo vestrum, &c. Vos denique frater Archiepiscopo, ac Fili Abbas super vobis ipsis. Datum Lateran. Idib. Februarij, Pont. N. Anno xv.

EPISTOLA CCXXVIII.

VT SINGVLV PER SVAS DIOECESES VINDOCIN. MONASTERII INIVRIAS VLCISCANTVR.

*Senonen. Rotomagen. Turonen. & Burdegalen. Archiepiscopis
& eorum Suffraganeis.*



ICET Apostolatus officium nos vniuersis generaliter constituat debiores, religiosis tamen personis, & locis præsertim quæ ad Sedem Apostolicam nullo pertinent mediante, sollicitudinem tenemur & curam impendere specialem. Sanè dilecti filij... Abbas, & Conuentus Vindocinen. nostris auribus intimarunt, quòd cum possessiones, homines, & Ecclesias habeant in Dioccesibus vestris, super quibus plerumque à multis indebitè molestantur, vos molestatore eorum, prout ad vos pertinet compescere non curatis; quinimò latas in eos interdicti, & excommunicationis sententias nulla sibi satisfactione impensa relaxatis interdum, in eorum præiudicium, & grauamen: quod tantò molestius ferimus, quantò ipsos nostræ considerationis intuitu deberis in sua iustitia benignius confouere. Ideoque fraternitati vest. per Apost. scripta præcipiendo mandamus, quatenus huiusmodi latas pro eis sententias absque congrua satisfactione relaxare nullatenus præsumentes, de malefactoribus suis singuli per vestras Dioceses, quotiens ab ipsis, vel eorum nuntijs fueritis requisiti, eisdem curetis iustitiæ plenitudinem exhibere. Mandatum nostrum taliter impleturi, quòd illud sibi sentiant profuisse, & nos super hoc prouidere aliter non cogamur. Vos denique fratres Archiepiscopi & Episcopi super vobis ipsis, &c. Datum Laterani xvj. Kal. Martij, Pont. N. Anno quintodecimo.

In eundem modum scriptum est... Carnoten. Aurelianen. Cenomanen... Andegauen. Pithauen. & Xantonen. Episcopis. Licet Apostolatus officium, &c. Datum vt supra &c.

ECCLESIAS, POSSESSIONES, PRIVILEGIA AVCTORITATE
APOSTOLICA CONFIRMAT.

*Abbati Monasterij sancta Maria Silua Maioris, eiusque fratribus,
tam presentibus, quam futuris regularem vitam
professis in perpetuum.*



VOTIENS à nobis petitur, quod religioni, & honestati conueniente dignoscitur, animo nos decet libenti concedere, & petentium desiderijs congruum suffragium impertiri. Eapropter dilecti in Domino filij vestris iustis postulationibus clementer annuimus, & prafatum Monasterium, in quo diuino mancipati estis obsequio, ad exemplar felicitis recordationis Lucij, & Celestini Romanorum Pontificum praedecessorum nostrorum, sub B. Petri, & nostra protectione suscipimus, & praesentis scripti priuilegio communimus. In primis siquidem statuentes, vt ordo Monasticus qui secundum Deum, & B. Benedicti regulam in eodem Monasterio noscitur institutus, perpetuis ibidem temporibus inuiolabiliter obseruetur. Praeterea quascumque possessiones, quaecumque bona idem Monasterium impraesentiarum iuste ac canonicè possidet, aut in futurum concessione Pontificum, largitione Regum, vel Principum, oblatione fidelium, seu alijs iustis modis praestante Domino poterit adipisci, firma vobis, vestrisque successoribus, & illibata permaneant. In quibus haec proprijs duximus exprimenda vocabulis. Locum ipsum in quo prafatum Monasterium situm est, cum omnibus pertinentijs suis. In eadem villa Ecclesias sancti Petri, & sancti Ioannis, Grangias ad ipsum Monasterium pertinentes, scilicet Malforat cum terra de Bunasse, Grangiam de Daniaco, & de Carenzac cum Ecclesia de Narizan, Grangiam de Fongrauosa, & sancti Nicolai de Genizaco, & de Montfarto, cum pertinentijs earum. Decimas, molendina, colonos, & homines, quz specialiter ad Monasterium vestrum spectant. Prioratus quoque de Senon, de sancto Lupo, de Castellero, de Auaron, de Cronhon, de Foncabalada, de Madiraco, de Lopiaco, de Belabar, de Banhals, de Benaugias veteri, de Guibon, de Aguliaco, de Ardeniaco, de Daruaco cum omnibus pertinentijs eorumdem Prioratum. Ecclesias etiam de Spineto, de Camiac, de sancto Leone, de Montiniaco, de Corbeliaco, de sancto Sidonio, de Plazaco, de sancto Germano de Campetez. Prioratus quoque sancti Andreæ de Nomine Domini, de Podio Dodon. cum Ecclesijs suis, Sancti Christophori, & sancti Seuerini, Prioratum sancti Martini, & sancti Saturnini de Boenes, & sancti Vincentij de Porreto, & sancti Laurentij de Scaras, & sancti Ioannis de Campanhas, cum omnibus pertinentijs eorum. Quidquid habetis apud Broiam, & Isalam. Domum de Artelea, de Monte Lauri, Ecclesiam, & decimam de Villa Noua cum omnibus pertinentijs suis. In Sanctonem. Diocesi, Prioratum sancti Nicolai de Roiano, furnum, & terram contiguam Burgo sancti Petri, Villam de Castellars, sicut concluditur duabus vijs cum Grangia, & agriculturis. Terras, vineas, & redditus, quos habetis in insula

quæ dicitur Oleron. Molendinum vobis in mari collarum à Ioanne Martiñ. Vineas vobis collaras ab Arnaldo Vinerevult, vineas de Valera, Priorarus sanctæ Mariæ de Insula, quæ est in Aruerto & de Praifornel cum possessionibus eorum. In Vafaren. Diœcesi Ecclesiam de Brana, cum alijs possessionibus vestris, Prioratus sancti Ioannis de Blaniaco, & sancti Petri de Castet, cum Ecclesia sua de Siurac, Priorarus de Rius, de Sorraco, de Coriaco, de Felsals, de la Gardera, de Viaco, de Linguon, cum omnibus pertinentijs eorum, & Priorarus de Bello Fonre. In Petragorien. Diœces. Prioratus sancti Martini, Campi Martini, & de Scaurniaco, & de Prifone, & sancti Vlrici, & sancti Nicolai de Gorfon, de Lopehac, cum Ecclesia sua de Murzac. Prioratus sancti Sarurnini de Pureo cum Ecclesijs suis sanctæ Mariæ de Belpoier, & de Punacio. Prioratum de Lauernhia cum Ecclesijs suis sancti Martini de Cumbis, & de Croisâ. Priorarus sancti Pastoris cum Ecclesijs sibi pertinentibus, & Priorarus de Atenac, & de Nausis cum omnibus pertinentijs eorum, & de Siuriaco cum pertinentijs suis. In Agen-nen. Diœcesi, Prioratum sancti Anronini cum Ecclesia sanctæ Rufinæ, & de Ru-naut, & Maureliaco, & sanctæ Mariæ de Culturis. Priorarus sancti Siluestri de Peno, sancti Petri de Guntaldo, de Escassafort cum Ecclesijs, & alijs pertinentijs suis. Priorarus etiam de Manuforti, de Calesu, sancti Caprasij de Lauarzac, sanctæ Mariæ de Lafira, & de Caus Beofa cum Ecclesia eius sancti Andrez, cū omnibus pertinentijs eorum. In Carurcen. Diœces. Monasterium Monialium, scilicet Pomaredus cum Prioratibus, Ecclesijs, & alijs possessionibus suis. Saluiratem de Blancafort. In Auxitan. Diœcesi Priorarus Gauarretus cum decima, & cen-su totius villæ, furnis, & alijs possessionibus suis. Prioratus de Leucader, de Mal-uezzi, de Gilo, de Perquer, de Boga, Delmont de Caneux, de Seuguer. In Regno Aragonum, Priorarus de Rosta, de Pinran. de Vnocastello, de Exera, de Pradella, de Alcalá, cum Ecclesijs, decimis, & alijs possessionibus suis. In Lincolnien. Diœcesi in Anglia, Priorarus de Boroella cum pertinentijs suis. In Cameracen. Diœcesi, Abbatiam sancti Dionysij de Brocares, cum Ecclesijs, decimis, & alijs pertinentijs suis. In Suessionen. Diœcesi Priorarus sancti Leodegarij, & sancti Pauli de Nemore, & Bellzuallis. In Laudunen. Diœces. Priorarus Girei, & sanctæ Probx, & de Lapion. In Remen. Diœces. Prioratū de Noucio cū pertinen-tijs suis. In Cathalaunen. Diœc. Prioratū Chantici. In Senonen. Diœc. Prioratū Neronis Villæ cum pertinentijs suis. In Aurelianen. Diœc. Priorarus de Semeio cum Ecclesijs suis sancti Ioannis de Eureis, & sancti Symphoriani de Camblois. Sanè noualium vestrorum quæ proprijs manibus, aut sumptibus colitis, siue de nutrimentis animalium vestrorum, nullus à vobis decimas exigere, vel extor-quere præsumat. Liceat quoque vobis clericos, vel laicos liberos, & absolutos è seculo fugientes ad conuersionem recipere, & eos absque contradictione aliqua retinere. Cū autem generale interdictū terræ fuerit, liceat vobis clausis ianuis, exclusis excommunicatis, & interdictis, non pulsatis campanis, suppressa voce, diuina officia celebrare. In Parochialibus autem Ecclesijs quas habetis, liceat vobis sacerdotes eligere, & Diœcesano Episcopo præsentare, quibus si idonei fuerint, Episcopus animarum curam committat, vrei de spiritalibus, vobis autem de temporalibus debeant respondere. Chrisma verò, oleum, consecratio-nes altarium, seu Basilicarum, ordinationes Monachorum, vel clericorum,

qui ad sacros fuerint ordines promouendi, à Diœcesano suscipietis Episcopo, siquidem catholicus fuerit, & gratiam atq; cõunionem Apostolicæ Sedis habuerit, & ea vobis gratis, & absque prauitate aliqua voluerit exhibere. Alioquin liceat vobis quemcumq; malueritis catholicũ adire Antistitẽ, qui nostra fretus auctoritate quod postulatur indulgeat. Ad hæc præsentì decreto statuimus, vt obeunte te nuncipsius loci Abbate, vel tuorum quolibet successorum, nullus sibi qualibet subreptionis astutia seu violentia præponatur, nisi quem fratres communi cõsensu, vel fratrum maior pars consilij sanioris secundũ Dei timorem, & beati Benedicti regulam prouiderint eligendum. Inhibemus quoque, ne infra terminos parochiarum vestrarum Ecclesiam, vel oratorium sine assensu Diœcesani Episcopi, & vestro quiscumq; ædificare præsumat. Saluis tamen priuilegijs Apostolicæ Sedis. Libertates præterea, & immunitates à felicis recordationis Alexandro Papa prædecessore nostro, siue ab Archiepiscopis, à Ducibus Aquitanix, necnon & alijs illius terræ Baronibus Monasterio, & hominibus vestris pietatis, & religionis consideratione indultas, ratas habentes auctoritate Apostolica confirmamus. Statuentes, vt sicut ab eisdem prædecessoribus nostris statutum fuisse dignoscitur, nulla Ecclesiastica seculariue persona habitatores vestros ad arma compellere, vel indebitas exactiones ab eis extorquere præsumat. Sepulturam præterea illius loci liberam esse decernimus, vt eorum deuotioni, & extremæ voluntati qui se illic sepeliri deliberauerint, nisi fortè excommunicati, vel interdicti sint, nullus obstat. Salua tamen iustitia illarum Ecclesiarum, à quibus mortuorum corpora assumuntur. Decernimus ergo, vt nulli omnino hominum fas sit præfatam Ecclesiam temerè perturbare, aut eius possessiones auferre, ablatas retinere, minuire, seu quibuscumq; vexationibus fatigare, sed omnia integra conseruentur eorum, pro quorum gubernatione, ac sustentatione concessa sunt vsibus omnimodis profutura, salua Sedis Apostolicæ auctoritate, & Diœcesani Episcopi canonica iustitia. Siqua igitur in futurum Ecclesiastica, seculariue persona hanc nostræ constitutionis paginam sciens contra eam temerè venire tentauerit, secundò, tertioue commonita, nisi reatum suum congrua satisfactione correxerit, potestatis, honorisque sui careat dignitate, reamque se diuino iudicio existere de perpetrata iniquitate cognoscat: & à sacratissimo corpore, ac sanguine Dei, & Domini nostri Redemptoris Iesu Christi aliena fiat, atque in extremo examine districtæ subiaceat vltioni. Cunctis autem eidem loco sua iura seruantibus sit pax Domini nostri Iesu Christi, quatenus & sic fructum bonæ actionis percipiant, & apud districtum iudicem præmia æternæ pacis inueniant, AMEN. Datum Lateran. per manum Ioannis sanctæ Mariæ in Cosmidin. Diac. Card. sanctæ Romanæ Ecclesiæ Cancellarij, Kal. Decembr. Indictione prima. Incarnationis Dominicæ, anno millesimo ducentesimo duodecimo. Pontific. vetò Dompni Innocentij PP. III. Anno quinto-decimo.

EPISTOLA CCXXX.

VT COMPETENTI MONACHORUM VICTU PROVIDEAT.

Abbati Anianen.

RX suscepta nobis imminet officio servitutis, ut cum Ecclesiarum omnium curam Domino suscepimus disponente, ad illarum gravamina releuanda specialiter intendamus, quia Apostolico noscuntur amplius presidio indigere. Cum igitur, sicut accepimus, Monasterium tuum adeo sit in temporalibus diminutum, ut tibi, & fratribus Domino seruientibus in eodem, in vestitu, & victu de ipsius prouentibus providere non possis, auctoritate presentium liberam tibi concedimus facultatem, ut Sacristiam, & Ecclesias Monasterij memorati, quae à Monachis, seu clericis secularibus detinentur, ad manus tuas de consensu Conuentus, vel maioris, & sanioris partis ipsius, appellatione remota valeas legitime reuocare: quatenus de ipsarum prouentibus prouideatur Fratribus competenter, ut releuentur etiam onera debitorum. Tu denique fili Abbas super teipso, &c. Datum Lateran. iij. Kal. Febr. Pont. N. Anno quintodecimo.

Scriptum est super hoc ... Abbati sancti Vivilmi, & Priori, & Sacrista de Salve Lodouen. & Nemausen. Dioces. sic. Cum dilecto filio Abbati sancti Saluatoris Anianen. duxerimus concedendum, ut Sacristiam & Ecclesias Monasterij sui, quae à Monachis, seu etiam clericis secularibus detinentur, &c. usque, reuocare. Nec non ipsius Monasterij possessiones, & alia quae à praedecessoribus suis, vel alijs illicitè alienata inuenerit, vel distracta: discretionis vest. per apost. scrip. mandamus, quatenus, si qui super hoc contradictores apparuerint, vel rebelles, vos ipsos cum ab eo fueritis requisiti, ratione prauia, per censuram Ecclesiasticam appellatione postposita compescatis. Quod si non omnes, &c. duo vestrum, &c. Tu denique fili Abbas super teipso, &c. Datum iij. Idus Febr. Pont. N. Anno xv.

EPISTOLA CCXXXI.

PERSECUTIONEM PATIENTES AD PATIENTIAM
ADHORTATUR.

Canuarien. Archiepiscopo sancta Romana Ecclesia Card. & Coepiscopis suis cum ipso pariter exulantibus.



MNE gaudium existimare debetis, cum in tentationes varias incideritis, eorum exemplo qui gaudentes ibant à conspectu concilij, quoniam digni sunt habiti contumelias pro nomine lesu pati. Beati namque sunt illi qui persecutionem propter iustitiam patiuntur, quoniam cum probati fuerint accipiet coronam uitae, quam repromisit Deus diligentibus se. Fidelis enim est Deus, qui suos fideles non patitur supra posse tentari, sed facit in tentatione prouentum: Nam quod facit flagellum grano, & fornax auro; id efficit persecutio viro iusto, qui ratione fidei ex qua uiuit similis est grano sinapis, quod quantum plus tunditur, tantò fortius inardescit: ut probatio suae fidei multò pretiosior fiat auro, quod per

ignem non consumitur, sed probatur. Vos ergo fratres non deficiatis in tribulationibus vestris, quas pro libertate, ac iustitia Ecclesie toleratis, quoniam in seruis suis Dominus consolabitur, qui misericordiarum est pater, & torius consolatoris est Deus, in gaudio mei faciens, quod in lacrymis seminatur. Ipse quidem post nubilum facit serenum, & post tempestatem tranquillum. Ipse post lamentationem & fletum, gaudium, & exultationem inducit: qui lucem creauit post tenebras, & post vesperam fecit mane: quoniam ad vesperum demorabitur fletus, & ad matutinum lætitia: quod ille bene nouerat, qui dicebat: *Conuertisti planctum meum in gaudium mihi: præcinxisti me lætitia, ut caner tibi gloria mea, & non compungar.* O quantæ mercedis est apud Deum; quantæ laudis est apud homines, spiritualia temporalibus anteferre, ut temporalia spiritualibus postponantur? Exilium sustinere pro patria, pro diuitijs, paupertatem, inoriam pro honore, pro quiete laborem? Verum attendite diligenter, quid ille gloriosus Martyr, & Pontifex vester pertulerit pro hac causa; & intelligetis pro certo, quod in vestro certamine ipsius est martyrium innotatum, immo ipsius agonis palma vobis est feliciter reseruata, qui ducem certaminis tanquam fortis athletæ sequimini ad triumphum. Nisi enim huius causæ is esset effectus, quæ utilitas in sanguine suo, qui gladijs effusus est impiorum? Non enim sub altari Dei frustra clamat anima interfecti propter verbum Domini, & propter testimonium quod habebat voce magna dicendo: *Vsquequo Domine, sanctus & verus non iudicas, & vindicas sanguinem meum de ijs qui habitant super terram? & dictum est illi ut requiesceret, modicum adhuc tempus donec impleantur consensui:* quod ad vos sancto potest intellectu referri, qui consensui eius existitis, seruitutem exequendo diuinam, ut sponsam Christi à seruitute libereris humana. Quia non sumus filij ancillæ, sed liberæ, qua libertate nos vnigenitus Dei filius liberauit. Interrogate, queso, conscientiam ipsi vestram nisi respondeat ipsa vobis, quod tolerabilis est honorabilem persecutionem extra patriam sustinere, quam olim in patria perpeti vilissimam seruitutem, longè profecto peiorem, quam olim populus Israël in Ægypto sub Pharaone in luto, & latere sustinebat. Et nunc induratum est cor Pharaonis, nec dimittet Israëliticum populum, nisi tandem in manu valida, ut post sordes Ægypti, sacrificer Dño in deserto. Confidite fratres, quod idem Deus per alterum Moysen liberabit populū suum de seruitute noui Pharaonis in manu forti, & cum fuerit mirabiliter liberatus cantabit Dño gloriosè, quod equum, & ascensorē proiecit in mare: qui Deū sibi non posuit adiutorē, sed in sua præualuit vanitate; qui gloriatur cum malè fecerit, & in pessimis rebus exultat; qui factus est sicut equus, & mulus est in quibus nullus est intellectus: ita in reprobū sensum datus, ut cor eius commutatum sit ab humano, ei que cor fere sit datum, ut de ipsius conuersione penè penitus desperetur, nisi eum misericorditer, & mirabiliter in virum alium ille mutet qui vocat impios & nō sunt, & de lapidibus suscitāt filios Abraham: aut grauior illi vexatio tribuat intellectum, si fortè oculos suos leuet in celū & sensus suus illi reddatur, & Altissimo benedicat. Nos sanè qui ex intimo cordis affectu passionibus vestris compatimur, & doloribus condolemus, non cessamus extendere manus nostras, & in virga percutere, donec vos liberet Dominus in mirabilibus suis, quod non in longinquum futurum effecredimus, & speramus. Et licet cogitatum ve-

strum lactare debeatis in Deum, & sollicitudinem vestram in illam projicere, qui non deserit sperantes in se, nec de sua misericordia praesumentes, ne tamen ipsum fortasse teneatis, si cooperari negligatis eandem, satagite operari, quantum iuste ac honeste potestis, cum omni diligentia, & cautela, in his de contingentibus omittentes, ut ille vos, & in praesentia, & in futuro remuneret, pro cuius gloria, & honore graues, & grandes fuissetis iniurias, & praesumptis. Mittimus autem vobis litterarum rescriptum, quas Nuntijs nostris pro pace reformanda tribulimus praesentibus interclusum.

EPISTOLA CCXXXII.

INTERMINATUR ANATHEMA NISI ECCLESIA
CANTUARIENSI SATISFIAT.

Joanni illustri Regi Angliae spirituum consilij sanctorum.

AVDITIS VERBIS Nuntiorum tuorum, qui ad nostram praesentiam pervenerunt; & si noti illa vobis ex parte tua sufficienter obtulerint, quae sunt ad satisfactionem sufficientem competentem super multis, & magnis iniurijs, & iacturis, quas longo iam tempore intulisti Ecclesiae Anglicanae contra divini nominis gloriam, & Apostolicae Sedis honorem, in periculum animae, ac dispendium fame tuae; adhuc tamen experiri volentes, utrum te revocare possimus ab errore ad veritatem; ecce tibi benedictionem, & maledictionem proponimus eius exemplo, qui per Moysen famulum suum benedictiones & maledictiones proposuit, filijs Israel, ut eligas quam malueris vel benedictionem si satisfeceris, ad salutem; vel maledictionem, si contempseris ad ruinam. Licet enim quasdam nobis litteras destinaveris, quibus asseruisti habiturum te ratum quicquid Abbas de Belloloco, & frater A. Marcel, & alij quatuor Nuntij tui super negotio Cantuar. Ecclesiae agerent coram nobis: quia tamen ex his, non nisi tres ad nostram pervenire praesentiam, ij sine alijs nihil facere poterant, secundum earumdem continentiam litterarum. Præterea non agitur tantum de negotio Cantuarien. Ecclesiae, sed totius Ecclesiae Anglicanae. quam impiè persequendo niteris ancillare; propter quod anathematis meruisti vinculo innodari. Ij vero tres Nuntij nobis ad ultimum obtulerunt, quod secundum illam formam satisfacere promittebas, quam per dilectos filios P. Subdiacon. & Fratrem D. familiares nostros tibi curavimus destinare. Verum cum per te steterit, quominus secundum eandem formam pax fuerit reformata, & postea peiora prioribus attuleris, nos ad eam, quae pro maiori parte gratiam continebat, minime iam tenemur, cum ipsa gratia reddideris te indignum. Ut autem vincamus in bono malum, & omnem tibi excusationis materiam auferamus, adhuc eam parati sumus servare, si usque ad Kal. Iunii proximè venturas per iuramenta quatuor Baronum tuorum iurantium te praesente, ac standante in animam tuam, & per parentes tuas litteras repromiseris, quod eam fideliter, & efficaciter ad implendis secundum expositiones, & explanationes quas ad omnis dubitationis scrupulum remouendum duximus adhibendas, & infra eundem terminum hoc totum significaveris per tuas patentes litteras Venerabili F. nostro St. Cantuarien. Archiepiscopo, & qui cum

eo sunt Episcopi suis. Alioquin eius exemplo, qui populum suum de seruitute Pharaonis in manu valida liberauit, Anglican. Ecclesiam in forti brachio de seruitute tua studeamus liberare: prædicantes nunc tibi veraciter, & constanter, quod si pacem recipere cum vales, non viscum volumus non valebis, eritque inutilis penitentia post ruinam, sicut per eorum exempla potes cognoscere, qui diebus istis similia præsumserunt. Formam vero quam præfatus Nuntius nostris iniunximus præsentibus tibi litteris mittimus interclusam.

Pacis & reconciliationis leges.

Expositiones autem, & explanationes sunt istæ. In primis itaque solemniter, & absolucè iurabis stare mandatis nostris coram Legato, vel delegato nostro, super omnibus pro quibus à nobis excommunicatus existis, & veram pacem, ac plenam securitatem præstabis venerabilibus Fratribus Sc. Cantuarien. Archiepiscopo, Vv. Londonien. E. Ellen. E. Hereforden. I. Bathonien. & H. Lincolnien. Episcopis, ac dilectis filiis Priori, & Monachis Cantuar. Roberto quoque filio Vyalteri, & Eustacio de Vesci, necnon ceteris Clericis, & laicis hoc negotium contingentibus. Præstando simul coram eodem Legato, vel delegato nostro publice iuramentum, quod ipsos eum suis nec lædes, nec lædi facies, aut permittes in personis, & rebus, eisque omnem indignationem dimittes, & in gratiam tuam eisdem recipies, ac bona fide tenebis. Quodque præfatos Archiepiscopum, & Episcopos non impedies, nec permittes, aut facies impediri, quominus ipsi libere suum exequantur officium, & plena sint iurisdictionis auctoritate, prout debent, utantur. Et super ijs tam nobis, quam ipsi Archiepiscopo, & singulis Episcopis tuas patentes litteras exhibebis. Faciens ab Episcopis, & Comitibus, ac Baronibus tuis, quos & quos præfati Archiepiscopus, & Episcopi postulauerint, iuramenta, & patentes eorum litteras exhiberi, quod ipsi bona fide studebunt, ut hæc pax, & securitas firmiter obseruetur. Et si forte, quod Deus auertat, per te ipsum, vel alios contravenieris, ipsi pro Ecclesia contra violatores securitatis, & pacis mandatis Apostolicis inhaerebunt: tuque perperuo custodiâ vacantium Ecclesiarum amittes. Quod si forte nequiveris eos ad hanc ultimam iuramenti partem inducere, videlicet quod si per te ipsum, vel alios contravenieris, ipsi pro Ecclesia contra violatores securitatis, & pacis mandatis Apostolicis inhaerebunt: Tu propter hoc nobis, ac Roman. Ecclesie per tuas patentes litteras obligabis omne ius patronatus, quod habes in Ecclesijs Anglican. Omnes autem litteras, quæ pro securitate prædictorum sunt exhibendæ, præfatis Archiepiscopo, & Episcopis ante suum ingressum in Angliam destinabis. Si vero tibi placuerit præfati Archiepiscopus, & Episcopi præstabunt salvo honore Dei & Ecclesie iuratorium, & litteratorium cautionem, quod ipsi nec per se, nec per alios contra personam, vel eorumque tuam aliquid attentabunt, se illis prædictam securitatem, & pacem illibatam seruare. De ablatijs autem plenam restitutionem, & de damnis recompensationem sufficientem impendes, tam clericis omnibus, quam laicis vniuersis ad hoc negotium pertinentibus, non solum rerum, sed etiâ libertatû, eisque libertates redditas conseruabis, Archiepiscopo quidè, & Episcopo Lincolnien. à tempore suæ cõfirmationis, alijs autè à tempore discordie inchoatæ. Nec obstat aliqua pactio, vel promissio, seu concessio, quo minus &

dāna recōpenſentur, & reſtituantur ablata tam viuorū, quā etiam defunctorum. Nec de ablatis aliquid retinebis prætextu ſeruitij, quod tibi debuerit impēdi: ſed poſtea tibi debita pro ſeruitio recōpēſatio tribuetur, ſtatimq; facies omnes, quos detines Clericos abſolutē dimitti, ac reſtitui propriæ libertati, & etiā laicos, qui occasione huius negotij detinentur. Incōtinenti quoque poſt aduentū illius, qui te debet abſoluere, facies de parte reſtitutionis ablatorum, octo millia librarum legalium ſterlingorum pro perſoluendis debitis, & faciendis expenſis, nuntijs prædictorum Archiepiſcopi & Epiſcoporum, ac Monachorum Cantuarien. aſſignari ſinē impedimento quolibet, per tuam poteſtatem ad eos liberē deferenda, vt expediti reuertantur in Angliam, honorificē reuocati. Videlicet S. Cantuarien. Archiepiſcopo duo millia, & quingentas libras: Vv. Londonien. Epiſcopo ſeptingentas, & quinquaginta libras: E. Elien. mille, & quingentas libras. E. Hereforden. ſeptingentas, & quinquaginta libras: I. Bathoniē ſeptingentas & quinquaginta libras: H. Lincolnienſi ſeptingentas & quinquaginta libras: Priori, & Monachis Cantuarien. mille libras. Sed protinus abſque mora, poſt quā pacem iſtam duxeris acceptādam, reſignari facias Archiepiſcopo, & Epiſcopo, & Clericis, ac Eccleſijs vniuerſis, in manibus nuntiorum, vel procuratorū ipſorum omnia immobilia cum adminiſtratione libera eorundem, & in pace dimitti. Interdictum etiam vulgariter vlagatio nuncupatum, quod proponi feciſti contra perſonas Eccleſiaſticas publicē reuocabis; proteſtando per tuas patentes litteras Archiepiſcopo tribuendas, id ad te de perſonis Eccleſiaſticis nullatenus pertinere; quōdque illud decetero contra perſonas Eccleſiaſticas non facies promulgari. Reuocabis præterea vlagationem laicorum ad hoc negotium pertinentium, & remittes hominia, quæ poſt interdictum ab Eccleſiarum hominibus recepiſti, præter regni conſuetudinem, & Eccleſiaſticam libertatem. Si verō ſuper damnis, vel ablatis aut eorum quantitate, vel æſtimatione quæſtio fuerit de factō ſuborta, per Legatum, aut Delegatum noſtrum receptis probationibus publicē terminetur. Et ijs omnibus rite peractis relaxabitur ſententia interdicti. Super ceteris autem capitulis, ſi quæ fuerint dubitationes ſubortæ, de quibus meritō valeat dubitari; niſi per Legatum, vel Delegatum noſtrum de partium fuerint voluntate ſopitæ, ad noſtrum referantur arbitrium; vt quod ſuper ijs decreuerimus, obſeruetur. Remittimus igitur ad tuam regalem præſentiam præſatum Subdiacon. & familiarem noſtrum Pand. nobis, & fratribus noſtris merito ſuz probitatis acceptum, fideliter conſulentes, vt ijs quæ tibi ex parte noſtra ſuggeſſerit, omni dubitatione poſtpoſita beneuolum impartiaris aſſenſum. Datum Lateran. iij Kal. Martij. Pont. N. anno ſextodecimo.

Mandati Apoſtolicī tenor.

FORMA QUIDEM EST TALIS.

Dilectis filijs Pand. Subdiac. & Fratri Durando familiaribus noſtris.

ILLAM gerimus de veſtra diſcretionē fiduciam, vt ſecurē vobis ardua negotia committamus: pro certo ſperantes, quōd ea ſecundū Deum ad honorem, & proſectum Apoſtolicæ Sedis curabitis promouere. Quocirca diſcretionī veſtræ per Apoſt. ſcript. præſcripiendo mandamus: quatenus proficiſcentes in

Angliam, vnà cum Venerabili fratre nostro... Wintonien. Episcopo, & dilecto filio... Priore Conuenter. vel eorum altero, si forsan ambo interesse non possent, Regis presentiam adeatis, monentes, & exhortantes eundem efficaciter & prudenter, vt Deo, & Ecclesie satisfaciatur secundum formam subscriptam inter nos & Nuntios suos multimoda deliberatione prouisam. Ipse quidem cum suas parentes litteras vobis tradiderit, & vos nostras parentes litteras sibi tradatis secundum Capitularis tenorem, quod ei pridem direximus sub alphabeto distinctum, vobisque tradimus ad cautelam. Sed si Rex ipse maluerit, vt nec ipse iradat huiusmodi litteras suas vobis, nec vos tradatis huiusmodi litteras nostras sibi, acquiescatis eidem: & sic cum predictis Episcopo, & Priore, vel eorum altero, recepto ab eo publice iuramento, quod super ijs, pro quibus de mandato nostro excommunicatus existit, nostris mandatis absolute parebit, tu fili Subdiac. beneficium ei absolutionis impendas, reconcilians eum Ecclesiasticæ unitati; ac deinde recipientes ab ipso, tam pro Venerabili F. N. St. Cantuarien. Archiepiscopo, quam pro Coepiscopis eius, & Monachis Cantuarien. ac omnibus alijs ad hoc negotium pertinentibus, plenam securitatem, ac idoneam cautionem, per honorabiles Nuntios faciatis eos in Angliam reuocari, quibus idem Rex omnem rancorem, & indignationem remittat; ac recepto à prefato Archiepiscopo iuramento, quod à suis predecessoris consuevit illius progenitoribus exhiberi, vniuersa ei concedat, & tradat, & faciat ab eo pacifice possideri, quæ ad ipsum pertinere noscuntur. Ità quod super ablatorum restitutione, ac recompensatione damnorum satisfactionem plenariam, tam ipsi, quam alijs vniuersis faciat exhiberi: & sic tu relaxes sententiā interdicti. Si verò circa horum aliquid, de quo merito valeat dubitari, quidquam emerferit questionis, nostro referretur mandato, iniungendo super hoc ipsi Regi ex debito prestiti iuramenti, ne propter huiusmodi dubiū relaxatio interdicti nimium differatur. Testes autem qui super eo fuerint nominati, si se gratia, odio, vel timore subtraxerint, quominus perhibeant testimonium veritati, ad hoc per censuram Ecclesiasticam appellatione remota compellas, quatenus inquisita, & cognita veritate si quid super ablatorum restitutione, vel recompensatione damnorum propter questionem subortam remanserit imperfectum, per Apostolicam tandem mandatum consultius impleatur. Quod si forte prefatus Rex infra mensem præscriptam formam non duxerit acceptandam, sed in sua maluerit duritia perdurare, vos ex tunc recedentes ab ipso significetis ex parte nostra predictis Archiepiscopo, & Episcopis, vt negotium Ecclesie, prout melius poterunt persequantur, vosque non differatis ulterius ad nostram presentiam remerare.

EPISTOLA CCXXXIII.

DEPOSITO MELPHIENSI EPISCOPO ALIUM ELIGI MANDAT.

Capitula Melphien.

A VRES habuit, & non audiuit, nares, & non odotauit, ille qui præfuit, & obfuit Ecclesie Melphien. cum operum eius clamores, qui vsque ad nos in longinquo insinuatione clamorosa cōmunis fere opinionis vallata testimonio peruenierunt, in proximo noluerit intelligere, vt bene ageret: Com-

paratus iumentis insipientibus, & similis illis effectus: & nostræ commonitionis surdus auditor inter virtutum odorem, & fetorem non discreuerit vitiorum. Acceperamus siquidem olim qualiter R. tunc Melsen. Episcopus, si Episcopus dici debet, quem opera mercenarium exhibuerunt non pastorem habitus fuerat de bonæ memoriæ Iacobi predecessoris sui morte suspectus: quid & qualiter post obitum illius proprio firmauerat iuramento, & contra id venerat quod iurarat, quomodo tandem in sua fuerat electione processum: qualiter etiam illa, quam in oculis populi ad publicæ infamæ testimonium detinebat, in die consecrationis eius enixa, & libidinis testem produserat, & quasi recentis ediderat incontinentiæ argumentum. Et quomodo alius, qui post eum venerat, & descenderat ex eodem ante ipsum factus est Presbyter, ante patrem ascendens filius ad altare. Nos autem erga ipsum tanta patientia sumus vsi, quòd qui poteramus descendere, ac videre, vtrum clamor qui ad nos de ipso ascenderat, opere compleretur, & respòdente facto sermoni vibrare ultionis gladium in eundem; virgam correctionis remisimus, rigorem iudicii suspendentes, & affectu ei patris spiritualis exhibito ipsi caritatiuè monitionis manna porreximus pregustandum. Et ne quid de contingentibus omittere videremur, oblatum nobis infamæ suæ libellum sibi duximus transcribendum; audita suis oculis admouentes, vt ingressus conscientiæ suæ iudicium, idem sibi testis, & iudex existens, humiliatus ad penitentiam sic apud se caderet, quòd resurgeret apud Deum. Ipse verò tanquam aspis surda, quæ vocem non exaudit incantantium sapienter, vsque adeo nostros proiecit post sua terga sermones, quòd sicut postmodum nostris fuit auribus intimaum, deposita penè penitus modestia pastorali, carnem & sanguinem sapiens, filium voluptatis, & sanguinis, & aliàs prorsus indignum, & moribus onerosum, dignis, & honorabilibus prætulit officio Cantoris. Sicque factus est post Episcopum primus inter alios excellentia dignitatis, qui meritis nouissimus existeret: & pñmi prærogatiua virtutum facti sunt nouissimi beneficii qualitate. Nepotibus quoque suis vagientibus in cunabulis, licet ad plus vix valentibus balbutire; ne dum quòd in Ecclesia legerent, vel cantarent, nisi forè legat balbutiens expedire, ac dulces choro concinentium resonet vagiens melodias, maiores præbendas tribuit, & beneficia meliora, porrantibus alijs pondus dici, & æstus; & istis vbi non seminauerunt, merentibus plena manu. Hæc autem licet se promiserit correcturum sub fidei sponsonè, faciens tamen ad vltiora processum, immò magis excessum, tam vos, quàm alios Clericos præbendis, & beneficijs prætermisso iuris ordine spoliavit: & contra Turonen. statuta Concilij, quod sectionem inhihet præbendarum, diuidebat, & diuisas conferebat præbendas, non secundum rationis iudicium, sed pro suæ arbitrio voluntatis. Sponsalia sanè, nisi de soluenda sibi pecunia præcederent sponsones, contrahi prohibebat: ac factus in tēplo Domini venditor columbarum, qui nummulariorum mensæ euertere debuisset, opibus, non operibus pensatis in subditis, in collatione beneficiorum, & aliorum quæ iuris spiritualis existunt, non quid exigeret meritum, sed quid munus suggereret attendebat, vt qui plus de temporalibus in stateris eius dolosis posset appendere, plus de spiritualibus reportaret. Sicque ad Simonem Magum imitatione simoniacæ prauitatis accessit, quòd à Simone Petro penitus visus est discessisse. In ijs autem, & alijs quæ licet

in publicum malitia sua prodiderit, nos tamen fastidio subticemus, in patientia supportauimus, illi locum veniæ referuantes, vti forsã actus suos reformaret in bonum sibi nostra clementia ignosceret, ne periret: sed ipse gratia nostræ benignitatis abusus, vt nos acrius prouocaret Oâ. reprobo, & maledicto, nec pulsatus precibus, nec sufficienti metu commotus, Melfien. subdidit ciuitatem, factusque proditione præcursor, ciues quos reuocasse debuerat, præuenit temerè ad iurandum; immò potius deiurandum: cùm dici non debeat iuramentum, per quod iustitia læditur, fides alij debita violatur, & cuius adhuc manus, vt verbis cuiusdam solitæ loquutionis vtamur, de recenti iuramento calebat, quòd karissimo in Christo filio nostro F. illustri Regi Siciliæ paulò ante præstiterat traxit post se plurimos ad ruinam, & excommunicato prædicto tantò principalius inter alios regni prælatos adhaesit, quantò plus alijs ab Ecclesiæ deuotione, ac memorati Regis fidelitate recessit. Porro vt pœna reuocaret à culpa, quem culpa traxit ad pœnam, & sentiret fulgura, qui tonitrua non timebat, Venerabili F. nostro . . . Murano Episcopo nostris dedimus litteris in præceptis, vt ipsum ab officio Pontificali suspendens, firmiter eidem iniungeret, quòd infra tres menses nostro se conspectui præsentaret: alioquin ex tunc cum vinculo excommunicationis alstringens vobis ex parte nostra præciperet, vt prouideretis Ecclesiæ vestræ, ac vobis personam idoneam canonicè in pastorem. Cùmque per supradictum memoratum Episcopum nostra fuisset auctoritate suspensus, infra trium mensium spatium eidem indultum per nuntios institit, & humiliter supplicauit, vt terminum, quo nostro se debeat præsentare conspectui dignaremur vsque ad octauas B. Martini proximò præteritas prorogare: Cui non solum illas, sed etiam vsque ad octauas Epiphaniæ ad conuincendam eius malitiam alias inducias duximus indulgentas. Interim autem ipse iram sibi accumulans in die iræ, nedum quòd à præmissis non destitit, sed etiam, sicut accepimus, tanquam sedus cum morte pepigerit, in profundum veniens vitiorum, in contumaciam se maiorem erexit, & prioribus peiora commisit. Medio tempore bona Ecclesiæ sibi commissa tam prodiga dispensatione dispergens, quòd euentu secuto præmissæ petitionis interprete, ad dissipandum, non ad comparandum in nostra præsentia, visus est prorogationem termini, non absque illusione Sedis Apostolicæ postulasse. Cùm igitur idem mortuus per peccatum, & euidencia suorum actuum peruersorum extra ciuitatem delatus, iamque delinquendi consuetudine compeditus in monumento iaceat fetidus, non adiiciens vt resurgat, vt excidatur ficus fatua, quæ nec verba salutis enuntians, nec opera virtutis exercens, non protulit fructus, aut folia, sed terram sterilem reddidit sub occupatione nociua: dictam R. ab Ecclesia Melfien. perpetuò duximus amouendum, vt nec etiam vt subiectus in ea remaneat, cui sic præesse noluit, vt prodesset: excommunicationis vinculo innodantes, si quis ei de cetero præsumpserit intendere, vt pastori. Contra actus præterea vèditionis, donationis, vel cuiuslibet alterius alienationis, quos in damnum celebrauit eiusdem Ecclesiæ irritamus, & vt terra quæ sub vmbra inutilis arboris sterilis habebatur, per nouam plantationem ad fructificandum culturam recipiat congruentè, per Apostolica scripta districtè præcipiendo mandamus, quatenus in talem personam de prudentum virorum consilio vota vestra per electionem canonicam conferatis, per quam, & præteriti temporis valeat

valeat reparari iactura, & futuri commoditas prouideri. Datum Lateran. iij. Kal. Febr. Pont. N. Anno xv.

EPISTOLA CCXXXIV.

PACTA IN FRAVDEM ECCLESIAE INTERPOSITA DE NON
RESTITVENDIS ABLATIS IRRITA DENVNCIAT.

*S. Cantuarien. Archiepiscopo S. Romana Ecclesia Card. Vv. Londonien.
E. Elien. E. Hereforden. & H. Lincolnien. Episcopis.*

NA quæ illicite præsumuntur contra honestatem canonicam, aut Ecclesiasticam liberratem merito debent per auctoritatem Apostolicam irritari: ne forte transeant præsumptoribus in exemplum. Quocirca fraternitati vest. per Apost. script. mandamus, quatenus concessionēs, pactiones, siue promissiones, quas clerici seu religiosi viri cuiuscumque professionis, vel Ordinis Ioanni Regi Angliæ super ablatiis, vel extortis post interdictum fecerunt, quominus ipsa restituantur ad plenum, denuntietis irritas, & inanes. Auctores etiam, & procuratores illarum nisi moniti satisfecerint, excommunicationis vinculo innodetis. Siqui verò prædictorum noluerint ablata, vel extorta repetere: detentores eorum nihilominus ipsa restituere cōpellaris, in Terræ Sanctæ subsidium iuxta mandatum Apostolicum referuanda. Quòd si non omnes, &c. tres aut duo vestrum appellatione remota, &c.

EPISTOLA CCXXXV.

CVM REGE ANGLIÆ EXCOMMUNICATIONEM PASSOS AB
OFFICIIS, ET BENEFICIIS SUSPENDI IVBET.

Eisdem.

NISI præsumptorū temeritas puniretur, nimis insolesceret audacia malignorum, qui nolentes inter fas, & nefas discernere, vitium pro virtute, ac vanitatem pro veritate sequuntur. Nos igitur, quibus imminet ex Apostolicæ seruitutis officio, errata corrigere, ac praua reducere in directā, per Apost. vobis scripi. mandamus, quatenus viros Ecclesiasticos, qui Ioanni Regi Angliæ anathematis vinculo innodato ministerium, consilium, vel auxilium præstiterunt in ijs quæ sunt contra iustitiā, & liberratem Ecclesiasticam attērata: Illōsque qui ab eodem Rege post excommunicationem, vel ab alijs excommunicatis scienter per collationem, vel præsentationem Ecclesiastica beneficia sunt adepti: & similiter eos, qui ob causas excommunicati prædictas, excommunicationis suæ tempore beneficia Ecclesiastica receperunt: necnon Ecclesiasticos viros, qui scienter excommunicatis Ecclesiastica beneficia contulere: similiter clericos, & viros religiosos, qui publicè communicauerunt præfato Regi & alijs excommunicatis auctoritate Apostolica nominatim in casibus non concessis, ab officij, & beneficijs Ecclesiasticis suspendatis; donec se Apostolico conspectui repæsentent, cum vestrarum testimonio litterarum plenam & meram continentium

veritatem illis dumtaxat exceptis, qui per satisfactionem condignam ad mandatum Ecclesie redierunt. Quod si non omnes, &c. vsupra.

EPISTOLA CCXXXVI.

REGEM ANGLIÆ NISI BONA FIDE LEGES ABSOLVTIONIS
IMPLEVERIT, ITERVM INTERDICTO SVBIIICI PRÆCIPIT.

Eisdem.



SEPE contingit, vt dum hostilis malignitas se reperit coartatam, pacem in dolo dissimulet, dolumque post pacem attenter, vt eps fraudibus circumueniat, quibus non potuit viribus præualere. Volentes itaque contra dolositates huiusmodi diligenti prouidere cautela, presentium vobis auctoritate concedimus; quod si Ioannes Rex Angliæ violauerit pacem, postquam inter ipsum, & Ecclesiam Anglicanam prouisione fuerit apostolica reformata, nisi Rex ipse legitime monitus satisfecerit competenter, consulto interim Romano Pontifice Regem ipsum, & regnum eius in eum statum interdicti & excommunicationis, in quo ante reformationem pacis fuerunt, auctoritate apostolica reducat. Quod si non omnes, &c.

EPISTOLA CCXXXVII.

NE QVEM, NISI POST PLENAM SATISFACTIONEM E REGIO
SANGVINE IN REGEM CORONENT.

Eisdem.



VIA nonnunquam malignorum peruersitas per successionem sanguinis à parentibus in filios deriuatur: sicut euidenter apparet, ex eo quod olim Rex anglorum Henricus beatum Thomam Cantuarien. Archiepiscopum iustitiam, & libertatem Ecclesiasticam defendentē longo fuit tempore persecutus, interemptum tandem gladijs impiorum; & Ioannes Rex Angliæ natus eius, propter eandem causam vos, ac dilectos filios Monachos Cantuarien. cum multis alijs à multo iam tempore inique persequitur, cogens vos bonis omnibus spoliatos miserabiliter exulare. Nos Ecclesiasticę libertatis zelo succensi, per apost. vobis script. mandamus, & districte præcipimus, quatenus si dictus Rex violauerit pacem, quæ inter ipsum, & Ecclesiam Anglicanam prouisione fuerit apostolica reformata, vos, aut quilibet alij nullum de heredibus suis vngere, vel coronare præsumatis in Regem. Saluo semper in omnibus apostolicę Sedis mandato.



INNOCENTII III.
PONTIFICIS MAXIMI
EPISTOLARVM
LIBER IV.

REGESTI DECIMVS SEXTVS
Anni Pontificatus XVI.

EPISTOLA PRIMA.

SVPER FINIBVS EGITAN. ET COLIMBR. DIOECESON
IYDICES DELEGAT.

*Zamorensi, & Portugalen. Episcopia, & Magistro Florentio
Archidiac. Zamoren.*



VENERABILIS fraternoster... Colimbrien.
Episcopus in nostra proposuit presentia consti-
tutus, quòd cum olim Auriem. Episcopo, & suis
coniudicibus, nostris dederimus litteris in man-
datis, vt vniuersa in quorum possessionem per
Caurien. & Ciuitaten. Episcopos Venerabilis F.
N.... Egitan. Episcopus fuerat aduersus eundem
Colimbrien. inductus, vel eorum occasione au-
thoritate propria occuparat, ipsi Colimbrien.
cum fructibus medij temporis restitui facientes,
supplerent, siquid per ipsius Egitanien. malitiam defuisse constaret, executioni
sententiz pro eodem contra Egitanien. Colimbrien. eundem, arbitrari exami-
ne super restitutione fructuum pronulgatz ad limitationem Episcopatum
quàm citò possent sub omni diligentia processuri, prædictus Auriem. & sui con-
iudices super restitutione facienda vices suas Abbati de Sertia, & suis consocijs
cômiserunt, limitationem Episcopatum sibi specialiter referuantes. Possessio-

nibus itaque per eundem Abbatem, & suos Collegas Colimbrien. Ecclesie restituitis, iidem iudices dictum Egitanien. nisi fructus omnes medij temporis ad plenum restitueret infra terminum ad hoc ei præfixum, excommunicationis vinculo innodarant, contradictores censura simili percellentes. Transacto verò termino, infra quem Egitanien. Episcopus eidem debuerat parere sententie, ipsius contumacia exigente prolata prius sub conditione sententia fui, postmodum præcisè, & simpliciter innouata. Parribus sanè à delegatis nostris prædictis interim conuocatis, Procurator Colimbrien. Ecclesie, & pars altera ad hoc ad vltimum conuenerunt, vt idem Colimbrien. in possessione, quam per memoratum Abbatem, & suos Collegas fuerat affectus, non obstante modo processus, videlicet siue iuste, siue iniuste processerint, tunc pacifice permaneret. Si tamen ea restituta fuissent, quæ secundum mandatum Apostolicum restitui debuerant hinc inde, subtractione, vel suppletionem nihilominus facienda, si fuisset aliquid quoad possessiones plus, vel minus debito restitutum. Pro restitutione verò fructuum idem Egitanien. obligauit ablantes, hoc tamen adhibito, quòd si cautio illa insufficiens videretur, secundum delegatorum ipsorum cauere arbitrium per pignoratitiam, vel fideiussoriam cautionem. Præfixo quoque termino, quò se partes eorundem iudicum conspectui præsentarent propter discordiam, quæ inter carissimos in Christo filios nostros Portugalen. & Legionen. Reges exereuerat, idem Colimbrien. quòd neque per se, neque per procuratorem idoneum apud Auriam poterat proficisci per quendam nuntium ferè nudum iudicibus intimauit. Ipsi verò eundem Colimbrien. in mille, ac sexcentis solidis monetæ Legionen. expensarum nomine condemnarunt, & aliàs procedentes minus legitime contra ipsum, Episcoparum non sine Colimbrien. Ecclesie præiudicio, post appellationem legitimam limitarunt. Quapropter idem postulabat instanter processum iudicum eorundem, tam super expensis, quàm limitibus irritari. Nos autem considerantes vtrique partium expedire, vt non secundum rigorem iustitiæ, sed secundum æquitatis prouidentiam in isto negotio procedatur: discretionem vestræ per Apost. script. præcipiendo mandamus, quatenus apud vos possessionibus sequestratis, Egitanien. Episcopo m, vt Colimbrien. fructus iuxta formam alterius nostri mandati restituat, vel de restitutione faciendi sufficientem præstet, & idoneam cautionem, monitione præmissa, distinctione qua conuenit, appellatione postposita compellatis: & sic auditis, & intellectis, quæ partes hinc inde duxerint proponenda, si vobis constiterit, quòd Aurien. Episcopus, & sui coniudices prouide Dioceses prædictorum Episcopatum limitarunt, faciatis eas auctoritate nostra secundum illum modum manere perpetuò limitatas. Alioquin tam per testes, instrumeta, & famam, quàm antiquas diuisiones, & quæcumque alia adminicula inquisita, & cognita veritate plenius ipsos Episcopatus, solum Deum habentes præ oculis limitetis, facientes quòd decreueritis per censuram Ecclesiasticam firmiter obseruari. Ceterum si prænominatus Colimbrien. de legitimo impedimento docuerit, propter quod Aurien. Episcopi, & coniudicum eius conspectui se nequiverit præsentare: vos eum absoluat à pena, qua propter contumaciam per illos extitit condemnatus. Alioquin ipsum in legitimis, & moderatis expensis, quas pars altera fecit in causa, ex quo idem Colimbrien. cepit laborare contumacia, condemnatis. Prouiso

prædenter, vt Colimbrien. Episcopum super possessionibus laicalibus, quas in Conilian. & in eius terminis legitime acquisiuit non patiamini ab aliquo indebitè molestari. Quod si non omnes, &c. duo vestrum, &c. Vos denique fratres Episcopi super vobis ipsis, &c. Datum Lateran. vj. Kal. Martij, Pont. N. Anno sextodecimo.

EPISTOLA II.

INTERMINATVS ANATHEMA AB ECCLESIE INIURIIS
DETERRET.

Regi Armenia.



INUITI ac dolentes tibi negamus Apostolicæ salutationis, & benedictionis alloquium, cui benedictionem & salutem æternam in Domino affectamus. Verùm id exposcit tuorum excessuum magnitudo, quia cùm deuotum ei deberes impendere famulatum, qui te ad regni solum sublimauit, ad vindictam malefactorum, laudem verò bonorum, commissum tibi ab eo gladium exercendo; tu illum conuersione damnabili conuertens in viscera Ecclesiæ maris tux, nuper, vt ad præfens alia taceamus, quæ nobis sunt de tuis actibus sapiens nuntiata, in Ecclesiam, & populum Antiochen. tantæ immanitatis atrocitate, violatis treugis, & regia promissione posthabita desisti, vt ad confusionem tuam non possit in memoriam non redire, quod legitur, Vnusquisque à suo proximo se custodiat, & non habeat fiduciam in quolibet fratre suo, quia omnis frater, & proximum supplantabit, & studebit incedere fraudulenter. Sicut enim ex litteris Venerabilis F. N. ... Patriarchæ Antiochen. & multorum aliorum nobis innotuit, cùm treugæ inter te, ac Antiochen. præfatos per ipsius Patriarchæ studium factæ fuissent, & iuramento firmatæ, tuque promisso, quod eas inuiolabiliter bona fide seruares vsque ad terminum constitutum, super hoc litteras eidem Patriarchæ Bulla munita regia destinasses: tandem oblitus quantam habere debeat regalis promissio firmitatem, quamquam sit indecens, & nefarium huiusmodi pacis, aut treugarum fœdera violare, in terram Antiochiæ Rûpin. nepotem tuum, cum non paruo exercitu transmisisti, qui terram immunitam, utpote nihil hostile metuentem ingressi, non solum Ciuium, sed & Ecclesiarum casalia, supergressi seditiam paganorum redegerunt in cinerem, & fauillam, & flagitijs quæ recitare nec libet, nec expedit perpetratis, prædam valentem centum millia Byfantiorum, & ampliùs abduxerunt. Prius etiam quædam, quæ dictus Patriarcha malum in bono vincere studens, vsque modò siluerat attentatas, quibus Apostolicam Sedem, immò cum qui Ecclesiarum omnium eam matrem constituuit, & magistram, non leuiter quidè nosceris offendisse. Cùm enim Venerabilis F. N. ... Patriarcha Hierosolymitan. Apostolicæ Sedis Legatus quendam, qui se Patriarcham Antiochen. appellat, de speciali mandato nostro duxerit exigente iustitia deponendum: & in omnes, qui eidem tanquam Patriarchæ intenderent, excommunicationis sententiam promulgarit, tu nihilominus eum, non sine Apostolicæ Sedis iniuria, recepisti, eidè quasi Patriarchæ temerè intendendo. Ad hæc ... electo Tarsen.

sublato de medio, cū Patriarcha sꝑediꝑtus speraret vt iuxta promissionem
 tuam Archiepiscopus inſtitueretur ibidem: tu redditibus, & caſalibus ipſius
 Eccleſiæ militibus tuis ſacrilega præſumptione diuiſis, & Latinis clericis expul-
 ſis penitus ab eadem, in ipſa Græcos quosdam intrudere præſumpſiſti. Quo-
 niam igitur hæc ſub diſſimulatione tranſire nec volumus, nec debemus, quos
 Apoſtolatus officium non ſolū Eccleſijs, verū etiam fidelibus vniuerſis
 conſtituit debitores, ne nobis negligentibus impietatem tuam tibi, prout ad
 nos pertinet, nunciare, tu in tua moriaris iniquitate, quod abſit; & ſanguis
 tuus de noſtris manibus à Domino requiratur, Serenitatem tuam monemus,
 rogamus, & exhortamur in Domino, & ſub diuini iudicii obteſtatione tibi
 præcipiendo mandamus, quatenus prædicto Patriarchæ, ac Eccleſijs ſuis taliter
 ſatisfacere ſtudeas de præmiſſis, vt maiestatem diuinam, quam ea commit-
 tendo tibi offenſam proculdubio reddidiſti, placatam tibi reddere va-
 leas eadem corrigendo; & nos te tanquam obedientiæ filium caritatis bra-
 chijs amplexantes, fauorem tibi teneamur Apoſtolicum impertiri. Alio-
 quin cū Domino diſponente, in eo ſimus loco, & officio conſtituti, vt vin-
 dictam in nationibus, & increpationes in populis facere teneamur, ac ſe-
 cundū apoſtolum omnem inobedientiam proprii ſumus vlciſci ... Vene-
 rabilib. FF. NN. Patriarchæ Hieroſolymitan. prædicto, & ſuffraganeis
 eius, ac Episcopis Cypri noſtris damus litteris in mandatis vt te, licet ex
 alia cauſa vinculo excommunicationis aſtrictum, ex hac quoque vſque ad
 ſatisfactionem condignam appellatione poſtpoſita, faciant excommunicationis
 ſententiæ ſubiacere: nihilominus in præſatum nepotem tuum, ac omnes
 principales, fauores, & Conſiliarios tuos conſimilem ſententiam proferen-
 tes, ac facientes eandem vſque ad ſatisfactionem idoneam inuiolabiliter ob-
 ſeruari: Inſuper kariffimis in Chriſto filiis Hieroſolymitan. & ... Cypri Regi-
 bus illuſtribus, & Baronibus eorundem; necnon dilectis filiis Templarijs, &
 Hoſpitalarijs, & peregrinis conſtitutis in provincia Hieroſolymitan. manda-
 mus, vt interim tibi nullum impendant conſilium, auxilium, vel fauorem:
 quinimò te tanquam excommunicatum arctiùs euitantes, Patriarchæ prædi-
 ctoꝝ ac Eccleſijs eius aſſiſtant, ad ſuam iuſtitiam obtinendam. Præſato Patriar-
 chæ Hieroſolymitano mandantes, vt ipſos ad id compellat per cenſuram Ec-
 cleſiaſticam, ſi neceſſe fuerit, & viderit expedire. Tu igitur ſenſus tuos col-
 ligens in teipſo, ſicut vir prouidus ſtudeas præcauere, ne te in illum articu-
 lum neceſſitatis inducas, quòd te ſerò penitear apoſtolicis non obtemperaffe
 monitis, & mandatis. Datum Lateran. ij. Kal. Martij Pont. N. Anno ſexto-
 decimo.

EPISTOLA III.

VT ADVERSVS NEFANDA QVÆDAM IVRAMENTA
SERIO INSVRGANT.

Remensi Archiepiscopo, & Suffraganeis eius.



LESI Apostolatus officium nos vniuersis constituat debitores, & erga omnes paternum affectum gerere teneamur: Regnum tamen Franciæ prærogatiua quadam diligimus caritatis, virore quod præ cæteris mundi Regnis; Apostolicæ Sedis, ac nobis obsequio-
sum semper extitit, & deuotum. Ideoque ab eodem regno specia-
liter amouere cupimus scandala vniuersa, quæ contra illud diuinæ possent ma-
iestatis oculos prouocare. Noueritis autem ad nostram audientiam peruenisse,
quod eiusdem regni homines, quasi ex consuetudine generali frequenter ex ira,
& interdum animi leuitate, quibusdam vtuntur nefandis, & horribilibus iura-
mentis: & cùm veritas doceat per seipsam, non esse iurandum per terram, quia
scabellum est pedum Dei, ipsi non solum per diuinos pedes, & manus iurare
non metunt, verum etiam ipsius Christi, & sanctorum eius secretiora membra
lingua sacrilega perseruantes, ea non formidant intonare iurando, quæ nos scri-
bendo sumus. veriti nominare. Cùm igitur sacri canones in præsumptores hu-
iusmodi constituunt graues pœnas, & Episcopos nihilominus, qui hæc emen-
dare negligunt, a se acerrimè arguendos, Fraternitatem vestram monendam
proximus attentius, & horrandam per Apost. vobis script. præcipiendo man-
dantes, quatenus subditis vestris, vt ab huiusmodi temeritate desistant, curetis di-
strictius inhibere: & inhibitionibus comminationes addendo, eorum præsum-
ptionem salubriter corrigaris, quod diuini nominis zelus vos tangere videatur, &
eorum temeritas diuinam contra ipsos, & regnum præfatum non prouocet vl-
tionem. Vos denique fratres Archiepiscopo, & Episcopi super vobis ipsis, &c.
Datum Lateran. ij. Idus Martij, Pont. N. Anno xvj.

EPISTOLA IV.

QVÆSITIS SVPER ELECTIONE PRÆPOSITI ARETINI RESPONDET.

*Episcopo Florentin. & Priori Camaldulen. & Magistro B. Pleban.
Castri Florentin.*



QUOLIM nuntius dilectorum filiorum... Præpositi, & Canonico-
rum Aretin. in nostra præsentia constitutus, sententiam quam
super electione facta de ipso Præposito in pastorem Ecclesiæ Aretin.
Venerabiles fratres nostri Archiepiscopus Rauennas, & Episcopus
Liuien. delegati à nobis pro dicto Præposito promulgarant,
postularet auctoritate Sedis Apostolicæ confirmari. Magistro R. Procuratore
partis alterius, præter alia cōtra modum electionis ipsius, & processum iudicum
prædictorum obiecta proponente, ipsum Præpositum in Ecclesiā Aretin. in-
gressum simoniacum habuisse, ac tempore quo de ipso fuit electio celebrata, ex-
communicationis fuisse vinculo innodatum, & natalium pati defectum: quia

nobis super ijs non poterat fieri plena fides, vobis dedimus in mandatis, vt tam super processum iudicum, & electionis modo, quàm super obstaculis alijs, quæ partes ducerent proponenda, receptis probationibus eorundem, ipsas sub vestris sigillis fideliter nobis transmitteretis inclusas: præfigentes partibus terminum competentem, quo nostro se conspectui præsentarent sententiam recepturam. Adieciimus etiam, quòd testes quos vtraque pars super modo electionis, processu iudicum, & alijs quæ crimina non contingerent, ducerent nominandos, si se gratia, odio, vel timore subtraherent, per censuram Ecclesiasticam appellatione postposita cogeretis veritati testimonium perhibere. Partibus itaque in nostra præsentia constitutis, narratione, ac responsione, alijsque partium confessionibus super processu iudicum, & modo electionis auditis, cum velletis, sicut ex litteris vestris accepimus, ad aliorum inquisitionem procedere, à parte Præpositi fuit obiectum, se non teneri super alijs se respondere, cum hæc, sicut dicebat, coram primis iudicibus obiecta fuerint, nec probata: præsertim cum indicæ datæ ad hæc probanda fuissent, & super ijs pars eadem protestata fuerit coram vobis, quòd absque sui præiudicio super articulis alijs responderet: & adiecit ei non debere obesse, si nuntius eius cum aduersario litteras impetrauit, qui non ad hoc, sed tantum ad impetrandam confirmationem sententiæ fuerat destinatus. Quibus pars aduersa respondit, quòd cum hæc sub iudicibus memoratis, in modum exceptionis dilatorie fuerint ad iudicium declinandum obiecta, quod etiam pars altera concedebat, contra personam nihilominus ipsius Præpositi ad excludendum eum à dignitate poterant peremptorie nunc opponi: præsertim cum nuntius partis Præpositi, in litteris impetratis cum aduersario conuenisset, & primò vobis præsentasset easdem, ac vos forma cogeret litterarum. Addidit insuper, quòd pars Præpositi contestando lirem approbasse litteras, & à dilatorijs exceptionibus recessisse liquidò videbatur: quod pars aduersa negabat cum super alijs respondendo, vt dictum est, de iure suo circa exceptiones huiusmodi fuerit protestata; & sicut dicebat, commissionis litteras approbare pro parte, ac pro parte poterat reprobare. Quia verò super ijs diuè si videbantur diuersa sentire, quid vobis sit faciendum postulastis per Sedem Apostolicam edoceri. Querentes nihilominus, an defectus natalium, & excommunicatio iudicari debeant ad crimina pertinere, cum de crimine non filij, sed patris agatur in primo, & de pœna criminis in secundo, vt sic instrui valeatis, vtrum super ijs nominandos testes secundum formam præcedentium litterarum debeatis compellere perhibere testimonium veritati. Quæsiuistis etiam, si ad testimonium debeat Archidiaconus supradictus admitti, cum per procuratorem agant idem, & eius socij coram vobis. Nolentes igitur per tales inutiles, & vanos anfractus decisionem causæ in grauamen Ecclesiæ Aretinæ differri, per Apost. vobis scripti præcipiendo mandamus, quatenus non obstantibus huiusmodi vanis, & friuolis occasionibus secundum formam vobis datam procedatis in causa: testes in præmissis articulis, illo de simoniaco ingressu dumtaxat excepto, ad perhibendum testimonium veritati per censuram Ecclesiasticam compellentes; cum & si à criminibus fortè descenderint, quoad istud negotium crimina non contingant. Archidiaconi verò testimonium, cum pro parte ipsius, & sociorum eius, non per eum, sed per procuratorem agatur: & in causa Ecclesiarum suarum clerici etiam ad-

uersus extraneos admittantur, cur in hac repelli debeat, nisi aliud rationabile obuiet, non videmus. Tu denique frater Episcopo super teipso, &c. Datum Laterani ij. Idus Martij. Pont. N. Anno sextodecimo.

EPISTOLA V.

VT ADVERSUS AUXITANVM ARCHIEPISCOPVM MVLTORVM
CRIMINVM REVM SECVNDVM IVRIS FORMAM PROCEDANT.

*Archiepiscopo Burdegalen. & Episcopo Agenen. & Abbati Clariacen.
Agenen. Diacesi.*



VM gemitus Ecclesiæ Auxitan. gementis sub nocte cecitatis sui Archiepiscopi, & plorantis olim ad aures Apostolicas ascendisset, à multis nobis multotiens inculcatis; eundem Archiepiscopum monuimus diligenter, vt cum ad Pontificalis curam regiminis se deberet cognoscere minùs aptum, suam & aliorum salutem lucris temporalibus anteponeus, & compatiens Ecclesiæ memoratæ, quæ sub vmbra eius grauius in spiritualibus, & temporalibus erat lapsa, Pontificalem curam spontaneus resignaret. Venerabilibus fratribus nostris... Archiepiscopo Narbonen. & bonæ memoriæ... Vticeñ Episcopo, Apostolicæ Sedis Legatis nostris dantes litteris in mandatis, vt ipsum ad id inducere procurarent. Sed idem Archiepiscopus citatus pluries ab eisdem, non solùm ad ipsos accedere non curauit: verùm etiam, sicut nobis innotuit per ipsius litteras Narbonen. cum excommunicatus fuerit ab eisdem, diuina in animæ suæ periculũ celebrare officia non desistit, præfessit quidem desiderans, non prodesse; cum non modò subditum sibi populum iuxta pontificale officium non erudiat, quinimò detestabilis vitæ, ac cõuersationis exemplo inficiat, & corrumpat, tot circumdatus flagitijs, & operibus, vt si etiam correctioni vellet intendere subditorum, & bona prædicare opera, quæ non agit, ipso verba sua operibus impugnante, ad eum reuerteretur vacuus sermo eius; cum cuius vita despicitur, etiam prædicatio contemnatur. Et vt de multis, quæ obijciuntur eidem aliqua exprimamus, hæreticorum esse dicitur receptor, & fautor, aleator, & dilapidator notissimus, simoniacus etiam, & periurus; atque adeò deditus ad carnalium flagitia voluptatum, vt sicut aqua effusus, incestuosa quoque commercia non euitet. Luget ergo non solùm Ecclesia, verùm etiam tota Diæcesis, quinimò tota Prouincia Auxitana; cum idẽ quærens in ouibus solummodò lac, & lanam, nec curans gregem sibi creditum pascere, sed seipsum, infirma nequaquam consolidet, vel reducat abiecta, confracta non alliget, & perdita non requirat: sed cum austeritate imperans, & potentia, factus sit illis odor mortis in mortem, quibus se odorem vitæ in vitam debuerat exhibere. Propter quod Capitulum ipsius Ecclesiæ nobis humiliter supplicauit, vt eorum miseris miserentes ad radicem huiusmodi sterilis, immò pestifere arboris securim tandem apponere, ac in eadem Ecclesia plantare arborem fructiferam dignaremur. Licet autem idem Archiepiscopus in nostra præsentia constitutus numium destinauerit, qui quandam inanem appellationem, & aliquas friuolas excusationes proponere conaretur, nec tamen dicta conquerratur Ecclesia, quòd vsque ad rauedinem faucium clamans non fuerit exaudi-

ta, & quærens non inuenerit consolantem; & nos quibus esse dictum credimus in propheta; *Ecce constitui te super gentes, & regna, ut euellat, & dissipet, adspices, atque plantes*, officium nostrum negligere videamur, eundem Archiepiscopum cum super criminibus multis, & grauib; sit publicè infamatus, & habeatur nihilominus de graui dilapidatione suspectus, ab administratione spiritualium, & temporalium duximus suspendendum. per Apost. scrip. præcipiendo mandantes, quatenus si legitimus accusator, vel etiam denunciator apparuerit contra eum inquiratis super præmissis, & alijs quæ aduersus eundem proponi cōtingerit sollicitè veritatem; & si cum constiterit aliqua, seu aliquid quod ad depositionem sufficiat, commisisse, in eum depositionis sententiam sublato appellationis obstaculo proferatis; & faciatis Ecclesiæ supradictæ per ipsius Capituli electionem canonicam, cum consilio vestro, de persona idonea prouideri. Si verò infra mensem post denuntiationem vestram contra ipsum, nec accusator, nec denunciator etiam apparuerit, cum frequētes clamores, qui ad nos de ipsius actibus ascenderunt, dissimulare nec debeamus vlterius, nec velimus. Vos eidem purificationem canonicam cum quinta manu vicinorum Episcoporum, qui eius vitam, & conuersationem nouerint indicatis: eundem nisi secundum formam prædictam infra vnus mensis spatium se purgauerit, à iamdicta Ecclesiā penitus amouentes, & de persona idonea prouideri facientes eidem, iuxta formā superius comprehensam. Taliter autem mandatum Apostolicum exequamini, quòd zelus domus Dei vos comedere comprobetur. Quòd si non omnes, &c. duo vestrum, &c. Vos denique fratres Archiepiscopo & Episcopo, supervobis, &c. Datum Lacerani xij. Kal. Iunij. Pont. N. Anno xvj.

EPISTOLA VI.

VT AD MELIOREM FRUGEM, ET DECESSORVM SVORVM
EXEMPLA REVERTANTVR.

*Vniuersis Abbatibus, & Prioribus Cluniacen. Ord. ad Generale
Capitulum conuenientibus.*



I diligenti meditatione pensabitis, qualiter vita monastica sub primis Ordinis patribus pullulauit, & palmites longè latèque producens ad mortifera circumquaque venena pellenda, flores bonorum operum protulit, & boni nominis effudit odores: per uigili cura studebitis eorum inhærere vestigijs, per quos in deserto mundi huius plantata est, & fructificauit in pluribus vitis Monasticæ honestatis. Ij nimirum monastica frugalitate contenti, & optimum ponentes in paupertate principium, assecuti sunt in Domino totius sufficientiæ completum, Ecclesiarum Prælati accepti, ante Reges, & Præsides vita, & merito gloriosi. Nunc autem quod merentes dicimus, & si non à cunctis in omnibus, à plerisque tamen ex vobis in pluribus dicitur declinarum: in tantum quòd contra vestri Ordinis regulam mann nimis auidà colligentes, ubi forsitan non sparsistis, dum loculos proprios replere nirimini, bona Ecclesiarum, quæ vestro committuntur regimini, vacuatis. Sic ambitioni vacantes, quòd in locis quibus præestis, terrenæ paupertatis opes quæritis, non opem impenditis consilij salutaris. Ecce inter alia

loca vestra præsidiū culpa depressa, Prioratus de Caritate, qui olim in spiritalibus florens, in temporalibus abundabat, tanta corruptela marcescit, & tam arida deprimitur paupertate, quod nisi aliorum releuetur auxilio, vix adiacere poterit vt resurgat. Aliās etiam sicut accepimus, tam in vobis, quā alijs cura vestra commissis adeo perniciosi facti estis exemplo, quod antiquis pagibus loco tantum, & habitu, non prerogativa virtutum videmini successisse: sed eò plures contagio corruptionis infectis, quod pluribus illi, quorum loca tenetis correctionis exempla vitæ magisterio exhibebant. Ne verò indignè illorum privilegijs gaudeatis, quorum non seruatis in moribus disciplinam, per Apostolica vobis scripta mandamus, quatenus incipientes facere, quod possitis liberiùs edocere, in vobis, & subditis hæc & ijs similia corrigatis, tantòque plùs luceant opera vestra bona coram hominibus, vt glorificent Patrem vestrū, qui est in cælis; quantò magis mala præterita facti euidentia publicauit: & vbi maior ruina præcessit, ibi maioris reparationis sollicitudo sequatur: & damnum quod diuulgata malitia intulit, manifestæ bonitatis suffragio restauretur. Quia verò integrum consuevit esse iudicium, quod plurimorum sententijs confirmatur: & quæ profectum communem respiciunt, tractari solent melius in communi, annuatim interest: Capitulo Generali omni occasione postposita studeatis, quæ ibidem secundum Deum, & Beati Benedicti regulam fuerint instituta, firmiter seruaturi: & tam in ijs, quā in alijs dilecto filio... Abbati Cluniacen. tanquam deuoti filij patri, & membra conuenientia capiti obedientiam, & reuerentiam debitam impendentes, circa reformationem Prioratus de Caritate manum auxilij, & consilij apponatis, tantāque in præmissis diligentia vigiletis, quod nec in vobis per culpam, nec in subiectis per negligentiam offendentes corrigatis in posterum, quod in præterito commistis. Vos denique filij Abbates super vobis ipsis, &c. Datum Laterani, Idib. Martij, Pont. N. Anno sexto decimo.

EPISTOLA VII.

VT REGEM ARMENIÆ ABSOLVAT, ET COMITEM TRIPOLITANVM
AD IUDICIVM ECCLESIAE SVBEVNDVM COMPELLAT.

Patriarcha Hierosolymitan. Apostolica Sedis Legato.



SOLICITUDINEM tuam in Domino commendamus, eò quod circa Terræ Sanctæ profectum adeo sollicitus, & studiosus existis, vt ei tam in spiritalibus, quā temporalibus, te pro viribus exhibeas fructuosum. Accepimus sanè per litteras tuas, quod postquam Venerabilis frater noster... Episcopus Sidonien. iter arripuit ad Sedem Apostolicam veniendi, Tu à... Rege illustri Armeniæ multa plenas humilitate verborum litteras recepisti, quibus significabat se pro reuerentia nostra ad consilium, & precum tuarum instantiam, pacem cum Templarijs reformasse, quærels eorum satisfaciens competenter; & quoniam per excommunicationis sententiam diu fuerat ab Ecclesia separatus, vnde se plurimum contristari dicebat, absolutionis beneficium humiliter postulabat. Supplicans nihilominus, & instanter, vt sicut à nobis receperas in mandatis... Comitem Tripolitan. ad faciendum sub examine tuo, Nepoti suo iustitiam de Antiochia, &

principatu eius Ecclesiastica, si opus esset, districtione compelleres: cum idem nepos ipsius super ijs paratus existeret, sub tuo iudicio litigare. Verum cum prædictum Comitem conuenisisses, ut pro tantis malis, tantisque periculis euitandis; in iamdicta controuerſia iuxta mādaturū, & dispositionem nostram ad iusticiam se offerret, respondit se Antiochiam ab Imperatore Constantinopolitan. tenere, nec sibi videri tutum, aut iustum, ut de ipsa conuentus in alterius, quā eiusdem Domini sui iudicio responderet. Addidit etiam ipsum Imperatorem hanc a nobis indulgentiam impetrasse, ut deinceps Comitem non cogeremus eundem, de Antiochia sub Ecclesiastico iudice litigare. Quid autem super ijs tibi esset agendum, certificari responſo Sedis Apostolicæ postulaſti. Ad quā sic duximus respondendum, quod cum memoratū Regem Armeniæ propter grauissimam offensam, quam Deo, & Ecclesiæ Antiochenæ asseritur intulisse, mandauerimus vinculo excommunicationis astringi, donec satisfaceret competenter: Tu si ante huius mandati suscepcionem ex alia causa ligatus non fuerit, quoad illam, quā modō tenetur, secundū formam Ecclesiæ beneficium ei absolutionis impendas; iniungens eidem quod de iure fuerit iniungendum. Super eo verō, quod à Comite Tripolitan. Antiochia, & principatu eius petit sibi pro nepote suo iusticiam exhiberi, per graue delictum quod commisit ibidem, reddidit se ad præfens indignum, ut ad tempus ei auxilium Ecclesiæ denegetur, qui contra eam ad atrocem iniuriam manus præsumptuosas extendit. Illud autem quod præfatus Comes Tripolitanus nos Imperatori Constantinopolitan. asserit indulsisse, non dubites penitus esse falsum: & quod dicit se nou teneri de Antiochia, & principatu eius Ecclesiasticum subire iudiciū reputes omnino friuolū, & inane,

EPISTOLA VIII.

VT ABBATEM NERITON. AD RECIPIENDVM MONACHVM COMPELLAT.

Episcopo Licien. & Priori Sanctæ Mariæ Rocca Matura Hydruntin.



VM... Abbati Neriton. nostris dederimus litteris in mandatis, ut A. Monachum suum reciperet, salua ordinis disciplina: idem mandatum nostrum, & monitiones Venerabilis fratris nostri... Castren. Episcopi, & aliorum quos monitores deputaueramus eidem, præteriens aure surda; id efficere non curauit. Præterea utens pontificalibus indumentis, officium quoque Pontificis non metuit usurpare: Confirmando pueros, Crucem in populo faciendo solemnem, subditos sibi benedicendo Abbates, & minores etiam Ordines conferendo, asserens super his se nuper à nobis priuilegium impetrasse, sicut dilectus filius... Neriton. Archidiacon. per quem de ijs inquiri mandauimus, per suas nobis litteras plenius intimauit. Ideoque discretionis vest. per Apost. script. mandamus, quatenus ipsum ut Monachum, salua ordinis disciplina, recipiat antedictum, per censuram Ecclesiasticam appellatione postposita compellentes, auctoritate nostra iniungatis eidem, ut usque ad duos menses nostro se conspectui repræsentet, quā ratione prædicta exerceat ostensurus. Quod si forē iuxta prædictum terminum ad nostram venire præsentiam non curarit, vos ipsum ex tunc ad id

ad id per suspensionis sententiam, sublato appellationis obstaculo, compellatis. Tu denique frater Episcopo super teipso, &c. Datum Laterani xj. Kal. Aprilis. Pont. N. Anno sextodecimo.

EPISTOLA IX.

REDIMENDI DECIMAS A MANIBVS LAICORVM
FACULTATEM CONCEDIT.

Capitulo Successionem.

RESIDIVM fauoris Apostolici petitiones illæ merentur, per quas non lædatur alicuius, & alteri subuenitur. Postulasti lanè vobis à Sede Apostolica indulgeri licentiã redimendi decimas, quæ infra metas parochiarum vestrarum in feudum à laicis detinentur. Nos autem volentes super hoc Ecclesijs, quibus huiusmodi debentur decimæ providere, præferri eas volumus in redemptione talium decimarum: quòd si nolint, vel fortè non possint, redimendi eas ad opus illarum Ecclesiarum vobis concedimus facultatem; promisso nihilominus, vt consueta servitia ad quæ laici pro decimis illis Ecclesijs tenebantur, etiam post contractum talis venditionis impendant, cum ad eos pretium perveniat earumdem. Nisi fortè tam modico pretio velint esse contenti, quòd ob hoc Ecclesiæ ab exactione servitiorum illorum, tamquam pro redemptione maioris incomodi còmodè valeant abstinere. Nulli ergo omnino hominum liceat hanc paginam nostræ concessionis infringere, vel ei ausu temerario contraire. Siquis autem, &c. usque, incursum. Datum Laterani xj. Kal. April. Pont. N. Anno sextodecimo.

EPISTOLA X.

VT LEGATI NOMEN FALSÒ VSVRPANTEM COERCEAT.

Lunden. Archiepiscopo, Apostolica Sedis Legato.

PER tuas nobis litteras intimasti, te quemdam falsarium in vinculis detinere, qui Sedis Apostolicæ mentiens se legatum, nomine, ac officio Episcopi usurpatis, in multis pontificale præsumpsit officium exercere, super quo tibi referibi desideras nostræ beneplacitum volueris. Nos igitur sollicitudinem tuam in Domino commendantes, fratemitati tuæ per apost. script. mandamus, quatenus quidquid factum est taliter ab eodem denuntians habendum penitus pro infecto, ipsum, sicut caram habes gratiam divinam, & nostram, perpetuo carceri facias mancipari, pane doloris, & aqua angustie sustentandum. De alijs verò, qui sicut asseris suspecti habentur de crimine falsitatis, diligenter inquiras, & quos inueneris esse tales, punias appellatione remota, secundum constitutionem à nobis editam ad falsariorum malitiam confutandam. Tu denique frater Archiepiscopo super teipso, &c. Datum Laterani xj. Kal. April. Pont. N. Anno sextodecimo.

SENTENTIAM SUPER MODO PROCURATIONIS CONFIRMAT.

Veglen. Episcopo.

CUM olim causam quæ inter te ex parte una; & Clericos Castri Musculi Veglen. Diocesis ex altera vertebatur, super eo, quod asserebas dictos Clericos te quotiens ad ipsos accedis extra portam Castri debere cum processione recipere: ac tam tuis, quam sociorum equis annonam ministrare in domo, & ipsos in pascuis custodire: emendaturos si eorum aliquem quoquo modo perdi contingeret; & tibi, ac tuis, si ultra unum diem in quo te debent integrè procurare, moram ibidem duxeris faciendam, usque ad diem quartum panem, & vinum procurationis nomine præbituros: asserens nihilominus eosdem tibi sicut laicos, potestatibus secularibus ad banna teneri, & te à Spaleto usque Venetias, cum illic ire vuleris, proprijs debere sumptibus nauigio deportare. Abbati de Melta, &... Plebano Sanctæ Mariæ Maioris Iaderin. &... Archidiacon. Veglen. sub certa forma duxerimus committendam. Idem cognitis causæ meritis dictos Clericos ad prædicta omnia explenda tibi sententialiter condemnarunt; quorum sententia per Venerabilem fratrem nostrum Episcopum, & dilectum filium... Archidiacon. Polen. auctoritate nostra postmodum extitit approbata. Verum ipsis Clericis ad Sedem Apostolicam prouocantibus, & partium procuratoribus dum propter hoc in nostra præsentia constitutis; nos auditis, quæ fuerunt proposita per eosdè, Venerabilibus fratribus nostris... Straguriens. &... Nouen. Episcopis, & dilecto filio: ... Abbati Sancti Damiani Iaderin. Diocesis. dedisse recolimus in mandatis, ut inquirentes super totius causæ processu in litteris tunc directis ad ipsos plenius comprehenso diligentius versatè, causam ipsam ad præsentiam nostram remitterent sufficienter instructam, præfigentes partibus terminum competentem, quo se nostro conspectui præsentarent sententiam recepturæ. Cum igitur procuratores partium nuper ad nostram præsentiam accessissent, processum iudicij eorundè ab eisde procuratoribus nobis exhibitum, per dilectum filium nostrum... Petrum Sanctæ Cecilie Presbyt. Card. examinari fecimus diligenter, & eodè per relationem Cardinalis ipsius plenius intellecto, sententià à præfato Abbate de Melta, & eius cõiudicibus pro te latà, de fratrum nostrorum consilio duximus cõfirmandà. Nulli ergo omnino hominũ liceat hanc paginã nostrę cõfirmationis infringere, vel ei ausu temerario contraire. Siquis autem, &c. usque, incursum, &c. Datum Lateran. xiiij. Kal. April. Pont. N. anno xvj.

EPISTOLA XII.

DELEGATORVM SVORVM CONTVMELIAS VLTIMORVM

Decan. Sancti Hilarij, & Sancti Petri, & Sancti Hilarij Subdecanis Pictau.

INTER cetera quæ contingebant antiquis patribus in figuram, & ad doctrinam nostram apostolo attestante sunt scripta, Dux Israelitici populi Moyses in deserto pulchrè præsentè statum Ecclesiæ figurauit,

qui cū nequaquam sufficeret vniuersas eiusdem populi discutere quæstiones, ne solus iuani contemptus labore deficeret, populo inutiliter expectante, viros prouidos, & Deum timentes elegit, qui populi querimonias audientes iudicaret tantummodò leuiora; maiora verò eius examini referuarent. Vmuer forum etenim conditor, qui omnia simul ab ætæno prouidit, sciens Sacrosanctam Romanam Ecclesiam futuram caput omnium fidelium, & magistratam, eius pastorem per quem populum suum ad repromissionis terram, eā videlicet in qua Propheta suam esse desiderat portionem, per huius mundi solitudinem properantem regere disponebat, iam tunc benignius instruere dignabatur, qualiter conditionis humanæ lex, hominem simul in diuersis locis existere, aut ad loca remotiora transuolare subito non permittit, tedimeret tarditatem, sua videlicet onera dispensando per alios, & quæ per seipsum non posset per Legatos suos, vel delegatos iudices exequendo: vt sic multis vocatis in partem sollicitudinis, penes eum plenitudo consisteret potestatis, & nequis contra eius potestatem temere aliquid attentaret, per poenam Core, Dathan, & Abiron, qui contra ipsum Moysen, stimulante inuidia calcaneum erexerunt, liquidò præmonstrauit, qua damnatione, vel interitu digni forent, qui Romani antistitis iurisdictionem præsumerent impedire. Hæc si Pictaue. Episcopus diligenti, & debita meditatione pensaret, nec diceret, quòd in sua vellet diæcesi Papa esse, nec delegatos à nobis iudices, quominus commissi sibi exequerentur negotia; immò nos verius in eisdem temere impediret. Sed ipse dilecto filio... Priori sanctæ Radegundis Pictaue. ad ea quæ sibi exequenda commisimus, non solum obiecit obstaculum, sed & poenam inflixit, nobis in eo nihilominus iniuriam inferendo. Sicut enim idem Prior lacrymabili nobis exposuit quæstione; cū dictus Episcopus, qui olim ipsum diligere videatur, tandem graui concepto rancore, ac odio contra eum pro eo, quòd commissionibus ad ipsum, & coniudices suos contra eundem Episcopum, & eius Clericos sæpius à Sede Apostolica impetratis, mandatum nostrum sicut obedientiæ filius exequi procurabat, eum & suos latentibus machinationibus, & insidijs diutius oppressisset: demum quoniam idem Prior in causa, quam dilectus filius Magister W. familiaris noster super Ecclesia de Araon aduersus eundem habebat Episcopum, post ipsius multiplicem contumaciam vnà cum collegis suis, iuxta formam Apostolici mādati processit, manifesto exarsit odio in eundem, & qui dolorem conceperat, iniquitatem peperit contra ipsum. Cū enim nepos ipsius Episcopi, & Bailliui Castri de Mirebello terras eiusdem Prioris excoli nullatenus permittentes, quandam colonum ipsius capere præsumpissent; Episcopus ad quem castri dominium, & nepotis correctio pertinebat, non solum ipsi satisfactionem super hoc non fecit aliquam exhiberi: verum etiam satellitibus dicti Castri duos colonos ipsius carceri postmodum mancipantibus, & bladum eius portantibus per violentiam intra Castrum, idem Episcopus omnia sub dissimulatione transiuit. Non attendens, quòd non caret scrupulo societatis occultæ, qui cū possit manifesto facinori negligito buiare. Vnde seruientes ipsius Episcopi ex huiusmodi dissimulatione audaciam assumptas, suas etiam antequam ad maturitatem venissent, de ipsius vineis asportauere non paucas: ac demum vindemiarum tempore cū homines, & Clerici sæpediti Prioris, quod residuum fuerat colligere incēpisset, satellites

dicti Castri extra vineas eijcientes eisdem, & quandam de Clericis suis verberatum arociter veste propria spoliantes, & grauiter vulnerantes alium in sacris ordinibus constitutum, vsque ad quingentas saumas vuarum, quæ in vineis remanserant antedictis, pro suæ voluntatis arbitrio asportarunt. Cum autem ijs, & alijs grauaminibus dicto Priori, & suis nequiter irrogatis, necdum satiatus essei animus Episcopi memorari, non auersus furore eius ab ipso: sed adhuc ad eiusdem oppressionem manus eius extenta, seruientes illius paternas domos sæpediti Prioris, quæ magni fuisse valoris & preij memorantur, funditus euerterunt: trabes, & ligna cetera eorumdem ad munitionem Castri dicti Episcopi deferentes. Prior igitur tantis iniurijs laceratus, coram eodem Episcopo de seipso fecit deponi querelam, qui quod in corde gerebat, non valens dissimulare, vel nolens, sibi placere respondit si ei damnum accideret, vel grauamen, & ut quod ore dicebat, opere demonstraret, in nullo sibi fecit satisfieri de præmissis quauquam damna eidem irrogata Priori summam trecentarum marcarum excedere asserantur, præter ea, quæ sui occasione huiusmodi pertulerunt. Denique adeo insolens effectus est Episcopus dicitur sæpeditus, ut publicè prædicans quòd in Episcopatu suo esse vult Episcopus, atque Papa: & asserens quòd per iudices delegatos à nobis, quos Papæ iudicellos appellat, in sua diocesi nihil fiet, Capellanis de Mirebello præsumperit inhibere, ne obseruent sententias, quas delegati à nobis iudices protulerunt & præceperunt firmiter obseruari. Cuius præsumptionis excessum si quis diligentius curauerit inueneri, grauem in eo cognosceret Apostolicæ Sedis iniuriam, & eorum nihilominus, qui ei tanquam membra capini adhærentes, in Christo efficiuntur vnum corpus, aduertere poterit dispendium, & offensam. Si enim delegatos à nobis iudices pro mandatorum executione nostrorum tanto discrimini subiaccere contigerit, quis commissiones nostras recipere, aut mandata exequi non timebit? Incircumscripibilis siquidem, & immensus, etsi cælum impleat atque terram, & suæ diuinitatis virtute penetret vniuersa, Spiritus tamen Angelos suos facit, & ad explenda varia officia mittit illos, sic miro ordine ipsorum ministeria, hominumque dispensans, ut à quibus sibi ministrantibus in cælo semper assistitur, ab ijs in terra vita fidelium muniatur. Si ergo nos, quos humana conditio simul in diuersis locis corporaliter esse non patitur, huiusmodi naturæ defectum per Angelos nostros redimere nequiverimus, quomodo iudicium, & iustitiam & alia quæ ad Summi Pontificatus officium pertinent, in genibus longè positis faciemus? Non nostram igitur, sed Apostolicæ Sedis, immò illius, qui eandem in terris obtinere voluit principatum, persequentes iniuriam, & prædicti Prioris, & Clericorum ipsius damnis, & grauaminibus quæ sustinuerunt non sinè nostra iniuria cōdolenies, in omnes Clericos, quàm laicos, qui eis prædicta grauamina intulerunt, quique ad hoc dederunt operā, auxilio, consilio vel mādato, excommunicationis sententiā, fratribus nostris nobis assistētibus, curauimus ore proprio promulgare. Decernētes ut Clerici, quos eadē ligā sententiā cuiuscumque ordinis, aut dignitatis existant, si post publicationē ipsius præsumperint celebrare diuina, hoc ipso in perpetuū ab omni officio, & beneficio Eccles. sint priuari, & tā ipsi quā laici, præterquā in supremæ necessitatis articulo, absolutionis beneficiū nequeāt obtinere, nisi ad Sedē Apost. venerint illud humiliter

petituri, saltem per procuratores idoneos, si forte nequiverint per seiplos. Quocirca disce. vest. per Apost. scrip. præcipiendo mandamus, quatenus dictam sententiam solemniter publicanter, & præcipientes usque ad satisfactionem condignam firmiter obsequari, super damnis, & iniurijs Priori sæpedito, & Clericis eius illatis inquiratis sollicitè veritatem: & si dictum Episcopum in hoc inueneritis culpabilem extitisse, ipsum per censuram Ecclesiasticam sublato appellacionis obstaculo ad satisfactionem plenariam compellentes, eundem suspensum ad nostram præsentiam transmittatis. Quod si forsitan per se, vel suos de quorū potestā gloriatur præsumpserit impedire, quominus id probare valeat dictus Prior: vos cum ipsum propter frequentes variōsque clamores, qui de illo ad aures nostras super huiusmodi excessibus ascenderunt, suspectum, & incredibilem habeamus, purgationem super ijs cum quinta manu Episcoporū indicatis eidem; ipsum nihilominus si forsitan in ea defecerit suspensum ad Sedem Apostolicam transmissuri. Quia verò idem Episcopus persecutor sæpediti Prioris, & Clericorum suorum asseritur manifestus, volumus, & mandamus, ut quotiens ab eodem fueritis requisiti, Episcopum memoratum, & suos ab ipsius, & Clericorum suorum molestatione indebita, monitione præmissa, per censuram Ecclesiasticam appellatione remota, veritate cognita cōpescatis. Taliter autem super præmissis omnibus Apostolicum studeatis adimplere mandatum, postpositis gratia, odio, & timore, quod de negligentia redargui non possitis: sed potius de diligentia commendari. Testes autem, &c. Quod si non omnes, &c. duo vestrum, &c. Datum Lateran. x. Kal. Aprilis, Pont. N. Anno sextodecimo.

EPISTOLA XIII.

SÆPIVS ABSOLVTVM IN POSTERVM AB OMNI MOLESTIA
LIBERVM ESSE IVBET.

Priori Sanctæ Radegundis Pictauien.



CUM olim ab M. quondam prædecessore tuo fuisses coram bonæ memoriæ W. Burdegalen. Archiepiscopo publicè impetratus super eo, quod dictus Prior asserebar, te Canoniam ipsius Ecclesiæ fuisse per simoniacam prauitatem adeptum, ipso in probatione deficiente omnino, ac te secundum quod iniunctum tibi extiterat, canonicè te purgāte, ab impetitione illius fuisti sententialiter absolutus, sicut ipsius Archiepiscopi litteræ nobis exhibuitæ protestantur. Porro cum eiusdem Ecclesiæ Prioratum fuisses postmodum asscurus, & diu pacificè possedisses, Magister P. de Chistre asserens, quod Prioratum ipsum obtinueras mediante vitio simoniæ, te super hoc coram ... Abbate Nouimonalterij Pictauien. & coniudicibus suis delegatis à Sede apostolica impetiuit. Sed cum idem Magister post multas dilationes ipsi ad id probandum indultas, fidem non posset facere de obiectis, actu ad mandatum iudicum eorundem canonicè te purgasses, præfati iudices te ab eiusdem accusatione, ac impetitione Magistri sententialiter absoluerunt; quorum processum diligenter inspectum duximus confirmandum, sicut ex nostris apparet litteris manifeste. Postmodum verò cum bonæ memoriæ Octavianus Ostien. Episcopus legationis officium exerceret,

in partibus Gallican. D. & P. Canonici Ecclesiæ supradictæ te super hoc in præsentia eiusdem Episcopi accusarunt; coram quo cum lis fuisset legitimè contestata, & tibi obiecta minimè probarentur, idem Episcopus cognito, quòd à prædictis iudicibus sententialiter, ut præmissum est, fueras absolutus, & processum ipsorum à nobis obtinueras confirmari, omnibus ferè Canonici ipsius Ecclesiæ tuam protestantibus innocentiam, & aliàs tibi laudabile testimoniū perhibentibus, te ab impetitione huiusmodi auctoritate, quaungebatur absolutus, accusatoribus perpetuum super ijs silentium imponendo, sicut in eius litteris perspeximus contineri. Nuper verò H. de S. Maxentio, W. de S. Benedicto, & W. Barilera Canonici Ecclesiæ supradictæ suscitantes sopitam totiens quæstionem, ad Bituricen. Archidiac. & coniudices suos super hoc contra te nostras, de præmissis mentione non habita, litteras impetrarunt: quorum duobus per electos arbitros à causæ cognitione repulsis, cum interim tu, & Hug. prædictus, alijs tamen tracti negotijs, ad nostram præsentiam venissetis: tu, quod non paruum innocentie credimus argumentū, in nostra voluisti præsentia experiri. Nos igitur quæ à partibus fuere proposita coram nobis plenius intellectis, quia cognouimus euidetè præfatas litteras directas ad dictum Archidiac. & eius coniudices fuisse per surreptionem obtentas, eas carere viribus decernentes, præfati Hug. denuntiationem non duximus admittendā. Tum quia nos tacita veritate circumuenire præsumpsisti; tum quia cōmmonitionem canonicam non præmisisti: tum etiā quia ex cōmunicationis sententiæ subiacebat. Statuentes ut litteræ, si quas contra te de cetero super hoc conigerit impetrari, nullius penitus sint valoris, nisi tam de præsentis processu nostro, quàm de alijs superius comprehensis plenam & expressam fecerint mentionem. Decernimus ergo, ut nulli omnino hominum liceat hanc paginam nostræ constitutionis infringere, vel ei, ausu temerario cōtrahere. Si quis autem, &c. usque, incursum. Datum Lateran. vj. Kal. Aprilis, Pont. anno xvj.

In eundem fere modum scriptum est super hoc Priori sancti Hilarij de Cellas; Decan sancti Hilarij, & ... Subdecan. sancti Petri Pellaui. verbis competenter mutatis, usque mentionem. Ideoque discretionis vestre pet Apost script mandamus quatenus, quod à nobis est super hoc prouida deliberatione statutum, faciatis per censuram Ecclesiasticam appellatione remota firmiter obseruari. Quòd si non omnes, &c. duo vestrum, &c. Datum Lateran. vt supra.

EPISTOLA XIV.

NE ALIIS ADDICTOS BENEFICIIS AD SVÆ DIOECESeos
ECCLESIAS ASSVMAT.

Episcopo Hereforden.



VM Christi patrimonium inter eos, qui sunt in hereditatem eius assumpti, sit prouidè dispensandum: nec deceat, ut alijs existentibus ebris, alij esuriètes remaneant, aut ieiuni, auctoritate tibi præsentium restrictius inhiibemus, ne ad Ecclesias lege tibi diocesana subiectas sufficièter beneficiatos admittas, si fortè tales præsentari contigerit ad easdem: gaudentes in Domino, quòd sicut pro certo comperimus ad id prompta sis voluntate paratus. Nulli ergo hominum liceat hanc paginam nostræ inhibitionis infringere.

gere, vel ei ausu temerario contraire. Siquis autem, autem &c. *usque*, inc. irlu-
rum. Darum Lateran. v. Kal. April. Pont. N. Anno sextodecimo.

EPISTOLA XV.

VT ELECTVM REGIENSEM AD ECCLESIAE VICENTINAE
REFORMATIONEM INDUCAT.

Episcopo Cremonen. Apostolica Sedis Legato.



ICET quondam Episcopum Ecclesie Vincentin. suis exigen-
tibus culpis mandauerimus amoueri penitus ab eadem: adhuc
tamen, sicut accepimus, ipsam detinere non meruit occuparam
& cum dilapidatione multiplici penè penitus exhausserit bona
eius, residuum semper proficiens in deterius consumere non
desistit. Quoniam igitur ad præsens aliud non videmus consilium superesse,
nisi vt dilecto filio Regin. Electo, qui prudentia, & honestate per gratiam Dei
viget, & est in partibus illis potens, dicta Ecclesia committatur, eidem nostris
litteris dedimus in præceptis, vt quasi nauem confractam gubernaturus in flu-
tibus assumens onus, & curam Ecclesie memoratæ ad eam reformandam in
spiritualibus, & temporalibus releuandam, Reginen. nihilominus regens Ec-
clesiam, sic intendar prouidè ac potenter, quòd eadem in vtroque per suæ soli-
citudinis studium resurgente, ipse crescat, & nomine apud homines, & meritò
apud Deum, ac de die in diem gratiam nostram plenius assequatur. Ideò quæ
fraternitati tuæ per Apost. script. mandamus, quatenus inueniens eundem effi-
caciter, & inducens, vt laborem huiusmodi non recuset, eiudem Ecclesie Vi-
centin. Capitulo & Clero Ciuitatis, ac Diocel. vniuersis iniungas, vt eidem in-
tendant humiliter, ac deuorè; contradictores si qui fuerint per censuram Eccle-
siasticam appellatione postposita compescendo. Tu denique frater Episcope su-
per teipso, &c. Datum Lateran. vj. Idus April. Pont. N. Anno sextodecimo.

EPISTOLA XVI.

VT MONACHORVM VITÆ REFORMANDÆ INCUMBANT.

*Electo Reginen. & Priori sancti Georgij in Bradia Veronen. Diocel. &
Ventura Subdiac. N. Canonico Veronen.*



IN correctione Monachotum Monasterij de Vangaditia piget
nos vltius inanem assumere operam, vel laborem: cum nihil
hactenus in ea proficere potuerimus, multum multotiens labor-
antes: & huiusmodi Babylon, quam studio multo curauimus,
minimè sit sanata: quinimò eorum adeò computruerint cicaric-
es, vt vicinos etiam laicos factor ad nauseam prouocet eorumdè. Quia igitur ferto
refecanda sunt vulnera, quæ sumentorū non sentiūt medicinā, discretionī vestræ
per Apost. script. mandamus, quatenus ram, E. quondam eiusdem loci Abba-
tem, quem ... Archipresbyter Esten. & Coniudex ipsius nostri auctoritate man-
dati à regimine ipsius monasterij amouerunt: quam etiam Monachos vniuer.

ios per alia monasteria collocantes, virum aliquem religiosum bonæ opinionis, & vitæ, sollicitum in spiritualibus, & temporalibus circumspectum præficiatis monasterio sæpedito, quod, secum viris prudētibus & religiosis assumptis, monasterium ipsum spiritualiter, & temporaliter cum consilio vestro studeat reformare. Contradictores siqui fuerint, vel rebelles per censuram Ecclesiasticam appellatione postposita compescentes. Quod si non omnes, &c. duo vestrum, &c. Tu denique fili electe super teipso, &c. Datum Lateran. vj. Idus April. Pont. N. Anno xvj.

EPISTOLA XVII.

CANONICVM HÆREOS SUSPECTVM AD EOS REMITTIT
IUDICANDVM.

*Archiepiscopo Senonen. & Episcopo Niuernen. & Decan. Sereberien.
docenti Parisius sacram paginam.*



ENERABILIS F. N. Lingonen. Episcopus olim quzdam nobis contra G. Canonicum Lingonen. Presbyterum de Musiaco per suas litteras intimauit, quæ sapere videbantur hæreticam prauitatem, quatum tenorem de verbo ad verbum vobis fratres Archiepiscopo, & Episcopo, ac dilecto filio nostro R. tituli sancti Stephani in Cælio monte Presbytero Card. tunc Patius commoranti sub bulla nostra misimus interclusum. Vnde cum dictus Episcopus eundem suspectum de hæresi habuisset, coëgit eundem cautionem tam iuratoriam, quam si de iussoriam exhibere, quod terminis quos sibi præfigeret eius se conspectui præsentaret, prout decreverat super ijs omnibus responsurus. Sed cum idem Episcopus apud Barrum super Sequanam die, quo sibi terminum assignarat, cum multis viris religiosis, & prudentibus quos ad hoc conuocauerat conuenisset, dictus G. iuramenti religione contempta, neque comparuit, neque suam absentiam excusauit. Quare sæpeditus Episcopus pensatis omnibus, quæ tam prima die, quam secunda seruat iuris ordine, ac præ oculis habito Dei timore acta fuerant coram eo, & toto processu diligenti deliberatione pensato, de consilio & consensu tam religiosorum, quam iurisperitorum omnium, qui assistebant eidem, sæpeditum G. super ijs de quibus fuerat accusatus pro conuicto decepto habendum, ipsum sententia diffinitiuâ pronuntians tamquam hæreticum condemnandum, & sententiam in scriptis redigi faciens, & multorum sigillis Episcoporum, videlicet, Abbatum, & Archidiaconorum refectuari munitam. Cumque idem G. postmodum in nostra proposuisset præsentia constitutus, quod præfatus Episcopus eum post appellationem ad nos interpositam ceperat, & præfatum præstare compulerat cautionem, nitens se multipliciter excusare. Nos attendentes, quod vos fratres Archiepiscopo, ac Episcopo, cum Card. prædicto, ea quæ circa ipsum fuerant inquirenda, poteratis plenius indagare, illum ad vos duximus remittendum: dantes vobis per nostras litteras in præceptis, ut nisi usque ad festum Pentecostes proximò tunc futurum, in vestra præsentia compareret, super ijs quæ sapiunt hæreticam prauitatem, suam sufficienter si posset innocentiam ostensurus, vos sublato cuiuslibet contradictionis, & ap-

pellationis obstaculo exercere in ipsum rigore Ecclesiasticæ disciplinæ. Quod si se ostenderet inculpabilem, eius innocentiam nequaquam opprimi sineretur; cum sincera diligentia, & diligenti sinceritate in negotio fidei processuri. Nuper autem idem G. proposuit coram nobis, quod præfato termino ad præsentiam vestram non fuit ausus accedere metu mortis, cum zelus fidelium in hæreticæ prauitatis labe notatos esset in partibus illis tunc temporis sic accensus, ut incendio traderent non solum manifestos hæreticos, sed etiam quoslibet de huiusmodi prauitate suspectos. Vnde nobis humiliter supplicauit, ut eiusdem purgationem recipi facientes, ipsum diu malitiosè vexatum non sustineremus vltèriùs indebitè molestari. Licet autem eundem ex eo quoque habeamus valde suspectum, quod ad vestram præsentiam termino, quem ore proprio sibi præfiximus, non accessit: quia tamen non congregata dispergere, sed dispersa potius congregare debemus, discretioni vestræ per apost. script. præcipiendo mandamus, quatenus conuocatis ad locum idoneum præfato Episcopo Lingon. & alijs, qui fuerint conuocandi circa ipsum, cui viua voce præcepimus, ut infra octauas Pentecostes proximas, propter hoc vestro conspectui se præsentet, secundum formam superius comprehensam, appellatione postposita procedatis, eidem in eundo, redeundo, & morando facientes auctoritate nostra usque ad decisionem negotij securitatem plenariam exhiberi. Testes autem, &c. Quod si non omnes, &c. duo vestrum &c. Vos denique fratres Archiepiscopo ac Episcopo, super vobis ipsis, &c. Darum Laterani iv. Idus April. Pont. N. anno xvj.

EPISTOLA XVIII.

VT SENTENTIAM SUPER ABBATISSÆ ELECTIONE
MANDENT EXECUTIONI.

*Episcopo Argentin. & Abbati de Bongarten. & Priori de Salemb.
Argentin. & Constantien. Diocesum.*



ACCEDENTIBVS olim ad præsentiam nostram dilectis filijs C. procuratore G. & C. nuntijs L. & Canonicorum Cœnobij in Bocchovve, dilectum filium A. tunc Subdiaconum, & Capellanium nostrum, nunc sancti Adriani Diac. Card. concessimus auditorem. Coram quo ipsius G. proposuit procurator, quod olim cœnobio prædicto Abbatissa vacante, sorores ad quas spectabat electio Abbatissæ, ad locum ad celebrandam electionem statim pariter conuenerunt: & habito diligenti tractatu, licet in principio à diuersis diuersæ fuerint nominar, maiori tamen, & saniori parte ipsarum dictam G. in Abbatissam suam postmodum eligente, quatuor dumtaxat dictam L. temerè nominarunt. Verùm cum ipsius electionis questio ad examen Venerabilis fratris nostri Constantien. Episcopi Diocesani sui deducta fuisset, & idem cognitis causæ metris electionem ipsius G. de prudentium virorum consilio confirmasset, ac induxisset eandem in corporalem possessionem Cœnobij antedicti, Officiales nobilis viri Comitis Marcoaldi, dicta L. procurante ipsam G. à iamdicto Cœnobio ieicerunt. Vnde procurator C. eiusdem G. electione, quæ de ipsa facta fuerat petijt confirmari. Nun-

tius verò L. prædictæ proposuit ex aduerso, quòd cùm maior, & sanior pars personarum, ad quas pertinebat electio in ipsam L. voto vnanimi conuenissent, ne prænominata G. quæ se sibi aduersariam opposuerat, prætextu qualis qualis nominationis ipsius, in præiudicium eiusdem aliquid attentaret, ad Venerabilem fratrem nostrum Maguntin. Archiepiscopum Apostolicæ Sedis Legatum, suspectum habens Diocesenum prædictum, pro eo quòd erat ipsius G. consanguineus, & manifestus adiutor, vocem appellationis emisit. Cùmque partes postmodum in arbitros conuenissent, arbitris ipsis gratia Diocesani iamdicti ad arbitrium debitum procedere non curantibus, dicta L. Sedem Apostolicam appellauit. Cuius appellatione contempta dicta G. administrationi Abbatiæ ultia potentia brachij secularis temerè se ingessit. Vnde ipsius L. nuntius suspicionem causam personis carentibus petijt delegari. Quare Venerabili F. N. Basiliensi. Episcopo, & dilectis filijs de Nouocastro, & de Parisiis Abbatibus causam ipsam sub certa forma duximus committendam. Partibus igitur in præsentia præfati Basiliensi. Episcopi, & Abbatis de Parisiis, ac F. Præpositi de Trutinhufen. cui Abbas de Castronouo vices suas, sententia tamen sibi reſeruata, commiserat, constitutis, & vtra illarum priùs deberet proponere contendentibus; tandem interlocuti fuerunt iudices antedicti, præfatam L. primò debere suam proponere actionem, vtpote quæ actoris personam gerere videbatur. A quorum sententia dicta G. ad Sedem Apostolicam appellauit, & licèt præfatus Basiliensis. Episcopus eiusdem appellationi duxerit deferendum; dicti tamen Abbas de Parisiis, & Præpositus eandem friuolam reputantes, & attendentes quòd secundum formam scripti procedere poterant sine ipso, testes ab L. sæpe dicta productos, altera parte absente per contumaciam receperunt: quorum depositionibus dicti Abbates diligenter inspectis pro eadem L. sententiam proferentes, tam electionem, quæ de præfata G. facta extiterat, quàm confirmationem Diocesani superius nominati penitus irritarunt. A quorum sententia non fuit à parte altera prouocatum. Nuper autem cùm procuratores parium ad nostram præſentiam accessissent, procurator ipsius G. interlocutoriam à præfatis iudicibus promulgatam conatus est multipliciter impugnare: inter cetera præcipuè allegando, quòd cum dictus Abbas de Castronouo vices suas alij commisisset, licèt potuerat ad Sedem Apostolicam prouocari. Nos igitur ipsi, & alij quæ fuerit proposita coram vobis plenius intellectis, & inspecto nihilominus processu iudicum prædictorum, attendentes appellationem ipsam, qua prouocatum fuit ab interlocutoria tanquam iniqua, friuolam extitisse, cùm abique dubio rectè interlocuti fuerint tres iudices memorati: licèt vnus appellationi duxerit deferendum. Et quòd Abbas de Castronouo, quamuis præfato Præposito commiserat vices suas, tamen non totam iurisdictionem suam commisit eidem, sicut apparet ex eo, quòd diffinitiuà postmodum vnà cum collega suo sententiam promulgauit: vnde si à subdelegato appellandum fuisset, non ad nos, sed ad eundem Abbatem debuerat appellari, appellatione huiusmodi non obstante, tam interlocutoriam, quàm diffinitiuam. sententiam pro præfata L. rationabiliter promulgatam de fratrum nostrorum consilio duximus confirmandam. Idèoque discretionis vestræ per apost. scrip. mādamus, quatenus, quod à nobis est sententialiter diffinitum, faciatis per censuram Ecclesiasticam appellatione remota fir-

miter obseruari. Quòd si non omnes, &c. tu ea frater Episcopo. Vos denique frater Episcopo, & fili Abbas super vobis ipsis, &c. Datum Lateran. iij. Idus April. Pont. N. Anno sextodecimo.

EPISTOLA XIX.

EPISCOPO TERVISINO TEMPORALIVM ADMINISTRATIONE
ET BENEFICIORVM COLLATIONE INTERDICIT.

Patriarcha Graden. & Episcopo Castell. in.



EXHIBIT A coram nobis dilectorum filiorum Magistri Maximi Notarii, & V. Thesaurarii Ecclesie Veronen. Subdiaconorum nostrorum, & S. Graden. Primicerij littere continebant: quòd cum cognitionem processus Venerabilis fratris nostri Cremonen. Episcopi, apostolicæ Sedis Legari contra Venerabilem F. N. ... Episcopum Teruisin. eis duxerimos committehdam, iidem in ipso legitime procedentes, quia ipsis per testes, & instrumentum publicum constitit euidenter, quòd aduersus supradictum Episcopum ad inimicorum eius instantiam loco suspecto, eodem absente, ac post appellationem ad nos legitime interpositam, fuit in inquisitione processum; & per quosdam, qui adeò in partem alteram declinarunt, vt ea recusarent scribere, quæ pro Episcopo facere videbantur, supradicti Legari processum in irritum reuocarunt. Nos autem processum eorum, cum nihil rationabile obiectum fuerit contra ipsum, in hac parte duximus approbandam. Intelleximus etiam ex litteris eorundem, in inquisitione facta per bonæ memoriæ Albanen. electum apostolicæ Sedis Legarum aduersus eundem Episcopum, quam coram se aperiri fecerunt, quosdam testes deposuisse iuratos, quòd eum Teruisin. Ciuitas statnisset, vt de feudis vèditis sexta pars pretij ad feudorù Dòminos volueretur, & sic feudum fieret emporis allodiu, bonæ memoriæ Conradus Teruisinus Episcopus à Sede apostolica, & claræ memoriæ Henrico Imperatore priuilegia impetravit, vt contra Episcopatum nò haberet statutum huiusmodi firmitatem: & successores eiusdem Conradi de sic venditis feudis Ecclesie sextam partem recipere noluerant sed Episcopus iste recepit ex illis. Adtrecunt etiam testes prædicti, quòd cum commune Ciuitatis eiusdem A. quondam Episcopo Teruisin. abstulerit teloneum Episcopus qui nunc præest, pro ipso duo millia librarum ab eodem communi recepit, quod memoratus A. facere recusat. Ad hæc autem sic eundem Episcopum respondisse iudices retulerunt, quòd dicta priuilegia nec habuit, neque vidit: & cum ipse super statuto huiusmodi communitati assistere non valeret, & se nisi sortam acciperet in Ecclesie sue potius præiudicium reddenda, & rem partem, quam totum etiam amittendo, eiusdem Ecclesie necessitate, ac utilitate pensam, & de Venerabilis fratris nostri Aquilegien. Patriarchæ licentia, cuius super hoc litteras illis exhibuit eiusdem sigilli munimine roboratas, de venditis feudis sextam recepit pretij portionem. Adjiciens vt cum pro recuperando teloneo à communi eius prædecessori sublato sollicitè laborarit, nec potuerit aliquem consequi super hoc ex suo labore profectum: tandem teloneum ipsum in duobus millibus librarum obtinuit æstimari, sed ex ipsis denarijs aliquid non recepit: nisi quòd

commune septingentas libras, quas extorquere ab ipso volebat, sibi recompensavit ex illis. Quia verò super ijs dicti iudices nihil specialiter decreverunt, cum iudex de ea re, de qua cognovit, pronuntiare debeat secundum legitimas sanctiones, eorum negligentia in hac parte robur fauoris Apostolici non meretur. Licet autem eundem Episcopum tam propter hoc, quam alienationem eiusdem molendini valde utilis Ecclesie Teruisin. ac debita quibus tam brevi tempore post promotionem suam eandem Ecclesiam plurimum oneravit necnon beneficia Ecclesiastica, sicut accepimus, personis indignis collata, de dilapidatione suspectum, quinimò quo lammodo culpabilem secundum canonica, & legalia instituta suspendere ab administratione possemus. Ne tamen vir nobilis Guetcius, què ab impetitione ipsius Episcopi propter causas inimicitarum alia vice repulimus, & nunc etiam nuntios eius non duximus admittendos, tanquam inimicus super eum hac occasione gauderet, si forsan idem Episcopus reduceretur in primum, quam ad clamores eius incurrerat: providimus sic rigorem mansuetudine temperandum, quòd in illo insultationis non superabundet occasio, & circa istum non videatur obmitti super administratione cavela. Hinc est, quòd omnis alienationis speciem sub interpositione anathematis interdicentes eidem, ipsum ab alienandi suspendimus potestate; ut ipso iure contractus alienationis sit irritus, si quis forte per ipsum medio tempore fuerit attentatus. Interim autem dilectos filios ... Decan. ... & Magistrum Gall. Canonicum Teruisin. circa curam, & administrationem temporalium ei precepimus adhiberi, sine quorum consilio, & assensu in temporalibus non ministret, prestituto ab illis corporaliter iuramento, quòd ei circa temporalium administrationem assistent fideliter, & prudenter. Super eo autem, quòd quædam Ecclesiastica beneficia, non solum indignis, sed etiam indignè asseritur concessisse, veritatem nihilominus inquiratis, & etiam ad nostrum referatis examen, interim ipsum à potestate conferendi Ecclesiastica beneficia suspendentes. Ceterum ut plenè indemnitatibus provideatur Ecclesie Teruisin. fraternitati vestræ per apostolicam scriptam mandamus, quatenus super rebus alienatis, videlicet quot, & quanta, quantique valoris extiterint, quòdve dispendium ex hoc incurrerit Ecclesia Teruisin. necnon & alijs circumstantijs inquisita per Canonicos Teruisin. iuramento interposito sollicitè veritate, depositiones ipsorum ad nos sub sigillis vestris inclusas fideliter transmittentes, præfigatis Episcopo terminum competentem, infra quem per se, vel procuratorem idoneum nostro se conspectui repræsentet, ut super hoc secundum quòd expedire viderimus procedamus. Vos igitur tam potestenter in præmissis sublato contradictionis, & appellationis obstaculo procedere studeatis, quòd circumspeditionem vestram ex hoc possumus in Domino commendare. Nullis litteris veritati, &c. Vos denique fratres Patriarcha, & Episcopo super vobis ipsis, &c. Datum Lateran. vi. Idus April. Pont. N. Anno sextodecimo.

EPISTOLA XX.

VT PRÆVIA PIACVLARI SATISFACTIONE INTERDICTI
SENTENTIAM RELAXET.

Archipresbytero de Graualona Nouarien. Diœces.



X parte communis de Graualona Nouarien. Diœces. fuit propositum coram nobis, quod licet terra ipsorum fundata sit in solo habili, & secundo, adeo tamen infortunata est, & infausta, ut nec in rebus multiplicari valeat, nec personis: & cum, fortuna sibi aliquatenus arridente, speratur quod ab huiusmodi debeat infelicitate confurgere; casibus semper opprimitur improvisis: quod ex eo existimant provenire, quia terra eadem olim, sicut fama est, propter excessus Dominorum ipsius supposita fuit sententiae interdicti, quæ non creditur fuisse postmodum relaxata. Vnde Apostolatui nostro humiliter supplicarunt, ut cum nobis in beato Petro Apostolo ab ipsa fuerit veritate promissum, quod quæcumque solueris super terram, soluta erunt pariter & in cælis, eos ab huiusmodi vinculo absolvere dignaremur: præsertim cum animarum quoque periculum ex hoc sibi metuant imminere. Cum igitur maiores propter minorum offensam, & culpa maiorum minores quandoque puniri sacræ Scripturæ doceamur exemplis, piæ eorum sollicitudinem, & timorem commendamus in Domino, & speramus, quod fides, quam de clauibus Petri gerunt, ipsis utilis esse debeat ad veniam promerendam cum paralyticum ad pedes Iesu Christi summissum per regulas fides saluauerit aliena. Verum quia David ad placandam indignationem diuinam, quæ culpa ipsius in populum fuerat concitata, sacrificium Domino legitur obtulisse; nos factis eiusdem, quæ ad nostram eruditionem scripta esse testatur Apostolus, inhærentes, discretionis tuæ per apost. script. mandamus, quatenus populum dicti loci, ut ad expiandam culpam huiusmodi, & diuinam propitiationem facilius impetrandam aliquam Domino satisfactionem impendant, monens efficaciter, & inducens, præfaram interdicti sententiam, auctoritate nostra denunties relaxatam. Eodem sollicitè commonendo, ut sic in diuino timore permaneant, ne quos apud homines Apostolica soluit auctoritas, propria liget iniquitas apud Deum. Datum Lat. vj. Kal. April. Pont. N. Anno xvj.

EPISTOLA XXI.

VT INTERIM IN ECCLESIAE CONTROVERSÆ POSSESSIONEM
A. PRESBYTERVM INDVCANT.

*Archiepiscopo Salzburgen. & Salzab. & de Berthersgadme. Salzaburg.
Diœces. Præpositis.*



AUSAM quæ inter dilectos filios A. Presbyterum, & C. Scholarem Ratispönen. super Ecclesia in Buchkirchen. vertitur, ab examine dilecti filij Præpositi sancti Nicolai, & suorum coniudicum delegatorum nostrorum, ad nos per appellationem delatam, dilecto filio A. sancti Adriani Diac. Card. commisimus audiendam. Coram quo Presbyter

proposuit memoratus, quòd cum olim Venetabilis F. N. Pataviensis Episcopus prædictam Ecclesiam de Buch irchen, quam ad cõmonitionem eiusdem Episcopi dictus C. nullo tunc ordine sungen, pro eo quòd quaudam puellam desponsauerat publicè, per litteras, & proprium nuntium resignarat, sicut per eiusdem Episcopi litteras ostendebat, eidem canonicè conceisset vacantem quidem, & nemine reclamante, ac ipsam idem Presbyter aliquandiu possidisset in pace. Tandem prædictus C. ad quosdam iudices Apostolicas litteras super restitutione ipsius Ecclesie aduertus memoratum Episcopum impetrauit, mendaciter se clericum exprimens in eisdem, cum tempore impetrationis ipsarum clericali nõ esset caractere insignitus. Et licet huiusmodi abrenuntiauerit litteris, data fide quòd eis nullatenus videretur, dummodò sibi dictus Episcopus de ipso Presbytero faceret iustitiæ plenitudinem exhiberi. Postmodum tamen idem C. coram eo traxit in causam Presbyterum antedictum, qui cum sentiret indebitè se grauari, Sedem Apostolicam appellauit: eo verò prosequente appellacionem emissam, dictus C. per iudices, ad quos litteras quibus abrenuntiauerat, impetrarat, prænominatam Ecclesiam occupauit. Cumque super hoc idem Presbyter ad Decan. Pataviens. & Collegas ipsius nostras litteras reportasset; & de spoliacione ipsius Presbyteri constitisset eisdem; ipsi restituendam ei prænominatam Ecclesiam decreuerunt. Mittentes daos Decan. cum eodem Presbytero, qui auctoritate nostra ipsum in possessionem Ecclesie mitteret corporem; Quibus sæpè dictus C. vnà cum quibusdam armatis se violenter opponens, ipsos turpiter repulerunt. Sed cum iudices ipsum C. pro temeritate huiusmodi ad eorum præsentiam citauissent, & idem appellans frustratorie, manifesta contumacia laboraret, tam in eum, quàm in eius fauores excommunicationis sententiã proferentes, eundem Presbyterum. cum securitate nobilis viri Ducis Bauariæ ad prænominatam Ecclesiam remisserunt. D. verò Subdiac. & quidam alij eiusdem C. serui. & patris eius amici, eodem C. procurante noctis tempore ipsum aggressi Presbyterum, adhuc nudum, in lecto iacentem ligatis à tergo manibus, equis, & alijs rebus eius ablati, traxerant impositis ei plagis ad syluam, & inter vngues ipsius spinis immixtis, eum multis alijs afficere tormentis: & tanto tempore procutantibus F. E. & W. mililibus, & quibusdam alijs Pataviens. Diocesi. tenere captiuum; donec prædicti Ducis, & quorundam aliorum nobilium precibus pro quadam summa pecuniæ se redemit. Quare tam eius Diocesanus, quàm iudices memorati ipsius mysterijs miserescentes, præsumptores præfatos, & fautores ipsorum excommunicationis vinculo innodarunt. Vnde nobis humiliter supplicauit, vt eius aduersarij malitijs occurrentes; laboribus ipsius imponere finem dignaremur. Ad hæc autem per D. procuratorem partis alterius fuit ex aduerso responsum, quòd cum prædictus C. memoratam Ecclesiam ab ipso Pataviens. canonicè sibi collatam duobus annis pacificè possideret: tandem eo insistente scholasticis disciplinis, eandem idem Episcopus contulit Presbytero memorato, super quo tam contra ipsum, quàm contra Presbyterum ad Ratisponen. Præpositum, & suos coniudices litteras impetrauit, qui propter contumaciam ipsius Presbyteri eundem C. in possessionem eius rei seruandæ miserunt. Interim autem idem C. citatus à Decan. Pataviens. & suis coniudicibus per quasdam nostras litteras ipsis per suum aduersarium

præsentatas, in quibus tamen nulla de prioribus mentio habebatur, in ipsa citatione fuit per eundem Presbyterum spoliatus. Propter quod ad præfatos iudices Ratisponen. recurrens eundem fecit Presbyterum excommunicationis vinculo innodari, & ad cautelam à secundis iudicibus ad nos per nuntium proprium appellauit: tum propter causam præmissam, tum quia exceptiones eius legitimas admittere recusabant. Vnde petebat, vt reuocato in irritum, quod per Decan. Patavien. & suos coniudices temerè fuerat attentatum, Ratisponen. Præpositi, & coniudicum eius processum robur faceremus firmitatis habere. Nos igitur per fidelè narrationē Card. prædicti auditis ijs, & alijs quæ fuere proposita coram eo, possessionem eiusdem Ecclesiæ cum fructibus perceptis adiudicauimus Presbytero memorato, discretiōni vestræ per Apost. scrip. mādantes, quatenus in corporalem possessionem ipsius Ecclesiæ Presbyterum mitratis eūdem, & auctoritate nostra defendatis inductum: super fructibus, quod à nobis est sententiā diffinitum, facientes per censuram Ecclesiasticam appellatione remota firmiter obseruari. Ceterum quia de damnis, & iniurijs supradictis nobis non potuit fieri plena fides, per Apost. vobis script. mandamus, quatenus, vocatis qui fuerint euocandi, & auditis hinc inde propositis, si de ijs legitime vobis constiterit, de damnis satisfieri competenter eidem Presbytero, facientes pro huiusmodi detestandis iniurijs præfato C. si per eum illatz fuerunt, super Ecclesiā ipsā perpetuum silentium imponatis. Alioquin eo, sicut dictum est primitus restituto, super proprietate ipsius Ecclesiæ audiat causam, & quod canonicum fuerit sublato appellationis obstaculo decernatis, facientes quod statueritis, &c. Testes autem, &c. Quod si non omnes, &c. Tu ea frater Archiepiscopo, &c. Tu denique frater Archiepiscopo super teipso &c. Datum Laterani vij. Idus April. Pont. N. Anno xvj.

EPISTOLA XXII.

CERTIS LEGIBUS ABSOLVTIONEM IMPERTITVR.

Nobili viro Comiti Niuernen. spiritum consilij sanioris.

CVM pro quæstione, quæ inter te ex parte vna, & dil. fil. Abbatem, & Conuentum Monasterij Virziliacen. Diocesis Eduen. ex altera, super quibusdam procurationibus annuis, damnis, & iniurijs vertebatur, tui, & partis alterius procuratores ad nostram præsentiam accessissent, & in ea fuisset aliquandiu coram nobis prudenter, & prouidè disputatū: tandem ex parte tua relatione tuorū procuratorū accepimus, quod tu volens per omnia cōplacere nostro beneplacito voluntatis, paratus eras in hac causa nostris obtemperare mandatis. Nos autem communicato fratrum nostrorum consilio, hoc duximus iniungendum: vt cum tu, & successores tui Comites Niuernenses in festo Paschali ad Monasterium accesseritis memoratum, nomine procurationis centum librarum vsualis monetæ, quæ pro tempore curret, sis summa contenti, tantumdem in festo beatæ Mariæ Magdalenz procurationis nomine recepturi, si ad Monasterium accesseritis supradictum, ad protectionem eiusdem Monasterij, secundum quod de iure tenemini, dantes operam efficacem. Vt ergo super hoc nulla possit in posterum via

patere calumniæ: tu, & vxor tua per authenticum instrumentum Abbati, & Conuentui eiusdem Monasterij promittatis, vos id firmiter seruaturus: veltros nihilominus successores ad huius rei obseruantiam obligantes: & ad maiorem cautelam faciatis hoc per carissimum in Christo filium nostrum ... illustrem Regem Francorum auctoritate regia confirmari. Mandatum nostrum taliter impleturi, quod diuinam, & Apostolicam gratiam possitis exinde vberius promereri. Damus itaque Venerabili fratri ... Episcopo, & dilect. filio ... Abbati sancti Victoris, & Cancellario Parisien. nostris litteris in mandatis, vt postquam super hoc tu, & vxor tua litteras secundum formam concesseritis supradictam, te iuxta formam Ecclesiæ à vinculo excommunicationis absoluant, quo propter idem negotium nostra es auctoritate ligatus. Iniungentes tibi sub debito præstiti iuramenti, vt ad impetrandam super hoc confirmationem Regiam des operam bona fide. Abbatem verò, & Conuentum prædictos ab omni decreuimus impetitione cessare, omnémque remittere questionem, quæ ipsis aduersus te Comitem super damnis, & iniurijs competeat. Decimus de Dornitiaco dumtaxat exceptis, super quibus eis satisfieri volumus, & mandamus. Datam Lateran. secund. Idus April. Pontific. nostri anno sextodecimo. Scriptum est super hoc ... Episcopo, Abbati sancti Victoris, & Cancellario Parisien. verbis competenter mutatis. Quòd si non omnes, &c. Tu frater Episcope. Tu denique, &c.

EPISTOLA XXIII.

VT REGINÆ ARAGONVM PRO ILLATIS INIURIIS
SATISFIERI CVRENT.

*Archiepiscopo, & Abbati sancti Pauli Narbonen. & Priori Fontis frigidi
Narbonen. Diaeces.*



ARISSIMA in Christo filia illustris Regina Aragonum de hominibus Montispessulani plenam iniurijs vobis obrulit questionem, qui sicut asseruit redditus loci eiusdem, Castrorum, & Villarum in districtu Montispessulani existentium ad eandem Reginam de iure spectantes, eisdem à viro suo ... illustri Rege Aragonum titulo pignoris obligatos, contra iustitiam detinent, & ei se adere contradicunt. Cum ipsa pignoris obligatio, vt pote de re dotali, de iure robur non habuerit firmitatis, quæ si aliquem sortita fuisset effectum, tanto tempore ipsarum rerum redditus perceperunt, quòd non solum exennuatam est debitum, verùm etiam non modicam summam pecuniæ restituere tenentur eidem Castrum nihilominus, quod ibidem habebat, funditus diruerunt, inde lapides, & camenta in maioris contemptus opprobrium asportantes, & ad iura Dominijs manibus suis extensis, Notarium, & Consules in Montepessulano fecerunt, contra voluntatem ipsius: & in damnum eius pisces vendi faciunt in locis alijs, quàm consuetum fuerit ab antiquo, nomine Consulum, & non Reginz fieri: nates banna & edicta proponi. Præterea Castrum de Latis, quod multis inhabitabatur hominibus, partim ruina, partim incendio destruxerunt, pluribus ex eiusdem loci hominibus interfecit. In ijs autem, & alijs eadem asserbat Re-

gina se damna multorum millium marcarum, & plurium solidorum per illorum iniurias incurrisse: qui etiam tanquam hæc non sufficerent ad offensionem, de quo iam Castro ipsius Regine carissimum in Christo filium nostrum ... illustrum Regem Aragonum expulerunt; ut sic eum aduersus eam tacite provocarent, & ut inrer eos contra iura matrimonij maioris incensus discordie & sulcitarent, Regem iurare fecerunt eundem, ut Montempeffulapum intra biennium non intraret. Volentes autem eidem Regine in suo iure adesse, qui tumus omnibus in iustitia debitores, discretionem vestram per apost. script. mandamus, quatenus partibus conuocatis, & auditis hinc inde propositis, quod iustum fuerit appellatione postposita decernatis, facientes quod decreueritis per censuram Ecclesiasticam firmiter obseruari. Praefatos etiam homines Montempeffulani per eandem censuram appellatione postposita compellentes, ut super expensis, quas propter hæc eadem fecit Regina, ipsi satisfaciant ut teneatur. Interim autem eosdem homines ad soluendam ipsi Regine medietatem omnium reddituum patrimonij eius, & ut de subtractis satisfaciant competenter per distributionem Ecclesiasticam, sicut iustum fuerit, sublaro appellationis obstaculo compellatis. Testes autem, &c. Quod si non omnes, &c. Tu frater Archiepiscopus cope cum eorum altero, &c. Vos denique frater Archiepiscopus, & fili Abbas super vobis ipsis, &c. Datum Lateran. vj. Idus April. Pont. N. Anno sexto-decimo.

EPISTOLA XXIV.

VT POST SPOLIATI RESTITUTIONEM DE CRIMINIBVS
OBJECTIS IUDICIUM INSTITVANT.

*Marbacensi, & de Salemi Abbatibus Basilien. & Constantiensis
D. reſeſon, & H. Cellerario Basilienſis.*



CCEDENTIBVS ad Sedem Apostolicam dilecto filio R. Praeposito Marbacen. & Henrico procuratore Marbacensis Ecclesie, dilectum filium R. tituli sancti Stephani in Czlio monte Presbyterum Card. concessimus auditorem. Coram quo proposuit Praepositus memoratus, quod. um oim de mandato Venerabilis fratris nostri ... Basilien. Episcopi litterarum nostrarum contra O. maledictum, & reprobum, fidus, & verus inrerpres coram vniuerso clero, & terrarum Nobilibus, & alijs multis astantibus laram à nobis in reprobum supradictum excommunicationis sententiam constanti mente, ac voce inrerpida diuulgaret, Canonici eius ibi occasionem odij mendicantes, ubi eis dilectionis materia poterat abundare, in ipsum vnanimiter conspirarunt, & quorundam laicorum fauore suffulti, eum à Marbacen. Ecclesia iam annis elapsis duobus rursus inrerieciunt. Cumque idem Praepositus à nobis obtinuerit dari Luzelacensi Abbati, & suis coniudicibus nostris litteris in mandatis, ut fratres praedictos per censuram Ecclesiasticam coegerent eidem reuerentiam, & obedientiam debitam exhibere: necnon ad Venerabilem fratrem nostrum Meten. Episcopum, tunc Spiren. nostras litteras impetrarit, ut quolibet Imperiales Ecclesiastica districtione compelleret, ne ipsum in aliquo molestarent, interim dicti Canonici aduersus eum ad Abbatem

Parisiens. & suos coniudices à Sede Apostolica quasdam litteras impetrarunt. Iidem verò iudices terminum preceptorum præmittentes, locum et assignauerunt suspectum : & licet tam propter hoc, quàm alias causas recusationis legitime illorum potuisset iudicium declinare, tamen coram eis in modum exceptionis obieci; quod prius deberet restitui, quàm aduersariorum petitionibus respondere, cum nec nudus contendere, nec inermem se deberet opponere inimicis; & ne ipsum iudices ad respondendum restitutione non præuia cogerent, ad Sedem Apostolicam appellauit. Ipsi verò licet tractatum de compositione præmiserint; tandem aduersarij ipsius Præpositi ab examine Venerabilis fratris nostri ... Episcopi Basiliens. in quem sub interpositione fidei fuerat à partibus compromissum, ad iudices eosdem reuersis, in ipsum Præpositum absentem, & non restitutum, lite nullatenus contestata, post appellationem ad nos legitime interpositam depositionis sententiam promulgarunt. Dantes Canonici de facto licentiam eligendi alium in pastorem. Vnde petebat idem Præpositus, vt cum ipsa sententia, si sententia dici deberet, contra solitum ordinem iudiciorum fuerit promulgata, denuntiari dignaremur eandem irritam, & inanem, & ipso plenarie restituto eius aduersarios, periuros, excommunicatos, participantes excommunicatis, & conspiratores, & possessiones Ecclesiæ contra tenorem confirmationis nostræ minus licite distrahentes, faceremus per aliquos canonicæ subieci ultioni. Procurator autem Canoniorum proposuit ex aduerso, quod cum Canonici Marbacen. dictum R. super periurio duplici, dissolutione vitæ, furtiua subtractione priuilegiorum Ecclesiæ, ac dilapidationis vitio, coram dicto Abbate Parisiens. & suis coniudicibus delegatis à nobis impetent; ipse de meritis causæ diffidens ad exceptiones diuertit inanes, quibusdam causis suspicionis aduersus vnum de iudicibus allegatis, in quarum probatione defecit. Iudices autem, ne viderentur mandati Apostolici contemptores, se ad principalis quæstionis examen exigente iustitia conuerterunt. Nec opus erat, vt cum ad petitionem restitutionis admitterent, quem dilapidationis obiectu pars altera repellere; ne daretur eidem in re familiari grassandi facultas. Cum enim de dilapidatione suspectus debeat ab administratione suspendi, memoratus R. euidentis dilapidator existens ab administrationis petitione leui poterat exceptione repelli; contra quem vt amoueretur ab ea, daretur actio ad agendum, nec super spoliacione huiusmodi poterat coram eisdem iudicibus litigare, cum ad alios super hoc nostras litteras impetrasset. Præterea si Præpositus idem de spoliacione in modum actionis agebat, Canoniorum quæstio, quæ ordine propositionis præcesserat, præcedere terminatione debebat. Quod si spoliatio fuit in modum exceptionis obiecta, non propter hoc erat ei restitutio facienda. Vnde iudices ipsius Præpositi, friuolæ appellationis diffugio non obstante, cum esset in litteris nostris appellationis obstaculum interdictum, cognitis causæ meritis in eundem depositionis sententiam protulerunt. Quapropter dictus procurator constabat, vt sententiam ipsam, pro qua præsumi debebat, donec contrarium probaretur, dignaremur Apostolico munimine roborare. Nos igitur auditis ijs, & alijs per fidelem narrationem Cardinalis prædicti, quæ fuere proposita coram eo, cum non debuerit aduersus eundem Præpositum spoliatorum post appellationem legitimam, & lite non contestata procedi maxime occasione litterarum

quæ veritate tacita fuerant impetratæ, processum iudicum eorumdem, & quidquid ex eo secutum est, vel ob id, decreuimus irritum, & inane. Ceterum quia se restitui principaliter petijt Præpositus memoratus, cum constaret ipsum fuisse ab aduersarijs spoliatum, nos sententialiter restituentes eundem, discretionem vestram per Apost. script. mandamus, quatenus ipsum in corporalem possessionem Marbacen. Præposituræ, sublato appellationis obstaculo, inducatis, & auctoritate nostra defendatis inductum: contradictores per censuram Ecclesiasticam appellatione postposita compescentes. Prouiso prudenter, vt si præfatus Præpositus merito fuerit de dilapidatione suspectus, adhibeatis eidem circacuram temporalium duos viros prouidos, & fideles, sine quorum consilio, & assensu administrationem temporalium nequeat exercere; ne per vsum administrationis inutilis, bona Marbacen. Ecclesiæ dissipentur. Deinde super alijs, quæ hinc inde fuere proposita, quia de ipsis nobis constare non potuit, vos partibus conuocatis, & auditis quæ duxerint proponenda, quod canonicum fuerit appellatione postposita statuatis. Et si præscripta crimina contra dictum Præpositum legitime probatione patuerint, vos ipsum à regimine Marbacen. Ecclesiæ in perpetuum amouentes appellatione remota faciatis Ecclesiæ supradictæ de alio viro idoneo in Præpositum per electionem canonicam provideri. Nullis litteris obstantibus, præter assensum partium à Sede Apost. impetratis. Quod si non omnes, &c. duo vestrum, &c. Vos denique filij Abbates super vobis ipsis, &c. Datum Laterani viij. Idus April. Pont. N. Anno xvj.

EPISTOLA XXV.

LAUDAT REFORMATIONIS PROPOSITVM.

Abbat, & Conuentui Vindocinen.

DILECTVS filius W. Monachus vester, quem in promouendis Ecclesiæ vestræ negotijs sollicitum comperimus, & prudetem, ex parte vestra proposuit coram nobis: quod in proposito, & desiderio geritis Ecclesiam sanctæ Priscæ de Monte Auentino ad vestrum monasterium pertinentem reformare in temporalibus, & spiritualibus ordinare: instituendo Monachos in eadem iuxta B. Benedicti regulam Domino seruituros; dummodò dignirares, & iura quæ Monasterio vestro competunt ex eadem, vobis, & ipsi Monasterio integra conseruemus. Vnde nobis humiliter supplicauit, vt super hoc nostræ voluntatis beneplacitum vobis rescribere dignaremur. Nos igitur propositum vestrum commendantes in Domino, & desiderium fauore beniuolo prosequentes, insinuatione vobis præsentium intimamus, quod cum super eadem Ecclesia nostrum vobis priuilegium concesserimus, gratum nobis, & acceptum exister, si efficaciter intenderitis ad ipsius commodum, & augmentum. Tu denique fili Abbas super teipso, &c. Datum Lateran. v. Idus April. Pont. Anno xvj.



POSTVLASTI per Sedem Apostolicam edoceri, vtrum Sacerdos Ecclesiam habens in vna Diocesi, & residens in eadem, domicilium verò, patrimonij ratione, in alia, ibiq; delinquens, ab Episcopo in cuius habet Diocesi patrimonium pro delicto ibidem commissso debeat iudicari: præsertim in causis, quæ officij, seu beneficij priuationem exposcunt. Ad quod breuiter respondemus. Quòd per Episcopum in cuius deliquit Diocesi, sententia promulgari poterit in eundem, sed ab Episcopo, in Diocesi cuius Ecclesiam obtinet, erit quoad ipsam Ecclesiam huiusmodi executio sententiæ facienda. Quæsiuisti præterea, vtrum contra quosdam contempta excommunicationis sententia debitas Ecclesijs decimas subtrahentes, tibi regiam implorare liceat potestatem, cum ad solutionem ipsarum vix absque sanguinis effusione valeant coarctari. Ad quæ tibi duximus respondendum, quòd si te de huiusmodi querimoniam simpliciter deponente, Rex cui ad bonorum laudem, & malefactorum vindictam gladius est commissus, in eosdem rebelles traditam sibi exercuerit potestatem, eorum erit duritiæ imputandum. Cæmeteria verò, in quibus excommunicatorum corpora sepeliuntur per suorum violentiam propinquorum, reconcilianda erunt alperisione aquæ sollemniter benedictæ, sicut in Ecclesiarum dedicationibus consuevit. Procuraciones autem, quæ visitationis ratione debentur, sinè manifestis, & necessaria causa non exiges, nisi cum personaliter officium visitationis impendis. Tu denique frater Episcopo super reipso, &c. Datum Lateran. iij. Kal. Maij. Pont. nostri, Anno sextodecimo.

EPISTOLA XXVII.

VT MANDATARIO APOSTOLICO PRÆBENDAM ASSIGNENT.

Episcopo, & Capitulo Massilien.

APOSTOLICÆ Sedis benignitas, quæ curam gerit, & sollicitudinem singulorum, suam gratiam specialiter circa illos ampliare tenetur, qui noscuntur diutius in eius obsequijs laudabiliter insudasse. Dignum est enim, vt ipsius domestici ab eiusdem vberibus repleantur, & sibi eam inueniant affluentem, quam etiam in benignitatis affluentia sibi sentiunt exuberantem ignoti. Cùm igitur pro dilecto filio Magistro R. Scriptore nostro, cuius fidelitas, & deuotio in Cancellariæ nostræ seruitio est probata, iam tertio vobis scripserimus, vt eidem quem dudum ad mandatum nostrum nullo sibi beneficio assignato in fratrem, & Canonicum receperatis, curaretis tam in domibus, quàm in alijs, sicut vni ex vobis providere: ac postmodum quibusdam vestrum in nostra præsentia constitutis hoc idem iniunxerimus vna voce, graue gerimus, & indignum, quòd vos more aspidis surdæ aures penitus obturantes, id hæcenus efficere non curastis. Volentes igitur

adhuc, utrùm in vobis aliqua obedientiz scintilla remanserit, experiri, Vniuersitati vestrz per Apost. script. mandamus, & districtè præcipimus, quatenus ipsi Magistro, saltem hac vice iuxta præscriptam formam providere curetis. Alioquin noueritis nos dilecto filio Magistro Thediso Nuntio nostro per nostras dedisse litteras in præceptis, vt de bonis Ecclesiæ vestrz secundùm formam eandem, competentem sibi prouisionem nostra suffulcris auctoritate assignet. Contradictores, si qui fuerint, vel rebelles per censuram Ecclesiasticam, & appellacione postposita compescendo. Tu denique frater Episcopo super reipso, & credito tibi, &c. Datum Laterani.

Scriptum est super hoc dilecto filio Magistro Thediso Nuntio nostro verbis cõpetenter mutatis.

EPISTOLA XXVIII.

CIRCULARES EPISTOLÆ AD TERRE SANCTÆ DEFENSIONEM.

Vniuersis Christi fidelibus per Maguntin. prouinciam constitutis.



QUIA maior nunc instat necessitas, quàm vmquam inisterit, vt Terræ Sanctæ necessitatibus succurratur; & de succursu speratur maior, quàm vmquam prouenerit velitis, prouentura. Ecce resumpto clamore clamamus ad vos, & pro illo clamamus, qui moriendo voce magna clamauit in cruce, tactus obediens Deo Patri vsq; ad mortem Crucis, clamans vt nos ab æternæ mortis eriperet cruciatu. Qui clamat etiam per seipsum, & dicit: *Si quis vult venire post me, abneget semetipsum, & tollat crucem suam, & sequatur me.* Ac si diceret manifestius, qui vult me subsequi ad coronã, me quoq; subsequatur ad pugnam, quæ nunc ad probationem proponitur vniuersis. Porerat enim omnipotens Deus terram illam, si vellet, omnino defendere, ne in manus traderetur hostiles. Posset & illam, si vellet, de manibus hostium facile liberare, cum nihil possit eius resistere voluntari. Sed cum iam superabundasset iniquitas, refrigerescere caritate multorum, vt fideles suos à somno mortis ad viæ studium excitaret, agonem illis proposuit, in quo fidem eorum velut aurum in fornace probaret, occasionem salutis, immò saluationis causam præstando: vt qui fideliter pro ipso certauerint, ab ipso feliciter coronentur. Et qui ei noluerint in tantæ necessitatis articulo debita seruitutis impendere famulatum, in nouissimo districti examinis die iustam mereantur damnationis sententiam sustinere. O quanta iam prouenit velitis ex hac causa? quàm multi conuersi ad penitentiam pro liberatione Terræ Sanctæ mancipauerunt se obsequio Crucifixi, & quasi per agonem martyrii coronam gloriæ sunt adepti, qui forrè in suis iniquitatibus perisissent, carnalibus voluptatibus, & mundanis illecebris irretiti? Verus est hoc artificium Iesu Christi, quod ad suorum salutem fidelium diebus istis dignatus est innouare. Si enim Rex aliquis temporalis à suis hostibus eijceretur de regno, nisi vassalli eius pro eo, non solum res exponerent, sed personas; nõne cum regnum recuperaret amissum, eos velut infideles dånaret, & excogitaret in eos inexcogitata tormenta, quibus perdei et malè malor? Sic Rex Regum Dominus Iesus Christus; qui corpus, & animam, & cetera vobis contulit bona, de ingratitude vicio, & infidelitatis erimine vos damnabit, si ei quasi eiecto de regno, quod pretio sui sanguinis comparauit, neglexe-

ritis subuenire. Sciat ergo se culpabiliter durum, & durè culpabilem, quicumque in hoc necessitatis articulo suum negauerit obsequium Redemptori. Nam & quomodo secundum præceptum diuinum diligit proximum suum, sicut te ipsum, qui scitis fratres suos fide, ac nomine Christianos, apud perfidos Sarracenos ergastulo diri carceris detineri, ac iugo deprimi grauissimæ seruitutis, & ad liberationem eorum efficacem operam non impendit? transgrediendo illius naturalis legis mandatum, quod Dominus in Euangelio declarauit: *Quicumque uultis ut faciant uobis homines, & uos facite illis.* An fortè nescitis, quòd apud illos multa millia Christianorum in seruitute, ac carcere detinentur, qui tormentis innumeris cruciantur? Et quidem omnes penè Sarracenorum provincias usque post tempora Beati Gregorij Christiani populi possederunt: sed ex tunc quidam perditionis filius Machometus pseudopropheta surrexit, qui per seculares illecebras, & voluptates carnales multos à ueritate seduxit: cuius perfidia, etsi usque ad hæc tempora inualuerit, confidimus tamen in Domino, qui iam fecit nobiscum signum in bonum, quòd finis huius bestię appropinquat, cuius numerus secundum Apocalypsin Ioannis intrà sexcenta sexaginta sex clauditur, ex quibus iam penè sexcenti sunt anni completi. Certè præter priores iniurias grandes, & graues Redemptori nostro pro nostris offensis à perfidis Sarracenis illatas, nuper in monte Thabor, ubi discipulis suis futuræ glorificationis speciem demonstrauit, iidem perfidi Sarraceni quandam munitionis arcem in confusionem Christiani nominis erexerunt, per quam ciuitatem Accon sibi valdè vicinam de facili cogitant occupare, ac deinde sine omni contradictionis obstaculo residuum terræ huius inuadere, cum sit viribus, & opibus penè penitus destituta. Etia igitur, dilectissimi filij, dissensiones, & emulationes fraternas in pacis, & dilectionis fœdera commutantes, accingimini ad obsequium Crucifixi: non dubitantes pro illo res exponere, ac personas, qui pro uobis animam suam posuit, & sanguinem suum fudit. Certi pariter, & securi, quòd si uerè penitentes fueritis, per hunc temporalem laborem, quasi quodam compendio, ad requiem peruenietis æternam. Nos enim de omnipotentis Dei misericordia, & Beatorum Apostolorum Petri, & Pauli auctoritate confisi, ex illa quam nobis Deus licet indignis ligandi, atque soluendi contulit potestatem, omnibus qui laborem istum in proprijs personis subierint, & expensis, plenam suorum peccaminum, de quibus ueraciter fuerint corde contriti, & ore confessi, veniam indulgemus, & in retributione iustorum salutis æternæ pollicemur augmentum. Eis autem qui non in personis proprijs illuc accesserint; sed in suis dumtaxat expensis iuxta facultatem, & qualitatē suam uiros idoneos destinauerint, & illis similiter, qui licet in alijs expensis in proprijs tamen personis accesserint, plenam suorum, concedimus veniam peccatorum. Huius quoque remissionis uolumus, & concedimus esse participes, iuxta quantitatem subsidij & deuotionis affectum, omnes qui ad subuentionem ipsius Terræ de bonis suis congruè ministrabunt. Personas quoque ipsorum, & bona ex quo Crucem assumpserint, sub Beati Petri, & nostra protectione suscipimus. Necnon & sub Archiepiscoporum, & Episcoporum, & omnium Prælatorum Ecclesiæ Dei defensione consistant, statuentes, ut donec de ipsorum obitu, vel reditu certissimè cognoscatur, integra maneant, & quieta consistant. Quòd si quisquam contrà præsumperit per Ecclesiæ Prælatos

appellatione postposita censura Ecclesiastica compescatur. Siqui verò proficiscientium illuc ad præstandas vsuras iuramento tenentur astricti, creditores eorum per Ecclesiarum Prælatos, vt remittatur eis præstitum iuramentum, & ab vsurarum exactione desistant, eadem præcipimus districtione compelli. Quòd si quiqua creditorum eos ad solutionem coegerit vsurarum, eum ad restitutionem earum simili cogi animaduersione mandamus. Iudæos verò ad remittendas ipsis vsuras per secularem compelli præcipimus potestatem, & donec illas remiserint, ab vniuersis Christi fidelibus, tam in mercimonijs, quàm in alijs per excommunicationis sententiam eis omnino communio denegetur. Vt autem Terræ Sanctæ subsidium diuisum in plurimos facilius impendatur, obsecramus omnes, & singulos per Patrem, & Filium, & Spiritum Sanctum, vnum, solum, verum, vnum, æternum Deum postulantes, vice Christi, pro Christo, ab Archiepiscopis, & Episcopis, Abbatibus, & Prioribus, & tam Cathedralium, quàm aliarum Conventualium Ecclesiarum Capitulis, & Clericis vniuersis, necnon Ciuitatibus, Villis, & oppidis competentem numerum bellatorum, cum expensis ad triennium necessarijs secundum proprias facultates. Et si ad hoc vnum quodlibet non suffecerit, plura coniungantur in vnum; quia pro certo speramus, quòd personæ non deerunt, si expensæ non desint. Postulantes hoc ipsum à Regibus, & Principibus, Comitibus & Baronibus, aliisque Magnatibus, qui forsitan per seipsos personaliter non acceperint ad obsequium Crucifixi. A Ciuitatibus verò maritimis nauale subsidium postulamus. Et ne alijs onera graua, & importabilia imponere videamur, quæ digito nostro mouere nolumus, protestamur veraciter coram Deo, quia quod ab alijs exigimus faciendum, hoc ipsi prompto animo faciemus. Clericis autem ad hoc negotium necessarijs prouidimus indulgendum, vt omni contradictione cessante, beneficiorum suorum prouentus propter hoc valeant vsque ad triennium pignori obligare. Quia verò subsidium Terræ Sanctæ multum impedi, vel retardari contingeret, si ante susceptionem Crucis examinari quemlibet oporteret, an esset idoneus, & sufficiens ad huiusmodi voium personaliter prosequendum, concedimus, vt regularibus personis exceptis, suscipiant quicumque voluerint signum Crucis; ita quòd cum vrgens necessitas, aut euidentis utilitas postulauerit, votum ipsum de Apostolico possit mandato commutari, aut redimi, vel differri. Et propter eandem causam remissiones, & indulgentias hæcenus à nobis concessas procedentibus in Hispaniam contra Mauros, vel contra hæreticos in Prouinciâ reuocamus: maxime cum illis concessæ fuerint ad tempus quod iam ex toto præterijt; & istis ob causam, quæ iam ex maiori parte cessauit: vtroq; negotio per Dei gratiam adeò prosperato, vt vehementem instantiam non requirat: & si forè requireret, nos ingruenti necessitati respicere curaremus. Concedimus tamen, vt huiusmodi remissiones, & indulgentiæ apud Prouinciales remaneant, & Hispanos. Ceterum quia cursarij, & piratæ nimis impediunt subsidium Terræ Sanctæ capiendū, spoliando transcurrentes ad illam, & reuertentes ab illa, nos eos, & principales adiutores, & fautores eorum excommunicationis vinculo innodamus, sub interminatione anathematis inhibentes, nequis cum eis scienier communicet in aliquo venditionis, vel emptionis contractu: & iniungentes Rectoribus Ciuitatum, & locorum suorum, vt eos ab hac iniquitate reuocent, & compescant.

Alioquin, quia nolle perturbare peruefos nihil est aliud, quàm fouere: nec caret scrupulo societatis occultæ, qui manifesto facinori desinit obuiare, nos in personas, & terras eorum seueritatem Ecclesiasticam curabimus exercere; cùm tales non minùs quàm Sarraceni aduersentur nomini Christiano. Innouamus præterea excommunicationis sententiam in Lateran. Concilio promulgatam aduersus eos, qui Sarracenis arma, ferrum, & signamina deferunt galearū, quiq; in piraticis Sarracenorum nanibus curam gubernationis exercent, eòque rerum suarum priuatione multari, & capientium seruos, si capti fuerint, fore censemus; præcipientes vt per omnes vrbes maritimas diebus Dominicis, & festiuis huiusmodi sententia publicè innouetur. Verùm cùm longè plus de diuina clementia, quàm de humana potentia confidere debeamus, oportet nos in tali conflictu non tam corporalibus armis, quàm spiritualibus dimicare. Ideòque statuimus, & mandamus, vt singulis mensibus semel fiat generalis processio seorsum virorum, ac seorsum, vbi fieri poterit, mulierum, in humilitate mentis, & corporis, cum deuota orationum instantia postulantium, vt misericors Deus auferat hoc à nobis confusionis opprobrium, liberando terram illam, in qua vniuersa redemptionis nostræ sacramenta peregit, de manibus paganorum restituendo eam ad laudem, & gloriam nominis Iui sancti populo Christiano: Proviso prudenter, vt semper in ipsa processione verbum salutiferæ Crucis cum diligenti exhortatione populo proponatur. Orationi verò ieiunium, & elemosyna coniungantur, vt ijs quasi alijs faciliùs, & celerius ipsa volet oratio ad piissimas aures Dei, qui nos clementer exaudiat in tempore opportuno. Singulis quoque diebus intrà Missarum solemniam post pacis osculum, cùm iam pro peccatis mundi offerenda, vel sumenda est hostia salutaris, omnes tam viri, quàm mulieres humiliter prosternantur in terram, & à Clericis Psalmus iste, *Deus uenerunt gentes in hereditatem tuam*, alra voce canretur, quo cum hoc versu deuotè finito; *Exurgat Deus, & dissipentur inimici eius, & fugiant à facie eius, qui oderunt eum*, Sacerdos qui celebrat orationem, istam super altare decantet.

DEVS qui admirabili providentia cuncta disponis, te suppliciter exoramus, vt terram, quam Unigenitus filius tuus proprio sanguine consecrauit, de manibus inimicorum Crucis eripiens, restituas cultui Christiano, vota fidelium ad eius liberationem instantium misericorditer dirigendo in viam salutis æternæ. Per eundem Dominum nostrum, &c.

IN illis autem Ecclesijs, in quibus conueniet processio generalis, truncus concavus statuatur tribus clauibus clauis signatus; vna penès honestum Presbyterum, alia penès deuotum laicum, & tertia penès aliquem Regularem fideliter conseruandis, in quo Clerici, & laici, viri, & mulieres elemosynas suas ponant in Terræ Sanctæ subsidium conuertendas, secundùm dispositionem eorum, quibus hæc fuerit sollicitudo commissæ. Porro super processu, & transitu modesto, & ordinato, congruo loco, & tempore facièdo nondum oportet aliquid definire, donec exercitus Domini Cruce signetur: sed tunc pensatis vndiq; circumstantijs, quæcumq; viderimus opportuna, de prudèti virorū consilio statuemus. Ad hæc igitur exequenda dilectos filios... de Salein. &... quondã de

Nouocastro

Nouocastro Abbates, & C. Decan. Spiren. & Præpositū Augusten. viros vtique probatæ honestatis, & fidei deputam, qui ascitis secū viris prouidis, & honestis auctoritate nostra statuam, & disponant quæcumque ad hoc negotium promouendum viderint expedire: facientes quæ statuerint in singulis dioc. per viros idoneos ad hoc specialiter deputatos fideliter, ac sollicitè procurari. Quocirca Vniuersitatem vest. rogando moneimus, & obsecramus in Domino, per Apost. vobis script. mandantes, & in virtute Spiritus Sancti iniungentes, quatenus eis pro Christo legatione fungentibus tales vos exhibere curetis, necessaria ministrantes eisdem, quod per vos, & in vobis fructum faciant exoptatum.

In eundem modum per Magdeburgen. & Bremen. Prouincias.

In eundem modum per Colonien. prouinciam.

In eundem modum per Salzburgen. prou.

In eundem modum per Treueren. prouin.

In eundem modum per Poloniam.

In eundem modum per Suetiam.

In eundem modum per Lundem. prou.

In eundem modum per Angliam.

In eundem modum per Tusciam.

In eundem modum per Iberniam.

In eundem modum per Noruagiam.

In eundem modum per Scotiam:

In eundem modum per Sardiniam.

In eundem modum per Dalmatiam.

In eundem modum per Raucennatem.

In e. m. per Mediolan. Ianuen. pro. constitutis.

In e. m. per Marchiani Anconitan.

In eundem modum per Vngariam.

In e. m. Prag. Episcopo, & Abbatibus, Prioribus, & vniuersis Christi fidelibus, per Boemiam constitutis.

In eundem modum per Calabriam.

In e. m. vniuers. per Reg. Franciæ constitutis.

EPISTOLA XXIX.

VT QUÆ PRO TERRÆ SANCTÆ SUBSIDIO DECRETA SVNT
EXECUTIONI MANDENT.

*De Salem, & per quondam de Nouocastro Abbatibus, & Decan. Spiren.
& Præposito Augusten. executoribus.*

PRV, & sanctum propositum, quod de subuentione Terræ Sanctæ pro communi salute, Deo inspirante concepimus, & perducere satagimus ad effectum, ex generalibus litteris poteritis aduertere manifestè. Cum ergo de sinceritate, ac sollicitudine vestra geramus fiduciam pleniorē, vósque reputemus idoneos ad fungendum pro Christo legationis officio in hac causa; deuotionem vestram moneamus, rogamus, & obsecramus in Domino, per Apost. vobis script. districtè præcipiendo mandantes, & in remissione peccaminum iniungentes, quatenus accensi zelo fidei Christianæ per Maguntin. prouinciam portetis in humilitate cordis, & corporis verbum Crucis, & ad vindicandam iniuriam Crucifixi fideles ipsius, prout in generalibus litteris continetur, cura sollicita, & accurata sollicitudine inducat, exequentes diligenter, & efficaciter vniuersa, quæ ad subsidium Terræ Sanctæ in eisdem litteris videbitis comprehensa, quæ à vobis volumus studiosè notari. Vt autem operum exhibitione monstretis, vos portare in cordibus vestris stigmata Iesu Christi, districtè præcipimus, quatenus excutientes

ab omni munere manus vestras, nec aliquid præter victum, & alia necessaria recipientes à quoquam, quin etiam moderate sumentes hæc eadem, & modeste in euectionibus quaternarium, & in personis senarium numerum singuli vestrum nullatenus excedatis. Ita modum, atque modestiam in ijs aliisque seruantes, vt in vobis nihil reprehensibile valeat inueniri, per quod offendiculum credito vobis Euangelio præbeatur. Promouentes eo studio, ac vigilantia causam Christi, vt multorum, & magnorum bonorum, quæ de ipsa credimus prouentura, participes existatis. Siquid aurem pro Terræ Sanctæ succursu fuit vobis oblatum, faciatis illud apud aliquem religiosum locum studiose reponi, significaturi nobis in fine anni processum, & profectum sollicitudinis vestræ, vt cognoscere valeamus, apud quos profeceritis in personis, aut rebus ad hoc salutate negotium deputatis, nostrumque vobis beneplacitum rescribamus, docentes qualiter in antea procedere debeatis.

In eundem modum Episcopo quondam Halberstati. & F. quondam Abbati de Sichen per Magdeburgen. & Bremen. provincias.

In eundem modum, Magistris Oluero Colonien. Scholastico, & Hermannio Decan. Burmen. per Colonien. prouin.

In eundem modum, Episcopo Ratisponen. & Præposito Salzburgen.

In eundem modum, Vilarien. & de Romerdorf Abbatibus per Treueren. prouinciam.

In eundem modum, Archiepiscopo. Negnegnen:

In eundem modum, Vpsellen. Archiepiscopo.

Pium, & sanctum, usque, rescribamus. Sanè volumus, & mandamus vt per totam Suethiam, cum consilio Venerabilis F. N. Lunden. Archiepiscopi Apostolicæ Sedis Legari, secundum præscriptam formam hoc negotium exequaris. Nos enim eidem Archiepiscopo nostris damus litteris in mandatis, vt tibi super hoc consilium tribuat opportunum.

In eundem modum, Lunden. Archiepiscopo Apost. Sedis Legato.

Pium, &c. usque, accensus zelo fidei Christianæ adiungas tibi viros idoneos, cum quibus per totum regnum Danorum portes, &c. usque, fideles ipsius diligenter inducas, &c. usque, in euectionibus cum pro hac causa processeris vicenarium numerum non excedas, &c. usque, causam Christi. Vt particeps fias multorum, & magnorum, &c. usque, rescribamus. Sanè scribimus Venerabili F. N. Vpsallen. Archiepiscopo, vt ipse per totam Suethiam cum tuo consilio secundum præscriptam formam hoc negotium exequatur. Quare volumus, & mandamus, vt super hoc ei consilium tribuas opportunum.

In eundem modum Galtero Londonien. Archidiacon. Cancellario, & Magistro Phi. de Oxonia per Angliam.

In eundem modum, Episcopo Florentin. & Archipresbytero Pislorien. per Tusciam.

In eundem mod. Archiepiscopo Dublinien. & Abbati Mellifontis per Iberniam.

In eundem modum, Nidrosien. Archiepiscopo per Norvvagiam.

In eundem mod. Ariminen. & Anconitan. Episcopis per Anconitan. Marchiam.

In eundem mod. Sancti Andrea, & Glasquen. Episcopis per Scotiam.

In eundem mod. Calaritan. & Turritan. Archiepiscopis per Sardiniam.

In eundem mod. Spalatin. & Ragusin. Episcopis per Dalmatiam.

In eundem mod. Parmen. Episcopo, & Abbati Sancti Stephani Bononien.

In eundem mod. Archiepiscopis, & Episcopis Vngariæ, ita quòd quilibet in diocesi sua.

In eundem modum, Nicolao Subdiac. nostro.

In eundem modum, Cusentin. Archiepiscopo, & Abbati Sambucin.

In eun. mod. R. tituli Sancti Stephani in Cælo Montis Presbyt. Card. Apostolica Sedis Legato.

EPISTOLA XXX.

CONCILIVM GENERALE PRO TERRÆ SANCTÆ, ET
ECCLESIAE SVBVENTIONE INDICIT.

*Archiepiscopo, & Episcopis, Abbatibus, Prioribus per Viennensem
prouinciā constitutis.*



MENTIAM Domini Sabbaoth multiformes moliantur bestiae demoliri, quarum incurfus adeò inualuit contra ipsam, vt ex parte non modica pro vitibus spinæ succreuerint, & quòd gementes referimus, ipsæ iam vites proferant pro vua labrulam, insectæ multipliciter, & corruptæ. Illius ergo testimoniū inuocamus, qui testis est in Cælo fidelis, quòd inter omnia desiderabilia cordis nostri, duo in hoc seculo principaliter affectamus, vt ad recuperationem videlicet Terræ Sanctæ, ac reformationem vniuersalis Ecclesiæ valeamus intendere cum effectu: quorum vtrumque tantam requirit prouisionis instantiam, vt absque graui, & grandi periculo vltra dissimulari nequeat, vel differri. Vnde supplicationes, & lacrymas frequenter effudimus coram Deo humiliter obsecrantes, quatenus super ijs suum nobis beneplacitum reuelaret, inspiraret affectum, accenderet desiderium, & propositum confirmaret, facultatem, & oportunitatem præstando ad ea salubriter exequenda. Quapropter habito super ijs cum fratribus nostris, & alijs viris prudentibus frequenti, ac diligenti tractatu, prout tanti sollicitudo propositi exigebat, hoc tandem ad exequendum prædicta de ipsorum consilio prouidimus faciendum; vt quia hæc vniuersorum fidelium communem statum respiciunt, generale Concilium iuxta priscam sanctorum Patrum consuetudinem conuocemus, propter lucra solummodò animarum oportuno tempore celebrandum, in quo ad extirpanda vitia, & plantandas virtutes, corrigendos excessus, & reformandos mores, eliminandas hæreses, & roborandam fidem, sopiendas discordias, & stabiliendam pacem, comprimendas oppressiones, & libertatem fouendam, inducendos principes, & populos Christianos ad succursum, & subsidium Terræ Sanctæ tam à Clericis, quam à laicis impendendum, cum cæteris quæ longum esset per singula numerare, prouidè statuatur inuiolabiliter obseruanda circa Prælatos, & subditos regulares, & seculares quæcumque de ipsius approbatione Concilij visa fuerint expedire, ad laudem, & gloriam nominis eius, remedium, & salutem animarum nostrarum, ac profectum, & vtilitatem populi Christiani. Quia verò ante biennium vniuersale non posset Concilium commodè congregari: disposuimus interim per viros prudentes in singulis prouincijs plenius explorare, quæ Apostolicæ prouisionis limam expolcunt, & præmittere viros idoneos ad Terræ Sanctæ negotium procurandum; vt si exigente necessitate sacrum Concilium approbauerit, nos personaliter ipsum negotium assumamus efficacius promouendum. Credentes igitur hos

salutate propositum ab illo descendere, à quo est omne datum optimum, & omne donum perfectum, Vniuersitati veltz per Apost. script. præcipiendo mandauimus, quatenus vos taliter præparetis, quod à præfenti Dominica Incarnationis millesimo ducentesimo decimotertio anno, vsque ad duos annos, & dimidium, præfixis vobis pro termino Kal. Nouemb. nostro vos conspectui præsentetis cum modestia, & cautela. Ita quòd in vestra prouincia vnus, vel duo de suffraganeis valeant Episcopi remanere pro Christianitatis ministerijs exercendis, & tam illi, quàm alij qui canonica fortè præpeditio detenti personalliter venire nequiverint, idoneos pro se ditigant responsales, personarum, & euectionum mediocritate seruata, quam Lateran. Concilium definiuit, vt nullus omnino plures, quiuus autem pauciores secum adducere possit: nec quiscquam superfluas faciat, & pomposas, sed necessarias tantùm, & moderatas expensas, ostendendo se actu, & habitu verum Christi cultorem; cùm non secularis applausus, sed spiritalis profectus in hoc sit negotio requirendus. Iniungatis autem vos fratres Archiepiscopi, & Episcopi ex parte nostra vniuersis Ecclesiarum Capitulis, non solùm Cathedralium, sed etiam aliarum, vt Præpositos, vel Decanos, aut alios viros idoneos ad Concilium pro se mittant: cùm nonnulla sint in ipso tractanda, quæ specialiter ad Ecclesiarum Capitula pertinebunt. Interim verò, & per vos ipsos, & per alios viros prudentes vniuersa subtiliter inquiratis, quæ correctionis, aut reformationis studio indigere videntur, & ea fideliter conscribentes ad sacri Concilij perferatis examen. Circa subuentionem necessariam Terræ Sanctæ, vbi Deus Rex noster ante secula salutem in medio terræ dignatus est operari, opem, & operam efficaciter impensui, assistendo fideliter, & prudenter ijs, quos deputauerimus ad hoc negotium specialiter procurandum. Nullus itaque se fallaciter excusando ab executione tam Sancti operis subtrahatur, si canonicam vult effugere vitionem. Nemo dissensionum obstacula, vel itinerum impedimenta causetur, quæ Domino faciente signum in bonum ex magna iam parte cessare cæperunt. Nam & quanò imminet maiora pericula, tantò potiora remedia conuenit adhiberi: nunquam enim nauigabit per æquora, qui semper expectat vt mare non concitet ex se fluctus. Datum Lateran. xiiij. Kalend. Maij, Pont. N. Anno sextodecimo.

In eundem modum Archiepiscopo, & Episcopis, Abbatibus, Prioribus per Maguntin. prouinciam constitutis.

In eundem modum per Bremen. prouinciam constitutis.

In eundem modum per Gegnezen. prouinciam constitutis.

In eundem modum per Salzeburgen. prouinciam constitutis.

In eundem modum per Treuren. pr. const.

In eundem mod. per Magdeburgen. pr. const.

In eundem modum per Colonien. pr. const.

In eundem modum per Cyprum.

In eun. mod. per Eboracen. pr. const.

In eundem modum per Tarantafen. pr. const.

In eundem modum per Armachan. pr. const.

In eun. mo. per Apuliam & Terram laboris,

In eundem modum per Calabriam.

In eundem modum per Siciliam.

In eundem modum per Raennat.

In eundem modum per Ragusen. prouin.

In eundem modum per Mediolanen.

In eundem modum per Arelaten.

In eundem modum per Narbonen.

In eundem modum per Iodren.
 In eundem modum per Idrosien.
 In eundem modum per Lunuen.
 In eundem modum per Bisuntin.
 In eundem modum per Arboren.
 In eundem modum per Aquilegen.
 In eund. mod. per Bulgariam, & Blaciam.
 In eundem modum per Cantuarien.
 In eundem modum per Spalatin.
 In eundem modum per Graden.
 In eundem modum per Turritan.
 In eundem modum per Dublinien.
 In eundem modum per Vbsalen.
 In eundem modum per Ebreduen.
 In e. m. Catholico, & Archiep. & Episcopis, necnon Abbatibus per Armeniam.
 In eundem modum per Casselen. proum.
 In e. mo. Archiep. & Episc. per Tractien. p. c.
 In e. m. Archiepisc. & Episc. p. Athenien. pr. c.
 In e. m. Archiepisc. & Episc. per Thessalon. p. c.
 In e. m. Archiep. & Episc. p. Larissen. pr. cōst.
 In e. m. Archiepisc. & Episc. p. Parracen. p. c.
 In e. m. Archiepisc. & Episc. p. Creten. pr. c.
 In e. m. Archiep. & Episc. p. Tuamen. pr. c.
 In e. m. Archiepisc. & Episc. p. Taratien. p. c.
 In eundem modum. Episcopo Pragen.
 In e. m. Archiep. & Episc. p. Lunden. p. const.
 In e. m. Archiep. & Episc. p. Sirigonien. pr. c.
 In e. m. Archiep. & Episc. p. Calaritan. p. cōst.
 In e. m. Archiep. & Episc. p. Viennen. p. const. ●
 In e. m. Arch. & Episc. p. Andionopolitan. p. c.
 In eundem mod. Episcopus per Scotiam.
 In e. m. Archiep. & Episc. p. Lugdunen. p. c.
 In eundem modum. Episcopo Regen.
 In eundem mod. Archiepiscopo Maronitan.
 In eund. mod. Archiepiscopo Serien.
 In eund. mod. Archiepiscopo Midtan. URAN
 In eund. mod. Archiep. & Episc. per Aquen.
 In eund. mod. Archiep. & Episc. Antuaren.
 In e. m. Archiepisc. & Episc. per Mactren.
 In e. m. Episc. p. Tuscia, & Marchiam Anconitan. & Ducatum Spoleti constitutis.
 In eund. mod. Archiep. & Episc. p. Neupraten.
 In eund. mod. Arch. & Episc. p. Messinopolitan.
 In eundem mod. Archiepisc. & Episc. Abba-

ubus, Prioribus p. Pisan.
 In e. m. Archiepisc. & Episcop. p. Tripolitan.
 In eund. mod. Archiep. & Episc. p. Versen.
 In eund. mod. Archiep. & Episc. per Tiren.
 In eund. mod. Archiep. & Episc. per Philippen.
 In eund. mod. Archiep. & Episcop. abbatibus, Prioribus per Terracon.
 In eund. mod. Archiepisc. & Episcop. abbatibus, Prioribus, per Toletan.
 In eund. mod. Archiepisc. & Episc. abbatibus, Prioribus, per Braccaren.
 In eund. mod. Archiep. & Episc. abbatibus, Prioribus, per Compostellan.
 In eund. mod. Archiep. & Episc. per Corinthien.
 In eund. m. Archiep. & Episc. per Nazaren.
 In eund. mod. Archiepisc. & Episc. & abbatibus, tam Latinis, quam Gracis per Constantinopolitan. p. const.
 In eundem modum P.
 In eundem modum Episcopo Cosonen.
 In e. m. Illustri Constantinopolitan. Imperatori.
 Vincam Domini Sabbaoth. usque, ex se fluat.
 Cum igitur deceat, & expediat, vt tua Imperialis sublimitas ad synodum tam solennem Nuntios dirigat speciales, Serenitate tuā monemus, & exhortamur attentius, quatenus praescripto termino, vita comite, viros idoneos dirigere nō postponas, per quos tuę nobis aperias beneplacitū voluntatis, quia quantum cum honestate poterimus, ad eorum libenter, & efficaciter intendemus commodum, & honorem. Datum.
 In eundem modum illustri Regi Cypri.
 In eundem modum Regi Norwugia.
 In eundem modum Regi Corkiae.
 In eundem modum Regi Lumbricen.
 In eundem modum Regi Conacie.
 In eundem modum Regi Mindic.
 In eundem modum Regi Suetie.
 In e. m. Aragonum, Nauarra, Castell. Legion. Portugalen. Regibus ita quod quilibet per se.

In eundem modum Magistro, & Fratribus multis Templi. Vineam Domini Sabbath, &c. usque, donum perfectum: vniuersis Archiepiscopis, & Episcopis, ac alijs Ecclesiarum Prelatis per vniuersas ferè Christianorum prouincias constitutis per Apost. script. præcipiendo mandamus, vt seiplos taliter præparent, &c. *verbu competenter mutatis, usque, requirendus.* Iniungant etiam Archiepiscopi, & Episcopi ex parte nostra vniuersis Ecclesiarum Capitulis, &c. usque, fluctus. Cum igitur in hoc generali Concilio sint multa tractanda, quæ ad statum vestri Ordinis pertinebunt, decet & expedit vt ad idem Concilium viros idoneos destinetis, qui negotia vestra debeant fideliter procurare.

In eundem modum Magistro, & Fratribus Hospitalis Hierosolymitan.

In eundem modum Capitulo Constantinopolitan. Vineam Domini Sabbath, &c. usque, cum modestia & cautela. Qui verò canonica fortè præpeditio detenti personaliter venire nequiverint, idoneos pro se dirigant responsales: nec quisquam superfluas, &c. usque, requirendus. Ideoque discret. vest. per apost. scripte. mandamus, quatenus ei, qui auctore Deo Constantinopolitan. Ecclesie prælibit ex parte nostra, quæ præmissa sunt fideliter nuntietis, vt & ipse iuxta prouinciam formam nostro se conspectui repræsentet: nihilominus de Collegio vestro viros idoneos pro vobis ad hoc sacrum Concilium transmissuri, cum nonnulla sint in ipso tractanda, quæ specialiter ad Ecclesiarum Capitula pertinebunt. Interim verò per vos ipsos, & alios viros prudentes, &c. usque, perferatis exa:men. Nullus itaque se fallaciter, usque, ex se fluctus. Datum.

In eundem modum Archiepiscopis, Episcopis, Abbatibus, & Prioribus per Lunden. prou. Vineam Domini, usque, ex se fluctus. Datum.

In eundem modum Archiepiscopis, & Episcopis, Abbatibus, & Prioribus per prou. Senonen.

In eundem modum per Remen. prouinciam.

In eundem modum per Rotomagen. prouinciam.

In eundem modum per Turonen. prou.

In eundem modum per Bituricen. prouinciam.

In eundem modum per Burdegalen. prou. ●

In eundem fere modum Ph. illustri Regi Francorum. Vineam Domini Sabbath, &c. usque, ex se fluctus. Cum ergo deceat, & expediat, &c. usque, commodum, & honorem. Datum.

In eundem f. m. Abbati, & Conuentui Cisterciens. Ord. Vineam Domini Sabbath, &c. usque, ex se fluctus. Cum igitur hoc in generali Concilio, &c. usque, procurat. Datum.

In eundem modum Abbati, & Conuentui Præmonstraten.

EPISTOLA XXXI.

VT APOSTOLICO LEGATO PAREANT.

*Archiepiscopia, Episcopis, Abbatibus, Prioribus, ceterisque Clericis
per Regnum Francia constitutis.*



IVM & sanctum propositum, quod de subuentione Terræ Sanctæ pro communi utilitate Deo inspirante concepimus, & perducere satagimus ad effectum, ex generalibus litteris poteritis aduertere manifestè. Ad hoc igitur salutare propositum exequendum, dilectum filium N. R. tituli sancti Stephani in Cælio monte Presbyterum Cardinalem Apostolicæ Sedis Legatum, virum vique probatæ honestatis, & fidei destinamus, merito suæ probitatis speciali gratia nobis acceptum, per apost. vobis scrip. præcipiendo mandantes, quatenus eum vice nostra, immò porius vice Christi deuotè suscipere, ac honestè tractare curetis, ipsius salubribus monitis, & mandatis humiliter intendentes, præsertim in ijs quæ pertinent ad subsidium Terræ Sanctæ. Nos enim quod super ijs, & alijs ad suæ legationis officium perrinentibus prouida deliberatione statuerit, præcipimus inuiolabiliter obseruari; concedentes eidem, vt euellat & destruar, ædificet atque plantet, quæ sibi euellenda & destruenda, ædificanda occurrerint, & plantanda. Datum, &c.

EPISTOLA XXXII.

VT AD TERRAM SANCTAM PROPECTVRIS INDVLGENTIAS
• IMPERTIATVR.

*R. Tituli sancti Stephani in Cælio monte Presbytero Card. Apost.
Sedis Legato.*



T efficacius possis intendere ad subsidium Terræ Sanctæ, præsentium tibi auctoritate concedimus, vt ijs qui ad tuam vocationem deuotè conuenerint ad audiendum verbum salutiferæ Crucis, de iniunctis sibi penitentijs vice nostra certam valeas indulgentiam impartiri. De torneamentis autem hoc tibi diximus concedendum, vt de virorum prudentum consilio salubriter studeas, quod Terræ Sanctæ utilitati secundum Deum videris expedire. Datum, &c.

Illustri Regi Francorum.

VA M syncerum dilectionis affectū ergate, ac filium tuum, & regnum Franciæ habeamus, nouit ille qui testis est in cælo fidelis, cuius super hoc testimonium securē possumus inuocare. Adeo quippe regni tui exaltationem diligimus, priuilegiata semper opera commendantes quæ processerunt de ipso, quod æquantimū Ecclesiæ Romanæ, quàm ipsi Regno sustinere-mus magnum aliquid aduersitatis accidere; cūm facilius hæc, quàm illud ab imminenti posset periculo liberari. Vt ergo super hoc ampliù securus reddaris, & certius: mittimus ad tuam regalem præsentiam dilectum filium nostrum R. tituli sancti Stephani in Cælio monte Presbyterum Card. apost. Sed. Leg. virum utique probatæ honestatis, & fidei, qui ea quæ plenius accepit à nobis, expressiùs tibi referat viua voce. Serenitatem tuam rogantes, & exhortantes in Domino, quatenus eum recipias, & honestè pertractes, ipsius acquiescendo salubribus monitis & consilijs propter Deum. Datum.

In eundem modum Nobili viro Ludouico, carissimī in Christo filij nostri Philippi Regis Francorum illustris primogenito.

In eundem modum Nobili mulieri Blanca, uxori nobilis viri Ludouici carissimī in Christo filij nostri illustris Regis Francorum primogeniti.

EPISTOLA XXXIV.

PATIENTIAM IN ADVERSIS INSINAT, ET FUTVRVM
CONCILIVM DENVNTIAT.

Patriarcha Alexandrino.

XLitteris quas aliquotiens tua nobis fraternitas destinauit, & alijs quoque indicijs cognouimus euidenter, te non solū ad sacrosanctam Romanam Ecclesiam matrem tuam; verū etiam ad personam nostram specialiter deuotionem habere debitam, & deuotam. Propter quod habentes te in visceribus caritatis, tibi compatimur in tribulationibus, quas pateris & pressuris: quamquam & tibi, & nobis sit in eis potiùs gloriandum, cūm id quod in præsentī est momentaneum, & leue tribulationis huiusmodi supra modum in sublimitate pondus æternæ gloriæ operetur: nec sint condignæ passionēs huius temporis ad futuram gloriam reuelandam in illis, qui pro Christi nomine patiuntur. Propter quod Apostolus sibi placebat in infirmitatibus suis, in contumelijs, in necessitatibus, in persecutionibus, & angustijs, quas sustinebat pro Christo, & cūm infirmabatur tunc maximè potens erat, sciens quod virtus in infirmitate perficitur, & quod licet per eam homo corruptatur exterior, interior tamen per eandem iugiter renouatur: timentibus enim Deum omnia cooperantur in bonum, qui suos non solū de tribulationis angustia liberat, sed etiam in ipsa tribulatione

dilatatur, ut quasi meridianus fulgor confurgat eis ad vesperam, & cum se consumptos putauerint, ut Lucifer orientur. Benedicas igitur Deo, & Patri Domini nostri Iesu Christi, qui te in omni benedictione spiritali secundum gratiam suam diuitias benedixit, & ut esses immaculatus in conspectu ipsius dedit tibi, ut non solum credas in Christum, sed pro Christo etiam patiaris. Porro ergo, karissime frater, in corpore tuo stigmata Iesu Christi, per quem mundus tibi crucifixus est, & tu mundo. Stabilis esto, & aduersus mundanas aduersitates immobilis, abundans in opere Dei semper, sciens quod labor tuus non est inanis Domino; & sicut in te Christi passiones abundant, ita & per Christum abundet consolatio tua, qui te supra id quod potes, non patietur tentari, sed faciet in ipsa tentatione prouentum, ut valeas sustinere. Cum iam ipso docente didiceris in quibus es esse sufficiens, & cum Apostolo scias satiari, scias & esurire, & abundare, & penuriam pati, ac possis in eo, qui te confortat omnia tolerare. Fideles quoque ab infidelibus in captiuitate detentos sedulis exhortationibus corrobora, & confirma, ne deficiant in tribulationibus suis, sed cogitantes in lucra victoriam, & premium in labore, bonum certamen certare non desinant, & cursum seruando fidem felicitet consummare, ut de reliquo cottonam iustitiae merito valeant expectare, quam reddet eis in illa die Dominus iustus iudex. Scientes quod nos ad liberationem eorum studium diligens, & operam efficacem, si desuper datum fuerit, satagimus adhibere. Denique ad tuam duximus notitiam perferendam, quod cum inter omnia desiderabilia cordis nostri duo in hoc seculo principaliter affectemus, ut ad recuperationem videlicet Terrae Sanctae, ac reformationem vniuersalis Ecclesiae valeamus intendere cum effectu. Hoc ad exequendum praedicta de fratrum nostrorum consilio prouidimus faciendum, ut scilicet quia haec vniuersorum fidelium communem statum respiciunt, generale Concilium iuxta praeceam sanctorum Patrum consuetudinem conuocemus opportuno tempore celebrandum, in quo ad extirpanda vitia, & plantandas virtutes, corrigendos excessus, & reformandos mores, eliminandas haereses, & roborandam fidem, sopiendas discordias, & stabiliendam pacem, comprimendas oppressiones, & libertatem fouendam inducendos principes, & populos Christianos ad succursum, & subsidium Terrae sanctae tam a clericis, quam laicis impendendum, cum ceteris quae longum esset per singula numerare prouide statuantur, inuiolabiliter obseruanda circa Praelatos, & subditos regulares, & seculares ad diuini nominis gloriam, & honorem, remedium, & salutem animarum nostrarum, ac profectum, & utilitatem populi Christiani. Patriarchis, Archiepiscopis, & Episcopis per vniuersas fere Christianorum prouincias constitutis per scripta nostra mandantes, ut se taliter studeant preparare, quod a praesentis Dominicae Incarnationis millesimo ducentesimo tertio decimo anno, usque ad duos annos & dimidium, praefixis sibi pro termino Kal. Nouemb. nostro se conspectui repraesentent cum modestia, & cautela. Ita quod qui canonica forte praepositione detenti personaliter venire nequiverint, aut remanserint pro Christianis ministerijs exercendis, idoneos pro se dirigant responsales. Quia igitur in tanto negotio tuam desideramus habere praesentiam, fraternitatem tuam rogandam duximus, & monendam, per apost. tibi script. mandantes, quatenus si fieri poterit, personaliter ad praesentiam nostram accedas termino

supraſcripto. Quòd ſi forſan venire nequiueris, ſaltem aliquem virum idoneum pro te ad Concilium mittere non poſtponas. Tu denique verè F. in Chriſto, tuatum nobis apud iuſtiſſimum iudicem, & piſſimum Patrem orationum impartire ſuffragium, quo plurimum indigemus.

EPISTOLA XXXV.

VT VOTVM DE SVBSIDIO TERRÆ SANCTÆ
ADIMPLEANT.

Duci, & populo Venetorum.



Memoria veſtra non excidit, quàm ſolemni voto vos ad Terræ Sanctæ ſubſidium aſtrinxiftis: licet autem propoſitum veſtrum ad alia poſtmodum declinauetit, votum tamen nihilominus in ſua firmitate permaſit: quia etſi cuique ſit in vouendo libertas, eſt tamen neceſſitas in reddendo, cùm ſit ſcriptum; *Vouete, & red-
dite Domino Deo veſtro*; quorum primum pertinet ad conſilium, ſecundum pertinet ad præceptum. Cùm igitur oportunum vobis tempus imminet reddendi Domino vota veſtra, Vniuerſitatem veſtram rogamus, monemus, & exhortamur in Domino, per Apoſt. vobis ſcript. præcipiendo mandantes, quatenus vos taliter præparetis, quòd non tranſgreſſores voti, ſed executores diligentes inueniamini, & fideles. Pro certo ſcientes, quòd ſi fortè diuino timore poſtpoſito negligeretis efficere quod mandamus, graue vobis immineret ſalutis diſpendium apud Deum, & infamix quoque opprobrium apud mundum: quemadmodum è contrario, ſi quod vobis iniungimus curaueritis adimplere, & laudem apud homines temporalem, & mercedem apud Deum merebimini ſempiternam.

EPISTOLA XXXVI.

VT NVNTIOS APOSTOLICOS AD SOLDANVM DEDVCI, ET IPSE
CONCILIO ADESSE SATAGAT.

A. Hieroſolymitan. Patriarcha Apoſt. Sed. Leg.



IVM & ſanctum propoſitum, quod de ſubuentione Terræ ſanctæ pro còmunis ſalute Deo inſpirante concepimus, & perducere ſatagimus ad effectum, ex generalibus litteris ad vniuerſas penè Chriſtianorum prouincias deſtinatis, quorum tibi tranſcripta dirigimus, intelliges manifeſtè: ſuper quo tantò pleniori gaudio hilareſces, quantò profeſſò id ardentiori deſiderio affectaſti. Ne verò deſtabilis conuerſatio quorundam inhabitantium terram ipſam, huius ſalutaris executionem propoſiti aut impediatur, aut retardetur: cùm Deum ſuis nefandis operibus, non ad indulgentiam prouocent, ſed ad iram; cariſſimam nobis tuæ fraternitatis prudentiam obſecramus in Domino, quatenus more prudentis medici ad lethalem eorum plagam curandam diuerſis experimentis vtaris, eoſque ſtudeas ad veram penitentiam reuocare, ſi fortè ſalubribus acquieſcendo conſilijs, diuinæ virtutis accipiant medicinam, per quam diuinæ ſentiant me-

dicinæ virtutem. Licet autem dura Saracenorum perfidia non cōsueuerit humilibus Christianorū precibus emolliri, vt tamē ille nostrā humilitatem respiciat, qui superbis resistit, humilibus verò dat gratiam, de virorū prudentiū cōsilio diuinum prae oculis timorem habentium, Soldanum Damasci, & Babylonix, qui hereditatem Christi detinet occupatam, Apostolicis prouidimus litteris humiliter prae monendum, secundum formam quam in ipsis litteris videbis expressam. Nam & dispositionibus nostris auditis, quæ vtiā eum possent omnino latere, fortassis omnipotens Deus suum in eum terrorem immittere, & benignè rogatus ostendet facere se spontaneum, quod durè compulsus facturum se putaret inuitum. Vnde volumus, & mandamus quatenus cum Nuntijs nostris viros prouidos, & fideles ad eum facias destinari, qui apud ipsum nostrum studeant prouidere mandatum. Interim autem carissimum in Christo filium nostrum I. Hierosolymitan. Regem illustrē, & tam Hospitalis quàm Militiæ Templi Fratres, cum peregrinis pariter, & indigenis ad defensionem, & custodiam huius terræ prudenter moneas, & inducas, ne, quod auertat Dominus, ei quidquam aduersi valeat euenire, diuino semper auxilio inuocato. Quia verò tuam nobis præsentiā ad hoc salutare propositum exequendum valde credimus necessariam, immò quàm maximè fructuosam, fraternitatem tuam rogandam duximus, & monendam, per apost. tibi script. mandantes, quatenus si videris posse fieri absque graui dispendio Terræ Sanctæ, præfixum ad vniuersale Concilium celebrandum, quàm citò poteris satagas terminum praeuenire, ducens aliquos viros tecum in cōsilio prouidos, & in commisso fideles, qui plenè nouerint circumstantias causarum, & rerum, temporum, & locorum: quibus vndique circumspēctis ad liberationem hereditaris Dominicæ vilius intendere valeamus. Tu denique Venerabil. F. in Christo tuarum nobis apud iustissimum iudicem, & piissimum Patrem orationum impertire suffragium, quo plurimum indigemus.

EPISTOLA XXXVII.

AD TERRÆ SANCTÆ RESTITVTIONEM ADHORTATVR.

Nobili viro Saphidino Soldano Damasci, & Babyloniz, timorem diuini nominis, & amorem.



DANTELE Propheta testante didicimus, quod est Deus in Cælo qui reuelat mysteria, mutat tempora & transfert regna; vt vniuersi cognoscant, quod dominatur Excelsus in regno hominum, & cui voluerit dabit illud. Hoc autem euidenter ostendit, quando Hierusalem, & fines ipsius in manus fratris tui tradi permisit, non tam propter eius virtutem, quàm propter offensam populi Christiani, Deum ipsum ad iracundiam prouocantis. Nunc autem ad illum conuersi speramus, quod ipse miserebitur nostri, qui secundum Prophetam, cum iratus est non obliuiscitur miseri. Vnde illum imitari volentes, qui de se dicit in Euangelio: *Discite à me, quia mitis sum, & humilis corde*, magnitudinem tuam humiliter obsecramus, quatenus ne propter violentam detentionem præfatæ terræ plus adhuc effundatur humani sanguinis, quàm hactenus est effusum, saniori vtens con-

filio restituas ea nobis, de cuius detractione præter inanem gloriam fortè plus tibi difficultaris, quàm utilitatis accrescit: ipsaque reddita, & dimissis utrimque capitiis quiescamus à mutuis impugnationum offensis. Ità quòd apud te non sit deteriot conditio gentis nostræ, quàm apud nos est conditio gentis tuæ. Larores ergo præsentium ad tuam præsentiam destinatos rogamus, ut benignè suscipias, & honestè pertractes, dignum illis responsum tribuens cum effectu.

EPISTOLA XXXVIII.

UT PRO MODO FACULTATVM ECCLESIE DE PRÆBENDIS
STATVANT.

*Abbati de Bazaco Xantonen. Dioces. & Elia de Gracia
Engolismen. Canonico.*



EX vestris accepimus litteris, quòd cum ordinationem de quibusdam præbendis in Ecclesia Xantonen. vacantibus, vobis duobus, & dilecto filio Abbati de Talemundo duxerimus committendam... Archidiac. & A. Fulcerio Canonico Xanronen. instantibus vobis duobus, tertio per litteras excusato, ut mandatum Apostolicum impleteretis, pars Capituli facultatum insufficientiam allegauit; producens nihilominus quoddam priuilegium felicitis recordationis Alexandri Papæ prædecessoris nostri, per quodeis videbatur indultum, ne plures reciperet eoogerentur, quàm suppeterent Ecclesiæ facultates. Vos tandem, auditis hinc inde propositis, de assensu partium ipsum negotium, cum attestationibus quas ad præsentationem Capituli recepistis de insufficientia facultatû, & transcripto memorati priuilegij, vestris sigillis inclusis ad Sedem Apostolicam remisistis. Cum autem nobis fuerit pro Capitulo supplicatum, ut secundum hoc dignaremur illi Ecclesiæ providere: discretionem vestræ per apost. script. mandamus, quatenus inquisita super præmissis plenius veritate, de omnibus, vel aliquibus præbendarum illarum secundum facultates Ecclesiæ ordinetis, iuxta cursum in Xantonen. Ecclesia consueverum. Quòd si fortè de omnibus, vel aliquibus nequiveritis ordinare, ordinarionem ipsam vsque ad tempus Concilij differatis; præfato Capitulo iniungentes, ut tunc nuntios mittant ad nostram præsentiam speciales, super hoc mandatum Apostolicum recepturos. Nullis litteris veritati, & iustitiæ præ. &c. Tu denique fili Abbas super teipso, &c. Datum Lateran. ij. Non. Iunij, Pont. N. Anno xvj.

EPISTOLA XXXIX:

CVR COMITI TOL OSANO INDVLGENTIAM IMPERTIRI
DISTYLERINT.

*Sanctissimo Patri, & benignissimo Domino, Innocentio Dei gratia summo
Pontifici, Hug. sola Dei permissione Regen. Episcopus, & Thedifus
Canonicus Ianuen. humiles serui eius cum longitudine dierum
& vita perenni ad oscula pedum seipfos.*



ANCTITATI vestræ insinuatione præsentium innotescat, quòd de facto Comitis Tolosani, quòd olim insufficientiæ nostræ prouidentia vestra cômiserat, processimus in hunc modum. Sanè priùs apud sanctum Aegidium infra tres menses secundùm tenorem Apostolici rescritti Concilium habuimus Archiepiscoporum, Episcoporum, & aliorum Prælatorum Ecclesiæ, Baronum etiam, & aliorum quorum præsentiam nouimus oportunam. Ante omnia per litteras nostras Comiti memorato mandantes, vt hæreticos, & rotarios de terra sua expelleret, alia etiam mandata impleret humiliter, ad quæ tenebatur adstrictus pluribus iuramentis: ne si fortè mandata illa implere negligeret, purgationi suæ impedimentum præstaret. Cùmque vocatus venisset ad Concilium, & per operis euidentiæ manifestè nobis, & toti Concilio constitisset, quòd mandata, quæ de hæreticis, & rotarijs expellendis, & alijs causis multis, & negotijs diuersis temporibus à diuersis Legatis, & præcipuè à bonæ memoriæ Magistro Milone sibi facta fuerant, non impleuerat, nec implebat; consilium fuit omnium, & communis deliberatio, ipsum non debere tunc temporis ad purgationem admitti. Non enim verisimile videbatur, quòd in tantis criminibus, videlicet super hæresi & nece Legati bene iuraret, qui totiens in minoribus causis, & articulis sua fuerat iuramenta transgressus. Iniunctum itaque sibi fuit à Prælatis, qui conuenerant ad colloquium, & à nobis, vt hæreticos, & rotarios de suo districtu expelleret, & alia nihilominus impleret humiliter, & deuotè, de quibus constabat, ipsum iuramenti plurimis obligatum fuisse, quatenus cùm in ijs, & alijs se dignum fecisset, requisiti ab ipso circa personam eius Apostolicum exqueretur mandatum. At ipse recedens à nobis non solum non impleuit, quæ mandauimus: verùm datus in reprobum sensum ex toto, & oblitus multam gratiam, & misericordiam, quam ultra suorum exigentiam meritorum apud Apostolicam Sedem inuenit, cœpit iniquitati iniquitatem apponere, ac præteritis abominationibus, & criminibus committere grauiora; propter quæ à Legatis de communi consilio Prælatorum multotiens fuit anathematis muerone percussus, & exposita terra eius. Nec ctedat Apostolica circumspectio, nos in exequendo mandato vestro extitisse aliquatenus desides, vel remissos: sapissimè enim dictum Comitem ex parte vestra citauimus, & ad præsentiam nostram venite contempsit: nec Venerabilibus Patribus Carpentoracens. & Vaisonen. Episcopis, & Clericis eorum quibus vsque ad summam fere mille marcharum per me Regen. & bonæ memoriæ Magistrum Milonein sub pœna excommuni-

cationis quondam fuerat condemnatus, & alijs Ecclesiasticis, & miserabilibus personis, quas exheredauerat, voluit satisfacere coram nobis, quæ omnia per Venerabilem Patrem Nemausen. Episcopum, tunc sancti Ruffi Abbatem, & litteras nostras, & per me Thedisium, qui postmodum ad pedes vestros accessi, benignitati vestræ curauimus diligentissime inimare. Postquam autem à Beatitudine vestra hoc anno recepimus super eodem negotio iteratum mandatum; licet à Comite ipso nunquam fuerimus requisiti, apud Auinionen. Ciuitatem in Prouincia continuo vocauimus Ecclesiarum Prælatos, quorum consilio, & deliberatione mandatum vestrum tutius exequi valeremus. Verum ego Thedisius grauissima infirmitate præuentus & multi ex Prælati, quia generalis corruptio aëris ibi erat, nequiuimus colloquio interesse: sicque factum est, vt necessariò negotium differretur. Deinde quando tempus habuimus oportunum, Venerabiles Patres Narbonen. Apostolicæ Sedis Legatus, & Burdegalen. Archiepiscopi, multi præterea Episcopi, & alij Ecclesiarum Prælati, iuxta Tolosam apud Vaurum ad citationem nostram ad Concilium conuenerunt, à quibus prout tenebamur in tanto negotio consilium requisuimus diligenter. Ipsi verò post multam deliberationem, & diligentem tractatum consilium suum nobis in scriptis dederunt, quatuor, nomine omnium sigillatum sigillis, sicut de verbo ad verbum inferius plenius continetur.

In nomine Domini nostri Iesu Christi, Amen. Hoc est Consilium, quod Dominus Narbonen. Archiepiscopus Apostolicæ Sedis Legatus, & alij Ecclesiarum Prælati, qui fuerunt in Concilio apud Vaurum dederunt Regem. Episcopo & Magistro Thedisio Canonico Ianuen. Iudicibus delegatis à Domino Papa, super negotio Comitum Tolosani. Consuluerunt enim eis, quòd Comes Tolosanus propter multiplices causas, & rationes non debebat ab eis ad purificationem admitti, tam super crimine hæreticæ prauitatis, quàm super nece Legati. Constat enim, & notorium est, quòd de expellendis hæreticis, & rotarijs de terra sua, & alijs multis articulis multotiens præstitit iuramenta in manibus Legatorum, quorum nullum seruauit. Immo postquam ab Apostolica Sede redijt, apud quam multam misericordiam, & gratiam inuenit ultra suorum exigentiam meritòrum, iniquitatem iniquitati apponens, adauxit pedagium, impugnavit Ecclesiam & pacem cum rotarijs, & hæreticis incessanter impugnat, receperunt hæreticos, fœdit, & fouet, & quanta potuit, & potest virtute defendit. Mille insuper, & ultra de Crucesignatis clericis & laicis, rotarij eius & complices occiderunt. Præterea Abbatem de Monte albano fere per annum captum detinuit, Abbatem de Moysiaco cepit, Episcopum Agennen. de propria sede cum rotarijs eiecit, & ciuitate sua, & alijs bonis omnibus spoliavit, & damnificauit eum in valentia quindecim millia solidorum. Ad eò præterea infamatus fuit, & est de hæresi à longis retrò temporibus apud bonos, & graues, quòd inuincibiliter præsumitur contra ipsum. Propter istas & alias plurimas enormitates, & manifestos excessus ipsius, quæ longum est enarrare, dixerunt Prælati, & concorditer responderunt, quòd adeò se fecit indignum, vt ei fieri copia Euangeliorum non deberet à Legatis, vel Iudicibus delegatis: & etiam quia tali excommunicationis genere, propter ea quæ dicta sunt, tenetur adstrictus, quòd ab eis sine speciali mandato Domini Papæ non potest absolui. Placuit

enim toti Concilio, vt præfens scriptum sigillis dicti Domini Narbonen. Archiepiscopi, & Albien. Tolosan. & Conuenarum Episcoporum suo, & aliorum nomine signaretur. Et quia non poteramus ad purgationem iniungendam Comiti procedere, iuxta consilium Prælatorum per litteras nostras bis protestati fuimus Comiti expedito, quod per ipsum stabat, & impedimentum præstiterat, ne factum ipsius posset vterius habere progressum, absque summi Pontificis licentia speciali. Profecto præter alias iniquitates, & abominaciones ipsius, Abbatem de Montealbano fere per annum tenuerat vinculis mancipatum: necnon de sede propria bonis omnibus spoliatur eiecerat Episcopum Agen- nen. ipse tamen nobis postea per quemdam Notarium suas litteras destinavit, in quibus misericordiam potius, quam iudicium implorabat: postulans à nobis, vt vel mitteremus Tolosam ad ipsum, aut ei assignaremus locum alium com- petentem quibus diligenter in scriptis rescripsimus, quod in causa eius propter ra- tiones præfatas procedere nullatenus poteramus, & ideo nolimus eum gra- uare, vel etiam nos ipsos inutiliter laboribus, & expensis. Volentes igitur fines mandati diligentissime custodire, meram & plenam veritatem, scilicet totius facti seriem, & processum Beatitudini vestræ breuiter intimamus, cui soli Do- minus imponendi finem tantis cladibus, plenissimam scientiam, & potestatem concessit. Ecclesiæ suæ Omnipotens præfidentiam vestram in longitudinem dierum conferuet.

EPISTOLA XL.

SALVO COMITE TOLOSANO FIDEM CATHOLICAM IN TVTO
ESSE NON POSSE.

Sanctissimo Patri, ac benignissimo Domino Innocentio Dei gratia summo Pontifici, M. diuina permissione Arelaten. Archiepiscopus, Vv. Aui- nionen. B. Viuarien. R. Viten. A. Nemausen. ... Magalonen. G. Car- pentoracten. G. Aurascen. G. Tricasten. & B. Cauelliten. Episcopi, & R. Vason. Electus & P. Monasterij sancti Egidij Abbas, humiles serui Sanctitatis ipsius longitudinem dierum, cum vita, & salute perenni.



VTINAM infallibiliter, & oculata fide posset vestra Sanctitas, sicut nos possumus intueri, qualiter videlicet partes nostras, & fere totam prouinciam Narbonen. terras olim miseræ tenebra- rum, & vmbre mortis, & in quibus nullus ordo, sed confusio inerat sempiterna, per ministerium vestrum & illorum, quos ad extirpandum lolium de agro Dominico ante faciem vestram operarios destina- tis, Rex gloriæ, Dominus fortis & potens, Dñs potens in pralio, ad cultum fi- dei, ad statum quietis, & pacis, & ad debitam reformationem potenter, & mira- biliter reuocauit. Sanè regiones, & prouinciæ, quæ traditæ fuerant Sathanæ, & ministris eius hæreticis, rotarijs, & ceteris criminosis in exterminium, & di- reptionem præcipue, quod detestabilius erat, in conculcationem, & cõtemptum nominis Christiani, modò sub vigilantia vestra, per gratiam Iesu Christi qui oriens eas visitauit ex alto, translata quasi de morte in viram, & de tenebris, &

confusione ad lucem, in religionis seruire, in tranquillitate temporum, & in multis alijs benedictionibus vestris exultant adeo, & respirant, vt quæ prius partes, & hereditas demonum poterant non immerito appellari, nunc hereditas sancta, & pacis visio rectissime appellentur. Et vt breuitate succincta plurima colligamus magnalia Dei, & vestra, quibus de doloribus inferi erepti sumus, & ab Ægyptiaca seruitute, vix possent auribus Apostolicis per alicuius scientiam, vel facundiam intimari ad plenum. Propterea & alijs beneficijs vestris, & verè operibus Vicarij Iesu Christi, quæ ab Oriente in Occidentem illuminant totum mundum, & à mari vsque ad terminos orbis terrarum coruscant, firmiter credimus, & speramus pro certo, quòd in retributione iustorum reposita est vobis corona iustitiæ, quam in illum diem redditurus est vestra beatitudini iustus Iudex. Verum, Pater Sanctissime, adhuc summopere timendum est, & cauendum, ne venenum hydræ, hoc est dolosissimæ Ciuitatis Tolosæ, si non tanquam membrum putridissimum succidatur, & ipsa circumstantia loca iam plenè purgata, & salubria inficiat iterum, & corrumpat, & quod ædificatum est, & reformatum vobis multis laboribus, & expensis in antiquum ehaos recidat, aut in multò deterius relabatur. Proinde benignitati vestræ eum deuotione omnimoda flexis genibus, & profusis lacrymis supplicamus, quatenus secundum zelum Phinees quem habetis, arripiat iudicium manus vestra, & fermentatissima Ciuitas illa cum sceleratis omnibus spureitijs, & sordibus, quæ se infra tumidum ventrem viperæ receperunt, cum in sua malitia non sit inferior Sodoma, & Gomorra debito exterminio radicitus explantetur. Si enim laqueus ille contritus fuerit, & nos erimus liberati. Alioquin in veritate quæ Deus est vobis loquimur, & testamur, quòd si fortè peccatis nostris exigentibus tyrannus ille, vel potius hæreticus Tolosanus, aut etiam filius eius contritum caput, & fortius conterendum erigeret, assumptis alijs septem spiritibus nequioribus se, vt singularis ferus, & leo rugiens, & quærens quos deuoret singula deuastaret, & subuerteret vniuersa: vt longè tolerabilius esset Ecclesiam quæ est in partibus nostris, esse vel habitare inter barbaras nationes, quàm ad pristinam confusionem redire. Provideat igitur Apostolica circumspectio futuris eladibus, & oecurrat, ne præualeat inimicus; nec à tam pio, tam sancto, & tam vtili opere manus vestra desistat, quousque draco Moyli prorsus deuorauerit Pharaonis dracones, & fugato Iebusæo cum incircumcisis alijs & immundis, populus acquisitionis pacificæ terra promissionis fruatur. Ad hæc discretionem Magistri Thedisi plurima Paternitati vestræ referenda commisimus, cui super negotijs, & necessitatibus totius prouinciæ, tanquam nobis ipsis indubitanter eredatis, si placet; ipse enim nouit in omnibus plenissimè veritatem. Conseruet Deus Sanctitatem vestram Ecclesiæ sanctæ suæ per tempora multa. Datum Aulariæ, decimo Kalendas Martij, anno Domini millesimo ducentesimo duodecimo.

EPISTOLA XLI.

EIVSDEM CVM SUPERIORE ARGVMENTI.

Sanctissimo in Christo Patri, ac beatissimo Domino suo Innocentio, Dei gratia summo Pontifici, deuoti & humiles serui eius Archiepiscopi, Episcopi, & alij Ecclesiarum Pralati in Concilio apud Vaurum pro sanctæ fidei congregati negotio, cum omni affectione longum vitæ spatium, & salutem.



D agendas Paternitatis vestræ sollicitudini dignas grates, cum nec lingua, nec calamus nobis sufficiat, retributorem omnium bonorum exoramus, vt nostrū in hac parte suppleat defectum, & abundē vobis retribuar omne bonum, quod nobis, & nostris, aliisque partium nostrarū Ecclesijs tribuistis. Cū enim in partibus ipsis pestis hæretica ibi antiquitus seminata nostris tēporibus vsque adeo succreuisset, quod cultus diuinus ibidem haberetur omnino in opprobrium, & derisum, & in clerum, & bona Ecclesiastica hinc hæretici, inde Rotarij grassarentur: & tam Princeps, quā populus in reprobum sensum dati à fidei rectitudine deuiaret. Tandem vigilantix vestræ sollicitudine faciente, ita nos ex altis oriens misericordia visitauit, vt per sanctos exercirus signatorum, quos ad emundandas spurcicias pestis huiusmodi sapientissimē deputastis, & Christianissimum eorū Principem Comitem Montisfortis, intrepidum Christi Athletam, & inuictū Dñi prælij bellatorem, Ecclesia quæ rā miserabiliter corruerat, caput inæperit releuare: & in parte maxima iam destructis aduersitatibus, & erroribus vniuersis, terra dudum à cultoribus falorum dogmatum conculcata, nunc diuino cultui laudabiliter assuescat. Restant verò adhuc reliquæ dictæ pestis, Tolosana videlicet Ciuitas, cū castris aliquot, vbi tanquam sordes in sentina cadentes, residuum prauitatis hæreticæ se collegit: quorum princeps Comes scilicet Tolosan. qui ab antiquis temporibus, sicut mulrociens iam audistis, hæreticorum & fautor extitit, & defensor, pro viribus quæ sibi remanserunt, impugnat Ecclesiā, & quoad potest, pro fidei hostibus, eius cultoribus se opponit. Ex quo enim à Sanctitatis vestræ rediuit præsentia cum mandatis, in quibus vltra omnem suorum exigentiam meritorum egeratis misericorditer cum eodem, introiuit, sicut manifestè videtur, Angelus Sathanæ in cor eius, & gratiæ vestræ beneficiorum ingratus, de ijs quæ coram vobis promiserat nil impleuit. Immo pedagia sæpius abiurata vehementer adauxit, & ac si mandatorum ipsorum beneficio renuntiasse inrederet, ad omnes, quos sciuit vestros, & Ecclesiæ Dei aduersarios se connertit. Sanè per Oct. Dei & Ecclesiæ inimicum opinatus contra ipsam Ecclesiam vires assumere sub ipsius confidentia manifestè, sicut asseritur minabatur, quod Ecclesiam de finibus suis, & clerum radicitus extirparet, hæreticos, & Rotarios quos multoties abiurauerat, ex tunc feruentius solito fouere studuit, & tenere. Cū enim Catholicorum exercitus obli deret Vaurum, vbi sedes erat Sathanæ, arque erroris hæretici primatū, ipse in subsidium peruersorum misit milites, & clientes, & in Castro suo, quod Casseri appellatur fue-

sunt inuenti, & combusti à Crucesignatis, plusquàm quinquaginta hæretici de
 vestitis, præter credentium eorum multitudinem copiosam. Inuocauit etiam
 contra Dei exercitum Seuericum Regis Angliæ inimici Ecclesiæ Senescallum;
 cum quo Christi pugilem prædictum Comitem Montisfortis apud Castrum-
 nouum Arij oblidere præsumpsit: sed Christi dextera faciente citò fuit eius
 præsumptio in confusionem conuersa; ità vt pauci Catholici infinitam Atria-
 norum multitudinem effugarent. Prædictorum autem Oët. & Regis confiden-
 tia defraudatus, vt qui baculo atundineo nitebatur, cogitauit iniquitatem ab-
 ominabilem, & Catholicis auribus detestandam, & ad Regem Marrochitanum
 suos Nuntios destinauit, subsidium eius non solum in terræ nostræ, sed rotius
 Christianitatis excidium implorando. Sed conatum eius, & damnabilem inten-
 tionem superna pietas impediuit. Episcopum Agennen. à Sede propria expel-
 lendo, bonis omnibus spoliavit. Abbatem de Moissiaci cepit, & Abbatem Mon-
 tis Albani fere per annum tenuit captiuatum. Rotarij quoque ipsius, & compli-
 ces, peregrinos, clericos & laicos innumerabiles varijs affecere martyrijs, & non-
 nullos detinens, ac diutius tenuere captiuos. In omnibus ijs non est auersus fu-
 ror eius, sed adhuc manus eius extenta; ità vt fiat cottidie semetipso dererior, &
 omnia mala quæ potest per se ipsum, & filium, ac complices suos, Fuxensem &
 Conuenarum Comites, & Gastonem de Benearno, viros sceleratissimos, & per-
 uersos contra Dei Ecclesiam operetur. Cùm autem vliuione diuinâ, & censura Ec-
 clesiastica memoratus athleta fidei, Comes Christianissimus Montisfortis ter-
 ram ipsorum tanquam hostium Dei, & Ecclesiæ, sancto & iusto prælio occu-
 pauerit fere totam: ipsi adhuc persistentes in sua malitia, & humiliare se sub pò-
 tenti manu Domini contemnentes, nuper ad Regem Aragon. recurrerunt, per
 quem fortè intendunt vestram circumuenire clementiam, & Ecclesiam suggilla-
 re. Adduxerunt enim ipsum Tolosæ nobilcum, qui de mandato Legati, & De-
 legatorum vestrorum apud Vaurum conueneramus, colloquium habiturum.
 Qui quæ, ac qualia proposuerit, & quæ nos ei duxerimus respondenda ex rescri-
 ptis, quæ vobis sigillata mittuntur, plenius cognosceris. Mittitur etiam Sancti-
 tati vestræ consilium, quod Delegatis vestris super factò Comitibus Tolosan. tri-
 buimus requisiti. Omnes igitur vnanimiter, & concorditer hæc præmissa San-
 ctitati vestræ intimamus, liberantes animas nostras, ne pro defectu significandi
 in negotio fidei de contingentibus aliquid omitatur. Demum verò pro ani-
 mabus nostris, ac commissarum nobis Ecclesiarum substantijs, vestræ misericor-
 diæ supplicantes exposcimus, per viscera misericordiæ Dei nostri, vt liberatio-
 nis, & pacis, immò vitæ nostræ negotium, quod in parte maxima iam feliciter
 promouistis, cùm manifesta iustitia, & potentia sit in promptu feliciori sine di-
 gnemini consummare: Ponentes ad radicem aëboris damnosæ securim, & eam
 ne noceat vltra perpetuò succidētes Pro certo namque sciatis, quòd si terra quæ
 dictis tyrānis cum tanta iustitia, & multa Christianorum effusione sanguinis est
 ablata, ipsis autem & eorum hereditibus restituatur, propter scādalum fidelium,
 qui hoc negotium promouerunt, non solum fieret nouissimus error peior
 priore, sed excidium exinde clero, & Ecclesiæ inextimabile immineret. Ad hæc
 quoniam enormitates, blasphemias, abominationes, & alia scelera prædicto-
 rum per singula præsentis paginæ non credimus annotanda, ne librum texete

videremur, quidam in ore nuntiorum posuimus, quæ sanctis auribus vestris poterunt viua voce referre.

EPISTOLA XLII.

VT EXTIRPANDIS HÆRETICIS EXTREMAM MANVM
IMPONAT.

*Sanctissimo in Christo Patri, ac beatissimo Domino Innocentio Dei gratia
Summo Pontifici, deuoti & humiles serui eius, Vv. Burdegalen...*

*Vasaten. ... & Petragoricens. Episcopi cum omni affectione
vita spatium, & salutem.*

Ad agendas Paternitatis vestræ sollicitudini dignas grates, cum nec lingua, nec calamus nobis sufficiat, retributorem bonorum omnium exoramus, vt nostrum suppleat in hac parte defectum, & abundè vobis retribuat omne bonum, quod in Narbonen. & Auxitan. prouincijs, & etiam in partibus nostris, tam Ecclesijs, quàm Ecclesiastum Prælati paternam misericordia tribuistis. Cum enim in dictis partibus pestis hereticæ prauitatis iam adeò pullulasset, quod eisdem corruptis penitus, partes affines affectura morbo simili videbatur. Cùmque rotariorum violentia, principibus omnibus eiusdem terræ cõsentientibus, & hoc idem facientibus, Ecclesias, fidemque Catholicam, omnemque religionem Christiani nominis impugnaret, vestræ prouidæ discretioni placuit has incommoditates sapienti consilio refrænare, quia fidelium signatorum, & Comitum Montisfortis mediante labore, mandatum vestrum in parte maxima tam hæreticos, quàm rotarios de sedibus suis eiecit: Ità quòd diuinus cultus, & pax Ecclesiastica videntur in dictis partibus reflorescere: nec iam aliud restat, nisi illud, quod per Sanctitatem vestram feliciter est incẽptum, per eandem feliciter consummetur. Quocirca Paternæ Sanctitati cum omni deuotionis affectu duximus supplicandum, quatenus ad extirpandas reliquias pestium prædictarum dignemini salubre cõsiliũ adhibere: ità quòd flores pacis, qui iam videntur oriri, in hoc quod in isto negotio est incẽptum, ad consumationem fructus faciant expectatos. Si verò, quod absit, opus tam laudabiliter incẽptum cum manifesta iustitia, & potentia sit in promptu imperfectum relinqueretur, non solùm foret nouissimus error peior priore, sed excidium exinde clero, & Ecclesiæ irreuerabile immineret. Bene, & diu valeat Sanctitas vestra.

Petitiones Regis Aragon. in Concilio apud Vaurum.

Quoniam sacrosancta mater Ecclesia non solùm verbera, sed vbera quoque docetur habere: deuotus Ecclesiæ filius P. Dei miseratione Rex Aragõ. pro Comite Tolosan. ad sinum eiusdem matris Ecclesiæ cupiente redire, à Sanctitate vestra petit humiliter, & rogat instanter, quatenus faciendo satisfactionem personalem pro excessibus, quacumque ipsi Ecclesiæ visum fuerit expedire, ac pro damnis, & iniurijs illatis diuersis Ecclesijs & Prælati satisfaciendo secundum quod clementia matris Ecclesiæ ipsi Comiti duxerit iniungendum, resti-

tuatur clementer, & misericorditer ad possessiones suas, & alia quæ amisit. Quod si fortè pro persona Comitis nollet Ecclesia ipsius Regis petitionem audire; petit, & rogat hoc idem pro filio: ità tamen quod pater nihilominus satisfaciatur personaliter pro excessibus suis, vel in frontaria Sarracenorum eundo in subsidium Christianorum, cum militibus suis, vel in partibus transgarinis, secundum quod Ecclesia melius arbitrabitur expedire, & infans de terra sua in tam fidei cura, & tam diligenti custodia ad honorem Dei, & sanctæ Matris Ecclesiæ habeatur, usquequo de bonitate sua signa compareant manifesta.

Et quoniam Comes Conuenarum nec fuit vnquam hæreticus, nec eorum susceptor, sed potius impugnator, & ideo terrâ dicitur amisisse, quia abstulit consobrinum, & Domino suo Comiti Tolosan. petit idem Rex, & rogat pro eo, sicut pro vassallo suo, vt restitatur ad terram suam satisfaciendo quoque ad arbitrium Ecclesiæ, si apparuerit eum in aliquo deliquisse.

ITEM cum Comes Fuxensis nec hæreticus fuerit, nec sit, pro eo memoratus Rex petit, & rogat, sicut pro consanguineo suo carissimo, & vassallo, cui sine verecundia in iure suo deesse non potest; quatenus pro reuerentia ipsius, & gratia restitatur ad sua; satisfaciendo nihilominus ad arbitrium Ecclesiæ in ijs, & pro ijs super quibus clementiæ matris Ecclesiæ eundem apparuerit deliquisse.

ITEM pro Gaston. vassallo suo petit supradictus Rex, & rogat affectuosè, quatenus restitatur ad terram suam, & fidelitates vassallorum suorum, maxime cum paratus sit iuri parere, & ad arbitrium sanctæ matris Ecclesiæ satisfacere, coram iudicibus non suspectis, si vobis causam ipsius audire, & expedire non licet. In omnibus tamen præmissis duxit memoratus Rex misericordiam potius, quàm iudicium inuocandum, mituens ad clementiam vestram Episcopos, Clericos, & Barones suos, super præmissis ratum habiturus, quidquid à vobis cum eis fuerit ordinatum. Supplicans vt talem habere dignemini circumspectionem, & diligentiam in hoc facto, vt in negotio Christianitatis in partibus Hispanis, ad honorem Dei, & sanctæ Ecclesiæ dilationem, prædictorum Baronum, & Comitum Montisfortis subsidium possit habere. Datum Tolosæ xvij. Kal. Febr.

Responsum Prælatorum in Concilio apud Vaurum.

Illustri, & dilecto in Christo P. Dei gratia Aragonum Regi, Comiti Barch. Concilium apud Vaurum salutem, & sinceram in Domino dilectionem. Petitiones, & preces vidimus, quas pro Tolosan. & eius filio, & Fuxen. & Conuenariu Comibus, & Nobili viro Gaston. vestra regalis Serenitas designauit. In quibus etiam litteris inter cetera Ecclesiæ filium dicitis vos deuotum, super quo multiplices Domino Iesu Christo, ac regali vestræ Celsitudini gratiarum referimus actiones: & in cunctis in quibus secundum Deum possemus propter illam mutuam dilectionem, qua vos sancta Romana Ecclesia mater, sicut intellegimus, amplectitur, & vos ipsam: necnon & ob reuerentiam Excellentie vestræ regalis admittimus affectuosius preces vestras. Super eo quod pro Comite Tolosan. eius filio petitis, & rogatis, hoc duximus Serenitati regis respondendum; Quod tam causa Comitum, quàm causa filij, quæ ex facto patris,

auctoritate superioris extat nobis exempta; cùm idem Comes Tolosanus Venerabili fratri Regen. Episcopo, & Magistro Thedifio à Domino Papa negotium suum fecerit sub certa forma committi. Verùm sicut credimus, memoriter retineris, quot & quantas gratias dicto Comiti post multos excessus ipsius, Dominus Papa fecit; necnon & quam gratiam ad intercessionem vestram, & preces, Venerabilis pater Narbonen. Archiepiscopus Apostolicæ Sedis Legatus, tunc Abbas Cisterciens. apud Narbonam, & Montempessulanum eidem Comiti faciebat, biennio, si bene meminimus, iam transacto. Volebat siquidem idem Legatus omnes dominicaturas, & proprietates eidem Comiti remanere integras, & illasas, & vt illa iura quæ habebat in Castris aliorum hæreticorum, quæ de feudo eius erant, siue alberga, siue quistia, siue caualgata eidem integra remanerent. De illis præterea Castris, quæ erant aliorum hæreticorum, quæ de feudo eius erant, quæ idem Comes dicebat esse ad minus quingenta, volebat præfatus Legatus, vt quarta vel etiam tertia pars eorum cederent in proprietatem Comitum supradicti. Spreta verò idem Comes illa magna gratia Domini Papæ, ac prædicti Legati, & Ecclesiæ Dei, veniens directò contra omnia iuramenta quæ olim præstiterat in manibus Legatorum, & addens iniquitatem iniquitati, crinita criminibus, mala malis, Ecclesiæ Dei, & Christianitatem, fidem, & pacem cum hæreticis, & rotarijs, & alijs pestilentibus fortius impugnavit, & damnificavit, adeò vt omni gratia, & beneficio reddiderit se indignum. Quod autem petitis, & rogatis pro Comite Conuenarum, taliter super hoc duximus respondendū: pro certo intelleximus, quòd cùm post excessus suos multiplices, & iuramenti transgressionem sædus cum hæreticis, & eorum fautoribus contraxisset, & ipsam Ecclesiæ tanquam in aliquo læsus esset, cum eisdem pestilentibus impugnasset: licet postmodum fuerit diligenter admonitus, vt cessaret à cæptis, & rediens ad cor reconciliaretur tandem Ecclesiasticæ vnitati; nihilominus idem Comes in sua nequitia extitit, & existit excommunicationis, & anathematis vinculo innodatus: de quo etiam, vt dicitur, Comes Tolosan. asserere consuevit, quòd eum ipse Comes Conuenarum ad guerram impulit, & induxit. Vnde idem Comes autor extitit per hoc guerræ, & malorum quæ inde Ecclesiæ multipliciter prouenerunt, & existit. Verumtamen si taliter se exhibuerit, vt absolutionis beneficium mereatur; postmodum cùm fuerit absolutus, & habuerit personam standi in iudicio, si de aliquo quereletr, Ecclesiæ ei iustitiam non negabit. Petijt præterea, & rogauit pro Comite Fuxen. regia Celsitudo, ad quod taliter respondemus: Quòd constat de ipso, quòd hæreticorum extitit à longo tempore receptator, & impræsentiarum etiam receptator est eorum, & defensor: præferim cùm non sit dubium, quin credentes hæreticorum hæretici sint dicendi; qui etiam post multiplices excessus suos & grauissimos, post diractionem, & spoliationem Ecclesiarum, post præstita corporaliter iuramenta, & obligationes, tam personarum, quàm rerum, post iniectionem manuum in clericos, & destructionem eorum in carcerem, pro quibus causis, & multis alijs excommunicationis, & anathematis est mucrone percussus, post illam gratiam, quam idem Legatus ad intercessionem, & preces vestras olim ipsi Comiti faciebat, cruentā eadem exercuit in signatos, tam clericos, quàm laicos, qui in paupertate, & simplicitate sua in Dei seruiuium contra Vauri hæreticos

ambulabant. Qualis autem, & quanta erat illa gratia bene recolit, sicut tedi-
mus, vestra regia Celsitudo, ad cuius intercessionem, & preces, cum eodem Co-
mite compositionem Legatus faciebat: sed quod non fuit facta illa compositio
per Comitem ipsum sterit. Extant etiam litteræ vestræ, ad Dominum Comi-
tem Montisfortis regali sigillo munitæ, talem super illa gratia clausulam conti-
nentes. Diximus etiam vobis, quod si Comes sæpèdictus noluerit stare placito
illi, & vos præterea non audieritis preces nostras, quas pro eo faciemus, non eri-
mus inde ultra dispacari. Verumtamen si dederit operam, ut absolutionis bene-
ficio consequatur, si postmodum cum absolutionis fuerit gratiam consecutus,
de aliquo quereletur, iustitiam ei Ecclesia non negabit. Postulastis insuper, &
rogastis pro Gaston. ut restitueretur ad terram suam, & ad fidelitates vassallorum
suorum, super quo vobis taliter respondemus, ut alia multa, immò potius infi-
nita, quæ in ipsum Gastonem non dicuntur ad præsens silentio transeamus.
Confectus est cum hæreticis, & receptoribus, seu defensoribus eorumdem,
& contra Ecclesiam, & signatos. Est Ecclesiarum, & personarum Ecclesiastica-
rum manifestissimus, & grauissimus persecutor. Venit ad obsidionem Castri
nouii in auxilium Tolosan. & Fuxen. Comitum, contra eos qui de mandato
Domini Papæ insequerantur hæreticos, & fautores eorum. Interfectorem san-
ctæ memoriæ Fratris P. de Castro nouo Apostolicæ Sedis Legati habuit secum,
rotarios diu tenuit, atque tenet: in anno præterito rotarios suos in Cathedralē
Ecclesiam Oloren. induxit, ubi amputato fune, de quo pendeat pyxis conti-
nens corpus Domini nostri Iesu Christi in terram cecidit, & quod nefas est dice-
re, ipsum corpus Domini est per terram expansum. Rotarius quidam in irritio-
nem, & contumeliam ordinis Clericalis se induit Pontificalibus ornamentis,
Pontificem cantantem Missam repræsentare intendens, qui etiam dicitur præ-
dicasse ibidem, & oblationes rotariorum recepit. Transgressus quoque iura-
menta, manus in clericos violentas iniecit, pro quibus, & alijs causis pluribus,
quas ad præsens tacemus, idem Gaston excōmunicationis est & anathematis nexi-
bus innodatus. Verumtamen si satisfecerit Ecclesiæ, prout debet, & absolutionis
beneficium consequatur, postmodum cum fuerit absolutus, & conquestus fue-
rit de aliquo, audietur siquidem de iure suo. Aliter siquidem pro prædictis sic ex-
communicatis, Clarissime Princeps, vestram regiam Maiestatem intecedere
non deceret: nec nos pro talibus, & in talibus auderemus aliter respondere. Ad
hæc Serenitatem vestram regalem monemus in Domino, & hortamur, quate-
nus ad memoriam dignemini reuocare honorem, quem vobis Apostolica Se-
des fecit, & illum quem in præsentiarū illustri Regi Siciliæ sororio vestro facit,
quid etiam Domino Papæ in vestra promissis vnctione, & quid Apostolica Se-
des vobis dederit in mandatis. Oramus, ut Deus ad honorem suum, & sanctæ
Romanæ Ecclesiæ per multa tempora vos conseruet. Quod si per hanc nostram
responsionem vestræ regis Maiestati non fuerit satisfactum, nos ob reueren-
tiam vestram, & gratiam, factum Domino Papæ curabimus intimare. Datum
Vauri xv. Kal. Febr.

EPISTOLA XLIII.

VT ABSTINEAT AB HÆRETICORVM DEFENSIONE.

Serenissimo viro, ac Christianissimo Principi, Domino P. Dei gratia illustrissimo Regi Arragon. Fr. A. divina miseratione Narbonen.

Archiepiscopus, Apost. Sed. Leg. salutem in caritate animi, & visceribus Iesu Christi.

INTELLEXIMVS non sine multa turbatione, ac amaritudine animi, quod Ciuitatem Tolosan. ac Castrum Montisalbani, & terras alias propter crimen hæreseos, ac alia multa nefanda facinora traditas Sarhanz, ac omni communione sanctæ Matris Ecclesiæ separatas, & Crucesignatis auctoritate Dei, cuius nomen grauitur in eis blasphemabatur expositas, disponitis in protectione, ac custodia vestra recipere, ac eas contra Christi exercitum, & Ecclesiæ defendere. Cùm igitur hæc, si vera sint, quod Deus auertat, non solum in salutis vestræ dispêdium, sed in honoris regij, ac opinionis, & famæ possint cedere detrimentum, nos qui salutem vestram, & gloriam, & honorem zelamus iotis visceribus caritatis, Celitudinem regiam rogamus, consulimus, & exhortamur in Domino, & in potentia virtutis eius, & ex parte Dei, & Redemptoris Domini nostri Iesu Christi, ac sanctissimi Vicarij eius Domini nostri summi Pontificis, auctoritate Legationis, quas fungimur inhibemus, & modis quibus possumus obtestamur, ne per vos, vel alios terras recipiatis, vel defendatis prædictas. Optamus autem quatenus tam vobis, quàm vestris taliter dignemini providere, ne communicando excommunicatis, & maledictis hæreticis, & fautoribus eorundem labem excommunicationis incurrere vos contingat. Vnum autem volumus Serenitatem regiam non latere, quatenus si quos de vestris hominibus in defensione prædictæ terræ duxeritis relinquendos, cùm omnes excommunicati sint ipso iure; nos ipsos denunciari excommunicatos, tanquam defensores hæreticorum publice faciemus.

EPISTOLA XLIV.

VT HÆRETICORVM RELIQUIAS DELEAT PENITVS.

Sanctissimo in Christo Patri, ac Domino suo Reuerendissimo, Innocentio Deigratia summo Pontifici, B. dictus Episcopus Bitterren. seruus eius humilissimus, & fidelis, cum sanctissimorum pedum osculo salutem, & vitam.

CVM ineffabili Dei clementia, vestræque ministerio sanctitatis terra nostra, ac alix circumpositæ, in quibus Diabolus peccatis populi exigentibus tantam sibi potentiam vsurpat, vt omnem in eis rectitudinem peruertisset, & per ministros ipsius sponsa Christi opprobrijs, blasphemijs, & quæcumque possint excogitari, afficeretur iniurijs, & omnis

diuinus cultus esset in opprobrium, & detisum, in lucem pacis, ac fidei tam feliciter cœperint respirare, vt errorum, & aliarum peruersitatum auctoribus iam pro parte maxima exturbatis, vexilla ibi Ecclesiæ sint etecta, & ad diuini cultus augmentum, pax, & securitas habeatur: remansit adhuc ibi magna quædam errorum, omniumque vitiorum sentina, Tolosa videlicet Ciuitas, & alia quædam loca, in quibus totius prauitatis hæreticæ reliquiarum spurcicia se collegit, quæ nisi fuerit per lōganimitatem vestræ sanctæ sollicitudinis auulsa funditus, & radicitus extirpata, genimina proculdubio vipetarum, & spuria vitulanti a iterum pullulabunt, & longè deteriorem priore morbum facient tecdium. Nos igitur, Beatissime Pater, quos tanquam propius positos magis negotium istud tangit, sanctissimam pietatem vestram rogamus, fusisque votuiis lacrymis exoramus, in visceribus Iesu Christi, quatenus nostro, aliorumque Prælatorum iugulis, & Ecclesiarum substantijs, quibus Comitis Tolosan. & filij eius si resurgerent gladius inexorabiliter immineret, misericorditer prospicientes in posterum negotio pacis, & fidei, quod tam prudenter, ac potenter hactenus promouistis, finem perfectum, & stabilem imponatis. De infidelitate namque dicti Comitis, & immanitate, quam per satellitem suum exercuit in Legatum, super quo per ratiabirionem, & honorem, & beneficia, quæ ipsi occifori exhibuit, conuincitur manifestè, satis potest vestræ Sanctitati constare. Prouideat quoque vestra paternitas, ne Rex Aragon. qui, vt salua reuerentia vnctionis loquamur, factus videtur filius infidelis, & præsumptuosè se iactat, quòd dicto Comiti, & complicibus eius hæreticis, torarijs, sacrilegis, homicidis, & omnium flagitiorum generibus irretitis restitutionis terrarum suarum, & gratiæ vestræ beneficium obtinebit, ad vestram præsentiam eos ducens, aliquatenus vos circumueniat. Profectò namque, si dicta Ciuitas quæ nidus hæreticorum existit, & extitit ab antiquo, ita quòd sicut legitur ob causam similem fuit olim euerfa funditus, & etiam exarta, remanserit pestilentibus memoratis, adhuc flamma egredietur de ipsa, quæ patres nostras, & alias circumpositas peius solito profligabit.

EPISTOLA XLV.

NE COMITEM TOLOSANVM DITIONI SVÆ RESTITVI
PATIATVR.

*Sanctissimo Patri, & Dño suo, Innocentio Dei gratia summo Pōtifci, B. sola
Dei miseratione Minister Aquen. hūmilis, salutem, & seipsum ad pedes.*



COMPENDIOSA narratione Beatitudini vestræ duximus intinmandum, quòd reformatio pacis, & Ecclesiæ, ac alia bona, quæ per sollicitudinem vestram in partibus nostris dignatus est Dominus operari, nulla possent ratione secundum inferiores causas durare in posterum, si fortè Tolosam Comes, aut filius eius peccatis nostris exigentibus & terrā quouis ingenio recuperaret amissam. Ideoque Sanctitati vestræ humiliter supplicamus, quatenus supet hoc taliter, & iam cautè dignemini providere, si placet, quòd nouissimus error non sit peior priore. Conseruet Dominus Sanctitatem vestram Ecclesiæ sanctæ suæ.

Episcoporum

Episcoporum in oppido Vaurenſi congregatorum Conſilium.

IN nomine Domini noſtri Ieſu Chriſti, Amen. Hoc eſt Conſilium quod Dñs Narbonen. Archiepiſcopus Apoſtolice Sed. Leg. & alij Eccleſiarum Prælati, qui fuerunt in Concilio apud Vaurum dederunt Regen. Epifcopo, & Magiſtro Thediſio Canonico Ianuen. Iudicibus delegatis à Domino Papa ſuper negotio Comitis Tolofan. Conſuluerunt enim eis, quòd Comes Tolofanus propter multiplices cauſas, & rationes non debebat ab eis ad purgationem admitti, tam ſuper crimine hæreticæ prauitatis, quàm ſuper nece Legati. Conſtar enim & notorium eſt, quòd de expellendis hæreticis, & rotarijs de terra ſua, & alijs multis articulis multoties præſtitit iuramenta in manibus Legatorum, quorum nullum ſeruauit; immò poſtquàm ab Apoſtolica Sede redijt, apud quam multam miſericordiam, & gratiam inuenit vltra ſuorum exigentiam meritorum, iniquitarem iniquitati apponens, adauxit pedagia, impugnauit Eccleſiam, & pacem cum rotarijs, & hæreticis inceſſanter impugnat, receptauit hæreticos, fouit, & fouer, & quanta potuit, & poteſt virtute defendit. Mille inſuper, & vltra de Crucelignatis clericis, & laicis rotarij eius, & complices occiderunt. Præterea Abbatem de Montealbano fere per annum captum derinuit, Abbatem de Moysiaco cepit. Epifcopum Agenen. de propria ſede cum rotarijs ciecit, & ciuitate ſua, & alijs bonis omnibus ſpoliauit, & damnificauit eum in valentia quindecim millium ſolidorum. Adeò præterea infamatus fuit, & eſt de hæreſi à longè retrò temporibus apud bonos, & graues, quòd inuincibiliter præſumitur contra ipſum. Propter iſtas, & alias plurimas enormitates, & manifeſtos exceſſus ipſius, quæ omnia longum eſt enarrare, dixerunt Prælati, & concorditer reſponderunt quòd adeò ſe fecit indignum, vt ei fieri copia Euangeliorum non debeat à Legatis, vel Iudicibus delegatis: & etiam, quia tali excommunicationis genere propter ea quæ dicta ſunt tenetur aſtrictus, quòd ab eis ſine ſpeciali mandato Domini Papæ non poteſt abſolui. Placuit etiam toti Concilio, vt præſens ſcriptum ſigillis dicti Domini Narbonen. Archiepiſcopi, & Albiën. Tolofan. & Conuenatum Epifcoporum, ſuo, & aliorum nomine ſignaretur.

EPISTOLA XLVI.

NON POSSE A SE COMITEM TOLOSANVM ABSOLVI.

Nobili viro R. Comiti Tolofano, Hug. Dei gratia Regen. Epifcopus, & Magiſter Th. Canonicus Ianuen. ſpiritum conſilij ſenioris.

NUPER litteras veſtras per quemdam militem, Quam bonum nomine, recepimus, in quibus licet contineretur expreſſe, quòd parati eratis mandatis noſtris humiliter obedire; vos tamen neque mandatis Domini Papæ ſecundùm tenorem reſcripti, quod olim obtinuiftis ab ipſo, neque mandatis quæ vobis fecimus in in Concilio apud ſanctum Egidium, neque inſuper mandatis, & monitis Legatorum, & Eccleſiæ quæ vobis apud Narbon. & Montempeſſulan. poſtmodum facta fuerunt obediftis in aliquo, vel etiam obeditis, ſicut per euidentiam operis manifeſtè apparet. Sanè poſtquàm receſſiſtiſ à nobis, à abiurata pedagia

in vestris fame ac animarum præiudiciū multipliciter adauxistis, & vt in paucis multa breuiter concludamus, ferè nihil ex ijs quæ diuersis temporibus in manibus Legatorum iurastis, & præcipuè tempore bonæ memoriæ Magistrī Milonis, prout satis manifestū est, curauistis implere: immò quod dolentes & inuiti dicimus, rotarios, & hæreticos contra fidem, & Ecclesiam, & pacem etiam tenuistis postmodum & tenetis. A quibus, & alijs complicibus vestris mille signati, & ultra, clerici, & laici in grauissimam Creatoris iniuriam, & contempnum occisi fuerunt: iniquitatem etiam iniquitati addentes, Abbatem de Monrealbano longo tempore tenuistis in vinculis, Venerabilem Patrem Agennensem Episcopum ciuitate sua, & bonis alijs spoliatum, cum rotarijs vestris à sede propria eiecistis. Ad nos etiam aliquando auctoritate Domini Papæ citari contempsistis venire; nec super negotio vestro, quod nobis à summo Pontifice postulastis committi, fuimus aliquando requisiti à vobis; quamuis enim scieueritis nos per octo dies fecisse moram propter factum vestrum ijs temporibus in Concilio apud Vaurum, ad nos neque litteras vestras direxistis, neque nuntium specialem. Propter igitur supradicta, & alia multa adeò vos fecistis indignos, quòd in negotio vestro ad purgationem secundum mandatum Domini Papæ procedere non valeamus, prout fuir coram nobis à toto Concilio definitum. Ideòque vobis per præsentem litteras protestamur, quòd hæc omnia per proprium nuntium litteris nostris Domino Papæ curabimus diligentissime intimare, vt ipse circa personam vestram, & factum secundum quòd lux beneplacitum fuerit Sanctitati procedat.

EPISTOLA XLVII.

COMITIS TOLOSANI IVRAMENTVM SVMMO PONT.
INSINUANT.

*Sanctissimo Patri, & Domino Innocentio Dei gratia summo Pontifici R.
per eandem Tarracon. Archiepiscopus, & Episcopi, & Abbates,
qui secum presentes fuerunt, summa cum deuotione
subiectionem, & debitum famulatum.*



SANCTITATI vestræ norum facimus Dominum Regem Aragon. cum Tolosam accessit, vt Comites Tolosan. & Fuxen. & Conuenarum, & Gaston. de Bearno ad beneplacitum, & mandatum vestrum liberè & absolutè recipiendum induceret, & pro viribus fideliter adimplendum, ad abundantem cautelam securitatem in scriptis redactam ab eisdem recepit in hunc modū: Ego Raymundus Dei gratia Comes Tolosæ, Dux Narbonæ, March. Prouinciæ, & ego R. filius eius gratuita voluntate, non coacti, nec vi, nec dolo inducti mittimus personaliter nos ipsos, & Tolosam ciuitatem, & suburbium, & villam Montisalbani cum omnibus eorum pertinentijs terminis siue adiacentijs, & totam aliam terram nostram, quam habemus, & habere debemus, cum militibus, & hominibus, singulis, & vniuersis, nunc vel in futurum habitantibus, & ad vltimum cum omnibus viribus, & rationibus, quæ ad nos vbique pertinent, vel pertinere debent aliquo iure, siue aliqua ratione in manu & posse vobis Domino P. Dei gratia

Regi Aragon. & Comiti Barch. & eis qui de voluntate vestra, vel mandato vices vestras obtinuerint, mittimus, inquam, in posse vestrum, ac potestatem prædictam terram totam, sicut dictum est, & aliam, quam Deo præstante recuperabimus. Tradentes vobis etiam, & in vos, eosque qui locum vestrum tenuerint transferentes corporalem possessionem locorum omnium, & iura omnia, seu rationes, cum plena iurisdictione, ac potestate: tali modo quod tam in personis nostris, quam ijs omnibus nominatis voluntati Domini Papæ, & mādaro possitis obtemperare, & satisfacere, & cogere cum effectu nos, si forte proni, & acclines ad mandatum eius prosequendum, quod Deus auertat, noluerimus adesse: promittentes vobis bona fide, quod tamen ea, quæ Dominus Papa, vel vos pro eo nobis mandaueritis, pro posse nostro faciemus, & adimplebimus sine dolo, & fraude. Hæc omnia, quemadmodum superius scripta sunt attendemus, & obseruabimus bona fide, & sine malo ingenio pro posse nostro, & contra non veniemus per nos, vel per aliam quancumque personam, vel venire contra faciemus, nec aliquid contra machinabimus, quæ omnia prædicta per Deum, & hæc sacrosancta Evangelia corporaliter à nobis tacta iuramus. Mandamus præterea Capitulo, & Vniuersitati Tolosæ vrbis, & suburbij, vt vobis Domino P. Regi prædicto faciant fidelitatem, & sacramentum ad omnia su prædicta exequenda, adimplenda, & fideliter obseruanda. Hoc fuit ita appositum v. die Ianuarij in exitu, feria 1. Ph. Francorum Rege regnante, & eodem Raimundo Tolosan. Comite, & Fulcon. Episcopo, anno ab incarnatione Domini millesimo, ducetesimo, xij.

Consulium Tolosæ iuramentum.

Nos Consules Tolosæ vrbis, & suburbij, Bertrandus de sancto Lupo, Arnaldus de Castronouo, & Bernardus Petrus Toytius, & Arnaldus Gila-bertus, & Petrus de sancto Romano, & G. de Pozano, & A. de Roaisio, filius Arnaldi de Roaisio qui fuit, & R. de Roaisio, & G. Arnaldus de Monte Toino, & B. Arnaldus Rainaldus, & Stephanus Vitalis, & R. Vitalis de Dealbata, & B. Petrus de Cozan. & G. Isamus, & R. Rebertus de Tauro, & Vitalis de Princhaco, & P. Embrinus, & G. Pontius Astro, & B. Raymundus, & R. de Schalchenlibus, & A. de Roaisio filius B. de Roaisio, qui fuit, & Hugonis Surdus, & B. Gerardus, & Stephanus Signarius de voluntate expressa, & mandato Domini R. Dei gratia Tolosæ Comitis, Ducis Narbonæ, March. Prouincie, & R. filij eius de communi consensu Vniuersitatis Tolosæ, promittimus vobis Domino P. Dei gratia Regi Aragon. & Comiti Barch. quod ad omnia tenenda, & habenda, & plenariè exequenda, & potenter possidenda, quæ Dominus R. Comes Tolosæ, & R. eius filius vobis promiserunt, quemadmodum in superiori instrumento ab eis vobis facto plenius continetur, curam dabimus, & operam, & diligentiam, quam poterimus, adhibebimus; vt tam de personis suis, quam de honoribus suis, quos nunc habent, vel habere debent, vel Deo præstante recuperabunt possitis satisfacere voluntati, & mandato Domini Papæ, & vobis in ijs, quæ eisdem Dominus Papa decreuerit iniungenda. Promittimus bona fide, & sine dolo, ac fraude, auxilium, consilium, & opem, quantam poterimus, & iuamen, & ad omnia adimplenda omnimodam fidelitatem vobis, & eis qui locum vestrum tenuerint. Promittimus etiam vobis nos singuli, & vniuersi prænomi-

nati Consules, & tota Tolosæ vniuersitas, quòd in ijs omnibus, quæ ex parte Domini Papæ, & sanctæ Romanæ Ecclesiæ nobis mandaueritis vos, vel illi qui vices vestras tenuerint, voluntati Domini Papæ itemus in omnibus, & per omnia, & arbitrio, seu cognitioni vnusquisque per se, & contrà non veniemus aliqua ratione. Hæc omnia superius scripta attendemus, & obseruabimus, ac complebimus bona fide, & contrà aliquid non machinabimus per nos, vel per aliā quamcumque personam. Sic nos Deus adiuuet, & hæc sacrosancta Euangelia à nobis singulis iureiurādo corporaliter tacta. Et ad huius negotij fidem pleniorē, hanc paginam sigillorum Comitum, & filij eius, & Capituli Tolosæ auctoritate roboramus. Hoc fuit ita positum v. die Ianuarij, in exitu, feria 1. Ph. Rege Francorum regnante, & eodem R. Tolosan. Comite, & Fulcone Episcopo, Anno ab Incarnatione Domini millesimo, ducentesimo, duodecimo.

Professio Comitum Fuxensium.

IN Dei nomine cunctis pateat, Quòd nos Raymundus Rogerij, Dei gratia Comes Fuxen. & Rogerius Bernatdi filius eius ad honorem Dei, & sanctæ matris Ecclesiæ, & Domini Innocentij, qui sacrosanctæ Romanæ Sedis obtinet præsulatum, ponimus, & mitimus personas nostras, & vniuersa Castra nostra, & munitiones, & fortia, & caunas, scilicet Castrum de Fuxo, de Monte galardi, de Monte oliuo, de Castro pendenti, de Tarascon. de Aisnasco, de Rauaro, de Miramonte, de Mereglos, de Genactio, de Vgenactio, de Vico, de Montereali, de Castro Virdun. de Lurdar, de Vnacco, & de Haus, & vniuersas Caunas, de Solobria, de Subitan, de Onolacco, de Verdun, de Agnauis, & de Heliato, & Montana, & Valles, & omnem aliam terram nostram, quæ ad nos, & nostros quocumque iure, vel causa pertinet, aut pertinere deber, aut potest, in manu, & potestate vestri, Domini nostri Regis Aragonum, & Comitum Barch. vt ea omnia plenariè, & potenter teneatis, & possideatis. Eo tamen pacti tenore appposito, & forma, vt per detentionem prædictorum honorum, & nostrarum personarum possitis compellere, & urgere nos ad omnia illa exequenda, & obseruanda, quæ Dominus Papa, & sacrosancta Romana Ecclesia de personis nostris, & rebus decreuerit statuēda. Sub periculo ergo commissionis, & pœna omnium prædictorum Castrorum, & totius terræ nostræ vobis stipulantibus per solemnem stipulationē bona fide promittimus, quòd omnia quæ Dominus Papa nobis de personis, aut de terra nostra iniunxerit, fideliter curabimus adimplere, & in perpetuum modis omnibus obseruare, & quod ita totum adimpleamus, & contrà non veniamus, vel aliqua arte, vel ingenio, vel ab aliqua persona veniri sustineamus: de omnibus concedentes vobis potestatem plenariam per Deum, & hæc sancta Euangelia corporaliter tacta sponte iuramus. Cognoscētes per idem sacramentum vobis pridem nos eandem potentiam concessisse. Et ad maiorem huius facti euidentiam hanc paginam nostri sigilli præsentia communimus. Actum est hoc, & ita concessum apud Tolosam vj. Kal. Feb. Anno Dominicæ Incarnationis millesimo, ducentesimo, duodecimo. Bernardus de Vgenacco prædicti Domini Comitum Fuxen. Notarius existens hanc circumscriptis, & sigillo eiusdem confirmauit.

Professio Comitum Convenarum.

IN Dei nomine cunctis sit manifestum, Quòd nos Bernardus Comes Convenarum, & Bernardus filius eius, ad honorem Dei, & sanctæ matris Ecclesiæ, & Domini Innocentij, qui sacrosanctæ Romanæ Sedis obtinet Præfultum, ponimus, & mittimus personas nostras in manu, & potestate vestri Domini nostri P. Dei gratia regis Aragon. & Comitum Barch. cognoscentes, & veraciter confidentes, nos quidem tradidisse terram nostram vobis, & militi vestro, nomine P. de Alcalaño speciali nuntio à vobis ad hoc misso, ut eam plenariè teneatis & potenter possideatis, eo tenore appposito, & forma, ut per detentionem personarum nostrarum, & terræ nostræ possitis compellere, & urgere nos ad omnia illa exequenda, & observanda, quæ Dominus Papa, & sacrosancta Romana Ecclesia de personis nostris, & rebus decreverit statuenda. Sub periculo ergo commissionis, & pœna totius terræ nostræ vobis stipulantibus per solemnem stipulationem bona fide promittimus, quòd omnia quæ Dominus Papa nobis de personis, aut terra nostra iniunxerit, fideliter curabimus adimplere, & in perpetuum modis omnibus observare, & quòd ita totum adimpleamus, & contra non veniamus, vel aliqua arte, aut ingenio ab aliqua persona venire sustineamus: de omnibus concedentes vobis potestatem plenariam per Deum, & hæc sancta Evangelia corporaliter tacta sponte iuramus: & ad maiorem huius facti evidentiam hanc paginam nostri sigilli præsentia confirmamus. Hæc acta sunt apud Tolosam vj. Kal. Febr. Anno Dominicæ Incarnationis, millesimo, ducentesimo, duodecimo.

Professio Gastonis de Benearno.

IN Christi nomine cunctis sit notum cunctis, Quòd ego Gasto Dei gratia Vicecomes Bearnen. & Comes Bigoræ ad honorem Dei, & sanctæ matris Ecclesiæ, & Domini Innocentij, qui sacrosanctæ Romanæ Ecclesiæ Sedis obtinet Præfultum, pono, & mitto personam meam, & Castra de Lurda, de Olerone, de Montanerio, de Miramon, de Cadelo, & omnem aliam terram, quam habeo, & habere debeo, vel ad me, vel meos pertinet, aut pertinere debet, & potest aliqua ratione, aliquo iure, vel causa, & illam totam quam habere, & recuperare potero Deo dante, in manu, & potestate vestri Domini mei P. Dei gratia Regis Aragon. & Comitum Barch. ut ea omnia plenariè, & potenter teneatis, & possideatis: eo pactiteno appposito, & forma, ut per detentionem prædictorum bonorum, & meæ personæ possitis compellere, & urgere me ad omnia illa exequenda, & observanda, quæ Dominus Papa, & sacrosancta Romana Ecclesia de persona mea, & rebus decreverit statuenda. Sub periculo ergo commissionis, & pœna omnium prædictorum Castorum, & totius terræ meæ vobis stipulantibus per solemnem stipulationem bona fide promitto, quòd omnia quæ Papa mihi de persona, aut terra mea iniunxerit, curabo fideliter adimplere, & in perpetuum modis omnibus observare; & quòd ita totum adimpleam, & contra non veniam vel aliqua arte, vel ingenio, vel aliqua persona venire sustineam: de omnibus concedens vobis potestatem plenariam per Deum, & hæc sancta Evangelia corporaliter tacta sponte iuro: & ad maiore huius facti firmitate hanc paginam

mei sigilli auctoritate confirmo. Actum est hoc apud Tolosam vj. Kal. Febr. anno Dominice incarnationis mill. simo, ducentesimo, duodecimo.

Et quoniam visum est Domino Regi, eiusque Curie ipsa originalia, penès se potius retinere, quam incertis casibus fortunæ committere, ad pedes Sanctitatis vestre eorum mitti scripta sigillis nostris communica verbo ad verbum fideliter sumpta nullo addito, vel diminuto, vel in aliquo immutato. Hoc autem transcriptum factum fuit apud Perpinianum fideliter ij. Kal. April. ab incarnationis Domini millesimo, ducentesimo, tertio decimo.

EPISTOLA XLVIII.

NE IN POSTERVM HÆRETICORVM PARTIBVS FAVEAT.

Illustri Regi Aragon.

IN cuius manu sunt omnium corda Regum, inspiret tibi humiliter exoratus, vt prudenter attendens, quod iuxta mandatum Apostolicum nos oportet obsecrare, arguere, increpare, nostras increpationes, quas paterna in te affectione deponimus, deuotione recipias finali; & sic nostris obtemperes salubribus monitis, & consilijs, vt correctionem Apostolicam deuotè recipiendo demonstres te in ijs etiam affectum habuisse iuacrum, in quibus absque dubio per effectum nosceris deliquisse. Sanè ad totius ferè mundi notitiam iam peruenit nec Sententiam tuam ignorare credimus, aut etiam diffiteri; quod inter ceteros Principes Christianos te specialiter studuimus honorare, per quod, & potentia tibi accreuit, & fama. Veinamque cum ijs prudentia, & deuotio tibi ampliùs accreuissent, quod licet uile nobis existeret, tibi tamen potius expediret. Verùm in hoc neque tibi prouidisse dignosceris, neque nobis, vt decuit, detulisse, quod cum ciues Tolosan. ab corpore Ecclesie sint excommunicationis mucrone percisi, & ipsorum ciuitas supposita interdicto, pro eo quod quidam eorum sunt hæretici manifesti, plures verò credentes, fautores, & receptatores ipsorum, ac etiam defensores, adeo vt alij quoque, quos Christi exercitus, immò veriùs ipse Christus, quem contra seipsum suis adinventionibus prouocauit, à suis fecit tabernaculis emigrare, ad Tolosanam quasi quamdam erroris sentinam confugerint ciuitatem: obseruantes tempus, & oportunitatem captantes, quo fidem in partibus illis quasi de nouo plantatam, velut locustæ de puteo abyssi egressæ valeat extirpare. Tu diuini timoris oblitus, quasi præualere valeas contra Deum, vel auertere manū eius contra eos exigentibus suis culpis extant, ipsos, & eorum complices in defensionem, quasi sub specie pietatis impietatem exercens, in scandalum populi Christiani, & propriæ famæ dispendium recepisti, post inhibitionē à Legato nostro ex parte Dei, & nostra distinctissimè tibi factam, non sinè nota grauis infamæ, ac suspicionis scrupulo grauioris. Nuper igitur auditis, quæ Venerabilis frater noster Segobricen. Episcopus, & dilectus filius Magister C. Nuntij tui, ac Nuntij Legati nostri, ac Nobilis viri S. Comitis Montisfortis in præsentia nostra proponere voluerunt, & litteris directis hinc inde plenius intellectis, habito cum fratribus nostris tractatu, atque consilio diligenti, volentes honori tuo quantum ad famam, salutem quantum ad animam, & indem-

nitati quantum ad terram paternam sollicitudine præcauere, Serenitati tua in virtute Spiritus sancti sub obtentu diuinæ ac Apostolicæ gratiæ dillicite prouidimus iniungendum: ut sine mora prænotatos deferas Tolosan. & complices eorundem, non obstante promissione, vel obligatione quacumque pactita, vel recepta in elusionem Ecclesiasticæ disciplinæ ipsi, quandiu tales extiterint, non impensurus per te, vel aliquo consilium, auxilium, vel fauorem. Si verò iidem ad Ecclesiæ redire desiderant vnitatem, prout fuit à dictis Nuntijs tuis propositum eorum nobis, nos Venerabili fratri nostro Fulconi Tolosan. Episcopo viro integre opinionis, & vite, qui testimonium habet non solum ab ijs, qui sunt intus, sed ab ijs etiam qui sunt foris, nostris damus litteris in mandatis, vt adiunctis sibi duobus viris prudentibus, & honestis, eos qui voluerint de corde puro, & conscientia bona, & fide non ficta redire, sufficienti ab eisdem cautione recepta, reconciliet Ecclesiasticæ vnitati. Illos verò, quos in erroris sui tenebris persistentes idem Episcopus delibere notauerit hæreticæ prauitatis, exterminari præcipimus à ciuitate iamdicta, & bonæ eorum omnia confiscari; ita quod nullo vnquam tempore recipiantur in ipsa, nisi forte diuinitus inspirati se viros fidei orthodoxæ cultores exhibitione operum demonstrarent: & sic ciuitas ipsa reconciliata pariter, & purgata sub Apostolicæ Sedis protectione consistat; non molestanda decetero à Comite supradicto, vel alijs fide Catholicis, sed defendenda potius, & fouenda. Miramur insuper, & mouemur, quod tu pro terra Nobilium vrorum Conuenarum, & Fuxen. Comitum, ac G. de Bearn. restituenda sibi Apostolicum per Nuntios tuos suppressa veritate mendacium exprimentes, surripi fecisti mandatum; cum propter multa, & magna eorum flagitia ob hæreticorum fauorem, quos manifestè defendunt, excommunicationis sint vinculo innodati. Verùm cum mandatum pro talibus sic obtentum non teneat, illud tanquam subreptum penitus reuocamus. Si verò iidem Ecclesiasticæ vnitati reconciliari desiderant, prout dicunt, Venerabili Fratri nostro Narbonen. Archiepiscopo Apostolicæ Sedis Legato nostris damus litteris in mandatis, vt recipiēs ab ipsis non solum iuratoriā cautionem, cum iam sua sint iuramenta transgressi, sed & aliam, quam viderit expedire, beneficium eis absolutionis impendat, & ijs rite præmissis tanquam veræ deuotionis indicijs, Cardinalem de Larere nostro Legatum virum honestum, prouidum, & constantem iuxta petitionem tuam ad partes illas curabimus destinare, qui non declinans ad dexteram vel sinistram, sed incedens regia via semper, quæ rectè facta inuenerit, approbet, & confirmet, errata verò corrigat, & emendet, & tam Nobilibus antedictis, quam alijs conuerentibus exhiberi faciat iustitiæ complementum. Interim ergo inerte, & terram tuam, & dictum Comitem Montisfortis, ac suam volumus, & mandamus firmas treugas fieri, ac seruari, hæreticis prorsus exceptis, cum quibus, cum nulla sit societas lucis ad tenebras, nec participatio Christi ad Belial, aut pars fidelis cum infideli, orthodoxæ fidei professores treugas habere non conuenit, siue pacem. Mandantes nihilominus Comiti antedicto, vt tibi pro terra, quam à te tener, reuerenter exhibeat, quod exhibere teneretur. Illud autem Excellentiam tuam volumus non latere, quod si Tolosan. ac Nobiles sepe dicti adhuc quoque in errore suo duxerint persistendum, nos per indulgentias innovaras Crucesignatos, & fideles alios præcipimus excitari, vt ad extirpandam

pestem huiusmodi diuino freti auxilio insurgentes, tam contra ipsos, quàm quolibet alios receptatores, aut defensores ipsorum qui plus ipsis hæreticis sunt nocui, procedant in nomine Domini Sabbaoth. Monemus igitur Serenitatem tuam, rogamus, & obsecramus in Domino, quatenus quæ præmisimus prompto animo, quantum ad te pertinet exequaris. Sciturus pro certo, quòd si aliter, quod non credimus duceres faciendum, præter indignationem diuinam, quam ex hoc facto contra te procul dubio prouocares, graue, ac irreparabile posses incurrere detrimentum. Nec nos quantumcumque tuam diligamus personam, tibi contra fidei Christianæ negotium possemus parcere, vel deserte. Quantum enim tibi periculum immineret, si Deo, & Ecclesiz, præsertim in causa fidei te opponeres, vt consummationem sancti operis impedires, non solùm vetera, sed & moderna te possunt exempla docere. Datum Lateran. Kal. Iunij Pont. nostri Anno xvj.

In eundem fere modum Nobili viro S. Comiti Montisfortis. Is in cuius manu, &c. usque, Sabbaoth. Si enim prædictus Rex aliter duceret faciendum, &c. usque, docere. Monemus igitur N. tuam, & exhorramur attentius, per apost. tibi scripta mandantes, quatenus quæ præmisimus prompto animo, quantum ad te pertinet, exequaris. Datum vt supra.

In eundem f. m. scriptum est Narbonen. Archiepiscopo Apost. Sed. Leg. Is in cuius manu, &c. usque, docere. Vnde nos Regem, & Comites prædictos per litteras nostras monuimus, vt quæ præmisimus prompto animo, quantum ad eos pertinet, exequantur. Ideoque fraternitati tuæ per apost. script. mandamus, quatenus præfatos Regem, & Comitem monens ad id efficaciter, & inducens, procedas circa tres Nobiles antedictos, secundum formam superius comprehensam. Tu denique frater Archiepiscopo, &c.

In eundem f. m. scriptum est Tolosan. Episcopo. Is in cuius manu, &c. usque, inducens. Procedas circa ciues prædictos secundum formam superius comprehensam. Tu denique frater Episcopo, &c. Datum vt supra.

EPISTOLA XLIX.

VT IN PENITENTIAE PROPOSITO DEEVNCTO, ABSOLUTIONEM ET SEPULTURAM INDVLGEANT.

De Reslorijs, & de Palmi Abbatibus, & Priori de Reslorijs, Bracaren. & Tuden. Diaces.



QUANTA nobis M. mulieris petitio continebat, quòd cum olim S. frater suus vna cum quibuldam alijs morti cuiusdam interfuisset. Presbyteri diabolo suadente; tandem reuersos ad cor, humiliter suum recognouit excessum, & paratus vt iter arriperet ad Sedem Apostolicam veniendi, præueniente mortis articulo exequi non potuit, quod intendit: iuramento tamen promiserat, quòd nostris frater super excessu sæpedito mandatis. Vnde nobis dicta mulier supplicauit, vt cum illum non religionis contemptus, sed necessitatis articulus impedierit, quominus ad Sedem accesserit Apostolicam absoluentus, super absolutione, ac sepultura ipsius dignaremur misericorditer providere. Quia Verò, sicut in contumacia

persistentibus rigidos esse nos conuenit; sic humiliatis ad penitentiam negare gratiam Ecclesiæ non debemus: discretioni vestræ per apost. script. mandamus, quatenus, si prædictos S. dum adhuc uiueret, satisfactionem condignam promissit, vel sufficiens de satisfactione mandatum, & aliàs manifesta in eo penitentiae indicia præcesserunt: cum Psalmo penitentiali, Oratione Dominica, & alijs consuetis, de functo absolutionis beneficium impendatis, tradi facientes corpus eiusdem Ecclesiasticæ sepulturæ: dummodo contra terræ consuetudinem ex hoc graue non debeat scandalum generari. Quòd si non omnes, &c. duo vestrum, &c. Vos denique filij Abbates, &c. Datum Lateran. iij. Idus Maij, Pont. N. Anno xvj.

EPISTOLA L.

VT EPISCOPVM HERBIPOLENSEM ECCLESIAE SVÆ
RESTITVTVM, ILLA FRVÍ PATIATVR.

Archiepiscopo Maguntin. Apost. Sed. Leg.



ICET iniunctæ tibi legationis processum in pluribus commendemus: super negotio tamen Herbipolen. Ecclesiæ quantumcumque tuæ fraternitati deferre velimus, non possumus, salua conscientia, commendare. In quo, & si fortè zelum habueris, non tamen secundum scientiam habuisti, cum in destitutione vnus, & substitutione alterius procefferis minùs iustè. Nos quidem receptis olim super hoc litteris tuis per dilectum filium ... Decan. de Onoldesbath meminimus respondisse, quòd cum disponente Domino simus in sede iustitiæ constituti, & omnibus iniustitia debitores, negare non debemus alicui, quod postulat ordo iuris. Vade mandauimus, vt si fortè institutus, & destitutus de iure suo vellent in iudicio experiri, præfigeres eis terminum còpetentem, quo se nostro conspectui præsentarent iustum iudicium recepturi. Accedente autem ad nostram præsentiam dilecto filio ... Deutauto clerico, procuratore Venerabilis fratris nostri Otton. Herbipolen. Episcopi super eo, quòd diceris nolle ratum habere processum Venerabilis fratris nostri ... Magdeburgen. Archiepiscopi Apostolicæ Sedis Legati, circa Episcopum memoratum ad communionem, & gratiam Ecclesiæ de mandato nostro receptum, & ad regimen Herbipolen. Ecclesiæ restitutum; fuit inter alia propositum coram nobis, & in nostro Regesto repertum, quòd cum olim Apost. Sedes ad vindicandam crudelè, & lacrymabilem mortem bonæ memoriæ C. Herbipolè. Episcopi, Petri exeruerit gladiù: vt sicut notorius erat intersectorum excessus, sic memorialis esset in generationem ac generationè sceleris perpetrati vindicta, inter cetera statuit, vt tam homicidæ ipsi, quàm heredes eorum vniversis feudis, & beneficijs Herbipolen. Ecclesiæ, quam specialiter offenderant, & Ecclesiarum etiàm ceterarum, cum in ea læserint Ecclesiam generalem carerent in perpetuum, illa nullo tempore habituri; nisi forsan aliquando de speciali Sedis Apostolicæ indulgentia securura posteritatis misericordiam mereretur. Et cum nec tutum, nec honestum existeret, vt iste H. qui dicitur substitutus, filius Henrici de Ruesburg fratris Boron. cuius pater, & patruus fuerunt in necem memorati Episcopi machinati, consilij Herbipolen. Ecclesiæ

interesset bonæ memoriæ G. Penestrin. Episcopo tunc Apostolicæ Sedis Legato dedimus in mandatis, vt ei auctoritate nostra per commutationem idoneam in alia Ecclesia ab Herbipolen. remota, appellatione postposita prouideret, præbendam illius alij collaturus. Et quidem eam gerimus de tua circumspectione fiduciam, quòd si hoc in tuam deductum fuisset notitiam, sic circa prædictum H. quantumcumque ipsum dilectionis brachijs amplectaris, nullatenus processisses. Verùm ne demus Herbipolensi Ecclesiæ labores pariter, & dolores, & memoratum H. inutiliter laborare contingat, eum quem à præbenda Herbipolen. Ecclesiæ olim decreuimus amouendum, à regimine ipsius Ecclesiæ perpetuò remouemus: per apost. tibi scripta mandantes, quatenus supradictum Herbipolen Episcopum, cùm parte Ortho. reprobi penitus abdicata, publicè ad Ecclesiæ deuotionem reuersus Catholicæ parti patenter adhæserit, & potenter, super Ecclesiæ expedita decetero non molestes, vt qui persequeris vitium in aduerso, amplectaris in conuerso virtutem. Sic etenim decreuimus expedire, quoniam speramus, si beneficiorum non erit ingratus, se tantò deuotiorem exhibere studebit, quantò maiorem inuenit gratiam post offensam. Tu denique frater Archiepiscopo, &c. Datum Lateran. viij. Idus Iunij, Pont. N. Anno decimosexto.

EPISTOLA LI.

VT EVM, CUIVS ELECTIONEM CONFIRMAT DEBITA
REVERENTIA PROSEQUANTVR.

Nouarien. Capitulo.



VDITIS olim & intellectis, quæ à procuratoribus partium super duabus electionibus in vestra Ecclesia celebratis fuisse proposita coram nobis, de communi fratrum nostrorum consilio electionem factam de Præposito sanctæ Mariæ cassauimus, & electionem de Præposito sancti Gaudentij celebratam duximus confirmandam, si quoddam instrumentum reprobaretur infra temporis certum spatium contra ipsum super cuiusdam arbitrij forma productum, quod Venerabili fratri nostro Archiepiscopo Ianuen. & dilectis filijs de Tellereto, & de Cetero Abbatibus sub bulla nostra misimus interclusum. Ipsi verò receptis probationibus exhibitis coram eis, causam sufficienter instructam ad nostram audientiam temiserunt. Procuratoribus igitur partium in nostra præsentia constitutis, & auditis hinc inde propositis, quia per ea quæ contra prædictum instrumentum obiecta sunt, & ostensa, idem adeo redditum est suspectum, quòd ad fidem in iudicio faciendam debeat inuolidum reputari, & ita reprobatum, quod ad illud ad quod probandum erat inductum cùm proniora sint iura ad absolueudum, quàm ad condemnandum, electionem factam de prædicto Præposito sancti Gaudentij confirmauimus: per apostolica scripta vobis præcipiendo mandantes, quatenus ipsi obedientiam, & reuerentiam debitam impendatis, eidem reuerenter in spiritualibus, & temporalibus intendentes. Alioquin Venerabili fratri nostro Vercellen. Episcopo apost. Sed. Legato nostris damus licetis in mandatis, vt vos ad id monitione præmissa per censuram Ecclesiasticam

appellatione remota compellant. Datum Laterani xij. Kal. Iunij, Pont N. Anno decimosexto.

illi scriptum est super hoc verbis competenter mutatis.

EPISTOLA LII.

VT REGEM PORTVGALLIÆ PRÆSTITA CAUTIONE
ABSOLVAT.

De Spina, & de Vrsaria Abbatibus Placentin... & Aurien. Dioces.



CCEPIMVS ex litteris vestris, Quòd cùm causam, quæ inter illustrem Regem Portugalliæ, ex parte vna, & Nobiles mulieres T. & S. sorores ipsius ex altera, super Castris Montis maioris, & Alanker, damnis & rebus alijs vertitur, sub certa forma vobis duxerimus committendam, vos ad locum debitum accedentes, cùm velletis ad Regis, & regni absolutionem procedere, didicistis Regis sorores proposuere per litteras scriptum Apostolicum vobis exhibitum falsitate suggesta, & veritate tacita impetratum, & ad hoc probandum locum securum, & competentem terminum postularunt. Vobis autem de prudentum virorum consilio diem, & locum congruum eis, & Regi volentibus assignare; Rex ex hoc asserens se grauari, cùm crederet se, ac Regnum suum præstito sacramento, quòd nostris pareret mandatis, ab excommunicationis, & interdicti sententijs sine dilatione absolui debere, petijt, & impetrauit à vobis, vt totum negotium ad nostram audientiam referretur. Constitutis itaque procuratoribus partium coram nobis, & auditis hinc inde propositis, vtrique parti volentes in sua iustitia providere; discretionem vestram per Apost. script. præcipiendo mandamus, quatenus accedentes ad locum, & recepto ab ipso Rege corporaliter iuramento, quòd super ijs, pro quibus excommunicatus existit, & terra eius supposita interdicto, nostris mandatis absolute parebit, excommunicationis, & interdicti sententias relaxetis, inter ipsum, & prædictas sorores ipsius trengarum fœdera statuentes, quæ iuramentis, & alijs idoneis cautionibus faciatis vtrinque firmari, & ad illa firmiter obseruanda eos per distinctionem Ecclesiasticam, sublato contradictionis, & appellationis obstaculo, compellatis: vt nec per se, nec per alios sibi inuicem nocere præsumant: ac deinde facientes vtrique parti de manifestis damnis, & iniurijs satisfieri competenter, super dubijs audiat, quæcumque duxerint proponenda: & nisi per vos inter eos amicalis poterit concordia reformari, causam sufficienter instructam ad nostrum remittatis examen, præfigentes partibus terminum competentem, quo nostro se conspectui repræsentent, mandatum Apostolicum recepturæ. Vos denique filij Abbates, &c. Datum Laterani xij. Kal. Iunij, Pont. N. Anno xvj.

VT LITTERARVM PER OBREPTIONEM IMPETRATOREM
OMNI BENEFICIO ABDICENT.

Abbati de Carraria Paduan. Dioces. & Archipresbytero Paduan.

MARTINI clerici, qui se olim pro Archipresbytero plebis de Sacco gerebat, pluribus nota malitia transire non debet inulta: quoniam latum pandit delinquentibus sinum, qui non condemnatur errata, & nutrit in peruersis impunitas audaciam delinquendi. Sufficisse quidem ei poterat ad infamiae suae notam; quod auctoritate Sedis Apostolicae per Venerabilem fratrem nostrum... Episcopum Ceneten. & suos coniudices ob falsitatis vitium, quod commiserat, officio beneficioque suspensus ipsius exigente contumacia vinculo fuit excommunicationis adstrictus. Sed sibi accumulans iram in die irae, procuratorem Venerabilis Fratris nostri Episcopi Paduani apud Sedem Apostolicam constitutum adeo circumuenit, quod eum ad eligendos iudices in quibusdam litteris, quas sub forma communi contra processum supradicti Ceneten. Episcopi, & suorum coniudicum de causa suspensionis & excommunicationis tacita veritate ad Venerabilem fratrem nostrum Episcopum Ciuitatis Nouae, ac collegas ipsius impetrarat, fraudulenter induxit. Qui, ut aliqua ipsius impetrationem litterarum illarum via pateret, interposuit personam extraneam, quae nomen representans ipsius M. videlicet super Ecclesia sancti Martini de Plebe, hoc additamento, scilicet de Sacco suppresso, ne per agnomen loci, eius impediretur propositum, litteras impetrauit. Intendens nihilominus, & non prudenter occasione istius clausulae, rebus alijs, quae nostris litteris inferi consuevit, sub quodam inuolucro super falsitatis vitio quaestionem suscitare sopitam: ac licet ei grauiter increpato mandauerimus viua voce, ut nullatenus ab Apostolica Sede recederet absque nostra licentia speciali; ipse tamen clanculo talibus litteris obtentis, immo potius obreptis aufugit. Ut autem nobis longas intelligat esse manus, qui absentes per contumaciam poena comprimimus, praesentes quos humiliatos aspicimus, releuantes; per Apostolica vobis scripta praecipiendo mandamus, quatenus dictum Martinum ab omni officio, & beneficio Ecclesiastico, sublato appellationis obstaculo, perpetuo deponatis. Non obstante clausula illa, videlicet, nullis litteris obstantibus, praeter assensum partium a Sede Apostolica impetratis, quae sicut accepimus litteris fuit insita supradictis. Nec obstantibus in posterum quibuslibet litteris, harum expressa mentione non habita, si quae quouis ingenio apparuerint impetratae. Tu denique fili Abbas, &c. Datum Lateran. xij. Kal. Iunij, Pont. N. Anno xvj.

EPISTOLA LIV.

VT SVO CONSANGVINEO PRÆBENDÆ FRVCTVS ASSIGNENT.

Electo, & Capitulo Laudun.

VM dilectus filius Leonardus, Nepos dilecti filij nostri Ioannis sanctę Marię in Cosmidin Diacon. Card. sanctę Romanę Ecclesię Cancellarij, Consanguineus noster prębendam in vestra noscatur Ecclesia obtinere: decuisset quidem, & forsitan expedisset, ut prouentus illius, pręfati Cancellarij & nostrę considerationis obtentu, non expectatis nostris super hoc precibus, aut mandato curassetis eidem offerre liberaliter, & conferre. Monemus igitur Vniuersitatem vestram at-
tensius, & rogamus per apost. scripta vobis pręcipiendo, mandantes, quatenus nullius prętextu consuetudinis obsistente, prouentus eosdem, tam perceptos hactenus, quàm pręcipiendos in posterum sibi, vel eius nuntio, sinè difficultate, vel diminutione qualibet assignetis. Preces Apostolicas & mandatum taliter implectuti, quod idem Cancellarius, qui sicut vestra discretio non ignorat, vobis, & Ecclesię vestrę potest esse plurimum fructuosus, ad eiusdem obsequia fortius animetur, & nos deuotionem vestram teneamur merito comendare. Tu denique fili Electę, &c. Datum Lateranij. Kal. Iunij Pont. N. Anno xvj.

EPISTOLA LV.

VT CORAM LEGATO DE IVRE FEVDI HEREDITARII DOCEAT.

Nobili viro, R. Pelet.

CCEDENS ad pręsentiam nostram nobis humiliter supplicasti, ut Comitatum Melgorij, quem ex successione Auiz tuz iure ad te asseris hereditario pertinere, tibi faceremus integrę assignari, sub annuo censu in feudum ab Ecclesia Romana tenendum. Verum quia super ijs fidem nobis facere nequiuisti, nobilitati tuz duximus respondendum: quòd cum Legatum de latere nostro proponamus ad partes illas in proximo destinare, tu ad pręsentiam eius accedens tuas coram eo rationes ostendas, & ipsi tibi faciat exhiberi iustitię complementum. Datum Lateran. x. Kal. Iunij Pont. N. Anno xvj.

EPISTOLA LVI.

VT EXCOMMVNICATIONIS SENTENTIAM RELAXET.

Archiepiscopo Remen.

XParte Nobilis viri Ducis Braßantię fuit nobis humiliter supplicatum: ut cum Venerabilis Frater noster ... Maguntinus Archiepiscopus Apostolicę Sedis Legatus ipsum contra Ecclesiām Ott. reprobo adhærentem excommunicationis vinculo iunodaret, & terram eius supposuerit interdicto, tam prędictas sententias, quàm eas quas pro damnis Venerabili Fratri nostro Leodien.

Ddd

Episcopo irrogatis, relaxari misericorditer faceremus: cum paratus existat super primo atticulo nostris obedire mandatis, & super secundo satisfactionem congruam prædicto Episcopo exhibere. Ad hæc ex parte ipsius fuit propositum coram nobis, quòd cum causam, quæ inter G. Clericum, & quosdam laicos Leodiens. Diocæs. super quadam terra noscitur agitari, Decan. sancti Ioannis in Burgo, & coniudicibus suis sine commissis debito terminandam. Orta discordia inter quosdam seruientes ipsius Ducis, & Clericum memoratum, vnus eorum eundem Clericum ausu temerario vsque sanguinis effusionem, & grauem læsionem oculi verberauit: propter quod præfati iudices indictum Ducem, licet absentem, & inscium huius facti, excommunicationis, & in terram eius interdicti sententias protulerunt; pro quibus relaxandis fuit nobis nihilominus supplicatum. Ideoque fraternitati tuæ per Apost. script. mand. quatenus memoratum Ducem moneas attentius, & inducas; vt sequela præfati Ott. penitus abiurata, se Catholicæ parti potenter, & patenter adiungens, super damnis, quæ irrogauit Episcopo antedicto, ei satisfaciatur competenter, vel componatur amicaliter cum eodem: quæ cum fuerint adimpleta, præfato Duci iuxta formam Ecclesiæ auctoritate nostra beneficium absolutionis impendas, & relaxes sententiam interdicti. Illum verò, qui verberauit clericum iamdictum tandiu appellatione remota, &c. Tu denique Frater Archiepiscopo, &c. Datum Laterani viij. Kal. Iunij Pont. N. Anno xvj.

EPISTOLA LVII.

VT AD CAUTELAM MAIOREM ET IURATOS LAUDUNENSES
ABSOLVANT.

Archidiacon. Præposito, & H. de Nouailla Canonico Ambianen.

DILECTO filio nostro P. sanctæ Mariz in Aquino Diac. Card. dilecto filio Guidoni Canonico Laudunen. procuratori Capituli, & Anselmo nuntio maioris, & Iuratorum Laudunen. audire concessio, pro parte Capituli fuit propositum coram eo, quòd cum Maior, & Iurati prædicti quendam hominem Ecclesiæ minus iuste cepissent, & eum monente Capitulo nec reddere, nec saltem recedere secundum approbatam consuetudinem Laudunen. Ecclesiæ voluissent; licet offerretur eisdem in omnibus iustitiæ complementum. Capitulum auctoritate ipsis ab Apostolica Sede concessa, per quam in molestatores eorum Ecclesiasticam possunt exercere censuram, in ipsos excommunicationis sententiam promulgarunt, quam dilectus filius Laudunen. Electus exigente iustitia confirmauit. Vnde petebat procurator iamdictus, vt sententiam faceremus eandem vsque ad satisfactionem condignam firmiter obseruari. Nunius autem aduersæ partis proposuit, quòd cum olim Maior, & Iurati, Scabini, & Vniuersitas, Communis Laudunen. transmissa nobis intimaerint quæstione; quòd per excommunicationem, & interdictum sine causa rationabili ab Electo. & Clero Laudunen. sæpius grauarentur, illis duximus inhibendum, ne in ipsos, seu terras, & familias eorundem sine rationabili causa excommunicationis, & interdicti sententias promulgarent, decernentes huiusmodi sententias, si quæ post

appellationem ad nos legitimè interpositam proferentur, penitus non teneat. Super hoc Venerabili Fratre nostro Atrebaten. Episcopo vique ad triennium eis conseruatore concessio. Vnde ad ipsum post prædictam sententiam habuere recursum. Sed licet fuisset coram ipso à partibus diutius disputatum, parte Capituli ad Sedem Apostolicam appellante, per eum, cum appellationi detulerit Maior, & iurati nequiverunt iustitiam obtinere. Vnde petebat nuntius supradictus per nos denunciari sententiam esse nullam. Intellectis igitur ijs, & alijs coram Card. præpositis memorato, discretionis vestræ per Apost. script. mandamus, quatenus à Maiore, ac iuratis prædictis super ijs, pro quibus est in eos lata sententia, sufficienti cautione recepta, sententiam ipsam secundum formam Ecclesiæ protinus relaxetis, & nisi sufficienter ostenderint infra tres menses eandem sententiam irrationabiliter fuisse prolatam, vos eos ad satisfaciendum Capitulo, sublato appellationis obstaculo, per censuram Ecclesiasticam compellatis. Audituri postmodum siquid fuerit quæstionis, & illud appellatione remota sine canonico decideri, facientes, quod decreueritis, distinctione similiter obseruari. Quod si non omnes ijs, &c. Duo vestrum, &c. Datum Laterani iij. Idus Iunii Pont. N. Anno xvj.

EPISTOLA LVIII.

ALEXANDRINIS MINATUR, NISI DEBITVM ECCLESIAE
CENSVM PERSOLVANT.

Capitulum Alexandrin.

RATIA quam Apostolica Sedes terræ vestræ ab ipsa sui fundatione noscitur impendisse, adeo est vobis, & alijs manifesta, vt noseam quam abundè opera protestantur, verbis nequaquam oporteat recensere. Verùm habitatores eiusdem, quos si etiam præcessorum nostrorum erga eos beneficia vniuersa cessarent, ea sola, quæ nos ipsis contulimus ad perpetuam Apostolicæ Sedis deuotionem, & nostram sufficienter poterant obligasse: omnino præteritorum ingrati, & improvidi futurorum, non solum debitum nobis censum, quem non nisi semel recepimus, subtraxerunt; Verùm etiam in nostram iniuriam, & contemptum Oton. reprobo adhaerentes, W. de Pusterula exigentibus culpis suis vinculo excommunicationis astrictum, & nihilominus super hæreseos crimine infamatum in Rectorem suum post inhibitionem auctoritate Apostolica sibi factam præsumperunt recipere, ac tenere: ijs & alijs modis reddentes nobis offensam pro gratia, & iniuriam pro honore. Non solum igitur providum, & rationabile factum Legatorum nostrorum debitam volumus firmitatem habere: verùm etiam super terram ipsam alias, si diutius in suæ presumptionis errore persistierint, aggrauabimustaliter manus nostras, quod sicut nos senserunt promptos ad gratiam, ita pronos sentient ad vindictam Apostolum vtrique imitantes, qui ad vlciscendam omnem inobedientiam promotus erat. Datum Lateran. ij. Non. Iunii Pont. N. Anno xvj.

VT PAUPERI DIACONO COMPETENS BENEFICIUM ASSIGNET.

Engolismen. Episcopo.

RAPPERIBVS Clericis Apostolicæ provisionis subsidium denegare nec possumus, nec debemus, qui secundum Apostolum ita sumus sapientibus, & insipientibus debitores. Hinc est, quod pro dilecto filio Magistro G. de sancto Sigismundo Engolismen. cui & vitæ meritum, & talentum scientiæ suffragari dicimus, fraternitatem tuam rogamus attentius & monemus per Apostolica tibi scripta mandantes, quatenus ob reuerentiam Apostolicæ Sedis, & nostram auctoritatem nostram eidem, qui à te fuit, prout asserit in Diac. ordinatus, vel in Ecclesia Engolismen. provideas, vel in alio Ecclesiastico beneficio competenti. Preces, & mandatum nostrum taliter auditurus, quod idem assecutum te gaudeat, quod intendit, & nos deuotionem tuam possimus non immerito commendare. Tu denique Frater Episcopo, &c. Datum Lateran. Idus Iunij Pont. N. Anno xvj.

Scriptum est super hoc Priori Sulbisen. Xantonen. Diac. & Penitentiario, & Magistro F. Canonico Xantonen. vt dictum Episcopum ad id moneant, & inducant. Quod si non omnes, &c. Duo vestrum, &c. Datum, vt supra.

EPISTOLA LX.

VT SVO NEPOTI FRUCTVS COLLATÆ PRÆBENDÆ CONSERVENT.

Decano, & Capitulo Eboracen.

RELICTIS recordationis Ioannæ sanctæ Mariæ in Cosmidin Diac. Card. sanctæ Romanæ Ecclesiæ Cancellario de medio Dño vocante sublato, præbendam quam idem in Eboracen. obtinebat Ecclesia, dilecto Filio Leonardo ipsius, ac nostro Nepoti duximus concedendam, ac de ipsa eundem manu propria curauimus inuestire; credentes, quod per ipsum, & suos multa vobis, & Ecclesiæ vestræ poterant commoda prouenire. Ideoque Vniuersitati vestræ per Apostolica scripta mandamus, atque præcipimus, quatenus dictum L. decetero vestrum Concanonicum habeatis, & tu Fili Decan. de ipsa præbenda eius Procurator existas. Quod autem super hoc dilectus Filius Pandolphus Subdiac. noster duxerit d sponendum, recipiatis humiliter, & inuolabiliter obseruetis. Datum Laterani xvij Kal. Iulij Pont. N. Anno xvj.

Illa scriptum est super hoc, vt super hoc ordinare procures, quod utilitati eiusdem L. viderit expedire.

In eundem modum scriptum est. Episcopo Apostolicæ Sedis Legato, & Capitulo Vercellen. felicis recordationis, &c. usque, sublato præbendam quam idem habebat in Ecclesia Vercellen. dilecto Filio Gregorio nato Nobilis viri L. de Monte longo Consobrini nostri duximus conc. credentes, &c. usque, prouenire. Ideoque mandamus, atque præcipimus, quatenus dictum G. decetero vestrum Concanonicum habeatis, & tu Frater Episcopo fructus eiusdem præbendæ ad opus

ipſus colligi facias, & ſeruari. Tu denique Frater Epifcope ſuper teipſo, &c.
Datum Laterani xvij. Kal. Iulij Pontificatus noſtri Anno xvj.

EPISTOLA LXI.

DECESSORVM PRIVILEGIA REFERT ET CONFIRMAT.

Abbati & Conuentui Nonantulan.

EXHIBITA nobis ex parte vestra quædam felices memorie
ADRIANI, IOANNIS atque MARINI, prædecesso-
rum nostrorum autentica scripta diligenter inspicimus, & per
dilectum Filium Henricum sanctæ Romanæ Ecclesiæ scintillarium
iussimus fideliter exemplari, qui ea quæ de ipsis scriptis Papyrijs
ex quadam parte præ nimia vetustate consumptis colligere potuit, in publicam
formam redigere procurauit: quibus nos Apostolici fauoris præsidium impen-
dentes in hac pagina fecimus sub bulla nostra conscribi, supplendo quædam
quæ secundum literarum circumstantias in integris præsumebantur originalibus
fuisse descripta: quæ causa discretionis mandauimus in hac charta tonsis literis
exari. In Nomine Domini nostri Iesu Christi, Amen. Anno Dominicæ In-
carnationis millesimo ducentesimo decimo tertio, Pontificatus vero Domini
INNOCENTII III. Papæ, anno eius sextodecimo, Indictione prima,
mensē Ianuarij exeunte die quartadecima. Priuilegium Domini Adriani Papæ
domibus, atque familijs, seruis, originalibus, similibusque rebus atque possessioni-
bus, nec non aquimolis oliuetis, vel quidquid. IN QVIBVS cumque locis
habere vel tenere videtur, vel si quid in potestate legaliter donatum, vel largi-
tum fuit, aut quolibet modo iuste eueniret; tenere & possidere sine quolibet
controuersia perpetuis temporibus valeat. Et nulli vniquam liceat, Regum,
Episcoporum, Ducum, vel Actorum parum vel magnæ personæ in prædicto
venerabili Monasterio, vel in eis quæ eidem venerabili Monasterio pertine-
re ST Abilitate permaneant. Inuidentes omni no EPISCO-
PO in cuius parochia esse videtur supradictum Monasterium CONSTI-
TVM contra tenorem præsentis decreti pia postulatione in-
dulti quidquam attentet, neque vlllo modo ejus baptismales Ecclesias sibi ven-
dicet. Neque ipsi suiue successores præsumant prohibi a contingere, sed ne-
que Mistrarum solemnia ibidem persolvere præSVMAT nisi ab Abbate su-
pascripti Monasterij fuerit inuitatus; neque ordinationem sacerdotum quili-
bet Episcoporum in PRÆfato Monasterio vel ejus in re celebrare
audeat nisi vt prædictum est ab Abbate fuerit inuitatus. Christma igitur vel
quidquid ad sacra ministeria pertinet, si à Patre Monasterij fuerit postularus à
quocumque præuiderit concedimus tribuenda. Sed neque decimas vsquam
dare concedimus, nisi Ecclesijs supradicti venerabilis Monasterij ad nostram
Diocesim pertinentis. Sed & hoc statuimus & inuolabili sanctione auctori-
tate Apostolica firmamus, vt nullus aliquando in prædicto Monasterio de alijs
Monachis seu quibuscumque Ecclesijs Abbas diuina
vocatione Abbas præfati Monasterij pertransierit, & resolutionis TEMPVS
aduenerit de propria semper cōgregatione eligatur Abbas qui ab omni

IOhannes Episcopus seruus seruorum Dei, Benedicto Religioso Abbati Monasterij sancti SILVESTRI DE NONANTULA, & in eodem venerabili Monasterio in perpetuo Saluatoris nostri Iesu Christi pertinere noscuntur, & ad stabilitatem Venerabilium locorum respiciunt cum magno solitudinis studio nos conuenit Apostolica & rationali censura PROCVrare, quatenus ex hoc iuges eidem propitiatori nostro Domino Deo efficacius persolui possint carminum laudes, & nobis qui licet immeriti diuina tamen gratia praeueniente pastoralis regiminis curam gerimus, opima in sidereis arcibus remunerationis praemia adscribantur. Igitur quia constat tuam nobis religiositatem detulisse praecceptum praedecessoris nostri Domini Adriani & Ioannis, siue Stephani reuerendae memoriae Pontificum de praefato Monasterio & omnibus & pertinentibus locis ac possessionibus quae petitis ut per nostri priuilegij paginam confirmaremus. Vnde nos precibus vestris inclinati, & a praesenti quarta decima Indictione in perpetuo praedictum Monasterium successorum tuorum Abbatum ditione, & potestate cum omnibus sibi pertinentibus confirmantes irrefragabili iure decernimus permanenda, id est Monasterium sancti Siluestri de Nonantula territorio MUTINENSI. Quapropter auctoritate Beati Petri Apostoli, cui a Domino Deo nostro caelorum regni clauis traditae sunt, & potestas ligandi, atque soluendi caelo terraeque tradita est promulgantes decernimus & firma stabilitate & censura statuimus ut ipsum venerabile Monasterium cum omnibus locis fundis, casis, casalibus, domibus atque familijs seruis originalibus, simulque rebus & possessionibus necnon aquis moles, oliuetis vel quidquid in quibuscumque locis habere vel tenere videatur, vel siquid in potestate legaliter donatum vel largitum fuerit, aut quolibet modo iuste euenerit, tenere & possidere sine qualibet controuersia perpetuis temporibus valeat. Et nulli umquam liceat Regum, Episcoporum, Ducum, vel actorum parum vel magnae personae in praedicto Monasterio, vel in eis quae eidem Monasterio PERTINERE noscuntur quocumque modo incumbere inuasionem facere, aut quispiam sacerdotum ibidem praesumat accedere, vel Missarum solemnias celebrare. Et neque Episcopus, neque Abbas, vel Comes, aut quilibet magna, paruaque persona in praefato Monasterio, vel in eius cellis aut Ecclesijs mansiones facere, aut expensas expetere, aut aliquod per potestatem seruitium praeter peregrini, & legitimi hospites. Sed neque colloquium quaecumque aut placitum in ipso Monasterio, aut in eius praenominatis locis esse quis audeat, nisi ab Abbate fuerit inuitatus. Quatenus hoc quod ad laudem Dei & stabilitatem praedicti Monasterij statuimus firma stabilitate permaneat. Interdicientes omnino Episcopo in cuius parochia esse videtur supra dictum Monasterium constitutum, ut nihil contra tenorem praesentis decreti pia postulatione indulti quidquam attentet, neque villo modo baptismales Ecclesias sibi vindicet; neque ipse, suiue successores praesumant prohibita contingere. Sed neque Missarum solemnias ibidem persolvere praesumat; nisi ab Abbate supra scripti Monasterij fuerit inuitatus: neque ordinationem sacerdotum quilibet Episcoporum in praefato Monasterio vel eius iure, aut de suo clero celebrare audeat, nisi ut praetatum est ab Abbate fuerit euocatus. Chrisma igitur vel quicquid ad sacra ministeria pertinet si a Patre Monasterij

fuerit postulatus quibuscumque preuiderit concedimus nisi Ecclesijs supradicti venerabilis Monasterij ad nostram Diocesim pertinentis. Sed & hoc statuimus & inuolabili sanctione Apostolica auctoritate firmamus, ut nullus aliquando in predicto Monasterio de alijs Monachis seu quibuscumque Ecclesijs esse presumat, neque à quacumque potestate in posterum duccantur. Sed cum diuina vocatione Abbas prefati Monasterij pertinuerit, & resolutionis tempus aduenerit de propria semper congregatione eligatur Abbas, qui ab omnium Monachorum eorum pro Dei amore arantium monachico ordine militantium. Nihilominus omnibus huic nostri Pontificij interdictione inhibemus aliquam scripturam vel confirmationem de predicti Monasterij rebus, vel de prænominata Abbacia quo ingenio contra hoc præceptum petere. Si qua scriptura vel petitio impetrata fuerit, aut in reliquo apparuerit, has irritas esse vacuasque omni robore iubemus. Si quis præterea quod non credimus præsumpserit hoc nostrum priuilegij constitutum in aliquo transgredi, aut contemnere sciat se auctoritate Beatorum Petri, & Pauli Apostolorum Principium, anathematis vinculo esse innodatum, & à regno Dei penitus segregatum. Porro qui obseruator & custos extiterit benedictionis gratiam à misericordissimo Deo nostro, & vitam perpetuam feliciter consequatur. Scriptum per manum Sergij sanctæ Romanæ Ecclesiæ Scriuarij in mense Ianuarij, Indictione superscripta. Bene Valete.

Ego Sergius Idus Ianuarias per manum Anastasij Primicerij defensoris sanctæ Sedis Apostolicæ, anno Deo propitio, Pontificatus Domini Ioannis summi Pontificis & Vniuersalis noni Papæ in sacratissima Sede Beati Petri Apostoli secundo, Indictione secunda.

Marius Episcopus seruus seruorum Dei, Theodorico Religioso Abbati Venerabilis Monasterij sancti Siluestri territorio Mutinensi necnon omnibus subiacentibus & in perpetuo quæque ad laudem Redemptoris Dei, & Dñi Saluatoris nostri Iesu Christi pertinere noscuntur, & ad stabilitatem Venerabilium locorum respiciunt cum magno sollicitudinis studio nos conuenit Apostolica, & rationali censura procurare, quatenus ex hoc iuges eidem propitiatori nostro Domino Deo efficacius persolui carminum laudes, & nobis qui licet immeriti, diuina tamen gratia præueniente pastorem regiminis curam gerimus, opima in fideis arcibus remunerationis præmia ascribantur. Igitur quia constat religiositatem tuam nobis derulisse præceptum prædecessoris nostri Domini Adriani & Ioannis, reuerendæ memoriæ Pontificum, de predicto Monasterio, & omnibus ei pertinentibus locis ac possessionibus, quæ petistis ut per nostri Apostolici priuilegij paginam confirmaremus. Vnde nos precibus vestris inclinati, & à præsentī prima Indictione in perpetuum, sæpeditum Monasterium successorum tuorum Abbatum ditione & potestate cum omnibus sibi pertinentibus confirmantes irrefragabili iure decernimus permanenda: id est Monasterium sancti Siluestri quod a Nonantula territorio Mutinensi. Quapropter auctoritate beati Petri Apostoli, cui à Domino Deo nostro exlorum regni clauis traditæ sunt & potestas ligandi, atque soluendi ex tō, terræ que concessa est promulgantes decernimus, & firma stabilitatis censura statuimus, ut ipsum venerabile Monasterium, cum omnibus locis,

manſis, fundis, caſis, caſalibus, domibus atque familijs, ſeruis originalibus, ſimulque rebus & poſſeſſionibus, necnon aquis molis, oliuetis, vel quidquid quibuſcumque videtur vel poteſtate legaliter donatum vel largitum fuerit, aut quolibet modo iuſtè euenerit tenere, & poſſidere ſine quolibet cõtrouerſia perpetuis temporibus valeat. Et nulli umquã liceat Regnum Epiſcoporum vel aſtorum parauz vel magnz perſonæ in prædicto venerabili Monafterio, vel in eis quæ eidem venerabili Monafterio pertinere videntur quocumque modo incumbere, aut inuaſionem facere accedere vel Miſſarum ſolemnia celebrare, niſi ab Abbate fuerit inuitatus, quatenus hoc quod ad laudem & ſtabilitatem ſupradicti ſancti Monafterij ſtatuiſmus firma ſtabilitate permaneat. Interdicientes omnino Epiſcopo in cuius parochia eſſe videtur ſupradictum Monafterium conſtitutum, vt nihil contra tenorem præſentis decreti pia poſtulatione indulti, quidquam attentet, ſed neque vllõ modo baptiſmales Eccleſias ſibi vindicet. Et ego Henricus ſacroſanctæ Romanæ Eccleſiæ Scriniarius, vnà cum Bartholomæo Clerico ſancti Petri ad Vincula horum ſupradictorum exemplorum autentica priuilegia Dominorum videlicet Adriani, Ioannis, atque Marini Papæ videns & perlegens, vt in eis continebatur, ſic in ſupra ſcriptis continetur exemplis, & ea fideliter exemplauim, & ſignum feci. Nulli ergo omnino hominum liceat hanc paginam noſtræ conſcriptionis infringere, vel ei auſu temerario contraire. Si quis autem, &c. uſque, incurſurum. Datum Laterani Idib. Iunij. Pontificatus noſtri, anno ſextodecimo.

EPISTOLA LXII.

VT CONTROVERSIAM SVPER DECIMIS DIRIMANT.

Vuaradien, & Nitrien. Epiſcopis, & Abbati de Egris Cenadien. Diae.

EX veſtris accepimus literis quòd cum cauſam, quæ inter venerabilem Fratrem noſtrum Veſprinien. Epiſcopum ex parte vna, & dilectos Filios Strigonien. Capitulum ex altera, ſuper quatuordecimis vinearum poſitarum iuxta ſtrigonium vertitur, experientiz veſtræ ſub certa forma duxerimus committendam: vos in ipſo negotio propter quaſdam exceptiones aduerſus eundem Epiſcopum ex parte Capituli propoſitas coram vobis, quas ſub veſtris ſigillis ad noſtrum tranſmiſiſtis examen, & nos ſub bulla noſtra vobis remittimus intercluſas, procedere diſtuliſtis. Volentes igitur, vt ſinis litibus imponatur, vobis per apoſtolica ſcripta præcipiendo mandamus, quatenus nonobſtantibus exceptionibus ſupradictis, in cauſa ipſa iuxta prioris mandati noſtri tenorem ratione præuia procedatis, recipientes teſtes, & alias probationes Epiſcopi, quibus vnivoluerit. Cum per narrationem eiſdem Epiſcopi, & reſponſionem Capituli aſſerentis bonæ memoriæ K. prædeceſſorem Epiſcopi ſæpèdicti à quaſtione, quam ſuper eiſdem decimis coram bonæ memoriæ I. Strigonien. Archiepiſcopo aduerſus idem Capitulum mouerat, cum decimas illas ſui iuris non eſſe recognoſceret, humiliter deſtiſſe ſis intelligi debeat conſeſſata. Siquid autem prætextu decimarum ipſarum Venerabilis Frater noſter Strigonien. Archiepiſcopus contra ipſum Epiſcopum proponere fortè voluerit, audiat, & auditis hinc inde pro-

poſitis, cauſam ſi de partium proceſſerit voluntate ſine canonico terminetis. Alioquin eam ſufficienter inſtructam ad noſtram audientiam remittatis, præſi-
geates partibus terminum competentem, quo per ſe, vel procuratores idoneos
noſtro ſe conſpectui repræſentent iuſtam, dante Domino, ſententiam recepta-
re. Vos denique Fratres Epifcopi, & Fili Abbas ſuper vobis iſtis, &c. Datum
Laterani vij. Kal. Iunij. Pont. noſtri, Anno ſextodecimo.

EPISTOLA LXIII.

AB ORDINVM COLLATIONE ARCHIEP. VISVNTINVM SVSPENDIT,
ET PVRGATIONEM CANONICAM INDICIT.

Epifcopo Lingonen. & Abbati Morimund. Lingonen. Diœc.



VEDITIS & intellectis, quæ ſuper inquisitione facta contra Ve-
nerabilem F. N. Archiepiſcopum Biſuntin. fuere propoſita co-
ram nobis: quia per depoſitiones teſtium conſtitit euidenter,
ipſum clericos, cum eos promouebat ad Ordines, ſec. ſe pro-
mittere data fide, quòd cum per Sedem Apoſtolicam vel per
alium ſuper obtinendo beneficio non vexarent: vt puniatur in quo deliquit,
eundem à collatione Ordinum duximus ſuſpendendum, & quamdiu nobis pla-
cuerit, volumus manere ſuſpenſum. Interim autem per aliquem ſe ſuffraganeis
Eccleſiæ Biſuntin. cum neceſſitas poſtulauit clericis Biſuntin. Diœc. ordines
conferri mandamus. Cæterum quoniam iſdem Archiepiſcopus ſuper vicio Si-
moniz, ac lapſu carnis, necnon venditione iuſtitiz dignoſcitur infamatus; ſu-
per iſſe ei purgationem cum tertia manu Epifcoporum iux provincie, vel etiam
vicinarum, & trium Abbatum Biſuntin. Diœc. bonæ opinionis, & viræ, qui
côuerſationem eius cognouerint indicentes, diſcretionis veſtræ per apoſt. ſcript.
mandamus, quatenus ab eo infra tres meſes præfixos à nobis huiusmodi pur-
gatione recepta, ipſum ſuper illis articulis boni teſtimonij publicè nuntietis.
Quòd ſi forte in purgatione defecerit, ipſum à paſtorali regimine amouentes,
faciatis Eccleſiæ Biſuntin. de perſona idonea prouideri. Vos denique Frater
Epifcope, & Fili Abbas, &c. Datum Lateran. iv. Kal. Iunij. Pont. N. Anno xvj.

EPISTOLA LXIV.

VT DE PRIMATIA AQUITANIÆ CONTROVERSIAM AVDEAT

Abbati ſancti Florentij Salmurien.



CONSTITVTVS in præſentia noſtra Venerabilis F. N. Burdegalen-
Archiepiſcopus nobis humiliter ſupplicauit, quòd cum Venerabilis
Frater noſter Bituricen. Archiepiſcopus in provincia ſua ius prima-
tiæ ad ſe aſſerat pertinere, ſuper hoc cauſam inter eos committere
dignaremur. Quocirca diſcretionis tuæ per apoſt. ſcript. mandamus, quatenus
duobus viris prouidis, & honeſtis, quorum vnus à parte vna, reliquis verò ab
altera tibi præſentetur, aſſumptis, cauſam ſuper hoc audias cum eiſdem, & vſ-
que ad definitiuæ ſententiæ calculum procedens in ipſam, eandem ad nos re-
mittas ſufficienter inſtructam, præfixo partibus termino competenti, quo per

se, vel procuratores idoneos nostro se conspectui repræsentent, iustam, auctore Domino, sententiam receperunt. Tu denique Fili Abbas, &c. Datum Lateranij Idus Iunij, Pont. N. Anno xvj.

EPISTOLA LXV.

SENTENTIAM SUSPENSIONIS IN ARCHIEP. BURDEGALENSEM
LATAM RELAXAT.

Episcopis per Burdegalen. provinciam constitutis.



CVM olim Venerabilis F. N. Bituricen. Archiepiscopus auctoritate primatiz, quam in provincia vestra sibi assensu pettinere, Venerabilem Fratrem nostrum Burdegalem. Archiepiscopum à Metropolitice dignitatis officio suspendisset, pro eo quòd ad suum vocatus Concilium accedere non curauit, nec pro se aliquem responsalem idoneum destinare: ac super huiusmodi suspensionis sententia fuisse inter eundem Bituricen. & dilectum Filium Magistrum Amaneum procuratorem ipsius Burdegalen. Archiepiscopi, coram nobis diutius disputatum, tandem de fratrum nostrorum consilio sententiam ipsam ratam habuimus, & usque ad satisfactionem idoneam præcepimus obseruari: hoc ad cautelam expresso, quòd lis coram nobis, non de primatia, sed de sententia exiit ventilata. Postmodum verò credentes ad satisfactionem sufficere competentem pro prædicta sententia relaxanda, vt memoratus Burdegalen. Archiepiscopus per se ipsum, aut alium virum idoneum ad præsentiam dicti Bituricen. accederet, relaxationem eiusdem sententiæ humiliter petiturus, & promissurus firmiter sub iuramento, si necesse foret, testimonio literarum, quòd ad eius Concilium vocatus accederet, facturum quod foret faciendum de iure; per literas nostras ipsi Bituricen. dedisse meminimus in præceptis, vt cum à Burdegalen. prædicto foret taliter requisitus, prædictam non differret sententiam relaxare, nullam penam inflicurus eidem, si forte dictam sententiam non seruaret, antequàm per nos declaratum fuisset, an esset eadem obseruanda. Venerabili F. N. Turonen. Archiepiscopo; & coniudicibus suis per scripta nostra mandantes, vt Bituricen. iamdicto in mandati nostri executione cessante, ipsi sæpèdictam sententiam relaxarent, absque præiudicio iuris sui. Nuper autem idem Burdegalen. Archiepiscopus ad præsentiam nostram accedens proposuit coram nobis, quòd de huiusmodi confirmatione sententiæ nihil vnquam per literas ipsius Bituricen. aut nuntium sibi fuerat intimatum: propter quod ipsam petijt à nobis humiliter relaxari. Nos igitur volentes vtrique paterna sollicitudine providere, sententiam relaxamus memoratam, firmam promissionem recipientes à Burdegalen. prædicto, quòd vocatus accederet ad ipsius Bituricen. Concilium, facturus quod de iure fuerit faciendum. Vos denique Fratres Episcopi super vobis ipsis, &c. Datum Laterani viij. Idus Iunij, Pont. N. Anno xvj.

EPISTOLA LXVI

SVPER NOVA DIOCESEOS INSTITVENDÆ NECESSITATE
POSTVLAT EDOCERI

Abbati de mellio Patauien. Diaec. & Proposito sanctæ Crucis Augsten.



BLATA nobis ex parte Venerabilis Fratris nostri Salzburgen. Archiepiscopi petitio continebat: quòd infra fines parochie sue in Insula, quæ Chiëse vocatur, duo sunt Monasteria cõstituta, quorum vnum Moniales inhabitant, aliud verò Canonici regulares. Verùm Moniales abiecto pænè penitus iugo modestiæ regularis, sine frzno pudoris, & verecundiæ obice euagantur per campos licentiz dissoluti: ac sic se moribus exposuere carnalibus, quòd locus, in quo habitant, dici potest Lupanar potius, quàm oratorium ab effectu. Dicitur autem Archiepiscopus ad expurgandam tantam labem volens extendere manus suas, vt eisdem Moniales diuisi per alia religiosa Cœnobia fortè proficiant, quæ in suo Collegio meritò deficiunt, & exemplo, mutuo contagio corruptelæ, proposuit, quòd ipsi per alia loca, in quibus religio floreat collocatis, Cathedram ibi Pontificalem instituat, & bonis ipsius Monasterij cum possessionibus, quas ipse proponit sufficienter adijcere, ad mensam futuri Episcopi deputatis, illuc Canonicos alterius monasterij transferat: Cùm ibi fuerit Ecclesia Cathedralis, facultatibus, quas nunc possident, ad eorum sustentationem integrè conseruatus. Causas autem huius sui propositi allegabat: zelum religionis quam in altero prædictorum Monasteriorum assererat penitus dissolutam, & vtilitatis euidentiam, quæ in partibus illis hiemali maxime tempore impeditur. Cum enim eius provincia sit longè latèque diffusa, frequenter ijs, quæ limam correctionis exposcunt, visitationis, & reformationis officium nequit impendere competenter: Cùm propter hiemalis asperitatis obstaculum, & propter annorũ defectum, locum ipsum multotiens adire non possit, & ibidem prout vultas exigit immorari. Ne igitur locus prædictus visitationis officio, & Sacramentis Ecclesiasticis per Episcopum conferendis plus debito defraudetur, Idem Archiepiscopus supplicauit, vt eius proposito dignaremur fauoris apostolici præsidium impartiri. Quia verò in talibus sine deliberatione prouida procedere non debemus, discretionis vestræ per apostolica scripta mandamus, quatenus inquiratis sollicitè veritatem de lapsu Monasterij supradicti, & vtum ordo Monialium ibi valeat reformari: & si Moniales aliquas defensiones ostendunt, quantumque ad opus Episcopalis mensæ bonis eiusdem monasterij de suis facultatibus velit adijcere Archiepiscopus memoratus: & si Canonici supradicti negotio isti suum impartiantur assensum: & si non quam causam contradictionis allegent, qualem, & quantam partem de Diocesi sua conferre disponat ad Episcopalem Diocesim faciendam. Si expressus consensus Capituli Salzburgen. cum voluntate Archiepiscopi conueniat in hoc facto, & si etiam in electione futuri Episcopi sibi velit Archiepiscopus ius aliquid vendicare, priuilegia quoque vtriusque Monasterij transcribi fideliter faciat: super ijs, & alijs circumstantijs, quod inuenietis nobis prudenter, & veraciter rescribentes, vt

super hoc prout expedire viderimus, procedamus. Tu denique Fili Abbas, &c.
Datum Lateran xij. Iulij, Pont. N. Anno xvj.

EPISTOLA LXVII.

SENTENTIAM A SE LATAM RATAM ESSE IYBET

Præposito, & Fratribus Montis Iouis.

RATAM dudum inter vos ex parte vna, & ... Abbatem, & Conuentum sancti Secani Lingonen. Diocesis super domo Vallis Suisionis ex altera, quæstionem Venerabili Fratri nostro Senonen. Archiepiscopo duximus committendam. Cum igitur idem causam remisisset ad nos sufficienter instructam, te Fili Præpositæ, ac ... procuratore partis alterius propter hoc in nostra præsentia constitutis, eandem examinauimus diligenter, & tam actis coram dicto Archiepiscopo, quam ijs quæ coram nobis fuere præposita plenius intellectis, de fratrum nostrorum consilio domum vobis sententialiter ad iudicauimus supradictam. Nulli ergo omnino hominum liceat hanc paginam nostræ definitionis infringere, vel ei ausu temerario contraire. Siquis autem hoc, &c. *vsque*, incursurum. Datum Laterani xij. Kal. Iulij, Pont. N. Anno sextodecimo.

EPISTOLA LXVIII.

PERMUTATIONIS PACTVM CONFIRMAT.

Præposito, & Capitulo Gurcen.

VM à nobis petitur, &c. *vsque*, perducatur effectum. Ea propter dilecti in Domino Filij, &c. *vsque*, assensu. Concambium inter vos ex parte vna, & bonæ memoriæ Romanum Gurcen. Episcopum, & Nobilem, virum Poponem de Vualdehe ex altera, super quodam Castro, & rebus alijs celebratum, prout continetur in authentico scripto eiusdem Episcopi sigilli munimine roborato cuius tenorem de verbo ad verbum præsentibus iussimus literis annotari, auctoritate Apostolica confirmamus, & præsentis scripti patrocinio communimus. Tenor autem scripti prædicti talis existit: In Nomine Sanctæ, & Indiuiduæ Trinitatis. Amen. Ego Romanus sanctæ Gurcen. Ecclesiæ humilis Episcopus humane pia facta conditionis dum in certis casibus rapiantur, ne cum obeuntibus pereant, scriptis digne annotantur: Vnde omnino oportum esse cupimus, qualiter Fratres nostri præfate Ecclesiæ Canonici super popone de Vualdehe ministeriali Ecclesiæ ob damnosam violentiam, quam ipsis in bonis eorum præfato Castro adiacentibus, sicut & nobis in nostris intulit, flebilem querimoniam multoties nobis deferentes, aliquod pacis suffragium sibi disponi rogauerunt. Nos verò tanquam pastor ouium, qualiscumque dispensator ab incurso tali obsecrando, increpando, arguendo, ipsum Poponem mitigauimus, donec tandem conscientia dilecti sui compunctus, ipsum Castrum cum bonis adiacentibus in aliquod placabile concambium sedaturum eis asseruit. Hoc audito fratres præfati tali consilio cum illo coram nobis sunt coadunati; ut quodcumque de commutatione

commutatione vtrorum libet disponderemus, vtrique pars consentiret. Hoc vtrumque confirmato prædictus Popo Calttum, cum decem noualibus, necnon & incurris quibusdam infra hos terminos, via qua itit in Hylamibus, & vltta Castrum vsque in cacumen montis, vbi adiacet prædium Rodolphi de A'bekke, deinde in vertice montis contra Vlariz, & ex altera parte montis Zobodin, qui infra terminos est vsque in vallem, quoniam ijs infeudatus erat ab Ecclesiâ; veres gesta seriatim procederet, nobis primùm resignauit, hac conditione, vt ea fratribus nostris contraderemus, & executionem promissi eorum illis similiter exigeremus. Quod & factum est. Dederunt enim ei duos mansos apud Meterekke, duos in Griuineralbe, duos in Vřezenuelr, & septem marchas, quadraginta modios frumeti, centum vinas brazzij, vndecim porcos, ducentos caseos. Præterea Fratres prædicti conscientiam nostram de institutione Pontificalis sedis commonentes, rogauerunt vt iustitiam quam à ptima institutione in nemore Vvispriach, per hos terminos à nemote Modetic, vsque in locum, quo diuiditur ipsum nemus à nemotibus Moteniz, & Fuziris pertinentibus obinuerant scilicet hanc, nullum custodem sine cōsensu eorum ibi fore instituendum: vel si consentirent, custodem quoque suum cum custode Episcopi simul iniungendum, & ius foretti æquè illis diuidendum, successoribus nostris in hac præsentii pagina notificaremus: & tam ea, quàm prædicta impressione sigilli nostri certificaremus. Huius rei testes sunt Sanson, Doringus, Fratres. Rodolphus de Douensperch, Ernestus de Pilstam, Hermannus de Vvolchenburch, Engelbertus, & filij eius Purcardus, primo Henricus, Engelsus, Nudungus, Eglolfus, Vvalterus, Vvalfridus & filius eius, Engelbertus. Purcardus, Franco, & filij eius, Marthvvardus, Vvalchinus Firtel, & fratres eius, Rainbalin, Pertholdus, Seuus, Siboto de Sidinge, & alij quàm plures. Nulli ergo omnino hominum liceat hanc paginam nostræ confirmationis infringere, vel ei ausu temerario cōtrairere. Siquis autem, &c. vsque, incursum. Datum Laterani xv. Kal. Iulij, Pont. N. anno xvj.

EPISTOLA LXIX.

VT IUXTA MANDATVM APOSTOLICVM IN PRÆBENDÆ
POSSESSIONE PRIMVM POSSESSOREM TVEANTVR.

*C. Episcopo quondam Haluerstaden. & Abbati de Sicheu, & Præposito
de Hilteburgeroden. Haluerstaden. Diœc.*



ACCEDENS olim ad præsentiam nostram dilectus Filius Brun. Frideslerien. Canonicus nobis humiliter intimauit: quòd cum in Ecclesia Frideslerien. præbendam, quam auctoritate Apostolicæ Sedis fuerat assecutus, per octo annos & ampliùs pacificè possideret, Venerabilis F. N. Maguntia. archiepiscopus apostolicæ Sedis Legatus ad instantiam R. Præbyteri causam quæ super dicta præbenda inrer eos fuerat auctoritate apostolica iudiciali calculo terminata, G. Præposito, & A. Scholastico Frideslerien. delegauit à quibus, tñm quia ipsos habebat certa ratione suspectos; tum quia causa, vt dictum est auctoritate apostolicæ Sedis fuerat terminata, nostram duxit audientiam appellandum. Sed idem iudices

Ecc

ipsius exceptionibus, & appellatione conemptis, dictum R. in præbendam ipsam intendere præsumpserunt. Vnde nos ad supplicationem Canonici memorati præfato Archiepiscopo dedimus in mandatis, ut prædicta corrigeret per seipsum: Nihilominus Abbati de Valle sancti Georgij, & suis consuevicibus per scripta nostra mandantes, ut ipso in mandati nostri executione cessante, ipsi amore à dicta præbenda quolibet illicito detentore, præfatum B. facerent eiusdem pacifica possessione gaudere. Verùm, sicut idem in nostra proposuit præsentia constitutus, dictus Archiepiscopus non solum prædicta iuxta mandatum nostrum corrigere non curauit; quinimò cum dictus R. carnis debitum exsoluisset, idem Archiepiscopus Ecclesie præfate Capitulo suis dedit literis in mandatis, ut Henricus clericum suum ad præbendam reciperet sæpè dictam propter quod iam dictus Canonicus coactus est rursus ad nostram præsentiam laborare. Nos igitur laboribus compatiens eiusdem, irritum prius decernimus, & inane, siquid de præbenda ipsa in præiudicium suum extitit post mandatum huiusmodi attentatum, per Apostolica vobis scripta præcipiendo mandantes, quatenus eundem B. faciatis auctoritate nostra præbendam ipsam pacifice possidere: fructus quoque medio tempore perceptos ex ipsa ei, sicut iustum fuerit, per censuram Ecclesiasticam restitui faciatis. Contradictores, siqui fuerint, per censuram eandem sublato appellationis obstaculo comescuentes. Quod si non omnes ijs exequendis porueritis interesse, duo vestrum nihilominus exequantur. Datum Lateran. ij. Idus Iunij, Pont. N. Anno xvj.

EPISTOLA LXX.

VT AMOTO HILDESEMENSI EPISCOPO, ALIUM IDONEUM
ELIGENDUM CVRENT.

Abbati de Pignauia Mersburgen. Diac. & Prapósito Magdeburgen.



Si utile ac sincerum membrum Ecclesie dictus Hildesemen. Episcopus extirpisset, & voluisset prudenter aduertere, quòd præcisus ab arbore ramus beneficium radice amittit: non solum indeuium excommunicari, & reprobi non declinasset Ottonis, sed adhuc in vnitate, ac deuotione fideliter Ecclesie Romanæ persisteret, quæ disponente Domino Mater est omnium fidelium, & Magistra. Verùm cum aduersus eandem calcaneum præsumptuosus crexerit; non intelligens, quòd bestia si montem retigerit, lapidabitur: & durum est contra stimulum calcitrare, nec se Magistrum per opera exhibet, nec discipulum recognoscit. Et quidem si vitium ingratitude in eo beneficiorum nostrorum non aboleuisset memoriam, licet timorem amiserit, fortè reuerentiam conseruasset. Sed vtrumque, sicut perpendimus, amisisse dignoscitur. Cum nec timoris indicia, nec alicuius deuotionis scintilla remansisse videatur in ipso. Pro sua enim rebellionē, ac inobedientia, sicut accepimus, primò suspensus, ac deinde vinculo excommunicationis alstrictus, contra nobiles viros Lantrauium Turingie & Albertum Comitem de Henesten deuotos, & fideles Ecclesie per suos cum exercitu, ac si hoc deceret Episcopum, insurrexit: & non sine ridiculo, qui de pastoribus habebatur, Lupum inducebat in oues, quas Petri concludebat

ouile, dum eo impugnante per suos pro excommunicato prædicto terras Nobilium præfatorum, multi fuerint interempti pro Ecclesiæ liberrate, quam ancillare assistendo tyranno talis Episcopus nirebatur. Er quasi hæc non sufficissent ad iniuriam, & offensam, non sine contempnū Sedis Apostolicæ ad curiam Ottonis accessit, in iudicijs, & alijs Episcopus excommunicato communicans, quem laicorum pars potior euitabat. Vt autem Romanam Ecclesiam factus hostis agnoscat, quam spreuit qui videbatur amicus & culpam in pœnis intelligat, qui beneficia non agnouit. Cum etiam tanto tempore non sine graria expectatus, pro tantis excessibus nec vnum curauerit nuntium ad Sedem Apostolicam destinare, discretionis vestræ per Apost. script. mand. quatenus inquisita plenius veritate, si vobis constiterit de præmissis, aut alijs quæ ad eius amorionem sufficiant, auctoritate nostra ipsum à regimine Hildesheim. Ecclesiæ perpetuò amouentes, faciatis eidem Ecclesiæ de persona idonea, & Ecclesiæ Romanæ plenè deuota, sublato cuiuslibet contradictionis, & appellationis obstaculo, per electionem Canonicam provideri. Contradiçtores per censuram Ecclesiasticam appellatione postposita compescentes. Tu denique fili Abbas super reipso, &c. Datum Laterani vj. Idus Iunij Pontificatus nostri Anno xvj.

EPISTOLA LXXI.

IDEM IN HALBERSTATENSEM STATUITUR.

Eisdem Iudicijs vt supra.

I vtile ac sincerum membrum Ecclesiæ... dictus Halberstaten. Episcopus extitisset, &c. vt supra. In eundem modum, vsque scintilla remansisse videatur in ipso. Pro sua enim inobedientia, & rebellione, sicut accepimus, primò suspensus, ac deinde vinculo excommunicationis astrictus publicè diuina præsumpsit officia celebrare, Oleum sacrum, & Chrisma conficiens, aliaque sacramenta Ecclesiæ temerarius administrans. Er quasi hæc non sufficissent ad iniuriam, & offensam, non sine contempnū Sedis Apostolicæ ad curiam Otton. accessit in iudicijs, & alijs Episcopus excommunicato communicans, quem laicorum pars potior euitabat. Cum eodem etiam Ottone contra Nobilem virum Lantcranium Turingiæ deuotum, & fidelem Ecclesiæ intrepidus cum exercitu, ac si hoc deceret Episcopum, insurrexit: & non sine ridiculo, qui de pastoribus habebatur, Lupum inducebat in oues, quas Petri concludebat ouile, dum eo impugnante cum excommunicato prædicto Castrum, quod Vvrcen. vocatur, & terram Nobilis memorati multi fuerint interempti pro Ecclesiæ liberrate, quam ancillare assistendo tyranno talis Episcopus nirebatur, vt autem Romanam Ecclesiam factus hostis agnoscat, &c. vt supra, vsque, in finem. Datum Laterani vij. Idus Iunij, Pont. N. Anno xvj.

EPISTOLA LXXII.

SVPER ECCLESIIS INTER EPISCOPVM CLAROMONTANVM
ET CAPITVLVM BRIVATENSE CONTROVERSIIS
PRONVNCIAT.

Præfatio & Capitulo Briuaten.



Vm olim causam, quæ inter vos ex parte vna, & Venerabilem Fratrem nostrum... Claromonten. Episcopum, ex altera, super Ecclesijs villæ Briuaten. & S. Ferreoli, & S. Germani, & de Baiassa, & de Brassac, & de Paulac, & de Bellomonte, quas idem ad le Diocæsana lege spectare dicebat, & vos ea legitimè præscriptis, Catæ Dei, Bellæ Aquæ, ac Nouem Fontium Abbatibus sub certa forma duxerimus cõmittendâ. Iudices ipsi receptis retribus, & attestacionibus publicis, causam ipsam sufficiens instruatam ad nostram audientiam remiserunt. Nos igitur auditis, & intellectis quæ à vestris, & partis alterius procuratoribus fuere proposita coram nobis; quia super Ecclesijs villæ Briuaten. & sancti Ferreoli, & de præscriptione legitima docuistis, vos quo ad illas ab impetitione ipsius duximus sententialiter absoluendos, eidem Episcopo super illis perpetuum silentium imponentes. In Ecclesijs autem sancti Germani de Baiassa, de Brassac, & de Paulac, & de Bellomonte, quia in probatione præscriptionis canonicæ defecistis: cum intentio paris alterius sit eo ipso de cõmuni iure fundata, quod eadem Ecclesiæ infra limires Claromonten. Diocæsif concluduntur, super illis ius Episcopale adiudicauimus Episcopo memorato, vobis in eis, quoad ius Episcopale perpetuum silentium imponentes. Nulli ergo omnino hominum liceat hanc paginam nostræ diffinitionis infringere, vel ei ausu temerario contraire. Siquis autem hoc, &c. *vsque*, incursum. Datum Laterani xij. Kal Iulij, Pontificatus nostri Anno xvj.

EPISTOLA LXXIII.

CAPITVLVM BRIVATENSE, OMNESQVE EIVS ECCLESIAS AD
IVS ET PROPRIETATEM B. PETRI REVOCAT.

Præfatio, & Capitulo Ecclesiæ sancti Iuliani Briuaten. tam presentibus quam futuris in perpetuum.



T si debito pastoralis officij pro vniuersarum Ecclesiarum statu saragere compellamur, illis tamen, quæ apostolicæ Sedi specialius adhærere noscuntur, studiosius nos conuenit providere. Ea propter dilecti in Domino filij vestris iustis postulationibus benignè duximus annuendū & præfatam Ecclesiam sancti Iuliani, quæ ad Apostolicam Sedem nullo mediante noscitur pertinere, ad exemplar felcis recordationis Calisti Papæ prædecessoris nostri sub Beati Petri, & nostra protectione suscipimus, & præsentis scripti privilegio communimus. Statuentes, vt quascumque possessiones, &c. *vsque*, duximus exprimenda vocabulis. Ecclesias villæ Briuaten. & sancti Ferreoli cum parochijs suis, super quibus vos

ab omni impetitione Diœcesani Episcopi sententialiter iudicauimus absolutos. Abbatiam sancti Germani de Hebron, Abbatiam sancti Marcellini de Cantogila, Abbatiam sanctæ Mariæ de Pebrac, Abbatiam sancti Iuliani Turonen, Ecclesiam de Btallac, Ecclesiam de Valle cum decima, Ecclesiam de Solmiac cum decima, Ecclesiam de Spelenco cum decima, villam Tarazas, Ecclesiam de Faueroles cum decima, Ecclesiam de Soletto cum decima, Ecclesiam de Cultus cum decima, Ecclesiam de Bello-monte cum decima, Ecclesiam de Fontibus. Porro Ecclesiæ, ac prædia, quæ Præpositum, aut aliarum Ecclesiasticarum personarum temeritatem, vel per laicorum violentiam sunt distracta, ad ius, & proprietatem ipsius Ecclesiæ reuocentur, & sine contradictione alicuius personæ illibata in posterum conseruentur. Statuimus etiam, vt nullus infra terminos parochiarum vestrarum donum religiosam, vel Capellam, aut Oratorium sine assensu vestro ædificare præsumat, saluis priuilegijs Pontificum Romanorum. Sanè vt eadem Ecclesia libera semper, & quæta permaneat, omnem prorsus Episcopum aliquam in ea ditionem habere, præter Romanum Pontificem prohibemus. Chrisma quoque, oleum sanctum, consecrationes altarium, vel Ecclesiarum, ordinationes clericorum, qui ad sacros fuerint ordines promouendi, à quocumque malueritis Catholico suscipietis Episcopo. Siquidem gratiam, & communionem Apostolicæ Sedis habuerit, & eâ gratis, & sine prauitate voluerit exhibere. Obeunte verò te nunc eiusdem loci præposito, &c. usque, secundum Deum duxerint eligendum. Ad iudicium autem iuris, & proprietatis Romanæ Ecclesiæ, & libertatis vestræ aureum vnum nobis, & successoribus nostris annis singulis persoluetis. Decernimus etg., vt nulli omnino hominum, &c. usque, omnimodis profutura salua Sedis Apostolicæ auctoritate. Si qua igitur, &c. usque, districtæ vltioni subiaceat. Cunctis aut, &c. usque, pacis inueniat, Amen. Amen. Amen. Datum Laterani per manū Rainaldi Acolyti, & Capellani Dñi Innocētiij III. Papæ, Kal. Iulij Indictione I. Incarnationis Domini, ANNO M. CC. XIII. Pont. vero eiusdem Domini Innocētiij Anno xvj.

EPISTOLA LXXIV.

SVPER NATALIVM DEFECTV DISPENSAT.

St. Magistro Scholarum Briuaten.



DINA prouidentia sacrosanctam Romanā Ecclesiam omnium fidelium caput constituens, & Magistrā, potestatis plenitudinem penes eam voluit residere: vt quæ pro puniendis, seu cohibendis excessibus humana solertia statuenda prouidit, eius auctoritas nunc pensatis rerū circumstātijs, & meritis personarū seuerè faceret obseruari, nunc seueritati detrahens, dispensando rigorem mansuetudine temperaret. Cum igitur ad sacros ordines desideres promoueri: ac in iniquitatibus cum Propheta conceptus nobis humiliter duxeris exponendum, quomodo in peccatis te peperit mater tua, contra impedimentum casualis originis Apostolicæ benignitatis remedium implorando. Nos attendentes, quod per literaturam tuā, & vitam, ac conuersationem honestam super quibus laudabile tibi testimonium perhibetur, redimis hunc defectum, de misericordia, quæ

superexaltat iudicio auctoritate tibi presentium indulgemus, ut dummodo impedimentum aliud Canonicum non obstat, quod natus de legitimo matrimonio non fuisti, tibi non officiat, quominus ad sacros ordines valeas promoueri, & Ecclesiastica beneficia Canonicè obtinere, ac etiam ad Ecclesiasticas dignitates assumi, ita tamen, quod si te ad honorem vocari contigerit prefulatus, illum nequaquam recipias absque Sedis apostolicæ licentia speciali. Nulli ergo omnino hominum liceat hanc paginam nostræ concessionis infringere: vel ei ausu temerario contraire. &c. Siquis autem &c. *vsque*, incursum. Datum Lateran. Kal. Iulij, Pont. N. Anno xvj.

EPISTOLA LXXV.

VT CONSANGVINEVM SVVM PRÆBENDÆ FRVI SINANT.

Archiepiscopo, & Capitulo Compostellan.



ELICTIS recordationis I. sanctæ Mariæ in Cosmidin. Diac. Card. sanctæ Romanæ Ecclesiæ Cancellario de medio Domino vocante tublaro, præbendam, quam idem habebat in Ecclesia Compostellan. dilecto filio Normano nato Nobilis viri G. de Gualera consanguinei nostri duximus concedendam: credentes quod per ipsum, & tuos multa vobis, & Ecclesiæ vestræ poterunt commoda provenire. Ideoque Vniuersitati vestræ per apost. scrip. mandamus atque præcipimus, quatenus dictum N. decetero vestrum Concanonicum habeatis. Et tu Frater Archiepiscopo fructus eiusdem præbendæ ad opus ipsius colligi facias, & seruari. Datum vt supra.

In eundem modum Priori, & Conuentui sancti Pancratij de leges pro Tholomeo consanguineo nostro, super Vicaria, quam idem Cancellarius in eorum Ecclesia de Conningeburg ad præsentationem nostram fuerat affecutus, sicut in literis bonæ memorie Archiepiscopi continetur, vsque provenire. Ideoque vniuersitati vestræ per apost. script. mand. atque præcipimus, quatenus quod à nobis factum est in hac parte ratum habeatis, & firmum. Et tu Fili Prior fructus eiusdem Vicariæ ad opus ipsius colligi facias, & seruari. Datum Lateran. xvij. Kal. Iulij, Pont. N. Anno xvj.

EPISTOLA LXXVI.

OBTINENDÆ ABSOLVTIONIS CONDICTIONES APPROBAT

Litera Regis Angliæ.



IOANNES Dei gratia Rex Angliæ, Dominus Hiberniæ, Dux Normanæ, & Aquiraniæ, Comes Andegauen. omnibus presentes literas inspecturis, Salutem. Perhas patentes literas sigillo nostro munitas volumus esse notum, quod vobis presentibus, & mandantibus ij quatuor nostri Barones, scilicet Vvalterus Comes Sar. Frater noster R. Comes Bononien. W. Comes Vvaren. W. Comes de Ferraria iurauerunt in animam nostram, quod nos subscriptam pacis formam bona fide curabimus per omnia obseruare. In primis itaque solemniter, & absolue

iurabimus stare mandatis Domini Papæ coram eius Legato, vel delegato super omnibus, pro quibus excommunicati sumus ab ipso, & veram pacem, ac plenam securitatem præstabimus. Venerabilibus viris St. Cantuarien. Archiepiscopo, W. Londonien. E. Elien. E. Herforden. I. Bathonien. & H. Lincolnien. Episcopis, Priori quoque ac Monachis Cantuarien. & Roberto filio Vualren, ac Eustac. de Vesci, necnon ceteris clericis, ac laicis hoc negotium contingentibus, præstando simul cotam eodem Legato, vel Delegato publice iuramentum, quod ipsos cum suis, nec lædemus nec lædi faciemus, vel permittimus in personis, vel rebus, eisque dimitemus omnem indignationem, & in gratiam nostram recipiemus eosdem, ac tenebimus bona fide. Quodque præfatos Archiepiscopum, & Episcopos non impediemus, nec faciemus, aut permittemus aliquatenus impediri, quo minus ipsi liberè suum exequantur officium, & plena suæ iurisdictionis auctoritate, prout debent utantur; & super ijs tam Domino Papæ, quam ipsi Archiepiscopo, & singulis Episcopis nostras patentes literas exhibebimus. Facientes ab Episcopis, & Comitibus, ac Baronibus nostris quor, & quos præfati Archiepiscopus, & Episcopi postulauerint, iuramenta, & eo: um patentes, literas exhiberi: quod ipsi bona fide studebunt, ut hæc pax, & securitas firmiter obseruetur. Et si forte, quod Deus auertat, per nos ipsos, vel alios contrauenerimus, ipsi, pro Ecclesia contra violatores securitatis, & pacis mandatis apostolicis inhærebunt, nosque perpetuò vacantium Ecclesiarum custodiam amittamus. Quod si forte nequiverimus eos ad hanc vltimam iuramenti partem inducere: videlicet quod si per nos ipsos, vel alios contrauenerimus, ipsi pro Ecclesia contra violatores securitatis, & pacis mandatis apostolicis inhærebunt. Nos propter hoc Domino Papæ, ac Ecclesiæ Romanæ per nostras patentes literas obligauimus omne ius patronatus, quod habemus in Ecclesijs Anglicanis. Et omnes literas, quæ pro securitate prædictorum sunt exhibendæ, præfatis Archiepiscopo, & Episcopis ante suum ingressum in Angliam transmittimus. Si vero nobis placuerit, læpesci Archiepiscopus, & Episcopi præstabunt, saluo honore Dei, & Ecclesiæ, iuratoriam, & literatoriam cautionem, quod ipsi nec perse, nec per alios contra personam, vel coronam nostram aliquid attentabunt, nobis prædictam eis securitatem, & pacem seruantibus illibatam. De Ablatis autem plenam restitutionem, & de damnis recompensationem sufficientem omnibus impendemus, tam clericis omnibus, quam etiam laicis vniuersis ad hoc negotium pertinentibus, non solum rerum, sed etiam libertatum, & restitutas conferuabimus libertates. Archiepiscopo quidem, & Episcopo Lincolnien. à tempore suæ confirmationis: alijs autem à tempore discordiæ inchoatæ. Nec obstabit aliqua pactio, vel promissio, seu concessio, quominus & damna recompensentur, & restituatur ablata tam viuorum, quam etiam defunctorum. Nec de ijs aliquid retinebimus prætextu seruitij, quod debuerit nobis impendi: sed postea debita nobis pro seruitio recompensatio tribuetur. Statimque omnes, quos derinemus clericos, faciemus absolute dinare, ac restitui propriæ libertati: & etiam laicos qui occasione huius negotij derinentur. Incontinenti quoque post aduentum illius, qui nos debet absolute, faciemus de parte restitutionis ablatorum octo millia libratum legalium sterlingorum pro persoluendis debitis, & faciendis expensis nuntijs prædictorum Archiepiscopi

& Episcoporum, ac Monachorum Cantuarien. assignari, sine impedimento quolibet per potestatem nostram ad eos liberè deferenda; vt expediti reuertantur in Angliam honorificè reuocati. Videlicet Stephano Cantuarien. Archiepiscopo duo millia, & quingentas libras: W. Londonien. septingentas, & quinquaginta libras: E. Elien. mille & quingentas libras: E. Hereforden. septingentas, & quinquaginta libras: I. Baronien. septingentas & quinquaginta libras: H. Lincolnien. septingentas, & quinquaginta libras: Priori, & Monachis Cantuarien. mille libras. Sed protinus absque mora postquam pacem istam duxerimus acceprandam, resignari faciemus Archiepiscopo, & Episcopis, & Clericis, ac Ecclesijs vniuersis in manibus nuntiorum, vel procuratorum ipsorum omnia immobilia cum administratione libera eorundem, & in pace dimittu. Interdictum etiam vulgariter vt legatio nuncupatum, quod proponi fecimus contra personas Ecclesiasticas publicè reuocabimus, protestando per nostras pientes literas Archiepiscopo tribuendas, id ad nos de personis Ecclesiasticis nullatenus pertinere: Quòdque illud decetero contra personas Ecclesiasticas nullatenus faciemus proponi. Reuocantes præterea vt legationem laicorum ad hoc negotium pertinentium, & remittentes hominia, quæ post interdictum recepimus ab Ecclesiarum hominibus, præter regni consuetudinem, & Ecclesiasticam libertatem. Si vero super damnis, vel ablatiis, aut eorum quantitate, vel æstimatione questio fuerit de facto suborta, per Legatum, vel Delegatum Domini Papæ receptis probationibus publicè terminetur. Et ijs omnibus rite peractis relaxabitur sententia interdicti. Super ceteris autem Capitulis, si quæ fuerint dubitationes subortæ, de quibus meritò valeat dubitari, nisi per Legatum, vel delegatum Domini Papæ de partium fuerint voluntate sopitæ ad ipsius referantur arbitrium, vt super ijs, quod ipse decreuerit, obseruetur. T. me ipso apud Doner. xij. die Maij Anno regni nostri quartodecimo.

EPISTOLA LXXVII.

ECCLESIE ROMANÆ SE SVAQVE PRÆSTITO SOLEMNI
IVRAMENTO SVBIIICIT.

Litera Regis Anglia.



IOHANNES Dei gratia Rex Angliæ, Dominus Hiberniæ, Dux Normanici, & Aquitanici, Comes Andegauici. Omnibus Christi fidelibus præsentem chartam inspecturis, Salutem. Vniuersitati vestræ per hanc chartam nostram sigillo nostro munitam volumus esse notum; quia cum Deum, & matrem nostram sanctam Ecclesiam offenderimus in multis, & proinde diuina misericordia plurimum indigere noscamur; nec quid dignè offerre possimus pro satisfactione Deo, & Ecclesiæ debita faciendæ, nisi nos ipsos habeamus, & regna nostra, volentes nos ipsos humiliare pro illo, qui se pro nobis humiliauit vsque ad mortem, gratia sancti Spiritus inspirante, non vi inducti, nec timore coacti, sed nostra bona spontaneaue voluntate, ac communi consilio Baronum nostrorum offerimus, & liberè concedimus Deo, & sanctis Apostolis eius Petro, & Paulo, & sanctæ Romanæ Ecclesiæ matri nostræ, ac Domino nostro Papæ Innocentio, eiusque

Catholicis successoribus, totum regnum Angliæ, & totum regnum Hiberniæ cum omni iure, & pertinentijs suis, pro remissione peccatorum nostrorum, & totius generis nostri, tam pro viuis, quàm defunctis. Et amodo illa adeo, & Ecclesia Romana, tanquam feudatarius recipientes, & tenentes, in præsentia prudentis viri Pandulphi Domini Papæ Subdiac. & familiaris fidelitatem exinde prædicto Domino nostro Papæ Innocentio, eiusque Catholicis successoribus, & Ecclesiæ Romanæ secundum subscriptam formam facimus, & iuramus, & homagium ligium in præsentia Domini Papæ, si coram eo esse poterimus, eidem faciemus. Successores, & hæredes nostros de vxore nostra, in perpetuum obligantes, vt simili modo summo Pontifici, qui pro tempore fuerit, & Ecclesiæ Romanæ sine contradictione debeant fidelitatem præstare, & homagium recognoscere. Ad iudicium autem huius nostræ perpetuæ oblationis, & concessionis volumus, & stabilimus, vt de proprijs, & specialibus redditibus prædictorum regnorum nostrorum pro omni seruitio, & consuetudine, quod pro ipsis facere deberemus, saluo per omnia denario B. Petri, Ecclesiæ Romanæ mille marcas sterlingorū percipiat annuatim. Scilicet in festo sancti Michaelis quingentas marcas, & in Pascha quingentas marcas. Septingentas scilicet pro regno Angliæ, & trecentas pro regno Hiberniæ, saluis nobis, & hæredibus nostris iustitijs, libertatibus, & regalibus nostris. Quæ omnia, sicut supradicta sunt, rata esse volentes perpetuò, atque firma, obligamus nos, & successores nostros contra non venire. Et si nos, vel aliquis successorum nostrorum hoc attemptare præsumperit, quicumque fuerit ille, nisi rite commoitus respuerit, cadat à iure regni, & hæc charta oblationis, & concessionis nostræ semper firma permaneat. Ego Ioannes Dei gratia Rex Angliæ & Dñs Hiberniæ ab hac hora in antea fidelis eto Deo, & beato Petro, & Ecclesiæ Romanæ, ac Domino meo Papæ Innocentio, eiusque successoribus Catholicè intrantibus. Non ero in facto, dicto, consensu, vel consilio, vt vitam perdant, vel membra, vel mala captione capiantur, eorum damnum, si sciuerò, impediam, & remanere faciam, si potero. Alioquin eis quam citiùs potest intimabo, vel tali personæ dicam, quam eis credam procerto dicturam. Consilium quod mihi crediderint per se, vel per nuntios, seu literas suas, secretum tenebo, & ad eorum damnum nulli pandam me sciente. Patrimonium beati Petri, & specialiter regnum Angliæ, & regnum Hiberniæ adiutor ero ad tenendum, & defendendum contra omnes homines pro posse meo. Sic Deus me adiuuet, & hæc sancta Dei Euangelia T. me ipso apud domum militiæ templi iuxta Doueriam coram Domino H. Archiepiscopo Dublinen. Domino I. Episcopo Norwincea. G. filio Petri Comitissæ Essex. iustituario nostro W. Comite Sar. fratre nostro W. Marefcallo Comite Penbroc. R. Comite Bonon. W. Comite Vvarien. S. Comite Vvint. W. Comite Arundell. W. Comite de Ferr. W. Broubert. Petro filio Her. Vvarin. filio Ger. xv. die Maij Anno regni nostri xiv. .

A SE SVSCEPTAM PACIS FORMAM PROFITETVR, ET GRATIAM
SVMMI PONTIFICIS IMPLORAT.

Littere Regis Anglie ad Dominum Papam.



ANCTISSIMO Patri, & Domino suo I. Dei gratia summo Pontifici suus deuotus, & fidelis. Ioannes eadem gratia Rex Angliæ, Dominus Hiberniæ, Dux Normaniæ, Aquitaniæ, & Comes And. Salutem, & tam debitum, quàm deuotum obsequium. Sanctæ paternitati vestræ significauimus, quòd cum Magister Pandolphus nuntius, & familiaris vester formam pacis vobis transmissam ostendisset, nos ob reuerentiam sanctæ Romanæ Ecclesiæ illam admisimus, sine aliqua diminutione, pro voluntate vestra obseruandam. Ceterù inspirante gratia sancti Spiritus ad perpetuam Ecclesiæ pacem, & exaltationē regna nostra, scilicet Angliæ, & Hiberniæ de vobis, & successoribus vestris, & sancta Romana Ecclesia tenenda suscepimus, annuatim vobis, & successoribus vestris mille marcas reddendo, sicut ex transcripto chartæ nostræ, quam inde fecimus pendere poteritis. Rogamus ergo sanctam Paternitatem vestram, quatenus decetero nos in gratiam vestram recipere dignemini, & misericorditer nobiscum agere velitis, de onere nobis imposito, quod gratanter suscepimus T. me ipso apud remplum de Vvell. xv. die Maij.

EPISTOLA LXXIX.

EMENDATIONEM GRATVLATVR, ET LEGATVM
APOSTOLICVM COMMENDAT.

Illustri Regi Angliæ.



I qui de malis nouit eligere bona, gratiarum referimus actiones, quòd tibi misericorditer inspirauit, vt idoneè satisfaceres de damnis, & iniurijs Ecclesiæ interrogaris; cū nō solum formā satisfactionis receperis multimoda deliberatione prouisam, verum etiam personam, & terram tuam Apostolicæ subdideris ditioni. Conferendo imperpetuum iure Dominij factos sanctæ Romanæ Ecclesiæ regna tua per ipsam, & ab ipsa tenenda sub annuo censu septingentatum marcarum de Angliæ, & de Hibernia trecentarum: sicut in instrumento tuo legitimè inde confecto plenius, & expressius continetur. Quis enim te docuit? quis induxit? nisi spiritus ille diuinus, qui ubi vult, spirat, & nescis, vnde veniat, aut quò vadat, diuidens dona singulis, prout vult, vt tam discretè, tam piè simul in vnum, & tibi consules, & Ecclesiæ provideres. Ecce sublimius, & solidius nunc obtines ipsa regna, quàm hactenus obtinueris. Cum iam sacerdotale sit regnum, & sacerdotium sit regale: sicut in Epistola Petrus, & Moyse in lege testantur. Eia igitur magnificè Princeps, comple promissa, & concessa confirma, vt omnipotens Deus tuum semper, & rectum compleat desiderium, & propositum confirmet honestum: sicque te faciat per temporalia bona transire, vt non amittas,

sed acquiras æterna. Nos ergo iuxta tuar petitionis instantiam legatum ad te de nostro latere destinamus, quasi Angelum salutis, & pacis venerabilem Fratrem N. Tusculan. Episcopum virum Deo gratum, & acceptum hominibus, quem inter fratres nostros merito suar religionis, & honestatis speciali diligimus caritate, ut in missi persona mittentis cognoscas affectum. Ipsum igitur, quem ad tuum commodum, & honorem quantum cum Deo potuit, promptum cognovimus, & attentum, benignè recipias, & honestè pertractes, eius monitis, & consilij acquiescens, quæ si fuerint teuerenter admissa, proculdubio tibi proficient, & temporaliter ad quietem, & æternaliter ad salutem. Speramus autem in eo, qui non vult mortem peccatoris, sed ut conuertatur, & viuat: quod sicut misericorditer, ac mirabiliter cœpit, in virum alterum te mutare, sic tibi pium inspirabit deuotionis affectum, ut quò vehementius contra eum sanctam Ecclesiam offendisti, eò reuerentiùs propter ipsum sanctam Ecclesiam honorabis, cum iam in tantum processeris, ut bonum principium finem optimum reprobmittat. Prædictus vero Legatus, qui conscientiam nostram plenè cognoscit, de nostro te beneplacito reddet certum pariter, & securum; cui nos vices nostras commisimus, ut iuxta verbum propheticum euellat, & destruat, & ædificet, & plantet, quæ secundum Deum euellenda, & destruenda, nec non ædificanda cognouerit, & plantanda. Concessa sibi plenaria potestate, ut absque contradictione cuiuslibet, vniuersa quæ pertinent ad legationis officium efficaciter exequatur. Nos enim sententias quas rite pertulerit in rebelles ratas haberi præcipimus, & inuiolabiliter obseruari. Datum Laterani ij. Non. Iulij Pontificatus nostri Anno xvj.

EPISTOLA LXXX.

VT LEGATO APOSTOLICO DEBITAM REVERENTIAM ET
OBEDIENTIAM EXHIBEANT.

*Archiepiscopo, & Episcopis, Abbatibus, Prioribus, & alijs Ecclesiarum
Prelatis per Angliam constitutis.*

QUOD VIDERE nobiscum in Domino, & in virtutis eius potentia gloriari, quod post noctis tenebras, & aduersitatum angustias dies serenus illuxit, & optata cœpit prosperitas arridere. Verè quidem nunc scimus, quod & si quatiatur interdum Petri nauicula numquam tamen submergitur, quoniam inualecentibus fluctibus procellarum, & iam pene naufragio imminente, iustorum meritis Christus ad auxilium excitatur, qui paulò ante propter quorundam dormiebat offensas. Inter alia siquidem, in quibus de plenitudine gratiæ ac misericordiæ vberitate, fecit nobiscum signum in bonum, is qui non vult mortem peccatoris, sed ut conuertatur, & viuat, illustri Regi Angliæ inspirauit, ut sufficeret Ecclesiæ satisfaciatis de damnis, & iniurijs irrogatis: formam enim pacis à nobis cum multa deliberatione prouisam cum magna deuotione recepit, & ad eam executioni mandandam legatum à latere nostro petijte destinari. Vnde nos Venerabilem Fratrem nostrum ... Episcopum Tusculan. Apostolicæ Sedis Legatum, quasi pacis, & salutis Angelum destinamus: virum utique gratum Deo;

& acceptum hominibus, quem inter alios fratres nostros merito suæ religionis, & honestatis speciali diligimus caritate. Procerto credentes, sic eum via regia incesurum, quod non declinavit ad dexteram, vel sinistram: eique de quo plenam fiduciam obtinemus, commisimus vices nostras, ut iuxta verbum propheticum euellat, & destruat, ædificet, & plantet, quæ secundum Deum euellenda, & destruenda, necnon ædificanda viderit, & plantanda: plenaria sibi potestate concessa, ut absque contradictione cuiuslibet, ea quæ pertinent ad legationis officium exequatur. Laudem igitur dicite Domino Deo nostro, qui bona de malis eliciens, fecit cum temptatione prouentum, & cum humilitate suscipite prospera, qui cum fortitudine sustinuitis aduersa: prædictumque Legatum recipiatis benignè, ac honestè tractetis, quia cum nos recipiamur in ipso, in misso notabimus deuotionis affectum, quem geritis admittentem. Ipsi ergo monitis, & mandatis humiliter intendentes, tales vos erga eum exhibere curetis, quod non solum eidem, sed etiam nobis esse possit acceptum. Sciens ergo quod cum ei plenæ legationis officium commiserimus, sententias quas rite protulerit in rebelles ratas haberi præcipimus, & inuiolabiliter obseruari. Datum Laterani iij. Non. Iulij. Pont. nostri, Anno sextodecimo.

EPISTOLA LXXXI.

EIVSDEM ARGVMENTI.

Cantuariens. Archiepiscopo S. Romana Ecclesia Card. & Coepiscopis suis.



I qui non vult mortem peccatoris, sed ut convertatur, & viuat, deuotas gratiarum referimus actiones, quod ipse I. regi Angliæ misericorditer inspirauit, ut formam pacis à nobis cum multa deliberatione dispositam, deuotè reciperet; sicut per suas nobis literas intimaui, humiliter postulans ad eam executioni mandandam idoneum à latere nostro destinari Legatum. Ut autem in missi persona mittentis cognoscatis affectum, ecce nos memores verbi vestri, mittimus quasi Angelum salutis, & pacis, virum Deo gratum, & acceptum hominibus, videlicet Venerabilem Fratrem nostrum ... Tusculan. Episcopum Apostolicæ Sedis Legatum, quem inter Fratres nostros merito suæ religionis & honestatis speciali diligimus caritate, procerto credentes quod ipse via regia sic incedet, quod non declinabit ad dexteram, vel sinistram. Cum igitur bonum pacis tam regno, quàm sacerdotio, sit maxime necessarium fraternitatem vestram rogandam duximus, & monendam per Apostolica vobis scripta mandantes, quatenus ad illud efficaciter promouendum exhibeatis vos promptos per omnia, & paratos: nihil ingerentes difficultatis, aut moræ propter quod huiusmodi bonum impediri valeat, vel differri. Nos enim ad iustitiam, & libertatem Ecclesiasticam conseruandam prompto semper, & pio animo intendemus: ut qui pugnam exercuere legitimam, palmam consequantur optatam. Vos ergo prædicti Legati monitis, & mandatis humiliter intendentes, tales vos erga eum exhibere curetis, quod ipse ad vestrum commodum, & honorem merito debeat aspirare. Sciens, quod cum ei plenæ legationis officium commiserimus, sententias quas rite protulerit in rebelles, ratas haberi præcipimus, & inuiolabiliter obseruari.

obſeruari. Vos denique Fratres Archiepiſcope, & Epiſcopi, &c. Datum Laterani ij. Non. Iulij, Pont. N. Anno xvj.

EPISTOLA LXXXII.

EADEM CVM SUPERIORIBVS.

Comitibus, Baronibus, aliſque Magnatibus per Angliam conſtitutis.



VANTÒ ſpecialiùs regnum Angliæ ad Romanâ Eccleſiam dignoſcitur pertinere, taniò ſeruentiùs aſpiramus, vt per noſtræ ſollicitudinis ſtudio gratâ proſperitate lætetur. Cùm igitur ad reconciliationem Regis, ac regni, Venerabilem Fratrem noſtrum Tuſculan. Epiſcopum Apoſt. Sed. Legi. quaſi pacis, & ſalutis Angelum deſtinemus, virum vtique gratum Deo, & acceptum hominibus, quem inter alios Fratres noſtros merito ſuæ religionis, & honeſtatis ſpeciali diligimus caritate, Vniuerſitatē veſt. am rogandā duximus, & monenda per Apoſt. vobis ſcripta mandantes, quatenus eum recipiatis benignè, ac honeſtè tractetis, ipſius monitis, & mandatis humiliter intendentes, vt bonum pacis tam regno, quàm ſacerdotio maxime neceſſarium feliciter conſummetur. Sciētes, quod cū per eum Illuſtris Rex veſter iuxta mandatum noſtrum fuerit abſolutus, omnimodam ei gratiam, & plenum intendimus exhibere fauorem. Vnde volumus, & mandamus, vt vos ei fidelitatem deuotam, & ſi ſelelem deuotionem exhibere curetis, ad deſenſionem, & exaltationem ipſius regni prudenter, & patienter aſſiſtentes eidem. Datum Lateran. ij. Non. Iulij, Pont. N. Anno xvj.

EPISTOLA LXXXIII.

VT LEGATVM APOSTOLICVM SUPER FOEDERE CVM REGE
ANGLIÆ AUDIAT.

Illuſtri Regi Francia.



Vm pro reconciliatione Regis, ac regni Venerabilem F. N. Epiſcopum Tuſculan. virum Deo gratum, & acceptum hominibus, quem inter alios Fratres noſtros merito ſuæ religionis, & honeſtatis ſpeciali diligimus caritate, in Angliam deſtinemus: & expedire credamus, quòd inter te, ac Regem Angliæ pacis fœdera reformentur; Serenitatem tuam rogandam duximus, & monendam, quatenus ſuper hoc intendas humiliter monitis, & conſilij eiusdem Legati, vt preces, & monitiones Apoſtolicas, ſicut haſtenus feciſſe dignoſceris, nunc etiam admittere comproberis; ita quòd deuotio tua ſemper ad Sedem Apoſtolicam deuotior approbetur. Datum Laterani iij. Non. Iulij, Pont. N. Anno xvj.

IUDÆVM AD FIDEM MIRACVLO CONVERSVM COMMENDAT.

Archiepiscopo Senonen.

QPERANTE illo, qui semper suam fecundat Ecclesiam noua prole, dilectum filium N. latorem presentium, qui ad nos de partibus tuis Iudæus accesserat, ad te remittimus Ch. istianum, cuius conuersationis modum, & ordinem, quia delectat Dei magnalia enarrare, presenti paginæ secundum quod accepimus ab eodem duximus insertendum. Nuper igitur in domo patris eiusdem habitabat quædam mulier Christiana, quæ à Catholica fide adeò facta fuit Iudæus seducens aliena, ut cōstanter assereret erroris Iudaici tenebris obuoluta, quòd Christus sibi nec prodesse poterat, nec obesse, ac tantum valere panem de cuiuslibet mensa sumptum, quantum Christianorum hostia, quæ sumitur in altari. Hæc prænam incurere metuens, si fidem Ch. isti publicè abnegaret, in festo resurrectionis Dominicæ tunc instantis, ad Ecclesiam cum Christianis accessit, & acceptam Eucharistiam, ac reueratam in ore in manu patris prædicti N. qui tunc Isaac vocabatur proiciens, in hæc verba prorupit. Ecce saluator meus, ut asserunt Christiani, qui cum in quadam pyxide vacua, quam habebat in arca, reponere v. llet illam, idem quodam ad ostium suum interim vocante, formidans ne inueniretur casu fortuito apud ipsum, in alia pyxide, in qua erant septem libras parisienses, ipsa nescièter præ festinatione reposita, pulsanti ostiū reuerauit. cum expeditus ab eo rediisset ad arcam, & in pyxide vacua, in qua se dictam hostiam posuisse credebatur, non inueniret eandem, inspecta reliqua, in qua pecuniam posuerat antedictam, eam non vtiq; denarijs, sed hostijs vidit plenam. Amicos igitur stupefactus & trepidus conuocauit, & eis reuelans per ordinem supradicta, cepit in eorum præsentia hostias vertere cum festuca, ut illam quam viderat aliquantulum humefactum, cum tradita sibi fuit, ab alijs segregaret, sperans denarios ad naturam redire propriam, hæc amota. Quo eam discernere ab alijs non valente, circumstantes magnitudinem diuini miraculi aduertentes, deliberauerunt ad fidem accedere Christianam: Sed alij, cum Abraham pueris expectantibus, idem N. Nobili viro ... Regio Marefcalco vxorē suam, filiosque commendans, & rogans eundem, ut eos omnes faceret baptizari, ad nostram duxit præsentiam accedendum, quem post multas collationes super lege, ac prophetis habitus cum eodem, Venerabil. F. N. ... Tusculan Episcopus diligenter instructum in fide Catholica baptizauit. Cum igitur huiusmodi noua plantatio non solum rore doctrinæ riganda sit, sed etiam temporalibus beneficijs nutrienda, ut ei Dominus tribuat incrementum, fraternitati tuæ per apost. scrip. mand. quatenus ei, ac familie suæ ad fidem Christianam conuersæ taliter facias in vitæ necessarijs prouideri, quòd pro defectu temporalium retrò aspiciere non cogatur, vel propter hoc ad Sedem Apostolicam denuò laborare, inquisiturus super præmisso miraculo plenius veritatem, & eam nobis fideliter rescripturus. Tū denique Frater Archiepiscopo super teipso, &c. Datum Laterani vj. Idus Iunii, Pont. N. anno xvj.

EPISTOLA LXXXV.

VT CONCESSA SIBI DECIMARVM IMMUNITATE MODERATE VTANTVR

Monachis Cisterciens. Ord. & Hospitalarijs Quinqueecclesiens. Diac.



ENERABILIS F.N. Quinqueecclesiens. Episcopus nobis intimare curauit, quod vos extendentes ad lucra turpia manus vestras multitudinem emitis vinearum, de quibus sibi, vel Ecclesijs suz Diocesis decimæ solui solent; quarum vinum licet nequam in vsus proprios expendatis, sed vendendum ad alias faciatis prouincias deportari, decimas tamen sibi, vel ipsis Ecclesijs subtrahitis ex eisdem. Cum igitur ex hoc Ordini vestro plurimū detrahatur, Vniuersitati vestrz per apost. scrip. mand. quatenus ab ijs de cetero taliter desistatis, quod materia scandali auferatur, & super hoc de vobis clamor ad nos vltiū non ascendat. Sciētes nobis esse meritō formidandum, ne propter clamores huiusmodi sacrum Concilium, auctore Domino, in proximo celebrandum priuilegia vestra coarctanda prouideat, vel etiam reuocanda; cū priuilegium mereatur amittere, qui concessa sibi abutitur libertate. Datum Laterani xij. Kal. Iulij I ont. N. Anno xvj.

EPISTOLA LXXXVI.

PAROCHIAM ILLIS AB ARCHIEPISCOPO IANVENSII
ASSIGNATAM CONFIRMAT.

Praposto, & Canonicis sancta Maria in Vineis Ianuen.



VSTIS petentium, &c. vsque, concurrentes assensu. Parochiam quam Ecclesia vestra noscitur obtinere, sicut eam iuste, ac pacifice possidetis, & in literis confirmationis bonæ memoriæ H. Ianuen. Archiepiscopi plenius continetur vobis, & per vos Ecclesiæ vestrz auctoritate Apostolica confirmamus, & presentis scripti patrocinio communimus. Ad maiorem euidentiam literas Archiepiscopi memorati huic paginæ nostræ de verbo ad verbum duximus inferendas. In nomine sanctæ, & indiuiduæ Trinitatis, Patris, & Filij, & Spiritus sancti, Amen. Hugo diuina dignatione Ianuen. Archiepiscopus, dilecto in Christo Fratri Ottoni Præposito Ecclesiæ sanctæ Mariæ de Vineis, & eiusdem Ecclesiæ Canonicis Filijs benedictionem in perpetuum. Libenter modis omnibus præbeamus assensum, quotiens est vox iusta poscentium. Proinde considerata deuotione, quam erga nos, & Ecclesiam Ianuen. geris, necnon & honorificabilitudinitate Ecclesiæ tuæ, Parochiam quam Ecclesia iamdicta impræsentiarum noscitur obtinere, & à quadraginta annis possedit, tibi, & successoribus tuis cōfirmamus, & presentis scripti patrocinio cōmunimus. Decernimus itaque præscriptam Parochiā à Balneo Balduin. Guercij inferiūs, à domo Alpanū cū Carubio corrigialiū ex utraq; parte, vsque ad littus maris, omnes stationes Malocelli, atque domum quondam Petri Capellani. Deinde littus maris continuē vsque ad Carubium Sardenarū, & ipsum Carubium totum, & inde vsque ad domū quondam

Embronis. Insuper à domo piperum cum domo Benedicti Larabiz inferiùs. Populus verò desuper via à domo piperum vsque ad domum Donati Pictoris de Castelleto, & inde vsque ad domum Guillelmi de Litero inferiùs cum tota domo Ribaldi de Pinafea, & eorum qui habitant in Insula Filiorum de Infantibus cum toto locali, & parte Mortedi, & cum vertigine campi Liberi, vsque ad domum filiorum Donati quondam patris Oliuerij septem linguarum cum eadem domo Iterum domum Ioannis Loripedis, & ipsum Carubium inferiùs ex vtraque parte à domo Guillelmi Sagonen. vndique inferiùs. Præterea à domo quondam Rainaldi Auriz totum inferiùs cum eadem domo. Tandem Carubium totum de Restatis à domo Nebularij inferiùs, & omnes qui habitant infra prædictos fines parochianos sanctæ Mariæ de Vineis de cetero firmiter decernimus. Nulli omnino liceat hanc parochiam inuadere, ac temerè perturbare, seu Oratorium aliquod infra præscriptam parochiam ædificare. Ut autem cunctis hæc confirmatio liqueat, eam scribi fecimus, & nostro sigillo muniri mandauimus, millesimo centesimo octogesimo vij. Indictione quinta, viij. Kal. Decembris. Ego Hugo Ianuen. Archiepiscopus subscripsi. Nulli ergo, &c. *vsque*, nostræ confirmationis infringere, &c. *vsque*, incursum. Datum Laterani xij. Kal. Iulij, Pont. N. Anno xvj.

EPISTOLA LXXXVII.

PRIVILEGIUM AB VRBANO II. CONCESSVM CONFIRMAT.

P. Illustri Regi Aragon.

N priuilegio felicis recordationis Urbani Papæ II. prædecessoris nostri de verbo ad verbum præsumimus contineri. Urbanus Episcopus seruus seruorum Dei, Carissimo filio Petro Pampilonen. & Aragon. Regi, eiusque successoribus in eadem beati Petri fidelitate permanentis in perpetuum. Cum vniuersis sanctæ Ecclesiæ filiis ex Apostolicæ Sedis auctoritate, ac beneuolentia debitores existamus: illis tamen personis, quæ familiariter, ac deuotius Romanæ adhærent Ecclesiæ propensiori nos conuenit caritatis studio imminere. Quia igitur bonæ memoriæ patris tui Sanctij, cuius regno temporaliter successisti, fidem quoque, ac deuotionem erga Romanam Ecclesiam efficaciter sequeris, nos eadem benignitate, qua patris tui postulationem impleuimus, tuarum quoque petitioni ad hoc curamus. Te enim tamquam Regem beato Petro deuotissimum, & omne tuum regnum in tutelam Sedis Apostolicæ speciali dilectione suscipimus. Constituimus ergo auctoritate Apostolica facientes, ut omnes tui successores regnum illud de manu nostra, nostrorumue successorum accipiant, eundem censum quingentorum scilicet mancusorum rependant, & se B. Petri reges ministros, ac famulos recognoscant. Quapropter nullus dinceps viuentium, & fidem Christianam tenentium, regnum illud temerè perturbare, inuadere, aut diminueri qualibet occasione præsumat, nec molestiam ullam tibi, tuisque successoribus, qui in eadem Sedis Apostolicæ fidelitate permanferint, inferre audeat, ne Dei & Apostolorum eius indignationem incurrat. Tuam verò personam in B. Petri, & nostræ manus tutelam ita omnino

fufcipimus, vt nulli Epifcoporum, nulli Archiepifcoporum, nulli fanctæ Romanæ Ecclefie Legato liceat finè certo præcepto nostro aduerfùm te vel tuam coniugem excommunicationis, aut interdictionis proferre ſententiam. Tu igitur fili in Chriſto cariffime, in ea quam cœpiſti deuotione perſiſtens, ita regnum ſeculare ſub cœleſtis iuſtitiz lege cœrce, ita ſemper tuæ, & Catholicorum omnium matris Romanæ Ecclefie gratiam excole, vt & in præſenti annuente Domino maiora merearis, & in futuro ſanctorum Apoſtolorum interceſſionibus æterni regni gloriam confequaris. Sanè ad iudicium huius percepit à Romana Eccleſia libertatis quingentos ſaccen. monetæ mancuſos aureos per annos ſingulos Lateranen. Palatio, vt ſuperiùs dictum eſt perſoluetis. Hoc igitur noſtræ priuilegium ſanctionis, ſiquis in craſtinum agnoſcens Archiepiſcopus, aut Epifcopus, Imperator, aut Rex, Princeps, Dux, vel Matchio, Comes, aut Vicecomes, Iudex, aut perſona quolibet ſecularis, vel Eccleſiaſtica, contra eam temerè venire tentauerit, & regni tui bona, quæ in præſenti ex paterna poſſeſſione retines, ſeu quæ in futurum largiente Domino iuſtè acquirere poteris, inuadere, moleſtare, vel ſuis viſibus applicare præſumpſerit, ſecundò, tertioque cõmonitus, ſi non ſatisfactione congrua emendauerit, à Chriſti eum, & Eccleſie corpore auctoritatis Apoſtolicæ poſteſtate ſegregamus, & honoris ſui periculo ſubiacere decernimus. Cunctis autem conſeruantibus hæc, pax à Deo, & miſericordia præſentibus, ac futuris ſeculis conſeruetur, Amen. Datum Placentiæ per manum Ioannis ſanctæ Romanæ Eccleſie Diac. Card. xviij. Kal. April. Indiſtione liij. Anno Dominicæ Incarnationis milleſimo nonageſimo quinto, Pont. autem Domini Vrbani ſecundi Papæ viij. Cùm autem adeo perſonam tuam dilexerimus, & diligamus in Domino caritate ſincera, quòd noſtris manibus coronaui-
mus te in regem, tuis petitionibus quantum cum Deo poſſumus fauorabilè imparti-
entes aſſenſum, prædictum priuilegium ratum habemus, & præcipimus in-
uiolabiliter obſeruari. Tu ergo ne inde naſcantur iniuriæ, vnde iura naſcuntur,
talè te circa vſum præſcripti priuilegij ſtudeas exhibere, præſertim circa id quod
de interdicti, & excommunicationis ſententijs eſt prædictum, ne propter abu-
ſum, quod abſit, priuari euſdem priuilegij beneficio merearis, quia iuxta ca-
nonicas ſanctiones priuilegium meretur amittere, qui permiſſa ſibi abutitur
poſteſtate. Nulli ergo omnino hominum liceat hanc paginam noſtræ præceptio-
nis infringere, vel ei auſu temerario contraire. Siquis autem &c. *uſque*, incur-
ſurum. Datum Laterani iv. Nonas Iulij, Pont. N. anno xvj.

EPISTOLA LXXXVIII.

NATALIVM MACVLAM ELVIT.

Epifcopo Cameracen.

Cum Nicolaum Diacon. latorem præſentium per Abbatem, & Conuentum Lexien. ad Eccleſiam ſanctæ Mariæ de Braſe, & Bauegnies præſentatū, tuus nollet Officialis admittere, pro eo quòd filius fuerat ſacerdotis, idem Diac. ad miſericordiam Sedis Apoſtolicæ conuolans, ſupplicationibus, & lacrymis inſtitit, vt ei multa inopia laboranti, ne ipſum ad ſecularia diuertere negotia inſtigante pau-

pertate contingat, ad obtinendum beneficium aditum dignemur per dispensationis gratiam aperire. Licet autem ad tales peccata parentum promotionis impedimenta transmittant, eo quod propagatio criminis in tali prole timeatur, dum vitia ramusculi de vitiosa radice procedunt; quia tamen aliquando ex sic genitis aliqui virtute propria tediunt, quod de natalibus parentum vitio perdidierunt, quandoque in eis Apostolica Sedes de plenitudine potestatis nota originis abolet, quā intulere parentes. Cum igitur præfato Diac. sicut per literas dicti Officialis accepimus, non desint suffragia bonæ vitæ, fraternitati tuæ per apost. scrip. mand. quatenus eidem Diac. si non est paternæ incontinentiæ imitator, & bona sibi merita suffragantur, dummodo aliud canonicum non obstat, auctoritate nostra Ecclesiam supradictam dispensatiuè concedas. Tu denique Frater Episcopo, &c. Datum Signiæ v. Idib. Iulij, Pont. N. Anno xvj.

EPISTOLA LXXXIX.

DE MISSEO IN ANGLIAM LEGATO APOSTOLICO ADMONET.

S. Cantuarien. Archiepiscopo, sancta Romana Ecclesia Card.



QVARTODECIMO die Iulij literas tuas recepimus, eorum quæ gesta sunt seriem, usque ad missionem earum plenariè continentes. Illud autem pro certo noueris esse verum, quod dilectus filius P. Subdiac. & familiaris noster super absolutione regia tibi suggestit, in tantum etiam, quod antequam nobis de transitu eius in Angliam contulisset, tibi, & ipsi literas nostras per proprium nuntium destinauimus, quas ad vos iam credimus peruenisse, mandantes ut ambo, vel alter vestrum de assensu reliqui, propter instantem necessitatem, quæ tunc videbatur urgere, ad absolutionem procederetis personæ regis, si videretis negotio expedire. Ceterum antequam ad nos iuxta literas peruenissent, teceptis nuntiis, & literis regis nos memores verbi tui, & Coepiscoporum tuorum, Venerabilem F. N. Tusculan. Episcopum Legatum in Angliam duximus destinandum, qui iam à præsentia nostra recesserat, accepta licentia procedendi. Tu ergo dereliquo, sicut vir prouidus, & fidelis agere studeas, quæ ad salutem, & pacem regis, & regni videris pertinere, cum honore, ac utilitate Apostolicæ Sedis, & Ecclesiæ Anglicanæ. Significatorus nobis de singulis quàm citò poteris plenariè veritatem, ut ea cognita, siquid viderimus addendum addamus. Tu denique Frater Archiepiscopo super tempore, &c. Datum Signiæ Idib. Iulij, Pont. N. Anno xvj.

EPISTOLA XC.

PRO RELIGIONIS INGRESSU QUIDQVAM EXIGI VETAT.

Patriarche Hierosolymitan. Apost. Sed. Leg.



VITAM prauitatis in Giezi lepræ morbo, & in Simone Mago perditione damnatum in regularibus transire non debet inultum: quoniam eo damnabilius ab illis committitur, quod periculosis tales cadunt sibi per meritum, & alijs per exemplum. Licet autem contra pestem istam mortiferam diuersis temporibus à prædecessoribus nostris diuersa

prodierint instituta, nondum tamen vsque adeo mortificari potuit, quin etiam in terra, quæ funiculus est hereditatis Dominicæ multos infecerit, & effecerit sic habitus religiosi participes, quod sanctæ religionis expertes. Ipsam quoque domum Militiæ Templi, ad quam oculi respiciunt plurimorum, quosdam intelleximus simoniacè introisse, simplicitate tamen potius, quam malitia, prout ex literis tuæ fraternitatis accepimus, simplicitate occasione præstante delicto. Ad excludendum igitur talis simplicitatis periculum, fraternitati tuæ per Apost. scrip. mand. quatenus Magistro & Fratribus Militiæ Templi ex parte nostra districtè prohibeas, & ab eis facias per omnes domos sui Ordinis firmiter inhiberi, ne pro alicuius receptione aliquid exigatur: nec etiam sub prætextu subventionis ad exactiorem procedatur huiusmodi, cum superficies nominis reatum criminis non immutet. Siquis autem decetero quemquam taliter admiserit ad Ordinem supradictum, utque tam admittens videlicet, quam admissus puniatur, in quo deliquit, ab eo sine spe restitutionis perpetuo expellatur, ad alium districtioris regulæ Ordinem transferendus, in quo tam execrabilis culpe reatum penitentia condigna deploret. Cum ijs autem qui hæcenus simplicitate peccarunt, si vrgens necessitas, aut euidentis utilitas postulant, mitius agere poteris, prout tuæ discretionis prudentia viderit expedire. De illis autem Fratribus, qui deputati vsui militari secreta confessione fatentur se in Subdiaconatus ordine constitutos, consultationi tuæ sic duximus respondendum, quod nisi de hoc legitima probatione constiterit, propter confessionem huiusmodi non est illis iniungendum in publico, ut ab vsu militiæ debeant abstinere: quod si legitimis id probauerint documentis, nisi effusione sanguinis impedimentum irregularitatis incurrerit, aut aliud obuiet de canonicis institutis, iuxta Ordines suos in habitu clericali: quod si forsan irregulares extiterint, nihilominus iuxta quod possunt seruiijs domus insistant: ne si ob hoc pateret talibus exitus, alijs egrediendi occasio præstaretur. Datum Signi viij. Kal. Augusti, Pont. N. anno xvj.

EPISTOLA XCI.

AD VARIA EIVS POSTVLATA RESPONDET.

Nobili viro P. Ziani Duci Venetorum.

MENIENTEM ad Apostolicam Sedem dilectum filium M. Iacobi nuntium tuum, virum utique prouidum, & fidelem, ac de circumspeditione sollicita, & solitudine circumspecta merito commendandum, benignitate recepimus consueta, etque audientiam tribuimus facilem, & benignam. Inter cetera vero, quæ idem M. in nostra, & Fratrum nostrorum præsentia ex parte tua proposuit fideliter, & prudenter, asseruit, quod tu literas Apostolicas nuper tibi, & populo Venetorum pro exhortatione subsidij Terræ sanctæ directas recepisti prompta, & hilari voluntate, sperans, & concepta fiducia de diuina miseratione promittens, terram eandem à te, populoque prædicto tantum in personis, & rebus auxilium habituram, ut ex maximis ciuitatibus vniuersis, nulla prorsus maiorem in hoc negotio sit exhibitura Domino famulatum: quippe cum tu ipse proposueris tollere crucem tuam, ac tuum sequi, ut eius cōproberis esse discipulus, Redēptorem.

Quod quidem tanto ampliori gaudio nos repleuit, quanto inter omnia desiderabilia cordis nostri specialius affectamus, ut terra eadem ab impiorum manibus, si desuper datum fuerit, liberetur, ut restitatur populo Christiano ad diuini nominis gloriam, & honorem. Tux igitur deuotionis seruorem dignis in Domino laudibus commendantes, Nobilitatem tuam monemus attentius, & hortamur, quatenus in hoc sancto proposito perseverans, ad Crucifixi obsequium te accingas, viriliter, & potenter, nauigium, & alia necessaria ea cura, & studio faciens preparari, ut cum tempus aduenerit oportunum, affectum quem tibi Dominus inspirauit, valeas ipso prosequente perducere in effectum. Super eo autem nequiuimus non mirari, quod cum per Dei gratiam, & sapientia vigeas, & circa te copiam habeas sapientum, electionem de dilecto filio L. sancti Pauli plebano in Constantinopolitan. Ecclesia celebratam confirmari simpliciter postulasti; cum scias causam super hoc anno præterito fuisse in auditorio nostro presentibus procuratoribus partium diutius ventilatam, nosque ad eius decisionem procedere non valentes, pro eo quod super propositis coram nobis, de studiis eligentium, & meritis electorum non potuit heri plena fides, eam sub certa forma de consensu partium commisisse. Non paruam, si bene consideres in hoc tibi gratiam facientes, quod illum cui causam eandem commisimus, per Venetias ad tuam, & partis quam foues instantiam, curauimus destinare. Quantum autem idem sine culpa sua traxerit tibi moram, magnitudinis tux discretio non ignorat, quem si per partes alias, prout petebat pars altera, misissemus iam fortè ad consummationem negotium peruenuisset, quod non absque grandi, & graui dispèdio est dilatatum. Quoniam igitur preces tuas in hac parte nec decuit, nec licuit exaudiri, per Legatum, aut etiam per delegatum, si fortè Legati transitum nimis differri contingeret, iuxta formam in literis nostræ commissionis expressam in proximo, Deo dante, idem expediri negotium faciemus. Super renouatione verò priuilegij Graden. Ecclesiæ, consummatione Abbatis in Monasterio sancti Hilarij per delegatos à nobis Iudices instituta, & Electi Iadertin. negotio precibus tuis benignius annuentes, ecce dilectis filijs, fratri Iordan. de Padua, & fratri Hugolin. quondam Priori sancti Iohannis in Monte nostris dedimus literis in mandatis, ut à te, tuisque ciuib. iuratoriam recipiant cautionem, quod super excessibus contra Iadertin ciuitatem commissis, mandatis nostris curabitis obedire, quod cum fuerit humiliter adimpletum, nos ipsi Electo pallium transmittemus, quod propter dictos excessus hactenus sibi distulimus destinare, habentes in firmo proposito petitiones tuas in ijs, & alijs quantum cum Deo, & honestate poterimus exaudire. Illa præcipue ratione, quod intelleximus te virum esse Catholicum, & zelatorem fidei Christianæ ac honestatis Ecclesiasticæ amatorem. Tu ergo te talem studeas exhibere semper de bono in melius, & de virtute proficiens in virtutem, quod de die in diem magis, ac magis diuinam, & Apostolicam gratiam assequi merearis. Datum Signix. 14. Non. Augusti, Pont. N. Anno xvj.

EPISTOLA XCII.

VT CEPHALONENSEM EPISCOPVM AB ARCHIEPISCOPI
CORINTHII MOLESTIIS EXIMAT.

Patracen. Archiepiscopo.



XHIBITA nobis ex parte Venerabilis F. N. Kefalonen. Episcopi petitio continebat, quòd cùm Kefalonen. Ecclesia ad Apostolicam Sedem immediatè spectauerit ab antiquo & diutè per septem dietas, duobus Archiepiscopatibus medijs, à Corinthio, Venerabilis F. N. Corinthien. Archiepiscopus per quasdam literas ad te contra Kefalonen. Ecclesiam super impendèda obedientia impetratas, ipsum indebita molestatione fatigat. Quocirca fraternitati tuæ per Apost. scrip. mandamus, quatenus inquisita, & cognita veritate non permitas eundem super hoc indebitè molestari. Tu denique frater Archiepiscopo super teipso, &c. Datum Signix Nonis Augusti, Pont. N. Anno xvj.

EPISTOLA XCIII.

VT DEPOSITA ECCLESIAE CVRA VOTVM ADIMPLEAT.

Gebennen. Electo.



PER tuas nobis literas intimasti, quòd cùm in Grationopolitan. Ecclesia suscipiendi habitum regulare vorum solemniter emisisses, & postmodum promisisses in manibus ... Episcopi eiusdem Ecclesiae, te infra duos menses postquam ab Apostolica Sede rediis- set, ad quam eo tempore accedebas, votum quod emiseras implendum, ac termino ipso transacto non curasses quod voueras adimplere, tandem existens in voti transgressione huiusmodi, vocatus fuisti ad regimen Ecclesiae Gebennen. super quo à nobis tua saluti postulas prouideri. Nos igitur discretioni tuae breuiter respondendo consulimus, quatenus si tuam omnino sanare desideras conscientiam, regimen resignes Ecclesiae memoratae, ac reddas Altissimo vota tua. In hoc tibi gratiam facientes, quòd si Capitulum eiusdem Gebennen. Ecclesiae te postmodum canonicè duxerit eligendum, concedimus, vt electione recipias taliter de te facta. Datu Signix vj. Idus Aug. Pont. N. Anno xvj.

EPISTOLA XCIV.

VT IUDICIUM EXCOMMUNICATORVM SENTENTIAS RESCINDAT.

Episcopo Narnien.



VM excommunicatis communicari non debeat, & personam in iudicio standi non habeant ij, qui vinculo sunt excommunicationis astricti, fraternitati tuae per Apost. scrip. mand. quatenus constitutiones, & sententias Narnien. Iudicum, quos sententia excommunicationis involuit, auctoritate nostra decernas irritas, & inanes. Tu denique frater Episcopo super teipso, &c. Datum Signix Non. Aug. Pont. N. Anno xvj.

EPISTOLA XCV.

PETITAM IMMUNITATEM, QUATENUS SUA INTEREST,
VLTRO CONCEDIT.

Potestati, & populo Viterbien.



EMORES deuotionis, & fidei quam erga personam nostram, & Ecclesiam Romanam habetis, mandatum quod dilectus filius S. Basilicæ duodecim Apostolorum Presbyter Card. Camerarius noster super immunitate vendendi, & emendi apud Cornetum pro vobis edidit, quatenus res huiusmodi ad nos spectat, rarum habemus, & gratum: ita quod cum ad nos totaliter pertinere claruerit, immunitate ipsa totaliter gaudeatis. Quod si forte in aliqua parte ad Cornetanos pertineat, quia iidem omnimodis contradicunt, iustitiam offerentes, ne alienum iniuste concedere videamur, exhiberi vobis exinde faciemus, quod ordo dictauerit rationis. Tales igitur vos exhibere curetis, quod diuinam, & Apostolicam gratiam vltius mereamini: dilecto filio Nobili viro Iacobo consobрино, & Marefcallo nostro, Rectori patrimoniij B. Petri in Tuscia efficaciter intendendo, in ijs quæ ad honorẽ, & profectũ Ecclesiæ Rom. pertinere noscuntur. Scientes pro certo, quod multa per gratiam, per violentiam verò nihil apud nos poteritis obtinere. Datum Signis xij Kal. Septemb. Pont. N. Anno xvj.

EPISTOLA XCVI.

ECCLESIAM SANCTÆ CÆCILIAE A PETITIONE QUADAM
PECUNIARIA ABSOLVIT.

Archipresbytero & Clericis Ecclesiæ sanctæ Cæcilie Transiberina.



ORAM dilecto filio nostro P. sanctæ Mariæ in Aquino Diac. Card. quem Romano Barunci & P. Oeconomo Ecclesiæ vestræ cõcessimus auditorem, idem Romanus ab ipso Oeconomo petiit triginta tres libras ex nonaginta quinque libris, quas sibi dudum ad certum terminum soluere promisistis: quæ videlicet nonaginta quinque libræ à vobis debebantur eidem, pro locatione quarundam possessionum ab ipso Ecclesiæ vestræ facta. Oeconomus verò proposuit ex aduerso, quod cum dictus Romanus quoddam tenimentum terrarum pro trecentis triginta libris prouenientium Ecclesiæ vestræ in perpetuum locauisset: centum quadraginta quinque libras ipsi R. & triginta octo Petro Monaldi, cui quandam pedicam terræ de ipso tenimento prædictus R. obligauerat, persoluisstis, quibus etiam idem R. in instrumento locationis mandauit, vt Ioanni Oddon. decem & septem, & Ioanni Leonis triginta quinque libras prouenientium soluereis, quibus tenimentum reliquum obligauerat. Præterea nonaginta quinque libras prædicto R. vsque ad duos annos, & duos menses soluere promisistis, per publicum instrumentum, ab ipso eodem tempore obligatione recepta, quod totum tenimentum, quod vobis, & Ecclesiæ vestræ locauerat, vsque ad duos annos recolligeret, & scaloniaret, ac deliberaret à Ioanne Leonis, & Ioanne

Oddon. atque ab omni persona sine vestro, & Ecclesie vestre graamine, vel expensis Adiecto, quod si terram illam, quae à Ioanne Oddon. fuerat obligata, eodem anno liberam, & absolutam sine aliquo graamine vestro nequaquam vobis deliberaret, ipse teditus, quos ex ea deberetis percipere vobis daret. Alioquin ipsos teditus, & expensas de pecunia ipsius R. quae penes vos eidem soluenda remanserat, vobis de suo mandato liceret auctoritate propria retinere. Porro cum praefato termino idem R. quod vobis promiserat, non impleisset requisitus à vobis, sicut dictus Oeconomus assecebat, recutum habuistis ad B. tunc temporis Senatorem, qui dicto R. & Ioane Leon. ac praefato Oeconomo ad suam praesentiam conuocatis, à Petro Malpilij, & Nicolao Tullij Iudicibus Palatinis, quibus specialiter cognitionem eiusdem causae commisit, & coram quibus à praedicto R. confessiones factae fuerunt, ante alia consilium tale recepit, ut videlicet vobis liberam, & absolutam concederet potestatem luendi, & recolligendi terras Ioanni Leonis, & Ioanni Oddon. seu personis alijs à praedicto R. pignori obligatas, de illis denarijs, qui de mercede locationis factae ab eodem R. Ecclesiae memoratae remanserant apud illam, & ut liceret vobis de denarijs ipsis retinere, atque deducere damna omnia, & expensas factas, & faciendas eorundem occasione terrarum, necnon aestimationem quindecim Rublorum frumenti, quae à tempore factae locationis de pignore Ioannis Oddonis percipere debuistis, & ut idem Senator cogeret Ioannem Leonem, & alios creditores, ut receptis pecunia, & omnibus, quae pro ipsis pignoribus à dicto R. debebantur eidem, pignora ipsa vobis liberet, ac quiete dimitteret: ut vobis nihilominus restituerent praedictorum pignorum instrumenta. Demum primo P. Malpilij, O. de Insula, N. Tullij, N. Ioannis Bonifacij, ac Ioane Betti, & secundo eodem O. Andrea de Bulgaminis, & dictis N. Ioannis Bonifacij, & Ioanne Betti, ac tertio P. Stephano Ciceron. & praedictis O. & N. Ioannis Bonifacij, & Ioanne Betti dictum consilium postmodum confirmantibus, quidam ex ipsis illud fuerunt plenius prosequuti, adiciens videlicet, ut Senator Ioannem Leon. iuxta consuetudinem Senatus cogeret reddere, ac restituere vobis totum illud tenimentum terrarum positum in Turricli, in loco, qui dicitur Vallis Lögari, quod per Ioannem de Certaccla quondam foerum suum, & heredes ipsius titulo pignoris derinebat, cui Ioanni de Certaccla tenimentum ipsum ab eodem R. fuerat obligatum. Et clericos ipsos compelleret eidem Ioanni soluere triginta quinque libras prouenientium veterum, vel denarios Senatus summam aequivalentes eandem, & vsuras duorum denariorum omni mense pro libra, à secundo anno Pontificatus felicitis memorae Lucij Papae III. praedecessoris nostri, usque ad diem solutionis implendae: pro duabus videlicet partibus quinque partium totius pecuniae mutuae. Quia cum tenimentum ad viginti modia tetræ à Romano fuerit obligatum, facta consideratione à praedictis O. de Insula, P. Malpilij, N. Tullij, N. Ioannis Bonifacij, & Ioanne Betti, tanta modiatio reperta non fuit: propter quod vsura pro praedictis duabus partibus debebat. Et etiam quod tam ipse, quam successores ipsius prohiberent dictum Roman. & eius heredes, ac omnes alias personas submissas, vel submittendas ab ipsis nihil repetere contra ipsam Ecclesiam de omnibus denarijs, qui pro recolligendis terris praedictis soluti fuerant ab eadem, & de retentis ab ea pro expensis, & aestimationibus fructuum, quos de pignore Ioannis

Oddō. a tempore locationis factæ percipere debuistis. Vnde cum vos tam ratione mandari ab R. sæpedito recepti, & quia ad repiguerandum, & liberandum possessiones prædictas ab eodem R. vobis cessæ fuerant actiones, prout instrumento locationis plenius reperitur; quam etiam per consilia sapientum sæpius confirmata, à quorum ultimo idem R. se non asseruit appellasse, de centum octoginta quinque libris, quæ penes vos de supradicta locationis mercede remanserant, centum quinquaginta duas libras creditoribus soluereis supradictis, sicut in instrumentis publicis continetur; & decem & octo libras vobis reinueritis, tam pro quibusdam expensis factis de conscientia iudicum prædictorum, prout scriptum eorum indicat euidenter, quam pro damnis, & expensis alijs, quas ex partium confessione constitit vos subijisse, ac quantitatem residuam post computationem ab ipso Card. exactissimè factam eidem Card. ad opus sæpediti R. curaueritis assignare, idem monemus ab impetitione præfati R. Ecclesiam vestram postulauit absolui. Cum igitur super præmissis coram Card. iamdicto lite contestata legitimè, ac præstito calumniæ iuramento fuisset à partibus diutius litigatum, & idem auditis eorum confessionibus, & inspectis publicis instrumentis, ac consilijs hinc inde exhibitis, necnon rationibus, & allegationibus plenius intellectis, nobisque super ijs inuenerat fideliter retulisset, nos habito cum Fratribus nostris consilio diligenti, Ecclesiam vestram ab impetitione prædicti Romani sententialiter absoluius, iustitia exigente, iniuncto vobis, vt vel pro vsuris, quas Ioanni Leonis præfati R. creditoris soluistis, eidem R. satisfactionem congruam impendatis: vel ad repetendas easdem dicto R. contra ipsum Ioannem Leon. quas habetis, curetis cedere actiones. Nulli ergo omnino hominum liceat hanc paginam nostræ diffinitionis infringere, vel ei ausu temerario contraire. Siquis autem, &c. *vsque, ad incursum.* Datum Signæ x. Kal. Septembr. Pont. N. Anno xvj.

EPISTOLA XCVII.

VT EPISCOPO NAZAROCENSI ABDICATO, ALIUM
ELIGENDUM CVRET.

Episcopo, Archidiacono. & Cantori Daualien.



DILECTI filij ... Decanus, & Cantor Nazarocen. Ecclesie suis nobis literis intimarunt, quod cum olim curam eiusdem Ecclesie Sidonien. Episcopo duxerimus committendam, idem Ecclesiam ipsam frumento, animalibus, possessionibus, & rebus alijs spoliare præsumens, & muris obstrui faciens portas eius, eam in usum cellarij, reuerentia diuini cultus posthabita, redigere non expauit, præfatis Decan. Catores, aliisque fratribus electis penitus ab eadem. Cumque propter hæc & alia nonnulla grauamina nostram audientiam appellassent, ipse appellationi nequaquam deferens eorumdem, quinimò in Apostolicæ Sedis iniuriam, & contemptum eos durius aggrauans, & affligens, tantæ persecutionis sœuiriā exercuit in eosdem, quod in præfata Ecclesia nisi vnus ex præfatis Canonicis non remansit. Ideoque discretionis vestræ per Apost. script. mand. quatenus, si est ita, præfatum Episcopum, vt ea quæ abstulit Ecclesie memoratæ restituat vniuersa, per cen-

per censurā Ecclesiasticā appellatione postposita cōpellētes, Ecclesiā sepe dictā Capitulo eligendi sibi personā idoneā canonicē in pastore tribuatis, auctoritate nostra, liberā facultatē. Testes autē qui fuerint, &c. *usque*, perhibere. Quod si non omnes, & c. tu frater Episcopo. Datum Signiz ix. Kal. Sept. Pont. N. Anno xvj.

EPISTOLA XCVIII.

SENTENTIAS INTERDICTI EXACTO PRIUS IVRAMENTO,
RETRACTARI IVBET.

Episcopo Amyclen. Electo Kernicen. & Priori Patracen.

VENERABILIS Frater noster ... Archiepiscopus Patracen. pro se, ac Venerabilibus fratribus nostris Philippen. Setren. Thessalonicen. Neupatren. Theban. Athenien. & Corinthien. Archiepiscopis, ac suffraganeis eorumdem in nostra proposuit præsentia constitutus, quod cum præsato Thessalonicen. Archiepiscopo, & Sidonien. & Cardicen. Episcopis nostris dedissemus literis in mandatis, ut nobilem virum G. de Villa arduini Achaiz Principem aliōsque Abbatiarum, Eccl. sizarum, Paparum, decimarum, & possessionum ad eorum Ecclesiis pertinentium illicitos derentores, per censuram Ecclesiasticam ad restitutionem compellerent eorumdem; dicti Princeps, & alij citati legitime ab eisdem in eorum noluerunt præsentia comparere, propter quod iudices ipsi excommunicationis in eos, & in terram eorum interdicti sententias protulerunt, quas idem Archiepiscopus Apostolico petijt munimine roborari, adijciens nihilominus conquerendo, quod per dictū Principem, & homines suos sede propria, & Castro, & dimossario Patracen. possessionibus & fructibus earū, & rebus alijs cōtra iustitiā fuerat spoliatus, & quod tam idem Princeps, quā Nobilis vir O. de Roca Dominus Athenarum iura Ecclesiarum suarum graviter perturbantes, ea quæ donantur, venduntur, vel legantur eisdem ab ipsis possideri pacificē non permittunt. Exadverso autem dilecti filij W. Decanus Morthonen. Magister I. de Borbonio, & W. de Bitis miles procuratores Principis & Nobiliū prædictorum, ac omnium Latinorum sub illorum dominio consistentium, respondentes confessi fuerunt, iudices quidem antedictas sententias protulisse, sed asseruerunt, quod ante tempus, infra quod earum fuit suspensus effectus, cum fuerint sub conditione prolata, ab eis ex legitimis causis exiit appellatum. Videlicet quia iudices ipsi dicto Principi, & parti suæ suspecti merito videbantur, cum eandem haberent penitus quæstionem; & quia nostrarū copiam literarum nequiverint ullatenus obtinere, licet eas cum instantia postularent, nec in earum transcripto, quod solum fuit eis exhibitū, de cōpositione, quæ super præmissis inter ipsos, & præfatū Archiepiscopū intercesserat, aliqua mētio habebatur: unde procuratores ipsi humiliter postularunt, ut cum propter causas prædictas merito fuerit appellatum, sententias ipsas decerneremus irritas, & inanes. Ad ea verò, quæ præfatus Archiepiscopus super propria spoliatione proposuit, responderunt quod ipsum nequaquā spoliari credebant, sed si de ipsius spoliatione constaret, quod ei debita fieret restitutio, promiserunt. Cūque ipse Archiepiscopus fateretur contra iamdictas fuisse sententias prouocatum, sed prouocationem ipsam negaret ex

causis propositis factam esse: ac procuratores prædicti per duos ex ipsis, & Archidiacon. Argolicen. qui procurator non erat, se id in præsentia nostra dicerent probaturos, & propter hoc etiam parati essent obligare omnia bona sua. Nos licet per hoc ad decisionem negotij legitimè procedere non possemus, cum iidem in una eademque causa, de iure non possent esse procuratores, & testes: ad cautelam tamen ipsorum iuramentis receptis, de fratrum nostrorum consilio sic duximus providendum; ut videlicet dicti Nobiles corporaliter exhibeant iuramentum, quòd parebunt præcisè mandatis, quæ ipsis per literas, aut Legatum, vel delegatum nostrum super hoc duximus facienda, & tunc relaxatæ denuntiæ: ut sententiæ supradictæ: cognitione negotij principalis, & aliorum quæ idem Archiepiscopus proposuit coram nobis, Legato quem ad partes illas de latere nostro destinare proponimus reſeruata. Ideoque discretionis vestræ per apost. script. mand. quatenus recepto à præfatis Nobilibus secundum formam expressam superius iuramento, sententiæ ipsas denuntiatis auctoritate Apostolica relaxatas, & si præscriptæ appellationis causæ coram ipso fuerint probatæ Legato, nihil eis occasione dictarum sententiarum iniungatur, sub debito præstiti iuramenti. Quòd si non omnes, &c. duo vestrum, &c. Vos denique frater Episcopo, & filii electi super vobis ipsis, &c. Datum Signæ vij. Kal. Septembr. Pont. N. anno xvj.

EPISTOLA XCIX.

UT SENTENTIAM APOSTOLICA AVCTORITATE EXECUTIONI
MANDENT.

Abbati, & Conuentui de Valle sancti Petri, Cisterciën. Ordinis.

IUSTIS petentium desideriis dignum, &c. usque, assensu. Diffinitiuam sententiam quam pro vobis maior Decanus Colonien. & coniudices eius contra Nobilem virum Arnold. de Hukensvange super allodio in Cassele rationaliter promulgarunt, sicut est iusta, nec legitima prouocatione suspensa, auctoritate Apostolica confirmamus, & præsentis scripti patrocinio communimus. Nulli ergo omnino hominum liceat hanc paginam nostræ confirmationis infringere, vel ei ausu temerario contraire. Siquis autem, &c. usque, incursum. Datum Signæ ix. Kal. Septembr. Pont. N. Anno xvj.

EPISTOLA C.

MEMORATAS POSSESSIONES AVCTORITATE APOSTOLICA
CONFIRMAT.

Abbati, & Conuentui de Alba, Cisterciën. Ord.

SOLET annuere Sedes Apostolica, &c. usque, assensu. Possessiones de Ottesvuirle, de Rastede, de Vvinkil, de Hart, de Malsc, de Lindehart, de Schiuenhart, de Brecheim, de Terdingen, de Bernardesvuirle, de Diethenhufen, de Delenbrvunnen, & de Mosebrvunne, ac alia bona vestra, sicut ea omnia iustè, ac pacificè possidetis, vobis, & per vos, Monasterio

vestro auctoritate Apostolica confirmamus, & presentis scripti patrocínio communimus. Nulli ergo omnino hominum liceat hanc paginam nostræ confirmationis infringere, vel ei ausu temerario contraire. Siquis autem, &c. usque, incursum. Datum Signiæ ix. Kal. Septembr. Pont. N. Anno xvj.

EPISTOLA CI.

VT INIUNCTVM SIBI MANDATVM DILIGENTER EXEQUATUR.

Proposito Ferrarien.



VM tibi curam, & administrationem Massæ de Ficarolo duxerimus committendam, mandantes vt prouentus eius recipiens, ad opus nostrum seruare eosdem, miramur quod nihil nobis super hoc rescribere curauisti. Quocirca per apost. tibi scripta precipiendo mand. quatenus quidquid super hoc feceris, nobis quanto citius scribere non omittas, & loci prædicti curam, & administrationem habeas diligentem. Contradictores, aut detentores si qui fuerint per censuram Ecclesiasticam appellatione remota compescens. Datum Signiæ vij. Kal. Septembr. Pont. N. Anno xvj.

EPISTOLA CII.

VT MARCHIAM ANCONITANAM AD IVS ECCLESIE ROM. REVOCET.

Nobili viro Marchioni Esten.



INTER alias rationes ea consideratione potissimum claræ memoriz... Patti tuo Anconitan. Marchiæ in feudum duximus concedendam, quis promiserat nobis, quod eam valida manu ingrediens, ipsam ad Ecclesiæ Romanæ dominium reuocaret. Sperantes autem te in eodem negotio processurum, sicut tuis nobis literis intimasti, super hoc literas tibi transmisimus, quales vidimus expedire. Verum cum in hoc nodum processeris, & de leui maximè temporibus istis Marchiam ipsam ad dominiū nostrum reuocare possimus, Nobilitati tuæ per Apost. scrip. mand. quatenus in negotio ipso procedas. Alioquin ne diutius Ecclesia spoliata remaneat, nos procedemus in ipso, sicut videbimus expedire. Datum Signiæ v. Kal. Septembris, Pont. N. Anno xvj.

EPISTOLA CIII.

VT APOSTOLICO PRÆCEPTO SATISFACERE SATAGANT.

Archiepiscopo, Iudicibus, & Consulibus Beneuentan.



ICET Nobilis vir Thomasius de Aquino cum socijs suis de mandato nostro captus non fuerit, volentes tamen indemnitati vestræ paterna sollicitudine præcauere, sæpe vobis super hoc scripta nostra direximus, qualia pro tempore nouimus expedire. Ipse verò, etsi quoddam modicum castrum germani nostri, quod dicitur Broccus, iniuste detineat contra regiam inuisionem; vnde gratum nobis

existeret, si per vos ad illud reddendum posset induci, ut non vestrum solummodo commodum, sed etiam nostrum procuraretis honorem, liberationem tamen ipsius, qui propter hanc causam captus non fuit, nolumus impedire: sed vobis vrique credimus profuturum, si nobis curaueritis in hac parte deferre, ut nos propensius ad vestrum inducatis profectum, etiam si conditionem ipsius oporteret vos propter hoc in aliquo facere meliorem, cum per diuinæ miserationis auxilium potentes simus vobis in maioribus respondere. Vos ergo intellecto beneplacito nostro, tanquam viri prouidi, & fideles agatis, quod vtile fuerit, & honestum, necessariam adhibentes cautelam, ne circumueniri possitis, quia quantum vobis valeat compositio inter vos, & illum tractata sine nostro favore prodesse, vestra sicut credimus, discretio non ignorat. Datum Signiz iij. Kal. Septembr. Pont. N. Anno xvj.

EPISTOLA CIV.

LEGATVM SEDIS APÓSTOLICÆ COMMENDAT.

Illustri Constantinopolitan. Imperatori.

IPSUM summus angularis lapis Iesus Christus, in quo omnis ædificatio constructa crescit in templum sanctum in Domino, Ecclesie fundamentum, & fundator existens, inter cetera quibus salutaria prouidit remedia populo Christiano ad consolidandam fidei vnitatem, ut & vnus pastor esset, & vnum ouile, Sedem Apostolicam totius Christianitatis caput instituit, & magistratam. A qua sicut vnguentum in capite, quod descendit in barbam Aaron, & ad oram etiam vestimenti, panis intellectus, & vitæ ad alias procedat Ecclesias, cum doctrinâ fidei, & aqua sapientie salutaris. Sanè pastor ipsius, & rector, cum ab eo plus Dominus exigat, cui plura committit, ut in talento sibi credito negotietur utiliter, portat onera grauium cum plenitudine potestatis. Sic in vno loco personaliter residens, quod propter euentus plures, & varios in spiritu per plura diffunditur, & trahitur ad remota, quantoque magis potestas extenditur, tanto maiori sollicitudine occupatur. Verum ne inter curas continuas, & prægrandes pro defectu imperfectionis humane deficeret, si solus consumendus inani labore ad suam solitudinem omnia reuocaret: attendens quod messis multæ operarius vnus non sufficit, multos sibi operarios, & coadiutores adiungit, ac per eos exequitur, quod per se non potest personaliter adimplere. Porro expedit ut cum fratribus onera partiat, sic vices suas alij committendo, ut intelligatur ipsemet faceret, quod per alios fieri decernit; illius instructus exemplo, qui discipulos suos in vniuersum mundum ad prædicandum direxit. Cum igitur non solum necessitas Ecclesie, sed etiam utilitas Constantinopolitani Imperij postularit, illic à latere nostro destinari Legatum; nos ad exaltationem, & commodum Ecclesie pariter, & Imperij, necnon persone tue specialiter intendentes, ut in missi persona, mittentis notetur affectus, illum ad partes ipsas duximus destinandum, quem inter fratres nostros speciali diligimus caritate. Videlicet Venerabilem fratrem nostrum Pelagium Episcopum Albanen. virum literatum, prouidum, & honestum, nobis, & fratribus nostris carum admodum, & acceptum. Ipsum igitur

magnum Ecclesie Dei membrum, immo personam nostram in ipso benignè recipias, & honestè pertractes: cui nos vices nostras commisimus, vt iuxta verbum propheticum euellat, & destruat, ædificet, & plantet, quæ secundùm Deum euellenda, & destruenda, necnon ædificanda cognouerit, & plantanda. Ipsius itaque salubribus monitis, & consilijs reuerenter intendas, de cuius circumspeditione prouida, & prouidentia circumspecta plenam fiduciam obtinemus; quoniam dirigente Domino gressus eius sic via regia curabit incedere, quòd non declinabit dexteram, vel sinistram. Datum Signiz iij. Kal. Septembr. Pont. N. anno xvj.

In eundem fere modum Nobilibus viris Comitibus, Baronibus, & vniuersis Christi fidelibus sub Constantinopolitan. Imperio constitutis, verbis competenter mutatis.

EPISTOLA CV.

EADDEM CVM SUPERIORE.

Vniuersis Archiepiscopis, & Episcopis, Abbatibus, Prioribus, & alijs Ecclesiarum Prælati per Constantinopolitan. Imperium constitutis.

INCONSUTILIS Domini tunica vni cessit in sortem, vt in ipsius Ecclesia seruarietur vnitas illibata. Ad conseruandum autem in ea mysteriũ vnitatis, vnum eidem, beatum Petrum, videlicet Dominus caput instituit, & Magistrum, cui oues Christi, dicente Domino; Pæce oues meas, sunt sine distinctione commisit, alienis ab ouili Dominico reputatis, qui Petrum in suis successoribus non agnoscunt esse pastorem. Ab hac vnitatem Græcorum Ecclesia quondam diuertens, & Petri magisterio se subducens exiuit ouile Dominicum, post gregem sodalium euagando, & sic quæ primò sanis affluebat doctrinis, & penè magistra vocari poterat propter tempus, errorum postmodum circumfusa caligine, cœpit plurimum indigere, rursus diuini eloquij rudimenta mendicans. Sanè patre luminum, à quo est omne datum optimum, & omne donum perfectum, ipsam misericorditer illustrante ad Petri magisterium, vnitatem, & deuotionem videlicet Romanæ Ecclesie salubriter est reduceta: & cum in nouam quodammodo infantiam sit renata, plenam eam lactare volentes vberibus ad reformationem ipsius opem, & operam impendere nitimur efficacem. Et licet instantia nostra quotidiana sit omnium Ecclesiarum sollicitudo continua, tantò tamen ad illam specialius aciem nostræ prouisionis extendere volumus, quantò plùs reformationis officio indigere dignoscitur post errorem. Vnde quod in absentia possumus per nos ipsos, & quod præsentialiter non valemus, alterius præsentia exequentes, Venerabilem Fratrem nostrum P. Albanen. Episcopum, virum literatum, prouidum, & honestum, quem inter Fratres nostros speciali diligimus caritate, à latere nostro Legatum in Constantinopolitanum Imperium destinamus; pro certo credentes sic eum via regia incesurum, quòd non declinabit ad dexteram, vel sinistram, eisque de quo plenam fiduciam obtinemus, commisimus vices nostras, vt iuxta verbum propheticum euellat, & destruat, ædificet, & plantet, quæ secundùm Deum euellenda, & destruenda, necnon ædificanda viderit, & plantanda plenaria sibi potestate concessa, vt absque contra-

ditione cuiuslibet, ea quæ pertinent ad legationis officium exequatur. Ipsum ergo Legatum recipiatis benignè, ac honestè tractetis, quia cum nos recipiamur in ipso, in misso nobis deuotionis affectum, quem geruis admitteretis: & ipsius monitis, ac mandatis humiliter intendentes, quæ inter vos duxerit statuenda, tanquam deuotionis filij studeatis reuerenter admittere, si m tēque seruare: ac tales vos erga eum exhibere curetis, quod non solum eidem, sed etiam nobis esse possit acceptum. Scientes quod cum ei plenè legationis officium commiserimus sententias, quas rite protulerit, in rebelles, ratas haberi precipimus, & inuiolabiliter obseruari. Datum Signix iij. Kal. Septembꝛ Pont. N. Anno xvj.

EPISTOLA CVI.

EIVSDEM ARGVMENTI.

G. Principi Achaia.

LICET olim Ecclesia Græca elongauerit se ab vberibus matris suæ, à capite membrum, & pars à suo toto diuertens: quia tamen per illius misericordiam, qui venit drachma quætere perditam, & errantem ouem in deserto mundi huius propius hūneris reportauit ad caulam, ad deuotionem sanctæ Romanæ Ecclesiæ, quæ instituente Domino mater est omnium, & magistra salubriter est reducta. Sedes Apostolica maternos affectus non exuens ad reformationem ipsius tantò plus impendere nititur opem, & operam efficacem, quæ tò plus reformationis officio indiget post errorem. Sanè cum vtilitas non solum spiritualis, sed etiam temporalis exigeret, Legatum à latere nostro in Græciam destinari, nos illum ad partes illas duximus destinandum, quem inter fratres nostros speciali diligimus caritate: videlicet Venerabilem Fratrem nostrum Pelagium Episcopum Albanen. virum literatum, prouidum, & honestum, nobis, & fratribus nostris carum à modo, & acceptum. Ipsum igitur magnum Ecclesiæ Dei membrum, in no personam nostram in ipso benignè recipias, & honestè pertractes, cui nos vices nostras commisimus, vt iuxta verbum propheticum euellat, & destruat, ædificet, & plantet, quæ secundum Deum euellenda, & destruenda, nec non ædificanda cognouerit, & plantanda. Ipsius itaque salubribus monitis, & mandatis reuerenter intendas, de cuius circumspeditione prouida, & prouidentia circumspecta plenam fiduciam obtinemus, quoniam dirigente Domino gressus eius sic via regia curabit incedere, quod non declinabit ad dexteram, vel sinistram. Datum Signix iij. Kalend. Septembris, Pontific. nostri Anno xvj.

In eundem modum scriptum est Principibus, Comitibus, Baronibus.

EPISTOLA CVII.

IUSTITIAM PROMITTIT ET CONSTANTIAM PERSVADET.

H. Langrauo Thoringia.

ILLA te obtentu tuæ deuotionis, & fidei, quas in arduis sumus rebus experti, caritatis sinceritate diligimus, ut non solum pro tuis, verum etiam pro aliorum negotij preces tuas parati sumus, quantum cum Deo, & honestate possumus, exaudire; cum diligenter ad tuum aspiciamus commodum, & honorem. Sanè quod à ... Bamberg. Episcopo pro Eccl. sive deuotione pertulisse diceris gramina, & iacturas, eò nobis ampliùs est molestum, quò seruando Ecclesiæ à viro Ecclesiasticò non grauiamen sed præmium nosceris meruisse. Cum ergo a Venerabili fratre nostro ... Maguntin. Archiepiscopo Apostolicæ Sedis Legaro, qui super absolutione ipsius Episcopi receperat scripta nostra, duxeris appellandum, & eodem appellationi tuæ humiliter deferente negotium ad nostrum sit delatum examen, iustitiam tuam tibi auctore Deo, diligenter curabimus conferuare. Tu ergo termino tibi, & Episcopo ipsi à præfato Archiepiscopo præstigendo, talem ad nostram præsentiam dirigas responsalem, qui causam tuam agat fideliter, & prudenter. De cererò Nobilitatem tuam monemus, atque hortamur, quatenus in nostra, & Apostolicæ Sedis deuotione firmus, & stabilis perseueres, ut negotio, quod magnanimiter inchoatū est, & maxima iam ex parte promotum, feliciter consummato, de toleratis laboribus manipulos reportare valeas expeditos. Datum Signix iij Non. Septembr. Pont. N. Anno xvj.

EPISTOLA CVIII.

DE IIS QUI CRUCE SIGNATI VOTVM ADIMPLERE DIFFEREBANT.

C. Decan. Spiren.

QUOD iuxta verbum Apostoli non videris alium sapere, sed timere, actuum cum Propheia cognoscere imperfectum, & tamen confusus de illo, qui datus affluenter omnibus, & non improperans, balbuentium linguas facit esse discretas, iniunctum tibi exhortationis officium, & suscepisti humiliter, & sollicitè niteris adimplere, tuam nobis commendat prudentiam, & quòd si laudabiliter in ipso negotio processurus, fiduciam tribuit pleniotem. Tuis ergo consultationibus benignius inrellectis, de ijs qui suscepto Crucis signaculo proposuerunt contra hereticos in Prouinciâ proficisci, nec dum suum fuerunt executi propositum. Respondemus, ut tales ad assumendum itineris Hierosolymitan. laborem sedulo inducantur, cum illum maioris meriti esse constet. Ad quod si forsitan induci nequiverint, votum prosequi compellantur emissum. De illis verò, qui vxoribus reclamantibus volunt suscipere signum Crucis, de quibus dubitas, an propter hoc eorū debeat propositū impediri, sic duximus respondendum; quòd cum rex cœlestis maior sit rege terreno, & constet quòd vocatos ad summi Regis exercitum vxorum non impedit contradictio; liquet quòd ad summi Regis

exercitum inuitatos, & ad illum proficisci volentes prædicta non debet occasio impedire; cum per hoc matrimoniale vinculū non solvatur, sed subtrahatur ad tempus cohabitatio coniugalis, quod in multis alijs casibus fieri frequenter oportet. Quid autem agendum sit de mulieribus, & personis alijs, quæ Crucis signaculum susceperunt, & ad prosequendum votum non sunt idoneæ, vel potentes, ex generalibus literis conijcitur manifestè, in quibus continetur expressum, ut regularibus personis exceptis, suscipiant quicumque voluerint signum Crucis, ita quòd cum virgens necessitas, aut utilitas evidens postularit, votum ipsum de mandato possit Apostolico commutari, aut redimi, vel differri. Quia verò... Collegam tuum ab hac luce Dominus euocavit, Abbatem de Sconovvia eidem iuxta petitionem tuam duximus subrogandum: & ut fructuosior valeat existere labor vester, tam tibi, quàm Abbati prædicto concedimus, ut incendiarijs, & ijs qui manus temerarias in Clericos, aut alias personas Ecclesiasticas injecerunt, volentibus suscipere signum Crucis, satisfactiōe passis iniuriam exhibita, competenti auctoritate nostra liberè absoluiōis beneficium impendant. Nisi forsan aliquorum excessus adeò graues existerent, & enormes, quòd meritò essent ad Sedem Apostolicam transmittendi. Datum Signæ v. Idus Septembr. Pont. N. Anno xvj.

EPISTOLA CIX.

COMMUTATIONEM INTER SPIRENSSEM ECCLESIAM, ET
IMPERIVM APPROBAT.

Decan. & Capitulo Spiren.



IUSTIS petentium desiderijs, &c. usque, complere. Accepimus sanè, quòd Spiren. Ecclesia duo possidebat Monasteria in Thuringia, quorū Abbatissis Spiten. Episcopus regalia porrigebat: & Imperium Abbatiam de Vuizkenburch ad se in temporalibus pertinentem in Spiren. Dioc. obtinebat, de quibus inrer iptum Imperium, & præfatam Spiren. Ecclesiam cōmutatio facta proponitur de communi, & libera voluntate, quam charissimus in Christo filius noster F. Siciliz Rex Illustris in Romanum Imperatorem electus obnoxie petijt auctoritate Apostolica confirmari. Eius igitur precibus inclinati commutationem ipsam, sicut sinè prauitate prouidè facta est, & ab vtraque parte sponte recepta, & in ipsarū Abbatiarum dispendium non redundat, auctoritate Apostolica confirmamus, & præsentis scripti patrocinio communimus. Nulli ergo omnino hominum liceat hanc paginam nostræ confirmationis infringere, vel ei ausu temerario contraire. Siquis autem, &c. usque, incursum. Datum Signæ vij. Idus Sept. Pont. N. Anno xvj.

EPISTOLA CX.

VT A SE INSTITVTVM PANORMITANVM ARCHIEPISCOPVM,
CONCESSA DIGNITATE POTIRI FACIAT:

G. sancti Theodori Diac. Card. Apost. Sed. Leg.



RAVE gerimus & indignum, quòd cum iam multotiens mandaverimus per te Panormitan. Ecclesiz in pastorem de persona idonea prouideri, sicut accepimus mandatum nostrum nondum extitit effectui mancipatum. Nolentes igitur eiusdem Ecclesiz prouisionem ulterius prorogari, si forte nondum est illi de pastore prouisum, Venerabilem fratrem nostrum ... Baren. Archiepiscopum virum, sicut experimento cognouimus, prouidum, & honestum, ac nobis, & karissimo in Christo filio nostro F. Illustri Regi Siciliz in Romanorum Imperatorem electo deuotum pariter, & fidelem, eidem Ecclesiz concedimus in pastorem. Capitulo eiusdem Ecclesiz nostris dantes literis in preceptis, vt eidem tanquam pastori suo intendant humiliter, & deuotè. Ideoque discretioni tue per Apost. scrip. precipiendo mand. quatenus preceptum nostrum, sublato cuiuslibet contradictionis, & appellationis obstaculo, facias effectui mancipari. Contradictores, siqu: fuerint, vel rebelles per censuram Ecclesiasticam appellatione postposita compescendo. Datum Signiz iv. Idus Septembr. Pont. N. ANNO xvj.

Scriptum est super hoc Capitulo Panormitan.

EPISTOLA CXI.

GRATVLATVR DILIGENTEM IN CRVCIS NEGOTIO OPERAM,
ET MVLTÀ EIVS FIDEI COMMITTIT.

Episcopo Ratisponen.



GAUDEMUS in Domino, & in virtutis eius potentia gloriamur, quòd in commisso tibi negotio Crucis Christi te laudabiliter diceris exercere, ac bene diuina cooperante gratia proficere in eodem. Caritatem tuam monentes attentius & hortantes, quatenus supernæ retributionis intuitu illud, calcatis pro Christi nomine cunctis difficultatibus taliter, exequaris, vt cum illis, qui cuntes ibant, & flebant mittentes semina sua, exultationis manipulos vales reportare. Quia verò propter diei malitiam euectionum numero, quem tibi taxauimus contentus esse non potes, vt pote qui cum eo longè à ciuitate tua per duo miliaria, sicut tuis nobis insinuasti literis, procedere non auderes nos remedium, quod contra impedimentum huiusmodi tua prouidit discretio, approbantes, fraternitati tue per Apost. script. mandamus, quatenus vbi personaliter negotium exequi nequiuieris memoratum, auctoritate nostra, prout ipse cogitasti, committas viris honestis, & prouidis vices tuas. Et quoniam de tue circumspectionis modestia fiduciam gerimus pleniorē, taxandi, tam tibi, quàm illis euectionum numerum quem secundum locorū, & temporum qualitatem videris expedire, liberam

tibi concedimus facultatem, moderamine, quod ipse prouidisti, circa eos qui ministrabunt procurationes, cum res ita videbitur postulare, seruaro: ut videlicet duarum, vel trium, aut etiam plurium parochiarum populis in unum ad audiendum verbum Domini conuocatis, eorum Prelati simul ubi singuli non suffecerint, expensas baiulis verbi Dei exhibeant moderatas. Concedimus etiam, ut incendiarijs, & ijs qui manus temerarias in clericos, aut alias personas Ecclesiasticas injecerunt, volentibus suscipere signum Crucis, satisfactione iniuriarum exhibita competenti, auctoritate nostra munus absolutionis impendas: nisi forsitan aliquorum excessus adeo graues existerent, & enormes, quod merito essent ad Sedem Apostolicam transmittendi. Ad hæc omnes, qui te circa huiusmodi negotium occupato, possessiones, aut alia Ecclesie tue bona temere præsumperint inuadere, vel turbare, in quacumque fuerint Diocesi constituti, tibi liceat appellatione remota per distinctionem Ecclesiasticam coercere. Taliter ergo in omnibus exhibere te studeas prudentem, sollicitum, & modestum quod per hoc crescas, & nomine apud homines, & merito apud Deum, nosque fraternitatem tuam magis, ac magis Apostolica prosequamur gratia, & fauore. Datum Signiz iv. Idus Septembr. Pont. N. Anno xvj.

EPISTOLA CXII.

CONTRouERSIAM DE PATRIARCHATV CONSTANTINOP. DELEGAT.

Albanen. Episcopo Apost. Sed. Leg.

CVM causam super postulatione de Venerabili fratre nostro... Heraclien. Archiepiscopo, & electione de dilecto filio ... Plebano sancti Pauli de Venetijs in Constantinopolitan. Ecclesia celebratis, dilecto filio Magistro Maximo Notario nostro duxerimus committendam; & idem proficiscens vsque Venetias in negotio pro parte processerit: quia tamen per Venetias Constantinopol. transitum habere non potuit, causam ipsam tue fraternitati, de qua plene confidimus, duximus committendam, per Apostolica tibi scripta mandantes, quatenus in eadem secundum formam comprehensam in literis directis ad eundem Magistrum, appellatione remota procedas. Tu denique frater Episcope super tempore, &c. Datum Signiz xiv. Kal. Octobr. Pont. N. Anno xvj.

EPISTOLA CXIII.

REFORMANDI MONASTERII IVS ET AVCTORITATEM TRIBUIT.

Priori, & Conuentui Camaldulen.

CVM dudam ad correctionem, & reformationem Monasterij de Vangadiis laborantes proficere non possemus; nec huiusmodi Babylon quam studio multo curauimus, ad sanitatem vllatenus perueniret; quinimò eius computruissent adeo cicatrices, vtearum fœtor etiam laicos ad nauseam prouocaret: demum attendentes ferro debere vulnera resecati, quæ fomentorum non sentiunt medicinam, Venerabili fratri nostro N. Reg. in Episcopo, tunc electo, & dilectis filijs ... Priori sancti Georgij,

& V. Subdiac. nostro Canonico Veronen. dedimus in mandatis, vt tam E. quondam eiusdem loci Abbatem, qui à regimine ipsius nostra fuerat auctoritate amotus, quam etiam Monachos vniuersos per alia Monasteria collocantes, virum aliquem religiosum, bonæ opinionis, & vitæ, sollicitum in spiritualibus, & in temporalibus circumspectum, Monasterio præficerent antedicto; qui secum viris prudentibus, & religiosis assumptis Monasterium ipsum spiritualiter, & temporaliter reformaret. Qui mandatum Apostolicum fideliter exequentes, dilectum filium S. domus vestræ de Veron. Priorem, virum vtique prouidum, & honestum ipsi Monasterio præfecerunt: iniungentes eidem, vt ad minus duodecim viris idoneis de Ordine vestro assumptis, ad eiusdem reformationem intenderet sollicitè, ac prudenter: nobis nihilominus per suas literas quod fecerant intimantes, vt eorum processus per approbationem nostram stabilitatem debitam sortiretur. Volentes igitur sic eiusdem Monasterij reformationi, ac statui providere, quòd ex hoc iuri Apostolicæ Sedis, ad quam nullo medio pertinet, minimè derogetur, de Fratrum nostrorum consilio, ipsum Priorem concedentes dicto Monasterio in Abbatem, liberam eiusdem Monasterij correctionem, & plenam tibi, fili Prior, & successoribus tuis duximus committendam. Ità tamen, quòd qui protempore fuerit electus ibidem, Romano Pontifici præsentetur, ab eo confirmationis, & benedictionis gratiam recepturus: ad cuius amotionem, si quando propter excessus suos fuerit amouendus, inconsulto Romano Pontifice nullatenus procedatur. Datum Signæ vij Kal. Octobr. Poat. N. Anno xvj.

In eundem fere modum scriptum est Regim. Episcopo ... Priori sancti Georgij, & V. Subdiac. nostro Canonico Veronen. verbis competenter mutatis, usque, nullatenus procedatur. Ideoque discretionis vestræ per Apost. script. mand. quatenus Monachos, qui adhuc in præfato Monasterio commorantur, in alijs Monasterijs recipi facientes, in corporalem possessionem ipsius, prædictum inducat in Abbatem, & ad reformationem eiusdem opportunum impendentes sibi consilium, & fauorem, faciatis ei de ipsius Monasterij iustitijs ab eius fidelibus, & subditis plenariè responderi. Contradictores, si qui fuerint, vel rebelles per censuram Ecclesiasticam appellatione postposita compescendo. Quòd si non omnes, &c. Tu frater Episcopo, &c. Tu denique frater Episcopo super teipso, &c. Datum vt supra.

EPISTOLA CXIV.

VT AD MELIOREM FRUGEM REVERTATUR, ET CAMALDULENSIUM INIURIIS ABSTINEAT.

Nobili viro Comiti Guidoni, spiritum consilij senioris.



CUM tuum in multis offenderis Redemptorem, & traditam tibi potestatem ab ipso multotiens contra eum præsumperis exerce-
re, deberes saltem in vitæ vespere constitutus, tuæ delicta corri-
gere iuuentutis, & Domini faciem in confessione oris, & satisfac-
tione operis taliter præuenire, vt in tremendi necessitate iudicij
ab ipso, qui reddet singulis secundum opera sua, posses indulgentiæ gratiam
expectare. Tu verò, quod dolentes referimus, nec dum à via mala cohibes pedes

tuos; sed quasi propriæ salutis curam, ac diuini nominis timorem abiiceris, & amorem, contempta Dei patientia, quæ quantum in ipsa est, ad penitentiam te adducit, confusionem tibi thesaurizas, & iram, religiosos viros, quorum patrocinium tibi deberes beneficijs, & obsequijs comparare, vt apud Dominum ailegarent precibus causam tuam, in tuæ famæ, ac salutis dispendium assilendo. Ecce enim, sicut multorum relatione didicimus, Fratres Camaldulen. qui seculi vanitatibus abdicatis, mortificauerunt cum vitijs, & concupiscentijs membra sua crucifigentes sibi mundum cum Apostolo, & se mundo, multipliciter opprimens, & assilens, nuper fecisti iuxta ipsorum eremum quandam viam, per quam non solum armatos, sed etiam histiones cum mulierculis ire facis, cum accessus terminorum suorum mulieribus ab antiquo fuerit interdictus. Nuper quoque quosdam boues ipsorum eisdem fecisti violenter auferri, nec eos, donec à quibusdam Cōuersis eorum quandam quantitatem bladi receperis pro illis, reddere voluisti. Ijs & alijs modis eorum quietem per te, ac tuos adeo inquietans, vt nisi aliter prouideatur eisdem, sui Ordinis instituta nequeant obseruare. Volentes igitur, & eorum tranquillitati, & tuæ salutis pariter prouidere, Nobilitatem tuam monemus, rogamus, & exhortamur in Domino, in remissionem tibi peccaminum iniungentes, quatenus breuitatem considerans vitæ tuæ, quæ cum iam senilem peruenieris ad ætatem, omne autem, quod antiquatur, & senescit prope interitum esse constet, proculdubio longa esse non potest, recogites in amaritudine annos tuos; & attendens quòd lex vniuersis, quæ habere videris, sola tua opera te sequentur, quæ si bona fuerint ad æterna gaudia te perducunt; si verò mala perpetuam te pettrahent ad gehennam, tui tandem incipias misereri, & satisfacere studens Domino de commissis, ab Ecclesiasticorum virorum, & specialiter dictorum Camaldulen. molestatione decetero conquiescas. Ne forte præoccupatus subito die mortis, penitentix spatium quaxas, nec valeas inuenire. Alioquin cum pater filium, quem diligit corrigat, & castiget, nos specialiter ob salutem tuam, quam sollicitudine paterna zelamus, Venerabilibus fratribus nostris Archiepiscopo Pisân. ... Episcopo Florentin. & dilecto filio Electo Aretin. nostris damus literis in mandatis, vt tam super prædicta via, quàm alijs te ab eorundem Camaldulen. vexatione cessare per censuram Ecclesiasticam, appellatione remota, præuia ratione compellant. Datum Signæ xij. Kal. Octob. Pont. N. Anno xvj.

Illis scriptum est super hoc verbis competenter mutatis.

EPISTOLA CXV.

COMPOSITIONEM INTER CARDICENSEM ECCLESIAM ET
FRATRES HIEROSOLYMITANOS INITAM CONFIRMAT.

Episcopo, & Capitulo Cardicen.



VM à nobis petitur, quod iustum est, usque, perducatur effectum. Sanè oblata nobis ex parte vestra petitio continebat quòd cum causam, quæ inter vos ex parte vna, & Fratres domus Hierosolymitan. Hospitalis de Phitalea ex altera, super Castro Cardicen. casualibus, & rebus alijs vertebatur, Venerabilibus fratribus nostris ... Thessaloniten. & Philippen.

Philippen. Archiepiscopis, & Episcopo Sidonien. duxerimus committendam: tandem mediante prefato Archiepiscopo Philippen. cui vicem suam supradicti coniudices sui, qui negotio inter esse non poterant, commiserunt, inter vos, & prefatos Hospitalarios verimque prefato iuramento amicabile compositio interuenit, quam vos, & pars altera per proprias literas postulastis Apostolico munimine roborari. Ea propter vestris iustis postulationibus grato concurrentes assensu, compositionem ipsam, sicut sine prauitate prouide facta est, & ab utraque parte sponte tecepta, & iuramento firmata, vt in literis inde confectis supradicti Archiepiscopi Philippen. sigillo munitis, quarum tenorem de verbo ad verbum presentibus iussimus literis annotari plenius continetur, auctoritate Apostolica confirmamus, & presentis scripti patrocinio communi-mus. Tenor autem literarum ipsarum talis existit. Guilielmus Dei gratia Philippen. Archiepiscopus Vniuersis Christi fidelibus ad quos prefens scriptum aduenerit, salutem in vero salutari. Cum causam inter Venerabilem Fratrem nostrum B. Cardicen Episcopum, & Fratres Hospitalis sancti Ioannis Hierosolymitan. vertet em nobis, & Venerabilibus Fratribus nostris Archiepiscopo Thes-salonicens. & Sidonien. Episcopo, Papa commisisset. & cum ipsi tum valetudine corporis, tum negotiorum frequentia impediti, ad hanc exequenda personali-ter venire non possent, nobis mandarunt, vt dictam causam effectui mandare-mus. Quod cum facturi Armiro venissemus, de communi assensu, & voluntate utraque pars nostro sicut iudicis delegati se dedit mandato, vt quidquid super controuersia inter ipsos habita statueremus, ratum haberent, & firmum. Re-cepta igitur ab utraque parte iuratoria cautione nostro stare mandato, audita-que simul, & diligentius veritate discussa, tam per idoneos, & legitimos testes in presentia vestra iuratos, quam etiam per priuilegium Constantini quondam cognati Alexij Imperatoris concessum Ecclesie Cardicen. perpendimus. casu- lia, de quibus questio erat ad eandem Ecclesiam pertinere, pro quo mandamus, vt Ecclesia Cardicen. teneat, habeat, & proprietario iure possideat casalia septem cum suis pertinentiis, scilicet Toliasiki, Iaiadinami, Toalopocori, Olongoi, Ica-napiza, Iconzobi, Stenes, duosque molendina integra, & tria in edificata in loco, qui dicitur Suppetasu, cum fructibus exinde duobus annis perceptis. Super ducentis marchis argenti, olim in compromisso statutis, & nomine pene soluendis, necnon & expensis factis, cum dictus Episcopus Romam accessit, quas Dominus Papa mandauerat nobis, vt dicto Episcopo solui faceremus, taliter du-ximus statuendum. Episcopus enim antefatus, & Ecclesia Cardicen. percipiant, teneant, & habeant proventus fori Armiron. per sex annos. Itaque tamen, quod si dicti Fratres Episcopo, & Ecclesie per quemlibet annum soluerint quatuor li-bras yperperorum, dum idem Episcopus debet tenere proventus, sic quod si-mul, & vna vice soluant, pro residuis annis percipiant fructus fori prefati. Fra-mentum vero vinum, yperperi, & quidquid de bonis Ecclesie dictae, presenti, & praeterito anno supradicti Fratres perceperunt, iubemus prefato Episcopo reddi; sic tamen vt impraesentiarum restituant quinque vegetes vini, quattam partem triginta septem modiorum frumenti, & dimidij centum quinquaginta tres modiorum hordei, Cicerum quatuordecim, Nucum quatuor hinc ad Mar-tium, tres alias residuas partes per totum mensem Augusti ad magnum modium

mensuratas exsoluant. Quia verò constitit nobis, quòd Hospitalarij habebant septem homines Ecclesiæ Cardicen. scilicet Papam Leonem, Ioannem For, Lauiotissam & filium eius, Parásque, Pisanum, Erinium, Nileisorum, iubemus illos à dictis Fratribus Episcopo restitui. Præterea omnes Abbantias, & Papates in tenimento Hospitalis constitutas, & existentes, dum tamen sint infra fines Episcopatus Cardicen. præcipimus reddi. Præsertim enim quandam Abbatiam in Armiro quæ Valesinum dicitur, quam Dominus Papa eidem Episcopo duxit concedendam, mandamus Episcopum præfatum habere, & quidquid Dominus Papa ipsi adiudicauit Episcopo, vel concessit, eidem duximus auctoritate qua fungimur confirmandum. Literas Domini Papæ nobis, & Coniudicibus nostris transmissas, necnon & literas Imperiales Domino Galterio Camerario delegatas præcipimus sepeditis Fratribus reddi, ita vt ipsi Fratres Dominum Papam, & Imperatorem precentur, quòd hanc pacem, & compositionem custodiant, suarumque robore muniant literarum. Idem etiam Fratres omnes Barones regionis precabuntur, quòd hanc custodiant pacem, vsqueque partium hoc non obseruari contra eam existerent obseruanti parti fauentes. Vt autem quod mandauimus maioris firmitatis robur assumat, Magister Nicolaus tam pro Episcopo, quàm pro se, Magister Gregorius Signinus, & Ioannes Clericus Canonici Cardicen. iurauerunt tactis sacrosanctis Euangelijs hanc pacem, compositionem, conuentionem, seu mandatum obseruare, & contra nullo tempore venire: & promisit Episcopus ab omnibus Canonici Cardicen. hoc iuramentum præstari. Quod similiter Frater Stephanus Præceptor, Fratres Petrus, & Oddo iurauerunt obseruare; & promisit idem Stephanus sacramentum istud à cunctis Fratribus exhiberi. Nos verò ad maiorem huius rei firmitatem habendam, iubemus tam sigillo nostro, quàm sigillo venerabilis Fratris nostri Thessalonicens. Archiepiscopi, & hoc vtriusque partis voluntate præsens scriptum comuni. Omnia quidem prædicta iubemus esse rata, salua vtrique parti agendi potestate, si qua sunt inter ipsos agenda, exceptis ijs quæ pagina præsentis notantur. Nos Bartholomæus Cardicen. Episcopus vna cum Capitulo eisdem Ecclesiæ huic paci, vel conuentioni assentimus, ratamque, & firmam semper habere promittimus, & præterea tam Apostolicæ clementiæ, quàm cum Imperatoris supplicamus maiestati, vt hanc pacem custodire, suarumque munimine literarum roborare dignentur. Barones insuper eodem modo precamur, scilicet Dominos Conum Senescalcum, G. de Villa-harduini Marescalcum, Milonem de Brabant, & omnes alios Barones, quòd hanc custodiant pacem, suoque roborent sigillo, & parti obseruanti hanc pacem fauentes contra non obseruantem existant. Nos Frater Stephanus Præceptor domus de Phitaea, & aliarum domorum Hospitalis sancti Ioannis Hierosolymitani in Romania, vnà cum Fratribus nostris huic paci, vel conuentioni assentimus, ratamque & firmam semper habere promittimus. Et præterea tam Apostolicæ clementiæ, quàm Imperatoris supplicamus maiestati, quòd hanc pacem custodire, & suarum munimine literarum roborare dignentur. Barones insuper eodem modo precamur, scilicet Dominos Conum Senescalcum, G. de Villa-harduini Marescalcum, Milonem de Brabant, & omnes alios Barones, quòd hanc custodiant pacem, suoque roborent sigillo, & parti obseruanti hanc pacem fauentes contra non obseruantem existant.

Datum & recitatum apud Amiro in præsentia Domini Gualterij Camerarij, Nicolai Rugulufu, Theobaldi, Yuonis, Thomæ, & multorum aliorum. Anno Domini millesimo ducentesimo xij. Anno xv. Pont. Dñi Innocentij Papæ III. mense Decembr. die vndecima. Nulli ergo omnino hominum liceat hanc paginam nostræ confirmationis infringere, vel ei ausu temerario contraire. Si quis autem, &c. *vsque*, incursum. Datum Signiz v. Kal. Octob. Pont. N. anno xvj.

EPISTOLA CXVI.

EXCOMMUNICATORVM IUDICIUM SENTENTIAS RESCINDIT.

Episcopo Narnien.

VM excommunicatorum communio sit alijs interdicta, ipsi officia publica exercere non debent. Quocirca fraternitati tuæ per apost. script. mandamus, quatenus constitutiones, & sententias Narnien. iudicium, quos sententia excommunicationis involuit, tam promulgas, quàm promulgandas in posterum auctoritate nostra decernas irritas, & inanes. Prohibemus etiam, ne quis extra-neus in elusionem mandati nostri apud Narniam officium iudicis exercere præsumat. Porro quia fraus, & dolus cuiquam patrocinari non debet, constitutiones, & sententias talium inanes, & irritas decerni mandamus. Tu denique frater Episcope super teipso, &c. Datū Signiz vj. Non. Octobr. Pont. N. anno xvj.

EPISTOLA CXVII.

MARCHIONEM ESTENSEM ADVERSUS PADUANOS TVERI IVBET.

Patriarcha Graden.

REDERAMVS hæcenus, quòd Paduani ciues, nobis, & Apostolicæ Sedi desiderarent reuerentiam maiorem impèdere, quàm exhibere probentur. Cùm, sicut accepimus, dilectum filium Nobilem virum ... Marchionem Esten. nobis, & Ecclesiæ Romanæ deuotum, contra iustitiam vehementer impugnant: cuius pater, & ipse pro Ecclesiæ defensione se laboribus, & periculis multis exponere minime dubitarunt. Porro si Paduani prædicti aliquid contra præfatum Marchionem habebant, poterant saltem in hoc Apostolicæ Sedi deferre, quòd illud in nostram notitiam deduxissent, ut noseis sat fieri faceremus, antequàm contra eum, quem pro certo sciebant nos quasi specialiter nostrum, cari, & acceptum habere, cum Eclino, & alijs excommunicatis procederent, nobis penitus inconsultis, & quasi omnino contemptis. Quocirca fraternitati tuæ per apost. scrip. mand. quatenus Paduanos eosdem, ut à memorati Marchionis impugnatione desistant, diligenter moneas, & inducas; eis ex parte nostra firmiter repro-mittens, quòd nos ipsis faciemus satisfactionem impendi, cùm nobis ostenderint se contra eum aliquam iustam causam habere. Alioquin ne Marchionem ipsum pro derelicto videamur habere, qui post Deum nõ habet alium, ad quem pro iustitia consequenda in hac tēpestare recurrat, tu cognita veritate Paduanos

prædictos ab iniusta ipsius impugnatione per censuram Ecclesiasticam, appellatione remota, compescas. Datum Signix vj. Non. Octobr. Pont. nostri Anno xvj.

EPISTOLA CXVIII.

AD VARIA CAPITA RESCRIBIT.

Archiepiscopo Lundens. Apostolica Sedis Legato.

VIA circa minima, & maxima frequenter humanus deficit intellectus, prudentis est quærare ubi scrupulus dubitationis occurrit. Sanè postulasti per Sedem Apostolicam edoceri, si Presbyteri successuè duas concubinas habentes, bigamij censentur, ut cum eis tanquam cum irregularibus, quoad executionem sui officij nequeas dispensare: Et si Presbyterorum filij sint indifferentes sacros Ordines promouendi: & utrùm sacerdotes Suethix in publicis debeas tolerare coniugijs, qui super hoc se asserunt cuiusdam summi Pontificis priuilegio communitos. Ad quæ sic duximus respondendum, quòd cum sacerdotes prædicti, siue vno, siue diuersis temporibus plures habuerint concubinas, irregularitatem non incurrerint bigamiz, cum eis tanquam simplici fornicatione notatis, quoad executionem sacerdotalis officij poteris dispensare, si viuere curauerint continenter. De Presbyterorum verò filijs, tam ex decreto Vrbanì Papæ secundi, quàm ex Concilio colligitur Pictauien. quòd ad sacros non sunt Ordines promouendi, nisi aut in cænobijs, aut in Canonica regulari religiosè fuerint conuersati. De Presbyteris autem Suethix certum non possumus dare responsum, nisi viderimus priuilegium, quod prætendunt. Quæsiuisti præterea, utrùm in canonem incidant laici sententiæ promulgatæ, qui sacerdotes, aut alios clericos in manifesto facto comprehensos contrectauerint violenter, si citra violentiam nequeant comprehendi: & si clericus, quem vehementer præsumis esse falsarium, ad tuam præsentiam citatus legitimè venire contempnas, citra excommunicationis sententiam, ad iudicium per violentiam trahi possit. Ad hæc taliter respondemus, quòd in neutro casuum prædictorum sententia excommunicationis incurritur, dummodo mandatum interueniat Prælatorum, quorum tales clerici sunt iurisdictioni subiecti: cum hoc non ipsi laici, sed illi potius, quorum auctoritate id faciunt, facere videantur: nec amplius laicorum violentia extendatur, quàm defensio terræ bellio exegerit clericorum. Subsequenter etiam quæsiuisti, utrùm Monachi omnium Sanctorum priuilegium bonæ memoriæ E. prædecessoris tui super Episcopis libus decimis retinendis indulgè, extendere valeant ad possessiones postmodum acquisitas, & in posterum acquirendas. Super quo taledamus tuæ fraternitati responsum: quod si decimarum illarum remissio facta extitit secundum canonicas sanctiones, prædecessor tuus indefinitè decimis Episcopales Monasterio remittendo, cum nihil exceperis, & poterat exceperisse, ac in beneficijs plenissima sit interpretatio adhibenda, nec debeat vna eademque substantia diuerso iure censerì, intellexisse videtur non solum de decimis possessionum illius temporis, sed futuri. Sanè quia contingit interdum, quòd nullo accusatore publicè comparente, qui matrimonium im-

petat iam contractum, ad te priuata quorundā assertio defert consanguinitatis, vel affinitatis impedimentū an sub silentio præterire, an ad denominationē iumentalium, vt tuis verbis vtamur, procedere debeas, quæsiuisti. Ad hoc sic breuiter respondemus: quòd si personæ graues, quibus fides sit merito adhibenda, tuz fraternitati denuntient, quòd ij qui matrimonio sunt coniuncti, se propinquitate contingant, etiamsi nullus manifestus appareat accusator, ex tuo procedere potes officio, vt veritate sollicitè inquisita, quod postulauerit iuris ordo decernas; maximè si ex tali copula scandalum sit subortum. Porro de Nobili viro N. pro cuius dispensatione, indulgentia scilicet remanendi, cum ea quæ ipsum quinto gradu consanguinitatis contingit, à Sede Apostolica obtinenda, falsa nobis causa fuerat allegata, proles videlicet: cū tamen ante dispensationem obtentam vnica filia, quam habebat viam fuerit vniuersæ carnis ingressa, prout tua consultatio continebat, dissimulare poteris, vt remaneat in copula sic contracta, cū ex separatione, sicut asseris, graue videas scandalum imminere. Tu denique frater Archiepiscopo super teipso. Datum Signiz v. Non. Octobr. Pont. N. Anno xvj.

EPISTOLA CXIX.

VT CAUSÆ SIBI COMMISSÆ DILIGENTIVS INTENDANT.

Abbati, Priori, & Custodi sancti Nicolai Rigen. Diac.

CVM olim dilecti filij ... Magister, & Fratres Milniz Christi de Liuonia transmissa nobis conuestione monstrassent, quòd Venerabilis F. N.... Episcopus, & Præpositus Rigen, in Insula, quæ Holme dicitur, Ecclesiam construere non permittent populo suæ partis, nec ad eam præsentare plebanum: ac dictus Episcopus in ciuitate Rigen. Ecclesias, decimas, aduocatiam, monetam, piscationes, & ipsius ciuitatis tertiam partem eos non sineret, prout ad ipsos pertinet, possidere: contra compositionem inter Episcopum, & Fratres prædictos nobis mediantebus initam veniendo: eisdem Episcopo, & Præposito per Apostolica scripta mandauimus, vt supradicta, iuxta quod in authentico de præfata compositione confecto plenius continetur, possidere permitterent Fratres ipsos libere, ac quietè, nullam eis decetero super illis inferentes molestiam indebitam, & grauamen. Ac idem Episcopus in procurationibus, quas ab ipsis, & eorum Ecclesijs debet recipere annuatim, sic se modeste haberet, quòd non grauaret eosdem; cū adhuc illorum, & Ecclesiarum ipsarum sint tenues facultates. Vobisque nihilominus dedimus in mādatis, vt si memorati Episcopus, & Præpositus mandatum Apostolicum negligerent adimplere, vos eos ad prædictorum Fratrum superijs molestatione indebita per censuram Ecclesiasticam appellatione remota compescere curaretis. Sed miramur, quòd sicut accepimus cū Episcopus, & Præpositus sæpèdicti ab eorumdem Fratrum iniurijs non reuocauerint manus suas, eoque fortius persequantur eosdem, quòd difficilius possunt habere recursum ad Sedem Apostolicam tam remoti, vos mandatum nostrum exequi non curastis, ex absentia vnius vestrum occasione dilationis assumpta, satis siquidem friuola, & inani; cū in literis pro eisdem Fratribus ad vos missis con-

tineretur expressè; Quòd si non omnes ijs exequendis interesse possent, duo vestrum ea exequi procurarent, & sic Fratres prædicti ob morz dispendium ad Sedem Apostolicam appellarunt. Nolentes igitur eorumdem fratrum dispendium iustitiam, per iterata vobis scripta distictè præcipiendo mandamus, quatenus in prædicto negotio secundum tenorem præcedentium literarum omni occasione, & appellatione cessantibus procedatis, memoratum Episcopum ad prædictæ cõpositionis obseruantiam, per suspensionem Pontificalis officij, & etiam, si opus fuerit, excommunicationis sententiam compellentes. Tu denique fili Abbas super teipso, &c. Datum Signiz vj. Idus Octobr. Pont. nostri Anno xvj.

EPISTOLA CXX.

EPISCOPATVM IN SACKELA ET HUGENHUSEN DE NOVO ERIGIT.

Archiepiscopo, Decan. & Proposito Lunden.



VM eo faciente qui venit saluum facere quod perierat, & Ecclesiam suam noua semper prole fecundat, Sackela & Hugenhufen de nouo receperint verbum Dei, & per illius misericordiam qui velle nostræ humilitatis indutus dignatus est peregrinari pro subditis, vt eos supernæ patris ciues & æternæ beatitudinis faceret coheredes Dei, Euangelium quasi semen cadens in terram bonam per partes illas sit longè latèque diffusum; ne huic nouellæ plantationi diligentis agriculturæ cura desit, nostro fuit Apostolato supplicatum, vt & loci per Episcopalis dignitatis insignia, & populis per circumspecti Prælati sollicitudinem faceremus timore dispendio prouideri. Ne igitur gregi Dominico desit cura pastoris cum adhuc lupus rapax circumnear quærens quem deuorat, paratus eò fortius ad rapinam, quò recentius perdidit quod diu tenuerat occupatum: discretioni vestræ per Apost. script. mandamus quatenus inquisita & cognita veritate, si qualitas locorum poposcerit, ac facultates sufficiant, & expedire videritis Episcopatum auctoritate nostra constituatis ibidem, & vocatis qui fuerint euocandi per electionem canonicam faciatis loco & populo prouideri de persona idonea in pastorem, & iura quæ debent ad Episcopum & Ecclesiam pertinere assignari eis integrè ac quietè. Quòd si non omnes, &c. tu frater Archiepiscopo, &c. Tu denique frater Archiepiscopo super teipso, &c. Datum Signiz v. Idus Octobr. Pont. N. Anno xvj.

EPISTOLA CXXI.

VT NEOPHYTOS AB OMNI INDEBITA MOLESTIA VINDICENT.

Abbati, Priori, & Cellerario de Monte sancti Nicolai Rigen. Diacensis.



VM pastores Ecclesiarum oves per deuium infidelitatis errantes ad ouile Dominicum non solum prædicationis officio, sed etiam beneficiorum gratia debeant inuitare: graue gerimus, & indignum, quòd sicut accepimus, Venerabilibus Frater noster... Rigen. Episcopus quosdam neophytos vix adhuc plenè in sanctæ fidei eruditione plantatos, in iniuriam fratrum militiæ Chusti exheredat in

Riga, & aliàs indebita molestatione fatigat. Vnde contingit, quòd respicientes retrò, qui ad aratrum iam manum posuerant, Christi iugum abijciunt, relabentes in pristinæ gentilitatis errorem: cum in iam Christianos ea præsumat memoratus Episcopus, quæ in Gentiles nullatenus attentaret. Volentes igitur prædictos neophytos debita quiete gaudere, discretioni vestræ per Apost. script. mand. quatenus supradictum Episcopum ab ipsorum iniurijs distractione, qua conuenit, sublato appellationis obstaculo compescatis. Quòd si non omnes, &c. duo vestrum, &c. Tu denique fili Abbas super te ipso, &c. Datum Signiz v. Idus Octobr. Pont. N. Anno xvj.

EPISTOLA CXXII.

VT FRATRIBVS MILITIÆ CHRISTI REQUISITI IUSTITIAM
FACIANT.

*Abbat de Gothlanda, & de Northlanda, & de Sutherlanda,
Præpositis Lundæ. Diæcesis.*



VONIAM nimis spendiosum est, & graue dilectis filijs Fratribus militiæ Christi de Liunia, cum sint in remotis partibus constituti, pro singulis querelis Apostolicam Sedem adire: cum frequenter à multis, tam clericis, quàm laicis grauius sint iniurijs lacerati, ad supplicationem eorum super hoc eis duximus protidendum. Quocirca discretioni vestræ per Apost. script. præcipiendo mandamus, quatenus cum à dictis Fratribus fueritis requisiti, malefactores eorū in Bremensi prouincia constitutos, vt eis ablata restituant, & de damnis, & iniurijs irrogatis satisfaciant competenter, vel in aliquos compromittant, qui appellatione remota, iustitia mediante, procedant, per censuram Ecclesiasticam sublato appellationis disugio compellatis. Quia verò Venerabilis F. N. Rigen. Episcopus eos, sicut accepimus, in multis opprimere consuevit; volumus, vt cum vobis constiterit memoratum Episcopum malitiosè vexare Fratres eosdem, cum ipsis in expensis legitimis condemnetis. Quòd si non omnes, &c. duo vestrum, &c. Tu denique fili Abbas super te ipso, &c. Datum Signiz v. Idus Octobr. Pont. N. Anno xvj.

EPISTOLA CXXIII.

POSSESSIONES FRATRV MILITIÆ CHRISTI CONFIRMAT.

Magistro, & Fratribus militia Christi in Liunia constitutis



Vm à nobis petitur, &c. usque, assensu. Saccale, ac Hugenhusen Gudandix adiacentes, & omnia bona, quæ obtinetis in Gutlandia, sicut ea omnia iustè, ac pacificè possidetis, saluo iure, quod debet ad Episcopum, & Ecclesiam pertinere, vobis, & per vos Ordini vestro auctoritate Apostolica confirmamus, & præsentis scripti patrocinio communimus. Nulli ergo omnino hominum liceat hanc paginam nostræ confirmationis infringere. Siquis autem, &c. usque, incursum. Datum Signiz v. Idus Octobr. Pont. N. Anno xvj.

EPISTOLA CXXIV.

COMMENDAT ESTIENSEM EPISCOPVM, ET EIVS IN VINEA
DOMINICA COOPERARIOS.

Uniuersis Christi fidelibus per Saxoniam constitutis.



QVONIAM iuxta sententiam Sapientis ab adolescentia prona est vita hominis ad peccandum, & diuersis inquinamentis obnoxia vitiorum, multa ei caritatis opera proponuntur, vt ibi multiplicentur remedia, vbi morborum diuersitas inualefcit. Sanè ad vestram dudum credimus notitiam peruenisse, quod Dominus noster, qui neminem vult perire, sed omnes ad agnitionem pertingere veritatis, calceamentum suum in Liuoniam miseratus extendit, ad partes illas novos Apostolos dirigendo, per quos populus, qui vsque nunc ambulabat in tenebris, cerneret lucem magnam, ortam ambulantis in medio vmbre mortis. Inter ceteros autem, per quos in Gentibus illis reuelauit Dominus brachium sanctum suum, vt viderent salutare Domini Dei sui, Venerabilis F. N. Estien. Episcopus plurimum laborasse dignoscitur, & diuina cooperante gratia profecisse: qui quamquam sibi liceat eorum carnalia metere, quibus spiritualia seminat, cum os bouis aligari non debeat trituran- tis, & Dominus ijs, qui annuntiant Euangelium de Euangelio viuere ordinari: quia tamen cum sit Neophytorum Episcopus hac vri metuit potestate, ne quod off- fendiculum det Euangelio Christi, eundem sinè baculo, atque pera portantem coram Regibus, & Gentibus nomen Dei, Vniuersitati vestre duximus propen- sius commendandum, caritatem vestram monentes, & obsecrantes in Domi- no, atque in remissionem vobis peccaminum iniungentes, quatenus ipsum tanquam Iesu Christi Legatum recipiatis benignè, ac sincera tractetis in Do- mino caritate, suam, & coadiutorum eius in Euangelio abundantia vestra in hoc presenti tempore supplentes inopiam: vt & illorum abundantia vestre sit supple- mentum inopie in futuro. Datum Laterani, iij. Kal. Nouemb. Pont. N. Anno xvj.

EPISTOLA CXXV.

DVM GENTILIBVS DOCENDIS INVIGILAT, PROTECTIONEM
APOSTOLICAM IMPERTITVR.

Episcopo Monasterien.



Adeo qui neminem vult perire, sed vt omnes ad agnitionem per- ueniant veritatis, tibi esse audiuimus, & credimus inspiratum, vt Venerabili Fratri nostro Estien. Episcopo, qui sicut seruus fidelis, & prudens in Domini vinea fideliter operatur, coope- rator accedens, cum eo portare proposueris coram Gen- tibus, & Regibus nomen Dei, & dare salutis scientiam plebi sue. Nos igitur tuum pium propositum dignis in Domino laudibus commendantes, fraternitatem tuam monemus attentius, & hortamur, quatenus accensus zelo fidei Christiane, ac

sperans, quòd qui affectum tibi dedit, adijcet & effectum Euangelistæ aggregariis opus, & officium confidenter, ut cum illis, qui euntes ibant, & flebant mittentes semina sua, exultationis manipulos valeas reportare. Ut autem prædicationis officium valeas liberius exercere, statuimus, ut, te huiusmodi pietatis operi mancipato, Ecclesia, & persona tua cum omnibus bonis suis sub Apostolicæ Sedis protectione consistant. Tu denique frater Episcopo super templo, &c.

Datum Laterani iij. Kal. Nouembr. Pont. N. Anno xvj.

In eundem modum scriptum est Episcopo Verden.

In eundem modum scriptum est Episcopo Padeburnen.

EPISTOLA CXXVI.

UT AD GENTILIVM PRÆDICATIONEM ALIQVOS EX SVIS
ESTIENSI EPISCOPO ADIVNGANT.

*Abbatibus, Archidiaconis, Decan. Prioribus, & alijs Ecclesiarum Prelatis
per Saxoniam constitutis.*

AD vestram iamdudum notitiam credimus peruenisse, quòd Dominus noster, qui neminem vult perire, sed ut omnes ad agnitionem perueniant veritatis, ad partes Liunionæ calcamentum suum miseratus extendit, & nonnullos gentilitatis tenebris obvolutos, ab eis ostensa sibi luce magna, quæ ipse est, misericorditer liberauit. Cùm autem Venerabilis F. N. Estien. Episcopus, qui prædicando in iamdictis partibus verbum Dei multum laboravit in Euangelio, & diuina gratia cooperante profecit, animo indefesso desideret portare coram Gentibus, & Regibus verbum Dei, & ad messem, quæ multa est sufficere operarij pauci non possint, Vniuersitatē vestram monemus in Domino per Apost. vobis scrip. mandātes, quatenus cùm idem Episcopus aliquos de Fratribus vestris ad huiusmodi ministerium vtilēs, & idoneos à vobis duxerit exigendos, sibi duos, aut saltem vnum de vestris Collegijs singuli concedatis, ut cooperantibus ipsis currat velociter sermo eius, qui emittit eloquium suum terræ. Vos denique filij Abbatēs super vobis ipsis. Datum Laterani iij. Kal. Nouemb. Pont. N. Anno xvj.

EPISTOLA CXXVII.

ESTIENSIS EPISCOPI ELECTIONEM CONFIRMAT.

Episcopo Estien.

OMMISSI nobis officij sollicitudo deposcit, ut ijs quæ ad diuini cultus ampliationem pertinere noscuntur, fauorem studeamus beniuolum impartiri. Cùm ergo Venerabiles Fratres nostri Padeburnen. Verden. Ralkeburgen. & Rigen. Episcopi te in Episcopū Estien. provincie duxerint ordinandum, sicut ex litteris acceperimus eorundem; nos quod super hoc ab ipsis prouidē atque canonicē factum est, ratum habentes, & gratum, præsentium tibi auctoritate concedimus, ut in ea liberē officium exerceas pastorale. Datum Lateran. ij. Kal. Nouembr. Pont. N. Anno xvj.

HORTATUR VT OMNEM QUERELÆ OCCASIONEM PRÆCIDANT.

Dilectis filiis Militibus Christi in Liouonia.

T sicundis fidelibus cor vnum in Domino, & anima debeat esse vna; specialiter tamen ij, qui secularibus desiderijs abnegaris in medio nationis habitant infidelis, p̄tantes necessarium in carne manere solummodo propter fratres, seruare debent spiritus vnitatem, vt se tamquam Dei ministros irreprehensibiles omnibus exhibentes, ac lucentes sicut luminaria inrer eos, ipsos ad æmulationem fidei valeant prouocare. Noueritis aurem ad nostram audientiam p̄ruenisse, quòd cum Venerabiles Fratres nostri Padeburnen. Verden. & Ralkeburnen. Epi. copi T. quondam montis sancti Nicolai Abbarem, qui calceatus pedes in præparationem Euangelij pacis, infidelium multitudinem ad fidem Domino cooperante conuerit in Episcopum Estien. prouinciz, quæ per Dei gratiam iam pro magna parte conuersa est, auctoritate nostra duxerint ordinatum, vos eidem in Euangelio laboranti non solum vestrum denegaris auxilium, sed etiam impedimenta paratis, nisi vobis cerram concedar in eadem prouincia portionem: non tam solliciti propagare nomen fidei Christianæ, quàm coniungere domum ad domum, & agrum agro vsque ad loci terminum copulare, quasi soli habitare in terræ medio debeatis. Præterea, cum quosdam receperitis oblates ipsi Episcopo præsentandos, ipsos sibi præsentare postmodum tenuistis, temporale lucrum ex eorum retentione captantes, qui lucra huiusmodi, detrimenta debereis credere propter Christum. Denique Christi Euangelio præbere officiculum non timetis, dumodo vestras possitis possessiones, & redditus ampliare. Ne igitur, qui Christi Milites appellamini, militare probemini contra Christum Vniuersitatem vestram monem is artentius, & hortamur per Apost. vobis scrip. præcipiendo mandantes, quatenus atrendentes, quòd non est regnum Dei possessiones, & villæ, sed pax, & iustitia, & gaudium in Spiritu sancto, extincto prius cupiditatis ardore, p̄fecto Episcopo, & alijs b̄uulis verbi Dei pro vobis impendatis consilium, & auxilium opportunum, ab eorum impellimento sic penitus abstinere, quòd de vobis ad iures nostras clamores huiusmodi de cætero non ascendant: ne si secus duxeritis faciendum, concessis vobis à Sede Apostolica priuilegijs, ex quibus assuere dicimini audaciã excedendi, vos reddatis indignos, & à gratia, quam hactenus vobis exhibere curauimus, excidatis. Datum Laterani ij. Kal. Nouembr. Pont. N. Anno xvj.

EPISTOLA CXXIX.

A METROPOLITÆ SVBIECTIONE LIBERAT.

Episcopo Estien.

VM in memoria hominum non existat, quòd Estien. prouincia cuiquam fuerit metropolitico iure subiecta, præsentium tibi auctoritate mandamus, ne cuiquam tanquam Metropolitico an. respondeas absque mandato Sedis Apostolicæ speciali. Tu denique frater Episcope super teipso, &c. Datum Lateran. iv. Non. Nouembr. Pont. N. Anno xvj.

EPISTOLA CXXX.

GRATVLATVR SINCERAM CONVERSIONEM ET GRATIAM
APOSTOLICAM POLLICETVR.

Ioanni illustri Anglorum Regi.



SCIT in arca federis Domini cum tabulis Testamenti virga continebatur, & manna: sic in pectore summi Pontificis cum scientia legis diuinæ, rigor distinctionis, & fauor dulcedinis continentur. Vnde semper hanc consequit moderantiam obferuare, vt verbera patris, & vbera matris habens, sic in rebelles, & induratos seueritatem exerceat, quod benignitatem exhibeat erga humiles, & correctos; eius exemplo, qui vinum superinfudit, & oleum vulneribus sauciati. Gaudemus autem in Domino, & in potentia virtutis ipsius, quod ad eò tibi nostra medicamina profecerunt, vt tua per illa sanasse vulnera videamur. Et qui medico fuisti molestus, cum asperitatem medicaminis sentiebas, iam gratus existis, ex quo percepisti gratiam sanitatis. Planè gratus, quia vt perfectè satisfaceres de commissis, te ipsum, & tua Deo, & Ecclesie obtulisti. Et ecce, qui te iam quasi deiecerat, subito te erexit, humiliando sublimè, & humilem sublimando: qui etiam ad eò te firmavit super illam petram stabiliens pedes tuos, de qua ipsa Veritas inquit ad Petrum, *Tu es Petrus, & super hanc petram edificabo Ecclesiam meam, & porta inferi non preualebunt aduersus eam*, quod si non retraxeris pedes ab illa, nullum oportebit te casum aliquatenus formidare. Venientes igitur ad Apostolicam Sedem venerabilem F. N. I. Noruicen. Episcopum, & dilectos filios H. Abbatem Belli loci, fratrem A. Martel, & Nobiles viros H. de Boua, & P. de Maulay nuntios tuos paterna benignitate suscepimus, & petitiones tuas per ipsos nobis prudenter expositas, quantum cum honestate potuimus, curauimus exaudire, firmum gerentes in voto propositum. ea semper efficere, quæ ad tuum commodum, & honorem debeant peruenire. Cum pro certo speremus, quod & tu in deuotione, ac obedientia sacrosanctæ Romanæ Ecclesie matris tuæ non solum persistere, sed & proficere pura intentione studebis; quod utique tibi, & spiritaliter, & temporaliter ad magnum proficiet incrementum. Serenitatem itaque regiam rogamus attentius, & monemus, quatenus sanctam Ecclesiam sponsam Christi semper in regno tuo studeas honorare, faciens eam debita libertate gaudere, vt verè specialis Ecclesie filius comproberis; quia tunc tibi regalis dignitas integra conseruabitur, cum Ecclesiasticam libertatem integram conseruabis; diligenter attendens, quod Principes illi penè penitus defecerunt, qui Ecclesiasticam præsumpserunt infringere libertatem. Ij verò semper de bono profecerunt in melius, qui iura studuerunt Ecclesiastica conseruare. Illud autem tuæ regali prudentiæ consulimus ad cautelam, vt cum Archiepiscopis, & Episcopis regni tui contentiosè non agas, maxime super negotijs spiritalibus, & Ecclesiastico iure; cum ad nos possis habere recursum, per quos multa poteris honestè perficere, quæ honestè non possis efficere per te ipsum. Pro certo confidens, quod nos petitiones, & preces tuas, quantum honestas permiserit, intendimus efficaciter exaudire. Quid deni-

que prædictis nuntijs responderimus super tua non excommunicanda persona, neque tua interdicenda Capella, nisi de mandato Sedis Apostolicæ speciali, alijsque nonnullis, de quibus cum eis studio è contulimus, ipsi tanquam viri prouidi, & fideles tuæ poterunt Excellentiz viua voce referre, quos merito suæ probitatis, & fidei tibi reddimus commendatos. Datum Lateran. ij. Non. Nouembr. Pont. N. Anno xvj.

EPISTOLA CXXXI.

REGNUM ANGLIÆ IN APOSTOLICAM PROTECTIONEM
ADMITTIT.

*Ioanni illustri Anglorum Regi, eiusque de sua uxore liberis heredibus
in perpetuum.*



Ex regum, & Dominus dominantium Iesus Christus, Sacerdos in æternum secundum ordinem Melchisedech, ita regnum, & sacerdotium in Ecclesia stabiluit, ut sacerdotale sit regnum, & sacerdotium sit regale, sicut in Epistola Petrus, & Moyses in Lege testantur; vnum præficiens vniuersis, quem suum in terris Vicarium ordinauit, ut sicut ei flectitur omne genu cælestium, terrestrium, & etiam infernorum: ita illi omnes obediant, & intendant, ut sit vnum ouile, & vnus pastor. Hanc itaque Reges seculi propter Deum adeo venerantur, ut non reputent se rite regnare, nisi studeant ei deuotè seruire. Quod tu fili karissime prudenter attendens, illo misericorditer inspirante, in cuius manu sunt corda Regum, & quò voluerit vertit illa, reipsum, & regna tua etiam temporaliter ei subijcere decreuisti, cui noueras spiritualiter esse subiecta. Ut in vnâ Vicarij Christi personam, quasi corpus, & anima, regnum, & sacerdotium vniantur ad magnum vtriusque commodum, & augmentum. Ille vtrique hoc dignatus est operari, qui cum sit Alpha, & Omega, finem reuulit ad principium, & principium protrahit ad finem, ut illæ prouinciæ, quæ olim sacrosanctam Romanam Ecclesiam propriam in spiritualibus habuere magistrâ, nunc etiam in temporalibus Dominam habeant specialem. Tu quippe, quem Deus ad hoc idoneum tibi tunc elegit, tam te, quam etiam regna tua Angliæ, videlicet, & Hiberniæ cum omni iure, ac pertinentijs suis deuota, & spontanea voluntate, ac communi consilio Baronum tuorum, Deo, & sanctis Apostolis eius Petro, & Paulo, sanctæque Romanæ Ecclesiæ, nobisque, ac successoribus nostris in ius, & proprietatem sub annuo mille marcharum censu offerens concessisti, sicut in tuo continetur authentico scripto, cuius de verbo ad verbum talis tenor existit.

Ioannes Dei gratia Rex Angliæ, Dñs Hiberniæ, Dux Normaniz, & Aquitaniz, Comes Andegriuz, Omnibus Christi fidelibus præsentem chartam inspecturis, salutem. Vniuersitati vestræ per hanc chartam nostram sigillo nostro munitam volumus esse notum, quia cum Deum, & matrem nostram sanctam Ecclesiam offenderimus in multis, & proinde diuina misericordia plurimum indigere noscāmur, nec quid digne offerre possimus pro satisfactione Deo,

Deo, & Ecclesiæ debita facienda, nisi nos ipsos habeamus, & regna nostra. Volentes nos ipsos humiliare pro illo, qui se pro nobis humiliavit usque ad mortem, gratia sancti Spiritus inspirante, non vi inducti, nec timore coacti, sed nostra bona spontanea, & voluntate, ac communi consilio Baronum nostrorum offerimus, & liberè concedimus Deo, & Sanctis Apostolis eius Petro, & Paulo, & sanctæ Romanæ Ecclesiæ Matri nostræ, ac Dño nostro Papæ Innocentio, eiusque Catholicis successoribus totum regnum Angliæ, & totum regnum Hiberniæ cum omni iure, & pertinentijs suis, pro remissione peccatorum nostrorum, & totius generis nostri, tam pro vivis, quàm defunctis. Et amodò illa à Deo, & Ecclesiâ Romana tanquam feudatarius recipientes, & tenentes, in præsentia prudentis viri ... Pandulphi Domini Papæ Subdiac. & familiaris fidelitatem exinde prædicto Domino nostro Papæ Innocentio, eiusque Catholicis successoribus, & Ecclesiæ Romanæ secundum subscriptam formam facimus, & iuramus, & homagium ligium in præsentia Dñi Papæ, si coram eo esse poterimus, eidem faciemus. Successores, & hæredes nostros de vxore nostra in perpetuum obligantes, vt simili modo summo Pontifici, qui pro tempore fuerit, & Ecclesiæ Romanæ sine contradictione debeant fidelitatem præstare, & homagium recognoscere. Ad iudicium autem huius nostræ perpetuæ oblationis, & concessionis volumus, & stabilimus, vt de proprijs, & specialibus redditibus prædictorum regnorum nostrorum pro omni seruitio, & consuetudine, quod pro ipsis facere deberemus, saluo per omnia denario beati Petri, Ecclesiâ Romana mille marchas sterlingorum percipiat annuatim. Scilicet in Festo S. Michaëlis quingentas marchas, & in Pascha quingentas marchas. Septingentas scilicet pro Regno Angliæ, & trecentas pro Regno Hiberniæ, saluis nobis, & hæredibus nostris iustitijs, libertatibus & regalibus nostris. Quæ omnia sicut supradicta sunt, rata esse volentes perpetuò, atque firma, obligamus nos, & successores nostros contra non venire. Et si nos, vel aliquis successorum nostrorum hoc attentare præsumperit, quicumque fuerit ille, nisi ritè commonitus resipuerit, cadat à iure regni, & hæc charta oblationis, & concessionis nostræ semper firma præmaneant. Ego Ioannes Dei gratia Rex Angliæ, & Dñs Hiberniæ ab hac hora in antea fidelis ero Deo, & Beato Petro, & Ecclesiæ Romanæ, ac Dño meo Papæ Innocentio, eiusque successoribus catholicè intrantibus: non ero in facto, dicto, cōsensu, vel consilio, vt vitam perdant, vel membra, vel mala captione capiantur. Eorum damnum si sciuerò impediam, & remanere faciam, si potero. Alioquin eis quàm citiùs potero intimabo, vel tali personæ dicam, quam eis credam pro certo dicturum. Consilium quod mihi credidit per se, vel per nuntios, seu literas suas secretum tenebo, & ad eorum damnum nulli pandam me sciēte. Patrimonium Beati Petri, & specialiter regnum Angliæ, & regnum Hiberniæ adiutor ero ad tenendum, & defendendum contra omnes homines pro posse meo. Sic Deus me adiuuet, & hæc sancta Dei Evangelia. T. me ipso apud domum Militiæ Templi iuxta Doueriam, coram Domino H. Archiepiscopo Dublinen. Dño I. Episcopo Norwicen. G. filio Petri Comitis Essex. Iustitiario nostro, W. Comite Sar. fratre nostro. W. Marescallo Comite Pembroc, R. Comite Bonon. W. Comite Vvareiti. S. Comite Vvint. W. Comite Arundell. W. Comite de Fer. Vv. Brovvir. Petro filio Her. Vvarin. filio Ger. xv. die Maij, anno Regni nostri xiiij.

Nos autem oblationem, & concessionem huiusmodi piè, ac prouidè factas gratas, & ratas habentes, personam tuam, & personas heredum tuorum cum prædictis regnis, & pertinentijs eorundem, & omnibus bonis alijs rationabiliter nunc possessis, & in posterum possidendis, sub B. Petri, & nostra protectione suscipimus; tibi, & ipsis secundum præscriptam formam de communi consilio Fratrum nostrorum supradicta regna concedentes in feudum, & præsentì priuilegio confirmantes: ita quòd quilibet heredum tuorum cum regni coronam acceperit, feudum huiusmodi summo Pontifici, & Romanæ Ecclesiæ publicè recognoscat, & eis fidelitatis exhibeat iuramentum. Nulli ergo omnino hominū liceat hanc nostræ paginam cōcessionis & confirmationis infringere, vel ei ausu temerario contraire, Si quis autem &c. *vsque*, incursum. Datum Lateran. per manum Rainaldi Acolyti, & Capellani Domni Innocentij tertij Papæ, ij. Non. Nouemb. indictione secunda, Incarnationis Dominicæ, anno millesimo ducentesimo decimotertio. Pont. verò eiusdem Domni Innocentij anno xvj.

EPISTOLA CXXXII.

VT FÆDVS CVM REGE ANGLIÆ INITVM, CITRA IPSIVS
REGIS FRAVDEM OBSERVARI CVRENT.

Dublinen. Archiepiscopo, & Noruicen. & Vintonien. Episcopis, & Nobilibus viris, Guillelmo Saresberien. G. filio Petri Exesie, R. Bolonia, R. Cestria. Vv. Vuarannia. Vv. Mereſcallo Pambrosia, R. Libigot Norfolcia, Vv. Arundelli, Guillelmo de Ferr. & Sacro Vvintonia Comitibus, & R. filio Rogeri, Vv. Brigerte, R. de Ros, G. filio Raufredi, R. de Mortuomari, P. filio Heberti, & Vv. de Albiniaco.

IN forma concordiz, qua cum multa deliberatione prouidimus pro reformanda pace, inter carissimum in Christo filiū nostrum Ioannem Anglorum Regem illustrem, & Ecclesiam Anglicanā, hoc inter cætera continetur expressum; quòd idem Rex veram pacem, & plenam securitatē præstabit, venerabilibus viris Stephanano Cantuarien. Archiepiscopo, Vv. Londonien. E. Elien. E. Heteſforden. I. Batonien. & H. Lincolnien. Episcopis, Priori quoque, ac Monachis Cantuarien. & Roberto filio Vvalteri, ac Eustario de Vesci, necnon ceteris clericis, ac laicis hoc negotium contingentibus: præstando simul coram Legato, vel legato nostro publicè iuramentum, quòd ipsos cum suis nec lædet, nec lædi faciet; vel permittet in personis, vel rebus, eisque omnem indignationem dimitter, & in gratiam suam eosdem recipiet, ac bona fide tenebit. Quòdque præfatos Archiepiscopum, & Episcopos non impediet, nec faciet, aut permittet aliquatenus impediri, quominus ipsi liberè suum exequantur officium, & plena suæ iurisdictionis auctoritate, prout debent, vtantur: & super ijs tam nobis, quàm ipsi Archiepiscopo, & singulis Episcopis suas parentes literas exhibebit, faciens ab Episcopis, & Comitibus, ac Baronibus suis quot, & quos præfati Archiepiscopus, & Episcopi postulauerint, iuramenta, & eorum parentes literas exhiberi, quòd ipsi bona fide studebunt, vt hæc pax, & securitas firmiter obseruetur. Et si

forte, quod Deus auertat, idem Rex per seipsum, vel alios contrauenerit, ipsi pro Ecclesia contra violatores securitatis, & pacis, mandatis Apostolicis inhærebunt, ac dictus Rex perpetuò custodiam vacantium Ecclesiarum amittat. Sanè intelleximus vos pro præscripta securitate, ac pace iurasse, velstraque patentes literas tradidisse: vnde per Apostolica vobis scripta mandamus, quatenus ad cõsummandam, & conseruandam formam eiusdem securitatis, & pacis diligens studium impendatis, & operam efficacem. Nequis autem ex huius vinculo cautionis occasionem assumat contra præfatum Regem aliquam turbationis materiam suscitandi, cum per eam sic illis ad necessariam securitatem, & pacem velimus esse prouisum, quod isti ad grauamen indebitum, vel incommodum non redundet; præsentium vobis auctoritate præcipimus, quatenus siquid forsitan emerferit, quod contra præscriptam securitatem, & pacem facere proponatur, non ante cuiusquam instinctu aduersus eundem Regem aliquatenus moueamini, quàm consulto Romano Pontifice ipsius recipiatis cum responso mandatum, qui omnia consuevit æquolibramine moderari. Cum hoc ipsum in prædicta forma contineatur expressum, quod vos pro Ecclesia contra violatores securitatis, & pacis deberis mandatis Apostolicis inhære. Datũ Laterani ij. Kal. Nouemb. Pont. N. anno xvj.

EPISTOLA CXXXIII.

VT LITERAS A ROMANA SEDE CONTRA REGEM
ANGLIÆ EMISSAS DE MEDIO AVERAT.

N. Tusculan. Episcopo, Apostolica Sedis Legato.

CUM de carissimo in Christo filio nostro I. illustri Anglorum Rege, ac eius regno, quod ad Romanam Ecclesiam ex eius dono, iure pertinet speciali, oporteat nos curam, & sollicitudinem gerere diligentem: fraternitati tuæ per Apost. scripta mādamus, quatenus, postquam relaxatum fuerit interdictum, Venerabilibus F. N. S. Cantuarien. Archiepiscopo Sanctæ Ecclesiæ Romanæ Cardinali, & Coëpiscopis eius ex parte nostra distinctè præcipias, quatenus omnes literas, tam priores, quàm posteriores impetratas à nobis contra eundem Regem, si formam pacis non duceret admittendam, illasque præsertim, quæ sic incipiunt. Expectantes hætenus expectauimus, per Regnum Franciæ, Angliam, Scotiã, & Hiberniam ad Archiepiscopos, & Episcopos, necnon Leodien. & Traiecten. Pontifices destinandas, tibi sinè diminutione aliqua repræsentent, easque protinus facias minutatim incidi, vel igne comburi: ne contra eum ipsarum occasione quicquam sinistri valeat attentari; ipsos ad hoc, si necesse fuerit, distributione qua conuenit compellendo. Datum Laterani ij. Kal. Nouembr. Pont. N. anno xvj.

VT IN ANGLIA PACEM OMNINO COMPONAT.

Eidem.

RATERNITATI tuar presentium auctoritate mandamus, quatenus postquam interdictum Angliæ fuerit relaxatum, omnes coniurationes, & factiones, siquæ occasione discordiæ inter Regnum, & Sacerdotum factæ sunt, denunties auctoritate nostra irritas, & inanes: cum causa cessante cessare debeat, & effectus.

Datum Laterani ij. Kalendas Nouemb. Pontificatus nostri anno xvj.

EPISTOLA CXXXV.

DEVOTIONEM ET FIDEM IN REGEM PRÆCIPIT.

Archiepiscopo & Episcopis, & Nobilibus viris, Baronibus, Militibus, necnon & uniuersis populus per Angliam, & Walliam constitutis.



QVAM per ipsius gratiam, qui discordantes parietes in se angulari lapide copulauit, verum pax, & plena concordia sit inter Regnum, & Sacerdotium in Anglia reformata, Nos qui renemur curam, & sollicitudinem gerere specialem de carissimo in Christo filio nostro I. illustri Anglorum Rege, ac eius regno, quod ad Romanam Ecclesiam per donum ipsius speciali iure noscitur pertinere: sibi, & heredibus suis providere volentes, per Apost. vobis scripta mandamus, atque precipimus, quatenus in fidelitate ipsius Regis, ac heredum suorum prompto animo, & corde sincero perseuerare curetis: tales vos circa deuotionem ipsius per omnia exhibentes, quod iam a nobis, quam ipso debeatis merito commendari. Scientes pro certo, quod nos ad ipsius cōnodum, & honorem efficaciter aspiramus. Datum Laterani v. Kal. Nouemb. Pont. nostri anno xvj.

In eundem modum scriptum est Archiepiscopis, Episcopis, & Abbatibus, & ceteris Ecclesiarum Prelatis, & Nobilibus viris, Principibus, Comitibus, Baronibus, & uniuersis Militibus, & populis per Hiberniam constitutis.

In eundem modum Vro. illustri Regi Scotiæ, & Nobili viro Alexandro filio eius.

EPISTOLA CXXXVI.

NE IN CISMARINAS PROVINCIAS REGI ANGLIÆ OBNOXIAS INTERDICTVM PROFERAT.

R. Tituli S. Stephani in Cælio Monte Presbyt. Card. Apost. Sed. Leg.



QVAM per ipsius gratiam, &c. ut supra, usque mandamus, quatenus nobis inconsultis in Cismarinam terram ipsius non proferas aliquo modo sententiam interdicti. Datum Laterani v. Kal. Nouemb. Pont. N. anno xvj.

EPISTOLA CXXXVII.

VT PROMISSIONES INITAS A CLERICIS ANGLIÆ IN
DOMO HOSPITALIS REPONI FACIAT.

N. Tusculan. Episcopo, Apost. Sed. Leg.



QUIM venerabilibus Fratribus nostris, S. Cantuarien. Archiepiscopo sanctæ Romanæ Ecclesiæ Card. W. Londonien. E. Elien. E. Hereforden. & H. Lincolnien. Episcopis. Apost. dedimus literis in mandatis, quatenus concessionibus, pactionibus, siue promissionibus, quas Clerici, seu Religiosi viri cuiuscunque professionis, vel Ordinis Ioanni Regi Angliæ super ablatiis, vel extortis post interdictum fecerunt, quominus ipsa restituantur ad plenum, denuntiarent irritas, & inanes, auctores etiam, & procuratores illarum, nisi moniti satisfecerint, excommunicationis vinculo innodarent. Si qui verò prædictorum noluerint ablata, vel extorta repetere, detentores eorum nihilominus ipsa restituere compellerent in Terræ sanctæ subsidium iuxta mandatum Apostolicum reseruanda. Cùm igitur ad subsidium Terræ sanctæ totis affectibus aspiremus, volentes id pertusæ sollicitudinis studiū effectui mancipari, per Apost. tibi scrip. mandamus, quatenus ea, quæ taliter fuerint reseruanda, facias apud domos Hospitalis, & Templi accuratè deponi, & fideliter custodiri: recipiens super ipsis depositis testimoniales literas Magistrorum. Contradictores si qui fuerint, vel rebelles per censuram Ecclesiasticam sublato appellationis obstaculo compellens. Datum Laterani iij. Kalendas Nouemb. pontificatus nostri, Anno sextodecimo.

EPISTOLA CXXXVIII.

VT IN ECCLESIIS VACANTIBVS VIROS
IDONEOS INSTITVAT.

N. Tusculan. Episcopo, Apost. Sed. Leg.



CUM non possit Ecclesiis melius prouideri, quàm si eis Pastores præficiantur idonei, qui non tam præesse cupiant, quàm prodesse; fraternitati tuæ, de qua plenam fiduciam obtinemus, per Apost. script. mādamus, quatenus Episcopatus, & Abbatis Angliæ nunc vacantes, facias cum tuo consilio de personis idoneis per electionem, vel postulationem canonicam ordinari, quæ non solum vitæ, & scientia sint præclaræ, verum etiam Regi fideles & regno viles, necnon ad consilium, & auxilium efficaces, assensu regio requisito. Cùm ergo vacantium Ecclesiarum Capitulis, nostris demus literis in præceptis, vt tuo consilio acquiescant: tu Deum habens præ oculis, consulas super hoc viros prouidos, & honestos, qui plenè norint merita personarum, ne te cuiusquam altutia circumueniri contingat. Si qui verò contradictores fuerint, vel rebelles tu eos per censuram Ecclesiasticam appellatione remota compescas. Datum Laterani ij. Kal. Nouemb. Pont. N. Anno xvj.

Scriptum est super hoc vacantium Ecclesiarum Capitulis.

VT IN ACCVSATIONE SURRENTINI ARCHIEPISCOPI
IUXTA FORMAM PRÆSCRIPTAM TESTES AUDIAT.

Neapolitano Archiepiscopo.



ONSTITVTIS in nostra præsentia Venerabili Fratre nostro Alferio Archiepiscopo, & dilecto filio, Mathæo Canonico Surrentin. Dum idem M. accusationis concepto libello eundem Archiepiscopū deferret de crimine simoniæ, asserens nihilominus eum crimini læsæ maiestatis obnoxium, eò quòd, vt dicebat, eodem Archiepiscopo machinante Surrentin. ciuius à regia fidelitate recessit, & reprobò iurauit Othoni, ac ipsum Archiepiscopum excommunicatum celebrasse diuina, cū post talem machinationem, per quam machinatores huiusmodi latam à Sede Apostolica excommunicationis sententiam incurrerent, diuina præsumperit celebrare. Archiepiscopus antequam descendendi libellum fieri sibi copiam postularet, in personam accusatoris, quòd esset inimicus, & conspirator excepit; allegans interdendum ei aditum accusandi, cū secundum instituta canonica inimici, & conspiratores in nullius debeant accusationem admitti. Ad quod pars aduersa respondit, quòd cū tanta sit labes simoniæ prauitatis, vt ferui aduersus dominos, & criminosi quilibet admittantur, & in prodendo crimine læsæ maiestatis socius etiam iniæ fictionis non solum auditur, quinimò præmio, & honore donatur, super præmissis exceptiones huiusmodi accusationem elidere non valebant, præsertim cū publicæ utilitatis intersit, ne crimina remaneant impunita. Fuit autem ad hæc ex aduerso responsum, quòd cū in decreto Anacleti Papæ caueatur expressè accusatore, esse non posse, qui antehæsternum diem, aut nudius tertius inimici fuerunt, ne irati nocere cupiant, vel læsi vlcisci, & inoffensus accusatorum querat affectus, & non suspectus. Ac constitutio Calisti Papæ generaliter interdicit conspiracy in alicuius accusationem admitti; nec in aliquo canone sit expressum, quòd inimicus, ac conspirator in exceptis criminibus audiatur, ne quod sanctorū patrum documento sancitū non est superstitionis adinventionibus tentetur, circa præmissa prohibitioni standum est generali, præsertim secundum æquitatem canonicam, quæ viam non debet malignitatibus aperire. Inter hæc autem de causis inimicitiarū, & conspiracy, Archiepiscopus interrogatus respondit, quòd memoratus M. ipsi Archiepiscopo, & cū in Archidiaconum, & cū in Archiepiscopum fuit assumptus, se opposuit aduersarium manifestum. Præterea cū quidam Neapolitanus fuisset in mortem fratris Archiepiscopi machinatus, & per amicos ipsius eiceretur de propria ciuitate, quidam magnates, quos dictus Neapolitanus consanguinitatis linea contingebat, electionem illius ad iniuriam reputantes, eundem inducere Mathæum, vt cum quibusdam alijs in damnationem ipsius Archiepiscopi coniureret. Porro priorem causam non duximus admittendam, maxime cū reconciliatio fuerit subsequuta, prout ex narratione ipsius Archiepiscopi notabatur. Super alia verò quam inficiabatur M. fuit pro ipsius parte propositum, quòd non est interdicta

subiectis omnis conjuratio in prælaturam: quia cùm secundum decretum Gelasij Papæ quisquam clericorum confidere non debeat offensæ Apostolicæ se immunem, si in ijs quæ sequenda salubriter apostolica deprompsit auctoritas, Episcopum viderit excedentem, & non protinus ad aures Romani Pontificis deferre curauerit, in pestilentem prælaturam non immeritò possunt coniurare subiecti: exemplo quadraginta Episcoporum Illyricæ, ac Græciæ qui per promissionem in scriptis factam conuenientes in vnum, à Timotheo, qui per metum Imperatoris Anastasij fuerat in Constantinopolitanum assumptus Episcopum, discesserunt. Verùm assente Archiepiscopo ex fomite malignitatis in eum coniurasse Marthzum, & hoc se legitime probaturum, ad vltimum consentientibus partibus sic duximus prouidendum. Vt Archiepiscopus porrectum libellum accipiens super objectis criminibus responderet, reseruata sibi facultate probandi, quòd idem M. ex malignitate coniurauit in ipsum. Libelli verò conceptio talis erat. In Nomine Domini Amen. Anno Domini millesimo cc. xiiij. Pontificatus Domini Innocentij tertij summi Pontificis, anno xvj. mense Octob. vij. idus eiusdem. Apud vos Domine Innocenti Dei gratia summe Pontifex, Ego Mattheus Canonicus Surrentinus defero Dominum Alferium Surrentin. Archiepiscopum lege canon. reum de simonia; quia dico ipsum promississe Archidiaconatum Surrentin. Ioanni Ciroleon olim Canonico Surrentin. vt consentiret electioni suæ in ciuitate Surrenti, in camera iuxta triclinium Episcopij, tempore Domini Celestini tertij summi pontificis, mense Ianuarij. Item defero eum reum de crimine læzæ maiestatis, quia ciuitas Surrentina recedendo à fidelitate regia, iurauit Othoñ. ipso hoc procurante, tempore Domini Innocentij tertij summi Pont. in ciuitate Surrenti in palatio suo, mense Maij. Et defero eum postmodum multotiens celebrasse diuina in Ecclesia Surrentina, cùm per sententiã vestram credam eum ob hoc excommunicationis vinculum incurrisse. Ego dictus M. profiteor me hunc libellũ inscriptionis dedisse. Oblato tandẽ libello pars Archiepiscopi allegauit, quòd erat minus legitime in quadã sui parte conceptus, eò quòd non continebatur in ipso, quo anno fuerint crimina objecta commissã. Cùm enim libelli conceptio continere debeat mensem, & Consules, sub quibus crimen dicitur fuisse commissum, & antiquitus Consules constituerentur annales, videtur quòd admissi criminis annus exprimi debeat in libello. Frustra etiam mensis iuberetur apponi, si anni cuius est mensis, non habetur aliqua certitudo. Ad quod pars accusatoris respondit: Quòd cùm in forma concipiendi libellum de anno non inueniatur expreßum: sicut nec dies, ita nec annus admissi criminis debet apponi, ne subornationi testium occasio præbeatur. Nec propter hoc quòd in foro ciuili debent exprimi Consules, licet Consules essent antiquitus annui, sequitur quòd certus annus sit exprimendus, cùm idem Consul diuersis vicibus, & pluribus annis gerere potuisset officium Consulatus; vnde per expressionem nominis eius de certo anno constare non posset. Et cùm in denominatione mensis non constet, cuius anni mensis existat, non ita per expressionem mensis, sicut & anni ad subornandum testes occasio posset assumi. His autem, & alijs hinc inde propositis, cùm ad vltimum accusator expreßet Archiepiscopum eo anno commississe simoniæ crimen objectum, quo fuit Archiepiscopatum adeptus, promittendo Archidiaconatum

Ecclesiæ Surrent. I. Ciroleon quondam Canonico Surrentin. si consentiret in ipsum, ac de tempore, quo prædicta ciuitas iurauit Othoñ. satis manifestè constaret, ad contestationem litis, inficiante Archiepiscopo crimina sibi opposita, est processum: confessus est tamen, quòd postquam ciuitas iurauit Othoñ. multotiens celebrauit. Productis autem ex parte Archiepiscopi quibusdam testibus ad probandam exceptionem objectam, cum huiusmodi protestatione M. scilicet quòd post publicationem depositionum illorum, si vellet, posset obicere in personas, quia illis Archiepiscopus contentus esse nolebat, depositiones ipsorum minimè publicantes, receptionem testium tam super principali, quàm super exceptione prædicta, de consensu partium fraternitati tuæ duximus committendam: per Apost. tibi script. mandantes, quatenus testes, quos vtraque pars duxerit producendos, diligenter examines, & eorum dicta conscripta fideliter ad nos sub tuo conclusa sigillo transmittas, præfigens partibus terminum competentem, quo nostro se conspectui repræsentent. Ceterum quoniam à principio protestatus est præfatus M. nobilem virum Simonem de Surrentin. germanum Archiepiscopi memorati, & quosdam alios ipsius Archiepiscopi consanguineos multa impedimenta per suam potentiam præstitisse, quominus probationis copiam in nostra præsentia secum habuerit, cum quosdam induxerit ad iurandum, ne aduersus Archiepiscopum aliquid dicerent, & alios minis, ac terroribus à perhibendo testimonio nituntur arcere. Nos ex officio nostro super hoc providere volentes, mandamus vt generalem feras excommunicationis sententiam, in omnes qui aliquod impedimentum ipsi M. præstare præsumperint in testibus producendis. Illos autem, quos, sicut dictum est, iurasse constiterit, quòd contra Archiepiscopum nihil dicerent, denunties iuramento huiusmodi non teneri, quominus valeant in hac causa perhibere testimonium veritati. Si quis autem de consanguineis Archiepiscopi aliquos de testibus præsumperit impedire, quia verisimile non videtur, vt eo iniuncta fierent, & ob hoc non caret scrupulo societatis oculis, eò quòd si voluerit poterit prohibere, cum secundum legitimas sanctiones ostendat se iniquam litem fouere, ac experiri debeat iudicis auctoritatem elusam, qui defensionis copiam subtrahit aduersario, eundem Archiepiscopum ab officio pontificali suspendas, & facias sublato appellationis obstaculo manere suspensum, donec illum fecerit à tali præsumptione cessare. Tu denique frater Archiepiscopo &c. Datum Laterani viij. Idus Nouemb. Pont. nostri, anno sextodecimo.

EPISTOLA CXL.

VT AQVENSEM EPISCOPVM SENIO CONFECTVM AB
EPISCOPATV REMOVEAT.

Episcopo Taurinen.



ENERABILIS F. N. Aquen. Episcopus nobis per literas suas humiliter supplicauit, vt eundem senectute confectum à sollicitudine pontificalis officij absolvere dignaremur. Quocirca fraternitati tuæ per Apost. scrip. mandamus, quatenus cessionem ipsius recipias vice nostra, ipsum si à cedendi proposito forte destiterit, ad id per censuram Eccle-

siasticam appellatione postposita compellendo. Eius autem cessione recepta, relaxes suspensionis sententiam, quam dilecti filij Abbas sancti Stephani Bononien. & Magister Gra. in eam auctoritate nostra protulisse noscuntur; ac sibi de prouentibus Aquen. Ecclesie iuxta facultates ipsius, & necessitatem personarum prouisionem congruam facias assignari. Iniungens Capitulo eiusdem Ecclesie, ut personam idoneam sibi per canonicam electionem praeferant in pastorem: non obstante priuilegio Alexandrinis ab Apostolica Sede concessio, cum eodem reddiderint se indignos. Tu denique frater Episcopo &c. Datum Laterani ij. Idus Nouemb. Pont. N. Anno xvj.

EPISTOLA CXLI.

EPISCOPVM A SE INSTITVTVM DEBITA REVERENTIA
EXCIPI IVBET.

Capitulo Mediolanen.

RECEPTIS literis nostris, quibus vobis dedimus in mandatis, ut causam electionum, & postulationis in vestra celebratarum Ecclesia, quam dudum ad petitionem vestram duximus committendam, coram iudicibus, quibus illam commisimus usque ad festum sanctae Crucis proximo praeferitum, finaliter prosequi stuleretis. Alioquin ex tunc procuratores idoneos ad nostram curaretis praesentiam destinare, Pastorem quem Domino inspirante, vobis, & eidem prouiderimus Ecclesie, recepturos. Nuper dilectos filios... Alkerium Subdiaconum nostrum, Stephanum Balbum, & Willelmum Concanonicos vestros ad Sedem Apostolicam cum vestris literis destinastis, cum multimoda gratiarum actione, mandatum nostrum humiliter aduersuros, suppliciter postulantes, ut quem mallemus de gremio Ecclesie vestrae vobis dignaremur concedere in pastorem. Nos autem super hoc deliberatione habita diligenti, suspicionis, & dissensionis mercedem vitare volentes, dilectum filium Henricum Cimiterarcham Ecclesie vestrae, virum prouidum, & honestum in pastorem vobis duximus concedendum; per Apost. scrip. mandantes, quatenus ei tanquam pastoris vestri reuerentiam, & obedientiam impendatis debitam, ac deuotam. Datum Laterani vij. Idus Nouemb. Pont. N. Anno xvj.

EPISTOLA CXLII.

RELECTA ELECTIONE ABBATIS, ALIVM CANONICE INSTITVI IVBET.

Priori, & Conuentui Farfen.

QUONIAM grauiter, & enormiter propter intrinsecam, & extrinsecam pestem in spiritualibus, & temporalibus à longo iam tempore Farfen. monasterium sit collapsum, manifesta demonstrant indicia, & certa comprobant argumenta. Nos autem, quibus diuinitus omnium Ecclesiarum est sollicitudo commissa, frequenter ad eius curationem intendimus: sed propter lethalem plagam cordis, & capitis, quae quasi à planta pedis usque ad verticem

corpus infecit, nondum illam potuimus ex toto curare, vt dicere valeamus: Curauimus Babylonem, & non est sanata. Nunc verò tempus aduenit, vt si ei caput præficiatur idoneum, totum corpus valeat à languore curari. Verùm mirari cogimur, & moueri, quòd nobis in requisitis penitus, & contemptis, qui Deo teste ad reformationem ipsius monasterij pura semper intentione processimus, vos ad electionem Abbatis de Præposito faciendam præproperè processistis, qui vt de cæteris taceamus, in tanta præsumptionis, & ambitionis arrogantiam est elarus, vt ante quàm confirmatio postularetur à nobis, quin etiam priùs quàm quidquam nobis de ipsius fuisset electione relatum, præsumperit Monachorum obedientias, & laicorum fidelitates recipere. In choro, in Capitulo, in refectorio, & in camera locum Abbatis usurpans, recipiendo munitiones, & Castra, sèque Farsen. electum non solum gerere, sed & scribere non expauit; sicut periuramenta constitit Monachorum, quorum nonnulli super prauitate simoniaca requisiti, tam de auditu, quàm etiam de credulitate testimonium perhibuere iurati. Nos igitur Ecclesiasticæ puritatis zelo succensi, quod tam improbè factum est, irritantes, vniuersos ab obedientia & fidelitate illi præstita discernimus auctoritate Apostolica penitus absolutos; districtè præcipientes eidè, si periculum vult ordinis euitare, de ipsa electione se nullatenus intromittat: sed incontinenti vniuersa resignet, quæ tali occasione recepit, ac deinde vpcatis omnibus, ad quos spectat electio, Deum habentes præ oculis talem personam, siue de ipso monasterio, siue de alio vobis eligatis regulariter in Abbatem, cui nihil obstat de canonis institutis. Nos enim ex parte Dei omnipotentis Patris, & Filij, & Spiritus sancti, auctoritate quoque beatorum Apostolorum Petri, & Pauli, ac nostra, excommunicamus, & anathematizamus omnes, & singulos, qui contra conscientiam suam quemquam nominare, vel eligere præsumperint in Abbatem, maximè pro quo sciant, aut credant donationem, siue promissionem factam esse, aut etiam faciendam & si aliquo tempore de talis fuerint reatu detecti, sciant se ab ipso monasterio perpetuò remouendos. Has denique literas districtè præcipimus coram clero, & populo publicè legi, & diligenter exponi, ne valeant excusari, si qui fortè præsumperint mandatis Apostolicis obuiare. Datum Laterani xvj. Kal. Decemb. Pon. N. Anno. xvj.

EPISTOLA CXLIII.

VT REDITVS AD ROM. ECCLESIAM PERTINENTES SED VLO
COLLIGAT ET FIDELITER CONSERVET.

G. Ferrarien. Præposito.



De tua consilij prudentia, & potentia post obitum bonæ memoriæ Ferratien. Episcopi curam, & administrationē Massæ Ficaroli tibi duximus committendam, mandantes vt redditus, tam ipsius Massæ, quàm ciuitatis Ferrarien. quos Romana Ecclesia percipere consueuit, nomine nostro colligeres, & fideliter conseruares. Verùm, sicut ex tuis accepimus literis, ad te non peruenit illud mandatum, vnde credimus ipsum nō sinè malitia fuisse suppressum. De illis autem redditibus ad Ecclesiam Romanam spectantibus, quos quidam Ferrarienses, sicut intelleximus ex

concessione claræ memoriz .. Marchionis Esten. percipiūt, scire te volumus, concessiones huiusmodi non esse factas de nostræ arbitrio voluntaris. Vnde nos ipsas decernimus, & tu de mandato nostro denunties irritas, & inanes. Tu igitur reditus ipsos, & alios ad Romanam Ecclesiam pertinētes, tam in Ferraria, quā in Massa prædicta nomine nostro recolligas, & studeas conferuare. Quæ verò malè alienata, vel concessa reperiis, auctoritate Sedis Apostolicæ reuocās; contradictores, si qui fuerint, vel rebelles per censuram Ecclesiasticam appellatione postposita compescendo. Quidquid autem super his feceris, nobis rescibere non postponas. Datum Laterani xij. Kal. Decemb. Pont. N. Anno xvj.

EPISTOLA CXLIIII.

VT CIVITATEM SENONENSEM DE ILLATIS INIURIIS
ECCLESIE SATISFACERE COGANT.

Abbati sancti Petri Alisiodoren. Decan. Trecent. & Sacrifice Alisiodoren.

SIGNIFICAVIT Nobis venerabilis Frater noster Archiepiscopus Senonen. Quod cum dilectus filius Abbas sancti Petri Viui, olim bona quondam Menardi defuncti, hominis Ecclesiæ suæ, tãquam res proprias, & sibi debitas accepisset, & ipsas ad mandatum Majoris, & Parium Senonen. reddere, vel recedere non curasset, ipsi homines Ecclesiæ iam dictæ auctoritate propria capere præsumpserunt: & licet postmodum ad mandatum dilecti filij P. Officialis præfati Archiepiscopi restituerint viros illos: quia tamen post hæc dicti ciues admoniti laxius recularūt. .. Abbati prædicto iniuriam de captione suorum hominum emendare, prout idem Officialis per sententiam lesinuit, excommunicauit Officialis eosdem. Propter quod ipsi pliquam duodecim homines Ecclesiæ sancti Petri capere iterum præsumpserunt, ipsos Senonen. in carcerem detrudentes, quos quia pluries requisiti reddere, vel recedere noluerunt, denuò dictus Officialis eos excommunicationis pænæ subiecit, & ciuitatem Senonen. in qua tenebantur in carcere religati homines Ecclesiæ memoratæ, supposuit interdicto. Consequenter verò dicti ciues propter suam contumaciam manifestam, qua respondere in Senonen. curia contempserunt, occasionem frivolum præcedendo: & quia noluerunt securos reddere homines Ecclesiæ sancti Petri, sicut per Officialis præfati sententiam fuerat definitum: necnon & quia reddere noluerunt res cuiusdam feminx ipsius Ecclesiæ, quas ceperant, iteratò per dictum Officialem insuper triplici excommunicationis laqueo sunt astricti, sicque tam graui pænæ quinquies subijci meruerūt. Postmodum autem ad partes illas accedens dilectus filius R. tituli sancti Stephani in Cælio Monte Presbyter Card. Apostolicæ Sedis Legatus, & corā se vtramque partem faciens præsentari, præscriptis Majori & Paribus, recepto prius ab ipsis corporaliter iuramento, quod mandatis eius in omnibus, & per omnia obedirent, beneficium absolutionis impendit, præcipiens eis firmiter in virtute præstiti iuramenti, quod Ecclesiæ prædictæ captos homines liberarent, & emendas tribuerent, ac insuper de soluendis excommunicationum emendis, necnon & de restituendis integrè vniuersis, quæ restituenda forent, fidei iussores idoneos exhiberent, sicut præsentatæ nobis ipsius Legati literæ continebant. Ipsi verò licet ho-

mines liberatint, spreta tamen postmodum in suarum periculum animarum religione præstiti iuramēti, mandatum ipsius Card. implere defaciendis emendis, & si leuisionibus exhibendis penitus contempserunt, sicut per literas executorum præfati Legati nobis constitit manifestè. Cum igitur Card. prædictus in negotio Crucis Dominicæ promouendo multipliciter occupatus, decisioni huius causæ non valeat absque dispendio interesse; nec velimus tantam contumaciam, totque iniurias, quæ asseruntur Christi Ecclesiæ irrogatæ, suis auri- bus pertransire; volentes etiam dictorum Majoris & ciuium spirituali periculo precauere; discretionis vestræ per Apost. scrip. præcipiendo mandamus quatenus nisi dicti Major & Pares emendas fecerint, & de soluendis emendis, & restituendis integrè vniuersis, quæ propter hæc restituere tenebuntur, fideiussores idoneos dederint Archiepiscopo memorato, prout eis dictus Card. præcepit sub debito præstiti iuramenti, vos ipsos auctoritate nostra in priores excommunicationum sententias, appellatione postposita, reducat; facientes easdem cum interdicti sententiis, vsque ad satisfactionem congruam inuiolabiliter obseruari. Si verò præscripti Major, & Pares prædicta fecerint vniuersa, sicut superius est expressum, audiatis, quæ partes hinc inde contra superscriptas sententias, vel pro ipsis duxerint proponenda. Et si forsan infra certum tempus, quod eis duxeritis præfigendū legitime vobis constiterit iniuste fuisse latas sententias antedictas, ipsos ciues, ac fideiussores eorum ab emendis penitus absoluat, & faciatis eis congruè satisfieri de iniurijs irrogatis. Alioquin tam ipsos, quam fideiussores eorum ad satisfaciendum plenarie de iniurijs, & emendis, & restituendum omnia, quæ propter hoc restituere tenebuntur per censuram Ecclesiasticam appellatione postposita compellatis. Quod si non omnes &c. duo vestrum &c. Tu denique fili Abbas &c. Datum Laterani Idib. Nouemb. Pont. N. Anno xvj.

EPISTOLA CXLV.

VT MONASTERIO SANCTI IVDOCI REFORMANDO SEDULO INTENDANT.

*De Clavomariſco, & de Longouillari Abbatibus, & Decan. Chriſtiani-
tatis de Moſterolo, Morinen. & Ambian. Diœc.*

DILECTVS filius Abbas sancti Iudoci proposuit coram nobis, quod cum olim propter alleviationem oneris debitorum, quibus eius monasterium premebatur, & depressendam quorundam contumaciam Monachorum, Apostolicæ Sedis auxilium implorasset, ad petitionem ipsius vobis dedimus in mandatis, ut ad dictum monasterium personaliter accedentes, ei vice nostra visitationis impenderetis officium, corrigendo, & reformando in ipso, quæ inueniretis correctionis, & reformationis officio indigere. Vos autem huius auctoritate mandati quædam pro parte in ipso monasterio correxistis, iurisdictione vobis in alijs reservata, ut certo tempore rediretis ad statum ipsius monasterij plenarie reformandum. Interim autem per nuntium venerabilis Fratris nostri Ambianen. Episcopi ad Abbatem, & Priorem de Gardo diocesana sibi lege subiectis, & Atrebaten. Præpositum quondam suum Concanonicum, & speciali sibi familiaritate coniunctum a Sede Apost. quibusdam generalibus literis impetratis super inquisitione facienda in Monasterijs per Ambian. diocesim constitutis, iidem

ijdem occasione literarum ipsarum in memorato monasterio sancti Iudoci volebant correctionis officium exercere. Verum cum Abbas, & Conuentus ad eorum citati presentiam referipti Apostolici copiam sibi fieri, vt ex ipsius tenore constaret, si tales inquisitores haberent aliquid iurisdictionis in ipsis, & dari sibi ad deliberandum inducias postularent, nec obtinere valerent, ad Sedem Apostolicam appellarunt: sed illi appellatione contempta in eundem Abbatem suspensionis, sicut audiuit, sententiam promulgarunt, aliis in ipsius, & quorundam aliorum de Monasterio praeiudicium perperam procedentes. Vnde petebat à nobis Abbas praedictus eorumdem processum irritum nuntiari. Auditis igitur ijs, & alijs propositis coram nobis, tam per Abbatem eundem, quam per Magistrum P. nuntium Episcopi memorati, qui tamen nuntius de ijs quae proposuit non potuit facere nobis fidem: quia generale mandatum non derogat speciali; praesertim cum in eo de speciali mentio non habetur, praedicti Abbatis de Gardo, & Collegarum eius processum decreuimus irritum, & inanem. Verum ne praedictum Monasterium tali praetextu plenariae correctionis officio defraudetur, per apost. vobis script. mandamus, quatenus cum interfit Episcopi, ne in sua Diocesi Monasteria remaneant incorrecta, praedicto Ambianen. vocato, vt per se, vel per nuntium, si velit, interfit, non vt impediat, sed vt in praesentia vestra proponat, siquid viderit corrigendum ad ipsum Monasterium personaliter accedatis, eidem secundum tenorem praecedentium literarum plenae visitationis officium impensuri. Vos denique filij Abbates super vobis ipsis, &c. Datum Laterani xviij. Kal. Decembr. Pont. N. Anno xvj.

EPISTOLA CXLVI.

GEMBLACENSE MONASTERIUM APOSTOLICA PROTECTIONE
DIGNATUR, ET OMNIA PRIVILEGIA CONFIRMAT.

Vuillemo Abbati Gemblacen. Monasterij, eiusque Fratribus, tam praesentibus quam futurae religiosae vitae professis in perpetuum.



RELIGIOSIS desiderijs dignum est facilem praebere consensum, vt fidelis deuotio celerem sortiatu effectum. Ea propter dilecti in Domino filij, vestris iustis postulationibus elementer annuimus, & praedecessorum nostrorum felices memoriz, Innocentij, Eugenij, & Celestini Romanorum Pontificum vestigijs inherentes, praefatum Monasterium, in quo diuino mancipati estis obsequio, sub beati Petri, & nostra protectione suscipimus, & praesentis scripti priuilegio communimus. Statuentes vt quascumque possessiones, quaecumque bona, &c. usque, & illibata permaneant. In quibus haec proprijs duximus exprimenda vocabulis, ipsum videlicet Monasterium in beatorum Petri, & Exuperij honore fundatum, quod vniue ipsius Burgi principalis Ecclesia esse dicitur, cum Capella sua, quae vocatur sancti Saluatoris iuxta providentiam tuam, & successorum tuorum, filii Abbas, tam in temporalibus, quam in spiritualibus liberè, & absque contradiotione aliqua disponenda, saluo nimirum iure debito Leodien. Episcopi. Similiter etiam Villas, & Capellas de Corcis, de Esnagia, & de Saluenirijs, & de Lircil, & de Atentin, ad praedictum locum tam parochiali, quam seculari iure

partinentes. Præterea fundum ipsius Burgi, & terras adjacentes cum banno, & iustitia, percussaria monetæ, mercato, & teloneo, Foragio vini, Cambatico, & materia, possessione villici, siue Scabinorum, atque exteriorum Officiorum ad eundem locum pertinentium. Piscarias, & viuaria cum molendinis, terris cultis, & incultis, pratis, pascuis, & syluis, ac partem allodij Gemblacen. quæ fuit Ægidij, & Ioannis Fratrum de Corcis, & participum suorum. Ecclesiam quoque de Castris, Pictam Villam, Villam quæ dicitur Eineis, Vicum qui dicitur Boforolus; Vicum qui dicitur Maisnil, censum de Roserij; Villam quæ dicitur Soe cum Ecclesia, banno, iustitia, terris, syluis, pratis, pascuis & piscaria. Censum Villæ, quæ dicitur Templiacus, cum tribus placitis annualibus; Villam quæ dicitur Ferolt; Villam de Molenrius cum Ecclesia; Villam sancti Gaurerici, cum Ecclesia; Villam de Niele cum Ecclesia; Allodium de Vvalchem, Villam de Belloribus, Moniem qui dicitur sancti Vviberti cum Ecclesia, & appenditijs suis. Decimis quorundam Sarcorum de Sumbresia, Villam de Diona cum Ecclesia, terris, pratis, & siluis, Allodium de Lindrenolo apud Puccium; viginti duos solidos Leodien. monetæ, Ecclesiam de Bossuth, Ecclesiam de Bauerechurcum cum terris ad eam pertinentibus. Villam de Stirs. Apud Leodium duos manlos; vnum in Insula iuxta sanctum Paulum, altera sanctum Lambertum, & vineam vnam apud Viniacum. Apud Naniucum aliam vineam. Villam de Soffricum Ecclesia, Heremum sanctæ Mariz apud Brenam, cum Ecclesia in Episcopatu Cameracen. Villam de Turp cum Ecclesia, adiacentes viceminas partes totius allodij de Beuenchin, quam tenetis de Ecclesia sancti Lamberti sub annuo censu viginti quinque solidorum Leodien. monetæ. Ecclesias quoque de Bossuth, & de Bauenchien. cum omni iure, quod habetis in eis tam ex patronatu, quam ex donatione pater recordationis Alberti Leodien. Episcopi, quam vobis specialiter Sedes Apostolica confirmavit. Decimam Sarcorum totius sylvæ Episcopi Leodien. apud Bauenchien, Decimam quoque in Villam Smrei, quadraginta bananariorum terrar, & amplius cum decimis, quas habetis in Monte sancti Vviberti à parochianis mansuatijs vestris. Libertatem Ecclesiæ de Vuæres cum dominio dotis, & terræ, & census, & Gallianorum. Præterea libertatem, donationes, & possessiones ab illustri quodam viro Imperatore Otone, & Vvilbodone Leodien. Episcopo rationabiliter eidem Venerabili loco collatas, & predecessoris nostri bonæ memoriæ Benedicti Papæ privilegio roboratas, & usque ad hanc diem quiete à vestro Monasterio habitas, nos quoque vobis concedimus, & firmamus, sicut in eorum scriptis, & privilegijs authenticis continetur. Sanè novatum vestrorum, &c. usque, exigere, vel extorquere præsumat. Liceat quoque vobis clericos, vel laicos, &c. usque, contradictione aliqua retinere. Prohibemus insuper, &c. usque, nullus audeat retinere. Cum autem generale interdictum, &c. usque, divina officia celebrare. Chrisma verò, oleum sanctum, &c. usque, voluerit exhibere. Alioquin liceat vobis, &c. usque, quod postulat impendat. Ad ieiunium etiam, ut si quando in aliquo negotio vos gravari senseritis, Sedem Apostolicam vobis libere liceat appellare. Quotiens etiam sanctam Romanam Ecclesiam pro gravaminibus vestris, aut certa utilitate adire volueritis, id ipsum faciendi facultatē liberam habeatis. Sancimus etiam ut bonæ atque canonice consuetudines, quæ in vestro Monasterio hæcenus viguerunt,

eidem Venerabili loco in perpetuum illibatz seruentur. Obeunte verò te nunc eiusdem loci Abbate, &c. usque, prouiderint eligendum. Decernimus ergo, &c. usque, omnimodis profutura. Salua Sedis Apostolicæ auctoritate, & Diocessani Episcopi canonica iustitia. Si qua igitur in futurum, &c. usque, distictè subiaceat vltioni. Cunctis autem eidem loco, &c. usque, pacis inueniant. Amen. Datum Lateran. per manum Rainaldi Acolyti, & Capellani Domni Innocentij Papæ III. xvij. Kal. Decembr. Indictione ij. Incarnationis Dominicæ anno millesimo ducentesimo xij. Pont. verò eiusdem Domni Innocentij, anno xvj.

EPISTOLA CXLVII.

VT PISANOS IVRA ECCLESIAE VSVRPANTES COMPESCANT.

Episcopo, & Archipresbytero & R. Canonico Florentin.



V M olim ciues Pisan. ad Apostolicæ Sedis iura manus audias extendere cupientes, dilectum filium Nobilem virum Iudicem Calaritan. quia Ecclesia Romana terram, quam habet in Sardinia, in feudum tenere dignoscitur, super quibuldam eiusdem terre partibus coram Potestate Pisan. per suum syndicum conuenissent, ac pro suæ voluntatis arbitrio, quasdam promulgari fecissent sententias contra eum, in iuris Apostolici lisionem. Novatendentes, quod idem Iudex super ijs, quæ à Romana tenet Ecclesia, non nisi sub Romano Pontifice debuit conueniri, sententias ipsas tanquam à non suo iudice latis deuuntiari fecimus irritas, & inanes, ac inhiberi nihilominus ciuib. antedictis, ne ipsarum occasione præfatum Iudicem decetero molestant. Nuper autem ad audientiam nostram eorū significante peruenit, quod dicti ciues vti volentes sententijs antedictis, nuntios suos in Sardiniam postmodum transfuissent, vt per ipsos eorum possessionem apprehenderent, quæ ipsis per sententias adiudicata fuerant expeditas. Præterea B. Caietan. Pisanus cuius super fructibus cuiusdam partis, quæ in Caleri se habere proponit, coram Rectoribus Pisan. in causam traxit Nobilem memoratum, eumque sibi obtinuit condemnari. Ideoque discretionem vestram per apost. scripsi. mandamus, quatenus Nobilem expeditum sententiarum occasione dictarum non sinatis ab aliquo molestari. Molestatores quotiens ab eo fueritis requisiti, per censuram Ecclesiasticam appellatione postposita compecentes. Quod si non omnes, &c. Tu etiam frater Episcopo, &c. Tu etiam frater Episcopo super teipso, &c. Datum Laterani vj. Kal. Decembr. Pont. N. anno xvj.

EPISTOLA CXLVIII.

DE PROMOTO EXTRA TEMPORA RESCRIBIT.

Abbati sancti Mauricii Aganen. Sedunen. Diac.



Q UANTITATE in præsentia nostra dilectus filius P. Ecclesie tue Canonicus nobis humiliter intimauit, quod cum bonæ memoriæ Sedunen. Episcopus olim in eadem Ecclesia in splendoritate B. Mauricii celebrata eidem ad præsentationem bonæ memoriæ Vvilelmi prædecessoris tui eum in Subdiaconum ordinauit, à quo ad eiusdem præsentat-

tionem Abbatis in festo Annūciationis Beatę Mariz in Dia. ouum fuit postmodū ordinatus. Nec recolit vtrū die, qua ordinem Subdiaconatus accepit, esset Sabbathum quatuor temporum, vtrūve dies quo fuit in Diaconum ordinatus esset Sabbathum, quo canitur, *Sistentes*. Vnde licet statuto tempore in sacerdotem promotus diuina diu officia celebrarit, postmodū tamen, vt à conscientia sua dubitationis scrupulū amoueret, à diuinorū celebratione duxit humiliter abstinendum, quousque super hoc nostrę recepisset beneplacitū voluntatis. Quocirca discretionis tuz per apost. script. mandamus, quatenus si super ijs veritas ignoratur, eundem in susceptis permittas ordinibus liberē ministrare: quia vbi contrarium non apparet, Episcopus rite pręsumitur processisse: pręsertim cū & solemnitas B. Mauricij quatuor ieiuniorum temporibus, & festum Annunciationis Sabbatho, quo, *Sistentes*, canitur, frequenter occurrant. Verū ex anno, quo extitit ordinatus, per diligentem computationem posset veritas indagari, & si constaret, quod extra statuta fuisset Sabbathi ordinatus, quamquam sustineri posset, quod fuit de ordine Subdiaconali pręsumptum, Diaconalis tamen ordinis ei deberet executio interdici. Tu denique fili Abbas, &c. Datum Laterani xvj. Kal. Ianuarij, Pont. N. Anno xvj.

EPISTOLA CXLIX.

TESTES ANTE LITEM MOTAM RECIPERE PERMITTIT.

Episcopo Suefionen. Abbati Longipontis, Cisterciē. Ordinis, Suefionen. Diac. & G. Decan. Suefionen.

DILECTA in Christo filia Nobilis mulier B. Comitissa Campanię, ac T. natus eius nostris auribus intimarunt, quod inclytę recordationis Hen. Comes Campanię, atque Brix profecturus in Terram Sanctam, Baronibus, & Milinibus suis iussit, *vñ* cum de transmarinis partibus contingeret non redire, *clarę* memorię T. fratri suo intenderent, vt pote terrę Domino, faciens eos super hoc pręstare corporaliter iuramentum, qui post *mortem* eiusdem Comitis pręfato, T. tantquam Campanię, ac Brię Comiti terris suis receptis ab ipso, fidelitatem, & homagium pręstiterunt. Verū quia pręfatus Hen. in partibus transmarinis duas filias ex *clarę* memorię ... Regina Hierosolymitan. sibi, vt dicitur, minū legitimē copulata suscepit, Comitissa pręfata, & filius eius timentes sibi ab illis, vel à viris earum cū fuerint matrimonio copulatz, moueri super eisdem Comitibus quzstionem, ne pro defectu testium ius eorum valeat deperire, nobis humiliter supplicarunt, vt valeat ordinatio testes, & senes recipi faceremus. Nos igitur eorum volentes indemnitatibus pręcauere, ne veritas valeat occultari, discretionis vestrę per apost. script. mandamus, quatenus testes senes, & valetudinarios, quos super ijs iidem producendos duxerint, admittatis, & diligenter examinantes eisdem, ac depositiones ipsorum fideliter redigentes in scriptis, ipsas sigillorum vestrorum munimine roboratas faciatis cautius custodiri. Quod si non omnes, &c. Tu frater Episcopo, &c. Vos denique frater Episcopo, ac fili Abbas, super vobis ipsis. Datum Laterani ij. Idus Decembr. Pontific. nostri Anno xvj.

*In eundem modum... Vindocinen. & ... de Eleemosyna Abbasbus Carnoten. Die-
cesis, & ... Subdecan. sancti Martini Turonen. usque in finem. Datum Lateran. vt supra.*

EPISTOLA CL.

VT MATRIMONIO INTER CONSANGVINEOS CONTRAHENDO
DENT OBVIAM.

*Patriarcha Hierosolymitan. Apostolica Sedis Legato, & Tyren.
Archiepiscopo.*

EX parte dilectæ in Christo filix Nobilis mulieris B. Comitissæ Campaniæ, ac T. nati eius nostro est apostolatui teleratum, quòd Nobilis vir Erardus de Brena nuper ad patres vestras accessit, vt vnam de filiabus claræ memoriæ Hent. Comitris Campaniæ, accipiat in vxorem, quæ ipsum dicitur in eo gradu consanguinitatis attingere, quòd secundum sanctorum Patrum statuta legitimè nequeunt copulari. Cum inelytæ recordationis Lodouicus Rex Grossus proauus videlicet Comitris supradicti frater extiterit Florij, cuius pronepos est Erard. quod vt asserunt, satis est in Galliarum partibus manifestum, & constare de facili poterit euidenter. Cum igitur ipsi, si necesse fuerit, id probare in eisdem partibus sint parati, & sarius sit in huiusmodi ante tempus occurrere, quàm post tempus remedium mendicare; fraternitati vestræ per Apost. script. præcipiendo mandamus, quatenus sub pœna excommunicationis appellatione remora inhibere curetis huiusmodi contrahi copulam inter eos, ne scandalum oriatur ex eo, ex quo debet vilitas prouenire. Quòd si non ambo, &c. alter vestrum, &c. Vos denique fratres Patriarcha, & Archiepiscopo super vobis ipsis, &c. Datum Laterani xviij. Kal. Ianuarij, Pont. N. Anno xvj.

*In eundem modum... Sueffonen. & Catalaunen. Episcopis, & Decan. Sueffonen. usque
ad partes Vltimarinas accessit, &c. usque, probare in vestris partibus, &c. usque,
quatenus si forte idem E. in Galliam venerit cum puella sub pœna excommuni-
cationis, &c. usque, prouenire. Quòd si non omnes, &c. Duo vestrum, &c.
Vos denique fratres Episcopi, &c. Datum Lateran. &c. vt supra.*

EPISTOLA CLI.

CONFIRMAT QVÆ A LEGATO APOSTOLICO GESTA FVERANT.

Nobili mulieri B. Comitissæ Campaniæ, ac T. nato eius.

EX parte vestra fuit propositum coram nobis, quòd dilectus filius noster R. tituli sancti Stephani in Cælio Monte Presbyter Card. Apostolicæ Sedis Legatus, adiunctis sibi quibusdam Episcopis, & alijs bonis viris super hoc, quòd inelytæ recordationis Comes Hent. ad partes Vltimarinas iturus, terram suam T. fratri eius fecit iurari, si de illis partibus non rediret, & quòd prædictus Comes cum claræ memoriæ ... Regina Hierosolymitan. post mortem. Matchionis Montisferrati, qui eam Vnfredo de Toron legitimo viro eius violenter abstulerat, ipso Vnfredo viuente, contraxit, quosdam testes recepit, pro eo quòd de morte quorundam illorum, cum essent

senes, poterat merito dubitari, & de longa timeri absentia aliorum, necnon & periculis alijs, quæ propter guerras poterant imminere. Nos igitur vestris precibus annuentes, quod super ijs providè, ac legitimè factum est, per Card. prædictum robur habere præcipimus firmitus. Datum Laterani iij. Idus Decembr. Pont. N. Anno xvj.

EPISTOLA CLII.

SENTENTIAM A DELEGATIS APOSTOLICIS PROLATAM
CONFIRMAT.

Magistro Radulpho Clerico.



EX multarum tenore perpendimus. litetarum, quòd cum olim causam, quæ inter te ex parte vna, & G. Militem de Curi, & Maiorem, Scabinos, Oseillum & Magistrum domus Dei de Bâcinguis Diœc. Laudunen. ex altera, super terris, pratis, frumenro, ponærio, foragijs, minuta decima, & rebus alijs vertebatur, dilectis filijs ... Abbatibus sancti Eligij Nouiomen. & coniudicibus suis duxerimus committendam; ipsi rationibus vtriusque partis auditis, & causæ meritis inrellæctis, pro te super prædictis omnibus definitiuam sententiam promulgarunt, condemnantes partem alteram in expensis. Cùmque postmodum super hoc à nobis plures literæ ad diuersos iudices emanassent, demum dilectis filijs ... Cantori Nouiomen. & suis coniudicibus, nostris literis dedimus in mandatis, vt dictam sententiam, sicut esset iusta executioni mandantes, ipsam facerent firmiter obseruari; contradictores appellatione remota per censuram Ecclesiasticam compescendo. Coram quibus proposuit pars aduersa, quòd ab eadem sententia fuerat ad nostram audientiam appellatum, sed quamuis ad hoc probandum testes plurimos produxisset, penitus tamen in probatione defecit: propter quod ijdem iudices inuenientes eandem sententiam iustè laram, ipsam auctoritate apostolica confirmarunt: prædictos Militem, Maiorem, & alios eò quòd prædictæ definitiuæ sententiæ contempserunt diutius, & contemnunt, excommunicationis laqueo innodantes. Ne igitur decetero causa ista semper repulset aduersariorum malitia procurante in tuum præiudicium, & grauamen, ruis laboribus finem imponere volumus, arque liti. Vnde quod ab ipsis rationabiliter factum esse dignoscitur, approbantes, definitiuam sententiam iusticia exigente prolaram auctoritate apost. confirmamus, & præsentis scripti patrocinio communimus. Nulli ergo, &c. usque nostræ confirmationis, &c. Siquis autem, &c. Datum Laterani iv. Idus Decembr. Pont. N. Anno xvj.

EPISTOLA CLIII.

ECCLESIAS RECENS AB INFIDELIBVS RECEPTAS EIVS FIDEI
COMMENDAT.

Archiepiscopo Toletan.



VM quz dā diocēses olim Ecclesię Toletan. subiectę, quas Christianorum exigentibus culpis inimici nominis Christiani tenuerunt diutius occupatas, nuper dextera Domini faciente virtutem, per studiū & prudentiam carissimi in Christo filij nostri A. illustri Regis Castellę sint extortę de manibus impiorum; ne cura pastoris desit fidelibus positis in eisdem, eas sollicitudini tuę duximus cōmittendas, vt donec Apostolica Sedes de illis aliter duxerit disponendum, curam eis exhibeas pastoralem. Ideoque fraternitati tuę per Apost. scrip. mandamus, quatenus eas habeas taliter commendatas, quōd diuini nominis cultus in eis per tuam sollicitudinem amplietur, ad restaurandum tamen in eis Episcopos impendas studium, & operam efficacem. Tu denique Frater Archiepiscope &c. Datum Laterani xij. Kal. Ianuarij, Pont. N. Anno. xvj.

EPISTOLA CLIII.

DISPENSAT SVPER COGNATIONE.

Nobili viro Herueo Comiti, & Matildi uxori eius Comitissa Niuernen.



Scitis alijs in partem sollicitudinis summus pontifex assumptus est in plenitudinem potestatis, qui cū moderator sit Canonum, iuri non facit iniuriam, si dispensat, præsertim cū dispensatio sic iuris vincula laxet in aliquo, quōd in alijs non dissoluit: & sic beneficium gratię specialis inducat, quōd vigorem Constitutionis non perimit generalis. Sanē supplicastis nobis, vt cū per tredecim annos in conspectu Ecclesię cohabitaueritis, vobis adinuicem de cohabitatione huiusmodi sobole procreata, impedimentum ex eo quōd vos quarto gradu parentelę, vel remotiori contingitis, amouere per dispensationis gratiam dignaremur, maxime ob reuerentiām Crucifixi, ad cuius vos obsequium deuouistis, signo Crucis assumpto in subsidium Terrę sanctę. Quia verō d. gnū est, vt in eius vicarij, cuius causam in isto negotio specialiter assumpsisse videmini, fauorem inueniatis gratię specialis; considerato etiā, quōd super factis Virziliacen. Ecclesię circa procuraciones mandatum Apostolicum impleuistis, vobiscum in gradu prædicto, & remotiori, si eo vos fortē contingitis, auctoritate Apostolica de Fratrum nostrorum consilio dispensamus. Nulli ergo omnino hominum liceat hanc paginam nostrę dispensationis &c. Si quis autem &c. Datum Laterani xij. Kal. Ianuarij, Pont. N. Anno. xvj.

EPISTOLA CLV.

VT EPISCOPVM SIBI ELIGANT IDONEVM.

Decano, & Capitulo Eboracen.

IN VM Ecclesiam vestram speciali diligamus in Domino caritate, vt pote maximum Ecclesie Dei membrum, ipsius commodum, & honorem sollicitè volumus procurare: cupientes vt eidem præferatur annuente Domino talis pastor, qui sibi non sit oneri, sed honori, & qui magis prodesse desideret, quàm præesse, plebem sibi subiectam ædificans verbo pariter, & exemplo. Cùm igitur in cuiuslibet electione pastoris cum multa sit discretione, ac prudentia procedendum, & omni carnalitate, timore, ac amore mundano exclusis, timor Domini sanctus præ oculis sit habendus: Vniuersitati vestræ per Apost. script. mandamus, & sub diuini iudicii obtestatione præcipimus, quatenus conuenientibus vobis in vnum, in Capitulo ad tractandum de vestri electione pastoris, & Spiritus sancti gratia inuocata, electionem canonicam de persona idonea celebretis, cum cõsilio venerabilis F. N. Episcopi Tusculan. Apost. Sed. Leg. districtiùs inhiuentes, ne per violentiam aliquam, siue fraudem mandatum nostrum deludere quis præsumat: Datum Laterani x. Kal. Ianuarij. Pont. N. anno xvj.

EPISTOLA CLVI.

PRÆBENDAM LEODIENSEM ADIUDICAT.

Joanni Canonico sancti Petri Leodien.

DILIGENTER examinatis, & perspicaciter intellectis meritis causis, que inter te, ac G. Subdiacon. Leodien. dice. super præbenda eiusdem Ecclesie vertebatur, tibi exigente iustitia præbendam adiudicantes eandem, super ea perpetuum silentium memorato subdiacono duximus imponendum. Nulli ergo omnino hominum liceat hanc paginam nostre definitionis infringere. Si quis autem &c. Datum Laterani ix. Kal. Ianuarij, Pont. N. anno xvj.

EPISTOLA CLVII.

DECIMAS ILLIS DONATAS CONFIRMAT.

Magistro, & Fratribus Hospitalis Teutonicorum.

CVM à nobis petitur &c. usque, concurrentes assensu. Hospitalis apud Frisacum, & decimas omnium victualium, quæ solent adduci in Castrum Frisaci, quæ venerabilis Frater noster E. Salzeburgen. Archiepiscopus, Præpositi, & Capituli Salzeburgen. Ecclesie assensu legitimo accedente, Ordini vestro intuitu obtulic pietatis, sicut ea omnia iustè, ac pacificè possidetis, & in authenticò scripto prædictorū Archiepiscopi, & Capituli continetur, vobis, & per vos Ordini supradicto auctoritate Apostolica confirmamus, & præsentis scripti patrocinio

communimus. Nulli ergo omnino hominum liceat hanc paginam nostræ confirmationis infringere &c. Si quis autem &c. Datum Laterani v. Kal. Ianuarij, Pont. N. Anno xvj.

EPISTOLA CLVIII.

VT LEGITIMAM PURGATIONEM EXIGANT A
BISUNTINO ARCHIEPISCOPO.

Lingonen. Episcopo, & Abbati Morimunden. Cisterc. Ord. Lingonen. diæc.



RECEPIMVS literas vestras, quibus nobis intimare curastis, quòd Apostolico suscepto mandato super indicenda purgatione venerabili Fratri nostro .. Archiepiscopo Bisuntino. ad diem sibi præfixum comparuit coram vobis, iuramentum purgationis offerens sub hac forma; videlicet quòd immunis erat ab illis criminibus, super quibus se purgare debebar. Cùmque vos diceretis hanc non esse formam canonicam, & super hoc fuisset aliquandiu disputatum, ipse tandem ad nos vocem appellationis emisit, cui de prudentum virorum consilio derulistis. Ipse verò ad præsentiam nostram accedens humiliter supplicauit, vt salrem super purgatione incontinentiæ dignaremur temperare rigorem, quia non audebat asserere, quòd à natiuitate sua nunquam passus fuerit lapsum carnis. Porro cùm ab eo non credatur exactum fuisse huiusmodi iuramentum, potius fortè præsumitur, quòd à alia de causa volebat sub præscripta forma iurare, videlicet quòd immunis esset ab illis criminibus, de quibus fuerat infamatus, tanquam dimissis per poenitentiam iam esset immunis ab illis, sed hoc iurare nõ parum temeritatis existeret, cùm beatus Iob, dicat; *Etiam si simplex fuero, hoc ipsum ignorauit anima mea.* Et Salomon *Quis potest dicere mundum est cor meum, & purus sum à peccato.* Vnde Psalmista dicebat; *Delicta quis intelligis, ab oculis munda me Domine.* Apostolo attestante, *Nihil mihi conscius sum, non tamen in hoc iustificatus sum.* Ideoque præscriptam purgationis formam, secundum quam idem Archiepiscopus coram vobis obtulit se purgare penitus reprobamus, vtpote indiscrutam, & temerariam, necnon incongruam, & ineptam: iniungentes eidem, vt si potuerit, & voluerit sub hac forma se purget secundum sanum intellectum; quem ei duximus exprimendum: videlicet quòd illa crimina grauiora, id est simoniam, venditionem iustitiæ, atque incontinentiam, de quibus infamatus existit, iuret se minimè commississe, postquam ad Archiepiscopalem promotus est dignitatem: & compurgatores sic iurent, quòd credunt eum verum iurasse. Quo facto vos illum dimittatis in pace; alioquin eum sublato cuiuslibet contradictionis, & appellationis obstaculo remouere curetis à regimine pastoralis, processuri secundum formam in prioribus literis nostris expressam. Quòd si fortè non ambo ijs exequendis potueritis interesse, tu Frater Episcope cum dilecto filio ... Priore Morimunden. ea nihilominus exequeris: Vos denique Frater Episcope, & fili Abbas &c. Datum Laterani iiii. Nonas Ianuarij, Pont. N. Anno xvj.

CONCORDIAM CVM NIVERNENSI COMITE INITAM
CONFIRMAT.

Abbati, & Conuentui Virziliacen.



Vm litigantium vtilitatis interfit, ne sopite iudicio, vel concordia quæstiones iterum suscitentur, si ea quæ prouida sunt deliberatione firmata, auctoritatis nostræ robur exposcant, eis grato concurrenres assensu, fauoris Apostolici præsidium impartimur. Sanè postulatistis à nobis, vt concordiam, quæ inter vos ex parte vna, & ... Comitum, ac ... Comitissam Niuernen. ex altera, super procurationibus, damnis, & iniurijs interuenit, sicut per literas vestras accepimus, quas de verbo ad verbum iussimus præsentibus annotari, dignaremur Apostolico munimine roborare. Tenor autem Literarum talis existit. Sanctissimo Patri, & Domino Reuerendo, Innocentio Dei gratia summo Pontifici, deuoti, & humiles filij, Frater G. dictus Abbas, & Conuentus Virziliacen. deuota pedum oscula. Nouerit Sanctitas vestra, quòd Dominus Herueus Comes, & Matildis Comitissa Niuernen. fecerunt nobis authenticum instrumentum, cuius tenor est talis. Vniuersis Christi fidelibus ad quos præsens scriptum peruenerit, Herueus Comes, & Matildis Comitissa Niuernen. salutem in Domino, Nouerit vniuersitas vestra, quòd cum inter nos ex vna parte, & ... Abbatem, & Conuentum Monasterij Virziliacen. ex altera, super quibusdam procurationibus annuis, damnis, & iniurijs quæstio verteretur; tandem mandauimus Domino Patri, quòd per omnia volebamus in hac causa ipsius obtemperare mandatis: ipse verò communicato Fratrum suorum consilio scripsit in hunc modum. Innocentius Episcopus seruus seruorum Dei, Venerabili Fratri Episcopo, & dilectis filiis Abbati sancti Victoris, & Cancellario Parisien. salutem, & Apostolicam benedictionem. Cum pro quæstione, quæ inter Nobilem virum H. Comitem Niuernen. ex parte vna, & dilectos filios Abbatem & Conuentum Monasterij Virziliacen. diocæsis Eduen. ex altera, super quibusdam procurationibus annuis, damnis, & iniurijs vertebatur, ipsius Nobilis, & partis alterius procuratores ad nostram præsentiam accessissent, & in ea fuisset aliquandiu coram nobis prudenrer, & prouidè disputatum; tandem ex parte Nobilis antedicti relatione suorum procuratorum accepimus, quòd ipse volens per omnia complacere nostræ hanc placito voluntatis, paratus erat in hac causa nostris obtemperare mandatis. Nos autem communicato Fratrum nostro consilio hoc duximus iniungendum: Vt cum ipse, & successores sui Comites Niuernen. in festo Paschali ad Monasterium accesserint memoratum, nomine procurationis centum librarum vsualis monetæ, quæ pro tempore curret sint summa contenti; tantumdem in festo beate Mariæ Magdalene procurationis nomine recepturi, si ad Monasterium accesserint supradictum, ad protectionem eiusdem Monasterij secundum quòd de iure reſidentur dantes operam efficacem. Vt ergo super hoc nulla possit in posterum via patere calumniæ, mandauimus vt prædictus Nobilis, & vxor ipsius per authenticum instrumentum Abbati, & Conuentui Monasterij

eiusdem promittant se id firmiter seruaturos; suos nihilominus successores ad huius rei obtinendam obligantes, & ad maiorem cautelam faciant hoc per catillinam in Christi filii nostri illustrem Regem Francorum auctoritate regia confirmari. Ideoque discretioni vestre per Apost. scrip. mandamus quatenus postquam Nobilis memoratus, & vxor sua literas secundum formam concesserint supradictam, eam sem Nobilem iuxta formam Ecclesie ab excommunicationis vinculo absoluantis quo propter idem negotium nostra est auctoritate ligatus. Iniungentes eidem sub debito prestiti iuramenti, vt ad impetrandam super hoc confirmationem regiam det operam bona fide. Abbatem verò, & Conuentum predictos ab omni decreuimus impetitione cessare, omnemque remittere questionem, quæ ipsi aduersus Nobilem super dictum super damnis, & iniurijs competeat, decimis de Dornitaco dumtaxat exceptis, super quibus eis satisfieri volumus, & mandamus. Quod si non omnes &c. Datum Lateran. 11. Idus Aprilis, Pont. N. Anno. xvj. Nos autem, vt promissimus, volentes, sicut decuit, mandatum Apostolicum adimplere, mediante Venerabili Patre Roberto, tituli sancti Stephani in Celio Monte Presbytero Cardinali, Apost. Sed. Leg. solemniter coram eo prestito corporaliter sacramento concessimus, quod pacem prescriptam cum maxima deliberatione à Domino Papa, & Cardinalibus ordinatam, obseruabimus bona fide, & literis presentibus ad predictæ pacis obseruationem successores & heredes nostros in perpetuum obligamus. Volentes modis omnibus, & liberaliter concedentes, vt suprascriptæ pacis forma à nobis, & successoribus, & heredibus nostris in æternum firmiter, & inuolabiliter penitus obseruetur. Vigetur, quæ prædicta sunt maiori gaudeant firmitate, ista omnia ... filia nostra Iudauit, & nos ea presenti scripto, & sigillorum nostrorum appositione roborauimus. Actum apud Leigniacum Castrum, Anno gratiæ millesimo cc. xiiij. mense Octobri. Inde est quod Sanctitatem vestram, quod humiliter possumus, exoramus, quatenus pacem istam per vos, & à vobis factam, ita dignemini confirmare, quod firma, & stabilis permaneat in æternum. Nos igitur precibus vestris fauorem beniuolum impendentes, id auctoritate Apostolica confirmamus, & presentis scripti patrocinio communiemus. Nulli ergo omnino hominum liceat hanc paginam nostræ confirmationis infringere &c. Si quis autem &c. Datum Laterani iij. Non. Ianuarij Pont. N. Anno xvj.

EPISTOLA CLX.

ECCLESIE TERVISINÆ UTILITATIBVS CONSVLIT

Capitulo Tervisin.

UICET dilectus filius Magister Maximus Notarius noster, & Collegæ ipsius, per quos inquisitionem, quam venerabilis Frater noster Cremonen. Episcopus, tunc Apostolicæ Sedis Legatus fuerat, contra Venerabilem Fratrem nostrum Episcopum Tervisin. ac etiam illam quæ primò contra eundem facta extiterat, auctoritate bonæ memoriæ Albanen. Electi, Apostolicæ Sedis Legati examinari mandauimus, eiusdem Cremonen. processum exigente iustitia irritarint, & nos

postmodum, quod super hoc factum extitit ab eisdem, duxerimus approbandum: quia tamen eundem Episcopum propter alienationes quasdam, & debita, quibus suam dicebatur Ecclesiam onerasse, habuimus de dilapidatione suspectum, super hoc venerabilibus Fratribus nostris Patriarchæ Graden. & Episcopo Castellan. direximus scripta nostra, qui iuxta formam sibi traditam procedentes, veritatem super ijs, & alijs per Teruisin. Canonicos iuramento præstito sollicitè inquisitam sub suis nobis destinauere sigillis, certo termino ipsi Episcopo assignato, quo personaliter, vel per procuratorem idoneum nostrum se conspectui præsentaret. Ipso igitur in nostra præsentia constituto, & inquisitione facta per Patriarcham, & Episcopum antedictos plenius intellecta nobis manifeste innotuit per eandem, vetus debitum, quo tenebat Ecclesia Teruisin. tredecim millium librarum summam attingere; computatis usuris: ac præfatum Episcopum debito ipso in quinque librarum millibus ampliato, molendinum quoddam Ecclesiæ ipsi perutile octingentarum librarum pretio vendidisse, ac sustinuisse vassallos suos circa duorum millium librarum valentiam alienare de feudis, quæ ab Ecclesia tenebant eadem, data ipsi Episcopo iuxta Teruisin. ciuitatis statutum pretij sexta parte; quamquam & à subditis suis quædam receperit pro collecta, & Episcopij redditus circa duo millia librarum valeant annuatim. Ciuibus etiam Teruisinis teloneum ipsi Ecclesiæ auferentibus se nequaquam opposuit, ut debebat: quinimò illud duobus millibus librarum æsti nati obtinuit ab eisdem: quamquam de ipsi pecunia nihil receperit, nisi quod commune septingentas libras, quas extorquere nitebatur ab ipso, sibi recompensauit ex illis. Ad hæc post confirmationem suam Nobili viro Guercio duo millia librarum Ecclesiæ suæ onere non cōsiderato donauit, quietem propriam ipsius Ecclesiæ dispendio satagens procurare. Etsi ergo eundem Episcopum ab administratione possemus merito remouisse, ut pote qui de dilapidatione non suspectus solummodo, verum etiam proculdubio culpabilis est inuentus; quia tamen vexationes, quas à dicto Guercio pertulisse dignoscitur aliquatenus extenuant culpam eius, & quia etiam à vobis testimonium sibi laudabile perhibetur, eum, rigore iuris mansuetudine temperato, adhuc in administratione ipsa duximus tolerandum: volentes cum Euangelico illo agricola experiri, verum arbor huiusmodi fructum missis circa eam stercoribus sit factura, ut dimittamus eandem, si quidem fructum fecerit expectatum, alioquin ipsam, ne terram inutiliter occupet, succidamus. Ne autem Ecclesia sæpedita sub voragine peteat vsuratum, ipsius necessitate, ac vilitate pensatis, licentiam dedimus Episcopo memorato, ut cum consilio dilectorum filiorum lord. Prioris sancti Benedicti, & Iacobi Archidiaconi Paduani, & assensu vestro tantum de possessionibus eiusdem Ecclesiæ sæpeditatibus, ac minus vtilibus alienet, quod decem millia librarum veteris debiti de pretio solui valeant earumdem: omnem aliam alienationis speciem penitus interdicentes eidem; ita ut ipso iure contractus alienationis sit irritus, si quem fortè alium à prædicto de bonis Ecclesiæ sæpeditæ præsumpserit attentare. Ipse verò sic suas moderetur expensas, quod mille libras proprii debiti de prouentibus soluat Episcopalibus annuatim, quousque totum fuerit persolutum, ac vsutas trium millium librarum, quæ

remanent

remanent de antiquo interim excrefcere non permittat. Prouifo foliciè, vt dictarum poffeffionum pretium in folutione debui prænolari finè diminutione qualibet conuertatur. Ideoque difcretioni veftræ per apoft. fcript. mandamus, quatenus ipfi quem ad vos cum fauore gratiæ noftræ remittimus, in ijs & alijs quæ ad eius fpectant officium, fideliter affiftatis, impendentes ei confilium, & auxilium oportunitum. Datum Laterani v. Idus Ianuarij, Pont. N. Anno xvj.

In eundem modum fcriptum eft Iord. Priori fancti Benedièti, & Iacobo Archidiacono Paduan. vſque, & quia etiam à Capitulo ſuo reſtimonium ſibi laudabile, &c. vſque, vt cum confilio veftro, & aſſenſu Capituli ſui tantum de poffeffionibus, &c. vſque, conuertatur. Ideoque diſc. veſt. per apoft. ſcript. mandamus, quatenus prædicta faciatis ab ipſo Epifcopo firmiter obſeruari, alioquin eundem ab admiſtratione curetis ſublato appellacionis obſtaculo remouere. Datum vt ſupra.

EPISTOLA CLXI.

ANATHEMA PRONVNCIAT IN EOS QUI IN CLERICOS MANVS
VIOLENTAS INIICIUNT.

Archiepiſcopo Strigoniën. & vniuerſis Epifcopis in Vngaria conſtitutis.

IN illis non modicum ſuperabundat iniquitas, qui præſumunt Chriſtos Domini tangere, in Prælatis Eccleſiæ malignantes. Sanè intelleximus quoddam Vngaros in tantum prorupiſſe furorem, quòd inter alia, quæ commilerant enormia, in Venerabilem Fratrem noſtrum Colocen. Archiepiſcopum manus præſentis inijcere remerè violentas, & audacter deſcipientes in gregem, qui non timuerant in paſtore, ipſius Archiepiſcopi clerico, necnon & monachos verberibus, damnis, & alijs iniurijs afflixerunt. Volentes igitur eoſdem ſacrilegos in præſenti confundi ſi forte reſpiſcant, ne pereant in futuro: fraternitati veftræ per apoft. ſcript. mandamus, quatenus ſi eſt ita, ipſos ſingulis diebus Dominicis, & feſtiuis, pullatis campanis, & candelis accenſis per veſtras Diœceſes excommunicatos denuntiari publicè faciatis, & tamdiu ab omnibus arctius euitari, &c. vſque, abſoluedi. Vos denique fratres Archiepiſcope, ac Epifcopi, &c. Datum Laterani vij. Idus Ianuarij, Pont. N. Anno xvj.

In eundem modum ſcriptum eſt Nobilibus viris, vniuerſis Ducibus Poloniæ, vſque, & alijs iniurijs afflixerunt. Quia verò dignum eſt, vt ſuffragijs, & ſolatio careant deuotorum, qui ſe aduerſus Dei miniſtros in tantæ indevotionis malitiâ erexerunt, Nobilitatem veſtram rogandam duximus, & monendam, per apoft. ſcript. mandantes, quatenus ſiquos de memoratis ſacrilegis ad vos confugere forte contigerit, eos in veftræ ſalutis diſpendium nullatenus admittatis, ne illicito fauore, quod abſit, eorum videamini communicare peccatis. Datum vt ſupra.

ANTIQUOS POSSESSORES MONASTERII REIECTIS INVASORIBUS
RESTITVI PRÆCIPIT.

Albanen. Episcopo, Apost. Sed. Leg.



X relatione dil. Fil. Abbatis, & Monachorum Monasterij sanctæ Marie de Chortato, Thessalonicen. Dicec. nos noueritis accepisse, quòd cùm ipsorum monasterium, sicut & alia multa, iuxta morem patriæ à iurisdictione quorumlibet Ecclesiasticorum Prelatorum exemptum fuerit ab antiquo, & soli Constantinopolitan. Imperatori subiectum, tanta quondam bonorum omnium affluentia redundabat, quòd idem magna temporalium vbertate refertum, & iucunda spiritualium venustate præclarum, ducentorū Monachorum Collegium sustentabat. Sed olim claræ memoriz ... Marchione Montisferrati partium illarum, sicut Domino placuit, dominium obtinente, ipsisque à facie hominum fugientibus in solitudinem præ timore, P. Abbas Lucetij Cisterciens. Ordinis ab eodem Marchione dari sibi dictum Monasterium interim impetravit, & ipsius Ecclesiæ præsumens infringere libertates, G. Monachum suum instituit in eodem, qui tanquam lupus rapax, & prædo crudelis, ablati thesauro, & omnibus alijs Ecclesiæ ipsius ornamentis, venditisque victualibus, & ceteris bonis, quibus ipsa Ecclesia copiosissimè affluebat, exinde furtiuè recessit; nec, quæsitus à Marchione, vt pœnas solueret de commissis, potuit inuentri. Verùm quia peccatis exigentibus in ijs omnibus auersus furor Domini nondum erat, sed ad percutionem extenta fortius manus eius, pessimus successit iniquo. Nam R. Monachus de Lucetijs tunc temporis superueniens, & nequiter se humilians, cùm interiora eius existerent plena dolo, ac se in lucis Angelum transfigurans, ab eodem Marchione obtinuit Monasterij custodiam antedicti; cuius iniquitas postmodum tanta fuit, vt prioris prædonis non videretur facer, vel discipulus, sed magister. Nempe cellis dirutis, & domibus desolatis, ac eradicato quodam fundirus oliueto, quod representabas quodammodo terrestri delicias prædissi, tanquam mereator improbus ligna vendebat clibanis impudenter. Nec sic tamen potuit eius inexplata cupiditas satiari, quin omnibus animalibus venditis, & iniquè distractis, ita consumpserit omnia bona domus, quòd nouissimi exactoris crudelitas priore peior extitit in vniuersum: quia lupi rapacitas præcedentis, subsequenter respectu somnium potuit reputari. Cùmque ad aures Marchionis hæc omnia peruenissent, idem considerans se fore à dictis monachis circumuentum, & dolens per se factam ruinam miserabilem tantæ domus, exinde dictum monachum expelli præcepit, & supradicto Abbate, ac Monachis conuocatis præfatum ipsis Monasterium disposuit resignare perpetuò possidendū. Sed eodem morte præuento carissimus in Christo filius noster H. Imperator Constantinopolitanus illustris, cui præmissa cōstabant, ipsos restituit in eodem, confirmans postmodum factum suum priuilegio aurea bulla munito. Porro cùm ipsi nihil inuenissent ibidem, vnde possent vnus diei esuriam saturare, ac propter hoc ad eleemosynarum suffragia conuolantes, multa ibidem denuò

congregassent, pestis alia superuenit quorundam videlicet Monachorum de Lucetijs, qui se spoliatos dicto Monasterio asserentes, auctoritate literarum nostrarum se in ipso restitui, & exinde Monachos Græcos expelli fecerunt; quibus ob reuerentiam Apostolici mandati non fuit ausus contradicere Imperator. Cùm igitur tantæ calamitatis immensitas non solum ad compatiendum eorda mouere, sed auribus horrorem incutere debeat ex auditu, nobis humiliter supplicarunt, vt tantis ipsorum miserijs, atque malis finem imponere dignaremur, sub nostra protectione suscipientes eosdem, & à dicto Monasterio eiectis malignis inuasiõibus memoratis, ipsos in eodem restitui faceremus, & pacifica possessione gaudere. Quia verò nobis non constitit de præmissis, fraternitati tuæ per Apost. script. mandamus, quatenus inquisita plenius, & cognita veritate, auctoritate nostra super ijs statuas, & disponas, quæ secundum Deum videris expedire. Contradiçtores si qui fuerint vel rebelles per censuram Ecclesiasticam appellatione postposita compescendo. Tu denique frater Episcopo super teipso, &c. Datum Laterani ij. Idus Ianuarij, Pont. N. Anno. xvi.

EPISTOLA CLXIII.

VT RAIMUNDO SCRIPTORI APOSTOLICO, PRÆBENDAM CONGRVAM ASSIGNENT.

Episcopo, & Capitulo Massilien.



QVANTUM sit inobedientiæ culpa gravis, & obedientiæ virtus magna protoplasti transgressoris poena demonstrat, quam adhuc soluit tota postérité, & deplorat; & secundi Adæ obedientia humilis, & deuota, quam vsque ad mortem Patri exhibuit, protestatur: propter quam Deus Pater super omnes ipsum exaltans, non solum dedit ei nomen, quod est super omne nomen, & omnem sibi principatum, & potestatem subiecit: verum etiam sibi concessit, vt genus humanum perpetua morte damnatum sua morte redimeret, & ad gaudia æterna transiret. Cùm igitur contra inobedientiæ gradus, qui præcipitant in Infernum, per Christum scala sit obedientiæ præparata, per quam conscendeto valeamus in cælum, de vobis non sufficimus admirari, quod vos viam regiam declinantes; ambulare per deuia in contemptum nostrum, & auimatum vestrarum salutis dispendium contumaciter elegistis. Nam cùm vobis pro dilecto filio Magistro Raimundo scriptore, ac familiari nostro cuius fidelitatem, & prudentiam laudabilem, & deuotam diutius sumus experti, iam quantum direximus scripta nostra, vt eidem, quem dudum ad mandatum nostrum nulli sibi beneficio assignato in Fratrem & Canonicum recepistis, curaretis, sicut vni ex vobis, tam in domibus, quam in alijs prouideret; ac postmodum quibusdam ex vestris in nostra præsentia constitutis hoc idem iohunxerimus vna voce: vos quod graue gerimus, & indignum, tanquam inobedientiæ filij, pingui ceruice, ac armato collo iugum præcepti nostri excutientes à vestris humeris impudenter, id hætenus efficere non curastis. Quocirca disc. vest. per Apost. script. districte præcipiendo mandamus, quatenus iuxta præscriptam formam ipsi Magistro non differatis vltetius prouidere. Alioquin tantarum transgressionum non effugietis debitam

ultionem. Scientes nos dil. fil. P. sanctæ Mariæ in Aquiro Diac. Card. Apost. Sed. Leg. per apost. script. districte præcipiendo mandasse, ut si vos mandatum nostrum neglexeritis adimplere, ipse de bonis Ecclesiæ vestræ secundum formam eandem, competentem sibi prouisionem nostra suffultus auctoritate assignare procuret. Contradictores siqui fuerint, vel rebelles sublato cuiuslibet contradictionis, & appellationis obstaculo per censuram Ecclesiasticam compescendo. Datum Laterani xiiij. Kal. Februarij, Pont. N. Anno xvj.

EPISTOLA CLXIV.

VT PRIUS EXHIBITA SATISFACTIONE REGNUM REGEMQUE ANGLIÆ INTERDICTO EXIMAT.

N. Tusculan. Episcopo, Apost. Sed. Leg.



VENIENTES secundum officij nostri debitum tam Regno, quam Sacerdotio in Anglia providere, fraternitati tuæ præsentium auctoritate mandamus, atque præcipimus, quatenus cum carissimus in Christo filius noster Ioannes illustris Rex Angliæ persequerit in manibus tuis, & Venetabilium Fratrum nostrorum Cantuarien. Archiepiscopi sanctæ Romanæ Ecclesiæ Card. ac Episcopi Elien. necnon dil. fil. Pandulphi Subdiaconi nostri centum milia marcharum argenti ad opus eorum, quibus facienda est restitutio ablatorum, computatis ijs, quæ ipse iam tradidit præfato Archiepiscopo, & Episcopis, aut alijs hoc negotium contingentibus de ipsorum conscientia, vel mandato, ita quod si facta inquisitione constiterit plus ablatorum suppleatur ab ipso, si verò minus refundatur eidem: tu receptis eius patentibus literis suo sigillo munitis, quibus se profiteatur ad hoc etiam inter alia ex præstato pridem nobis iuramento teneri, quod tam super restituendis ablatis, quam super recondensandis damnis mandatis nostris absque refragatione parebit, relaxes protinus sententiam interdicti, & super veris inquisitionem fieri facias diligentem, quam nobis mittere non postpōas. Prætaxatā verò pecuniam distribui facias, secundum proportionem ablatorum inter eos, quibus est restitutio facienda. Cum igitur hoc mandatum de certa scientia faciamus, volumus, & iubemus, ut illud sublato cuiuslibet contradictionis, & appellationis obstaculo exequaris, nisi iam aliter sit de communi voluntate prouisum, vel adhuc cōnuenerit prouidendum, pro relaxando celeriter interdicto: quia tali ac tanta cautione præmissa seruari non decet ob huiusmodi causam diutius circa populum sententiam interdicti, quam circa Regem absque mandato nostro idem Archiepiscopus relaxauit, celebrando illi diuina, ut alia taceamus, in quibus ipse fines nostri mandati asserit excessisse; per quæ tamen Ecclesiasticæ libertati nolumus impedimentum asferri, pro qua est summopere insistendum. Datum Laterani x. Kal. Febr. Pont. N. Anno xvj.

EPISTOLA CLXV.

VICARIAM PERPETVAM OBTINENTI NON ESSE DE ALIO
BENEFICIO PROVIDENDVM, NISI VICARIÆ MENTIO IN
MANDATO FACTA SIT.

Episcopo Vratislauen.

POSTVLASTI per Sedem Apostolicam edoceri, vtrum alicuius Ecclesie perpetuo Vicario, de prouentibus Vicariæ, bonisque paternis habenti vnde valeat commodè sustentari, tenearis per illam communem formam, Cùm secundùm Apostolum, in Ecclesiastico beneficio providere. Ad quod sic duximus respondendum: Quòd cùm per formam prædictam necessitatibus pauperum clericorum, qui nullum sunt Ecclesiasticum beneficium assecuti, sicut ibidem exprimi consuevit, Sedes Apostolica duxerit succurrendum, perpetuus Vicariis, nisi de Vicaria fecerit mentionem, commodum reportare non debet de huiusmodi literis, vt pote veritate tacita impetratis. Non enim carere beneficio Ecclesiastico dici debet, cui competenter de perpetuæ Vicariæ prouentibus est prouisum: & pro habente beneficii sufficientis subsidium, ex certa scientia super obtinendo alio beneficio de leui non scribimus, quin faciamus de primo in nostris literis mentionem. Tu denique Frater Episcope super teipso, &c. Datum Laterani vj. Idus Ianuarij, Pont. N. Anno xvj.

EPISTOLA CLXVI.

VT PRÆBENDAM IN DVAS DIVISAM INTEGRET, AC VNITATI
RESTITVAT.

Eidem.

VACANTE quadam in Ecclesia tua præbenda duas ex ea constituens, ad illas de consensu Capituli tui duos Canonicos assumpisti, quorum altero apud Sedem Apostolicam viam vniuersæ carnis ingresso, præbendam quam defunctus habuerat, quidam clericus Hippolytus nomine fuit auctoritate Sedis Apostolicæ assecutus. Verùm cùm idem H. te super integrationem præbendæ per quasdam nostras literas inquietet, & alius idem ius aduersus te se habere proponat, quid facere de beas postulasti per Sedem Apostolicam edoceri. Super quo fraternitati tuæ sic duximus respondendum, quòd cùm Turonen. statuta Concilij sectionem inhi-beant præbendarum, teneris vtrique de ijs, quæ vacare contigerit integrare præbendam, nisi forte rationabili causa de vacante præbenda prædictæ dux fuerint constitutz, ac tot sint vtriusque prouentus, quòd per vtrâque sit vtrique prouisum in beneficio competenti. Tu denique frater Episcope super te, &c. Datum vt supra.

VT APOSTOLICI LEGATI DECRETA PENITVS EXECVTIONI
MANDENT.

*Ebredunen. Arelaten. Aquen. & Narbonen. Archiepiscopis, & eorum
suffraganeis, & Abbatibus, Prioribus, Decan. Archidiacon. & alijs
Ecclesiarum Prelatis in Ebredunen. Arelaten. Aquen.
& Narbonen. prouincijs constitutis.*



QV o rufo, de quo loquitur in Apocalypsi Ioannes, iamdu-
dum in Prouincia, & conuicinis partibus exeunte, qui super eum
sedebat discordiæ seminator pacem sumpsit de terra, prout sibi
datum fuerat exigentibus meritis habitantium in eadem, vt se
adinuicem interficerent, & terra penitus vastaretur: & non solum
priuata bona essent in direptionem, & prædam; verum etiam ad facta extendere-
rent manus suas, ac Ecclesiæ, quæ domus orationis esse debebant, & refugium
miserorum, in castellarentur in castra, & fierent Sathanz satellitibus munimen-
tum. Huic autem pesti se niger equus adiunxit, videlicet hæreticorum peruer-
sitas, qui quamuis multi sint numero, sunt tamen Diabolo vnus equus; quo-
niam si Samsonis vulpeculæ significantes eisdem, facies gerant diuersas, cau-
das tamen habent adinuicem; quoniam in idipsum peruersitatis conueniunt
colligatas, vt qui super eum sedebat hostis antiquus, bilibrem tritici læderet,
eos scilicet, qui alios verbo, & exemplo reficiunt, ac tres bilibres hordei mino-
res fidem sanctæ Trinitatis habentes, & etiam vinum, & oleum, mansuetos pa-
ritet, & austeros, quos omnes Christus vno denario proprio, videlicet sanguine
compararat. Verum cum se nullus pro domo Domini opposuisset eidem, facta
est fames in terra, & paruuli petierunt panem, sed qui eistrangeret nullus ~~erat~~,
pastoribus in mercenarios commutatis. Luxit, & defluxit, & infirmata est terra
pariter, & infecta: depopulata est regio: luxit humus, quoniam deuastatum est
triticum; confusum est vinum; elanguit oleum, & agricolæ sunt confusi. In-
uasferunt etenim gregem Domini lupi ~~repaces~~ in vestimentis ouium venientes, &
pastores pascentes seipsos, illos nec canum latratu, nec baculo ab ouili Dominico
effugarunt: sed tanquam mercenarij lupis dispergentibus oues sunt in fugam
conuersi, qui debuerant accingi gladio super femur in vltionem illorum, qui
vitulum conflauerant adorandum. Nos igitur, quibus omnium sollicitudo im-
minet generalis, attendentes eos, quos Apostolica Sedes in partem sollicitudi-
nis euocauit, super gregem suum noctis vigilias non seruare, sed dormire po-
tius, ac dormire, vtrique pesti volentes occurrere, ad partes illas pacis, & fidei An-
gelos curauimus destinare, vt alteros per exhortationis studium reducerent ad
concordiam, & alteros per sanam doctrinam reuocarent ad fidem, ac lædi tri-
ticum, hordeum, vinum, & oleum prohiberent. Sed quoniam in verbo Domi-
ni pugnando cum bestiis proficere non valebant, super montem caliginosum
signum fecimus eleuari, contra eos sanctificatis Domini, & fortibus euocatis,
qui fines eius ingressi conculcauerunt superbiam Chaldæorum, hæreticis

ex maxima parte destructis, & ab illis partibus effugatis, virisque Catholicis in locum succedentibus eorumdem, Pacis quoque fœdera inter eos, qui adinui- cem dissidebant, pacis Euangelistæ prædicti, eo qui est pax nostra præstante au- xilium, reformarunt: ut non emulassetur Ephraim Iudam, & Iudas Ephraim minimè impugnaret. Verùm quia ille, qui paci hominum inuideret, & saluti, no- uas illic disensionis materias seminavit, ne superexcrecente zizania friticum suffocetur cum labore tanto, & studio seminarum: dilectum filium nostrum Pe- sanctæ Mariæ in Aquiro Diac. Card. Apost. Sed. Leg. virum utique, literatum, prouidum, & honestum, quem inter ceteros fratres nostros specialis caritatis brachijs amplexamur, ad partes ipsas à latere nostro destinamus, qui auctoritate, ac vice nostra pacis fœdera iam pridem inita corrobotet, & confirmet, & ut vit potens in opere, & sermone, nouellam plantationē irrigans in fide foueat, & consolidet orthodoxa, & generaliter destruat, & euellat, ædificet, atque plan- tet, quæ destruenda, & euellenda, necnon ædificanda viderit, & plantanda, corrigendo, & reformando, quod correctionis, & reformationis officio cogno- uerit indigere. Quocirca vniuersitatem vestram monemus, & exhortamur, at- tentius, per Apost. vobis script. districtè præcipiēdo mandantes, quatenus Le- garum ipsū sicut personam nostram, immò nos in ipso recipientes, benignè, ac honorificè pertractantes, ea quæ statuenda duxerit, vel etiam corrigenda, recipiatis humiliter, & inuiolabiliter obseruetis. Alioquin sententiam, quam rationabiliter tulerit in rebelles ratam habebimus, & faciemus auctore Domi- no inuiolabiliter obseruari. Datum Latetani xvj. Kal. Feb. Pont. N. Anno xvj.

EPISTOLA CLXVIII.

MONASTERIUM MONTIS SANCTI SVB APOSTOLICAM
PROTECTIONEM RECIPIT.

Sancti Athanasij, ceterisque Abbatibus, & Monachis Montis sancti.

RELATIONE illustrium, & magnorū virorum nostro est Aposto- latui declaratum, quòd ille, qui est mons domus Domini præ- paratus in vertice montium, ut ad eum confluant omnes gentes; Sanctus videlicet sanctorum, qui Ecclesie fundamenta in sanctis montibus collocauit, montem vestrum super mare suum ad in- habitandum suis fidelibus prælegit, qui effectum sui nominis & numinis in se habens, licet aridus sit, & asper, ac temporalis fertilitatis gratia destitutus, est ta- mē inter alios mūdi mōtes maxima spiritualiū vberitate mirabiliter fecundatus. Nam cū trecentis monasterijs, & gloriosa religioſorum virorum mulierudine arctam, & pauperem vitam ducentium decoretur, tanta vsque modo reffloruit excellentia honestatis, tanta religionis eximie claritate refulsit, ut de ipso cum Iacob rectè possit quis dicere admirando: Verè sanctus est iste locus, quia hic est domus Dei, & quædam quodammodo porta Cœli, vbi multitudo cœlestis exercitus, tanquam castrorum acies ordinata, & parata suscitare Leuiaran vi- ctorioſe pugnat iugiter cum dracone, pſallens Domino sapienter. Proptet quod cū iam dudum fama vestri nominis, quæ fuerat effusa sicut oleum cir- cumquaque, multos populos ad se traxerit in odorem vnguentorum vestrorum,

ipſos currere faciens à remotis: Eccleſiarum Prælati, & Imperatores Conſtanti-
nopolitan. plurèſque principes ſeculares per priuilegia ſua multa, olim tantæ li-
bertatis præminencia vos dotarunt, vti poſt Deum, cui vos volebant liberè ſa-
mulati, nullius vquam eſſetis iuriſdictioni ſubiectioni. Ceſerunt peccatis exigen-
tibus nunc ex parte haſ inſegregit mundana potentia libertates, per quemdam
Dei, & Eccleſiæ inimicum, qui latrunculis congregatis in quodam Caſtro, quod
idem in Monte veſtro conſtruxerat per auxilium brachij ſecularis, non ſolum
Eccleſias veſtras, tanquam prædo ſacilegus; & crudelis, auro, argento, & or-
namentis omnibus ſpoliauit; verum etiam vt pecuniam exhauriret, quam vos
credebat ille perditionis filius congregaſſe, tanquam inſanus carniſex, atque
tortor peremit crudeliter quosdam veſtrum multiplici genere tormentorum.
Sed tandem ſua praua intentione fruſtratus, quam in camino cupiditatis ignis
auaritiæ ſuccendebat, exinde iuſtitia exigente per Imperatoris potentiam eſt
deiectus. Vnde ne cuiuſquam præſumptoris audacia volentis iuriſdictionem
aliquam ſuper vos ſibi temerè uſurpare, veſtra pax, & tranquillitas decetero per-
turbetur, nobis humiliter ſupplicatiſti, vt veſtris vobis libertatibus confirmatis
ſub beati Petri, ac noſtra protectione vos ſuſcipere dignaremur. Volentes igitur
paci, & quieti veſtræ paterna ſolicitudine providere, veſtris iuſtis poſtulationi-
bus inclinati, perſonas, & locum, in quo diuino eſtis obſequio mancipati, poſ-
ſeſſiones etiam, & omnia bona veſtra, quæ impræſentiarum rationabiliter poſ-
ſidetis, vel in futurum iuſtis modis, dante Domino, poteritis adipiſci, ſub B. Petri,
& noſtra protectione inſcipimus. Libertates autem, & immunitates rationabi-
les, & antiquas, ac etiam approbatas, prout in veſtris priuilegijs dicitur conti-
neri, vobis, & per vos monaſterijs veſtris auctoritate Apoſtolica confirmamus,
& præſentis ſcripti patrocinio communimus. Nulli ergo &c. noſtræ protectioni,
& confirmationis &c. Si quis autem &c. Datum Laterani xvj. Kal. Feb.
Pont. N. Anno xvj.

EPISTOLA CLXIX.

PAROCHIAE IVRA INTEGRA ESSE IVBET.

Propoſito, & Capitulo ſanctæ Martæ in Vineis, Ianuen.

Q UAM ad inſtantiam S. de Camilla ciuis Ianuen. aſſerentis, quòd
ad Eccleſiam veſtram, cuius parochianus exiſtit, ſine periculo
vitæ accedere non valebat, Venerabili F. N. Ianuen. Archiepiſ-
copo dedimus in mandatis, vt ſi dictus ciuis tantum annui re-
ditus iuxta bonorum virorum æſtimationem assignare veller
Eccleſiæ memoratæ, quantum à domo ſua Eccleſia ipſa percipere conſueuerat
annuatim, daret eidem licentiam oratorium in fundo proprio conſtruendi, ſine
iuris præiudicio alieni. Cum igitur inter eundem S. ac vos proponentes, quòd
huiusmodi literæ per veri ſuppreſſionem, & expreſſionem mendacij fuerant im-
petratæ, corà dicto Archiepiſcopo fuiſſet diutius diſputatum, ac idem rei ſeriem
per ſuas nobis literas intimafſet; Nos ijs, quæ W. Cōcanonicus veſter, & W. Preſ-
byter procuratores partium in noſtra propoſuere præſentia plenius inſpectis
præſatam Eccleſiam veſtram ab ipſius ciuis impetitione ſuper hoc duximus ab-

soluendam. Nulli ergo &c. nostræ diffinitionis &c. Si quis autem &c. Datum Laterani xvij. Kal. Feb. Pont. N. Anno xvj.

EPISTOLA CLXX

VT SUPER IMPERATIS VERITATEM INQUISAT.

Petro sanctæ Mariæ in Aquiro Diac. Card. Apost. Sed. Leg.



VM dil. fil. Nobilis vir S. Comes Montisfortis Vicecomitarum Ne-mausen. qui nomine nostro renetur ad Vicecomitatum Biterren. as-ferat pertinere: discretioni vest. per Apost. script. mandamus, quatenus inquiras super hoc plenius veritatem, & quod inueneris, cures nobis fideliter intimare. Datum Laterani xiiij. Kal. Feb. Pont. N. Anno xvj.

EPISTOLA CLXXI.

VT COMITEM CONVENARVM, ET FOXENSEM ABSOLVAT.

Eidem.



TSI Nobilium virorum Comitum Conuenarum, & Gaston. excessus graues sint plurimum, & enormes: quia tamen humiliter pulsantibus non est Ecclesiæ aditus præcludendus, discretioni ruz per Apost. script. mand. quatenus sufficienti ab eis, iuxta quod videris expedire, cautione recepta, ipsos te concilii Ecclesiasticæ vnirati, & disponas de illis secundum Deum, prout de prudentum virorum consilio videris disponendum. Datum Laterani xj. Kal. Febr. Pont. N. anno xvj.

In eundem modum scriptum est Nob. viro, S. Comiti Montisfortis, ut supra vno folio. Equo rufo &c. usque, orthodoxa &c. Natum inclytæ recordationis P. Regis Aragonum, quem tu detines, restitui facias regno suo, & de ipsius custodia prouideat, & disponat. Quocirca Nobilitatem tuam rogâdo monemus & exhortamur aientius per Apost. script. mandantes, quatenus Legatum ipsum, sicut personam nostram, immo nos in ipso honorificè, ac benignè recipias, & pertractes, & eius monitis, ac præceptis intendas humiliter, & deuotè. Et quoniam amodò indecens esset, ut quacumque occasione Natum retineres Regis prædicti, eundem in manibus Legari memorati resignes, ut de ipso prouideat, sicut viderit expedire. Alioquin super hoc idem Legatus procedet, prout in mandatis à nobis viua voce recepit. Datum Laterani x. Kal. Feb. Pont. N. Anno xvj.

EPISTOLA CLXXII.

VT TOLOSANAM CIVITATEM POST COMPETENTEM SATISFACTIONEM APOSTOLICA PROTECTIONE DIGNETVR.

P. Sanctæ Mariæ in Aquiro Diac. Card. Apost. Sed. Leg.



TSI Tolosanorum excessus grauis sit, & enormis: quia tamen sæpe, & nupet per dil. fil. P. Guirardum & B. Gilaberti nuntios suos pulsantibus non est Ecclesiæ aditus præcludendus, discretioni ruz per Apost. script. mandamus, quatenus sufficienti ab eis, iuxta

quod videris expedire, cautione recepta, ipsos reconciliet Ecclesiasticæ unitati, & sic ciuitas ipsa reconciliata sub Apostolicæ Sedis protectione consistat, nō molestanda decetero à Comite Montisfortis, vel alijs fide Catholicis, dum in fide Catholica, & Ecclesiastica pace duxerint persistendum. Quòd si fortè satisfacere noluerint, & in errore suo duxerint persistendum: nos per indulgentias innouatas Crucesignatos, & fideles alios præcipimus excirari, vr ad extirpandam pestem huiusmodi diuino freti auxilio insurgentes, ram cōtra ipsos, quā quolibet alios receptatores, aur defensores eorū, qui plus ipsis hærenicis sunt nocui, procedat in nomine Dñi Sabbaoth. Datū Lateran. viij. Kal. Feb. Pōt. N. Anno xvj.

EPISTOLA CLXXIII.

VT DENARIVM B. PETRI A SINGVLIS DOMIBVS EXACTVM
PLENE RESTITVI CVRENT.

N. Tusculan. Episcopo, Apostolica Sedis Legato, & P. Subdiacono, & familiari nostro.



VM sicut vestra discretio plenè nouit, singulæ domus roturi Angliz singulos denarios pro censu B. Petri annuatim nobis soluere teneantur, Prælati Angliz, qui cum nostro nomine collegerunt, rem inuito Domino conrectantes, maiorem sibi exinde patrem non sunt veriti retinere: cum non nisi trecentas marcas nobis persoluerint, & sibi mille, vel amplius vsurparint. Vt igitur ius Ecclesiæ Romanæ seruetur illæsum, discretioni vestræ præsentium auctoritate districte præcipiendo mandamus, quatenus prius recipientes ab eis denarium ipsum, prout hæcenus exsoluerunt, & eos ad id, si necesse fuerit, per censuram Ecclesiasticam appellatione postposita compellenres, firmiter postmodum ex parte nostra iniungatis eisdem, vt residuum cum integritate persoluant. Non enim videmus, quo iure valeant se tueri, cum nec concessionē possint ostendere à Sede Apostolica factā, nec centenariā contra Romanā Ecclesiā præscriptionem probare, maxime si tempora schismatū subducantur. Si tamen de iure voluerint experiri, præfigaris eis terminum competentem, quo per responsales iudicos nostro se conspectui repræsentent, quidquid iuris super ijs habuerint ostensuri; protestatione præmissa, quòd si iudicio duxerint contendendū, nos quidquid hæcenus est subtrahū, in ipso iudicio repetemus. Datum Lateran. v. Kal. Febr. Pōt. N. Anno xvj.

EPISTOLA CLXXIV.

VT AB OMNIBVS INIURIIS VINDICENT.

Tusculan. Episcopo, Apost. Sed. Leg. Norwicen. & Vintonien. Episcopis.



VM quidā Pōtices, & Ecclesiarū Prælati de Anglia, qui à dilecto filio R. de Marisco iamdudum regijs obsequijs insudante in multis existimant se offensos, in quibus fortè culpabilis non existit, moliantur eidem, sicut accepimus, grauamina irrogare. Nos ipsi volentes super hoc paterna sollicitudine providere, fraternitati vestræ præf. auctoritate mandamus, quatenus, quoslibet molestatores ipsius,

ab eius indebita molestatione per censuram Ecclesiasticam appellatione postposita compescatis. Quod si non omnes, &c. Vos denique fratres Episcopi, &c. Datum Laterani v. Kal. Febr. Pont. N. Anno xvj.

EPISTOLA CLXXV.

EIVSDEM ARGUMENTI.

Tusculan. Episcopo, Apost. Sed. Leg.

ICET olim duxerimus providendum, ut clerici Angliæ, qui pro discordia inter sacerdotium, & regnum exorta excommunicationis fuerunt vinculo innodati, cum literis Venerabilis F. N. S. Cantuarien. Archiepiscopi, sanctæ Romanæ Ecclesiæ Card. rei veritatem plenariè continentibus, ad Apostolicam Sedem accederent absolutionis beneficium petituri: & dil. fil. R. de Marisco Clericus Regis sinè huiusmodi literis ad nostram venisse præsentiam dignoscatur; quia tamen non creditur id ex cōtemptu fecisse, sed eiusdem Regis potius urgente mandato, qui ad nos cum festinantia destinabat eundem, nolumus ut ea occasione ab aliquo molestetur: maximè cum ratiocinijs, & alijs regijs negotijs impeditus, facile non valeat super hoc denuò ad Sedem Apostolicam laborare: propter quod nos sibi de speciali gratia super præmissis fecimus beneficium absolutionis impendi. Ideoque fraternitati tuæ per Apost. script. mandamus, quatenus, si eundem propter hoc ab aliquibus contrigerit molestari, tu eos ab ipsius molestatione, monitione præmissa, per censuram Ecclesiasticam appellatione remota compescas. Tu denique frater Episcopo super teipso, &c. Datum Laterani, ut supra.

EPISTOLA CLXXVI.

APOSTOLICAM PROTECTIONEM INDVLGET.

R. de Marisco Archidiacon. Norumbria.

SACROSANCTA Romana Ecclesia, &c. usque, concurrentes assensu personam tuam cum omnibus bonis quæ impresentiarum rationabiliter possides, aut in futurum iustis modis præstante Domino poteris adipisci, sub B. Petri, & nostra protectione suscipimus, & præsentis scripti patrocinio communimus, ut donec te dignum reddideris, Apostolica valeas protectione gaudere. Nulli ergo, &c. nostræ protectionis, &c. Siquis, &c. Datum Laterani ij. Kal. Februarij, Pont. nostri Anno xvj.

EPISTOLA CLXXVII.

PRÆBendam IN ANTIOCHENA ECCLESIA MANDATARIO
ASSIGNARI PRÆCIPIT.

Patriarcha, & Capitulo Antiochen.



ONSTITVTVS in præsentia nostra dl. fil. I. Diaconus nobis humiliter supplicauit, quòd cùm in Antiochen. Ecclesia per notum annos, & ampliùs in regimine scholarum, & diuinis officijs fideliter seruiert, & deuotè, Diaconatus ordinem suscipiens in eadem, ipsum in Canonicum eiusdem Ecclesie recipi faceremus. Quia verò ei nò solum Venerabiles fratres nostri Patriarcha Hierosolymitanus, & Tripolitan. & Antaraden. Episcopi per literas suas, verùm etiam tu frater Patriarcha per tuas laudabile testimonium perhibeas: asserens quòd nisi propositum assumpsisset redeundi ad propria, cùm tibi frater Patriarcha, & vobis filij Capitulum, seruitium eius gratum esset non modicum, & acceptum, posset apud vos de facili beneficium adipisci. Cùm dignum sit, vt vbi laborasse dignoscatur, ibi pro labore stipendium consequatur. Deuotionem vestram rogandam duximus, & monendam per Apost. vobis script. mandantes: quatenus ob reuerentiam Apostolicæ Sedis, & nostram, necnon eiusdem præsentiam, ipsi recipiatis in Canonicum, & in Fratrem, ei stallum in choro, & locum in Capitulo assignantes. Alioquin Venerabili fratri N. Sidonien. Episcopo, & dl. fil. Priori S. Michaelis, & Cantori Tripolitan. damus nostris literis ip. mandans, vt vos ad id, nisi aliquid canonicum obuiet, per censuram Ecclesiasticam appellatione remota compellant. Tu denique frater Patriarcha super teipso, &c. Datum Laterani iv Kal. Febr. Pont. N. Anno xvj.

Illud scriptum est super hoc.

EPISTOLA CLXXVIII.

CRUCESIGNATOS AD NEGOTIVM FIDEI STRENTER PERAGENDVM
ADHORTATUR.

Grimaldo, & socijs suis Crucesignatis.



VM in Cruce Domini nostri Iesu Christi gloriarì oporteat Christianos, eis non deerit doloris materia, dum lignum salutiferæ Crucis, in quo salus mundi pependit, & æternæ mortis chirographum vita moriendo deleuit, sub manu tenetur hostili, sepulchro Dominici corporis glorioso, vteumque facto inglorio, & ab impijs prophanato: venerunt siquidem gentes in hereditatem Dominicam, & loca sancta proles polluit Chanaan. Sed cùm in Christo simus heredes, satis in publico nostrum si volumus videmus opprobrium, eò quòd hereditas nostra versa est ad alienos, & domus nostræ ad extraneos deueniunt: & sic nobis iniuriarum actiones abundant, cùm & Dominicas prosequi teneamur, & nostras obmittere minimè debeamus: ne in illo minus deuoti, & in nobis desides reputemur, si super hoc non exsoluerimus Domino debitum, & interesse neglexerimus.

nostræ fidei speciale. Præsertim cum, etsi utriusque causæ merita se contingant, utraq; tamē felices, & suos habet effectus, eò quòd in huiusmodi casu, causa Dei temporalis honoris commodum non excludit, & nostra æternæ gloriæ præmio non priuatur. Vnde feruenter, & prouidē currendum est in huiusmodi studio, ut talē possit brauium comprehendī; feliciter, & constanter est in hoc agone pugnandum, ut tantī præmij corona sequatur. Quapropter gaudere potestis in Domino vobis esse diuinitus, sicut credimus, inspiratum, ut vos ad tantī Regis deuoueritis obsequium, signo Crucis assumpto, in subsidium Terræ Sanctæ, ibi peregrinaturi pro Domino, vbi Rex regum, & Dominus dominantium dignatus est peregrinari pro seruis, ut eos supernæ patris ciues, & æternæ beatitudinis faceret coheredes. Eia igitur, viri prudentes, iactate in Domino cogitatum, & ipse dirigit gressus vestros, non in viribus vestris, siue prudentia, sed in illius potentia, & misericordia confidentes, qui currum, & exercitum Pharaonis proiecit in mare, gloriosus in sanctis suis, & in maiestate mirabilis, cuius verbo cæli firmati sunt, & cum imperat mari, & ventis cessat tempestas. Nec est vobis de aduersæ partis multitudine desperandum, si puro corde prælium Domini Sabaoth curaueritis præliari. Memores quòd in Gedeonis prælio sub breui satis numero suum Dominus restrinxit exercitum, & de inermis funda David emissi lapides armati Philistæi superbiam depressoerunt. Ceterum cum procedatis in Domino parate viam exercitui generali, ea remissionis, & immunitatis gratia volumus vos gaudere, quam in generalibus literis duximus exprimendam. Datum Laterani xv. Kal Martij, Pont. N. Anno xvj.

EPISTOLA CLXXIX.

VT CRUCESIGNATIS NAVIGIA COMMODENT.

Nobili viro Duci, & Consiliarijs Venetorum.



CUM in Cruce Domini, &c. ut supra, vsque, debeamus. Sanè dil. fil. Nobilis vir Grimaldus de Monte Silicis, & quamplures socij sui zelati Christianæ gentis honorem, humeris suis signo Crucis impresso se deuouerunt ad obsequium Crucifixi, Hierosolymam profecturi, vbi eidem sub Crucis vexillo militent Deo Regi, qui pro nobis triumphauit in Cruce. Verum cum ipsi non in viribus suis, nec virorum multitudine, sed in illius potentia confidentes, qui currum, & exercitum Pharaonis proiecit in mare, gloriosus in sanctis, & in maiestate mirabilis, proponant cum cautela procedere, ac parare viam exercitui generali, nobis cum multæ deuotionis instantia supplicarunt, ut cum nauigio egeant super hoc vobis scribere dignamur. Porro à tantī Regis obsequio manus vestra non debet esse remota, quoniam sic causa Dei agitur, quòd cuiuslibet fidelis commoditas geritur in hoc casu. Absurdum quoque videretur, & absonum, si prudens potentia, & potens prudentia vestra, quæ in multis temporalibus eminet, lateret, quòd absit, in negotio Iesu Christi, vbi dum temporale præstatur obsequium, æternæ felicitatis præmium expectatur. Eia igitur viri prudentes, & prouidi ad factum tam laudabile auxilij manum porrigite, ut prædicti Crucesignari pro competenti nauulo vestro nauigio transeant, vel de vestra licentia naues emanent à

Venetis; quibus valeant transfretare. Verum quia iacula impruifa plus nocent, transitus talium ante tempus in publicam deduci non debet notitiam, vt prælium Domini eò salubrius prælietur, quò minùs præscientiæ clypeo aduersarij fuerint præmuniti. Datum vt supra.

EPISTOLA CLXXX.

VT GRIMALDVM TERRÆ SANCTÆ DEFENSIONEM MEDITANTEM PRO VIRIBVS ADIVVENT.

Archiepiscopus, & Episcopus per Lombardiam, & Tusciam constitutis.



VAM laudabile, quàm pium, & fauorabile pro subsidio Terræ Sanctæ propositum lator præsentium Nobilis vit Grimaldus assumpserit, ipsius relatione poteritis edoceri. Cum igitur res sit digna fauore, immò dignissima; Vniuersitati vest. per apost. script. mandamus, quatenus habentes ad illum respectum, cuius caula specialius geritur in hoc casu, opem detis, & operam, vt vi. os inueniat secundum cor suum, cum quibus in diuinæ virtutis potentia, quod pio concepit proposito in subsidium Terræ Sanctæ, salubri persequatur effectu. Ceterum quia præuifa iacula minùs nocent, expedit vt quod idem vobis secretò retulerit, in publicam non deducatur notitiam ante tempus, vt dante Domino exequatur efficacius, quod intenditis, quò minùs aduersarij fuerint præmuniti. Vos denique fratres Archiepiscopi, & Episcopi. Datum Romæ apud sanctum Petrum xj. Kal. Martij, Pon. N. anno xvj.

EPISTOLA CLXXXI.

AD CONCILIUM VENIRE DETRECTANTEM OBIVRGAT; ET EVM SIMVL CVM ALIIS PRÆLATIS TERMINO COMPETENTI ADESSE IVBET.

Archiepiscopo Lundens. Apost. Sed. Leg.



INTER ceteta deuotionis obsequia, quæ tenentur Episcopi, & præcipuè Archiepiscopi sedi Apostolicæ tanquam matri fideliter exhibere, hoc vnum præcipuè debet esse, vt ad Concilium veniant euocati, ad quod Archiepiscopi iuramento præstito sunt astrikti. Vnde plurimum admiramur, quòd te super hoc excusare aliquatenus voluisti; cum etiam non vocatus deberes modis omnibus laborare, vt tam sancto Concilio interesses, ad quòd ex omni parte cum desiderio multo current Principes, & Prælati, & totius Cleri generaliter flos, & decus, vt tot, & tantos Patres conscriptos ad ædificationem suam videre valeant, & audire, ac meteantur esse participes orationum suarum, & bonorum omnium, quæ sancta Synodus duxerit statuenda. Non ascendi igitur in cor tuum, vel cuiusquæ Pontificis, aut Prælati, vt tam ignominiosam maculam in gloria sua ponat, quòd se à tanta solemnitate, ac opere sic necessario, & tam pio qualibet occasione subducant quia præter inobedientiæ culpam, & peccatum, indignationem Dei, & nostram, & confusionem incurreret, ac opprobrium sempiternum. Ideoque per Apostolica scripta

mandamus, & distictè præcipimus, quatenus tam tu præcipue, quàm ceteri Ecclesiarum Prælati per tuam prouinciam constituti iuxta primi mandati nostri tenorem, à Kal. Nouembr. proximo nunc fututis vsque ad annum, siue per mare, siue per terram quocumque modo poteritis ad Sedem Apostolicam venire pro viribus laboretis. Speramus enim in Domino, quòd interim ille qui potenter, impetat ventis, & mari, frementis freti fluctus sedabit, vt fiat optata tranquillitas nauigantibus, & inimicos reducet ad pacem, vt fiat iter agentibus via tuta. Ad hæc, quoniam consimiles literas venetabili F.N. Archiepiscopo misimus Vbfa-len. fraternitati tuæ per Apost. script. mandamus, quatenus ei, & suffraganeis eius distictè præcipias, vt vsque prædictum terminum quocumque modo poterint ad Apostolicam Sedem venire pro viribus elaborent. Sanè quia, vt asseris, ad Crucis negotium promouendum tibi non sufficit euectionum numerus nostris literis designatus, & vsque ad tricesimum numerum postulas licentiam tibi dari. Nos hoc tuæ conscientie duximus committendum, vt super hoc procedas, sicut videris expedire, Tu denique frater Archiepiscopo, &c. Datum Romæ apud sanctum Petrum ix. Kal. Martij, Pont. N. Anno xvj.

EPISTOLA CLXXXII.

INTERIM A METROPOLITANI SVBIECTIONE RIGENSEM
ECCLESIAM EXIMIT.

Rigensi Episcopo.



Cum in memoria hominum non existat Rigensem Ecclesiam alicui metropolitico iure subesse, volumus, & mandamus, vt donec in generali Concilio super hoc aliquid certum duxerimus statuendum, nulli tanquam Metropolitano interim respondere cogaris. Tu denique frater Episcopo super reipso, &c. Datum Romæ apud sanctum Petrum x. Kal. Martij, Pont. N. Anno xvj.

In eundem modum scriptum est ... Estoniensi Episcopo, pro Estonien. Ecclesia.

F I N I S.







[Faint, illegible text, possibly bleed-through from the reverse side of the page]

